





C. 13. b.

13-23. a. 28



3

7

PETRI  
GAMBACVRTÆ  
E SOCIETATE IESV  
COMMENTARIORVM  
DE IMMVNITATE ECCLESIARVM  
IN CONSTITVTIONEM

Gregorij XIV. Pont. Max.

LIBRI OCTO.

*Nunc primum in lucem prodeunt.*

Cum gemino Indice, Capitum, & rerum notabilium.



*Cons. S. M. b.*

*deScala Urbis.*



LVGDVNI,  
Sumptibus Iacobi Cardon & Petri Cauellar.

M. DC. XXII.

CVM PRIVILEGIO REGIS.

100

in 1940



# PRÆFATIO

A D

## LECTOREM.



**H**ABES hîc , LECTOR *candide* , *absolutos* , & *perfectiōne* *sua munitos* COMMENTARIOS de IMMUNITATE ECCLESIA RV M in Constitutionem GREGORII XIV. Pont. Max. quos Rev. P. PETRVS GAMBACVRTA , è Societate IESV , Vir in re legali minimè vulgaris , viuens conscripserat , posteritati sue reliētos. Illos , ut initio operis videntum , in OCTO Libros concinnè diuisit. quorum primo de Asylis Gentium atque Hebraeorum. I I. Vniuersa Constitutionis eius litera , & singulorum panè verborum explicatio. I I I. De institutione atque origine Immunitatis Ecclesiarum in lege Euangelica. I V. De confugis de Ecclesia extrahendis , carcerandis , & seculari curia tradendis , siue ad eamdem Ecclesiam remittendis. V I I. De personis Ecclesiasticis , earumque

rumque delictis. I I X. & ultimo de pœnis censuris-  
que in præsenti Constitutionis transgressores, foro Ec-  
clesiastico reservatis. In quibus enodandis Auctor  
hic multam & præclaram operam navasse iudican-  
dus est. At humanitus contigit, ut antequam hac  
ederentur, vir optimus è vita excessisset. Tibi igi-  
tur, si quid in illis desideres, adimplendum ingenuè  
permittimus. V A L E.



---

*Mutius Vitellescus, Societatis IESV Præpositus Generalis.*



VM opus cui titulus est, *Petri Gambacurta de Immunitate Ecclesiarum in Constitutionem Papa Gregorij XIII. Societatis nostra Sacerdotis*, tres eiusdem Societatis Theologi, quibus id commisimus, recognouerint, ac in lucem edi posse probauerint; facultatem concedimus, vt typis mandetur, si ita iis ad quos pertinet, videbitur. In quorum fidem has literas manu nostra subscriptas, & sigillo nostro munitas dedimus Romæ 9. Iulij 1621.

MVTIVS VITELLESCVS.

---

*Facultas R. P. Prouincialis Societatis IESV in  
Prouincia Lugdunensi.*



IOANNES FORERIVS Prouincialis Societatis IESV in Prouincia Lugdunensi, iuxta priuilegium eidem Societati à Regibus Christianissimis Henrico III. 10. Maij 1583. Henrico IV. 20. Decembris 1606. & Ludouico XIII. nunc regnante, 14. Februarij 1611. concessum, quo Bibliopolis omnibus prohibetur, ne libros ab eiusdem Societatis hominibus compositos, absque superiorum permissione imprimant: permittit IACOBO CARDON & PETRO CAVELLAT, Lugdunensibus Bibliopolis, vt librum hunc inscriptum: *Petri Gambacurta, e Soc. IESV, Commentariorum de immunitate Ecclesiarum in Constitutionem Gregorij XIV. Pont. Max. Libri octo.* ad sex primos annos imprimere, ac liberè diuendere possint. Datum Lugduni die 8. April. 1621.

I. FORERIVS.

---

*APPROBATIO THEOLOGORVM.*



OS infra scripti sacre Theologiæ Doctores fidem facimus, nos *Petri Gambacurta, e Soc. IESV, Commentariorum de immunitate Ecclesiarum in Constitutionem Gregorij XIV. Pont. Max. Libri octo* perlegisse, in quo nihil fidei orthodoxæ, Catholicæ, atque Apostolicæ contrarium animaduersum. Lugduni 3. Decembr. 1621.

FR. ROBERTVS BERTHELOT Episc. Damasci.

DE VILLE.


\* 3

R.D.D.

---

---


*R.D.D. Thomæ de Meschatin la Faye huius libri imprimendi facultas.*

 **HOMAS DE MESCHATIN LA FAYE**, Comes, Canonici, & Camerarius Ecclesiæ Lugdunensis, & Vicarius Generalis in Archiepiscopatu Lugdunensi : Opus inscriptum, *Petri Gambacurtæ, è Soc. I E S V, Commentariorum de Immunitate Ecclesiarum in Constitutionem Gregorij XIV. Pont. Max. Libri octo, vt in lucem edatur, facultatem concedo.* Lugduni 10. Martij 1622.

MESCHATIN LA FAYE.

---

*Summa Privilegij à Christianissimo Galliarum  
Rege concessi.*

 **VDOVICI XIII.** Galliz & Nauarræ Regis Diplomate sancitum est, ne quis in regno suo, alijsve locis ditioni suæ subiectis, intra decem annos, à prima editionis die computandos, excudat, vendat, excudendum, vendendumque quouis modo, & ratione curet librum, qui inscribitur, *Petri Gambacurtæ è Soc. I E S V, Commentariorum de immunitate Ecclesiarum in Constitutionem Gregorij XIV. Pont. Max. Libri octo*, præter **IACOBVM CARDON & PETRVM CAVELLAT**, Bibliopolas Lugdunenses, aut illos, quibus ipsimet concesserint. Prohibitum insuper eadem auctoritate Regiâ omnibus suis subditis, eundem librum extra regni sui limites imprimendum curare, vel quempiam, vbicumque fuerit, ad id agendum impellere, ac instigare, sine consensu dictorum **IACOBI CARDON & PETRI CAVELLAT.** Idque omne sub confiscatione librorum, alijsque pœnis originali Diplomate contra delinquentes expressis. Datum Parisiis die 24. Decembr. 1621.

*De mandato Regis,*

Signatum

THOMASSIN.

INDEX.





INDEX  
LIBRORVM, PARTIVM  
ET CAPITVM.

LIBER PRIMVS.

De Gentium asylyis, ciuitatibus refugiorum, templo, altarique  
Hebræorum, cæterisque qui ante Christum fuerunt, confu-  
giorum locis. pag. 1

CAP. I.



*E nomine ac  
definitione  
immunita-  
tis 2. 1*

2. De diuisione immunitatis; quo-  
tuplex illa sit, & penes qua su-  
menda distinctio sit. 3. 2
3. De qua immunitate in hoc toto  
commentario tractandum sit. 5. 2
4. Quæ sit in omni bene instituta  
republ. locorum refugij necessi-  
tas. 7. 1
5. Quanam fuerint apud diuersas  
gêtes loca immunitatis, siue im-  
punitatis. 10. 1
6. De origine & antiquitate im-  
munitatis statuarum atque ima-  
ginum. 14. 2
7. De origine atque antiquitate  
immunitatis templorum, alta-  
rium, sacrarumque locorum, tum

apud Gentes, tum apud Hebra-  
os. 20. 1

8. De diuinis præceptis circa ciuita-  
tes refugiorum traditis. 27. 1
9. An altare sanctuarij ac tem-  
pli apud Hebræos diuino præce-  
pto habuerit immunitatē. 35. 1
10. An asylia apud Gentes diui-  
no iure positio introducta fue-  
rit. 39. 1
11. An asylia sit iuris diuini na-  
turalis, seu iuris gentium. 41. 1
12. Quos in fines locorum sacrarū  
confugia, immunitatēque con-  
stituta sint. 49. 2
13. Quibus rationibus credendum  
sit inductas fuisse Gentes ad ius  
asylia facile recipiendum, ac ser-  
uandum. 52. 2
14. Quæ fuerint celebriora in or-  
dine asylia. 55. 1

15. Quæ

# INDEX CAPITVM.

15. *Qua genera personarum ad asyla confugere, quæve inde com-  
moda reportare cõsueverint.* 58.1
16. *An fuerit aliquando apud  
Gentes aliquis asylorum abusus.*  
61.1
17. *An & qua ratione cohibitus  
sit aliquando apud Gentes asylo-  
rum abusus.* 64.2
- uit, obfit Christiana reipubl. ad  
impunitatem delictorum, ut o-  
lim obfuit multitudo asylorum.*  
135.2
6. *Sitne immunitas Ecclesiarum di-  
uini iuris naturalis, an eidem iu-  
ri contraria.* 140.2
7. *An immunitas Ecclesiarum sit iuris  
diuini positiui, an merè humani.*  
145.1

## LIBER SECVNDVS.

Complectens breuem, & litte-  
ralem totius constitutionis  
declarationem. pag. 67

## LIBER TERTIVS.

De institutione atque origine  
immunitatis nostrarum Ec-  
clesiarum in lege Euangelica.  
pag. 112

CAP. I. *De duplici immunitate,  
civilis & ecclesiastica; & utrius-  
que causis, quibus constituuntur  
& distinguuntur.* ibid. 1

2. *Quotuplex sit immunitas eccle-  
siastica, & de qua nobis in hoc  
commentario agendũ sit.* 119. 1
3. *Immunitatem confugij Ecclesiis  
Christi multis nominibus debi-  
tam fuisse.* 124.2
4. *Immunitatem confugij omnibus  
ac singulis Christi Ecclesiis debi-  
tam fuisse.* 131.2
5. *An multitudo Ecclesiarum Chri-  
sti, qua ex deuotione populi Chri-  
stiani in infinitum pande excre-*
12. *An Imperator & supremi Prin-  
cipes potuerint concessum am-  
plissimum immunitatis Ecclesia-  
rum privilegium moderari, ac  
restringere.* 172.1
13. *Quid possint particulares re-  
gnorum leges, & in specie leges  
huius nostri regni Sicilia circa  
Ecclesiarum immunitatẽ.* 175.1
14. *Quid possit consuetudo cir-  
ca Ecclesiarum immunitatem.*  
180.1
15. *Quid possint Rom. Pontifices  
circa eandem immunitatem.*  
183.1

# INDEX CAPITVM.

16. *Cur Ecclesia & Rom. Pontifices cum per se possent immunitatem Ecclesiarum instituere, maluerint expectare, donec ab Imperatoribus deferretur.* 187.1
17. *An occurrente casu quo quis canonico iure caret immunitate possit Pontifex extra terras sui dominij, vel eius de latere legatus dare ei immunitatē.* 190.2
18. *Quibus rebus immunitas nostrarum Ecclesiarum præstet Gētilium ac Iudaorum immunitatibus.* 197.2
19. *Exhortatio ad Reges ac Principes Christianos, atque ad eorum curias, & ministros, ut immunitati Ecclesiarum deferant.* 200.1
4. *De aliis ecclesiastica immunitatis locis, hac constitutione expressis, monasteriis, domibus regularibus, vel secularibus, seu religiosiss.* 213.2
5. *De palatiis S.R.E. Cardinalium, & oratorum supremorum Principum.* 216.2
6. *De personis quibus locorum vice competis immunitas confugij, vel ratione sui, ut est persona Episcopi, vel ratione Eucharistiae quam deferunt.* 218.1

## PARS SECVNDA.

De his qui in Ecclesiis sunt ad immunitatem admittendi. pag. 220.1

CAP. 7. *An Iudai, Saraceni, ceterique infideles sint ad immunitatem in nostris Ecclesiis admittendi.* ibid.

8. *An Apostata à fide & hæretici ad immunitatem admittantur.* 225.1

9. *An blasphemi carcant immunitate.* 227.1

10. *An suspensi, excommunicati, & interdicti careant immunitate.* 229.2

11. *An clerici & religiosi pro suis delictis ac debitis, confugientes ad Ecclesiam ab ea defendendi sint.* 231.2

12. *Quæ personarum genera, & propter quas causas ad Ecclesias confugiendo ab eis defendantur.* 236.2

## LIBER QVARTVS.

### PARS PRIMA.

De locis quæ habent immunitatem. pag. 203.1

### DE ECCLESIA.

CAP. 1. *Quid nomine Ecclesia intelligendum sit, & qua eius spatia ad immunitatem prosint.* ibid.

2. *Num ex parte Ecclesie conditiones aliqua requirantur ut immunitatem habeant.* 207.2

3. *De cæmeterio & palatio Episcopi, an habeant immunitatem, & unde.* 211.1

# INDEX CAPITVM.

13. De seruis ad Ecclesias confugientibus, vt obtineat à dominis impunitatem. 238.2

14. An aliquo casu seruus ad Ecclesiam confugiens obtineat libertatem. 240.2

15. De obaratis confugientibus ad Ecclesiam. 247.1

16. De rebus capitalium, vel aliorum etiam criminum confugientibus ad Ecclesiam. 251.1

## PARS TERTIA.

De conditionibus necessario requisitis, vt cōfugientes ad Ecclesiam ad immunitatem admittantur. pag. 253.2

CAP. 17. An sit necessarium ad immunitatem obtinendam arma deponere, vt nisi ea deponat, ab Ecclesia non defendatur. *ibid.*

18. An sit necesse ad immunitatem consequendam vt confuga ad Ecclesiam perueniat liber à potestate, ac manibus curia. 256.2

19. An carceratus emissus è carcere sub iuramento redeundi, confugiens ad Ecclesiam sit ad immunitatem admittendus. 259.1

20. An ipsemet carcerarius, qui carceratum dimisit è carcere, accepto ab eo iuramento redeundi, si ille ad Ecclesiam confugiat, teneatur ei seruare im-

munitatem. 264.2

21. An ex parte loci sacri necessaria conditio sit, vt confuga illum ingrediatur ad immunitatem consequendam, an vero sit satis eum attigisse. 266.2

## PARS QUARTA.

De commodis & priuilegiis immunitatis Ecclesiarum. pag. 269.1

CAP. 22. Quae commoda consequantur confugientes ad Ecclesiam locaque sacra ex immunitatis huius priuilegio. *ibid.* 2

23. Cur nullus penè confuga his commodis, vel eorum aliquo fruatur. 278.1

24. De praxi seruanda per Ecclesiarum clericos ac Praelatos, cum quis ad eorum Ecclesiam confugit. 281.2

25. De praxi seruanda per Episcopos & praelatos superiores in casu confugij ad Ecclesias. 285.1

26. De praxi seruanda per satellites ac ministros curiae secularis erga confugas, & clericos Ecclesiarum. 288.1

## PARS QUINTA.

De processu curiae secularis contra eos qui ad Ecclesias confugerunt. 293.1.

CAP.

# INDEX CAPITVM.

CAP. 27. De processu curia secularis contra oboatos, & civiles debitores. *ibid.* 2

28. Quomodo procedendum sit per curiam secularem contra reos criminum habentium adnexam pœnam confiscationis bonorum, vel aliam pecuniariam pœnam confugientes ad Ecclesiam: quibus immunitas debetur. 296. 1

29. Quomodo secularis curia procedat contra alios reos criminum confugientes ad Ecclesiam, quibus immunitas competit. 297. 1

30. An clerici Ecclesiarum teneantur reis criminum impetrare pacem, vitam ac membra, & iudices seculares teneantur ea concedere, & reus teneatur exire. 300. 2

31. An Prælati, seu iudex ecclesiasticus in delictis pertinentibus ad forum ecclesiasticum possit extrahere de Ecclesia inuitos, & punire. 307. 2

32. An possit infligi pœna seruienti parti læsa. 310. 1

33. Quenam alia pœna reis ad Ecclesias confugientibus possint per iudices laicos infligi. 312. 2

34. An possint iidem reos confugientes ad Ecclesiam damnare ad pœnam fustigationis, vel ad treremes. 315. 2

35. An reus qui ad Ecclesiam confugit possit damnari ad carceres

vel in perpetuum, vel ad tēpus. 317. 1

## LIBER QVINTVS.

De casibus ab immunitatis iure exceptis tam iure antiquos quàm præsentis constitutionis §. 6. pag. 319

### PARS PRIMA.

De casibus solo antiquo iure, vel consuetudine à priuilegio immunitatis exceptis. *ibid.* 2

CAP. 1. An deceat, vel necesse sit à priuilegio immunitatis Ecclesiarum excipere aliquos casus. *ibid.*

2. Quæ sint attendenda Rom. Pontifici ad excimendos casus ab immunitatis priuilegio. 321. 2

3. Quid sit censendum, aut usu ac praxi recipiendum de casibus civili authenticorum iure expressè exceptis ab immunitatis priuilegio. 324. 1

4. An homicida ex præposito & per insidias antiquo iure caruerit immunitate. 329. 2

5. De aliis casibus antiquo iure can. exceptis ab immunitatis priuilegio. 335. 2

6. An fuerint aliqui casus in quibus ante hanc constitutionem reus de consuetudine carebat immunitate Ecclesiarum. 338. 2

\* \* 2 7. An

# INDEX CAPITVM.

7. *An praesenti horum octo casuum expresse intelligendi sint reuocati alij omnes casus in iure expressi, de quibus haecenus disputatum est.* 339.2
8. *An casus consuetudine obseruati extrahendi reos de Ecclesiis hac constitutione non expressi intelligendi sint per eam reuocati.* 344.1
9. *An ampliaciones inris factae per communem consensum doctorum ad casus non ita clare in iure expressos hac constitutione reuocentur.* 346.1
10. *Cur Pontifex additurus hac constitutione novos casus, prater eos qui in iure habebantur, non numerauit omnes casus in iure expressos, sed aliquos tantum.* 350.1
14. *An insidia ad quemlibet horum trium casuum pertineant, & ad priuandum immunitate necessario requirantur.* 359.2
15. *Quid sit agendum si horum aliquis, nempe publicus latro, viarum grassator, aut populator agrorum ad Ecclesiam confugiens excipiat se non esse talem.* 362.1

## PARS TERTIA.

De quarto casu ab immunitate excepto, hoc est, de delictis in Ecclesiis, earumve caemeteriis commissis. pag. 365.1

CAP. 16. *Quantum habeant momenti tres rationes adductae in cap. fin. de immunitate Ecclesiarum. ibid.2*

## PARS SECVNDA.

De tribus primis casibus à priuilegio immunitatis exceptis publici latronis, grassatoris viarum ac depopulatoris agrorum. pag. 352.1

CAP. 11. *De primo casu ab immunitatis priuilegio excepto, hoc est, de publicis latronibus. ibid.*

12. *De secundo casu, hoc est, de grassatoribus viarum seu strataris. 354.2*

13. *De tertio casu, hoc est, de agrorum depopulatoribus, siue nocturnis, siue diurnis. 358.1*

17. *De homicidijs & membrorum mutilationibus in Ecclesiis, aut caemeteriis commissis. 371.2*

18. *An alia grauiora delicta in Ecclesia commissa, eim immunitate carere censenda sint. 376.1*

19. *An delinquens prope Ecclesiam atque in alijs immunitatis locis, careat immunitate, sicut qui delinquit in ipsa Ecclesia. 380.2*

20. *Vnde sumatur in genere grauitas, vel leuitas delictorum, ut admittantur, vel excludantur ab immunitatis priuilegio. 384.1*

# INDEX CAPITVM.

21. *Quanam delicta in specie apud doctores iurisque peritos graua, vel leuia censeantur.* 389.2
22. *Quibus ex pœnis graua delicta a leuibus dignosci possint in ordine ad excludendum ab immunitate eos qui illa in Ecclesiis committunt.* 393.1
23. *An motus ira in totum excuset, vel alienet delictum ex eo procedens in Ecclesia commissum, ut seruanda sit illi immunitas.* 396.2
24. *Quomodo debeant delicta committi in Ecclesia ut priuent immunitate, an ex parte agentis simul & patientis, an verò satis sit ex parte alterius tantum.* 403.1
25. *Quibus casibus mandans homicidium, vel mutilationem in Ecclesia priuetur immunitate.* 406.2
26. *An delicta in Ecclesia commissi priuent solum immunitate illius Ecclesie, & quoad illa solum delicta, an verò omnium Ecclesiarum, & quoad omnia alia delicta.* 411.2
27. *Quot modis homicidium dicatur proditorium, & an omne proditorium careat immunitate.* 416.1
28. *Quot modis homicidium dicatur proditorium, & an omne proditorium careat immunitate.* 417.1
29. *Sitne idem occidere proditoris atque occidere per insidias.* 420.2
30. *An in homicidio insidioso ac proditorio satis sit attentatum ad priuandum immunitate, id est, voluntas cum conatu, non secuta morte.* 421.2
31. *An si homicidium proditorium ab insidioso distinguere possit hac constitutione, quæ solum proditorium expromit, reuocari dispositione cap. 1. de homicid. quæ de insidioso loquitur.* 423.2

## PARS QVINTA.

De sexto casu ab immunitatis priuilegio excepto, nempe de Assassinis. pag. 428.1

CAP. 32. *Quid & quotuplex sit assassinium.* ibid.2

33. *An utrique assassinij generi debeantur cùm cetera pena cap. 1. de homicid. lib. 6. tum priuatio immunitatis.* 431.1

34. *An dispositio presentis constitutionis quatenus de assassinis simpliciter loquitur, regulanda sit iuxta dispositionem c. 1. de homicid. lib. 6.*

## PARS QVARTA.

De vero casu ab immunitate excepto, nempe de homicidio proditorio. pag. 415.2

CAP. 27. *Quis sit propriè proditor, quod delictum proditorium, & quot modis dicatur pro-*

# INDEX CAPITVM.

## PARS SEXTA.

De septimo casu ab immunitatis priuilegio excepto, hoc est, de reo hæresis. pag. 438.2

CAP. 35. *Quanam ad crimen hæresis requirantur.* 439.1

36. *De triplici hæresi, una purè mentali, alia purè exteriori, tertia mediâ, qua utraque constat.* 441.2

37. *Qua externa signa hæresis in mente concepta requirantur, ut quis incurrat penas, & pro hæretico habeatur in foro exteriori.* 444.1

38. *Quid si quis non propter hæresim tanquam hæreticus, sed propter suspicionem hæresis quaratur? Admittendusne eris ad immunitatem Ecclesiæ, an non? Itémque de credentibus hæreticorum.* 447.1

39. *Quo iure crimen hæresis careat & carnerit olim immunitate Ecclesiarum.* 450.1

## PARS SEPTIMA.

De ultimo casu ab immunitatis priuilegio excepto, hoc est, de reo læcæ maiestatis in personam Principis. pag. 451.1

CAP. 40. *Quibûsnam hodie competat maiestas.* ibid. 2

41. *Quot modis committatur crimen maiestatis.* 454.2

42. *Quæ leges, qui iudices, quæ pænæ fuerint apud Romanos de crimine maiestatis.* 460.1

43. *An reus maiestatis olim admitti consueuerit ad Ecclesiæ immunitatem.* 464.2

44. *Quanam maiestatis crimina hoc nouo iure expressum sit carere priuilegio immunitatis.* 468.1

## LIBER SEXTVS.

De extrahendis de Ecclesiâ, carcerandis & seculari curiæ tradendis, seu ad eandem Ecclesiâ remittendis confugis criminum reis. pag. 476

## PARS PRIMA.

De confugis criminum reis ex Ecclesiâ extrahendis & carcerandis. 477.1

CAP. 1. *An ante hanc constitutionem, cum dubium eras an reus qui ad Ecclesiâ confugerat, immunitas deberetur, carcerari consueuerint.* ibid. 2.

2. *Quinam confugientes ad Ecclesiâ, quando & an pro clerico, extrahendi sint & carcerantur.*



# INDEX CAPITVM.

cerandi iure nouo presentis constitutionis. 481.1

3. De duplici extractione reorum de Ecclesia, & carceratione, vna ad ponendum eum in tuto donec de causa immunitatis cognoscatur; altera ad procedendum contra eum ad poenam, an utraque modo locum habeat. 485.1

4. An quilibet rei criminum confugientes ad Ecclesiam requirente curia seculari extrahendi sint, & ad carcerem hac constitutione designatum ducendi. 487.1

5. Ad quem pertineat extrahere de Ecclesia reos, cum vel constet notorie non deberi immunitatem, vel est dubium an eis competat tã antiquo, quàm nouo iure presentis constitutionis. 489.2

6. Quo carcere carcerandi sint rei, qui de Ecclesia extrahantur dũ de causa eorum immunitatis cognoscitur. 495.1

7. Quid sit agendum si secularis curia ministri ad suum, non ad curia ecclesiastica carcerem, etiam ubi distinctus habetur, huiusmodi reum ducunt. 498.2

## PARS SECVNDA.

De cognitione causæ immuni-

tatis cùm quæritur an reo, qui ad Ecclesiam confugit, debeat immunitas. pag. 502.1

CAP. 8. Quis fuerit olim iudex legitimus in causa immunitatis ad quæ pertinuerit in dubio de ea cognoscere, deberetur ne reo, an non, secularis, an ecclesiasticus. ibid.

9. Iure nouo presentis constitutionis hanc cognitionem de causa immunitatis ad Episcopos pertinere, eiusque sententia standum esse à reo. 508.1

10. An soli Episcopi, & superiores prelati, an etiam inferiores prelati Ecclesiarum & monasteriorum possint virtute huius constitutionis de immunitatis causa cognoscere. 512.2

11. An legati sedis Apostolica siue nati, siue missi, siue de latere possint hoc nouo iure in sua legationis prouinciis cognoscere de causa immunitatis. 515.1

12. Quomodo causa immunitatis committatur Episcopis tanquam ordinariis, an tanquam delegatis sedis Apostolica. 522.2

13. Quis sit Episcopus vicinior loco nullius diœcesis, ad quem ex eo loco recurrendum est in causa immunitatis. 524.2

14. An

# INDEX CAPITVM.

14. *An quando ita notoriè constat reum commississe aliquod horum delictorum, ut nullus sit tergiversandi locus, necessarium sit Episcopo hanc instituire cognitionem ad tradendum illum curie seculari.* 527.2
15. *Quæ cognitio sit Episcopo necessaria ad tradendum reum curie seculari.* 537.2
16. *Quid faciendum sit Episcopo, cum vel ipsemet, vel persona ab eo deputata per huiusmodi summariam cognitionem non format conscientiam nisi dubiam, num commiserit reus aliquod huiusmodi delictorum.* 541.2
17. *An reus qui ad Ecclesiã confugerat, & cui interdicta est hoc nouo iure appellatio, si grauetur ab Episcopo possit appellare, & quid eius appellatio operetur.* 559.1
18. *Ad quem iudicem, siue superiorem appellandum sit, siue reus, siue actor, aut fiscus in hac immunitatis causa velit appellare, & uniuersè quando remota est appellatio.* 563.1
19. *Qui sint intelligendi casus, in quibus in iure indulgetur appellare, ut in his valide appelletur, etiamsi remota sit appellatio.* 566.1
20. *An iudex ad quem appellatur, in casu quo appellatio est remota, teneatur appellationem rationabilem admittere, grauenam emendare, & si id sit notorium declarare nullitatem.* 568.1
21. *An remota reo appellatione tam in hac causa immunitatis, quàm in aliis causis intelligenda sit remota etiam iudicis recusatio.* 569.2

## PARS TERTIA.

De remotione appellationis in causa immunitatis Ecclesiarum. pag. 545.1.

C A P. 17. *Ad quos pertineat hac appellationis remotio, seu quàm prohibeantur in casu immunitatis appellare.* ibid.

18. *An hac clausula, omni appellatione postposita, neget omnem omnino appellationem non modò frustratoriam, & inanem, sed etiam rationabilem, ac iustam.* 547.2

19. *Quàm appellationis effectus remoueantur, qui verò maneant, quando appellatio re-*

## PARS QUARTA.

De reis criminum, quibus immunitas Ecclesiarum nõ competit, seculari curiæ tradendis, ac consignandis. pag. 575.1

CAP. 25,

# INDEX CAPITVM.

CAP. 25. *Qua sint seruanda in tradendis consignandisque reis curia seculari. ibid.*

26. *Qua sint facienda praelatis personisque ecclesiasticis, quando reos consignant curia seculari ad vitandam irregularitatem. 576.2*

27. *An reus de mandato Episcopi traditus curia seculari, si in processu causa non conuincatur de qualitate delicti, ratione cuius ab immunitate exclusus est, aut ne de delicto quidem, possit aut debeat denuo postulare sibi immunitatem seruari, & illi seruanda sit. 581.2*

## LIBER SEPTIMVS.

De confugientibus ad Ecclesias propter causas ecclesiasticas, personisque ecclesiasticis ob quauis delicta confugientibus ad easdem; de quibus disponit Pontifex constitutionis istius §. nono. pag. 583

## PARS PRIOR.

De confugientibus ad Ecclesias propter causas, delictaque ecclesiastica, & in specie propter hæresim. ibid.2

CAP. 1. *An dispositio §. 7. & 8. de reis criminum §. 6.*

*expressorum consignandis curia seculari locum haberet in crimine hæresis, nisi hoc §. nono contrarium exprimeretur. ibid.*

2. *Quid intelligendum sit per crimen hæresis, cuius tota cognitio ad ecclesiasticum forum dicitur pertinere, solane hæresis, an etiam suspicio & crimen credentium, & quorum aliorum. 587.1.*

3. *Quid faciendum sit de hæretico propter crimen hæresis confugientibus ad Ecclesiam ante condemnationem. 589.1*

4. *Quid sit faciendum si hæreticus obstinatus, vel relapsus posteaquam curia seculari relictus est, ad Ecclesiam casu aliquo deferatur. 591.1*

5. *De confugientibus ad Ecclesias propter alias ecclesiasticas causas & delicta. 595.2*

6. *Quid in causis & delictis ecclesiasticis, & mixtis agendum sit, an iudex secularis de eis se intromittere ordinariè possit. 601.2*

7. *De quibusdam regulis ad dignoscendum ad ecclesiasticum ne, an secularem iudicem spectet causa siue principalis, siue incidens qua spiritalis videtur, siue connexa spiritali. 605.2*

8. *An aliquando, seu aliquo casu possit curia secularis de*

\*\*\*

iure

# INDEX CAPITVM.

- iure procedere in criminibus,  
causisque ecclesiasticis, & contra  
ecclesiasticas personas. 609.2
9. De maioribus causis ecclesiasticis soli Rom. Pontifici rescriptis. 611.1

## PARS POSTERIOR.

De personis ecclesiasticis confugiētibus ad Ecclesias. pag. 613.1

- CAP. 10. *Qua sint persona ecclesiastica, de quibus laica curia non potest se intromittere. ibid.*
11. *De clericis in minoribus constitutis uxoratis, aliisque personis qua ratione clericatus gaudent foro ecclesiastico, an sint dicenda persona ecclesiastica. 616.2*
12. *De iis quibus ratione religionis competit forum ecclesiasticum, quoniam horum sint persona ecclesiastica, & hoc §. protegantur. 612.2*
13. *Quibus casibus clerici in minoribus constituti perdant privilegium fori ecclesiastici. 626.1*
14. *Quibus in casibus clerici constituti in sacris perdant privilegium fori. 631.2*
15. *Quibus casibus religiosi perdant privilegium fori ecclesiastici. 639.1*
16. *An presentis constitutionis*

*dispositio quoad formam in ea traditam casusque de nouo additos pertineat ad clericos & religiosos. 642.2*

17. *Quid sit agendum in casibus quibus clerici & persona ecclesiastica, & immunitate carent, & fori privilegio. 645.2*

## LIBER OCTAVVS.

De ecclesiasticis censuris, & poenis latis, & ferendis contra presentis constitutionis transgressores, de quibus sermo habetur §. 10. pag. 648

CAP. 1. *Qua sint in iure pena constituta in violatores huius immunitatis confugij, siue laicos, siue clericos extrahentes confugas de Ecclesiis in casibus non permisis. ibid.2*

2. *De aliis poenis de nouo additis in §. 10. presentis constitutionis, & quo modo dispositio d. §. 10. intelligenda sit. 652.2*
3. *An pena contra violatores libertatis, iuris, atque immunitatis ecclesiastica hac constitutione declarata contra transgressores presentis constitutionis intelligenda sint de latis contra violatores libertatis, iuris & immunitatis vniuersalis*

# INDEX CAPITVM.

- lis tantum , an etiam particul-  
laris. 656.1
4. *An omnes pœna tam com-  
minatoria, quam lata sententia  
constituta contra violatores li-  
bertatis , iuris atque immuni-  
tatis ecclesiastica virtute præ-  
sentis clausula intelligenda sint  
lata sententia contra violatores  
huius constitutionis.* 658.1
5. *De censuris ac pœnis in iure  
latis contra violatores liber-  
tatis , iuris & immunitatis  
ecclesiastica , quas incurrunt  
transgressores huius constitu-  
tionis.* 659.2
6. *De quadam alia pœna iuris  
antiqui constituta sacerdoti, si-  
ue æconomio Ecclesiæ , ad quam  
quis confugit , nisi acceptis sa-  
cramentis impunitatis eum con-  
signaret.* 664.2
7. *An pœna præsentis §. lo-  
cum habeant solum in laicos  
officiales ac ministros curiæ,  
an etiam contra partes priua-  
ta auctoritate violatores im-  
munitatem , & transgredi præ-  
sumentes hanc constitutionem.*  
667.2
8. *An clerici & persona eccle-  
siastica pœnas præsentis consti-  
tutionis incurrant , si priuata  
auctoritate violent immunita-  
tem.* 670.1
9. *An Ecclesiarum prælati , &  
Episcopi transgrediendo præ-  
sentis constitutionis dispositio-  
nem incurrant censuras , &  
pœnas hoc §. extensas.* ibid.2
10. *Propter quam transgressionem  
huius constitutionis ministri cu-  
riæ secularis incurrant has cen-  
suras , ac pœnas.* 674.1
11. *Propter quam præsentis con-  
stitutionis transgressionem E-  
piscopi , & Prælati ecclesiasti-  
ci incurrant huius §. censuras  
ac pœnas.* 678.1
12. *An ministri curiæ secularis  
extrahentes , & prælati maio-  
res dantes licentiam extrahen-  
di reos in aliis casibus hic non  
expressis incurrant censuras , ac  
pœnas huius constitutionis.* 685.2
13. *An ad incurrendas huius  
constitutionis censuras & pœ-  
nas requiratur actus comple-  
tus , an verò sufficiat assenta-  
tum.* 687.2.

F I N I S.

\*\*\* 2

PETRI



PETRI  
GAMBACVRTÆ  
E SOCIETATE IESV  
COMMENTARIORVM  
DE IMMUNITATE ECCLESIARVM  
IN CONSTITVTIONEM  
*Gregorij XIV. Pont. Max.*  
LIBER PRIMVS.

*De Gentium aſylis, ciuitatibus refugiorum, templo, altariſque  
Hebræorum, cæteriſque, qui ante Chriſtum fuerunt,  
confugiorum locis.*

PROŒMIUM.



NEQVAM, ſiue  
ad Gregorij XIV.  
conſtitutionē, ſi-  
ue ad ipſius im-  
munitatis noſtra-  
rum Eccleſiarum  
tractationem aggrediar, præmit-  
tendus viſus eſt hic primus liber  
de aſylis Gentium, atque Hebræo-  
rum, vt totus iſte liber ſit quod-  
dam præmiū ad futuram tra-

ctationem de immunitate noſtra-  
rum Eccleſiarum, eiſdēque im-  
munitatis, quali antemurale, ac fir-  
mum quoddam, ſtabileque propu-  
gnaculum, & futuroꝝ commenta-  
tiorum principium, ac funda-  
mentum: vt hoc primo tractatio-  
nis ingreſſu abunde ſuppetat, vn-  
de & aduerſarij catholicæ noſtræ  
fidei, qui aduerſus noſtrarum Ec-  
cleſiarum immunitatem obtrahant,

*P. Gambac. de immunit. Eccl.*

A. conuiſ.

cōvincantur, & Christiani, catholicique omnes, præsertim verò principes, & eorum curiæ sæculares ad eandem immunitatem libenter propòque animo seruandam inducuntur: vt cùm vtrique palàm cognouerint, ac penè oculis perspexerint in hoc primo libro tantam eiusdem generis, aut etiam maiorem immunitatem ab antiquissimis longè ante Christum temporibus viuentis adhuc Noë tam libentibus animis, tanta facilitate, ac promptitudine receptam, tam breui tempore per vniuersum orbem diffusam; tam honorificè in omnium opinione incedisse, tantavbiq; religionè semper obseruatam, ad nostras Ecclesias inde derivatam fuisse, quæ longè præstantiores sunt non modò dæmoniorum alylis, sed & illo ipso vmbra-tili templo Iudæorum, neque fidei hostes eam calūnnientur (vt in similibus solent) tånque nouum catholicorum inuentum ad peccandi libertatem, impunitatemque peccantium excogitarum; & catholici Principes, ac magistratus, omnesque Christiani populi illam ad veri Dei honorem, sacrorumque locorum reuerentiam deuotè venerentur, ac seruent, ne minus ipsi religiosi sint erga verū Deum, quàm erga sua idola, ac dæmonū domicilia gentes fuisse cognoscunt.

*De nomine, ac definitione immunitatis.*

CAPVT I.

1. **I**MMUNES eos vocat Tullius, qui sunt à pendendis vectigalibus liberi; nam & in actionibus in

*Vicem*, ciuitates immunes dicunt, quæ nihil pensant, & in quadam epist. immunes vocat agros, ex quibus nihil reip. soluitur, vnde & lib. officiorum 1. immunes vectigalibus opponens, succenset Romanis, quòd piratas immunes, socios vectigales haberent, & in 1. in Antonium, immunitatem dare pro eo pònit, quod est ius immunitatis concedere, atque à pendendis vectigalibus eximere; & contra Rullum immunitia commodiore conditione esse vult quàm ea quæ pensant. Hæc frequens est apud eum vocis huius vsurpacio; quamuis & pro vacatione à muneribus interdum eadem voce vsus sit, vt in orat. pro Fonteio falsum esse attulit pro vacatione pretium datum esse, cùm nemo immunis fuerit, hoc est, vacauerit ab officio.

Si verò prisca Latinæ linguæ obseruatoribus, qui indagandis Latinarum vocum proprietatibus seruid, ac diligenter incubuere, fides habenda sit, amplior eiusdem vocis significatio apparebit. Festus enim lib. 9. & 11. Romanarum antiquitatum, & Nonius Marcell. lib. de proprietatibus sermonis, immunitem à mune dictum putantes, vt immunis sit quasi emunis, seu non munis, munemque officiosum hominem appellantes, siue his officiis in republica exerceendis, siue debitis vectigalibus persoluendis, siue personalibus oneribus subeundis, erga rempublicam officiosus, munisque sit. Libertatem ab his omnibus, & singulis immunitatem vocant, vt siue immunem Latine vocemus, addita muni præpositione negatiua in; siue cum Canonistis post Innocentium in rubrica de immunit. Eccles. emunem dicamus, addita,



3. dita e, præpositione exclusiua quasi extra munia immunis sit, qui est ab illo triplici onere liber, vt neque munus aliquod in republica tenèatur obire, neque vectigalia soluere, neque personalia onera subire. Quæ vox interdum secundum subiectam materiam, de qua est sermo, etiam limitatè pro libertate ab aliquo illorum trium muniũ sumenda est, vt cum immunes agros dicimus, à vectigalibus, cum verò de officiis, ac publicis muneribus loquētes aliquem immunem euasisse dicimus, liberum.
4. à muneribus intelligamus. Neque verò his finibus arctata hæc vox censenda est, sed eò vsque ampliata vsu, atque vsurpatione scribentium, vt libertas à re qualibet onerosa, ingrata, molesta nobis, ac graui, atque omnis pœnæ cuiuslibet euasio immunitas vocari consueuerit: vt quisquis horum aliquid euadit, immunis ab eo euasisse dicatur: vt si grassante peste, ea non tangatur, immunis à peste; si commeritum pœnæ euadat, immunis à pœna; si à gerendo magistratu liberetur, immunis ab officio euasisse dicatur.
5. Hinc fit, vt immunitatem dare sit ab oneribus, quibus aliquis tenebatur, eximere, immunitas verò data propriè sit ius ipsum, seu priuilegium exemptionis ab oneribus, libertas etiam, seu liberatio à quibuscumque malis.
6. Hæc notio est, siue ratio vocis huius *immunitas*; quæ nominis ratio licet interdum in grauium rerum tractatione tanquam leuior contemnatur, nonnunquam tamen magnificienda est, cum ad ipsius rei, quæ agendum est, occultam naturam, definitionemque inue-

stigandam conducit, sicut hoc loco ad definitionem non modò conducit, sed quasi manu ducit, atque introducit. Ex his enim, quæ dicta de vocis notione sunt, immunitatis definitionem rectè assignauerimus, dicentes, immunitatem propriè esse libertatē quandam, exemptionemque, seu ius libertatis à vectigalibus pendendis, ab officiis ac muneribus in republica exercendis, ab oneribus personalibus subeundis; amplè verò esse libertatem à quacunque pœna, incommodo, damno.

*De diuisione immunitatis; quæ simplex illa sit, & penes quam sumenda distinctio sit.*

## CAPVT II.

**D** I V I S I O N E M porro immunitatis multiplicem penes multa, quæ in ea attenduntur, accipere possumus; si enim causam efficiētem à qua immunitas procedit intueamur, alia est immunitas, quæ conceditur à Principe seculari, quatenus Princeps secularis est: vt est immunitas concessa militibus; alia à Principe Ecclesiastico, puta Romano Pontifice quatenus Pontifex est, vt quæ propria est ordinis clericalis. Quæ duæ immunitates amplissimæ esse possunt pro amplitudine vtriusque potestatis; & quoniam quilibet potest liberare quemcumque sibi quaquaratione subiectum, ab onere istius subiectionis; ideo potest quilibet immunitatem aliquam concedere maiorem, vel minorem pro qualitate, & amplitudine iusis quod in

A 2 alium

alium vel alios habet, etiam priuatus priuato.

3. Si verò attendamus subiecta, quibus immunitas conceditur, triplex immunitas distingui potest, localis, realis, ac personalis: localis immunitas est quæ locis conceditur, realis quæ rebus ipsis bonisque quæ possidemus, personalis demum, quæ conceditur personis.

4. Localis immunitas multiplex est; quedam enim est immunitas cōcessa loco, puta agro fructifero, vel ciuitati à vestigialibus pendendis; quedam verò est immunitas concessa loco, vt nullus ibi capi, constringi, puniri possit, neque inde extrahi ad pœnam, vt fuit Asyria apud Gentes. Apud Iudæos refugiorum ciuitatibus idem ius competebat erga inuoluntarium, & casualem occisorem, nostris Ecclesiis, ne vllus omnino inde extrahatur, vel ibi malè habeatur, vt suo loco dicemus. Cuidam templo ad ostiū Nili Canopium alia immunitas concessa erat, vt serui omnes, qui illuc confugissent, acceptis sacris notis seruitute eximerentur, ac liberi essent.

5. Panormitanæ ciuitati concessa immunitas est per serenissimos reges catholicos, vt eius ciues immunes sint à prosecutione fisci, ne possit fiscus contra eos agere principaliter; concedi autem soler ciuitatibus aliqua immunitas propter eius in Principem merita, siue quia eius ciues fortiter, & cum grandi damno; ac periculo pro ipso Principe dimicarunt; siue quia coniurantibus aliis, pro illo fortiter steterunt; siue quia illum pecuniis iuuerunt in bello.

6. Vocatur autem localis hæc immunitas, non quia non ad personas

pertineat, sed quia primò directè, atque immediatè loca ipsa concernit, & per ipsa loca ad personas etiam deriuatur.

Realis immunitas est quæ rebus ipsis indulgetur, iumentis, bobus, curribus, cæterisque similibus, ne ad publicas necessitates cogi possint, quibusdam etiam fructibus, ne de eis vllum vestigial solvatur, qua immunitate gaudent in Sicilia malogranata, propter coronæ, quæ gestant, reuerentiam: ira immunita sūt à vestigialibus bona omnia clericorum, siue patrimonialia, siue beneficalia. Hæc, sicut superior, res per se primò respicit quatenus tales vel talium sunt, in personarum tamen commodum cedit, quarum eæ res sunt.

Personalis immunitas est quæ personas per se primò, ac directè respicit, siue alicui priuatæ personæ propter sua in temp. merita, siue toti alicui familie, aut ordini hominum concedatur. Cuiusmodi est immunitas ab angariis, perangariis, cæterisque personalibus oneribus in republica subeundis; eiusdem ordinis est immunitas concessa Doctoribus tam in Medicina, quàm in iure à custodia muros civitatis propter imminens bellum. Immunitas etiam à tributis, seu impositionibus quibusdam impositis super personis, vt est capitatio, qua pro singulis capitibus, vel personis aliquid pendendum est; qualem vidi aliquando in quibusdā Apuliæ urbibus. Eiusdè rationis est immunitas fori clericorum, ac personarum ecclesiasticarum, vt non possint cognosci, nec teneantur, imò nec possint respondere apud laica tribunalia: immunitas familie Episcoporum; immuni

- munitas fori officialium, ac familiarium sancti Officij Inquisitionis, de quorum causis non potest, nisi per Inquisitores cognosci, paucis quibuldam casibus exceptis. At
11. quoniam personæ mobiles sunt, ideo immunitatem suam secum ferunt ad ea omnia loca, quæ subsunt iurisdictioni concedentis; nisi ipse concedens eam ad certa loca restringat. Exempli gratia, immunitas illa fori officialium, & familiarium sancti Officij regni nostri Siciliæ, quæ amplissima omnium regnorum est, restricta ad eos est in ipso regno, quocunque intra regnum eant; at extra etiam in aliis catholici Regis Hispaniarum regnis non habet locum, si eò se conferant.
12. Immunitas verò fori clericorum, quoniam tam communi iure Imperatorum, quàm Canonico iure Romanorum Pontificum, & generalium Conciliorum, quorum est in totum orbem Christianum autoritas, & iurisdictionis, eos comitatur, illisque seruanda est in toto orbe Christiano, quocunque se conferant.
13. Est & alia immunitatis distinctio in civilem, seu politicam, & ecclesiasticam, seu religiosam: civilis est quæ à civili, ac temporali Principum potestate conceditur, propter civilem causam ad bonum civile reipublicæ spiritualis, seu religiosæ, quæ spirituali Pontificum potestate propter spiritualem causam in finem spiritualem, de quibus abundè dicemus infra lib. 3. cap. 1. illud hoc loco interea obiter adnotandum est.
14. Quoniam Romanus Pontifex non solum est Christi Vicarius, quoad spiritualia, per totum Christianum orbem ecclesiasticam ha-

bens exercensque potestatem, sed est etià supremus temporalis Princeps in suo statu ecclesiastico, ideo potest utramque pro diuersitate potestatum immunitatem concedere spiritualem respectu totius orbis Christiani, civilem respectu sui ecclesiastici status, ad quem temporalis eius ordinaria potestas extenditur. Idemque iudicium statuo de ecclesiasticis Prælati, qui in suis diocælibus utramque potestatem habent, cuiusmodi sunt plures Prælati in Germania, & in hoc Siciliæ regno est Archiepiscopus Montis Regalis, qui aliquarum urbium suæ diocælis, præsertim verò ciuitatis Metropolitanæ ipsius Montis Regalis, habet etiam temporale dominium, & Archiepiscopus Messanensis, qui est Rachalbuti Comes, & dominus temporalis; idemque de illis ecclesiasticis Prælati dicendum est, qui regendis temporaliter regnis præficiuntur: ut nostra ætate Illustrissimus ac Reuerendissimus Cardinalis Stanuelanus Gubernator in Belgio à rege Catholico Serenissimo Philippo II. præpositus fuit, & in regno Neapolitano Prorex constitutus.

*De qua immunitate in hoc toto commentario tractandum sit.*

### CAPVT III.

CONSTAT ex præcedenti capite inter multas immunitatis species, quæ numeratæ sunt; nam esse localem, quæ locis ipsi concessa est. Quæ cum etiam multiplex sit, una inter eas numeratur, quæ, qui ad immunitatem illum

A 3 locum

locum confugit, neque inibi lædi permittitur, neque capi, neque carcerari, neque verò aut obsideri per necessarium rerum subtractionem ad exeundum compelli, neque verò extrahi, aut donari ad mortem, vel pœnam. De hac sola specie localis immunitatis tractare præfentis est instituti.

2. Fuit apud gentes civilis quædã immunitas statuarum Principum, de qua extat in civili iure titulus *de iis, qui ad statuas confugiunt*, cui similis esse videtur immunitas palatiorum supremorum Principum, & fortassis etiam illa immunitas, quæ ex antiqua consuetudine in vrbē Romæ servata fuit palatiis Illustrissimorum S. Romanæ Ecclesiæ Cardinalium, Oratorum Regum, ac Principum, & quorundam Principum Romanorum; ita civilis fuit immunitas civitatum refugiorum apud Hebræos.

3. Alia fuit immunitas ecclesiastica, seu religiosa, vt fuit apud omnes gentes, præsertim verò apud Græcos immunitas asylorum, apud Iudæos immunitas similis ex consuetudine fortasse servata fuit eorum tabernaculo, templo, atque altari; his successit apud Christianos immunitas nostrarum Ecclesiarum, de qua extat etiam titulus in iure civili *Cod. de his, qui ad Ecclesias confugiunt*. In iure verò Canonico non modò in Decreto multi de ea canones disponunt, *l. 96. & 17. q. 4.* sed & in decretalibus expressus est titulus *de immunitate Ecclesiarum*, qui magna ex parte de hac disponit, ac novissimè præfens constitutio Gregorij XIV. ad tollendos multos abusus, qui quotundam indultorum Apostolicorū prætextu interpretant, tota in hac

immunitate posita est.

Scopus ergo noster est in præfenti commentario, quem molimur in eandem constitutionem, de hac religiosa, ac spiritali nostrarum Ecclesiarum immunitate tractare. Huc vires omnes intendimus, huic insistimus. Quoniam autem, quæ in Gentium asylis servata sunt, ad id non parum conferunt, quæ verò statuis Principum, quæ civitatibus refugiorum apud Hebræos, quæque tabernaculo, ac templo apud eosdem tributa sunt, similia iis sunt; ideo, vt in præmio præfati sumus, hunc primum librum quasi præmij loco, præmittendum duximus de aliis omnibus immunitatis confugij locis, per quæ nobis ad futuram de immunitate nostrarum Ecclesiarum, quam solam intendimus, tractationem nobis aditum comparemus.

Quoniam autem Romanus Pontifex in hac ipsa constitutione quæ commentamur, posteaquam certorum criminum, reos seculariter tradidi, consignarique mandat, excipit §. 7. personas causasque ecclesiasticas, cogimus etiam nos incidenter de iis agere, ne quam constitutionis ipsius partem præterisse videamur, de quibus agemus lib. 7.

- Fuerant ergo apud Gentes certa confugiorum sacra loca, quæ Græci *ἀσyla* vocauere, eandem Græcam vocem Romani Latine receperunt. Est autem *ἀσylum* tam libertatis ipsius, quàm loci cui ea libertas concessa erat, nomen, dictum illud quidem ab *α*, præpositione priuatiua, & *συναν* verbo, quod est *capio*, seu *à σιν*, quod est *traho*, quali neque inde trahi, extractique liceret eos, qui illuc fe-

mel

mel confugissent.

7. Hinc Budæus Græcè, & Latine doctus, in Pandectis in l. *quis sit fugitivus*. §. *apud Laborem*. ff. *de adfugio edito*, huiusmodi locorum libertatem, quàm nos immunitatem vocamus, seu ius ipsarum libertatis, atque immunitatis asylum ab asylo vocat, unde & homines quidam asylietiam dicti sunt, quos vel cōtingere, vel minimum lædere piaculum erat, quales tribunos plebis fuisse docet Tull. lib. 3. *de legib.* dicens: Tribuni plebis sunt, quos plebs contra vim, auxilij causa ereassit, quodque prohibessint, quodque plebem rogassint, ratum esto, sanctique sunt, hoc est, intacti, atque asyli. Neque verò solummodo lædere tribunum plebis nefas erat, sed etiam privati loco illum habere, aut occurrenti non cedere de via, læsæ Maiestatis crimen putabatur: ut propterea C. olim Buturius à Romanis ultimo supplicio affectus sit, quod tribuno cuidam plebis in foro ambulanti de via non decesserit, quemadmodum ex Plutarcho refert in Pandectis Budæus ff. *ad l. Iuliam maiestatis*. Par templis, quæ asyla erant, sanctitas tribuebatur, ut qui ad ea confugissent tangi, violarique non liceret. Unde & ius asyliæ, & sanctum est, & ad religionem pertinere docet Linius Macedoniani belli lib. 3. ubi de Apollinis Delij templo loquens, ait: *ea religio, & eo sancto iure coli, quo sunt templa, quæ asyli Græci appellant.*

*Que sit in omni bene instituta republica locorum refugij necessitas.*

CAPVT IV.

**A**B Hebræorum republica ideo initium decedendum esse arbitror, quod cum illa leges omnes non modò ad religionem, sed ad politicum etiam statum pertinetes ab ipso Deo per Angelos accepisset, ciuitates etià refugiorum eiusdè præcepto constituit, de quibus & leges non paucæ ab eodem Deo traditæ sunt. Has autem refugiorum ciuitates fuisse in ea republica necessarias Abulensis grauis author *commentario in 10. cap. Iosue* q. 9. expressè docet, ea saltem diuina supposita lege, qua genti illi adhuc carnali, ac rudi propter cordis duritiam ad impedienda homicidia, & mutuas occisiones, liberè permittebatur propinquis occisi, occisorem propinqui impune, vbicunque illum reperissent, occidere, & sanguinem eius vlci sci: quos probabile erat omnem adhibitueros diligentiam, ut illum occiderent. Quoniam autem contingere facile poterat, ut quis casu, & absque voluntate hominem occideret, ac propterea morte ipsa dignus non esset, ad hos de propinquorum occisi manibus eruendos, necessariæ fuerunt aliquæ refugiorum ciuitates in eadem republica, ut sicut is probatæ apud iudicem innocentia, homicidiòque inuoluntario, esset eius sententia liberandus, ita ne fortè à propinquis occisi facile occideretur prouidendum fuit. Hunc in finem constitutæ sunt illi genti refugiorum ciuitates plures, & quilibet parè spatiis inter se distantes, ad quas strata via esset, quæ ita inter ceteras vrbes essent dispositæ, ut ex omni loco facilis esset ad illarum aliquam, breuissimæque via, utque facile esset casuali occisori ante

antequam spargeretur homicidij eius rumor, vel certe antequam propinqui eius, qui occisus esset, illum assequerentur, ad aliquam prædictarum urbium, in qua tutus foret, peruenire. Ad has quoniam non solum casuales, sed etiam industrii, atque admodum insidiosi occisores confugere poterant, ideo eadem diuina lege cautum fuit, neque omnes qui illuc confugerent recipi, nisi factum ita narrassent, ut homicidium casuale videretur, neque verò omnes qui recepti ibi essent tutos esse; si enim propinqui ipsius occisi prætenderent homicidium industriosum fuisse, remittebatur ad locum delicti reus sub tuta custodia, vt si coram loci iudicibus innocentiam suam probasset, tutus ad eandem refugij ciuitatem remitteretur impunis, sin probare eam nequisset, propinquis occisi mandandus traderetur; cum enim propinquis occisi omnem occisorem occidere, siue voluntarium, siue inuoluntarium, & casualem Deus permisisset, nisi hac ratione ciuitatum refugij, inuoluntariis occisoribus prouidisset, innumera in eadem gente homicidia sequuta essent, non modò quia propinqui ipsius occisi omnem etiam casualem occisorem quàm diligentissimè conquisitum mactassent, sed quia ipsi inuoluntarij occisores potestatem casu aliquem occidissent timentes sibi à propinquis occisi, mortem illis omni arte machinati essent. Permisit autem Deus illi genti vniuersè omnem propinqui occisorem impune occidere, quoniam  
 pr ut in carnali tudine populo  
 on posse sincerum in repen-  
 illa ira. furorēque iudicium,  
 que de propinqui morte effice-

sebat in mente, neque liberam in perturbato animo facultatem, vt posset voluntarium ab inuoluntario occisore discernere, aut erga inuoluntariū occisorem iram suā furorēque strnare, ideoque satius esse duxit illi permittere in illa ira furorēque innocentem occisore occidere, quàm omnem vindictam de occisi propinqui sanguine prohibere. Hac tota necessitas secundum Abulensem ex suppositione illius legis petita est, quia perittebatur occisi propinquis occidere occisorem.

Mihi verò, etiam si ea lex non 6. supponatur, adhuc necessaria videntur aliqua confugiorum loca, ne Gentibus inferior Dei populus videretur, neque ipsi contra Deum murmurandi occasio præberetur, viderant enim Iudæi in Ægypto aliqua confugiorum loca. Ibi (vt suo loco dicitur) primum asyla constituta erant, inde ad Assyrios, atque ad alias gentes promanarant. Acceperant fortasse per traditionē à maioribus, qui ex Assyria descenderant, esse in ea regione asyla: audierant de alijs gentibus idem; iam enim de asylis fama percrebuerat: Populus erat carnalis, & rudis. Quare aliquid, asylis aliqua saltem ex parte simile, in sua republica habere debuit, ne aut aduersum Deum conqueri, vt facile solebat, aut detrudere de eius lege auderet, si hoc confugij præsidio se omnino destitutum experiretur. Conueniens huic malo remedium fuit, illi à Deo constitui asyla, eaque multa atque amplissima, nempe integras ciuitates ad aliquos quidē tuendos, atque à pœnis eximendos, quamquam nō omnes, vt erat in gentium asylis.

Addit

7. Addit Abulen. lib. illo 2. in 20. cap. Iosue 9. 10. vniuersè in omni politia, & in omni republica bene instituta necessaria esse aliqua confugiorum loca, saltem ad tuendam vitam casualis homicidæ. Probâtque hæc ratione, quoniam quamuis apud alias gentes propinquis occisi non sit lege permissum occidere occisorem, viget tamen vbique causæ illius permissionis, iustus scilicet, ac vehemens de propinqui occisione dolor, atque effervescentes iræ, atque odijs motus in occisorè, quem cohibere difficillimum est, nec minus difficile manus in coferuore, furorèque reprimere, atque ab occisoris nece temperare. Vt si in aliqua republica desint omnino loca, in quibus casualis occisor tutus esse queat, æquè periculum sit, ne illud idem, quod de ludæis diximus, consequatur incommodum, vt vel omnes casuales occisores à propinquis occisi, per vim fraudemque necentur, aut ipsi casuales occisores, ad tuendam suam ipsorum vitam, omnibus à se occisi propinquis, mortem machinentur, & inferant.
8. At ne solis casualibus homicidis asyla concedamus, neque vetò ex ipsis omnis eorum necessitas peratur, vniuersaliùs dici potest in omni republica bene instituta valde vtilia esse asyla; & necessaria ad bonum commodumque eius statum. Cùm enim non illa sola ratio sit constituendorum asylorum, vt viæ incolumitati que innocentium consulatur, sed etiam vt impunitati reorum, vt locorum sanctitati, vt Dei sanctorumque reuerentiæ, vt nouis vrbibus populo replendis consulatur. Multæque aliæ possint causæ, quæ asyla
- 9.

postulent, vix vlla erit resp. in qua, etsi non omnis, aliqua tamen non subsit causa ea statuendi. Illæ porro duæ, diuinorum reuerentia, & impunitas delictorum, non parum habent vbique momenti; non enim possunt non in veneratione habere Deum ij, qui propter eius reuerentiam illos, à quibus læti sunt, in asylis tutos esse patiuntur. Neque minus necessarium in omni republica est patere aliquam viam ad veniam de criminibus obtinendam, quam crimina ipsa puniti, ne omni spe veniæ sublata quisquis quoquo modo deliquerit ad quidlibet audendum euadendæ pænæ desiderio, quam alia honesta ratione vitare nō potest, cum graui reipublicæ damno inducatur, cùm præsertim hæc confugiorum loca non ita certò impunitatem omnibus tribuant, vt non multi puniantur. Nam & viæ, aditusque ad ea non raro, aut casu fortuito, aut aduersariorum diligentia præcluduntur, viæque ipsæ plenæ sunt metus, atque timoris, ipsa delicti atrocitas animum fugiendi adimit, virèsq; subtrahit, consilium aufert, vt interdum commisso delicto reus, neque vbi sit, neque quò se verrat sciat, aut quamuis sciat, mouere se loco nequeat, elque qui ad tutum locum peruenerit, talem conscientia criminis terrorem incutiat, vt plenus interdum timoris inde discedat. Multa denique alia passim quotidie experimur in hac ipsa Panormitana ciuitate Ecclesiarum plena, (in qua vix vlla via est, in qua non plures Ecclesiæ, quæ omnes immunitate gaudent) cernantur, propter quæ paucissimi reorum immuniratem consequuntur. Multa præterea comoda ad

republicam ex hac asyia, templo-  
rumque immunitate, seu ex loco-  
rum confugio promanant, multæ  
ciuium vitæ vtilium conseruantur,  
non pauci post impunitatem, in  
meliorem euadunt fugem. Alij  
cum iis quos offenderant recon-  
ciliati, illatas ante iniurias conse-  
rendis beneficiis officijque com-  
pensant. ex quibus conuenienter  
infertur esse in omni republica be-  
ne instituta, vel simpliciter, vel ad  
bene esse necessaria, ac valde vtilia  
aliqua confugiorum loca.

*Quanam fuerint apud diuersas  
gentes loca immunitatis,  
sive impunitatis.*

## CAPVT V.

1. **N**EQUE vbique eadem, neque  
eadem semper in eadem vrbe,  
ac gente confugiorum loca, sed  
varia atque diuersa fuere.

Apud Israëlitas, initio ingressus  
eorum in terram promissionis, tres  
ciuitates refugiorum patuerunt trans  
Iordanem, totidem additæ postea  
sunt in terra Chanaan, vt habetur

*Num. cap. 35.* quasum ciuitatum  
nomina expressa sunt *Deut. cap. 4.*

*Et Iosue 20.* Fuit in eadem gente  
nonnulla tabernaculo, atque altari  
seruata immunitas, sed vtrum Dei  
præcepto, an populi moribus vs-  
que recepta, posterius dicetur. Fuit  
autem tabernaculum instar cuius-  
dam portatilis templi è ligno fa-  
brefactum, cui post multa tandem  
secula illustre Salomonis tem-  
plum successit.

3. Apud Gentes verò prima, & an-  
tiquissima confugiorum loca sta-  
tuæ fuere, vultusque hominum in

imagine expressi, quas statuas de-  
functis ad viuorum solatium, siue  
filiis parentes, siue parentibus filij  
posuere, ducti siue honoris gratia,  
siue amoris teneritudine; nam pro-  
pter amorem filiorum, parentum-  
que demortuorum honorem, iis  
qui ad eas statuas confugissent  
(non secus ac si per eorum, quos  
imagines illæ repræsentabant, ob-  
testationem veniam deprecarentur)  
impunitatem concedebant,  
rati, tantundem esse quempiam  
ad carorum defunctorum statuas  
confugisse, quantum si dum pœ-  
nas exigerent, suam carus ille fi-  
lius, patrisque viuens gratiam, im-  
petranda venia interponeret.

Proxima iis refugij loca eadem  
quidem statuæ, imaginisque fue-  
re, sed alia tamen, ac longè dispa-  
ratione, quæ ad defunctorum ima-  
gines ex impetrata frequenter ve-  
nia per nimiam impetrantium adula-  
tionem deriuata est. Vt enim ij, qui  
impunitatē per statuas impetrarūt,  
grati animi significationem præ-  
berent erga eos, per quos illam im-  
petrassent, & iis, à quibus impe-  
trassent, animos adderent ad ean-  
dem sibi, quoties opus esset, aliis-  
que concedendam, eisdem statuis  
diuinos honores tribuerunt, cæ-  
que per summam impudentiam,  
ac scelus Deos acclamare veriti  
non sunt; id quod fuit idololatriæ  
principium.

Deinde templa, & nemora adeo  
densa, & conferta, vt propterea  
quod omnis lucis expertia essent,  
luci appellarentur, confugij loca  
fuere, & Asyia à Græcis vocata  
sunt, quæ aliquando quidem tem-  
pla simul cum luco, aliquando soli  
sine templo luci, aliquando verò  
templa sine lucis fuerunt, & quan-  
tum



tum ex scriptoribus colligi potest, magna asylorum pars templa fuisse sine luo, eum templa referatur,

6. nulla facta mentione lueorū. Nonnunquam etiam, neque templum ipsum, sed statua, quæ in templo erat, asylum fuisse ex Cornelio Tacito non obscurè colligitur *annalium lib. 3.* apud quem Tenij referūt se Apollinis oraculo iussos esse Neptuni statuam, ædēque sacrare, ubi cū statuam, ædēque exprimat, nec sub æde statuam, nec sub statua ædem intelligit, atque ideo aliquando statuam sine æde, aliquando ædē ipsam sine statua, aliquando vtrumque simul asylum fuisse argumento est. Adde quod prima orbis asyla statuarū ipsarū absque vilo templo fuere, vt suo loco dicitur, sed & solum lucum absque templo fuisse primum illud apud Romanos asylum, quod, auctore Romulo, frequentibus populis vrbem repleuit, non modò ex poetis, sed etiā ex historicis colligere facile possumus, qui omnes luci solum mentionem faciunt. Onid.

*Fastorum lib. 3.* sic ait:

*Romulus vt saxo lucum circundedit: alto,*

*Quilibet huc, inquit, confuge, tutus eris.*

& Virgilius lib. 8. *Æneidos,*

*Huc lucum ingentem, quem Romulus acer asylum*

*Retulit, & gelida monstrat sub rupe lupercal.*

His attestatur Strabo lib. 5. de collatione. *Attene. & Fidenat.* ita scribens: *Romulus mortales conuenas Vrbe condita aggregat, sacrum quandam lucum inter collem Palatinum, & Caputolium aperit.* Liuius lib. 1. ab Vrbe condita testatur suo tēpore lucū illum, qui asylum erat, fuisse inter duos

lucos densis sensibus circumdatum.

Lucum verò simul, ac templum 8. fuisse insigne illud Apollinis apud Delos asylum, docet Liuius Maecdoniani belli lib. 3. dicens Apollinē in phano, lucōque ea religione, cōque sancto iure coli, quo sunt templa, quæ asyla Græci appellāt, cū enim phani, hoc est, templi, lucique faciat mentionem, & vtrique hoc ius sanctum tribuat, vtrumque asylum fuisse necesse est. Idem quoque 9. mihi videtur de illis asylis dicēdū, quorum adēdē ampla spatia referūt, vt ea templorum amplitudo æquare non possit, in quibus tamē templa fuisse constat; cuiusmodi fuere duo Dianæ asyla, Ephesinæ vnum, alterum Perlicæ, de quorum amplitudine dicitur infra cap. 13:

Alicubi simplices aræ asyla fuerunt, vt fuit olim Athenis ara misericordiæ, seu elementariæ in vrbis medio collocaata, de qua Statius lib. 2. *Thebaidos* ita loquitur:

*Vrbe fuit media nulli concessa potentum*

*Ara Deūm, mitis posuit Clementia sedem.*

Hanc fuisse illud asylum, quod filij Herculis defuncto patre posuerunt, vt haberent quod tūc confugiendo vitam tutaretur suam, eum ab iis conquirentur ad necem, quos viuens pater vexauerat, his verbis Statius eo loco subiungit:

*Fama est desessos acie post busta paterni*

*Nymnis Hercules sedem fundasse colonos.*

His attestantur quidam relati apud 11. Lytanum super cap. 7. *Alf. Apost. & Gerson tract. 7.* super *Magnificat*, dicentes, hanc eandem fuisse illam aram, quæ Athenis dicata erat *Ignoto Deo*, ex cuius aspectu ocea-

tionem sumpsit Apostolus Paulus prædicandi Atheniensibus Christum; sic enim ait Act. 17. *Præteriens simulacra vestra inveni aram, in qua scriptum erat, Ignoto Deo; quod ergo ignorantes colitis, hoc ego annuncio*

12. vobis. His autem aduersatur historia Scholastica apud eundem Lyrarum relata, dicentium, eam aram nouissimis Christi patientis temporibus positâ à Philosophis propter miraculosam illam Solis eclipsim contra omnem naturæ ordinem factam, qua dum Christus Dominus in Cruce viuus penderet, tenebræ factæ sunt super vniuersam terram ab hora sexta vsque ad horam nonam; de qua refert ibidem Lyranus Dionysium Arcopagitam excellentem Philosophum, atque Astrologum vidisse lunam retrocedentem supponentem se Soli, atque inde iterum redeuntem in suum locum. In qua & illud mirabile fuit, vt in eadem parte Orientis, ex qua initium sumptet, finiretur, idque in plenilunio: cum naturæ ordiue, ac lege Solis eclipsis in nouilunio contingat, & à parte Occidentis incipiens, in Orientem terminetur. hoc inusitato miraculo perterriti qui Athenis; degebant Philosophi, vetiti, ne quid à tam potenti Deo paterentur, qui sic naturæ iura mutaret, id quod nullum ex cognitis ab eis Diis fieri posse cognoscebant, ignoto Deo aram illam in media ciuitate dicarunt, vt magno illi, atque aded potèti Deo, de quo nihil cognoscerent, cultum aliquem, venerationemque exhiberent. Hæc illi. Mihi verò videtur ara illa, de qua Apostolus loquitur, diuersa omnino esse ab ea, quam filij Hæculis posuerunt, quod ipsa inscriptio apertè docet.

Hæc enim certo cuidâ, licet ighoto Deo, dicata erat, illa verò nulli Deo, sed clementiæ, siue misericordiæ, sicut ex Statio retuli. Neque verò improbabile est positam eam fuisse eo tempore, quo eclipsis illa contigit, omnium Atheniensium animis ob eam causam timore cōsternatis.

Non desunt, qui puteos publico loco positos, sacros fuisse apud Gentes, sacroque asyli iure perditos dicant post Marcum à Mantua consil. 29. n. 18.

Et, quod mirabilis est, quam immunitatem iam sacri canones nostris cæmeteriis concessere, eandem sepulcris Iudæorum competere nonnulli Canonistæ autumant, Cardin. in c. inter alia, de immunit. Eccles. Ioan. Andreas, & apud eum relatus Vincentius, ac Mariæ. Socin. in tractatu de citatione, quam sententiam fundant in textu ciuili. c. sicut, de Iudeis, & Sacerdotibus. quibus ea præterea ratio adscriptur, quod sepulcra quæque in religiosorum locorum numero reponuntur. At verò si rem attentius consideremus, neque textus ille id cōuincit, neque ratio probat. Nam textus, vt patet intuenti, solam vetat Iudæorū sepulcra violari (quod fieret si effoderentur, & inde quærendo pecuniæ grætia defunctorum cadauera exhumarentur. Id quod omnibus omnino, præterquam hostium, sepulcris debetur: sed ideo de Iudæorum sepulcris specialiter, & expresse constitutum est, quoniam Iudæi propter fidei, religionisque contrarietatem, facile videri poterant in hostium numero computandi; quos tamen Christi Ecclesia pro hostibus non habet quoad temporalē statum, neque capit

contra

cōtra eos arma, nec gerit bella, neque eos bonis spoliāt, quanquam secundū statum spiritualem fidei ac religionis eos tanquam infensissimos hostes passā semper sit, & passura vsque ad mundi finem. Ratio præterea adducta nihil probat; non enim omnis religiosus locus immunitatem habuit apud Gentēs, sed solum asyla. Imò neque apud ipsos Hebræos eorum sepulcris vllam immunitatem seruātam fuisse legimus.

19. Palatia præterea supremorum quorundam Principum, immunita olim fuisse, hodieque sunt, puta Imperatorum, Regum, atque aliorum Principum, qui absoluta in subditos potestate præditi, superiorem in temporalibus non recognoscunt: cuiusmodi sunt nonnulli in Italia Duces, Patmensis, Vrbinas, Mantuanus, olim Ferrariensis, nunc verò Mutinensis; Archiduces Florentinis, & Sabaudiensis.

20. Hanc palatiorum immunitatem expresse tradit Montalbus in sua Gloss. in l. forti. lib. 1. tit. 5. in fine glossæ penultima extat, & l. vnica. Cod. de palatiis & domibus, & ibi Lucas de Penna in rubric. & Gósal. à Villadiego in tract. Eccl. immunit. ampliatione 25. Ex his palatiis nemo extrahi potest sine Principis licentia, nisi solus proditor, vt iidem Doctores affirmant. Hinc apparet huiusmodi immunitatem vsque hodie ciuilem esse, quoniam propter ipsius Principis reuerentiam auctoritate laica introducta, atque obseruata, solam Principis ipsius licentiam ad inde aliquem extrahendum requirit. Quod idem de palatiis Prælatorum ecclesiasticorum, si quando supremi Principes sint, dicendum est. Sicut ætate

nostra vidimus Sereuissimū Henricum Cardinālē ad Lusitanix regiā coronam ascendisse, & Illustrissimum Cardinālē Ferdinādum Medicum defuncto fratre Magno Duce Florentiæ sine liberis, eidem in ducatu successisse, & aliquantisper Cardinalem simul, & Ducem fuisse, donec abdicato cardinalatu, pro vt res postulabat, se totum ad eum regendum statum conuertit. Idem debet esse iudicium in quauis libera republica, & nulli Principi subiecta, cuiusmodi est Venera, ac Ianuensis, de palatio supremi Administratoris, quem Ducem appellant, propterea quòd is totius reipublicæ personam representat. Quod tamen de publicis palatiis ciuitatum, seu vniuersitatum de iure locum non habet: in quibus conuenire solent magistratus, qui ciuitatis ipsius, seu bonorum eius curam gerunt, quos in Sicilia iuratos vocamus, alibi priores, alibi conseruatores, alibi electos, alibi aliis nominibus appellant, etiamsi in dicto palatio habitet is qui est inter eos supremus, caputque ciuitatis, vt est Panormi palatium, Curia prætoriana nuncupatum, quòd in ea habet Prætor; hæc enim palatia de iure carere immunitate, notat Bald. in l. plerique. ff. de in ius vocando, versic. sed pone; quanquam Bartholomæus Socin. in eadem lege plerique, rectè obseruet plerique huiusmodi palatia hodie siue ex consuetudine, siue municipali lege immunitatem habere, cui consuetudini legique municipali vbiunque vigent, quoad personas laicas, & curiam laicam standum censeo. In vrbe Roma eandem ab immemorabili tempore immunitatem

tatem habuere palatia S. R. E. & Cardinalium, siue propterea quod Principes Ecclesie sunt, siue quod Regibus æquiparentur: palatia præterea oratorum omnium, quos supremi quique Principes apud Romanum Pontificem suo nomine adesse volunt: palatia etiam quorundam Illustrissimorum Principum Romanorum, nisi, ut fertur, immunitates hæc reuocatae sint. Palatiū deim Episcopi de iure canonico immunitatem habet, sed de his omnibus dicitur *lib. 4. cap. 3. & 5.* Ex his apparet non modò, quæ sint fuerintque apud diuersas gentes confugiorum loca, sed etiam sacra ne fuerint an prophana.

29. Nam apud Ægyptios, atque Assyrios prius prophana, ciuilibusque fuit immunitas statuatum, cum velut hominum carorum statuae colerentur, mox, cum illis diuini honores haberi cœpti sunt, in sacram illa ipsa immunitas translata est. Apud Romanos præcessere sacra asyla, luci templaque Deorum: his Imperatorum statuae successerunt immunitate prophana:

31. apud Hebræos simul fortasse cœperunt ambae immunitates, vna ex hominum moribus sacra templi, atque altaris, ciuilis altera ciuitatum refugiorum. Sed præter loca fuerant etiam personæ quæ locorum vice immunitatem habuere

32. confugij, nam de flamine Diali Gellius *lib. 10. cap. 15.* multa refert desumpta ex libris, qui de sacerdotibus publicis compositi sunt, & 1. lib. Fabij pictoris inter illa recenset sexto loco: *Vinctum, si flaminis Dialis edes intrauerit, solui necesse fuisse; & vincula per implumui in tegulas subiaci, atque inde fortas in vicem demitti.* Octauo autem

loco aliud narrat, dicens, *Si quis ad verberandum ducatur, isque ad dictis flaminis pedes supplex procubuerit, eo die verberari piaculum esse.*

De Virgine præterea vestali narrat Alex. ab Alexandro *lib. 5. genial. dierum, cap. 12.* si dum foras exit, obuia illi fieret, qui ad capitale supplicium traheretur, non licuisset illum necare, tâtoque cultu & honore ob sanctitatem sacerdotij habitam esse, ut seruitia fugitiua nondum urbem egressa, in loco precatationis retineret, & seruitute eximeret, ad se quoque confugientes ab iniuria prohiberet. Ab ea, atque ab eius decreto, iussuque nulli magistratui, nec Tribuno plebis, qui pariter sacrosanctus est, prouocare petmissum, tantumque eius iussui virium fuisse, ut Claudia vestalis Virgo patrem iniussu populi triumphantem, ne cui Tribuno intercedere liceret ascenso simul curru sequuta fuerit. De his utrisque Hieronymus Plattus *lib. 2. de bono statu religioso, cap. 37.* ita scripsit, *Flaminis Dialis tatem fuisse legimus auctoritatem, et ad eum quasi ad asylum vulgo concurreretur. Quis enim ad eius pedes acciderent, si vincti essent, soluebantur, si noxij, pœna condonabatur. Virgines autem vestales ita quasi sacrosanctæ habebantur, ut si casu in aliquem incidissent qui ad supplicium duceretur, statim liberaretur.*

De origine, & antiquitate immunitatis statuatum, atque imaginum.

#### CAPVT VI

INTRA omnes locorum immunitates prima, & omnium antiquissima

quissima hæc fuit, quæ statuis, atque imaginibus concessa fuit, quæ ab ipsius videntis, & diu postea superuiuentis Noe temporibus orta, leuibus fortasse principiis, breuissimè per multas orbis partes peruagata est maximis incrementis, idololatriam peperit mundo, aluit, eduxit, & per totum præne orbem diffudit, vt ex historiis colligere est.

2. Fuit apud Ægyptios Princeps vir Allyrophenes (alij Assyrosanè vocant) diuitiis, opibus, potentiaque præstans, qui cum vnicum, quem habebat, carissimum filium amplissimi sui patrimonij heredem, & potestatis successorem relinquere cogitaret, illum immatura morte sublatum inconsolabiliter flebat; mærebat infelix pater, dolebat, angebatur, atque inimicis cordis doloribus cruciabatùr, solitudinemque suam ægerimè ferebat. In tantis doloribus hoc illi occurrìt orbitatis remedium, ac solitudinis solamen, quod & quàm citissime, præ amoris, dolorisque magnitudine perficiendù curauit. Carissimi pignoris ad viuam expressam inuaginem, siue ex marmore, siue ex ære illa fuerit, comodo domus loco reposuit, cuius iucundissimo aspectu, interdum etiam colloquio fruebatur, omnem amoris, ac teneritudinis significationem, quam viuenti filio exhibere solitus erat, demostui simulacro exhibebat. Id conspicati famuli, ac serui, vt domino gratificarentur, eiusque gratiam maiorem quotidie inirent, eidem simulacro modò detecto capite adstabat, modò flores spargebant, modò coronas plectebant, modò odores adolebunt, quibus officiis cum domi-

num sibi quotidie placatiorem fieri cernerent, eam in spem venerunt, fote, vt siquid aliquando in eum peccassent, per eandem imaginem veniam ab eo, impunitatemque impetrarent. Neque verò sua spe falli sunt; contigit, vt qui peccarent, ad imaginem confugerent, per illam facile veniam impetrabant, verebatur pius pater, ne, si fortè ad filij imaginem confederenti non ignosceret, filium laderet, nève non impetrata per illi venia serui ab eius imaginis cultu cessarent; cettabat interdum in parentis pectore hinc ira in fetuù, propter acerbitatem offensæ, hinc pietas propter amorem in filium, atque in eius imaginem, vincebat amor, & seruo ignoscebat. Hinc blasphemæ illæ per voces imaginationem seruorum vocem imaginem illam Deum acclamantes: hinc impia facta adolentium illi thura, ræquam Deo, & mactantium victimas. His principiis orta impunitas confugientium ad statuas, hinc prima immunitas confugij, hinc orta cum immunitate idololatriæ, infelici illo Allyrophene aures præbente tam impiis seruorum vocibus, quas memor humane conditionis, & mortalitatis, seuerissime reprehendere, ac punire debuisset; orta immunitas, orta idololatria est in priuata familia, tam impie in filium pij Allyrophenis. referunt hæc grauissimi authores Fulgenrius 1. lib. *Mythologiarum* ex Diophante antiquissimo authore, qui antiquitatum libros quatuordecim scripsit, atque ex Fulgentio S. Bernatdinus Senensis *sermone 19. in Dominica 1. Quadragesima, art. 1. cap. 1. & Abulen. 2. part.*

part. commentariorum in cap. 20. lib. Iosue q. 20. Idipsum autem in eadē Aegypto factitatum per alios primarios viros probabile est, ob adeo naturæ insitum desiderium, honoris præsertim diuini, ut siue ipsi homines, siue eorum simulacra pro Diis haberentur, quod tam facili negotio viderant assequutum fuisse Assyropheneum.

8. Hanc priuatam statuæ immunitatem proximè sequutam puto publicam immunitatem statuæ mortui Beli patris à Nino primo Assyriorum Rege concessam; hic enim cum statuam Belo optimo parenti magnificentissimam, non in priuata domo, sed loco publico collocasset, publico sanctiū edicto eos omnes, qui quorumcumque criminum rei, ad eam statuam venerabundi accederent, non modò delictorum veniam, sed poenarum impunitatem consequuturos, ut propterea non ex Assyria tantum, sed vndique illuc ad eam venerandam statuam rei criminum cōfluerent, referunt hoc D. Antonius lib. 1. *historiarum tit. 1. cap. 3. §. 7.* & D. Bernardinus Senensis *sermone illo 3. Dominica 1. Quadragesima* suprà citat.
9. Hinc sicut in familia Assyrophenis serui priuatim, sic in Assyria publicè vniuersi, qui per statuam sunt eam impunitatem consequuti, Belum Deum acclamauerunt, diuinòque illi honores publicè, atque in foro tribuerunt, quod & alij quoque fecerunt, ut Regis gratiam inirent: eadēque ratione publica in Assyria idololatria orta est.
10. Beli Dei, quæ pleræque alias nationes sub eiusdē Beli nomine infecit, illum pro suo quæque nationis idiomate variavit, ut plerique velint eundem esse Belum, quem alij

Bal, alij Baal, alij Baalim, alij Beelzebub nuncupant, quod de Baal disertissimis verbis docet Hieronymus in 22. cap. *Ezechielis*, dicens: Idolo Baal, & ut apertius dicam, Belis, Assyriorum religio consecrata est à Nino Belis filio, ut mortuum patrem honoraret. Hinc idolo tanta habita reuerentia est (ut idem Hieronymus in 46. cap. *Isaie* testatur) illi ut humanas hostias non modò captiuorum, atque ignobilium personarum, sed clarissimorum etiam filiorum immolarent. Degebat eò tempore in Assyria in vrbe, quam Vi Chaldæorum scriptura vocat, Nachor auus, & Thare pater Abraham, qui cum reliqua gente eadē idololatriæ peste infecti fuerunt; nam quo tempore Ninus regnum suscepit, currebat mundi annus millesimus nonagesimus sextus, diluuii ducentessimus quinquagesimus, vitæ Noë octingentesimus quinquagesimus, ut ex Chronicis apparet: eo autem anno diluuii, ac vitæ Noë habebat Nachor vitæ annos quinquaginta septem, Thare verò filius eius annos viginti octo, ut ex sacra Genesim historia colligitur, paucis annis post susceptum à Nino regnatum hæc contigere. Obiit verò Ninus anno regni sui quinquagesimo ferè secundo, mundi verò millesimo nonagesimo quinquagesimo septimo, diluuii trecentesimo primo, vitæ Nachor centesimo octauo, vitæ Thare septuagesimo nono, nato iam ex eo filio, Isideli Abrahamo, eoque agente annu ætatis nonū. Ex quo apparet euidenter Noë superuixisse post introductam immunitatem statuarum, atque idololatriam annis pænè centum, post Nini mortē quadraginta nonum,

11.

12.

uem, peruénisseque vsque ad quinquagesimum octauum Abraham annum; mortuus est enim Noe anno ætatis suæ nongentesimo quinquagesimo; qui fuit annus mundi bis mille finis sextus; diluuij trecentissimus quinquagesimus, ante promissionem Abraham à Deo factam, susceptamque ab eo peregrinationem annus decimus septimus, quæ admodum ex ratione annorum, quæ ex sacra Genesi desumpta in sequenti capite velut in tabella

13. depicta proponitur, apparet; vnde etiam colligitur immunitatē confugij, quæ ad statuas prima fuit, anno mundi bis mille finis sexto inchoatam, quatuor millium annorum antiquitatem excedere.

14. Porro quamuis non certò constet, pitiornæ ex Assyrophene in Ægypto, an ex Nino in Syria orta sit, & an ex Assyriis Ægyptij, an contra ex Ægyptiis Assyrij eam acceperint, tamen cum eodem tempore Ninus, & Assyrophenes vixerint, & ex historiis constet Ninum ex Assyria in Ægyptum bellandi causa transisse, non referatur autem Assyrophenes ex Ægypto ad Assyrios iuisse, satis probabili coniectura colligi potest ex Ægypto, in priuatis ortam familiis, ad Assyrios publica præconis voce, publicæque ceremoniæ fuisse translatam, cum præsertim Si. Bernardinus Senensis in *sermone illo decimo*

15. supra citato referat, Ninum ex Assyria in Ægyptum progressum parasse bellum contra Assyrophenen, ac sine bello subiectum illi recepisse. Placatus enim Ninus ab Assyrophene, & donatus muneribus, potuit cum illo familiariter conuersari; potuit in eius domo statuam filio ab illo positam

*P. Gambac de summi. Eccl.*

videre, potuit & audire, & oculis cernere concessam ab illo per statuam impunitatem, potuit hoc idem in aliis Ægyptiorum familiis conspicere, potuit haurire propriis auribus eius famulos illi statuæ diuinis honores tribuentes, atque ex eo tempore potuit statuere eundem honorem Belo patri tribuere, ut ex Ægypto in Assyriam reuersus hoc ipsum, quod cogitauerat, opere compleuerit. Confirmit hoc idem alia non leuiore coniectura: cum enim Ninus non casu fortuito, sed deliberato consilio, publico edicto voce præconis autoritate regia promulgato, non vni alicui, sed vniuersè omnibus quorumcunque criminum reis, qui ad Belis patris venerandam imaginem accurrerent, omnem omnino impunitatem promitteret, non est probabile hanc illi mentem primùm venisse, nisi aliquid simile, ac minus perfectum, aut vidisset, aut audisset; omnia enim imperfectis paruisque principiis oriri, ac paulatim crescere, ac perfici quotidie experimur. Quare longè probabilius est id quod in Ægypto reperit adhuc imperfectum erigenda patri Belo Regi optimò iam vita functo statua perfectius instituisse.

16. Cum autem immunitas hæc statuatam per impudentem adulationem eorum, quibus impunitas dabatur statuis pro Diis habitis in idolorum immunitatem vix dum orta, translata sit, apparet statuaram vsum in ipso sui orta excidisse, ut cum omnes vbique Gentes fabricandis, colendisque idolis intentæ essent, tandem alius Assyriorum Rex Nabuchodonosor nomine, ut liber Danielis docet, cum statuam sibi met viuis erigeret, ed de-

*C mentia*

- mentia venit, ut illa pro Deo coli, adorarique (ad id statua omnes pro diis habebantur) praeceperit: topitursque videtur statuarum usus vsque ad Romanorum Imperatores, qui eundem de nouo excitauit: excreuit autem in immensum usus idolorum, ut tota sculpturae ars fabricandis idolis intenta esset ubique pene terrarum; cum autem Romani Gentium potirentur, easque suo subiugarent imperio, eodementia ob dominandi cupiditatem deuenire, ut omnium gentium religione suscepta omnium idola in urbe collocarent, ut quorquor gentibus dominarentur, tot erroribus deferirent. Cum hac idolorum multitudine creuit, & statuarum numerus ipsis Imperatoribus per superbiam Deos aemulari cupientibus, suasque aliquando statuas pro diis coli sperantibus, unde & eandem confugij immunitatem statuis concessere. Neque eos spes fecellit; plerique enim eorum a superstitionis populis per summam adulationem noui modo pro diis habiti, sed templorum, asylorumque honore aucti sunt.
19. Quoniam autem non omnibus id contigit, ideo immensus ille statuarum usus, immunitatis honore decoratus, diu conseruatus est, etiam vsque ad Christianos Imperatores, unde & in ciuili iure frequens est de confugientibus ad statuas sermo. Nam l. 1. ff. de offic. praefecti urbis, ex Epistola D. Seueri ad Fabium Cinoletum, statutum est pertinere ad praefectum urbis audire seruos, qui ad statuas confugiunt, de dominis conquirentes. & l. 2. ff. de his qui sum sui vel alien. iur. §. i. deoque. Proconsuli committitur de eorundem seruorum querelis cognoscere. & l. unica. C. de his qui ad statuas confugiunt, confugientes ad statuas ab omni violentia tuti efficiuntur. Quod idem grauissimi Doctores, Hostiens. & Cardin. in cap. penult. de immunit. Eccles. affirmant de statua praefecti urbis per textum in §. final. Inst. de his, qui sum sui, vel alien. iur. Vide etiam text. iste §. finalis, quam text. in §. nam Antonius. Inst. eodem tit. equiparare in hac immunitate videtur statuas Principum aedi sacrae.
- Ex hoc insueto statuarum, imaginum, idolorum, Deorumque numero factum est, ut immunitatis, asyliarumque remedium, quod erat ad reipublicae utilitatem institutum, in eiusdem perniciem propterea verteretur, quod fraudis aduersus optimos quosque ciues, ac delictorum occasio esset. Fraudis quidem, quoniam, quisquis odiu, atque inuidiam conflare alicui voluisset, confugiebat ad aliquam statuam, per simulationem iactando in vulgus, se illius timore illuc ideo confugisse, quod aliter sese ab illius furore, ac potentia tueri non posset. Id ad id frequens fuit, ut necesse fuerit lege remedium adhiberi. l. unica. C. de his qui ad statuas confugiunt. qua lege prudenter sancitum est, ut si cuius ius, qui se probauerint iustas, verasque ob causas ad statuas confugisse, tuti omnino sunt, si ius, qui veras causas non probauerint; non modo securitate careant, sed vltres etiam penas luan; delictorum vero occasio fuere statuas, atque idola, ut earum passim occurrentium commoditates, quibus urbs tota plena erat, pessimi quique certa concepta spe immunitatis, non modo quicquid mali venebat



niebat in mentem, auderent, sed ad conuiciandum bonis quibusque ciuibus, eosque lædendum animos sumerent, usque adeo, ut ne fuga vlla ad statuas opus haberent illas quocunque irent secum deferrent, paruulas enim portatilesque, aut Imperatorum, aut Deorum imagines in ipso flagranti delicto deprehensi obiectantes, liberi

23. abire permittebantur, eò denique ventum erat, ut ne imaginibus quidem ferendis opus esset, sed illa ipsa Imperatorum imagine, quæ monetis etiam paruis impressa erat, ad eandem impunitatem abuteretur. Exemplo sit quod refert Philostratus in vita Apollonii, apud Aspedios publicè per magistratû damnatû fuisse hominẽ, qui proprium seruum obiectentem argenti dragmam Tiberij Cæsaris imagine signatam verberasset. Vnde & idem

24. author obseruat apud illos populos Imperatorum imagines sanctiores, venerabilioresque fuisse, quàm Iouis Olympij simulacrum. Huius vtriusque abusus mentionẽ faciens Cornel. Tacitus suorum Annalium lib. 3. vtrumque deplorat, dicens: *Incedebat deterrimo cuique licentia impunẽ probra, & inuidiam in bonos excitandi, arrepta Cæsaris imagine, & paulo inferius Cestium Senatorem refert conque-*  
rentem de Annia Ruffilla, quod cum sibi probra, & minas intenderet, non sit tamen ausus experi-  
ri, id est, iure agere contra cum propter Imperatoris imaginem ab eo obiectam. Meminit eiusdem ad statuas confugij Suetonius, tum in Augusto, vbi quemdam narrat, qui Antonium iuuenem à D. Iulij simulacro, ad quod post multas, atque irritas preces confuge-

rat, per vim abreptum interemit; tum in Tiberio de Agrippa referens modò ad Augusti statuum, modò ad exercitum confugere voluisse.

Frequentiores autem multo seruatorum, quàm aliorum fuisse ad statuas concursus, adeò ut propter horum concurrentium multitudinem vilescere Imperatorum statuarum viderentur. Erat enim seruatorum propè infinita in Vibe multitudo ex diuersis subiugatis prouinciis illuc trāsata, ut non pauci essent, qui multa seruatorum millia haberent, quibus tum superbis construendis ædificiis, tum aliis rebus fabrefaciendis vterentur, adeò ut interdum exacerbati seruilia bella mouerent. Ad hanc vilem turbam è suis statuis arcendam 25.  
quidam ad statuarum bases ita scribi fecerunt: *A seruo tangi nefas, ut refert Iustus Lipsius in commentariis in 3. lib. Taciti, super ea verba, incedebat deterrimo cuique, &c. Maximè verò discoli, malique, quique inter seruos ad statuas, atque ad asyla confugebant. id quod Tacitus lib. 3. sæpe cit. testatur, dicens, Complebantur templa pessimis seruatorum, id est, seruis quibusque pessimis, qui tot ad asyla confugebant, ut ea complerent.*

Sed labente demum Imperio, atque vrbe, simul statuarum usus 27.  
collapsus fuit, ut deinceps crescente Christiana religione, non tam impediendis nouis statuis, ne erigerentur, quàm veteribus demolendis laboratum sit, & cum religionis augmento inducta in Principum animos videtur statuarum obliuio, & immunitas earum ablata, ut docet Gulielmus à Møre Lauduno in Clementina 1. de parnis.

& remission. & ibi Imola n. 8. Cæstaldus Petrus in. *tract. de Imperat.* g. 96. Addit Laudunus adueniente casu, quo quis ad statuum confugeret, seueros iudices eam nequaquam illi immunitatē seruatuos. Ego verò addo ne pios quidem, æquosque iudices eam seruatuos, cum ne nomen quidem huius immunitatis audiat. Nisi alicubi fortè vsque hodie de consuetudine seruetur, cui consuetudini in seculari iudicio standum esset.

*De origine, atque antiquitate immunitatis templorum, altarium, sacrorumque locorum, tum apud Gentiles, tum apud Hebræos.*

## CAPVT VII.

1. **N**ON modò immunitatis templorum, atque altarium vtriusque gentis, tam Iudæorum, quam Gentilium origo, & antiquitas perquirenda est, sed vtræque est ad mundi annos, atque ad se inuicem conferenda, & vtræ alteram, & quanto tempore præcedat inuestigandum. Cuius difficultatem disputationis illis solis coniectare licet, qui sunt in historiis, chronicis, temporumque rationibus ineundis versati; his enim cõstat quàm mūtīlæ ad nos Gentiliū historiæ, antiquiores præsertim, petuenerunt, quàm varia fuerit apud diuersas gentes, atque apud eandem diuersis temporibus annorum ratio, quàm difficile sit ea, quæ in sacris historiis legimus, Gentiliū historiis, annorumque rationi accommodare, ipsa denum sacrarū historiæ pugnantiæ, vt viden-

tur, loca concordare: his tamen difficultatibus, neque frangor, neque detincor, sed diuina ope fretus aggredior, quod intendo.

2. Tria, vel quatuor apud Gentēs (quantum studio ac diligentia assequi potui) reperio asyla præ cæteris antiquissima: vnum à Cadmo positum constructis Thebis ad replendam urbem incolis: alterum apud Nili ostium Canopium positum Herculi, quod puto positum fuisse illi adhuc viuenti, cum apertum fuerit ante Troianum bellum; Paris enim rapta Helena fugiens cum eò diuertisset, à suis seruis in eo asylo ob acceptas sacras notas libertatem consequutis, fuit derelictus. Tertium, mortuo Hercule ab eius filiis, ac nepotibus positum Clementiæ, de quo superius mentionem fecimus *cap. 5. à num. 10. ad 14. inclusiuè*. Quartum non cerò constat fuisse asylum, sed si asylum fuit, quod apud me certum est, sine dubio omnium est antiquissimum. Id fuit templum, quod Semiramis Nini Regis Assyriorum coniux post mortem mariti Belo socero construxit magnificentissimum, in quod & Beli ipsius à Nino fabricatam statuam inuexit; licet enim historici non referant hoc templum asylum fuisse, id tamen facile mihi persuadeo, propterea quòd statua ipsa asyly erat; neque probabile est nurum negasse socii templo à se constructo eā confugij libertatem, quam Ninus filius statua concesserat.

4. Apud Hebræos præter refugiorum ciuitates, fuisse putanda est tabernaculi, atque altaris immunitas, ab eo fortasse tempore, quo ea constructa fuerant. Id in quem mundi annum, seu diluuij incidit,

sit, tunc demum cognoscemus, si prius moram, tempusque seruitutis filiorum Israel in Ægypto cognouerimus: de qua plerosque exprellissimos quidē textus in sacris litteris habemus; sed quia pugnantes inter se videntur, soluenda, atque concilianda repugnantia est. Nam *Exodi cap. 12.* sic habetur. *Habitatio filiorum Israel in Ægypto fuit quadringentorum triginta annorum.* Idem propē annorum numerus prædictus fuit Abraham Gen. 15. *Scito prænoscenti quidā peregrinum futurum sit semen tuum in terra non sua, & subiicient eos seruituti, & affligent quadringente annis.* Ita *Act. 7.* Stephanus Christi Protomartyr eadem de re loquutus est. *Loquutus Deus Abraham, quia eris semen eius accola in terra aliena, & seruituti eos subiicient, & male tractabunt annis quadringentis:* ac demum Apostol. ad Galat. 3. *Abraham dilectus sunt reprobationes, & seminibus eius. Hoc autem dico novum Testamentum confirmatum à Deo, quæ post quadringentos & triginta annos facta est lex.* In his Scripturis sacris vna manifestè apparet repugnancia primæ, ac postremæ, cū duabus mediis; in prima enim, & postrema exprimūtur anni quadringenti triginta, in duabus verò mediis quadringenti tantū. Sed præterea his omnibus simul repugnare videtur textus *Exodi 6.* in quo cū habeamus totam seriem generationis vnus ex filiis Israel, nempe Leui, & annos vitæ singulorum ex eo descenditū à tempore ingressus in Ægyptum vsque ad annum exitus de Ægypto, illis computatis vix dimidiam partem prædictæ durationis inuenimus: id quod multo magis facessit negotium.

6. Constat ergo ex illo capite

6. *Exodi Leui genuisse Caat multis annis ante ingressum in Ægyptum,* Caat autem in Ægypto genuisse Amram; Amram verò genuisse Aaron, & Mosem. Porro 7. Caat ibidem refertur vixisse annos ætatis centum viginti tres, Amram annos centum triginta septem, Mosem anno ætatis suæ octuagesimo egressum esse cū vniuerso populo Israel de Ægypto: si hos omnes annos simul ducamus, solū reperiemus numerum annorū trecentorum sexaginta, vt ad complendum numerum annorum quadringentorum triginta, qui planè numerus ad saluandas scripturas omnino complendus est, desint anni septuaginta. Sed neque is annorum numerus integer sumi potest; necessariōque multi ex eo anni detrahendi sunt. Nō enim Caat primo anno ætatis suæ in Ægyptū puer est introductus, sed multos ætatis annos habebat, hi omnes subducendi sunt. Rursum Caat non genuit Amram vltimo ætatis suæ anno, sed longè antea: cū igitur numerare incipimus annos vitæ Amram, iam non debemus amplius numerare annos Caat. Idemque de annis vitæ Amram dicendum necessariō est; cū enim Amram non genuerit Aaron, & Mosem vltimo vitæ anno, tot annos necessariō detrahere debemus de vita Amram, quot annis vixit post genitum Mosem, qui multi certè fuerant: si ergo de illis trecentis sexaginta annis multos subtrahamus de vita Caat ante ingressum in Ægyptum, multos post genitum Amram; si de vita Amram multos post genitum Mosem, vix reliqui erunt ducenti, aut paulo plures anni, tantum abest, vt qua-

dringētos triginta cōpleamus. Cū ergo conflet ſeruitutem ipſam annis circiter ducētis, aut paulo pluribus tantū durāſſe, nec Spiritus ſanctus, qui in Scripturis loquitur, mentiri poſſit, non ab initio ingreſſus in Ægyptum, ſed multo altius hic annorum numerus petendus eſt. Rabanus relatus per S. Thom. ſuper cap. 3. epiſtolæ illius ad Galat. *leſt. 6.* & ipſemet S. Thomas illum ſequutus expreſſè tradunt præciſam manſionem filiorū Iſraël in Ægypto ducentis quindecim tantū annis durāſſe. Aiunt enim Ioseph poſt patris in Ægyptum ingreſſum vixiſſe annis ſeptuaginta vno, ab eius verò obitu vſque ad egreſſum ex Ægypto fluxiſſe annos centum quadraginta quatuor, qui ſimul iuncti ducunt annos ducentos quindecim. At deſunt adhuc alij anni ducenti quindecim, vt quadringentos triginta compleamus. Enimvero tot omnino interceſſere à tempore promiſſionis factæ ipſi Abraham, cuiusque primæ peregrinationis vſque ad ingreſſum Iſraël in Ægyptum. Si hinc ordiri liceret, compleverimus ſanè facile eum numerum. Licere autem ex ipſiſmet ſcripturis, ſi eas attentius conſideremus, cognoſcemus; quo fit, vt ita omnino numerare neceſſe ſit, ita numerant duæ illæ Scripturæ noui Teſtamenti. Nā *Act. 7.* Stephanus in Scripturis bene verſatus annos quadringentos triginta numerans non ſolū ſeruitutis Ægyptiacæ mentionem facit, ſed Abrahamæ peregrinationem exprimit, cū ait: *Loquutus eſt Deus Abraham, quia erit ſemen eius accola, id eſt, peregrinabitur in terra aliena, & ſeruitutē eos ſubiicient*: ſic & Apoſtolus ad Galat. 3. cū prius

de promiſſione facta Abraham loquutus eſſet, ſtatim ſubdit, *qua poſt quadringentos annos facta eſt lex, quadringentos à promiſſione intelligens*; eodem enim tempore, quo promiſſionem accepit, datum eſt ei de peregrinatione præceptum; *Egredere de terra tua, eodem obediſſimus Abraham peregrinari ſtatim cœpit.* Sed & illa prædictio *Gen. 15.* eandem peregrinationem ſub illo annorum numero comprehendit apertiffimè; ait enim, *Scito præſcens quod peregrinū futurum ſit ſemen tuum in terra non ſua, & ſubiicient eos ſeruituti.* & de peregrinationis, ſeruitutis que laboribus ſubiungit, *& affligent quadringentiſ annis.* Atque hac fortalſe de cauſa *Exodi 12.* non ſeruitutis, ſed habitationis filiorum Iſraël in Ægypto numerantur anni illi quadringenti triginta, quia tot quodāmodo habitarunt partim peregrinando, partim ſeruitutem patiēdo.

At quoniam hic ſenſus ſecundū 10. noſtram verſionem difficile aptari videtur, cū de filiis Iſraël loquatur ſolū. Ad hos autem annos neceſſe ſit, vt dictum eſt, addi annos peregrinationis ipſiſmet Abraham, adduco illuſtrem verſionem ſeptuaginta Interpretum nuper correctam, & priſtinæ integritati reſtitutam opera, ac diligentia illuſtriſſimi doctiſſimique Cardinalis Antonij Caraffæ, nec non & Romæ impreſſā authoritate & approbatione Sixti Papæ V. qui textus ſic habet. *Incolamus filiorū Iſraël, quem incoluerunt in terra Ægypti, & in terra Chanaan, ipſi, & Patres eorum quadringenti triginta anni.* Quo loco duo illa diligenter obſeruanda ſunt, vnum quod exprimit ipſos & Patres eorum, alterum quod exprimit

mit terram Ægypti, & terram Chanaan, quibus duobus omnis hæc difficultas omnino dissolvitur. Neque verò vacat mysterio, quod nostra versio solius Ægypti mentionem facit, quoniam cum prima Abrahamæ peregrinatio in Ægyptum fuerit propter famem, vltima filiorum Israël in eandem Ægyptum, quasi tota in Ægypto facta videtur. Hanc eandem expositionem de computandò numero annorum à prima peregrinatione Abrahamæ receperunt ipsimet Hebræi. Nam Iosephus Iudæus lib. 2. *antiquitatum Iudaicarum*, cap. 6. in ipso initio sic ait, Anno quadringentesimo trigésimo, posteaquam Abraham in Chanaan venit, & post Iacobi migrationem in Ægyptum anno ducesimo decimo quinto, &c. ex quo non solum habemus expressè seruitutem Ægyptiacam durasse annis ducentis quindecim, sed annos toridem præcessisse à suscepth Abrahamæ peregrinatione vsque ad ingressum Israël in Ægyptum, sed & Lyran. Iudæorum olim Rabinus in lege peritissimus, & postea Christianus in singulis illis Scripturæ locis à nobis initio relatis in sua Glossa super cap. 15. Gen. in 12. cap. Exodi in 7. cap. Act. Apost. & in cap. 3. epistola ad Galat. idem docet. Sequuntur eandem interpretationem sancti Patres communi consensu, Aug. lib. 16. *de ciuit. Dei*, cap. 24. & in 99. in Exod. Eusebius in *chronicis*, Beda lib. *de sex etatibus*, Rupertus in *Genesim*. Chrysostomus homil. 38. in 15. cap. Gen. Raban. & post eum S. Thom. in cap. 3. epistola

ad Gal. lect. 6. Caietanus in 15. cap. Gen. Cyril. tum in Gen. 15. tum in Exodi 12. Hieron. in cap. 3. epistola ad Galat. Lippoman. in Gen. 15. Abul. tam Gen. 15. quam Eod. 12.

Altera superest difficultas, de illis triginta annis, vltra quadringentos, quos duæ illæ superius alate Scripturæ numerant, cui facile responderetur morem esse sacre Scripturæ eum alicubi semel, aut iterum integer temporum numerus expressus sit, deinde solius maioris numeri facere mentionem: cum ergo semel, atque iterum expressus esset numerus integer, atque perfectus quadringentorum triginta annorum, postea satis fuisse solum maiorem numerum recensere annorum quadringentorum. His difficultatibus ita enodatis ad rationem annorum deuenio, ex qua altaris, ac tabernaementi, ciuitatum refugiorum, ac per multorum asylorum tempora facile colligere poterimus, & eorundè antiquitatem cognoscere.

Constat ergo ex sacra Genesis historia ab orbe condito, vsque ad generale diluuium, quo superstitie Noe cum tota familia, omne reliquum genus hominum absumptum fuit, annos intercessisse mille sexcentos quinquaginta sex. Id per generationum seriem sic ostendam; si cuiusque annos non vsque ad finem vitæ eius, sed vsque ad primum susceptum à quoque filiū numerauero, reliquos eius vitæ annos ad annos natæ sobolis retulero. Id ex subiecta tabella sic appareat:

Adam genuit Seth anno vitæ  
Seth genuit Enos anno  
Enos genuit Cainan anno  
Cainan genuit Malalael anno

130	130
105	235
90	325
70	395
	Malalael

Malael genuit Iared anno	65	460
Iared genuit Enoch anno	161	621
Enoch genuit Mathusalem anno	65	687
Mathusalem genuit Lamech anno	187	874
Lamech genuit Noe anno	182	1056
Diluuium vniuersale venit anno vitæ Noe	600	1655
Ducunt omnes annos	1656	

13. Ab vniuersali diluuiio vsque ad promissionem terræ Chanaam factam Abrahæ & semini eius, seu vsque ad principium laborū ipsius, ac seminis eius, intercessere anni trecenti sexaginta septem. Cum autem Noe vixerit post diluuium annis trecentis quinquaginta, consequens est labores Abraham inchoatos esse annis septendecim post mortem Noe, atque aded quando mortuus est Noe, Abraham iam fuisse grandem natu, annorum nē-

pe quinquaginta octo. Natus est enim Abraham anno diluuii 191. à quibus vsque ad 350. quibus Noe superuixit, quinquaginta octo intercedunt. Hanc annorum rationem eadem ratione ex libro Genesis colligimus, sicut, & præcedentem, quod idem in aliis sequentibus tabellis obseruabimus.

Addimus præterea annos Mundi ultra annos singulorum, annosque diluuij.

	Vitæ	Diluuij	Mundi
Sem filius Noe genuit Arphaxad anno	100	2	1658
Arphaxad genuit Sale anno	35	37	1693
Sale genuit Heber anno	30	67	1723
Heber genuit Phaleg anno	34	101	1757
Phaleg genuit Reu anno	30	131	1787
Reu genuit Sarug anno	32	163	1819
Sarug genuit Nachor anno	30	193	1849
Nachor genuit Thare anno	29	222	1878
Thare genuit Abraham anno	70	292	1949
Noe mortuus est anno diluuij 350. Mundi 1006.			
Abraham accepta promissione, diuinòque peregrinandi præcepto peregrinari cœpit anno	75	367	2013
Ducunt omnes annos	367	367	2013

14.

Ab initio peregrinationis Abrahæ fidelis, quo tempore accepit à Deo promissiones vsque ad ingressum nepotis eius Iacob cum filiis,

& nepotibus in terram Ægypti, intercessere anni ducenti quindécim, vt in subiecta tabella appareat.

Ab initio peregrinationis Abrahæ ann. 75. vitæ eius vsque ad annum 100.

	Vitæ	Diluuij	Mundi
Quo natus Isaac anni	25	322	2048 Isaac

Isaac genuit Iacob anno	60	452	2108
Iacob intrauit in Ægyptum anno	130	582	2138
Ducunt omnes annos	215		

15. Ægyptiaca porro seruitus durauit annis ducentis quindecim, quare peruenit ad annum diluuij 597. mundi verò 2453.

His ita explicatis ciuitatum refugiorum, altaris ac tabernaculi Hebræorum, asylo- rum, ac templo- rum, quibus immunitas concessa est, tempora, antiquitatēque scrutamur.

16. Atque altaris quidem, ac tabernaculi apud Israëlitas immunitas simul cum ipso altari, ac tabernaculo orta videtur, siue de primo gentis illius altari intelligamus, quod erectum fuit mense tertio egressiōis de Ægypto, siue de altero, quod simul cum tabernaculo perfectum fuit prima die anni secūdi. Sicut enim habetur *Exod. 19.* mense 3. egressiōis, cū populus ad solitudinem Sinai peruenisset, ibique Moses legem à Deo acceptam promulgasset, scripsissetque, eam populus libenti corde acceptasset, mane confurgens Moyses ædificauit primum altare Domino, offerens super illud holocausta, & victimas, fœdusque firmans inter Deum, ac populum, sparso tam super ipsum altare, quàm super populum, sanguine victimarum, sicut habetur *Exod. 24.* *Exodi* verò 40. alteram altare Domino constructum, ac simul cum ipso tabernaculo absolutum, araque in tabernaculum introducta, ac velum in eo appensum dicitur prima die anni secūdi. Probabile est autem immunitatem altaris inchoatam fuisse, siue in primo altari, si casus aliquis contigit, siue vt minimum in secundo. Inchoata est

autem, siue ex vsu mero, propterea quodd cū Israëlitz in Ægypto vidissent, ac fortè experti essent illorum immunitatem, tantundem suum altare vero Deo erectum valere voluerunt, siue occasione accepta ex illo Domini præcepto iubentis *Exodi 21.* industriofum, atque insidiosum homicidam euelli de altari ad necem; inde inferentes alios facinorosos extrahendos non esse: cū autem egressi sint Israëlitz ex Ægypto anno mundi bis millesimo quadringentesimo quinquagesimo tertio, diluuij septingentesimo nonagesimo primo, consequens est vel illiusmet anni mense tertio, si casus contigit, si ad primum altare referatur, vel integro anno post, si de secundo altari intelligatur introductam esse immunitatem altaris, vel non longè post.

- Tres priores refugiorum ciuitates triginta nouem, vel quadraginta annis post, segregatæ fuere à Moysē trans Iordanem, post deui-ctum Sehon Regem Amorrhæorum, & Og Regem Basan, distributa eorum terra tribubus Ruben, Gad, & dimidia tribui Manasses, circa annum mundi bis millesimum quadringentesimum nonagesimum secundum, vel tertium; diluuij octingentesimum trigessimum primum. Reliquæ tres ciuitates constitutæ sunt refugij per Iosue Moysis successorem post deui-ctam, captam, & in reliquis tribus distributam terram Chanaam, post alios decem circiter annos, nempe anno mundi bis millesimo quingentesimo secundo, vel tertio: di-

- luuij octingentesimo quadragesimo primo, vt colligitur ex *Iosue* 20.
18. Hinc ad Gentium asyla descendēdo à Thebano illo ducemus iuitiū, quod Cadmus constructis Thebis posuit. Hunc referunt cœpisse regnare anno mundi bis millesimo quingentesimo vigesimo octauo, vel quadragesimo. Neque verò dubium est, quia primo regni iuitio asylum aperuerit cōdita statim vrbe, cū eo sine aperuisse illud dicatur, vt accolat ad nouam urbem accerseret. Quare Cadmi asylū erit prioribus ciuitatibus refugiorum posterius, annis triginta quinque, vel vt summum quadraginta septē; posterioribus verò ciuitatibus refugiorum recentius annis viginti quinque, vel triginta septem; asylo Beli statuar per Ninum positæ posterius annis paulo plus sexcentis. Mihi verò probabile est Cadmū ex Hebræis id accepisse. Cū enim nuper ciuitates refugiorum essent constitutæ, probabile est, sparsum fuisse de illis rumorem, quod per confugia homicidarum, accolis abundarent, vt inde inferre potuerit Cadmus multo plures ad suam illam nouam urbem confluxuros, si non solis homicidis, sed quorumcunque criminum reis impunitas concederetur.

19. Post Cadmi asylum duo alia referuntur antiqua satis, & Herculis temporibus aperta, vel paulo pōst; quorum vnum Herculi dicatū erat ad Canopium ostium Nili, quod ipsimet viuenti Herculi sacratū inde conicere possumus, quod Patris rapta Helena ante bellum Troianū illuc delatus referatur, & à seruis, asyli eius lege liberatam cōsequutis, destitutus. Herculem enim constat instituisse olympicum certamē

anno mundi bis millesimo septingentesimo quadragesimo sexto, iussisseque id quinto quoque anno celebrari, vnde & Olympiades numerari cœptæ sunt. Raptum itē Helenæ incidisse in annum bis millesimum septingentesimum sexagesimum quintum, annis nouemdecim post institutū olympicū certamen; eo autem tempore iam celebre erat asylum, vnde probabile est aliquot antē annis fuisse positū, atque adeo Herculi viuenti. Probabile est etiā ideo fuisse viuēti Herculi dicatum, vt eius timore (quem in olympico certamine victorem, tanquā virum fortissimū omnes metuebant) nullus violare auderet. Alterū fuit asylum Athenis positum post mortē Herculis ab eius filiis, & nepotibus dicatum Misericordiæ, seu Clemētiæ, quod Aram fuisse superiūs docuimus *cap. 4.* Ex his apparet hæc asyla esse Cadmi asylo posteriora circiter ducentis annis; ciuitatibus refugiorū ducentis panē, ac quinquaginta; altari Iudæorum paulo minus trecentis.

Quod si templū illud quod *Se- 10.* miramis nurus Belo socero erexit, asylū fuit, fuisse autē suprà ostendimus probabile esse; dicēdum est id omnium toto orbe templorū, quæ asyla fuerunt, primum extitisse pari panē antiquitate cum immunitate statuarum; nā paulo post Nini viri sui mortem illud construxit.

Sed & Roma condita Romulus *21.* asylum in ea aperuit imitatione Cadmi circa annū mundi ter millesimum ducentesium vndecimū, dilunij 1555. quod vnicum asylum Romæ fuit annis multis, id est, tota septem Regum, imò & Consulū tempore, vique ad Imperatores, atque aliquanto pōst; non enim in-



uenio alterius in ea vrbe asyli vsque ad mortem C. Iulij Cæsaris mentionem, cui Cæsari post mortē asylum aliud in vrbe sacratū fuisse author est Dionysius; deinde verò per Imperatorum ambitionē vsque ad eū excreuit asylorum numerus, tā in vrbe, quā in tota Græcia, vt necesse fuerit Tyberio Cæsari vel abrogare omnia asyla, vt Suetonius tradit, vel ea moderari, vt refert Cornelius Tacitus, de qua rē infra dicitur. Tandem anno mundi quater millesimo trecentesimo septuagesimo sexto imperiali lege confugij immunitas, seu asyli ius Ecclesiis Christianorum omnibus statui cœpit, qua promulgata lege, paulatim cum idolorum cultu, inaniūque Deorum religione asyla Deorū conqueuerunt. Licet probabile sit longē antea fuisse nōstrarum Ecclesiarum immunitatem, vel consuetudine obseruatam, vel aliqua alia lege, quæ modò non extet, cœptam, vt suo loco dicitur.

*De diuinis præceptis circa ciuitates  
refugiorum traditis.*

## CAPVT VIII.

1. **R**EFUGIORVM loca antè à Deo promissa, postea eiusdem præcepto constituta, docent apertè sacræ literæ; nam Exodus 21. cūm de casuali homicida ruendo loqueretur Deus, promisit, dicens: *Constitui tibi locum, in quē iugere debes.* Deinde verò non modò de ipsa ciuitatum refugij substantia, sed de multis circumstantiis præcepta dedit, quæ partim per Moysen, partim per eius successorem Iosue executioni mandata sunt. Num. 35. Deuter. 19. Iosue 20. à nobis sunt

hoc capite prosequenda.

Primum igitur præceptū de substantia ciuitatū refugiorum habetur in generali Num. 35. *Sex oppida in fugiuorum auxilia separa.* In speciali de tribus trans Iordanē, & totidem in terra Chanaan, paulo inferiùs subdit, sed & de tēpore, quo tres priores separandæ erant, ita præcipit Deut. 19. *Cūm disperdiderit Dominus Deus tuus gentes, quarum tibi traditum est terram, & possederis eam, habitauerisque in urbibus eius, & in adibus, tres ciuitates separabis tibi in medio terra.* De aliis tribus quo tēpore separandæ essent, subdit ibidem: *Cūm autem dilatauerit Dominus Deus tuus terminos tuos, sicut iurauit patribus tuis, & dederit tibi cunctam terram, quam ei pollicitus est, addes tibi tres alias ciuitates, & superadditarū trium urbium numerum duplicabis.* de quibus posterioribus Num. 35. etiam præcepit. *Quādo transgressi eritis Iordanem in terram Chanaan, decerneret, quæ vrbes esse debeant in subsidia fugiuorum.* Tres priores vrbes ab ipso Moysē separatæ leguntur Deut. 3. cūm deuictō Schon, & Og regibus distributa eorū terra tribubus Ruben, Gad, & Manasses singuli in singulis tribubus positæ sunt; Bosor in campestri solitudine tribui Rubi; Ramoth in terra Galaad tribui Gad; Golan, seu Gaulon in terra Basan tribui Manasses, sicut habetur Deut. 4. & Iosue 20. sic & post adeptam terram Chanaan renouatō Domini præcepto ad Iosue de earum separatione Iosue 20. refertur facta ab eodem separatio aliarum trium ciuitatum. Subditur enim: *Decernerunt Cedus in Galilæa montis Nephthalim, Siechem in monte, & tribu Ephraim, & Cariatharbe, siue Ebron in monte atque in tribu Iuda.*

3. Secundum diuinum præceptum fuit de qualitatibus, seu conditionibus earundem ciuitatum, quod sparsim diuersis locis datum est. Nā Num. 35. præcepit omnes huiusmodi ciuitates separandas esse de sorte urbium Leuitarum, ut cum Leuitica tribus partem propriam, atque ab aliis distinctam sicut ceteræ tribus non haberet, sed de singulis tribubus aliquot illi vrbes assignandæ forent, quod toti populo permixti essent, e quadraginta octo oppidis quæ Leuitis assignanda essent, sex ad refugia separarentur. Secunda conditio, ut hæ ciuitates æqualibus inter se spatiis distarent, Deut. 19. de tribus prioribus dicitur. *In tres æqualiter partes totam terram tue provincie diuides*; & de tribus posterioribus, *Præcipio tibi, ut tres ciuitates æqualis inter se spatij diuidas*. Tertia conditio, ut viæ, quæ ad quamlibet dictarum ciuitatum vndequeque ducerent, sterneretur, quod præceptum fuit Deut. 19. Prima quidē conditio ideo præcepta videtur, quod vitam eorum, qui ad has ciuitates refugiant, soli sacerdotali, seu Leuiticæ tribui credendam putauit, illis eam tuendam commisit, quod typus quidam, & umbra fuit immunitatis nostrarum Ecclesiarum, in qua Clericis, & Prælati Ecclesiarum committendum erat, ut configuentium ad Ecclesias patrociniū ipsi susciperēt, eosque tuerentur, nec abstraherentur, eosdēque, si quando per vim abstracti essent, repererent, ut suo loco dicemus. Secunda & tertia conditio eō spectant, ut commodē vndeunque pateat accessus volētibz ad eas confugere, ne quis, aut propter nimiam distantiam, aut propter itineris asperitatem diutius re-

tardatus, interciperetur à propinquis occisi. Tertium fuit præceptum de gentibus, seu nationibus, quæ ad has ciuitates confugiendo tutæ essent. Quāvis enim Hebræorū præcipue vitæ consuluerit Deus; non ad eos tamen solos hoc priuilegiū restrinxit, sed expressē etiā ad aduenas extendit, id est, cuiuscūque nationis, ac sectæ homines, qui in tota terra Israël habitarent, Num. 35. *tam filius Israël, quā aduenis, quā peregrinis*; quo aduenarum nomine, non solos Israëlitas, qui fortē in aliena tribu habitarent, sed quascūque alias gentes intelligi, illud manifestē declarat, quod aduenæ ipsis filiis Israël opponuntur, ut filiis Israël quicunque illi sint, & vndeunque aduenæ aliquod aduenerint, nomine filiorum Israël intelligantur: aduenæ, qui ab his distinguuntur, filij Israël non sint. Postulabat autē ratio ita fieri, quod conuenientissimē præceptum est, ut qui simul viuerent, pates in hoc priuilegio essent: ne gentes hoc priuilegio offenderentur: ut sicut si filius Israël aduenam occidisset, ad aliquā ex his urbibus confugiens tutus esset, ita etiam tutus esset aduena, quando vtriusque occisio casualis esset, & non industriosa, ut aduena religione potius, quā patria intelligatur. Cum autē hoc præceptum ad solos aduenas, peregrinosque se extendat, consequens est: si quis ex aliis orbis partibus extra terrā Israël commissio quouis homicidio etiam casuali, aut alio quouis delicto, ad quascūque ex prædictis ciuitatibus confugisset, tutum ibi non fuisse.

Quartum præceptum Domini fuit de ipsa causā cōfugij, quam protegendā in dictis casibus suscipit: quæ est homicidiū casuale. Non enim in

reis

reis criminū, furti, adultetij, incestus, nō seruis propter offensos dominos, nō grauatis aere alieno, decoctisve hominibus hoc refugium posuit, sed solis homicidis: & his quidem omnibus, vsque ad ventilatam, ac discussam in iudicio causam. Post ventilationem verò iis tantum, qui probassent se casu fortuito, non autem per industriam, atque insidias occidisse. Pro cuius rei declaratione aduertendum est, in tantum Deum Opt. Max. alioqui piissimum, ac clementissimum abominatum esse erimen homicidij, quo nomine intelligitur omne voluntarium homicidium, quo mors fratris intenditur: vt omnibus modis voluerit homicidam mortis pœnā affici, sic Exodi 21. *Qui percusserit hominem volens occidere, moriatur*, quod non eo sensu intelligendum est; vt qui occidendi animo percusserit, etiam non sequuta morte occidendus sit, sed si percusserit, adeo vt sequuta mors sit, quod declarat alius textus *Leuit. 24.* vbi sic dicitur, *Qui percusserit, & occiderit. Quin* adeo certò voluit huiusmodi homicidium omnino mortis pœnam luere, vt neque ciuitates refugiorum, neque ipsius altaris sanctitas eum liberare queant, atque vt is nullo modo possit mortem euadere, eum posteaquam de voluntario homicidio conuictus fuerit, ipsis occisi propinquis, qui eum persequuntur, tradi voluit occidendum, à quibus probabile non erat, eum esse vitam impetraturum. Legem præterea statuit, qua terra occisorum sanguine maculata, ac polluta, non aliter, quàm ipsius occisoris sanguine expiari posset, seu ab illa macula purgari, *Numer. 35.* vn-

de & *Deuteron. 19.* quamuis ipse aliàs misericordissimus sit, misericordiam erga huiusmodi voluntarios homicidas vetat: *Non misereberis (inquit) eius, sed animam pro anima exiges.* Denum adeo certò, atque infallibiliter voluit voluntarium occisorem mortis pœnā subire, vt satius esse duxerit innocentem occisorem, qui merè casu hominem occidit, mortis pœnā affici, si fortè extra urbem refugiorum à propinquis occisi reperiat, quàm voluntariæ mortis reum sub prætextu, ac quæsito colore innocentiae, ac homicidij casualis, à morte impunem abire, neque quemquam extra refugiorum ciuitates immunem esse à vindicta propinquorum occisi passus est.

Sunt autem tria, vel quatuor 8. voluntariorum homicidiorum genera. Primum est homicidium insidiosū, cū quis ex dispositis insidiis occidit incautum. Secundum industriosū, cū quis ex industria sciens, & volens multur necem illius, & absque insidiis cogitato, ac deliberato consilio. Id *Abul. 9. 3. in 20. cap. Iosue* exponit, si quis desiderio aliquem occidendi excogitat, profertque verba, vel aliqua alia operatur, quibus illū mouere possit ad irā, vel ponit offendicula in eius factis, vt exortis inde iurgiis coloratam habere videatur occidendi causam: quem ego inter industriosos homicidas refero, quamquam etiam industrius sit qui nullo quæsito colore proximum sine insidiis prouocat, inuadit, occidit. Tertium est genus, cū neque positis vllis insidiis, neque vlla adhibita deliberatione præuia, aut prouocatione, aut quæsito colore, exorta casu fortuito repente

aliqua contentione hominem occidit aduertens se occidere. Quartum genus est homicidium, quod committitur ad necessariam sui, rerumque suarum defensionem, adhibito etiā moderamine illo, quod ideo vocant inculpata tutela, quia ita moderetur suam defensionem, ut etiam occidendo inculpabilis sit, id est, non peccet, ut si quis iuxta priorem modum cum aliquo rixans, vel etiam iuxta priores modos ab alio, vel aperte, vel per insidias inuasus, vel fugiat dum potest, vel moneat aduersarium, ut desistat, & alia adhibeat remedia, ne illum occidat, ab eo tamen in eas angustias redigatur, ut nisi ipse occidat, occidatur, tandē ad impediendum ne occidatur, occidit. hoc homicidiū voluntarium quidē est, quia sciens, & volens occidit, & ictum ita dirigit, ut occidat: sed quia hæc voluntas est coacta ab alterius malitia volentis illum occidere, denudatur quodammodo natura homicidij, & induit naturam necessariæ defensionis, propterea quod ad necessariam sui defensionē occidit. Vocaturque potius sui ipsius defensio, natura iure licita, quam occisio: neque verò necesse est (quod quidam arbitrantur) ut is non velit, neque intendat mortem inuasoris, sed solum suam defensionem, quod per sepe impossibile esset, tum propter animi perturbationem, quæ prudentiam in eo procinctu adimit, tum quoniam aliquando necesse est talem vibrare ictum ex industria, quo illum omnino occidat, & sic non potest non velle mortem, sed iustus est quod non aliter velit mortem, nisi ut medium necessarium ad sui defensionem, tunc enim defensio est per

se directe intenta, occisio verò per accidens, quatenus accidit culpa illius, eam esse medium necessarium ad defensionem. Potest autē esse inculpata tutela vel coram Deo, quia omnino nulla alia intentione occidit, nisi ad necessariam, ut putauit, suæ vitæ defensionem, & qui sic occidit, omnino innocens est coram Deo, nec peccat occidendo, vel inculpata coram hominibus tantum, quoniam fecit exterius omnia, quæ ad inculpata tutelam requiruntur: voluit autem occidere ex vindicta, ira, odio tunc concepto contra illum, & similibus causis, & sic inculpatus quidem est coram hominibus in iudicio humano, licet coram Deo culpabilis sit, & mortaliter peccauerit. His positis dico certum esse duo priora genera voluntarij homicidij in illa lege non modò citatū, sed & altaris ipsius, ac tabernaculi, templique immunitate caruisse. Tertium genus videtur etiam caruisse eadem, id colligo ex exemplis, quæ in sacris libris afferuntur *Deuter. 19.* cum dixisset Deus, *Si quis percusserit proximum suum nesciens, addit exemplum. Si heri, & nudius tertius nullum contra eum odium habuisse comprobatur, sed abiisse eum eo simpliciter ad ligna cadenda, & in succisione lignorum securis percusserit, & occiderit.* quo loco non satis est, non præcessisse odium aliquot antè diebus, sed necesse est homicidium videri merè casuale, ut quod securis fugerit manu, ferrumve de manubrio lapsum, ut neutrum horum siue altero satis sit, ad hoc, ut homicidium tanquam casuale in ciuitatibus refugiorum defendatur. Sed & præcessisset iniuicia,

ria quamvis securis manu excidat, aut ferrū è manubrio labatur, propter præcedentē inimicitia lapsus securis de manu, ac ferri de manubrio, industrius præsumatur, & si non casu labatur securis de manu, aut ferrum de manubrio, sed exorta repentē rixa nullo præcedente odio occidat, dicatur industriosa occisio, vel saltem non inuoluntaria. Aliud exemplum afferitur *Numer. 35.* casualis homicidij: si quis fortuito, & absque odio manu percutiat, impellatque, seu aliquid iaciat in eum, illeque moriatur. Vnde & *Num. 35.* si quis ferro percusserit, vel ligno, aut lapidē iecerit in aliquē, illeque interierit, simpliciter videtur occidi tanquā industrius occisor, nec valet excusatio si probetur, quod disciplinæ causa percusserit ferro, aut ligno, aut quod per ludū lapidem iecerit, propterea quod cū hæc natura sua apta sint nocere, possintque mortē inferre, tenebatur hoc præuidere, eaque ita moderari, vt non possent occidere, v.g. adeo lentē percutere, adeo paruulū lapidē iacere, vt mors inde nullatenus sequeretur. Hinc infert Abulenā quæst. illa 3. in cap. 20. *Iosue*, casualis homicidij tunc tantum tutum esse in ciuitatibus refugiorum, cū innocens est, propterea quod Scripturæ clamāt defensionem sanguinis innoxij. *Num. 35. Deuter. 19. Ios. 20.* quod ego interpretandū puto de innoxio in foro humano, non enim necesse est, vt coram Deo innocens sit in conscientia; indices enim, quibus innocentia probanda erat, homines erant; vnde & præsumptionum rationem Deus haberi voluit, quæ in solo foro humano valent, apud Deum nihili habentur, apud quem sola veritas locum habet. Hinc &

illud addendū est: si veritas contra præsumptionē probetur per multos testes, cōsque fide dignos, hanc veritatē præualere contra præsumptionem in admittendo reo ad immunitatem ciuitatis refugij, vt in illo exēplo *Deuter. 19.* Siquis abiit cū alio ad cædenda ligna, dumque ligna caderet, aut securis fugit è manibus, aut ferrum è manubrio excidit, percussit que, & occidit socium, vult Deus attendi, an habuerit cum eo inimicitias heri & iudicius, id est. si recens, & ante paucos dies (ponitur enim determinatū pro indeterminato) putandū esse reū homicidij voluntarij, quod tunc locū habet, quando non possit contra hanc præsumptionē probare veritatem, quod cōmuniter accidit; non enim solent alij adesse, qui testari possint spectatores, cū duo cædūt in sylua ligna, sed si casu multi adfuisset fide digni, qui testarentur verē casu accidisse, nullamque negligentiam, fraudemque intercessisse, valeret probatio contra præsumptionem. Demū, vt vno verbo dicā, quoties homicidij casuale in foro humano culpabile apparebat, siue ex nō adhibita diligentia, quā adhibere tenebatur, siue ex opera rei illicita, siue ex præcedente inimicitia, siue ex quauis alia causa, ita vt occisor in foro humano innoxius nō esset, excludatur ab immunitate refugiorū, & occisi propinquis nātandus per iudices tradebatur. Quartū & vltimū genus homicidij voluntarij, quoniā nomen ipsū homicidij in malū sonat, & crimē homicidij, seu homicidij culpabile significat, propriè homicidij vocari nō potest, nullum enim peccatū est, neque corā Deo, neque corā hominibus, si probauerit adhibuisse illud inculpa

inculpatæ tutelæ moderamē, & sui defensio potiùsque homicidiū appellari debet. Ideoque eo probato moderamine contra inualem à se occisum, non modò tradi non poterat in manus propinquorū occisi, sed neque egēbat remedio illo ciuitatum refugiorum; neque tenebatur in illis habitare vsque ad mortē summi sacerdotis, nisi vsque ad vētilationē causæ. Probata enim necessitate defensionis ac moderamine à se adhibito liber abire permittebatur, & vbicumque liberet habitare.

12. Quintum præceptum fuit de modo admittendi ad vrbes refugiorum, de ventilatione, siue discussione causæ, deque eo quod post discussam causam agendum erat. De modo præceptum est Iosue 20. *Qui animam percusserit nefcius, stabit ante portam ciuitatis* (nempe illius ciuitatis refugij, ad quam confugit) *& loquetur senioribus urbis illius ea, quæ se coprobent innocentem, sicque suscipient eum.* Pro cuius declaratione aduertendum est primò supponi morem Hebræorum, apud quos iudices utrumque ad portas vrbis sedere, atque ibi tribunal habere consueuerunt, ideoque nomine seniorum vrbis iudices intelligit, apud quos ante portam, id est, prope portam, causam suam exponere debebat. Secundò aduertendum non potuisse intra ciuitatem admitti, vt in ea tutus esset à manibus propinquorum occisi, nisi apud iudices ciuitatis prædictos, ita narrasset commissum à se homicidium, aut colorasset, vt appareret innocens, & homicidium appareret casuale, quod probant illa verba, *loquetur ea, quæ se coprobent innocentem.* De-

bebat enim, si volebat in ciuitate tutus esse, auctoritate iudicum ad eam admitti, quibus illum admittere fas non erat, nisi aliqua probabili coniectura probasset suū homicidium esse casuale, quo fiebat, vt si, per imprudentiam, ita narraret factum, vt ex eius narratione colligeretur homicidiū fuisse insidiosum, industriofum, verumque crimen homicidij, excluderetur statim; nec reciperetur in ciuitatem; neque verò opus erat ad id multa probatione, qua de veritate casualis homicidij indubitatam fidem faceret, sed solum aliqua probabili narratione, qua ita velaret factum suum, siue vera, siue falsa narratio esset, vt probabile faceret homicidium fuisse casuale. Non enim erat hoc iudicium ad liberandū omnino eum à morte, sed solum ad statuendum, num recipi tantisper ad urbem vsque ad causæ ventilationem deberet. Totum autem iudicium de homicidio, & plena probatio facienda erat coram iudicibus ciuitatis, in qua homicidium commissum erat, vbi testes commodè ab utraque parte proferri, & per iudices recipi, atque examinari poterant. Tertiò aduertendum, homicidam cepisse gaudere immunitate, ac tutela ciuitatis, ad quam confugerat statim, atque eius portas attigisset etiam antequam causam sic probasset apud iudices illius ciuitatis, & antequam ab eis admitteretur, vnde si propinqui ipsius occisi adeò velociter post eum cucurrissent, vt eum assequerentur ad portam, non poterant illum impune occidere, donec per iudices ciuitatis iudicaretur, num deberet admitti, quod vbi semel iudicasset, tutus ibi erat vsque

vsque ad ventilationem; si verò contrà exclusissent, licebat eis in illum repente irruere, eumque necare: habetur id *Num. 35.* cum de urbibus refugiorum, dicitur: *In quibus cum fuerit profugus, cognatus occisi non poterit eum occidere, donec stes in conspectu multitudinis.*

13. De discussione causæ *Iosue 20.* dicitur, & *habitabit in ciuitate*, in quā iam admissus est, donec stes ante iudicium, causam reddens facti sui, & in vltimis verbis illius capitis dicitur, donec stares ante populum, exponitur causam suam. non declarat autē cuius orbis iudices esse debeant, sed *Deut. 19.* hoc apertè exprimitur, his verbis: *Mutent seniores ciuitatis illius, in qua homicidium committit, & arripiens eum, & Num. 35.* non minus apertè insinuat, *Si fortuito, & absque odio, & inimicitias quicquam bonum fecerit, & hoc audiente populo fuerit comprobatum, & sanguinis questio ventilata, liberabitur innocens de vltioris manu, & reducetur per sententiam in urbem, ad quā confugerat.* quo loco etiam si non apertè, iudicium hoc faciendum esse in vrbe, in qua occidit, insinuat, tamen apertissime cum videtur reduci ad ciuitatem, ad quam confugerat, quasi ex ea abstractus, & adductus ad urbem delicti fuisset.

14. De eo quod faciendum est post ventilatā causam, si probauerit reus suam innocentiam, statutum est *Num. 35.* remitti per sententiam ad urbem refugij ex qua fuerat eductus; si verò non probauerit innocentiam, statutum est *Deut. 19.* tradi in manus proximorum occisi per eos occidendum.

15. Sextum & vltimum præceptum habetur *Num. 35.* & *Iosue 20.* de termino habitationis in vrbe refugij, *P. Giambac. de immob. Eccl.*

donec moriatur summus sacerdos. Cum enim hæ refugiorum vrbes duo respicerent, primò motum iræ propinquorum occisi, quem populo illi duræ ceruicis statim reprimere, & intra breue tempus omnino sedare perdifficile erat. Secūddò salutem innocentis, quem perpetuò ac sine spe exulare à patria grauissimum erat, vtrique prudentissimè consuluit diuina Maiestas, terminū aliquem indeterminatum statuendo, nempe vsque ad mortē summi Sacerdotis: qui terminus à ventilatione causæ declarata innocentia computandus erat, quem terminū satis esse voluit sedandæ iræ, atque furori propinquorum occisi satis grauando innocenti ad tutandam eius vitam, ita vt si is, qui per sententiam iam erat declaratus innocens, & ad refugij urbem remissus extra urbem vbicunque locorū repertus fuisset, impune posset à propinquis occisi iugulari, quia quamuis innocens debebat rationē habere iræ, furorisque illorum, quæ lex haberi volebat: mortuo verò summo Sacerdote, tutò licebat ei nō modò liberè quocūque vellet abire, sed & ad patriam reuerti, in qua casu hominem occiderat, sicut eadem scripturæ sæpius velatæ permittunt.

Si termini huius causā quæras, 16. cur nempe vsque ad mortē summi Sacerdotis. Respondeo, sicut & in aliis terminis vsu venire solet, nullam reddi posse in particulari, licet vniuersa causa terminorū esse soleat, ne nimis longè negotium protrahatur, vtque partibus aliqua ratione satisfiat, vnde & maior, & minor assignari solet, pro varia negotiorum qualitate. Quare si causam quæras cur aliquis terminus in hac causa statuatur; in promptu est, vt

E. ceda

cedatur ira, furorūque propinquo-  
rum occisi, utque innocens non su-  
stineat perpetuum exilij cuiusdam  
à patria, atque ab amicis, & pro-  
pinquis incommodum. Cur autem  
hic præcisè terminus assignetur  
usque ad mortem summi Sacerdo-  
tis, qui aliquando brevissimus, ali-  
quando longissimus, aliquando  
mediocris esse potest, pro longitu-  
dine, aut breuitate vitæ ipsius: nul-  
la certa ratio reddi potest, nisi for-  
tè allegorica, ac tropologica. Cur  
autem summi potius Sacerdotis,  
quàm alterius cuiusquam etiam  
sacerdotis; ratio esse potest, quòd  
eius mors facilius poterat omni-  
bus innotescere, ut nullus excusa-  
tionem prætenderet. Hunc termi-  
num expressè designat Dominus  
*Num. 35.* computandum post ven-  
tilatam causam declaratam inno-  
centiam per sententiam, ac postea-  
quam reductus fuerit innocens in  
urbem ad quam confugerat, ut ibi  
maneat usque ad mortem summi  
Sacerdotis. Quo fiebat, ut si ante-  
quam hæc fierent mortuus esset  
summus Sacerdos, cuius tempore  
commisissum erat homicidium, non  
liberaretur per eius mortem occi-  
sor, sed ventilanda esset causa, &  
cætera facienda, quibus perfectis  
usque ad mortem illius summi Sa-  
cerdotis, sub quo sententia fuit la-  
ta, & reductus reus ad ciuitatem,  
ad quam confugerat, ibi manere  
deberet. Quo fieri poterat, ut cum  
aliquando multum temporis in  
ventilanda homicidij causa insum-  
meretur, sub vno summo Sacerdo-  
te delictum committeretur, sub alio  
ventilaretur causa, & discute-  
retur, sub alio sententia proferre-  
tur duobus prioribus vita iam de-  
functis, còque casu tertij illius su-

mi Sacerdotis mors expectanda es-  
set. Rursum poterat contingere, ut  
vacante summo sacerdotio homi-  
cidium committeretur, & electio  
nouo sacerdote sententia ferretur,  
illiūque mors expectanda foret.  
Quamuis enim summum sacerdo-  
tium iure vacare non posset, pro-  
pterea quòd mortuo sacerdote le-  
gitimus eius successor, primogeni-  
tus nempe filius, aut si filiis care-  
ret, quilibet alius illi propinquior  
iure hæreditario illi in sacerdotio  
succedebat, ex hominum tamen  
malitia vacare poterat, aut poterat  
nullus apparere legitimus succes-  
sor, vel lis oriri inter aliquos de  
successione; quòd si tandiu vaca-  
ret sacerdotium, donec causa ven-  
tilata innocentia occisoris decla-  
raretur, quid agendum esset statue-  
re non audeo; aliquid enim indul-  
gendum erat iræ propinquo-  
rum ex vna parte, ex altera nullus erat sa-  
cerdos, cuius mors expectanda foret.  
Quid actum fuisset, si casus  
contigisset, Scripturæ non dicunt,  
ideo nil statuere præsumo.

Et ut his, quæ de refugiorum ci-  
uitatibus dicta sunt, ad nostrarum  
Ecclesiarum immunitatē vtamus:  
erunt obseruanda, quæ sunt nostræ  
immunitati similia. Primum quòd  
sicut ibi non omnis occisor admit-  
tebatur, ita apud nos non omnis  
criminofus, sed semper aliqui casus  
fuerunt excepti. Secundum quòd  
sicut ibi tribui sacerdotali commis-  
sum erat ius statuendi, num quis  
esset ad ciuitatem admittendus, ita  
in nostra immunitate, cum aliquā-  
do dubium fuerit Ecclesiæ, ne Præ-  
latis, an laicis iudicibus compete-  
ret statuere, num confugis immu-  
nitas concedenda esset, nunc ad so-  
los Episcopos pertinere expresso  
iure

17.



iure constitutum est in hac Gregoriana constitutione, quam commentari inrédimus. Tertium quod sicut tunc iudicibus illis ex tribu Leui non erat necesse instituere plenum iudicium de illo homicidio, sed aliquod saltem probabile; ita nunc Episcopis, quibus hoc cōmillum est, non est necesse instituere plenum iudicium de delictis confugientium ad Ecclesias, sed solum quantum satis sit ad formandum suam conscientiam, quod ille commiserit, vel non commiserit tale genus delicti, propter quod immunitas illi aut debeatur, aut deneganda sit. Quartum quod sicut ibi tutus non erat occisor, nisi intra urbem, ita hic tutus non est, nisi quandiu intra Ecclesie septa moratur. Quintum quod sicut non defendebatur in vlla dictarum ciuitatum, qui in ea homicidium casuale commisisset, sic neque in nostris Ecclesiis quisquis in Ecclesia deliquerit.

*An altare sanctuarij, ac templi  
apud Hebraeos diuino praecepto  
habuerit immunitatem.*

## CAPVT IX.

1. **P**RAECEPTUM diuinum clarum, atque expressum de immunitate altaris, ac tabernaculi Iudaeorum, siue etiam templi nullum omnino existere, palam est, eum nullum in sacra Scriptura reperitur.
2. Sed si quod esse videtur, illud esse debet, quod indirecte ex illo *Exodi* 21. colligi potest, vbi iubet Deus; *Si quis per industriam, & insidias occiderit proximum, ab altari meo euellatur ut moriatur.* Quae Domini ver-

ba huic dubitationi praebent occasionem, vt qui solos homicidas industriosos, atque insidiosos diuelli praecipit, homicidas casuales, ceterosque fortasse facinorosos apud altare rutos esse velit, à contrario, vt vocant, sensu. Cur enim ad hos solos restringeret hoc suum praecipitum, si nullum omnino vellet in altari tutum esse? Huic Ioan. Igneus, & nonnulli alij Canonistae nostrarum Ecclesiarum immunitatem diuini iuris esse, propterea asserunt, quod his verbis à Deo praecipita sit, vt eo loco dicemus, cum de nostrarum Ecclesiarum immunitate, an diuini iuris sit, constituemus, *lib. 3.*

Abulensis tamen *q. 6. in 20. cap. 3.*

*Iosue* apertissime proficitur, non modò nullam omnino immunitatem illi altari, templòve à Deo datam esse, sed nec decuisse quidem dari. Probat triplici ratione, prima, quod cum Deus rudè illi populo permisisset, vt propinqui ipsius occidi, occisorem impunè occiderent, proximi que sanguinem vliscerentur, vnde & vltiores vocati sunt ad tuendam vitam innocentium, qui casu aliquem, & non volentes occidissent, hoc constituit vrbes refugiorum tam commodo loco per rotam illam regionem distributas, viis etiam ad eas ducentibus vnde quaque complanatis, ac stratis, vt commodè posset quilibet vnde quaque ad illarum aliquam, facileque confugere, nihil erat, cur altari, templòve immunitatem eam tribueret, quod neque in medio populi situm erat, neque si fuisset commodum, fuisset refugium, nisi iis qui propè habitarent, illis verò, qui longe abessent, incòmodissimum. Neque verò tabernaculū

aut templum aded erat amplum, ac vastum, vt capiendæ casualium homicidarum multitudini aptum esset. Secunda ratio, quoniam eadem erat lege statutum in voluntarios occisores, posteaquã apud iudices suæ ciuitatis innocentiam probassent suam, remitti ad urbem, ad quam confugerant, ibique manere vsque ad obitũ summi Sacerdotis, neque alibi interea tutos esse ab vltice propinquorũ oecisi manu, quàm si intra eã urbẽ commorarentur, si extrã reperti essent, tutò posse iugulari. Quare si eandem altari, ac tabernaculo immunitatem dedisset, neque capere id potuisset tantam confugarum multitudinem ad tandiu in eo habitandum, & illis ipsis confugis necesse fuisset nunquam è templo egredi, ab altari non discedere, pedem de sanctuario non efferre, cui consequens erat, pollui quotidie eorum actibus ipsum templum propter innumeras eius legis inmunditias; id quod loci sanctitati non medio-criter aduersabatur. Tertia ratio, quia oecisione ipsa talis immunditia contrahebatur *Num. 35.* qua non modò ingredi sanctuarium, sed etiam propè accedere prohiberetur erat. Hæc ille.

Sed eius pace dixerim, quicquid sit de ipsa re, de qua statim dicam, certè rationes hæc parum, aut nihil probare. Nam duæ priores solum probant non fuisse satis illi populo, ac propterea non decuisse tribui soli templo immunitatem; positis enim refugiorum ciuitatibus eodem omnino numero, eodemque loco inter se distributis, stratisque ad eas viis, augebantur loca confugij, & ad maiorem gentis commoditatem pertinebat, tẽ-

pli, atque altaris addere immunitatem pro iis saltem, qui propè casuale homicidium commisissent, & quo plura loca multiplicabantur, eo minor ad singula numerus confluisset; qui enim alicui vbi refugiorum propinquiore fuissent, ad illam potius, quam ad templum confugissent. Tertia verò ratio, quæ sola primo aspectu aliquid ponderis habere videtur, facile soluitur. Primò quidem ad hominem; nam faretur Abulensis de consuetudine seruata fuisse templo immunitatẽ; ergo illuc confugere occisores, illuc ingredi consueuerant, nec vetabantur, multo magis id licuisset, si Deus id statuisset. Secundo soli voluntarij homicidæ videntur hæc inquinari immunditia non inuoluntarij, atque innoxij, vt colligitur ex *Num. 35.* vbi dicitur, hæc maculam non aliter expiari, quàm eius sanguine, qui alterius sanguinẽ fuderit, quod palàm est, ad eum, qui casu occiderit, non pertinere, cuius sanguis defenditur. Tertiò demum apud illã gentem sufficiens semper causa transgrediendi ceremonialia, fuit necessitas, nã & Dauid necessitate coactus accepit sibi, ac pueris suis panes propositionis, quos non licebat, nisi solis sacerdotibus edere, qui tamen Dauid non modò nõ reprehenditur de hoc facto, sed potius à Christo probatur, cum ex eo Discipulos suos defecit, spicas sabbato vellentes ad māducandum in aliorum ciborum penuria. Neque verò quisquã Christum calumniatium ausus est huic Davidis exemplo à Christo allato opponere, aded Davidis factum omnibus ex eo tempore probabatur; quare cum præceptum immunitatis altaris, ac templi, si quod esset, ceremoniatẽ

esset, tunc illucisset illud necessitate tuendæ vitæ transgredi ad ultres propinquorum occisi manus euadendas, quod in similibus necessitatis casibus, fieri iam consueuerat. Sed misso Abulensi ad rem ipsam veniamus.

6. Primò certum est de facto casualles occisores consueuisse cõfugere ad tabernaculum, atque ad altare, imò & industriosos fortasse, atque aliorum criminu reos. Nā non rarò industriosi occisores, & homicidæ prætendentes se casu occidisse confugiebant etiam ad refugiorum ciuitates. Id primum Abulensis ipse fateretur. Deinde cõuincitur ex *lib. 3. Reg. c. 2.* ubi expressè habemus Ioab sibi grauitè à Salomone metuentē cõfugisse in templum, apprehendisseque cornu altaris; cū enim de vita periclitaretur, nullum sibi à Régis ita tutiorē locum futyrum esse duxit, quā templum, & in ipso templo altare, sperans fore, vt fortasse Rex sacro loco deferret dum ira deferuisceret: in quo tamen vt tutus esset permissum non est. Hoc loco aduertendum Ioab licet strenuum alioqui ducē in exercitu Dauidis Régis, atque ob res præclare gestas eidem Regi diu charum, tamen cū duplici proditorio homicidio scedasset manus, Abner scilicet, sicut habetur *2. Regum 3.* & Amasæ, vt habetur eisdem libri *cap. 20.* decidisse de corde Dauidis, qui tamē propterea quod duxerat super omnem exercitum, & quod ipsi Regi fidelis fuerat, punitus ab eo non est, sed relictus Salomoni filio puniendus; cū enim Dauid morti propinquus præcepta quædam daret Regi filio, hoc inter ea primum post Dei timorem fuit, vt non deduce-

ret canitiem Ioab pacificè ad inferos, sed cum puniret de duplici illa innocentium nece. Commiserat præterea Ioab in Salomonem adhærendo Adoniæ cum Abiathar sacerdote, atque omni ope nitendo, vt is patri in regno, non Salomon succederet; at cū Salomon regno potitus, & Adoniam fratrem interfici fecisset, & Abiathar de sacerdotio deiecisset, tunc fuit Ioab in templum, & cornu altaris apprehendit tuendæ vitæ gratia; siue quod audisset præceptum illud à moriente patre traditum Salomoni de se puniendo; siue quod sibi parem cum Adonia, cui contra Salomonem adhæserat, pœnam timeret; siue propter vtrāque causam simul. Milit autem Salomon Banaïam filium Ioïadæ, per quem Adoniam occiderat, vt Ioab quoque occideret, is in templo reperto non est ausus propter loci reuerentiam manus inferre, sed vt exiret Régis nomine præcepit; illo verò non modò parere detestante, sed & obstinatè respondente, velle se ibidem mori, atque his eius verbis ad Regem delatis, ita demum iussus occidi, ac per Banaïam in templo occisus est, vt pro causa afferretur, duplex illud homicidium proditorium ab eo commissum, vt patet *3. Reg. 2.* neque vlla fieret mentio factionis per eū habitæ in Salomonem. Hinc valde probabiliter colligo consueuisse, non solum homicidas, sed & aliorum criminum reos ad templum illud confugere, impunitatēque obtinere delictorum, præterquam industriosæ, atque insidiosæ occisionis. Primò, quia valde probabile est, Ioab metu conspirationis recens factæ, cū vidisset occisum

Regis patrem illuc confugisse, nec de Davidis præcepto quidquam audiuisse, ut ideo timeret. Secundò id probo, quia cum Banaïas bis missus a Rege ad illum occidendum; *Vade, & interfice eum*, prius quidem occidere non ausus, re infecta rediit ad Regem; deinde verò intrepidè illù aggressus in ipsomet templo occidit eum, cuius rei nulla alia ratio reddi potest, nisi quòd, cum prius missus est, non exposita per Regem causa, putauit id, quod probabile erat, propter recens delictù vnionis ipsius, cum Adonia iussu esse interfici, propter quod crimen non iubebatur ab altari diuelli ad necem, unde sacro templo detulit; cum verò iterum missus est, exposita iam per Regem causa duplicis illius infideli, ac proditorij homicidij diuino præcepto parendum ratus est auellendi illum ab altari, seu ibidè occidendi, ut auerteret à Salomone abique vniuersa illius domo innocentem Abner, & Amasæ sanguinè à Ioab effusum. Tertio, quoniam hac ipsa de causa Salomon Rex Banaïæ reuertenti re infecta non vnionis cum Adonia, sed occisionis illorum duorum causam adduxit occidendi Ioab, ut Banaïæ tabernaculi religione deterrito animos adderet ad exequendum contra Ioab mandatum mortis. Facto igitur Ioab ad tabernaculum confugientis Banaïæ prius ignoscentis, ac postea percutientis, atque occidentis Salomonis aliam iustam mortis causam habentis, eaque omnino tacita alteram duplicis proditorij homicidij adducens, satis probabile fit fuisse saltem vsu ac consuetudine receptam in illo tabernaculo, atque altari

seruari immunitatem illuc confugientibus propter alia delicta.

Secundò posteaquàm Deus suo illo 7. præcepto industriosum, & insidiosum tantum homicidam de suo altari euelli præcepit ad necem, nulla omnino facta alterius cuiusque criminis expressione, satis probabile esse videtur, ita saltem indirectè insinuassee casuales homicidas, ac simul aliorum criminum reos apud illud altare tutos esse, extrahique non posse ad poenam; ita ut Iudæorum de eadem altaris, tabernaculique immunitate recepta consuetudo, quam & Abulenſis fateretur, & nos probauimus, putanda fuerit ipsi Deo propter loci reuerentiam, & præcepti eius indirecti vim valde grata, atque accepta. Probabile est etiam ideo eam immunitatè subobscure & indirectè solum præceptam fuisse, ut cum id populi deuotione recipretur, non aperto Dei præcepto, paulatim inciperent, illuc rei confugere, nec magni fierent ad templum concursus, cum esset illud tabernaculum exiguum instar templi cuiusdam portatilis, nec capere multos posset: si enim ita expresso, claroque præcepto eà concessisset, sicut concesserat casuales homicidas ciuitatibus refugiorum, periculum erat, ne non modò aliorum criminum reos completeretur, sed casualibus etiam homicidis. Quicumque enim propter loci propinquitatem potuissent, multo libentiùs, ac faciliùs ad templum refugissent, ubi propter ipsius loci reuerentiam tutiores se fore arbitarentur.

Tertio hoc indirectum Dei præceptum 8. de tabernaculi altarisque immunitate, etiam si directè, ac clarè traditum esset, neque est, neque

que esset diuini iuris naturalis, sed ceremonialis, ac positiui, atque ideo mutabilis, non perpetui iuris, sicut & ipsum sanctuarium, tabernaculum, atque altare illius gentis ceremoniale fuit, & typicum, & inter ceremonialia numeratur ab Apostolo simul cum ipso sacerdotio, quod cessare debebat, sicut de facto cessauit. Quare nullo modo potest inde inferri quod nonnulli Canonistæ inferunt ex vicus præcepti immunitatem nostrarum Ecclesiarum iuris esse diuini, de qua re suo loco plenius disputandum erit lib. 3. cap. 7.

*An asyia apud Gentes diuino iure positiua introducta fuerit.*

## CAPVT X.

1. DVQ sunt, quæ persuadere posse videntur, fuisse apud Gentes asyliam, ipsorumque asylorum immunitatē diuini iuris positiui. Alterum est, quod pleraque asyla Deorum præcepto sacrata referuntur, cuiusmodi tria refert Tacitus lib. 3. *annalium*, commemorata in illa, quæ sub Tyberio facta est de asylius concertatione. Vnum Dianæ Ephesinæ.

2. Alterum apud Tenios Neptuno. Tertium Smyrnæ, omnia iubente Apolline, siue eius oraculo. Alterum verò est quod ipsi etiam Dij eisdem asylius tantum detulerint, ut eorum aliqui ad asyla confugerint; alij ne asyla violarent ad eâ confugientibus ignouerint. Nō videntur autem Dij tantum iis delatori, si sola lege humana, non diuina autoritate sacrarentur.

Sed obseruandum est consueuisse antiquos Gentium legislatores ac Principes, cum vel leges ponerent, vel graue aliquid populis præferberent, id in Deos referre, ut interposita Deorum autoritate; & populis gratum, acceptumque foret, & ab eis diligentius, sanctius, inuiolabilius obseruaretur: & quoniam inter legum multitudinem, quæ regendis populis necessariae sunt, non paucis necesse est, grauiā, molesta, difficilia præcipere, graues statuere pœnas, quæ facile detrectarentur, ideo vniuersas leges, quas tulerunt, in ipsos Deos reuoluerunt. Sic Minos, quem Plato cunctis legislatoribus, & propter legum sanctitatem; & propter legislatoris exemplum anteponebat Cretensibus leges daturus, professus est se nouem integris annis cum Apolline familiarissime versatum esse, ex eoque suas leges accepisse, quemadmodum Homerus; & Hesiodus tradunt, & post eos Plato in Minos, qui ob eam causam Cretam toto illo tempore felicem fuisse docet. Addit Lacedæmones posteaquam iisdem legibus, quæ diuinæ sunt, uti cœperunt, eiusdem felicitatis factos esse participes. Id per alios legislatores factitatum refert Marfil. Ficin. in eiusdem *Platonici Dialogi*, Minois scilicet, *argumento*. Zoroastrem enim leges, quas Bactrianis tradidit in Oromasim quendam illius gentis Deum; Trismegistum Ægyptiorum legislatores in Mercurium; Charrondam Carthagenensium in Saturnum; Lycærgum Lacedæmoniorum in Apollinem; Draconem Atheniensium in Minervam; Numam Romanorum in Ægerium; Zamol

- Zamolxem Scytharum in Vestam;  
 10. Platonem Magnesiorum in Iouem;  
 eundem Sicularum in Apollinem;  
 Mahometen hominem versuissimum  
 suas diabolicas leges retulisse  
 in Archangelum Gabrielem; ut  
 mirandum non sit, si gentes aliquę,  
 vel illi ipsi, qui apud eas asyla aperuerunt,  
 ea Deorum autoritate firmarint, asserentes certorum Deorum  
 11. præcepto id facere. Quamuis enim  
 asyla plauibilia populis essent  
 impunitate reorum, dum quisque  
 sibi per ea misericordiam, si  
 quando deliquerit, sperat, varios  
 enim fortunę casus, inopinatosque  
 euentus prudenter metuit; difficulta  
 12. tamen sunt iis, quos sinistri casus  
 attingunt, cuiusmodi sunt hæc,  
 ferre eum liberè viuere in asylo, à  
 quo grauiter læsus, à quo appetitus  
 iniuriis, à quo bonis spoliatus,  
 à quo dedecore affectus, à quo aut  
 verberare appetitus, aut grauiter  
 vulneratus, ac pænè occisus sis;  
 à quo filius tuus occisus, à quo  
 stuprata filia, à quo pater necatus  
 sit, cuius dextera tuorum sanguine  
 madeat, cuius vita tuorum carorum  
 morte sustentetur. Hæc quoniā vsque  
 adeo grauia sunt, ut pænè intolerabilia  
 putentur, propterea prudenter, qui  
 asyla aperuerunt, ea Deorum autoritate  
 fulcire conati sunt.  
 13. Neque verò hæc ea mente faciebant,  
 ut suas leges diuinas credi vellent;  
 aut tanquam diuina præcepta  
 seruari, aut à populis tanquā  
 diuina acceptari; sed humana prorsus  
 præcepta ab omnibus putabantur;  
 iusta tamen, sancta, ac magnificienda  
 tanquam Deorum iudicio probata.  
 14. Solus Moses se leges ipsas à Deo  
 accepisse, id quod verè erat, professus  
 est, neque vn-
- uerfas, sed singulas: nam paulatim  
 sicut eas à Deo accipiebat, ita popu-  
 lula proponebat, qui propterea à  
 gentibus derisus habitus est, quod  
 nulla earum experta esset sed fami-  
 liatam cum Diis suis confabulationem,  
 & per particularissimas leges,  
 ac præcepta directionem, sicut  
 Moses de se proficitur; ideoque  
 eas leges tanquā diuinas accipere  
 Israelitæ, ac perpetuò venerati sunt,  
 agnoueruntque earum transgressionem  
 grauissima quæque sibi mala obuenisse.
- Multo minus diuini iuris credita  
 est apud Gentes asyla, quasi ab ipso  
 Deo in præcepto posita, quod perquam  
 pauca asyla in Deos relata legimus,  
 ut ex illa per Tacitum relata sub  
 Tyberio Cæsare de asylis contentione  
 facile apparet. Cum enim omnium  
 gentium legati, vel alterius ordinis  
 ciues Romanam accurrissent, defensori  
 singuli apud Senatum sua asyla, quacumque  
 meliori ratione posset, tria solum  
 Deorum consilio, seu iussione facta  
 relata sunt, quæ potissima ratio  
 esse potuisset, omnia tuendi, si  
 omnia Deorum voluntate facta  
 probare potuissent, quādo omnia  
 asyla nutarunt. Confirmatur ex  
 historiis asylorum ceterorum, quæ  
 homines ex se, non alicuius Deorum  
 iussu apertuisse referuntur.
- Ex his prior illa ratio initio huius  
 capituli adducta facile soluitur, quā  
 paucissima asyla Deorum iussu facta  
 recenserit, eaque ipsa nō tanquam  
 diuino præcepto, sed consilio potius  
 orta putari. Posterior verò nihil  
 probat, cum neque Diis subesse,  
 aut parere debuerint, præsertim  
 verò Diis maiores minoribus,  
 quemadmodum referunt Iouem

Iouem Deorū omnium apud Gentes maximum Apollini pepercisse ad Dianæ asylū confugienti, quod ipsius Apollinis præcepto sacratū erat. Neque verò quis facile concesserit Iouē teneri parere præcepto Apollinis, ut idcirco ei indulserit, quia parere tenebatur, sed potius dicendum esset, Deos sibi inuicem detulisse, ut se inuicem honorarent, ut intra prauas, falsasque Gentium opiniones loquamur.

*An asyilia sit iuris diuini, naturalis, seu iuris gentium.*

## CAP. V T XI.

1. **Q**UINQUE occurrunt rationes, quæ probare videntur templorum immunitatem, atque asyliam esse iuris diuini naturalis, seu iuris gentium, quod ad ius naturale pertinet. Dicitur enim ius gentium à Iurisperitis id quod ipso naturæ ductu omnes vbiq; gentes receperunt.

2. Prima ratio est, quod hæc immunitas, tam facile, tam vniuersè, tam seriò semel inchoata, vbiq; gentium recepta, ac diligentè religioseque obseruata est: ut si quid in ea peccatum sit, non per defectum, sed per excessum peccatum sit; nunquam enim desitum est deferri asylius, sed aliquando vsque ad asyilia multiplicata, eisq; delatum est, ut necesse fuerit imperiali auctoritate remedium adhiberi. Quod si ad eam, vis quædam humanis insita mentibus non impelleret, non tanto vbiq; applausu, tam facile, tam citò recepta esset. Secunda, quod Hebræi cum à Deo leges de refugiorum ciuitatibus accepissent, de tabernaculi, atque

altaris immunitate nō accepissent; eam tamen altari, ac tabernaculo vsu, ac moribus ita detulerunt, ut non modò casualibus homicidis, sed & criminum reis ibi tutos esse liceret. Quod autem nulla lege dante, nullo Doctore tradente seruatur, ipsius naturæ ductu nasci necesse est. Tertiò, quia ipsamet humana ratio dictate videtur, eos qui euadendi periculi gratia ad Dei tēpla confugiunt, ipsius Dei tutelæ sese vitamque suam cōmittere, sub cuius oculis cōspectuq; in ipsius templo versantur.

Qui autem id faciant non debere à Deo sua ope præsidioque destitui. Quare eos de templo extrahere idem esse censetur, ac de ipsius Dei oculis, conspectu, manibusque abripere. Sicut ergo, si quis post cōmissum scelus, ad Regis larum confugisset, subque eius aspectum positus eius auxilium inuocaret, propter Regis reuerentiā ipso naturæ ductu nemo eū attingere auderet; ita omnes eodem naturæ ductu pati debent eos, qui ad templa confugiunt tutos esse. Quare, sicut ipsa natura docet, si quispiam res in tēplo oblatas fureretur, non modò furtum committere, sed ipsam templi sanctitatem (quæ sacrilegij ratio est) violare, ac Deum ipsum, cui res oblata erat, offendere; ita si quis ad templum confugit, ipsoque confugio protestatur se sub Dei tutela esse, nisi ibi tutus esse permittatur, sanctitatem loci violari. Quintò denum cum templorum immunitas in Dei reuerentiā spem omnem repositam habeat. Quacunque enim ex causa instituta sit, non aliter illi, nisi ob Dei, loci sacræ reuerentiā desertur, necessariò pertinere videtur, saltem reductiue ad primum

*P. Gumbac, de immuni. Eccl.*

F. Deca

Decalogi præceptum de colendo Deo, quod præceptum naturale esse nemo ambigit.

5. Pro declaratione aduertendum est primò, communi Doctorũ consensione, tam Theologorum, quàm iuris vtriusque peritorum, ius illud naturale dici, quod ipsa natura docuit, tum cætera animantia omnia, quod panè solum lustrat ius naturale vocant, tum in specie homines, quoad ea, quæ naturalis ratio postulat, quod ius gentium ab iisdem vocari solet, à Theologis verò naturali iuri adnumeratur, quod nulla externa constitutione, aut lege, nullo magistro, aut Doctore ipso naturæ instinctu quasi in ipsa natura impressum, gentes vbique seruant, ira docet apertè S. Thom. 1. 2. q. 94. art. 2. & 4. ex quo cæteri hausere Theologi, ita Canonistæ in *can. ius naturale. d. 1.* & iuris ciuilibis interpretes §. *ius naturale. Instut. de iure naturali gentium, & ciuili. l. 1. §. ius naturale. ff. de inst. & iur.* Quin ipsimet textus *locis citatis* hoc ipsum docent.

6. Hinc naturale ius vocari solet innatum, impressum, insitum in natura, in eaque signatum, ac sculprũ, quod est naturalis quædam participatio diuini luminis, æternæque Dei legis, qua nullo prorsus docente dirigimur, ac docemur quid secundum naturalem rationem agere, quid vitare teneamur. *Signatum est super nos* (inquit Propheta Psal. 4.) *lumen vultus tui Domine*, signatum, id est, instat formæ sigilli mēti nostræ impressum. Quod autem hoc signo bona, quæ facere teneamur, cognoscamus, præcedētia verba apertè declarant, vbi cum quæsitum esset, *Quis ostendit nobis bona?* responsum est in ea verba: *Signatum*

*est super nos lumen vultus tui.* quasi dicat, nullo externo Doctore opus esse, ipso signato super nos diuino lumine nos abundè doceri. Hoc idē disertis verbis Apostolus docet ad Rom. 2. dicens, *Gentes quæ legem non habēt, naturaliter ea, quæ legis sunt faciunt.* quæ legem non habent, nēpe scriptam, vel alicuius magisterio declaratam, naturaliter, id est, ipso naturalis lumine rationis impellente ea, quæ legis sunt faciunt. & subdit declarando id quod dixerat, naturaliter. *Huiusmodi* (inquiens) *sibi sunt lex: qui ostendunt opus legis* (id est, opus quod lex præcipit) *scriptũ in cordibus suis.* quasi dicat, habētes præceptum, quo iubentur opus legis facere scriptum, signatumque in cordibus suis, ipsa naturali ratione dictante teneri eos illud perficere; itaut dictamen illud naturale, quod ius naturale vocamus, nō sit solum ostendens, ac dirigens sic faciendum, sed obligans, vt homo intelligat teneri se ad illud opus perficiendum. De hoc iure Isidorus in *can. ius naturale. d. 1.* optimè loquitur, dicens, *ipsam naturam instinctu, non aliqua constitutione habens.* Quod non ita intelligendum est, quasi nō possit etiam scripta lege tradi, sed quod ante omnem constitutionē, legemque externam, aut etiā nulla prorsus lege posita, ex ipsa natura habeatur, siue postea diuina, siue humana quapiam lege præcipiatur. Vlpian. in l. 1. §. *ius naturale. ff. de inst. & iur.* ad illud, *solum naturale ius intendens*, quod est homini cum cæteris animantibus commune, ius naturale definit, quod natura omnia animantia docuit, quod animam naturalis iuris partem complectitur. Plenius iure canonico definitum est *can. ius naturale. d. 1. Quod*



9. est commune omnium nationum; ius enim naturale, quod propriam habet legis obligantis rationem, cuius transgressio est peccatum, cuius obseruatio est bonus actus virtutis illius, circa cuius versatur obiectum, in solo homine reperitur à naturali rationis lumine profectum, ex recta ratione orrum.

10. Secundò aduertendum ex D. Thom. in 1.2. quæst. 94. art. 2. iuris istius naturalis tres esse partes. Prima est de quibusdam primis, & vniuersalissimis principiis practicis. Secunda de quibusdam conclusionibus practicis, quæ ex primis illis principiis proximè nullo pane labore, statim ac facillè deducuntur. Tertia est mediatorum aliarum conclusionum, quæ ex illis principiis remotiores nõ nisi per multos discursus, perque alias intermedias conclusiones difficile deducuntur. Hæc omnia quadam analogia, ac similitudine intellectus practici ad speculatiuum facile, ac benè colligit S. Thom. loco citato. Sicut enim

11. (inquit) in scientiis speculatiuis sunt quadam prima, atque vniuersalissima principia, quibus habita sola cognitio terminorum, omnes assentiuntur, ita & in practicis. In speculatiuis porro primum quod cadit in apprehensione intellectus, est ens, cuius intellectus includitur in omnibus, quæ quis apprehendit. atque ideo primum principium speculatiuum, in quo fundantur omnia alia principia speculatiua, est quodlibet est, vel non est, seu de quolibet non est, simul affirmare, & negare; affirmare enim fundatur super ratione entis, negare verò super ratione non entis.

12. In practicis primum, quod cadit in apprehensione rationis practi-

cæ, quæ ordinatur ad opus, est bonum, & finis; omne enim agens agit propter finem, qui habet rationem boni, quod omnia appetunt, atque ideo primum principium practicum, in quo fundantur omnia alia principia practica, & omnia præcepta legis naturalis, est hoc, bonum esse prosequendum, malum autem vitandum: vnde omnia illa, quæ humana ratio rectè naturaliter apprehendit, esse bona humana, pertinet ad præcepta legis naturalis.

Porro omnia illa, ad quæ homo naturaliter habet inclinationem, ratio humana apprehendit, vt bona, & conuenientia, atque ideo, vt opere prosequenda; contraria verò, vt mala, & vitanda.

Ordo verò naturalium præceptorum legis naturalis desumendus est ex ordine inclinationum hominis, quæ cum multæ sint, ordine quodam sunt inter se cõnexæ, iuxta connexionem, ordinemque graduum diuersorum; qui in homine reperiuntur, quorum graduum ratione, quatenus cum diuersis creaturis similitudinem habet, dicitur homo omnis creatura à sacris Theologis, & à philosophis vocatus fuit μικροκοσμος, quali paruus mundus in se vno continens gradus omnes, qui in hoc maiori mundo diuisi inueniuntur in diuersis creaturis. Præcipui verò sunt tres gradus.

Primus in homine gradus est substantia, secundum quem gradum communicat cum omni substantia, secundum hunc gradum habet naturalem inclinationem ad sui conseruationem, sicut habet omnis substantia. Iuxta hunc gradum est in homine naturalis inclinatio ad conseruationem sui, ex

qua fluit primum illud principium practicum, lexque naturalis, docēs facienda ea omnia esse, quibus vita conseruatur, contraria verò vitanda. Ex hoc principio legis naturalis deducuntur alix conclusiones eiusdem legis, sumendum esse cibum pro conseruanda vita, sumendum ita, vt aptus sit ad eius conseruationem, nepe moderatus, debito tempore, &c. sumendam esse medicinam ad recuperandam sanitatem; vim vi repellere licere; alixque non pauca.

16. Secundus gradus est animalis, quo communicat homo cum cæteris animantibus, & habet inclinationem naturalem ad ea, quæ natura omnia animalia docuit, nempe ad generandum sibi simile pro cōseruatione, & perpetuitate speciei, & est lex naturalis seruanda in commiffione maris cum fœmina: in educanda prole, ad quam refertur præceptum naturale de monogamia, vt sit certa proles à certo parente educanda: de fide cōiungi seruanda, de reddendo debito coniugali, de thesaurizando filiis; quæ enim cætera animalia, quoad propagationem, & educationem prolis, faciunt ex sola inclinatione, impulsuque naturæ, hæc moderatur homo secundum imperium, ac dictamen rectæ rationis.

17. Tertius est gradus in homine rationis, ex quo sequitur inclinatio secundum naturam rationis ad bonum secundum rationem, quæ est ipsius hominis propria, secundum quam rationem inclinatur ad rectè se habendum ad Deum, à quo in omnibus dependet, & ad hoc, vt in societate viuat. & secundum inclinationem ad rectè se habendum ad Deum nascuntur præcepta De-

calogi primæ tabulæ de vno Deo colendo, amandoque: de non assu-mendo nomine ipsius in vanum; neque in voto, neque in iuramento: de sanctificando sabbato, seu certo aliquo die. Secundum inclinationem ad viuendum in societate nascuntur alia præcepta Decalogi. Primum quomodo se debeat habere homo ad proprios parentes, & superiores, illos honorando, non solum honore exteriùs deferendo, atque obedientia eis præstanda, sed etiam vitæ necessariis, si opus his habeant ministrandis, ad alios verò de non occidendo, non furando, non mæchando, non ferendo falso testimonio, non concupiscenda re, neque vxore proximi, atque aliena; facile enim per desiderium via præparatur ad opus. Ex his facile colligere quisque poterit ad quam inclinationem hominis reducenda sint illa singula, quæ referuntur à Gratiano *can. ius naturale. d. 8.* pertinent enim ad diuersas inclinationes.

Tertiò aduertendum est, licet 18. pænè omnia hætenus relata principia, & conclusiones, maxime verò decem Decalogi naturalia præcepta naturaliter cognoscantur, vel eum primum attingunt homines vsum rationis, vel non longè pōst; contingere tamen interdum, vt vel ex praua gentis, in qua quis nascitur, opinione, ac consuetudine, vel ex praua parentum educatione priuata, vel ex longis prauis habitibus ab ipsa pænè infantia contractis, vel ex multa hominis malitia, ac peccandi libertate ignorentur. Quo 19. modo Cæsar lib. de bello Gallico refert, aded olim fuisse vñtata inter Gallos furta, vt mala non putarentur. Sic Theodorctus lib. 9. 20. de curandis Græcorum affectionib.

refert

refert Lycurgi legibus licita fuisse quædam turpia, nempe viros ex alienis vxoribus, vxores ex alienis viris, liberos suscipere, pueros, quod natura horret, adamare, eis-  
 21. que commisceri. Forunt, & apud Scythas barbaras gentes licuisse simul cum mortuis viuos homines infodere, & sepelire, quod & in Mogor regnis vsque hodie ab vxoribus obseruari, vt in defunctorum maritorum ardentes rogos sese sponte coniiciant comburendas; vt accepimus ex literis Rodulphi Aquæuiæ Societate Iesu, qui in Salseride insula martyrio coronatus est. Licere humanis carnibus vesci, præsertim inimicorum, retulere. Patres qui ex Brasilia Romanam nauigantes ad nos diuertunt; de carnibus parentum aliis in regionibus obseruari, non modò, vt filij eis vescantur, sed & hac inhumana, atque horrenda erga eos senes humanitate, & misericordia abutantur, vt eos à vitæ in ea ætate miseris occidendo liberent; de occisorum carnibus propinquis, atque amicis conuiuium parent, eisq; cum illis vescantur.  
 23. Apud Iaponos superbissimos, atque honori maximè addictos populos laudatissimi sunt, qui in vitæ periculo ne in hostiū manus veniant secto in modum crucis ventre seipso interimunt.  
 24. Quid insanis, quàm pro Diis colere cepas, vaccas, cæteraque animantia, eò quoque insanæ praua educatio homines pertraxit, homines post mortem ab aliis pro Diis haberi, ac coli. Id quoque insanæ adulatio inuexit, hominem velle seipsum (quem miseriarum vndequeque plenissimum experitur) pro Deo haberi, ac coli: id

quoque superbia olim Nabuchodonosori, quibusdam Romanis Imperatoribus, ac Fascibz cuidam vili olim in Iaponia militi postea militum duci, deinde Regi, ac præne Monarchæ illius gentis persuasit. Quamquam neque mihi persuadere possum hos opinatos fuisse se verè Deos esse, aut futuros esse, sed praua voluntate contra rationis perpetuum dictamen, ac resurgente semper conscientia affectasse. Præuos mores simul cum lacte haustos obscurasse, lumen rationis, vt veritatem contrariani, aded natura sua cognoscibilem ex sese ipsi non agnoscerent; quod tamen lumen quoniam omnino extingui non potest, si Doctor accesserit, cui autem attentam præbeant, plerique facillè assentiuntur, si verò hos prauos habitus, prauâ educationem tollamus, non possunt ea quæ dicta sunt longo tempore ab hominè ignorari. Circa remotiones demum conclusiones, quæ per  
 25. plures sunt discursus eliciendæ, quàm facillimè errare omnes, ac decipi possunt, cum in plerisque viri etiam doctissimi errent, multæ apud doctissimos viros doctissimè, magnâque diligentia disputatæ in omni doctrinæ moralis genere conclusiones aded difficile erui possunt ex dictis principiis, & celebrioribus conclusionibus, vt vsque hodie dubiæ sunt, & ab his doctoribus in hanc, ab aliis in aliam, eamque contrariam partem defendantur, cuiusmodi multæ sunt de contractibus, de iustitia, de restitutione cæterisque similibus. Quar-  
 26. to aduertendum duabus viis posse hominem ex principiis vniuersalibus, aut conclusionibus facillè notis ad particulares conclusiones

præcticas minus cognitæ deuenire, vna est argumentatio, seu discursus certa terminorum dispositione inferendo sequentem conclusionem ex præcedenti, donec per multas illationes ad nostram conclusionem deueniamus. Altera est via determinationis principij, seu conclusionis vniuersalis (quæ vim quandam principij habet) ad particularem illam conclusionem, quam quærimus, absque discursu, atque illatione quos ambos modos expressè tradit S. Thom. in 1. 2. q. 95. art. 2. eosque recipi ambos oportere, inde facile conuincimur, quoddam plerumque sunt conclusiones, quæ nullo modo per discursum inferre, sed solum per applicationem vniuersalis ad particulare haberi possunt, aliz solum per discursum, nullo autem modo per vniuersalis ad particulare applicationem. Parent hæc exemplis. Reos criminum pro delicti qualitate puniri necessarium esse ad reipublicæ conseruationem, facile potest per viam discursus inferri ex vniuersalibus principiis; tum ne ij remp. perturbent, si inipune euadant; tum ne alij eorum prauo exemplo, consilio, cohortatione ad similia inducantur. Ratione, quia resp. tanquam vnum quoddam corpus ius habet ad sui conseruationem; ergo sicut in corpore membrum læsum secatur, ne alia inficiat, ita in republica puniri verò eosdem, hac, vel illa pœna, inferri nequit via discursus, sed applicatione vniuersalis ad particulare; sicut enim hac pœna punitur, ita alia quapiam puniri poterat, & hæc potest esse proportionata delicto ex vno capite, alia ex alio, hæc vna ex parte salubrior, ex alia

parte alia: vt reip. vtilius sit impios capitis pœna damnari, vt eradicentur spoliatio bonorum, aut perpetuo carcere, vt diutius in miseria viuendo, ac pœnæ grauitate aliis ob oculos posita, illos magis terreat. Ita ex illo principio colendum esse Deum facile per discursum inferuntur conclusiones de sacrificiis illi offerendis; de certis diebus eidem sacrandis; de votis illi nuncupandis, cæterisque similibus. At qui dies in particulari sacri debeant, quot, quàm frequentes, quæ opera illis diebus permittenda, quæ vitanda, per discursum viam haberi nequit. Viam applicationis vniuersalis ad particulare inuendo facile statuiamus.

Inter particulares ergo conclusiones per viam discursus illatas, & eas quæ per determinationem vniuersalis ad particulare habentur, duplex intercedit discrimen, quod est singulariter obseruandū; propterea quoddam maximè facit ad totius præsentis difficultatis enodationem. Prius est, quoddam quæ per discursum inferuntur ex principiis primis, vel clavis conclusionibus naturalibus, omnes sunt verè, ac propriè conclusiones, ac præcepta iuris naturalis, etiam si nulla humana lege constitutæ, aut præscriptæ sint, imò verò neque vlla lege diuina scripta expressè tradita, & naturæ iure obligant ad sui obseruationem. Quæ verò per applicationem vniuersalis ad particulare etiam si iuris alicuius naturalis, siue primi principij, siue cuiusvis conclusionis applicatione accipiuntur, non modò non sunt natura sua iuris naturalis obligantis, sed nisi aut diuina, aut humana lege præcipiantur, nullam inducunt

ducunt obligationem, sed solum consilij, directionis vim habent, potestque homo liberè vnam magis, quàm aliam assumere, aut etiam nullam. Hæ enim solum à naturali ratione excogitantur tanquam viles, & naturali legi consentaneæ, & si sub præcepto ponantur, aut lege, solum reductiue ad ius illud naturale pertinent, per cuius applicationem determinantur, quatenus per rationem legislatoris inueniuntur, arque excogitate positæ in lege sunt illi naturali iuri præceptorie conformes, propriè autem sunt iuris humani, & humana potestate dispensabiles. Alterum discrimen est, quòd priores illæ conclusiones, quæ per discursum inferuntur, sunt natura sua inuariabiles, semper natura sua bonæ, habentque vim obligandi omnes, vbique, & semper, sicut cætera iura naturalia; solum enim requirunt, vt innotescant tanquam conclusiones ex eo per discursum illata. Posteriores verò variabiles sunt pro loco, ac tempore, cæterisque circumstantiis, & interdum bonæ sunt apud eandem gentem, atque viles, interdum malæ, ac perniciosæ, multo magis apud diuersas gentes; cum enim eas homines excogitent, tanquam viles & rationi consonas, possunt & alijs alijs diuersam apprehendere rationem, & iidem omnino modò hanc apprehendere, modò aliam oppositam. Possunt & eodem eodem tempore, atque in eodem loco ob hanc rationem viles videri, ob aliam inutiles, aut etiam perniciosæ, & consequenter consonæ, & dissonæ rationi propter diuersas causas. Inter has quædam esse possunt, quæ facile vbique recipian-

tur, & receptæ perpetuò conseruentur, siue quòd valde plausibiles sunt populis, siue quòd magnâ habent cum naturali iuro connectionem, tantùmve vtilis, & conuenientis apparentiâ præferant, vt vix possit contrariū apprehendi, vt conueniens, aut si possit, semper tamè maior appareat ratio conuenientis; & quæ huiusmodi sunt, licet vbique facile recipiantur consuetudine, aut etiam lege statuuntur, & perpetuò obsequuntur; tamen quoniam per applicationem vniuersalis ad particulare accipiuntur, non per discursum inferuntur, semper propriam naturam seruant, neque iuris naturalis vim sortiuntur, sed positui, ac consequenter natura sua variabiles, ac mutabiles sunt. Quod ex eo facile cognoscemus, quòd licet quoad substantiam vbique perpetuò maneat, quoad multas circumstantias reperiemus mutatas.

Hinc facile soluitur hæc rota difficultas, & ea, quæ initio in contrariam partem adducta sunt, per se concidunt omnia, constat enim templorum, statuarum, idolorum, atque aliorum quorumcumque locorum immunitatem, non esse iuris naturalis propriè dicti, neque vllam habere naturali iure vim obligandi, propterea quòd ex nullo naturali principio per viam discursus inferri potest; si enim ex aliquo, certè ex eo inferenda esset, quo aut bene erga Deum nos habere iubemur, vel Deum colere. Ex hoc autem nullatenus inferri potest. Nam si cultus Dei dicatur pro eius reuerentia illuc confugiendi ignoscere; aut pari illum tutum esse, non minor aliquando Deo cultus exhibebitur, si

si facinorosos ad necem exttamus; cum præsertim voluntarios homicidas, industriosos nempe, atque invidiosos, ipsemet Deus extrahi de suo templo olim præceperit. Addo quòd naturale ius inuariabile est, nullamque recipit mutationem, sed in omni casu semper idè est, immunitatis verò semper aliqua mutatio visa est. Primum enim statuis data est hominum; deinde ex statuis hominum ad idola translata rursus ex idolis ad statuas Imperatorum. Adde quòd hæc non deliberato rationis consilio ad aliquem honestum finem ordinato, orta est; sed casu fortuito, atque euentu, ex teneritudine Aislyrophenis illius Ægyptij erga imaginem filij, atque ex obsequiis per eius seruos eiusdem filij imagini præstitis, vt dictum est supra. Quoniam autem plausibile est liberis, rudibusque populis esse aliquam viam, seu subterfugium ad delictorum impurantam impunitatem; facile vbique eadem immunitas recepta est, nulla fortassis habita ratione, aut honestatis huius, aut vtilitatis, quæ in ea sit, vix per quempiam Gentiliū facta applicatione illius naturalis vniuersalis principij de colendo Deo ad hunc colendi modum in particulari. Demum homines criminosos confugientes ad templa, in eis tutos esse non est natura sua cultus Dei, sed humana voluntate. Non minus enim fortasse rationi consonum esset si statueretur criminosos ad templa confugientes grauius puniri, & facinorosi homines tanquam aspectu Dei ingressusque templorum indigni ab illis arceantur. Demum si iuris naturalis esset, non certis quibusdam templis so-

lùm, sed omnibus omnino data esset. Constat autem nunquam apud vllam gentem, præterquam apud Christianos templa omnia alyla fuisse, imò paucissima quidem initio, paulatim creuisse, mox multis illud ius sub Tyberio ablatum esse. Demum si quis contendat, vnum solum rogo, excogitet aliquam rationem, qua id ex aliquo naturali principio inferat per discursum, vt illi assentiamus.

Postremò aded in confesso est, 31. posse homines sua inuentione multa, varia, ac diuersa ad Dei cultum excogitare, ac statuere, prout aut periculi ratio, aut necessitas suppeditarit, aut ipsi imbecilliores animo, mobiliorese fuerint, vt propterea Plato *sub finem libri decimi de legibus*, lege vetuerit quæquam priuata sacella domi habere, ne in Dei cultu, quem statuere magnorum ingeniorum est, errent, & Deorum indignationem, quam sedare student, prouocent. Quo loco illud (quod ad rem maximè facit) obserua ad homines pertinere statuere de cultu Dei, reseruarique id hominibus magnorum ingeniorum, ne in hoc errent. Quamuis ergo ad cultum Dei pertineant, humanæ legis, iurisque sunt.

Ad primam rationem facile respondetur ex his, quæ dicta sunt, 32. ideo tam facile vbique receptum fuisse asylorum vsum, & quòd populis valde plausibile esset aliquod habere ad impunitatem delictorū tutum subterfugium, quod illa ratio diuini cultus, & reuerentiæ inde resultantis ad Deum, quæ in asyis apparet, facile ab omnibus probatur.

Ad secundam Hebræos non in- 33. de.

de venisse in eam mentem, ut hanc sanctuario, atque altari sponte seruant, sed vel quia viderant in Ægypto, aut de Assyria, aliisque gentibus audierant, quibusdam templis eam immunitatem seruari, ratos esse suo altari, quod vero Deo erectum erat, non minorem deferri oportere, ne minoris æstimaretur; vel quia cum diuino præcepto iussi essent insidiosos, industriososque homicidas ex eo extrahere, putarunt multos alios extrahendos esse, vel saltem excogitarunt hunc illi cultum gratum fore, qui cum non venisset, cum de ea materia statuisset.

34. Ad tertiam concedo, rationem humanam id excogitasse, tanquam conueniens, non tanquam naturalis, aut Gentium iure obligans, quæ eadem ratio ex aliis causis posset contrarium excogitare, ac statuere.

35. Ad quartam respondeo disparē esse rationem. In furto enim rei Deo in templo oblata, est in primis ratio furti intrinsecè mala; est & ratio quædam sacri quæ aduenit rei eo ipso, quodd ad Dei cultum oblata est, quàmve, ut aliqui putant, ex ipsa ratione loci fortitur, ut ideo furtum illud sacrilegum censeatur. At in extractione hominum de templis, nihil omnino est intrinsecè malum; neque enim homines ad templa confugiunt, ut ibi se diuinis mancipent obsequiis, sed ut euadant pœnas, neque ex eo confugio in Dei, aut templi ius transeunt, neque inde ullam rationem sacri induunt; ut propterea aliquid sit in ea extractione intrinsecè malum. Ex alia parte aliquid est intrinsecè bonum, nempe teos rapere ad pœnam, quæ illis ex iustitia debetur. Solum il-

*P. Gauthier de immunit. Eccl.*

li aduenit quædam ratio mali, ex eo quod homines humana ratione excogitarunt, hoc ad Dei cultum, vñque receperunt, & lege præceperunt, atque inde solum fortitur rationem mali quod humano iure ex consuetudine fortasse orto statutum est.

Ad quintā patet pertinere qui- 36.  
dem ad primū Decalogi præceptū, sed solum reductiuè, non tanquam conclusionem ex eo per necessariam consequentiam deductam, sed per applicationem ad particulare acceptā, qualia pleraque alia merito humano iure, aut priuata denotione excogitari ad Dei cultū possunt. Per hæc tamen non intendimus negare immunitatem Ecclesiarum vero Deo dicatarum fundamentaliter, & quoad substantiam iuris esse diuini naturalis, iuxta ea quæ dicemus infra lib. 3. cap. 6.

---

*Quos in fines locorum sacrorum  
confugia, immunitatēque  
constituta sint.*

## CAPVT XII.

NON idem semper, neque om- 1.  
nibus vbique gentium aperiendorum asylo-  
rum finis fuit, sed varius pro varia, diuersaque sese offerente occasione, quos omnes proferre hoc capite non abs re erit; si illud in primis statuamus, quis sit ipsorum asylo-  
rum finis; sicut enim in aliis humanis rebus philosophi distinxerunt alium esse finem rei ipsius, alium autem finem operantis. Ita omnino in ipsa asy-  
lia philosophandum est, & sicut in cæteris, ita & in asy-  
lia quæque finis rei ipsius, atque operis,

G qua

qua tale opus est, semper, & vbique idem est; operantur verò fines varij, & diuersi sunt.

2. Vt autem omittamus prima illa impunitatis iuitia quæ in Assyriophenis domo præcesserunt, cum hominis imagini famuli deferrebant. Ex eo tempore, quo asyilia in res sacras translata est, siue in Deorum imagines, siue in altaria, siue in tēpla, intrinsecus illi finis fuit Dei ipsius, locique sacri reuerentia, vt propterea quibusdam maiori sanctitate præditis templis ea immunitas seruaretur. Qui finis licet eo homines aperiendis nouis asyilis, tanquam medio quodam ad alios vltiores fines à se intentos abuterentur, & publicè, ac palàm abuterentur, non ideo tamen vquam desit esse ipsius immunitatis finis. Sed ad hominum fines varios accedamus.

3. Assyriophenem cum primùm cepit seruis ad filij statuam confugientibus ignoscere, non ipsius statux venerationem intendisse, neque enim illam ideo crexerat, sed ad suæ solitudinis solamen, & solum teneritudine quadam amoris erga filium, ad cuius imaginem reus seruis assisteret, permotum esse mihi certò persuadeo. Aut si ei imagini conciliare seruorum animos intendit, vt eam venerarentur, iam non Dei, sed cari pignoris imagini honorem parabat. Postquam autem è seruis plures impunitatis per eam imaginem accepto beneficio diuinos illi honores tribuere Deum acclamando ceperunt, tunc probabile est, ea adulantium voce permotum parentem, in ea complacuisse, simulque cum illis filium pro Deo colete cæpisse, atque inde in Dei cultum impu-

nitatem illam pernarum, venerationemque transisse. De Nino verò Assyriorum Rege planè constat erigenda patri Belo statua, immunitateque per eam donanda eius honorè intēdisse, cum publico illo edicto, de quo superius loquuti sumus, iis tantum reis impunitatem qui ad eam statuam venerabundi accederent promississet. Qui Ninus, si (vt probabile esse suprà ostendimus) simulacrum filij Assyriophenis vidit pro Deo coli ob concessam impunitatem, aut ex alijs audiuit, probabilissimum est ipsum extunc statuisse eam statuam patri Belo ponere, eique impunitatem tribuere, vt populi ea beneficia per illam assequuti diuinos eidem honores tribuerēt, patrēque Belum pro Deo colerent, vt is finis eius fuerit, idolo diuinum nomen venerationemque conciliare, hominemque in Deos, quia potuit ratione transferre: superbū sanè, atque arrogans & toti terrarum orbi luctuosum, perniciosumque consiliū, quod tam facile breuissimo, vt dictum est, spatio idololatriæ peste totum terrarum orbem infecit.

Veri Dei cultum, sacrique eius altaris reuerentiam delata per Hebræos illi altari immunitas respiciebat, secus verò refugiorum ciuitates, quæ cum merè ciuilem immunitatem haberent, nihil aliud quàm casualis homicidæ vitam, sanguinisque innoxij conseruationem spectarunt.

Veterem fuisse motū eorum, qui 6. nouas vrbes conderent, asyila aperire eo fine, vt per ea nouos accolæ ad nouam urbem accerferent, testatur Linius lib. 1. ab vrbe condita in Romuli vita. Id primum Cadmus cōstructis Thebis, id Romulus cō-

data



dita Roma intēdit, hic illi vtrique finis aperiendorum asylorum fuit, qui vt facilius id obtineret confugis ad asyla vudequaue accedentibus, quorumcunque criminū teis plenissima impunitate concessa eos simul ciuitate donabant, & in ciuium albo adscribebant.

7. Sed & Herculus filij, nepotēsque Athenis asylum eo fine atam misericordiae nuncupatum aperuerunt, vt vitæ propriæ potius quàm alienæ consulēter, vt si quando ab iis, quos eorum pater innumeros grauissimè vexauerat, ad necem quærerentur, hoc haberent turuū vitæ perflugium. Ita ex Seruio docet Polydorus Virgil. *lib. 3. de inuentoribus rerum, cap. 12.* cuius & mentionem facit Statius *lib. 12. Thebaidos*, & Plutarchus *in Theſei vita*. Assignat rationem Lyran. *in gloss: super Actus Apost. c. 17.* cū ij Athenis potius, quàm alibi hoc sibi asylum posuissent: quod suis eiecti sedibus, ac regno tantam apud Athenienses gratiam inuenissent, vt eorū opera pristinis sedibus, regnōque restituti essent, hoc grati animi monumento protestantes misericordiam Athenis sedem collocasse, vbi ipsi tantam in summis malis misericordiam adepti essent. Sed mihi probabilius videtur eos mortuo statim Hercule ibi posuisse asylum, cū pleni timoris erant, vt ibi misericordiam consequerentur, si quando opus esset, & simul Atheniensium animos sibi reconciliarent, postea eiectos regno illuc cōfugisse, eamque inuenisse misericordiam, quam Lyranus dicit. Nam posteaquā non modò mortem euasissent, sed & ita ab Atheniensibus adiuti essent, vt proprio regno restituerentur, non erat, cur

sibi amplius tantum timerent, cū & ipsi Atheniensium auxilia similia sperare, & aduersatij iure timerē possent eorundem Atheniensium vires.

Fuit & alius Atheniensium finis sacrandō alio asylo defuncto Theseo; nempe vt miserabilibus personis prodesse, eoque remedio Theseum etiam mortuum miserabilium huiusmodi personarum patronum defensorūque constituerent. Cū enim, vt refert Plutarchus *in vita Theſei*, & ex eo Beroaldus *in commentariis in Suetonium in vita Tjberij*; Theseus insignis vir pietatis in tota vita miserabilium personarum perpetuus atque indefessus patronus fuisset, nullamque earum opem postulantem aduersus diuitum, potentūque vim calumnias, oppressiones indefensam abire passus esset, illis in eius morte communem parentem amissum inconsolabiliter lugentibus visum est Atheniensibus hac ratione prouidere, si sacrandō illi asylo, iam vita functo, carundem personarum æternam tutelam defuncto committerent, vt quas viuens opera, laboreque protegeret, easdem mortuus ad se accurrentes ab omni pœnā liberos setuaret.

Neque lōge ab his diuersus fuit eorum finis, qui ad Canopium ostium Nili asylum dicarunt seruis in libertatem ascēdendis, nisi quod illi omnibus miserabilibus personis, hi verò solis seruis, tanquam fortasse miserabilioribus contulere voluerunt: vt enim Herodotus refert *lib. 2.* serui omnes qui illuc confugebant acceptis ab eo sacerdote, qui illic præerat sacris, quibusdam notis libertate donabantur.

tur, vt nemini deinceps liceret eos attingere, aut iterum subiicere seruituti. Hoc asyllum, atque hanc eius legem testatur eo loco Herodorus vsque ad suam ætatem immotam, inuiolatamque perseuerasse.

11. Fuerunt, & adulandi gratia diuersa posita asyla, tam statuis, quàm templis, Romanis Imperatoribus dicandis, tam in vrbe, quàm extrà; fuit enim in vrbe asyllum C. Iulio Cæsari positum, vt refert Dionys. lib. 47. Fuit & apud Cretenses aliud asyllum simulacro Augusti Cæsaris constitutum, de quo Cornelius Tacitus loquitur *annalium lib. 3.* Fuerunt enim Romani Imperatores non solum Deorum instar habiti, quod tolerabilius ferendum erat propter summam quæ supremis principibus debetur reuerentiam, sed quod ferendum non erat per intolerandam adulationem pro Diis habiti.

12. Ex his apparet confugij immunitatem ad res, locaque sacra semper tanquam sacram in veneratione fuisse apud omnes gentes, vt quicquid ex ea prætenderent, & quoscunque fines quærent, id sub religionis obiectu, reuerentiæque Deorum se consequuturos sperarent, nullusque hunc eius proprium finem desereret, quanquam grauius errarent ij omnes, qui aliud quidpiam per eam quærent melioribus, sanctioribusque rebus ad viliora consequenda abutendo. Huic finem spectat in Ecclesiarum immunitate Christiana religio; hunc Imperatores summi, qui eam primi lege sancierunt; hunc Romani Pontifices; hunc totus populus Christianus; quare illi per Christianos populos ac magi-

stratus multo magis, quàm vnquam antea per alios deferendum est.

*Quibus rationibus credendum sit inductas fuisse Gentes ad ius Asylia facile recipiendum, ac seruandum.*

### CAPVT XIII.

LICET ius Asylia iis graue fuerum esset, qui læsi essent, vt eos, à quibus læsi essent, impunitos, atque inultos esse paterentur; constat tamen ex historiis id facile initio inductum facilius fortè longè, latèque diffusum; vt nulla lex, aut consuetudo, tam facile vbi-que breui tempore recepta, perpetuòque obseruata sit, sicut hæc Asylorum fuit. Huius ego rei illam fuisse veram causam puto, quam non semel tetigi, multa nèpe plausibilitas, quam semper habuit, hodièque habet apud omnes populos; sedet enim cuiusque animo quasi insita, & innata quædam propensio, vt magis credat se posse alios lædere, quàm ab aliis lædi, magisque cogitet de sua impunitate, si delinquat, quàm timeat, ne is impunè evadat, à quo ipse læsus sit. Habet enim de se quisque tantam opinionem, vt se quidem cuius facile restitutum putet, sibi verò neminem; se, si à quopiam lædatur, facile ulturum. Hinc non adèd facile se obiiicit nostræ menti, qua ratione ferre possimus cum à quo læsi simus multum in asylo degere, quàm se offert, vt si quid peccauerimus per asyla nos ipsos, vitamque nostram tueamur, & quoniam hæc cogitatio facilius sese nobis

nobis offert, ideo tam facile asylo-  
rum lex vbiq̃ue recepta est.

1. Sed & viri prudentes ad asylo-  
rum morem, iusque tuendum multa ex-  
cogitarunt, & promulgarunt apud  
populos, quibus hoc ipsum fir-  
mius, stabiliusque facerent, & ma-  
gnam populis religionem iniice-  
rent, ne asyla violare auderent.

3. Alij sua asyla dixere Deorum  
voluntate, atque imperio sacrata;  
sic Ephesij Dianæ, Smyrnæi Ne-  
ptuno, Stratonico suum asylum  
Apollinis oraculo se sacrare iussos  
esse, professi sunt, vt refert Tacitus  
in illa frequenter citata de  
asyliis contentione, quæ contigit  
sub Tyberio Cæsare.

4. Contulit ad hoc illa insignis,  
singularisque sanctitatis opinio,  
quam Gentes de asyliis habuere, vt  
quoties authores de asyliis faciunt  
mentionem, ea sacrata dicere, sa-  
craque, ac sancta appellare soleant;  
imò neque sacra, ac sancta, sicut  
cætera templa, sed quadam maio-  
re sanctitate. sic Tacitus lib. 3. de  
asylo Diana Ephesina, ipsos Ephesios  
loquentes introducens, dixisse re-  
fert, Dianæ templum, ac nemus  
Deorum monitu sacrarū. De tem-  
plo Dianæ Persicæ refert Hie-  
roclæsarienses dixisse templo illi, &  
duobus millibus passuum eandem  
sanctitatem tributam; Varro lib.  
5. de Athenais & Collatin. de Romu-  
li asylo loquens sacrum lucum ap-  
pellant. Liuius tam lib. 35. ab urbe  
cōdita, quàm belli Macedoniani lib.  
5. de templo, quod Apollini apud  
Delos positum erat, loquens, eius-  
dem sanctitatis mentionem facit,  
dicens ibi Apollinem ea religione,  
& eo iure sancto coli, quo sunt tē-  
pla, quæ asyla Græci appellant, qui  
locus eo menti magis retinendus

est, quo non illius solū, sed &  
omnium asylo-  
rum sanctitatem ma-  
gnam esse ostendit. Hac ratione  
Gentes asyliis facillè deferrebant, ne  
eorum sanctitatem violarent.

Accedit & illa ratio quod su-  
perni, inferniquæ Dij asyliam in-  
uiolabiliter obseruasse referuntur,  
vt quorum locorum sanctitati con-  
stat ipsosmet Deos offensos, iratōs-  
que detulisse, eidem mortales quo-  
que quantumcunq̃ue offensique i-  
ratique deferant. Fabulata fuit ve-  
tustas mutua Deorum odia, atque  
dissidia, atque inde minores Deos,  
ad maiorum Deorum declinandam  
iram ad asyla confugisse. Maiores  
verò illos Deos, quasi asylo-  
rum sanctitatem violare veritos, eos vl-  
cisci ausos non esse, sic Apollinem  
post interfectos Cyclo-  
pas in Dianæ Ephesinæ asylo Iouis iram vi-  
rassè refert Tacitus lib. illo 3. sæpe  
citato, sic liberum patrem suppli-  
cibus Amazonum in idem templū  
confugientibus ignouisse, sic ipsas  
Furias vsque adeo furori assuetas,  
vt semper furerent, cūm Orestem  
propter impiissimum occisæ ma-  
tris parricidiū ita infestando pro-  
sequerentur, vt nuspiam quiescere  
paterentur, cum nihilominus in  
Apollinis asylo infestare ausæ non  
sint, patienterque quoad inde exi-  
ret expectarint. Id ita prosequitur  
Virgil. lib. 4. Æneid.

*Aut Agamemnonius scenis agita-  
tus Orestes*

*Armatam facibus matrem, & ser-  
pentibus aris*

*Cum fugit; vterisque sedem in li-  
mine Diræ.*

Et Sratius lib. 12. Thebaidos, vbi  
ad templum misericordiæ substi-  
tisse Orestem memorat, subdit,

*A misero matrem submovit Oreste.*

G 3 Fabu

Fabulati sunt enim Poeta ipsammet occisam matrem occilorem filium implorato à Diis inferis auxilio, acceptisque sociis ipsis infernis furiis prosequutam esse, neque passam vspiam quiescere, præterquam in asylo.

9. Neque cerò minoris momenti apud populos fuit rumor sparsus de infallibili illa ultione, qua Dij vlti sunt eos, qui asylorum iura violantur; siue enim casu contigerit, siue promittente Deo ipsimet demones viscerentur; constat ex historiis, eos, qui asyla violassent, vix vnquam impunes evasisse, quin multis calamitatibus affligerentur. Scribit Iustinus propter Laodomiā in asylo Dianæ Epirotæ, populi concursu occisam; gentem illam vniuersam multis afflictam cladibus, totumque præne populum fuisse interemptum. Nā sterilitate persæpe, fameque diuexati sunt, & intestinis debilitati discordiis, externis tandem bellis consumpti sunt. Milo Laodomie percussor, in furorem actus, nunc ferro, nunc saxo dilaceratis visceribus duodecimo die interiit Pausanias in Atticis Lucium Syllam, qui vsque adeo in tota præne vita omnibus gratissimus atq; acceptissimus, & in rebus omnibus felicissimus fuerat, eā ob causam omnibus postea exosum factū, iūque diras calamitates prolapsū ex felicissimo infelicissimū euasisse putat, quod Aristonem, qui ad Mineræ asylū confugerat, per vim extractum interfici iussisset. Idem Pausanias in *Athais* excidium vrbi Helices in non dissimilem causam refert asyliæ violatæ. Paulus Manutius in suis adagiis nuper recognitis in verbo *Sybaritica calomitas*, refert

Sybarim Calabriae oppidum prope Crotonum, quod postea Thurion est appellatum, triplici nomine fuisse apud scriptores famosissimū, primū luxu, atque deliciis, præsertim gulæ; deinde famosissimo oraculo; demum excidio. Primum atque vltimum vsque adeo memorabilia sunt, vt adagio locum dederint, siue prouerbio. Dicitur *Sybaritica mensa*, pro conuiuio nimis apparato, atque opiparo: dicitur & *Sybaritica clades*. Dementiarum conuiuiorumque argumento multa refert Angelus Politianus *miscellaneorum cap. 15.* & Athenæus in *Dipsosophistis lib. 12.* Hoc oraculum, quod magis è re nostra est, & excidij mentionem facit, ita refert Stephanus apud eundem Manutium relatus,

*Felix omnino felix Sybaritica futurus*

*Dum rebus latis venerabere numina Diuum,*

*At simul atque illis mortalis homo antefereatur,*

*Tum veniet, bellumque tibi, atque domestica turba.*

Quo oraculo, vt felicitas oppido promittitur quandū venerabitur numina Deorum, sic extrema prædicitur clades cum violata asyli lege, plus deferet quispiam ciuium mortalis hominis sepulcro, quam asylo Deorum. Quod oraculum tunc quoad prædictam ruinam impletum est, cladisque oppidum absumpsit, cum Sybarita quispiam seruus iratus, eum loris caderet, nec confugienti ad asyli aram parceret, sed nihilominus eandem perseueraret; quare videns seruus Numinis reuerentiam, nihil sibi profuisse, inde inter verbera ad monumentum herilis patris confugit,

fugit, ibi commotus herus demortui patris reuerentia, cadere illum destitit. Ita impleto oraculo ob violatam asyliam, patrisque reuerentiam Deorum reuerentia prelatam, totum oppidum à Crotoniatis vastatum fuit. De pœnis quas passi plerique sunt, qui immunitatem nostram Ecclesiarum violarunt, dicemus cum de earum immunitate disputabimus.

14. Vtimum addi potest ratio communis boni, expedit enim ac valde vtile est, atque ad cuiusvis reipublicæ commune bonum necessarium, esse in omni rep. aliqua confugiorum loca, quemadmodum à nobis probatum est superius cap. 3. expedit enim in quavis republica non omnia delicta puniri. Vulgare iam est illud Poeta,

*Si quoties peccant homines sua fulmina mittat  
Iuppiter, exiguo tempore inermis  
erit.*

Expedit esse aliqua loca in quibus impunitatem consequendi spes sit, ad cuius obseruandam immunitatem hæ quæ dictæ sunt rationes faciliè inducunt.

*Quæ fuerint celebriora in orbe asyla.*

CAPVT XIV.

1. **A**SYLORVM dignitas atque præstantia non ex vno modo, sed ex pluribus capitibus petenda est; vt interdum eadem sibi inuicem diuersa ratione præsent, dum vnum altetum superat ex vno capite, quod illo ipso ex altero capi-

te longè inferius est, interdum difficile admodum est, vtrum alteri præstet, statuere, dum inter illa ipsa quæ sibi inuicem cedunt, non apparet, vtrumnam ex nobiliore capite altero superius sit. Occurrunt autem mihi sex præcipua capita ex antiquitate, ex amplitudine spatiorum, ex dignitate eorum quorum opera, consilio, præcepto posita sunt, ex dignitate personarum, qui illis detulere, ex dignitate personarum quæ illuc confugerunt, ex celebritate denique quam habent apud scriptores. Per singula discursamus.

Vetustate quidem præstant omnibus, ptima illa hominum asyla, ac deinde Deorum filij Assyrophenis ac Nini statux, de quibus mirum est, quantum fuerit apud antiquos scriptores silentium, cum prioris solus Diophantes, posterioris quàm paucissimi scriptores fecerint mentionem, idque vel quoniam asyli nomen tunc inuentum non erat, vel quod versutissimus ille veræ fidei veræque religionis hostis, ita voluit scriptorum silentio vilissima illa atque abiectissima idololatriæ initia occultare, ne à seruis, atque à pessimis quibusque criminum reis, tam indigna vilique occasione impunitatis criminum orta esse crederetur, &, quod indignius est, ex his orta per impudentem adulationem. Periculum enim non leue subiisset, ne aded firmiter hominum etiam principum animis insideret, si hæc eius principia celebri scriptorum memoria cognita fuissent. Sepulta sunt autem silentij tenebris, vt in honore idololatriæ etiâ apud summos principes esset.

Post

- Post hæc fuit asyllum Cadmi, longè quidem his posterius, nempe annis circiter sexcentis, vt ex dictis 5. & 6. capite apparet, constructis enim Thebis initio regni sui illud aperuit. Sed id Polydorum Virgilium lauit diligentissimum alioqui antiquitatum indagatorem. Is lib. 3. de inueneribus rerum, cap. 12. primum omnium fuisse putat, asyllum illud Atheniense Misericordiæ dicatum, cuius sæpe suprà meminimus, quod, vt ex cap. 6. apparet, propè ducentis annis Cadmi asylo posterius fuit. Sed ante hoc asylo Misericordiæ duo alia asyla post Cadmi asyllum præcesserunt, vnum viuenti, vt puto, Herculi dicatum, vt eodem 6. capite probaui, positum Herculi aliquot annis ante asyllum misericordiæ ad ostium Nili, quod Canopium vocatur. Alterum Dianæ Ephesinæ circa idem tempus, cuius libertatis iura ab eodem Hercule dum Lydia potiretur aucta fuisse, refert Tacitus *annalium lib.* 3. Altare verò ac tabernaculum Iudæorum, & refugiorum ciuitates ante Cadmi asyllum præcessisse annis aliquot ex eodem capite 6. libri huius liquet, vbi etiam est ostensum quantum priores refugiorum vrbes posteriores præcesserint.
8. Spatioꝝ amplitudine hæc præcipuè asyla præstant cæteris. Primum Dianæ Ephesinæ asyllum ad stadium ab Alexandro protensum, atque ab Augusto nonnihil restrictum, author est Strabo *lib.* 14.
9. Neque verò isto inferius, aut strictius putandum est asyllum quod aperuit Romulus, nam & Virgil. *lib.* 8. *Aeneid.* testatur ingentem fuisse:

*Hic lucum ingentem, &c.*

Et spatia in quibus hoc asyllum

fuisse memoratur, ingentia esse oculis conspicimus inter palatinum collem, & Capitolium: & ratio luci hoc persuadet; neque enim paruum locum arboribus confisum lucum vocamus, quia luce carere non potest, sed spatium ingens, vnde & illud vniuersè dici potest, omnia asyla, quæ luci nemoraque fuerunt, magna, atque ingentia fuisse: cuiusmodi fuisse asyllum Apollinis Delij, refert Livius *belli Macedoniani lib.* 5. & Tacitus *lib.* 3. *annalium* memorat asyllum Dianæ. Nescio autem an aliquid aliud asyllum æquauerit vquam spatia asyli Dianæ Persicæ, quod ad duo millia passuum, id est, ad sexdecim stadia protendebatur.

Ex personarum verò dignitate quæ asyla posuerunt hæc præ aliis insignia fuisse reperio. Primo loca tria illa reponenda censeo quæ Deorum partim admonitu, partim præcepto sacrata fuisse, refert Tacitus *lib.* 3. *annalium*. Vnum Dianæ Ephesinæ, quod nemus, seu lucus erat ad locum Ortygiæ, quo loco Latona factu grauida admissa oleæ ipsum Apollinem ac Dianam edidit, Deorum monitu sacratum. Alterum Smyrnæ dicatum Veneri iubente Apollinis oraculo. Tertium apud Tenios quod sacra carmine Apollineo Tenij iussu sunt. Fuit & apud Samios magnæ authoritatis asyllum, si non Deorum, at Amphictyonum decreto positum; quorum insignis erat authoritas. Fuit enim Amphictyonum Concilium publicum, tota Græcia eccliberrimum ab Amphictyone authore atque institutore sic dictum, ad quod sapientissimi quique septem Græciæ urbibus conueniebant,

bant, cuius Concilij decreta, tamquam Deorum oracula habita fuisset, docet Dionysius *lib. 14.* & Strabo *lib. 9.* Pro cuius asyli iure tuendo Samii ad Tyberium Cæsarem, C. Asinio, & C. Antistio consulibus, legatos miserunt, ut testis esset Tacitus *annalium lib. 4.*

14. Autoritate personarum insignium, quæ honorem asylis habuerunt, eorumque iura seruauerunt, insigne in primis fuit asylum Dianæ Ephesinæ, cui quantum superni, inferique Dij detulerint, præcedenti capite abundè dictum est. Huius præterea asyli iura, & à Persis eum in eorum ditionem venisset, & à Macedonibus, ac demum à Romanis inuiolabiliter obseruata fuisse, docet Tacitus *lib. 3.* Deinde verò Dianæ Persicæ delubrum à Rege Cyro dicatum illi proximè accedit, cui ex eodem Tacito *eodem lib.* & Perpenna Isauricus, & plerique Romanorum Imperatores tantum perpetuè detulere, ut ne minimam à quoptam lædi violarique passi sint.

15. Grauitate personarum, quæ ad asyla confugerunt, cætera omnia superat asylum Dianæ Ephesinæ, in quod primum Apollo, Iouem iratum metuens, deinde Amazones, ut liberi patris iram vitarent, confugere. Deinde non levis auctoritatis fuit asylum Æsculapij apud Choos, in quod plerique Romani ciues cum Mitridatis iussu ad necem per omnes Asiæ vrbes cõquirerentur, ab incolis miseratione promotis deducti, salutem inuenire, teste Tacito *lib. 4. annalium.*

16. Neque omnino prætereundum est asylum Palladis Chalcicæ, in quo Pausanias insignis vir proditiõis apud Lacedæmones accusatus tu-

tum perfugium inuenit.

Scriptorum denique celebratio- 19.

ne primos hæc penè asyla metuerunt sex omnino dicata Dianæ. Vnum Dianæ Ephesinæ, multis aliis nominibus illustre, sicut sæpè tetigimus, Tullius mentionem facit: secundum Dianæ Epirotæ apud Iustinum *lib. 28.* tertium Dianæ Persicæ: quartum Dianæ Leucophrinæ: quintum Dianæ Stratonicensi: sextum & vltimum Dianæ Milesiæ; & horum quatuor mentio habetur apud Tacitum *lib. 3.*

Veneri autem dicata quatuor 20. relata, apud eundem eodem loco, vnum Veneri Amathusiæ, Veneri Paphiæ, alterum vtrique ab auctore nomē inditum est: tertium Veneri Smyrnæ: quartum Veneri Aphrodisiensi. Mineruæ duo ex Pausania, vnum refert in Atticis, ex quo Lucius Sylla extractum per vim Aristonem, qui illuc confugerat, interfecit. Alterum refert in Laconicis fuisse vniuersæ Peloponneso antiqua religione, sacrosanctum. Æsculapij totidem memo-

rat Tacitus, vnum *lib. 3.* fuisse Pergami, alterum *lib. 4.* apud Choos Iouis. Item duo apud eundem Tacitum expressa sunt, vtraque *lib. 3.* Alterum Iouis Salanioni à Teucro positum Telemonis patris ira profugo. Apud Stratonicensis alterum, quod idcirco Iouis Stratonici nomen accepit. Duo item Neptuno, vnus, quod apud Tenios fuit, meminit Tacitus *lib. 3.* Alterum recenset Strabo *lib. 8.* in insula Calabria non procul à Trazane.

Multorum præterea singulorum Deorum, singula recensentur Herculis apud Canopium Nili, cuius sæpè mentionem fecimus ex Herodoto *lib. 1.* Iunonis apud Samios

21. 22. 23. 24.

25. 26. 27. 28.

29. 30. 31. 32.

33. 34. 35. 36.

37. 38. 39. 40.

41. 42. 43. 44.

45. 46. 47. 48.

49. 50. 51. 52.

53. 54. 55. 56.

57. 58. 59. 60.

ex Tacito *lib. 4.* Osiris apud Ægyptios ex Strabone *lib. 17.* Hebræ Deæ ex Pausania in Corinthiacis, Palladis Chalcidæ ex Tacito *lib. 3.* Misericordiæ apud Athenienses ex Seruio *lib. 8.* *Æneidos*, Polydoro Virgilio *lib. 3. de inuentoribus rerum cap. 12.* & ex Lyrano in *cap. 17. Act. Apostolorum.* Iulij Cæsaris Romæ ex Dionysio *lib. 47.* Augusti Cæsaris ex Tacito *lib. 3.*

Duo præterea Apollinis, alterum Apollinis Delphici ex Luvio Macedoniani belli *lib. 5.* alterum in Syria ex Strabone *lib. 17.*

*Quæ genera personarum ad asyla confugere, quæve inde commoda reportare consueverint.*

#### CAPVT XV.

1. SI ea quæ de imagine filij Assyrophe-  
nisi dicta sunt, memoria repetamus, apertè cognoscemus, seruos non modò fuisse primos, qui ad asyla confugerunt, sed ex eorum confugio ad eam statuam prima asylorum, siue confugiorum, loca debili satis principio orta esse. Cum enim Assyrophe-  
nisi dominum viderent, vsque adeo illa defuncti filij imagine delectari, vt gratissimus illi esset plectendarum coronarum cultus, conspersio florum, aliaque similia, quæ ipsi eidem statux impendebant obsequia, nullo alio aut docente, aut inducente, sola necessitate adacti pœnas euadendi si quando dominum læsissent, ad eam statuam deprecabundi confugebant, & per eam veniam obti-

nebant. Serui igitur primi ad statuas confugere, ad impetrandam veniam de priuata culpa, quam in familia commississent, atque ideo serui culpabiles.

Secundo loco rei criminum qui-  
cunque Nini Regis Assyriorum publico edicto ad Beli patris eius statuam conuocati promissa per Regem impunitate accurrere venerabundi, veniam sunt consequuti. Hinc frequens passim vbique ad asyla concussus, tam seruatorum, vt à dominis, quàm aliorum, quorumcunque criminolorum hominum, vt ab iis, qui eos punire deberent, impunitatem impetrarent; eorum denique omnium qui sibi ab aliquo mali quidpiam timerent. Postremò alieno  
ære grauati ad asyla confugientes, tuti facti sunt, ne à creditoribus capi, aut personaliter molestari possent, quorum confugij ad asylum initia cognita non sunt. Neque enim qui primi huius generis homines hoc confugio vsi sint memoria proditum est, neque an ipsimet hoc confugium sibi exco-  
gitarent, an ab aliquo inuitati id fecerint, neque quo primum tempore, aut quo asylo id actum sit reperimus. Illud tantum constat ex Tacito *lib. 3. annalium* sub Tyberio Cæsare frequentem fuisse horum hominum ad asyla concursum. De hoc triplici personarum  
genere expressè Tacitus *loco citato.* Complebantur, inquit, templa pessimis seruitiorum, id est, pessimis quibusque seruis: subdit, eodem subsidio obarrati, id est, debitores aduersus creditores; tertio suspectique capitalium criminum receptabantur. Quo loco adnotauit Iustus



stus Lipsius his tribus hominum generibus asyla paruisse.

5. De seruis ad asyla confugientibus, illud certum est, nullo prorsus asylo libertatem eis concessam unquam fuisse, præterquam eo quod ad Canopium. Nili ostium sacrum erat, uti sæpè diximus. Secundo æquè certum est eos ubi ad asyla confugissent timore pænæ, propterea quod in familia deliquissent, impunitatem per ea impetrare solitos fuisse. Tertiò confugientes ad statuas, vel asyla, seruos liberam facultatem lege concessam habuisse, contra dominos iustam proponendi querelâ, id quod multis apertissimis legibus constat. l. 1. ff. de offic. pref. et urbis. l. 2. de his qui sunt sui vel alieni iuris. l. unica, Cod. de his qui ad statuas confugient. Quibus legibus & iudices statuunt, qui de huiusmodi seruorum querelis cognoscant, & illis iniungitur, ut de eis cognoscere ne prætermittant, atque ut ius eis dicant, cuiusmodi essent querelæ quod ab eis malè tractentur, quod nimis crudeliter vapulent, quod neque necessaria sustentatio eis ministraretur, quod eis ad peccandum abutantur, cæteræque similes. Quas querelas dummodo eas postea, seu iustam earum causam probarent veram, liberè, & impunè proponere permittebantur. Quod si earum veritatem non probarent, puniendi veniebant.
8. Obæratiss ad asyla confugientibus æs alienum nullatenus remittebatur. Si enim hoc obtinissent, omne humanum commercium cessare necesse fuisset, & socialem vitam dissolui. Quis enim auderet æs suum & rem suam alteri commit-

tere? Quis vendere res suas dilata pretij solutione? quis aut pecuniâ indigenti mutuo dare, aut rem quampiam commodare, aut apud alium deponere? Quis aut domum illi locare? aut prædium? aut cætera bona? Quis aut impedire furtâ, aut rapinas cohibere? quacunque enim ratione quispiam alteri quidpiam deberet, quamuis esset soluendo, obæratum se simulâs ad asyla confugeret, si per ea ab obligatione restituendi rem alienam solueretur. Solùm ergo obæratiss per asyla consequi ea putandi sunt, quæ modò per Ecclesiarum immunitatem in Christiana religione consequuntur, ut salua in asyis eorum persona solùm contra eorum bona procedi posset auctoritate curiæ, usque ad sententiam & missionem in possessionem, unde & citari poterant, ut se defenderent, & rationem iuris, vel facti sui reddere ad impediendam missionem.

De obæratiss, decoctiss, siqui apud Gentes fuere, qui cum alienâ pecuniam multarum omnis generis personarum depositam accepissent, consumpsissentque. vniuersam, & quasi igne decoxisissent soluendo non erant (hoc enim crimen capitale semper fuit) de his, inquam, probabile est eos sine tanquam obæratiss, siue tanquam huius capitalis criminis reos apud asyla tutos fuisse, cum nullum crimen apud Gentes videatur exceptum.

De debitoribus tributorum, an eodem asyli iure apud Gentes vñ sint, in neutram partem aliquid reperio. Probabile est tamen fuisse omnino tutos.

H. De

11. De reis criminum palam est eos omnes per asyla immunitatem consequutos esse. Illud autem queri possit, cur Tacitus *loco cit.* suspectos potius criminum quam reos, cur capitalium præcisè, & non potius vniuersè reos criminum nominet? Respondeo ad utrumque. Primum quidem suspectos potius criminam dixisse, quam reos, ut & vniuersalior appareat asyli lex, quæ non rei solùm, sed etiam suspecti tuti essent, & ut confugientium famæ consulere. Ne enim quicumque illuc confugerent, eo ipso rei veti putarentur, suspectis etiam patuisse declarat, ut cùm propter solam suspicionem illuc confugere soleant, suspecti exprimendi fuerint, ut etiam innocentes esse possint qui illuc confugiunt.
12. Deinde capitalium potius criminum, quam simpliciter criminum dixit, ut grauioribus expressis, quibus minus impunitas concedenda erat, cætera leuiora multo magis comprehenderentur, quæ longè digniora sunt venia, vel quia adeò leuia esse cætera possunt, ut non curet quis propterea ad asyla confugere.
13. De crimine læsæ maiestatis an ius asylæ illi profuerit ad impunitatem obtinendam, nihil in genere traditum reperimus, in casibus tamen particularibus contraria factitata legimus. Nam apud Lacedæmonios Pansanias maiestatis accusatus tutum ad asylum perueniit, expertus est, & impunitus euasit. Apud Romanos verò Cassius Brutus Romanus ciuis, cùm in bello Latino certa mercede cum hostibus contra patriam conuenisset, de portis vrbis illi aperiendis, detectaque prodicione ad Palladis
- auxiliaris templum confugisset, ibi non modò seruatus non est, sed à proprio patente Cassio Bruto ciue optimo, deque patria bene merito oclusis templi foribus fame necatus insepultus, & illamētatus abiectus fuit. De causa diuersitatis huius nihil constat; fortassis enim Palladis auxiliaris tēplum asylum non erat. quare neque asylum, sed tēplum vocatur, aut si asylum fuit, fortè apud Romanos læsæ maiestatis crimen alio iure censēbatur, quàm apud Lacedæmonios: aut si eodem iure fortè maior in hoc delicti atrocitas, aut plenior probatio, aut si plena utrobique probatio fortè visum est Cassio transgredi asyli legem.
- Non solùm autem ex asylis impunitatem consequēbantur pœnarum ij, qui ad ea confugissent, etiam si pœnæ certæ ac determinatæ constitutæ essent alicui delicto, sed illud etiam commune commodum cum obæratīs reportabant, ut neque capi, neque extrahi, neque carceri mancipari possent.
- Neque verò reperimus vllam in asylis habitam fuisse rationem religionis, ita ut ij tantùm, qui eos Deos colerent, ad illorum asyla admitterentur, sed cuiuscunque religionis rei essent in quouis asylo confugiendo, ad impunitatem iam dictam admitterentur. quod secus est in nostra Ecclesiæ immunitate, quæ solis Christianis catholicis prodest.
- Neque verò licebat iis qui ad asyla confugissent inde quempiam, aut verbo, aut facto impunè lacerare, id quod per abusum aliquando in vrbe factitatum queritur C. Cælius Senator apud Tacitum *lib. 3.*

*An fueris aliquando apud  
Gentes aliquis asylorum  
abusus.*

## CAPVT XVI.

1. SICVT in mechanicis nihil est opere, aut manu factum, quod non aliquando conficiat vetustas; ita in moralibus nihil vsqueadeo rectè constitutum reperitur, quod non aliquando per abusum vitietur, ac nisi fortè diligenter vigiletur, vsque eò interdum excrefcunt, vix vt aliqua honestatis facies in eis appareat. Quid ipsa religionis virtute sanctius? quæ ideo inter omnes morales virtutes primatum obrinet, quod in Dei cultu, ac veneratione tota posita est. In hanc tamen tot tantique irrepsere abusus superstitionisque, vt nisi ea in sua integritate tum conseruanda, tum restituenda vsqueadeo semper insudatum esset, tota in superstitionem mutata esset. Hinc sapienter Plato *sub finem decimi de legibus dialogi*, priuata sacella domi habere, in eisque sacrificare lege vetuit, ea optima ratione, ne quisque sibi pro sua voluntate, priuatique occasione, aut necessitate, Deos ipsos ceremonias, & sacrificia fingeret, statueretque sibi ac domui suæ in quo plerosque errare necesse esset, cum id rectè præstare non possint, nisi viri summo ingenio præditi. Quare quicumque sacrificare vellet, publica templa adiret, ibi per sacerdotum ministros harum rerum peritos sacrificia secundum legum decreta, à sapientibus constituta offerri faceret. Asyla porro religionis pars quædam sunt, quæ licet

alils orta principiis, ad Dei tamen reuerentiam statim relata sunt, vt & qui ad ea confugiunt, hoc ipso protestentur, neminem, propter Dei reuerentiam, vim eis illaturû, & qui eos ibi tutos esse patiuntur, propter eandem Dei, templorumque sacrorum reuerentiam id faciant. Vt cum in iure asylarum quasi pars quædam religionis posita sit, non mirum videri debeat, si in eam quoque, sicut & in cæteras partes abusus plerique irrepsierint, & quotidie irrepant, vt panè tota aboleretur, nisi Principum providentia nouis passim legibus efficacia remedia adhiberetur. Hoc autem distant abusus in asyliam introducti ab iis qui cæteras religionis partes innadunt, quòd in illas ex simplicitate, ignorantia, necessitate introduci solent, vt docet eo loco Plato per mulieres, per homines imbecilliores, & in necessitate constitutos, atque in periculis per homines indigentes, per eos demum, quibus facultates affluunt, vt eas tueantur, qui dum in vigilia phantasmatibus abundant, in somniis postea præ formidine aut spe se vidisse recordati, remedia suis rebus asferre conati, iuxta illa ipsa phantasmata, ac somnia, cultus in Deos, ac ceremonias fingunt. Contrà vero abusus qui in asyliam irrepsere per homines callidos, versipelles, prauos, ac reipublicæ perniciosos introduceantur, non ad augendum Dei cultum, neque ad reuerentiam sacris locis acquirendam, sed solum vt hoc religionis prætextu impunè exaturari vitiis, in bonos grassari, innocentum haurire sanguinem, alienis bonis ditari possit: in horum indagatione abusum

- hoc loco elaborandum est. Quoniam autem ex Philosophorum sententia priuationes per habitus, p[er]que virtutes vitia cognoscuntur, ideo abusus asyly indagatur, constitucendum est prius quisnā sit rectus asyly vsus. Neque verò longiùs hoc petendum est, ex ipsa intrinseca asyly ratione cognoscitur. Si enim actum ipsum ad asyla confugientis, pensamus, si sciscitemur ab eo, qui illuc confugit, & quidnam intendat; in confesso est, non aliud responsurum, quam vt per Deum, locumque sacrum delicti veniam p[œ]narumque impunitatem consequatur. At veniam petere natura sua p[œ]nitentiz animi est, & se commisisse dolentis, maxime verò cum reus ad Deum recutrit, ab eoque & p[er] eum veniam postulat. Sicut enim qui per homines veniam ab aliquo deprecatur, si quis omnibus ostendere n[on]tuntur sibi displicere commissa, neque vnquam similia commissuros, alioqui repulsam ferant ab iis ipsis, per quos veniam postulabant; ita multo magis ex corde debent ij, qui per Deū ipsum, p[er]que sacra eius templa veniam deprecantur, dolere de commissis, parati deinceps à similibus abstinere. Sed addo aliam rationem ex parte illius qui reum in asylo paritur impunem esse. Cur enim confidat reus, aut ipsummet offensum, aut magistratum permitturum eum in asylo impune viuere? certè propter Dei sacrorumque locorum reuerentiam respondet. At si reus, aut commissi criminis nullo dolore ac p[œ]nititudine tangatur, nullam habeat corrigenda vitæ voluntatem, ad similia dissimiliave audenda promptus sit, certè nullus honor Dei est, huic ignoscere; verior Deo cultus adhiberetur, si is pro meritis puniretur. Vt enim temerarius in ipsum Deum est, qui eo animo veniam per Deum deprecatur; ita pius Dei cultor censendus esset, qui ita temere per Deum deprecatis temeritatem corrigeret, illum puniendo, tantamque vlciscendo temeritatem, quantam sacræ canonum leges ferunt. Quisquis ergo ad asyla confugiens non hanc, quam diximus, gerit mentem, non proficitur se per Deum veniam impetraturum, quod ad religionem pertineret, sed per Deum effrenatiùs peccaturum, quod & temerarium est, & blasphemum. Is autē 8.
- omnis eam mentem non gerere purandus est, qui externis signis hoc præferrat, vt qui aut in ipso asylo persistit armatus, tunc enim in suis armis magis quam in Dei reuerentia confidit, aut in ipso asylo delinquere perseuerat, aut ex asylo alios prouocat iniuriis, opprobriis, contumelijs inferendis, qui à nullo lacestus, vt alicui inuidiam aliorum conciliet se eius timore illuc confugisse simulat, qui nullam habens publicam potestatem remittendi p[œ]nas, asyla constituit ad impunitatem.
- Ex his apparet quidnam iudicandum sit de multis quæ circa vsus asylorum contigisse legimus; quæcunque enim contra iam constitutum asylorum vsus facta, aut videmus, aut audimus, ea abusus asylorum vocare debemus, cuiusmodi multos commemorat Cornelius Tacitus lib. *annalium* 3. sub Tybe

Tyberio Cæsare contigisse, commemorat autem duobus in locis, prior habetur fol. 41. impressionis Romanæ anni 1515. Leonis Papæ decimi anno 1. vbi ex vi, inquit, promptum est quod multorum intimis quæstibus tegebatur; incedebat enim deterrimo cuique licentia impunè probra, & inuidiam in bonos excitandi, arrepta imagine Cæsaris: excitabant autem in bonos inuidiam, simulando se eorum timore ad asyla confugisse, seu imaginem Imperatoris gestare. liberti etiam, & serui patrono, vel domino, cum voces, cum manus intentarent, vltro metuebantur, statim subdit, C. Cestium senatorem ita ratiocinantem: Principes quidem Deorum instar esse, sed neque à Diis iniustas supplicia preces audiri, neque quenquam in Capitolium, aliave vrbis templa perferre; vt eo præsidio ad flagitia vtatur. Subdit abolitas, & funditus euersas leges, vbi in foro, in limine curiæ ab Annia Ruffilla, quæ fraudis sub iudice damnasset, probra sibi & minæ intendantur, neque ipse audeat ius experiri ob effigiem Imperatoris oppositam. Atque hæc quidem Cestius conquestus, neque dissimilia alij, & quidem atrociora obstrepebant. Posterior Taciti locus habetur fol. 45. vbi sic loquitur: Crebrescebat Græcas per vrbes impunitas asyla statnendi, complebantur templa pessimis seruitutorum, obæratæ etiam & rei capitalium criminum eodem subsidio receptabantur, nec vllum satis validum imperium coercendis seditionibus populi flagitia hominum, vt ceremonias Deum pro-

regentis.

Super hæc Taciti loca obseruandum est primò apud Gentem parem fuisse ad statuas imaginisque Imperatorum, atque ad templa Deorum asylia rationem; atque ideo æquè populos vtroque confugio abusus esse, vt quod de vno dicitur, & de alio dictum intelligatur. Secundò aduertendum in his duobus locis decem omnino numerari grauissimos asylia abusus. Primus est quòd pessimi quique ea spe licentiam sibi sumebant liberè probra, & inuidiam in bonos excitandi. Secundus quòd liberti patronis, serui dominis non modò voces intentarent clamoribus, videlicet agendo, sed manibus etiam vim illis inferendo, cumque hac auderent, à dominis nihilominus metuebantur, quos ipsi contrà timere, ac reuereri debuissent. Tertius quòd ad templa cōfugiebant, non tam vt commissorum veniam impetrarent, quàm vt eo subsidio ad alia tutò committenda flagitia abuterentur. Quartus quòd dum asylorum præsidio omnes impunè peccarent, leges omnes corruerent. Quintus in particulari Annæ Ruffillæ vilis personæ, quæ Cestium senatorem grauissimum in foro atque ipso limine curiæ probris minisque impeteret, ille nihilominus ius experiri non auderet propter obiectam Cæsaris imaginem, qua illi se tue-ri consueuerat. Neque verò hoc leue fuisse censendum est, constat enim ex eodē Tacito quo die Cestius id conquestus fuit, aded cōmotos rei indignatione omnium animos, qui præsertes aderat, Drusum

vt

ut peccati adeò obnixè fuerint, ut daret ultionis exemplum, ut accitum ille Anniam, conuictumque publica custodia attineri iusserit. Sexto loco in genere ostendit alios, dum Cestius ea conqueretur similia, atque adeò atrociora obstrependo quæstos esse. Septimus fuit abusus multiplicandorum asylorum, quorum in tota Græcia non modò in vrbe numerus nimium excreuisset, & quoniam dicit creuisse impunitatem asyla statuendi, apertè insinuat eos qui asyla statuebant potestatem ad id non habuisse, pœnâque commeritos esse, quam pro illa ipsa asyla declinabant. Octauus quòd pessimi quique infimæ sortis magno numero, ita ut templa complerent, ad ea confugebant. Nonò quòd per asylorum spera frequentes populi seditiones excitabantur, quas nullum imperium, id est, neque ipsorum Imperatorum potestas coercere, ac reprimere potuisset. Decimus qui & causa erat omnium præcedentium, quòd populi quibus libertas peccandi placet, flagitia hominum delinquentium tãquam ceremonias cultusque Deorum protegebant.

11. Hi abusus per excessum omnes (nullus autem per defectum) irrepere, adeò sunt hominum ingenia ad peccandum pronâ, ut virtutis nomine velatâ oblatam peccandi occasionem facile attripiant, maxime verò occasionem impunè peccandi, sub velamine religionis, ut, quod maxime mirandum est, nullus pœnè in tot gentibus tam longis seculis inuentus sit, qui ius asyliæ violare, imminuere, mutare ausus sit, ne suprema quidem potestate præditas, ne propter

infinitatem (ut ita dicam) delictorum, frequentèque populi tumultus, quod adeò frequenter tentant non modò superiores magistratus in lege Christiana, sed vilissimi quique abiectissimi que eius ministri contra immunitatem factos sanctarum Christi Ecclesiarum, quæ tam multis non modò Imperialibus legibus posita, sed canonicis legibus summorum Pontificum sacrorumque Conciliorum recepta, 13. confirmataque est, ut quamuis hodie aliqui etiam cernantur abusus per excessum, aut totidem quot olim fuisse, non pauci tamen & fortè plures irrepant passim per defectum, per quem audimus quotidie rumores, ac scandala nasci, dum ministri secularis curiæ magistratusque Christiani vim inferre præsumunt iis qui confugiunt ad Ecclesias, id quod Gentiles etiam Imperatores illis Gentium asylis, quæ erant demonum habitacula, non fecerunt.

---

*An & qua ratione cohibe-  
re sit aliquando apud  
Gentes asylorum  
abusus.*

#### CAPVT XVII.

ASYLIÆ abusus abundè ostendimus, nunc quæ illis adhibita remedia fuerint videamus, totamque asylorum materiam, quam hoc primo libro tractandam suscepimus, hoc optimo opportunè adibiti remedij fine claudamus. Ad Tyberium Cæsarem sub quo tot abusus multas tragædias excitauit, illis medendi necessitas delata est. Sub hoc totius

totius orbis asyla nutarunt, eorumque ius grauiter periclitatum est, & quod nullus alius ausus ante fuerat, is omnium primus ita ausus est, vt similia audendi posteris occasiorem ita præciderit, vt Christiana præsertim paulatim inualefciente religione, nullo alio remedio opus fuerit, donec simul cum falsa Deorum religione asyla ipsa  
 1. conciderunt. Primum enim remedium, idque valde temporari accomodatū illud fuit, vt iubente Imperatore, magna, vt inquit Tacitus *fol. 45.* apud Senatum de asylis cōquisitio fieret, ipsorumque Numinum religiones introspicerentur. Id vt cumulatiū fieret, ciuitates singulæ Senatus decreto iussæ sunt legatos ad urbem mittere, qui pacta cum Romanis Imperatoribus inita, & Regum, quæ ubique ante Romanam vim valuerant decreta, ac priuilegia asylorum secum deferret. id aded terruit multas vrbes, quorum asyla nulla Principum authoritate fulta erant, vt asylorum iuri, quod sibi propria authoritate vsurpauerant, sponte cesserint; neque de eiusmodi asylis quisquam ad Romanos deferri passus sint. Quod fuit primū remedium, quo asylorum non parum  
 3. imminutus est numerus. Accessit secundum remedium, Ruffilla impudenter abutente asylorum vi publicæ custodiæ mancipato, vt pœnas lueret, quod non leuem ceteris similia audendi timorem incussit, quod propter Ruffillæ impudens scelus in Drusi ipsius laudem, qui illum carceri mancipari iussit à populo tractum cum esset (vt ibi Tacitus refert) animos illi addidit ceteros, qui similia auderent, puniendi: sed hæc per accidens il-

*P. Garbac. de immuni. Eccl.*

lis abusus medebantur. Aliud fuit 4. remedium Senatusconsulto, & Imperatoris authoritate adhibitum post missos auditosque ciuitatum legatos, post visa pacta per eas cum Romanis inita, post Regum decreta de asylis diligenter examinata, post multa Senatusconsulta de ea re habita, post auditos legatos, qui suorum asylorum antiquitatē, authoritatem, venerationem legitimæque eorum iura abundē coram Senatu exposuere. Hoc autem remedium aliter Suetonius, aliter Tacitus narrat: Suetonius enim in Tyberij vita in cap. de quibusdam bene per eum gestis tam Romæ quam extra, refert ipsum omnem vim asylorum abstulisse; quod est asyliam omnino abrogasse. Tacitus verò ait præscriptum per eum fuisse asylis modum, id est, moderationem adhibitam, idque addit magno cum honore factum esse: quasi dicat, ita adhibuisse modum, moderationemque, vt nihil neque de Deorum, neque de ipsorum asylorum honore detraxerit, & quamuis non ostendat quænam moderatio, aut quanta fuerit adhibita, intelligi tamen potest ex abusus antè relatis, sublata enim asylorum multitudinem, paucisque probatis asylis celebrioribus, quæ certo iure maiorum authoritate firmata, inuenta sunt, siue pactis cum Romanis Imperatoribus initis, siue antiquorum Regum decretis antequam in Romanorum potestatem venirent, præfata est pœnè omnibus abusus via. Sed hoc loco quis dubitauerit Tacitōne hac in re fides, an Suetonio potiùs habenda sit? Pro Suetonio illud facit, quod eum ipsorum Imperatorum vitam scribere intendat, credendus est eorum di-

I. Et,

cta, factaque diligenter inuestigasse, & fideliter narraſſe. Contra verò illud Tacito fauet, quod quæ circa aſyla acta ſunt, aded diſtinctè, ac minutatim omnia proſequitur, vt diligentiffimè conquiſſe accepiſſeque, ac pæne inſpexiſſe putandus ſit. Iuſtus Lipſius in eum Taciti locum ita pro Tacito certat, vt aſſerat erraſſe Suetonium. Mihi videntur ita conciliari poſſe, vt vtriuſque honori conſulatur, neutri hiſtorico fides negetur. Vt Tacitus rem aded in particulari cum omnibus ſuis circumſtantiis particularibus, prout reuera geſta

eſt, narret. Suetonius licèt viram ſcribere proſiteatur, non putarit hoc ita minutatim narrandum, ſed vno verbo dixerit omnem vim aſylorum abſtulſſe, vulgi fortaiſſe ſermonibus vſum; quodd adhibita per Tyberium moderatio in ſeruo-  
re tot abuſuum rumorùmque, qui tunc circumferebàtur, populo abſtulſſe aſyliam, viſus ſit. Atque hæc de hiis hætenus præliſſe ſufficiat, quibus viam ad noſtraram Eccleſiarum immunitatem proſequendam aperuimus. Superæſt vt ad eam immunitatem tranſeamus.

## LIBER







# LIBER SECVNDVS.

COMPLECTENS BREUEM, ET

*litteralem totius constitutionis declarationem.*

PIROE MIVM.



**T**RACTATVRO de  
eā ecclesiasticæ im-  
munitatis parte, quæ  
tueidis hīs, qui ad  
Ecclesias confugi-  
ant, tota occupata est, post Gen-  
tium asyla, refugiaque Iudæorum,  
occurrit Gregoriana nonissima cō-  
stitutio à Gregorio X. IV. de ea re  
nuper edita, quæ ut est sapientia,  
prudentiæ, ac pietatis plenissima;  
ita vniuersam hanc, Ecclesiatarum  
immunitatem, nostris seculis occa-  
sione quorundam indultorum pæ-  
næ collapsam restituit, moderatur,  
& meliorem iuxta formam reducit.  
Quare operepretium me facturum  
esse existimaui, si præsentem tra-  
ctationem (quæ quæcunque de hac  
confugij immunitate dici possant  
comprehendere institui) instar cu-  
iusdam in eam constitutionem cō-  
mentarij digeram, pluribus libris  
ita inter se dispositis, ut quæcum-  
que ad certam materiam pertinet,  
suo quæque libro simul tractentur,  
multum enim confert ordo, ac me-  
idem sæpius dicatur, & ut omnis  
confusio omnino euitetur. Ita e-  
nim futurum spero, ut tota tracta-  
tio huic innixa Gregorianæ con-  
stitutionis firmissimo fundamen-

to, tutior, certiorque procedat,  
cū præsertim tam multæ pas-  
sim surgant quotidie circa eius  
intelligentiam, ac praxim non  
modò dubitationes, sed etiam dif-  
ficultates vbique terrarum, ut  
hanc diligentiam quamvis exat-  
tissimam postulent. Atque hoc  
secundo libro vniuersam consti-  
tutionis eius litteram, ac singula  
ferè verba quibusdam quasi glos-  
sis, ac literæ observationibus elu-  
cidare conabor; singulorum ver-  
borum vim; ac pondus obseruan-  
dò. Deinde reliquis sequentibus  
libris materias singulas persequar,  
ubi quicquid scitu dignum, studio,  
ac meditatione consequi poterò,  
copiosius pertrahabo. Enimuero  
enitar quantum in me erit, nihil  
ut intactum relinquam, & quic-  
quid attigero, ea diligentia, & per-  
spicuitate perficiam, quam tantæ  
rei dignitas, ac necessitas postulat  
ad Dei honorem; & gloriam, ad  
sanctarum Ecclesiatarum reueren-  
tiam, ad communem ecclesiastici,  
secularisque fori pacem & quie-  
tem, ad conscientiarum tranquil-  
litatem, ad iustitiæ lumen, atque  
ad totius Christianæ reip. com-  
modum. Aspirat exceptis spiritus

veritatis, & labores pro militantis Ecclesie bono susceptos, triumphantis Ecclesie preces ad felicem exitum finemque producant. Quoniam autem ipsa constitutio Gregorij XIII. proluxa est, multa-

que preclara continet, eam commoditatis gratia in aliquot paragraphos distribuam, ut moris est distribuere sacros canones legesque civiles. Ad constitutionem ergo ipsam accedamus.

## CONSTITUTIO

### GREGORII PP. XIII.

#### De immunitate Ecclesiarum.

*Gregorius Episcopus servus servorum Dei,  
ad perpetuam rei memoriam.*

#### §. I.

Narrat multa diuersaque indulta ab Apostolica sede diuersis Principibus concessa de extrahendis confugis de Ecclesiis quæ malè succedere.

**C**UM aliàs nonnulli predecessores nostri, et præsertim felicitis recordationis Sixtus PP. V. necnon Pius etiam V. sancto Zelo ducti, diuersas facultates et indulta extrahendi, etiam in casibus quibusdam à iure non permisis ex Ecclesiis criminosos, et delinquentes compluribus secularibus Principibus, eorumque curiis et magistratibus sub variis modis, et formis concefferint, prout in illis plenius continetur; experientia postmodum docuit tum ob diuersitatem et differentiam huiusmodi indultorum, tum quia plerique eorundem Principum ministri ex hoc ipso illa diuersimodè et latius, quàm par erat, ad suum libitum

*interpretandi occasionem arripuerint, illisque abuti  
cœperint, subortam esse non mediocrem in aliquibus  
locis libertatis & immunitatis Ecclesiastica pertur-  
bationem, & confusionem.*

## G L O S S A.

**C***Vn alius nonnulli.* ] Hoc constitutionis initio narrat Pontifex triplicem occasionem abusu nouissimè contra Ecclesiarum immunitatem introductorū. Prima desumpta est ex ipsismet indultis, quia multa, & inter se diuersa fuerunt. Secunda ex praua eorundem indultorum interpretatione facta per secularis curiæ ministros, & magistratus. Tertia ex eorundem praxi, quoniam eisdem indultis abusi sunt.

*Sextum PP. V.* ] Speciatim Sixtū V. ac Pium V. nominat huiusmodi indultorū auctores, vel quoniā horum indulta nouissimè concessa apparebant, vel quia hos solos cōstabat ea concessisse. Vniuersalius autem loquitur, quoniam indulta omnia reuocare, seu ad præsentis constitutionis formam reducere intendebat: vt si qua alia quocunque tempore per quemcunque aliū Pontificem ante hanc constitutionem concessa repertaque fuerint, illis nilominus vi præsentis constitutionis detractum intelligatur in his omnibus quæ huic legi aduersantur.

*Sancto zelo.* ] Quoniam narraturus erat indulta per hos concessa Pontifices non bene cessisse, quin & eorum occasione subortos abusus, ne illos in inuidiam trahat, intentionem eorum, atque internam animi voluntatem commen-

dat, dicens, eos sancto zelo concessisse, vt non illis, sed futuro euentui quicquid mali sequutum est, tribuatur. Id enim non raro vsu venire solet, vt quæ non modò sancto zelo sed prudenter etiā, sapienterque constituta sunt, minus feliciter malitia hominum succedant. Huius autem zeli sanctitas in eo posita erat, vt peccandi libertas atque impudentia, quæ spe confugij ad Ecclesias quotidie crescebat, facta Principibus eos extrahendi potestate comprimeretur, id est, neque immunitatis præsidio ad peccandi libertatem abuterentur, sanctissimus hic zelus fuit, felicissimèque successit. Mirum enim dictu est, quantum sola huiusmodi indultorum fama repressa sit audacia delinquentium, quantum quietis ac pacis sequutum sit in re publica. Sed proh dolor! dum hæc peccandi commoditas priuatis quibusque hominibus amputatur, tanta pullulat in publicis personis, ministris scilicet curiæ secularis, libertas, atque licentia contra sacrarum Ecclesiarum immunitatem cum eorundem contemptu, vt immunitatem omnem penè extinctam cum magno animi dolore viderimus; vt cū Pontificum indulta plus laxanda libertate magistratuum in Ecclesias, nocuerint, quàm comprimenda priuatorum peccandi licentia profuissent, ipse-

met Sixtus V. hoc animaduertens voluerit statim remedium adhibere, antequam hoc malum ulterius grassaretur, id quod dum perficere cogitat morte præuentus, exequi permissus non est.

*Diuerfas facultates.* ] Prima occasio abusuum facultas extrahendi, secunda diuersitas facultatum, non vnā enim solū, sed plures à prædictis Pontificibus concessas facultates ostendit extrahendi de Ecclesiis criminosos, easque inter se diuerfas, ac differentes pro diuersitate petitionum, quas in suis supplicationibus sedi Apostolicæ Christiani Principes porrigebant. Obseruandum est autem non frustra positas esse duas illas voces, multas, & diuerfas; dicturus est enim infra ex his confusionem, ac perturbationem ortam esse, vt singula singulis respondeant. Ex multitudine enim confusio facile opiri solet, ex diuersitate perturbatio.

*Extrahendi.* ] Id est, trahendi extra Ecclesias: siue manu confusa apprehensa, siue brachio, siue pallio, siue veste is tractus sit, siue impulsus extra Ecclesiam, siue minis, siue obsidione, & necessarij victus subtractione inde exire coactus, ita vt inuitus exisse dictus sit. Quamuis enim aliqui essent antea in iure expressi casus, in quibus denegabatur reis Ecclesiæ protectio, atque immunitas, in quibus etiam inuitos extrahere liceret, quamuis non deessent Doctores qui apertè docerent in illis casibus per ipsos secularis curiæ ministros liberè extrahi posse, tamen neque Doctores deerant, qui contra sentirent, & casus illi quàm paucissimi erant, & ipsi per se pe-

magistratus agrè extrahere per se quenque audebant. Vbi verò ipsius supremæ sedis auctoritas accessit, cuiusque indulto potestas facta est extrahendi, quāto erant antè timidiore, ne quicquam auderent, tanto postea audacius atque insolentius furere in teos, eosque de Ecclesiis liberius extrahere conati sunt.

*Ex Ecclesiis.* ] Ecclesiarum tantummodo facit hoc loco expressam mentionem, non quia de Ecclesiis tantum extrahendi libertas illis Apostolicis indulta concedebatur, sed vel quoniā cæteris, quibusque locis Ecclesiarum intuitu ac participatione quadam, immunitas cōpetebat, vel quia expressis Ecclesiis, quæ sunt primaria immunitatis huius loca, cætera quæ minus principalia sunt, etiam intelliguntur.

*A iure non permissis.* ] Hæc est tertia abusuum occasio, quod non modò data sit secularis curiæ ministris expressa, facultas extrahendi reos de Ecclesiis, sed laxata, atque extensa etiam ad casus iure nō permissos. Cū enim eius curiæ ministri indulta illa Apostolica adepti essent, inuenerat illo quo semper fuerant in confugientes ad Ecclesias odio exardescentes, velut emissi & cauea leones furere in eosdē, ac debacchari modis omnibus in ipsismet Ecclesiis cæperis, vt probabile sit eos modis omnibus excessisse.

*Compluribus.* ] Aliæ duæ tanguuntur his verbis abusuum occasiones; prior, quia compluribus, id est, multis; posterior, quia secularibus Principibus indulta concessa sunt.

*Eorumque curiæ.* ] Sexta occasio, quod

quod indulta non solis Principibus, sed eorum etiam curiis ac ministris concessa fuere. Id autem triplici ratione occasionem præbuit abutendi. Prima est, quia longe maior est ministrorum, quam Principum numerus: in multitudine verò facilius inuenitur qui erret, atque abutatur. Secunda, quia in Principes non ita facile cadit adulatio, cum vix habeant cui adulentur Principi. Tertia, quia solent etiam Principes maiori propter maiestatem, quam gerunt, procedere, & Ecclesias magis reuereri, quam inferiores ministri.

*Variis modis.* ] Declarat secundam illam abusu occasionem; quam simplici verbo superius expresserat, cum dixit, diuersas facultates; ostendit enim in quo consisteret diuersitas, nempe in varietate modorum, ac formarum. Modi concedendi indulta diuersificari solent, quod alia motu proprio conceduntur, & ad nullius instantiam, alia ex certa scientia, alia ex plenitudine potestatis, alia ad instantiam alicuius, alia permittendo, alia iubendo, & similibus aliis modis. Forma verò significat ipsarum Apostolicarum litterarum tenores; alij enim ampliores, alij verò strictiores, seu alij longiores, qui à plumbea bulla in eis appensa, Bullæ vocari solent, alij breuiiores, qui breuia vocantur, seu alij in forma grati, alij aliis formis expediuntur.

*Experientia postmodum.* ] Experientia semper fuit eritque rerum magistra, quatenus ex ea discimus consiliorum, legum, privilegiorum rerumque omnium successus, è quibus cognoscimus à posteriori vtilia ne, an secus sint quæ

à nobis antè constituta sunt, qui successus, si ita antea præuideri certò potuissent, sicuti reuera postea successere multa ne tentata vnquam fuissent, multa fidentiùs, firmiùsque constituta, neque vnquam consilia mutanda venient: non modò enim successu temporis propter mutatas particulares locorum, temporum, ac personarum circumstantias, experimur successus multos menti, atque attentioni nostræ valde contrarios, sed etiam propter prauam dispositionem personarum illius ipsius loci, ac temporis, quibus prodesse cum vellemus, obuiamus: quod utinam aliena, nò nostra experientia passim disceremus, ut illius beatitudinis participes essemus, quia sunt homines alienis periculis cautiore, alienòque discunt damno.

*Ob diuersitatem.* ] Rationes, seu occasiones recensere aggreditur, propter quas indulta Pontificum immunitati ecclesiasticæ nocuerunt, quæ duæ fuerunt, vna, quia multa, & diuersa fuerunt quæ hoc loco recensentur, vbi obseruanda est particula illa causatiua *ob*. Intuere etiam quomodo respondeant posteriora prioribus; superius enim dixerat illos Pontifices concessisse diuersas facultates, nunc assumit ob diuersitatem huiusmodi indultorum, utrobique autem diuersitas vnum dicit, nempe varietatē: alterum supponit, nempe pluralitatem, neque enim idem indultum est à seipso diuersum.

*Quia plerique.* ] Altera causa propter quam indulta ecclesiasticæ immunitati nocuere, quoniam curiæ secularis ministri ea perperam interpretati sunt.

*Ex hoc ipso.* ] Hoc, relatum est, vtrum

utrumque referens præcedentium, ut ideo immunitati ecclesiasticarum Apostolica indulta nocuerint, & quia multa, atque inter se diuersa fuerunt, & quia ij qui ea practicè interpretati sunt, fuerunt ipsi secularis curiæ ministri, qui etiam immunitati semper infensi fuerunt.

*Illà diuersimodè, &c. interpretandi.]* Prosequitur secundam causam cur indulta nocuerint immunitati, quia perperam ea interpretati sunt secularis curiæ ministri. Fuit autem triplex in ea interpretatione vitium.

*Diuersimodè.]* Primum vitium, quod diuersimodè ea interpretati sunt, nempe hinc illinc in diuersa trahendo, prout cuique commodum videbatur.

*Latius quàm par erat.]* Secundum vitium quod interpretatio facta sit latior, nempe fauore fori secularis, ac Principum quibus fauebant, & ultra concedentis mentem.

*Ad suum libitum.]* Tertium interpretationis vitium, quod iidem ministri non ad Pontificis mentem interpretando intendebant, sed ad suum libitum, & pro suæ quisque beneplacito voluntatis.

*Arripuerint.]* Hoc verbo remouet odium à prædecessoribus, illud in ministros curiæ secularis transferendo. Non enim, inquit, ipsammet indulta, quamuis multa, atque diuersa per se occasionem perperam interpretandi dederunt, sed ipsi curiæ secularis ministri, aliquam per eiusmodi indulta potestatem nacti, ex eis occasionem perperam ea interpretandi arripuerunt, & obseruanda vis verbi est, ibi enim attingere non solum idem

est quod rapere, seu violenter vsurpare, sed etiam auidè rapere, quod illorum propriè est, qui in excubiis obseruant, explorantque rapiendi opportunitatem, quam cum primum nacti fuerint, auidè arripiunt. Ita nobis insinuans Principum ministros quasi auidè expectasse semper occasionem extrahendi reos de Ecclesiis, voluntatem illis nunquam defuisse, solum defuisse potestatem, hæc cum primum concessa fuit, auidè arripuerunt occasionem illam perperam interpretandi.

*Abusi.]* Ex prænarrata praua indultorum interpretatione quid aliud expectari poterat, nisi abusus? non enim illa speculatiuè interpretabantur ad indagandam Pontificum mentem, sed practicè pro occurrentium casuum occasione, animo perturbato, ad libitum voluntatis, quæ voluntas erga Ecclesiarum immunitatem parum bene (ut diximus) affecta erat. Venerè dicere possimus non tam ex praua interpretatione ortum esse, quàm ipsammet interpretationem indultorum abusum fuisse. Si enim tanta est natura sua abusus cum priuilegiis coniunctio, ut iura cum titulo de priuilegiis adiungendum putarint etiam de excessibus priuilegiatorum, quanto magis consequatur abusus ea priuilegia, quæ circa id concessa sunt, quod animus ardentè concupiscit, ut erat animus, & desiderium ministrorum? curiæ secularis extrahendi de Ecclesiis criminosos? Vis videre oculis abusus indultorum multos, graues, perniciosos? interpretatione attende. Interpretati sunt latius quàm par erat, & ad libitum voluntatis abusi sunt, ut quot illis

lis volūtatis affectus se obtulerint, tot modis interpretando abusi illis sunt, & quo inordinatio in interpretando voluntas, eo fuit in exequendo abusus pestilentior.

*Subortam.* ] Suboriri est sub aliquo oriri, vt quod per aliquam occasionem ortum est, sub ea ortum, vel subortum esse dicatur. Sex haecenus narrata sunt, ex quibus perturbatio orta est. occasionem acceperunt, primum quod indulta multa: secundum quod diuersa inter se: tertium quod diuersimodè: quartum quod latius quam par erat: quintum quod ad libirum ea homines interpretati sunt. Ex his orta est perturbatio, aut suboriri,

& semioriri, imperfectè oriri, quasi dicat nō fuisse sufficientem causam ad tantam perturbationem generandam.

*Perturbationem, & confusionem.* ]

Perturbatio ex diuersitate indultorum, ex multitudine confusio orta est, non modò eodem curiæ ministro pro diuersis animi motibus ea diuersimodè interpretante, sed vnoquoque ministro ita variè interpretante, vt ex decem ministris centum variæ inter se interpretationes, toridèmq; abusus interdum fluant. Id vsque adeo vniuersam Ecclesiarum immunitatem perturbauit, vt eius facies omnino mutata sit.

## §. 2.

Deuoti Ecclesiæ populi huiusmodi indulta respuerunt.

**A** Libi verò ne ipsos quidem laicos indultis huiusmodi uti voluisse, aut potuisse, quod populis inueterata erga Ecclesia reuerentiam deuotis, & assuetis scandali potius, quàm quietis occasionem præberent.

## G L O S S A.

**A** Libi verò. ] Hoc loco Pontifex nonnihil ipsis indultis succensere videtur, dum ait, deuotis erga Ecclesiæ reuerentiam populis scandali potius quàm quietis occasionem fuisse præbitura. Hinc enim facillè colligere est, ipsa indulta eiusmodi in se fuisse, vt eiusmodi populis scandali occasionem præberent, eoque clariùs ipsis indultis succenset, quod populi deuotioni, quæ laude digna est, tribuit, quod ea recipi non potuerint, vnde & initio non ad indultorum substantiam, sed ad concedentium

zelum recurrit, cum ea laudauit. Sed recolendum est quod superiore libro cap. 10. docuimus, asyliam atque Ecclesiarum immunitatem ita excogitatam esse ad Dei cultû templorumque reuerentiam, quasi è Dei, sacrique loci reuerentia sit, reis qui illuc confugiunt ignoscere, eosque quamdiu ibi consistunt impunitos relinquere, vt contrarium etiam ad Dei reuerentiâ excogitari, ac statui possit, alia ratione attempta, nempe ad reprimendam libertatem impunè peccandi per Ecclesiarum spem, ex qua omnimoda

P. Gambac. de immunit. Eccl.

reipu

reipublicæ perturbatio sequatur, qualis fuit asyloꝝ sub Tyberio Cæsare abusus. Hinc enim sequitur ea indulta, de quibus hoc loco sermo est, quæ immunitati Ecclesiarum quidem præiudicabant, sed peccandi libertati medebantur, & sanctissima in se esse potuisse, prout fuisse non dubito propter ablatam peccandi libertatem, id quod illi Pontifices sancto zelo intendebat, & aliquibus populis reuerentiæ erga Ecclesiam deuotis scandalū generare potuisse, prout fortè generauit, apud quos nulla per immunitatem Ecclesiæ apparebat peccandi libertas. Facile enim simplices populi rebus suæ deuotioni cōtrariis scandalizantur.

*Ne ipsos quidem laicos.* ] Dubium an laicos curiæ ministros, an verò partes ipsas læsas intelligat. Vtrūque enim intererat, vt Apostolicis indultis ministrorū curiæ intererat, vt extrahere, partiū verò quæ læsæ fuissent intererat vt confugas à quibus læsæ essent peterent iuxta indultorum concessionem extrahi ad pœnam: sed probabilius est omnes omnino cōprehendi, tam ministros curiæ, quàm partes læsas, imò & cæteram plebem, ad quam nihil pertinebat, cuius aliquando graues sunt animorum motus contra reos, ægrè ferendo illis per immunitatem præstari. Itaut integrè aliqui populi non sint vsi eiusmodi indultis, propter uitam in qua educti sunt erga Ecclesiæ reuerentiam & deuotionem, quæ tanta fuit

vt cūm non vaperent, posse ad Dei reuerentiam pertinere detrahere de Ecclesiarum immunitate, non ferrent absque scandalo eiusdem immunitatis imminutionem.

*Voluisse.* ] Non parum fuit noluisse vt cūm permetteretur, sed maius est quod sequitur.

*Aut potuisse.* ] Vique adeo magnā atque adeò impressam animis populorum istorum erga Ecclesiæ reuerentiam deuotionem fuisse ostēdit, vt non modò voluntatem, sed etiam potestatem ademerit vtendi Apostolicis indultis. Quod non est de physica, & naturali potestate, sed de morali intelligendum, pia enim affectio voluntatis erga Ecclesiam non sinebat eos cōtra illius immunitatē, etiam apostolica auctoritate concessā, quidpiam tentare. felix deuotio, felicior tanta in ea deuotione inueteratio, quæ voluntatem ita in cōseruanda immunitate Ecclesiæ stabilem fecit, vt impotentē redderet ad cōtrarium etiā habita Ecclesiæ auctoritate faciendum. felicissima assuefactio, quæ aditum omnino præclussit contrariæ occasione.

*Inueterata.* ] Vide quanta vis sit in habitibus bonis, atque in longa exercitatione virtutis.

*Scādali.* ] Pia affectio erga aliqua bona indifferentia ex natura sua tanta esse potest, atque adeò fixa, & inueterata, vt scandalizetur si contrarium videat, quamuis neque per se malum sit, & Ecclesiæ concessione nitatur, omnēque quam ex lege acceperat malitiam exuat.

§. 3.

**I**llud etiā absurdum sæpenumero sequutum est, vt infima interdum conditionis laici non modò iuris, sed etiam literarum penitus ignari, & imperiti dum

quasi



*quasi potestates, aut ministri curia secularis in aliquo castro, aut oppidulo iurisdictionem exercebant, facultatum, & indultorum huiusmodi limites longè excesserint, eaque suo arbitratu in sensus minus rectos, & ab intentione concedētis omnino alienos detorserint, & illorum prætenu quicquid sibi in mentem venit, attētare præsumpserint, in graue iurisdictionis ecclesiasticae praeiudiciū, locorum, & personarum diuino cultui dicatarum contemptum, ipsius diuinae maiestatis offensam, & scandalum plurimorum.*

## G L O S S A.

**[I***llud etiam.]* Diuiditur hic tertius paragraphus in duas partes, in priore narrat duo absurda, vnū simile illi quod in primo paragrapho narrauerat in praua indultorum interpretatione positū, atque illo deterius ex plerisque circumstantiis quas recenset. Prima ex parte personarum interpretantium, quod infimæ sortis, quod laici, quod iuris, ac litterarum penitus ignari, quod iurisdictionem exercebant in castris, & oppidulis. Secunda ex parte ipsius interpretationis indultorum quadrupliciter, tum quod excedebāt limites indultorum, tum quod eam faciebant suo arbitratu, tum quod in sensus minus rectos, tum quod à concedentis intentione alienos. Alterum verò absurdū, simile alteri, quod in eodem primo paragrapho recensuit, nēpe indultorum abusus, eorum enim indultorum prætenu omnia pro libito voluntatis ausi sunt. In posteriore parte narrat damna quæ inde sequuta sunt. Primum graue iurisdictionis ecclesiasticae praeiudiciū.

Secundum contemptus locorū diuino cultui dicatarum. Tertium contemptus etiam personarum eidem diuino cultui dicatarū. Quartum offensa diuinæ maiestatis. Quintum scandalum plurimorum.

*Infima conditionis.]* Ostendit interpretationis defectū ex parte interpretantium. Simul obserua, ideo recenseri, vt intelligamus interpretationem Apostolicarum litterarum ad viros graues tantummodo pertinere, nec licere vnquam infimæ sortis homini id audere.

*Laici.]* Ex hoc non colligitur vniuersè nō licere laicis Apostolicas litteras iuraque canonica interpretari, priuilegia etiam arque indulta. Si enim iuris peritiā calleant, id quidem possunt, quamquam magis proprium sit clericorum, qui sedi Apostolicæ magis affecti, magisque coniuncti sunt: sed in hac materia laici minus debent indultorum interpretationem tentare, quibus exosa multis abhinc annis, vel minus

reipublicæ perturbatio sequatur, qualis fuit asyloꝝ sub Tyberio Cæsare abusus. Hinc enim sequitur ea indulta, de quibus hoc loco sermo est, quæ immunitati Ecclesiarum quidem præiudicabant, sed peccandi libertati medebantur, & sanctissima in se esse potuissent, prout fuisset non dubito propter ablaram peccandi libertatem, id quod illi Pontifices sancto zelo intendebant, & aliquibus populis reuerentiæ erga Ecclesiam deuotis scandalū generare potuissent, prout fortè generauit, apud quos nulla per immunitatem Ecclesiæ apparebat peccandi libertas. Facile enim simplices populi rebus suæ deuotioni cōtrariis scandalizantur.

*Ne ipsos quidem laicos.* ] Dubium an laicos curiæ ministros, an verò patres ipsas læsas intelligat. Vtrobūque enim intererat, vt Apostolicis indultis ministrorū curiæ intererat, vt extrahere, pattiū verò quæ læsæ fuissent intererat vt confugas à quibus læsæ essent peterent iuxta indultorū concessionem extrahi ad pœnam: sed probabilius est omnes omnino cōprehendi, tam ministros curiæ, quàm partes læsas, imò & cæteram plebem, ad quam nihil pertinebat, cuius aliquando graues sunt animorū motus contra reos, ægrè ferendo illis per immunitatem præstari. Itaur integrè aliqui populi non sint vsi eiusmodi indultis, propter auitam in qua educti sunt erga Ecclesiæ reuerentiam & deuotionem, quæ tanta fuit

vt cūm non taperent, posse ad Dei reuerentiam pertinere detrahere de Ecclesiarum immunitate, non ferrent absque scandalo eiusdem immunitatis imminutionem.

*Voluisse.* ] Non parum fuit noluisse vti cūm permetteretur, sed maius est quod sequitur.

*Ans potuisse.* ] Vique adeo magnā atque adeò impressam animis populorū istorum erga Ecclesiā reuerentiam deuotionem fuisse ostēdit, vt non modò voluntarem, sed etiam potestatem ademerit vtendi Apostolicis indultis. Quod non est de physica, & naturali potestate, sed de morali intelligendum, pia enim affectio voluntatis erga Ecclesiam non sinebar eos cōtra illius immunitatē, etiam apostolica auctoritate concessā, quidpiam temerare. felix deuorio, felicior tanta in ea deuotione inueteratio, quæ voluntatem ita in cōseruanda immunitate Ecclesiæ stabilem fecit, vt impotentē redderet ad cōtrarium etiā habita Ecclesiæ autoritate faciendum. felicissima assuefactio, quæ aditum omnino præcluserit contrariæ occasionī.

*Inueterata.* ] Vide quanta vis sit in habitibus bonis, atque in longa exercitatione virtutis.

*Scādali.* ] Pia affectio erga aliqua bona indifferentia ex natura sua tanta esse potest, atque adeò fixa, & inueterata, vt scandalizetur si contrarium videat, quamuis neque per se malum sit, & Ecclesiæ concessione nitatur, omnēque quam ex lege acceperat malitiam exuat,

§. 3.

**I**llud etiā absurdum sæpenumero sequutum est, vt infima interdum conditionis laici non modò iuris, sed etiam literarum penitus ignari, et imperiti dum

quasi

*quasi potestates, aut ministri curiæ secularis in aliquo castro, aut oppidulo iurisdictionem exercebant, facultatum, & indultorum huiusmodi limites longè excesserint, eaque suo arbitratu in sensus minus rectos, & ab intentione concedētis omnino alienos detorserint, & illorum prætextu quicquid sibi in mentem venit, attētare præsumpserint, in graue iurisdictionis ecclesiastica præiudicium, locorum, & personarum diuino cultui dicatarum contemptum, ipsius diuinæ maiestatis offensam, & scandalum plurimorum.*

## G L O S S A.

**I***llud etiam.]* Diuiditur hic tertius paragraphus in duas partes, in priore narrat duo absurda, vnū simile illi quod in primo paragrapho narrauerat in praua indultorum interpretatione positū, atque illo deterius ex plerisque circumstantiis quas recenset. Prima ex parte personarum interpretantium, quod infimæ sortis, quod laici, quod iuris, ac litterarum penitus ignari, quod iurisdictionem exercebant in castris, & oppidulis. Secunda ex parte ipsius interpretationis indultorum quadrupliciter, tum quod excedebāt limites indultorum, tum quod eam faciebant suo arbitratu, tum quod in sensus minus rectos, tum quod à concedentis intentione alienos. Alterum verò absurdū, simile alteri, quod in eodem primo paragrapho recensuit, nepe indultorum abusus, eorum enim indultorum prætextu omnia pro libito voluntatis ausi sunt. In posteriore parte narrat damna quæ inde sequuta sunt. Primum graue iurisdictionis ecclesiasticæ præiudicium.

Secundum contemptus locorū diuino cultui dicatarum. Tertium contemptus etiam personarum eadem diuino cultui dicatarū. Quartum offensa diuinæ maiestatis. Quintum scandalum plurimorum.

*Infimæ conditionis.]* Ostendit interpretationis defectū ex parte interpretantium. Simul obserua, ideo recenseri, vt intelligamus interpretationem Apostolicarum litterarum ad viros graues tantummodo pertinere, nec licere vnquam infimæ sortis homini id audere.

*Laici.]* Ex hoc non colligitur vniuersè nō licere laicis Apostolicas litteras iuraque canonica interpretari, priuilegia etiam atque indulta. Si enim iuris peritiam calleant, id quidem possunt, quamquam magis proprium sit clericorum, qui sedi Apostolicæ magis affecti, magisque coniuncti sunt: sed in hac materia laici minus debent indultorum interpretationem tentare, quibus exosa multis abhinc annis, vel minus grata est Ecclesiarum immunitas,

qua illis rei criminum quasi de manibus eripiuntur : vt non potuerint, nisi perperam, interpretari.

*Non solum iuris.* ] Tertia circumstantia aggrauans. Quòd enim infimæ conditiois, quòd laici, qui hæc indulta interpretati sunt, tolerabilius erat, si saltem periti iuris fuissent, potuissent enim in iure interpretatione non incongruè fundare, ab imperito iuris nō nisi stulta interpretatio proficisci potest.

*Sed etiam litterarum.* ] Longè deterior est hæc quarta circumstantia præcedente. Imperitum enim litterarum illum nominat, qui ne legere quidem didicit, aut longè insipientius interpretatus esse censendus sit. Si enim legere nosset, saltem ex historiis, ex poetis, ex exemplorum libris eruere aliquid ad interpretationem indultorum Apostolicorum potuisset.

*Penitus ignari.* ] Quinta circumstantia valde aggrauans præcedentes, poterāt enim ignari iuris, ignari litterarū intelligi ij, qui aliquid harum rerum quidē scirent, sed in ea scientia non excellerent, vt possent saltem Grammatico modo interpretari. At litterarum penitus imperitis, ne hæc quidem interpretatio competit.

*Quasi potestates.* ] Alia circumstantia quæ deprauandæ huiusmodi indultorum interpretationi multum confert, quòd indulta interpretando causam propriam agebant. cū enim essent potestates, idest, magistratus, quibus ministrandæ iustitiæ cura incumbit, Capitaneos ciuitatis in Sicilia vocamus. Huic cum Ecclesia contendere de immunitate confugientium ad eam reorum frequens erat; cogita hominē penitus ignarum iuris ac litterarum,

cui ratione officij potestas non desit, in causa iurisdictionis, cuius solent etiam optimi quique valde zelotypi esse, ac pro ea grauius pugnare, quam sit suo fauore contra omne ius & fas interpretaturus.

*Castro, aut oppidulo.* ] Hoc vltimū desiderabatur, vt etiam in oppidulo eam potestatem haberet, vbi ratione paruitatis loci vix vllus reperiretur prudens, ac sapiens, quem adiret, & à quo consilium peteret, cū quo de ipsa indultorum interpretatione conferret, quales multos in magnis vrbibus haberet.

*Longè excesserint.* ] Ostendit malā esse interpretationem in seipsa, atque ex propriis interpretationis ipsius conditionibus. Primum enim excessit limites ipsorum indultorū, & longè excessit, extensione facta ad ea quæ per indulta concessa nō erant. Fuit autem quadruplex in interpretatione vitium, sicut in prima glossa dictum est.

*Et illorum prætextu.* ] Secundum absurdum præcedente longè deterius, ab illo tamen dependens, & cum eo coniunctum, nempe indultorum abusus, quicquid in mentem veniebat attendendo. Hoc absurdum aded est cum præcedente prauæ interpretationis abusu coniunctum, vt inuicem dependeant. Sive enim prout perperam ad libitum interpretabantur, ita omnino ad praxim traducebant siue perperam, & pro suo arbitratu practicando, ita etiam interpretabantur accommodando interpretationem abusui eorundem indultorum, vt hoc falso prætenso velamine, neque interpretatio, neque praxis ab indultis aliena videretur; quibus tamen non mediocriter aduersabatur.

*In graue iurisdictionis.*] Posterior huius paragraphi pars, ubi quinque damna recenset, quæ ex praua interpretatione, abusûque indultorum sequuta sunt; quorum primum hoc est: Graue iurisdictionis ecclesiasticæ præiudicium, cum enim ad libitum & interpretati sint indulta, & ad praxim reducerint, etiâ in sensus à concedentis mente alienos, necesse est multa fuisse facta cõtra ecclesiasticâ iurisdictionem, extrahendo de Ecclesiis illos, etiâ quos non licebat, quosque ecclesiastica iurdictio defendebat.

*Locorum.*] Secundum damnum contemptus locorum diuino cultui dicatarum. Nam & reos plerumque, quos non licebat, per vim abstrahabant, & nulla habita ratione sanctitatis loci in reis etiam, quos licebat, extrahendis, irreuerenter rumores, & scandala excitabant.

*Personarum.*] Tertium damnum contemptus etiam personarum diuino cultui dicatarum; cum enim clerici, religiosi, æconomi, siue prælati Ecclesiarum, ad quas rei confugissent, eos in casibus extrahere non erat permissum, in illo satellitum clamore, armorumque strepitu pro reo quicquam locuti essent, cum illum tutati essent, cum ministros curiæ secularis debitiæ modestiæ, ac reuerentiæ erga sacra loca monuissent, cogita-

quàm malè accepti ab iis essent, qui pro sua voluntate quidlibet audebant, ut manibus sæpe impulsis, ut contumeliis affecti, ut impetiti conuictis, ut illata vi impulsis, ut ludibrio habitis essent.

*Diuina maiestatis offensam.*] Quartum damnum omnium grauissimum, quod ipso (si opus esset) sanguine auertendum erat, diuinæ maiestatis offensa, id est, peccatum non quodcunque, sed directè contra Dei ipsius reuerentiam, ac contra religionis virtutem, quod etiam reductiue est contra primum Decalogi præceptum; violatio nempe immunitatis prætextu indultorum. Adde quod ipso sacrorum locorum personarumque contemptu non leuiter Deus offendebaratur.

*Scandalum plurimorum.*] Quintum & vltimum damnum, quod & ipsum grauissimum censendum est, scandalum videlicet non vnius, aut alterius, sed plurimorum, scandalum enim adeo graue peccatum est, ut Christus expedire pronuntiarit alligata ad collum ingenti mole in mare demergi, quàm vnū aliquem scandalizare. Si alicubi populis scandalum attulissent indulta Apostolica, quæ tanta prudentia, zeloque diuini honoris edita erant, quale scandalum generatum esse credemus in fidelium animis, ex tanto indultorum abusu, quantum descripsimus.

## §. 4.

**Q**Vare pro commissio nobis à Domino pastoralis officij munere prædictis absurdis, & scandalis obuiare, ac differentias huiusmodi ad uniformem regulam reducere, omnemque dubitandi, ac per-

peram interpretandi occasionem dilucida declaratione submouere, abusus tollere, & ne ecclesiastica iura plane conculcentur, & negligantur; opportunè providere decreuimus, prout etiam dictus Sixtus prædecessor noster iisdem de causis motus statuere decreuerat; licet morte præuentus hoc adimplere nequiverit: ita tamen ut quando præsertim temporum calamitas, & nimia, quæ iam inualuit, peruersorum hominum malitia id exposcit, aliquid etiam ad terrorem delinquentium, & ad coercenda illorum facinora, ultra id quod prisca illa maiorum disciplina, & vetus sacrorum canonum norma præscripserat, in quibusdam casibus congrua moderatione adhibita permittamus.

## G L O S S A.

**Q**uare pro commissio.] Tres sunt paragraphi istius partes. In prima proponit Pontifex intentionem suam, quæ se quinque in hac noua constitutione præstiturum pollicetur. Primum est absurdis omnibus, & scandalis superiùs dictis obuiare. Secundum omnes indultorum differentias ad vnam regulam formamque reducere. Tertium omnem dubitandi ac perperam interpretandi occasionem dilucida declaratione submouere. Quartum abusus tollere. Quintum ne ecclesiastica iura conculcentur, aut negligantur providere. In secunda parte remouet Pontifex à se odium quod illi hæc indultorum per prædecessores concessorum reuocatio moderatioque fortasse cõpararet, dicens, ipsum inquit Sixtum,

qui ea concesserat, hoc idem facere decreuisse, sed præuentum morte non potuisse, ut non tam author, quàm exequutor huius moderationis videatur. In tertia parte antiqua iura consuetudinisque stabiliens proponit ac suscipit se propter præsentium calamitatem temporum, & peruersorum hominum malitiam aliquid de nouo contra criminosos concessurum in quibusdam casibus, nempe casus aliquot additurum, in quibus rei de Ecclesiis extrahi possint, præter eos in quibus de iure ecclesiastico antiqua consuetudine permissum est; idque congrua moderatione (de qua inferiùs dicitur) adhibita.

*Prædictis.*] Prima Pontificis intentio proponitur, quæ est obuiare

re prædictis malis, iis nempe omnibus, quæ prænarrata sunt, quæque ex indultorum occasione orta sunt, non aliis vndequeque ortis, nisi quatenus aut ex his dependent, aut cum his coniuncta sunt. Et quoniam quæcunque accidere possunt, his similia, vel affinia sunt, dici commodè potest dum his obuiat, pænè omnibus obuiasse. Aduertendum est autem diligenter, quàm prudenter singula singulis respondeant, & singula quæ facienda proponit, malis singulis, quæ superius narrata sunt, medeantur.

*Differentias huiusmodi.* ] Primum indultorum malum erat diuersitas & differentia. huic prouidere proponit hoc loco, dicens, ad vniformem regulam reducturum.

*Omneque dubitandi.* ] Secundum erat malum praua eorundem indultorum interpretatio, cui obuiaturum se spondet hoc loco, spondens omnem dubitandi ac perperam interpretandi occasionem dilucida declaratione submouere. Miror post hanc dilucidam interpretationem, qua Pontifex intendit omnem dubitandi occasionem submouere, tam multa passim dubia emergere, vt vix aliquis quouis admissio delicto ad Ecclesiam confugiar, quin de eius immunitate dubitetur. Video fuisse dubitarum de homicidio vsque adeo insidioso, ac proditorio, vt quis ad illud perpetrandum certam domum à domo suæ habitationis diuersam conduxerit eo loco, per quem inimicus iter facere soletet, eamque prope Ecclesiam, vt haberet quò statim commissio homicidio confugeret, inde ex quodam foramine transeuntem inimicum ictu sclo-

petæ occiderit, & ad Ecclesiam sclopo eodem armatus confugerit, inque eius sacristia captus sit. Video non minus dubitatum fuisse de alio, qui inimicum in Ecclesia adorsus coram sanctissimo Eucharistiae sacramento tunc fortè in altari iam publicè ad adorandum proposito inter eius festi octauas multis vulneribus sauciavit plerisque clamantibus & monentibus vulnerantè, vt saltem propter sanctissimi sacramenti reuerentiã desisteret, nec tamen destitit quamdiu potuit. Video nullum pænè committi delictum, neque adedò atrox, neque adedò leue, de cuius immunitate si reus ad Ecclesiã confugiar, non dubitetur, & in cuius discussione multa ab utraque parte ex hac ipsa constitutione petita non producantur; quæ dubia, si adedò dilucida esset hæc Pontificis interpretatio, locum non haberent. Sed fortasse dici posset hæc omnia dubia non ex defectu perspicuitatis huius constitutionis, sed ex hominum calliditate, ac malitia oriri, qui quidlibet cauillari, & in vtramque partem disputare parati sunt.

*Et perperam interpretandi.* ] Non simpliciter omnem interpretandi occasionem Pontifex amouere intendit, sed solum perperam interpretandi tam illa ipsa indulta Pontificum, quàm præsentem constitutione, & ad hoc profutura est hæc dilucida interpretatio, vt occasio tollatur perperam interpretandi.

*Abusus tollere.* ] Quartum erat malum abusus indultorum: huic etiam mederi statuit.

*Et ne ecclesiastica iura.* ] Quintum & vltimū erat malū superius enarratum, iurisdictionis ecclesiasticæ, quæ de iure immunitatis est, præiū

præiudicium: huic tādē etiā malo remediū se adhibiturū pollicetur, prouidēdo ne ecclesiastica iura conculcentur. Hoc loco diligenter obserua quantū hac constitutione Pontifex iuri immunitatis tribuat, & quomodo non solum ei derogare nullatenus intendat, sed illud potiūs confirmet. Bis enim in hoc §. mentionem iuris faciens illud confirmare videtur. Primū hoc loco, cū promittit se hac constitutione prouisurum, ne conculcentur, aut negligatur. quod idem est ac si diceret, vt pristinam vim robūrque obtineat. Deinde rursus paulo inferiūs, cū ait se vltra id quod vetus sacrorum canonū forma præscripserat, aliquid additarum, quasi dicat, manente in sua firmitate antiquo iure se additurum; quibus verbis confirmat potius antiqua iura, quā eis detrahat, nisi in eo, quod de nouo addit, odio delinquentium.

*Prout etiam dictus Sixtus.*] Confirmat quod initio dixerat Sixtus, ac Pium Pontifices sancto zelo indulta concessisse, quoniam idem Sixtus cū animaduertisset secus successisse, constituit ea moderari. Solius autem Sixti, non & Pij V. hoc loco mentiouem facit, non aliam opinor ob causam, nisi quod Sixtus tanquam posterior vidit abusus inde ortos, quos non viderat Pius.

*Morte præuentus.*] His verbis omnes monemur, nihil facere, aut statuere poenitendum, fieri enim facile potest, vt morte præuenti id corrigere non possimus. Et siquid corrigendum gessimus, statim corrigamus, ne postea non possimus.

*Temperum calamitas.*] Verē ca-

lamitosa nostri seculi tempora expetitur, cū tanta vbique panē regnet malitia, tanta hominum calliditas, atque versutia, tot fraudes, tot falsi testes, tanta in peccando libertas, vt nouos casus de iure immunitatis demere sit necesse.

*Prisca illa maiorum disciplina.*] Cū disciplina hoc loco recensatur contra distincta canonibus, de vsu atque consuetudine intelligenda est, quam prisca illi maiores nostri ante omnem legem introductam, simul cum lege postea seruauerunt. Disciplinæ autem prius, ac deinde canonum facit mentionē, siue insinuando consuetudinem ante iura immunitatis præcessisse, siue maiorem in consuetudine, quā in lege vim inesse, siue demonstrando consuetudinem etiam antiquissimarum vim nullatenus imminutam esse. His propterea verbis consuetudines antiquas nō modō non improbat, sed confirmat.

*Antiquorum canonum.*] Non satis fuit Pontifici antiquas consuetudines probasse, nisi etiam antiquos canones probaret, neque vllum casum sacris canonibus à iure immunitatis exceptum, restituit immunitati, sed nouos potiūs casus ab eodem immunitatis iure se excepturum pollicetur, quo fit vt iura immunitatis aliquatenus restringantur, quatenus pauciores casus ad immunitatē admittuntur, quod subdit, dicens:

*Congrua moderatione adhibita.*] Moderatur tam indulta, quā iura immunitatis, nouos casus addendo, in quibus rei extrahi possint, & immunitate non gaudeant.



**H**Ac itaque nostra perpetuò valitura constitutione omnia & quæcunque priuilegia, indulta, & gratias, tam per prædictum Sixtum, ac Pium quintum, quàm alios quoscunque prædecessores nostros, aut nosmetipsos, sedémque Apostolicam, eiusve legatos super abducendis vel extrahendis ab Ecclesiis, monasteriis, sacellis, domibus regularibus, & secularibus, locis sacris, aut religiosis, aliàs quàm in casibus à iure expressis, hominibus certorum tunc expressorum, vel non expressorum criminum reis, aut fraudulentis decoëtoribus, etiam in odium certorum delictorum, & pro bono, pace, & quiete publica, & ex causis urgentissimis, ac necessariis & equipollentibus casibus in iure expressis, atque ex paritate, identitate, aut maioritate rationis extensis, perpetuò vel ad certum nondum elapsum tempus, seu ad vitam alicuius Principis, aut beneplacitum, seu aliàs quomodolibet concessa; etiam iteratis, aut multiplicatis vicibus approbata, & innouata, ac usu recepta; litteras Apostolicas sub plumbo, aut in forma breuis, seu aliàs quomodocunque desuper confectas, quarum tenores hic haberi volumus pro expressis, ac ad verbum insertis, sublata penitus omni differentia, ita ad unam tantum formam reducimus ac moderamur.

## G L O S S A.

**H**Ac itaque. ] Prænartatis multis quæ præmittenda erant, aggreditur hoc loco Pontifex de immunitate disponere: & quoniã  
*P. Gambiæ de immu. Eccl.* L. auellen.

auellendæ sunt inutiles herbæ, priusquam bonæ atque viles seminantur, rem aggreditur à reuocatione indulgentiarum præcedentium Pontificum quorumcunque, atque eorū, quæ ipsemet Gregorius XIV. fortè concessisset vsque ad tempus præsentis constitutionis. In hac autem reuocatione multa prudentissimè exprimuntur, ad tollendam omnem omnino prædictorum indulgentiarum vim ad certa capita singula reuocabo, vt nihil omnino nos lateat.

Primo ergo loco de indultis, quæ reuocat, exprimit auctores, siue per Sixtum V. siue per Pium etiam V. siue per alios Romanos Pontifices, siue, inquit, per nos ipsos, nempe si quæ ille ipse Gregorius XIV. ante præsentem constitutionem indulta quolibet concessisset, siue sedes Apostolica, siue eius de latere Legati.

Secundò recenset loca, ex quibus per eiusmodi indulta extrahere cōfugas permittum erat, quod modò vitat, nisi in casibus hîc expressis. Nempe 1. ex Ecclesiis, 2. Monasteriis, 3. sacellis, 4. regularibus domibus, intellige tam virorum, quàm mulierum, 5. secularibus locis sacris, 6. locis religiosis.

Tertiò genera personarum extrahi permittit. Primò certorum, secundò incertorū criminum reos, tertiò decoctores.

Quartò enumerat causas quæ Romanos Pontifices ad ea concedenda indulta mouerunt. 1. odium certorum delictorū, 2. bonum publicum, 3. publica pax, 4. quies, 5. quæuis grauissima causa, 6. causa aliqua necessaria, 7. casus æquipolentes casibus in iure expressis, 8. paritas rationis, 9. identitas rationis, 10. & vltimò maioritas rationis.

Quintò varias indulgentiarum durationes, 1. perpetuam, 2. ad certum nondum elapsum tempus, 3. ad Principis, cui concessa sunt, vitam, 4. ad beneplacitum.

Sextò varios firmitatis modos, siue approbata sint ea indulta, 2. siue iteratis, aut etiam multiplicatis vicibus inuouata, 3. siue iam vsu recepta.

Septimò varias litterarum Apostolicarum formas, sub quibus fortasse concessa sunt, siue sub plūbo, siue sub forma breuis, siue sub alia forma: siue litteræ sint ipsius Rom. Pontificis, siue legatorum eius.

Octauò & vltimò remouet omnes clausulas præseruatiuas, etiam si faciendæ esset de huiusmodi indultis expressa mētio specialis, aut eorum tenores ad verbum inferendi.

*Perpetuū valitura.*] Hoc propriū est constitutionis, siue legis, perpetuam naturā suā habere durationem, quo differt à sententia hominis, & regulis cancellariæ, & quæ durant vsque ad mortem auctoris, & ab omnibus aliis ordinationibus, quibus limitatum aliquod durationis tempus, siue certum, siue incertum præfinitum est.

*Priuilegia, indulta, & gratia.*] Istæ tres voces idem pænè significant. Priuilegia enim dicuntur quasi priuata leges alicui præter iuris communis dispositionem concessæ. Indultum ab indulgēdo dictum, quasi aliquid indulgeat vltra id quod iure continetur. Gratia quasi gratis data, eo quòd aliquid concedit, quod lege non permittitur: vtitur autem his omnibus vocibus, vt sic indulta vocentur, siue priuilegia, siue gratiæ.

*Eiusque legatos.*] Hinc apparet euidenter tantam esse in legatis sedis

dis Apostolicæ autoritatem , vt indulta istiusmodi generalia in locis suæ legationis concedere possint extrahendi confugas de Ecclesiis, etiam in aliquibus casibus iure non concessis, alioqui frustra facta esset hoc loco de illis mentio specialis.

*Ex Ecclesiis.* ] Hic est præcipuus in lege Christiana confugij locus, cætera loca ratione Ecclesiæ immunitatem sortita videntur. Harum expressa mentio habetur in iure civili *Cod. de his qui ad Ecclesias confugiunt*, per totum, & in iure canonico 17. q. 4. *can. sicut antiquitus. can. miror. c. reum. c. nullus clericorum. c. definit. c. pater, & c. metuentes, & c. inter alia, & c. Ecclesia. de immunitate Ecclesiarum.*

*Monasteriis.* ] Horum in iure nulla expressa mentio olim habebatur, vt modò habetur hoc loco; de consuetudine verò iam admittebantur in eis confugæ, siue propter contiguitatem quam habent cum Ecclesiis monasteriorum, siue quòd sunt cellulæ, horti, & aliquid Ecclesiarum, id quod civili iure erat expressum. l. pateant. *Cod. de his qui ad Eccles. confug.* siue quòd sunt intra triginta passus qui circa Ecclesiam immunitatem habent. *can. quisquis inuentus, & can. sicut antiquitus. 17. q. 4.* siue ex ipsorum religionum priuilegiis, de qua re fusiùs diceretur lib. 4. cap. 4. vbi etiam de omnibus immunitatis locis abundè dicendum erit.

*In iure expressis.* ] Moderatur indulta quatenus permittebant etiam in casibus in iure non expressis reos extrahere ex Ecclesiis, quod est etiam diligenter obseruandum. Non enim moderatur ea quoad casus in iure expressos, vt hîc appa-

ret, sed solùm quoad non expressos, quo fit vt si quis ex casibus in iure expressis hac constitutione præteritus sit, censendus sit tanquam non reuocatus carere immunitate, sicut antea carebat, & qui illum commisit, extrahendus est.

*Certorum.* ] Duos modos recenset, quibus indulta potuerunt concedere extrahi reos de Ecclesiis in casibus in iure non expressis : vno modo exprimendo certa aliqua alia crimina, altero nullum certum exprimendo, sed solùm per verba generalia in casibus æquipollentibus iis qui in iure sunt expressi ex paritate, identitate, aut maioriore rationis.

*Decoctoribus.* ] Ij propriè sunt mercatores, qui dum negotiationi operam nauant, accipientes à ciuibz pecunias, siue in locietatem negotij datas, siue tanquam personæ publicæ, ac depositariæ conceditas lautè, & opiparè viuendo, illas exhauriunt, & instar ignis decoquunt, seu absumunt; qui etiam vulgari sermone falliti, decoctique vocantur, qui fortassis in prædictis indultis expressè excludebantur ab immunitate. de quibus nihil hoc loco statuitur : nos autem dicemus infra.

*Etiam in odium.* ] Causas enumerat, quibus moueri potuerunt Romani Pontifices ad prædicta indulta concedenda, quæ singulæ aded graues sunt, vt rationabiliter eos mouere potuerint. Vnde mihi probabile est, si quâ aliquando huiusmodi causarum valde vrgeat, vt re diligenter ac seriò per Episcopum examinata, adhibito prudentum consilio, videatur publico bono necessarium extrahi confugam de Ecclesia, etiam si ca-

sus non esset in iure expressus, posset concedere facultatem illum extrahendi. Imò addo, quod gravior est, si Episcopus abesset, & periculum esset in mora, vel adesset quidem, sed facultatem concedere non auderet, posse Principem, vel eius magistratum iubere extrahi, & contra eum procedere ad pœnam. Idque propter ius illud naturale quod habet respublica cōseruandi seipsam, & faciendi omnia necessaria ad sui cōseruationem. Sed aduertât hoc solum licere in casu extremæ, & apertæ necessitatis, qui tamen admodum rarò euenire potest, quando semota omni passione apertè cognoscitur ita esse necesse fieri. nullo enim humano iure potest huic naturali iuri reipublicæ præiudicari. Affero exemplum recens. Apparuit pluribus annis classis Turcica ex improviso in freto Siculo prope regnum Calabriæ, & Messanam nobilissimam Siciliae ciuitatem: ferunt quosdam non modò laicos, sed etiam regulares cuiusdam Religionis aduocasse illam,

pollicitos illi tradere quasdam Calabriæ vrbes, si quis horum hac detecta fraude ad Ecclesiam confugisset, præsertim dum erat adhuc præsens classis Turcica, puto eum potuisse ac debuisse extrahi de Ecclesia, & conuictum sufficienter de crimine, affici pœna mortis, vt hoc audito classis Turcica se desperata discederet.

*Ex causis vrgentissimis.*] Reuocat, seu moderatur indulta, quatenus permittunt extrahi reos in casibus iure non concessis, ex causis vrgentissimis, necessariis, æquipollētibus iis qui in iure expressi sunt, si hinc inferas; ergo ex causa vrgentissima, & necessaria extrahi non possunt, contra id quod in præcedenti glossa dictum est. Respondeo Pontificem non prohibere ne in his casibus extrahant, nève naturali iure vtantur, sed solum reuocare eam licentiam extrahendi quæ illis per ea indulta concessa erat. Id autem ratione optima factum est, quoniam ea facultate indultorum iam abutebantur.

## §. 6.

**V**T laicis ad Ecclesias locaque sacra & religiosa prædicta confugientibus, si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur, aut depopulatores agrorū. Qui-ue homicidia, & mutilationes membrorum in ipsis Ecclesiis, earumve cæmeteriis committere non verentur, aut qui proditoriè proximum suum occiderit, aut assassini, vel heresis, aut lese maiestatis in personam Principis rei immunitas ecclesiastica non suffragetur.

## GLOSSA.

**V***T* laicis.] Altera pars dispositionis, qua reuocata iam indultorum vi, & iure communi antiquaque consuetudine stabilitis, & confirmatis suam declaratione, moderationem atque vniiformem regulam statuere Pontifex aggreditur, & hanc initio firmat regulam. Laicis criminum reis, immunitas ecclesiastica non suffragatur in his octo casibus.

Primus si fuerint publici latrones.

Secundus si viarum grassatores, qui publicas stratas obsident, ac viatores ex insidiis aggrediuntur.

Tertius si depopulatores agrorum.

Quartus si homicidia, & mutilationes membrorum in ipsis Ecclesiis, earumve cœmeteriis committere non verentur.

Quintus si proditotice proximū occiderint.

Sextus assassini.

Septimus si rei sint hæcens.

Octauus & vltimus si rei sint læsæ maiestatis in personam ipsius Principis. Laicos autem solū hoc loco nominat, quia secularis cutiæ ministris huiusmodi reos cōcedit, ad quos clerici non pertinent. De clericis posterius loquitur §. 9. neque licet hinc inferre quod olim Panormitanus contendit *c. inter alia. de immunitate Eccl.* solis laicis ecclesiasticam immunitatem competere, cum de clericis infestius faciat mentionem.

*Si publici latrones.*] His ab initio pænē nascēntis immunitatis tutos in Ecclesia esse non licuit, ut patet *can. sicut antiquitus* 17.

§. 4. Vnde & *in c. inter alia*, sicut & in hac constitutione primo loco numeratur, sed aduertendum in dicto *can. sicut antiquitus*, præcisè excipi publicum latronem: Nisi publicus latro fuerit; in *c. verò, inter alia, de immunit. Eccl.* post publicum latronem addi nocturnum depopulatorem agrorum, ac postea subdi quandam declarationem, qui dum itinera frequentata, vel publicas stratas obsidet aggressionis insidiis, &c. de qua declaratione meritò dubitari potest, ad solū ne nocturnum depopulatorem agrorum, an etiam ad publicum latronem referenda sit, cum ad publicum latronem magis pertinere videatur. In præsentī verò constitutione aliud latronum genus additur, nempe grassator viarum post publicum latronem, ac tertio loco postea additur depopulator agrorum. Illa autem declaratio petita ex dicto *c. inter alia*, non cū agrorum depopulatore, sed cum viarum grassatore coniungitur: dicitur enim, *Si publici latrones fuerint, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur.* Tum demum adduntur depopulatores agrorum. mihi videntur hæc tria genera publici latronis nomine omnia verè contineri; quare *in can. sicut antiquitus*, omnia caruisse immunitate, deinde maioris claritatis gratia *in c. inter alia*, ultra publicum latronem expressum fuisse nocturnum depopulatorem agrorum, qui ideo fortasse expressus fuit, quod cū esset nocturnus, potuisset occultus cœleri ob nocturnas tenebras. Hæc

autem constitutione expressus est grassator viarum maioris etiam claritatis gratia, ut nullum novum genus his tribus expressis additum sit, sed solum triplex hoc genus semper ab immunitate tacite exclusum sub publici latronis nomine paulatim fuerit specialius expressum. Id videtur sensisse Panormitanus *in c. inter alia*, ubi latronis publici exemplum afferens nominat eos qui publice stant in stratis, vel qui habentes arcem, vel castrum disrobant. quibus verbis grassatorem viarum cum publico latrone confundit. Sed & textus *c. inter alia*, nocturnum agrorum depopulatorem cum eodem publico latrone aperte confundere videtur; cum post recensitum nocturnum depopulatorem agrorum subiungit, *qui publicas stratas obsidet aggressionis insidiis*. quod cum non possit cum solo nocturno depopulatore agrorum coherere, si a publico latrone distinguatur, videtur ad utrumque pertinere, ut notat Io. Andr. *eodem loco*, ut sint quodammodo synonyma, hoc solo differentia quod prior de die, posterior de nocte stratas obsidet, posterior verò potius vocetur depopulator agrorum, quod qui de nocte stratas obsidet, soleat cum sociis in agris se occultare, & illis militum nocere. Sed nobis in præsentiarum satis sit hos omnes esse apertissimis verbis ab immunitate exclusos, publicos latrones, viarum grassatores, depopulatores agrorum. Quomodo autem hi tres inter se differant, & quid sint singuli, singulatim dicam fusiùs *lib. 5. part. 2. cap. 11. 12. & 13.*

*Viarumque grassatores.*] Secundum genus personarum quæ ab

immunitate excluduntur, Est autem grassari, ut plerique autumant, à gradiendo dictum, quasi frequenter gradi. Sed quoniam qui vias armati obsident, & hostiliter viatores aggrediuntur, frequentant illas vias hæc illac, sursum deorsum; quoniam qui in via cædes agunt, & viatores ad necem quaerunt, solent etiam spoliare eosdem; & furta quæque patrare. Ideo rectè dixisse fertur Callistratus cum ait, grassatores, id est, eos qui cædes in stratis agunt, si prædæ causa id faciunt, proximos latronibus haberi. Est autem pessimum hominum genus, & reipublica perniciosissimum, qui stratas publicas obsidendo omne humanum commercium, negotia omnia, tam publicæ, quàm priuata impediunt.

*Depopulatores agrorum.*] Olim exprimebatur *nocturni*. quæ voce restringebatur hoc delictorum genus ad solos eos qui de nocte id agebant. Modò verò sublata ea limitatione eos omnes complectitur, qui siue de die, siue de nocte agros depopulantur. Videtur autem idem esse depopulator in agris, quod grassator in viis, nempe qui per agros incedit armatus, ac sociis stipatus hostiliter agendo, damnū segetibus, hortis, arboribus, fructibus inferendo, depradando quicquid libet, eosque qui sibi obstitunt, vel quos odit, occidendo.

*Ex insidiis.*] Tam *in c. inter alia, de immunit. Eccles.* quàm hoc loco fit expressa mentio insidiarum: vtroque autem narratiue exprimuntur, non autem per modum conditionis, quasi necessariæ sint insidiæ, ut ij priuentur immunitate. quo fit ut quamvis nullæ struantur insidiæ, sed publicè stratae obli-

obsideantur, careant immunitate ecclesiastica, vt & sola aggressio insidiosa, sola depraedatio in stratis publicis, satis sit ad priuandum immunitate.

Quærit Io. Andreas in dicto c. inter alia, & communiter Doctores post eum, cur eo lōco ista duo tantum delicta priuētur immunitate, publicus latro, & nocturnus depulator agrorum, & respondet causam esse, quoniam in his præsumuntur insidiæ, nisi contrarium probetur; argumentum l. qui semis. ff. de usu. c. 1. & 3. de præsumptionibus. in cæteris verò delictis nunquam præsumuntur, nisi probetur. l. quoties. §. qui dolo. ff. de probationibus. & l. ut vim. ff. de iustitia & iure. Hanc rationem non recipit Ancharan. in dicto c. quoniā, æquiuocando (vt mihi videtur) à dolo ad insidias propriè dictas: in omni, inquit, delicto præsumitur dolum. l. 1. Cod. de sicariis. & c. 1. de præsumptionibus: sed debuisset probare non quæcumque dolum, sed insidias ipsas in omni delicto præsumi. Hinc non defuere qui putarent omne delictum insidiolum carere immunitate: quod ideo dictum sit, vt intelligamus quantum in materia immunitatis, insidiæ obesse possint, non vt ratione Ioannis Andreæ probe, mihi enim verior ratio videtur cur illa duo tantum delicta ab immunitate statim pænè exclusa sint, quoniā perniciosiora sunt reipublicæ atque humano cōmercio.

Quærit homicidia. ] Quartus casus occidens, seu mutilans in Ecclesia caret immunitate. Is casus iisdē omnino verbis expressus erat in c. immunitatem. de immunit. Ecclesiarum. Differt autem dispositio illius capituli ab hac, quod ibi simul

cū dispositione exprimuntur causæ tres, hūc verò nulla exprimitur. Prima causa erat, quoniam in Ecclesia spē immunitatis cōmittēbant. Vnde & disputatio orta erat inter Doctores, an ea spes necessaria fuerit. Iam verò omnis illa disputandi, & dubitandi ratio cessat, cum nulla omnino de hac spē mentio facta sit. Secūda ratio erat, quoniam in eo in quo peccat debet quis puniri. Tertia quoniam frustra legis auxilium implorat, qui peccat in legem. Quæ duæ rationes cum latiores sint, extendēbant, vel occasionem præbebant extendendi legem, ad omnia delicta nō expressa, ad quæ illæ rationes extenduntur. Nunc cum neque istæ rationes adducantur in hac constitutione, dubitari potest, an hæc ipsa dispositio eandem extensionē recipiat, de qua re dicam infrā.

Aut qui proditorie. ] Quintus casus homicidium proditorium: dicitur autem proditorium vno modo genericè pro omni homicidio, in quo aliquod insidiarum genus intercessit. Altero modo specificè, pro eo quod sub amicitie simulatione committitur. Priore modo iam olim expressus erat is casus in c. 1. de homicidio. Posteriore modo non erat quidem expressus in specie, sed tacitè sub eodem illo 1. cap. continebatur, quoniam hoc proditorij genus est per insidias omnium grauissimas, quas potissimum proditionē vocamus. Si priore modo hanc dispositionem intelligamus, concordat cum illius capituli dispositione; si verò modo posteriore, videtur illa strictior, & ad propriè dictum proditorium pertinere censenda est. Ex hoc posteriore sensu illa

illa oritur dubitatio, si tunc dispositio illa latior d. cap. 1. de homicidio, virtute presentis dispositionis restricta, ac limitata, an vero suam illam amplitudinem retineat omnis homicidij insidiosus atque industrius: sed si hac constitutione quoad casus immunitate priuatos, neque communi iuri, neque consuetudinibus quicquam detractum est, ut supra probauimus §. 4. in glos. 1. 11. 12. cessat omnis ratio dubitandi: sed de hac re fusius infra.

*Assassini.* Sextus casus, qui caret immunitate, Assassinium. is olim sub homicidio per insidias tacite fuisse immunitatis privilegio priuatus censendus est; assassinium enim sine industria atque insidiis committi non potest, est enim assassinium cum mediante pecunia per ignotum hominem occidi quis iubetur: ignotum intellige vel simpliciter, vel cum qui ignoratur inimicus, cum enim non putetur inimicus, caueri non potest quin occidat, incautum. Extat & de assassinio cettus textus in cap. 1. de homicidio lib. 6. in quo de quibusdam Saracenis populis assassinis sermo est, qui iussu Baronis cuiusdam sui domini mercede co ducti in diuersas orbis partes ad occidendos Christianos cum magna Christiani nominis offensione mittebantur. Sed

de his in disputationibus infra.

*Hæresis rei.* Septimus casus crimine hæresis. Merito autem dixit hæresis rei potius, quam hæretici, quod pro ipso hæresis crimine hæreticus immunitate caret, non autem pro aliis criminibus, quæ fortè hæreticus toleratus committeret, sola enim hæresis virtute presentis constitutionis priuatur immunitate, quanquam hæreticis eo ipso quod hæretici sunt, pro quocunque alio delicto immunitatem negandam esse docent Doctores per text. in l. 1. Cod. de his qui ad Eccles. confug. & ibi glos. & in Authent. de mandatis Principum §. publicorum.

*Læsa maiestatis in personam Principis.* Octauus & vltimus casus crimen læsæ maiestatis, non quodcunque, sed illud, quod committitur in personam Principis. Id antequam hoc nouo iure statueretur, aperte sensit Gigas lib. 3. de crimine læsæ maiestatis, sub rubrica de pluribus, & diuersis questionibus, & merito, est enim delictum non modò grauissimum, sed etiam perniciosissimum. Nomine autem Principis intelligendum arbitror non modò supremum Principem regni dominum, sed etiam Proreges, & gubernatores regnorum, qui Regum suorum nomine supremam habent in regnis potestatem.

§. 7.

**S**ed vniuersis, & singulis venerabilibus fratribus nostris Patriarchis, Primatibus, Archiepiscopis, Episcopis, ceterisque Ecclesiarum, & monasteriorum prælatis tam secularibus, quam cuiusvis ordinis regularibus districtè precipiendo mandamus.



*damus, ac precipimus, ut laicos in casibus prædictis delinquentes ad eorum Ecclesias, monasteria, domos, & alia loca supradicta sacra, seu religiosa respectuè confugientes, & in eis se recipientes, atque morantes, qui prædicta delicta, eorumve aliquod iudicio suo commisisse videbuntur, quando à curia seculari fuerint requisiti, & quilibet eorum fuerit requisitus, ministris, & officialibus curiæ secularis absque irregularitatis nota, aut alicuius censure ecclesiastica incursum tradi, & consignari curent, & faciant, & quilibet eorum curet, & faciat.*

## G L O S S A.

**S***Ed vniuersis.]* Hæc est secunda pars vniuersis regulæ, quam Pontifex tradere instituit. Cum enim in prima parte reuocasset indulta, & casus determinasset, auxissetque quos immunes esse nō vult, subdit in hac secunda parte quid sit agendum prælatis Ecclesiarum tam maioribus, quàm minoribus, cum quis alicuius horum criminum reus ad eorum Ecclesias, monasteria, locaque sacra confugit. Ponit autem remedium, quo secularis curiæ ministris aliqua ex parte satisfiat, ne velint ipsi per se, & propria autoritate eos extrahere. quod facit præcipiendo omnibus, & singulis prædictis Ecclesiarum prælatis, ut huiusmodi reos cernerent, & faciant consignari ministris curiæ secularis. Ad id autem duas requirit conditiones: altera est, ut fuerint prius à prædictis secularis curiæ ministris requisiti; altera, ut iudicio suo rei videantur aliquod horum criminum commi-

*P. Gambac. de immen. Eccl.*

sisse. Id autem optimum, sufficiensque remedium est ad frenandos coetendosque ministros, prædictos, ne ipsi in Ecclesiam irrumpan; eosque abstrahant. Tota enim ratio, qua se ministri prædicti tuebantur, ea erat, quòd si tantisper distulissent reos capere in Ecclesia, clerici eos modis omnibus liberabant, & quantumcunque horum criminum reos impunè abire faciebant. His ita satisfactis, si certò sibi persuadeant, posteaquam ipsi semel clericos requisierint, reos si aliquod horum criminum commiserint, sibi consignatum iri absque ulla vi.

**Patriarchis.]** Patriarchatus prima est & antiquissima post Papatū dignitas, quæ pænè par illi olim fuit, ut siue propter Rom. Pontificis humilitatem, siue propter Patriarcharum superbiam, & paribus aliquando subsellis considere, & eorum nonnulli vniuersalis pastoris nomen, quod soli Rom. Ponti-

M. fici

fici debebatur, sibi assumere in suis litteris ausi sint: ut pro synce-  
ræ fidei conseruatione necesse fue-  
rit Pelagio Papæ id lege prohibere,  
*c. nullus Patriarcharum. d. 99.* his vbi-  
uis terrarū esset licuit ante se Cru-  
cem deferri facere, præterquā Ro-  
mæ, atque vbicunque aut Rom. Pō-  
tiffex adesset, aut eius legatus à late-  
re, vtens insignibus dignitatis. Ex  
omnibus prouincijs cuius eorum  
subiectis appellatio à quibuscūque  
prælatorum sententijs ad eos dese-  
rebatur. *c. antiqua. de primil.* Pallium  
non modò ipsis gestare licebat, vbi  
id à Rom. Pontifice accepissent, sed  
etiam suis suffraganeis, recepto ab  
eis iuramēto fidelitatis, largiri per-  
missū erat. Quatuor ij olim fuere,  
hoc dignitatis ordine. Primum lo-  
cū habebat Constantinopolitanus,  
propter impetij sedem illuc trāslla-  
ram: secundum Alexandrinus: ter-  
tium Antiochenus: quartum Hie-  
rosolymitanus. Auctus deinde Pa-  
triarcharum numerus fuit, non ta-  
men tanta dignitas alijs concessa.  
In Italia duo alij creati sunt Patri-  
archæ, Aquileiensis, ac Venetus, in  
Hispaniis Valentinus. His erectam  
Crucē gestare non vbique permis-  
sum est, sed in suis tantum prouin-  
cijs, vt notat Glos. in *c. à memoria. vt  
lice pendente.* Quibus autem in ciui-  
tatibus Patriarchæ constituendi es-  
sent, statim eū primatibus dicitur.

*Primatibus.* ] Patriarchis parē  
pares primates fuere, pares quidem  
officio, licet externa gloria, & insi-  
gnibus inferiores, vt apertè Gratia-  
nus docet initio *d. 99.* dicens: Pa-  
triarchas, & primates diuersorū es-  
se nominum, eiusdem tamē officij.  
Quod Anacleti Papæ autoritate  
confirmat epistola ad Episcopos  
Italiæ, quæ refertur in illa *d. 99. c. 1.*

ibi licet diuersa sint nomina, ambos  
tamen vnam formā tenere testatur.  
& *can. 2.* docet paritatem locorum,  
quibus ambo præficiuntur, dicens:  
Primarum ciuitatum Episcopos A-  
postoli, & successores eorū Patriar-  
chas, & primates esse cōstituerunt.  
& Clemens Papa in *epist. ad Iacobū  
can. in illis. d. 80.* ait: In illis ciuitati-  
bus primates poni, vel Patriarchas  
B. Petrus præcepit. Qui Clemens  
*ead. d. 80. can. 2.* declarat cuiusmodi  
fuerint illæ ciuitates, in quibus pri-  
mates, & Patriarchæ ponendi erāt,  
dicens: Quibus olim in ciuitatibus  
primi flamines, & primi legis Do-  
ctores erāt, Episcoporum primates,  
vel Patriarchas poni B. Petrus præ-  
cepit, & Lucius Papa *ead. d. 80. can. 1.*  
Quarum vrbium primates etiā Gen-  
tiles pro maiōribus negotijs appel-  
labant, in ipsis post Christi aduentū  
Apostoli & successores eorum Pa-  
triarchas, vel primates posuerunt,  
ad quos Episcoporum negotia re-  
ferenda sunt. Denique Anacletus  
*can. 1. d. 99.* In capite prouinciarum  
(inquit) vbi dudum primates sæculi  
erant, ac prima iudiciaria potestas,  
ad quosque per reliquas ciuitates  
commorabantur, quando eis neces-  
se erat, cōfugiebant pro oppressio-  
nibus suis, ipsosque appellabant  
quoties opus erat: In istis ciuitati-  
bus, ac locis nostros Patriarchas,  
vel primates, leges diuinæ poni, &  
esse iusserunt, ad quos Episcopi, si  
necesse fuerit, confugerent, eosque  
appellarēt. In his pares Patriarchis  
primates fuerunt, impares verò at-  
que inferiores, quod neque extra  
prouinciam gestare crucem erectā,  
neque dare suffraganeis palliū, ne-  
que Rom. Pontifici æqualibus affi-  
dere subsellijs illis vnquā permis-  
sum fuit. Iurisdictionem autē pri-  
matum

marum *gl.in can. 1. d. 99. in v. formā*, non in suffraganeos Archiepiscoporum, sed in ipsos solum Archiepiscopos (quorum ipsi iudices sunt) esse proficitur.

*Archiepiscopi.* ] Hi potestate quidem ordinis pares sunt Patriarchis ac primatibus, ordine enim Episcopali æque omnes præditi sunt. Iurisdictione verò inferiores, & externa gloria. Archiepiscopi enim Episcopos solum sub se habent, neque crucem erectam gestari ante se faciunt, nisi in provincia: in certis autem ciuitatibus constitui, sicut & primates debent. Sicut enim apud Gentiles erant olim in primariis provinciarum ciuitatibus quædam dictæ metropoles, in quibus metropolitani iudices residebant, inferiores quidem iudicibus primatibus, superiores verò iudicibus ciuitatum; ita sancta Ecclesia iisdem metropolitanis ciuitatibus Archiepiscopos dedit, qui etiam Metropolitanis dicuntur, suntque omnium suffraganeorum Episcoporum iudices, quos Anacletus *can. 2. d. 99.* prohibuit primates vocari.

*Episcopi.* ] Hi quoque potestate ordinis superioribus pares, longè inferiores sunt iurisdictione. Non habent enim sub se Episcopos, sed Archipresbyteros, Archidiaconos, cæterumque clerum ac populum; inferiores sunt etiam insignibus, & externa gloria. Non enim gestant erectam crucem, qui quamvis non sint aded insigniū ciuitatum prælati, sicut superiores; tamen non nisi magnis ac populosis urbibus præficiendi sunt, Anacleti præcepto in *can. Episcopi. d. 80.* Leonis Papæ *can. illud.* & Laodicensis Concilij *can. non debere, d. 90.* idque ne vilescat nomen Episcopi, & quia ubi

minores sunt plebes, minoresque conuentus, ibi Presbyterorum cura sufficit: id est, ibi satis est Presbyter curatus qui animarum curam gerat.

*Districte præcipiendo.* ] Rigorosum præceptum his verbis exprimitur quod obligat in foro conscientia. Ideo videant prælati Ecclesiarū quomodo id obseruent, & suis consulant conscientias.

*Vt laicos.* ] Iterum se restringit ad laicos delinquentes, vt fecit initio §. præcedentis.

*Confugientes, & in eis se recipientes atque morantes.* ] Si solos confugientes expressisset, & illuc se recipientes & morantes sub eadem voce contineri credendi essent, maluit autē maioris claritatis gratia singulos singulatim exprimere, quoniā proficitur dilucidè omnia explicare, vt omnem dubitandi occasionem tollat. Cōfugere propriè ad eos reos pertinet, qui cū in facinore sint deprehēsi, quasi in fugam acti, siue à satellitibus iustitiæ, siue à parte læsa, siue à propria conscientia, fuga sibi consulunt, & ad loca sacra, in quibus defendantur, confugiunt: confugere enim propriè est ad eum fugere, à quo auxilium, seu subsidium speres. Se ad sacra loca recipere illorum proprium est, qui in facinore non sunt deprehensi, quibus aded fuga non competit, vt si fugerent, facerent se suspectos, ij sese recipiunt pedetentim ad immunitatis locum, vt si quando in delicti suspicionem venerint, vel deliquisse detegantur, habeant quo se tutentur. Morari verò dicuntur qui in ipso fortè immunitatis loco deliquerint, nec inde recedunt; vel quamvis extrà deliquerint, illuc tamen peruenerunt.

runt, quos text *in can. definitis* 17. q. 4. exprimit, & residentes vocat.

*Iudicio suo.* ] Difficultatis plenus est locus iste, videturque prima facie pugnare cum dispositione §. sequentis. Hoc enim loco omnibus omnino quos enumeravit, prælatis tam Episcopis, Archiepiscopis, primatibus, ac Patriarchis, quam inferioribus Ecclesiis tam prælatis siue secularibus, siue regularibus præcepit, ut quolibet reos ad eorum Ecclesias confugientes, qui aliquod illorum octo delictorum iudicio suo commisisse videbuntur, ministris curiæ secularis, si ab illis requisiti fuerint, tradi, & consignari curent & faciant. Cuius præcepti virtute teneri videntur ad curandam hanc consignmentem omnium quos iudicio suo horum aliquid commisisse iudicauerint; sequenti verò §. totum hoc iudiciū, num aliquod horum verè commiserint, solis Episcopis reservat, ac prælatis superioribus, nullo autem modo inferioribus, etiamsi ordinarij sint, aut iudices conservatores, per sedem Apostolicam deputati. Idque ad id inviolabilitet præcipit observari, ut si casus contingat in loco nullius diocesis, adhuc neque permittat id iudicio prælatis illius loci, sed ad viciniorum Episcopum deferri præcipiat, ut Episcoporum iudicio non cumulatim, sed abdicatim committatur hoc iudiciū, & sic illis, ut nulli alij: quid ergo hic committitur horum etiam inferiorum prælatorum iudicio? aut ad quidnam isti tenebuntur, si iam tradere & consignare, quos hæc commisisse iudicauerint, non possunt? Quid tunc facient, cum iudicio suo rei videbuntur hæc delicta commisisse, E-

piscopus autem contrarium iudicaverit? aut etiam contra, ipsi iudicarint non commisisse, Episcopus verò commisisse statuerit? Difficilis dubitatio est, & quæ sedis Apostolicæ declarationem exposceret; re tamen serio ac diligenter considerata, hæc mihi videntur dici tuto posse. Quamvis enim clarius loqui Pontifex potuisset, putatamen certò nullam esse in eius constitutione pugnantiam, & primò dico Pontificem in hoc §. disponere de substantia huius actionis, quæ est curate tradi, & consignati curiæ seculari, eos omnes quos prælatus quilibet iudicaverit horum delictorum aliquod commisisse. Itant quisquis ita iudicaverit, teneatur in conscientia quantum in se est curate reum tradi, & consignari; §. verò sequenti modum præscribere huius actualis traditionis, & consignmentis, ut non fiat nisi de licentia Episcopi, & cognito prius per Episcopum illum verè commisisse aliquod horum delictorum, & cum interuentu personæ ecclesiasticæ, &c. quo fit ut inferiores Ecclesiarum prælatis eos qui iudicio suo videbuntur aliquid horum commisisse, posteaquam per curiam secularem fuerint requisiti, non possint amplius occultare, neque vlla arte, aut vi ad fugam inuare ne capiantur, non curare ut tradantur, consequenter teneri illos custodire, donec Episcopi mandatum expectatur; Episcopos verò teneri licentiam dare, & eos cum effectu tradi, & consignati facere. Secundo dico totum præceptum quod tam inferiores, quam superiores obligat, hoc §. contineri, in sequenti enim nullum datur præceptum: sequenti verò §. præscribi quomodo,

40, siue ad quid hoc præceptū obliget rā superiores, quā inferiores prælatos; cū enim in hoc §. præcepisset vniuersē omnibus vt qui iudicio suo horū aliquid commisisse videbuntur, eos seculari curiæ tradi, & consignari curent. §. sequenti determinat id quod dixerat, *iudicio suo*, ad finē realis consignationis ad Episcopos, & eis superiores, nullo autem modo ad inferiores pertinere, quo fit, vt id quod hic dicitur, *iudicio suo*, in inferioribus Ecclesiarum prælatis locū habeat solum, quousque causā ad Episcopum deferat. Posteaquā verō Episcopus manus apposuerit, illi ad nihil amplius teneantur, quā ad nō impediendum, & ad cooperandum ipsi Episcopo, neque debeat cū Episcopo cōtendere, neque suū iudiciū, si Episcopi iudicio aduersetur, executioni mandare, vt propriū ipsorum iudiciū locū habeat solum, ne reum, quem horū delictorum reum iudicauerint, teneantur, aut liberent, si fuerint per secularē curiā requisiti, Episcopo autē manus apponente ad causā illi cooperetur.

*Requisiti.*] Hoc verbum non parū fauet reis etiam horū criminum ad Ecclesias, factaque loca confugientibus. Non enim nihil omnino his confert cōfugium ad Ecclesiā, tunc enim illos, fauetque eis multū, ante requisitionem curiæ secularis. Itaut si reus ante ad Ecclesiā perueniat, quā curia secularis, aut si perueniat quidē simul, sed ministri curiæ prælatum nō statim requirunt, quandiu isti non requirunt, possint clerici, & prælati Ecclesiarū dimittere confugam, referre illi portas, hortari, iuuareque vt fugiat, quorū ramē nihil omnino post requisitionē possunt. Quod si post requisitionē

curiæ eos dimittāt, si curia secularis id probauerit, possunt & debent per Episcopum puniri, tanquam huius Apostolici præcepti transgressores. Hortorque Episcopos vt eos grauiter puniant, quoniā vltra reatum peccati inobedientiæ, multum obstant communi bono.

*Absque irregularitatis nota.*] Quoniam facile timere poterant Ecclesiarum prælati ne si hos ad eō capitaliū etiam reos seculari curiæ tradi, & consignati curarent & facerent, ipsi postea si illis violenta mors inferretur, irregularitatem incurrerent, liberat eos expressē Pontifex ab omni irregularitatis nota, ne quo timore detineantur. Quos probabile est etiam si Pontifex id non expressisset, aequē ab irregularitate immunes futuros ex ipsa vī Apostolici præcepti, vt eo ipso quod Romanus Pontifex suo præcepto ad id obligaret, intelligeretur irregularitatem abstulisse, ne ex obedientia, quam sedi Apostolicæ præstat sub p. m. tenebantur, damnum incurrerent.

*Absque alicuius censura incurso.*] Hoc videtur expressum propter dispositionem iuris in can. *desiniuit* 17. q. 4. vbi cū esset definitum nemini licere confugientes ad Ecclesiam abstrahere, aut quodcunque nocibilitatis, vel damni, seu spolij inferre, excommunicationis pœna subiungitur his verbis: *Si quis autem hoc decretum tentauerit violare, ecclesiastica excommunicationi subiaceat.* Siue ergo hæc intelligentur de excommunicatione lata, siue ferenda, ad tollendam omnem dubietatem Pontifex etiā ab excommunicatione liberat prælatos, qui hos tradi & consignari curant & faciunt.

*Tradi, & consignare curent.*] Id  
vniuersè hoc loco dictum tam ad  
inferiores, quàm ad superiores  
prælatos, non æquè ad omnes, nec  
eodem modo pertinet, sed iuxta

declarationem §. sequentis, ut nō  
nisi præuio Episcopi iudicio, & li-  
centia inferiores prælati ad ac-  
tum istius consignationis proce-  
dant.

## §. 8.

**N**E autem secularis curia prædicta ministri fa-  
cultate illos per se, & propria authoritate ex-  
trahendi, nisi olim, ut præfertur, attributa, &  
per præsentis reuocata abutantur: volumus dictâ-  
que autoritate decernimus, & declaramus ut cu-  
ria secularis, eiusque iudices, & officiales ab Ec-  
clesiis, monasteriis locisque sacris prædictis laicum  
aliquem, ut præfertur, delinquentem, in nullo ex  
casibus supradictis, sine expressa licentia Episcopi,  
vel eius officialis, & cum interuentu personæ eccle-  
siastica ab eo auctoritatem habentis, ad quos solos,  
& non alios Episcopis inferiores, etiam si alias or-  
dinarij sint, aut nullius diœcesis, aut conseruatores  
ab hac sede specialiter, vel generaliter deputati  
prædictam licentiam dandi facultas pertineat; oc-  
currente autem casu in loco exempto, & nullius diœ-  
cesis, tunc ad Episcopum viciniorem deuoluatur hæc  
cognitio, & non ad alios; capere, extrahere, aut  
carcerare non possint, nisi eo casu, quo Episcopus &  
dicta personæ ecclesiastica requisita, illos in delictis  
superius expressis culpabiles, tradere, aut capturæ  
carcerationi interesse, & assistere recusarent. Tunc-  
que reuerentia Ecclesia, & locis sacris debita me-  
mores, prædictos delinquentes minori quo id fieri  
poterit

*poterit cum scandalo & tumultu extrahere curent. Quòdque delinquentes laici prædicti, postquam, ut præfertur, ab Ecclesiis locisque sacris extracti, & capti fuerint, ad carceres curiæ ecclesiasticæ reponi, & inibi sub tuto ac firmo carcere, ac opportuna custodia data illis, si opus fuerit, per curiam secularem detineri debeant, nec inde extrahi, curiaque seculari prædictæ consignari, nec tradi possint, nisi cognito prius per Episcopum, seu ab eo deputatum, an ipsi verè crimina superius expressa commiserint. Tuncque demum de mandato Episcopi per iudicem ecclesiasticum curiæ seculari quacunque appellatione postposita, consignentur.*

## G L O S S A.

**N***E autem.]* Prosequitur secundam partem, declarando quomodo in illis octo casibus debeant se gerere tam secularis curiæ ministri, qui reos persequuntur, quàm prælati ecclesiastici, ut debitus iustitiæ locus sit cum debito Ecclesiarum honore, ac reuerentia. Ministris quidem curiæ secularis in memoriam primò reuocat facultatè per se, ac propria autoritate extrahendi confugas de Ecclesia de quocunque casu ipsis per indulgentiam concessam esse per præsentem constitutionem reuocatam, ut superius àparet §. 5. Deinde vetat expressè, ne in vllò prorsus ex prædictis casibus confugam de Ecclesia, locoque sacro extrahant sine Episcopi licentia, & cum interuentu personæ ecclesiasticæ. Tertiò præcipit ut quando de Episcopi licentia aliquem extrahunt, ducant cum ad carceres curiæ ecclesiasti-

cæ tutum ac firmum. Quartò concedit, ut siue carcer minus tutus videatur, siue ex quauis alia causa, possit secularis curia opportunam custodiam addere. Quintò monet ut quando aliquem de loco sacro extrahunt sine Episcopi licentia, memores sint reuerentiæ quam Ecclesiis, sacrisque locis debent, atque ideo ut quo minori fieri poterit cum scandalo ac tumultu extrahere illum curent. De Episcopis statuit ad ipsos solos, nò autem ad inferiores prælatos pertinere dare licentiam extrahendi confugas de Ecclesiis locisque sacris, etiam si illi inferiores prælati essent ordinarij, aut etiam iudices conseruatores generaliter, vel specialiter per sedem Apostolicam deputati. Secundò ut occurrente casu in loco exèmo, & nullius diocesis dare huiusmodi licentiam pertineat ad Episcopum viciniorem. Tertiò

vt

vt posteaquam confuga ad catce-  
rem curiæ ecclesiasticæ ductus fue-  
rit, inde neque extrahi possit, ne-  
que tradi curiæ seculari, nisi co-  
gnito prius per Episcopum, eum  
verè aliquod ex suprâ expressis cri-  
minibus commisisse. Quartò vt  
posteaquâ Episcopus id cognoue-  
rit, mandet eum per iudicem ec-  
clesiasticum tradi, & consignari  
curiæ seculari. Quintò vt hæc con-  
signatio, siue mandatû Episcopi de  
illo consignando nulla appellatio-  
ne interposita suspendatur, sed ap-  
pellatione proposita consignetur.  
De vtrisque demum statuit, vt si E-  
piscopus, & personæ ecclesiasticæ à  
seculari curiâ requisitæ reos alicuius  
prædictorum delictorû culpa-  
biles tradere, aut eorum capturæ,  
& carcerationi interesse, & assiste-  
re recusarent; possint ministri cu-  
riæ secularis illos per se capere, &  
reponere in carcere curiæ ecclesia-  
sticæ, minore tamen cum scanda-  
lo, & tumultu, vt dictum est.

*Per se & propria auctoritate.*] Quan-  
quâ nullo vnquam iure tradita sit  
ministri curiæ secularis potestas,  
vt per se & proprie auctoritate in  
huiusmodi casibus res ex Ecclesiis  
sacrisque extraherent locis, quod  
sola nouissima indulta cõcesserunt,  
tamen iâ olim id sibi aliquibus sal-  
tè in locis ex consuetudine vsurpa-  
uerant. Quemadmodû Gulielmus  
de Benedictis in c. Raymusius, de testa-  
mentis, n. 132. sæpe se vidisse testa-  
tur, & Guido Papa decis. 121. docet.  
ita seruari in Delphinatu. Boerius  
decis. 109. sine vlla specialis alicuius  
loci expressione seruari docet,  
& Contar. lib. 2. variar. resol. cap.  
20. n. 18. versic. 34. longè vniuer-  
salius ait Christiani orbis moribus  
ita receptum esse.

*In nulla.*] Vniuersalis negatio o-  
mnia excludit, & licet se restringat  
ad casus superius expressos, quod  
fortasse putat nullos esse alios in  
iure, quatenus tamè neque iura, ne-  
que cõsuetudines reuocat, sed po-  
tius cõfirmat, idè dicendum erit si  
qui alij casus vel in iure reperiatur,  
vel de consuetudine seruentur, vt  
sine Episcopi licetia extrahi rei ne-  
queant, vt quando extrahuntur  
ad carcerem curiæ ecclesiasticæ du-  
cantur. Vt inde seculari curiæ non  
tradantur, nisi cognito prius per  
Episcopum, &c. & de eius man-  
dato per iudicem ecclesiasticum, &  
vt non admittatur rei appellatio.

*Sine expressa licentia.*] Tria neces-  
sariò seruanda sunt curiæ seculari  
in extrahendo reo de Ecclesiâ. Pri-  
mum licentia Episcopi, vel eius  
officialis. Secundum vt hæc licen-  
tia sit expressa, neque enim tacita  
satis esset. Tertium interuentus  
personæ ecclesiasticæ habentis hæc  
ab Episcopo auctoritatem.

*Etiamsi alias ordinarij.*] In non-  
nullis locis, præsertim exemptis,  
& nullius diocesis, sunt aliqui in-  
feriores prælati ordinarij, vt Ter-  
litij in Apulia, Archiepresbyteri in  
vrbe S. Philippi in Sicilia, Abbas.

*Ad Episcopum viciniorem.*] Con-  
suetum est apud sacros canones  
causarum cognitionem ad vicini-  
orè Episcopum trāsferre, vel quan-  
do ipse loci Episcopus non potest  
de ea cognoscere, vel locus caret  
Episcopo, siue propter vacationem  
sedis, siue quia locus exemptus  
est, & nullius diocesis. ita Conc.  
Trident. sess. 24. de reformat. cap. 9.  
statuit loca nullius diocesis à vi-  
ciniore Episcopo visitari. Ille au-  
tem vocatur Episcopus vicinior,  
cuius cathedralis Ecclesiâ vicinior  
est.



est loco nullius diœcesis, etiam si extrema atque confinia æquè vicina forent, vt expressè statuit Tridentinum loco citato; cur vsquæadè solis Episcopis id reseruauit? Ne facillè corrumperentur: nève à ministris curiæ secularis facillè contemnerentur.

*Nisi eo casu quo Episcopus, & dicta persona ecclesiastica.* ] Locus iste difficilis est, quod personas ecclesiasticas nominat præter Episcopum, concedens tunc licere ministris curiæ secularis per se capere confugam, extrahereque de Ecclesia, cum Episcopus, & dicta personæ ecclesiasticæ requisitæ illum sic culpabilem tradere, aut capturæ, & carcerationi interesse & assistere recusarent. Non enim ita facile apparet quænam personæ ecclesiasticæ superiùs dictæ sint; quæue hoc loco referantur. Nam sermo est de tradendo reo curiæ seculari ad extrahendum & ducendum ad carcerem curiæ, ecclesiasticæ, quod ad Episcopum, vel eius officialem pertinet, & sic vnius tantum personæ singulari numero mentio facienda erat, quæ est officialis Episcopi; capturæ & carcerationi vna tantum persona ecclesiastica debet interuenire. Dices, dixit plurali numero, quoniam duæ sunt personæ nominatæ officialis Episcopi, & illa persona quæ debet interuenire: sed contrà facit, quod non opus est hanc personam ecclesiasticam quæ interuenit, diuersam esse ab officiali, potèstque ille ipse officialis, qui licentiam dat, interuenire cum capitur. Respondeo duo mihi videri probabiliter dici posse in hac materia. Vnum est intelligi de his duabus personis, quas Pontifex nominat.

*P. Gambac. de immunit. Eccl.*

uit, licèt aliquando possint in vnam concurrere. Alterum est posse fortasse referri ad inferiores Ecclesiarum prælatos, siue seculares, siue regulares: vt quando Episcopus noller se in hac causa immiscere, ad ipsos deuoluatur potestas tradendi istos curiæ seculari, ad extrahendum & ducendum eos ad carceres, vt ita locum habeat dispositio §. præcedentis in verbo *tradi & consignari*. Quod si nequè ij se velint immiscere, tunc locum habeat præsens dispositio, ne reus fugiat, & manus iudicis effugiat, vt ministri curiæ per se, & propria autoritate illum capere, & de Ecclesia extrahere possint: cum illa tamen moderatione, vt minore, quo fieri potest, cum scandalo, & tumultu, & reponant ad carcerem ecclesiasticam.

*Ad carceres curia ecclesiastica.* ] Nemo seipsum decipiat, num obediunt huic constitutioni: & videat si fortè pœnas inferiùs expressas incurrant qui metu principis secularis conuiuent: & cum habeant suos proprios carceres, eosque cõpetenter tutos, quadã simulata specie securitatis permittunt reos de Ecclesiis extractos, duci ad carceres curiæ secularis, & quod deterius est, sinunt notam, vt vocant, carceris fieri nomine solius magistratus secularis, aut secularis simul, & ecclesiastici: quo fit vt si comperiat reo competere immunitatem, non possint eum de carceribus liberare, atque Ecclesiæ, ex qua extractus fuerat, restituere, nisi consentiente seculari magistratu, vt ex hac prælatorum conuiuentia maiores postea rumores nascantur, si fortè ad immunitatem admittendus sit, quàm si constauit.

N tgr

ter initio fecissent cum ad carceres curiæ ecclesiasticæ deferri.

*Custodia data per curiam secularem.* ] Custodia hæc data est præter carceris firmitatem, ad maiorem cautelâ, propter criminis gravitatem. Merito autem per secularem, non per ecclesiasticam curiam dandam esse dicit, quia secularis curiæ interest bene custodire reos, ut possit eos punire.

*Nisi cognitio prius per Episcopum.* ] In danda licentia extrahendi de Ecclesia, ac ducendi reum ad carceres curiæ ecclesiasticæ, nulla requiritur Episcopi cognitio, propterea quod illa carceratio, & prodest curiæ seculari parti que aduersit, quatenus reus in tuto ponitur, & reo non affert aliquod nocumentum, quia æquè manet sub Episcopi Ecclesiæque tutela, ac si carceratus non esset. In tradendo autem illum curiæ seculari, in quo de tota re agitur, necessaria est ista Episcopi cognitio, qua cognoscat eum verè aliquod superius expressorum delictorum commisisse. Quia cognitione prætermisâ, non modò peccat contra constitutionis huius præceptum, sicut & si tradat eum quem iudicat, nihil horum commisisse; sed neque videtur ab irregularitate immunis sequuta morte illius: eatenus enim Pontifex Episcopos, aliòsque prælatos liberat ab irregularitatis nota, quatenus reos consignant curiæ seculari secundum præsentem formam in hac constitutione expressam. Verum est tamen non teneri Episcopum ad hanc acquirendam cognitionem formare solemnem processum, & iuridicam acquirere notitiam veritatis: sed satis esse quoquo modo illi libuere talem

acquirere cognitionem; ut in conscientia putet reum aliquod horum criminum commisisse: quod plerumque ex ipsamet delinquentis narratione colligitur, quod non aded possit factum suum velare, quin appareat qualitas, & natura delicti; aliquando ex examinis duorum, vel trium testium; &c. de qua re fusiùs disputabo inferiùs.

*Quacunque appellatione postposita.* ] Appellationem hoc loco soli reo interdicit, non autè parti læsæ, neque fisco, idque merito, cum ne reus cuiusvis criminis appellationis prætextu dilationem quærat, tum quoniam Episcopus non tenetur solemnem processum formare, neque maiores querere probationes, quàm quæ satis sint ut ipse conscientiam suam sic formet, reum verè aliquod horum criminum commisisse. Imò nèque hanc ipsam cognitionem scripto tenetur accipere, neque verò sententiam ullam proferre, sed ubi ex auditis ipse, aut eius officialis iudicauerit delictum esse huiusmodi, mandet tradi reum curiæ seculari. Si appellatio reo concedatur, facilè reuocabitur Episcopi mandatum in quacunque causa, quia non sunt probationes sufficientes in foro iudiciali, quibus constat de iustitia mandati, sicut constat Episcopo. Adde secundò quod causa rei coniuncta est cum ipsa Ecclesia locoque sacro, & Episcopus fauendo reo, fauet Ecclesiæ immunitati, quare præsumitur magis sentire pro reo, quàm contrà, nec opus est reo ad appellationem confugere. Quod autem soli reo appellatio sit interdicta, ex ipso verborum contextu euidenter apparet. Dicitur enim de mandato Episcopi curiæ seculari

seculari, quæcunque appellatione postposita consignetur. Appellatio interdicitur, ne hanc consignationem remoretur, certè non est periculum ne pars aduersa velit consignationem hanc quam euidentissimè appetit, retardare, sed solus reus. Quandocunque ergo Episcopus iudicarit reum verè excludendum esse ab immunitate, locum habet hæc appellationis prohibitio. Dubitabit aliquis an hæc appellationis remotio ita simpliciter, & absolutè neget reo remedium appellationis, vt nullo omnino casu admittenda sit, & probabile est posse contingere casum in quo debeat admitti, vt dicitur infra. Secundò dubitabit an clerici illius Ecclesiæ, ex qua reus extrahendus

sit, possint appellare fauore Ecclesiæ, & immunitatis. Non videtur Pont. de hoc cogitasse, neque aliquid dixisse. Quoniam tamen non negauit expressè, videtur ex vi verborum constitutionis ipsius admitti posse. De mente verò Pontificis videtur mihi probabilius non debere admitti; vt ex quo Pontifex huius causæ cognitionè Episcopo commisit, omnem clericis Ecclesiarum ademerit obligationem, & causam agendi pro reo: parti tamen aduersæ, quæ læsa fuit, si fortè Episcopus iudicarit non commisisse vllum ex casibus expressis qui immunitate carent, licere ab hac sententia appellare dubitandum non est, cum nullo sit iure prohibitum, vt dicitur infra.

## §. 9.

**D**E crimine verò hæresis cognitio ad forum ecclesiasticum tota pertineat, neque in ea curia secularis se quoquo modo intromittat. Sicuti etiam prohibemus ne contra ecclesiasticas personas seculares, aut cuiusvis ordinis, vel militia, etiam S. Jo. Hierosolymitani regulares quoquomodo, etiã vigore prædictorum priuilegiorum, indultorum, aut concessionum, quæ omnia ad terminos iuris per præsentés reducimus, procedant, aut se intromittant, illasve ab Ecclesiis, monasteriis, domibus locisque sacris, aut religiosis, etiam in casibus hac constitutione expressis extrahere, abducere, capere, carcerare, aut cognoscere de criminibus ad forū ecclesiasticū pertinētibz aliàs, quàm de iure & per priuilegia eisdē ordinibus

ac militiis concessa permittitur, quomodolibet presumant.

## G L O S S A.

**D**<sup>E crimine.</sup> ] Tertia pars vni-  
formis regulæ, in qua excipit  
rtes casus, in quibus Episcopus  
non tenetur, neque verò potest tra-  
dere curiæ seculari eos, qui ad Ec-  
clesias, locaque sacra, & immunia  
confugerunt, quamvis constet eos  
verè commisisse aliquod horum  
delictorum, quæ §. 6. numerata  
sunt. Primus est casus criminis hæ-  
resis. Secundus si reus sit persona  
ecclesiastica. Tertius si crimen, seu  
delictum ipsum ad forum ecclesia-  
sticum pertineat. Et quoad duos  
prioros casus reuocat indulta o-  
mnia, & priuilegia eidem curiæ se-  
culari concessa, eaque omnia redu-  
cit ad terminos iuris, non modò  
iuris communis, sed etiam in-  
ris priuati priuilegiòrum cuius  
ordini, vel militiæ regulari conces-  
sorum.

*Hæresis cognitio.* ] Crimen hæresis  
repetit, sicuti superiùs dixerat §. 6.  
cùm casus enumerauit, reos hære-  
sis expressit. Propterea quòd loqui-  
tur de hæretico confugiente ad Ec-  
clesiam propter crimen hæresis: vt  
intelligamus hæreticum sicubi pu-  
blicè toleretur, quando non pro-  
pter hæresim, sed propter alia cri-  
mina confugit ad Ecclesiam, si sint  
ex numero hac cõstitutione expres-  
sorum. exempli gratia, si publicus  
sit latro, si viarum grassator, &c. hoc  
cognito per Episcopum tradi non  
modò possit, sed etiam debere cu-  
riæ seculari: & aduertendum est,  
non referuari foro ecclesiastico pu-  
nitionem hæreticorum de aliis co-  
rum criminibus, sed solum cogni-

tionem de crimine hæresis. Cùm  
enim hæresis crimen fidel catholi-  
cæ aduersetur ex parte duorum,  
quæ ad eam necessariò concur-  
runt, optima ratione eius cogni-  
tionem ad Ecclesiam, quæ fidei  
est magistra, atque ad iudicem ec-  
clesiasticum, qui est eiusdem fi-  
dei protector, atque interpres,  
translatam esse, atque ad eius-  
dem iurisdictionem totam perti-  
nere. Ad hæresim concurrit tan-  
quam materiale ex parte intelle-  
ctus error seu consensus in erro-  
rem iam damnatum ab Ecclesia  
contra fidem, sacràmve Scriptu-  
ram, & tanquam formale ex par-  
te voluntatis, perniciacia quædam,  
& obduratio in errore. Tam autem  
error contra fidem, quàm in er-  
rore perniciacia contra iudicium  
Ecclesiæ ad forum ecclesiasticum  
necessariò pertinere debent, cui  
natura sua subiacent, neque de eis  
iudex secularis, qui ea ignorat, co-  
gnoscere potest. Punitio autem  
liorum criminum hæreticorum,  
quoniam nullam requirit de hæ-  
resi cognitionem, seculari foro  
committi potest, ac debet, factò  
priùs per Ecclesiam iudicio de  
ipso crimine hæresis, quoties hæ-  
reticus de hæresi conuictus, aut  
obstinatus est, aut relapsus. His  
enim pena mortis non quæcun-  
que, sed ignis debetur, quas pœ-  
nas Ecclesia nunquam exequitur,  
neque verò exequi potest; sed  
sic conuictum tradit iudici secu-  
lari, iuxta leges puniendum. Ne-  
que verò iudex laicus aliquid  
aliud

aliud tūc potest debere cognoscere, nisi cum esse hæreticum, siue relapsum, siue obstinatum.

*Ad forum ecclesiasticum.* ] In crimine hæresis non solum Episcopi, sed etiam Inquisitores permultis in locis iudices sunt fori ecclesiastici, sunt auditores Episcoporum, ut cum Episcopi multitudine aliarum ecclesiasticarum causarum distenti, causæ fidei minus fortasse, quam res tanta postulabat, vacare possent, tantæque diligentia aduersus hæreses inuigilare, Inquisitores huius causæ negotio deputati, nihil intactum relinquere, quod è re fidei catholice foret. Dubitari ergo potest, an si hæreticus propter hæresis crimen ad Ecclesiam confugiat, possit per Inquisitores eorum veministros de solo ipsorum mandato, nullo expectato Episcopi mandato, nulla requisita licentia capi, carcerari, puniri? Par dubitatio est de religiosis cuiusvis ordinum, seu militiarum regularium, an si quo commisso delicto etiã de hac constitutione expressis ad Ecclesiam confugiant, possint per suos superiores capi, & carcerari, nulla requisita Episcopi licentia, nulla per eum habita causæ cognitione, nullo expectato mandato, aut consignatione. Idem, & de clericis alicui prælato subiectis, quorū causæ cognitio ad eum prælatum pertinet, si commisso aliquo horum delictorum ad Ecclesiam confugerint, an possint per eorum prælatum capi, carcerari, puniri eodem modo.

Ad has omnes dubitationes primum in genere respondeo, cum hoc loco Pontifex vniuersaliter dicat ad forum ecclesiasticū pertine-

re, & superius ad ministros, ac magistratus curiæ secularis semper se restrinxerit, quando licentiam capiendi, causæ cognitionem aliquam, & mandatum Episcopi ad reum consignandum requisivit, consequens est illam solemnitatem solum in ordine ad dictam curiam secularem positam esse, non autem in ordine ad curiam forumque ecclesiasticum, & quoad personas laicas tantum, non autem ecclesiasticas, ut patet intuitu omnia præcedentia. Nam §. 1. mentionē facit de indultis concessis compluribus secularibus Principibus, eorumque curiis, & magistratibus, & paulo post afferens prauos indultorum successus, subdit; quia plerique eorundem Principū ministri. & §. 3. addit aliud absurdum quod laici non modo iuris, sed etiam litterarum penitus ignari, ministri curiæ secularis. & §. 5. reuocans indulta concessa mentionem facit si ad vitam Principis, vel beneplacitum, &c. & §. 7. ubi solemnitatem istam totam statuit de Episcopi licentia petenda, &c. expressè se restringit ad forum laicū, dicens, quando à curia seculari fuerint requisiti, & rursus ministris & officialibus curiæ secularis tradi, & consignari faciant. & §. 8. ne secularis, inquit, curiæ ministri facultate, &c. abutantur. & paulo inferius, volumus ut curia secularis, eiusque iudices & officiales, &c. sine expressa licentia, &c. & in fine tunc demū de mandato Episcopi curiæ seculari quacunque appellatione postposita consignetur. Secundò in particulari de sancti officij Inquisitoribus id multo magis habet locum, quibus tota hæresis causa commissa est,

quique ab omnibus, & singulis Episcopis procuratores constituuntur in causa hæresis, ut ipsi soli possint procedere qui alias simul cum Episcopis procedere in causa deberent. De prælatis vero religioforum, siue Regularium, siue militarium, illud etiam in specie dici potest, etiam eorum subditos sub hac dispositione non contineri, quæ semper de laicis delinquentibus loquitur, ut ex multis dictæ constitutionis locis apertissime apparet. Vnde eo ipso quod ad secularem curiam non pertinet de ipsis disponere, nec ipsi laici sunt, sed Religiosi, non est in eis extrahendis ab eorum prælatis hæc est obseruanda forma.

*Prohibemus ne contra ecclesiasticas personas.*] Quoniam superius semper de laicis constituit, venit tandem ad ecclesiasticas personas, statuitque curiam secularem contra personas ecclesiasticas non procedere, imò nec se intromittere, nec eas etiam in casibus hæc expressis de Ecclesiis, monasteriis, domibus locisque sacris, aut religiosis abducere, capere, carcerare, etiam si per illa Apostolica indulta ei concessum esset.

*Seculares, aut cuiusvis ordinis, vel militia regulares.*] Declarat quas vocet personas ecclesiasticas, quas curiæ seculari vetat de Ecclesia etiam seruata constitutionis istius forma extrahere, quasque vetantur Episcopi, etiam si hæc delicta commississe cognouerint, tradere curiæ seculari. Sunt autem tria genera. Primum clerici seculares. Secundum Religiosi, siue regulares ordinum quorumcunque. Tertium Religiosi, siue regulares quorumcunque militarium, ut sunt Religiosi milites S. Iacobi Al-

cantaræ, & Calatravæ in Hispaniis, S. Lazari in Sabaudia, S. Stephani in Hetruria, & nomine Regularium intelliguntur etiam nouitij, secundum communem Doctorum sententiam, de qua re non est præsentis instituti disputare, & aduertendum hoc loco ex hac prohibitione facta laicæ curiæ ne clericos de Ecclesiis abstrahat, facile colligi clericos posse ad Ecclesias confugere, & immunitate gaudere, & posse quando delicti grauitas postulat extrahi per prælatos proprios quibus subiacent.

*Etiā S. Ioannis Hierosolymitani.*] Hos exprimit in specie, quia cum omnes alios militiarum omnium ordines, fortassis etiam simul sumptos vniuersos numero superet, ac per totum vagentur orbem, frequentius aliqui in tanto numero solutioris vitæ reperiuntur, qui frequentius delinquant, & quos non ita facile solent laica tribunalia permittere immunitate ac priuilegio fori gaudere. Id quod hac nouissima constitutione est apertissime constitutum; ut neque cognoscere de illis, neque sese intromittere laicis Tribunalibus permittatur.

*Ad terminos iuris reducimus.*] Indulta omnia, & priuilegia per Rom. Pontifices concessa, quatenus contra ecclesiasticas personas permetteret cognoscere, aut procedere, vel eas de Ecclesiis locisque sacris extrahere, ad terminos iuris reducit, reuocatque omnia, quæ ultra iuris dispositionem aliquid permittunt. Ius autem vocat tam commune sacrorum canonum, quam priuatum eisdem personis regularibus concessum per ordinum priuilegia. Vbi aduerte vigore præsentis constitutionis non habere locum priuile

privilegia personalia, nec fortè particularia privilegia locorum, aut monasteriorum, sed solum privilegia ordinum, & militiarum.

*Procedant, aut se intromittant.*] Tria prohibet ministris, & officialibus curiæ secularis erga personas ecclesiasticas. Primum procedere contra eos. procedere est propriè formare processum. Secundum se intromittere, quod est in eorum causis criminalibus se quoquo modo interponere autoritatiuè, & tanquam officiales & ministros curiæ. Tertium eos de Ecclesiis etiam in casibus hic expressis capere, &c.

*Aut cognoscere de criminibus.*] Vltimum quod prohibetur curiæ secularis ministris. Nempe cognoscere de criminibus ad forum ecclesiasticum pertinentibus, etiam per laicos commissis, sunt quædam causæ fori secularis propriæ, aliæ verò fori ecclesiastici, aliæ demum mixtæ, quæ consequenter utrique foro conveniunt, & posteaquam in vno foro quis punitus fuit, pœna illius fori cognosci, & puniri. Solum hoc loco interdicitur seculari foro ne de criminibus ad forum ecclesiasticum tantum pertinentibus cognoscat. De mixtis enim cognoscere potest sicut antè poterat. Probabile est etiam mihi interdictum eidem esse, ne de mixtis aliter cognoscat, quàm sui secularis fori propria sunt. Si enim quatenus ad forum ecclesiasticum pertinent cognoscere de eis vellet, iam non de mixtis, sed de his quæ ecclesiastici fori propria sunt, cognosceret. Quæ autem crimina secularis, quæ ecclesiastici fori propria, quæ item mixta sint, alterius considerationis est, fortas-

se dicemus infra.

*Alias quàm de iure.*] Hoc tam ad id quod dixerat de personis ecclesiasticis, quàm quod de criminibus ad forum ecclesiasticum pertinentibus referendum est, & limitat prohibitionem utramque, ut quicquid contra ecclesiasticas personas, vel in ecclesiasticis causis, aut iura, aut privilegia ordinum & militiarum permittunt, hæc etià constitutione permissum intelligatur. Id verò sit vetitum quod contra iuris communis dispositionem, vel contra ordinum, & militiarum privilegia per superiùs enarrata iudulta concessum erat. Ut ergo curia secularis procederè aliquo casu possit contra Religiosum, hæc duo debent concurrere, ut neque iuri communi, neque eorum privilegii prohibeatur. Quemadmodum nouo privilegio regulari ordini militiæ S. Io. Hierosolymitani per sanctissimum D. N. Clementem Papam Octauum qui in agno virtutis, ac sanctitatis exemplo sedet in B. Petri cathedra, annuos iam decem concessum fuit, ut cum contra aliquem eius militiæ religiosum de crimine assassinij agitur, non iam per secularem euriam, ut olim iure permissum erat, c. 1. de homicid. lib. 6. sed per suum superiorem regularem simul cum Episcopo loci, ubi delictum commissum est, cognoscatur an sit verè assassinium, & ubi cognoverint verè assassinium esse, tunc seculari iudici tradatur puniendum. Hinc illud est hoc loco post huiusmodi nouum privilegium aduertendum Episcopo, si quis regularis huius militiæ vir, post commissum homicidium, quod per assassinium commissum esse præten-

præstenditur ad Ecclesiam locumve sacrū confugiat, requirente curia seculari iam non posse solum Episcopum cognoscere, an verè crimen illud commiserit, eo cognito tradere curiæ seculari, sicut superius fuit in hac constitutione expressum; sed debere sibi adsciscere socium, & coniudicem superiorem regularem illius militiæ, & simul cum illo de ea causa cognoscere, virtute præsentis §. atque horum verborum, ubi simul hæc duo requirit, & ut secundum iura, & secundum ordinis regularis privilegia permittatur.

*Præsumant.* ] Cum leges & iura præsumptionem requirunt, teme-

ritatem, arrogantiam; facile excusantur ij qui ignoranter, qui inadverteenter, qui repentino aliquo animi motu; qui suborta derepentè aliqua nova occasione, qui ex fragilitate, timore, metu aliquid faciunt; requiritur enim ad temeritatem & præsumptionem, ut scienter deliberatèque id agat. Unde putarem si minister curiæ secularis, putans sibi licere capere inuentum in fragranti delicto, nondum ingressum intra Ecclesiam cū caperet ad fores Ecclesiæ, in ipso limine Ecclesiæ, nō esse huius præcepti reum, propter præsumptionis defectum.

## §. 10.

**Q**uod si quis quacunque dignitate & auctoritate præditus præmissorum, aut alio quovis prætextu quicquam præter, aut contra huius nostre constitutionis tenorem attentare præsumpserit, declaramus, eum ipso facto censuras, & pœnas easdem incurrere, quæ contra libertatis, iuris, & immunitatis ecclesiastica violatores per sacros canones, & Conciliorum Generalium, nostrorumque prædecessorum constitutiones sunt promulgata, sicque per quoscunque iudices ordinarios, vel delegatos etiam causarum Palatii Apostolici auditores, & S. R. E. Cardinales, sublata eis, & eorum facultate, in quavis causa & instantia iudicari & definiri debere: nec non irritum decernimus, & inane, si secus super his per quoscunque quavis auctoritate scienter, vel ignoranter contigerit attentari.

GLOSSA



**Q**uod si quis.] Absoluta vniformi regula, eiusque declaratione, ac moderatione, in quibus duabus rebus tota dispositio præsentis constitutionis posita est, munire aggre- ditur eandem constitutionem, omnia- que & singula quæ in ea statuta sũt. Munit autẽ eã tribus efficacissimis validissimisque præsidis, primũ statuendo graues pœnas in transgressores. Secundò tollendo omni- bus omnino iudicibus omnem ali- ter iudicandi & interpretandi pote- statem, irritandòque si quid secus iudicauerint. quæ duo in hoc §. præstat. Tertiò in §. sequenti con- traria omnia reuocando.

*Quacunque dignitate.*] Quoniam tam ecclesiasticis personis, præla- tis præsertim, siue supra, siue infra Episcopos, quàm secularibus, siue regibus, siue ducibus, siue ministris, & officialibus eorum, siue etiam v- triusque fori iudicibus aliquid præ- ceptum est, ideo quoscunque corũ hæc transgredi contigerit, omnes hæc pœnæ concernunt.

*Præmissorum, aut alio quouis præ- textu.*] Præmissorum, nempe indul- torũ per prædictos Pontifices con- cessorum: aut alio quouis prætextu, multo magis si nullo prorsus præ- textu; si enim qui sub aliquo præ- textu transgreditur, pœnas incurrit, ubi cælatur aliquantulum temerit- as ac præsumptio, ubi nihil præte- ditur cur factum dicatur, euidentis apparet transgressio, & aliquid ha- bens temeritatis: vt propterea cer- tius illi pœna debeat.

*Præter, aut contra.*] Arduum vi- detur esse quod his verbis signifi- catur, non modò vt pœna statuatur ei qui præter legem aliquid cõ-

*P. Gam. ac de immun. Eccl.*

miserit, sed par omniino pœna at- que ei qui contrà fecerit. Nam præ- ter legem agere, aut nullum omni- no delictum est, aut longè leuius quàm contra legem. Qui enim le- uiter in legem peccat, præter le- gem agit: qui grauius, contra le- gem. Vnde & peccatum veniale communiter dicitur esse præter Dei legem, mortale contra legem. Sed dici potest non hanc esse Pon- tificis mentem, sed posterius ver- bum esse quandam præcedentis de- clarationem, vt non quoquo modo præter hanc legem agens, has pœ- nas incurrat; sed qui ita grauius agit præter legem, vt contrà agere videatur: dictũ autem esse præter, aut contrà, ad terrorem: vt quisque zeletur seriò hanc legem, & ne quidquam transgredi præsumat.

*Huius constitutionis tenorem.*] Cũ in hac constitutione Pontifex & certos casus expresserit, in quibus immunitas Ecclesiæ reo nõ prosit, & Ecclesiarum prælatis præcepit, vt quando confugam aliquem illo- rũ casuum admisisse cognouerint, requirente curia seculari, & Epi- scopi accedente mandato, tradant illum curiæ seculari, ac demum ipsi curiæ seculari, eiusque officiali- bus ac ministris iniunxerit, vt ne- que sine licentia Episcopi extra- hant, ducant ad carceres curiæ ec- clesiasticæ, neque inde abducant, nisi iudice ecclesiastico de manda- to Episcopi illum consignante; vi- dentur singuli si sibi tradita præce- pta transgrediantur, has omnes, & singulas pœnas incurrere: faci- unt enim omnes contra præsen- tis constitutionis tenorem. fauet quod adnotauimus in huius §.

O glossa

gloſſa 2. in v. *dignitate*. Contrarium tamē ſuadere videtur qualitas pœnarum, quæ ſubiiciuntur, quæ non alia recensetur, niſi quæ contra immunitatis libertatiſque eccleſiaſtica violatores conſtitutæ ſunt. Quæ non videntur debere alios afficere, quam eos qui tranſgrediuntur hanc conſtitutionem, violando Eccleſiæ immunitatem, quod proprium eſt ſolius curiæ ſecularis. Sed hiſ non obſtantibus reſpondeo priorem ſententiam tuendam eſſe; nihil enim obſtat quo minus pœnæ omnes in iure latæ contra violatores libertatiſ atque immunitatiſ eccleſiaſtica, in alios etiam conſtitutioniſ huius tranſgreſſores extendantur, & Eccleſiarum prælati tranſgrediendo mandata in hac conſtitutione ſibi tradita, ſunt cauſa, vel ſaltē occaſio, ne curia ſeculariſ ſua ſeruet mandata, & immunitatem tranſgrediatur. Demum ſi prælati tradere recuſent confugam, vel aliquod horum delictorum commiſiſſe cognoscunt, immunitatem aliquo modo violant, admitendo ad illam reum quem iura reſpuunt. Si verò eum tradunt, quem nihil horum commiſiſſe reperiunt, clariùs in eadē immunitatem delinquant qui eum excludunt, quem iura immunem eſſe voluerunt.

*Per ſacros canones.*] Tres enuenerat Eccleſiarum legum ſpecies, ſacros canones, Conciliorum generalium decreta, & prædeceſſorum conſtitutiones. Ad ſacros canones pertinent dicta illa ſolemnia ſanctorum Patrum, quæ in Decreto canonizata ſunt, & pro legibus habentur in Eccleſia. Ad Concilia generalia reducuntur, & quæ ex Conciliis provincialib; per Rom. Pontifices approbatiſ in corpore

iuriſ poſita ſunt. Iura etiam Decretalium, & ſexti, cæteraque omnia in corpore iuriſ poſita, nomine ſacrorum canonum cōtinentur. Nominē verò conſtitutionum prædeceſſorum puto intelligi eas omnes conſtitutiones, quæ poſteriùs nuper editæ in corpore iuriſ compilatæ nondum ſunt, quapropter vox illa *prædeceſſorum*, non eſt putanda tam ampla, ut uſque ad B. Petri tempora omnes Rom. Pontifices referat, ſed recentiores tantummodo, qui poſt Clementinas Extravaganteſque conſtitutiones aliqua ſanciuerunt.

*Sunt promulgatae.*] Verbum hoc *promulgatae*, videtur tam ad latas, quàm ad ferendas pœnas pertinere. quæ in canonibus & conſtitutionibus ſunt expreſſæ. Utræque enim eo ipſo quòd in iure aliquo exprimuntur, ſunt promulgatæ, & ad omniū notiitiā latæ. Hinc oritur difficultas an omnes pœnæ tam latæ in iure, quàm ferendæ quas ius exprimit per iudicem ferri debere, incurrantur tanquam hac conſtitutione latæ; an verò ſolùm quæ in iure latæ ſunt incurrantur ut latæ, quæ verò in iure ferendæ debeant per iudicem eccleſiaſticum ferri contra huius conſtitutioniſ tranſgreſſores. Verba enim conſtitutioniſ latas omnes eſſe aperte inveniunt, cum dicunt, *Declaramus eum ipſo facto incurrere cenſuras, & pœnas promulgatas.* Ambæ autem ſunt promulgatæ, ſed probabilius videtur contrarium, ut ipſo facto incurrant cenſuras, & pœnas tales, quales in iure ſunt: latas incurrant ut latas, ferendas verò ut ferendas; id eſt, ut eo ipſo incurrant pœnas in iure latas, & eo ipſo iudex debeat irrogare ferendas.

*Sicque*

*Sicque per quosunque iudices.]* Secunda pars huius §. qua præcipit omnibus iudicibus sic iudicare, nepe transgressores incurrisse has pœnas, eos qui nullam horum delictorum commiserint, ad immunitatem esse admittendos, qui aliquid horum fecerint, excludendos esse ab immunitate. Enumerat autem omnia genera iudicium ecclesiasticorum, dicens iudices ordinarios, & delegatos causarum Apostolici Palatii auditores, ordinarij iudices sunt ipsius Papæ: sanctæ Rom. Ecclesiæ Cardinales, ratione quidem dignitatis Cardinalatus, iudices nō sunt, sed numerantur quatenus facile contingit ut iudices sint, vel ratione legationum de latere, quæ illis committuntur, vel quod cum sunt extra urbem, facile graues causæ in partibus illis delegari solent.

*Sublata eis & eorum cuilibet.]* Tertia §. pars, quoniam iudices non obstante hac prohibitione possent contrarium iudicare, eos compescit ablatione potestatis, ex qua sequitur nullitas sententiarum per eos secus latorum; & quoniam iudices interdū in sententiando interpretantur legem, ideo non tantum sententiandi, sed etiam interpretandi omnē adimit potestatem, ut sententia contra tenorem huius constitutionis lata, siue solū sententiando, siue etiam simul interpretando, nulla omnino sit, & inualida, nec exequenda.

*Scienter, vel ignoranter.]* Non requiritur temeritas vlla, siue præsumptio in iudice secus iudicante ad nullitatem sententiæ: sed siue scienter, siue ignoranter quidquam in contrarium attentarit, irritum erit atque inane.

## §. II.

**N**on obstantibus præmissis tã Sixti, & Pij, quàm aliorum quorumcunque prædecessorum nostrorum litteris Apostolicis, priuilegiis, indultis, & facultatibus quibusuis personis, etiam imperiali, regia aut alia quauis dignitate, & auctoritate fulgentibus, aut rebus publicis, dominiis, regnis, prouinciis, ciuitatibus, terris, & locis, eorumve curiis, parlamentis, senatibus, conciliis, communitatibus, collegiis, aut præsidentibus, gubernatoribus, locatenentibus, variis potestatibus, aliisque magistratibus, officialibus, ministris, aut consiliariis, ex prædictis, vel aliis etiam grauioribus & urgentioribus causis, tam illorum intuitu, & cōtemplatione siue ad eorū preces,

et instantiam, quàm et motu proprio, et ex certa scientia, deque Apostolica potestatis plenitudine, ac perpetua, etiam in vim contractus, et fratrum nostrorum consilio, sub quibuscunque tenoribus et formis, et cū quibusvis præservationibus, restitutionibus, mentis attestatiis, rogatoriis derogatoriis, aliisque validissimis, efficacissimis, insolitis clausulis, nec non irritantibus, et aliis decretis, etiamsi inibi caueatur expresse quod illis nisi sub certis modis et formis, et nisi de expresso eorū consensu, ad quorum fauorē concessæ fuerint, derogari possit, ac aliter factæ derogationes nullius sint roboris, vel momenti, et alias quomodolibet concessis, etiā sæpius approbatis, et innouatis. Quæ omnia et singula ac illorum tenores prò expressis habentes, quatenus præmissis in aliquo aduersentur, aut plures quàm superius expressos casus contineant, auctoritate, et tenore præmissis, omnino ac perpetuò tollimus et abrogamus, et ad terminos præsentis constitutionis quoad superius descripta dumtaxat reducimus, et nolumus quicquam de cætero suffragari, et qualibet alia dictæ sedis indulgentia generali, seu speciali, per quæ præsentibus non expressa, vel ad verbum non inserta effectus earum quomodolibet valeat impediri.

## G L O S S A.

**N**on obstantibus.] Postrema omnium quæ hætenus dicta sūt confirmatio solemnī reuocatione omnium contrariorum priuilegiorum: & licet sæpe priuilegia Sixti, &

Pij, aliaque omnia obiter reuocauerit, primò §. 5. deinde initio §. 8. in medio, præterea §. 9. atque in initio decimi: nunquā tamen adeo, neque sollemniter, neque efficaciter,

vt in hoc paragrapho. in præcedentibus enim reuocationibus nullum dictis indultis ac privilegiis affretetur præiudicium, si qua præseruariarum clausularum, quæ hic recensentur, in eis reperiretur, prout probabile est aliquam, fortasse etiâ plures in eis fuisse, quandoquidem vsque adeo illis omnibus recensendis Pontifex laborat. Totam ergo reuocandi vim in hoc §. positam esse videmus, vbi statuitur nullam huiusmodi clausularum obstare, quas adeo diligenter à Pontifice numeratas video, vt ausim affirmare, nullum omnino genus confirmationis, aut clausularum confirmatoriarû illis privilegiis apponi potuisse, quod hic non sit expressum & abrogatum.

*Tam Sixti, & Pij.* ] Vt solemnior pleniorque sit reuocatio, recenset non modò personas, à quibus de facto emanarunt nonnulla indulta, sed alias quasunque in genere personas, nempe prædecessores quosunque, à quibus emanare potuerunt. subintellige etiam id quod superius §. s. expressit, etiam si à nobis ipsis emanassent. Vbi obiter aduerte sicut à Sixti, & Pij indultis initium sumpsit hæc constitutio, ita in eandem terminate, vt sicut ex illorum indultorum abusu tam multa orta sunt contra immunitatem, sacrosque canones incommoda, ita ex eorum reuocatione quamplurima sperentur cōmoda.

*Quibus suis personis.* ] Enumerat personas, & communitates, quibus, vel ad quarum instantiam prædicta indulta concessa sunt, aut concedi potuerunt, quæ omnes laice sunt: sunt autem persona, Imperatores, Reges, Duces, & ge-

neratim quauis alia autoritate fulgentes communitates, siue Republicæ, Dominia, Regna, Prouinçia, ciuitates, terræ, loca, immunitates officialium, seu curia Principum, aut locorum, cuiusmodi sunt Parlamenta, Senatus consilia, communitates, vniuersitates, collegia. Demum recenset officiales Præsidentes, ac generatim alios magistratus, officiales, ministros & consiliarios.

*Ex prædictis, vel aliis causis.* ] Recenset causas, propter quas non modò concessa sunt indulta huiusmodi; sed concedi etiâ potuerunt, vt ex quibuscunque causis fuerint concessa, sint nihilominus per præsentis reuocata, siue ex causis prædictis suprâ, siue ex aliis causis grauioribus, & vrgentioribus.

*Tam illorum intuitu.* ] Enumerat motiua, quibus Pontifices ad concedenda indulta inclinari potuerunt, vt siue intuitu postulantium, vt hanc eis gratiam confertret, siue motu proprio, nemine petente, atque hoc siue ex certa scientia, siue ex plenitudine potestatis, sint nihilominus reuocata.

*Ac per modum statuti.* ] Enumerat modos varios, quibus indulta de extrahendis de Ecclesia confugis emanare potuerunt. Sunt autem quatuor, primus per modum statuti, secundus per modum legis perpetuæ, tertius in vim contractus, quartus de fratrum consilio. Primus & secundus motu proprio emanare potuerunt, tertius necessario ad alterius vel instantiam petentis, vel gratiam non petentis. Petentis, si quis offerat in compensationem eiusmodi privilegij seruitia personalia, vel aliud quidpiam; non petentis, si cui propter

multa erga sedem Apostolicam merita, vel scrutia exhibita ipsemet Pontifex offerat huiusmodi privilegium, in vim contactus reciproci: sed observandum hoc loco, quamvis Pontifex dicat per modum statuti & legis perpetuæ, non idcirco reuocare ius ullum de Ecclesiarum immunitate disponens, cum superius §. 4. iura omnia consuetudinisque potius confirmaverit, sed solum reuocare indulta super extrahendis confugis, etiamsi illa per modum statuti, legisve perpetuæ fuerint concessa.

*Et cum quibusvis præservatiis.* ] Exprimit singillatim clausulas omnes possibiles, quæ prædictis indultis ad eorum stabilendam vim roburque apponi potuerunt, quibus non obstantibus nihilominus

prædicta indulta cessent. Suppletque defectum expressionis dictarum clausularum, si fortè secundum indultorum formam exprimendæ forent.

*Quæ omnia & singula.* ] Declarat se non quoquomodo reuocare indulta etiã prædictis clausulis munita, sed solum quatenus in aliquo aduersentur iis quæ hætenus constituta sunt, & speciatim si plures quàm superius expressos casus continent.

*Quoad superius descripta.* ] Non modò abrogat omnia indulta limitatè, solum quatenus præmissis aduersantur, sed etiam quoad ea, quæ hac constitutione statuta sunt, ad terminos eiusdem constitutionis ea reducit, quasi quoad alia quæ huic constitutioni nõ aduersantur.

## §. 12.

**V**T autem presentes litteræ ad omnium notitiam facilius deducantur, mandamus illas in valuis S. Io. Lateranensis ac Principis Apostolorum basilicarum de urbe, nec non cancellariæ Apostolicæ de more affigi, & publicari, earum etiam exemplis inibi affixis ac dimissis. Ac post publicationem huiusmodi volumus, & decernimus, ut omnes & singulos quos concernunt, & concernent in futurum, ita arctent, & afficiant, ac si eorum cuilibet personaliter intimatæ fuissent. Eorundem verò presentium transumptis, etiam impressis notarij publici manu subscriptis, eandem fidem in iudicio, & extra illud, ubique gentium haberi volumus, quæ eisdem originalibus litteris haberetur, si essent exhibitæ, vel ostensæ.

GLOSSA.

## GLOSSA.

**V***T* autem.] Quoniam nona lex publicationem requirit, ut vim habeat obligandi; statuit Pōtifex sufficientem publicationem esse de more affigi, & publicari in valuis S. Ioannis Lateranēsis Principis Apostolorum basilicarum de vrbe, & Apostolicæ cancellariæ, & ibi affixam dimitti.

*Ac post publicationem.*] Prædictā publicationem sufficere decernit ad hoc ut omnes & singulos, quos concernit, vel concernet imposteorum, ita arctet atque afficiat, ac si eorū cuilibet personaliter intimata fuisset. Hanc obligationem intellige in foro exteriori, in quo sic publicata lex præsumitur omnibus innotuisse, vnde neque in foro cōscientiæ obligat ante aliquod tempus sufficiens, ut possit ad partes ea notitia publicationis peruenire, & in foro exteriori si per euidentē probationes purgetur præsumptio, penam non meretur. Exempli gratia, publicata est Romæ an-

no Domini 1591. nono Cal. Iunij, si quis in Sicilia, in Hispania, aut alio remotiore loco conuincatur, cōtrā fecisse tertio post die, euidentē est tertio die nō potuisse illuc peruenire famam huius publicationis, ideoque ad eam obseruandam non fuisse obligatum.

*Eorundem verò transumptis.*] Cū originales litteræ constitutionis non possint ad varias mundi partes transferri, neque verò aut quid lege constitutum sit, nisi ex ipsius legis tenore cognosci possit, neque reus in iudicio de transgressione continci, nisi lex in iudicio præsentetur, necesse est transumptis agere, siue manu scriptis, siue impressis. Ideo hoc postremo statuit transumptis etiam impressis, subscriptis tamen publici notarij manu, eandem prorsus fidem haberi, quæ ipsis originalibus haberetur, idque non modò extrā iudicium, sed in ipso etiam iudicio.

## §. 13.

**N***V*lli ergo omnino hominum liceat hanc paginā nostræ moderationis, præcepti, mandatorū, decretorū, reductionum, declarationum, prohibitionis, sublationis, abrogationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli, se nouerit incursum. Datum Romæ in Monte Quirinali anno Domini 1591. nono Cal. Iunij, Pontificatus nostri anno Primo.

LIBER

multa erga sedem Apostolicam merita, vel seruitia exhibita ipsemet Pontifex offerat huiusmodi privilegium, in vim contractus reciproci: sed obseruandum hoc loco, quamuis Pontifex dicat per modum statuti & legis perpetuæ, non idcirco reuocare ius vllum de Ecclesiarū immunitate disponens, cū superius §. 4. iura omnia consuetudinēque potiùs confirmauerit, sed solū reuocare indulta super extrahendis confugis, etiāsi illa per modum statuti, legisue perpetuæ fuerint concessa.

*Et cum quibusvis præseruatiuis.]* Exprimi singillatim clausulas omnes possibiles, quæ prædictis indultis ad eorum stabiliendam vim roburque apponi potuerunt, quibus non obstantibus nihilominus

prædicta indulta cessent. Suppletque defectum expresseionis dictarum clausularum, si fortè secundū indultorum formam exprimendæ forent.

*Quæ omnia & singula.]* Declarat se non quoquomodo reuocare indulta etiā prædictis clausulis munita, sed solū quatenus in aliquo aduersentur iis quæ hætenus constituta sunt, & speciatim si plures quàm superius expressos casus continent.

*Quoad superius descripta.]* Non modò abrogat omnia indulta limitatè, solū quatenus præmissis aduersantur, sed etiā quoad ea, quæ hac constitutione statuta sunt, ad terminos eiusdem constitutionis ea reducit, quasi quoad alia quæ huic constitutioni nō aduersantur.

## §. 12.

**V**T autem præsentēs litteræ ad omnium notitiam faciliùs deducantur, mandamus illas in valuis S. Io. Lateranensis ac Principis Apostolorum basilicarum de vrbe, nec non cancellariæ Apostolicæ de more affigi, & publicari, earum etiā exemplis inibi affixis ac dimissis. Ac post publicationē huiusmodi volumus, & decernimus, ut omnes, & singulos quos concernunt, & concernent in futurum, ita arctent, & afficiant, ac si eorum cuilibet personaliter intimatæ fuissent. Eorundem verò præsentium transumptis, etiā impressis notarij publici manus subscriptis, eandem fidem in iudicio, & extra illud, ubique gentiū haberi volumus, quæ eisdem originalibus litteris haberetur, si essent exhibitæ, vel ostensæ.

GLOSSA



**V***T autem.*] Quoniam nona lex publicationem requirit, ut vim habeat obligandi; statuit Pōtifex sufficientem publicationem esse de more affigi, & publicati in valuis S. Ioannis Lateranēsis Principis Apostolorum basilicarum de vrbe, & Apostolicæ cancellariæ, & ibi affixam dimitti.

*Ac post publicationem.*] Prædictā publicationem sufficere decernit ad hoc ut omnes & singulos, quos concernit, vel concernet impostetur, ita ardeat atque afficiat, ac si eorū cuilibet personaliter intimata fuisset. Hanc obligationem intellige in foro exteriori, in quo sic publicata lex præsumitur omnibus innoruisse, unde neque in foro cōscientiæ obligat ante aliquod tempus sufficiens, ut possit ad partes ea notitia publicationis peruenire, & in foro exteriori si per euidentēs probationes purgetur præsumptio, pœnam non meretur. Exempli gratia, publicata est Romæ an-

no Domini 1591. nono Cal. Iunij, si quis in Sicilia, in Hispania, aut alio remotiore loco conuincatur; cōrrā fecisse tertio post die, euidentis est tertio die nō potuisse illuc peruenire famam huius publicationis, ideoque ad eam obseruandam non fuisse obligatum.

*Eorundem verò transumptis.*] Cū originales litteræ constitutionis non possint ad varias mundi partes transferri, neque verò aut quid lege constitutum sit, nisi ex ipsius legis tenore cognosci possit, neque reus in iudicio de transgressione contineri, nisi lex in iudicio præsentetur, necesse est transumptis agere, siue manu scriptis, siue impressis. Ideo hoc postremo statuit transumptis etiam impressis, subscriptis tamen publici notarij manu, eandem prorsus fidem haberi, quæ ipsis originalibus haberetur, idque non modò extrà iudicium, sed in ipso etiam iudicio.

§. 13.

**N***Vlli ergo omnino hominum liceat hanc paginā nostræ moderationis, præcepti, mandatorū, decretorū, reductionum, declarationum, prohibitionis, sublationis, abrogationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli, se nouerit incursum. Datum Romæ in Monte Quirinali anno Domini 1591. nono Cal. Iunij, Pontificatus nostri anno Primo.*

LIBER



# LIBER TERTIVS.

## DE INSTITVTIONE ATQVE ORIGINE *immunitatis nostrarum Ecclesiarum in lege Evangelica.*

*De duplici immunitate, civili  
& ecclesiastica; & utrius-  
que causis, quibus constituuntur  
& distinguuntur.*

### CAPVT I.

1. **N**ON detrahit Christiana lex, neque supremorum Principū, neque verò reipublicæ authoritati, quo minus modò possint, sicut semper antea naturali iure potuerunt civiles immunitates, exemptionesque à ciuilibus communitatis oneribus, siue agris bene meritorum ciuiū, siue integris sociorum vrbibus, siue particularibus concedere personis, propter maiora quædam, siue in rempublicam, siue in ipsum Principem, merita, atque officia, quæ vel antea præstiterunt, vel etiā præstāt, quibus ita præ cæteris honorari meruerunt, concedere, quin porius hanc omnē potestatem probat. Quæ etiā confugiorū loca, confugiaque ad Principem statuas vsu longiore tandiu probauit, donec ipse statuarum vsus, ipsa Principum voluntate concidit. Ciuii er-

go minime neglecto genere immunitatis, addidit Ecclesia spirituale aliud, siue sacrum immunitatis genus, quod sacri canones in decretalibus in sexto, atque in Clementinis Ecclesiarum immunitatem appellant, vt in prædictis libris apparet tit. de immunitate Ecclesiarum. Hanc etiam possumus ecclesiasticam immunitatē vocare, 3. vt ipso nomine non vnū solū subiectum, quod est Ecclesia, sed alia etiam intelligantur non modò loca, sed etiam personæ cultui Ecclesiæ Dei, ac Sanctorum dicatæ, neque modò subiecta, sed aliæ etiam causæ contineantur; dicitur enim & potestas ecclesiastica, à qua huiusmodi immunitates fluunt, & finis ecclesiasticus, nempe Dei, & Ecclesiarum honor, ac reuerentia, & ecclesiastica forma atque substantia.

Verum vt facile cognoscamus 4. quibus rebus utraque consistet, quibus altera ab altera distinguatur, & quod suprà lib. 1. cap. 2. paucis tetigimus, plenius cognoscamus: sunt in ambabus quatuor causarum genera serid ac diligenter inuestiganda, materialis, formalis, efficiens, & finalis. Ad materialem non modò subiecta materia pertinet,

net, nempe onus à quo immunitas liberat, sed etiam subiectum cui ab eo onere immunitas libertasve conceditur: formalis, cum in morali-  
bus versetur, coincidit cum finali.

5. Causa quidem materialis obiectiva, circa quam immunitas versatur, seu res onerosa, à qua eximit, eadem omnino est in utraque immunitate civili & ecclesiastica. Eximit enim vniuersè loquendo à triplici illo onere, de quo loquuti sumus lib. 1. cap. 1. cuiusmodi sunt, onera personalia subire, vectigalia, & gabellas solvere, & munera obire in republica. Onera personalia alia sunt solum laboriosa, vt angariæ & perangariæ: alia fordida, vt calcis & cloacæ: alia laboriosa simul, & quoad bona externa periculosa, vt onus tutelæ & curæ. Vectigalium nomine veniunt & gabellæ, decimæ, ralliæ, præstantiæ, capitationes. Namine munus veniunt magistratus omnes, & publica officia in republica. Modò circa hæc, utraque immunitas versatur, vel enim eximit ab his omnibus, quod facit ecclesiastica, vel ab aliquo, seu aliquibus tantum, quod est civilis immunitatis proprium. Per-  
6. rarò enim eximit ab officiis honoratis, ac magistratibus; quò enim quisque magis benemeritus est de republica, eo dignior est, vt publicis muneribus præficiatur. Neque facile eximit hæc civilis ab onere tutelæ & curæ, nisi exprimat. quanquam ab hoc solo interdum eximat propter peculiar-  
7. res causas, communiter verò eximit solum à soluendis vectigalibus, quam exemptionem, fran-

P. Gambac. de immunit. Eccl.

chiciam Italicè vocamus, Latine libertatem, quasi obligatio ad ea persoluenda seruitus quædam sit. Ecclesiastica verò immunitas semper ab his omnibus eximit, etiam ab officiis secularibus quantumcunque honoratis: quamquam non eximat ab officiis, muneribus, & dignitatibus ecclesiasticis clericorum propriis, & ad Dei cultum natura sua ordinatis, quamuis ab his interdum eximat per specialia priuilegia, sicut benignè eximit nostræ huius minimæ Societatis Iesu professos ab omni ecclesiasticæ dignitatis gradu extra religionem acquirendæ, quod fecit cum Societatis regulas, constitutiones, & institutum, quò se professi ad hæc non acceptanda voto obligant, confirmavit, quæ inter primas, & summas gratias à sede Apostolica obtentas ab vniuersa Societate semper habita est. Precor enixè Deum, vt hanc mercedem perpetuò in vniuersa Societate conseruet, quam in ipsis eius fundatoribus immobilem, & in-  
9. concussam magno Societatis incommodo experti sumus. Quo loco illud obiter aduertendum, per hoc votum non acceptandi illam ecclesiasticam dignitatem à nobis commissum, & ab Apostolica sede confirmante nostri ordinis instituta acceptatum, atque approbatum, professos nostræ Societatis non solum immunes fieri ab his dignitatibus, sed redè etiam ad eas inhabiles, ita ut si quis nostrorum professorum, aut eligeretur in Episcopum, aut postulareretur, nulla omnino, atque invalida esset electio, nulla, & invalida postulatio, tanquàm facta de persona ineligibili, & impostulabili, nullumque per eam ius, P. aut

aut electus, aut postulatus acquireret, quo sit, ut si ad summum Pontificem pro confirmanda electione, aut postulatione recurreretur, non esset satis confirmatio, nisi obrineretur prius habitatio. Quando verò ipse Rom. Pontifex per seipsum sciens, & prudens aliquem ex professis Episcopum, vel sanctæ Romanæ Ecclesiæ Cardinalem crearet, non opus est clara externa habilitatione, sed eo ipso quòd prudens & sciens facit, præsumeretur habilitasse. <sup>10.</sup> Causa subiectiva immunitatis duplex est, persona & locus. Aut enim personis, aut locis immunitates conceduntur suæ cuique propriæ. Non enim omnis immunitatis, quæ personæ conceditur, capax est locus, neque <sup>11.</sup> è conuerso. Quædam enim sunt immunitates, quæ tam personis, quàm locis competunt, ut est immunitas à vectigalibus, quæ agris etiam ipsis concessa aliquando legitur. <sup>12.</sup> Alia est immunitas quæ solis competere potest hominibus, & non locis, ut ab oneribus cloacæ & calcis, tutelæ & curæ, ac publicorum officiorum, quorum munus locus capax <sup>13.</sup> non est. Alia est locorum propria; non hominum, ut fuit semper, estque hodie immunitas confugij, quæ certis vrbibus, staruis, templis concedi consuevit, quauis & Diali Flamini, & vestali virgini aliquando concessum quid simile sit. Subiectina ergo causa immunitatis ecclesiasticæ sunt personæ, ac loca dicata Deo, cuiusque cultui. Personæ quidem ecclesiasticæ, cuiusmodi sunt clerici, & religiosi tam regulares,

quàm militares; religiosi, dico, siue iam professi, aut alioqui iata verè per vora simplicia religiosi, siue etiam nouitij, qui viam iam ingressi sunt ducentem ad religionem; siue demum religiosi clerici, siue laici, siue commissi; siue conuersi, siue etiam tertiarij viucentes gregatim, clerici à prima tonsura vsque ad supremos ordines, sacerdotalem, aut etiam episcopalem; loca verò Deo dicata, ut sunt Ecclesiæ siue consecratæ, siue non consecratæ, cæmeteria, siue sint cum Ecclesia coniuncta, siue quàm longissime remota, monasteria, &c. Immunitatis verò temporalis & laicæ, sunt non modò personæ laicæ, sed etiam ecclesiasticæ, & loca non solum prophana, sed etiam sacra, & Deo dicata. Potest enim Princeps laicus propter meritâ alicuius, vel aliquorum clericorum temporalia in republica concedere illis aliquam nouam exemptionem, ac libertatem, v. g. quia vim hostium depulerunt, quia grassantis epidimiæ tempore agrotantium curam non modò spiritualem, sed etiam temporalem gesserunt, locis verò, quia laici Imperatores Ecclesiis immunitatem tam à vectigalibus, quàm erga criminosos confugas lata lege concesserunt.

<sup>16.</sup> Formalis causa dici potest ipsa forma legis, statuti, priuilegij, quo immunitas conceditur, conditionesque limitationes, & ampliationes, quibus aut restricta est, aut ampliata, aut certa ratio, formaque præscripta, ex qua vim omnem immunitatis habet, aut si formam, sicut in moralibus at-

tenda

tendamus, quatenus cum sine coinciderit, eandem cum sine formā assignemus.

17. Finalis causa tanquam in finem tendit in Dei honorem, ac reuerentiam, & sanctorum eius, sanctorumque locorum. Hunc enim honorem habuit Deus Pharaos Aegypti Rex, sub quo fames illa valida omnem circa regionem annis septem usque adeo diuexauit, ut cum Iosephi sapientissimi atque à Deo priuatim edocti consilio, quem amore praefecit, vbertatis tempore ingentem frumentorum vim in sua horrea comportari fecisset, totis sterilitatis annis, ita & suis & vicinis populis alimoniam ministravit, ut terram eorum vniuersam, pro alimoniae pretio sibi emeret, excepta terra sacerdotum, quibus cibaria ex horreis publicis gratis semper dedit. Rursum cum de nouo Aegypti per Iosephum frumenta in cibum atque in sementem daret, hac conditione illis omnia suppeditauit, ut quintam partem fructuum Regi in perpetuum soluerent, ab eodem vectigali terram sacerdotum immunem etiam fecit, ut habetur *Gen. 47.* & refertur *cap. non minus, de immunit. Ecclesiar.* Ministros enim sacerdotum sacerdotes idcirco immunes esse voluit ab his oneribus, vel quod propter Dei (cui seruiunt) reuerentiam hunc honorem metuerunt, vel quod, ut commodius diuinis vacarent rebus, minus eos occupari expediret, rebus ad vitam necessariis conquirendis. Propter hunc eundem Dei honorem, ac reuerentiam habuere clerici in le-

ge Christiana immunitatem à vectigalibus atque ab omnibus civilibus, ac secularibus oneribus, ut diuinis obsequiis mancipati liberius per occupationes, & commodius per rerum abundantiam, Deo vacare possent propter eundem Dei honorem, Ecclesiae libertas sunt, à placitis negotiis & causis sanguinis in eis agitandis, ne domus Dei fiat domus negotiorum. Propter eiusdem honorem clerici à laica sunt iurisdictione exempti, & Ecclesiis omnibus concessa confugij immunitas, ut siue rei criminum, siue obtrati, siue senis ab iis, quorum interest, conquisiti, in Ecclesia capi, constringique nequeant, quin eis de vita, deque omni poenarum genere prouideatur prius sub debita cautione.

Finalis verò causa immunitatis civilis multiplex esse potest, prout multa potest respicere reipublicae commoda temporalia. Exempli gratia, immunitas confugij ad statuas, vel palatia Principum, pro fine illud habet reipublicae bonum, quod in Principis amore ac reuerentia positum est, amant enim ac reuerentur eum, per quem tanta commoda consequuntur. Immunitas militum à vectigalibus respicit reip. defensionem, ut hoc alleci commodum promptius, & ardentius, quoties opus est, in hostes irruant, & rempublicam tueantur, immunitas eorum qui duodecim filios viuos reipublicae stuerunt, illud respicit reip. commodum, ut alendorum filiorum cura maior habeatur, & resp. ciuibus abundet.

Immunitas demū cuius concessa, siue propter sua in temp. merita in illud reip. bonum tendit, vt & resp. grata esse erga benemeritos cognoscat, & alij animos sumant ad benemerendum de eadem pari spe præmiorum. Alios demum habere potest temporales fines ciuiles ad alia, siue ipsius Principis, siue reipublicæ commoda, vtilitatēque ordinata.

19. Neque verò causa efficiens eadē est ciuilis atque ecclesiasticæ immunitatis. Quamnis enim iidem aliquando supremi Principes fuerint, qui vtramque concesserint, propterea quoddā simul, & supremi Principes erant, & summi Sacerdotes, non eadem tamen auctoritate id faciebant, sed auctoritate supremi Principis ciuilem, auctoritate summi Sacerdotis spirituales, siue ecclesiasticam concedebant, sicut & hodie in Rom. Pōtifice vtrāque agnoscimus, ac profitemur, in suo temporali statu saltem, & supremi Principis, & summi Sacerdotis potestatem, qua possit vtramque immunitatem concedere. Idēque aliquādo vidimus in quibusdam prælatis ecclesiasticis, siue sanctæ Romanæ Ecclesiæ Cardinalibus, qui supremorum Principum sanguine progeniti, & ad ecclesiasticas dignitates promoti deficiente maiorum suorum linea, ac deueniente ad eos legitima successione, regnorum curam suscipere. In aliis quoque prælatis (quod frequētius vsu venit) id apparet, qui omnium, vel aliquarum ciuitatum suæ diocesis domini temporales sunt, quæve regnorum gubernationi propter eximiam prudentiam, præficiuntur, qui omnes coniun-

ctam habentes hanc vtramque potestatem ciuilem, & ecclesiasticam, vtramque immunitatem ex diuersa tamen potestate concedere solent.

Ciuilis ergo immunitas effi- 10.  
enter à ciuili, seculari, siue laica potestate conceditur, quæ in supremis Principibus vniuersaliter residet, vt eam alicui generi hominū, in vniuerso suo dominio concedere possint, Principibus verò particularibus, ac dominis competit immunitatem concedere, quoad particularitatem in singulis communitatibus, & dominiis sibi subiectis, & onera pertinentia ad ipsam communitatem, vel dominium, nō quoad ea quæ ad supremum Principem pertinent. Ciuilis autem ab ecclesiastica potestate Christi institutione distinctæ fuere. *can. cum ad verum. d. 86.* & ecclesiastica supremo Rom. Pontifici attributa, temporalis verò Imperatori in primis, deinde Regibus, ac supremis Principibus non recognoscentibus superiorem attributa. Per Rom. Pontificem habentem vniuersalem potestatem, specialis potestas amplior, aut strictior ad eos qui infra ipsum sunt prælatos deriuatur pro cuiusque dignitate, ad Patriarchas, ad Primates, ad Archiepiscopos, ad Episcopos, ad alios inferiores prælatos, siue seculares, siue regulares. Vt licet possit quilibet prælatus aliquam particularem immunitatem concedere, tamen ecclesiasticam immunitatem vniuersalem, aut toti ordini clericali, aut omnibus Ecclesiis concedere solius Rom. Pontificis potestati competat.

Ex his ita assignatis vtriusque 21.  
finem

immunitatis causis facile est colligere, quot, & quæ ad utramvis constituendam, & ab altera distinguendam necessarîo concurrere debeant. Palàm est enim nullâ causarum per se solam ad id sufficere: non enim sola efficiens causa sufficit, cum & de Ecclesiæ immunitate non pauca extent Imperatorum leges, atque integri in codice tituli, omni etiam ecclesiastico iure antiquiores. Et Rom. Pontifex sua ecclesiastica potestate per ecclesiasticas censuras temporalia bona naufragantium ubique terrarum Christianorum, à prædonum, latronumque manibus bona nauigantium à piratarum incurfibus, victualia quæ in urbem transferuntur ab eorundem latronum, personas ipsas Romipetas à cuiusvis violentia suis Apostolicis sententiis immunes conseruet. Neque verò sola materialis, cum præne communis sit utrique materia: neque sola obiectiua, cum clerici sint ciuilibus immunitatis propter ciuilem causam capaces. Nec sola finalis, cum & Imperatores concedenda immunitate Dei, & sanctarum Ecclesiarum honorem se intendere suis legibus protestati sint, & aliqui Romani Pontifices ciuile Christianorum commodum suis nonnullis immunitatibus concedendis spectent, ut est illa de piratis, & bonis naufragantium. Quauis enim finis in moralibus speciem tribuat interioribus actibus voluntatis apud Deum, non specificat tamen illos apud Ecclesiam, quæ exteriora respicit, quæ apparent, & per testes probari possunt, cum enim non habeat vim obligandi ad illum Dei cultum, illamque reuerentiam,

lex ciuilibus, quatenus ciuilibus est, nisi quatenus per Ecclesiam probatur, aut recipitur, ecclesiastica esse, ut à Principe procedit, minime potest. Rursumque cum à Papa conceditur immunitas spiritalis auctoritate spiritali, ut ex eo apparet quod poenam spirituales apponit, ciuilibus immunitas censenda non est.

Necessarius ergo est, ut minimum, duarum causarum incurfus, efficientis scilicet, & finalis. Cum enim immunitatem concedere proprie, & priuilegiatè, actus sit iurisdictionis in materiâ ipsam circa quam priuilegiat, & in personam quam priuilegiat, ut posterius dicitur in hoc ipso lib. Sicut neque Princeps, secularis potestatem habet circa cultum Dei, neque Pontifex Romanus circa ciuilia bona Principum, ita non est spiritalis Principum immunitas circa spiritalia, neque temporalis immunitas Pontificis circa temporalia, propterea quod in illa potestas, in hac verò finis spiritalis desideratur. Hinc apparet primo eas omnes immunitates, quas Rom. Pontifex concedit bonis naufragantium, deferentibus ad urbem victualia, nauigantibus, cæterisque similes ciuiles esse propter temporalem finem, quem respiciunt, etiam si pontificia potestate eas concedat, quia potestas Pontificis extenditur etiam ad temporalia in protectione miserabilium personarum; immunitates etiam quas Rom. Pontifex concedit militibus, & bene meritis de Rom. republica propter seruitia secularia illi præstita, ciuiles pari ratione censeri; etiam si priores pontificia auctoritate concedat

24. dat. Secundò apparet immunitatem fori, quas officiales, familiaresque sancti Officij à laicorum iudicium iurisdictione liberi, tam in civilibus, quam in criminalibus in hoc Sicilia regno ipsis Reuerendissimis Inquisitoribus Serenissimorum Catholicorū Regum auctoritate subiecti sunt, civilem esse, non ecclesiasticam, etiamsi ad spirituale bonum sit ordinata, ut iidem officiales, familiaresque præstò sunt iisdem Inquisitoribus contra hæreticos, quoniam tota à civili Regum potestate orta est, cuius iurisdictionis occasione (nescio autem cuius culpa) cum tam multi quotidie rumores in republica & scandala oriantur, rogandus est Deus, ut aliquod efficax remedium adhibeatur, & eius qui culpabilis esse solet, audacia (quisquis ille sit) comprimatur: perturbant enim valde, & supra quàm credi potest reip. quietem, & pacem, tam multæ, quæ quotidie excitantur tragediæ, quas cum ingenti cordis dolore vidimus, & totis aliquando viribus impedire conati frustrà nos laborasse doluimus.

25. Tertiò immunitatem illam olim uniuersalem Christianis omnibus imperiali lege concessam, vt liceret cuique Christiano civilem litem habenti in quacunque instantia, ac parte iudicij, siue actor esset, siue conuentus, etiam contradicente parte ad Episcopum pronocare, negotiūque totum ad eundem deuoluere. Vtique Episcopi sententiæ stare pars ipsa citra appellationem teneretur, de qua immunitate Gratianus multa refert *can. quicumque, can. omnes, & can. volumus, c. 1. q. 1. & c. 11. in c. noueris. de iudic. cau-*

lem immunitatem fuisse, quod civili orta auctoritate civilem finem respiceret. Quartò immunitatem laicæ familiæ Episcopi laicorum, religiosorum, siue militum, siue ordinum regularium, aut etiam nouitiorum, & aliorum seruientium monasteriis cum habitu religionis, ecclesiasticam esse, quoniam ab ecclesiastica Pontificum auctoritate propter spiritualem finem illis tributa est. Quintò immunitatem confugij, quæ palatio Episcopi, iure canonico concessa est, esse etiam spiritualem, nam & spirituali potestate, & propter reuerentiam episcopalis dignitatis concessa est. Sextò, de immunitate palatiorum oratorum, qui suorum supremorum Principum nomine assistunt apud Rom. Pontificem, dubia mihi res est: ex consuetudine enim orta, quæ per Pontifices scita & tolerata vim legis obtrinet, & videtur spirituali auctoritate fulciri. De fine tamen non constat spiritualisne, an temporalis sit, num pro sedis Apostolicæ reuerentia, quod ad spirituales finem vergeret; an pro temporali eiusdem splendore, quod ad temporalem finem pertinet, dirigatur. Mihi probabilius videtur ecclesiasticam dici, propterea quòd ille ipse temporalis sedis Apostolicæ splendor ad eiusdem sedis reuerentiam, atque ad ostendendum Christiani Vicarij principatum pertinet, & ad B. Petri honorem. Septimò & vltimò immunitatem nostrarum Ecclesiarum, siue ex populi consuetudine, siue ex Principum lege primò ortam, per generalia, & provincialia consilia postea, perque Rom. Pontifices, & sacros



sacros canones, & Patrum decreta sancita, aucta, ordinata & limitata simpliciter spirituales esse, & ex efficiente causa adeo aperte ecclesiastica auctoritate nitatur, & ex fine, cum adeo evidenter ad ipsius Dei, & sanctorum eius, ac sacrarum Ecclesiarum honorem, ac reuerentiam ab initio ordinata, & tanto tempore retenta, tamque inuiolabiliter obseruata fuerit.

*Quotuplex sit immunitas ecclesiastica, & de qua nobis in hoc Commentario agendum sit.*

## CAPVT II.

1. **Q**UAMVIS ecclesiasticæ immunitates non modò ciuili, sed etiã canonico constitutæ multæ, ac variæ sint, omnem tamen earum multitudinem ordinis & doctrinæ gratia ad tria præcipuè capita facile est reuocare; vt aliæ personis computant, locis aliæ, atque aliæ demùm rebus ipsis, siue bonis Ecclesiarum & ecclesiasticarum personarum, primæ personales, secundæ locales, reales terræ vocantur.

2. Personales immunitates personis ecclesiasticis concessæ quatuor numerantur. Prima, atque potissima ipsarum personarum conseruationi intentata est, quas ab omni vi priuata tuetur, ac protegit, vt clericorum personæ à nemine lædi possint, quæ in priuilegio canonis tota posita est, *can. si quis suadente diabolo. 17. q. 4.* vbi quicumque violentas manus in clericos personasque ecclesiasticas iniiciunt, maioris

excommunicationis poenâ incurruunt, quæ sententia excommunicationis si grauis sit percussio, ipsi Rom. Pontifici reseruata est, si verò leuis, per Episcopum potest. Huc reduciẽt dispositio Clementinæ *Multorum, de poenis*: qua eorundem clericorum personæ defenduntur contra vim dominorũ temporalium, ne ab eis (quod antea solebant) capi, ac detineri queant; donec suã beneficia relinquunt, vel ne impediatur, quo minus ab Apostolica sede citati, eò se conferant causam dicturi. Quamvis enim beneficiorum ecclesiasticorum intuitu has molestias intulerint, ipsas tamen personas lædebant, eas capiẽdo, captasque in custodia detinendo, contra hos dominos, si hæc de cætero attentare præsumpserint vltra, sententia canonis *si quis suadente*, aliæ quoque poenæ in dicta Clementina constitutæ sunt.

3. Sed præterea specialibus adhuc sententiis & constitutionibus Apostolicis protegentur ab eadem vi tam priuata, quàm publica maiores prælati, Episcopi, & S. R. E. Cardinales, nam & inter sententias legi solitas in die cœnæ Domini vna est contra percutientes, capientes, carcerantes, detinentes, vel hostiliter insequentes S. R. Ecclesia Cardinales, Patriarchas, Archiepiscopos, Episcopos, sedisque Apostolicæ legatos ac nuntios, aut eicientes eosdem de suis dioccesibus, territoriis, terris, seu dominiis, & hæc mandantes, rataque habentes, seu dantes auxilium, consilium, seu fauorem, de qua re abundè à nobis dictum est in cõmentariis in Bullâ cœnæ

verò aut. locum amittat, aut id quod euicerit, perdat, atque hæc in eo decreti loco. Sed extant præterea de eadem clericorum immunitate fori integri tituli, tam in decretalibus, quam in sexto, & Clementinis, quibus pleraque horum quæ iam dicta sunt confirmatur, & præcipue in c. si diligenti, de foro competenti, confirmantur pœnæ can. ino-

8. lita, & can. placuit. Tertia est immunitas personæ clericorum ab officiis, & muneribus in rep. exercendis, intellige laicis. Primò quidem à procuratoribus villarum atque ab officio iustitiarum, per expressum textum in c. sed nec procuraciones. ne clerici, vel monachi, ubi id confirmatur ex Apostoli doctrina dictis: *Nemo militans Deo, implicet se negotiis secularibus*. Quod idem ciuili quoque iure statutum erat in l. placet. Cod. de Episcop. & cler. Qua lege clerici vniuersalius quoque eximuntur ab omnibus actionibus publicis, & ad

9. curiam pertinentibus, & ratio adducitur, quoniam clerici corpori communitatis, aut curiæ secularis adnexi non sunt. Vnde & Innoc. in c. dilecta, de excessibus prælatorum, docet clericos neque esse de vniuersitate, neque vocem in ea ha-

10. bere posse. Secundò immunes sunt ab officiis militariis, non enim possunt esse generales totius exercitus, neque capitanei, neque ceterationes, neque alia similia officia in bello gerere; neque votò nauibus ad bellum procedentibus præesse. c. quod in dubio, de pœnis. Ac certè si pacis munia obire nequeunt, multo minus hæc potestunt, quæ fundendo humano sanguini sunt intenta, à qua sanguinis effusione clericos tanquam Christiani agni mansuetissimi ministros, vt suo capiti cõ-

P. Gambac. de immunit. Eccl.

formentur alienissimos esse oportet. Quod autem dicit Specul. tit. de dispensat. §. iuxta. n. 57. posse clericos iusto bello præesse vt disponent negotia, sumptus ministrent, tractatus teneant, comportari faciant comæatus, sententias proferrant, quo munere in bello gesto in Romandiola per Romanam Ecclesiam contra rebelles quasdam vrbes se functum esse proficitur, hoc, inquam, non ira simpliciter, vt iacet, intelligendum est, quasi hæc omnia clericis per se liceant, etiam in bello gesto per Principes seculares, loquitur enim de bello per Romanam Ecclesiam gesto, Romana enim Ecclesia vti solet etiam suis personis ecclesiasticis, vittute ac prudentia insignibus, & solum intelligendum est quoad vitandam irregularitatem. His enim officiis in bello gerendis irregularitas incurri non potest, cum fundendo sanguini non vacent. Aliàs autem hæc mûnera in bello suscipere clericus, nisi aut vrgentè necessitate, aut de prælati licentia non debet.

Tertiò multo magis immunes esse debent ab omni sanguinis iudicio, quod est illis sub grauissimis pœnis per sacros canones interdictum. c. clericis, ne clerici, vel monachi. Quar-

13. tæ neque minus immunes sunt ab illis officiis, quæ, quoniam neque honorem aduexum habent, vt magistratus, neque verò dedecus, vt munera fœdida cloacæ vocari solent mûnera media, cuiusmodi sũt mûnera tutoris, & curatoris, siue pupillorũ adulescentium, siue adultorũ, qui, propterea quod aut amecet; aut muti, aut surdi sunt, aut seipos regere, & rem suam administrare nequeunt; curatoribus egent. Neque verò à testamentaria tutela

tela solum, sed etiam à dativa, atque legitima immunes clerici sunt, ut ad eam cogi nulla ratione possint. *l. generaliter sancimus, Cod. de Episcopis & clericis, & can. generaliter 16. q. 1. ubi lex illa civilis canonizata est.* Hinc & in Chalcedonensi Concil. expressè prohibitum est, ne quis ex testamento clericum tutorem, curatoremve instituat, & sub ea gravissima pena prohibitum, ut pro eo oblationes ad altare deprecationisque fieri non possint, nec sacrificia celebrari. *can. Cyprianus 21. q. 3. & can.*

14. *neque apud altare. d. 88.* Excipitur solum legitima tutela quam possunt clerici recipere, si voluerint, licet neque cogi ad eam, neque ex testamento institui possint. *can. pervenit d. 86. iuncta gl. in v. Tutelas,* quæ excipit Episcopos & monachos. *per leg. Presbyteros, Cod. de Episcopis & clericis, & per §. amabiles, in Auth. de sacrosanctis Episcopis.* Addit gl. ibidem fortassis his legibus detractum esse per prædictum canonem *pervenit, d. 86.* ut probabile sit etiam his licere. Ego verò quicquid sit de Episcopis, certè de Monachis cæterisque personis regulatibus ordinum, qui solenni paupertatis voto tenentur adstricti, certum atque indubitatum esse arbitror, nec posse huiusmodi tutelam acceptare, cum non sine gravi paupertatis præiudicio aliorum pecunias, hereditatesque tractare queant, nec habeant, unde refarcire damna possint in ea administratione illata. Quarta, & postrema, personalis clericorum immunitas non solum modo personas concernit, sed aliorum etiam ad eos pertinentium,

nempe mancipia Ecclesie, uxores clericorum conjugatorum, qui Ecclesie serviunt, familiam, & colonos, cultoresque agrorum, tam Ecclesie, quam clericorum, omnes enim sunt immunes à muneribus fordidis, cloacæ, arenae fossari, purgandi stabuli, ceterisque similibus. *can. generaliter, & novarum, 16. q. 1. & §. placet.* Quod idem Constantini & Honorij Imperatorum legibus antea erat indultum. *l. 1. & 2. Cod. de Episcopis & clericis, & l. Federici Imperatoris, nulla communis, C. eod. tit.* quia omnibus communitatibus interdictum est, ne villas angarias, vel perangarias Ecclesiis suisque imponant locis, & *l. ad instructiones, & l. neminem, Cod. de sacrosanctis Ecclesiis.*

17. Localis ecclesiastica immunitas duplex præcipue reperitur, una, ne quædam in ipsis Ecclesiis fiant, altera, ut confugientes ad eas tuti sint. Prior multiplex est, scilicet materialiter, iuxta multa quæ in eis fieri prohibentur. Primum prohibitum est fieri in eis placita, causasque, seculares tractari; formari denique processus, in causa præsertim sanguinis sententias sanguinis profecti. *c. 1. & c. omni Ecclesia, de immunit. Eccles. & can. accusatum 2. q. 7.* secularia enim negotia tanquam profana loci sanctitati, causæ verò sanguinis Christiani mansuetudini, qui sponsus est Ecclesie, aduersantur. Omnis processus & sententia iudicis secularis, atque omnia per eum gesta in Ecclesia sunt ipso iure nulla, atque omnino inualida. *c. decet, §. ordinarij, de immunit. Eccles. lib. 6.* sententia verò sanguinis

- guinis sub grauissima anathematis poena in Ecclesia. fecti. prohibetur. *d. c. cum Ecclesia, de immunit. Eccles.* Secundò immunis est Ecclesia, ne in ea fiant conclamationes, impetúsque vniuersitatum, & quarumlibet societatum contètionès, publicaeque parlamenta, aut negotiationes, præcipuè nundinarum. *dec. decret. §. 1. nisi fortè parlamenta pro aliquo pietatis actu facienda essent, vt tenet Io. Andr. & Panormitanus in d. c. cum Ecclesia.*
10. Terriò immunis est, ne in ea exhibeantur ludi theatrales, præcipuè verò cum latuis. *can. semel, de conf. d. 2. & can. quæris d. 4. & c. cum decorum, de vi. & honestate clerico.* nisi ad deuotionem ducant. *d. can. semel, & can. quæris.* Quattò immunis est ne possit incastellari, neque in propugnaculum, vnde bellum geratur, aut vbi qui bellum gerunt recipiantur, ædificari, nisi vt iusta necessitas, & Episcopi accedat auctoritas. est communis Doctorum sententia, & ait Panormit. *in d. c. cum Ecclesia.* Hinc fortasse profectum est, quod sanctissimus Christi Martyr & Archiepiscopus Thomas Cantuariensis cum videret clericos propter venientes ad se occidendum Regis satellitibus currere ad præcludendas Ecclesiæ fores, vt illius vitam hac ratione tuerentur, vetuit id seuerè, dicens, non esse Dei Ecclesiam castrorum more defendendam.
21. Secunda localis immunitas est ne ij, qui ad Ecclesias, cimiteria, monasteria, aliaque loca sacra, & religiosa, quacunque ex causa, paucis exceptis casibus, confugiunt, constringi, capi, catcerati, extrahi, aut damnari ad poenam, nève inibi

per necessariatum rerum subtectionem oblideri vllò modo, nisi iuxta præsentis constitutionis moderationem, possint; qua de immunitate multi canones habentur in Decreto 17. q. 4. & in decretalibus titulo de immunitate Ecclesiarum, quibus hæc constitutio multam adhibet moderationem, & nonos casus ab ea excipit. Sunt præterea de eadem immunitate complures ciuiles Imperatorum leges, *Cod. de his qui ad Ecclesias confugunt.*

Postrema ecclesiastica immunitas rebus ipsis, bonisque tam clericorum, quam Ecclesiarum concessa est, quæ bona omnia tam Ecclesiæ, quam clericorum, siue stabilia, vt sunt prædia ipsa, etiam patrimonialia, siue mobilia, vt sunt prædiorum fructus, cæteraque omnia vtenilia, siue quæ ipsi habent superflua, ac propterea vendunt, siue quæ ab aliis emunt, siue quæ ad suos, & familie vsum deferunt, libera, atque immunia sunt ab omni vectigali persoluendo principi seculari, seu communitati ciuitatis, aut cuiunque alij laico ab omnibus etiam collectis, taxis, talliis, quotis, decimis, ab omnibus pedagiis, & guldagiis, pro transitu pontium, aliisque similibus, pro contractibus emptionum, & venditionum rerum stabilium, censuum, & similibus, exceptis iis quæ negotiationis causa deferunt. hanc immunitatem primus concessit Iustinianus Imperator l. 18. *Cod. de sacrosanct. Eccles.* quæ lex canonizata postea fuit in decreto *can. in qualibet, & can. sequent. 23. quest. 8.* De eadem extat alius *text. in ciuili iure Aub. item nulla*

*communias. Cod. de Episcopis & cler.*  
 In iure can. expressissimè de ea extant textus, *c. non minus, &c. aduersus, de immun. Eccles. c. quinquaginta, de censibus. lib. 6. &c. quia plerique, de immunit. Eccles. cod. lib. 6. 16. in Clement. present. eod. tit.* Quibus iuribus postremis, nec sponte quidam soluere aliquid prædictorum clericis petnissum est, sicut nec laicis exigere à sponte solventibus, aut accipere, nisi de consensu Episcopi cum capitulo, ac de sedis Apostolicæ expressa licentia, idque ea durat necessitate, cui laicorum non suppetant facultates, & obseruandum quod Bonif. VIII. in d. c. quinquaginta, de censibus. lib. 6. narrat Ecclesias, personasque ecclesiasticas ac res ipsarum, non humano modo, sed etiam diuino iure ab huiusmodi oneribus esse immunes, poenamque gravissimam decernit excommunicationis cōtra singulares personas, interdictique contra collegia, & vniuersitates ciuitatum, & locorum latæ sententiæ, si hæc exigant. Quatum censurarum absolutionem, seu relaxationem concedi vetat, donec ea quæ exegerunt, plenariè restituerint: & de ea transgressione competenter satisfecerint. Excipiuntur duo casus, primus est, si clericus negotiationis causa aliquid transferat, &c. Secundus si bona Ecclesiæ, vel clericorum antequam ad eos petuissent erant obligata alicui oneri perpetuo, atque inuariabili ipsi Principi, vel communitati; tunc enim ad Ecclesiam, vel clericos cum onere illo suo necessariò transirent. *Imperatores. ff. de public. excepto pro qualibet Ecclesia transo. vno, & areis; domibus; hortisque iuxta Ecclesiam sitis: ad Ecclesiam per-*

*tinentibus. can. sancitum 23. quest. 8.* Ad extraordinaria verò onera, & de nouo inducta non tenetur Ecclesia; nisi fortè quando accepit prædia, ad id se obligasset; tunc enim teneretur ex pacto. *c. quanto, de censib.*

Huiusmodi muna, siue onera realia triplicia sunt, secundum Syluestrum *4. Immunitas 1. n. 19. versic. secundum munera.* Vnum est:onus rei de eo quod de ea faciendū est, exempli gratia, quod navis, curus, equus alicuius in aliquo seruiat communitati. Alterum de eo quod de re percipitur. exempli gratia, quod detur certa pars fructuum. Tertium de eo quod neque ex re percipitur, neque in re ipsa est, cuiusmodi est, exempli gratia, tertū annuū censum persolvere: ex his primum tantum muneribus adnumerari potest, cætera verò realibus oneribus potius quam muneribus.

Nobis absoluta lib. primo tractatione de asylis, ac cæteris quæ apud gentes fuere confugiorum locis, in hoc toto commentario de secunda locali immunitate confugij ad Ecclesias solummodo tractandum est, de qua textus præsentis constitutionis multa disponit.

*Immunitatem confugij, Ecclesiis Christi multis nominibus debitam fuisse.*

### CAPVT III.

**N**E mireris, oro, pie lector, si dici à me videas debitam fuisse Christi Ecclesiis in lege Christiana

stiana confugij immunitatem, & multis nominibus debitam, debitam enim iure voco, non quod aliqua, neque diuina, neque humana lege statutum esset eis debere concedi, sed debitam multis nominibus: id quod & ratio postulat, & gentium omnium exempla monēt, & ad Dei cultum, ac reuerentiam semel excogitarum multo magis decet, expedit, atque adedō necesse est Christi Ecclesiis tribui: cū enim, aliis aliarum religionū, ac sectarum templis non paucis, quæ vel inania, atque execranda erant dæmoniorum domicilia, vel nostrarum Ecclesiarum vmbratilis quædam figura, ac typus, hæc eadem immunitas impensa, ac studiosissimè seruata fuerit per barbaros homines, religionis veræ omnino rudes, carnales, & duræ ceruicis, certè, & ratio postulabat, & Christianæ fidei, ac religionis veritas, & Christiani populi pietas, & Martyrum Christi sanguine rutilantes Ecclesiæ iure suo rātyndem immunitatis exigebāt, & sacerdotum, Episcoporum, Romanorū Pontificum, spōsorum Ecclesiæ, quibus Ecclesiarum cura, cultus, reuerentia commissa est, ferre non poterat hoc honore sponsas suas particulares Ecclesias, ac sponsam Christi, & successorum eius Ecclesiam vniuersalem: hoc honore priuari. Propterea exequar hoc capere rationes varias, seu nomina & titulos, propter quos is honor Christi Ecclesiis debebatur, illōsque ante omnium oculos ponere conabor.

1. Primus ritulus veræ, atque insignis sanctitatis, quam ex ipsius veri, viuūque Dei, & Christi eius præsentia, qui in Christi Ecclesiis

solum, & rectè colitur per veram, perfectamque religionem, quam Christus Iesus verus magister, ac legifer noster ore suo docuit; hic verus Deus peculiari quadam ratione in templis nostris habitat, voraque inibi precantium clementer audit, & exaudit, longè vorius, longèque felicius, quàm aut ipsemet olim habitauerit in vmbratili illo tabernaculo templo Iudæorum, aut quàm dæmonia diu gentiū in suis illis olim templis habitauerint; vnde iubentibus Christianis, Martyribus præfertim, expelli, non rarè visi sunt tanquam de non suo domicilio, ac de ædibus, illis nequaquam conuenientibus. Gentilium porro templis sanctitatem tribuere blasphemum erat, singularem asyli sanctitatem impudentissima non solum blasphemia, sed & dementia, ea autem venerari, superstitio execranda. Memoria recole memorabile illud quod in quadam Arrianorum Ecclesia narrat Sanctissimus Papa Gregorius lib... dialog... cap... dum catholico ritu reconciliaretur, auditum pænè ab omnibus quendā quasi porcorum gemitum inde exeuntium, vt eo signo daretur intelligi eo ipso, quod ab Arrianis hæreticis templum illud hæretico more dicatum erat propter solam hæresim, errorēque in fide desuisse Deum inhabitatorem habere, fuisse autem porcorum, seu dæmoniorum habitationem, qui catholica reconciliatione inde abacti fugerent, & hinc infer, quid sit de asyis, remplisve Gentilium sentiendum, quibus ne ipsius quidem Dei fides inerat, sed in eo adedō turpiter errabant, variæque creaturæ, easque interdū

vilissimas abiectissimisque, & omnis vitæ motusque expertes pro Diis colebant, & humani generis hostes cacodæmones venerabatur.

5. Secundus sanctitatis titulus, propter quem is honor nostris Ecclesiis debebatur, ex inhabitante in eis Christo Dei Verbo incarnato omnis sanctitatis fons, atque authore petitus est, qui in ea, quæ pro nobis nunquam dimissurus assumpsit, carne, reali præsentia in sanctissimo Eucharistiæ sacramento corporaliter in nostris templis habitat, atque ex sanctitate incruentum eiusdem sacrificij, quod in omnibus, & singulis Ecclesius non semel quotidie offertur, immolatur, & sumitur, & ipsis populis ad manducandum distribuitur, ex huius Christi præsentia, & sacrificij sanctitate, tanta in ipsas Ecclesias sanctitas detiuatur, vt cælo ipso quodammodo sanctiores Ecclesiæ putandæ sint; ex eo enim fortiuntur rationem quandam non modò habitaculi Dei, sed etiâ regij thalami nuptialis ipsius Christi sponsi, secreti cubiculi, cellæ vinariæ torcularis, in quo Christi sanguis exprimitur, quo populi abluuntur, redimuntur, potantur, & saginantur.

6. Tertius est titulus sanctitatis Ecclesiarum, inhabitatio Spiritus sancti, qui largitor est, & distributor omnis sanctitatis, fons plenus, atque origo superflueas, atque indeficiens omnis sanctitatis, à quo omnis etiâ ad populos sanctitas, in ipsiusmet Ecclesiis, deriuatur. Nam Ecclesiæ sacramenta, quæ sunt gratiæ, & sanctitatis instrumenta in Ecclesiis præne omnia conficiuntur, ac ministrantur, siue ad remissionem peccatorum, atque ad primam conferen-

dam gratiam, & sanctitatem conferantur, vt sunt Baptismus, & penitentia, siue cortobandam gratiâ ad strenuè cum hostibus præliandum, vt est sacramentum Christianitatis, siue ad nutriendum vitam spiritualem, vt in sanctitate conferuemur, atque crescamus, vt est sacramentum Eucharistiæ, sacramentorum omnium augustissimū, siue ad multiplicandam sobolem & prolem mundo ac Christo generandam, cuiusmodi est sacramentum matrimonij; siue ad spiritualem propagandam sobolem, quod facit sacramentum Ordinis, omnia in Ecclesia perhici, ac ministrari, quæ omnia sacramenta præter gratiam gratum facientem, quam siue conferunt, siue augent, suas etiam speciales gratias, ad suos speciales effectus, ad quos sunt ordinata, in Christianorum mentibus infundunt, ac tanta copia infundunt, quantam vix cuiusquam mens, aut cogitatio capere potest. In eisdem Ecclesiis simul cum gratia per inhabitantem spiritum septem eiusdem spiritus dona fidelium cordibus dantur, donum sapientiæ & intellectus, donum consilij, & fortitudinis, donum scientiæ, & pietatis, ac donum timoris Domini, quæ ferè semper in ipsiusmet sacramentis communicantur.

Quartus est titulus sanctitatis, quæ habet nostræ Ecclesiæ ex eam solenni consecratione. Recole verba, quæ Moyli à Domino dicta sunt, cum in viso in rubo igne lucente quideam in eo, non tamen ardente illuc accedere cogitaret, à Domino iussus est soluere calceamenta de pedibus suis, propterea quod locus in quo staret terra sancta esset. Recole quæ sapientissimo

Salomoni responsa sunt, cum consecrato templo, multisque ac paucis innumeris mactatis victimis, longissimas, ardentissimasque Domino preces obtulisset. 2. Reg. 9.

8. *Exaudiui, inquit Deus, orationem tuam, & deprecationem tuam, quam deprecatus es coram me sanctificavi domum hanc, quam adificasti, ut poneret nomen meum ibi in sempiternum, & permaneat oculi mei, & cor meum ibi in sempiternum.* & 2. Paralipom. 7. *Elegi locum istum mihi ( id est, templum ) in domum sacrificii, elegi & sanctificavi locum istum ut sit nomen meum ibi in sempiternum, & permaneant oculi mei, & cor meum ibi cunctis diebus.* Ex his ita ratiocinemur, si locus, in quo Dominus apparere solum Moyse dignatus est, ita ab eo sanctificatus est, ut propter eius reuerentiam nudis pedibus illuc accedendum esset, si Salomonis templo, in quo animalium immolabantur carnes, hircorum, vitulorum, taurorum tantam idem Dominus sanctitatem impertit, ubi nullæ certæ preces, nullæ solemnes ceremoniæ ad eam operandam sanctitatem erant adhibitæ, ut propterea oculos suos, & cor suum ibi perpetuo affuturum esse polliceretur Deus, quantam sanctitatem putandum est ab eodem nostris Ecclesiis esse impertitam? quæ adeo solemni ceremoniis, ritibusque consecrantur, & quidem conceptis verbis, quibus Episcopus partim impertit, partim deprecatur à Deo sanctitatem.

9. Aduerte, oro, preces, obsecrationes, sacras actiones, ceremonias, unctiones, quæ in Ecclesiarum consecratione adhibentur à Pontifice; multum enim habent momenti, aptissimæque sunt omnes

ad excitandam in omnium fidelium animis magnam erga Ecclesias reuerentiam, & deuotionem. Non licet singula recensere, ne longus sim, quæ sunt maiora solum in medium adducam. In litanis, quæ in Ecclesiæ consecratione cantantur, hi præcipue versus adduntur: *Vt Ecclesiam, & altare hoc consecranda benedicere digneris, te rogamus audi nos.* Rursum, *Vt Ecclesiam tuam & altare hoc consecranda benedicere, & sanctificare digneris, te rogamus audi nos;* atque iterum tertio, *Vt Ecclesiam & altare hoc consecranda benedicere, sanctificare, & consecrare digneris, te rogamus audi nos.* In prima etiam eiusdem consecrationis præfatione, quæ super aquas cantatur, hæc verba habentur: *Benedictionis auctor, saluis origo te suppliciter deprecamur, fac, quaesumus, ut imbrem gratiæ tuæ super hanc domum cum abundantia tuæ benedictionis infundas.* In secunda præfatione erat Ecclesia dicens, *Descendat quoque in hanc Ecclesiam tuam Spiritus sanctus tuus septiformis gratia ubertate redundans, & paulo post clamat inuocando, O beata sancta Trinitas, qua omnia purificas, o beata maiestas Dei qua cuncta complex, o beata & sancta manus Dei, quæ omnia sanctificas, omnia benedixit, o sancte sanctorum Deus, tuam clementiam humillima deuotione deposcimus, ut hanc Ecclesiam tuam per nostræ humilitatis famulatum purificare, benedicere, & consecrare perpetua sanctificationis tuæ ubertate digneris.* Demum in tertia atque vltima præfatione orat dicens, *Templum istud benedicere & sanctificare digneris, & paulo post precat, Assistent Angeli claritatis, & sancti Spiritus illustratione præfulgeat.* Et cum consecratio



grationis officium adeò prolixū sit, vt vix quinque horis perfici possit in singulis pænè verbis, sanctitas ei loco à Deo poscitur, eadem innumeris pænè sacris actionibus, quæ in eadem consecratione adhibentur, significatur, vt credendum sit, tam solemnem ritum Spiritus sancti instinctu ordinatum, insignem Ecclesiis sanctitatem impertiri, ne maius (quod nefas est) esse credatur. Quod ipsum pro certo habens Episcopus, qui Ecclesiam consecrat, in eo consecrationis articulo, quo feretrum sacrarū reliquiarum in dictam Ecclesiam infertur, ita sanctos alloquitur: Ingreddimini sancti Dei; præparata est enim à Domino habitatio sedis vestræ, id est, sanctificata est à Domino Ecclesia, in qua sedes vestras locetis.

11. Quinta ratio petitur ex sanctorum reliquiis, quæ in plerisque saltem Ecclesiis non pauca asseruantur ex memoriis sanctorum, qui dum viverent illic habitauerunt, vel eas proprio sanguine decorarunt ex meritis sanctorum, quibus erectæ sunt ad Dei honorem ex præsentia sanctorum Angelorum, qui turmatim adoraturi sanctissimam Eucharistiam ad Ecclesias confluunt.

12. Accedit sextò illa sanctitatis ratio, qua nostræ sanctitati cooperantur, siue ipsæ Ecclesiæ vim aliquam ex ea sanctificatione sortitæ sint in mentes nostras influendi, siue quòd Deus in illis peculiariùs, atque vberius in eas influat; experimur enim in Ecclesiis facilius, aut etiam vehementius commoueri interiora cordis nostri ad deuotionem, quàm extra Ecclesias, ad dolorem, ac penititudinem pecca-

torum, ad fletus, ad lacrymas, ad modestiam, ad honestatem, ad omnne bonum: experimur non rarò cum distracti antea diu, cum duri corde, cum aridi, cum frigidi essemus, atque ad exteriora diffusi, ipso Ecclesiarum introitu, ac primo pænè limine totos nos commoueri, ad nos ipsos redire, atque ad cor compungi, ad penitentiam peccatorum flecti; incallescere ad deuotionem, ita vt in nouos repente homines mutari nobismetipsis videamur: vt qui ne cogitare quidem de oratione poteramus, statim proni fundamur in longissimas preces, qui sacramentum penitentiae horrebamus, de instituenda serò confessione deliberemus, qui ne audire Dei voces poteramus verbo Dei gratas aures & patentia corda præbeamus. Hæc licet faciliùs, frequentius, vehementius in quibusdam Ecclesiis experiamur, in omnibus tamen sentimus, quod ego de sacrosancta de Lauretana, in liminibus Apostolorum de vrbis, de antiquis quibusdam Ecclesiis vobis Romæ paruis, obscuris, semidirutis, semisepultis, ac pænè vtrastatè collapsis, quæ sanctorum sanguine madure, eorumque sacris reliquiis recondarunt, vel redundant de omnibus Catinæ clarissimæ ciuitatis nostræ locis, in quibus aliquod extat passionis beatissimæ virginis, ac martyris Agathæ monumentum, deque aliis quibusdam templis testis oculatus affirmare possim, quod & præ meâ tenuitate abundè expertus sum, ex aliis penultis audiui, quod idem alij testantur de sacris Hierosolymorum locis Christi gestis claris, de Ecclesia Beatissimæ Virginis in Monte

13.

Monte

14. Mōteserrato, de S. Iacobo in Compostella, ceterisque similibus. Vidi semel hæreticum hominem relapsum, atque in hæresi obstinatum, cum ad mortem, atque ad ignem duceretur, neque ullis piis religiosorum vocibus eum ab errore abducere conantibus aures præbetet, in quandam in ipso itinere occurrentem Ecclesiam introductum, ut ibi tantisper quiesceret, si fortè fidei aures præbetet, repente mutatum, & de hæresi doluisse, & ad fidem rediisse catholicam, & de peccatis confessum, atque absolutum cum magno animi sensu, ac dolore de sua obstinatione, reliquum vitæ confecisse, ac dedisse in morte complurima signa catholici hominis, quæ spem de eius salute non modicam iis, qui præsentibus aderamus, reliquerunt. Hæc experiri Christianos in Ecclesiis neminem arbitror esse, qui neget. Quod si causam roges. Respondeo fluere partim ex sanctorum Martyrum sanguine, quibus maderunt, partim ex eorundem memoriis, ac reliquiis, quæ in eis asseruantur, partim ex sanctorum meritis, ad quorum honorem Deo dicatæ sunt, partim ex ipsa consecrationis vi, partim ex sanctorum Angelorum assistentia speciali, partim ex debilitate virium ipsorum dæmonum, atque ex ipsorum immitate quadam, qua respondent se in Ecclesia aliquid consequuturos, partim ex diuinis sacrificiis, & officiis quæ in eis celebrantur, partim ex ipsa deputatione, quæ deputatæ sunt in domos orationis, & sacramentorum, partim ex sacratissimi Eucharistiæ sacramenti præsentia, atque ex assistentia totius sanctissimæ Trinitatis, partim ex communi quo-

*P. Gambac. de immut. Eccl.*

dam sensu totius populi Christiani, qui hæc in Ecclesiis se impetraturum confidit.

Sed præter hos titulos sancti- 16.  
tatis, non desunt plerique alij honesti, ac rationi valde congruentes tituli, propter quos nostris Ecclesiis eadem immunitas debebatur. Et primò propter legis euangelicæ mansuetudinem, ac mititatem; nam si de Gentilium legibus 17.  
loquamur, erant pleræque eorum adeò humani sanguinis sitientissimæ, barbata, atque crudelēs, ut vterentur ad sua illa nefanda sacrificia humanis hostiis, hominēsque sacrificari statuebant, & quod natura perhorrescit in brutis, ferisque animantibus, hoc illæ laudant in hominibus proprios filios patetna manu sacrificari, ut sicut inhumana lex erat, ita fuerint inhumana & crudelia sacrificia. Per- 18.  
mittebat Hebræorum lex propinquis occisi, occisorem, siue casualem, siue industriosum, siue insidiosum ubiuis extra vrbes refugiorum repertum occidere; industriosum, atque insidiosum ex ipsis refugiorum urbibus extractum in eorundem manus tradebat occidendum; iubebat occisi sanguinem non manere inultum. In aliis corporalibus iniuriis iubebat dentem pro dente, oculum pro oculo euelli; adulteras mulieres, filios inobedientes patentibus lapidati præcipiebat. Vnde & Deus, à quo lex illa profecta erat, Deus vlciscens, Deus ultionum, Deus crudelis in ea lege vocabatur. Nostra verò lex euangelica, lex gratiæ, 19.  
mansuetudinis, ac mititatis, omnem vindictam prohibuit, etiam cordis solius, absque ullo opere, quæ non modò de non vlciscen-

R. do,

do, sed etiam de ignoscendo vel monita, vel præcepta etiam quædã dedit, vt de diligendo eo; à quo offensi sumus, de cibando, de vestiendo inimico necessitatem patiente, de dimittendo etiam pallio ei, qui tunicam auferre molitur, de porrigenda altera maxilla ei, qui in altera te percusserit, de petenda ab inimico venia, anrequam offeras munus, ac sacrificium ad altare, de Deo pro inimicis impensè orando, omne non modò humani sanguinis, sed & quorumlibet animalium sacrificium abstulit, relinquens nobis potestatem immolandi in æternum sacrificium incruentum, quod cum milliès quotidie immolaueris, ille ipse qui immolatur, viuus, atque integer perseuerat. Propter hæc legis mititatem aptissimè conuenit eiusdem legis altari, ac templo tanta mititas, vt hominem inde extrahi non patiatur ad pœnam.

20. Debetur præterea Ecclesiis nostris hæc immunitas propter ipsius Christi capitis mansuetudinem, vt sicut ipse Christus Ecclesiæ sponsus fuit mitissimus, & mansuetissimus, ita & sponsa eius Ecclesia mitissima foret, nec modò Ecclesia viuens, quæ Christianorum multitudine & aggregatione conflatur ex viuis lapidibus, sed etiam Ecclesia materialis, quæ locus est, in quo ad audienda, accipiendaque diuina Christiani populi congregatur, eiusdem mansuetudinis, qua fieri potuit ratione particeps efficeretur; Christi mansuetudinem Prophetæ prænuuntiarunt, dicentes: *Dicite filia Sion, ecce Rex tuus venit tibi mansuetus*, & ipsemet Christus à se eandem prophetiam impletam fuisse abun-

dè professus est, cum suis hortatus est, illis verbis, *Discite à me, quia mitis sum*, eam ob causam & mansuetum animal illi adfuit in natiuitate, & propinquus passioni ingressurus cum triumpho ciuitatem super asinam mansuetum animal sedit. Hac mansuetudine oblatum sibi ab altercantibus inter se fratribus iudicandi munus suscipere detræxit, ne alterum damnare deberet, & adulteram mulierem illo prudentissimo iudicio libetavit, *Qui sine peccato est vestrum, primus in illam lapidem mittat*, vbi simul obserua, mulierem hanc in ipso illo Salomonis templo fuisse à pœna mortis liberatam, quo exemplo discerent sacerdotes, eos qui semel Ecclesias attingere, non sine re ad pœnam rapi. Sicut ergo Christus supremus sacerdos adedò mansuetus, ac mitis fuit, ita sacri canones voluere, sacerdotes sacrorum ministros ab omni sanguinis effusione, non modò dum sacerdotes sunt, sed in omni antea vita immunes omnino esse, vt à sacerdotio excludantur, qui humano sese sanguine contaminarunt. Nec minus à sanguinis effusione munda templa ipsa esse decreuerunt, vt propterea ne iudicia quidem sanguinis fieri in eis permiserint, & sanguinis effusione vsqueadè violati, ac pollini sacrorum loca, vt quoadusque reconciliarentur, diuina in eis cessarent officia. Hinc eiusdem Christi Ecclesiæ mansuetudini debebatur, vt de loco illo ad pœnam neminem abstrahi pateretur. Debebat eidem Ecclesiæ hæc immunitas, ne id quod adedò antiquum, & frequēs erat, in nobilioribus gentiũ templis

templis, propter simulatā quandā, quæ in eis esse putabatur rationem sanctitatis, quodque Iudæi in suo templo Salomonis obseruauerunt, id in nobilissimis, sanctissimisque Christi Ecclesiis desideraretur, ne Iudæi atque Gētilēs nostris Ecclesiis sua templa anteferētes, aut sanctiora, aut illustriora ea putarent, quæ asyliæ immunitate clarescerent, nostras, seu veriūs Christi Ecclesias, ea carentes gloria, contemnerent. Quod contrā accideret, si quod illi certis quibusdam, & non omnibus suis templis tribuere ausi essent, id omnibus omnino Christi Ecclesiis toto terrarum orbe seruatum cernerent.

25. Postrema ratio, à posteriore, atque ex iis, quæ postea acciderunt perita, non habet postremum in probando locum, sed inter omnes potissima, efficacissimaque censenda est, gratissimum fuisse Christo hanc immunitatem eius Ecclesiis tribui, multis grauissimisque miraculis testatum esse, quibus supra omnem naturæ potestatem aliquos ad confugiendum ad ipsas Ecclesias iuuat, diuinitus ad id opem ferendo, alios defendit, ne ex Ecclesiis contra ius immuniratis ad poenā raperentur, alios terrore, ac minis teruit, ut quos per vim, ac nefas ex Ecclesiis ad poenā abstraxerant, eisdem Ecclesiis intactos, illisōsque restituerent, de quibus omnibus miraculis capitulum integrum instituemus. Iure igitur Ecclesiis debebatur, quod ubi tributum illis est, certis, clarisque miraculis pro earum honore, ac reuerentia à Deo confirmatum est.

*Immunitatem confugij omnibus, ac singulis Christi Ecclesiis debitam fuisse.*

## CAPVT IV.

Vix aliunde efficaciter conuin- 1.  
ci Gentiles possunt, nou tam religionis inuitu, quàm ad humana per eam occasionem quatenda commoda certis quibusdam templis asyliam concessisse, sicut ex eo quod non eam omnibus vniuersè, sed aliquibus tantum, iisque per paucissimas templis concessere: si enim religionis zelo, se ad Deorum, quibus dicata erant, reuerentiam, si ad ipsorum sacrorum locorum honorem, ac decus id fecissent, nullam rationem proferre possent, cur his potius quàm illis concessissent. Nam & religio diuinæ naturæ, cultum ac ceremoniam in omnibus diis dicatis locis æquè exhibere debuit, & dii omnes quos antiquitas coluit, diuinæ naturæ consortes habiti sunt, & templa quælibet Deorum domicilia credita sunt, & nullum erat templum in quo non aliquis cultus Deo exhiberetur. Si ad Deorum inæquali- 2.  
tatem recurrant, quod inter eos alij maiores, potentioresque, alij minores crediti sunt; Iupiter autem omnium optimus maximusque habitus, neque hoc eos exulat, sed inde grauius conuincuntur, non enim maiorum Deorum templis eā concessere. Non omnia Iouis templa asyilia fuere, multorum paruum Deorum templis hoc ius concessum erat. Illustrioribus templis potius, quàm diis asyilia decreta erat. Demum si dii erant ij omnes, quibus templa conferebant, si illis sacrificia offerebantur,

si maclabantur victimæ, qui maximus omnium cultus est, cur non omnibus asyliæ honor, cultusque deferebatur; sed sicut errabant tot colendis manibus, falsisque diis, ita permitti sunt in hoc etiam asyliæ iure errare, ut illucescente postea veritatis die haberent, unde arguerentur. Adde quod cum in ignorantia tenchris deberent, neque de Deo, neque de animorum immortalitate, neque de diuinæ gratiæ auxilio, neque de certis honorum præmiis ac malorum suppliciis, certi quidpiam cognoscerent, nihil habebant, quod eos à peccatis frenaret, & ne per vitia defluerent, cohiberet, nisi legum pœnas, & magistratum rigorem diuina providentia factum credi potest, ut in hoc quoque errarent asyliæ iure concedendo: ne si omnibus templis id concessissent, sublato pœnarum timore, lex omnis interiret, mundusque rueret vniuersus, sicut in tanta illa asylorum multiplicatione sub Tyberio Cæsare successisse refert Tacitus *annalium lib. 3.* cum ne viuere quidem in vrbe bonis liceret, & populi seditionibus resistere auderet nemo, & ruiturus mundus videretur, nisi asylorum restrictione opportunum Tyberius remedium adhibuisset. In lege verò Christiana, sicut immunitas Ecclesiis debebatur, quod superiore capite ostensum est, ita prorsus omnibus, ac singulis debebatur; unde & de facto omnibus & per sæculi Principes civili lege, & per supremos Romanos Pontifices, sacraque Concilia generalia, & per Patrum decreta canonico iure concessa, & vsu, moribusque populi ante omnem fortasse legem omnibus delata fuit, quoniam religionis causa debeba-

tur, ut ipsi Deo eiusque sanctis, ac sacris locis debitus honor, ac reuerentia haberetur. Idem autem omnino vius verus Deus est, qui cum in omnibus Ecclesiis, & per eadem diuina officia, & per eadem omnino sacrificia colatur, eandem vbique Ecclesiis sanctitatem impertitur, in omnibus eandem reuerentiam postulat. Neque verò timendum fuit initio nascentis Ecclesiæ, ne multitudine Ecclesiarum, & asyliæ opportunitate, Christiani populi præcipientes in vitia ruerent, quando & Ecclesiæ perpaucae erant, & Christianorum in virtute, ac deuotione feruor maximus, & persecutiones Principum Christianos in officio continebant, & conscientia dictamen arcebat, & recenti Christi sanguine succensa corda ardebant Dei charitate, & à vitiis abhorrebant.

Ut autem clariùs ostendam hanc immunitatem equè omnibus Christi Ecclesiis debitam, non sunt longius petendæ rationes. Nam illæ ipsæ, quibus probatum est præcedenti capite fuisse Ecclesiis Christi debitam, æquè omnino probant debitam fuisse omnibus. Hoc multiplex ille sanctitatis titulus, hoc legis Christianæ, hæc Christi ipsius mansuetudo, hoc æqua cum asyliis, ac longè maior omnium Ecclesiarum dignitas, hoc miraculorum, quibus confirmata est, multitudo cōuincit. Equè enim omnes Ecclesiæ Christi habent Deum, Patrem, filium, & Spiritum sanctum habitantem, præsentia præsertim Christi sacramentali eadem equè omnes consecratione consecrantur, vel cōsecrari possunt, equè in omnibus sacrificia Missæ celebrantur, vim quandam habent omnes, & singulæ,

ut

vt in eis ad cor redeamus, vtque in eis inuremur in melius. Nullæ penè sunt quæ non aliquas feruent sanctorum reliquias, saltem in altari, quod sine reliquiis non consecratur. Equè omnes euangelicæ legis, ipsiusque Christi mauluetudini respondere debent, æquè miraculis aliquando confirmata immunitas variarum Ecclesiarum fuit, vt æquè omnibus ius immunitatis debeat, æquè etiam decebat omnes Christi Ecclesias asylys gentium præstare hoc ipso priuilegio immunitatis, cum nulla sit Ecclesia, quæ & sanctitate, & dignitate, ac sacrificiorum, quæ in ea offeruntur, præstantia non superet quæuis, quamuis nobilissima asyla.

7. Quamuis autem sint aliquæ Ecclesiæ aliis longè superiores ac præstantiores, id impedimento nõ est, cur non omnibus detur asyliæ ius: non enim præcellunt in ratione templi, nempe quatenus sunt loca, diuinis officiis celebrandis, sacrificiis Deo offerendis, Christianorum publicis precibus, ac priuatis orationibus fundendis dicata, sed præstant alia aliis, vel accidentalibus quibusdam insignioribus memoriis Christi, ac sanctorum, vel externo structuræ sumptu, vel copia diuitiarum, vt ædes beatæ Virginis Lauretanæ præstat memoria concepti in ea Dei Verbi, cum in B. Virginis vtero carnè assumpsit factus homo: constat enim fuisse domunculam illâ, in qua beatissima Virgo habitabat, cum
9. Christum concepit. Sacra Hierusalem loca præstant memoria præsentis realis ipsius Christi, vbi aliquod vel egit inigne, vel passus
10. est, ac sepultus. Ecclesia D. Pauli ad

tres fontes Romæ præstat tribus illis fontibus erecti capitis beatissimi Pauli Apostoli contactu emanantibus, ædes beati Petri Montorii in vrbe est eiusdem Apostoli martyrio illustris. Aliæ illustres sunt sanctorum reliquiis, quæ in eis asseruantur, vt Ecclesia S. Nicolai Barij Apuliæ eiusdem B. Nicolai reliquiis, & inde scaturiente manna celebris est, vt diu fuit S. Andreæ apud Malphim eiusdem corpore, & diu fluentis manna liquore insignis. Magnitudine, ac nobilitate structuræ excellit omnes Ecclesia S. Petri in Vaticano, Ecclesia S. Marci Euangelistæ Venetiis, Ecclesia Metropolitana Montis Regalis, Lateranensis Ecclesia antiquitate, & opum multitudine, omnes aliquando antecelluit, hodièque excellit primatu sedis, propterea quod Romanus Pontifex Lateranensis Episcopus est, & vocatur. Pleraque passim surgunt hodiè Ecclesiæ præstantes multitudine miraculorum, ædes S. Mariæ ad nives insigni illo niuium miraculo vsque hodiè illustris est. Drepanitana, insigni B. Virginis simulacro, ad quam nostra ætate ex remotissimis orbis regionibus multos quotidie concurrere cernimus ex Polonia, Suecia, Transyluania.

Quod siquis obiciat non omnes Ecclesias Deo dicatas esse, sed maiorem earum partem B. Virgini Mariæ, sanctis Apostolis, Martyribus, Confessoribus, Virginibus, ex quibus etiam nomina acceperere, quare his asyliam minus debere inferat. Respondeo. Primū esto ita esset adhuc parem omnibus immunitatem debere, omnium enim honor, ac reuerentia ad te-

ligionis virtutem, cultumque Dei pertineret, Deus enim in sanctis honoratur, sicut in illis benedicitur, & laudatur. *Laudate Dominum*, inquit Propheta, *in sanctis eius, & benedictus Deus in sanctis suis*. Nam sicut & ipsi propter Deum laudantur, & in ipsis Deus laudatur, & ipsi propter Deum benedicuntur, & in ipsis Deus benedicitur, ita propter Deum honorantur, & in ipsis Deus honoratur & colitur, honorantur enim sancti tanquam amici Dei chari, atque dilecti, qui acceptæ à Deo gratiæ cooperantes. illi gratiores, acceptioresque sancti sunt. Vnde sicut honor, qui domesticis consiliariis, filiis, propinquis, amicis, ac ministris Principum defertur intuitu Principis, non tam ipsis, quàm Principi defertur, ut Princeps enim in illis honoratur, cum honorantur, & in eis de honoratur, cum iniuria afficiuntur. Hinc fit ut cum sanctos non aliter honoremus in lege Christiana, nisi quatenus Deo charos, acceptosque, illique beatitudinis societate coniunctos ministros eius cælestes, per quos sua ad nos dona transmittat, consiliarios, atque assessores, omnemque eorum sanctitatem, beatitudinem, gloriam in Deum totius huius boni authorem, ac fontem referamus, dubitandum non sit, eorum honorem, cultum, ac reuerentiam ad Dei honorem, cultum, ac reuerentiam pertinere, & ad virtutem religionis. Cuius virtutis sunt illi res actus, quos sancti Doctores distinguunt, latria erga ipsum Deum, ipsum recognoscendo Dominum, ac Deum nostrum; dulia erga sanctos, tanquam Dei seruos; & hypodulia erga sacratissimam Virgi-

nem Dei matrem, qua recognoscitur tanquam quid illustrius seruis, & supra seruos ratione maternitatis, qua mater est Dei, ut reuerentia, quæ tuendis in templis sanctorum confugis sanctis ipsis exhiberi videtur, non minus ipsi Deo tributa credatur. Secundò respondeo verè ac propriè templa Christianorum non sanctis, sed ipsi Deo dedicari, & licet aliqua illi in honorem aliquorum sanctorum dedicerentur, eadem prorsus ratione, qua sacrificia Missæ propria festiuitatum quorumlibet sanctorum non ipsis sanctis offeruntur, sed Deo in honorem, ac per merita eorundem sanctorum. Vnde & de singulis templis atque Ecclesiis canit Ecclesia: *Non est hic aliud, nisi domus Dei, & porta celi*. Et in collecta consecrationis, & diei anniuersariæ dedicationis dicitur: *Qui nobis per singulos annos huius sancti templi tui consecrationis reparas diem*, ubi templum cuiusvis sancti, vocat templum ipsius Dei, sed & ex ipsius consecrationis templi collectis, responsoriis, antiphonis, præfationibus euidentius, efficaciusque probatur. Primum enim responsorium quod in consecratione cuiusque Ecclesiæ cantatur, huiusmodi est: *Fundata est domus Domini supra verticem*. In litanis capitur iste versus, *Ut Ecclesiam, & altare hoc ad honorem tuum, & nomen sancti tui, v. g. Petri, Pauli, &c. ad honorem ergo Dei, ad nomen verò sancti dedicatur*. Absolutis litanis, dicitur hæc collecta: *Magnificare quæsumus Domine Deus noster in sanctis tuis, & in hoc templo tibi adiscento appare, &c. ex quibus aperte cognoscimus ipsi Deo extrui templa, qui-*

magnit

magnificatur in sanctis, à quibus templa nomen accipiunt; & in prima præfatione, quam in consecratione Pontifex decantat, ita rogat, *Vt hanc Ecclesiam tuam per nostra humilitatis famulatum, in bonare sancta, & victoriosissima crucis, & sancti tui N, ubi Dei Ecclesiam vocat*

19. *eam, quæ in sancti alicuius honorem consecratur.* Postremò propterea in sermone, quem in fine consecrationis habet Pontifex ad fundatorem Ecclesiæ atque ad populum, hortando eos ad Ecclesiam eandem dotandam, de quacunque Ecclesia, siue ad ipsius Dei, siue ad sancti cuiusvis honorem consecrata, subdit de immunitatis priuilegio, dicens, cā priuilegij, & immunitatis prærogatiuā reges, & Romanos Principes habere voluisse, vt si quis temerator sacrilegas manus apposuisset, grauissimis suppliciis afficeretur, & rationem subiungit, dicens: *Non enim iustum visum est, domum Dei altissimi ad temerarias presumptiones patentem aditum habere.* Vbi duo obserua, quæ maximè ad rem faciunt. Primum est omnem Ecclesiam etiam cuiusvis sancti nomine constructam denuo domum Dei vocari, & esse. Secundò verba illa menti imptime, *Non enim iustum visum est.* quæ de omni Ecclesia dicta aperte probant, quod hoc capite intendimus omni Ecclesiæ debitam fuisse immunitatem. Non enim iustum est eam alicui negari: ergo aliqua ratione est debita. Subdir tandem de virtute, & efficacia eiusdem priuilegij, *Locus est saluus, portus naufragantibus, ad quem de tempestatibus anchora iacitur, & declarans, quomodo hoc fiat, addit, capitaliū criminum rei ad hanc fugientes impu-*
- 20.

*nitatem facti implorantibus sacerdotibus accipiunt.*

*An multitudo Ecclesiarum Christi, quæ ex deuotione populi Christiani in infinitum pænè excreuit, obsit Christiana reip. ad impunitatem delictorum, vt olim obsuit multitudo asy-lorum.*

## CAPVT V.

NOTA est historia ex Cornelio Tacito lib. 3. *Annalium*, atque ex Suetonio in Tyberio, quæ & à nobis libro primo cap. 16. n. 9. & sequentibus abundè relata fuit. Viqueadè enim per asylorum occasionem creuit licentia impune peccandi, vt necesse fuerit Tyberio moderationem asylis tantam adhibere, vt ea pænè sustulisse visus sit. Porro templa Christianorum longè maiore numero sunt hodie, quàm vnquam fuerint gentium asyla, cum in singulis pænè viis complura cernamus, eaque turmatim, vt ita dicam, excitata, vt bina, terna, quaterna simul eodem pænè loco surgant, & plura quotidie de nouo excitentur. Vox præterea populi conquerentis subauditur, omnes criminum reos ab Ecclesiis protegi, ac per eam comoditatem, libertatem crescere peccandi, vt facile cuiquam videri possit, nos in similia tempora incidisse, ac sub Tyberio fuere. Addunt in plerisque Hispaniarum prouinciis Episcoporum, & populorum communi consensu iā hanc ipsam ob causam restrictam esse consuetudine immunitatem ad eas tantùm Ecclesias, in quibus sanctissima

1.

2.

Eucha



Eucharistia perpetuò asseruatur, eusmodi sunt cathedrales, & maiores Ecclesiæ cum Ecclesiis parochialibus, Ecclesiæ religiosorum utriusque sexus, & nonnullæ aliæ perpaucæ, ut ex aliis Ecclesiis, in quibus sacrosancta Eucharistia non asseruatur, liceat reos criminum extrahere, quasi simili malo, simile remedium adhibitum sit, quod Tyberius adhibuit moderando numero Ecclesiarum, quibus immunitas concedatur, quam consuetudinem refert, approbatque Couarr. *lib. 2. var. resol. cap. 10.* Nobis verò hoc capite, neque mens est simpliciter inquirendi, an sit aliquis asyloium, seu immunitatis Ecclesiarum abusus, neque quod sit illi remedium adhibendū, sed solum obstat ne Christianorum moribus, & publico bono multitudo Ecclesiarum habentium immunitatem, quomodo gentibus

3. obfuit multitudine asyloium. Et primò in memoriâ reuoco abusum illum Gentilium, & impunè peccandi licentiam, quæ eo tempore fuit, ut ex illo *cap. 16: primi libri* apparet, non tam ex templis ipsis, quæ asyla fuerunt, quàm ex imaginibus deorum, atque Imperatorum etiam in ipsa moneta impressis, quas secum pessimus quisque deferebat, ortum fuisse, ut cum quis atrox quodpiam delictum commisisset, si quis eum ad tribunal rapere tentasset, ostensa statim imagine Cæsaris dimitteretur liber. Iuncta ergo asyloium multitudo cum infinito imaginum numero; & opportuno imaginum in moneta impressorū remedio, quod cuique criminoso præsens semper erat, in eum abusum ventum erat, ut bonis viuere non liceret, nisi

ea moderatio, tam imaginibus, quàm templis adhiberetur. In lege autem Christiana nullus est immunitatis imaginum vsus, sed Ecclesiarum solum, & sanctissimo sacramenti Eucharistiæ, quando cū luminaribus per urbem defertur: atque ideo non potest tantus esse abusus, quantus apud gentes fuit.

Secundò multitudini nostratæ Ecclesiarum amplitudinem oppono asyloium, de qua etiam *lib. 1. cap. 13.* dictum est, ut maior criminorum numerus paucis olim asylois defendi potuerit, quàm modo innumeris Ecclesiis: cum enim asyla essent loca excipiendis, tuendisque confugis destinata; omnia illorum spatia eidem vsui deferuebant, quæ cū amplissima essent, innumeros confugas capiebant. Et licet in noua lege templa aliqua sint amplissima, licet hortos, domosque adiacentes amplas habeat, licet ampla monasteria, horum tamen amplitudo non est, ad excipiendos confugas destinata, sed ad alios Ecclesiæ, & ministrorū eius vsus ad religiosorum, & clericorum habitationem, ut si vel vñs tantum confuga per aliquot licet paucos dies seruandus sit, tota monasterij quies rurbetur, & religiosa disciplina nocumentum patitur.

Sunt præterea cōplura in Christiana republica remedia ad auertendos homines à peccatis, quibus gentes destitutæ fuerunt. Ad est in primis lumen fidei, quo grauitas peccatorum agnoscitur, & quantum Deum optimum maximum, à quo bona omnia nobis donata sunt, offendat, quàm graues illud maneant peccata, illaque æterno tempore, nisi peccatum in hac

hac vita expiatur, duraturæ, cered  
 creditur. Adest gratiæ diuinæ au-  
 xilium, eiûsqne & acquirendæ, &  
 augendæ promptum, ac facile per  
 sacramenta remedium, confessio-  
 num vsus, isque frequens; sanctissi-  
 mæ Eucharistiæ pabulum, quo ani-  
 mus diuina gratia impinguatur.  
 Adest frequens prædicatio diuini  
 verbi, qua multi à peccatis quoti-  
 die auertuntur, atque ad virtutem  
 flectuntur. Adest infinita panè cor-  
 pia piorum librorum, qui & mentē  
 instrunt, & voluntatem corrobora-  
 nt. Adfunt diuinæ promissiones  
 de æterna beatitudine iis parata,  
 qui Dei legi obediunt. Adfunt  
 Christi, adfunt sacratissimæ Virgi-  
 nis Marię, adfunt sanctorum innu-  
 mera panè exempla omnis gradus,  
 omnis conditionis, omnis sexus, om-  
 nis ætatis, de quauis perfecta  
 virtute consecranda. Adfunt innu-  
 mera miracula, quibus diuinitus, &  
 bonis in extremo periculo subuen-  
 tum est, & malis pænæ itrogatæ  
 sunt. Adest sacerdotum probor-  
 um, adest laicorum, adest religio-  
 sorum exemplum, adest vigilantia  
 prælatorum, Principum, magistra-  
 tuum. Adest ipsa legum etiam se-  
 cularium & ecclesiasticarum recti-  
 tudo, in quibus nihil reperitur,  
 quod à recta ratione deuiet. Hæc  
 aliquando omnia persæpe singula  
 multum habent momenti in lege  
 Christiana ad continendos in offi-  
 cio homines, ne per vitia deflu-  
 ant.

6. His addo nostrarum Ecclesia-  
 rum immunitatem non aded am-  
 plam, aut illimitatam esse, vt  
 fuit olim asyilia apud gentes. Pri-  
 mum enim nulla vnquam fuit Ec-  
 clesia, quæ seruos ad eam con-  
 fugientes libertate donaret, vt

*P. Gamsius, de immunit. Eccl.*

fuere aliqua asyila apud gentes, ne-  
 que omnem impunitatem præstare,  
 sicut apud gentes præstabant asy-  
 la, neque omnibus omnino quo-  
 rumlibet criminum reis prodest.  
 Quamuis enim initio, vel cum  
 paucæ erant Ecclesiæ, vel inte-  
 griores Christianorum mores, nul-  
 li casus excepti essent, tamen  
 progressu temporis, aliqui casus  
 excipi cœperunt. *c. inter alia, de im-  
 munit. Eccles.* publici nempe latro-  
 nis, & nocturni depopulatoris  
 agrorum. Tertius additus est ca-  
 sus in *c. fin. de immunit. Eccles.* a-  
 lius *c. 1. de homicidio. & c. 1. eod.*  
*titulo in lib. 6.* Alij additi sunt in  
 hac constitutione, alij denum con-  
 suetudine introducti, in quibus im-  
 munitas nihil omnino prodest.  
 Præterea licet olim antiqui cano-  
 nes decreti omnem pœnarum im-  
 punitatem concederent, vt nihil  
 nocibilitatis, damni, aut spoli-  
 j confugis inferre liceret, tamen  
 hæc impunitas in *d. c. inter alia*,  
 valde restricta est, vt solum vi-  
 tam, ac membra, ac pœnam cor-  
 poralem impetirent clerici Eccle-  
 siarum, reliquas pœnas sumere non  
 modò permittitur, sed etiam quo-  
 dammodò præcipitur. Vult enim  
 confugas salua vita, & membris,  
 & corpore legitimè puniri, id  
 est, lege constitutas, vel arbi-  
 trio iudicis iniungendas pœnas sol-  
 uere pro qualitate delicti, for-  
 tassisenim qui mortis pœnam me-  
 rentur, damnari possunt ad tri-  
 remes, aut ad perpetuos carce-  
 res, aut alia pœna affici cum mo-  
 deramine inferius explicando. Nunc  
 secularis magistratus atque iur-  
 peritæ plebis voces sæpe de Ec-  
 clesiarum immunitate conqueren-  
 tis audiamus, & an veritate ni-

S tantus

tantur examinemus, ac si qua est peccandi licentia, an ex Ecclesiarum passim occurrentium multitudine, ac frequentia nascatur, pensamus. Neque verò inficior contigisse aliquando, ut posteaquam insignis alicuius delicti reus per Ecclesiam euaserit, intra paucos dies frequentior ad Ecclesias reorum concursus factus sit; at si casus numeremus, sicut me aliquando numerasse meminimus, longè pauciores sunt, quam populi rumor ferat: qui postea concurrendi ad Ecclesias feruor, paucis etiā diebus deferuet, ut per non paucos dies nihil tale audiat, sed sint multi; certè longè pauciores sunt qui per Ecclesiam euadunt, quam qui non euadunt. Inuenies vno anno mille reos carceribus mancipatos, certè non numerabis centum, qui per Ecclesiam euaserint, fortè neque quinquaginta, aut etiam pauciores. Rursum si alios numeremus reos criminum qui per alias occasiones effugerunt manus curiæ, vel quod adedè clam peccarunt, ut ne in suspicionem quidem delicti venerint, vel quod pecunia corruperint præfectos carcerum, aliosve curiæ ministros, vel quod carcerum portas, fenestras, parietes fregerint, vel quod falsis testibus innocentiam suam probauerint, vel quod ipsis curiæ ministris vim ipsi intulerint, aut ab aliis inferri fecerint, vel aliis sexcentis modis euaserint, & hos longè plures esse comperiemus, quam eos qui per Ecclesiam defenduntur. Cur ergo tot sparguntur solum contra Ecclesias rumores? quasi ipsæ solæ

causæ tantorum malorum sint, cur nulla audiuntur de aliis effugis lamenta? Adde quod plerique eorum qui ad Ecclesias confugiunt innocentes sunt, & nihil omnino deliquerunt, qui cum videant satellites, ac ministros curiæ secularis prope se accedere, metuentes ne quid fortè per calumniam pariantur, confugiunt repentè ad Ecclesias. Contra quos cum postea diligenter inquiratur, nihil omnino probari potest. Narrabo memorabile exemplum, quod Prorege illustrissimo Comite Albelistæ contigit, quod totam paritè urbem commouit, & tamen confuga, cum nihil contra eum probatum esset, libere abire permissus est. Mors illata per scelus fuerat nobili cuidam Mauræ Tunceti Regis propinquæ, ut putabatur, propter eius diuitias, ut eam opibus spoliarent, inquirerebatur diligenter per ministros curiæ secularis, si fortè à quo tantum scelus commissum esset, aliquo iudicio, aut coniectura cognosci posset. Quadam die, cum quidam è domus suæ fenestra ministros curiæ prope domum suam accedere vidisset timore correptus, ne fortè ipsum quærerent, de alia fenestra desiliens in monasterij monialium murum, atque in eo in ipsum monasterium opem à monialibus petebat. Sparsum è vestigio rumor est; hunc illum esse, qui Mauram illam nobilem necasset; accurrunt satellites ad Comitum Proregis, gloriabundi, quod Mauræ occisorem nacti essent, factum ita exponunt, quasi is sine dubio occisor esset; ex altera parte mittunt ad Archiepiscopum

piscopum moniales nuncium, qui exponat hominem de fenestra proieciſſe ſe in monaſterium ſalutis quærendæ gratia, qui aſſerat neſcire ſe, quam ob cauſam à miniſtris curiæ quærat. Erat Archiepiſcopus eo tempore Illuſtriſſimus Don Cæſar. Marullus vir integer, & omni virtutis genere præſtans, immunitatis eccleſiaſticae iuſtus, vt pat erat, zelator, prudentia & pietate inſignis. Viſum eſt ei hominem ne momento quidem temporis inter ſacras virgines degere, permittendum eſſe, cùmque non facile occurreret alius tutus locus, quo ſtatim inferri poſſet, & miniſtri curiæ ſecularis vias omnes obſiderent, miſit qui hominem in altam monaſterij foueam includerent, ſerifque tutis foueæ portas obſerarent, vt nulum omnino eſſe illi poſſet cum ſacris virginibus conuerſium. Inſtabat interea Prorox, vir & ipſe pius, & iuſtitia zelator pro ſuo munere, & quandoquidem per aſſaſſinium commiſſum homicidium certo affirmabatur, non eſſe reum, ad immunitatem admittendum contendebat, pro conſcientia vtæque zelator certabat, Archiepiſcopus pro certo habens reo immunitatem deberi, & Comes non minus certo perſuaſus, nulam illi competere. Cùmque Archiepiſcopus reum diutius tradere detrectaſſet, excogitauit Comes rationem, qua ad tradendum impelleret, mandat curiæ miniſtris, qui omnes monaſterij vias iam biduo fruſtrâ obſederant, ne quid victualium, ne panem quidem ad monaſterium deferri paterentur, viſum eſt, aſperum, & acerbum remedium. Conſultatio Theologo-

rum ab Archiepiſcopo Proregi oblata eſt, ſpondente ſe conſignatum repente reum, ſi Theologi id illi licere decernerent. In qua conſultatione coram Comite Prorege atque Archiepiſcopo habita, licet aliqui pro Comite ſtarent, magna nihilominus pars contrarium aſſirmauit, atque aded grauibus rationibus probauit, vt reus ad immunitatē admitteretur. Tū Archiepiſcopus, ne homo diutius intra ſepta monialium detineretur illū ad eiſdem monaſterij Eccleſiam deportari iuſſit, in qua pari inumunitate gauderet. Ibi neſcio cuius furioſi hominis inſuſu, aut cohortatione reus egreſſus ex Eccleſia, ſtatim à curiæ ſecularis ſarcellitibus captus, ligatus, & ad carceres ductus eſt; accurrunt illi gloria-bundi ad Proregem, quod tanti criminis reum, cū ſpontē ex Eccleſia egreſſus eſſet, cepiſſent; expectabatur ab omnibus, vt intra paucas horas extremo ſupplicio pleſteretur, ſparſus enim rumor, quod homo per aſſaſſinum homicidium commiſiſſet, vulgi animis inſederat. Inquiritur quam diligentiffimè in ipſum, nihil intentatum relinquitur & nihilominus aded nihil contra eum probatum fuit, vt necceſſe fuerit hominem liberum intra paucos dies dimittere, aded ne vllum indiſcium, aut ſuſpicio haberi contra eum potuit: vidimus, quot, & quales fuerint excitatæ tragœdiæ nullo proſus fundamento. Id tanquam memorabilius reguliſſe ſit ſatis, nam ſimilia pleraque ne longus ſim prætereo.

Ex his apparer, ſi rem attentè ſpectemus, Eccleſiarum numerum non eſſe cauſam, aut occaſionem libertatis peccandi, magiſque obel-

se reipublicæ, magisque fauere delictis hunc sparsum vulgi rumorem contra Ecclesias, quam ipsam Ecclesiarum multitudinem, etiam si multo amplius excresecet; arbitror enim ac certò mihi persuadeo multos, qui his sparsis populi rumoribus ob quævis delicta ad Ecclesias confugiant, ne cogitatuos quidem de Ecclesia, si minores ibi conquiescerent, sicut & experientia compertum est, cum ex alicuius insignis rei ad Ecclesiam confugientis occasione nouus aliquis rumor spargitur, per aliquot dies omnes reos illuc confugere, sopitòque eo rumore per plures dies, aut etiam menses vix aliquem eo confugio vti. Neque visum est vnquam continenter solere criminosos omnes, aut magna copia ad Ecclesias confugere, & si intra immunitatis iuxta sacrorum canonum formam seruetur, satis consultum esse peccandi libertati. Fortè multo plures criminosi homines per inertiam, incuriam, negligentiam magistratum, aut per ministrorum curiæ vtriusque secularis & ecclesiasticæ malitiam impunes euadunt, quàm per Ecclesiarum frequentiam: video enim ex mille reis, qui in carceribus detinentur, vix paucissimos puniri, video pessimos quosque, & mali nominis reos, quàm facillimè omnem pœnam breui euadere, vti nam non maior eorum qui puniuntur pars innocens sit: video satellites, fisci patronos, iudices excusare plerumque pessimos homines, vixque induci, vt illos capi iubent: video si isti capiantur habere statim innumeros protectores, fautores, patronos; video bonos si quid per humanam fragilitatem deliquerint, omni ope destitutos.

Hæc cum magno animi dolore video, & causam tanti mali quo magis inquirò, eo minus assequor, ita sunt occulta Dei iudicia, ex quibus constat, quod initio suscepimus nõ obesse reipublicæ Ecclesiarum, licet multarum ac frequentium immunitatem. De abusus verò immunitatis & eorum remediis dicam infra.

---

*Sine immunitas Ecclesiarum  
diuini iuris naturalis, an  
eodem iuri con-  
traria.*

#### CAPVT VI.

**D**VPLEX diuinum ius Christiana lege cognoscimus, naturale vnum, quod cum ipsamet natura inditum nostris mentibus, atque impressum est ab auctore naturæ, continet omnia illa moralia præcepta, quæ extrà primis illis moralibus principiis naturali lumine cognitis, per paucos discursus clarè & necessariò inferimus, veluti quasdam primas, aut primis propinquas conclusiones, quod totū in decem Decalogi præceptis positum est, ad quæ cætera reducuntur. Id autem vocatur ius diuinum naturale, diuinum quidè, quoniam à Deo primum ipsi naturæ inditum, & postea expressum in duabus tabulis mundo traditum est. Naturale verò quoniam est simul cum natura acceptum, ipsi naturæ impressum, naturali lumine cognitum, vt non possit diu inuincibiliter ignorari, nisi fortè aliquandiu propter cæcitatem, atque obtenebrationem luminis naturalis

lis ex contraria praua educatione  
prouenientem, arque ideo ius hoc  
3. est omni alio iure potius, vt secum  
quouis alio iure. concurrat; vt al-  
rerurum necessariò transgredien-  
dum sit, non modò hoc cuiuslibet  
alij præferendum sit, sed liceat non  
modò impune, sed etiam absque  
omni prorsus peccato quodlibet  
aliud ius pro istius inuiolabili ob-  
seruatione violare, ac transgredi,  
4. cuius rria præcepta naturali iure  
cognouit Tullius lib... de inuen-  
tione, vnum de religione, quod  
primum & terrium Decalogi præ-  
ceptum est, de colendo Deo, &  
sanctificando illi certo die. Secun-  
dum de obseruantia maiorum no-  
strorum, quod nos quarto, tertiu  
de veritate, quam secundo Decalo-  
gi præcepto custodimus. Alrerum  
5. est ius diuinum posituum, quod  
in natura non impressum, sed solo  
externo præcepto à Deo expressum  
6. est. Cuius nulla fuit apud gentes  
cognitio, sicut nec veri Dei, ora-  
culorum enim responsa de parti-  
cularibus rebus, de re actionibus  
tantum, non de re aliqua, quæ  
omnibus ad obseruandum propo-  
neretur, iuris, legisve nomen non  
meruerunt. Hoc ius diuinum po-  
situm Hebræis omnium primis  
dari cœprum est, in lege postea  
7. Christiana completum fuit. Cu-  
ius tres amplissimæ partes sūt, duæ  
Hebræis traditæ, tertia Christianis.  
Prima cetermonialis fuit, perti-  
nēs ad sacrificia, reliquæque reli-  
gionē, arque ad externum Dei cul-  
tum. Altera verò iudicialis ad ipsā  
reipublicæ illius politiā, regi-  
menque ordinata, quæ vtraque  
pars ore, ac ministerio Angelorū  
data Moyli creditur. At ubi venit  
plenitudo temporis diuini consi-

lij ordinatione disposita, & Ver-  
bum caro factum ex sacratissimæ  
Virginis vtero homo ad homines  
prodiit, & habitauit in nobis, &  
Iesus Christus verus Dei filius fa-  
ctus est magister, & legiser noster  
ius aliud diuinum posituum pro-  
prio ore tradidit, quod partim per  
8. eius discipulos, Apostolos, & Euan-  
gelistas scriptum fuit, partim ad  
nos per eorundem traditionem,  
quali per manus trasmissum fuit,  
ad quos pertinent omnia præce-  
pta de sacramentis, partim confi-  
ciendis materie, forma, & mini-  
stro partim tractandis, partim re-  
cipiendis, deque aliis quibusdam  
rebus, de quibus non est præsentis  
instituti disputare. Hinc duo sur-  
gunt dubia, alterum est, an Eccle-  
siarū immunitas in lege Christia-  
na sit iuris diuini naturalis, alre-  
rum an iuri diuino naturali aliqua  
ratione repugnet.

Priori dubio facile satisficit ex 9.  
his, quæ roto cap. 10. primi lib.  
dicta sunt de asyilia gentium. Cū  
enim ius diuinum naturale immu-  
tabile sit, quæcunque eo loco de  
genrium asyilia dicta sunt, ad no-  
strarum Ecclesiarum immunitatē  
pertinent, & quæ rationes allatæ  
sunt ad probandum asyliam iuris  
diuini naturalis non fuisse, æquē  
de nostrarum Ecclesiarum immu-  
nitate probant. Illa sola ratio de  
asyliis quidem probaret, quæ de  
nostris Ecclesiis non probat, quòd  
asylia non omnibus templis dara  
erat, sicut apud nos omnibus Ec-  
clesiis, si enim iuris naturalis fuisset,  
omnibus comperere debuisset.  
Negari tamen non debet immuni-  
tatem Ecclesiarum vero Deo dica-  
tarum fundamentaliter, & quan-  
tum ad substantiam à iure diuino

naturali deriuari; sunt enim personæ, sic etiam loci Deo sacri, eo ipso quia Deo sacri sunt, iure naturæ à prophanis vñsibus, & à potestate laica eximuntur, ne laicus magistratus iurisdictionem in eo exercere possit, quia tamen talis immunitas tota pendet à determinatione loci, termini, temporis, personarum, criminum, seu delictorum, ac similibus, quas ius ipsam naturale minimè præscribit, ideo iuris naturalis simpliciter dicenda non est. Et sic intelligenda sunt quæ suprà diximus *lib. 1. cap. 11.*

10. Posteriori verò dubitationi locum non præberem, vt rem tam longo vsu ab ipsius viuientis Noe temporibus, tam facile ab omnibus gentibus receptam, vt 1. *lib. dixi cap. 6. n. 11. & 12.* nunc tandem in dubium reuocarem, an alylia, & Ecclesiarum immunitas naturali iuri aduersetur: nisi Christiani hominis temeritas, eò audacior, seu potius amentia progressa eilet, vt affirmare, seu blasphemare (verius dicam) auderet id, quod de gentium alylis nemo Gentilium ausus est, Ecclesiarum immunitatem, iuraque immunitatis non modò facta esse siue ratione, & ad beneplacitum, sed etiam esse contra ius diuinum naturale, quo cautum est Ecclesiam domum esse orationis, non autem negotiationis. Ecclesia enim domum esse orationis, non est iuris diuini positui, sed naturalis: natura enim dictat locum sacrificiis & orationibus fidelium deputatum hanc mereri reuerentiam. Hunc errorem tenuit expressè Petrus de Ferrariis in sua practica *tit. de forma inquisitionis col. 1. vers. ex his n. 32.* ubi neque his contentus subdit: Si ergo

Deus ementes, & vendentes expulsi è templo, quāto minus ferret in eo receptari latrones, homicidas, aliòsque similes reos? Inde infert personas huiusmodi nullo modo posse; nec debere in Ecclesia recipi, nec eius suffragio defendi, sed totaliter esse ex ea eiiciendos, & ad secularem iudicem, vt ab eo puniantur, transmittendos. Ex eo demum Italianam laudar (quod si esset, vituperationi dandum esset) 11. dicens, & ita benè seruat Italia, quæ est omnium prouinciarum domina, nèpe eiicit reos omnes de Ecclesia. Ego verò primùm totius Italix nomine hanc eius laudationem respuo, execror, ac detestor, semper enim fuit Italia sacris canonibus, Apostolicisque Romanorum Pontificum præceptis obediētissima, cum in cæteris rebus omnibus, tum in hac ipsa immunitatis Ecclesiarum materia, de qua tractamus. Deinde hanc doctrinam 12. erroneam esse affirmare non dubito. Nam certum est, & de fide, Ecclesiam errare non posse, in his quæ ad fidem, ac mores pertinent, cui fidei veritati is detrahit dicendo, immunitatem esse contra ius diuinum. Sequeretur enim per necessariam consequentiam errare Ecclesiam, cum immunitatem contra ius diuinum præcipit. Secundò æquè certum de fide est, teneti Christianos obedire vniuersalibus præceptis, ac legibus Ecclesiæ, quare cum habeamus tam multos de hac immunitate canones, erroneum est dicere reos non debere, nec posse in Ecclesia recipi, ac defendi; esset enim dicere non debere, nec posse obediri Ecclesiæ præcipienti. Quare optimo consilio 13. Illustrissimus & Reuerendissimus.

Domi

Dominus Don Gaspar à Quiroga Archiepiscopus Toletanus sanctæ Romanæ Ecclesiæ Cardinalis, & Generalis in regnis Hispaniarum Inquisitor contra hæreticam prauitatem in indice expurgatorio librorum nuper edito, de consilio supremi Senatus S. Generalis Inquisitoris anno 1583. iuter alia multa, quæ de eadem practica dicti Io. Petri de Ferrariis expuncta sunt, hoc quoque quod hoc loco retulimus, tanquam fidei catholicæ contrarium expungi iussit ab illis verbis: *Ego dico, salua reuerentia*, vsque ad versiculum: *Amplius queritur*. Id ideo à me hoc loco dictū sit, vt & catholici omnes huic sacræ inquisitionis generalis censure rā piæ, ac iustæ acquiescamus, & si forte is locus in nostris exemplaribus nō sit deletus, illum statim deleamus, sactæque Rom. Ecclesiæ libentissimis animis in hæ ipsa Ecclesiarum immunitate pareamus.

14. Possēt & ex alio capite videri Ecclesiarum immunitas aduersari iuri diuino naturali, quatenus impedit reorum punitionem: vt enim natura petit secari membrum putridum ne reliquo corpori noceat, sic secari per pœnam, & mortem reum, qui est membrum putridum corporis mystici ipsius reipublicæ ne reliquo corpori noceat. Sed certè hæc ratio nihil probat. Illud enim præceptum iuris naturalis primum non obligat vniuersè ad puniendum semper, & in omni casu omne reum, omnis enim cuiuscunque criminis punizio potius obesset reip. iuxta illud Poetæ:

*Si quoties peccant homines sua fulmina mittat*

*Iuppiter, exiguo tempore nullus erit.*

16. Vnde potius est præceptum inde-

finitum, & indeterminatum, quàm vniuersale obligans ad puniendum aliquando reos ne inualescant mala in perniciem reip. Multa sunt autem causæ, propter quas non modò possunt dissimulari delicta quasi non cognoscantur, sed etiam posteaquā cognita sunt potest venia per Principem indulgeri, quoties ex concessa illi venia non imminet aliquod peculiare damnum, reip. inter quas causas hæc quoque annumerati potest, quia reus ad Ecclesiam confugit. Secundo dico præceptum naturale puniendi reos non determinare pœnā cuique delicto debitā, sed pœnas omnes humano iure introductas esse, inuicem neque omnibus taxatas esse certas pœnas, sed permultis delictis relictas esse taxandas per iudicē; Ecclesiæ immunitas solum petit condonari vitam, & membra, grauēque pœnas corporis, quare potest aliis pœnis reos afficere. Tertiò licet etiā valde conforme sit iuri, ac rationi naturali, mortē morte vindicari, cūque qui hominem occiderit, neci tradi; non est tamen vniuersale præceptum iuris naturalis, vt homicidium pœna capitis plectatur. Ideo quod dixit Christus Petro iam vicius morti, *omnis enim qui gladio ferit, gladio peribit*, prophetia potius est eius, quod frequenter accidere solet, quàm præceptum de omni homicida occidendo: cū præsertim in eo casu, in quo tunc Petrus versabatur, impune liceat occidere ad necessariam defensionē innocentis, quod tunc Petrus fecisset, si occidisset; fecisset enim ad necessariam innocentissimi Agni Christi defensionem. Quod autem dixit Christus, frequenter euenire solet, vt qui hominem

17.

18.

19.



- minem occiderit, ipse quoque eodē mortis violentæ genere vitam finiat. Tunc solum est naturale præceptum occidendi maleficos, & homicidas, quando si condonaretur vita, perniciosum esset reip. In aliis casibus potest per Principem pœna ex aliqua rationabili causa commutari, vel etiam indulgeri. Potrò delictis, quæ reip. pernicioſa sunt, iam Ecclesia immunitatem abstulit, vt patet ex octo casibus hac constitutione expressis. Quod si aliquod aliud contingat alicubi delictum, quod omnibus rectè, ac sine animi perturbatione pensatis iudicetur eiusmodi, vt si reo ad Ecclesiam confugiendi vita condonetur, perniciem sit reip. allaturum, cedit ius humanum iuri naturali, potestque de Ecclesia extrahi ad pœnam. Solum moneo ne quis in hoc casu præcipitanter procedat, sed maturè, adhibitoque prudentum consilio, omnique animi perturbatione remota.
22. Nunc illud superest, vt illa Christi verba pensemus, in quibus Io. Petrus de Fetrariis fundauit errorem suum; Christus enim Dominus noster diuersimodè à diuersis Euangelistis fertur loquutus. Apud alterum enim refertur dixisse, *Nolite facere domum meam domum negotiationis.* quibus verbis actum negotiandi, qui est negotiatio, fieri prohiber in Ecclesia. Apud alterum dixisse fertur, *Domus mea, domus orationis vocabitur, vos autem fecistis illam speluncā latronum.* quod in personam latronum, non in actum latrocinandi sonare videtur; quasi latrones non sint in Ecclesia recipiendī. Sed respondet etiam nomen latronis pro latrone actu
- 20.
- 21.
- 23.

latrocinante positum esse, quod qui vendebant actu, latrocinabantur, negotiationi enim aliquod latrocinium facile adiungi solet, de iis enim ea dicit qui ibi negotiabantur, emendo, & vendendo, neque enim erant ibi alij latrones. Vnde & ipsemet Christus narrat parabolam duorum, qui ascendebāt in templum, vt orarent, quorum alter Phariseus erat, alter publicanus. Publicani publicè pro peccatoribus habebantur, & publicanus ille onustus peccatis in templum ascendit, præsertim verò publicani, & peccatores è templo non excludebantur, nisi quando ad latrocinandum in templo morabantur, in quo enim actu inuentos Dominus è templo eiecit; ac rursus Christus mulierem in adulterio deprehensam, & ad ipsum in templum adductam non modò non eiecit de templo, sed eiecit sapientissimo suo responso omnibus aliis, eidem in ipso templo ignouit, dicens, *Nemo te condemnat, nec ego te condemnabo.* Domus ergo Dei omnes personas recipit, vt in ea precando exaudiantur, & vt in ea orare omnes possint, eiecit negotiantes, qui aliorum orationes perturbant. Possè autem ac debere etiam peccatores in templum illud intrare ad orandum, expressè præcatus est Salomō 3. Reg. 8. cùm intulisset arcam in templum: ergo pari ratione admittendus est, qui ad Ecclesiā confugit, petiturus per clericos Ecclesie vitam, & membra ob Dei reuerentiam.

Demum immunitatem hæc Ecclesiaturum nō modò non dissonam, sed consonam esse iuri diuino naturali expressè tenet Villadiego in tract. de immunit. Eccles. in 2. præsuppo-

25.

*fit.* Reducitur enim ad primū Decalogi præceptum, vt lib. primo ostensum est, quatenus illud naturale præceptum colendi Deum humana inuentione applicatur ad hunc particularem cultum, vt pro Dei reuerentia permittatur reus tutus esse in Ecclesia, vel vita illi, ac membra indulgeantur. Proinde tanquam conformis Decalogi præcepto grata Deo fuit eadem immunitas, quæ admodum miracula non pauca in eius confirmationem facta, testantur, quæ suo loco adducemus, idque non potest sine fidei catholicæ præiudicio negati.

*An immunitas Ecclesiarum sit iuris diuini positiui, an merè humani.*

## CAPVT VII.

1. **F** VIT Ioannis Ignei sententia Iurisperiti celeberrimi in l. 1. ff. ad senat. consul. Syllanian. §. 1. à mun. 25. per multos sequentes, atque vniuersi Rothomagensis senatus, vt ipse refert, cum ad illum per viam appellationis de cuiusdam causa, qui ad Ecclesiam confugerat, fuisset delatus, & glossæ in Capell. Tholosan. q. 422. vt refert Villadiego in tract. de immun. Eccles. in 2. præsuppositione, esse immunitatem Ecclesiarum iuris diuini positiui. Adducit Igneus pro hac sententia multa Scripturæ loca, quæ parum ad rem faciunt. Duo tantum videntur aliquid, licet parum, habere momenti. Prior habetur Exodi 21. cuius verba fidelissimè relata sunt in c. 1. de homicidio: Si quis per industriam, & per insidias occiderit proximum, ab altari meo euelles eum, vt moriatur. Hinc infert à cō-
- P. Gambac. de immun. Eccl.*

trario sensu in aliis casibus, & delictis extrahi prohibitum esse, eodémque præcepto, quo illud iubetur, hoc prohiberi. Posterior Scripturæ textus habetur Math. 23. vbi cum Christus comminatus esset Iudæis, *Veniet super vos omnis sanguis iustus, qui effusus est super terram a sanguine Abel iusti vsque ad sanguinem Zacharia filij Barrachia, quem occideris inter templū & altare*, vbi obseruat Igneus meritò exprimi occisionis locum, quasi ideo vindictam sequutara sit grauior, quod in templo illū violata immunitate occiderunt.

Mihi verò primò certum est immunitatem nostrarum Ecclesiarum non esse à Deo præceptam in veteri Testamento, siue admittamus illis Exodi verbis contineri præceptum diuinum de immunitate illius altaris, ac tabernaculi, seu templi, siue non: illud enim ad nostras Ecclesias non transiret, sed cum ipsa mensa, altari, ac tabernaculo cessaret, esset enim inter cetera monialia simul cum altari, ac tabernaculo numerandum, sicut dictum est *lib. 1. cap. 9. n. 8. prope finem*. An autem ibi præceptū aliquod diuinum contentum fuerit, abundè dictum à nobis est illo cap. 9. fuisse præceptum quoddam indirectum, subobicurū, & quod vix ab illa gente præcepto fuerit cognitum, seruatum tamen loco immunitatem de consuetudine ex populi deuotione non solum quoad casuales occisores, sed etiam quoad aliorum criminum reos.

Secundò æquè certum est nullum esse Christi præceptum de immunitate Ecclesiarum. Probo primò ex S. Thom. communiter recepto 1. 2. q. 108. a. 1. & 2. & in quodlibet. 4. art. 13. nullum præceptum da-

T. tum

tum est à Christo, præter naturalia præcepta Decalogi, & supernaturalia præcepta fidei, & sacramentorū, præceptum autem de immunitate Ecclesiarū, neque in Decalogo cōtinetur; sed solum ad illud reducitur, neque pertinet ad fidem, neque ad sacramēta: ergo nō est Christi præceptum. Probat autem S. Th. nullum esse aliud præceptū à Christo datum, optima ratione, quia tota lex gratiæ, quam Christus attulit, est principaliter ordinata, ut gratiam consequamur per Christum filium Dei hominem factum, cuius sacra humanitas primò gratia repleta ad nos gratiam deriuare debet. Ideo de illis operibus tantum præcepta dare debuit, quæ vel ducunt nos ad gratiam, eamque operantur, cuiusmodi sunt sacramenta, vel necessariò pertinent ad rectū eiusdem gratiæ vsum, ut sunt præcepta Decalogi, vel habent necessariam connexionem cum gratia, & de his dari debuit præceptum affirmatiuum, cuiusmodi est præceptū de fide, & fidei confessione, vel habent contrarietatem ad gratiam, & de his dari debuit præceptum negatiuum de non neganda fide. De aliis operibus, quæ nullum habent huiusmodi ordinem ad gratiam, neque necessariam connexionem, & conuenientiam, neque contrarietatem ad illam, nullum dare debuit præceptum, sed ea relinquere libera, ut quisque partim ea sibi determinet, quæ expedire putat, vel à suo superiore determinata accipiat, & in hoc posita est libertas legis euangelicæ, quod hæc omnia nobis libera reliquit, quæ in lege vetere quantumque minima & determinata erant præcepto diuino, ceremonialia si pertinebant ad cultum Dei, iudicia-

lia si ordinabant hominem ad proximum; vnde & lex illa, lex seruitutis erat. Secundò probatur, si quod aliud præceptū à Christo datum est præter hæc, quæ dicta sūt, quæro, assignes, vbi datum sit in nouo Testamento? quod cum assignare nequiveris, fatearis necesse est, datum ab eo non esse. Ita si datum est præceptū de immunitate Ecclesiarum, assigna vbi, aut quibus verbis datum sit; nulla autem assignari possunt; ergo datum non est.

Tertio ex dictis necessariò sequitur immunitatem Ecclesiarū esse ex hominū institutione, siue quod sibi quisque hunc cultū Deo exhibendū propria volūtatē determinauit, siue quod qui in Christiana republica aliorum curam gerunt, hoc Christianis sua lege præceperunt. Probat, non est iuris diuini naturalis, nō iuris diuini positivi veteris Testamenti, nō iuris diuini positivi instituti à Christi, ut hactenus de singulis probatū est; ergo solius est humani iuris, atque ex hominum institutione.

Ad illam scripturam Exodi 21. patet ex primo dicto.

Ad alteram verò noui Testamēti *Matth. 23.* respondeo primò nihil minus ibi haberi, quàm violatæ immunitatis rationem. Apertè enim ex ipso contextu verborum apparet Christum nihil aliud eo loco intendisse, quàm redarguere Iudæos, à quibus ipse ad necem agnus innocens quærendus erat, quod iam cōsueuissent Iudæi Prophetas, iustosque homines necare. Pramiserat enim *Ecce ego mitto ad vos Prophetas, & sapientes, & scribas, & ex eis occideitis, & crucifigitis in synagogis vestris, & tūc subdit, ut veniat super vos omnis sanguis iustus, qui effusus est super terrā, numeransque*

támque iustos mentione facit Zachariæ filij Barrachiae occisi inter templum & altare: tunc denuo reprehensione assumens nullam. amplius facit loci sacri mentionem, in quo postrema illa occisio patrata erat, sed solius occisionis iustorum, dicens, *Ierusalem, Ierusalem, quae occidis Prophetas*, &c. ut hac ratione appareat coram comminationis, aut etiã reprehensionis vim in eo positam esse, quod occidat iustos, & eos quos fovere debuisset.

2. Expressit autem locum inter templum & altare, ut ex hoc intelligeretur quis ille fuerit iustus Zacharias, qui fuerat occisus. Qui si etiã facta loci mentione vix cognosci potuit, quisnam fuerit, ut multi multa senserint. D. Hieronymo teste super eum locum, mansisset omnino incognitus, si expressus necis locus non fuisset. Secundò respondeo certum esse expressione illã templi nullatenus ad violatã immunitatẽ posse referri, cum non fugerit Zacharias in templum, ut ibi impunitatem consequeretur, sed in templo degens, tanquam iustus ac populum reprehendens de idololatria in eodem loco lapidibus obrutus est. 2. Paral. 24. Addo teritiò etiã si dicta esset à Christo ea verba Iudeis ad exprobandum eis immunitatis illius templi violationem, adhuc nullã habere vim ad probandã nostrarum Ecclesiarum immunitatem; non enim licet argumentari ab illo templo ad nostras Ecclesias, ut ex prinio dicto constat.

*Quamvis Deus immunitatem Ecclesiarum non praeceperit, multis tamen miraculis testatus est eam sibi gratam esse.*

CAPVT VIII.

QVAMQVAM immunitatẽ Ecclesiarum ex eo intelligamus Deo gratã acceptamur esse, quod propter ipsius reuerentiã Dei, sanctorumque, ac sanctorum locorum, ciuili Principum iure, sanctorumque Conciliorum Romanorumque Pontificum constitutionibus, & Patrum decretis constituta est, & ad religionẽ cultumque Dei assumpta, & piẽ à fidelibus populis obseruata, id quod comune illi est cum iis ceremoniis, quæ canonico iure statutę sũt. I habet tamẽ aliquid peculiare, quo declarauit mundo Deus ipse sibi eam gratã esse multitudinem, nepe miraculorum, quibus Deus aliis ad confugiendum ad Ecclesiã opẽ supernaturaliter attulit, aut confugiendi impedienda iustulit, alios ne inde extrahi possent contra omnẽ humanam vim iuuat, aliis ut ad Ecclesiã, vnde perperã extracti fuerant, reducerentur, praestò fuit: alios qui restituere abstractus, vel satisfacere pro eo delicto contempserũt, diuinitus puniuit. Demũ vindicauit grauiter in eũ qui iura immunitatis lege abrogare ac tollere ausus est. Ex quibus omnibus deuoti populi vsque adeo erga hanc immunitatẽ affici deberent, ut quãuis constet, à Deo preceptã non esse, illã tamen non secus, ac si diuina lege posita esset, suscipiant, reuercantur, seruent, quandoquidem vident tot tamque variis miraculorum generibus testatum esse Deum eam sibi summo opere placere.

Primũ caput miraculorũ est Dei cõcutrẽtis cum reis criminũ in vineulis detẽtis ope sua supernaturali illos inuadò, ut cõfugere ad Ecclesiã possẽt. Audoenus Rothomagensis Episcopus in vita S. Eligij narrat lib. 4. 2 c. 15. Cũ pleriq; apud Lemonicos iã dñati ad mortẽ grauib; cõstricti

F 2 VII

vinculis detineretur, ne qua ratione possent effugere, effugendi tamē opportunitatem percommodam illis diuinitus datam esse. Venit illuc seruus Dei Eligius vt eos inuiseret, cūmq; id sibi licere instantē ab hominibus petens, nihil obtineret, sese in preces suas ad Deum conuertit, & vt erat pius, ac clemens, id summis ab eo precibus contendit, miseros illos, vt ab imminente mortis periculo liberaret, exaudiuit Deus, quem homines ne audire quidē voluerunt, & ecce tibi multa repenti miracula. Primum caligo quēdā vsque adēdē densa, atque palpabilis, totum complet carcerem, vix vt homines quicquam viderent. Deinde Eligio Dei seruo ad carceris ianuās appropinquante, repenti contractæ sunt seræ, vectesque ferrei, ac patefactæ carceris ianuæ. Tum Eligij monitu egredi iussi, miseri illi, & in S. Sulpitij propinquam ædem confugere, cūm obseratas illius basilicæ fores reperissent, nec quā ingredi possent, viderent, de iam concepta salutis spe decidunt. Cūm ecce, tertio adest illis ope sua Deus, è latere enim Ecclesiæ nulla humana opera, sed diuina potestate illico ostium apertum est, per quod in Ecclesiam ingressi ad sacrum altare sese contulere tremebundi, diuinōque munere sacræ basilicæ confugio vti sunt. Quid eis deinde contigerit posteriùs dicetur. Neque verò minus illustre fuit quod idem author *eod. lib. 2.* narrat. Vir quidam ferreis cōstrictus vinculis cūm ad supplicium raperetur, è trahentium manibus diuinitus dilapsus ad B. Eligij Ecclesiam quā celerimē aduolauit. Hic cūm ad eius Thecam tremebundus substitisset,

adhuc catenis illis onustus, è vestigio contractæ catenæ in terram magno impetu deciderunt, & cuius pietas dum viueret multos è mortis periculo liberauerat, eius defuncti reliquæ huic etiam profuere, vt posteriùs dicetur. Valdebertus 6. præterea monachus in vita S. Goaris Presbyteri circa annum Domini 850. aliud narrat miraculum memoriā dignum, Humfridi cuiusdam clerici seruus, cūm quo commissā in dominum culpa, manibus post terga teuinctis traheretur ad poenam, quā vehementer perhorrescebat, visam à longē S. Goaris Ecclesiam deuotē salutauit, opemque petiit vt illuc sibi tuto confugere liceret: nec mora quasi intrinsecus vocem ad fugam inuitantis audiret, vinclis quibus tenebatur dicto citiùs dissolutis, vt se liberum aduertit, in Ecclesiam sese proripuit, nec repetitus à Domino offensam suppliciumque vitauit.

Secundum caput miraculorum eorum est quibus Deus in Ecclesiis sua diuina ope præstō fuit, & ne inde ad supplicia raperentur diuinitus impediuit. Redeamus ad primos illos miseros, quos paulo antē ad altare basilicæ S. Sulpitij reliquimus. Curie enim ministri & carceris custodes, posteaquam eos in illa caligine iam fugisse de carcere cognouerunt, eos hac illac diligentissimē conquirentes, cūm tandem eam ingressi Ecclesiam illos ad altare stantes, comperissent, rabidorum leonum more furore inflammati inde extrahere diu conati sūt. Hortabatur eos vir Dei Eligius, qui illic simul cum eis aderat, à tam nefario scelere atque à sacrilegis ausibus abstinere, atque è sacro templo, qui locus est vitæ, miseros

ad mortem ne abducerent; nec tamen proficiebat, rogabat illos, nec impetrabat. Constrinxere illi denuo reos crudeliter arctioribus catenis. Cùm aliquis denuo irritas apud homines preces conuertit ad Deum: vix labia soluerat in preces, cùm repentè vinculis illis catenisque solutis, confectis, & in terram grauiter disiectis, omnium militum animi ita consternati sunt, vt miseros illos ne attingere ampliùs ausi, & ipsi reuerentiam sacro templo exhiberent, & miseri illi de mortis faucibus erepti, impunitatem consequerentur. De eo verò qui cùm ad supplicium raperetur S. Eligij Ecclesiam ingressus ad leius Thecam constitit, subdit idem Audoenus ministros, & tortores illum insecutos, vt videre hominem solutum vinculis, magna repentè vi ac furore catenas eius collo ac manibus denuo iniectis, rabièque, ac furore percitos extrahere de templo atque ad supplicium rapere conatos esse. Tum miserum illum parè exanimem, ac morti vultu similem, tensis ad viri Dei sepulcrum manibus, ita eum affatum esse: Placet ne tibi serue Dei Eligi confugientem ad te tuo auxilio destitui? Vix ea fatus erat, cùm contractæ ilico diuinitus catenæ omnes de collo deque manibus illius longius profiliunt, tum consternati animo milites, ac cælestis iræ timore perciti, in terram deiecti, temeritatis veniam suis lacrymis pauidi deprecantur, neque hominem attingere ausi, inde discedentes miserum illum liberum reliquerunt.

9. Tertium caput est eorum miraculorum, quibus supernaturali-

ter Deus puniuit eos, qui reos de Ecclesia abstraxerunt, donec illos eidem Ecclesiæ restituerent, aut proprij grauitate supplicij à similibus ausibus alios deterterent. Non enim tantum opem tulit vinctis in Ecclesia, ne abstraherentur, sed cùm aliquando extrahi permisisset, districta tamen ultione in extractores animaduertit. Refert 10. Paulinus in vita S. Ambrosij, Honorio Imperatore missos à Stilicone Comite milites qui Cresconium de Ecclesia, ad quæ confugerat, per vim extraherent. Aderat tunc in Ecclesia Ambrosius cum suis clericis, confugam de eorum manibus erepturus, rogabat illos optimus præsul, monebat, hortabatur, ne tantum scelus auderent illi, vt erant Arrianarum partium sectatores, sanctissimoque Episcopo infensi, efferatis animis facta vi, de præsulis ac clericorum manibus raptum hominem, de Ecclesia etiam abstraxerunt. Degebat eo tempore Imperator Mediolani, Libycarumque fetarum spectacula exhibebat: processerat Stilico in Amphitheatrum post Imperatorem, cùm illuc rapto Cresconio milites quasi parua victoria exultandi ad Stiliconem accurrunt, læti atque hilares sese imperata exequutos hunciant, & ecce tibi repentè emissi de causa ad ludendum leones recto itinere in eos irruentes, lætabundos illos miseros cachinnantesque intercipiunt, mactant, laniant, in oculis conspectuque populi, præcipue Stiliconis, qui eo viso horrendo, inopinatoque spectaculo, timore percussus, atque animo consternatus, veritus ne quid sibi deterius contingeret, qui tanti mali causa extisset

tiller, militum malo edoctus, accensam contra se Numiniis itam Cresconij ad Ecclesiam, vnde ablatu fuerat, restitutione placauit.

11. Fuit & mercator quidā, Bedaart nomine, cuius seruus, vt refert Valdeberus monachus in vita S. Goaris, ab offenso domino sibi grauiter metuens, nullam euadendi rationem sibi profuturam sperans, hanc solam experiri voluit, in S. Goaris Ecclesiam vt confugeret sanctum sibi propitium fore confidens, vt immunitatis iure tutū ibi esse sibi liceret, donec eius dominus monachus eius Ecclesie, vt moris erat, impunitatis sacramenta præstaret. Vix Ecclesiam erat ingressus, cum insequens illum dominus ira, ac furore inflammatus statim assequutus est. Hic tremebundū seruum per vim extrahere aggressus nulla sacri loci, neque verō sancti ipsius Goaris habita ratione ab Heritardo monacho eius Ecclesie, blandis primū verbis veniam seruo deprecante, deinde factis etiam tenente, & S. Goaris nomine comminante, cum neque placari tantillum, neque ab inferenda vi retardari posset, vt erat furore percitus abstractum per summam vim de altari seruum, & extra Ecclesiam raptum S. Goaris opem frustra (vt putabatur) inuocantem, pro foribus Ecclesie in oculis conspectūque monachi Heritardi, quasi in contemptum sancti viri, verberibus male accepit, donec exaturata temeritas crudelitate, prouocatam in se Dei ac S. Goaris itam experna est; immundo enim spiritu repente corceptus diris cruciatibus vita exutus exemplum posteris reliquit diuinæ vltionis in eos qui

sacrarum Ecclesiarum immunitati non deferunt.

Quartum caput miraculorum in cos est, qui cum Ecclesiarum immunitatem violassent, pœnitentiam ab Episcopo impositam peragere contempserunt. Narrat Ioannes Petrus Masseus nostræ Societatis sacerdos, cū aliis rebus multis, tū Christianæ historię doctrina insignis, in vita S. Hugonis Episcopi, septem aliquando regiæ curiæ satellites furtim raptum quendam de Ecclesia ad quam confugerat, suspensio necasse; id vbi ad Hugonis Episcopi aures peruenit, zelo diuini honoris, & sanctorum eius tactus ad ecclesiastica arma recurrentes excommunicationis mucrone illos omnes à sanctæ Ecclesie communione separauit. Illi timore perciti, ac veriti ne quid grauius paterentur, ad eius pedes sese pœnitentes abiecerunt, & veniam postulantes, & ad exequendam quam ille iniungeret pœnitentiam, ex animo se offerentes, vnus id facere superbia inuidus recusauit. Flexus supplici hominum humilitate præsul, ita demum ab excommunicationis sententia sex illos absoluit, vt inter cetera pœnitentiæ opera suspensi illius hominis cadauer ipsi seminudi per mediam urbem propriis humeris vsque ad Ecclesiam illius cœmeterium, vnde illum temere extraxerant, gestarent, ibique propriis manibus sepelirent, quod illi piè, quamuis summo cum dedecore, perficientes, itam tremendi iudicis euaserunt. At septimus ille pertinax, & superbus, quod illi piè, sponte cum sociis noluit, summis ualibus per septem continuos annos diuexatus, multisque calauitatibus impetitus, atque

12.

13.

damna non leuia, famæ, bonorum externorum arque personæ ipsius perpeſſus, facere tandem coactus est. Ad sanctum Episcopum dolens & contritus accessit, adque eius pedes supplex se prostrauit, erratî veniam excommunicationis absolutionem humillimè deprecans ille, vt hominem facie squalidum, veste lacerum, & tantarum calamitatum perpeſſione, pænè deformatum vidit, miseratione commotus ne afflicto afflictionem adderet, leni iniuncta pœnitentia, illum absoluens diuinam iram iam septimo in eum furentè repressit, eiusque calamitatibus finem dedit.

14. Postremum caput miraculorum diuinæ potestatis in eum fuit, qui immunitatis ecclesiasticæ leges abolere conatus est, horrendum dedit vniuerso orbi sui spectaculû, quod ita refert Paulinus in vita S. Ambrosij. Procopius olim Consul Imperatoribus diu clarissimus atque acceptissimus fuit: apud quos tanta valebat autoritate & gratia, vt non modò quicquid luberet, ab eis impetraret, sed ipse quodammodo solus, (quod summæ felicitatis putabatur) imperiû gubernaret, is cum fortunæ felicitate clarus, & Deo ingratus Imperatorum gratia contra sacra Dei templa eorûmque immunitatem abusus esset, neque modò eam frequenter violare temere ausus esset, sed illam omnino tollere atque abrogare conatus, tandem, extorta quadam ab Imperatoribus lege sustulisset, mutata repente diuino iudicio fortuna eorundem Imperatorum implacabilem iram, & capitale odium incurrit, cuius declinandi gratia, nam grauiter sibi ab illis metuebat cum

nullum alium locum tutum inueniret, ad Ecclesiam confugit, deprecans per eam defendi, atque ad immunitatem admitti. Sed propter sublata eius lege antiquissima iura immunitatis Ecclesiarum, admissus ad eam non est, eoque præsidio, quo alios priuauerat, diuino iudicio destitutus, gratia Imperatorum iam in furorem versa, non modò cum dedecore atque ignominia necatus est, sed, & vt omnino periret memoria eius, nomen eius eorundem Imperatorum iussu, de albo consulum expunctum, ac paulo post, sua antiqua immunitas sanctis Ecclesiis restituta est.

*Iure ne, an consuetudine introducta sit immunitas nostrarum Ecclesiarum.*

## CAPVT IX.

QVAMVIS, & prima illa a. 1. apud gentes confugiorum loca, nempe charorum statuas, & altare, ac tabernaculum Iudæorum immunitatem ex consuetudine moribusque populorum accepisse constet ex iis quæ 1. lib. cap. 6. & 9. 2. constitutæ sunt, & de immunitate etiam asyloꝝ cum nullæ reperiuntur leges, ipsa quoque consuetudine introducta est, de immunitate tamen nostrarum Ecclesiarum vsu ne, & consuetudine, an verò scripta lege primùm introducta sit meritò dubitari potest, cum ex vna parte permultæ extent, tum ciuiles Imperatorum, tum canonicæ summorum Pontificum, & generalium Conciliorum, de ea leges ab antiquissimis temporibus editæ



editæ; ex altera verò parte impro-  
 babile non videatur illos antiquis-  
 simos Christianos consueuisse ad  
 Ecclesias confugere: difficilis tam-  
 en quæstio est, quoniam à nemi-  
 ne vsquam ad præsentem diem, aut  
 mora dubitatio ista est, aut tentata  
 disputatio, quæ cum sit situ di-  
 gnissima, diligenter ac seriò nobis  
 laborandum est, vt si quid fortè  
 aut probabili aliqua coniectura  
 consequi, aut ex antiquitatis mo-  
 numentis eruere possimus, id in  
 lucem proferamus: ex his autem  
 quæ certa videntur inchoantes  
 4. ad incerta procede. Et primò qui-  
 dem certò atque euidenter constat  
 de nostratum Ecclesiarum immu-  
 nitate multa extare iura, nec pau-  
 ciores cõsuetudines recenseri, qui-  
 bus cõsuetudinibus vsque adeo et-  
 iam in iudicio deferri solet, vt ad  
 rectè iudicandum num casus ali-  
 quis sit ad immunitatem admitten-  
 dus, modò ad iura, modò ad cõsue-  
 tudines recurrendum sit, & vbi  
 cõsuetudines vigent, iuri antepo-  
 5. nantur. Iura quidem ciuilia non  
 pauca habentur *C. de his qui ad Ec-  
 clesias confugium*, per totum, & in *au-  
 thentico de mandatis Principum §. ne-  
 que autem*. Caonica verò iura non  
 6. modò multa habentur in *Decreto*  
*17. q. 4. & in decretalibus*, atque in  
*6. de immunitate Ecclesiarum in c. 1.*  
*de homicidio*, & *c. 1. eodem tit.*  
*in lib. 6.* ac postremò in hac  
 constitutione, præter infinita al-  
 lia particularia iura regnorum, ac  
 prouinciarum, quæ multa statuunt  
 cuique loco ac genti necessaria, at-  
 7. que conuenientia. Cõsuetudinum  
 verò laudabilium tanta copia re-  
 censetur, vt nullus omninò repo-  
 riatur, qui siue seriò atque ex pro-  
 pposito, siue cursim & per occasio-

nem aliquid de eadem immunita-  
 te scripserit, non fecerit multarum  
 cõsuetudinum mentionem, siue  
 eos intueamur, qui ciuiles canoni-  
 casque leges interpretati sunt, siue  
 eos, qui tractatus particulares de  
 ipsa immunitate scripserunt, siue  
 eos, qui casu cõscientiæ summas  
 ordine digessere, in verbo *Immuni-  
 tas*, siue eos qui de aliis rebus tra-  
 ctantes aliquid obiter de Ecclesia-  
 rum immunitate scripserunt.

Secundò certò etiam constat 7.  
 immunitatem hanc nostratum Ec-  
 clesiarum de possibili quidem non  
 minus potuisse initium sumere ex  
 cõsuetudine, ac moribus populi  
 Christiani, quàm apud gentes, at-  
 que apud Hebræos acceperit: si e-  
 nim gentes rē nouā, inuicem, inau-  
 ditam, nullo præcedente exemplo,  
 sola alicuius vrgente necessitate,  
 suo magno periculo hanc tentare,  
 experiri, ac moribus recipere ausæ  
 sunt, si Iudæorum populi sola al-  
 taris illius reuerentia cùm habe-  
 rent refugiorum ciuitates ad cõsue-  
 tudinem satis idoneas, aut diuini  
 illius præcepti occasione quo in-  
 sidiosum homicidam iude extrahe-  
 re iuebantur, hanc eidem altari  
 reuerentiam habere voluerunt, cur  
 primis illis Christianis in vera Dei  
 fide instructis, atque intrinsecus in-  
 mente per internum eius lumen  
 illustratis de vera religione edocis  
 per sancti Spiritus gratiam confir-  
 matis Gentilium, & Hebræorum  
 exemplo cõmonitis, de sanctarū  
 Christi Ecclesiarū dignitate solici-  
 tis, quibus iā strata hæc via erat, &  
 aperta ianua, cur, inquam, potan-  
 dum est, aut non uenisse in men-  
 tem, aut defuisse animos, ne quam  
 immunitatem ab antiquissimis tē-  
 poribus inanibus gentium, asyris,  
 atque

atque umbratili Hebræorum templo moribus populorum servatam, bene semper cessasse viderent, eandem verè sanctis, ac sacrosanctis Christi Ecclesiis vero Deo dicatis, ac solenni ritu ceremoniæque consecratis non impertirent ad ipsius Dei & Ecclesiarum honorem, ac reuerentiam, aut eam suis moribus non statim reciperent, cur aut occurrente casu nō confugeret Christianus ad Ecclesiā suæ religionis, sicut videbat confugere Gentiles ad asylū, aut cur is qui læsus Christianus à Christiano fuisset non ignosceret confugienti ad Ecclesiā, sicut videbat Gentilem ignoscere confugienti ad asylum, aut cur Christianus vniuersale illud colēdi Dei præceptum, ad hunc particularem colendi modū non applicaret, vt propter Dei, & Ecclesiæ sanctæ honorem ac reuerentiam, eum à quo læsus esset, attingere in Ecclesia non auderet? Cur demum sicut potuerunt Christiani Principes hanc immunitatem cogitare vtilem, & convenientem nostris Ecclesiis, eamque lege lara decernere non potuerint etiam priuati homines illam vsu moribūque recipere, aut cur illi ipsi homines qui asylis quive templo Salomonis hanc reuerentiam exhibere antequam ad fidem conuerterentur, soliti erant, ex illius vi consuetudinis postquam ad fidem conuersi essent, non eandem honorem suis Ecclesiis haberent, donec vsu atque consuetudine ita demum reciperetur, vt vim legis obtineret? Sed probatur ratione, quoniam ad bonam consuetudinem, quæ consuetudinis, & non abusus habent rationem, hæc requiruntur secundum canones, vt ratione constet,

*P. Gambac. de immunit. Eccl.*

vt religioni conueniat, vt disciplinæ congruat, vt salutis proficiat. *can. consuetudo, d. 1.* deinde vt non aduersetur veritati, ac fidei catholica, vt patet in singulis ferè canonibus d. 8. & *can. consuetudinem, d. 11.* & *can. nos d. 12.* At Ecclesiarum immunitas in tuendis reis habet hæc omnia: ergo potest consuetudine induci; maximè enim cōgruit rationi, iurisque naturali, ex dictis *lib. 1. cap. 19.* Religioni verò vsque adeo conuenit, vt ipsa sit actus quidam religionis humana ratione excogitatus, reductione pertinens ad primum præceptum Decalogi, sicut dictū est *eod. lib. primo cap. eod.* disciplinæ verò ac bonis moribus maximè consentanea est propter hanc ipsam causam, quòd Dei ac sanctorum reuerentiam intuetur, salutis verò proficit non modò corporali ipsorum reorum, sed etiam spiritali: tum ipsorum reorum, si cum debita reuerentia ac fiducia in Deum ad Ecclesias confugiant, cōstituendo seipsos sub ipsius Dei tutela, tum verò eorum qui offensi sunt quòd propter Dei reuerentiam iracundiæ, odij, vindictæ motus comprimunt veritati: demum fidei non modò non aduersatur, sed illi innititur, eamque hac externa religionis ceremonia profiteretur.

Tertiò ex certis ad incertā de- 9.  
scēdendo valde probabile mihi est nostrarū Ecclesiarū immunitatē ex consuetudine ortam primū fuisse, postea verò in lege positā. Ego enim de primis illis Christianorū fauoribus, deque sūma eorū religione sic iudico: Cū essent assueti gentiū asylis, & Iudæorū tēplo, siue qui ex Iudæis, siue qui ex gētibz cōuertebatur ad fidē, cūque viderēt asyla passim crescere, prout illis ipsis tēporibus

poribus creuisse, ex his quæ primo lib. retulimus ex Tacito & Suetonio apparet, non potuisse se cohibere, quin suis etiam Ecclesiis eundem honorem haberent. Non enim capere possum, sed nec sufficio cogitare primis illis nascentis Ecclesie temporibus in mediis veritatis splendoribus, in insigni illorum templorum sanctitate, curaque debita religionis, aut adeo cæcos fuisse Christianos, ut hanc lucem non cernerent, aut adeo parum religiosos, ut eam non reciperent. Quin putandum est eos grauiter timuisse, sicut timere debebat, ne si hunc honorem qui insignis cuiusdam loci sanctitatis certa nota erat, Christi Ecclesiis deesse paterentur, eo ipso viderentur eorum sanctitati detrachere, ac Gentilibus eas contemnendi occasione præbere, erat eo tempore maior necessitas nostras Ecclesias honorandi, cum à Gentilibus contemnerentur, ut omnibus saltem constaret eas apud nos tanti fieri, & eo sancto iure coli, quo erant eorum asyla.

10. Sed præter has probabiles coniecturas fauet singulariter huic sententiae insignis textus in *can. frater* 17. q. 4. quem quoniam miror à nemine hæcenus obseruatū, sicco pede pertransire non possum, ut quantum habeat ad hoc probandum momenti, plenius cognoscamus. textus est Gelasij Papæ, qui cum Epiphaniij Episcopi sententiam contra Benenatum, & Maurū (qui hominem de Ecclesia per vim extraxerāt) probasset, subdit, hoc ne potestatibus quidem ac principibus vnquam licuisse perpetrare. Is fuit Gelasius huius nominis primus, qui etiam primus ante omnes alios Pontifices cepit de Ecclesiarum immunitate statuere, ante cuius tempora nullæ extabant

canonicæ de hac immunitate leges. Hic ergo Pontifex his suis primis canonibus & probat Epiphaniij Episcopi sententiam latam contra eos qui Ecclesiarum immunitatem violassent, & testatur nunquam licuisse ne ipsis potestatibus ac sæculi principibus extrahere quemquam de Ecclesiis. Primum quæro cui iuri innixa erat sententia Epiphaniij contra illos violatores immunitatis lata, ut probari mereretur? Nō puto soli iuri ciuili Imperatorum, quoniam eo loco Gelasius illam immunitatis violationem vocat sacrilegium, ex solo autem ciuili iure rationem sacrilegij habere non poterat, & cum immunitas sit meri iuris humani, non potest habere rationem sacrilegij ex natura sua, quæ nec peccatum quidem esset, nisi lege prohiberetur; ergo aliquid aliud assignandum est vnde sacrilegij rationem haberet: aut tu ergo id assigna si quid habes, aut mecum fatere accepisse sacrilegij rationem ex communi populi consuetudine obseruantis immunitatē Ecclesiarum tanquam aliquid sacrum. Deinde obseruo verbum illud, *nūquam*; quæro quoniam iure nunquam licuit Principibus sæculi extrahere cōfugas de Ecclesia? quo iure fuit illis prohibitum? & primum refero verbum illud *nūquam* vsque ad principia nascentis Ecclesie, vel circa. Modò ante Gelasium nullū extabat ius canonicum, quo prohibitū esset Dices fuisse prohibitū iure ciuili codicis, id quod solū prima fronte videtur dici posse: sed neque hoc ratione dici potest. Pro quō suppono Gelasium primum gessisse Pontificatum circa annum Domini 495. Ciuile autē ius immunitatis primum ante omnes alios per Honorium ac Theodo

Theodosium cœpit constitui octoginta ferè annis ante Gelasij Pontificatum, hac facta certa suppositio-  
ne, vt ex historiis constat, & ostendetur à nobis cap. sequenti, probo non posse dictum Gelasij referri ad ius ciuile. Ait enim nunquam licuisse, quòd si ciuili iure nò licuit, solum per illos octoginta annos non licuit, qui intercessere ab Honorio & Theodosio Imperatoribus vsque ad Gelasium: quod tempus valde exiguum est si conferatur cum quadringentis quindecim annis, qui à Christo ad dictos Imperatores intercesserunt: necessariò ergo recurrendum est ad antiquissimam consuetudinem, quæ non modò à populo, sed ab ipsis etiam principibus tanquam sacra semper seruata sit, & ita inuiolabiliter, ac religiosè obseruata, vt ipsi Principes putarèt, aut etiam exterius significarent sibi non licere eam violare. Secundò probo, quoniam suo ciuili iure non adeò arctantur principes, vt absolute dici possit eis non licere id quod suo iure prohibetur. Potuissent enim tunc Principes, quando nulla canonica iura extabant, in suo illo iure dispensare, saltem ex graui aliqua & rationabili causa, qua occurrente licuisset: non ergo dici posset nunquàm licuisse. Dicit aliquis hæc verba dicta esse à Pontifice per quãdam exaggerationem, ideòque non opus esse omnino in sensu rigoroso verificari. Sed contrà, quia non videretur exaggerationi locus esse, cum agitur de re seria, & graui, neque verò tanta exaggeratio facienda erat, vt quod modico tempore nò licuerat, dici posset nunquam licuisse, nec tãta exaggeratio, vt quod licere poterat, nūquàm licuisse dicatur.

11. Huic textui Galasij PP. obiici

potest antiquior canon Concilij Arauscani cap. 4. qui refertur in can. eos qui, d. 87. & duo canones D. Aug. qui habentur 17. q. 4. c. miror, & c. res. qui Augustinus circa eadem tempora floruit, celebratum autem fuit Concil. Arausic. sub Leone PP. I. tempore Theodosij iunioris Imperatoris, à quo edita fuit 2. lex ciuilis: his autem canonibus statutum immunitatem, vt propterea & sacrilegium vocetur, & dicatur, nunquàm licuisse Principibus contrariū facere: sed hoc parum obstat, cum enim pauciores anni intercesserint inter hunc canonem, & canones Gelasij, quàm inter Gelasium, & primò ius ciuile, adhuc minus dici posset nunquam licuisse. Deinde Conciliū Arausicanū prouinciale erat, & iuris vim vbique non habebat, neque tẽpore Gelasij erat cõfirmatū, nec inter canones ille textus relatus. Quare probabilius est mihi tã dictū Cõciliū, quàm D. Aug. fundasse dicta sua in illa iã recepta populi cõsuetudine, quæ per lōga canonica habebatur, neque verò illa Augustini dicta erāt tũc inter canones relata.

Fauet tandẽ eidẽ sententiẽ textus præsentis cõstitutionis §. 3. vbi cùm faciat Põtifex antiquitatis, cõsuetudinis, iurisque immunitatis Ecclesiasticæ mentionẽ, consuetudinẽ priore loco exprimit, posteriore verò sacros canones, quo facto videtur antiquitatis seruasse ordinẽ, vt quo ordine inchoata fuerūt, eo ordine referatũr, vbi etiã obserua quod disciplinã maiorũ, id est, cõsuetudinẽ vocat priscã, canones verò vocat veteres: priscũ autẽ maiore quandã antiquitatẽ sonare videtur, quàm vetus. Demũ disciplinã nò modò priscã vocat, sed addit vocem relatiuã, dicens, priscã illa maiorum disciplina

plina, quæ duo verba simul coniuncta singularē quandā antiquitatē maioremque vetustatē demonstrant, quàm quæ simplici verbō vetustatis exprimitur, cum dicitur vetus sacrorum canonū forma: ergo singulari quadam, summaque antiquitate consuetudo illa canonis præcedit.

*Quæ sequuta sint iura immunitatis civilia, atque canonica.*

### C A P V T X.

1. **L** I C E T magna in consuetudine sit posita vis ad obligandum, & maior quàm in scripta lege, unde & communi omnium consensione consuetudo vim habet legem interpretandi, modificandi, mutandi, ac penitus abrogandi, & novam obligationem legi contrariam inducendi, & quoties consuetudo cum lege certat, consuetudini potius quàm legi standum est. Convenientissimum tamen, & quodammodo necessarium fuit de nostrarum immunitate, iam consuetudine recepta, etiam leges præscribi. Primò quidem ne progressu temporis cum iam odiosa esse inciperet magistratui seculari, dici posset à rudi populo nobilitate quadam animi potius quàm ratione suscepta, ut cum supremi Principes cognoscerent eam suis ipsorum legibus positam, totiusque Ecclesiæ voluntate in generalibus Cōciliis, & tot Romanorū Pontificū & sanctorum Patrum autoritate roboratam, intelligerent eam summo consilio, ac matura deliberatione institutam magnificerent, pietque servandum putarēt.

Secundò, ut ex utriusque potestati temporalis, ac spiritualis legibus apparet, quæ fuerit ab initio ipsius immunitatis facies, quàm omnibus grata, quàm accepta, cū utriusque supremi Principes ambaque potestates nō modò aded graves leges de ea tulerint, sed tā grauibz quoque penis cā munierint, ut graviorēs statui vix possent; lege enim Imperatorum, ut posterius dicitur, violare Ecclesiæ immunitatem crimen est læsæ maiestatis, & eius poenæ subiicitur. Utinā hinc intelligerent Principes seculares, eorūque magistratus quantū à maiorū suorū pietate, ac reuerentia erga Ecclesias deflexerint, hoc edocti perpetuo, & scripta lege obsignato testimonio reuerētis, qua laica olim Imperatorum potestas Ecclesias prosequuta est. Tertiò, ut ex hac utriusque potestatis consensione in Ecclesiarum immunitate statuenda intelligerent omnes eam esse utriusque reipublicæ bono tam tēporali, cui laica, quàm spirituali, cui Pontificia potestas prospicit, valde utilem, errare proinde eos qui quoquomodo obesse putent. Quartò utriusque potestatis subditi eam pro sua quique parte servarent, cum iure quique suo obligari se videant, laici Principū, clerici Romanorum Pontificum, & certè in hac re non possum nō mirari curiam secularem quòd tā ægrè ubique ferar Ecclesiarū immunitatem, quasi sacris canonibus constitutā, quòd tā parū attendat, quàm seuerè de ea civilia iura constituāt, quòd tam parum iuri civili de his qui ad Ecclesiā confugiūt, obediat, & cum tā multa sint, quæ rem publicā perturbant, in hanc vnam omnia coniiciat, huc omnia referat, quæ magna cecitas mentis est

ex

ex defectu pietatis, & religionis oborta, tanto grauior, quanto sub communis boni prætextu excæcat. Quæ si ita oblatrat contra immunitatem, ad quam ciuili Imperatorum iure obligatur, cettè actum esset de ea si solo canonico iure præscriberetur.

6. Venio ad vtraque iura, & iurium auctores. Primi enim leges de ea tulere Imperatores, quorum tanta fuit olim erga Ecclesiam pietas, & reuerentia, vt sicut in cæteris illi concedendis priuilegiis, quæ Ecclesias personæque ecclesiasticas concernunt, ita in hoc quoque Ecclesiam ipsam Romanosque Pontifices præueniant, vt Romani Pontifices magis sponte oblatum hoc priuilegium acceptarent, quàm ipsi instituerent: ita autem authores, & summa eorundem iurium capita percensebo, vt simul habita ratione temporum tota constitutæ immunitatis series in hoc capite velut in quadam tabella depicta ob oculos proponatur.

7. Primi omnium ciuilis iuris huius authores fuerunt Honorius & Theodosius iunior Imperatores circa annum Domini quædringentesimum decimum quintum, Zosimo Romano Pontifice vniuersalem Ecclesiam gubernante, centum ferè annis post Magni Constantini conuersionem ad fidem octoginta annis ante Gelasium I. Prædicti igitur Imperatores in l. *fideli. Cod. de his qui ad Eccles. confug.* verbis zeli ac deuotionis plenissimis eam legem sanxerunt, quæ quoniam me ad deuotionem commouent, referre non grauabor. Fideles (inquiunt) deuotæque præceptione sancimus nemini licere

confugientes ad sacrosanctas Ecclesias abducere. Pœnam adducy in transgressores, si quisquam contrahere tentauerit, sciat se maiestatis crimine retinendum. Arripite, oro, aures Principes, & Principum magistratus, ac satellites non Ecclesiæ vocibus, sed Principum laicorum, quales vos estis. Præceptio est, non consiliu, præceptioque fidelis & deuota, fidelis fideliter seruanda, deuota erga Deum, non Deo contraria, ipsique Deo, cui deuota est, cara, atque accepta. Nemini licere confugientes ad sacrosanctas Ecclesias, quàm reuerenter Ecclesias nominant, abducere: simpliciter dicunt, etiamsi reuerenter id facerent, sine clamoribus & rumoribus, modeste etiam sine vlla vi, sine iniuriis, sine tractatione, solum iubendo reo, vt secum eat, pœnam statuunt eandem quam crimini maiestatis, qua nulla grauior esse potest, ad hanc incurrendam pœnam, non aut temeritatem, aut audaciam, aut presumptionem in transgressione requirunt, sed solum si quis contrahere tentauerit, etiamsi forte extrahere non potuerit, eo solo quod tentauerit opere externo, tantam pœnam incurrat. Deinde idem Theodosius iunior, & Valentinianus secundum tulere legem circa annum Domini quædringentesimum trigessimum primum, sexdecim post annis sub Celestino Papa I. & habetur in l. *pateant. Cod. eod. tit.* qua declarata sunt eiusdem Ecclesiarum immunitatis spatia, ad tollendam omnem controuersiarum occasionem, nempe non solum altare, atque oratorium, id est, totam Ecclesiam orationibus fidelium deputatam, sed quic-

- quid fuerit intetiaccens siue in cel-  
lulis, siue in domibus, siue in hor-  
tulis, siue in balneis, siue in ar-  
cis, atque porticibus vsque ad ex-  
tremas fores, illuc confugientibus  
5. ara salutis sit. Et rationem af-  
signant, cur tantam statuunt am-  
plitudinem spatiorum pietatis, &  
denotionis plenam, ne in ipso Dei  
templo, aut sacrosanctis altaribus  
confugientium illuc, quenquam  
manè, vel vespere cubare, vel per-  
noctare contingat, quod indecens  
6. esset. Secundò verant confugis, ne  
intra ipsas Ecclesias arma teneant,  
aut in quouis prædictorum loco-  
rum immunitatis. Et si quis illuc  
cum armis confugiat, auctoritate  
Episcopi à clericis seueriùs conue-  
niatur, vt arma deponat. Qui si  
id facere recusauerit, intromissis  
illuc armatis satellitibus extraha-  
tur. Terriò demù statuit eadè lex,  
ne confugæ intra Ecclesiã somnù,  
vel cibum capere permittantur.
7. Per Leonem præterea Impeta-  
torem lata fuit tertia lex triginta  
quinque fere annis, post, sub finè  
Pontificatus Leonis Papæ primi,  
vel sub Hilarij eius successoris ini-  
tium, circa annum Domini 466.  
quæ multa prudentet constituta  
sunt, circa modum procedendi  
eos, qui ad Ecclesias confugiunt,  
quomodo citati, quomodo citati  
respondere debeant. In primis au-  
tem quod ad substantiam immu-  
niratis attinet, cum antea solam  
vetitū esset ne cōfugæ extraherē-  
tur, de Ecclesia, quāsi declarans hāc  
extractionem, ait, neque debere  
expelli, aut trahi, sub pœna sup-  
plicij capitalis, sed neque in ipsis  
Ecclesiis ita teneri, aut constringi,  
vt quicquam eis victualium, aut  
vestis negetur, aut requies, neque

pto eis Episcopos, aut Ecclesiarum  
æconomos exigi. Ecce quā am-  
plum immunitatis priuilegium cō-  
tēsserint Ecclesiis Imperatores,  
quā ampla immunitatis spatia,  
quā amplam delictorum omniū  
impunitatem, neque enim vllum  
omnino delictum exceperunt, in  
quo extrahendus esset, nec crimen  
quidem maiestatis in ipsam Impe-  
ratorum personam, nullam omni-  
no pœnam voluerunt confugis in-  
fligi, adeò liberales erga sacras Ec-  
clesias, Dei causa fuerunt, quod  
ideo fortasse fecerunt, quod cum  
ius asyliæ adeò amplum fuisset, no-  
luerunt nostras Ecclesias aliquid  
minus habere, siue minus Chri-  
stianorum moribus, ac pierati cō-  
fidere, vt quam Gentiles infideliū  
moribus confidissent, siue quia  
tanquam prudentes filij & Chri-  
stianorum periti rerum putauē-  
re huius priuilegij limitationes,  
moderationesque, si quibus expe-  
rientia competiretur opus esse, Ec-  
clesiæ vniuersalis pastori relinque-  
dos esse, ad quem omnis diuini cul-  
tus ratio Christi auctoritate de-  
lata est, quo facto declarant  
quantam in Romano Pontifice fi-  
duciam repositam haberent.

- Posteāque Ecclesia animaduertit  
8. Principes cœpisse date Ecclesiis  
priuilegium immunitatis, cœpit  
etiam ipsa aliquid de ea statuere.  
Ex primis omnium canon fuit edi-  
tus in Concil. Arausican. cap. 4.  
temporibus Theodosij iunioris Im-  
peratoris, & Leonis Papæ primi  
post editam secundam legem ciui-  
lom superiùs relatum circa annum  
440. can. eos qui, d. 87. In hoc cano-  
ne statutum est, eos qui ad Eccle-  
siam confugiunt, tradi non o-  
portere, sed loci sancti reuerentia.

& intercessionem defendi, intercessionem nepe apud curiam secularē, quā interceditur pro vita, membris, & pœnarū impunitate. Circa eadē tēpora floruit D. Augustinus, ex quo desumpti sunt duo canones positi in Decreto 17. q. 4. c. *miror, & can. reu.* quos ideo hoc loco nō repono, quia lōgē pōtēt cœperūt habere vim legis. Inter Romanos verō Pontifices primus omnium Gelasius huius nominis primus huic rei dedit initium circa annum Domini 495. à quo tres editi sunt canones de hac materia, qui vnā cum plerisque aliis habentur in Decreto 17. q. 4. referam autē illos eodē quo ibi sunt ordine. primus can. *frater*, secundus can. *metuētes*, tertius can. *uxor felicitis*. Rexit is Ecclesiā tēporibus Theodorici Regis & Zenonis Imperatoris. Primo eius canone, qui est secundus in ordine, sacrilegij crimen esse decernitur, confugā de Ecclesia extrahere. Probatūque Epiphaniij cuiusdam Episcopi sententia, qui extrahentem confugā de Ecclesia communione indignum iudicauit, neque ipse solum ea priuauit hominē, sed & alijs Episcopis, vt eundem ab omnibus suarū parochiarum Ecclesijs prohiberēt præcepit. Quod glossa de exclusionem ab immunitate Ecclesiæ intelligit, vt si fortē ad aliquam illarum Ecclesiarum confugeret, non admitteretur. Cui fauere videtur ratio in textu adducta, quæ similis est rationi adductæ in c. *fin. de immunit. Eccles.* Dicitur enim non debere ad supplicandum admitti, id est, supplicem ad immunitatem recipi eū, qui sacrilegium in Ecclesia admittit non dubitauit, extrahendo de Ecclesia confugam. Quanquam nō repugnat id intelligi & explicari

de excommunicatione, vt cū Epiphanius hominem excommunicauerit, eundem tanquam excommunicatum nemo ad suas Ecclesias admittat ad supplicandum, id est, ad orandum cum alijs. in hoc eodem canone habentur ea verba, nunquā licuisse Principibus & potestatibus confugas de Ecclesia extrahere. Quibus ex verbis præter id quod præcedenti capite intulimus fuisse ante omnem legem vsu receptam Ecclesiarum immunitatem, quā consuetudine ligabantur etiam Imperatores. Aliud quoque obseruandum est, si tunc non licuit, multoque minus modō licitum esse Imperatoribus extrahere quenquam de Ecclesia, multo minus eisdem licet lata lege nouos aliquos casus præter Romani Pontificis assensum ab eadem immunitate eximere, quā de re inferius disputandum erit.

In secundo canone, qui est tertius in ordine, statuit idem Gelasius, seruos timore dominorū confugientes ad Ecclesiam, posteaquā eorū domini clericis Ecclesiæ impunitatis iuramenta præstiterint esse eisdem statim restituendos, ne debitīs illorum seruitiis immunitatis prætextu defraudentur.

In tertio verō canone, qui est quartus, quoniam serui, ne ad dominos etiam impunitatis sacramenta præstātes redire cogerētur, præstēbant aliquando se iustā causam habere cōtra dominos, propter quā redire ad eos cogēdi nō essent, statuit seruum hæc facientē, si postea conuictus nullam iustā causam probauerit, ab Ecclesia nullatenus defendi, ne ei sacramenta impunitatis impetrari, sed domini sui ordinationi relinqui; sibi enim impuret quod



quodd oblata antea sacramenta sine iusta causa recipere recusauit.

12. Paulo post, sub Synmacho Papa circa annum Domini quingentesimum, qui fuit regni Theodorici decimus quintus in Concilio Ilerdensi editus fuit quintus de immunitate canon. qui incipit, *Nullus clericorum*, ubi etiam ad discipulos magnorum timore ad Ecclesiam confugientes extensa immunitas est, ut non modò seruum, sed neque discipulum confugientem ad Ecclesiam extrahere, aut verberare liceret, idque sub certa expressa pœna separationis ab illa Ecclesia, cui extrahendo inde discipulum, aut seruum, honorem non dedit, quam pœnam de separatione per excommunicationem gl. eo loco interpretatur. At quoniam excommunicatio non separat ab aliqua certa Ecclesia, sed ab omni, probabilius videtur intelligendum de separatione per interdictum, seu suspensionem ab ingressu illius Ecclesiæ, seu per exclusionem à seruitio illius Ecclesiæ, si in ea fortè esset deputatus. Fortè autem clericis solū hoc præcipere videtur, quodd clerici solerent in ea regione. esse ludimagistri, eadem tamen præceptio etiam ad laicos ludimagistros extendatur fauore ecclesiasticæ immunitatis.

13. Sextus canon editus est in Concilio Autelianensi primo, quod sub Hormisdæ Papa celebratum fuit, qui creatus est Pontifex circa annum Domini quingentesimum decimum quartum, & habetur in can. *id constitimus* 17. q. 4. Vbi declaratum est immunitatem etiam atriis Ecclesiæ competere, ac præterea domui Episcopi, ut inde neque abstrahi possit confuga, ne-

que alteri consignari, nisi datis per Euangelia sacramentis de morte, debilitate, & omni pœnarum genere sit securus, ita tamen, ut illi, cui fuerit criminofus, id est, quem læserit, satisfaciatur. Secundò posita pœna in eum, qui præstita impunitatis sacramenta violauerit, ut à communione Ecclesiæ omniumque clericorum, atque à catholicorum conuiuio separetur, quam pœnam non possumus nisi de vera excommunicatione intelligere, ut per catholicorum conuiuium non modò communem mensam, sed sacram Eucharistiam intelligamus, de qua canit Ecclesia, *ò sacrum conuiuium*, &c. Tertiò statutum est, quando pars læsa oblata à confuga competentem satisfactionem recusauerit acceptare, si postea confuga illius timore ductus aufugerit, non teneri clericos Ecclesiæ de eo rationem reddere. Quartò statuit de. seruis post accepta à dominis sacramenta restituendis, quo in canone illud obseruandum est Concilium primis pœnè verbis protestari se id constituere, quod & Ecclesiastici canones & lex Romana; id est, ius ciuile Romanorum Imperatorum decreuerunt, quasi dicat se nihil noui præcipere, sed ea solū, quæ ciuili, & canonico iure præcepta erant, quæ si coniunctim intelligamus, ut quicquid hoc loco exprimitur dicatur utroque iure ante præceptū, aut falsa esse fateamur, aut aliquas alias tunc temporis fuisse iam ciuiles, quàm canonicas leges, quæ modò non extent, certum est enim neque vllum extare modò canonicum ius quod de atriis Ecclesiæ statuerit, de quibus sola est ciuilis Theodosij *l. pateant*, de qua supra

præ diximus, neque vlllo ciuili iure statutum esse de seruis, ac demum neque ciuilem, neque canonicam aliquam extitisse legem, vt quando pars læsa noluerit acceptate competentem satisfactionem à confuga oblarum, clerici, si ille aufugerit, ad nihil teneantur. Quate videtur mihi illa particula coniunctiua, & lex Romana, & Ecclesiastici canones, pro disiunctiua accipienda esse, atque hoc ipsum, neque vniuersè de singulis quæ statuuntur intelligi, sed indefinitè, vt aliqua quæ hoc canone statuuntur Romana lege, aliqua verò ecclesiasticis canonibus statuta sunt, aliqua de nouo addantur. Et propterea non dicit hæc Conciliū per aliquam particulam exclusiuam, quasi nihil aliud velit statuere, nisi quod iam ciuili, aut canonico iure statutum erat, sed solum narratiuè id constituimus, quod lex Romana & ecclesiastici canones statuerunt. Neque illud pertranseundum hoc loco est, ciuilia immunitatis iura, quæ ante hunc canonem edita erant, hoc loco probati ab Ecclesia, quando Concilium nihil contra ea audeat statuere. Ideoque non licuisse postea, neque verò modò licere Imperatoribus ea mutare.

14. Sub Leone deinde Siculo, qui Leo Papa secundus, vel Leo iunior dictus fuit, vel sub Agathone, qui eundem Leonem biennio antecessit anno primo Eringi Regis Hispaniarum circa annum Domini sexcentisimum sexagesimum tertium in Concil. Tolitano XII. editus est septimus in orde canon. qui incipit *definiuit* 17. q. 4. in quo primum expressum est residentes in Ecclesia non posse extrahi, deinde ad ea quæ constituta erant, vt caueatur reo de morte,

*P. Gambac. de immunit. Eccl.*

debilitate & omni poenarum genere, *can. id constituimus*, additum est expressè, neque licere inferre confugis quicquā nocibilitatis, damni, aut spolijs. Tertio ampliata sunt immunitatis spacia etiam extra omne Ecclesiæ ambitum, ac circuitum ad triginta passus prope Ecclesiam, ad quos vult confugas tutò egredi ad requisitum naturæ vsum, ad edendum, bibendum, cubandū, id quod affine est ciuili iuri, in suprâ relata lege *pateant*. in qua ad hunc ipsum finem extendebatur immunitas ad cellulas, domos, balneas, hortos, &c. vt illuc exeant confugæ ad requisitum naturæ vsum. Quoniam enim pleræque Ecclesiæ vel nihil horum habent, nisi altare & oratorium, vel siquid habent, id adeò angustum est, vt vix vsui clericorum Ecclesiæ seruientium satis sit, nec possit ibi recipi confuga. Ideo hoc canone prouidit Concilium de alijs 30. passibus ad eundem requisitum naturæ vsum. Quarto statuitur in transgressores immunitatis excommunicatio, quæ videtur esse lætæ sententiæ, quam fortè nullus obseruauit; communiter enim Doctores dicere solent esse ferendam. Verba autem textus satis apertè latam sententiam sonant; dicitur enim *excommunicationi subiaceat*: ergo nulla expectata sententiæ iudicis, qui contra facit, subiaceat excommunicationi; sed de hac re fusiùs disputandum erit infrâ *lib. ultimo*, vbi agemus de poenis. Quintò poenam statuit in sacerdotem, & economum nep̃e Ecclesiæ, qui oblato per eos, qui cōfugas reperiunt, debito sacramēto, eos consignare nequinerit, ea autē est, vt si illi postea aufugerint, ipse teneatur vel restituere fugitiuos, si haberi possint, vel damnum quod ij passi fuerint

X

fuerint compensare.

15. Octauus est canon Nicolai Papæ I. qui incipit, *sicut antiquitus*, 17. 9.4. editus circa annum Domini octingentesimum quinquagesimum octauum, Ludouico I I. Germano Imperatore, quo triginta illi passus superiori canone constituti minoribus, maioribus verò Ecclesiis quadraginta passus assignantur, & vt ex dictis manifestè constat, hætenus semper ampliata paulatim est Ecclesiæ immunitas ecclesiastico iure, modò ad personas plures, etiam ad discipulos, modò ad loca expressis arcis, & 30. ac 40. passibus extrà, modò ad impunitatem, vt non modò in vita, & membris, & in omni pecnarum genere sint immunes, sed etiam vt nihil nocibilitatis, damni, spolij eis inferatur, modò quod indemnitate partis, vt si parte læsa offerente sacramenta æconomus confugam non restituerit, isque postea fugerit, teneatur ille parti, vel confugam consignare, si haberi possit, vel damnum compensare.

16. Hoc primùm canone incipit eadem immunitas restringi, quoad personas ad Ecclesiam confugientes, priuatur enim immunitate vnù genus reorum, nempe publicus latro: & iste est primus casus exceptus à priuilegio immunitatis, vel quia fortassis multi erant tunc in Hispaniis publici latrones, vel quia aliquis publicus latro insigne quidpiam patrarat; neque enim putandum est venisse Concilium ad hanc limitationem absque aliqua graui causa: demum penam statuit excommunicationis ferendæ, non quidem simpliciter, sed tandiu duraturæ, quousque emender. Vnde & per iudicem sub hac forma ex-

communicari debet, vt maneat excommunicatus, donec eum, quem ab Ecclesia abstraxit, eidem restituat.

In Concilio Triburien. sub Arnulpho Imperatore, Stephano verò Quinto Romano Pontifice circa annum Domini octingentesimum nonagesimum editus est 9. canon. qui incipit, *si quis contumax*, vbi exprimitur de atrijs, & porticibus Ecclesiæ illi quomodolibet adhærentibus, quæ erant ciuili iure expressa in l. *pateant*, & alia duplex poena constituitur iis, qui de Ecclesia aliquem extrahunt, prima vt non gentos solidos Episcopo pro immunitate componat. Secunda publica pœnitentia iusto Episcopi iudicio itroganda. Arrigant aures Episcopi ad hanc poenam pecuniariam, magis enim propter eam deferretur Ecclesiæ, quam fortè propter alias.

Extant & alij duo in Decreto relati canones ex B. Augustino 17. 9.4. quos extra temporum seriem refero, quia non fuerunt editi tanquam canones ab habente auctoritatem iuris condendi, sed canonis auctoritatem longè postea acceperunt, cum in Decretum relati, & pro lege acceptati fuere, quos si quis velit ad temporum seriem reducere, nõ difficile erit, cognoscere Augustinum floruisse circa D. Hieronymum. senectutem, circa tēpora Leonis Papæ primi, ac Theodosij iunioris Imperatoris, à quo edita fuit secunda lex ciuilis, de immunitate Ecclesiarum, *Cod. de his qui ad Eccles. cōfug.* In priore ergo Augustini can. qui incipit *Mirror*, extrahēti cōfugam de Ecclesia districtè præcipitur, vt illæsum illum, id est, nullo pœnarū genere affectū eidem Ecclesiæ

- clerici restituat, ac præterea interdicitur clericis, ne oblatione domus eius suscipiant; ubi obserua totam eius domum, non ipsum solū in hoc puniri. Demum communionem illi interdicit, donec peccata pœnitentia ab Episcopo iniuncta, tempore ordinato, corde contrito, & humiliato, dignum Deo offerat sacrificium;
20. in posteriore verò canone qui incipit *Rem*, non modò extrahere reū de Ecclesia, sed illum donare prohibet ad pœnam, vel mortem. Quare neque ministri curiæ possunt illum extrahere, neque clerici Ecclesiarum, sub quorum tutela est, possunt illum donare eisdem ad pœnam, & merito dicit *ad pœnam*, quia accepto ab eis sacramento de impunitate possunt illum donare. Postremò Ecclesiarum rectoribus præcipit, vt confugæ pacem, vitam ac mēbra studeant obtinere. quod præceptum nupsia antea fuerat ita clare expressum. Demum vult reū id quod inique fecit cum parte cōponere, hoc est, debitam illi satisfactionem offerre, & realiter satisfacere cū effectu. Decem ergo omnino, vel veriùs vndecim habentur in Decreto canones de hac Ecclesiarum immunitate. Vnus Concilij Arausicanus, tres Gelasij Papæ I. vnus Hardēsis Concilij, alter Aurelianensis I. vnus Concilij Tolet. XII. vnus Nicolai Papæ, vnus Concilij Triburien. duodemum sancti Augustini Episcopi.
21. Veniamus ad recentiora iura decretalium. In titulo de immunitate Ecclesiarum Innocentius III. in c. *inter alia*. primā edidit decretalē sub Henrico VI. Imperatore, circa annū Domini millesimū ducentessimū decimū quintū, vbi primum omnium proficetur Pontifex statue-

re sese iuxta ciuiles leges, quod intelligendū est de legibus Codicis, non autem Authenticorum. Deinde decernit reos ad Ecclesiam confugientes quantumcunque grauius delicta perpetrauerint, neque inde violenter extrahendos esse, neque ad mortem, neque ad pœnam corporalem membrorum esse damnandos, iuxta dispositionem canonis *id constitutum*, & can. *rem* 17. q. 4. Addit tertio id, quod antea in iure canonico erat inauditum, esse nihilominus reos pro illo delicto, legitime, hoc est, iuxta iuris dispositionem puniendos, ita vt non omninodam per Ecclesias impunitatem consequantur, sed impetrata eis vita, ac corporalis pœnæ remissione alijs siue taxatis in iure pœnis, siue indicis arbitrio taxandis afficiantur, cessetque iam dispositio in can. *id constitutum*, quatenus volebat eos esse de omni pœnarum genere securos, ac dispositio in can. *definit* 17. q. 4. qua vetabatur eis quicquā damni, aut nocibilitatis inferri, & can. *reū*, vbi vetatur extrahi, aut donari ad pœnam, vel mortem. Quarto excipit ab hoc immunitatis priuilegio non modò publicum latronem, qui excipiebatur etiam in can. *sicut antiquitus* 17. q. 4. Sed addit etiam nocturnū depopulatorem agrorum. Demum statuitur, seruos acceptis à domino impunitatis sacramentis compellendos esse ad eius redire seruitutem.

Altera decretalis, quæ decimū tertium locū obtinet, est Gregorij Papæ noni in c. *Eccles. de immun. Eccles.* Decimo quarto loco numerari potest altera eiusdē Gregorij decretalis in c. *fin. & immunitate Ecclesiarum*, circa annū Domini millesimū ducentessimū quadragesimū, propè ea tēpora

quibus idem Pontifex sanctissimos illos duarum florentissimarum religionum Patriarchas de Christi Ecclesia optimè meritos, sanctitatis, ac miraculorum gloria illustres, Beatos Franciscum, ac Dominicum in sanctorum numerum retulit, Federico II. Imperatore. In priore decretali declarat Ecclesias non modò consecratas, sed etiam non consecratas hanc immunitatem habere; in posteriore verò alium tertium casum excipit à priuilegio immunitatis, si quis homicidia & membrorum mutilationes in Ecclesia, aut cœmeterio committat, quod communiter Doctores intelligunt de quouis alio graui delicto in Ecclesia perpetrato.

24. Aliæ duæ decretales huc pertinere videntur, quatum altera ipsis præcisis Exodi verbis concepta est, nec alicui Pontifici tribuitur, vt sit decimaquinta in ordine, qua nò ab alio quàm ab ipso decretaliū cōpilatore marte proprio, aut fortè verius iubente Pōtifice, cuius auctoritate libros decretalium compilauit, eo loco positam censeo, quæ sic habet, *Si quis per industriam, & per insidias occiderit proximum, ab altari meo auelles eum, vt moriatur.* Altera habetur in c. 1. de homicidiis lib. 6. vbi statuit contra eos qui per assassinos hominem occidunt, eiusmodi pœnas, vt videatur eos etiam immunitate priuare. De vtroque homicidij genere, an verè etiam hodie immunitate careat, disputandum erit inferiùs, vbi de casibus agerur, qui ab immunitatis priuilegio reos excludunt.

25. Nouissimè edita est hæc constitutio, quæ decimumseptimū & hætenus vltimū locū obtinet, inter omnia canonica iura, edita à Grego-

rio XIV. prope sui Pontificatus initium anno Domini 1591. mēse Maio. In qua primum reuocat omnia indulta, & priuilegia super extrahendis confugis concessa, deinde octo casus ab immunitatis priuilegio excludit, qui omnes etiam antea comuni panè Doctorum consensu excepti putabantur, quamuis aliqui non fuissent in iure expressi, Tertio omnes omnino confugientes ad Ecclesiam decernit, requirente curia seculari retrahi debere, nò sine tamen Episcopi licentia, & ad carceres duci curiæ ecclesiasticæ. Interea per Episcopū cognosci, nū aliquod horum octo criminum commiserit. Vbi verò cognouerit eum verè aliquid horum commisisse, iubet tradi, & consignari curiæ seculari per iudicem ecclesiasticum de Episcopi mandato. Pœnas pleræque decernit contra transgressores, appellationē reo interdicat à sententia Episcopi, multaquæ alia sapiēter constituit pro moderatione & conseruatione immunitatis.

---

*An laica Principum potestas possit verè & iure suo concedere Ecclesiis immunitatem confugij.*

#### CAPVT XI.

EX iis quæ superiore capite dicta sunt, satis constat si de facto loquamur laicam Imperatorum potestatem non modò concessisse Ecclesiis priuilegium immunitatis huius, sed lata lege concessisse, declarasse, extendisse, eoque concedendo præuenisse omnem spiritualē, siue ecclesiasticam Pontificū potestā

potestatem, ut patet ex plerisque legibus Codicis *tit. de his qui ad Ecclesias confugium*. Quare de facto nullus relinquitur dubitandi locus.

2. De iure solum dubitari potest, iure ne factum id sit, & an ad ipsam laicam principum, an verò ad spirituales Pontificum Romanorum potestatem spectet privilegium huiusmodi Ecclesiis concedere, & an Principes posteaquam privilegium aliquod concesserint Ecclesiis, possint illud restringere, revocare, mutare. quæ tres quæstiones tribus capitulis sequentibus tractandæ sunt. In præsentî capite solum examinabo, quidnam possit in hoc concedendo laica Principum potestas, & pro utraque parte non desunt dubitandi rationes. Nam ipsa privilegij definitione palam sit, privilegiare esse actum iurisdictionis non modò supra ipsum ius commune, à cuius obligatione privilegium liberat, sed etiam supra privilegiatum, qui ab ea obligatione liberatur. Nemo enim potest alienum subditum liberare ab obligatione servandi commune ius, legemque publicam. Id ex ipsa privilegij definitione sic colligo. Definunt Doctores privilegium esse legem privatam, seu ius privatum indultum à Principe contra ius commune. ita Panormitanus expressè *in cap. abbate, de verbor. significat.* & ibi alij plerique, & summissè *in v. Privilegium*, in initio. Sylvester, Tabien. Angelica Rosella, Pisanello. Et B. Annilla *in v. Privilegium*, in initio, aliam afferat ex S. Thom. definitionem, testatur tamen secundum canones hanc ipsam definitionem esse recipiendam. Hanc autem definitionem desumunt ex *can. privilegia d. 3.* In
- 3.
- 4.

hac autem definitione duo exprimuntur, quæ ostendunt requiri in privilegiante potestatem supra privilegiatum; primum quod dicitur indultum à Principe, nisi enim necessaria esset potestas, necesse non erat ullam facere Principis mentionem secundum quod ait contra ius commune. Nemo enim potest ab obligatione iuris eximere, nisi qui potestatem habet iuris condendi, & ad illud obligandi: ergo ut quis possit aliquem legitime privilegiare, & concessio privilegio liberare ab obligatione iuris, necesse est, & supra ius ipsum habere potestatem, & supra privilegiatum. Tum sic ulterius progredior: Ecclesia est, quæ privilegiatur hoc privilegio, Imperatores autem, qui privilegiant, ut constat ex dictis, Imperatores autem nullam habent super Ecclesiis potestatem: ergo non possunt privilegiare. Hinc concors est Doctorum sententia non posse Imperatorem in spiritualibus privilegiare, propterea quòd cum merè laicam habeat potestatem, nihil de spiritualibus statuere potest, ut habetur expressè definitum *in can. bene quidem d. 96.* Hoc autem privilegium spirituale est, pertinet ad Dei cultum, & sanctarum Ecclesiarum honorem: ergo non potest per Imperatores concedi.

Contra verò privilegium concedi posse non subdito, communis est Doctorum consensus, unde adeò certum hoc esse videtur ut in disputationem non trahatur. Sed hoc quasi supposito quaeritur inter Doctores quomodo privilegium concessum non subdito sit interpretandum, & quamnam habeat vim, seu efficaciam, cæteraque

5.

huiusmodi, & in confesso est Imperatorem posse priuilegiare Ecclesiam in temporalibus.

6. Pro solutione aduertendum primò ex *Isid. lib. 5. etymol. cap. 18.* & habetur in canone *priuilegia d. 3.* nomen priuilegij sonare legem priuatorum, quasi priuata lege sit. Nam priuilegium indè dictum est quasi in priuato feratur. quibus verbis tres afferuntur vocis huius notiones, quæ licet verbis differant, in idem tamen recidere videntur. Primò enim in singulis nomen legis ponitur, lex priuatorum, lex priuata, lex quæ in priuato fertur; dicitur enim lex priuatorum, non quòd à priuatis statuatur, sed pro priuatis aliquibus, non enim toti reipublicæ ad quam lex pertinet, sed paucis quibusdam siue locis, siue personis, quibuscum in lege publica dispensatur, priuilegium indulgetur. Hinc & priuata lex dicitur, non quòd ipsa lex priuata sit quæ eo ipso quòd lex est, publica est, sed ad priuatos pertinens, & priuatorum commodo seruans. Potest enim priuilegium etiam publica lege concedi, prout pleraque de facto concessa sunt, inter quæ hoc ipsum immunitatis Ecclesiarum priuilegium numeratur, de quo multæ ciuiles, multo plures canonice extant leges. Tertia demum illa notio quasi in priuato feratur, non ita intelligenda est, quasi non etiam in publico ferri priuilegium possit, sicut & lex 1. sed vel quòd cum sit lex priuatorum gratia facta, siue priuatos concernat, non requirat natura sua illam legis publicitatem, ut publicè promulgetur, sed satis sit eis priuatim tradi, atque intimari, quibus fuerit, qui id postea aliis,

quos concernit, intimare poterunt pro loco, & tēpore, ut ex eo quòd lex est priuata, vel priuatorum, non requiratur necessariò publicam illam ad populos promulgationem. Quamuis autem priuilegium eo ipso quòd priuilegium est, non requirat hanc publicam, & solemnem publicationem quæ promulgandis legibus adhibetur. Quoniam tamen potest lege publica concedi, non modò non illi repugnat, sed expedit tunc legis more, & adhibitis debitis solemnitatibus promulgari.

8. Aduertendum verò priuilegium duobus modis dici propriè, & impropriè, siue amplè, ut notant communiter Doctores: qui hac distinctione concordant iura, quorum alia dicunt priuilegia esse strictè, alia verò amplè, interpretanda. Propriè dicitur priuilegiū id quod est concessum à Principe contra ius commune, & hoc sensu optima est illa priuilegij definitio superioris allata per Doctores, esse legem priuatam contra ius commune; late verò, siue impropriè priuilegiū, vocatur id, quod conceditur præter ius commune, & hoc sensu rectè definit illud S. Thomas exceptus apud Armillam, ubi suprà, priuilegium esse legem priuatam, quæ si nulli præiudicat, potius habet rationem beneficii, quàm priuilegij, ex Panormitano in *cap. olim, de verbor. signific.* communiter recepto apud Syluestrū, Armillam, & alios summatas in *v. Priuilegium*, in initio. Si autem alicui tertio præiudicet, magis seruat naturam priuilegij, quia quatenus præiudicat tertio, contra ius commune est. Dixi autem, si præiudicat alicui tertio, quoniam si soli concedenti
- præ

præiudicat, adhuc rationem beneficij magis retinet.

- 9, Aduertendum tertio nomen legis positum in etymologia, atque in definitione priuilegij duobus modis accipi posse. Vno modo propriè, prout lex est constitutio Principis, & ius quoddam publicum legitimè promulgatum, & hoc modo restringitur priuilegiū non modò ad priuilegium propriè dictum, sed adhuc arctiùs ad illud solum priuilegium propriè dictum quod publica lege conceditur à Principe habente potestatem, tam supra legem, à qua exiuit, quàm supra personas, & res quas priuilegiat, & vt dixi, de huiusmodi priuilegio, certum est ab eo solo concedi posse; qui potest legem condere, vt egregiè notat Hostiensis relatus apud Syluestrū, quem sequuntur omnes canonistæ & summistæ, & ratio id suadet, tum quia hoc priuilegium lex est, vt supponitur, tum quia huiusmodi priuilegia, quæ lege conceduntur, solent esse cōtra ius cōmune, & ideo lege cōceduntur, vt constet quod authore Principe contra legem fit. Secundò sumi potest nomen legis minus propriè pro eo quod conceditur ordinariè fieri de re, vel circa rem pertinentem ad eum qui priuilegium concedit, quatenus sibi quisque præiudicat in re sua, quod priuilegium inagis habet rationem beneficij quatenus benefaciendo alteri de re sua sibi præiudicat. Potest etiam Princeps concedēdo priuilegiū præiudicare alteri, & cū alterius præiudicio alteri benefacere, siue id faciat lata lege propriè dicta, siue absque lege propriè dicta, accepto nomine legis pro eo quod ordinariè conceditur.

Aduertendum quartò omnem supremum Principem posse priuilegiū concedere lege publica contra ius cōmune in terris suæ ditioni subiectis. est communis Doctorū sententia, vt suprà, quoniam sicut potest legem ferre, & latam totaliter abrogare, aut moderari, interpretari, &c. sic potest certas personas ab obligatione legis eximere, certaque loca. Item solū Principem posse rebus suis propriis ac iuri suo præiudicare, concedendo priuilegium. Nullum autem alium posse quouis priuilegio præiudicare Principi, eiusque rebus, vnde est regula Innoc. in c. olim, de verbor. signific. & gl. vltima in c. quia circa, de priuileg. communiter receptæ, priuilegia Principis esse latissimè interpretanda in præiudicium concedentis. Et B. Sylu. in v. Priuilegiū. §. 2. vers. licet, secundum Bernardum teneat, post Bernardum non consueuisse Pontificem Romanum aliquem priuilegiare contra se, arg. c. cum ex officio, de prescriptionib. quod est, inquit, cōtra fingentes se habere priuilegia iudicandi de rescriptis Papæ, & quòd secundum illa nō sit sine eorum approbatione concedendum; tamen id non est vniuersè verum, sed distinctione eget: si enim loquamur de iurisdictione, & ad iurisdictionē Papæ pertinentibus, verū est non consueuisse ipsū priuilegiare contra se; suæ supremæ iurisdictioni præiudicando; si verò loquamur de bonis temporalibus ad ipsum pertinentibus, solet sibi præiudicare, vt priuilegium concedendo quo eximit nonnullos regulares ab onere decimarum etiam papalium; in præiudicium verò tertij priuilegiare potest idem supremus Princeps, etiam



etiam in præiudicium vniuersita-  
tis, seu communitatis, eximendo  
aliquos ab oneribus, etiamsi ho-  
rum exemptione vniuersitas gra-  
uetur ipso supremo Principe æquè  
integrum vectigal exigente, vel o-  
nera alia realia, vel personalia à re-  
liqua vniuersitate, ac si neminem  
exemisset. ita expressè Sylu. loco cit.

13. §. 9. *versiculo secundū non solum.* Sed ad  
id duo requiruntur: primum, vt  
priuilegium concedatur motu pro-  
prio, & ex certa scientia, non  
ad alicuius preces. Secundum, vt  
præiudicium sit moderatū, si enim  
enormiter læderetur, implorandū  
esset à Principe remedium. Domini  
verò inferiores possunt quidem a-  
liquem priuilegio eximere à vecti-  
galibus in terris sibi subiectis, non  
tamen in præiudicium vniuersita-  
tis, siue aliorum qui vniuersita-  
tem constituunt, sed proprium,  
sui ipsorum tamen, vt si vniuersi-  
tas domino soluebat centum ra-  
tione personarū priuilegiatarum,  
exigit solum nonaginta, totidem,  
& non plura persoluat domino.

15. Officiales ciuitatis non habentes  
iura Principis qui administrant  
bona ciuitatis, quos iuratos in  
Sicilia vocamus, non possunt con-  
cedere alicui immunitatem à ve-  
ctigalibus & oneribus personali-  
bus, nisi ex rationabili causa. vt  
pote, v.g. possunt Doctoribus &  
medicis, non alij cuius, vt egregiè  
docet Bart. ff. de iur. immun. l. 2. &

16. l. vacuatis, C. de decurion. Quo pro-  
sus modo concedere potest quan-  
cumque immunitatē ciuitas ipsa,  
seu vniuersitas in præiudicium sui,  
non quidem iis qui iam sunt ciues  
& subditi, sed iis tantum qui non  
fuerunt hactenus subditi, & ciues, &  
volunt venire ad habitandum ibi

de nouo, & fieri subditi, potest o-  
mnem immunitatem concedere, &  
si concedat, per modum pacti vt  
eos alliciat ad habitandum in ea,  
transit in vim contractus, & non  
potest eam reuocare, vt notat Pa-  
normitanus in c. peruenit, de immun.

*Eccles.* Demum sicut domini in-  
feriores Principe possunt in suis  
terris concedere priuilegium in sui  
præiudicium, ita quilibet priuatus  
potest cōcedere priuilegium cuius  
super re sua in suū præiudiciū, siue  
pari, siue etiam superiori conce-  
dat. exempli gratia: quoddam trans-  
eat per suum hortum, quoddam ædi-  
ficet in suo solo, quoddam possit col-  
ligere uvas de sua vinca, quoddam nō  
soluat sibi canonem, sicut ceteri  
de bonis emphyteoticis, quoddam non  
soluendo canonem non cadat in  
commissum, ceteraque similia.  
Hæc enim priuilegia sunt quedam  
beneficia quæ præstat aliis de re, vel  
super re sua, vel donationes rerū,  
aut iurium, vel seruitutes prædio-  
rum, quibus vult sua prædia sub-  
iicere, & ideo cuique licitum est  
ea concedere.

Aduertendum est hanc esse dif-  
ferentiam inter Imperatorem, Re-  
gem omnesque habentes supremā  
potestatem temporalem, non reco-  
gnoscentes in temporalibus supe-  
riorem, ex vna parte, & Romanum  
Pontificem ex altera, quoddam supre-  
mi Principes seculares concedere  
possunt priuilegia suis subditis in  
temporalibus tantum, non autem  
in spiritualibus, quoniam nec Im-  
perator potest de spiritualibus ali-  
quid statuere, quo fit vt eorū pri-  
uilegia si præiudicent spirituali-  
bus, vel spirituali potestati, &  
iurisdictioni, saltem pro ea parte  
sint nulla atque inualida: si autem  
faueant

17.

18.

hanc spiritualibus, sunt subsidia-  
ria potius privilegia, quam obliga-  
tia quonquam, neque inducunt vlla  
clericis, aut Ecclesie obligationem  
propter defectum potestatis, nihil  
enim possunt circa spiritualia, *can.*

19. *bene quidem, d. 96.* Papa vero potens  
est in spiritualibus, quorum dispo-  
sitio ipsi reservata est, & in tempo-  
ralibus non modò in rebus sibi tẽ-  
poraliter subiectis vniuersè, sed etiã  
in rebus aliorum Principum Chri-  
stianorum incertis casibus, in qui-  
bus iurisdictio ad eum deuoluitur,  
vt in *c. per venerabilem, qui filij sunt  
legitimi.* imò semper sicut potest  
condere legem, quoad ciuilia, ex  
causa tamen rationabili, quoniam  
Papa secundum S. Thom. *ut 2. sent.  
d. 44. iij.* litera tenet apicem potesta-  
tis non modò spiritualis, sed etiam  
secularis, & potest privilegiare, etiã  
in præiudicium dominorum tem-  
poralium, & Imperatoris & Regum  
ex rationabili causa, dummodo non  
præiudicet illis iniuste, vt notat  
Sylu. in *v. Præilegium. §. 2.* Præci-  
pue verò id potest quando privile-  
gium in temporalibus concessum  
redundaret in spiritualia, & in ordi-  
ne ad illa concederetur.

10. Ex his ad rem nostram deueni-  
endo, ostendo quidnam egerint  
Imperatores concedendo Ecclesiis  
Immunitatem confugij, penes Im-  
peratores & supremos Principes  
temporales, eorumque curias & mi-  
nistros, est naturali, diuinoque iure  
potestas puniendi eos, idcirco enim  
gladium portant, inquit Apostolus,  
11. & qui potestati resistit, Dei ordi-  
nationi resistit, simili ratione est  
penes eosdem potestas, capiendi  
eosdem reos, carcerandi, con-  
stringendi, & cætera omnia faci-  
endi, quæ ad iustitiam vindica-

*P. Gambac. de immunit. Eccl.*

tiam pertinent. Itemque potestas  
condonandi reis poenam, vel  
commutandi in leuiorem ex cau-  
sa aliqua rationabili penes eosdem  
supremos est Principes.

Hinc sequitur eosdem Impera- 23  
tores cum privilegium immunita-  
tis huius Ecclesiis concesserunt, ni-  
hil aliud egisse, quàm voluisse,  
hunc Deo honorem, & hanc Ec-  
clesiis reuerentiam haberi, vt ne-  
que ipsi, neque eorum mini-  
stri circa confugientes ad Eccle-  
siam quicquam possent, hoc est,  
non solum ne reum caperent in  
Ecclesia; sed etiam ne inde ingres-  
sum ulterius persequerentur, quàm  
vel ipsimet sanxerunt, vel sacri  
canones patiuntur. Id quod ne-  
que supra Ecclesiam potesta-  
tem requirit, neque supra cleri-  
cos, sed solum supra laicos illuc  
confugientes, quos ibi tutos esse  
volunt, & supra suarum curia-  
rum ministros, vt illis vetent, ne  
eiusmodi confugas attingant, &  
quamuis Imperatores in hac con-  
denda lege immunitatis Dei ho-  
norem, & Ecclesiarum reueren-  
tiam præ oculis haberent, vt  
habuisse perspicuum est, non  
sunt tamen ideo censendi se-  
se de spiritualibus immiscuisse.  
Nam nihil aut Ecclesie præcepe- 24  
runt, aut iniunxerunt: sed sicut li-  
cebat cuique privato in causa sua  
hunc Deo atque Ecclesiis hono-  
rem habere, vt cum hominem à  
quo læsus esset insequeretur, quo  
eum in manus curiæ daret, ubi  
eum ad Ecclesiam peruenisse ani-  
maduerteret, quiesceret ab inse-  
quendo, atque inibi tutum esse  
linceret, neque hoc facto spirituali-  
bus se immiscere dicendus esset: ita  
& multo magis Imperatori id lege 25.

*Y. decerne*

decernere licuit. Quoniam autem hæc lege Imperatores suæ authoritati detrahebant, confugisque ut in Ecclesia tuti essent concedebant, quo nonnihil detrahebatur iuri partis, quæ eo ipso quoddam læsa esset, ius habebat petendi rem ad pœnam, ideo hæc lex & beneficii rationem haber, & privilegiij, & legis obligatorię. Beneficiij quidem quatenus de proprio iure Principis cedunt favore Ecclesię: privilegiij verò quatenus præiudicant iuri partis contra ius commune; legis verò obligatorię quatenus præcipit sub gravissimis pœnis ministris curię secularis, ne confugientes ad Ecclesiās attingant. Hinc est quoddam cum, multa privilegiata beneficia sunt, & contra nomina hæc non raro confundantur, & pro colē ponantur, ut in *c. si de terra*, privilegium vocat Pontifex ipsum beneficium privilegiorum, & *c. siue*, eodem tit. nomen beneficii pro privilegio ponit, dicens temerarium esse sua autoritate præsumere quod Romana Ecclesia alicui voluit singularibus beneficiis indulgere. Beneficiis exponit ibi gl. tam in summa, quam in *v. beneficiis*, id est, privilegiis, & in *c. tuum*, eodem tit. utrunque nomen simul ponitur, cum dicitur nullo prorsus privilegij beneficio. Quoddam autem illi propriè privilegio nomen beneficii competat, quo concedens aliquod de suo cedit, aut in alterum transfert, apertissimus textus docet in *c. quia circa*, de privil. Vbi cum Londinensis Episcopus monachis omnium sanctorum concessisset, ut ab omnibus episcopalibus decimis eorum prædia libera essent, quod verum beneficium erat, & valde

utile, id privilegium appellatur non modò, sed more privilegiorum secundum latam interpretationem extenditur favore privilegiatorum, in præiudicium concedentis, ut non modò, de prædijs quæ tunc prædicti monachi possidebant, sed & de his quæ postea, acquisituri erant intelligatur. Quare hæc imperiales immunitatis Ecclesiarum leges quatenus favorem Ecclesię concernunt, sunt beneficia privilegiata, & amplè interpretanda favore Ecclesię in præiudicium privilegiantis: ut autem præiudicant aliquo modo parti, contra ius commune, simplicem habent rationem privilegiij propriè dicti, & strictam interpretationem recipiunt. Unde & per sacros canones strictam interpretationem acceperunt, ut parti satisfacere teneantur competenter. Ut autem leges sunt, solos curię ministros concernunt, eisque imperant, & sicut ceteræ leges ab illis observandæ sunt, & sub pœnis in eis contentis. Unde non possum non mirari, cur secularis curia ita nihili faciat hæc Imperatorum leges, ut nunquam pœnas sumperit ab illis ministris, & satellitibus, qui eas transgrediuntur.

Ex dictis sequitur, evidenter in his quæ Imperatores suis legibus statuerunt de immunitate confugij ad Ecclesias, nulla opus fuisse potest, aut iurisdictione, neque supra Ecclesiam, neque supra clericos, sed solum supra laicos sibi subiectos, quibus eas leges dederunt, & supra ius commune: supra laicos quidem tam supra ministros quarumcunque laicarum curiarum, quam supra eos, qui læsi essent ab iis, qui

26.

27.

18.

21

19.

ad

ad Ecclesias confugissent, Ecclesiis enim, ac clericis nihil omnino iusserunt, aut imposuerunt, atque ideo & potuisse concedere iramunitatis privilegium eo modo qua concesserunt, & suo iure, ac legitime concessisse, neque modò valide concessisse, sed bene sancteque egisse, omnique commendatione, & sempiterna laude propterea dignos esse.

30. Quibus addo cordi fuit Ecclesiam non gravare, ac praevidere, ne per huius confugij occasionem quid indecens in ea fieret, ut cum prima lege solùm extrahi confugas vetuissent, eosque in sola Ecclesia tutos esse voluissent, aduertentes postea inde fieri ut confugis comedere ac pernoctare ipsis Ecclesiis pro tuncda vita opus esset. Secunda lege declaratur amplissima spacia adque pro huiusmodi naturæ necessitatibus aequè tutò sese reciperent. Et quoniam si confuga cum armis starent in Ecclesiis, facilè conflictus, rixæ, neces in ipsis Ecclesiis contingere poterant, & humani fusions sanguinis Ecclesiæ violari, sanxerunt eadem l. 2. nemi- nem ibi manere armatum. Solum illud parum eorum potestati consonum viderat, & Ecclesiam non detebat quòd insisterent si confuga armati in Ecclesia graviter à clericis. Episcopi auctoritate moniti arma non deponerent, intromissis armatis militibus extrahi, dum enim euitare conati sunt, ne ag-  
 6. rationes armorum in Ecclesia succederent, remedium adhibere in eadem armorum agitatione pos-  
 situm, ut per armatos milites iude eicerentur. Quod neque vfu  
 31. receptum aliquando fuit, neque ab Ecclesiis probatum; neque ve-

rò ea lege Ecclesiam, vel cleri- cos obligabant ad armatos mili- tes in Ecclesiam immittendos, sed solùm hoc casu eos ab immuni- tate excludabant, ut sicut si non concessissent Ecclesiis hoc privi- legium, poterat armata curia Ec- clesiam ingredi, reumque cape- re, & extrahere, ita etiam con- cesso privilegio, si confuga, ut dictum est, monitus arma non deponeret, possent armati milites Ecclesiam ingredi, eumque inde ad pernam extrahere. Atque hinc apparet solutio eorum quæ in-  
 titio in contrariam partem adducta sunt.

Postremò addo, cum hoc pri-  
 32. vilegium, quatenus Ecclesiam con- cernit sit simul etiam beneficium concessum non subdito, eius vim ratione Ecclesiæ tunc necessariò incipere, cum incipit privilegium concessum non subdito. Id au- tem secundum Panormitanum & communem non est statim arque privilegium à concedente ema- navit, sed statim atque ad noti- tiam privilegiati peruenit, & non contradixit, nec respuit. Ita Pa-  
 33. normit. in c. novit, de indic. n. 33. & probat per text. in cap. 1. §. ex parte; de concessione prebenda lib. 6. potest enim à non subdito refutari; neque enim beneficium confertur in inuitum. Neque ve- rò requiritur ut expresse acce-  
 pter, cum eo ipso quòd in eius cognitionem venit, & non reco-  
 sauit, acceptasse videatur; ori- arurque in privilegiato ius qua- situm in eo quod per privilegium concessum est, atque in illis o-  
 mnibus, quæ privilegium secun- dum amplam eius interpretatione

complectitur in priuilegiantis præiudicium, quod ius multo certius, & citra omnem dubitationem acquiritur, si priuilegiatus expressè acceptauerit priuilegium. Maxime verò si princeps supremus, vel eius res ab alio supremo Principe, cui subiectus non est, priuilegium consequutus, illud lege lata acceptet, confirmetque. Ex quo sequitur, vt licet hoc priuilegium statim arceat concedentem, ad eum modum quo donatio arceat donantem, quoniam tamen respectu eius cuius fauorem respicit non arceat, donec ad illius notitiam perueniat, ab eoque non respuatur, sed tacitè, vel expressè accipietur. Ideo à tempore concessionis vsque ad acceptationem, manet suspensum ac pendens, vt eo semel respuente, liberum sit concedenti illud omnino reuocare, mutare, moderari, nec faciat vlli iniuriam id renocando, moderando, aut limitando pro suæ beneplacito voluntatis.

*An Imperator & supremi Principes potuerint concessum amplissimum immunitatis Ecclesiarum priuilegium moderari, ac restringere.*

## CAPVT XII.

**C**VM initio piissimi Imperatoris amplissima forma immunitatis priuilegium Ecclesiis concessissent, nulla prorsus adhibita limitatione, moderatione, aut casuum exceptione, Romanusque Pontifex non modò non contradixisset, sed expressè etiam acceptasset, & lata lege acceptasset, nihilominus postea

alii Imperatores iure Authenticorum illud restrinxerunt de facto, & casus aliquot exceperunt, nempe adulteros, homicidas, &c. vt patet *Auth. de mandatis Principum, collat. 3.* Pro cuius questionis declaratione supponendo Ecclesiam non esse subiectam laicæ Principum potestati, recurrendum est ad ea quæ Doctores tradunt de priuilegio concessio non subdito.

Primo ergo non posse huiusmodi priuilegium per concedentem reuocari, tenent expressè Panormitanus in *c. quia circa, de priuileg. n. 4.* & in *c. nouit, de iudic. n. 23.* Archidiaconus in *can. quicumque 11. q. 1. lo. Andr. in c. constitutus, de religio. domib. Innoc. in c. nouit, de iudic.* Cuius doctrinam singularem vocat Cardinal. in *conf. 85. col. 2. vers. Alia* verò. Felin. in *c. 1. de probation. col. 2.* & *c. 1. de constitutionib. vers. Alius casus, & in c. Ecclesia S. Maria, eod. tit. col. 11.* Romanus *confil. 252. col. 11.* & *questio 254.* Alex. *confil. 41. quod incipit: Videndum, col. fin. in 1. volum.* & *conf. 101. quod incipit: Vsis instrumentis, col. 2. & confil. 109. col. 8. vers. Nec ad hoc, in 2. volum.* Andr. Sicul. *confil. 2. in 4. vol.* Paul. Castren. *consilio 316. quod incipit: Vso, & examinato, col. 3. & confil. 289. in 2. parte consilior.* Imò Panormitanus in *c. super eo 2. de appellationibus n. 4.* Archidiaconus in *can. Quicumque 11. q. 1. post Innoc. in can. nouit, de iudic. & plerique alij id etià vniuersè affirmant in specie de priuilegiis concessis Ecclesiæ per Imperatores non posse per eos amplius reuocari. Potissimum doctrina istius fundamentum illud, esse videtur, quòd priuilegium concessum non subdito, vim habet; ac naturam donationis, est enim vera donatio alicuius exemptionis liberta*

libertatis iuris alicuius, donatio autem reuocari non potest. probat Archid. per text. in l. perfecta, Cod. de donation. qua sub modo, &c. & per ea quæ notant Doctores in c. fin. de donat. Accedit & alia ratio, quam præcedenti capite adduxi, quoniã post acceptationem priuilegiati in huiusmodi priuilegiis concessis nõ subdito habet priuilegiatus ius quæsitum illius rei, quo iure quæsitum priuari inuitus non potest, præsertim ab eo, qui nõ est eius superior. Idem tenet Paul. Castren. in c. nouit. de iudic. vbi eius additio-  
 5. nator addit singulariter priuilegiũ lege concessum non assumere naturam legis, sed suam retinere priuilegij rationem, atque ideo quãuis reuocetur lex, adhuc priuilegij vim manere integram, quod de priuilegio concessio non subdito intelligendum est; sicut etiam expressè sentit Io. de Imola post Dominicum Anton. & Florianum, vt siue lege, siue statuto concedatur priuilegium non subdito, semper maneat ius priuilegij, nec possit per concedentem reuocari. Id Felin. in d. c. nouit. de iudic. n. 9. testatur concessum esse ab omnibus post Innocentium, & consentit Panor-  
 mitanus consil. 33. col. 2. volum. 1. & consil. 41. col. penult. in fin. in eod. vol. Roman. consil. 252. & Cardinal. conf. 85. quod incipit, Nicolaus Marchio. & consil. 147. quod in-  
 6. cipit, Dominus Papa. Ratione autem adducunt cur non habeat vim legis, sed priuilegij, quia si haberet vim legis, non obligaret concedentem, lex enim non ligat in rigore legislatorem. c. 1. de constitutionibus lib. 6. Priuilegium autem, cuiusmodi est donatio quædam quæ in primis & maxime ligat co-

cedentem. Hinc rectè plerique expressè inferunt, ipsummet Imperatorem ligari hac lege immunitatis, tenerique eã seruare eo ipso quòd Pontifex acquisita eius notitia eã non respuit, quamuis nulla prorsus Pontificia iura de ea extarent, multo magis, cum multa iura de ea edita sint.

Ex hoc autem quòd huiusmodi  
 7. priuilegium per concedentem reuocari non potest, sequitur, neque possè astringi, limitari, modificari, tum quia restringere est in parte aliqua reuocare, tum illa ratione glossæ in c. quia circa, de priuileg. quia si posset concedens limitare, posset etiam excogitata fraude ius quod semel à se abiecerat, denuo ad se trahere, & per rationem in textu adductã can. 1. 16. q. 2. quia hac ratione, quod sanctè dederat, paulatim restringendo totum sibi denuo vsurparet. Hinc apparet  
 8. quid dicendum sit de illis casibus adulterij, &c. quibus iure authenticorum ablata est immunitas, sequitur enim euidèter ex dictis, nõ potuisse excipi, quatenus Ecclesiæ priuilegiũ concernunt, licet quatenus leges sunt quæ subditis laicis traduntur, quoad illos casus vim legis amittant. Vnde singulariter  
 9. notandum puto, quòd cum pœna in transgressores legis immunitatis, sit extra rationem priuilegij, & locum habeat ex ratione legis, si quis in eo solùm casu violaret immunitatem, quo lex limitata est, extrahendo de Ecclesia adulterum, vel alio casu, ciuili iute authenticorum excepto, quamuis peccaret violando priuilegium, incurreretque pœnas canonico iure constitutas, non incurreret tamen pœnas illas læsæ maiestatis, & vltimi  
 Y 3 suppli

supplicij, ciuilibus legibus decretas, quæ in ratione legis, per restrictionem, quoad illam partem, quæ restrictæ sunt, cessant.

10. Eadem ratio est de priuilegijs concessis per statutum in ordine ad eos, qui ius habent statuendi, aut per edictum, quoad eos qui habent ius edicendi; si enim ab his concedantur non subditis, aut Ecclesiæ per laicos, non possunt amplius ab iis qui statuerunt, vel edixerunt reuocari, restringi, modificari, in eius præiudicium cui concessa sunt, imò amplè semper in præiudicium concedentis in dubio interpretanda sunt.

11. Felin. in c. nouit, de iudic. multas affert huius doctrinæ limitationes, pterosque casus congerens, in quibus priuilegium non subdito concessum reuocari potest. E quibus tres delegi celebriores, quorum ratione aliquis fortasse posset de hoc priuilegio immunitatis dubitare. Primus casus est, quando ex postfacto appareret priuilegium illud enormiter lædere concedentè præter eius intentionem, quod non præiudit, nec potuit facile præiudicare tam enormem læsionem. Secundus quando priuilegium natum fuit ex contractu simulato fictitioque. Tertius quando tales subessent causæ, propter quas ipsa etiam perfecta donatio reuocari posset. Cum enim ceterum sit de iure donationem, quibusdam grauius ex causis posse reuocari, & priuilegium concessum non subdito rationem habeat donationis, si illa reuocari potest, hoc quoque necesse est posse ex iisdem causis reuocari. Pro primo casu adducit text. in c. suggestum, de decimis, qui textus non multum ad rem facere vi-

detur, & text. in l. Scia, §. penult. ff. de annuis lega. & l. fistulas §. frumentum, ff. de contrahend. empt. De quo casu vide Bald. in l. qui se patris, Cod. unde liberi, col. 19. & seq. De secundo casu vide Maria. consil. 125. incipiente, Ioannes de Arrigani, ac Bald. in in Linda, ff. de contrahen. empti. ubi refert Cynum. De tertio casu vide in c. fin. de donat. & l. hic solis. & l. si nunquam. Cod. de reuocari. donat.

An verò si Ecclesia collegiata 12. committeret ingrati tudinem aduersus Principem priuilegia illi concedentem, possint per Principem priuilegia reuocari, diuersæ sunt Doctorum sententiæ. Nam Imol. in c. cum M. de constitutionib. col. 4. in versic. aduertendum tamen, teneri posse: pro cuius sententia facit doctrina Baldi in l. 2. Cod. de liber. & eorum liber. dicentis exemptionem posse propter ingrati tudinem reuocari. Felinus verò loco cit. versic. limita 4. putat hanc doctrinam valde dubiam, propterea quòd Ecclesia non videretur posse committere ingrati tudinem, & inclinat in contrarium. Non posse autem Ecclesiam com- 13. mittere ingrati tudinem, nec priuari propterea priuilegio, expressè sentit Cardinalis in clem. prima de iure iurid. in penult. charta, & Specul. in tit. de donat. §. 1. versic. quid si Abbas, expressissimis verbis dicens, si Abbas cum toto conuentu, id est, cum omnibus monachis ingratus sit donatori, non reuocari tamè propterea donationem, sed Abbatem cum toto conuentu expellendum esse de monasterio, ut cum non Ecclesia, sed personæ deliquerint, personæ quæ deliquerunt, non Ecclesia puniatur. Eandem sententiam sequitur Geminian. in c. 1. de religio. domib. Ad hæc in lib. 6. cui fauet gl. fin.

fin. in c. de hoc. de simon. & ibi exclamat Ancharan.

14. De nostro immunitatis Ecclesiarum privilegio palam est citra ullam controversiam, nullum ditorum casuum accidisse, ut propterea reuocari limitariue potuerit. Non enim illo concedendo enormiter læsum fuit Imperium, neque Imperator, neque verò Imperatoris potestas, & iurisdictio: constatque nullum intercessisse simulatum contractum, ex quo privilegium istud ortum habuerit. Nulla omnino apparet, nulla visa est Ecclesie erga Imperatores ingratitudo, quæ si aut fuisset unquam, aut modò esset, etiam maxima, non deberet Ecclesie, quæ ingrata esse non potest, sed clericis, qui illam cõmississent, præiudicare:

*Quid possint particulares regnorum leges, & in specie leges huius nostri regni Sicilie circa Ecclesiarum immunitatem.*

## CAPVT XIII.

1. **H**ABENT regna pænè singula specialia iura regnorum moribus accommodata, quibus regantur, inter quæ nonnulla habent ad hanc Ecclesiarum immunitatē pertinentia, quæ ex eorundem necessitatibus regnorum ortā putanda sunt. De his, quatenus civili iuri aduersantur, certum est sui supremi Principis autoritate sufficienter, abundèque firmatas esse, ac iure firmari potuisse, quòd is supremam habet laicam potestatem, quæ leges abrogare, nouasque condere potest.
2. Quæ autem canonici iuris sunt, cuiusmodi sunt quæ ad immunitatem Ecclesiarum pertinent,

possint ne legibus particularibus regnorum mutari, restringi, limitari, valde dubia res est; cum enim legum omnium finis sit populorum pax, & quies, bonumque publicum: inde oritur ratio, & interdum necessitas statuendi particularibus populis, partiales leges, à communi iure declinantes, aut illi repugnantes, quòd illis populis commune illud ius obesse propter eorum mores, & contrario iure indigent. Id quod non modò in ciuilibus, sed etiam in ecclesiasticis usu venire potest, vnde & in hac ipsa constitutione Gregorij XI V. §. secundo, refertur populos nonnullos deuotioni immunitatis assuetos noluisse recipere indulta Romanorum Põtificum, propterea quòd scandali occasionem dedissent. Id autè quod hìc de indultis dicitur, posset alicubi circa aliquam immunitatis circumstantiam, aut circa aliquem eius casum contingere: ergo videtur legi regnorum etiam quoad hanc standum esse. Cùm præcipuè regnorum leges in generalibus eorum comitiis, seu parliamentis, totius regni concursu decernuntur. Conuocantur enim tunc ad hæc generalia parlamenta, omnes totius demanij ciuitates, nempe quæ immediatè ipsius Regis decreto, vtilique domino subsunt, quæ singulæ suos legatos, seu oratores mittunt, Brachium demaniale vocant, omnes domini terrarum qui vasallos habent, Principes, Duces, Marchiones, Comites, Barones, qui pro se suisque vasallis assunt eidem parlamento, Brachium militare nuncupant. Demum vocantur omnes Ecclesiarum Prælati, Archiepiscopi, Episcopi, Abbates, & alij quidam, Prælati, qui



qui ecclesiasticum brachium constituant, veniuntque ad parlamentum pro se suisque, ac ceteris omnibus Ecclesiis. Hi simul congregati communi consensu solent leges aliquas publico regni bono necessarias, aut valde utiles statuere, attentis regni moribus, ac necessitatibus, eaque cum regio donatio per legatum ad Regem destinare, supplicantes ut eas leges Rex sua regia autoritate confirmer. Leges igitur communi totius regni voto postulatæ, putandæ sunt eius regni moribus, ac genio necessariæ, atque ideo quæcunque illæ sint, observari debent ab omnibus, etiamsi canonico iuri aliquatenus aduersentur, dummodo nec bonis moribus, nec religioni noceant, quoniam putandum non est Romanum Pontificem aliam legem ibi velle, quam eam, in quam viuersum regnum consenserit, cum de sanctæ sedis caritate, cerè tenendum sit eam prodesse velle populo, non obesse, cum vniuersus præsertim ordo ecclesiasticus idem senserit, qui si contrà sensisset, repugnare libere potuisset, atque ira repugnare ut eius deficiente assensu, lex illa acceptata omnino non fuisset. Quamuis ergo lex merè laica derogans aliquatenus canonico iuri, nulla ordinariè, atque inualida censenda sit, lex ramen iam diu lata, vsque recepta, ad quam examinandam probandamque totius ecclesiastici brachij Principes accessere, eamque probarunt, non videtur neque purè laicæ censenda, neque omnino nulla. Si enim communis consensus omnium ecclesiasticorum Prælatorum sufficere deberet, cur non eorum simul cum ceteris totius regni brachiis, toto

quæ regno? Accedit & tolerantia sedis Apostolicæ, accedit & vsus consuetudoque populorum, & Prælatorum, quæ leges iam diu receptæ sunt. Mihi verò quatuor videntur dicenda in hac materia, quæ diligenter aduertenda, atque observanda sunt.

Primum si quæ huiusmodi lex de nouo condenda occurrat, sacris canonibus cōtraria, præsertim quæ directè aduersetur alicui canoni, eiusve dispositionē tollat, atque euacuet omnino, ad sedem Apostolicam mittendū esse pro eius approbatione. Neque enim dubito quin ea probatura facili sit id quod totius regni consensu & ecclesiastici brachij iudicio receptum audierit.

Deinde videtur mihi, si lex statuenda esset de nouo, vel iam constituta, quæ non directè aduersetur iuri canonico, neque illud euacuarer, sed ab eo aliquantulum deflecteret, itaut per quandam interpretationem posset ad ius illud accommodari, etiamsi agrè posset, videtur, inquam, mihi huiusmodi lex communi prælatorum omnium consensu posse recipi, receptam servari, neque opus esse vlla expressè sedis Apostolicæ approbatione, & consensu. Si enim paucorum dictorum autoritas satis esse censetur ad huiusmodi probandas interpretationes, multo magis authoritas valere debet totius regni, & Prælatorum omnium.

Tertiò dico, si lex antiqua sit iam diu vsu recepta, & absque Ecclesiæ contradictione observata, non esse in dubium reuocandam, ne mille quotidie excitari contingat rumores, mille tragædias.

Quartò & vltimò si id quod legi præcipitur, iam diu ante erat vsu

vsu consuetudinēque receptum, atque obseruatū, quæ legitimæ præscriptionis rationem habeat, probabile valde est nullam requirendam esse Romani Pontificis confirmationē. Profero exemplum, est in quibusdam Hispaniarum provinciis vsu iam, & consuetudine receptum, multorum Episcoporum consensu, vt in illis tantum Ecclesiis confugæ ad immunitatem admittantur, in quibus ordinariē solet. asseruari sacratissima Eucharistia; in aliis Ecclesiis minimè: id videtur etiam ibi posse lege decerni, absque Romani Pontificis auctoritate, vt dictum est.

10. His ita constitutis, venio ad nostri regni legem editam sub Rege Alphonso in generali parlamento: habetur autem inter capitula regni sub Alphonso *cap. 71.* in posteriore parte legis illius, cuius verba fideliter referam sicut habentur in vtroque codice tam in impresso Venetiis apud Dominicum Guarreū & socios anno 1573. quàm in antiquiore impresso Milanæ anno 1526. sub Prorege Comite Montis Leonis. quæ textam, quoniam in vtroque Codice mēdosa est, posteaquā fideliter retulero, quomodo corrigi possit ostendam.

11. Verba textus ita habent. *Quantum ad Ecclesias attinet ius commune feruetur, quo iure agrorum populi uores, fractores itinerum, homicida ex proposito quocunque in loco homicidium perpetretur, delinquentes in quauis specie delicti in Ecclesia, prope Ecclesiam, aut contra Ecclesiam, ubi sacrilegos, quibus in eis commorari non conuenit, sed carcerari, ad Ecclesias confugientes receptari prohibentur: ideo impure per officiales loci capi possint; & iuxta eorum demerita puniri. Attendant igitur Ecclesia.*

*P. Gambac. de immunit. Eccles.*

*rum Prælati, ut singulorum infra Ecclesias confugientium causas inquirant, & huic nostræ legi conuenientia exequi valeant.* Hæc lex vsque ad illa verba inclusiue integra est, <sup>12.</sup> *aut contra Ecclesiam,* mendosa vtrò in sequentibus immediatè verbis: *ubi sacrilego,* &c. quæ verba nullum facere possunt sensum. Sic ergo corrigenda videntur. Vbi sacrilegos, quibus in eis commorari non conuenit, sed carcerari, ad Ecclesias confugiētes receptari prohibetur. Vel, ubi sacrilegi quibus in eis commorari non conuenit, sed carcerari, ad Ecclesias confugientes receptari prohibentur. Hac restituta legi integritate venio ad eius interpretationem.

Primo loco obseruandum est quanta sit legis ipsius auctoritas, <sup>13.</sup> quæ tanta est, vt nihil videatur considerari posse. Si enim autorem, siue causam eius efficientem spectes, ea est, vtraque coniunctim potestas laica, & ecclesiastica. laica omnium Principum totius regni, oratorum omnium, ac singularum ciuitatum, ac postremò ipsius Regis Alphonsi. Ecclesiastica non vnius, aut alterius Episcopi, aut Archiepiscopi, sed coniunctim omnium, vt dixi, præcipuorum totius regni prælatorum. Neque verò quoquomodo lata, aut confirmata, sed in vim contractus, & legis pactatæ simul cum aliis omnibus, & cum solemni Regis sacramento, quo se astrinxit eas leges perpetuò eidem regno seruaturum, vetuitque vlla consuetudine, vel non vsu illi derogari posse, iubens semper intelligendas esse manere in viridi obseruantia. Solus videri posset deesse consensus sedis Apostolicæ, sed & hunc adesse plenissimum is intel-  
Z. liget

liger, qui obsetuat quæ hîc disponuntur, omnia prætendi esse secundum canones, cum dicitur, *ius commune servatur*, tam civile nempe, quam canonicum. siue spectes causam finalem, eadem est, quæ & totius immunitatis: si materialem, tota ex iure canonico desumpta est, cum & ius commune sequari iubeatur, & quos excipit casus, in eodem iure expressos habeamus. Si verò formam consideres, ea. iisdem panè verbis è iure petita est, aut secundum Doctorum interpretationem mutatis.

14. Secundò observandum est quatuor in hac lege excipiri casus, in quibus confugientes ad Ecclesiam ab immunitate excluduntur, iuxta iuris canonici dispositionem. Depopulatores agtorum, & fractores itinerum, id est, qui publicas stratas obhidendo, frangunt itinera transeuntium, qui eorum timore perterriti progredi ulterius non audent. De his utrisque habemus expressum in c. *inter alia, de immuni. Eccles.* Tertium genus homicidæ ex proposito, quocunque loco homicidium perpetraretur, quem casum exceptum plerique Doctores putant in c. 1. *de homicidio*, & videtur esse proprius & germanus sensus illius textus, omnes autem alij sensus distorti: unde quicquid sit apud alias gètes, nobis certè nō licet alio sensu intelligere, sed multorum Doctorum sensum ab omnibus Siciliensibus Prælati iā receptum, & in lege positum tenere, adque usum praximque deducere, ut eo ipso quodd homicidium indultiosum est, careat immunitate, iuxta dispositionem c. 1. *de homicidio*, hoc sensu intellectū. Quartum genus sunt delinquentes in Ecclesia prope Ecclesiam, aut contra Ec-

clesiā in quavis specie delicti. Hoc desumptum est ex cap. *fin. de immuni. Eccles.* quamvis non eisdem verbis, sed iuxta cōmunem Doctorum interpretationem acceptis, eo enim loco solum exprimuntur homicidia, & mutilationes membrorum commissa in Ecclesiis, aut cœmeteriis, sed communiter per Doctores ampliatur ad quavis alia delicta ibidem commissa. Nec desunt Doctores qui amplient ad delicta prope Ecclesiam commissa sub spe immunitatis; nostra verò lex ampliatur non modò ad commissa prope Ecclesiam, sed etiam ad commissa cōtra Ecclesiam. Prior ampliatio de omni specie delicti facta est per Doctores propter identitatem rationis finalis allatæ in eo textu; illa enim ratio in omni specie delicti æquè probat. Posteriolem ampliationē primus addidisse fertur Hostiens. tam in d. c. *immunitatem*, quàm in summa in r. *de immuni. ecclesiast.* §. *in quantum*, quæ panè omnes Doctores sunt sequuti, quorum cōmunis doctrina tanquam de iure recipienda est. Quod si eam propinquitatem referamus ad 40. passus prope maiores Ecclesias, aut 30. prope cæteras quascumque, res est in ipso iprè clarior, propterea quod cum isti passus ad ipsam immunitatem pertineant, qui ita prope delinquit, in ipsomet immunitatis loco delinquit, ac pro eodem habetur ac si in Ecclesia deliquisset, cum sub Ecclesiæ nomine ipsa Ecclesia cum spatiis horum 30. vel 40. passuum intelligatur.

18. Illa demum ampliatio ad delinquentes contra Ecclesiam licet non inveniatur in sacris canonibus his verbis expressa generatim, tamen videtur iuri eidem valde consona, atque

atque ex eo perita. Nam in *can. omnes Ecclesie* 17. q. 4. raptore rerum ecclesiasticarum nō modō anathematizantur, sed de ipsis etiā Ecclesiæ liminibus pellunt: ergo ad Ecclesiam non admittuntur, vt in ea defendantur. & in *can. frater, eadem causa* & q. qui confugam de Ecclesia violenter abstrahit, is Ecclesiæ arcetur ingressu, & ratio affertur eadem, quæ in *c. immunitatem*: quem textum gl. in v. *ab omnibus*, intelligit de exclusione ab immunitate, dicens eum in nulla Ecclesia fore tutum; sed & de omni contra Ecclesiam delinquente vniuersē loqui videtur textus in *can. ad Episcopos, eadem causa* & q. vbi dicitur, *Ad Episcopos ceteros dedimus iussionem, vt eos qui Ecclesias violasse perhibentur accessu eorum inducent indignos*. quem textum gl. refert à plerisque ita intelligi sacrilegos, cū in Ecclesia delinquant, nullibi tutos esse quam sententiam licet ipsa glossa eo loco non probet, satis tamen probasse videntur ij omnes, qui in generalibus torius huius nostri regni comitiis, secundū iura hanc particulā addiderunt, quæ sententia cū sit in iure probabilis, & habeat pro se Doctores aliquot, & omnium ecclesiasticorum Prælatorum cōmunem consensum, & rationi d.c. *immunitatem* validē innitatur, tanta cōscientia iu nostro saltem regno praticari potest. Denū quos contra Ecclesiam deliquisse dixerat sacrilegos, eadem nostra lex appellat, subiungens: *aut contra Ecclesiam*. vbi sacrilegos, quibus in eis commorari nō conuenit, sed carcerari, ad Ecclesias confugientes receptari prohibetur, vt vniuersē sacrilegi ab Ecclesiæ immunitate excludantur.

Quod attinet ad alteram legis 19. eiusdem partem, qua dicitur, hæc quatuor genera personarum, quæ secundū iura ab immunitate excluduntur, impunē per officiales loci capi posse (si ad Ecclesias confugiant) & secundū eorum demerita puniri, intelligi potest vel quoad pœnas vtriusque intris, vt neutrius pœnas incurrant qui in casu, in quo immunitate carent, reos extrahunt, aut puniunt, & in hoc nihil noui statuitur, sed solum quid fieri soleat, narratur. Neque enim iubet lex, vt per seculares officiales de Ecclesiis extrahantur, neque de secularibus & laicis exprimit, sed solum ait, *per officiales loci*, intellige ad quos de iure, seu cōsuetudine pertinet, capi possint, quod æquē de officialibus curiæ ecclesiasticæ, ac de officialibus laicæ curiæ intelligi potest; cū enim nihil de hac re fuerit olim in iure constitutum, valde frequens erat, vt laicæ curiæ officiales reos extraherent. Quos ergo constabat immunitate catere, hos dixit impunē capi posse, de Ecclesia extrahi, & condignis pœnis affici.

De iis verō, de quibus dubitari 20. poterat essentne ad immunitatem admittendi, Episcopis commendat in extrema parte vt singulorum ad Ecclesias confugientium causas inquirant, vt huic nostræ legi conuenientia exequi valeāt. Quod est singulariter notandum, & aureis literis conscribendum.

Quod enim his extremis tēporibus Gregorius XI V. fecit vt causā confugij Episcopis cognoscendam cōmitteret, vt illi causā cognita statuerent, admittēdus ne esset ad immunitatem confuga, an verō ab ea excludēdus, hoc ante multos annos

nostri excogitauerunt maiores, & lata lege cauerunt, ut eo gravior acceptiorque nobis esse debeat hæc Gregorianæ constitutionis pars, qua Episcoporum iudicio hæc causa committitur, quo est nostro particulari iuri conformior, maiorum nostrorum communi totius regni approbatione excogitata, probata, in lege posita. Ut mirum sit cur nos hac ipsa re quæ optatissima gratissimaque esse debebat, præ certis perturbemur. Sed in modo extrahendi huiusmodi de Ecclesia confugas etiam nobis seruandum est, quod eadem Gregorij XIV. constitutione præscribitur, ut prius ad carceres curiæ ecclesiasticæ de mandato Episcopi parte requirente ducantur, inde posteaquam Episcopus indicauerit immunitatem eis non suffragari, de Episcopi mandato per iudicem ecclesiasticum ministris curiæ secularis tradantur, & consignentur, per quos demum penis debitis afficiantur. Atque hæc de nostra particulari lege Siciliensi dicta sufficiant.

*Quid possit consuetudo circa Ecclesiarum immunitatem.*

#### CAPVT XIV.

QVONIAM non tardè in hac tractatione facturi sumus de consuetudine mentionem, & frequenter in gravibus difficultatibus ex Doctorum sententia erit ad consuetudinem recurrendum; ideo non erit ab re, si quid consuetudo in hac re possit inuestigemus.

1. Atque initio supponendum est potius communi Doctorum consensione, quàm rationibus probandum

circa Ecclesiarum immunitatem, vim magnā in cōsuetudine sitā esse: licet enim hæc immunitas non modò firmata sit iure canonico, sed frequenter iam pro temporum ratione in aliquo mutata, ac paulatim plures ex ea dempti casus graues, & reipublicæ perniciosi, in plerisque tamen occurrentibus difficultatibus ad loci consuetudines potius, quàm ad iura ipsa recurrendum esse, asserunt Gulielmus & Maynerus in *l. nemo. ff. de regulis iuris*. in eadem verò materia plurimum valere consuetudinem Pauormitanus expresse assertit, cum alibi sæpe, tum in *cap. Ecclesie, de immunit. Eccles.* An hospitalia immunitatem habuerint, ex loci consuetudine petendum esse docet Couarr. *lib. 2. var. resol. c. 20.* Farinac. nouissimus scriptor, ac studiosissimus, frequenter inculcat standum esse consuetudini. Textus denique præsentis constitutionis consuetudini multum refert, dum nihil ex eā detrahere, sed addere ad eam pollicetur, quo loco obseruandum quod lib. secundo in expositione illius loci monuimus §. 4. in gl. 9. cum disciplinam maiorem, id est, consuetudinem priore loco numeret, posteriore verò canones, & consuetudinē præscam, canones veteres appellet, in sinuari consuetudinem vel esse canonibus antiquiorem, vel simul cum canonibus ortam, parem cum eis auctoritatem habere.

Deinde non modò de possibili 2. potuisse consuetudine introduci prima immunitatis istius initia, sed & de facto ita introductā esse asyliam apud gentes, patet ex dictis *lib. 1. c. 5.* Ita etiam introductam immunitatem tabernaculi, atque altaris apud Hebræos, patet ex dictis

*His cap. 8.* Idemque in hoc ipso libro tertio *s. 9.* de nostrarum Ecclesiarum immunitate probabile esse statutum est.

3. Sed & in ipso immunitatis progressu multa esse de consuetudine introducta, siue ad ampliandam, siue ad restringendam eam, constat euidenter. Consuetudines ad ampliandam immunitatem pertinentes hæc sunt. Primò in iure expressum est Ecclesias etiam non consecratas gaudere immunitate. *c. Ecclesia, de immunit. Eccles.* atque id propter diuina officia, quæ in eis celebrantur, ex quo facile colligitur in quibus non celebrantur diuina officia, ea de iure non habere immunitatem, & tamen de consuetudine habent immunitatem, vt notat Clarus *in sua practica crimin. §. fin. vers. quæro*, vt ipse testatur ex Remigio & Bonifacio. Secundò de raptoribus virginum non modò de iure dubium est num habeant immunitatem, sed adducuntur pro vtraque parte per Doctores contrariæ pugnantisque diuersorum locorum consuetudines. Clar. enim *in sua pract. §. fin. q. 30.* Bonacof. *p. 1. commun. opin. vers. Ecclesia habet immunitatem, ad finem*, Papien. *in sua pract. in forma inquisitionis, vers. Hæc est quadam inquisitio n. 4.* & Salicet. *in l. 2. & l. presentis, Cod. de his qui ad Eccles. confug.* tenent de consuetudine istis seruari immunitatem, quod Papien. *in sua pract. in forma inquisitionis, vers. Hæc est quadam inquisitio n. 40.* & Salicet. *in l. 2. & l. presentis, Cod. de his qui ad Eccles. limitant ad partes Gallie, dicentes in Italia esse consuetudinem contrariam.*

5. Contrà verò restrictam esse consuetudinibus inumunitatem, patet.

Primò enim cum de iure habeat 30. vel 40. passus propè Ecclesiam, hos tamen passus de consuetudine nullibi seruari testatur Io. Igneus *ff. ad senatusconsult. Syllaniam. l. 1. n. 38.* Couarr. *lib. 2. var. resol. c. 20. n. 5. vers. hoc tamen moribus*, & alij, de quibus infrà suo loco. Secundò restricta est in quibusdam Hispaniarum locis, immunitas ad eas tantum Ecclesias, in quibus sanctissima Eucharistia asseruatur. Idque de consuetudine, vt testatur Couarr. *eodem lib. 2. c. 20. n. 4.* & post eum Farinae. *p. 1. criminalium q. 28. de carcerib. & carceratis, n. 34.* Tertiò cum 7. *in c. immunitatem*, solum exprimantur carere immunitate, qui homicidia & mutilationes membrorum in ipsis Ecclesiis, vel cæmeteriis committunt, de consuetudine tamen priuantur omnes qui quoduis delictum ibi committunt, vt testatur Nauarr. *in manual. c. 25. n. 20.* Quod Clar. *in sua pract. crimin. §. fin. q. 30. vers. Item quæro*, testatur vidisse se ita seruari. Quartò de eo qui occidit 8. proximum per industriam, & insidias, dubium est, an gaudeat immunitate, & an textus *c. 1. de homicidio*, dicens hunc ab altari esse auellendum, vt moriatur, debeat intelligi de abstractione, vt non gaudeat immunitate, vel aliter: communiter tamen testantur Doctores de generali consuetudine ea carere, vt abundè dicam infrà.

Quintò assassinos, qui mediante 9. pecunia hominem occidunt, caruisse immunitate, de consuetudine, & praxi communi testantur Petrus à Placha *in epitome delictorum cap. 19. n. 24.* atque alij, quos infrà referam *lib. 5.* cum de assassinis erit sermo. Sextò simplices fures de consuetudine caruisse immunita-

te, aperte testatur Couarr. lib. 2. var. resol. c. 20. n. 3. *verf. Decimonono oporteret*. quod propter magnā furum copiam receptum fuisse in Gallia testatur Io. Igneus l. 1. ff. ad senatus consultum Syllanian. n. 127. & alij.

11. Quòd si dicas, immunitati Ecclesiarum, quæ est quædam diuini cultus species, & reuerentia, non posse consuetudine præiudicari citra diuini cultus, ac reuerentiæ præiudicium. Respondeo non esse ex natura sua naturali iure cultum Dei, sed ex hominum institutione, qui hoc ad eius cultum excogitarunt, quo fit ut hæc ipsa Dei reuerentia aliquando cum maiore eiusdem reuerentia certet: quando ergo populi aduertunt hanc reuerentiam immunitatis facere peccaris quibusdam grauibz recipiendo vsu, ac moribus contrarium, ac restringendo immunitatem, non reuerentiam Dei tollunt, sed reuerentiam illam Dei ex occasione minorem factam maiore reuerentia permutant. Hanc permutationem aliquando legibus satis facit Romanus Pontifex, aliquando populus consuetudine lata per superiores, ac tolerata.

12. Tertiò quoad finem, seu destinationem immuniratis, si humani iuris vim, cui ea tota nititur, attendamus, palam est posse consuetudine paulatim penitus abrogari, ut ex dictis manifestè conuincitur; sicut enim consuetudine restringi potest, imò etiā restricta iam est, ita potest paulatim amplius, ampliùsque restringi, donec nihil remaneat, totaque exhaustiatur. Quin & de facto penè totam iam in desuetudinem venisse testatur Nicol. Moron. in pract. de fide, treuga, & pace q. 103.

n. 10. post Paul. Castren. Idémque allèrit Barber. in viatorio iuris rubr. 33. de violatoribus immunit. n. 3. quod ipsū Papien. relatus apud Bosl. in tit. de captiua n. 3. & eo fedius Iacobus Ferrar. in de forma inquisitionis, col. 1. *verf. ex his, qui hanc voc. inirere nostra Italia voluere*. Qui tamen omnes exaggeratiuè loquuti sunt. Nuppiā enim in toto orbe Christiano omnino desitum est seruare Ecclesiis immunitatem, quauquam siue propter ingentem Ecclesiarum numerum, siue propter delictorum frequentiam, & delinquentium insatiabilem audaciam sæpe contigerit, aut violari immunitatem, aut minus quàm par erat illi deferri: & quamuis de possibili, ut dixi, cessare contraria consuetudine omnino possit, de facto tamen nunquam cessaturam certò sperandum est. Nā & surgentibus incommodis alia ratione per Romanos Pontifices, qui vigilare solent super gregem Christi, providebitur; sicut & de facto quoties occasio tulit, nouis apostolicis constitutionibus prouisum fuit, quin aliquando ipsimet laici magistratus consuetudinibus immunitati contrariis obstitunt, ita eos dirigente diuinā providentiā, quæ ad hanc immunitatem spectant.

15. Mirum dictum est quod subli-  
ciam, magnum, ac singulare in laico Rothomagensi senatu verā pietatis, ac religionis indicium refert Io. Igneus l. 1. ff. ad senat. consult. Syllan. sæpe citatus à nobis supra. In Normannia fuisse consuetudinem non modò populi, atque cleri, sed omnium Abbatum, atque Episcoporum, ipsius denique Rothomagensis Archiepiscopi consensu receptam, ac iuramento firmatam,

vt quisquis ad Ecclesiam confugerit per victus subtractionem, cum banni interminatione egredi ex ea cogeretur, & posteaquam egressus esset, ita contra eum iageretur, vt saltem exilij, aliquando etiam mortis poena damnetur. Egreredientem enim ad exilium ita illud iurare co-  
gebant, vt si quando propria auctoritate rediret, nullo immunitatis priuilegio vteretur, sed extremo supplicio plecteretur. Hæc erat recepta loci consuetudo, qua viuientia immunitatis lex statim interitura videbatur, nihilominus hac non obstante consuetudine quoties aliquis eiusmodi casus per viam appellationis ad senatum Rothomagensem delatus fuit, nunquam aulius est pro consuetudine ferre sententiam, vt idem Igneus refert: sed contra potius consuetudinem illicitam ratus, confugas de manu curiæ secularis liberatos, Ecclesiis, vnde coacti erant exire, restituit. Neque verò minoris faciendum est, id quod in hac ipsa constitutione accidisse memorat Põtifex, quòd cum nonnulli Romani Pontifices pleraque concessissent indulta ad delendos flagitiosos homines, parum immunitati Ecclesiarum consona, non defuerint tamen populi, qui inueteratæ erga Ecclesias reuerentiæ assueti, eisdem vti propria voluntate noluerint.

*Quid possint Romani Pontifices circa eandem immunitatẽ.*

CAPVT XV.

1. **C**VM immunitatis ecclesiasticę priuilegium Dei cultum, sanctorum honorem, & Ecclesiarum reuerentiam concernat, palam est ipsius Christi institutione ad solam

ecclesiasticam Romani Pontificis potestatem pertinere id vniuersè statuere, cui, tanquam suo in terris Vicario totius diuini cultus curam, & Ecclesiarum cultum honorẽque Christus commisit, atque omnimodam de his disponendi tradidit potestatem. Ita enim partitus est mundi gubernationem, vt temporalem Imperatoribus, spirituales Romanis Pontificibus tribueret potestatem, his quicquid ad spirituales, illis quicquid ad temporalem gubernationem pertineret, committeret. Audi de hac potestatum distinctione Nicolaum Papam scribentem ad Michaelẽ Imperatorem: cuius verbis relata sunt in Decreto à Gratiano, semel in *can. quoniam d. 10.* atque iterum in *can. cum ad verum d. 96.* Mediator, inquit, Dei & hominum homo Christus Iesus, sic actibus propriis & dignitatibus distinctis officia potestatis vtriusque disceuit, vt & Christiani Imperatores pro eterna vita Pontificibus indigerent, & Pontifices pro cursu temporalium tantummodo rerum imperialibus legibus vterentur, quatenus & spiritualis actio in carnalibus distaret incurisibus, & ideo militans Deo minimè se negotijs secularibus implicaret, ac vicissim non ille rebus diuinis præcidere videretur. Hinc & Io. Papa *can. si Imperator, d. 90.* Si Imperator, inquit, catholicus est, salua ipsius pace dixerimus, filius est, non præsul Ecclesiæ: quod ad religionem attinet, discere ei cõpetit, non docere. Habet priuilegia suæ potestatis, quæ administrandis legibus publicis consequutus est à Deo, vt eius beneficiis non ingratus contra dispositionem celestis ordinis, nihil vsurpet.

Ad



- Ad sacerdotes Deus voluit quæ Ecclesiæ sunt, disponenda pertinere.
2. Quoniam ergo Imperatores sua auctoritate possint certa loca, etiam publica lege constituere, ad quæ confugientes rei capi nequeant, ut olim concessere confugia ad statuas, & usque hodie durat confugium ad palatium supremi Principis, non tamen æquè potuerunt statuere confugium ad Ecclesias, ut illud propria auctoritate firmarent, ut quæ Ecclesiæ & earum clerici confugas recipere tenerentur.
3. Potuerunt quidem aliquid de Ecclesiarum immunitate statuere, potuerunt abdicare se suasque curias omni potestate quam habent supra laicos suos legitimos subditos, ut ubi ij ad Ecclesiam propter quæcunque delicta confugerint, neque capere eos, neque extrahere, neque punire possint. Potuerunt, & præiudicare laicis ab alio læsis in iure suo, quod illis competeat, petendi in iudicio vindictam in eos, ubi semel ad Ecclesiam peruenissent. Potuerunt & hunc sponte offerre, ac deferre Ecclesiis, Deoque honorē, quem asylis tributum cernebant, ut pro eius reuerentia confugientes ad Ecclesiam tuti essent. At potestatem id omnino firmandi non habebant. Poterat is honor propter rumores qui in Ecclesia occasione confugij excitarentur Pontificibus non probari: poterat eisdem videri non decere Ecclesiam favere criminosis, ideo poterat ab Ecclesia respui. Necesse est ergo fateri non accepisse ex imperialibus legibus firmitatem. Non poterat per Imperatores cogi Ecclesia ad recipiendos sceleratos illos homines, qui ad eam confugissent, non poterant cogi clerici aut ad eosdem recipiendos alendosve, aut ad laborandum pro impetranda eisdem confugis vita, & membris. Omnia hæc ad Romani Pontificis potestatem pertinebant. Atque ideo dicendum est, ad solum Romanum Pontificem pertinere hoc ius immunitatis authoritativè statuere, ac omnimodis ad id Christianos siue laicos, siue clericos, ipsasque Ecclesias obligare. Poterat ipsorum Imperatorum iuri præiudicare iubendo laicis magistratibus ne eos in Ecclesiis attingere auderent. Quod est diligenter notandum. 8. Quamvis enim distincta sit à Christo potestas, & cuique sua tradita Imperatori temporalium, Papæ verò spiritualium, hac tamen conditione distincta est, ut temporalis, tanquam natura sua inferior, spirituali, tanquam superiori, ac digniori subordinata sit, & quicquid ad spirituale bonum expedire Pontifex iudicavit, id possit, & ita possit; ut æquè possit ob eam causam temporali potestati præiudicare. Atque ita demum ut si temporalis quid teneret quod spirituali bono aduersetur, possit de illa iudicare, eamque moderari, eius leges corrigere, interpretari, restringere, abrogare. Ipsum denique supremæ potestatis temporalis caput Imperatorum, Regesque omnes, si ab eo correpti, & admoniti non emendauerint, ad id per censuras ecclesiasticas compellere, quemadmodum & aliquando, cum nempe tulit necessitas, ipsi Pontifices fecere.
- Neque verò piissimi illi Imperatores, qui primas de Ecclesiarum immunitate, leges tulere, excesserunt limites propriæ potestatis, sed suis illis legibus ea omnia statuerunt,

rant, quæ propriæ potestatis erant, ne quis confugientes ad Ecclesiâ laicus extraheret, ne ad poenam raperet, &c. Reliquere Pontificibus, ut ipsi clericis, ipsi Ecclesiis, quæ disponenda putarent, præciperent, probarent, improbatentve. Quo cōnincitur ad solum Romanum Pontificem pertinere statuere privilegium immunitatis Ecclesiarum auctoritativè, & quoad omnia, etiam quoad ea, quæ Imperatoribus præiudicabant. Hinc ortum est quod docet glossa in *can. siue antiquitus* 17. q. 4. & in *c. inter alia*, de immunit. Eccles. non modò apud ecclesiasticos, sed etiam apud seculares iudices, si quando aliquis articulus de hac materia ad eos deferretur, ubi-  
cunque ius civile à canonico discordet, semper esse secundum canonicum, non autem secundum civile iuris dispositionem iudicandum, id quod cōmuni penè cōsensu Doctores receperunt, Inol. in *clem. 1. de penit. & remission. in fin.* & ibi Bonifac. de Vitalin. & Cardinalis Abbas post gloss. in *c. inter alia*, de immunit. Eccles. n. 4. Petrus Belluga in *speculo Principum* rubr. 11. § *fit, quia*, n. 12. Oldrad. *consil.* 154. Io. Faber *Institution. de his qui sunt sui, vel alien. iur.* 6. sed hoc tempore. Fulgos. in l. *fidelis*, Cod. de *his qui ad Eccles. confug.* quam sententiam communem esse testatur Couarr. lib. 2. *variar. resol.* cap. 10. n. 3. & ratio hoc suadet, quoniam ad solam potestatem ecclesiasticam pertinet legem potestativè ferre de hac re quæ omnes obliget; & legibus Imperatorum nihil aliud actum est, quàm ut cederent iuri suo supra reos ad Ecclesiam confugientes, nec potuere postea Imperatores casus excipere, aut iam concessam immunitatem restringere:

P. Gambac. de immunit. Eccles.

ergo tota vis & nervus immunitatis in canonico Pontificum & Conciliorum sacrorum iure posita est, & secundum idem ius est iudicandum.

Sed & hoc ipsum, de quo agimus, 6. immunitatis ius statuere ad Papam pertinere, & secundum ius Pontificium iudicandum esse, apertè ex ipso usu praxique tã Ecclesiâ, quàm secularium Principum manifestè conuincitur. Nam mos Ecclesiæ sæpè fuit suis legibus ius immunitatis restringere, ac moderari, casusque de nouo pro temporum, locorumve necessitate, restringere. Idque non solum lata lege, quæ natura sua perpetua est, sed etiam temporariis indultis, & concessionibus, permittendo multa quibus multum de immunitate detraheretur.

Fuit & laicorum Principum mos 7. ad sedem Apostolicam recurrere, & cùm per immunitatis occasionem, libertas peccandi cresceret, opem ab ea implorare, remedia petere, quibus eisdem, aliisque insurgentibus malis opportunè promideretur, quorū votis annuere, conatus promovere, necessitatibus consulere, sedes Apostolica semper consuevit. Hic mos secularium Principum omni laude dignissimus censendus est, sic enim ipsi tanquam legitimi filij ad matrem, in qua potestas spiritualium tota residet, piè recurrēdo, suis malis, quæ debent ratione provident, & intra suæ sese potestatis limites continent, nec diuinam maiestatem offendunt. Quod ut faciant semper optandum est. Et si forè ab eadem sede usque adeo, sine remoti, vix ut recurrere, ad eam possint, recurrant ad legatos de laterē, si qui sunt in eorum domiciliis, recurrant ad nuncios eiusdem  
A 4 sedis,

sedis, qui assistere cum potestate legati supremis Principibus solent, recurrant ad Archiepiscopos, aut Episcopos, quando alij non supputant, eorumque consilio urgentibus negotiis prouideant, ne quid interea regna patiantur, dum sedes Apostolica consulatur: legati enim sedis Apostolicæ potestatem amplissimam habere solent, etiam indulta generalia extrahendi de Ecclesiis confugas concedendi, vt ex hac ipsa constitutione apparet. in qua reuocat Pontifex ac moderatur indulta de extrahendis de Ecclesia confugis concessa, non modò per Romanos Pontifices, sed etiã per sedis Apostolicæ legatos, quod non diceret, si ea legati potestate carerent. Nunciis verò apostolicis parem aliquando legatis potestatem concedi, testatur Hieronymus Gigas in tract. de crimin. lese maiestatis in rubr. de pluribus & variis questionibus q. 3. concessum fuisse Don Ludouico Beccadello Bononien. Episcopo Rauellen. Nuntio Apostolico, apud Senatũ Venerum, quòd si alicubi casus aliquis accideret, etiamsi non sit hac constitutione expressus, qui propter circumstantias adò scandalosus esset, adò euidenter reip. perniciosus, adò toti populo odiosus, vt adhibito prudentũ consilio, periculum esse iudicaretur in mora, reusque ad Ecclesiam confugisset, recurratur ad Episcopum, ad quem pertinebit, tunc eiusmodi licentiam expressam date, cuius si non sit copia, vel sit quidem, sed is sit adò timidus, perplexus, & scrupulosus, & nihil ex eo extorqueri possit, tunc putandum est federe casum iuris naturalis, in quo ad necessariam sui conseruationem, ad reipublicam,

seu Principem & Gubernatorem plenã potestas redit, cessatque omne humanum ius immunitatis, ac si non esset, posseque eum extrahi per laicos ab Ecclesia ad poenam, etiam ad mortem. Fidendum est etiam de Romani Pontificis ratione habitatione, quem, si casus eiusmodi sit adò euidenter, vt descriptus, pro certo habendum est, non modò ratum habiturum, sed etiam laudaturum

Neque verò villo modo permit- tendum, vt pro conseruatione iuris huius humani, respublica graue aliquod detrimentum patiat. Iura enim humana, quæ ad salutem incolumitatemque respublicæ ordinata sunt, ad eius perniciem conuertere permittendum non est. Dum modo hæc concurrant. Primum vt delictũ adò sit graue atque atro, vt temp. euidenter offendant. Secundum, vt periculum sit in mora, siue periculum sit ne ille fuga euadat, siue ne quid deterius accidat. Tertium vt debita Ecclesiæ reuerentia in eo extrahendo seruetur, ac quanto cum minore rumore, ac scandalo fieri potuerit extrahatur. Quartum, vt Episcopus requiratur humiliter, eique in quantũ reipublicæ necessitas tulerit pareatur, ac si is negauerit, tum demum ad extrahendum confugam veniatur. Hic ego primũ sanctissimos Ecclesiæ Prælatos, Episcopos, Archiepiscopos, nuntios legatosque vtro, atque obtestor, vt si quando casus huiusmodi contingant, non se difficiles præbeant magistratibus secularibus, sed publici boni habita ratione, facile forment conscientiam fauore boni communis, publicæque maiestatis, intelligantque tunc pleniũ fauere Ecclesiis, cum bono pu- blico

blico fauent, atque è re Ecclesiæ magis fore vt secularis curia per Ecclesiam eiusque prælatum impetrèt id quod illis iure debetur, quã vt in desperationem adducta audeat per se reos extrahere, ne ita animos paulatim sumat violandi immunivitatem, etiam cum nullus subest articulus necessitatis; exasperantur enim vñum in modum, atque exacerbantur animi iniuristarum curiæ secularis, cum vident sibi debita ac rationabilia postulata negari, deponunt bonam quam de Ecclesiarum prælatis habebant opinionem, nullum habent eorum respectum, facile in eorum contemptum veniunt.

*Cur Ecclesia & Romani Pontifices cum per se possent immunitatem Ecclesiarum instituire, maluerint expectare, donec ab Imperatoribus deferretur.*

## CAPVT XVI.

1. **N**ON inutilis, opinor, erit hæc disputatio. Cum enim constet ex præcedenti capite penes ipsos Rom. Pontifices omnem huiusmodi statuendi potestatem Christi institutione positam fuisse, mirari quispiam possit, cur tandiu distulerint, cur Ecclesiam tam longo tempore ea carere passi sint, vt si qua fuit vsu solo recepta, nulla verò lege præcepta fuerit. Neque verò sanctissimos Pontifices, quales primi illi fuere, & diuini cultus zelo plenissimos, aut segnes in hac instituenda immunitate fuisse putandum est, aut de ea minus cogitasse, aut desperam, seu temere distulisse, sed pro certo habendum eos optimo consilio sapienter, prudentèrque id

egisse. Primum enim cedendum fuit furori demonum, ac Principi seculi, qui ab eis agitabantur, atque inter persecutiones, iras, tormenta, equileos, ferreas crates, dentium contusiones, confractiones membrorum, ferarum lacerationes, ceteraque similia fuit Romanis Pontificibus de simplici fidei conseruatione, propagationeque cogitandum, atque ideo de perquirendis solitudinibus, cauernis, antris, arenariis, sepulcris, in quibus se suosque abderent, cura illis fuit. Quæ verò ad Ecclesiæ splendorem atque ad exteriorem gloriam, quæ ad sacram ipsorum Pontificum pompam, ad ornatum, ad honorem, ad priuilegia immunitatum omnium quæ Deus illis atque Ecclesiæ præparasset, hæc illi beatissimi Pontifices vix à longè aspicientes suis meritis parabant potius quàm de his cogitabant. Voluit enim Deus præcedentiũ sanguine futurorũ purpurâ perpeffionibus coronas aureas gematâsque emendas esse. Fore etenim, vt posteaquam homines pauci, indocti, nudi, inermes, in medijs gladiis, ac mortibus Christi fidem eousque prouexissent, vt viri sapientes, nobiles, potentes, armati eis subiicerentur, tunc externus honor, gloria, apparatus, priuilegia, immunitates, exemptiones Ecclesiæ accederent, eaque non ipsa sibi per superbiam atque ambitionem usurpare videretur, sed à seculi Principibus humiliter deuorèrque oblata reciperet.

Secundò non decebat Christianam humilitatem, vt ipsi met Pontifices primi sibi atque Ecclesiis honores, splendorem externum, pompam, priuilegia sumerent, sed expectarent donec sibi, & Ecclesiis

per ipsos Principes deferrentur, ut sicut exterius splendor, sic & privilegia ac iura immunitatum ad eos per Principes seculi detiuerentur. Primus honor Syluestro Papæ à Constantino Imperatore ad fidem conuerso haberi cœptus est, isque fuit ab initio maximus, & imperiali honori, aut par, aut superior, de quo habetur text. *in can. Constantinus* d. 96. licet nonnulli viri graues, & docti detrahant, cum præsertim palea sit, tamen in decreto nuper correcto auctoritate Gregorij XIII. ad finem eius canonis nonnulla addita sunt quæ eius auctoritatem egregiè confirmant. Ibi Constantinus testatur, primum omnium se cum vniuerso senatu, optimatibus, satrapis atque vniuerso populo iudicasse, ut sicut B. Petrus Vicarius filij Dei in tectis fuit constitutus, ita Romani Pontifices, qui ipsius Principis Apostolorum gerunt vices, principatus potestatem amplius, quam terrena imperialis mansuetudo ab eo concessam haberent, & sicut nostram, inquit, terrenam imperialem potentiam, sic eius sacrosanctam Romanam Ecclesiam decreuimus veneratione honorari, & magis quam nostrum Imperium, & terrenum thronum, sedem sacratissimam B. Petri gloriose exaltati, tribuentes ei potestatem, gloriæ dignitatem, vigorem, & honorificentiam imperialem. Subdit de apparatu Pontificio dicens: Successoribus B. Petri contradimus diadema, videlicet coronam capitis nostri phrygium, id est, mitram, nec non superhumale, quod imperiale circumdare solet collum, chlamydem purpuream, tunicam coccineam, &

omnia imperialia indumenta, dignitatem imperialium præsidantium, equitum imperialia sceptrâ, simul cuncta signa, & bänder, & diuersa ornamenta imperialia, & omnem processionem imperialis culminis, & gloriam potestatis. Deinde assignat eidem Pontifici curiam æquè gloriosam, atque imperialem. Paulo post testatur, cum B. Syluester coronam suo capiti imponi passus non sit, ipsummet Imperatorem propriis manibus imposuisse ei phrygium, id est, mitram candidam, tenuissimæque frænum equi ipsius, ac stratoris illi officium exhibuisse pro reuerentia B. Petri, ut pontificalis apex non vilesceret, sed magis, quam imperialis dignitas; gloria, & potentia decoraretur; sic exaltato ipso capite Romano Pontifice, deinde eius membra, totus nempe ordo clericalis, atque vniuersæ per orbem Ecclesiæ immunitatum privilegiis decoratæ per eosdem Imperatores fuere opibus, ac diuitiis ditatæ, ut sicut cætera privilegia, quibus imperio præiudicabatur, ita & privilegium immunitatis confugij sponte clericis, atque Ecclesiis offerretur. *can. in qualibet* 23. q. 8. tres referuntur civiles leges. Prima Constantij & Constantis, qua clericis, qui laicis virtute præminent, conceditur ut perpetua, ut publicis laboribus, securitate gaudeant, propterea quod clericorum orationibus magis augeatur, quam laboribus aliorum. Altera est Gratiani, Valentiniani, atque Theodosij, qua liberantur iidem ab omnibus exactionibus. Tertia Iustiniani, qua cauetur ne de his quæ quilibet donauerit Ecclesiæ

fuo

siue inter viuos, siue causa mortis, siue in ultimis voluntatibus quicquid, subtrahatur pro fisco Imperialis. Quarta lex refertur in *can. secundum canonica, ead. caus. & quest.* Ludouici Imperatoris, vbi liberatur Ecclesia ab omni tributo pro suis agris, manibus & mancipiis, quæ sibi imperiali beneficio conceduntur de his quæ dantur, pro sepultura de decimis & oblationibus. Quinta lex Imperatoris Leonis relata in *can. generaliter* 16. g. 1. qua Episcopi, Presbyteri, diaconi, subdiaconi, & monachi, quamuis non sint clerici, liberantur ab onere tutelæ testamentariæ, ac datuar, & curæ pupillorum, adultorum furiosorum, mutorum, surdorum. Sexta Constantini eodem *can. generaliter* 5. iuxta, qua cauet, ne quis Ecclesiarum fundos, nouis collationibus obligare queat. Septima Honorij, ac Theodosij eodem loco vetans Ecclesiarum prædia sordidorum munerum fæce vexari, extraordinarium, vel superindictum quidpiam exigi, præter canoniceam illationem, id est, nisi antiquitus consueta tributa. Alij demum Imperatores, de quibus dictum est suprâ in hoc eodem lib. 3. cap. 10. alias tulere similes leges. Hæc omnia quoniam speciosa erant, & vanitatem sapere videbantur, sapientissimo noluit Ecclesia sibi accipere, quamuis posset, sed expectauit donec ab ipsis Imperatoribus deferrentur. Ita enim factum est, vt non fastui, ambitioni, superbiæ illi tribueretur, sed sanctitati, ac debita illius maiestati pro Dei, ministrorum eius, & sanctorum locorum reuerentia, cum vix, atque ægrè etiam sponte oblata eorum pleraque receperit.

13. Tertiò id fecere Pontifices, ne

Principibus seculi huius iustam occasionem darent, sibi cauendi, aut etiam timendi eos, & propterea etiam persequendi cum viderent eosdem sibi ipsi, sumere, tam excellentes honores, facili enim in suspicionem venirent fore vt per religionis ac nouæ legis introducendæ occasionē sceptrâ, imperia, dignitates, honores affectarent. Rursû ne homines ad recipiendâ fidem his honorû sibi authoritate propria sumendorum spe inducerentur, ne iurè necarentur prælati Ecclesiarum non iam propter fidem, sed propter ambitionem. Quarta accedit ratio immunitatis Ecclesiarum propriæ, ne si ipsi Pontifices Romani, qui quotidie ad mortem conquirebantur, immunitatem confugij Ecclesiis motu, atque autoritate propria dedissent, suspicaretur tyranni eos, vt propriæ aliorumque Christianorum vitæ consulere, id egisse, qua timoris eorum suspicione, & multum de Christianæ religionis constantia detractum esset, & furoris inflammator rabies in eos excitata, & Ecclesiæ Christi ab inflammariis scelere, & furore contemptibilius tactatæ fuissent, si Maxentius Imperator cum audisset Marcellû Pontificem ad Ecclesiam in Lucinæ ædibus dicatam cum Christianis ad faciendâ sacra conuenire, ita percitus ira fuit, vt in eam Ecclesiam catabuli bestias transferri, atque ab ipso Pontifice earum curam geri impetauerit, donec vir sanctissimus ob loci sordiditatem prædore confectus animam exhalaret. Quid facturum putemus, si eidem Ecclesiæ asyliam à Marcello concessam vidisset, quò furoris, quò amentia processisset?

Postrema ratio est, quoniam im-

munitatum privilegia ipsismet Imperatoribus, eorūque & patrimonio, & obsequiis, & potestati iurisdictionique præiudicabant, exemptio à vectigalibus præiudicabat patrimonio, exemptio ab oneribus sordidis, superinductis, ceterisque similibus præiudicabat seruitutis eorundem, exemptio denique confugij, ad Ecclesias præiudicabat eorundem iurisdictioni, subtrahebat enim eis laicos criminum reos ad Ecclesias confugientes, ne per ipsos, eorūve curias puniri, nève extrahi de Ecclesiis, aut arctari in illis possent, quarum triū rerum patrimoniij, seruitutorum, ac iurisdictionis pacifica, legitimaque possessione tunc fruebantur Imperatores. Hac ergo possessione visum est sanctissimis illis Pontificibus illorum temporum nõ decere ab Ecclesia Imperatores lata lege spoliari, sed expectandum, donec ipsi eam omnem à se abdicarent, & in Ecclesiam transferrent, quod & fecerunt. Opinati sunt enim si Ecclesia hæc sibi propria auctoritate acciperet, grauitur eos laturos, aut ne laturos quidem, sumissimè autem passuros se ea carere, quando ipsi eā sponte à se abdicatam Ecclesie concessissent. Si enim nostrorum temporum Principes in fide si nõ nati, at certe educati, eaque cum primo lacte potati aded per sæpe grauitur ferunt reorum ad Ecclesias confugium, cum certò sciant id Ecclesiis per maiores suos sponte tributum, quid aut hos ipsos nunc facturos putemus, si Ecclesiam id sibi contra maiorum suorum voluntatē usurpasset, aut illos ipsos illorū temporū Principes si tūc eis se cōmodis per Ecclesias spoliari vidissent. Ad hæc

tollenda incōmoda, visū est Spiritui sancto opportunius expectare tempus his immunitatum privilegiis consequendis, nõ modò vt ipsi Imperatores ea sponte offerrent, sed & latis legibus non modò offerret, sed iubereut sub grauissimis pœnis seruari, tum ne facti memoria vetustate collaberetur, tum vt suam illam erga Ecclesias, ecclesiasticisque Pontifices, pietatem scriptis legibus testatam relinquerent, & velut in speculo ad viuum expressam ad postereros transmitterent. His autem non repugnat si dicamus primis illis temporibus saltem posteaquam Christiani Ecclesias habere ceperunt seruatiā de consuetudine Ecclesiarum immunitatem confugij, quoniam consuetudo priuatim orta non aded nota est, nec omni populo publica, vt lex, & rari inter Christianos casus contingebant, & cum Christiano aduersus Christiano contingebat, tunc laicus ob loci reuerentiam non accusabat laudentē, qui ad Ecclesiā confugisset.

---

*An occurrente casu quo quis canonico iure caret immunitate possit Pontifex extra terras sui domini, vel eius de latere legatus dare ei immunitatem.*

#### CAPVT XVII.

**Q**UONIAM cap. 15. constitutum est posse non modò Romanum Pontificem, sed etiam eius de latere legatos, nuntios item Apostolicos, qui cum legati potestate ad certos Principes destinantur, interdum etiam Episcopos iubere, cum



cum qui causam commisit cui immunitas de iure canonico competit extrahi de Ecclesia ad mortem propter casus acerbitem grauem populi offensionem, & moræ peticulum præsens surgit dubitatio, an si quis delictum committat, cui cōfugienti ad Ecclesiam immunitas iure canonico non debetur, possit saltem Romanus Pontifex eiusve de latere legatus extra terras domini Ecclesiæ iubere illum ad immunitatem admitti. Posse autem illud, suadet quoddam par esse debet potestas ad mortem, atque ad vitam, ad excludendum ab immunitate eum cui debetur, & ad admittendum illum cui non debetur. Neque enim decet maiorem esse Ecclesiæ ad rigorem, & pœnam, quam ad clementiam atque ad indulgentiam potestatem. Secundò quod utroque casu est contra ius canonicum dispensandum, ad dispensandum autem æquè pro utroque casu habet solus Pontifex potestatem. Tertiò potest Pontifex lata lege quemcunque casum à lege immunitatis excipere, & cuiusque immunitatis præbere: ergo multo magis poterit in casu particulari, quod longè minus est, id facere. Quartò Imperatores suis legibus codicis amplissimam concesserunt Ecclesiis immunitatem, nullo prorsus casu excepto; ergo omnem à se abiecerunt potestatem puniendi cuiuscunque criminis reū confugientem ad Ecclesias, & consequenter, Pontifex concedendo alicui immunitatem in casu particulari, quo illi iure canonico non debetur, nullum facit Imperatori, aut cuius alteri Principi, cui is subiectus est, præiudiciū, cum de iure civili omni prorsus delicto & in o-

mni casu debeat immunitas: ergo potest Pontifex hoc iubere; si quid enim esset, cur non posset, id esset præcipue ne ipsi temporali Principi eiusve potestati, aut iuri præiudicaret.

Distinguendum est primo loco de Romani Pontificis potestate ordinaria, seu ordinata, & de potestate absoluta. Potestas ordinata dicitur circa ea quæ cōmuniter potest, ac solet, ut petere quid hac potestate possit, idem pœne sit, ac petere quid debeat, quidve expediat fieri. Absoluta verò potestas est circa ea ad quæ potest se extendere in rigore, ut posse dicatur quicquid vires eius nō excedit, seu quicquid non repugnat ex parte rei, quamvis non debeat, neque expediat fieri.

Aduertendum eum qui delinquit contra aliquem non solum illā priuatā personam lædere, sed etiam re publicam, & communitatem illam, cuius is membrū erat, sicut in corpore vero, qui membrū aliquid lædit, simul totum corpus lædit in illo mēbro. Hinc duplex acquiritur ius, duplex oritur actio ex hoc delicto ad petendam compensationem per iustitiā vindictinā, & ultrices pœnas. Vna quidē actio, acquiritur illi particulari personæ quæ læsa est, cuius vi, iure petit cōpensationem. Altera acquiritur reipublicæ, cuius vires gerit fiscus, siue illā particularē petere adiuvās, siue illo ex timore, vel alia causa tacere principaliter agēs, & iure suo petēs satisfieri & cōpensationē dari reipublicæ, quod si lege statutum sit compensationem hanc fieri morte, vel mēbri alicuius mutilatione, utriusque iuri præiudicatum est privilegio immunitatis Ecclesiarum, ut neuter possit agere ad pœnam mortis, vel mutilationis, sed



sed alia æquiore pœna sit' compen-  
 satio facienda. Rursum reo cuius-  
 que alterius criminis præter casus  
 expressos ipso ad Ecclesiam actuali  
 confugio virtute eiusdem privile-  
 gij duplex ius acquiritur, vnum ipsi  
 reo, vt non possit capi, constringi,  
 extrahi, aut morte membrive mu-  
 tatione puniri. Alterum Ecclesiæ, ad  
 quam confugit, eiusque clericis, vt  
 illum tueri possint, necapiatur, co-  
 stringatur, extrahatur, vtque illi vi-  
 ta ac membra impetrentur, neque  
 vlla ratione sinatur in his puniri:  
 quare & reus ipse in ius quoddam  
 Ecclesiæ transit, vt si fortè per vim  
 extrahatur, Ecclesiæ dicatur spolia-  
 ta, possitque iure spolij petere re-  
 stitutionem sibi fieri. Hæc ergo bi-  
 na iure læso quæsitæ ex confugio ip-  
 si reo atque Ecclesiæ, si cum binis  
 illis iuribus ex delicto quæsitæ ipsi  
 particulari læso, ac reipublicæ in  
 illo offensæ, confèrantur, facillè in-  
 telligemus ea quæ sunt quæsitæ læ-  
 so, & filio longe potiora esse illis  
 quæ sunt quæsitæ reo, atque Eccle-  
 siæ. Illa enim sunt iura quædam na-  
 turalia, quoad substantiam, etiamsi  
 nulla humana iura de eis quidpiam  
 statuerent, oriunturque ex vi iusti-  
 tiæ commutatiuæ, ad quam perti-  
 net vindictiuæ faciens compensa-  
 tionem ad æqualitatem, quæ æqua-  
 lem aliqua ratione delicto pœnam  
 infligit. Dixi autem quoad substan-  
 tiam, quia non est de iure nature  
 determinatum, quæ sit æqualis ali-  
 quo modo pœna, sed determinata  
 est vel iure humano, vel iudicis  
 arbitrio determinanda, eaque esse  
 debet valde conformis, & ali-  
 quo modo æqualis delicto. Iura ve-  
 rò, quæ reo, atque Ecclesiæ acqui-  
 runtur, ex iure iure humano im-  
 munitatis oriuntur, quæ nulla o-

mnino acquirerentur, si iura immu-  
 nitatis tollerentur. Rursum illa pri-  
 ora iura quæsitæ læso, ac reipubli-  
 cæ, seu fisco, ex se suæque natura  
 nulli iuri præiudicant, cum sint iu-  
 ra quædam anteriora, & simul cum  
 ipsa natura instituta. Posteriora ve-  
 rò iura quæsitæ reo atque Ecclesiæ  
 ex se natureque sua præiudicant il-  
 li naturali iuri læsi atque fisci, quod  
 præiudicium ideo tolerabile est,  
 quia ad Dei cultum & honorem Ec-  
 clesiarumque reuerentiæ humana  
 lege decretum est.

Ex his facillè apparet quanta sit  
 differentia inter duos illos casus ini-  
 tio propostos: nempe cum Ro-  
 manus Pontifex contra canonici  
 iuris dispositionem iubet reum ali-  
 quem, cui immunitas debebatur  
 propter delicti acerbitatem, & scâ-  
 dala, extrahi de Ecclesiâ ad mor-  
 tem, & cum iubet eum, cui immu-  
 nitas propter eandem delicti acer-  
 bitatem non competit, ad immuni-  
 tatem admitti, ab Ecclesiâque de-  
 fendi. Multum enim differunt, siue  
 consideremus personam læsi & rei-  
 publicæ, seu fisci, siue consideremus  
 personam lædentis & Ecclesiæ, ad  
 quam confugit, siue personam Pon-  
 tificis iubentis extrahi, vel recipi  
 contra iuris canonici dispositionem.  
 Si enim consideremus personam  
 læsi & fisci, læsus & fiscus in prio-  
 re casu acquisiuerunt quidem ius  
 illud naturale ad petendam æqua-  
 litatem pœnæ, sed illud propter im-  
 munitatē Ecclesiæ ei tam lege de-  
 bitam erat quodammodo imminu-  
 tum, vt non posset obtinere com-  
 pensationem legatam, & lege statu-  
 tam, tanquam æqualem. In poste-  
 riore vero casu videntur acquisi-  
 visse ius illud naturale plenum, at-  
 quo perfectum ad petendam pœ-  
 nam:

- nam legalem mortis, vel mutilationis lege statutam, vel per iudicem statuendam, tanquam æqualem, propterea quod immunitas illi ex iure non est debita. Si consideremus personam rei, & Ecclesiam ad quam confugit, in priore casu reus ad Ecclesiam confugiendo, eo ipso acquisit sibi & Ecclesie ius immunitatis, id est, ius, ut non possit capi in Ecclesia, arctari, extrahi, damnari ad mortem, vel mutilationem, quo iure præiudicat illi iuri naturali læsi, & fisco. Posteriore vero casu nullum omnino ius acquirit, neque sibi, neque Ecclesie, & tantumdem est, quantum si ad Ecclesiam non confugisset, manetque obnoxius læso & fisco ad omnem poenam legalem, etiam mortis & mutilationis, & solum intendit ex novo præcepto Romani Pontificis acquirere ius immunitatis de nouo.
10. Si demum attendamus personam Pontificis præcipientis, seu præcepti ipsius, in priore casu apparet æquissima causa præcepti iubentis extrahi contra iura canonica immunitatis. Priuatur enim iure quæsito immunitatis, sed priuatur ex sua culpa, quia nimis atrox, acerbumque delictum, aut nimis scandalosum reip. committere ausus est, & ita priuatur culpa sua iure hoc humano, ut eodem præcepto restituatur parri læsæ ac fisco ius illud suum naturale, & eidem naturali iuri faueatur. Posteriore vero casu pars læsa, & cum ea resp. priuatur suo illo naturali iure quæsito, & nulla sua culpa priuatur. & fauore delinquentis priuatur, ut liberetur à pœna legali, & reo qui valde enormiter deliquit, cum commiserit vnum ex illis acerbissimis casibus, quibus de iure ablata est
- immunitas, reo, inquam, & Ecclesie indulgetur, ut postea de nouo acquirat ius illi legi indebitum euadendi poenam legalem cum præiudicio iuris quæsitæ partis læsæ, ac totius reipublicæ. Rursum priore præcepto fauetur reipublicæ, & offenso in præiudicium personæ priuatæ, & ex iusta causa. Posteriore casu fauetur personæ priuatæ, & scelestæ in præiudicium partis læsæ ac totius reipublicæ. Demum utroque præcepto Pontifex se & pium, & rigorosum ostendit, sed diuersimodè. Nam priore casu seuerus est in personam priuatam rei, sed pius ac misericors, & erga offensum & erga reipublicam; posteriore vero casu pius quidem est erga personam rei grauissimè delinquentis, seuerus & rigidus contra reipublicam, atque contra eum qui fuit offensus.
11. Demum aduertendum cum iure diuino, & naturali ad Principes seculares pertinere punire laicos delinquentes; non enim sine causa gladium portant, vult Apostolus *Rem. 13.* licet Imperatores condendo immunitatis legem aded amplam & illuminatam nullo prorsus ex ea excepto casu abiecerint à se, atque ab omnibus supremis principibus omnem potestatem procedendi ad poenam contra eos qui ad Ecclesias confugiunt, tamen eo ipso quod Ecclesia ad quam pertinet restrinxit se ad poenam mortis, & mutilationis, & grauem poenam corporalem omnis potestas procedendi contra eosdem reos ad alias quascunque poenas intelligenda est eisdem Imperatoribus restituta, sicut & hoc ipso quod Ecclesia restrinxit immunitatem aliquorum casuum exceptione, intelligenda

da est eisdem Imperatoribus & Principibus restituta potestas procedendi contra reos in illis casibus, hac enim restitutione Ecclesia abiecit à se protectionem reorum omnium quoad alias penas, & quoad illos casus, iureque suo eadem potestas puniendi quoslibet alia leui pena, & in illis casibus redit ad Imperatores Ecclesiae auctoritate, qua ipsi suis generalibus immunitatis legibus se omnino priuarant, & hoc diligenter notandum est, his positis ad rem venio.

14. Primò certum & indubitatum est Romanum Pontificem, quoties illi videbitur ratio communis boni id postulare, de potestate ordinaria posse iubere eum, cui de iure competit immunitas ab Ecclesia, ad quam confugerat, extrahi ad penam, eumque priuare immunitate, & probatur, quoniam quisquis grauiter abutitur privilegio, potest iuste illo priuari, cum praesertim merito suo privilegio & gratia illud concesserit; & quia ratio communis boni omnem aliam rationem merito debet superare. Tertiò, quia hoc facto licet praediciet iuri questito rei, fauet iuri naturali reipublicae, non modò partis laesae. Quartò, quia conseruatio reip. est de iure naturae debita, non sic conseruatio humani privilegij. Et haec multum valere debent ad atcendam hominum audaciam, ne spe immunitatis atrociam quaedam, & nimis aut scandalosa, aut reipublicae pernitiosa audeant, certi, quòd in eiusmodi delictis meritò priuari iure immunitatis possunt.

15. Secundò aequè certum est apud me Romanum Pontificem in suo statu temporali posse confugienti ad Ecclesiam, cui immunitas de iure

non debetur, ad immunitatem recipere. Probat, quia supremus Princeps potest reo mortem committere ex causa rationabilis condonare vitam. Sed Romanus Pontifex in suo temporali statu, est supremus temporalis Princeps: ergo, sicut potest absolute id facere, ita cum praeter dominium corporale sit etiam supremus Princeps spiritualis, potest idè facere per viam immunitatis, vtendo enim hac potestate spirituali immunitatis in terris sui dominij temporalis, nulli omnino alteri Principi praediciat. Parti autem laesae praediciare potest ex causa. Idem posset legatus eius de latere in eisdem terris si haberet à Papa non modò spirituales, sed temporalem etiam potestatem, propter easdem, quas de Romano Pontifice attulimus rationes.

- Tertiò dico videri mihi Romano Pontificem idem posse in omnibus quorumcunque supremorum Principum terris ex aliqua graui causa aliquo modo concernente bonum spirituale fidei, ac morum illius vrbis, vel Ecclesiae generalis, vt si quis locus esset in quo propter haereticorum multitudinē ac potestatem liceret haereticis impunè viuere in sua haeresi, in eoque loco esset insignis aliquis Catholicus bene doctus, de catholica fide benemeritus, qui acriter soleret fidem tueri, multosque in eadem labantes confirmare, lapsos ad fidem reducere, &c. Is si fortè cum per humanam fragilitatem delictum aliquod extremo dignum supplicio, cui immunitas non suffragatur, commisisset, confugissetque ad Ecclesiam, petens à Romano Pontifice opem, non dubium quin posset Pontifex

lex beneficio immunitatis illum liberare, iubendo illi etiam si iure nõ debeat, ex gratia speciali seuuari immunitatem: sicut & ipse temporalis Princeps supremus posset, ac deberet ratione publici boni fidei, vltã illi etiam reclamante parte indulgere. Præualer enim bonum publicum; præsertim spirituale cõmunis, sibi partis.

17. Quartò dico non minus posse eundem Pontificem extra causam necessitatis fidei, ac morum idem facere, neque in hoc præiudicare suprema Principum Christianorũ potestati, sed vti sua, dummodo ex aliquã graui, & vrgenti causa faciat. Probatũ ex dictis palio superius n. 13. quia supremi Principes ac magistratus non iam diuini, ac naturali iure potestatem habent puniendi reos confugientes ad Ecclesiam in casibus exceptis, -cũ ipsi, condendo iure immunitatis, hanc omnem potestatem à se abiecerint; nullum omnino excipiendũ casum, sed eam omnem habent ex concessione Romanorum Pontificũ, qui ratione publici boni attendita, casus aliquos excipiendos concessere Principibus, & eorum curiis, vt in illis casibus reos etiam si ad Ecclesiam confugiant punire possint. Ideo superius n. 11. dixi hoc posteriore casu, cũ iubet Pontifex aliquem in casu excepto ad immunitatem admitti, videri temp. priuati suo naturali iure quæsito puniendi illum, non enim verè tollitur illi ius naturale, quod ipsa sibi ipsi abstulit, sed solum priuatur iure illi concessõ, & quodammodo restituito ex Ecclesiæ autoritate. Sicut ergo Ecclesia illis hanc potestatem concessit, ita potest eandem

omnino tollere, tollendo omnes casus exceptos, aut limitare, tollendo solum aliquem, & in ea dispensare iubendo aliquem in casu excepto ad immunitatem Ecclesiæ ad quam confugit, admitti, dummodo rationabilis adsit causa hæc faciendi. Idem dico de iure partis læsæ; fuit enim illi per leges imperiales derogatum, per Romanos Pontifices in certis casibus restitutum, ideo si per eosdem in casu aliquo particulari dispensetur, nulla ratione cõqueri possũt de Ecclesia, quæ id tollit quod ipsamet dedit.

Quintò dico, cũ in Ecclesia sit plena potestas per se ipsam auctoritativè introducendi ius immunitatis, etiam si non esset ab Imperatoribus oblatum, & præiudicandi in hoc potestati supremorum Principum, sicut probatum est supra in hoc eodem lib. consequenter illud limitandi, ac moderandi, necessariò consequi videtur esse penes eandem plenam, ac liberam potestatem dispensandi in cuiuscumque præiudicium: si enim potest vniuersè præiudicare, multo magis potest in casu aliquo particulari, cũ omnibus maturè consideratis illi visum fuerit sic expedire. Cũ enim ad Dei ac Sanctorum eius, factorumque locorum cultum reuerentiæque pertineat, necesse est ad Ecclesiæ spectare potestatem.

Dico quamuis Romani Pontifices hoc possint, nunquam tamen hætenus tale quidpiam fecisse leguntur, sed nec facturi credendi sunt, deferunt enim & semper deferre potestati, atque auctoritati Principum, quantum ratio patitur, tum quoniam expediat ipsi

20. Ecclesię pro suis necessitatibus magnam & esse, & credi apud populos Principum potestatem, tum quoniam hac ratione conseruat eos Ecclesia beneuolos, deincepsque sibi debita charitate, vt & ipsi vicissim potestati ipsius Ecclesię deferant, & ei quoties opus fuerit prestō sint ad eam defendendam, & promptius pręceptis eius libentioribusque animis in omnibus obtemperent. Conseruauisse autem Ecclesiam deferre potestati ac iurisdictioni Principum temporalium sic ostendit; patet enim ex determinatis in hoc ipso libro hac ratione expectasse Ecclesiam, quoad omnes suas, & clericorum immunitatē, & in specie quoad hanc ipsam immunitatem confugij, vt prius sibi ab ipsis Imperatoribus offerretur, ipsam maluisse acceptare oblatas, quam eas per se cum posset, instituere. Deinde patet ex Decretali Alex. III. *in c. lator. qui filij sint legitimi*, vbi cum mota inter quosdam lite de hæreditate coram iudice laico, obiectionēque illegitimitatis ad ecclesiasticum iudicem translata, & appellatione ad sedem Apostolicam delata, iussit Pontifex iudicibus delegatis vt si pars quę illegitimitatem obiecerat, intra duos menses non eam probaret, intimarent iudici laico, sub quo litigabatur, vt pro quęstione illegitimitatis, in causa hæreditatis procedere non dimittat, noluit enim illegitimitatis prętextu, de causa hæreditatis sese intromittere. Idem Alex. *in cap. causam, eod. tit.* cum in simili illegitimitatis causa antea mandasset, vt ante principalis causę ingressum, facerent cuidam restitui bonorum omnium quę antē possederat possessionem. Animaduert-

teus quęstionem de possessione ad Principem temporalem pertinere, reuocat mandatum, iubendo, vt relicto ipsi Regi possessionum iudicio, solum de principali illegitimitatis causa ecclesiastici iudices cognoscant. Innocentius III. *in cap. per venerabilem, qui filij sint legitimi*, rationem reddit, cur regis filium legitimasset, filium hominis subiecti Regi legitimare recusauisset, ne regię authoritati detraheret. Facit & text. *in cap. licet, el primo, de foro competenti*. vbi iubet Pontifex Episcopo Vercellen. vt si quando eius ciues super rebus ad forum secularem pertinentibus lites ab Apostolica sede impetratas ad eum deferrent, eas appellatione remota, irritas atque inanes esse decernat, & vt multis supersedeam, quę ad hanc rem adduci possent, solum addo textum *in c. ex senore, de for. compet.* vbi eam in comitatu Britannie causa cuiusdam viduę contra laicum per sedem Apostolicam quibusdam ecclesiasticis iudicibus delegata peruenisset ad Pontificis aures, Comitem obtulisse se super eam iustitiam facturum, cum ytriq; ei subiecti essent, rescripsit statim ad eosdem iudices, his verbis: Nos attendentes quod sic sumus viduis in iustitia debitores, quod aliis iniustitiam facere non debemus, mandamus, quod nisi sit talis causa quę ad ecclesiasticum iudicem pertinere cognoscatur, ei supersedeatis. Fateatur ergo Pontifex se iniustitiam Comiti facere, si cum is paratus sit iustitiam facere etiam viduis, ipse Pontifex de ea sese interponat: semper ergo Ecclesia detulit Principum potestati, semperque deferet.

11. Ad duas priores rationes initio adductas, responderi posset disparere esse casum; nam in illo rigore ad mortem fauetur reip. & nemini præiudicatur, nisi reo, qui propter criminis acerbitatem meretur priuari privilegio immunitatis. In posteriore verò casu clementia illa adnuntendi ad immunitatem eum cui propter criminis acerbitatem immunitas expresso iure ablata est, præiudicat iuri partis læsæ, ac reipublicæ etiam læsæ, ac Principis secularis, qui secundum ius punire reum potest, ac debet.

Sed contrà probatur efficaciter, quia omne hoc ius posteaquam ab eis semel obiectum fuit, canonico iure competit illis, Papa autem in suo iure canonico dispensare potest. Secundò quia in Papa est plena potestas dispensandi in his quæ ad Dei cultum, & Ecclesiarum reuerentiam pertinent.

12. Ad tertiam rationem responderi posset aliud esse generali lege statuere, aliud gratia, seu indulto speciali.

Sed contrà argumentor, quia lege statuere maius quidpiam est: ergo si id potest, multo magis poterit Pontifex id quod est minus.

13. Ad quartam rationem responderi potest eo ipso quòd Papa suo canonico iure eximit ab immunitate aliquem casum, videri restituere parti læsæ, reipublicæ ac Principi ius illud naturale contra reum, quod civili iure fuerat eis ablatum: ergo non potest postea contra hoc ius naturale illis denuo acquisitum præiudicare.

Sed contrà probo; quoniam hoc ius (quodcunque illud sit, quod acquisitum est læso, reip. ac Principi) quæsitum est illis iure canonico: cr-

go potest per Romanum Pontificem eisdem auferri. Adde quòd cum pertineat ad cultum, & reuerentiam Dei, tota immunitas ab Ecclesiæ auctoritate dependet, etiam cum quocunque cuiuscunque iuris præiudicio.

*Quibus rebus immunitas nostrarum Ecclesiarum præstat Gentilium ac Iudæorum immunitatibus.*

## CAPVT XVIII.

**S**I C V T Christiana lex, atque religio lōge perfectior est quacunque religione, ac secta, ita & quocunque in ea sunt perfectiora esse ipso usu atque experientia comperimus, perfectiora præcepta, perfectiores virtutes, perfectiora sacramenta, perfectiora sacrificia, perfectiores ceremoniæ, ac ritus, finis perfectior, perfectiora media, perfectior fides, doctrina plenior, spiritus vberior, gratia copiosior. Ad ritum, ac ceremoniam pertinet; immunitas hæc multis præstat in lege Christiana, omnium aliorum immunitatibus templorum.

Primò præstat, quòd habetur iure scripto constituta, declarata, & quoad omnia exposita, id quod defuit, tam asyis gentium, quam templo Iudæorum. De quibus nulum vnquam ius scriptum legimus.

Secundò præstat sine; nostra enim immunitas tam canonico, quam civili iure ab ipsismet legislatoribus, qui eam instituere ad honorem cultumque Dei & sanctorum eius, factorumque, seu religiosorum loco-

tum reuerentiam ordinata est, tum ne quid indecens occasione capiendi confugas in Ecclesia geratur, tum ne ij, qui ad Ecclesiam confugiendo, Dei, & sanctorum eius causa sese committunt, inde quasi de ipsius Dei conspectu, atque oculis extrahantur ad necem: demum ut Ecclesia Christi sponsa sponsi sui mansuetudini conformetur, ut sicut sacerdotes ministri Christi esse debent ab omni sanguinis effusione mundi, sic Ecclesia quæ est sacrificiorum Christi ac conficiendorum ministrandorumque sacramentorum locus solemni ceremonia consecratus, ab omni sit sanguinis effusione libera, nec patitur quenquam extrahi ad potnam corporalem, sicut neque permittitur in ea agitatio causæ sanguinis, aut sententiæ prolatio. Hic prius est, ac præcipuus, hic solus atque vnicus immunitatis finis; hunc ab initio Imperatores, hinc Romani Pontifices & intenderunt, & suis legibus expresserunt. Gentēs verò licet suis aperiendis asyis eundem obtenderent, ut hoc prætextu populos ad ea seruanda inducerent, non in hoc tamen sistebant, sed id ipsum ad alios temporales fines ordinabant, quemadmodum lib. 1. c. 11. abundè ostensum est, sola illa Hebræorum immunitas, quæ tabernaculo ac templo deferabatur, similem hunc finem habebat, sed imperfectiorem, utpote qui velut umbra, & figura huius præcedebat.

5. Tertiò præstat obiecto cultus, ad quem dirigitur; nostra enim immunitas respicit cultum veri Dei, & Christi Verbi incarnati, cuius sacratissimum corpus

in Ecclesiis sacramentaliter præsens perpetuò asseruatur, & honoratur, qui quoniam solus verus Deus est, Deus Deorum in sacris literis vocatur; omnes autem dii gentium demonia, vel inanimata simulacra, & viles abiectæque creaturæ fuerunt, unde qui eos venerabantur, ut erant inanes dii, sic inanem cultum & perniciosam superstitionem impendebant. Iudei vti quoad verum Deum nobiscum consentirent, non respexerant tamen Christum filium naturalem, & consubstantialem Dei, non habere in suo illo templo ita veneranda sacramenta & sacrificia.

Quartò præstat multitudine templorum, quibus immunitas nostra concessa est; non enim in vno solo tabernaculo; aut templo, ut apud Hebræos, non in certis tantum ac determinatis illisque paucis templis, ut fuisse asyla apud gentes, sed in omnibus omnino Ecclesiis totius orbis Christiani reperitur, quæ quidem templa innumera pæne sunt in magnis urbibus, in quarum interdum viis singulis non singula, sed multa templa reperiuntur, neque vllum est adeo exiguum oppidulum, aut pagus, in quo non plura conspiciuntur. Quamuis autem quorundam fuerint asyloꝝ amplissima spatia, etiam vsque ad duo milia passuum, tamen & paucissimis tam ampla spatia concessa fuissent: ac licet omnibus concessa fuissent, adhuc nostrorum templorum amplitudini cederent, tum propter asyloꝝ raritatem, & nostrarum Ecclesiarum multitudinem, tum propter multarum Ecclesiarum

Ecclesiariū amplissima spatia, propter collegia clericorum, siue secularium, siue regularium Ecclesiis connexa, propter amplissima vastissimaque monasteria monachorum fratrumque regularium conuentus, domosque sacras, hospitalia, cœmeteria, quorum omnium amplissima spatia, si simul iungantur, magnam ciuitatum atque urbium partem occupabunt, alicubi foris maiorem, tam multæ sunt vbique Ecclesiæ, tam multa monasteria, tam multa quotidie & templa, & monasteria de nouo construuntur, & paræ Ecclesiæ dilatantur, & horti adduntur, & plateæ, & domus præter triginta illos passus quos minoribus, & quadraginta quos maioribus Ecclesiis sacri canones, aliaque ampla spatia quæ ciuiles leges concessere ad immunitatem, ad quæ spatia egredi confugis liceret ad requisita naturæ officia cibi, somni que capiendi, vt mirum sit ac diuino cuidam miraculo simile, in tanta Ecclesiarum, hospitalium, cœmeteriorum, monasteriorum, religiosarum domorum multitudine ad eod passim occurrente non crescere in populo Christiano peccandi licentiâ: quod non aliunde euenire putandum est, quam ex Christianæ legis sanctitate atque auxiliis ad bene viuendum, & superiorum vigilantia.

9. Quinto præstat nostra immunitas quadam illi adhibita rationabili moderatione, quæ per Romanos Pontifices, perque sacra Concilia adhibita est, & quotidie prout tempus tulerit adhibetur, casuum quorundam exceptione. Asyla enim gentium quicquid rei deliquissent

eos liberabant. Iudæorum tabernaculum vel solis casualibus occisoribus, quo modo ciuitates refugiorum proderat, vel solis homicidis per industriam, & proditorem nocebat, omnes reos impunes esse sinebat. Nostra verò Ecclesiarum immunitas in medio posita, magnam seruat moderationem; casus enim non paucos exceptos habet, grauissimos illos quidem, reipublicæ perniciosissimos, & apud omnes odiosos, cuiusmodi sunt octo illi in hac constitutione expressi, & nonnulli fortasse alij, de quibus suo loco agendum est.

Habet & moderationem in impunitate; non enim omnino liberat ab omni pœna, vt apud Gentiles, & Iudæos, sed à morte, mutilatione, aliisque graui qualibet pœna corporali ab aliis leuioribus pœnis, præsertim verò à pœna pecuniaria non liberat.

Sexto præstat zelo religionis catholicæ: nam refugiorum ciuitates apud Iudæos, etiam Gentilibus proderant, qui inter eos vivebant, ex quo facile possumus colligere etiam in tabernaculo Gentiles fuisse ad immunitatem admissos. Asyla verò Gentilium palam est nullo discrimine cuiusuis sectæ, ac religionis homines admisisse, etiam si deos illos non colerent, quibus ea dicata erat. Nostræ verò Ecclesiæ eos qui sanctæ Romanæ Ecclesiæ fidem, ac religionem respuunt, ac reiciunt, ab immunitate excludunt, siue eam nunquam receperint, vt sunt Gentiles atque Iudæi, siue semel suspectam abiecerint in totum, vt sunt Apostatæ à fide, siue in parte, vt sunt hæretici, siue ipsi Ecclesiæ obe

10.

11.



obedire obstinatè renuant, vt sunt schismatici, de quibus omnibus ab immunitate nostrarum Ecclesiarū excludendis dicitur sequenti lib. 4. Est autem id rationi valde consonum, vt qui Ecclesiæ, fidei, religioni, atque obedientiæ subesse renuunt, ab Ecclesiis nequaquā defendantur.

12. Septimò præstat nomine grauissimarum pœnarum in transgressores tam temporalium, quàm spiritualium, quibus asyilia munita nō fuit. De his pœnis dicitur abundè infra.

*Exhortatio ad Reges ac Principes Christianos, atque ad eorum curias, & ministros, vt immunitati Ecclesiarum deferant.*

#### CAPVT XIX.

**F**ATEOR Christiani Principes, conceptum animo dolorem cōtinere non possum, crucior imò corde, & non rarè discrucior: ignorete, oro, iusto dolori, & has sancti zeli Ecclesiæ voces, oro, penditote verbis Sapientiæ vos alloquentis, vestras curias, vestros ministros. Audite Reges, & intelligite, discite iudices finium terræ, audite aure corporis, intelligite. aure mentis, discite praxi, atque operatione. Præbetè aures vos qui cōtinetis multitudinem, & placetis vobis, hoc est, qui potestate vobis à Deo tradita ad vestra cōmoda abutimini. Quoniam data est à Domino potestas vobis, & virtus, hoc est, ius puniendi reos ab Altissimo. Qui interrogabit opera vestra, & cogitationes vestras scrutabitur. Cogitate, oro, po-

testatem ac virtutem, potissimū vobis à Deo datam esse ad defensionem sanctæ Ecclesiæ vnice sponsæ vnigeniti filij sui, ad eius honorem promouendum, ad eius seruanda augendaque priuilegia, ad eam in Dei cultu honoreque iuuandam, cogitate immunitatem Ecclesiarum à vestris maioribus tanta animi deuotione tam amplam ac illimitatā esse institutam, vt nullus ex ea casus exceptus esset, per vestras curias, per vestros ministros valde esse imminutam, & quodammodo in periculum, ac discrimen adductā. Quod si aut ministri vestri apud reos, aut vos ipsi apud Ecclesiā causas præceditis, ne reip. pax prætextu immunitatis perturbetur, ne crescat peccandi libertas, cogitate quoniam has ipsas vestras cogitationes scrutabitur Deus, & num zelo inuidiæ, an zelo tuendo vestræ iurisdictionis, & confugarum causas ad vos trahendi, an zelo diuini honoris & boni publici id agatis, ipsum minimè latere, certò cogitate si zelus salutis reip. si zelus ne crescat peccandi libertas, si zelus impediendi delicta vos tenet, si zelus Dei iustus, ac sanctus; is porò Dei honori atque Ecclesiarum reuerentiæ contrarius non est, nō sibi sumit quod sibi non competere cognoscit, non præsumit quidpiam cōtra Ecclesiā, sed apud ipsam Ecclesiam partes suas interponit, vtque nascenti malo provideat, petit. Præuiderunt primi illi Imperatores qui immunitatem concesserunt, præuiderunt Romani Pontifices, qui suis sacris canonibus eandem, & acceptauerunt, aueruntque, & præuiderunt nō quasi à longè futurum, sed & præsentem viderunt, reos criminum statim nascente immunitate ad Ecclesias confu-

confugere, imò priùs id oculis inspecterunt, si consuetudo, ut suprà dictum est, leges præcessit, viderunt eos per immunitatem Ecclesiæ impetrasse impunitatem, neque tamen ideo aut eas non tulere leges, aut latas antequam ab Ecclesia acceptarentur, abstulere. Quid dico, non abstulerunt? confirmarunt, auxerunt, grauissimas pœnas in eorū violatores statuerunt, zelauerunt domum Dei, & pro eius honore cōstanter steterunt. Sed quid Christianos Imperatores commemoro? Quid de nostris Ecclesiis loquor? Ponite vobis ob oculos Imperatores, & ex his deligite pessimos quosque, scelestissimos, crudelissimos Nerones dico, atque eius similes, qui omnia diuina, & humana iura subuerterunt, nullus eorum legitur asyloꝝ immunitatem violasse. Ipse Cæsar Tyberius, sub quo summus fuit asyloꝝ abusus, ut non liceret probo cuique viuere, aded à malis malè tractabatur ob asyloꝝ spem, asyloꝝ vim aut sustulisse, aut moderatus esse dicitur, violasse autem asyliam non refertur. Neque verò valet si dicas, argumentum ab auctoritate negatiua ductum parū virium habere. Cùm enim historix tot illorum Principum gesta aded singillatim expriment, etiam vitia, si id illi ausi essent, proculdubio retulissent. Vnum ob oculos pono Barbarum Principem Hunericum VVandalorū Regem impiissimum, crudelissimum, hæreticum obfirmatissimum in sua hæresi, ut refert Victor Vticensis

*P. Gambas de immuni. Eccl.*

alterius fratris filios insatiabili furore ad mortem insequentis esset, Helcidam veteranum militem annosum virum, quem pater eius Gësericus præpositum regni fecerat, capite truncasset, eiùsque vxorem igne crudelissimè cremasset. Gamutinam tamen Helcidæ fratrem diligentissimè diu conquistum ad necem, quoniam ad Ecclesiam cōfugit, attingere ausus non est. Repressit tyrannicam rabiem, concitatum in illum furorem repressit audito Ecclesiæ nomine; & qui suo sanguini, qui germano fratri, qui propriis ex utroque fratre nepotibus non pepercit, externo homini propter Ecclesiam pepercit. Per Deum oro vos, obtestorque Principes Christianos, vestras curias, ministros, ac satellites vestros oro, ne vos à Barbaro homine, ab hæretico, atque à fera bestia, crudelitatis, ac furoris plena vinci patiamini. Ille concitatum repressit furorem in causa propria, vos in alienis causis nondum concitati animi moderationem seruate, & ne concitetur diuinæ reuerentiæ cogitatione præuenite, ignoscite reis ad Ecclesias confugientibus, ignoscite propter Deum, confidite in eo, pro cuius honore parcitis; ipse enim reprimet malorum hominum audaciam, ipse ne grassetur peccandi libertas remedium efficax adhibebit. Adhibete vos cætera remedia, quæ in vestra sunt potestate, quæ non sunt vobis à maioribus vestris, non sunt à Christi Ecclesia prohibita. Hæc quæ ad confugas pertinent, à vestra potestate seniores sunt, de scandalis quæ horum remedium defectu nascuntur, nihil vobis curæ sit, nullam de his rationem reddituri estis. Placet Deo,

Cc grata

grata Christo, accepta sanctis omnibus est immunitas Ecclesiarum, multis hoc miraculis testatum est, vt superius ostensum est *cap. 8.* Ipsi Deo, ac Sanctis eius totam hanc publici regiminis partem relinquere Ecclesiæ, Romanisque Pontificibus istud oneris incūbit, prouidendi ne quid detrimenti per hanc immunitatem respublica Christiana patiatur, ipsi mille, & amplius annis opportunè semper prouiderunt.

Quod mille annis passi non sumus, paucis his vitæ nostræ momentis non patiemur, ecce cū nihil minus cogitare Romanos Pontifices arbitrabamur, cū corruptos hominum mores deplorabamus, & ne per immunitatem interirent leges verebamur. Ecce, inquam, hac prouidentissima constitutione Gregorius XI V. Pontifex Maximus aded sapienter prouidit, vt nihil melius desiderari posse videatur.

LIBER





## LIBER QVARTVS.

**D**E tota substantia immunitatis Ecclesiarum, de qua aliqua dicuntur in §. quinto præsentis constitutionis, cætera ex iure petenda sunt.

Habet autem hic liber quinque præcipuas partes.

Prima pars est de locis immunitatis.

Secunda de personis quæ ad eam admittuntur.

Tertia de conditionibus requisitis in iis qui ad Ecclesias cõfugiunt, vt ad immunitatem admittantur.

Quarta, quæ sint immunitatis priuilegia, seu in quibus rebus posita sint.

Quinta & vltima, quid possit curia secularis contra confugientes ad Ecclesias, qui ad immunitatem admittuntur.

### PARS PRIMA.

*De locis quæ habent immunitatem.*

**Q**VONIAM primus ac præcipuus immunitatis locus est Ecclesia, cæteris quodam ad Ecclesiam intuitu competit, ideo ab Ecclesia initium sumendum est:

#### DE ECCLESIA.

*Quid nomine Ecclesia intelligen-*

*• dum sit, & quæ eius spatia ad immunitatem prosint.*

#### CAPVT I.

**N**ULLA neque ciuili, neque canonica lex est de immunitate Ecclesiarum, in qua non sit expressa Ecclesiæ mentio, & merito, cum tota hæc immunitas Ecclesiarum propria sit, vt iure canonico Ecclesiarum immunitas nuncupetur, vt patet ex titulo qui inscribitur, De immunitate Ecclesiarum. In ciuili verò iure titulus Codicis habet, de his qui ad Ecclesias confugiunt; ideoque antiquioribus iuribus sola Ecclesia exprimebatur, paulatim verò cœperunt postea alia quædam loca exprimi.

Nomine autem Ecclesiæ veniunt tam magnæ Ecclesiæ basilica & tēpla, quàm paruulæ, quæ etiā capellæ vocantur *can. sicut antiquitus 17. q. 4.* dummodo publicæ sint, quæ paruæ Ecclesiæ, sacella etiam vocari consueuerunt, & in hac constitutione sub sacelli nomine primum exprimuntur, est enim sacellum à sacro diminutiue dictum, quasi paruulus locus, vel enim sacelli nomine intelligimus capellas, quæ intra, seu extra Ecclesias muris ipsarum adiacentes, sunt veluti pars quædam ipsarum Ecclesiarum, vel paruas Ecclesias ab Ecclesiis magnis oninino seiunctas, quæ Ecclesiæ per se sunt, licet paruæ, quæ sub sacelli nomine

mine immunitatem habuere quidē  
semper, quoniam Ecclesiæ sunt, sed  
nunquam antea in iure expressæ  
fuerunt, nisi in hac nouissima consti-  
tutione §. 5. Secus est de priuatis  
capellis, seu oratoriis, quæ solent  
fideles in suis priuatis ædibus ha-  
bere, vt docet Goffredus commu-  
niter relatus, & Hostien. in sum. tit.  
immunit. Eccles. §. in quantum, vers. q.  
quid de oratoriis, quos alij commu-  
niter sequuntur. Probant primò  
desumpto argumento ex authenti-  
co de ecclesiasticis titulis, §. si quis in  
sua domo, & can. 1. de consecr. d. 1. vbi  
expresse constitutum est Missarum  
celebrationes non alibi, quàm in  
sacratissimis Domino locis fieri debere;  
nisi in magna necessitate, id est, in  
locis quæ huius cōsecrationis sunt  
capacia, cuiusmodi non sunt  
priuata oratoria, ideo neque immu-  
nitatem habent. Facit text. in c. Ec-  
clesia, de immunitate Eccles. vbi im-  
munitas illis videtur cōpetere Ec-  
clesiis, in quibus diuina officia ce-  
lebrantur, quod saltem intelligen-  
dū est, vt de iure ordinariē celebrari  
possint. Quod de his oratoriis non  
verificatur, in quibus non nisi ex  
speciali priuilegio celebrari aliquā-  
do permittitur, & ex aliqua ratio-  
nabili causa. Secundò probatur ra-  
tione, quia hæc priuata oratoria  
potest dominus domus nō requisito  
Episcopo, pro sua volūtate cōuertere  
ad profanos vsus, vt passim fieri  
videmus; ergo verè non sunt diui-  
nis obsequiis deputata: ergo nullo  
modo possunt vocari Ecclesiæ, vn-  
de neque transeunt in ius Episco-  
pi, neque Ecclesiæ, sed manent sub  
dominio domini domus, sicut reli-  
quæ domus partes, quod neque Ec-  
clesiis, neque religiosis domibus  
cōpetere potest.

Panormitanus verò in c. Ecclesia,  
de immunit. Eccles. post Vincentium  
tenet, si huiusmodi oratoria essent  
authoritate Episcopi diuinis obse-  
quiis dedicata, per crucis erectio-  
nem in primi lapidis iactu, ita vt  
ad Episcopi dispositionem pertine-  
rent, gaudere immunitate. quod idē  
sentit Laudun. & Panorinit. idem  
tribuit Goffred. immo huiusmodi  
oratoria sic fundata essent loca re-  
ligiosa. Quibus etiam assentior, sed  
hæc non sunt priuata oratoria, sed  
publica, & parua Ecclesiæ nomen  
merenter, cum in ius Episcopi trās-  
cant. Cuiusmodi capellæ aliquan-  
do inueniuntur in atrijs magnorū  
palatiorum, vt est capella regia in  
atrio regij palatii Felicis vrbis Pa-  
normi Diuo Petro dicata, quæ verè  
Ecclesia est, & capellæ regie  
priuilegio celebris, & operis, pictu-  
ræque magnificentia inter primas  
orbis Ecclesias numeranda. De pri-  
uatis verò oratoriis sententiā Gos-  
fredi firmissimè tenenda est: quam  
sequuntur Clar. in prall. criminal. §.  
fin. q. 3c. versic. sed quid dicendum, Bo-  
naccol. p. 1. cōm. opin. criminal. fol.  
56. col. 2. versic. Ecclesia habet, Farinac.  
prima parte suorum criminal. q. 38. de  
carcerib. & carcera. n. 71. & sexcenti  
per eos relati. quam eandem opi-  
nionem Abbas in cap. fin. de censib.  
testatur esse contraueni. & meritò  
communissima censenda est, cui  
nullus omnino vnquam contradi-  
xit. Qui enim contrarium sensisse  
videntur, ij contrarij omnino non  
sunt, cum non de priuatis orato-  
riis, sed de publicis, quæ Ecclesiæ  
quædam sunt, loquantur, volunt  
enim authoritate Episcopi cū cru-  
cis erectione in primo lapide erigi.  
Eiusdem Ecclesiæ nomine hæc spa-  
tia, quod ad immunitatem attinet,  
in

in iure expressa sunt.

7. Primum septa Ecclesiæ, de quibus *in can. frater, & can. metuentes* 17. q. 4. id est, oratorium templi circumiectum, quod Ecclesiam quadripartito murorum septu concludit, ut expressum est *in l. pateam. Cod. de his qui ad Eccles. confug.* Ita ut quicquid ipsis quatuor Ecclesiæ muris septam est, quod propriè Ecclesiæ dicitur, immunitatem habeat.
8. Secundò altaria omnia, intellige fixa, quæ vel intra Ecclesias sunt, vel ad muros Ecclesiæ adiacent. Altaria enim portatilia hoc privilegio carent, alias pessimi quique parua altaria secum perpetuò deferrent, ut vbilibet impunè delinquere eis liceret. Altaris mentio in iure canonico in materia immunitatis nuspià alibi reperitur, præterquam *in c. 1. de homicid.* ubi Exodi verba ad verbum fideliter referuntur: *Siquis per industriam, & per insidias occideris proximum, ab altari meo auelles eum.* in iure verò ciuili *in d. l. pateant.*
9. Tertiò portæ Ecclesiarum eandem cum Ecclesia habent immunitatem, per expressum textum *in can. si quis contumax* 17. q. 4. ubi declarantur spacia immunitatis, dicendo, *usque ad extremas fores.* & nota verbum *extremas.* Inde enim Io. Igneus *in l. 1. n. 17. ff. ad senatus consult. Syllanian.* tenet, si quis ad Ecclesiam confugiat, eamque clausam reperiens, manu portas ipsas, seu portarum vectes apprehendat, immunitatem habere, neque inde extrahi posse sine violatione immunitatis: quòd si quis huiusmodi extractus sit, non aliter satisfieri, quàm illius restitutione in eundem locum vnde extractus est. Consentit Couarr. *lib. 2. var. resol. cap. 20. n. 18.* Conrad. *in præf. in tit. de captura fol. 6; col. 1.*

Farinac. 1. p. criminal. q. 28. n. 14. ubi alios etiam recenset.

Quartò scalæ, seu gradus, quibus ad Ecclesiam ascenditur, nullo iure expressè sunt, ad immunitatem pertinere. Quibus tamen immunitatem competere docet expressè Nauarr. *in Manuals cap. 25. num. 18.* & Farinac. q. illa 28. n. 14. *contra Vulpellum in responsione 103. vol. 1.* Cuius dictum licet eo casu particulari, de quo ibi Vulpellus loquitur, veritatem aliunde habeat, quòd nempe delictum illud erat prope Ecclesiam sub spe immunitatis commissum, ut patet ex iis quæ initio illius responsionis dicit, vniuersè tamen, seu simpliciter loquendo, extra illum casum, falsum est. Si enim remotiora ab Ecclesiis loca immunitatem habent, ut paulo post dicam, multo magis adiacentes scalæ. Hæc nostra opinio valde confert confugientibus in vrbe ad Ecclesiam aræ cæli, cuius scalæ centum, & amplius gradibus constant, ut omnes conscendere in sequentibus ministris curiæ impossibile videatur.

Quintò atrio Ecclesiæ hanc competere immunitatem expressè tradunt iura *can. si quis contumax, & can. id constitutum* 17. q. 4. vocamus autem atrium Ecclesiæ ipsam plateam, seu aream ante Ecclesiam existentem clausam extremis foribus, per quam arcem ad Ecclesiam patet ingressus, ut est Drepani Ecclesia S. Michaelis: Panormi, Ecclesia SS. quadraginta Martyrum, ac S. Eulaliæ, & SS. Cosmi & Damiani. in quorum Ecclesiarum atrijs æquè tutus est con fuga, atque in ipsiusmet Ecclesiis.

Sextò porticibus Ecclesiæ immunitatem expressè tribuunt, tam ciuilia,

uilia, quàm canonica iura, *can. si quis contumax* 17. q. 4. & *l. pateam, Cod. de his qui ad Eccles. confug.*

13. Septimò in ciuili iure complura alia loca sunt expressè *in d. l. p. n. e. r.* nempe loca omnia interiacentia vsque ad extremas fores singillatim cellulae, domus, hortuli, balnea, quae omnia loca licet extra Ecclesias sint, tamen iure expressum est interioris templi vice tueri confugas. Ita vt quantumcūque amplum spatium sit, quod commune habet cū Ecclesia clausuram, vt illuc ex Ecclesia, & inde ad Ecclesiam eatur, totum immunitatis priuilegio gaudet.

14. Octauò & vltimò adhuc ampliora his spatia Ecclesiis ad immunitatem concessa sunt, nempe 30. passus circum minores Ecclesias, quas capellas vocant, 40. verò circum Ecclesias maiores, quos passus ideo canones concessere, vt habeant confugae quò se recipiant ad requisita naturae officia, vt dicitur expressè *in can. definiuit*, ex Concil. Tolet. XII. in quem eundem finem ciuili iure declarata erant illa ampla spatia, de quibus iam immediatè diximus.

15. Hos passus ecclesiasticos vocat Io. Papa VIII. *can. quisquis* 17. q. 8. & tam ipse, quàm Concilium Toletanum citatum solum 30. passuum facit mentionem. Nicolaus verò prius, qui omnium postremus fecit horum passuum mentionem, Pontificatum suscepit annis centum septuaginta octo post Concilium Toletanum; annis verò viginti post Ioannem Papam octauum, & tamen non solum distinxit 30. passus pro capellis, seu minoribus Ecclesiis, quadraginta verò passus pro maioribus, sed, quod mirum est, testatus est, id ita antiquitus co-

stitutum esse à sanctis Patribus, ac proinde protestatus est, sicut antiquitus statutum est, ita se statuere, cum tamè apud antiquiores solù 30. passuum in canonibus, qui extant, mentionem repetiamus. Fortè aliquis sanctissimorum Patrum, qui ad nos non peruenit, hoc statuerat, vel in illo Concilio Toletano sic habebatur, cum Conciliorum canones integri ad nos non peruenierint, nobis satis, superque est, ita constitutum modò esse. Hos passus siue 30. pro paruis Ecclesiis, siue pro magnis quadraginta, nullibi iam seruari testatur Io. Igneus *l. i. ff. ad senatum consult. Syllanian. n. 58. Couarr. lib. 2. v. riar. resol. c. 20. n. 5. vers. Hoc tamen moribus.* Remigian tract. de immunit. Eccles. fol. 52. n. 6. Fab. à Monteleon. *in sua pract. arb. fol. 486. n. 21. Boff. in tract. de captiua n. 30. Clar. in sua pract. q. 30. versic. Hinc est.* vbi addit hanc hodie consuetudinem seruari debere, quoniam communis est. Quoniam autem nō omnes consuetudines quae communes atque vniuersales dicuntur, ita vniuersales esse solent:

- Propterea meliùs videtur mihi sentire Farinac. *1. p. suorum criminalium q. 28.* saepe citata *n. 12.* dicens attendendā esse peculiaritè loci consuetudinem, atque vbi non constiterit de huiusmodi contraria consuetudine, ibi esse inuolabiliter obseruandam dictorum passuum immunitatē. Probat autem hanc sententiā, quia Doctoribus consuetudinē attestatibus, vltra ea loca, in quibus illi versati sūt, fides habēda nō est. Quo fit vt in eadē sepe prouincia, in qua aliquis versatus testatur esse vniuersalē circa aliquid consuetudinē aliqua reperiātur loca, in quibus cōtraria consuetudo viget. Quare quantum-

cunque Doctores etiam multi, & ex variis prouinciis testetur consuetudinem aliquam esse vniuersalem; si eo loco vbi casus contingit, eiusmodi consuetudo non est, puto non debere eo loco secundum illam vniuersalem consuetudinem quæ ibi vigere non reperitur, iudicandum, quoniã quamuis verum sit eam esse generalem consuetudinem, vt Doctores testantur, cum alicubi iam non vigeat, non vsque adeo generalis censenda est, vt etiam vbi non reperitur seruanda, atque adeo introducenda sit. Quod præcipue locum habere debet, vbi consuetudo expresse iuri contraria est; maximè verò vbi lex valde rationabilis est, & Ecclesiæ, diuinòque cultui fauet, cuiusmodi hæc est 30. seu quadraginta passuum lex, quæ eò tendit, vt confugientium ad Ecclesias conuersiones dormitionesque extra Ecclesiã fiant. Indecens enim valde est in Ecclesia cubare, cibum sumere, & alia requisita naturæ officia exercere. Præsertim verò id locum habere deberet vbi Ecclesia locum alium non haberet, quò confugere ad hæc officia sese recipere.

18. Sed iam passus ipsos declaremus, vt sicubi fortè contraria non extet consuetudo; possimus illos in dubio metiri. Est enim passus, vt docet gl. in can. *sicut antiquitus*, sepe citato ex Isidoro, mensura quinque pedum, pes verò quindecim digitos continet.

19. Postremò sicubi huiusmodi passus seruari reperimus, aduertenda est duplex eorum limitatio. Prior est circa capellas quæ sunt intra ambitum castellorum, vt in his locum non habeant, vt expresse constitutum est in can. *quisquis* 17. q. 4. Rationem asserunt Doctores post glossam in can.

*sicut antiquitus*, in v. passus, quoniam propter loci angustiam non possunt isti passus obseruari, id est, quoniã ratione paruitatis spatij ipsius castelli, si 30. passus admittamus, totum penè castellum immunitatem habebit. Posterior limitatio habetur in can. *definitur, eadē causa* c. q. dumodo intra istos passus non sint extraneorum domorum receptacula, nepe in quibus habitet laici, in domibus enim laicorum intra hos passus sitis immunitatem confugere non habet. Aliter magna illis præberetur occasio delinquendi, solū habet in viis publicis intra hos passus, vbi de consuetudine seruantur.

*Num ex parte Ecclesiæ conditiones aliquæ requirantur, vt immunitatem habeant.*

## CAPVT II.

DE VOTO POPULI Christiani, <sup>1.</sup> diuino propagando cultui augendæque pietati in excitandis, ornandis, dotandis, quotidie nouis Ecclesiis interta, occasione magna ex parte præbet his dubitationibus quæ hoc capite examinanda sunt. Vni verò dubitationi tantum præbet occasionem defectus eiusdem deuotionis; sed quod dico *occasionem*, in priore quidem parte passiuè, in posteriore tantum actiuè intelligendum est, vt illa accepta occasio sit, hæc verò data. Non enim Ecclesiarum multitudo dignissima, & nunquam sufficienter laudata, occasio est, eis abutendi, sed hominum malitia inde occasionem accipit. At deuotionis defectus non modò occasio, sed causa est, vt Ecclesiæ labantur, & semidirutæ sint, quoniam eas homines non restau-

Primò



3. Primò ergo certum est paruitatem Ecclesiarum non obitare eandem immunitati, siue enim magnæ & iugentis molis sint Ecclesiæ templa, basilicæ, siue paruæ, ac minimæ, dummodo publicæ Ecclesiæ sint, & Episcopo acquisitæ, immunitatem habent, id quod etiam superioris capituli initio constitutum est. Et quamuis in quibusdam Hispaniarum locis obstat immunitati si in Ecclesiis sacratissima Eucharistia asseruari non soleat, ut consuetudine receptum esse testatur Couarr. lib. 2. *variæ. resol. c. 20. n. 4.* & alij, tamen hoc non vniuersè obstat in tota Hispania, neque vsquam extra Hispaniam, ubi etiam Ecclesiæ, quæ nunquam Eucharistiam seruauerunt, neque seruauerunt, æquè confugas tuncur.

4. Dubitatum aliquando fuit, essetne necessaria conditio consecrationis, ut solis Ecclesiis consecratis immunitas competeret. Sed hanc omnem dubitationem abstulit Greg. IX. in c. *Ecclesia, de immunitate Eccles.* aperte definiens, etiam Ecclesias non consecratas, in quibus tamen diuina officia celebrantur, eam habere, & rationem affert, quoniam diuinis dedicatæ obsequiis, nullis sunt temerariis ausibus prophanandæ: quo loco gl. in v. *celebrentur* obseruat, carere immunitate, si diuina non sint in eis officia celebrata, & rationem affert, quia nondum sunt plenè diuinis dicatæ obsequiis; & infra in v. *adimitur* addit Ecclesias non consecratas ratione diuinorum officiorum gaudere hoc immunitatis privilegio.

5. Cuius occasione glossæ, illa alia orta est disputatio siue conditio necessaria ad immunitatem Ecclesiæ non consecratæ, ut diuina in ea

officia celebrentur. Partem autem affirmatiuam, post glossam tenuit Innoc. in d. c. *Ecclesia*, ut refert ibi Hostien. Quod ego apud Innoc. eo loco non reperi, sed in c. *inter alia eodem tit. in v. ad Ecclesiam*. Negatiuam verò tenet Hostien. in d. c. *Ecclesia*, & ibi Io. Andr. Panorm. Cardin. & Henric. Sylu. in v. *Immunitas* l. 9. 1. Bonacof. l. p. *comm. opin. criminal. fol. 56. col. 2. sub vers. Ecclesia habet immunitatem*. Io. de Ligna. & Laurent. in *elem. 1. de pœniten. & remiss.* & Io. de Vuifchis in *tract. de liberat. ecclesiastica* n. 46. & 47. Qui omnes in hoc conueniunt, non esse necessariam officiorum celebrationem, sed satis esse, deputatam esse ad ea Episcopi autoritatè, quæ deputatio fit eo ipso quod Episcopus cum ponit primum lapidem, facit ibi erigi crucem, quod cum sit huius deputationis certum signum, inde debet locus ille, ut ad prophanos amplius usus, absque eiusdem Episcopi licentiâ, conuerti nullo modo possit, haberi. Hanc sententiam frequentiori Doctorum cōsensu receptam esse testatur Couarr. cap. 10. sæpe citato n. 4. & post eum Clar. in *pract. crimin. §. fin. vers. Quæro si constructa*, ubi post Remig. & Bonifac. testatur ita obtinuisse iam consuetudinem, pro qua sententiâ & consuetudine multum facit ratio text. in d. c. *Ecclesia*, ut ibi egregiè obseruat Panorm. quoniam non fundat se ibi Pontifex in diuinorum celebratione, sed in ipsa deputatione ad celebrationem. Cum enim & celebrationis diuinorum, & deputationis ad illa, expressam eo loco faciat mentionem, celebrationem exprimit narratiuè, dicens: Ecclesia non consecrata, in qua diuina officia celebrantur, &c. Deputationem verò

rò exprimit causatiuè, per verbum *quia*, quo ratio redditur, dicens, quia diuinis obsequiis deputata, nullius est temerariis ausibus prophandanda, quæ deputatio cum non per celebrationem officiorum fiat, sed per crucis erectionem, æquè in ea in qua celebrantur diuina, atque isti ea in qua nō celebrantur, locum habet. Nisi quodd celebratio signum certum, & euident est à posteriori deputationis, cum alibi quàm in loco deputato per Episcopum, celebrari diuina non possint, aliter locus in quo diuina celebrantur, propria cuiusque autoritate ad prophanos vsus conuerti posset, si deputatus non esset. Fieri autem huiusmodi deputationem per illam crucis erectionem, quæ sit auctoritate Episcopi cum primus lapis in Ecclesia ponitur, apertè habetur per text. in can. *nemo*, de cons. c. 1. Vnde ad rationem glossæ, quod quousque diuina mea celebrentur, non est plenè dedicata. Primum respondeo parum referre; nō enim requiritur plena dedicatio, sed satis est prima illa deputatio. Secundò per celebrationem diuinorum nihil accrescere deputationis, aut dedicationis, sed solum praxim atque vsum eius rei, ad quam Ecclesia deputata erat. Ad verbum autem text. vbi dicitur, *Ecclesia in qua celebrantur*, respondet Hostien. exponendo, *celebrantur* pro eo, quod est, celebrari possunt, seu deputata est, vt suo reimpore celebrentur. Secundò respondeo illud verbum non esse positum causali-ter, sed narratiuè, vt dixi.

7. \* Alia est dubitatio de Ecclesia destructa, cuius multiplex potest esse status, vel enim solum tectum deciderit, manentibus integris parieti-

P. Gambac. de immu. Eccl.

bus, vel destructi sunt etiam parietes vel in toto, vel in parte. Dubitatur autem, an sit necessaria conditio ad immunitatem, vt Ecclesia sit integra, atque perfecta.

De Ecclesia ergo, cuius solum 8. tectum deciderit, proculdubio censendum est conseruari eius immunitatis priuilegium, sicut conseruatur consecratio, atque benedictio, ita ut quemadmodum, si superinducatur de nouo tectum, non sit de nouo consecranda, si erat consecrata, nec reconcilianda, si erat benedicta, sic conseruauerit etiam, habueritque semper immunitatem: conseruare autem consecrationem, & benedictionem, docet expressus textus in cap. *lignis*, de consecrat. Eccles. Si ergo manet Ecclesia consecrata, aut benedicta, sicut antè erat, nihil est cur priuilegiū immunitatis perdat.

Secundò si Ecclesiæ parietes non 9. sint in toto, neque in magna parte destructi, æquè seruat immunitatem, quoniam adhuc verè est Ecclesia, & facilè reparari potest, & adhuc manet deputatio ad diuina; sed efficacius id probatur ex his quæ de Ecclesia diruta dicam.

Tertiò si Ecclesiæ parietes vel in 10. toto, vel magna sint ex parte destructi, distinguendum est: vel enim auctoritate Episcopi sunt destructi cum prophanare intendenti, & proculdubio dicendum est carere immunitate, quam simul cum prophanatione perdit omnino, sicut perdit esse Ecclesiæ, quod habebat: vel sine vlla Episcopi auctoritate destructa est, quod vetustate collapsa sit, aut ne ruendo aliquem opprimeret ab aliquo sit diruta, & hoc casu distinguunt Doctores, num sit spes aliqua probabilis reparationis,

D d nec.

nec ne: si enim spes sit probabilis reparationis, conseruat immunitatis priuilegium; si verò nulla spes sit, aut sperandi ratio, perdit priuilegium. Ita expresse sentit Farinac. 1. p. crimin. q. 28. de carcerib. & carcerat. n. 7. vbi ex Remig. in tract. de immunit. Eccles. ampliat. 20. testatur esse communem Idem sentit Clar. in pract. §. fin. q. 30. vers. minus dubium. Bonacof. 1. p. comm. opin. crimin. v. Ecclesia habet immunitatem, vers. idem in Ecclesia destructa fol. 56. Quorum opinio vt speculanti facilis apparet, valdeque probabilis, ita iudici ad rectè iudicandū difficultatem affert. Perquam enim difficile est coniectura, num sit spes aliqua reparationis, nec ne. Ego verò suadeo reo, qui ad eam Ecclesiam confugit, vt vitam, membraque tueatur: si diues est, faciat statim per suppositam personam eius reparationi operam dari, vt cum iam eam actu reparari videant, dubitare non possint de spe reparationis.

11. Ego verò spem eam probabilem tunc esse cederem, si Ecclesia esset alicuius monasterij, lociue pij, aut sodalitatibus alicuius laicorum; aut si Ecclesia in magna erat apud populum veneratione, si ad eam frequentes populi frequenter ire pergant, præsertim si populus non sit valde pauper, si de eius reparatione iam tractatur, si qua ex parte reparari cæpta est, si portæ clausæ renentur, itaut non possint in eam ingredi animalia, atque ex aliis his similibus coniecturis. Contrà verò si iam diu est, quòd fuit dirura, & nullus quicquam in ea reparare aggressus est, si iam desierit populus ad eam precabundus accedere, si cæteat porta, & cancellis,

ita ut pateat animalibus die, ac nocte, si est in loco vbi commodè aditi non potest, si gens loci valde pauper sit, & inhabilis ad eam reparandam iudicatur: si quid horum cernatur, omni carere spe reparationis censenda est. His tamen etiam omnibus concurrentibus, excitari facile potest probabilis ac certa reparationis spes, si quis de facto illam reparare aggrediatur, & sit persona labilis, aut etiam ad maiorem cautelam de plena illius reparatione caueat.

Postrema dubitatio est de interdicto Ecclesiæ, an præiudicet illius immunitati, vt ad illam requiratur ea conditio, vt Ecclesia non sit interdicta. Sed respondeo post Goffredū & Innocentium communiter Doctores sentire, eandem proflus seruare immunitatem, ac si interdicta non esset. ita Panormitanus. in c. Ecclesiæ, sæpe citato n. 8. & ibi Io. Andr. Hostien. in sum. in tit. de immunit. Eccles. §. in quantum, versic. sed nunquid hoc priuilegium. & post eum Marsil. in l. vnica, Cod. de raptorib. virg. n. 116. Io. Maria Monticell. in pract. crimin. regula 12. n. 14. quam sententiam communem esse post Angelum testatur Clar. in pract. q. illa 30. versic. Idem etiam docendi mi. Bonacof. 2. p. comm. opin. crimin. v. Ecclesia interdicta fol. 24. & Sylu. in v. Immunitas 1. n. 2. qui omnes eandem vt communem sequuntur. Probatum autem primò à simili, quoniam clericus excommunicatus, suspensus vel interdictus retinet sua clericalia priuilegia, tam canonis, quàm fori, vt patet in can. dictum. d. 31. & c. at si clerici, de Ind. ergo & Ecclesia interdicta retinet sua priuilegia confugij. Secundò, quoniam nuspiam reperimus in iure inter effectus

effectus interdicti hunc numerari, vt priuet Ecclesiam immunitatem. Terribiliter ex Hostien. loco citato, quia neque Deus, ad cuius præcipuè honorem, ac reuerentiam immunitas ordinatur, deliquit, neque Ecclesia, cui, propter Dei honorem, immunitas concessa est: sed homines deliquere, quorum delicto Ecclesia interdicta est: ergo nihil omnino est, cur Ecclesia puniatur tollenda ab ea immunitate. Quartò quoniam iura omnia execrantur afflictionem afflictis addere: vt patet *can. cum percussio* 7. q. 1. & c. 1. de clerico agrotante. ergo cum Ecclesia satis afflictæ sit interdicto, non est cur alia grauior addatur afflictio, tollendo ei priuilegia immunitatis. Demum ex Syluestro cœmeterium interdictum non caret hoc priuilegio: ergo neque Ecclesia interdicta.

*De cœmeterio & palatio Episcopi, an habeant immunitatem, & unde.*

## CAPVT III.

1. **H**Æc duo loca, cœmeterium, & Episcopi palatium, simul in hoc caput reieciimus, quoniam neutrum in hac constitutione expressum est; de utroque verò antiquo iure cautum est. Nam cœmeterij immunitas expressa est apertissimis verbis *cap. fin. de immum. Eccles.* Palatij verò Episcopi longè antiquior. textus habetur in *can. id constituimus*, ex Concil. Aurelianen. 17. q. 4. quod sub Hormisdæ Papa celebratum fuit circa annum Domini 515. quo tēpore floruit Boëtius Seuerinus, vitæ & genetis no-

bilitate clarus, ex Anitiorum familia, & doctrina inter omnes illius seculi doctos viros præstantissimus, & vitæ sanctitate insignis. Mirum autem est, quòd eo canone profiteretur Concilium, se id constituere quod & ecclesiastici canones decreuerunt, & lex Romana, nempe ciuilia iura Imperatorum constituerunt, & statim subdit Ecclesiæ atria, & Episcopi demum, quasi aliis antiquioribus canonibus, & ciuilibus legibus Episcopi domus sit immunitatem consequuta, de qua tamen nullibi aliàs vllam reperimus mentionem, neque in ciuili, neque in canonico iure, vt iudeo necesse sit ostendere, qua ratione id possit veritatem habere. Veniamus ad singula.

Cœmeterium iisdem verbis expressum in hac constitutione, quibus expressum erat in *c. fin. de immunit. Eccles.* vt qui homicidia, vel mutilationes membrorum in Ecclesiis, vel cœmeteriis committere non verentur, careant immunitate, quod non eò directè tendit, vt reus confugiens ad cœmeterium immunitatem habeat, sicut confugiens ad Ecclesiam, sed quòd delinquens in cœmeterio careat immunitate, sicut caret delinquens in Ecclesia. Sed ex hoc ipso rectè inferimus cœmeterium eandem omnino cum Ecclesia immunitatem habere, quasi delinquens in loco immunitatis, caret immunitate, sicut delinquens in Ecclesia, ita & delinquens in cœmeterio. Adde quòd iura hæc duo semper paria esse voluere. Nam cœmeterium, & benedicitur solemnè quadam benedictione, sicut benedicitur Ecclesia, & humani, siue sanguinis, siue seminis effusione polluitur, & post pollutio

lutionem eget reconciliatione, sicut eget Ecclesia polluta, *c. unico, de consecrat. Eccles. lib. 6.* & ad eundem pertinet cœmeterij, ad quem & Ecclesia benedictio, ut notant Doctores in *d.c. unico*, & si cœmeterium sit ipsi Ecclesiæ contiguū, polluta Ecclesia polluitur cœmeteriū, *d.c. unico*, & delinquēs in cœmeterio, caret immunitate, sicut delinquēs in Ecclesia; ergo pari ratione, cœmeterium immunitatem habet, sicut Ecclesia etiam, si hoc nullo iure sit expressum. Neque verò vlla opus erat expressione, continetur enim cœmeterium sub nomine Ecclesiæ, seu tanquam accessorium sub principali, sic enim vocatur *d.c. unico, de consecrat. Eccles. lib. 6.* quo fit ut sequatur naturā, & priuilegia ipsius principalis, siue quod sit pars quædam Ecclesiæ humandis, seu recipiendis defunctorum Christianorum cadaueribus solemnī benedictione deputata, in qua celebrantur etiā diuina officia sepulturæ. Neque verò huic rationi partis obstat, quod non rarò sint cœmeteria ab ipsis Ecclesiis disiuncta. Non enim est Ecclesia corpus naturale quod requirat membrorum coniunctionem, sed corpus artificiale, cui non repugnat membra habere remota, quæ ad integrandam vnam Ecclesiam eatenus pertinent, quatenus alicui vsui deseruiunt ad eandem Ecclesiam pertinenti. Non desunt qui cœmeterium carenus participare immunitatem credant, quatenus ad illos 30. vel 40. passus pertinet, de quibus *primo capite* dictum est. Sed hoc probare nequeo, tum quoniam non vniuersè competeret omni cœmeterio; permulta enim sunt quæ ultra hos passus ab Ecclesiis distant, tum quia finis, ad

quem illi passus concessi sunt, accommodari cœmeterio non potest: non enim decet ad cœmeterium exire, ad naturæ officia consueta comedendi, ac dormiendi, eadem enim quoad id reuerentia cœmeterijs atque Ecclesiis debetur.

Sed & de domo, seu palatio Episcopi Oldrad. *consil. 55.* putat illi propter Ecclesiæ propinquitatem immunitatem competere, quæ tantæ esse solet, ut intra illos quadraginta passus maiorum Ecclesiarum contineatur. Cum præsertim iam olim præceptum fuerit Episcopis ne longè à cathedrali Ecclesia habitarent, *can. Episcopus vilem, d. 41.* & *can. Episcopus si infirmitate, de consecr. d. 3.* Vnde & subdit idem Oldrad. propterea vsu iam forenti receptum esse, ut solum Episcopi domus immunitate fruatur, quando intra istos quadraginta passus sita est. Sed id mihi probari non potest: tum quia non adeò angustæ esse solent Episcoporum domus, ut totæ intra illos quadraginta passus contineantur; quare sicut in aliis locis confregit extra illos passus immunitatem non habet, ita nec intra Episcopi domum, si nulla alia, nisi hanc quadraginta passuum immunitatem obtineat; tum quia textus ad hos passus non se restringit, sed absolute domui Episcopi immunitatem concedit, neque nos restringere debemus. Hugo relatus apud Io. Andr. in *c. inter alia, de immunit. Eccles.* putauit hanc immunitatem concessam ratione capellæ in dicto Episcopi palatio existentis. Sed hac ratione non competeret illis Episcoporum palatijs, in quibus huiusmodi capella non est. Deinde aut necesse est huiusmodi capellam publicam esse.

esse. Huiusmodi autē quā paucissimas esse constat in Episcoporum domibus, aut satis esse capellulam priuatam. At huiusmodi capellas dictum est *cap. 1. huius 4. lib.* carere immunitate: ergo non potest ipsi domui, in qua posita est, immunitatem impartiri. Demum textus non se restringit ad palatia habentia capellas: ergo.

7. Videtur ergo mihi concessa hæc immunitas ratione dignitatis personæ episcopalis, ut illi hac ratione deferat propter eius sanctitatem, qua præstare debet aliis, vel propter sanctitatem muneris, ac dignitatis, sicut & tota familia Episcopi ratione personæ episcopalis, quamvis laica sit, habet privilegium fori. Ut palatium Episcopi, siue sit propinquum cathedrali Ecclesiæ, siue ab ea remotum, siue habeat capellam, siue illa cateat, siue sit intra illos quadraginta passus, siue extrā, eo ipso quod Episcopi domus est, habeat immunitatem quam habet Ecclesia, siue sit intra illos passus, siue extrā, sicut expressè tenet gl. in *can. id constituimus*, quam glossam sequitur Hostien. in *d. c. inter alia, de immunit. Eccles.* & ibi Innoc. Panorm. in *c. Ecclesia, eodem tit. Barb. consil. 33. n. 7. lib. 4. Remig. in tract. de immunit. ampliat. 15. Couarr. in manual. c. 25. n. 18. Farinac. 1. p. criminal. q. 30. n. 38.* ubi communem hanc vocat, additque non esse ab hac communi opinione propter illam forissem ab Oldrad. relatum praxim, recedendum, nisi in loco, ubi casus contigerit, constet esse in usu eam praxim; & probatur ratione Panorm. quia cum causa immunitatis sit favorabilis, non modò ipsi reo, sed etiam Ecclesiæ, non modò restringenda non est, sed potius etiā

amplianda, & cum res dubia sit, habemus regulas iam receptas in dubiis pro reo, in dubiis pro Ecclesia.

Neque verò mouere quenquam debet, quod in hac constitutione nulla fiat huius palatii expressa mentio, satis enim aliis iuribus expressam fuisse, quibus non est præsentī constitutione derogatum; foris etiam reduci potest ad loca religiosa, propterea quod domus Episcopi sit domus paternæ pietatis patris orphuorum, consolatoris viduarum, protectoris pauperum, ac miserabilium personarum.

*De aliis ecclesiastica immunitatis locis, hac constitutione expressis, monasteriis, domibus regularibus, vel secularibus, seu religiosis.*

## CAPVT IV.

QUATVOR locorum genera in hac constitutione exprimuntur, quæ nuppiam antea expressa erant canonico iure, licet fortè iure ciuili aliqua expressa putari possint, nempe monasteria, domus regulares, secularia loca facta, demum loca religiosa.

Primo ergo monasteria licet nunquam antea hac voce expressa sint; semper tamē & praxis obtinuit, & concors Doctorum sententia docuit neminem inde extrahi posse; nunc omnis dubitandi occasio sublata est, cum sint in hac constitutione expressa. Solum inuestigandum, unde sit orta ea praxis, & concors Doctorum consensus: de qua re hæc videntur probabiliter dici posse. 1.

D d 3 Primo.

- Primò ortam esse ex Ecclesiarum propinquitate, seu contiguitate, semper enim monasteria contigua fuerunt Ecclesiis, ut cum ciuili iure extensa sit immunitas ad cellulas, hortos, balneas, areas, domos clericorum, in quibus eiusdem Ecclesiæ clerici habitant, par ratio videri potuit monasteriorum in quibus habitant clerici regulares. Totum enim monasterium nihil aliud continet, nisi cellulas, areas, hortos, & similia, vsui regularium clericorum necessaria. Secundo dici potest oriri potuisse ex eo, quod in iure canonico expressum est, non minus esse sacrilegos eos qui de monasteriis, quam eos qui de Ecclesiis aliquid auferunt. *can. quisquis* 17. q. 4. quo videntur monasteria locis sacris annumerari, cui consequens est, inflat illorum immunitatem habere, ut æquè sit sacrilegium confugam de monasterio, ac de Ecclesia rapere. Tertio posuit, & ortum habere ex specialibus ordinum privilegiis; habent enim singuli ordines regulares, inter cetera ordinum privilegia, id etiam, quod ad immunitatem pertinet, quæ sibi inuicem ordines mendicantium communicant vi privilegij communicationis. Profero, exempli gratia, privilegium ordini seruorum S. Augustini ante annos centumquindecim concessum, nempe anno Domini 1487. quo immunitas conceditur eorum monasteriis cum hortaliis, claustris, officinis, & locis omnibus illorum ambitu conclusis. Sed & ordini regulari B. Ioannis Columbini in quo secundum regulam non licet cuiquam ad sacerdotium ascendere, sed stillandis aquis incumbere, etiam si Monachi in domo conductitia habitent tantisper dum construitur monasterium, concessum est privilegium huius immunitatis. Domusque aliàs secularis, toto eo tempore, quo iidem religiosi in ea habitant, dum monasterium construitur, hoc privilegio, gaudet, sola ratione eorum inhabitationis. Secundo domus regulares, de quibus in hac constitutione sermo est, latius patent, quàm monasteria, omnia enim monasteria domus sunt regulares: non est autem omnis regularis domus monasterium, nam monasteria propriè vocantur loci regulares monachorum, à monachis ibi habitantibus sic nuncupata; atque hæc fortasse non omnia, sed perfecta tantummodo, & ab aliis indepédentia, quæ suos habet proprios Abbates habentes monachos cum sua ordinaria iurisdictione.
- Vnde imperfectæ domus, & quæ alicui monasterio subiacent, quas *Grangias* vocant, monasteria propriè non sunt. Namine verò domus regularis veniunt quæcunque alia quorumlibet religiosorum loca, quorumcumque ordinum, quibuscumque nominibus nuncupentur, siue sint perfectæ, & habentes proprium prælatum, siue imperfectæ, etiam si sint domus conductitiæ, in quibus tamen religiosi gregatim habitent, ut sunt conuentus fratrum Franciscanorum, Dominicanorum, & aliorum, siue domus, ut sunt domus Theatinorum, & Bernabitarum, clericorum regularium, siue in nostra Societate collegia, in quibus opera literarum studiis datur, siue domus profectæ, in quibus ea quæ in collegiis didicerunt, ad animarum salutem

- salutem expendunt diuino verbo prædicando, confessionibus audiendis, aliisque Societatis monasteriis exercendis, & domus probationis, in quibus per mortificationum & orationum exercitia nouitij ad futura, siue studia literarum, siue domestica exercitia præparantur.
7. Eodem numero reponenda sunt domus imperfectæ fratrum, quas etiam ipsi *Grangias* vocant, & quas firmarias gubernandis in vrbe ægris erigunt, & in nostra Societate residentia, quæ sunt domus paucorum, temporariae suapte natura ad fructificandum in illis urbibus constituta, in quibus collegia erigi non possunt, aut domus professe, vel propter ipsarum urbium paupertatem, vel ob aliquam aliam rationabilem causam. Et obseruandum nõ domos regularium, sed domos regulares immunes dici, id est, domos in quibus ipsi regulares habitant, cum consueta regulari clausura. Nam si quas habent domos cuiusvis ordinis regulares, in quibus ipsi non habitant, sed eas alijs locant, illis immunitas nulla competit, similiter nec domus, in quibus non habitant ordinariè cum clausura, vt si cubi aliquam teneant domum paratam fratribus hospitibus illac transeuntibus, vel illuc recreationis gratia aliquando diuertentibus, domus regularis non est, nec immunitatem habet.
9. Tertiò exprimit Pontifex loca sacra secularia. Quorum nomine quid sit intelligendum non facile est cognoscere: nam solæ Ecclesiæ videntur propriè sacra loca vocari. At de Ecclesijs iam dixerat, nec erat cur denuo, mutato nomine, eas repeteret. Possunt
- 10.

intelligi cæmetetia, quæ & ipsa quodammodo sacra sunt, propter benedictionem, & deputationem. Probabile est intelligere domos secularium clericorum, simul viuentium instat religiosorum, vt fuit olim basilicæ Lateranensi domus contigua, estque hodie apud ædem Lauretanam duplex domus secularis, vna clericorum Ecclesiæ illius, altera cuiusdam Seminarij clericorum Dalmatiæ, quos sacra illius domus expensis literis duros operam ex Dalmatia accersitos Greg. XIII. verè parens Christianæ reipublicæ, qui eò semper intendit, vt cuius orbis partem laboranti opem ferret, ibi collocauit: cuius ædis Lauretanæ memoriam non sine cordis iubilo & exultatione deuotionis recolere potest, quisquis aliquando eam ingressus est, tam altas figit radices infidelium cordibus interna illa totius hominis commotio, & reuerentia plena lætitiæ, ac lacrymarum, quàm eius ingressus aut aspectus etiam è propinquo excitare solet, vt quoties in memoriam venit pullulent lætitiæ germina spiritualis. Multa alia cernuntur hodie per Italiam huiusmodi sacra loca secularia. Romæ S. Ioannis Florentinorum, ac S. Mariæ in Vallicella, authore B. Philippo... insignis virtutis, pictatis, ac prudentiæ viro, quam meritò inter Beatos Sanctissimus Dominus noster Clemens Papa octauus retulit, magno totius urbis Romæ applausu, breuè propter egriam sanctitatem in sanctorum numero collocandum speramus. Est & in hac felici vrbe Panormo domus clericorū secularium S. Catherinæ Oliuellæ, Reucrendo Don Ioanne Anto

11.

12.



Antonio Zizo autore, ac primo Rectore sacerdote, magnæ virtutis viro, sacre Theologiæ Doctore, cuius clerici tãti patris exemplo magnos quotidie in omni virtutû genere progressus faciunt, quam putandum est non leuiter iuuari Iosephi Vrgelij sanctæ memoriæ viri precibus, qui cùm Ioanne Antonio Zizo Rectore in vrbe à felici senatu Panormitano destinato eius loco magna dexteritate, prudentia atque exemplo eam familiam regeret, cessit è vita, magno relicto toti vrbi sui desiderio.

13. Nomine verò locorum religionis, ea omnia loca intelligenda sunt, quæ antipietati, aut religioni deseruiunt, etiam cœmeteria; si enim proprio nomine nō essent expressa, nec sub Ecclesiæ contenta nomine, certè hoc loco cōprehenderetur. Sic hospitalia pauperum, & nosocomia infirmorum religiosa sunt, quasi pauperum, & infirmorum cura propter Deum assumpta ad religionem pertineat. Ita orphanorum, domus virginum reparatarum, domus malè maritatarum, qualem Panormi erigendam curauit Illustrissima, excellentissima ac piissima femina D. Maria Pimentel Comitissæ Oliuaris vxor, quæ in tanto dignitatis gradu Proregis Comitissæ vxor toti Siciliæ virtutis ac pietatis exemplo ita illuxit, vt cùm ea digna Sicilia non esset, ad meliorē vitā in caelestem patriam euocata credenda sit. Sed aduertendum hæc omnia
14. tunc demum habere immunitatem cùm sint Episcopi autoritate fundata, & sub Episcopi protectione posita, vt absque eiusdem autoritate tolli nēqueant, sicut in specie de hospitalibus notat Goffred. cōmuniter per Doctores, & relatus &

receptus in c. fin. de Eccles. adifican. & per Panormit. in c. Ecclesia, de immunit. Eccles. Laudun. in Clem. 1. de penitent. & remission. Angel. in v. Immunitas q. 26. Demum obseruanda hospitalia & xenodochia gaudere iisdem omnino priuilegiis, quibus Ecclesia. per textum ciuilem in l. omnia. Cod. de Episcopis & cleric. quæ saltem debet obligare omnes laicos, & de consuetudine Ecclesiæ.

*De palatiis S. R. E. Cardinalium, & oratorum supremorum Principum.*

CAPVT V.

EX immemorabili consuetudine tria domorum, seu palatiorum genera in vrbe consueuerunt immunitatem habere, simul cum hortis, arcis, ac plateis, non modò intus existentibus, sed etiam extra domos ante earum foras. ea sunt palatia S. R. E. Cardinalium, palatia oratorum supremorum Principum, qui suorum Principum nomine ad eorum, ac regnorum eis subiectorum tractanda expediendaque negotia adstant Romano Pontifici Christi in terris Vicario. Demum palatia nonnullorum Principum Romanorum. De hoc tertio genere nihil est hoc loco dicendum, puto enim esse ciuilem, non autem ecclesiasticam immunitatem, vt quauis seruari debeat inuolabiliter, si vsque hodie perseuerat, siquis tamē aliquem inde extrahat, neque ciuilibus, neque canonicis iuris pœnas incurrat, latas contra violatores immunitatis.

muneris Ecclesiarum, sed poena arbitraria puniendus sit.

De palatiis oratorum supremorum Principum, cum ij seculares & laici vtpurimū sint, & quamvis aliquādo sint clerici, nō quatenus clerici, sed quatenus oratores illā immunitatē habeāt, & laicorū Principū personā repræsentent, valde probabile est eorum immunitatem ciuilem, ac laicam esse, neque inducere transgressoribus ciuilibus, aut canonici iuris poenas, vt dictum est. Quod si oratores Principum, qui aliis secularibus Principibus assistunt, immunitatem eandem habent palatiorum, adhuc probabilius est immunitatem eorundem palatiorum in vrbe laicam esse, sicut est apud alios Principes, si, exempli gratia, orator Regis Hispaniarum, Regis Galliar, Reip. Veneræ apud Imperatorem eandem habeant suorum palatiorū immunitatem, cum hæc laica sit, probabilius purandū est etiam, eam quam habent apud sedem Apostolicam, laicam esse. Verū quoniam isti oratores non assistunt Pontifici tanquam supremo Principi temporali, sed tanquam supremo Principi spirituali, ad spirituales causas, ac spiritualia negotia, vt propter reuerentiā sedis Apostolicæ ex hac parte spiritualis siue ecclesiastica immunitas hæc videtur, & in dubio in hanc partem propendendum esse censeo, quatenus fauorabilis est. Quanquā quoad poenas, quæ odiosæ sunt, restringendam arbitror. Vt cum non certò constet spirituales, siue ecclesiasticas esse, si quis illam violare tentet, neque ciuilibus, neque canonici iuris poenas incurrat; sed poena arbitraria puniendus sit.

De palatiis S.R.E. Cardinalium,

*Præambulum de immunitate Eccl.*

simpliciter ecclesiasticam immunitatem habere iudico, sicut de palatio Episcopi dictum est. Cum enim Cardinales sint sanctæ Romanæ Ecclesiæ Principes, & Regibus æquiparentur, propter eminentem, quam habent circa spiritualia authoritatem: Romanique Pontificis lateri assistant, tanquam supremi illius, circa non modò temporalia, sed etiam circa omnia spiritualia negotia consiliarij, consequens est eorum domos, & palatia esse refugia pauperum, ac miserabilium personarum, locaque pia meritò vocari posse. Ad maiestatem præterea sedis Apostolicæ, quatenus Apostolica, & spirituali potestate prædita est, pertinet adeò Illustrissimos spirituales Principes consiliarios habere, eosque spiritualibus decorare priuilegiis, propter spirituales authoritatem, quam in rebus spiritualibus, fidei præsertim ac morum consilio, sedem Apostolicam iuuant. Ita obseruare communem consuetudinem testatur Manfred. in tract. de Cardinal. cap. 8. priuileg. 18. & post eum Clar. q. illa 30. versic. Item adde. Prosper Farinac. 1. p. crim. q. 28. n. 48. refert per quandā Gregorij XIII. constitutionem omnem palatiorum immunitatem fuisse in vrbe reuocatam, ac sub Sixto V. nullum fuisse neque in vrbe, neque extra locum, in quo delinquentes tuti essent. Sed hæc milities reuocata, bis millies redire solent propter maximam in vrbe Illustrissimorum Cardinalium authoritatem. Vt si contingat casus, recurrendum sit ad consuetudinem, quæ tunc viget, & secundum eam iudicandum.

Ecc. De

*De personis quibus locorum vice competit immunitas confugij, vel ratione sui, ut est persona Episcopi, vel ratione Eucharistie, quam deferunt.*

## CAPVT VI.

1. **S**ICVT fuere apud Romanos non solum loca, quæ immunitatem haberent, salutemque iis, qui ad ea confugerunt, afferrent; sed personæ etiam quædam, puta Flaminis Dialis, ac vestalis virginis, de quibus dictum est *lib. 1. cap. 4.* ita absolutis immunitatum locis quæ apud nos sunt, videndum est, sintne aliquæ personæ quæ eandem immunitatem præstent confugis: sunt autem duo genera personarum, de quibus est dubitatio, nempe de persona Episcopi, ac de persona Sacerdotis sacratissimam Eucharistiam deferentis.

2. Quantum ad Episcopum, videtur fuisse Vgonis sanctissimi Episcopi sententia, Episcopum cum circumstante plebe fidelium habere immunitatem confugij, posseque reum ad se confugientem à pœna liberare, qui ca ductus est ratione, quod si lapidibus mortuis & materiali Ecclesiæ ex eis constructæ hoc priuilegium competit, multo magis viuis lapidibus, ac videnti Ecclesiæ, quæ Episcopo ac plebe constat, competere debet. Is cum facta illi esset obuiam magna ministrorum cutiæ, ac sarcllitum turba, quæ reum quendam ad extremum supplicium deducebat, eodẽ vsus priuilegio (vt refert P. Io. Petrus Massæus in eius vita, ex proba-

tissimis authoribus collecta) iussit ministris reum vt soluerent, ac liberum abire permetterent. Illi verò tanti Prælati maiestate tremefacti, etsi ad declinandam Regis iram, nonnullis præmissis protestationibus, hominem tamen vinculis repente solutum, liberum omnino abire passi sunt, ingentes gratias agentem viro Dei, per quem vitam & libertatem obtinuisset. Hæc quidẽ omnino gesta sunt ab hoc sancto Episcopo, sicut & fuerant ab eodem opinata. Nunc an iure subsistant videndum est.

Contrariam sententiã tenet ibidem P. Massæus, dicens, hæc acclamatione potius, plausuque hominum digna esse, quàm imitatione, quæ non aliter illi, quàm propter eius sanctitatem, ita bene successerunt. Quate sic constitum sit materiali Ecclesiæ hoc priuilegium concessum esse, quæ ex mortuis, seu potius vita carentibus lapidibus constructa est. Neque enim vlla aut ciuilis, aut canonica lex, neque verò vlla recepta consuetudo, nec Doctorum consensus Ecclesiæ viuæ hoc priuilegium tribuit, neque soli Episcopo, neque illi simul cum sua plebe.

4. Quod verò attinet ad sacerdotem publicè deferentem sacrosanctam Eucharistiam, concors est Doctorum consensus habere immunitatem, vt eadem omnino ratio sit eius, qui ad sacerdotem gestantem Eucharistiam, atque eius, qui ad Ecclesiam confugit. Ita Hostien. in *summ. tit. de immunit. Eccles. §. in quantum. versic. sed cum Ecclesia*, & in c. *sanè. de celebr. Missar.* & ibi Io. Andr. Panormic. Dominus Ant. & Cardinal. q. 2. & communiter Doctores, vt testatur Nauarr. c. 25. n. 18, Archidia

chidiaconus in c. *quasium*, 13. q. 2. idem sentit Io. de Vveschis in tract. de libertate eccles. n. 50. & Guliel. de Monte, apud eum relatus Oldrad. consil. 58. in fin. Sylu. v. *Immunitas* 3. n. 1. Angel. v. *Immunitas* q. 28. Catell. Cotta in suis memorabilibus in v. *Rationis identitas*. Albert. in c. 1. de heret. lib. 6. q. 13. n. 18. Imol. in clem. 1. de poenitent. & remiss. Faber Instit. de his qui sunt sui, vel alie. iur. § fin. Iason l. 1. Cod. ne lice. poten. prope fin. Socin. l. plerique, ff. de in ius vocan. q. 22. Castal. in tract. de Imperat. q. 96. n. 3. quam sententiā Farinac. q. 28. sæpe citata n. 11. non modò communem, sed etiam magis communem esse refert ex Corlet. in suis singularibus, in v. *Cardinalis* sing. 96. At nob. in soliloquio 80. quod incipit, *Dicitur capitulum*. Gomes Institutionib. de actionib. § fin. Cagnol. in l. vinum n. 54. ff. si cert. pet. Coart. lib. 2. variat. resol. cap. 20. n. 6. Clar. in pract. § fin. q. 30. vers. *ultimò quero*. Placha in epit. delictorum 5. lib. 1. c. 34. n. 16. Demum Hostien. in d. cap. sanè, de celebrand. missa. nò minus deuotè quàm eruditè (cuius me dicta ad deuotionem vehementer excitant, atque inflammant) ait hanc sententiam, & tutiorem & deuotiorè esse; & enim verè tutior, propter tot, tamque insignium Doctorum communem, ac magis communem consensum: deuotior, quoniam ad maiorem tam venerabilis sacramenti reuerentiam pertinet; vt propterea non possimus sine aliqua non modò in deuotione, sed irreuerentia tanti sacramenti dissentire. Probant, quoniam hoc venerabile sacramentum, potissima ratio, & causa est, vt Ecclesiis hæc immunitas concessa sit, siue quia in eis Eucharistia conse-

cratur, & populo dispensatur, vel saltem à sacerdotibus, qui eam conficiunt, sumitur, siue quia in eis asseruatur, vt & à populis perpetuò adorari, & infirmis qualibet hora ministrari possit: ergo si propter ipsū ratio est vt immunitas Ecclesiis cōcedatur, multo magis debet ipsū eandem habere immunitatem. Cōfirmatur per illam regulam topicam, propter quod vnumquodque tale, & illud magis. Mihi verò pro ratione satis sufficiente atque efficaci est concors ille Doctorum cōsensus quem retuli.

Dices, si tuetur, ac liberat eos qui 7. ad ipsum sacramentum, dum per viam portatur confugiant; ergo multo magis debet illos tueri qui illud suscipiunt. Respondeo, suscipienti medicinam, ac tutelam animi esse ordinariam, non autem corporis. Quamuis enim deuotè suscipienti interdum etiam corporalem salutem conferat, id tamen ordinarium esse Christus voluit; si autem libertatem impunitatēque afferret, id ordinarium esset in reis atque alieno ære grauatīs seruīque omnibus: & hæc est ratio gl. in can. *quasium* 13. q. 2. Secundò si reos liberaret è carceribus, vel de ministrorum manibus, periculum esset ne multi ad euadendas pœnas id factè susciperent. Tertiò liberarentur omnes omnino rei, & impunes euaderent, quò peccandi libertas liberè grassaretur. Quis enim esset in carceribus, qui non ad euadendam pœnam Eucharistiam postularet? etiam si leuissima pœna subeunda foret. Demum neque Ecclesia, cuius 8. id interest, hoc priuilegiū sumptuoni tanti sacramenti concessit, neque consuetudo recepit, neque Doctorū quispiā hoc dixit: ergo neque à no-

bis dicendū est. Adde quòd nō apparet qua ratione id ad praxim deduci possit. Ecclesia enim tādū cōfugas tūetur, quandiu in illis & intra cōstituta earum spatia commorantur, si extrā exeant, non eos tūetur, sed impunē capi, & puniri possint; sic confugientes ad Eucharistiam tādū tuti sunt, quandiu apud illam adsunt, eamque sequuntur quæ cū ad Ecclesiā tandem, vt ibidem asseruetur, deferatur, iam quos Eucharistia tuebatur, tūetur Ecclesia, quòd si Eucharistia in Ecclesia illata, teus Ecclesiam non ingrederetur, tutus ampliùs non esset. Si ergo sumptioni eiusdem sacrosanctæ Eucharistiæ, & immunitas cōcederetur, quæro quandiu duraret? quādiu illū tueretur? quo loco tueretur? Nam post breue tempus corruptis speciebus non manet ampliùs Eucharistia, quandiu præterea species integræ maneant sciri non potest. Nunquid ergo qui semel communicauit, quocunque eat, tutus perpetuò erit? At hoc immunitati nō competit. Ideo optima ratione Ecclesia id non concessit.

Demum circa immunitatem cōfugientis ad sacerdotem gestantem Eucharistiam aduertendum est, omnem moderationem, limitationem, modum, ac formam, quæ circa immunitatem Ecclesiarum siue in iure, siue in hac constitutione adhibita est, habere locū in hac immunitate cōfugientis ad Eucharistiam, dum portatur in via. Et casus ab immunitate exceptos, ab hac etiam exceptos intelligi. Et licet huius cōfugij nulla fiat hoc loco mentio, non tamen idcirco illi prædicatum est, cū non sit mens Pontificis loca immunitatis restringere. Quin etiam illud

addiderem propter tanti sacramenti reuerentiam, si ille valde propè sacerdotem gestantem Eucharistiā accessisset, non debere, ne de licentia quidem Episcopi, tunc capi, cū id fieri nequeat, absque aliqua eiusdem sacramenti irreuerentia, sed expectandum tantisper, dum ille sacerdotem sequens in Ecclesiam ingrediatur, tunc enim deposita suo loco Eucharistia sine strepitu capi facilè post de Episcopi licentia, & ad ecclesiasticos carceres duci.

## PARS SECVNDA.

*De his qui in Ecclesiis sunt ad immunitatem admittendi.*

**S**ICUT non omnes vniuersè homines ad sacramentorum participationem in nostris Ecclesiis admittuntur, puta non infideles, non Iudai, non Apostatæ à fide, non hæretici, non schismatici, ita dubitari meritò potest, an ij si serui, si obærat, si criminosi ad Ecclesiam, aut ad alia immunitatis loca, quæ hætenus numerata sunt, cōfugiant, admittendi sint ad immunitatem, & ab Ecclesia defendi. De his in hac secunda parte disputandum est.

*An Iudai, Saraceni, caterique infideles sint ad immunitatem in nostris Ecclesiis admittendi.*

## CAPVT VII.

**N**ON caret difficultate grauis hæc disputatio, tum natura sua

sua, tum propter pugnantes graui-  
 1. ſimorum Doctorum ſententias. Pri-  
 mò enim quod ad Iudæos attinet,  
 eſſe eos in noſtris Eccleſiis tuos,  
 atque immunes, tenet expreſſè gl.  
*in c. inter alia, de immunit. Eccleſ. in*  
*v. extrahendus*, quæ tamen vnã il-  
 lam conditionem ad id requirit, vt  
 abſit ſimulatio; neque verò de qua  
 ſimulatione loquatur exprimit, ſed  
 remittit nos ad ius ciuile, l. 1. *Cod.*  
*de his qui ad Eccleſ. conſug.* qua lege  
 cautum eſt, Iudæos nequaquam  
 admitti, ſi reatu aliquo, vel debitis  
 fatigati ſimulant ſe legi Chriſtiane  
 velle coniungi, vt ad Eccleſiam con-  
 fugientes euitare poſſint crimina,  
 vel pondera debitorum, vt ſimula-  
 tio ſit de fide, ac Chriſtiana religi-  
 one ſuſcipienda. Hinc infert gl. ſi nõ  
 per ſimulationem, ſed verè ex corde  
 conuertantur, & deſiderio Chriſti-  
 anæ ſuſcipiendæ legis ad Eccleſiam  
 conſugerint, eſſe ab eadem Eccleſia  
 defendendos. Hanc gloſſam grauiſ-  
 ſimi Doctores ſequuti ſunt, Innoc.  
*in d. c. inter alia*, & ibi Hoſtien.  
 Bern. Veruecin. & Panormit. qui  
 teſtatur eam eſſe communem Do-  
 ctorum. Idem tenet Io. Andr. *in d.*  
*c. inter alia*, Lauð. *in clem. 1. de pæ-*  
*nit. & remiſſ.* Nauart. c. 25. n. 20. An-  
 gel. v. *Immunitas* q. 13. explicat ſe,  
 angelica dicens, ſi venit ad Eccle-  
 ſiam, & petit Baptiſmum, gaude-  
 bit, aliàs quia videtur veniſſe, vt ef-  
 fugiat, non cauſa fidei. Solus Sylue-  
 ſter liberiùs loqui videtur, indiſtin-  
 ctè, & abſolutè dicens gaudere im-  
 munitate, ſiue petat fieri Chriſti-  
 anus, ſiue non, id non alia ratione  
 probat, niſi quòd gratioſam conſti-  
 tutionem *c. inter alia*, non ſe reſtrin-  
 gentem ad Chriſtianos reſtringere  
 non debemus. Secundò probari po-  
 teſt, quia tota ratio, propter quam

ciuilis lex excludit Iudæos fideos,  
 ea eſt, quoniam ad Eccleſiam con-  
 fugiunt, vt poſſint euitare crimi-  
 na, id eſt, criminum pœnas, & pò-  
 dera debitorum. At hoc ipſum in-  
 tendunt Chriſtiani, imò ob idipſum  
 immunitas conceſſa eſt, & in hoc  
 tota immunitatis ratio poſita eſt;  
 ergo, ſicut non excluduntur Chri-  
 ſtiani, ita neque Iudæi excludi de-  
 bent. Alij verò grauiùs ſentiunt 2.  
 Iudæos, ſiue fidei, ſiue non fidei  
 Baptiſmum petant, eſſe omnino ab  
 immunitate excludendos. Ita gl. iu-  
 ris ciuilis *in d. l. 1. Cod. de his qui ad*  
*Eccleſ. conſug.* quam inter canoni-  
 ſtas recipit Panorm. *in c. inter alia*,  
 & Io. de Viſchis *in tract. de liberat.*  
*Eccleſ. 17.* & probatur primò, quia,  
 eo ipſo, quòd Iudæus propter com-  
 miſſum delictum, aut propter æs a-  
 lienum ad Eccleſiam conſugit, &  
 petit fieri Chriſtianus, quòd antè  
 non petierat, eſt contra eum præ-  
 ſumptio iuris, & de iure per illam  
 legem ciuilem primam *Cod. de his*  
*qui ad Eccleſ.* qua præſumitur fidei  
 petere ad euitandam incommo-  
 dum, quæ præſumptio violenta eſt,  
 neque admittitur contra eam pro-  
 batio.

Quotieſcunque enim lex ſuper 3.  
 præſumptione certi aliquid ſtatuit,  
 nulla admittitur in contrarium pro-  
 batio, vt notat gl. *in can. ferrum d.*  
*50.* Vnde & text. d. l. ciuil: dicen-  
 tis, Iudæos qui reatu aliquo, vel  
 debitis fatigati ſimulant ſe Chriſti-  
 anæ legi velle coniungi, ſic expo-  
 nit, vt hæc verba frequentiam de-  
 notent, & conſuetudinem Iudæo-  
 rum, qui hoc facere conſueuerunt.  
 hoc eſt (vt clariùs dicam) his ver-  
 bis narrari, id quod cum ſoleant Iu-  
 dæi frequenter facere, de ipſis meri-  
 tò præſumitur. Non ponuntur au-

rem hæc verba per modum conditionis, quasi verò speretur hanc in illis simulationem aliquando defuturam, vt ea aliquando cessante, ab Ecclesia ad immunitatem admittantur, cùm textus nihil de his qui non simulant, subiungat, quod tamen subiungere debuisset, si conditionaliter intelligi voluisset.

4. Atque vtinam nõ compertū esset experientia, Iudæos à toto genere vniuersos, esse quoddam genus hominum, quod propter innatum & cum lacte haustum fidei & Christianæ religionis odium in quo etiam alii, arque educati sunt, quàm rarissimè, syncerè atque ex animo conuertantur, vt etiam tunc, cùm sponte, & nulla omnino apparente alia causa fidem petunt, timendum sit ne quid lateat, & non rarò postea compertum est aliquid aliud intendisse. Vt est enim vasrum genus hominum, & temporalibus commodis, quæ illi in sua lege penè sola promissa erant, valde addictum, & Christianæ fidei insensum, semper timendum est, ne quid aliud inrendat; multo magis fictus de iure præsumitur, cùm causa publicè apparet boni temporalis intèri, cùm ad Ecclesiam propter delictum ac debitum confugiens Baptismum petit.

5. In hac Doctõrum varietate hæc mihi videntur valde probabilia. Primò enim parum tuta mihi videtur Syluestri sententia contra torrentem Doctõrum, & contra expressam ciuilis iuris dispositionem: nam ipsius Imperatoris, ac supremi Principis temporalis est, siue lege, vt fecerunt, siue quauis alia ratione Iudæos ab immunitate Ecclesiarum excludere. Quicunque enim extra Ecclesiam sunt, ij potestati ecclesi-

asticæ nullatenus subiecti sunt, sed solum tẽporali potestati Principũ, Apostolo teste 1. *Corinth.* 5. vbi ait, de his, qui foris sunt, nihil pertinere ad Ecclesiam, atque ideo Iudæi, qui Romæ, vel in statu ecclesiastico commorantur, Romano Pontifici subsunt tanquã Principi temporali, non tanquam Papæ: cùm ergo temporali Principum iure ab immunitate Ecclesiæ sint exclusi, nullo iure ea gaudent. Et confirmatur, quia ius ciuile codicis est ab Ecclesiastico iure iam receptum *can. id constitutum.* Audeo dicere si Iudæo ad Ecclesiam confugienti proponas ipsũ hoc confugio protestari publicè se Christo reuerentiã exhibere fore, vt statim discedat, ea est huiusmodi hominum peruicacia.

Secundò dico Iudæos fictos absque vlla dubitatione catere hac immunitate, id quod habet cõmunis opinio post glossam per illum eundem ciuilis iuris textum, vt si de fictione constiterit, voluerit Os sibi Imperator seruare castigandos, cùm propter fictionem ad ius Ecclesiæ, nullo modo transire permittantur.

Neque vllus in hac re scrupulus secularibus iudicibus iniiciendus est, si hos extractos de Ecclesiis peniant, neque Ecclesiarum clericis, si eos extrahi sinant, neque vitam eis, neque verò membra impetrando. Quæres, an ad hos extrahendos opus sit Episcopi licentia, an eius iudiciũ expectandũ, quo statuatur fide, ne an secus Baptismũ perat, an interea ad ecclesiasticos carceres sint ducendi. Respondeo negari quidem nõ posse tutius fore, si hæc omnia seruentur prout præfens cõstitutio decreuit. Probabilissimũ tamẽ esse hæc omnia quæ hac cõstitutione sũt tradita, nihil

his ad hos pertinere, nec Pótficé de hoc cogitasse, sed de Christianis statuisse, quibus certú est immunitatē deberi, nisi aliquis easus cōtingat ex iis, quibus immunitas ablata est, horú cognitionē Episcopo cōmittit, ac propterea, dū ipse de causa cognoscit, ad eius carceres duci iubet qui Christianorú, tãquã subiecti sibi gregis, legitimus est Pastor. Quare cū de fíctione cōstat, nullú omnino de Iudeis iudiciú ad Episcopos pertinere potest. Multo verò magis hæc prætermittenda sūt, cū Iudeus ne fíctè quidem Baptismum, ad Ecclesiam confugiendo, petit.

8 Tertiò valde mihi probabile est, cū Iudei vafri sūt hominú genus, & nostrę fidei valde inimicú: si is qui ex Iudeis ad Ecclesiã cōfugit, numquã antea Baptismú petiit, neque cū aliquo Christiano de eo suscipiendo tractauit, sed ad Ecclesiã, vel post cōmissú aliquod delictú, vel debitis grauatus confugiens, tunc primùm Baptismum petat, præsumptionem esse contra eú iuris, & de iure quòd fíctè petat, & hæc videtur esse mens illius civilis legi, quemadmodum ex Panormitano retuli, & hoc videtur supponere in ea Imperator, ideoque neque admittendus est ad Baptismum quandiu in illo periculo est, neque est ab Ecclesia, ad quam confugerit, defendendus, neque cōmuniter, & ordinariè eius probationes contra huiusmodi adeò vehementem præsumptionem admittuntur. Neque verò mirum videri debet, quòd tantum hæc præsumptio possit, fortasse contra veritatē, cū fieri possit, vt propter tribulationes & instātes necessitates, ad cor redierit, ac verè Baptismum petat. Primùm enim dico hoc non esse ordinariè, sed rarissime accidere. Secun-

dò sibi imputet, sua enim culpa & propter suam diuturnam, & continuam obstinationem vsque modò hoc illi euenit, vt pręsumptio illi cōtra veritatem noceat. Minus enim inconueniens est aliquem culpabiliter differentem, quamvis verè cōuertatur, & fidem petat, excludi ab Ecclesię immunitate, quàm multos ad eam fíctos admitti.

9 Addo quartò posse adeò multis signis, & coniecturis clarè apparere veritatem rectę intentionis Iudæi, qui ad Ecclesiam confugiens fidem ac Baptismum petit, atque adeò efficacibus rationibus in continenti ab eo probari, vt iis, qui adsunt, fidem faciat veritatis, & euidencia veritatis purget præsumptionem (id quod rarissimè contingit) & hoc casu saltem tanquam de re dubia debet ad Episcopum deferri, adhibitoque per eum diligenti examine, atque auditu eius rationibus, si Episcopus iudicauerit, admittendum esse ad fidem, iubere debet instrui, atque interea ad immunitatem admitti, est enim Christianus voto, licet non numero. Neque enim tāta debet esse in præsumptionē vis, vt manifestę veritati anteponatur, licet enim contra præsumptionem iuris, & de iure probatio non admittatur, manifesta tamen veritas, quę omnem præsumptionem euacuat, admittenda est.

10 Ad rationem illam Syluestri do-  
sumptam ex *c. inter alia.* respon-  
deo nos nullatenus limitare illam  
amplitudinem illius textus, sed ip-  
sum natura sua esse limitatum ad  
fideles, sicut & alia canonica iu-  
ra, quę cū ab Ecclesię potestate  
procedāt, ad Iudeos atque infideles  
qui extra Ecclesiam, atque Ecclesię  
potestatē sunt, nō pertinet. Vt enim  
legis



legis incommoda, & pondus non ferunt, non possunt, neque verò debent earundem còmodum sentire.

11. De cæteris infidelibus, qui fidem non receperunt, Saracenis, Mauris, Gëtilibus, aliisque similibus cuiuscumque alterius sectæ iuris, Nauar. cap. 25. n. 10. eadem omnino statuit ratione, non esse ad immunitatē admittendos, idē tenet Farinac. q. 18. de carcerib. & carcerat. n. 68. vbi multos alios recenset Oldrad. conf. 54. Bøer. decis. 110. Marfil. l. ex senatus consulto, ff. de scar. Gigas lib. 3. de crimin. l. sa maiest. in rubri. de plurib. & diuersis questionib. q. 3. n. 18. Conrad. in pract. in tit. de captura n. 6. Iodoc. in sua pract. crimin. cap. 106. & in rubr. de violat. templor. à n. 3. quam sententiam Clar. in pract. §. fin. q. 30. non modò tuetur, sed etiam testatur esse magis communem, & Ouan. in c. Iudei 1. de Iudeis. Co-uarr. lib. 2. var. resol. c. 2. n. 11. vers. 13. quamuis licet plerisque pro contraria sententia referat, quam frequentiori fortasse doctorum calculo receptam dicit, tamen hanc ipsam sententiam probat ea ratione, quia par non est cos ab Ecclesia defendi, qui eius gremio, fidei, ac tutelæ se committere voluerunt, quā rationem iisdem omniuo verbis adducit Farinac. qui post alios vtitur ad idem probandum textu illo iuris ciuilis, quo probatum est, de Iudeis, atque alio textu in authent. de mandatis Principum. §. publicorum.

12. Mihi verò attentè rem consideranti dispar. ratio videtur horum infidelium, atque Iudæorum, vt in Iudæis, propterea quòd nutriti sint in inueterato illo contra Christum & Christianam religionem odio, præsumptio quidē sit iuris, & de iure contra eos, quòd fictè pe-

tant. In aliis verò infidelibus qui in eo odio educati non sunt, sed solum negatiuè se habent ad fidem, non sit hæc tanta præsumptio iuris, & de iure, neque adeò vehemens, quòd fictè accedant; cū enim desit in eis illa contraria dispositio, illud innatum odium, illa positua repugnantia contra fidem, & facilius conuertuntur, sicut experientia compertum est, probabilius est eos tribulatione percussos verè ad cor rediisse, atque à Deo ad recipiendā eius fidem promotos esse. Ideoque facilius ad probandam veritatem suæ conuersionis admittendos esse, & non tantam facere debere probationem, & interea dum huic probationi intendunt, in tuta custodia detinendos esse, & posteaquam sufficienter probauerint baptizandos esse, & tunc demum ad immunitatem admittendos.

His addo, siue Iudæus, siue alius 13. quilibet infidelis, probare debeat cotta præsumptionem, se verè, atque ex corde ad fidem cōverti, etiā si in ea occasione sit, vt ad Ecclesiā confugerit, atque ideo maximè suspectus sit de fitione, hanc omnem probationem coram Episcopo faciendam esse. Si enim probare vellet immunitatē sibi competere etiā infideli, corā iudice laico probare deberet, quia ad laicam potestatem pertinuit illi immunitatem tribuere. Probatio autem quòd verè, & non fictè fidem petat, omnino coram Episcopo facienda est, cuius solius autoritate est ad fidem, ac Baptismum admittendus, cui postea consequens est vt ad immunitatem tanquam Christianus voto, vel numero admittatur.

Postremò, siue Iudæus, siue infidelis ad Ecclesiam confugiens 14. Baptismum.

Baptismum non petat, est sine dubio ab Ecclesia excludendus, quæ ius, qui extrâ sunt, non fauet suis legibus.

*An Apostata à fide & hæretici ad immunitatem admittantur.*

CAPVT VIII.

1. **A**POSTATA à fide est qui vniuersam fidem abnegat, atque à se reiicit, ipsum etiam Christum negat. quo in crimine excelluit impiissimus Iulianus Imperator, qui non contentus Christum negare, perpetuum contra illum bellum gessit, eumque per contemptum Galilæum obstinato animo appellauit, vsque ad extremum spiritum, cum iam iam animam illam infelicem, ac miseram exhalaturus, volens, nolens victum se esse confitens: *Vicisti, inquit, Galilæe, vicisti.*
2. Hæreticus verò est, qui aliquos, siue plures, siue pauciores fidei articulos, aut scripturas obstinatè negat, etiamsi aliquot de ipsomet Christo articulos neget, dummodo ipsum Christum, qui est totius fidei fundamentum, teneat.
3. De his iam non quoad ipsum hæresis, aut apostasiæ crimen hoc loco disputamus, de quo infra lib. 5. p. 6. cum inter octo casus, quos hæc constitutio ab Ecclesiarum immunitate eximit, crimen hæresis numerer; sed de ipso hæretico, atque Apostata querimus an si in illis locis ubi ij tolerantur, aliquid deliquerint, vel sint ære alieno grauati, & ad Ecclesiam propterea confugiant, admittendi sint ad immunitatem.
4. His videtur prima facie fauere textus præsentis constitutionis, qui cum de immunitate citraen ipsum

*P. Gambac. de immunit. Eccl.*

hæresis solum excludat §. 6. & 10. criminisque eiusdem cognitionem ad forum ecclesiasticum totam reiiciat, videtur à contrario sensu alia hæretici crimina non excludere.

Sed contrarium censere omnes qui non secus illos, ac ceteros infideles, de quibus præcedenti capite diximus, excludunt. Ita apertissimè Oldrad. *consil. illo 54. Gigas lib. 3. de crimine lesæ maiest. in rubr. de plurib. & diuers. question. q. 3. n. 18. Iodoc. in sua præf. crim. c. 106. & in rubr. de violat. templor. n. 3. & deinceps. Clar. §. fin. q. 30. vers. prætere aquaro. Nauarr. c. 25. n. 20. Marfil. in l. ex senatusconsulto, ff. de sicar. Couarr. var. resol. lib. 2. c. 20. Farinac. q. 28. sæpe citata n. 68. Ac Farinac. præterea testatur plerisque Doctores ita sensisse. Clarus expressè dicit esse magis communem, licet Couarr. sub dubio insinuat magis communem esse sententiam, dicens contrariam sententiam frequentiori fortasse Doctorum calculo esse receptam.*

Mihi verò longè deterior videtur de hæreticis, quàm de Gentilibus ratio: eosque à fortiori ratione, ut ait Couarr. esse ab Ecclesia excludendos, sicut in specie adnotauit Gonsaluis à Villadiego in *trakt. de hæretic. q. 11. n. 15. & Hippolyt. in l. ex senatusconsulto, ff. de sicar. præp. fin. & Boët. decis. illa 110. testatur ita pronuntiarum fuisse apud Gallos. Si enim ille non admittitur ad immunitatem, qui Ecclesiæ fidei noluit se committere, eam amplectendo, quanto magis ab eadem immunitate excludendus est is, qui cum sese illi aliquando piè commississet, sponte postea eandem deseruit, cum illos ignorantia excuset nonnihil saltem, hos verò malitia*

*F. f. cogni*

cognita, defertaque veritatis condemnent. Idem à fortiori de Apostatis dicendum est, qui vniuersam fidem abnegant, quam susceperant, totūque Christū negant, ac reiciūt.

7. Præsertim verò ij omnes tā hæretici, quàm Apostatae excluduntur omnino ab immunitatis spe, si iam diu fidem abnegarunt, & post eius abnegationem pertinaces semper, obstinati que in errore permanferunt, si odium contra eandem conceptum ostenderunt, si catholicos fideles persequuti sunt, si eos ad mortem quæsiuerunt, si expulerunt in exilium, aut de illis expellendis egerunt. Hos enim nō cæteris Gētilibus, sed ipsi Iudæis simillimos iudico, atque ideo non quoquo modo ab Ecclesiarum immunitate excludendos, sed eodē prorsus quo Iudæos, vt si aut commissio delicto, aut debitis grauati confugiendo ad Ecclesiam reconciliari ei postulent, & ad desertam redire fidem, quam nunquam antea petierunt, præsumēdi sint sicte petere præsumptione vehementi, nulla que contra eandem præsumptionem admittatur probatio: nisi quando vel alijs ante in negata fide titubassent, vel ad eam redire tentassent, vel præ aliquo graui timore incusso eam negauerant, vel per fraudē ab aliquo seducti id fecerant. Atque in hæretico, seu Apostata diu obstinato, & fidei odio imbuto, nisi manifestis coniecturis apparet, cum vrē, atque ex animo velle ad fidem redire, ad eundem modum quo superiore capite dictum est de Iudæis faciendum iudico.

8. Vnde ad id quod ex præfenti cōstitutione in contrariam partē adductum est, respondeo primò in hac constitutione nullum esse sermōnē de personis inhabilibus ad immu-

nitatem, cuiusmodi sunt Iudæi, Gētiles, Apostatae, atque hæretici, sed solū de personis habilibus aliquo casu excludendis. Modò Christiani omnes personæ labiles sunt, ideo si Christianus in hæresim incidat, propter hunc casum excluditur, & de eius causā cognoscitur per iudicem ecclesiasticum, in qua causā cognitione, aut illum conuictum, confessumque pœnitet, reditque obiutata hæresi ad fidē, & iam hæreticus esse desit, aut in eadem hæresi obstinatus igne crematur. Neque enim tolerantur in his nostris partibus hæretici. De locis verò vbi illi tolerātur nihil hoc loco Pōtiffex disponit, ne frustrā disponat. Vel enim illuc non perueniunt huiusmodi nouæ cōstitutiones, vel nō acceptantur, idcoque contentus Pontifex de crimine hæresis disposuisse quod in nostris partibus cunire potest, de personis hæreticorum nihil omnino innouauit, sed reliquit omnia antiquæ dispositioni, ptaxique fidelium.

Secundò respondeo argumentū 2. à contrario sensu, plerumque parum, aut nihil habere virium ad aliquid conuincendum, præsertim quando nulla est in rebus ipsis cōtrarietas, sed solū diuersitas, tunc enim non valet, de hoc sic disponit; ergo à contrario sensu de alio contrarium intelligendum est, fortē enim de illo si disposuisset, eodē modo disposuisset. Ita nō valet hoc loco, crimen hæresis exclusit ab immunitate; ergo personam hæretici vult non esse exclusam; hanc enim neque exclusit quoad alia crimina, neque inclusit, sed solū nihil de ea disposuit noui, quo fit vt maneat in dispositione, in qua antea erat, & si disposuisset, probabile est aliter dispositurum fuisse.

*An blasphemus careat immunitate.*

## CAPVT IX.

1. **B**LASPHEMOS Nicol. Boer. *decif. illa 100. n. 1. & Remig. in tract. de immunit. Eccles. fallens. 24.* ab immunitate excludunt, vt refert Nauar. *c. 25. n. 20.* quod idem tenet Fab. à Monteleone, & post eum Prosper Farinac. *1. p. criminal. q. 28. n. 67.* Propter fundatissimas (inquit) rationes per Boer. adductas, quarum potissima ea est quæ desumpta est ex text. *c. fin. de immunit. Eccles.* cui concordat text. *in c. quia frustra, de usur. & in l. auxilium, de minorib.* quibus aperte dicitur frustra implorare legis auxilium qui committit in legem. Hinc enim inferunt, sicut ille, qui delictum commisit in Ecclesia, ex eo quod Ecclesiam lædit, perdit immunitatem, vt in *d. cap. fin.* infert Pontifex. Ita, inquit isti, à fortiori neque gaudere debet blasphemus in Deum, quæ directe offendit blasphemia, cum immunitas concessa sit Ecclesie propter Deum. Hæc ille. Cuius rationis vis in hoc posita est, quod cum Ecclesia sit, quæ habet immunitatem, & illam habeat propter Deum, sicut priuatur immunitate qui lædit Ecclesiam peccando in illa, ita priuatur is qui lædit Deum, vt est blasphemus, quatenus propter Deum illa concessa est, æquè enim vterque contra legem immunitatis peccat.

2. Contrariam sententiã tener expresse Nauar. *cap. 25. n. 20.* & probat, quoniam blasphemia ex præcisa sui ratione, non est neque hæresis, neque infidelitas, sicut & blasphemus, quæ præcisè blasphemus neque hæreticus est, neque infidelis. Aliquando tamen inuenitur blasphemia cum hæresi coniuncta, quæ dicitur blas-

phemia hæreticalis, & tunc blasphemus est etiam hæreticus, quo casu consequenter immunitatem perdit, non quidem quatenus præcisè blasphemus, sed quatenus hæreticus est, & infidelis.

Pro declaratione aduertendū est primò ex doctrina S. Thomæ 2. 2. *q. 13. art. 1.* blasphemiam ex sua intrinseca ratione detogare diuinæ bonitatis, vel illi negando aliquid eorum, quæ illi conueniunt, vel aliquid eorum tribuendo quæ illi nequaquam conueniunt. Id autem vtrumque duobus accidere modis, vno modo, solum secundum vanam quandam intellectus opinionem, alio modo etiam cum prauitate affectus detestando in Deo esse illam bonitatem, quam illi per blasphemiam negamus, seu cōplacendo esse in Deo illam imperfectionem, quam illi per blasphemiam tribuimus. Prior modus positus est in affirmatione, vel negatione falsa atque erronea; posterior præter errorem habet etiã cōiunctum prauum volūtatis affectū. Prior vocatur blasphemia imperfecta, seu incompleta, posterior perfecta completaque dicitur.

Aduertendum secundò falsum illud, seu errorem, qui affirmando, vel negando in blasphemia continetur, aut esse errorem iam ab Ecclesia damnatū, aut errorem quidem, sed non damnatum.

Tertiò distinguendū est de blasphemio, qui sic errat errore iam ab Ecclesia damnato, aut solum errat per vanitatem, seu vanam opinionem intellectus, nesciens, seu non aduertens esse errorem damnatum, quod si sciret, non assentiret, & est hæreticus solum materialiter, aut ne errat quidem in intellectu, neque villo modo assentitur errori,

- sed illum ex aliqua animi passione, vel ex prauo habitu profert, pronūciando blasphemiam hæreticalem, & nullo modo est hæreticus, sed solum exterius se ostendit hæreticum, quem vocamus hæreticum purè exteriorem. Prior dicitur blasphemus, & hæreticus purè materialis, non formalis; posterior verò blasphemus, & hæreticus exterior tantum, seu veriùs blasphemus, nō
6. hæreticus. Aut non modò assentitur errori ab Ecclesia damnato, quem mente, aut ore profert, sed cum quadam pertinacia assentitur, seu obstinatione animi, nolens subdere se Ecclesiæ, quod non est sine prauo voluntatis affectu, & est blasphemus, & hæreticus nō modò
  7. materialis, sed etiam formalis. Aut cum eadem pertinacia, obstinatione, ac praua voluntate assentitur errori non damnato ab Ecclesia, & est blasphemus & hæreticus formaliter tantum, & non materialiter: aut eodem modo, & cum eadem pertinacia assentitur veritati fidei, quam ipse putat esse errorem, eamque profert, & is interiùs blasphemus est in intentione, non exterius in ore, & consequenter hæreticus
  8. formalis, non materialis. Aut deum assentitur errori non damnato ab Ecclesia ex vana opinione intellegendi, sine vlla obstinatione animi, prauoque affectu, eumque profert, & blasphemus tantum est, non autem hæreticus neque formalis, neque materialis, quia error nō est damnatus, vt possit eius assensus hæresis appellari.
  9. Hinc apparet, cur exterior blasphemia, siue ore prolata, siue quouis alio externo signo expressa, opponatur confessioni fidei, nempe quia falsa de Deo profert externus

signo quo debuit fidei veritatem, & quæ vera sunt de Deo profiteri. Cui consequens est prohibitionē blasphemix reduci ad prohibitionem infidelitatis, & sic contineri posse sub primo præcepto Decalogi, *Ego sum Dominus Deus tuus*, vt sicut talis per fidē agnoscendus est, qualis verè est, ita talia de eo dicantur, qualia sunt, neque aliquid secus per blasphemiam. Vel dicitur pertinere ad secundum eiusdem Decalogi præceptum, *Non assumes nomen Dei in vanum*, vt ille magis in vanum assumere Dei nomen intelligatur, qui falsa de eo affirmat, vel negat per blasphemiam, quàm, qui per Dei nomē aliquod falsum affirmat. quod egregiè S. Thom. explicat in illo art. 2. q. 13. in solut. ad secundum.

Ex his facile intelligitur quod ad præsentem disputationem attinet, cur blasphemus ex præcisa ratione blasphemix, vt suprà diximus, non carcat Ecclesiæ immunitate: quoniā blasphemia ex sua præcisa ratione non est hæresis, nec blasphemus hæreticus, vt blasphemus non solum in aliis delictis immunitatem habet, si ad Ecclesiam confugiat, sed in ipsomet crimine blasphemix, quatenus blasphemia est. quod si propter qualitatem blasphemix, modumque blasphemadi agatur contra blasphemantē de hæresi, quia dixit blasphemix quæ est error ab Ecclesia dānatus, propter eā blasphemiam ad Ecclesiam confugiat, non gaudet immunitate, quia iā agitur de crimine hæresis. Si verò post huiusmodi blasphemiam aliquid aliud delictum commiserit, & ad Ecclesiam confugiat, gaudet immunitate, donec contra eum de blasphemia & hæresi agatur, & cōuictus de hæresi damnetur, vt obstinatus.

**stinatus.** Tunc enim tanquam hæreticus esset ab immunitate excludendus.

11. De eo verò, qui ex aliqua animi perturbatione in aliquam blasphemiam hæreticalem prorupit, cum nullum aliud vnquā dederit hæresis signum, si dum propter eam blasphemiam queritur, ad Ecclesiam confugiat, probabile mihi est carere immunitate, in hac enim constitutione crimen hæresis excipitur, ad quod pertinet blasphemia hæreticalis. An autem ex animi prauitate, ex ira, vel alia perturbatione, in hæreticalem blasphemiam incidit, per Inquisitores iudicandum erit, ex ipsa enim blasphemia hæreticali suspectus de hæresi efficitur, & si conuincatur, vel confiteatur, & resipiscat, non abiurat de hæresi, sed de suspicionem hæresis, leui, graui, seu vehemēti pro qualitate blasphemie hæreticalis, quam protulit, si ex graui aliqua animi perturbatione, tanquam purgato crimine hæresis, Ecclesie restitutus ad immunitatem admittendus est. Sed de hæresi suo loco plenius dicendum erit inferius.

12. Ad rationem illam Boerij adductam per Farinac. respondeo, licet immunitas concessa sit Ecclesiis propter Deum, & propter eius reuerentiam, tamen non Deo, sed Ecclesiis concessam esse, contra hanc immunitatis legem delinquit is, qui in Ecclesia delinquit, quatenus loco cui impunitas concessa est, abutitur ad peccandū, nullibi enim tutius quàm in ipsa Ecclesia peccaretur, si peccans in Ecclesia ad immunitatē admitteretur, fieretque immunitas impune peccandi occasio, quod legi immunitatis directè aduersatur, quæ Ecclesie sanctitati

detulit. Peccare autem contra Deū, quoniam locum ipsum immunitatis non respicit, non aduersatur immunitati; ideo negatur paritas rationis Ecclesie, quæ est ipse immunitatis locus, ac Dei, propter quem immunitas conceditur, alioqui omni peccato contra Deum neganda esset immunitas. quod manifestè falsum est. Neque enim odium Dei, quod est maximè contra Deū, neque desperatio, quæ est contra bonitatem Dei, carent immunitate: ergo neque ipsa blasphemia contra Deum ex præcisa ratione blasphemie carere debet eadem.

*An suspensi, excommunicati, & interdicti careant immunitate.*

## CAPVT X.

**FELIN.** in cap. 2. de exceptionib. 1. col. 2. n. 5. aperte sentit suspensos ab ingressu Ecclesie carere immunitate, per text. in c. quia frustra, de vsur. & probat etiā ratione, quoniam huiusmodi suspensi, si in ea suspensione moriantur, non possunt in Ecclesia sepeliri; ergo etiā viuentes ab Ecclesia non protegentur, si ad eam confugiant. eandem sententiam tenet summa Confessio. tit. de immunitate Ecclesie. 5.

Hæc autem Felin. ratio æquè, aut multo etiam magis probet de excommunicatis, qui mortui multo seuerius à sepultura in Ecclesia excluduntur, quique præterea, neque simul cum aliis in Ecclesia, dum viuunt, orare permittuntur, neque celebrare diuina officia, neque eorum celebrationi interesse, quin si Ecclesiam ingrediantur, dum diuina celebrantur, aut statim eiiciendi

FF 3 sunt,

sunt, aut si eiici non possunt, diuina officia statim cessare, atque intermittere debent, præter officium Missæ, si iam inchoatum sit. Adde, quod si ij ad immunitatem admittantur in Ecclesia, cessare debent in ea diuina toto tempore, quo ij in ea fuerint, si præsertim Ecclesia careat illa locorum amplitudine, quæ immunitatem habet, cum præsertim triginta passus ecclesiastici in desuetudinem venerint, sicut in hoc eodem lib. suo loco ostensum est. Cum enim nullum aliud spatium sit, nisi ipsa Ecclesia, & ij interesse officiis nequeant, consequitur necessarium id quod diximus debere toto eo tempore in illa Ecclesia cessare diuina.

5. Eadem ratio probat, quando est interdictum generale loci, vel populi, cum celebrantur diuina officia, clausis ianuis: tunc nemo videtur habere in illis Ecclesiis immunitatem, in quibus confugæ tutum locum non habent, quod se recipiant, extra septa Ecclesiæ, cum diuinis interesse prohibeantur, & in Ecclesia defuncti sepeliri non possint, sicut nec personæ specialiter interdictæ.

4. Contrariam sententiam tenent aliqui, ut refert Felin. loco cit. ac præterea Hostien. in summu. in tit. de immunit. Eccles. col. 5. Cosmas in pragmat. sanctione tit. de interdictis. §. statuit. Couarr. lib. 2. var. resol. cap. 20. n. 11. Ang. in o. Immunitas, q. 11. Imol. & Bonifac. in clem. 1. de poenit. & remission. relati apud Nauarr. Sylu. in v. Immunitas 3. n. 2. ubi refert & Veruecin. Clar. in præf. §. fin. q. 30. Farinac. q. 28. n. 39. 1. parte suorum criminal. in tract. de immunit. Eccles. fol. 19. & Nauarr. c. 24. n. 19: non solum eandem sententiam sequuntur, sed

etiam testatur esse communem, quod etiam testatur Boer. illa decis. 110. Quin Farin. post Clar. tantum eidem sententiæ tribuit, ut affirmet in praxi nullatenus ab ea recedendum esse. licet (inquirit Farinac.) in puncto iuris hæc sententia non trahatur sine difficultate. Mihi verò, Farinacij pace, nulla esse in puncto iuris difficultas videtur, cum in iure nulla omnino mentio habeatur de excommunicatis & interdictis ab immunitate excludendis, neque vlla omnino iura ad hoc trahi possint, ut cum de iure immunitas omnibus fidelibus competat, & excommunicati neque excludantur villo iure, neque inhabilitentur, clarum sit de iure deberi illis immunitatem, unde probo simpliciter his omnibus deberi immunitatem. nullo iure excluduntur, ergo eis debetur. Secundò clerici excommunicati non perdunt priuilegiū canonis, neque fori; ergo laici excommunicati non perdunt priuilegiū immunitatis. Tertio hoc priuilegiū locis ipsis sacris concessum est, non personis; ergo non perditur propter delictum personæ, neque propter censuram inflictam personæ, nisi in casibus expressis, in quibus nullus horum numeratur. Quarto Ecclesia interdicta non perdit hoc immunitatis priuilegiū; ergo nec homines interdicti. Quintò, quia si hoc esset, numerandas esset hic effectus excommunicationis, suspensionis, & interdicti inter ceteros earundem censurarum effectus. Postremò ex tã communi Doctorem consensu, qui in hoc conuenere præter omnes, paucissimis exceptis.

Ad textum in c. quia frustra, de 6. vstr. adductum per Felin. non videtur opus esse responsione, quia nihil fauet eius sententiæ contra nostram, neque suspensus ab ingressu Eccle

Ecclesiæ, aut excommunicatus in legem immunitatis deliquit, vt ideo frustra debeat immunitatis auxiliū implorare. Neque verò eius ratio quicquam probat, non sunt enim paria, defunctum in Ecclesia sepeliri, ac viuum ad immunitatem admitti: ac in his, quæ meri iuris positiui sunt, nihil aliud requiritur, nisi prohibitio, vt res fieri nequeat. Vt quia prohibitum est suspensum ab ingressu Ecclesiæ, aut excommunicatum, mortuum in ea censura, sepeliri in Ecclesia, ideo sepeliri nequeat. Quoniam non est prohibitum eundem ab Ecclesia defendi, ideo possit, ac debeat defendi. Idem de aliis dicendum est, quæ excommunicato, aut interdicto, vel in loco interdicto sunt prohibita, hoc autem prohibitum non est.

7. Ad illam rationē quodd in paruis Ecclesiis, quæ non habent alia loca, ad quæ confugæ possint se recipere, necesse esset cessare diuina, si his celsuris innodari ad eas Ecclesias confugerent; respoñdeo primò nullā esse ferè adeò desolatam Ecclesiam, quæ non habeat saltem vel sacristiā, vel campanile, vel domunculā, in qua habitet Capellanus, vel beneficiatus, si illuc confuga se recipiat diuinorū officiorū tempore, sufficiēter dici non interesse diuinis. Secundò in huiusmodi Ecclesiis nō solere multa celebrari diuina officia, vix vnā Missā singulis diebus dici, eamque posse, si opus sit, ad tuendam cōfugē virā diebus aliquot prætermitti, donec illi, aut vita, & membra impetrētur, aut aliqua alia honesta ratione prouideatur trāsferēdo eū ad aliā Ecclesiā, vbi sint ampliora spatia, quò se possit recipere, dū diuina celebrātur. Demū respoñdeo per hāc cōstitutionē facillè ces-

sare hęc omnia incōmoda, cū iubeat cōfugas duci ad carceres curiæ ecclesiasticæ, quod sicut potest facere Episcopus parte cōtraria requirere, ita potest requirētibz Ecclesiæ clericis, nec diuina officia cessare omnino debeant.

Ex dictis infero multo clariùs esse, debere ab Ecclesia, ad quā cōfugiūt, defendi alios suspensos, aliisve censuris innodatos, quibus neque sepeliri in Ecclesia prohiberē est, neque diuinis officiis interesse, argumēto ducto à maiore ad minus. Si enim quod maius est non priuat immunitate, ergo id quod est minus.

*An clerici, & religiosi pro suis delictis, ac debitis, confugientes ad Ecclesiā ab ea defendendi sint.*

## CAPVT XL

PANORMITANO teste in c. 1. *inter alia, de immunit. Eccles.* qui fuit vir canonici iuris peritissimus, & in legendis libris diligētissimus, nullus ex iis, qui ante eum scripserunt, hanc attigit dubitationē, nullus textus de ea aliquid statuit. Quā ipse disputationē tractare nō prætermisit. Nos verò grātis eidem Panormitano actis, quòd primus omnium hanc disputationē tentauerit, excusamus eundē si veritatē cōsequi non potuit. Is opinatus est, neque seculares, neque verò regulares clericos immunitatem habere, neque vllos omnino religiosos. Addit hanc sibi opinionem verissimam videri, quanquam standum esse dicat consuetudini, quæ in hac materia multum attendi debet. Hunc sequuti sunt Summistæ, Angel. in v. *Immunitas* 9. 14. Sylu. v. *Immunitas* 3. n. 2. vers. 3. cleri



clerici, qui ambo regulares fuere. Nauarr. cap. 25. n. 22. Verum is consuetudini innititur, dicens ita consuetudine receptum esse, quem vsu testatur etiam Diaz in sua pract. criminali cap. 3. Addit Nauarr. extractionem clerici de Ecclesia, ad quam confugerat, faciendam esse per iudicem ecclesiasticum, non autem per secularem, etiam in eo casu quo extrahendus est clericus in minoribus constitutus, etiam in eo casu, quo Concil. Trid. sess. 23. cap. 6. concedit iudici laico in clericum iurisdictionem. Probat autem sententiam suam Pauormitanus his rationibus. Prima si clerico immunitas competeret, aut civili iure competere, aut canonico. Non civili, tum quia id nullam facit de clericis mentionem, tum quia etiam si faceret, nullam viam haberet, concederet enim clericis privilegium in preiudicium ecclesiasticæ iurisdictionis, cui soli clerici subiecti sunt. Neque competit iure canonico, quoniam licet ius canonicum aperte non distinguat in hoc privilegio inter laicos, & clericos, neque verò clericos expresse excludat, ex his tamen quæ expressit, aperte cognoscitur solis laicis immunitatem concessisse. Exempli gratia, in c. inter alia statuit, cum quis ad Ecclesiam confugit debere illius Ecclesiæ rectores obtinere illi viram & membra, id si non ad solos laicos, sed etiam ad clericos pertineret, imperfecta esset dispositio; debuisset enim addere ut ipsimet vitam, & membra indulgerent, cum clerici à clericorum iudicio, & potestate penderent. Secundò probat, quia clerici (regulares præsertim) raro exeunt claustra monasterij. can. placuit 2. 26. q. 1. & siue in monasterio, siue extra

delinquant, non nisi in monasterio puniuntur, ibi si opus est verberantur virgis, aut superiorum iussu flagris se cadunt, ibi carceribus addiuntur, vel tanquam incorrigibiles eiciuntur, per ea quæ notantur in cap. vniuersitatis, de sent. excom. c. fin. de regularib. transuentib. &c. c. dilectus 1. de simon. can. de lapsis 16. q. 6. Quin vidimus nostra ætate cum quorundam regularium delicta addecerba, & grauius contigissent, ut extremum supplicium mererentur, lata in eos per iudicem auctoritate Apostolica sententia capitali intra ipsa monasterij claustra, ut honestius necarentur, extremo supplicio affectos esse, id quod non sine graui, ac rationabili causa actum esse putandum est.

Clericos verò seculares magnam 4. diei partem celebrandis diuinis officiis in Ecclesia consumere palam est. Vnde potest illis Episcopus non modò in suo palatio indicare, c. qua fronte, de appellation. sed in ipsamet Ecclesia, can. capium 1. q. 2. ergo non opus habet extrahere illos de Ecclesia, ut eos iudicet, damnetque, siue ad perpetuos carceres, siue ad verbera, iuxta textum in c. sua, de penis. c. nonimus, de verbor. signific. & c. 1. de calumnia. ergo caret immunitate. Quid enim prodest immunitas illi, qui in ipsamet Ecclesia cognosci & damnari potest? Secundò probatur, quia cum clerici vitam suam optimè possint degere in Ecclesia, & suis in eadem vacare numeribus diuinorum officiorum, si ad immunitatem admitterentur quasi securi de impunitate ruerent in omne flagitiorum genus. Tertid, quia facile omnem omnino peccatam enaderent. Cum enim confugæ propter vim immunitatis non possint

possint, nisi pecusiatiter puniri, & multi clerici nihil habeant patrimonij, & beneficia valde tenuia, ut vix ad necessariam sustentationem sufficiant, regulares verò nihil omnino proprium possideant, ij omnes omnino impuniti.

5. Contrarià verò sententiam, nempe clericos omnes immunitatis ecclesiasticæ priuilegio gaudere, expresse tenet Roman. *consil.* 226. quod incipit, *specabilis domine*, ubi loquens de Presbytero capto in claustrò Ecclesiæ, quem ita certò putat secundùm iustitiam relaxandum esse, sicut certum est Deum esse, sed nimis exaggerat æquando humanā rem certitudini diuini esse increati. Subdit se in sua conscientia eū relaxaturum. & *consil.* 234. non modò tenet de iure canonico tam clericos, quàm laicos immunitatem habere, sed addit maiorem esse rationem, cur clericus in Ecclesia capi nequeat, quàm laicus. Diaz in *pract. criminal.* cap. 115. idem sentit de clericis. Io. de Vuischis in *tract. de libert. ecclesiastica*. Additionator ad Angelum in *tract. de malefic.* in v. *quod summa publica* n. 59. additione ad litteram A. Io. Maria Monticell. in *sua pract. crim. reg.* v. 2. n. 18. Archidiacon. in *can. nullus clericorum* 27. q. 4. quam sententiam, & veriorē, & communiorē, seu magis communem esse docent Clar. in *pract.* §. *fin.* q. 30. *vers. ulterius quæro*. Couart. *lib. 2. var. resol.* cap. 20. n. 16. *vers. 192. constar.* Io. Bern. in *sua pract. criminal.* cap. 115. & Farinac. t. p. *criminal.* q. 28. n. 7. Hi in omni omnino, casu clerico immunitatem concedunt, præterquam in eo quo degradatus tradendus est curiæ seculari. Probat hanc suam sententiam Roman. in illo *consil.* 234.

P. Gambac. de immunit. Eccl.

his rationibus. Prima, quoniam tã ciuilia, quàm canonica iura indistinctè de immunitate loquuntur: ergo omnes complectuntur. l. *de pretio. ff. de publi. & limilib.* Secunda, quia maior ratio est de clericis, quàm de laicis, cùm Ecclesia sit quasi domus propria clericorum, in domo autem propria nemo capi debeat. l. *plerique. ff. de in ius vocando*, & l. *nemo de domo. ff. de regul. iur.* Tertia, quia hoc priuilegium ipsi loco, non autem personis concessum est: ergo locum habet in omnibus illuc confugientibus, nisi in casu aliquo excludantur, aut inhabiles fiant. fauet huic rationi quod in simili notat Bart. in l. *fin. Cod. de testam.* & in l. *cunctos populos*, & Bald. in l. *si non speciali. Cod. de testam.* dicentes priuilegia locis concessa ad quaslibet personas ibi stantes extendi: sed præter has rationes Romani, probatur quartò, quia potest clericus delinquere extra Ecclesiā, & inde ad Ecclesiā confugere, ergo tunc debet ab Ecclesia defendi. Quintò, quoniam aliàs clericus ministerio, & seruitio Ecclesiæ ratione sui clericatus deputatus esset deterioris conditionis. Sextò, de- 8. mum, quia huic sententiæ valde fauet hæc constitutio, quam explicamus, quæ cùm in toto §. 6. de laicis ad Ecclesias confugientibus loquuta esset, & casus eorum octo ab immunitatis iure excepisset, atque in sequentibus paragraphis usque ad octauum inclusiue semper de laicis disposuisset, tandem §. nono tum de delictis ad forum ecclesiasticum pertineribus, tum de personis ecclesiasticis disponit, prohibens expresse ne curia secularis de causis, aut personis ecclesiasticis, se intromittat, nè ecclesiasti-

G g. cas

cas personas ab Ecclesiis, monasteriis, &c. etiam in casibus hac constitutione expressis extrahere, abducere, capere, carcerare, presumat. Vnde apertè habemus, sicut in glos. §. illius §. adnotauimus, solere clericos, posseque ad Ecclesias confugere, seculares & regulares omnes, cuiusvis ordinis, seu militiæ, etiam si clerici non sint. Cuius confugij mentio certè non fieret si aut non solerent confugere, ut dicebat Nauar. suprà relatus, aut confugium nihil illis prodesset, ut contendebat Panormit. Adde quòd cum soli curiæ laicæ veter, ne hos de Ecclesiis extrahat, etiam in casibus hinc expressis, videtur permittere suis ecclesiasticis superioribus in casibus, quibus non gaudent. Atque ideo post hanc constitutionem videtur mihi hæc sententia de iure certior, atque euidentior, quàm antea; siquid verò alicubi consuetudo præscripta contrarium habeat, illi standum esse censeo.

9. Addo mihi valde probabile esse, illos octo casus, qui §. 6. ab immunitate excipiuntur, ad solos laicos, non autem ad clericos pertinere, tum quoniã ipse textus illius §. ad laicos se restringit, tum quoniã sicut laici non excluduntur ab immunitate, nisi in quibusdam grauissimis delictis, in quibus merentur pœnam vltimi supplicij, ita neque clerici excludi debuere, nisi in illis casibus, in quibus secundum iuris dispositionem degradandi, & post degradationem seculari curiæ tradendi sunt, per quos extremo supplicio afficiantur. Clerici præterea non nisi ad carceres ecclesiasticos duci solent, si tuti sint, & per Episcopum de tota eorù causa cognosci, atque ideo post traditã omnẽ circa laicos formã, ac moderationẽ

vltimo tandẽ loco de clericis agit, in quibus ea moderatione opus nõ erat.

Addo eandem esse rationẽ de religiosis, licereque illis ad euadendas delictorum suorù iudiciales pœnas ad Ecclesias, monasteria, locaque sacra confugere, esseque ab Ecclesia defendendos. Probatur iisdem omnino rationibus, quibus de clericis secularibus probatum est. Sed quoniam huiusmodi casus per Dei misericordiã in personis regularibus valde rarò contingunt; ideo ipsimet, si quando delinquant, ne cogitant quidẽ de fuga ad Ecclesiã, vel monasteriũ, atque ideo vix certè aliquid de consuetudine in hac materia dici potest. Existimo autẽ non satis esse consuetudinem, qua probetur eos nõ solere ad Ecclesias cõfugere, ut propterea immunitate cateant, sicut nil valeret, si id probaretur de laicis, nõ enim propterea quòd nullus laicus per multos annos ad Ecclesiam confugit, ideo mihi nõ proderit si voluero confugere, sed probare necesse est consuetudinẽ qua clerici, seu regulares ad Ecclesiã confugientes, nunquã in ea ad immunitatẽ admissi sunt. Vnde illi regulares qui nostra ætate in hac vrbe per iudicẽ ab Apostolica sede delegatum ad mortẽ damnati, extremoque supplicio affecti sunt, potuissent ad Ecclesiam confugere, atque ab ipsomet monasterio defendi, si id petuissent, & priuilegio immunitatis vitam, ac membra impetrare, cum commisissent simplex adulterium, & homicidiũ, pro quibus ne laicis quidẽ immunitas negatur, nec clericus pœnã degradationis, ac traditionis curiæ seculari meretur, cum deesset incorrigibilitas, & semel tantum deliquissent, & delictum extra Ecclesiam, locaque immunia commissum esset. Diui-

nam

nam precor maiestatem, vt dextera suæ potentia præueniat clericos, tã seculares, quàm regulares, setuēt- que ab omni delictorũ genere sanctos, pios, omnique virtutis genere præstantes, si tamen aliquando per humanam conditionē, siue fragilitate, siue malitia labantur, moneo atque horror, vt hæc remedia tentent, eaque ad praxim deducant.

11. Difficultas verò non leuis adhuc superest de regularibus delinquentibus in propriis Ecclesiis, vel monasteriis, de quibus valde dubiũ est, an teneantur lege *cap. fin. de immunit. Ecclesia*. si enim textũ tantũ illius *cap.* amplè intelligamus, vt delinquens in ipso loco immunitatis careat immunitatis priuilegio; quã rarissimè religiosi ad immunitatem admittentur, quia raro exeunt, vel certè exire debent de monasterio, sed cùm textus sit odiosus, vtpote ab immunitate excludens, & se restringat ad Ecclesias, & cœmeteria, ad quæ etiã se restringit præsens cõstitutio in §. 6. probabile mihi est in illis solis delictis grauib, quæ in Ecclesiis, vel cœmeteriis committuntur, ablatam esse immunitatem. Cùm præsertim textus vtrique loquantur de homicidiis, & membrorũ mutilationibus, quibus tam Ecclesia, quàm cœmeterium polluitur, egentque reconciliatione. Siquis verò hæc ipsa, seu alia graua delicta committat, in aliis immunibus locis, monasteriis, domibus, &c. nõ carebit immunitate, quoniã in dictis
13. canonibus non est expressum. Neque verò valet, si dicas, sicut textus loquentes de homicidiis, & membrorum mutilationibus, quibus Ecclesia polluitur, extenduntur ad omne aliud delicti genus, ita cũ loquantur de Ecclesiis & cœmete-

riis extendi debent ad alia immunitia loca. Respondeo disparem esse rationem: nam prior extensio facta per communem sensum Doctõrum vsu recepta est, aut propter consuetudinem per Doctores probata fuit; posteriorem extensionem neque Doctores, neque populi mores fecerunt. & quoad Ecclesias, & cœmeteria duos casus aperta iura exceperunt, quoad alia immunitia loca nullum: vt propterea quoad Ecclesias, vna tantũ extensio facta sit, à casibus expressis ad alios casus; quoad alia loca duplici extensione opus esset, vna ab Ecclesia, & cœmeterio ad alia loca, alia à nullo casu ad omnes casus. Ideo minus decet hanc posteriorem extensionem facere, quàm illam priorem.

Demum addo, hæc omnia, quæ dicta sunt de religiosorum immunitate, videri probabiliter limitanda ad eos casus, in quibus superior procederet contra eos in foro iudiciali ad vltices pœnas canonum, non autem quando procederet in foro paterno ad pœnitentias salutare. Ad has enim videtur religiosus teneri ex vi sui status, ex qua ad perfectionem (cuius religio schola est) tendere tenetur, & mortificandis passionibus vacare, & pœnitentia operam dare, & spiritualibus exercitiis sese exercere. Vnde in ordinariis defectibus ad euadendas huiusmodi salutare pœnitentias ad Ecclesiam confugere esset religionis vniuersum statũ peruertere. Imò cùm in *c. inter alia* immunitas Ecclesiæ solũ impetrat vitã & membra, & pœnæ grauis remissionem, consequens est, non modò religiosos, sed ne seculares clericos per immunitatem euadere leuiotes pœnas etiã in foro

iudiciali : sicut suo loco dicitur etiam de laicis.

15. Ad primam Panormitani rationem respondeo, clericis, ac religionis utroque iure immunitatem tributam, civili & canonico. Nam civile indistinctè loquens canonico indistinctè receptum est. Illud autè quod addit de impetranda vita, & membris, ad clericos Ecclesiarum dicitur, ad quas Ecclesias rei confugiunt. His enim mandat, non prelati, ut vitam & membra reo impetrent. Hæc autem impetratio tam apud laicum, quàm apud ecclesiasticum iudicem fieri potest, prout confugæ qualitas, & delicti ratio postulat.

16. Ad secundam respondet Romanus consil. 134. dicens esse trusam, cum manifestò constet, & oculis cernamus, clericos, præsertim nostra ætate, alibi quàm in Ecclesia degere, ex immenso enim numero clericorum secularium vix paucissimis diebus non festis diuinis celebrandis intersunt. Quòd autem intra palatium Episcopi de eorum causis cognoscatur, interrogentur si opus sit condemnatiuam sententiam accipiant, id non est quoniam immunitate careant, sed quòd non veniunt illuc liberi, sed sub potestate, ut inquit Romanus; multi enim volunt, ut quis gaudeat immunitate necesse esse, ut ad locum immunitatis veniat liber, & non sub potestate, licet id nobis parum probeatur. Secundò dici potest ita consuetudine introductū esse, ut in palatio Episcopi rei in causa ad Episcopum pertimente immunitatē nō habeant saltē, si illuc conveniant liberi, sed sub potestate, ut ibi iudicentur, ne aut exire de suo palatio Episcopus cogatur ad iudicia ecclesiastica e-

xercēda, aut occasione immunitatis sui palatii omnis causa spiritalis iniudicata relinquatur.

Ad tertiam patet per textū in c. inter alia, confugientes ad Ecclesias posse, aliter etiam quàm pecuniariter puniri, dummodo non sit gravis pœna corporis afflictiva, ut dicitur infra.

*Quæ personarum genera, & propter quas causas ad Ecclesias confugiendo ab eis defendantur.*

#### CAPVT XII.

UT nostræ Ecclesiæ asylis succedere, ita multa quæ ad eorum immunitatem pertinent ex asylis petenda sunt. Ac præter illud Theſei asylum, quod totis miserabilibus personis patebat, atque illud asylum quod ad Canopiū Nilii ostium positum erat, in quo serui libertatem consequiebantur, cæteris asylis commune erat tria hominum genera receptare, seruos, obæratos, & criminum reos, quos à Tacito enumeratos lib. 3. *suorum annalium* Iustus Lipsius super eundē Taciti locū obseruat. Complebantur, inquit Tacitus, templa pessimis seruitiorū, eodē subsidio obæratī aduersum creditores, suspectique capitalium criminum receptabantur.

Hinc etiā apparet triplex confugij causa. Serui enim idcirco confugiunt, ut pœnarum remissionem ab offensis dominis impetrēt, quas metuebant. Obæratī, ne propter res alienum carceres, vel aliquid aliud in persona paterentur suspecti, siue rei capitalium criminum, ut commeritis pro delictis capitalibus pœnas euaderent. Ita nos tam civili, quàm canonico iure hæc eadē personarum genera ad Ecclesias nostras

nostras admittimus, ac tuemur. Ci-  
uili quidem iure nihil expressum  
est in specie, nisi de obæratæ, sed  
solum prima lege prohibitum, ne  
quis extrahere præsumat confugi-  
entes ad Ecclesias, secunda leges pa-  
tia declarata confugij, tertia de ob-  
æratæ loquens modum contra eos  
procedendi præscribit. Non expri-  
munt autem quæ genera personarum  
confugere possint, quia hæc ex  
asylis supponunt.

3. De singulis habemus expressos  
textus iure canonico. De seruis qui-  
dem *can. nullus clericorum*, *can. si quis*  
*contumax*, *can. metuentes*, *can. vxor*  
*felucis*, & *can. id constituimus* 17. q. 4.  
& c. inter alia, de immunit. Eccles.  
De obæratæ verò lex illa ciuilis  
tertia, quæ incipit *Presenti. Cod. de*  
*his qui ad Eccles. confug.* De reis de-  
mum criminum, *can. reum*, & *can. id*  
*constituimus* 17. q. 4. & c. inter alia, de  
immunit. Eccles.

4. Præter hæc tria genera expri-  
muntur in iure canonico, etiam  
discipuli confugientes ad Eccle-  
siam. *can. nullus clericorum* 17. q. 4.  
vbi clericis prohibetur, ne discipu-  
lum ad Ecclesiam confugientem  
verberare præsumant, & pœna sta-  
uitur in transgressores. Et licet  
solum clericos exprimat in hac pro-  
hibitione, tamen valde probabile  
est, eam ad omnes ludimagistros  
pertinere; solos autem clericos ex-  
pressit, quia fortasse soli, vel ma-  
gna ex parte ludimagistri clerici  
tunc erant. Imò valde mihi proba-  
bilem est idem habere locum non  
modò in ludimagistris, qui literas  
docent, sed in omnibus opificibus,  
qui artem, quam profitentur, etiam  
aliquos iuvenes docent, si discipu-  
lus artis metu domini, ac magistri  
ad Ecclesiam confugiat. Imò idem

statuendum iudicium de parenti-  
bus erga filios, & de patribus fami-  
lias erga famulos, & familiam vni-  
uersam, si quis ex familia metu do-  
mini ac patrisfamilias confugiat ad  
Ecclesiam. Demum quisquis ali-  
quid sibi ab alio timet, potest ad  
Ecclesiam confugere, & in ea reci-  
piendus ac defendendus est, vt ma-  
lum illud quod ab homine timet, e-  
uadat; quamuis enim tria illa per-  
sonarum genera celebriora suo co-  
fugio fecerint asyla, eademque tria  
vsque modò confugere soleant, ser-  
ui quidem, quoniam & ipsi sunt na-  
tura sua timidiore, & grauius so-  
lent à dominis puniri, obæratæ pro-  
pter illum metum, ne carceribus  
addicti ibi cogantur, vel diu, vel  
per totam vitam in summa viuere  
miseria, rei capitalium criminum  
propter graues capitis, ac membro-  
rum pœnas iure decretas: omnes ta-  
men propter quodlibet euadendū  
malum confugientes ad Ecclesias  
esse ab ea recipiendos, ac defenden-  
dos, apertè ex ciuili & canonico iu-  
re constat. Nam in l. *fideli*, *Cod. de his*  
*qui ad Eccles. confug.* vniuersè sta-  
uitur nemini licere confugientes  
ad sacrosanctas Ecclesias abducere,  
neque ad vllum restringitur, aut  
personarum, aut causæ genus; ergo  
quicumque, quacunque ex causa  
confugiant, extrahi prohibentur, &  
*can. eos qui d. 87.* æquè vniuersè idē  
decernitur, eos qui ad Ecclesias  
confugiunt, tradi non oportere.  
& *can. frater*, & *can. definit*, ne-  
minem abstrahere confugientes ad  
Ecclesiam, & *can. sicut antiquitus*,  
pœnam statuit, in eum qui per-  
sonam hominis abstraxerit de Ec-  
clesia, non seruum, non reum, non  
obæratum exprimit, personam ho-  
minis dicendo, vniuersalius loqui

intendit, & *can. miror* Augustinus reprehendit quendam, quod hominem de Ecclesia rapuerit, non exprimens cuius generis homo ille fuerit, aut qualitatis. & *can. metuentes*, de famulis fit expressa mentio, & *can. frater* de curiali: ergo quisquis illuc confugit, pro eo intercedunt clerici; & ab eo qui persequitur, in leuioribus poenam impetrant; in capitalibus verò delictis vitam, & membra.

6. Neque verò hoc nouum est, aut à Christianis in nostras Ecclesias introductum. Fuit idem in asyris ac statuis mos apud gentes, vt *lib. 1. cap. 14.* tetigimus. Atque adeò visitatum id fuit, vt in grauem aliquando abusum cesserit, pessimus enim quisque vt in aliquem probum & honestum ciuem inuidiam concitaret, eumque ex oculis aliis redderet, confugiebat ad aliquod asylum, iactans in vulgus, sc, quòd ab illo sibi timeret, ad asylum confugere compulsum esse, id quod deplorat Tacitus *lib. 3. annal.* dicens, incedebat deterrimo cuique licentia impune proba, & inuidiam in bonos excitandi, vt ostensum est à nobis *cod. 1. lib. c. 15.*

7. Hoc loco supponendum est quod notat gl. in *can. nullus clericorum, in v. flagellare*. licet magistris discipulos, parentibus filios, Episcopis clericos castigare, moderatè tamen, de qua moderatione, & patris ad moderatè verberandum filium potestate ita scribit Augustinus ad Marcellinum Comitem; Imple Christiane iudex pij patris officium, sic succense, vt consulere humanitati meminetis, nec in peccatorum atrocitatibus vl-ciscendi libidinem, sed peccatorum vulnerebus curandi adhibe voluntatem, deum punitionem parentum in filios, magistrorum in discipulos,

Episcoporum in clericos in verborum flagellatione constituit: sic licet etiam marito moderatè aliquando castigare vxorem *can. duo ista 23. q. 4.* Immoderatè verò corrigere nullus debet. *l. sed & si, in fin. & l. seq. ff. ad legem Aquil. & Liem quaritur. ff. locati.* Hoc autem supponendum fuit, vt intelligamus, licere cuique prædictorum subditorum ad vitandam hanc disciplinam, licet moderatè, confugere ad Ecclesiam, & per eam debere veniam impetrare.

De seruis ad Ecclesias confugientibus, vt obtineant à dominis immunitatem.

### CAPVT XIII.

OPTANDA est in temporalibus dominis Christianis benignitas, & mansuetudo erga miseros seruos; satis enim duram miseriam patiuntur ipsa seruitute, ac naturalis libertatis priuatione, cuius miserie grauitatem capere nò potest, nisi qui eam expertus sit, non eam requiro benignitatè, vt nunquam puniantur, sed solùm, vt benignè tractentur, & si quando puniendi sunt mansuetudine rigor temperetur, nò adeò cogerentur serui ad Ecclesias confugere; moderatas enim poenas cum mansuetudine inflictas patienter plerumque tolerarent. Dominorum furori medendum, & seruorum miserie succurrendum immunitatis iure tam supremi principes, quàm supremi Pontifices statuerunt, vt hac ratione eorum miseria contra dominorum crudelitatem subleuaretur. Quæcunque autem hoc loco de seruis dicemus, de seruis Christianis

stianis intelligenda sunt. Infideles enim ad immunitatem non admittuntur, neque liberi, neque serui, sicut dictum est in cap. 7. Imperatores ergo Christiani in l. presenti. §. clem autem, vers. sanè si seruus, Cod. de his qui ad Eccles. confug. seruos ad immunitatem Ecclesiarum admittunt, & ne extrahantur, decernunt. Iure autem canonico primùm statuta est pœna in clericos, qui seruos ad Ecclesiam confugientes extrahere, aut flagellare præsumunt, vt ab illa Ecclesia separentur, sicut habetur in can. nullus clericorum, de qua pœna quomodo intelligenda sit diximus supra lib. 3. c. 10. n. 10. Secundò in can. si quis contumax 17. q. 4. Quisquis seruum non modò de Ecclesia, sed de Ecclesiæ atrio porticibusve adherentibus extrahit, & contumax vocatur, & superbus, & timore Dei carens, & sanctarum Ecclesiarum reuerentia: & nongentos solidos, id est, seutos Episcopo soluere, & pœnitentiam publicam agere iubetur, & arbitriam subire pœnam Episcopi iudicio. De quibus pœnis illud breuiter monco, magnam earum patrem, ne dicam omnes, in de-

3. suetudinem abiisse. Hanc immunitatis occasionem serui non ea qua par erat humilitate gratiarum actione accipere, sed ea per impudentiam abusi detrectare cœperunt, ad dominorum redire seruitia, etiamsi illi impunitatis sacramenta clericis, ad quorum Ecclesiam confugerant, præstarent, & iustas huius rei causas prætere, vt secundo loco necesse fuerit sacris canonibus huic malo medicinam adhibere. Nā can. metuentes, & can. id constituimus, 17. q. 4. statutum est seruos statim atque domini impunitatis sacramenta clericis Ecclesiarum præstiterint,

ad suos dominos redire, quòd si etiā post præstita ab eis sacramenta recusauerint, inuitos illis reddi, vel ab ipsis dominis occupari. id est, per vim extrahi, vt habetur in can. id constituimus. Tertio loco in can. uxor, eadem causa & quest. statutum est seruos si iactauerint se bonas habere causas, propter quas etiam post præstita sacramenta ad dominos redire recusent, tunc siquidem probent sufficienter ea quæ iactauerunt, nihil asperum fieri permittendum: si verò in probatione defecerint, sibi met imputant, quòd ab Ecclesia destituantur, & congruè dominorum inordinationi subiaccere permittantur, vt nepe ab eis moderatè puniantur. Quarto quoniam posset faciliè contingere, vt dominus vel ira percitus, vel zelo ductus, posteaquam seruum datis impunitatis sacramentis obtinuit, nulla habita sacramentorum ratione, illū nihilominus verberaret, seruorum fauore statutū est. in can. id constituimus, siquid pœnæ pro eadē culpa probetur pertulisse, dominū, qui pœnā intulit, pro cōtēptu Ecclesiæ, cui iurauit, ac fidei iuratæ præuaricatione à cōuiuio & communione catholicorum separari, id est, excommunicari.

6. Aduertendum hoc loco optima ratione statutum esse, seruos ad Ecclesiam confugientes, vbi eorum domini præstiterint sacramenta impunitatis, restitui dominis, etiam inuitos, ac reluctantes; secus enim serui etiamsi nihil à dominis metuerent, vt se eximerent seruitute, fingentes se aliquid à suis dominis timere, confugerent ad Ecclesias, quòd fieret vt eorum domini contra iustitiam, & per meram calumniam debitis eorum seruitiis fundarentur. quod est à sine ecclesiasticæ immu



inur. unitatis alienum; immunitatis enim illud solum intendit miseris obtinere remissionem pœnarum.

7. Secundò aduertendù ex doctrina Cyni in *l. præfenti*, de his qui ad Eccles. confug. & Panormit. in *c. inter alia*, de immunit. Eccles. seruos ad Ecclesiam confugientes duplicem posse habere metum dominorum. Vnum quidem leuem, quo metuntur pœnas ordinarias, quas domini communiter solent seruis infligere, propter illorum errata, verberationes virgarum, vel ferulæ, vel neruorum, in quibus nullum est, aut vitæ, aut membrorum, aut grauioris alicuius damni periculum, & hoc casu subuenitur illi satis idoneè per Ecclesiæ immunitatem. Quo eodè præsidio subuenitur eisdè si ex quadam animi leuitate timentes solum aliquam domini reprehensionem ad Ecclesiam confugerent. Imò addo valde mihi probabile esse, si seruus ex hac leui causâ nimis frequenter confugeret ad Ecclesiam, ita vt singulis penè hebdomadis id faceret, & clerici Ecclesiarum cognoscerent domini virtutem, atque animi moderationem, ita vt vix leuem verberationem esset adhibiturus, posteaquam pro illo, ter, quater, quinquies intra paucos (vt dixi) dies intercessissent, non teneri illum amplius ad immunitatem recipere, sed posse eum excludere, atque ad dominum remittere. Non enim debet abuti Ecclesiæ pietate, aut clericos Ecclesiarum impetrandis illi sacramentis fidelitatis, continenter occupare, & sua illa leuitate vexare.

8. Alium dominorum metum possunt habere serui grauem & cadentem in vitum constantem, cum tanta est in domino acerbitas, crudelitas, sæuitia, vt timeant mortem,

mutilationem, verberationem valde crudelem, quòd, v. g. soleat euaginato gladio, graui fuste, vel baculo illos inuadere, & percutere in facie, in capite, in brachio, cæca quadam ira, ac furore: quo casu non succutitur seruis hoc immunitatis præsidio, vt acceptis à domino impunitatis sacramentis, ei restituantur, sed alio efficaciore, vt cogatur dominus illum vendere, sicut ciuilia iura disponunt, *Institut. de his qui sunt sui vel alieni iuris* §. 1. vbi etiã ratio affertur, quoniam expedit reipublicæ neminem abuti re sua. Cui aliã addo rationem, quoniam dominus non habet dominium in vitam serui, vt eam possit illi eripere, sed solum in personam, vt eius opera rationabiliter vtatur.

Quòd si iam non domini, sed iudicis timore, propter aliquod admissum graue scelus, ad Ecclesiam confugiat, furtum, homicidium, &c. siue vnà cum iudice etiam dominum metuat, quòd ipsum læserit, siue solum iudicem, quòd in delinquendo rem gratam domino fecerit, iam defendendus erit ab Ecclesiâ, non eo modo, quo de seruis dictum est, vt eum reddat domino, acceptis impunitatis sacramentis, sed eo modo quo de reis criminum dictum est, vt etiam si dominus eum repetat, & impunitatem iuret, nisi iudex vitam ac membra concedat, restituendus non sit. Id quod de seruis iam Christianis intelligendum est. Infideles enim ad immunitatem non admittuntur, vt suprà.

*An aliquo casu seruus ad Ecclesiam confugiens obtineat. libertatem.*

C A P. V T. XIV.

Illud

1. **I**L L V D initio constitutum sit ex ipsa immunitatis vi, legitimos Christianorum seruos, neque ciuili, neque canonico iure libertatem consequi, cum iura omnia clament eos suis dominis esse, acceptis ab eis impunitatis sacramentis, restituendos. Dixi *legitimos*, quoniam si iniuste sunt in seruitutem radditi, sunt ab Ecclesie clericis dirigendi, ac iuuandi ad libertatem consequendū. Dixi *Christianorum*, ad differentiam seruorum, Iudæorum, aut Saracenorum, vel aliorum infidelium, qui si Christiani sint, ad libertatem ab Ecclesia, ad quam confugiunt, reuocandi sunt, iuxta formulā hoc cap. dicendam; propter istos enim presēs capitulū à nobis institutū est.

2. De seruis Iudæorum, id est, de iis quos Iudæi ad sibi seruiendum applicarunt, illud in primis certum est, iure canonico, si Christiani sint, libertate donandos esse, nullo persoluto eis pretio. Habetur expressè in *can. si quilibet*, d. 54. & *c. multorum*, de Iudæis & Saracenis. Ita si Iudæus Christianum mancipiū emat ad seruiendum sibi, etiam libertas ei debetur. *can. mancipia*, eod. d. 54. vbi Greg. libertino præfesto Siciliæ scribit, ut quæcunque mancipia Christiana Iudæum comparasse patuerit, ad libertatem, iuxta legum præcepta, sine omni ambiguitate perducatur. Vbi gl. in v. *perducite*, explicat: Perducite, id est, perductos ostendite, quia statim liber est. *c. multorum*, vbi suprā.

3. Sed & de infidelibus Iudæorum seruis ad seruiendum emptis, siue Iudæi sint, siue cuiuslibet sectæ infideles, si ad Christi fidem conuertantur, vel conuerti desiderent, posteaque eorum voluntas fuerit patefacta, non possunt sub quolibet ingenio,

P. Gambac. de immunit. Eccl.

vel argumento vendi, sed in libertatem modis omnibus vendicandi sunt. *can. fraternitatem*, *can. si quilibet*. & *can. & si Iudæorum* d. 54. & *c. nulli*, de Iudæis & Saracenis. vbi expressè statuitur, nulli Iudæo licere baptizatum, vel baptizari volentē in suo seruitio retinere, & in *can. fraternitatem* dicitur, ut in libertatē modis omnibus vendicetur, & in *can. si quilibet*, dicitur, sine vllō Christianorum pauperum danino, id est, nullo persoluto per pauperes Christianos pretio in libertatem modis omnibus defendatur ab Ecclesia ad quam confugerit. Quibus constat, neque Christianos, neque eos qui Christiani fieri volunt, seruos esse posse Iudæorum, imò liberos esse debere, nullo persoluto pretio. 4. Causa autem, cur sacri canones nolint Iudæos habere mancipia Christiana, affertur partim in *can. presenti*, d. 54. & *c. presenti*, eod. tit. quia nefas est quem Christus Dominus sanguinis sui effusione redemit, blasphemum Christianæ religionis in seruitutis vinculis detinere, & *can. mancipia*, vbi suprā, aliquid aliud additur, ne Christiana religio Iudæis subdita polluat, & multo clariùs in *c. ad hac*, de Iudæis & Saracenis. quia Iudæi ob assiduam familiaritatem, ad suam superstitionem, & perfidiam simplicium animos inclinent, & *c. & si Iudæos*, iis qui Iudæis benefaciunt, eam retributionem allaturi dicuntur, quam retribuere solet mus in pera, serpens in gremio, & ignis in sinu. ex quibus constat præterquam quoddam indignum est Christianos Iudæis seruire, esse etiā periculosum, & periculum asferre fidei catholicæ ipsius seruis.

De iis modò videndam est, quos Iudæi non emunt tanquā seruos ad

H h. seruiend.

seruiendum sibi, sed solum mer-  
cimonij gratia. De his distinguendum  
est. Aut enim quando empti sunt à  
Iudæis causa mercimonij, erant in-  
fideles, aut Christiani: si tunc erant  
infideles, aut posteaquam ad terras  
Christianorum translati sunt, pe-  
tunt fieri Christiani, aut non: si pe-  
tunt, est casus expressus in *c. fraterni-  
tatem d. 54.* cum Iudæi qui habi-  
tabant Neapoli in extraneis finibus  
emerunt Iudæos, vel paganos mer-  
cimonij causa, quos Neapolim trā-  
stulerant. hi volebant fieri Chri-  
stiani: statuit ergo de his Gregor.  
Papa *loco cit.* intra tres menses ven-  
ales exponi, & quicumque Christianus  
persoluro pro eis pretio liber-  
rāt eos de potestate Iudæi. quod  
protium in *c. nulli, de Iude. ac Sarac.*  
limitatur ad duodecim solidos, &  
pœna statuitur si intra tres menses  
non exponat venalē, nec ipse post-  
ea vendere, nec alius Christianus  
emere possit eundem, sed nullo da-  
to pretio libertatem consequatur,  
quia tunc non ad vendendū, sed ad  
seruiendum dicitur, seu præsumitur  
emisse. *d. c. fraternitatem d. 54. & c.*

6. *nulli, de Iudeis & Sarac.* Dubium est  
an Iudæus possit mercimonij causa  
emere Christianos iam baptizatos,  
ita ut possit postea illos venales ex-  
ponere, & pretium pro eis recipere.  
Nam pro parte negativa facit, quod  
baptizati etiam Christiani qui e-  
muntur à Iudæis, sunt liberandi  
absque vlllo pretio. *can. mancipia*, v-  
bi dicitur: Mancipia Christiana, quæ  
Iudæum comparsse patuerit, ad li-  
bertatē sine omni ambiguitate per-  
ducite. Sed contrā facit primò text.  
*in c. præsentī, & can. præsentī*, vbi suprā,  
vbi dicitur datis pro quolibet bono  
mancipio duodecim solidis, ipsum  
mācipium quicumque Christianus  
licentiā habeat redimendi. Hoc nō

potest intelligi de mācipiis emptis  
à Iudæo ad seruiendum sibi, quoniā  
ij nullo persoluto pretio liberātur:  
ergo vt aliquid disponat, debet in-  
telligi de emptis causa mercimonij.  
fauer, quia taxat idē pretium duo-  
decim solidorum, quod erat taxatū  
de infidelibus emptis causa merci-  
monij, qui ad fidē conuerti volunt.  
ipsa demum ratio fauet eidem sen-  
tentia. Non enim Christianus Iu-  
dæo seruit hoc casu, id quod cano-  
nes tantum horrent, cum emptus  
sit causa mercimonij, & cum eum  
detinere nequeat in seruitute, non  
subest vllum fidei periculum. Vtile  
præterea est Christianis, seruos  
Christianos emi à Iudæis causa  
mercimonij, quoniā emptos in infi-  
delium terris, ad Christianorū ter-  
ras trāsferunt, quod Christiani per  
se facere non semper, nō facilē pos-  
sunt. Pretiū denique duodecim soli-  
dorum pro quolibet bono mācipio  
non est nimis altū, aut arduū: ergo  
de his addo non esse expectandum,  
vt intra tres menses Iudæus illos  
venales exponat, quia textus d.c.  
non id poscit, sed possunt statim à  
Christianis redimi pro duodecim  
solidis. Hæc ex ipso iure petita sunt.

Notandum primò ex gl. in *c. nul- 7.*  
*li, de Iude. in v. si autem intra tres men-  
ses.* Ecclesiam fauore fidei priuare  
Iudæum suo seruo Christiano, si e-  
nim Christianus dominus ex ser-  
uo Iudæo fidei damna timere debet,  
*c. & si Iudæos, de Iudeis & Saracen.*  
quid non timendum est Christiano  
mancipio, si Iudæo domino seruiat?  
vbi præter conuersationē, potestas  
adest illum malè tractandi.

Aduertendum secundò ex eadem 8.  
gl. si Iudæus intra tres menses non  
exponat venalem Christianum, vel  
volentem fieri Christianum illum,  
quem negotiationis causa emis-  
se

præ

præstendit esse contra eum præsumptionem, & de iure, quod nõ ad negotiandum, sed ad sibi seruiendum emerit, cõtra cuiusmodi genus præsumptionis, nullam probationem admitti, iam aliàs dictum est. Vnde in *c. nulli*, hæc duo tanquã opposita, & quæ simul esse nequeant, sub distinctione posita sunt, si intra tres menses venalem non exposuerit, vel ad sibi seruiendum emerit, quasi hoc ipso, quod venalem non exponit, ad seruiendum emisse præsumatur.

9. Notandum tertio in seruis mercimonij causa emptis, vt eos pretio redimi necesse sit, vnam conditionem requiri, in *can. fraternitatẽ*, cuius nulla mentio fit in *c. nulli*, vt Iudæus nempe de extetnis finibus eos emerit. Imò ampliùs seruos dicit numero multitudinis, cùm in *c. nulli*, singulari numero seruus exprimat. quæ duo valde rationabiliter ponuntur tanquam negociationis apertissima indicia. Difficile enim est quæpiam vno emendo seruo negociationem intendere, in qua valde exiguum luctum intercederet, eoque emendo eodem ipso in loco, in quo illum vedit; vix enim maiori pretio vendet, quàm emerit, intra exiguũ, præsertim trium mensium spatium. Vnde si vnũ emat, eodẽque loco emat, vbi venditurus est, præsumptio est quod ad sibi seruiendum, non ad negotiandum emerit. Verũ quoniã hæc præsumptio nõ est vehemens, nec iuris, aut de iure, neque in textu ea verba per modum conditionis posita sunt, sed per modum narrationis, si Iudæus intra tres menses venalem seruum exponat, purgatur hæc præsumptio cõtrario facto: & ante elapsos tres menses aliter, quã persoluto pretio, de eius manibus auferri non potest; satis est enim

quod verè quis potest negociationis causa vnũ seruum emere, in eodẽ loco vendendum, qui si negociari nesciat, illi imputetur, si paruo lucro contentus sit, nemini nocet, vbi maiora lucra cessant, minora contemnenda non sunt. Adde quod potest aliquãdo ex qualitate personæ quã emit, vendendo multũ lucrari.

Dubiũ est ex quo die numerandi sint tres isti menses, multũ enim cõfert seruo volenti ad fidẽ conuerti, rectè numerari. Io. Andr. in *c. nulli*, de *Iuda. & Saracen.* putat numerandos ex ea die, qua seruus mercimonij causa emptus declarat se velle fieri Christianũ, quã sententiã Panorm. eodem loco æquam esse facit. Sed nobis post Panormit. verior videtur sententia Hostiensis numerãtis à die emptionis serui, vt hinc appareat negociationis causa emissẽ seruum, si intra tres menses à die emtionis illum venalẽ exponat; si verò diutius in suo seruitio retineat, non exponendo venalem, ad seruiẽdum emissẽ credatur. & probatur, quia aliàs daretur locus fraudi, neque vllus vnquam seruus volens ad fidẽ cõuolare, sine pretio libertatẽ consequeretur. Quamuis enim emptus esset ad seruiendũ, & per tres, quatuor, aut decem annos in seruitute vixisset, si postea velit fieri Christianus, præstendit Iudæus mercimonij causa esse à se emptũ, ac per tres menses expectandũ, vt venalẽ exponat, & accepto pretio dimittat, qui tamen eo ipso, quod ad seruiendum emptus erat, quod præsumitur præsumptione iuris, & de iure, quia intra tres menses venalis exposirus non est, sine vllò pretio, in libertatem vendicandus erat. Probat. secundò hæc sententia, quia isti tres menses non assignan-

tur ad explorandam voluntatem, qua vult fieri Christianus, cum nulla de hoc mentio fiat, & seruus ad seruendum emptus, statim atque hanc voluntatem declarat, eripitur Iudæo, sed solum assignantur ad explorandum, an negotiationis causa emerit; qui enim seruum negotiationis causa emit, vel statim venalem exponit, vel intra aliquod breue tempus, sicut exponi solent merces. Hoc tempus iure limitatum est ad tres menses in seruorum negotiatione.

11. Secundò dubium est de valore huiusmodi solidorum, qui duodecim pro quolibet bono mancipio solui iubentur. gl. in d. c. nulli, in v. duodecim solidis, putat intelligendum de illa moneta, quæ est in vlu in loco illo, vbi factum contingit. arg. l. tribus nummis, & l. si seruus pluriū. §. si numerus. ff. de leg. Panormit. in c. presenti, de Iudæ. & Sarac. n. 2. putat intelligendum de solidis aureis secundum consuetudinem loci, non autem de argenteis, quod mihi probatur.

12. Tertium est dubium, an intelligendum sit de solidis aureis, iuxta antiquam monetam, an verò de solidis aureis vsualibus nostrorum temporum. Mouet hanc dubitationem Panormit. loco citato, neque tamen in alterutram partem quicquā decernit: est autem differentia non parua inter nostram, & antiquam monetam auri, erat enim solidus auri tertius ferè parte maior hoc nostro: nam libra auri sepruaginta duos solidos habebat, vt est text. in l. quotiescunque, Cod. de susceptoribus, prepositis, & arcariis. nostræ autem præsentis temporis monetæ nonaginta sex solidos habet. Extant hodie quidam illius temporis solidi

signati S. Helenæ imagine, eius, vt dixi, ponderis. Probabile mihi valde est debere, vt minimū, intelligi de solidis anrique illius monete, ad cuius duodecim complendos solidos auri, sexdecim nostræ monetæ auri numerandi sunt. Imò addo mihi 13. valde probabile esse cum vsque adeo aucta sint omnium rerum pretia, etiam seruorum, & cum illie duodecim solidi statui sint pro quolibet bono mancipio, nunc soluendū esse pretium aliquod honestū, saltem infimum, cum præsertim in can. fraternitatem d. 54. nullum sit certum pretium assignatum.

Quartum dubiū, an hæc omnia, 14. quæ de Iudæis erga seruos Christianos, vel volentes fieri Christianos, dicta sunt, locum habeant in Saracenis, eorumque seruis. gl. in c. nulli, in v. causa mercimonij, de Iudæ. eandem putat esse rationem Iudæi, ac Pagani, dicens neutrum fraudari ex toto, sed solum parte pretij, si seruum intra tres menses venale exponat. fauet huic sententiæ ratio text. in c. presenti. quoniam æquè in vtrisque verificaretur quem Christus sanguinis sui effusione redemit, per blasphemū Christianæ religionis captiuitatis vinculis detineri; vterque enim est blasphemus Christianæ religionis. Faut & text. in c. Iudæi, eodem tit. vbi æquè Iudæis ac Saracenis, prohibitū est, ne Christiana mancipia pro qualibet causa in domibus suis permittantur habere. Contrà verò dici potest nō tantum esse apud Paganos Christiano mancipio fidei periculum, quantum apud Iudæos propter inueteratum odium quod gerunt in pectore Iudæi contra Christum, ac sacratissimam eius religionem, quod non est tantum in Paganis. Sed nihilomi

hilominus respondeo favore fidei probabiliorē esse sententiā glossæ, & quoad liberandos de eorum seruitute Christianos saltem aliquo persoluto pretio, necessariam valde etiā probabilē, quoad Christianos emptos ad seruiendum, etiā sine vllō pretio liberari debere. Pretium pro iis solis qui negociationis causā empti sint persoluendū.

15. Quintum dubium, quid si, cū Iudæus intra tres mēses venales exposuerit, nullus apparuerit emptor Christianus, qui duodecim illos solidos soluat; aut plures emptores simul cōcurrāt? Respondet gl. in c. præteriti in v. seruitiū, in priore casu, nihilominus debere esse liberum, dummodo ostiat mendicando quærat pretium, quod Iudæo persoluat. ff. de manumiss. l. 4. §. suis autem. aut pro pretio operas præstet, vt ibidē dicitur, idque per quinque annos. Cod. de capt. l. ult. Sed quoniam hoc casu pretium taxatum est duodecim solidorum, durum mihi videtur pro duodecim solidis operas annorum quinque impendere, vix enim vno anno opus esset ad lucrandos solidos duodecim, vnde arbitrium putandum est, quantum pro qualitate operarū iudicabitur, fore satis ad lucrandum pretium. In posteriore casu ait gl. locum esse gratificationi, vt Iudæus illum ei vendat, cui sibi magis libet, vel cui vult gratificari, neque verò potest augere pretiū concursus emptorū, sicut in aliis emptionibus fieri solet.

16. Sextum, quid si Iudæus cū intra tres mēses venalem non exposuerit, nihilominus post illos elapsos, eū de facto vedit alicui Christiano? Respondet gl. emptionem esse nullam atque inuālidam, ac si Christianus scienter emisset, nihi-

lominus seruum illum venditum liberum fore, nullo reddito illi pretio à quo redemptus fuit; sibi enim imputetur, quod scienter emerit ab eo qui vendere non poterat. Si verò emerit ignoranter, probetque ignorantiā, adhuc seruus nullo persoluto pretio liber erit, sed emptor ager ad pretium, siue etiā ad interesse contra venditorem Iudæum.

Concludit Panormitanus in c. 17. præfenti, de Iudæ. & Sarac. n. 2. aut seruus Iudæi est vernaculus natus ex ancilla Iudæi, qui factus est, vel cupit fieri Christianus: & statim illi eripitur in libertatem, nullo pretio persoluto. l. Deo nobis, Cod. de Episc. & cleric. aut est emptitiū, & tunc, aut tempore emptionis erat Christianus, & statim est liber, nullo dato pretio. c. mancipia. d. 54. aut tunc non erat Christianus, & postea factus est, seu cupit fieri Christianus, & tunc si emptus est à Iudæo ad seruiendum sibi, statim nullo dato pretio eripitur in libertatem; si verò emptus fuit causa mercimonij, intra tres menses exponendus est venalis, & redimendus duodecim solidis; quod si non exponatur, statim elapsis tribus mēribus sine vllō pretio eripitur in libertatem. c. fin. de Iudæ. & Sarac. & can. fraternitatem d. 54. His probabiliter addi potest Christianos mercimonij causa emptos à Iudæo, statim eripi in libertatem duodecim solidis persolutis, de quibus videtur loqui text. in can. præfenti d. 54. & c. præfenti, de Iudæ. & Sarac.

His positis veluti fundamentis de libertate debita seruis Iudæorum Christianis, vel qui volunt fieri Christiani, ac de soluendo, vel non soluendo pro eis pretio, venio ad materiam huius loci propriā.

de immunitate, seu libertate per eos obtinenda, si ad Ecclesiam confugerint, quæ iis duntaxat, non autem aliis seruis competit, de quibus ita constitutum sit.

18. Primò serui Iudæorum Christiani, vel qui volunt fieri Christiani, si ad Ecclesiam confugiant, libertatem sortiuntur, & ecclesiasticæ pietatis patrimonio sunt ad libertatem modis omnibus, nullo perfoluto pro eis pretio defendendi. textus expressus est in *can. si quilibet d. 54.* qui ex Gregorio desumptus est *lib. 3. registri ep. 9. ad Iamnar. Calaritan. Episcopū*, ubi ait sine vlllo Christianorum pauperum damno, id est, nullo per pauperes Christianos pretio soluto. Sed aduertendum ex gl. nouæ correctionis super eum canonem vocem illam Christianorum positam esse ex relatione Io. Diaconi *lib. 4. vita B. Gregorij cap. 46. & Iuonis parte 13. c. 12.* cum non reperiatur in libris B. Gregorij, neque impressis, neque manu scriptis: id quod de antiquis exemplaribus verum erat. Iam verò in exemplaribus Romæ nuper impressis anno 1590. in Typographia Vaticana, & in septem tomos distinctis, addita ea vox est, & Gregorij textus pristinae integritati restitutus. Quod autem id quod ait, sine Christianorum pauperum damno, ita intelligendum sit, vt nos exposuimus, non soluto pretio, colligitur euidenter ex iis quæ in eadem illa epistola præcesserunt. Reprehendit enim B. Pontifex, ac corrigi abusum, qui tunc irrepererat, soluendi pro iis pretia, dicens: Peruenit ad nos seruos, ancillæque Iudæorū fidei causa ad Ecclesiā refugientes, aut infidelibus restitui dominis, aut eorū ne restituantur pretium dari; subdit: Hor-

tamur autē ne tā prauam cōsuetudinē vllatenus manere permittatis, sed sine vlllo Christianorū pauperū damno in libertatē defendi. Probe-  
mus nunc de iis, qui ad Ecclesias confugiunt antequam fiant Christiani, sed volūt fieri Christiani. Primò probō ex priore parte textus *in can. si quilibet d. 54.* vbi vniuersè dicitur: Si quilibet seruus Iudæorum ad venerabilia loca cōfugerit causa fidei, nullatenus eum patiamini præiudicium sustinere. quod citra vllam dubitationem intelligendum est de præiudicio libertatis. Vniuersè autem id statuitur de confugientibus causa fidei, quod æquè pertinet ad eum, qui iam factus est Christianus, atque ad eum qui vult fieri Christianus: ergo is etiam defendendus est ad libertatem. Secundò probatur ex *can. fraternitatem, d. 54.* vbi expressè de his est sermo qui volunt fieri Christiani, cum empti fuerint causa mercimonij: statuitur autem eis omnimodis dandam esse libertatem pretio soluto; ergo alij qui negotiationis causa empti non sunt, sine vlllo pretio libertatem consequi debent per Ecclesiæ immunitatem.

Secundò serui Iudæorum empti ab eis mercimonij causa, qui volunt fieri Christiani, si intra illos tres menses, in quibus venales exponi debent, ad Ecclesiam confugiant, dicendo se velle fieri Christianos, non possunt dominis restitui, sed perfoluto pro eis pretio, de quo supra dictum est, libertatem obtinere debent. *d. can. fraternitatem*, & si non sit qui velit emere, fiat vt superius dictum est *dub. 5.*

Tertio seruus emptus à Iudæo negotiationis causa, si elapsis tribus mēibus à die emptionis nō fuit venalis

nalis expositus, & postea ad Ecclesiam confugiens, dicat se velle fieri Christianum, liber efficitur, nullo pretio soluto. Probatur, quia per text. *c. nulli, & can. fraternitatem*, libertate donandus est, non soluto pretio: ergo si ad Ecclesiam confugiat, est ab ea debita libertas illi seruanda.

11. Quartò probabile est quæcunque dicta sunt de Iudæorum seruis, siue Christianis, siue qui volunt fieri Christiani, habere locum in seruis quorumlibet paganorum, qui sūt Christiani, vel volūt fieri Christiani, & vt vno verbo concludam, quicumque serui Iudæorum, aut paganorum, siue iam Christiani, siue qui volunt fieri Christiani, libertatem, quæ eis de iure debetur sine pretio, confugiendo ad Ecclesiam obtinent sine pretio, libertatem verò quæ eis de iure debetur soluto pretio confugiendo ad Ecclesiam consequuntur soluto pretio.

*De obæatis confugientibus ad Ecclesiam.*

## CAPVT XV.

1. **O**BÆRATI secundum sunt personarum genus ad Ecclesiam confugientium nō sine magno suo commodo. Horum in ciuili iure expressa mentio habetur in *l. præfenti. Cod. de his qui, ad Eccles. confug. §. 1. vers. sed siquidem ipsi, & toto §. seq.* cuius dispositio cum nō sit canonico iure reprobata, moderata, ut correctæ, celsenda est approbata, & confirmata, cum præsertim ciuiles de immunitate leges Codicis sint sacris canonibus receptæ. *can. id cōstituitis 17. q. 4. & c. inter alia, de immunit. Eccles.* De quibus licet in particu-

lari nullus habeatur expressus textus in iure canonico, probabile tamen est de his esse sermonem in *can. siquis contumax, & can. miror 17. q. 4.* vbi neque malefici, neque serui exprimuntur. In hac nouissima constitutione Gregorij X I V. in narrativa quidem sit illorum obæatorum mentio, qui sunt decocti, de quibus in dispositiua ne verbum quidem. Nihilominus de consuetudine immunitatem illis per Ecclesias præstari, vt neque capi, neque extrahi, neque carcerari permittantur, & oculis cernimus, & Doctores passim testantur. Quorum communis sententia seruandam istis immunitatem affirmat Marfil. in *l. unica n. 19. Cod. de rapt. virg. & l. plerique. ff. de in ius vocando.* Bossius in *tit. de captura n. 16.* Panormitanus in *c. inter alia, de immunit. Eccles. n. 22.* vbi præterea docet, licet id expresse in iure canonico non habeatur, contineri tamen sub vniuersali prohibitione, ne quis ab Ecclesia extrahatur inuitus, à qua prohibitionē isti excepti non sunt. eundem sequitur Decius in *l. si vinum, ff. si cert. petat. n. 8.* Purpur. n. 10. & Alciat. *ibidem*, Remigius in *tract. de immunit. Eccles. sallemia 27. n. 45. & 46.* Ripain *c. 1. de Iud. n. 89.* Ludouicus Gomef. *§. superest n. 66. Institutionib. de act.* Id quod Co-uarr. *lib. 2. variar. resol. c. 20. n. 14.* verius esse affirmat, qui simul cū Remigio restatur hanc esse sententiam communē etiā in debitore suspecto. Probant eadē ratione generalis prohibitionis, à qua ij excepti nō sūt, hāc generalē prohibitionē habemus aperte in *can. siquis contumax*, vbi nullius facta speciali mentione absolute punitur is qui eum quem insequutus fuerat per vim extraxit, &



& *can. miror* 17. q. 4. Plerique idem affirmant in terminis difficilioribus, si debitor regiorum tributorum cōfugiat ad Ecclesiam, nec non & in illis locis ubi lege municipalī debitor tenetur creditori. quod Farinac. 1. parte crimin. q. 28. probat, quia ridiculum esset dicere criminum reos esse in Ecclesia tutos, debitoris secus.

3. Contrariam omnino sententiam obaratis ab Ecclesia ad quam confugerint minimè defendi, sed extrahi posse, tenet expressè lason in l. si vinum n. 5. ff. si certum petatur. Eucard. in *Topicis* cap. de loco à tempore, probatque argumentando à tempore ad locum: Debitor fugitiuus capi potest tempore feriato, id est, die festo, ut patet per celebrem glossam in l. fin. Cod. de feriis, receptam per Baldum in c. fin. de fer. Baptistam Sæcti Seuerini in tract. de debitoribus suspectis, & fugitiuis q. 8. Bartol. in l. ait prator, §. si debitorem, ff. si quid in fraudem. & l. fin. Cod. de fer. & per alios relatos apud Couarr. ubi suprà. quo loco adducit Doctores attestantes ita communiter obseruari, hinc à tempore ad locum argumentando inferunt etiam licitum esse capere de sacro loco.

4. Oldrad. consil. 54. mediam quandam sententiam tenet, dicens, in illis casibus debitorem non posse extrahi de Ecclesia, in quibus de iure capi non potest. Cod. de actionib. & obligationib. in l. obis. & c. lator. de pignorib. quibus verò in casibus de iure capi potest, in iisdem posse etiam de Ecclesia extrahi. Sed hæc sententia nihil omnino circa hos tribuit immunitati Ecclesiarum. Quod enim capi in ea, vel extrahi nequeat, non immunitati tribuit, sed iuri communi vetanti debitorem capi.

De his in specie qui publico Principi debito tenentur, nempe quo non persoluerunt tributa, sunt qui dicant eis non prodesse immunitatem, postque de Ecclesia extrahi, per textum *Aust. de mandatis Principum*. §. publicorum. iuncta glossa, quibus fauet etiam text. in leg. nemo, Cod. de exactorib. tributorum, leg. 10. quam sententiam sequitur Oldrad. consil. 54. probat, quia quisquis secundum iura capi potest propter debita, potest etiam de Ecclesia extrahi.

Contrariam sententiam tenet expressè Panormitanus in c. inter alia, de immuni. Eccles. n. 22. Cyn. in l. presens, Cod. de his qui ad Eccles. confug. ubi refert etiam Petrum Aurelium in Capella Tholosana decis. 421. Couarr. loco sæpe citato n. 14. vers. sed professò. Sylu. in v. Immunitas 3. n. 3. Angelica v. Immunitas q. 15. & ratio euidenter hoc suadet, quoniam cum Imperatores vniuersè hoc privilegium de obaratis concesserint in l. presens, & sit privilegium datum non subdito, non potuerunt illud postea limitare, & omnis limitatio postea per eos facta, nulla est, & inualida, ut superius expressè constitutum à nobis est lib. 3. cap. 12. Addit Couarr. huiusmodi restrictionem contrariam esse iuri canonico vniuersè statnenti neminem extrahi, & hunc casum minimè excipienti, & ratio huic fauet, tum quia non excedit ciuilibus debiti, & fortasse rationabilem rationem.

In obaratis, decoctis, seu decoctibus duplex ratio attendi potest: ciuilibis vna, si ciuilitè querantur ad debiti solutionem, quæ ratione dubitandum non est, eos gaudere privilegio immunitatis, sicut gaudent.

gaudent alij quicunque debitores: criminalis verò altera, si quærantur ad pœnâ, quæ de iure capitalis est, propter delicti acerbitatem; videntur enim publicis latronibus similes, ac valde affines, dum priuatorum pecunias sub fide publica, & verbo regio apud eos depositatas, vel etiam triticum, cuiusmodi sunt campiores, & quos vulgo Magasenerios vocamus, pompis, epulisque ac largis ludis consumunt, & quasi decoquunt. Imò verò hos arbitror publicis famosisque latronibus deteriores, & capitaliore dignos supplicio; illi enim per vim, & fraudem bona à nobis extorquent, apud hos nos ipsi sponte deponimus; illi cum vitæ fameque periculo rapiunt, hi blandè accipiunt; illi profitentur se capere ad perdendum, isti sub fide publica ad conseruandum; ab illis cauere nobis possumus, armisque tueri, ab his non possumus: illi vix multis annis, aut annorum millibus tantum latrocinari possunt, quantum isti breui temporis ferè momento decoquunt. Atque hæc fortasse causa fuit, cur Gregorius XIV. Pontifex maximus in hac constitutione, cum eorum mentionem in narratiua fecisset, in dispositiua non fecerit, ut narrando ostenderet se non esse eorum oblitum, sed de ipsis intendisse, nihil verò in specie contra eos disponendo insinueret eos publici latronis nomine comprehendendi, ac iuris dispositioni relinquendi. Ne si eos fortè in dispositiua expressisset, publici latronis aut nomen, aut crimen ab eis depulisset. Testatur Còuarr. cap. illo 20. n. 14. sæpe citato, vers. *Nec Iasonis*, vidisse se decoctos ab Ecclesiis per iudices seculares violenter extrahi ad pœnam criminalem, quod licet

*P. Gambac. de immunit. Eccl.*

ipse neque probare, neque improbare ausus sit, iuste tamen fieri docet Boerius decis. 113. n. 7.

De debitoribus, qui sunt in illis 8. locis ubi municipali lege, si non sint soluendo, coguntur seruire creditoribus, & iudicis autoritate ad id illis traduntur, eis immunitatem Ecclesiæ non prodesse, quo minus suis creditoribus ad seruendum tradantur, tenet Oldrad. consil. 54. & D. Anton. in c. inter alia, de immunit. Eccles. Probat primum, quod per illam municipalem legem, creditor fit quodammodo dominus debitoris, eoque ipso, quod quis fit alteri debitor, videtur ipsamet eius persona affecta, & quodammodo conditionata illi, ut si debito tempore non soluat debitum, debeatur illi ad seruendum, elapsoque tempore non soluendo, in ius eius transeat, & creditor ius acquirat vtendi illo ad sua seruitia; ergo sicut serui, & alij qui sunt alterius conditioni suppositi, extrahuntur, & suis dominis, seu heris traduntur, ita is quoque extrahendus, & suo creditori consignandus est. Secundo, quia Ecclesia non liberat confugas, neque à vera perfecta que seruitute, ut dictum est c. 15. neque ab imperfecta, qua quis secundum iura seruire alicui tenetur. Imò aliquem ad immunitatem admittendo imponit ei hanc pœnam ut seruiat. ita gl. in can. rem 17. q. 4. in v. vel ad mortem, ait confugienti ad Ecclesiam reo, ita per clericos obtineri vitam & membra, ut tamè pecuniariter satisfaciat læso, vel si hoc non potest, seruiat (inquit) ei perpetuò. Si ergo confugienti ad Ecclesiam potest ei imponi pœna absque immunitatis violatione, multo magis is qui iam incurrit eandem pœnam, potest extrahi ut

li. ipsam

ipsam exequatur: confirmatur, quia si is cui imposita fuit hæc pœna per iudicem, denuo ad Ecclesiam confugerit, extrahitur, & restituitur, ut seruiat ei cui damnatus est seruire. ergo is etiam extrahendus est qui virtutemunicipalis legis ad id tenetur.

9. Contrariam sententiam tenet Panormitanus, Cyn. Aust. & ceteri superius relati *n. 6.* & Roderic. Suarez in *l. regia Hispan.* 2. *delos go-uernos*, & post eum Couarr. *cap. illo 2. n. 14.* qui absolute & vniuersaliter tuentur, obæratos omnes cuiuscunque generis esse vbique ad immunitatem admittendos, cum nusquam inueniantur ab ea exclusi, neque in illis ipsis locis, ubi huiusmodi lex municipalis viget.

Mihi verò occurrit hoc loco distinctio valde probabilis, vel enim debitor iste ad Ecclesiam confugit antequam per iudicem creditori tradatur ad seruiendum, vel posteaquam illi iam traditus & consignatus est. Si antè confugiat, omnino ad immunitatem admittendus est: est enim simplex debitor, sicut quilibet alius debitor, & propter debitum ad Ecclesiam confugit, ne propter illud quid patiatur; & sicut alij debitores confugiunt, ne mittantur in carceres, ita iste ne tradatur ad seruiendum. Si verò confugiat ad Ecclesiam posteaquam est creditori per iudicem traditus ad seruiendum, potest ac debet extrahi eadem ratione, qua de seruis & iis, qui alteri obligati sunt, dictum est, aliter dominus frustraretur debito seruitio; si tamen indistinctè velis tenere cum Panormitano, optimum fundamentum est quòd illa omnis obligatio in debito pe-

cuniario fundata illius naturam & conditionem sequitur: ergo & immunitatē habet. His ita constitutis soluamus omnes rationes cōtrarias adductas in qualibet dubitatione.

Et primò ad rationem illam la-sonis adductam *n. 3.* à tempore sacro ad locum sacrum, nego paritatem rationis, tempore enim sacro capi vetitum non est, sicut vetitum est de loco sacro.

Secundò ad rationem Oldradi adductam *n. 5.* nego esse paritatem; aliud est enim secundum iura simpliciter capi posse debitorem in aliquibus casibus, aliud est capi, extrahique de Ecclesia locove sacro, quod est immunitatis lege prohibitum.

Tertiò ad priorē rationem al-laram pro sententia Oldrad. *n. 8.* respondeo primò pro Panormitano. & sociis, cum tota illa obligatio nascatur ex vi debiti, & in ipso debito fundetur, ut etiam si posteaquam aliquandiu seruiuit, veniat in meliorem fortunam, soluat debitum, liber ab omni illa obligatione efficiatur, neque teneatur illi seruire; ideo semper manet conditio & ratio veri debitoris, ut ab Ecclesia defendatur.

Ad posteriorem nego paritatem; hoc enim casu semper omnis obligatio ex debito pecuniario est ad illud ex iustitia compensandum, in illo verò casu ex delicto, est primò & per se in pecuniariam mutata pœna corporalis, vnde pecunia debita succedit loco pœnæ corporalis, & illius naturā sequitur: ergo & obligatio seruiēdi læso eodē modo in pœnæ corporalis locum mediante impossibilitate pecuniariæ succedit.

Quòd si nostra illa distinctio admittatur, patet solutio; nihil enim pro

probant contra posteriorem partem quam concedimus, contra priorem verò vim non habent, quia tunc non excedit naturam meri debiti.

Quid demum conferat huiusmodi obæratæ immunitas, quid item contra eos fieri possit, etiam dum sunt in Ecclesia, dicemus infra in hoc eodem libro.

*De reis capitalium, vel aliorum etiam criminum confugientibus ad Ecclesiam.*

## CAPVT XVI.

1. **S**I quis est, qui suo ad Ecclesiam cōfugio vitare damna intendat, is est maximè capitalium criminū reus, de cuius vita, seu membris actum erit, nisi ad Ecclesiam confugiat. Serui enim moderatam tantūmodo verberationem, carceres obæratæ declinare per Ecclesiam quæ-  
runt: rei verò criminum graues corporis pœnas, cruciatus, mēbro-  
rum mutilationes, extremum sup-  
plicium euadere moliuntur, atque has grauissimas, & acerbissimas pœnas, vel pecuniaria, vel aliqua alia leuiore corporali pœna commutare. Quantūcūque enim grauiā delicta commiserint, (pauci duntaxat exceptis) Ecclesia illis ara salutis est, quicquid aliqui somnient.

2. Cynus in l. *presenti*, Cod. de his qui ad Eccles. confug. refert quosdam dicentes, nulli atroci delicto deberi immunitatem, sed solum delictis quibusdam minimis. Ita Alberic. in d. l. *presenti* n. 1. & apertissimè gl. in l. 2. Cod. de his qui ad Eccles. confug. in v. *abducere*, dicens, hodie seruari, ut pro quocunque maleficio ad Ec-

clesiam quis confugiat, inde abstrahatur. Quæ sententia fundari videtur in ciuili iure *Authentico de mandatis Principum*, §. *neque autem*, collat. 3. Idem sentit Marfil. in l. *unica*, Cod. de rapt. virg. & in tract. de bannitis, in v. *capti*. Iodoc. in pract. crimin. n. 20. in v. *notatos capiat*. Boet. decis. 109. n. 1. Moron. in tract. de fide, treuga & pace, §. 103. Quam doctrinam Cyn. fatetur procedere de iure ciuili, contrarium esse de iure canonico.

Sed Petrus de Bell. relatus apud 3. Cyn. vbi suprā, nec non & apud Panormitanū in c. *inter alia*, de immunit. Eccles. refert quædam canonica scripta distinguere de atroci delicto, deliberatēne, atque ex proposito commissū sit, an repentino quodam casu absque vlla præuia deliberatione, ac proposito. Ut si deliberatē, atque ex proposito commissum sit, cateat immunitate, iuxta dispositionē ciuilibus iuris, *Authentico c. de mandatis Principū*. Si verò indeliberatē defendatur ab Ecclesia, iuxta dispositionem cap. *inter alia*, de immunit. Eccles. rationē diuersitatis assignat, quoniam delictum ex proposito grauius meretur puniri. l. *absentem in fin. ff. de pœnis*. Vnde & homicida ex proposito priuatur immunitate. c. 1. de homicid.

4. Rursus idē Petrus apud Panormitanū subdistinguit delictū atrox commissum ex proposito. Vel enim commissum est extimulātē quodā naturali stimulo, ut est in peccatis carnalibus, peccatis odij, & similibus, qui stimulus ad fragilitatē pertinet, dimminuit peccatū: & huic, licet ex proposito, debetur immunitas Ecclesie, vel committitur ex proposito, nullo urgente stimulo naturali, sed ex mera malitia, & iniquitate,

quæ peccatum aggrauat, & caret immunitate Ecclesiæ.

5. Sed certum, his nõ obstantibus, esse etiam iure canonico, omnia quantumcunque grauiatque atrocia delicta, habere immunitatem, paucis quibusdam exceptis, quæ partim in eodem iure aperte excepta sunt, partim ex iure non ita claro, accedente Doctõrum interpretatione, partim ex consuetudine. Probatur primò ex expressis verbis *c. inter alia*, vbi dicitur *quantumcunque grauiat maleficia perpetraverit*. vbi obserua vocem illam, *quantumcunque grauiat*, qua etiam grauiissima & atrocissima cõtinentur: tantundem enim valer, quantum si diceret, nullam tantam fore grauitatem quæ ab immunitate Ecclesiæ ex vi sua excludat. Secundò obserua numerũ multitudinis, vt non modò si vnũ, quantumcunque graue, sed multa atque innumera quantumcunque grauiat perpetraverit, ad immunitatem admittendus sit. quæ verba adedò clara & aperta sunt, vt nullam patiantur dubitationem, nullam modificationem admittant, nisi quam iura ipsa expressè facere noluerint, vel consuetudo probata præscripserit. Probatur secundò, quia ibidem duo casus grauiissimi excepti sunt, qui nisi excepti essent, eadem generalitate comprehensi essent. & ex praxi Ecclesiæ paulatim casus alios atrocissimos excipietis, quos excipere non fuisset opus, nisi sub eadem generalitate comprehensi fuissent. Hanc sententiã tenet Panormitanus in *d. c. inter alia*. Couart. lib. 2. var. resõl. c. 20. n. 16. in fin. vbi etiam testatur esse frequentissimam inter Doctores, Gigas lib. 1. de crim. l. 1. de maiest. tit. Qualiter & à quibus. q. 10. n. 3. & 9. Contrad. in pract. tit.

de captiv. n. 6. in fin. vbi non modò esse communem Doctõrũ testatur, sed vsu, praxique receptam. Io. Maria Monticell. in reg. crimin. 12. n. 17. Roman. consil. 227. n. 2. & 3. Deum Farinac. post multos quos refert Doctores q. 28. n. 15. 1. partis criminal. ait hanc sententiam tanquam vtrioque iure canonico, & communiori tenendam esse. Ego verò addo tanquam iure canonico simpliciter veram; nulla enim alia sententia iure canonico niti potest propter expressissima verba dicti *c. inter alia*.

6. Secundò neque verum est iure ciuili; omnia atrocicia delicta carere immunitate contra Albericum & glos. illã iuris ciuilis. Nullibi enim in iure ciuili hanc generalem ab immunitate exclusionem reperimus. Neque verò in illo authentico *de mandatis Principum*, ibi enim solùm pauca quædam in specie delicta per Imperatorem ab immunitate excluduntur, vt illa solùm, non omnia atrocicia dici debeant de iure ciuili carere immunitate, reliquis non modò canonico, sed etiam ciuili iure immunitas debeat.

7. Tertiò vtraque illa dicta, quæ ex scriptis illis canonicis refert Petrus, de iure canonico falsa sunt. Neque enim omne delictũ atrox commissũ ex proposito, neque verò hoc idem commissum absque vllò naturali stimulo extimulante immunitate caret, sed illud omne, ac solũ, quod siue iura canonica exceperunt, siue probatæ consuetudines receperunt. Couart. c. illo 20. n. 16. & Farin. 8. vbi suprà n. 16. excipiunt atrocissima illa delicta, propter quæ clericus si ea committeret, esset de iure realiter degradandus, & seculari iurisdictioni tradendus. cuiusmodi (inquiunt) sunt

sunt homicidium proditorium, per insidias, & per assassinium, in quibus tam clerici, quàm laici carent immunitate. Sed de his respondeo non ex sola atrocitate, immunitate carere, sed duo priora à plerisque putari excepta à comuni lege immunitatis, per expressum textum in c. 1. de homicidio, ubi ponuntur formaliter verba Exodi 21. *Si quis per industriam, & per insidias occiderit proximum, ab altari meo anellus eum, ut moriatur.* De homicidio per assassinium plerique colligunt exceptum esse in c. pro humani, de homicid. in lib. 6. Hac verò nouissima constitutione expressè exceptum est proditorium, & per assassinos. Quibus iuribus præcisè etiam hæc immunitatem haberent per concessionem illam vniuersalem c. inter alia.

9. Illud addo, quod & aliàs dixisse me recolo, posse adeò atrox delictum accidere, nocuum, scandalosum, & bono publico euidenter damnosum, ut habita ratione circumstantiarum loci, personæ, temporis, virgētis necessitatis, iudicet Episcopus, cum sapientum consilio, expedire si periculum sit in mora illum extrahi, ac debitis affici pœnis, etiam si casus nō sit in iure exceptus, posseque hoc casu Episcopum dare licentiam, illum extrahēdi, siue dispensando in iurē communi, in quo in certis casibus particularibus potest, cum sedes Apostolica adiri nequit, siue sub ratihabitione sperans Romanum Pontificem ratum habiturum, siue per quamdam interpretationem ad aliquem exceptorum casuum reducendo, siue ex communi necessitate publica, quæ nulli legi subiecta est.

### PARS TERTIA.

*De conditionibus necessariò requisitis, ut confugientes ad Ecclesiam ad immunitatem admittantur.*

**N**ONnullæ interdū conditiones, seu cōditionum defectus dubiā faciunt ipsius cōfugæ immunitatē, ut quamuis ad Ecclesiam ex fuga iam peruenierit, adhuc tutus minimè sit. In re autem tam graui & periculosa non expedit cum tanto periculo ad Ecclesiam confugere, ideo ipsæ etiam conditiones diligenter examinandæ sunt, & quid valeant inuestigandum, ut cum ad Ecclesiam confugiendum erit, nulla desit necessaria conditio ad immunitatem, quæ si non possit iam alio præsidio ad vitæ, membrorumque defensionem, non hoc ad Ecclesiam confugio vtendum est.

*An sit necessarium ad immunitatem obtinendam arma deponere, ut nisi ea deponat, ab Ecclesia non defendatur.*

### CAPVT XVII.

**L**ICET in sacris canonibus nihil omnino sit de hac conditione expressum, neque Canonistæ multum de ea disputent, videtur tamen grauis difficultas, & matura meditatione, diligenti que discussione digna. Negari enim non potest, si confugæ, posteaquam ad Ecclesiam peruenissent, starent armati, & ad se armis defendendos parati, iam eos non in Dei, & Ecclesiæ reuerentia, ac protectione confidere, sed in armis, hostesque eorum hac

cognita temeritate vix cōtineri pos-  
se, quin eos in ipsīs Ecclesiis inua-  
derent, fierentque in Ecclesiis ho-  
minum carnificinæ contra sancta-  
rum Ecclesiarum pietatem, ac mi-  
ritatem, polluerenturque passim  
humano sanguine templa sacrosan-  
ctis incruentis sacrificiis deputata.

3. Sedet animo illa sanctissimi Can-  
thuariensis Archiepiscopi, & Mar-  
tyris Thomæ vox ad clericos tem-  
pli fores occludere volentes, cum  
venientes armatos Regis ministros  
cernerent, non esse Dei Ecclesiam  
custodiendam more castrorum, Si  
se sanctissimus Episcopus & Agnus  
innocētissimus, illius Ecclesiæ spō-  
sus, vitæque suam vetuit, castrorū  
more defendi, nos patiemur eos  
criminum supplices ad Ecclesiam  
occurrentes, ad impetrandam per  
eam, ac per Deum impunitatem,  
defendere nocentissimo sangui-  
ne more castrorum armatos, atque  
in armis spem habentes? Vereor  
ne si clericis Ecclesiarum hæc per-  
mittant, maiorem Deo, atque ipsi  
Ecclesiæ irreuerentiam irrogent,  
quàm si ex Ecclesia confugas ex-  
trahi paterentur. Videamus ergo  
quid de his civili iure statutum  
sit, & inde quid faciendum sit in-  
feramus.

4. Duæ extant civilis iuris leges  
*Cod. de his qui ad Ecclef. confug. lex  
pateant, & lex si ferunt.* In l. pateant,  
§. arma quoque, hæc quatuor con-  
stitutæ sunt. Primò monent Impe-  
ratotes eos, qui ad Ecclesias con-  
fugiunt, ne cum armis ad eas se cō-  
ferant, declarando quid nomine ar-  
morum intelligant, nempe quod-  
uis telum, ferrum, aut speciem, ita  
ut arma cuiuscunque speciei dese-  
renda sint. & rationem afferunt,

pietatis, ac reuerentiæ, erga Eccle-  
sias plenissimam: quoniam arma  
non solum, inquit, à summi Dei  
templis, ac diuinis altaribus abesse  
debent, sed etiā ab adiacentibus cel-  
lulis, domibus, hortulis, balneis,  
arcis atque porticibus: quæ omnia  
sunt immunitatis Ecclesiæ loca: ut  
hac ratione omnis præcidatur ex-  
cusationis locus, dicentibus quod  
extra templum ea seruare in præ-  
dictis locis velint. Sed quoniā hæc  
(ut dixi) moderatio quædam est,  
adhuc non caret immunitate cō-  
fugæ si cum armis Ecclesiam ingre-  
diantur. Neque enim qui secundum  
morem patriæ, vel alias quomodo-  
libet armati incedunt, possunt faci-  
le dum ad Ecclesiam confugiunt  
arma deponere in via, in qua pro-  
pter insequentes ministros curiæ,  
ne momento quidem temporis hæ-  
rere possint ad arma deponenda.  
Neque dum sunt in ipso fugiendi  
actu atque in periculo, ne aut inua-  
dantur ab his quos læserunt, aut à  
curiæ satellitibus, expedit arma  
proiicere, quamuis commodè pos-  
sent, ne malè ab illis accipiantur.  
Secundo ergo loco statuunt Do-  
ctores, ubi confugæ ad Ecclesiam,  
seu quemlibet prædictorum loco-  
rum immunitatis peruenerint, ar-  
mis cincti, si ibi subsistant ad im-  
munitatem obtinendam, authori-  
tate Episcopi esse à clericis seu-  
tius conueniendos arma ut depo-  
nant, data eis fiducia, quod Reli-  
gionis nomine melius in Ecclesia,  
quàm armorum præsidio munian-  
tur. Piißima sæuè verba, ac digna,  
quæ confugientium ad Ecclesias  
pectoribus anreis literis impriman-  
tur, melius se religionis nomine in  
Ecclesiis, quàm armorum præsidio  
muniri

- muniri, propterea quòd religionis nomine ab ipfomet Deo, cui religio impenditur, proteguntur. Armorum præsidium merè humanum, & infirmum, & fallax est, neque eum defendunt dormientem, & interdum cum magis necessaria sunt, aut franguntur, aut clam, aut per vim nobis eripiuntur, aut alia quavis ratione deficiunt. Tertio statuunt, si posteaquam confugæ ita per clericos moniti fuerint, arma nihilominus deponere recusaerint, iam exinde carere immunitatis privilegio, posseque de Ecclesia excludi, capi, ad carceres deduci, imò si ne sic cedant, intromissis armatis militibus extrahi de Ecclesia, sic exigente iustitiæ ratione, ut quoniam neque in Deo, neque in Ecclesia confidere, sed in armis voluere, de Ecclesia eiectionis, cuiusque destituti præsidio experiantur quantum eis arma, quæ elegerunt, prosint. Quarto demum iubent eo ipso casu, quo sic armati confugæ extrahendi sunt, non licere cuius curiæ ministro id facere propria autoritate, nisi consulto prius Episcopo, & accedente Imperatoris ipsius in vrbe imperio, alibi verò iudicum ibi ius dicentium iussione.
9. In *l. si seruus*, non de aliis confugis, sed de solis armatis seruis sermo proponitur, iubetur enim seruus confugientem ad Ecclesiam cum armis protinus abstrahi, ac domino restitui; quòd si is, utpote armatus, sese armis defendat, concedatur domino illum quibus potest modis abstrahere, qui si in ea pugna occidatur, innoxium esse occisorem, quoniam tunc seruus sic se armis defendens de seruili in hostilem homicidæ conditionem

transiit. Hæc in iure ciuili habentur.

Rebuffus relatus apud Placham 10. in *epit. delictorum lib. 1. cap. 8. n. 28.* & post eum Placha, putant hanc posteriorem legem, licet de solis seruis exprimat, valere tamen etiam in libero. Couart. c. illo 20. n. 18. *versic. trigésimosexto, his proximo*, &c. aliam adducit rationem, præter eam quæ habetur in dicto textu, quoniam, inquit, cum armorum vsus sit omnino interdictus, *l. 1. Cod. ut armorum vsus*, eo ipso quòd quis intrat Ecclesiam cum armis, dicitur delinquere in Ecclesia, caretque immunitate tanquam delinquens in Ecclesia, iuxta dispositionem *c. finalis, de immunit. Eccles.* Quam rationem egregie refellit Farinac. *1. p. criminal. q. 28. n. 66.* quòd non quodlibet delictum in Ecclesia commissum priuat immunitate, sed solum delictum graue, æquiualens occisioni, vel membrorum mutilationi, per illum textum, & ibi Doctores. Quare hac ratione delicti in Ecclesia commissi illi solum priuantur immunitate, qui arma quædam ad Ecclesiam gestarent, quæ sub grauissimis capitibus, vel similibus pœnis prohibita sunt, ut si gestaret archibusetos, seu scopettones, cui ego addo, neque cum his armis fugientem ad Ecclesiam, & eam ingredientem, dici delinquere in Ecclesia, atque hoc titulo priuari immunitate, quia cum ad Ecclesiam ex fuga se conferat, non dicitur grauitate delinquere in Ecclesia. Aliam rationem assignat ipse Farinac. cur seruus ingrediens Ecclesiam cum armis careat immunitate, quoniam cum dominum offenderit, querens e ab eius seruitute eximere,



ac tueri armis, nec capi ab eo iterum possit, ad seruiendum venit ad Ecclesiam armatus. Ego verò attentis legis ipsius verbis, cum ait, *seruus ad Ecclesiam armatus intruerit*, puto in his saltem nostris partibus, ubi serui de voluntate dominorum arma gestare solent, seruum confugientem ad Ecclesiam, cum suis ordinariis armis, quæ de domini voluntate portat, ne ciuili quidem iure carere eo ipso immunitate, sed requiri ut habeat alia quædam arma exquisita & extraordinaria, ad se defendendum delata, ita ut vel ex ipsis armis quæ gestat, vel ex modo gestandi, vel ex ipso opere appareat ea gestare ad se defendendum. Id mihi persuadet, tum verbum illud irruere, quod est quasi ruere in personam, seu locum ad aliquem pro sui defensione lædendum: tum ratio ipsa, quoniam aliàs nullum est delictum, nullum propriæ defensionis indicium, si seruus per urbem cum suis consuetis armis incedens, in fugam actus, cum eisdem omnino armis Ecclesiam ingrediatur.

12. His ego addo, licet seruus per ipsum in Ecclesiam ingressum cum armis, quo apparet velle cum armis se tueri, perdat ciuili iure immunitatem, non tamen eam perdere iure canonico: sed tunc demum, cum homicidium, vel mutilationem in ea committit. Idem verò à fortiori censeo de homine libero, de quo addo, si in Ecclesia stare velit cum suis armis ordinariis, quæ ei aliàs gestare licet, etiam à clericis Episcopi autoritate monitus ea nolit deponere, non esse ab Ecclesia excludendum, quia dedecori ducitur, ubi est is gestandorum armorum vsus, sine armis accedere.

Et licet hæc iura ciuilia Codicis antiquissima sint, & ante omnia iura canonica præcesserint, & non modò non sint iure canonico reprobata, sed potius saltem in genere acceptata cum aliis, & consequenter vim suam habere debeant, vnde & vsque hodie fortassis impune seruari debent per magistratus seculares, id est, non incutant pœnas iuris ciuilis, qui ea seruant, tamen quia nullo iure canonico fit de eis mentio specialis, mirum est apud Canonistas de his armorum legibus silentium, nullibi, quod sciam, sunt vsu, consuetudineque receptæ, quamuis aliàs valde rationabiles, ut dixi, videantur, & ipsum ius immunitatis protegant. Concludo non esse conditionem ad obtinendam immunitatem necessariam, ut arma deponat, neque ex eo solo quòd arma gestat carere immunitate canonico iure, neque sub eo prætextu, quòd in Ecclesia delinquat, secus sicubi consuetudo contrarium obtineret.

*An sit necesse ad immunitatem consequendam ut confuga ad Ecclesiam perueniat liber à potestate, ac manibus curiæ.*

#### CAPVT XVIII.

**L**I B E R V M vocamus non eum, qui seruo opponitur, sed qui capto, victo, aut in manibus curiæ existenti, qui libertate careat, abeundi, quò velit pro sua voluntate. Ut is liber ad Ecclesiam venire dicatur, qui in sua libera potestate positus non ab alio captus, nec sub curiæ potestate positus venit, ut possit, & aliò quocunque ire, pro

pro suæ libito voluntatis. Non liber venit, qui vel manibus ministrorum curiæ captus illuc ducitur, vel sub ministri potestate positus, illo comitante illuc ire permittitur, vel funibus ferreisque circulis vincitus ducitur, vel satellitum caterua stipatus. Demum vno verbo, qui sub curiæ potestate illuc venit, siue illuc ipsi curiæ ministri illum ducant, siue ministrum curiæ secum colligatum illuc secum prætrahat, ut si petat ad Ecclesiā duci ad percipiendā sacramenta, vel breuiandi itineris causa à satellitibus per Ecclesiā ducatur aliquod. De hoc ergo quaerimus, an si quis sub curiæ, seu ministrorum eius potestate ad Ecclesiā veniat, admittendus sit ad immunitatem, si eam, ubi ad Ecclesiā peruenierit, petat. An verò necesse sit ut ad Ecclesiā perueniat liber, siue quod nondum fuerit captus, siue quod cum captus duceretur, discussis à se curiæ ministris, atque ex illorū manibus proliens liber Ecclesiā ingrediatur.

2. Nicol. Boer. *decis.* 110. col. 2. & post eum Nauarr. *in manual.* c. 25. n. 19. *vers. & qui comprehensus.* putant non esse necesse liberum esse, sed etiam si captus, vincitūque ducatur, etiam si iam damnatus ducatur ad supplicium ubi immunitatis loca attingens ab Ecclesiā defendi petit, defendendum esse ab ea, nec permittendum, ut inde extrahatur. Idē tenet Clar. *in pract.* §. fin. q. 38. & post eum Fatnac. *1. p. criminal.* q. 28. lo. de Vuischis *in tract. de immun. Eccles.* n. 52. & Gomes *Institutionib. de actionib.* §. *penalis* n. 30. Viuius *com. opin. in v. condemnatus.* Qui Clar. Nauarr. & Fatnac. testantur hanc esse communem, quod inde maximè confirmari potest, quod

P. Gambac. *de immun. Eccl.*

nullo iure cautum est, ut veniat liber, & licet is, qui per Ecclesiā ducitur, non dicatur propriè ad illam confugere, satis est, quod ubi illuc peruenit, dum in ea est, petit defendi, cum expressio canone, *sicut antiquitus* 17. q. 4. non modò confugientes ad Ecclesiā, sed residētes etiā in ea immunitatē cōsequantur, quod etiā habetur in can. *definitus*.

Contrariam sententiā apertè tenet gl. & post eam Archidiaconus *in can. sicut antiquitus*, iam citato, nō gaudere immunitate, nisi liber ad Ecclesiā perueniat. Idem videtur sentire Hostien. *in sum. de immun. Eccles.* §. *in quantum, versic. sed cum Ecclesia*, ubi hac ratione probat corpus Christi sacratissimum sumpsum à carceratis non eos liberare, quia nō accedunt ad illud sumendum liberi, sed sub potestate. Idem sentit Oldrad. *consil.* 54. & lo. Igneus *l. 1. ff. ad senatusc. Syllanian.* col. 3. Desumit argumentum Archidiaconus ex *l. si quis. Cod. de adific. priuatis*, ubi transferenti marmora, & columnas de domo propria, quam habet in vna ciuitate, in aliam domum propriam, quam in alia habet ciuitate, concedit, ut etiam per muros, vel per mediam ciuitatē, si necesse sit, trāsferat. Indeque infert licere ministro curiæ hominem iam factum suū, quem captum tener, per mediam ducere Ecclesiā, neque ideo perdere ius, quod habet in illum. Sed sanè friuola est ratio ab inanimatis marmoribus ad hominem, à muris, & ciuitate ad Ecclesiā, à re merè temporali ad spiritualem immunitatem, ab vno casu ciuili iure expressio ad alium nullo iure expressum, à re, cuius homo est plenus & perfectus dominus, ad personā hominis liberi, supra quā nullum ha-

K l c bet

- bet dominium, sed neque ius, nisi illū ducendi sub custodia, cum præsertim immunitatis priuilegiū Dei, & Ecclesiarum reuerentiā spectet. Adducialia ratio potest pro hac Archidiaconi sententiā, quod cum sit vbique ferē gērium apud Christianos receptum, ut damnati ad mortē duci soleant ad carcerū sacella, vel pridie ante mortem, vel eiusdē diei summo mane, ut ibi sacro Eucharistiz viatico cibentur, Deo vacent, piē ad salutem animarum iuuentur, & ad patienter perferēda supplicia animētur, si immunitas vinētis prodesset, possent ij cum primū in id sacellum ingrederētur, petere se ab
5. Ecclesia defendi. Sed respondeo tamen prædicta carcerum sacella ad quæ damnati ad mortem ducuntur, esse communiter priuata quædam oratoria, quæ sicut hoc eodem lib. 4. cap. 1. constitutum est, ex Gofr. sententia carent immunitate. Secundò
  6. respondeo sicubi eiusmodi capellæ publicæ sunt, & autoritate Episcopi constructæ cum erectione crucis in primo lapide, ita ut immunitas eis cōpetat, ex quo iā damnati illuc duci, ac deinde extrahi ad mortem solent, esse recepta consuetudine præscriptum, ut immunitate careāt: quæ consuetudo non solum de ea capella, quæ antiquitus in carcere erat, sed de quauis siue eorundē, siue aliorum carcerū capella, siue antiqua, siue noua, & nuper extructa ad iuuandos ea ratione carceratos damnatos ad mortem deputata est, etiam si esset Ecclesia consecrata. Si verò ad aliam quamcumque Ecclesiam vinētis perueniat, ad immunitatem admittendus est.
  7. Hinc infero multo magis deberi immunitatem illi, qui cum esset Ecclesiæ iam vicinus, per vim abstra-

xit se de manibus ministrorum, ac liber Ecclesiam est ingressus. ut post allos non paucos tenet Couar. lib. 2. cap. 20. n. 13. quem sequitur Farinac. 1. p. criminal. c. 28. n. 44. & Bossi. per eū relatus contraria argumenta dissoluit: hoc autem limita, dummodo non cum graui delicto in ipsa Ecclesia sese de satellitum manibus eximat. v.g. non id faciat occidendo in Ecclesia satellitem mutilando, grauitur vulnerando; tunc enim ratione grauis delicti in Ecclesia commissi immunitate priuaretur, iuxta text. in c. fin. de immunit. Eccles.

Multo magis immunitas debetur ei, qui in sequētibz curiæ ministris aut dexterior, aut celerior, antequā ab eis caperetur ad Ecclesiā peruenit, etiam si fugere cœperit eo loco vbi capi legitimè poterat. Ita Bal. Rom. Alex. & Ias. in l. plerique ff. de in ius vocando. Henric. Boic. in c. fin. de immunit. Eccles. Chassan. in consuetudine Burgund. rubr. 1. §. 5. versic. Archidiacon. n. 216. Io. Lupi in rubr. de donat. & plerique relati apud Farin. q. illa 28. n. 41. vbi etiam ostendit hanc opinionem & communioem esse, & communi praxi receptam, licet contrarium senserit Cyn. in authentico si quis ei. Cod. de adulter. Hippolyt. l. vntica. Cod. de raptorib. virg. n. 3. Io. Maria Moticelli in pract. crimin. reg. 11. n. 20.

De carceratis, qui fracto carcere ad Ecclesiam confugiunt, Chassan. in consuetud. Burgund. rubr. 1. §. 5. versic. Dominus Archidiaconus n. 16. testatur in Gallia frequenter obseruatū esse ut inuitus extrahatur, Clar. in pract. §. fin. q. 30. testatur contrarium seruātū fuisse apud ipsum 28. Decembris 1557. Papiæ, vbi, cum carcerati qui fracto carcere ad Ecclesiam confugerant, iussu Illustrissimi Ducis fuissent extracti, &

ad

ad carceres reducti, fuerunt deinde senatus autoritate, & tanquam indebitè extracti, eidem Ecclesiæ restituti. Boër. *decif.* 100. n. 8. & 9. restatur idem apud eum seruatum in senatu Burdegalensi, quam praxim Chailan. qui contrariam tenuit, fateri iuri consonam: eademque probat Couar. *lib. illo 2. cap. 20. n. 13. vers. decimo octauo ex his*, Farinac. q. illa 28. n. 42. estque, meo iudicio, vsque adeo iure cetta, vt propter illam vniuersalissimam vtriusque iuris regulam de non abstrahendis de Ecclesia confugis, à qua casus iste exceptus non est, non possumus sine temeritatis nota de ea dubitare. Nisi fortassis in Gallia vigeat vsque hodie illa consuetudo, cui se vigeat deferendum est.

*An carceratus emissus è carcere sub iuramento redeundi, confugiens ad Ecclesiam sit ad immunitatē admittendus.*

## CAPVT XIX.

1. **I**N hoc coueniunt Doctores, si iniustus erat carcer, gaudere immunitate, nec posse vllō modo extrahi, etiā iuramenti religione. Ita expressè Alberic. *in l. fidei. Cod. de his qui ad Eccles. confug.* Henric. Boic. *in c. Ecclesia, de immunit. Eccles. Præposit. in c. inu. gentium n. 10. d. 1.* Aufser. *in Capella Tholosan. decif. 422.* Couarr. *lib. 2. cap. 10.* Farinac. q. 28. *de carcerib. 1. p. criminal. n. 43.* Io. Andr. *in additionib. ad Specul. in tit. de increiurand. super rubricam col. penult.* Bartol. *in l. relegati. ff. de pœnis.* Pro qua sententia adducunt bonū textum *in clem. Pastorālis, de re iud. in v. per violentiam*, iuncta glossa: vbi ait text. qua ratione teneretur aliquis audere sese in hostium sinu repo-

nere talis consistorij subire iudiciū, atque ad mortem per violentiam iniuriam, non per iustitiam, inferendam vltro neum offerre? Hac quidem iure timentur, hæc de more vitantur, hæc humana fugit ratio, hæc abhorret natura. Apertè igitur docet Pontifex neminē teneri adire locum, vbi per iniustitiam occidendus sit. His addit glossa *in dicto v. per violentiam*, per hanc literam videri, quod si captius ad pœnam, vel mortis periculum, relaxatur præstito iuramento redeundi certo die ad carcerem, si mors erat iniuriosa, non teneatur redire, si verò iusta, teneatur. Ego verò neque in verbis illius textus, vllam video iuramenti rationē, neque verò in textu, neque in glossa mentionem immunitatis: vt inde aliquid ad rem, de qua agimus, trahamus. Ita autem possemus eis vtī ad rem nostram, vt in textu quidem cognoscamus naturale ius conseruandi vitam, & nō eundi ad locum; vbi de eā periclitemur; ex glossa verò colligamus nō teneri nos ex iustitia illuc redire, vbi mors erat iniuriosa subeunda. Vtērius progrediamur non obstante iuramento posse nos iuxta eius dispensationem, ne illius religione reneamur, egredi de Ecclesia, ac redire, qua obtenta dispensatione absque vllō scrupulo ad immunitatem admitti petimus, & admitti debemus.

- Quod si iustus erat carcer, Io. Andr. *in addition. vbi supra*, expressè teneri carceratū teneri redire ad carcerē, quod idem docet gl. vbi supra, sed de immunitate nil dicunt. Aufrelius ad rem quidem respōdet, sed nescio quā bene; ait enim si nullum sit periculum pœnæ corporalis, permittēdum esse, vt de Eccle-

lia extrahatur inuitus; si verò sublit, de ea periculum permittendum nō esse, quod idem sentit Bartholom. Brixien. *q. dominicali* 38. quæ incipit, *carceratus quidem. & Archidiacon. canon. cum homo* 23. *q. 5.* Videntur eisdem assentiri Couarr. & Farin. *locis cit.* vbi cum hoc referant, nō reprobēt, probare videtur. Ego verò nullū tutum inuenio doctrinæ istius fundamentum; æquē enim violatur Ecclesiæ immunitas sola de Ecclesia extrahitione, ac punitione ipsa. Cum vtrumque sit iure immunitatis interdictum, ne extrahatur, neve puniatur, aut enim debetur illi immunitas, & neque extrahi permittendus est, aut non debetur, & etiā puniri permittendus est.

5. Fortassis dicere voluerunt, si nulla timeatur grauis pœna corporalis, inducendum esse, vt pro iuramenti religione cedat iuri immunitatis, cum iustam causam non habeat petendi dispensationem, secus si grauis pœna timeatur.

6. Mihi verò rem attentius consideranti distinguendum videtur inter id, quod ille, qui cum redeundi iuramento dimissus ē iusto carcere, facere tenetur in conscientia, & id, quod clerici Ecclesiæ, ad quam confugit, debent permittere fieri contra eum. Ac primum quidem licet non sit præsentis instituti proprium, quia tamen ad secundi declarationē non parum confert, quoniam magnam habet difficultatem, silentio prætereire non visum est.

Quid ergo is facere teneatur, his paucis complectar.

7. Primum, si quando iuramentum præstitit redeundi, sincerē ignorabat, imminere sibi vllum graue periculum mortis, mutilationis, aut alterius grauis pœnæ temporalis,

quod si sciuiisset, non iurasset: posteaque autem dimissus est, venit in huiusmodi periculi cognitionem, in conscientia non videtur teneri redire, non secus, ac si quando iurauit, nullum fuisset periculum, sed postea superuenisset. iuramentum enim datum est in quodam rerum statu, vero, vel putato, in quo facile poterat obseruari, postea vero inmutatus est rerum status, & grauis superuenit difficultas, quæ si aut præcessisset, aut præuisa fuisset, non iurasset; ergo cessat obligatio iuramenti in foro conscientię, sicut cessaret obligatio voti. Propter ignoratam enim grauem difficultatem, quæ postea cognoscitur, & quam si præuidisset non iurasset, non intendit in conscientia ad illam se obligare, & hoc in foro conscientię vniuersè procedit, siue iustus fuerit carcer, siue iniustus. Aduerte autem me dixisse, *quam si præuidisset, non iurasset*, quia si quando iurauit, intendebat etiā sub quouis graui periculo, sese ad redeundum obligare, secus dicendum est vt infra. Fundamentum huius dicti receptissimū est, apud omnes, iuramentū non obligare vltra ipsius iurantis intentionem.

8. Secundo si quando iurauit, notum illi erat periculum grauissimi alicuius damni, puta mortis, mutilationis, &c. distinguunt Doctores de iusto, iniustoque carcere, itemque de iusta iniustaque mortis periculo: si enim iustus erat carcer, iustaque mortis periculum, & sciens hæc iurauit cum intentione redeundi, sine vllō dubio redire tenebatur sub p. m. periurij. Ita expressē Panormit. *in c. si verò, de iuramen. gl. in clem. Pastoralis, de sent. & re iudicata.* Couarr. lib. 1. *variæ. resol.*

*resol. cap. 2. n. 8. vers. ceterum, & n. 10. vers. 10. ut ad propositum, ubi idem de eo affirmat, qui simplicem ad id fidem sine iuramento obligasset. Card. Anchar. 10. Andr. Alberic. & alij ibidem per eum relat, & communis Theologorum schola post S. Thomam 2. 2. quest. 89. art. 7. dicentium iuramentum teneri quantum in ipso est, verum facere id, quod iuravit: hic autem potest verum facere; ergo tenetur. Dixi autem, si sciens hæc iuravit, cum intentione redeundi, quoniam si dolose, & fraudulentè iurasset, intendens non se obligare in foro conscientie, peccasset quidem mortaliter, iurando, sed non teneretur implere, quia non se obligavit, idque siue iustus, siue iniustus esset carcer, tota enim iuramenti obligatio ex intentione iurantis pendenda est. Vnde id quod eod. loco ait S. Thom. in solut. ad 4. dicens iuramentum servandum esse secundum sanum intellectum eius; cui iuratur, de foro exteriori intelligendum est, ad vitandum scandalum, & aliorum qui audierunt offensionem non de foro interiori coram Deo, colligo id ex *can. humana aures* 22. q. 5. ubi Gregorius ita distinguit inter divinas humanasque aures, dicens: Humanæ aures verba nostra talia iudicant, qualis foris sonant. Divina verò iudicia talia ea audiunt, qualia ex intimis proferuntur; sic etiam iuramenti voces. Vnde deberet, vel fidem facere quoddam dolose iuravit, vel petere iuramenti rationabilem absolutionem.*

11. Tertiò si carcer iniustus erat, & iniustæ mortis periculum cognitum, & nihilominus sincerè iuravit, sine fraude; & dolo, cum intentione se obligandi, & redeundi, hoc opus,

hic labor est, valde dubia res est apud Doctores, & gravissima disputatio, in qua cautissimè procedendum est. Hanc fusè doctèque disputat Couarr. lib. 1. var. resol. c. illo 2. a. num. 7. reducuntur autem omnia quæ ibi dicit ad tria præcipua dicta.

Primò dicit Couarr. si iuranti nota erat iniustitia carceris, aut imminentis mortis, non tenere iuramentum, neque obligare iuramentum ad redeundum ad carceres, imò nec posse sine p. m. illuc redire. quam sententiam adeò certam putat, ut non possit de ea dubitari. Probat primò ex multis legibus & canonibus, quibus, quia parum ad rem faciunt, supersedeo. Secundò, quia si redeat, sciens se iniusta morte plectendum, cooperatur suæ iniustæ morti, quod est p. m. Iuramentum autem quod sine mortali peccato impleri non potest, validum non est, neque ullam inducit in conscientia obligationem. Tertiò probat ex S. Th. quilla. 69. a. 4. ad 2. ubi S. Thom. aperte concedit non teneri quempiam facere id vnde mors sequatur. Cuiusmodi est manere in eo loco, vnde rapiatur ad mortem. Si enim non tenetur manere quādo ibi est, multominus tenebitur illuc redire, quādo ibi non est. Subdit exemplum ipsius S. Thom. in eadē solutione ad secundum, dicentis ita damnatum, vel damnandum ad mortem non teneri manere in carcere, sicut damnatus ut fame poreat, non tenetur non sumere oblatum cibum, quoniam non sumere esset seipsum occidere.

Secundò distinguit Couarr. inter actus cooperantes ad mortem: ut alij sint actus directè, immediatè, & ex propria natura tendentes, seu cooperantes ad mortem, ut sunt, se ipsum iugulare, gladio transfodere,

venenum sumere, extrema se fame, inediâque conficere. Alij indirectè, mediâtè, remotè, & ex accidenti ordinati ad mortem, cuiusmodi sunt, manere in loco vbi mortis periculum inminet, aut eò pergere, vel illuc redire, ambulare ad patibuli locum, scalas patibuli ascendere, deinde subdit priores quidem actus nunquam neque esse ex se licitos, neque ex nulla causa fieri posse licitos, posteriores ex aliqua iusta causa posse, propterea quòd natura sua non pertinent ad crimen occisionis sui ipsius. Hinc colligit germanum intellectum illius doctrinæ S. Th. in sol. ad secundum corrigens id quod in præcedenti dicto affirmaverat, dicens ibi non intendere S. Thomam quòd manere in carcere, vnde ducendus sit ad mortem, sit seipsum occidere, sed quòd sicut damnatus ad mortem furcæ, vel decapitationis non intelligitur damnatus, vt ipse actum exerceat, ex quo sua mors sequatur, sed solùm, vt eâ patiatur, ita damnatus ad mortem famis, non intelligitur damnatus, vt ipse aliquid agat ex quo fame pereat, sed solùm vt mortem famis illatam sustineat. Vt in hoc currat similitudo, quòd sicut hic licitè potest comedere oblatum cibum; ita ille è carcere fugere, vel illuc non redire. Non currit autem in eò quòd æqualia sint, seu æquè sit, seipsum occidere, non sumere oblatum cibum, ac manere in loco vnde ad mortem ducendus sit, seu illuc redire.

15. Ex hoc secundo dicto clarè habemus, falsum esse primum dictum, & ab eo reuocari; cum enim redire ad carceres non sit cooperari suæ morti, & sit actus cohonestabilis ex alia causa rationabili, maximè co-

honestari potest, & debet religione iuramenti, & iuramentū redeundi ad carceres esse validum, & obligatorium, consequenter sub p. m. adimplendum.

Tertiò addit damnatum, seu dam-  
nandum ad mortem iustè, si di-  
mittatur è carcere, vel data sim-  
plici fide, vel iuramento redeundi,  
teneri sub p. m. redire. Damna-  
tum verò, vel dammandum iniu-  
stè non modò non teneri redire,  
sed, si detur fugiendi opportuni-  
tas, teneri fugere. alioqui temerita-  
tis crimen committit, quæ fortassis  
est mortale peccatum. Hoc dictum  
non modò destruit primum, vbi di-  
xerat quòd manere in loco est sei-  
psum occidere, sed dicit pugnanti-  
am, in priori enim casu non aliter te-  
netur redire, nisi ratione fidei da-  
tæ, & iuramenti. Nam his subla-  
tis, potest non modò non redire, sed  
etiam fugere. Ad eadem vis est iura-  
menti in secundo casu: sciens enim  
& intendens se obligare, iurauit, sic  
enim iurasse intelligitur, cum aliud  
non exprimitur, & quia non est  
seipsum occidere, nec cooperari ad  
mortem, nisi per accidens: ergo si in  
priori casu tenetur, tenebitur in  
posteriore, & è contra si in posteri-  
ore est temeritas, erit in priori.  
Confirmatur, quia non appar-  
et vnde sumatur ratio temeritatis in  
posteriore potius, quàm in priori;  
non enim ex periculo mortis, quia  
par est in utroque casu, non ex ra-  
tione iniustæ mortis, quia iustitia,  
vel iniustitia temeritatem non fa-  
cit. Demum religio iuranti omnem  
rationem temeritatis purgat: ergo  
nulla temeritas.

His ita reiectis concludo si fin-  
gere, sine fraude, & dolo iurauit  
cum intentione se obligandi, sciens  
carce

carcerem iniustum, mortemve iniustam fore, teneri in conscientia redire. Est expressa sententia Caiet. 2. 2. q. 89. 4. 7. ad 4. Roman. in l. stipulationes non diuiduntur n. 87. de verborum obligationib. vbi allegat textum singularem in l. 5. §. capitiuus. ff. de capitiuis. Nauarr. in Manual. c. 12. n. 18. Syluan. v. Iuramentum 4. n. 26. Angel. in v. Iuramentum §. 9. 37. quanuis hi tres loquantur de carcere non iniurioso. Et cerrè qui concesserit seditum ad carcerem non esse p. m. occidendi seipsum, necessario id confiteri tenebitur; si enim non est p. m. occidendi: ergo licitum est redire. Sed ad id quod licitum est obligasti te iuramento, sciens ad quid te obligares; ergo teneris implere illud. Nec valet friuolum illud subterfugium temeritatis, quia ex quo res non est natura sua illicita, illa temeritas, si qua est, purgatur religione iuramenti, & si temeritas aliqua dicenda est, in iurando fuit, non in adimplendo, sed neque vlla temeritas est; non enim liber eras, & iurasti ad carcerem iniustum ire, neque liber eras, & iurasti periculo iniustę mortis te exponere. Sic enim nonnulla temeritas esset, sed in iniusto carcere detinebaris, & iniustę mortis periculo eras expositus, ex aliqua causa voluisti parumper exire, iurasti ad pristinum redire statum, qui nisi iurasses, non fuisses permixtus exire; ergo nulla temeritas est in hoc iuramento, neque faciendo, neque adimplendo. Dixi autem, si iurauit cum intentione se obligandi, quia ex hac intentione omnis nascitur obligatio, non autem ex intentione implendi. Nam eo ipso quod iurat quis cum intentione se obligandi, etiamsi absque intentione implendi, imò cum

positiua intentione non implendi, tenetur implere, & peccauit mortaliter iurando, ex quo enim voluit se obligare, tenetur implere id ad quod se iureiurando obligauit.

Videamus si is non obstante obligatione quam habet redeundi confugiat ad Ecclesiā, ad quid teneantur illius Ecclesię clerici. Alia sunt quę videntur persuadere teneri clericos istū carcerario reddere, atque ab immunitate excludere. Primum est, quod iste cōfugiendū ad Ecclesiā, deest iuramento præstito, efficiturque periurus: ergo clerici si eum defendant, cooperantur eius periurio, quod periurium cessat si restituarur, sic enim quod iuratū erat impletur. Secundum est iniustitia quam iste facit carcerario cui frangit fidem, eo enim non redeunte retorquetur pœna in carcerarium, quod illum sub iuramento dimiserit, præsumetur infidus, corruptus, & pœnas fortasse talionis luet. Ergo huic iniustitię cooperantur clerici, nisi eū restituant. Tertiū iste in conscientia, & ex vi iuramenti, & ex iustitia, quā debet carcerario, tenetur redire: ergo clerici non defendentes eundē causā sūt, vt ipse faciat id, quod tenetur, nec illi iniuriā faciunt: ergo debet illum destituere. Quartò carcerarius iure petit illū sibi restitui; ergo illi restituendus est. hæc ratio supponit carcerariū non esse participē iniustę carcerationis. Sed contrarium tenendū videtur. Vel enim 10. excludendus est ab immunitate propter præcedentia delicta, propter quę carceri mancipatus est, & hoc non licet, nisi ea delicta essent de numero exceptorū à lege immunitatis. Vel propter hoc delictū fractę fidei, ac periurij, & hoc neque quia hæc delicta nō sūt excepta. Vel propter



pter damnum consequens carcero-  
rio ex eo, quodd hunc dimisit sub  
iuramento, & neque hic casus exce-  
ptus est, & sibi imputer carcerarius  
quodd sine iudicijs auctoritate, vel  
saltem sine idonea fidaque custodia  
illum dimiserit. Item iste ius habet  
defendendi propriam personam ab  
iniusto carcere, & vitam ab iniusta  
morte: ergo siue cum peccato illam  
defendat, siue absque peccato, non  
pertinet ad clericos pro vitando ei-  
us peccato, priuare illum iure suo  
quodd habet ad libertatem, vitamque  
tucendam. Demum quicquid hic in-  
est peccati, tolli potest obtinendo  
à prelato dispensationem in iura-  
mento prestitito, supposita presertim  
iniustitia carceris, & mortis. Qua  
probat, neque ista causa est poenae  
quam patietur carcerarius, sed iniquitas  
iudicis, qui iniuste poenam  
indebitam reo iniuste retorquet in  
carcerarium. Concludo, siue ius-  
tus fuerit carcer, siue iniustus, siue  
iustus, siue iniusta mors timeatur, siue  
peccet reus, non seruando iuramen-  
tum, siue non peccet, siue carcerario  
damnum nascatur, ac periculum, siue  
non, non pertinere ad clericos  
Ecclesiae, ad quam eiusmodi reus co-  
fugerit, hæc discutere, neque in his  
ius dicere, sed debere eos, confugā  
ad immunitatem admittere. Possēt  
tamen & deberent eum inducere  
rationibus & adhortationibus, vt  
datam fidem seruet, vt ne permit-  
tat carcerarium grauiam pro eo dā-  
na perpeti, cæteraque similia.

21. Ad primum & secundum argu-  
mentum respondeo clericos ad-  
mittentes istum ad immunitatem  
nullo modo cooperari eius aut per-  
iurio, aut iniustitiæ, quam facit car-  
cerario, sed solum vti eius peccato,  
quodd in eis peccatum non est, quia

non tenentur eo modo impedire,  
expellendo scilicet de Ecclesia, ipsi  
enim non sunt iudices.

Ad tertium respondeo licere 22.  
quidem clericis exhortando, & per-  
suadendo cooperari, vt ille id faciat  
ad quodd tenetur, non licere autem  
id facere expellendo eum de Ec-  
clesia.

Ad quartum respondeo, esto car- 23.  
cerarius iure petat, petit tamen ab  
eo qui potestatem non habet, il-  
lum restituendi, cum non sit eius  
superior, cumque immunitatis iu-  
re prohibitum sit illum restituere.

*An ipsemet carcerarius, qui carce-  
ratum dimisit è carcere, acce-  
pto ab eo iuramento redeundi,  
si ille ad Ecclesiam confugiat,  
teneatur ei seruare immunita-  
tem.*

#### C A P V T X X.

**T**A M hæc, quàm præcedens dis- 2.  
putatio appendices sunt ad eam  
disputationē, quā 18. c. institui-  
mus, an sit conditio requisita ad immu-  
nitatem, vt reus liber veniat ad Ec-  
clesiam, & non sub potestate, ex quo  
enim, iste erat iam carceratus, & sub  
potestate, ac sub iuramento dimissus,  
non est omnino à potestate libera-  
tus, adhuc sub eodem dubio versa-  
mur.

Carcerarius immunitatem illi 2.  
seruaret, si neque autoritate iudi-  
cis eum repetere conaretur, neque  
per vim, dolum, aut fraudem extra-  
here de Ecclesia niteretur. Proposi-  
ta ergo dubitatio est an teneatur  
carcerarius carcerato frangenti sibi  
iuramentum immunitatem seruare.  
Subtilis sanè questio, grauis mo-  
menti, & ad disputandum difficilis,  
atque

atque ideo scitu dignissima : quam apud neminem tractatam reperio, id quod rem mihi longè difficilior rem facit.

Distinguendum est initio, iustusne fuerit, an iniustus carcer, notoria ne, & publica iniustitia, an secreta, ac demum extraxeritne illū carcerarius, an nondum extaxerit. Demum fugerit ne carceratus ex se, an illum carcerarius sub redeundi iuramento dimiserit. Tū dico quædā.

Et primò dico, si loquamur post factum, quòd carcerarius iā extraxit de Ecclesia iustè carceratum, qui à se sub redeundi iuramento dimissus, fracta fide ad Ecclesiam confugit, probabile mihi est, non teneri illum restituere Ecclesiæ, si inde imminet sibi graue & vrgens damnum in persona, vel in bonis, quod aliter vitari non possit. Probat, quia iure naturæ debet seruire se indemnem, & depellere à se graue damnum, & quilibet potest sibi retinere rem suam, aut sibi ad custodiendum traditam vndeunque eā acceperit, immo potest illam clam furripere, si alia non sit via recuperandi. Carceratus autem est aliquo modo ipsius carcerarij illi ad custodiendum traditus, qui & tenetur de illo reddere rationem, & iam est in possessione illius, & redactus ille est ad pristinum statum; ergo non tenetur illum à se amouere, & ad Ecclesiam reducere. Ideo valde probabile est apud me, nō debere Prælatum iubere illū restitui sub pœna excommunicationis, neque non restituentem excommunicare, & si excommunicet, non tenere excommunicationem, quia obligatio restituendi ablatum per vim confugam est iuris humani, ius autem conseruandi rem, quam possideo,

*P. Gambac. de immun. Eccl.*

ex cuius ablatione graue mihi oritur periculum, naturalis iuris est. Confirmatur, quia si carcerarius istum restituerat Ecclesiæ, facile veniret in suspicionem corruptionis, & tanto grauiora sibi damna pararet. Secus si carcerario quacunque ex causa nullum immineret periculum, neque in persona, neque in bonis, cessaret enim tunc totum ius naturale ipsius.

Secundò dico stante iustitia carceris, siue vera, siue putata, quòd carcerarius putat illum iustè carceratum, iustam etiam sententiam laturum iudicem, si dum reus est in Ecclesia, carcerarius videat sibi ex eius effugio imminere graue & vrgens periculum in fama, vita, membris, vel etiam in bonis, quod aliter vitari non possit, probabile est posse sine peccato extrahere, ac rapere illum de Ecclesia, non inferendo tamen vim clericis, sed soli reo captata occasione absentiae clericorum. Probat, quia habet ius naturale conseruandi se immunem, præsertim ab illis malis quæ ex malitia alterius sibi imminet. Neque enim alia ratione sibi potest prouidere; clerici enim Ecclesiarum illum nulla ratione restituent, sicut nec possunt, nec debent restituere. Dixi autem, non inferendo vim clericis, quia clerici iure defendunt illi immunitatem: ergo non licet vim eis inferre.

Tertiò si notoria erat iniustitia carceris, & carcerarius captata occasione illum iam rapuit de Ecclesia, reduxitque ad carceres, tenetur quidem omnem adhibere diligentiam, vt is Ecclesiæ, ex qua extractus est, restitatur, & si non timet sibi graue damnum propter iniustitiæ notorietatem, videtur teneri ad

L I. resti

restituendum, potest enim liberare innocentem sine suo gravi damno, quem ipse in carcerem reposuit; ergo tenetur liberare. si autem non potest restituere sine suo gravi damno, ex quo iam est ventum est, ut alterutri patiendum sit, potest eligere suam indemnitate cum illius periculo.

7. Quartò, si verò loquamur ante factum stante notorietate iniusti carceris, valde probabile est carcerarium non posse illum per vim, vel dolum extrahere de Ecclesia, & ad carceres reducere, quia facit illi iniuriam propter eius innocentiam, & quia stante notorietate iniusti carceris, non videtur graue periculum imminere carcerario; & si imminet, non inde imminet, quia ille non redit ad carceres, sed ex mera malitia iudicis iniuste procedentis contra carcerarium.

8. At quoniam ad carcerarium non pertinet cognoscere, iustusne, an iniustus sit carcer, neque dimittere iniuste carceratos, sed solum protestari apud iudicem, & si ille nolit corrigere, deponere officium carcerarij, etiam quando iudex potest multa alia prætereendere contra illum carceratum, quæ ignota sunt carcerario, ac demum etiam tunc potest timere carcerarius graue aliquod damnum, ideo adhuc æquè probabile videtur posse carcerarium cum alia non occurrat via, tapere de Ecclesia carceratum, & ad carceres reducere, quoniam illi se ad id carceratus sub iuramento obligauit, & ius naturale conseruandi se indemnem semper manet.

Deberet tamen priùs curare, ut reus per se rediret ad carceres, nisi periculum esset in mora.

9. Vltimò de iudicibus, ac præfe-

ctis vrbium, ad quos pertinet punire huiusmodi reum, dubitari potest, an posteaquam carcerarius ob suam immunitatem extractum de Ecclesia reum reduxit ad carcerem, petentibus Ecclesiæ cleticis eundem restitui Ecclesiæ, de qua extractus est, teneantur iubere restitui; supposito illi deberi immunitatem, respondeo videri mihi omnino ad id teneri, cessat enim in his omnis ratio, quæ carcerarium excusabat. Ad hos enim pertinet, & penes eos potestas est, id iubendi, & nullam habere rationabilem causam, quæ eos excuset; cum enim ipsi non dimiserint e carcere cum iuramento redeundi, non potest pars aduersa de illis conquetti, nullum illis imminet periculum, nec in persona, nec in bonis, ne leue quidem: ergo tenentur hoc facere. Confirmatur, isti non possunt iubere reum detineri in carcere, neque damnare illum ad pœnam, quia debetur illi immunitas, requiruntur à clericis, ut eum iubeant restitui, & ad ipsos pertinet restituere; ergo ad id tenentur.

---

*An ex parte loci sacri necessaria conditio sit, ut confuga illum ingrediatur ad immunitatem consequendam, an verò sit satis eum attigisse.*

#### CAPVT XXI.

**S**UPPONENDVM est communi omnium consensu, vbi confuga Ecclesiam, Monasterium, cœmeterium, ingressus sit, citra ullam dubitationem gaudere immunitate, neque verò perdere illam, quam

quamnis inde postea ad cellulas, ad domos, ad hortulos, ad balneas, ad porticus, ad atria, ad scalas, atque ad extremas fores exeat, imò & ad illos 30. vel quadraginta ecclesiasticos passus, ubi sunt in usu. quod ideo dico, quoniam in desuetudinem iam abiit, plerique Doctores testantur, ut dictum est supra in hoc 4. lib. cap. 1. n. 8.

2. Dubium est, an statim atque confuga hæc loca attigerit, vel tetigerit manu, immunitatis privilegium sortiatur, ut insequentes illum secularis curiæ ministri capere illum inte non possint. V. g. peruenit ad fores Ecclesiæ, ascendit limen, vel fores manu tetigit, aut etiam apprehendit; diligens curiæ satellites, qui illum insequatur in ipso limine illum assequitur, atque in foribus, ille reperiens clausas fores, tangit illas, aut manu vinctas apprehendit; idem dico de atrio, de horto, de balneis; &c. eritne immunitus? Io. de Vuischis in tract. de immunit. Eccl. n. 12. & 13. expressè tenet, & pluribus probare nititur, confugas non acquirere immunitatem ad quemcunque prædictorum locorum peruenierint, quousque ipsam Ecclesiam, eiusque septa intra murorum ambitum cōtenta ingrediatur; itaut si curiæ secularis ministri, ac satellites assequantur confugam antequam Ecclesiam ingrediatur, libere eum capere possint, ac ducere ad carceres, ex quo illud consequi videtur, captos, qui per quousque immunitatis loca extra Ecclesiam ducuntur, si Ecclesiam non intrent, non posse immunitatem perire. Probatur primò, quia omnia iura, quæ de immunitate loquuntur, exprimunt

in specie Ecclesiam. c. inter alia confugiens ad Ecclesiam. c. immunitatem nisi per Ecclesiam ad quam confugiunt. in canonibus decreti 17. q. 4. can. definuit confugientes ad Ecclesiam. ita in can. nullus clericorum. Quod si obiciat in can. frater, & can. metuentes, exprini confugientes non ad Ecclesiam, sed ad septa Ecclesiæ. Respondet septum idē esse quod ipsam Ecclesiam, sic dictam quòd sit murorū septo clausa. Ita enim Archidiaconus eo loco dicit septum accipi pro loco sancto mutis circumdato. Secundò probat, quia tam civilia, quàm canonica iura exitū ad hæc loca exprimunt, non autem ingressum: ergo exeunti ad ea debetur immunitas non ingredienti, nisi ingrediatur Ecclesiam. Tertiò ex causa propter quam hæc loca concessa sunt, non enim ad citius pertingendam loca immunitatis, sed ad exeundum ad requisita naturæ officia concessa sunt, quemadmodum etroque iure exprimitur. Hæc autem non sunt primò ingredientium officia, sed eorum qui aliquandiu in Ecclesia commorati sunt: ergo illis immunitas hæc cōpetit in prædictis locis.

Contrariam sententiam tenet apertè Hostiensis in summa tit. de immunit. Eccles. §. in quantum, versiculo immunitatem, dicens, ex quo ergo quis ad Ecclesiam confugiens, infra dictum ambitum 30. vel 40. passuum se receperit, Ecclesia ipsam saluare debet. Vbi obserua verba illa, ex quo confugiens se receperit, quæ denotant, ex ipso, vel in ipso actu fugæ illuc peruenientem. Neque verò minus apertè Albert. idem sentit in l. fidei. Cod. de his qui ad Eccles. confug. dicens eos intel-

ligi ad Ecclesias confugisse, qui confugiunt sub porticibus earum, & circumquaque ad ipsam Ecclesiam ad 30. passus. Sed & Io. Igneus ff. ad *Senatusconsult. Syllanum*. l. 1. n. 17. in eadem sententiam scribit, dicens: Siquis ad Ecclesiam confugiens, cumque clausam reperiens, manu portarum eius, seu portarum vestes apprehenderit, non posse inde absque immunitatis violatione diuelli. Nauarr. c. 25, n. 17. ait, peccare eos qui de loco sacro extrahunt eos, qui illuc confugiunt: deinde declarat loci sacri nomine intelligi prædicta loca, seu spacia, aperte insinuans peccare eum qui extrahit de quouis prædictorum spatiorum, eos qui ad ea confugiunt, id est, eos qui fugiendo illuc perueniunt. Hæc verò posterior sententia videtur mihi & iuri, & rationi conformior. Probo primò ex iure ciuili, l. pateant. Cod. de his qui ad Eccles. ubi dicitur non solum alaria, & circumiectum templi oratorium, quod Ecclesia quadripartito murorum septu concludit, ad tuitionem confugientium sancimus esse proposita, sed vsque ad extremas fores, quas oratum gestiens populus primas ingreditur, confugientibus aram salutis esse, ut inter templum post loca publica, & ianuas primas quicquid fuerit interiacens, siue in cellulis, siue in domibus, siue in hortulis, balneis, arcis, atque porticibus, confugas interioris templi vice tueatur, quibus in legis verbis tria obseruanda sunt. Primum enim bis confugientium facit mentionem, quæ vox actum fugæ illorum sonat. Secundò vult quicquid inter templum, & extremas fores interiacet, aram salutis esse: ergo quisquis inibi est,

quoquomodo ibi sit, est ei ara salutis, ita ut sicut satis est aram attigisse, ita sit satis attigisse quemlibet dictorum locorum. Tertiò addit hæc omnia loca quæ sunt extra templum interioris templi vice tueri confugas. si vice templi: ergo eodem modo eos tuentur quo templum. Id autem tuetur eos statim atque illud attigerint; ergo. Secundò probo ex iure canonico *can. signis contumax* 17. q. 4. ubi euidentissimè hoc habemus expressum. Dicitur enim, si quis contumax, vel superbus timorem Dei, vel reuerentiam sanctarum Ecclesiarum non habuerit, & fugientem seruum, vel quem ipse persequutus fuerit, de atrio Ecclesiæ, vel de porticibus quolibet modo Ecclesiæ adherentibus pervim abstraxerit, &c. quò in textu duo illa verba obseruanda sunt, *fugientem*, & *quem ipse persequutus fuerit*. quibus apparet sermonem esse de actu fugientis serui, & domini insequentis, ut si dum ille fugit, & hic insequitur, assequutur illum atrium Ecclesiæ, vel porticus, inde abstraheret, &c. quibus non poterat clariùs dici. Tertiò probatur ratione, quoniam his spatiis locisque tributa est immunitas ratione Ecclesiæ: ergo par eorum atque Ecclesiæ immunitas esse debet. Quartò, quia magna quotidie nasceretur circa immunitatem perturbatio, oporteret enim semper confugas, posteaquam Ecclesiam adiissent, testes adhibere, ne ad ea loca egressi calumniam paterentur, quasi tunc primò illuc peruenissent, essentque semper huiusmodi calumniis obnoxij, quo fieret, ut nemo auderet ad ea exire, cum semper habere illis paratos testes sit impossibile.

6. Addo quod de his in Ecclesia spatiis dictum est, locum habere in aliis immunitatis locis, monasteriis, religiosis domibus, hospitalibus, palatio Episcopi, & similibus, ut in eorum arcibus, porticibus, hortulis eadem competat immunitas iis qui ad ea ex fuga peruenere, etiam si nondum intra monasterium, domum regularem, hospitale sint ingressi.

Ad primam rationem contrariæ sententiæ respondeo parum obstaré, quod iura adeò frequenter Ecclesiam expriment, cum iisdem non modò civilibus, sed etiam canonicis legibus expressissimis hæc nostra sententia expressa sit, ut patet ex nostris duabus prioribus rationibus.

Ad secundam patet eodem modo; expriment enim apertè iura etiam ingressum in prædicta loca, & spacia immunitatem habere, quæ admodum ostensum est.

Ad tertiam respondeo, licet illa fuerit causa concedendi ea loca immunitatis, ut ad ea exirent confugæ ad officia consueta naturæ, non tamen restricta fuit illorum immunitas ad exeuntes ad ea tantum, sed vniuersè tradita, imò & specificè declarata pertinere etiam ad confugientes ad ea.

## PARS QUARTA.

*De commodis & privilegiis immunitatis Ecclesiarum.*

**I**N hac parte tota vis & natura huius privilegij immunitatis declaranda est. Quæ enim commoda affert hoc privilegium, ea aut ad substantiam ipsius pertinent, aut

eam consequuntur tanquam ei valde affinia. Hæc diligenter omnia peruestiganda sunt, ne quid confugis, aut per iniuriam detrahatur, aut per indulgentiam permittatur ex iis, quæ aut concedenda, aut vetanda sunt. Neque enim aut leue, aut simplex aliquod commodum censendum est ad confugas ex hoc privilegio deriuari; sunt enim permulta, varia, grauiora, magnique momenti commoda, tum generatim ad omnes, tum speciatim ad reos criminum, ad obæratos, ad seruos pertinentia. his perquirendis, ponderandis, percensendis, hæc quarta libri quarti pars tota insumenda est.

*Quæ commoda consequantur confugientes ad Ecclesiam locaque sacra ex immunitatis huius privilegio.*

## CAPVT XXII.

**D**E CEM numerati possunt privilegia confugientium ad Ecclesias, aliaque immunitatis loca, quorum quædam sunt omnibus communia, quædam certo personarum generi propria.

Primum commune omnibus commodum est, non posse in Ecclesia locove confugij capi, carcerari, arctari certo intra Ecclesiæ loco, vinciri funibus, catenis, compedibus propter vllam earum causarum, propter quas ad Ecclesiam confugerunt. Habetur expressè in iure civili *l. præfenti, Cod. de his qui ad Eccles. confug.* quod canonico iuri non modò non repugnat, sed ab eo potius probatum est, atque vniuersali consuetudine vbique gentium receptum.

ptum. Dixi vinciri, arctarique non posse propter vllam illarum causarum, propter quas ad Ecclesiam confugerunt, quia propter Ecclesiarum indemnitate, & clericorum securitatem arctari vinciri que possunt, & aliquando debent, neque enim tenentur clerici Ecclesiarum hominem aut omnino ignotum, aut suspectum liberum de nocte in Ecclesia relinquere, aut in suis cellulis, hortis, &c. Timere enim possunt, ne simulato ad Ecclesiam confugio, aut confugij causa, furetur bona Ecclesiarum, aliarum ornamenta, aliaque similia; idcirco accedente nocte possunt cum eo pacisci, ut aut se ligari, certo loco includi patiatur, aut de Ecclesia exeat. qui si id pati nolit, possunt, ac debent eum de Ecclesia expellere, absque vlllo immunitatis violatæ scrupulo; non enim illum ipsi expellunt, sed ipse exire vult, qui in aliena domo liber esse vult.

3. Contra hoc commodum fuit aliquando alicubi consuetudo confugas quoslibet cumprimis ad Ecclesiam peruenissent, vincire compedibus, aut sub tuta seruare custodia, donec cognosceretur num admittendi ad immunitatem forent, an verò ab ea excludi; & siquidē admittebatur, ilico libeti esse permittebantur, sin excluderentur, ita ut erant, vincti ad carceres rapiebantur, & secundum iura contra eos agebatur. Id ideo inductum erat, quòd non pauci, qui propter delicti acerbiter inire erant ab immunitate excludendi, nihil aliud per immunitatis, & confugij illius occasione quætebant, quàm fugiendi opportunitatem, multique passim hac ratione iudices eludebant. Referunt

hanc consuetudinem Guido Papæ *decis. 121. circa fin. Clar. in pract. 9. fin. q. 30. versiculo, Quaro modo. Remig. in tract. de immunit. fol. 258. q. 6. & post eos Farinacius 1. p. criminal. q. 28. n. 10.* Verum vniuersalis non fuit hæc consuetudo, fuit tamen iuri immunitatis cõsona, propterea quòd dum non constabat, an immunitatem haberent, eos ita arctabat; tunc enim immunitatis priuilegio gaudere nondum debebant. Eidem autem malo alia commodiore ratione per præsentem Gregorij X I V. constitutionem abunde pronisum est, ut paulo post dicitur.

Secundum commodum est, non posse confugas in loco confugij obli-<sup>4.</sup>deri, neque verò prohiberi, quominus ad eos alimenta, vestimenta cæteraque ad sustentationem pertinentia, deferantur. habetur in l. *presenti, Cod. de his, qui ad Ecclesias*, quod est per Doctores communiter receptum. Ita Panormitanus in c. *inter alia, de immunit. Eccles. n. 13.* Guid. Pap. q. 121. Io. Igneus l. 1. ff. *ad senatus consul. Syllanum.* in initio, quæ non modò sequuntur, sed etiam cõmunem esse profitentur, Couarr. lib. 2. *variæ. resol. c. 20. n. 17. vers. 31.* Antonius Gomez *variæ resol. tom. 3. c. 1 sit. quando reus gaudeat n. 1.* & Farinac. 1. p. *criminal. q. 28. n. 9.* & probatur optima ratione, quoniam aliàs eluderetur omnis immunitas hoc præsidio. subtraçtis enim rebus omnibus ad vitam necessariis cogeretur exire quisque de loco immunitatis, ne earum defectu periret. Hoc præsidio aliquando vsus est<sup>5.</sup> in hac felici vrbe Illustrissimus & Excellentissimus Albælistæ Comes cùm Prorex in hoc regno esset, san-  
do

deo quidem zelo ductus, & ab iis qui ei à consiliis aderant, inductus. Cum quidam, qui per assassinium Principem mulierem Mauram occidisse dicebatur, per fenestram in quodam sanctimonialium monasterium sese deiecit; obsedit enim armato milite monasterium, neque soli confugas, sed & monialibus omnibus, totique monasterio victualia inferri prohibuit, donec Illustrissimi Don Cæsaris Mcurullæ Archiepiscopi sanctissimi viri rogatu coacta Theologorum multitudine, & Fisci Parrono, de causa cognitum est, eorumque consilio obsidio soluta est; cumque reus paulo post inde ingressus sponte esset ad magnæ regis curiæ Tribunal ductus, innocentem tandem repertus, liber dimissus est: tanta enituit in Prorege pietas in obsidione soluenda, quantus præcesserat iustitiæ zelus in ea ponenda, rectitudo demum in homine qui innocentiam probasset, libero dimittendo. de qua re fusiùs lib. 3. c. 5. dictum est.

6. — Tertium commodum, non posse neque de Ecclesia expelli à clericis, neque per vim, dolum, fraudem, extrahi, à ministris, & satellitibus curiæ secularis. habetur in *l. presenti*, & *l. fideli. Cod. de his qui ad Eccles. confug. can. miror. c. reum. c. id constituimus. c. de finibus. c. sicut antiquitus* 17. q. 4. & *c. inter alia, de immunit. Eccles. & can. de raptorib. 36. q. 1.* & si quis fortè extractus per iniuriam sit, est eadem Ecclesiæ omnimodis restituendus, ex iisdem canonibus. Idem communiter docent omnes tam ciuilibus, quàm canonici iuris interpretes, ut testatur Gomez & Remig. relati apud Clar. in *pract. §. fin. q. 30. vers. 1.* & Bonaccos.

1. *p. comm. opin. vers. Ecclesia habet immunitatem fol. 56. Couarr. cap. 20. n. 2. Io. Andr. in c. inter alia, & Io. de Vuischis in tract. de immunit. Eccles.* Vbi etiam egregiè obseruat hanc prohibitionem extrahendi confugas de Ecclesia in utroque iure factam esse per vniuersalem negatiuam, nullus, nemo, &c. ut hinc appareat, nulli omnino hominum, ne Principibus quidem seculi vquam licuisse quenquam de Ecclesia extrahere, quod expressè dicitur in *can. frater* 17. q. 4. Mihi verò obsequare libet non frustra in illa *l. presenti*, duo ista simul prohiberi, nempe expellere, & extrahere de Ecclesia, si enim solum prohiberetur extractio, possent satellites per vim expellere in fraudem legis, si solum expulsio, possent extrahere. Vtrumque autem aded inuiolabiliter obseruandum in se est, etiamsi nihil inde timeatur, ut quantumcunque iudex sub quouis solemnium iuramento remittere omnem pœnam promittat, adhuc non liceat reum, aut expellere, aut extrahere inuitum. Solum enim permissum est clericis seruos eiicere, ac dominis restituere, acceptis impunitatis sacramentis, & dominis post eadem præstita sacramenta illos per vim extrahere, quod idem promissum est, cum seruus vult in Ecclesia consistere armatus, neque à clericis admonitus arma deponit, sicut supra in hoc eodem lib. p. 3. cap. 17. dictum est. Vnde & in *can. reum* 17. *quest. 4.* post impetratam vitam, & membra iubetur legitimè cum parte componere. Difficultas manet ex textu *cap. inter alia, de immunit. Eccles.* ubi statutum est impetrata vita, & mem



& mēbris alijs legitimē puniri: puniri autem nequeunt, nisi iudici tradantur; sed de hac infra suo loco, cūm de punitiōe agemus.

8. Aduertendum est autem hoc loco, his tribus commodis nonnihil esse hac constitutione detractum, non quidem quoad eos, quibus immunitas competit, sed in communi, quoad omnes confugas antequam constet, num immunitas competat eis; statutum est enim reos omnes qui ad Ecclesiam confugiunt, requirēte curia seculari, de licentia Episcopi, cum interuentu personæ ecclesiasticæ extrahi de Ecclesiis, duci ad carceres curiæ ecclesiasticæ, ac tandin inibi detineri, donec ab Episcopo cognoscat, num casus eiusmodi sit vt debeatur illi immunitas, vel negetur, quo facto per Episcopum, aut personam ad id ab eo deputatam, liber eidem Ecclesiæ restituitur, si illi immunitas adiudicata sit, sin verò secus, seculari curiæ per iudicem ecclesiasticum de mandato Episcopi consignetur. Hæc ergo tria commoda non amplius ab initio confugij, sed posteaquam Episcopus pronunciauerit ad immunitatem admitti, reo prodesse possunt quoad forum ecclesiasticum, licet quoad forum laicum etiam nunc ab initio illis prosint.

9. Quartum commodum est in rebus, bonisque temporalibus confugientium ad Ecclesiā. Non enim ea solum bona, quæ fortè secum in Ecclesiā fugiendo intulerunt, aut postea afferri fecerunt, tuta sunt, *can. sicut antiquitus* 17. q. 4. sed etiam omnia, & quæcunque alia bona, siue mobilia, siue stabilia, ne ipsa ratione confugij ad Ecclesiā in eis molestari possint, sicut habetur in *can. definit*. vbi prohibetur, ne

qulequam damni, aut spolijs reis ad Ecclesias confugientibus inferatur. Si enim hoc liceret, facile seculares magistratus omnem iram, furorēque cūm non possent in personas, in bona confugarum conuerterent, rebusque omnibus eos spoliarent, cuius damni metu multi ab eo confugio abstinere, alij posteaquam confugissent, exirent, ne filiis, ac toti familiæ bonorum spoliatiōe nocerent. Dixi autem, *ratione confugij* 10. nam contra oblatos potest agi ad recuperationem rerum, decretum primum ac secundum interponi, missio fieri, &c. non quidem in pœnam confugij, sed ad debiti recuperationem.

Quod si eiusmodi delictū reus commiserit, vt cōtra id cōstituta sit siue à iure, siue à Principe pœna confiscationis omniū bonorum, concessa ipsi personæ immunitate, si debita illi sit, nihilominus proceditur contra illum ad bonorū confiscationē, quia non ratione confugij agitur contra eius bona, sed ratione talis delicti, & legis hanc pœnam statuentis.

Quintum commodum est seruorum proprium, scholasticorum, & discipulorum cuiusvis artis, & quorumuis alicui subiectorum, qui ad Ecclesiā cōfugiunt metu moderatæ alicuius pœnæ, quam timēt, ac dominis ac magistris, ac superioribus: est autem remissio omnis illius moderatæ pœnæ, de cuius remissione clerici Ecclesiarum, antequam eos tradant, sacramenta debent ab illis recipere impunitatis, *can. nullus clericorum, c. metuentes. can. vxor. c. definitiuit. & can. id constitutum*. §. seruus autem 17. q. 4. & cap. inter alia. §. si verò seruus, de immun. Eccles. neque vnquā sunt per clericos Ecclesiarū, nili

nisi post præstita impunitatis sacramenta restituendi : si autem domino præstante impunitatis sacramenta, sacerdos Ecclesie seruum domino non restituerit, & seruus aufugeret, tenetur sacerdos secundum iudicis electionem aut seruum querere, ac domino restituere, aut de damnis illi satisfacere. *d. can. definitiuit.* Si vero dominus post præstita impunitatis sacramenta pro ea causa seruum verberauerit, grauiter punitur. *d. can. id constituimus.*

13. Sextum commodum proprium reorum criminum capitalium, olim enim antiquo iure decreti liberabat immunitas reos omnes à morte, debilitate, id est, debilitatione membrorum, id est, pœnis quæ debilitare possent membra, ac demum ab omni pœnarum genere. Quæ omnia debebant clerici sub sacramento impetrare, antequam reum donarent. *can. id constituimus.* Imò & in *can. definitiuit* veritum est, ne quis audeat quicquam nocibilitatis, dampni, vel spolij eidem inferre. Et licet in *can. reum* solum iubeantur clerici impetrare reo pacem, vitam, ac membra, non tamen ideo permittebantur illum donare ad aliam corporalem pœnam, nisi solum pecuniariam, dicitur enim, *vitam, & membra obtinere studeant*, tamen legitime componat, quod inique fecit: componere autem pœnam pecuniariam sonat, & in *can. id constituimus*, ita prohibentur reum donare, nisi datis ad Euangelia sacramentis, de morte, debilitate, & omni pœnarum (nempe corporalium) genere sint securi, vt ei, cui reus fuerit criminofus, id est, quem læserit, de satisfactione conueniat, quæ satisfactio cum pœna corporalis non sit, pecuniaria esse debet, atque hoc erat

*P. Garbac. de immunit. Eccl.*

reorum priuilegium de iure antiquo.

Iure verò posteriore decretalium videtur restrictū hoc priuilegium. 14. Nam in *c. inter alia, de immunit. Eccl.* videtur aliud, licet subobscurè, constitui, & in eo quædam contrarietas inueniri. Primum enim statuit reum quantumcunque graua delicta perpetrauerit, inde tamen damnari non debere ad mortem, vel ad pœnam; statim subdit, *sed retores Ecclesiarum sibi obtinere debent membra, & vitam*, vbi quod superius pœnam vocauerat, membra, id est, mutilationem membrorum, interpretari videtur, aliàs dicere debuisset, impetrent remissionem pœnæ ad vitam. Demum addit, *super hoc tamen, quod inique fecit, est aliàs legitime puniendus*, vbi obseruo verbum *legitime*, quod ad corporalem pœnam pertinere videtur, non ad pecuniariam. Pro eiusmodi enim grauibz delictis, in quibus statuta est pœna, mutilationis, vel mortis, nulla lege videtur pecuniaria pœna constituta, vt in eo quod pecuniariter puniatur dici possit legitime punitus, præterquam, quod pecuniaria pœna vocari nō solet pœna, nec punitio, sed compositio, vel mulcta. Quare res est mihi valde dubia, quod si solum vita & membra impetranda sint, aliæ pœnæ corporales irrogare possint. Quid proderit immunitas iis, qui leuiora deliquerunt, quibus neque mors, neque membri mutilatio debeatur, permittendi ne erunt pœna ordinaria, vel arbitraria corporali puniri quantum delicti grauitas exigit? Diu in ea sententia fui, concessa vita & membris posse virtute huius decretalis reos ad alias corporales pœnas damnari, non valde

M m afflicti.

- afflictivas corporis, propter illa verba, *debent obtinere vitam, & membra*, super hoc tamen quod inique fecit, est aliàs legitimè puniendus. Sed nunc tandem singula decretalis vcrba diligentius perpendens, & quomodo ad vsum, ac praxim reduci possit, attentius considerans, noua adhibita meditatione constitui contrariam, veriorē esse sententiam, omnēque corporalem pœnam grauem esse impetraudam, solum pecuniariter puniendum esse reum, sicut exponit gl. in v. *puniendus*, vel alia satisfactione præter pœnam corporalem grauem. Vt petitione veniæ, discessione à loco, vbi commisit delictum, siue in perpetuum, siue ad tempus, aliisque similibus. Id mihi hæc persuadent. Primò vniuersalis praxis Ecclesiæ, nullibi enim videmus hos consueuisse ad corporalem pœnam damnari. Quare non est hæc nouitas introducenda. Secundò, quòd vix reperimus quid impetrandum sit iis, quorum delictis, neque mors, neque membri mutilatio debeatur, si omnis alia pœna legitima inferri potest, & tamen certò credendum est, his etiam immunitatem Ecclesiæ debere prodesse. Tertiò, quòd textus primo loco dixit non debere propter quęcunque graua delicta damnari ad mortem, vel pœnam, neque verò putandum est statim sibi contraria dicere. Vnde quod subditur, *obtinere debent membra, & vitam*, non de integritate; sed de impunitate membrorum intelligendum est, vt in nullo membro grauitè puniatur, nec in vita.
17. Septimum commodum, vt si

qui fortè confugæ ab Ecclesia ad quam confugerunt, per vim abstracti sint, eidem Ecclesiæ restituantur, neque vnquam Ecclesia, eiusque clerici quiescant, donec faciant eos restitui, atque illi ipsi siue partes sint, siue magistratus, teneantur in conscientia illos illæsos restituere. Id apertè docet Augustinus ad Bonifacium *epist.* 187. & habetur in *can. miror*. Ille hominem de Ecclesia rapuerat. Augustinus ait, Ecclesiæ igitur illæsum reuoca, quem vt religiosissimus rapuisti. Hinc in hanc sententiam conuenere Doctores, Panormitanus in c. *inter alia, de immunitis. Eccles.* Bart. in l. *presenti, Cod. de his qui ad Eccles. confug.* Oldrad. *consil.* 53. Sylu. v. *Immunitas* 3. n. 12. Imò Ecclesia debet per excommunicationem compellere ad restituendum. *can. sicut antiquitus*, vbi expressè dicitur, si quis personam hominis inde subtraxerit, quousque id quod rapuerit reddat excommunicetur.

Octauum commodum: Qui semel per clericos Ecclesiæ accepto impunitatis sacramento liberatus fuit à pœna, manet sub perpetua Ecclesiæ protectione, vt pro eo delicto nunquam possit puniri, neque ab illo ipso iudice, qui impunitatem iurauit, neque ab vllò alio, neque eodem actore agente, neque vllò alio de nouo accusante, & quandoque ei per eundē, vel alium iudicem, illius successorem, siue eodē, siue alio actore, lis ei mota fuerit de eodem delicto, teneatur prælatus qui illi pœnam impetrauit, vel eius successor admonitus illum tueri, & impedire, ne omnino corporaliter puniatur. Est primò contra glossam quandam iuris ciuilis

*in auct. de mandatis Principum. §. sed nec homicidis*, dicentem bene facere iudicem qui securitatem reo promissit, si posteaquam is de Ecclesia exierit, capiat eum, & afficiat morte. Neque minus errat Cyn. *in l. præfenti, Cod. de his qui ad Eccles. confug.* dicens, ita esse de iure civili, esseque bonum dolum, quod idem sentit Jacob. de Rauenna ibidem per Cynum relatus. Indignæ Christiano homine sunt hæ voces: nam primò quam potest habere boni rationem fractio datæ fidei, in persona præsertim publica, & fidei datæ non ipsi reo, sed sanctæ Ecclesiæ, eiusque ministris, & fidei rationabiliter datæ ad seruandam immunitatis legem, ac demum fidei iurata; & ipsi Ecclesiæ iurata; certè ne Gentilis quidem, aut Ethnicus ratione præditus hoc dicere auderet. Et qua bonitate bonus est huiusmodi dolus; cui tot deformitates à recta ratione deuiantes totidem mali rationes tribuunt? Secundò neque verum est ita esse de iure civili, neque enim Imperatores, qui ius civile immunitatis statuerunt, hoc expresserunt. neque putandum est, eos deuotione sanctarum Ecclesiarum promotos, voluisse illudere confugis, & municipulam illis tendere ad eos capiendos, cum præsertim violationem immunitatis læsæ maiestati æquauerint, ut ultimo supplicio dignum statuerint. Neque verò posteaquam Ecclesia hoc ius immunitatis admisit, aut ipsi aut eorum successores mutare illud potuerunt. Sed tam civili, quam canonico iure immunitas confugis seruanda est. Secundò probo, quia hac ratione eluderetur omnis immunitas. facile e-

nim iudices impunitatem iurarent, si posteaquam iurarunt æquè ad mortem damnare possent, ac si minime iurassent. Neque esset cur defatigarentur clerici Ecclesiarum ad impetrandam confugis vitam, & membra, & ad sacramentum impunitatis extorquendum, si tam parum prodesse, ut reo ex Ecclesia egresso mors infligeretur. Neque 21. verò minus errant alij relati per glossam canonicam *in can. reum*, in v. *ad mortem*, dicentes: posteaquam rei accepta securitate exierint, posse à quolibet alio accusari, & puniri, præterquam ab eo, qui iurauit Ecclesiæ impunitatem: quoniam successor tenetur stare factò prædecessoris legitimo. Hoc autem legitimum esse constat, cum legis auctoritate fiat, & quod iudex fecit non ut Petrus, v. g. sed ut iudex, perpetuum sit, sicut perpetuus est iudex, quamuis hic aut ille mutetur. Vnde ipsamet glossa iniustum, & hæreticum hoc esse dicit; & quod ait iniustum, rectè dicit; quod autem dicit hæreticum, per hyperbolem & exaggerationem dictum puro. Valde enim remotè ad hæresim pertinet, quatenus reduceretur ad eam propositionem, qua negaretur obediendum esse Ecclesiæ quæ immunitatem concessit. Esse autem falsum probo, primò sicut suprà, quoniam sic eluderetur immunitas. Secundò, quia posteaquam delictum est condonatum, non potest iterum de eo cognosci, præsertim, cum agente, atque instante Ecclesia, condonatum est, & parti data debita satisfactio, præter corporalem penam, unde neque ab eo, qui condonauit; neque ab alio puniri denuo potest:

ut apertè Panormitanus in *c. inter alia*, & Sylu. v. *Immunitas* 3. n. 4. Demum probo per expressum textum in *can. id consueuimus*, vbi expressè contra glossam iuris ciuilis, Cynum, & Iacobum de Rauenna, dicitur quòd, si quis sacramenta sua conuictus fuerit violasse, reus per iurij non solum à communione Ecclesiæ, sed etiam à Catholicorum conuiuio separaretur. Si reus per iurij est, quomodo bene facit? quomodo bonum dolum committit? etiam paulo post subditur violato huiusmodi sacramento confugam punire esse contemptum Ecclesiæ, & præuaricationem fidei datæ. Demum iubetur excommunicari, quod est à communione Ecclesiæ, & conuiuio catholicorum separari, excommunicatio autè non infligitur, nisi pro mortali peccato.

23. Hinc fit, ut neque si alius accuset, possit idem iudex punire. De alio autem iudice successore, nihil in specie habemus in hac materia, sed satis sunt iura communia non enim potest causa semel cognita & finita per alium iudicem cognosci, nisi per viam appellationis, reuisionis grauinis, &c. quæ omnia cessant in casu præsentis; cum autoritate iuris condonata sit poena corporalis, si quid tentare velit pro poena pecuniaria, intra legitimum tempus, non est illi iure aliquo prohibitum, nec poena pecuniaria immunitate Ecclesiæ euitatur.

24. Nonnum commodum, quod Ecclesiasticæ immunitati nouissimè additè est per præsentem Gregorij XIV. constitutionem, cum autè valde dubium esset, ac varij proinde rumores excitarentur, Episcopum ac forum ecclesiasticum con-

stitutum esse iudicem in causa confugij, ut in quocunque casu prætendatur confugam non esse ad immunitatem admittendum, propterea quòd casus, propter quem ad Ecclesiam confugit, prætendatur esse de numero eorum, quibus immunitas non debetur, ad Episcopum spectet cognoscere, ac decidere, num reus verè commiserit casum, qui sit ab immunitate exceptus, nec ne. Quòd si locus in quo casus acciderit sit exemptus, ac nullius diocesis, cognitio ad viciniorum Episcopum deferatur. Hoc commodum fortassis est primum, ac maximum, & magnificandum. Episcopi enim citra omnem animi perturbationem, clementius iudicare solent, quare hoc singularis beneficii loco habendum est. Quod cum antea non esset iure cautum perquam raro Episcopis permittebatur. Nam apud Franciæ & Galliæ regias curias vsu, ne dicam, abusu receptum erat, ut reum ad Ecclesiam confugientem, secularis curia per vim extractum, ad suos carceres duceret, vbi de hoc articulo agnoscebatur, essetne ad immunitatem reus admittendus, & si admittendum decreuissent, restituebant Ecclesiæ, sin secus, de causâ principali cognoscebant. restatur id Rebuff. in *proem. regiarum constitutionum in glos. §. n. 40.* & cum refert Couarr. *lib. 1. variar. resol. c. 20. in fin.* Neque desuerunt graues Doctores qui affirmarent quibus in casibus constaret non deberi reo immunitatem, posse eos per curiam secularem propria autoritate & iure suo per vim extrahi, etiam nulla petita ab Episcopo licentia, neque hoc facto immunitatem violari, propterea quòd, cum eos in illis casibus Ecclesia ab immunitate excludat

25.

26.

cludat, ad proprii iudicis auctoritatem pertinere videtur; is autem est index secularis. Id Guido Papæ testatur vniuersali Christiani orbis praxi, ac consuetudine recepram esse, vt patet q. 121. quod idem norat Guliel. & Bened. c. *Raymuntius, de testam. in v. uxorem, n. 444.* quos sequi viderur Couarr. cap. illo 20. Eam ego consuetudinem, non vique adeo vniuersalem fuisse credo, neque vniuersè probatam: nam Cyn. & Salicet. in *Authent. si quis ei, Cod. de adul.* & Belluga in *speculo in initio rubr. 1. §. & quia, n. 27.* asseruerunt opus esse Episcopi licentia. Ego verò in Sicilia talem consuetudinem non vidi; cum enim persæpe contigissent casus, in quibus curia secularis prætenderet certum atque euidens esse non deberi immunitatem, neque extraxerunt reum de Ecclesia, & cum aliquando declarate vellent illi immunitatem non competere, atque à me obiectum esset, reum in potestate Ecclesiæ positum esse ratione confugij, ideoque ad eam pertinere id declarare, partim contieuiere Christiani iudices, partim applaudentes, misere partes ad Episcopum, vt id facerent per eum declarari. Demum videmus ipsamet curias seculares petiisse ab Sixto ac Pio Pontificibus, vt per eos id sibi liceret reos de Ecclesia per se, ac propria auctoritate extrahere, ad delictorum frequentiam, & effrenatam delinquentium temeritatem frenandam. id quod cum illi concessissent, sancto zelo ducti, quoniam non rectè succedebat, est à Gregorio XIV. hac constitutione reuocatum, atque alia moderatione temeritati reorum remedium prudens adhibuit, vt etiam in casibus, in qui-

bus euidens esset, non deberi immunitatem, Episcopi licentia requiratur.

Postremum commodum, non quidem vilo iure expressum, sed ex Ecclesiæ materna pietate consequens ad commoda præcedentia, & aliquando etiam necessariò consequens. Tanta est enim Ecclesiæ pietas, tam materna erga confugientes ad eam viscera, vt quoniam plerique eorum, qui ad eam confugiunt, certa opera ac labore manuum necessaria victus lucrabantur, quam operam in loco confugij exercere non possunt, necessitatem famis paterentur, his etiam vitæ necessaria subministrat, non quidem omnibus indistinctè, vt falsò quidam putarunt, sic enim ignaui quique occasiones quærerent ad eam confugiendi, sed iis, qui operas suas eo loco exercere nequeunt, neque habent vnde sustententur. Hanc sustentationem dandam esse per Ecclesiam, tenet expressè Panormit. c. *inter alia, de immunit. Ecclesiæ.* Archidiac. in *can. definitum 17. q. 4.* & ibi Hugo. Sylu. in *v. immunitas. 3. n. 5.* Ang. in *v. immunitas q. 22.* Addit Syluester, si cōfuga habeat quidem propria bona, vnde sustentari commodè posset, sed eis tunc vti non potest, ex doctrina S. Thom. quodl. 5. art. 17. sustentandum tunc quidem esse ab Ecclesia, sed teneri ad faciendam eidem restitutionē, cum primū rebus suis vti licebit. Quod tamen limitandum puto, si Ecclesia dedit illi commodato, vel dedit quidem dono, nesciens eum habere bona, quod si sciuisset, non dedisset dono, sed commodato; quoniam non erat tunc intentio donandi. Neque contrarium dicit eo loco S. Thom. qui de eo loquitur,

Mm 3 qui

qui cum haberet, nec posset uti, commodato accepit ab alio. Quod si Ecclesia sciens, & volens liberè discesset, ad nullam ille postea restitutionem teneretur. Gl. in d. can. *definit, in v. defendatur*, querit: Quis providebit istis de expensis? & respondet Ecclesiam prouiduram, ut in l. *presenti, Cod. de his qui ad Eccles. confug.* Sicut, inquit, custos carceris, providebit captiuis de alimentis. l. *ut iudices. Cod. de episcopal. audient.* quod sanè intelligendum est, si neque ipsi confugæ habeant apud se pecuniam, qua sibi necessaria comparent, neque alius comparet, qui cibum eis pecuniâve subministrer, tunc quidem, ne quid grane pariantur, Ecclesia providebit eis de expensis, non tamen donando, sed commodando, ut dixi, & antequam exeant sibi satisfieri petendo.

*Cur nullus pænè confuga his commodis, vel eorum aliquo fruatur.*

## CAPVT XXIII.

1. **M**IRARI sæpe soleo, cur tot, tantaque cum sint per Ecclesiam præparata confugis commoda, nullus pænè illis, sed ne eorum aliquo utatur, ac fruatur, atque ex admiratione in causæ discussionem deuenio: tres autem præcipuas causas reperio, ex parte ipsorum reorum vnam, alteram ex parte clericorum Ecclesiæ, tertiam ex parte curiæ secularis; quas oro mecum diligenter attentèque perpendas. Sed priusquam ad singulas causas venio, ostendo neminem pænè his

uti, ac deinde causam quandam in genere proponam.

- Neminem pænè his commodis uti, ac frui, sic ostendo. Nunquam memini me vidisse cuiquam impetratam vitam, ac membra, & corporales pœnas per iudicem condonatas. Innumeros partim vidi, partim audiui, videbique, audiobique ad Ecclesiam confugisse, hodièque confugere. Non vidi, nec video aliquem ex his de crimine conuictum impetrasse sub iuramento vitam, ac membra, omnemque impunitatem. Quæsiui à non paucis, si quem vidissent, nec quenquam affirmantem reperi, quæso te lector, quisquis hæc legeris, num quem videris, memoria recale, fortè enim nec tu vidisti quæpiam. Verè ergo nulli, aut quæ paucissimi sunt, ad quos hæc priuilegia deriuentur: excepto illo primo, pro quo clerici constantissimè certare solent, siue seculares, siue regulares. Fluit tanti mali illa in genere causa esse videtur, quod in hæc materia tumultuariè ferè proceditur, repletur clamoribus Ecclesia, neque clerici quid agant, quidve agere debeant, attendunt, neque verò ministri curiæ secularis, quid velint, aut quid petant, sciunt, ipsi autem rei timore pauidi nihil, nisi latebras ad se occultandum querunt, omnes obstrepunt, voces omnes extollunt, hi ianuas premunt, illi opprimentes depellunt, alij sibilant, tumultuantur omnes, donec defatigati tandem recedant. Memini me quondam Messanæ interfuisse cuidam huiusmodi spectaculo: cum adolescens quidam militiæ S. Ioannis Hierosolymitani adscriptus, ad vindicandam iniuriam illatam patri, virum nobilem

lem aggressus, cum in facie leuiter percussisset, illoque atque eius familia cum insequente per nostram adolescens Ecclesiam in collegium esset ingressus, Patres, qui aderant, ne quid adolescens ab insequentibus pateretur ocludere fores. Tanti repente concursus satellitum curiæ secularis fuere, ac infimæ sortis hominum, ut vsque ad meum cubiculum, quod longè aberat, celesma perueniret. miratus ego quidnam rei esset, accurro ad ianuam, portam semi apertam repetio, at ianitorem ocludere illā nitenrem resistebant acriter quidam satellites sclopiis armati, qui omnino eam aperire nitebantur, & vocibus perstreptentes; sclopos se emissuros minabantur. Tunc ego ianitori ut paulisper aperiat innuo, illi ut portam impellebant ingrediuntur, ianitor interea claudit fores, ego verò apprehendo statim illos manu, & ad illos conuersus, quæro quid postulent, cur portis vim inferre ausi sint, à quo missi? surdo narro fabulam, accutrisse se dicunt cum alios satellites tumultuantes viderent, causam ignorare: causam ego ut audieram expono, mirantur, & quietè per aliam portam dimissi recedunt, atque ad priorem illam portam redeunt, tumultuantibus adhuc sociis, ut recedant, suadent, causamque exponentes pacata omnia relinquunt. In hoc tumultuario progressu quid boni agi possit planè non video. Sed venio ad causas particulares.

5. Ex parte reorum video ne ipsos quidem scire, aut nosse quid petant, quidve per Ecclesiam consequi possint, cumque de ipsis criminibus dubitent, num ex eorum numero sint, quæ ab immunitate

excluduntur, an contrà. Si publicè ad Ecclesiam confugerint, ita ut innouerit curiæ seculari eos illuc confugisse, nihil aliud nisi latibula querere consueuerunt, in quibus tantisper sese abdant, dum detur fugiendi occasio, neque quicquam aliud ex immunitatis priuilegio consequi perunt, nisi fugiendi atque euadendi occasionem, quantumcumque constet eorum delictis immunitatem deberi. Cum ergo illi ipsi, quorum interest, nihil aliud intendant, mirum esse non debent, si nihil aliud consequantur. Si verò clam se ad Ecclesias, & monasteria recipiant, nihil minus, quàm de pace cum parte componenda, quàm de impetrandà per clericos impunitate cogitant. Illuc amicos, illuc cognatos conuocant, & quasi iam in tuto loco positi, aut de aliis, à quibus sibi metuunt, occidendis, aut eis de grati aliquo falso crimine accusandis, & per falsos testes conuincendi sunt solliciti, ut hac iniqua ratione sibi consulant, aut deliciis, gulæ, ludisque se dedunt, utpote talibus assucti de re aliqua seria cogitare non possunt.

6. Ex parte verò clericorum Ecclesiæ, ad quam confugiunt, causa cur confugæ non fruuntur his priuilegiis, multiplex esse solet, utinam non frequens esset apud multos vita ipsorum clericorum solutior, qui cum comestationibus, quas confugæ frequentant, delectentur, vellent eos apud se perpetuò habere, cum eis ludere, iocari, vacare turpitudini, bibere, epulari. Quare non modò de impetrandà illis venia non tractant, sed & si quis id proponat, dissua-



disuadent, iucundamque, quam ibi gerunt vitam ante oculos ponunt. Alios tædet laborare in his, quæ ad salutem confugarum necessaria sunt cū parte agere de pace, nobiles alicuius autoritatis viros, qui differentias componant, interponere, adire iudicum domos, aut tribunalia, ad Principem (quando opus sit) recurrere, excogitare vias, ac rationes, quibus pax componi, quibus iniuria remitti possit, ipsimet confugæ persuadere, ut cum parte pecuniariter componat, vel alia honesta ratione satisfaciatur, ut discedat de loco delicti, aliaque

7. similia. Plerosque etiam clericos ipsa immunitatis priuilegia latent, ij commoda, quæ retulimus, omnino ignorant, & satis sibi fecisse videntur, quòd Ecclesiæ fores occluserint, quòd ministris curiæ ad eripiendum de eorum manibus confugam vim intulerint, eūque ne ab eis extraheretur impediuerint, ij armis nonnunquam magis quàm diuinis officiis assueti, ne distinguere quidem norunt inter delicta, ac reos, æquè omnes tueri satagunt, siue immunitas eis debeat, siue secus, cūque non possint omnibus impetrare, nulli impetrari posse putant, vi, atque armis quoslibet liberare contendunt.

8. Ex parte ministrorum curiæ secularis ille communis eorum sensus occurrit, quòd quamuis aliqui prudētes sint, & in utroque iure aliquādo peritissimi, quasi nefas putāt quenquam per Ecclesiam liberari, ut facilius reo, qualibet alia ratione, quàm per Ecclesiam ignoscerent, ut apud istos maximè omnium oblit reo id quod interdum conferre plurimum debuisset, confugisse ad Ecclesiam, atque hoc præsertim

nomine illi aduersentur. Atque ob 9. hanc ipsam causam non raro fisci patronus, aut procurator, quod diabolicum est, diligentissimè studet, ita colorare casum, ut formam præferat alicuius eorum qui ab immunitatis lege sunt excepti impugnare probationes, suas partes ardentè interponere: testis oculus loquor, adèd commune est casum hac ratione colorare, ut vix vnum ex mille inuenias, quem non hac facie depingant: si de homicidio agitur, statim ad assassinium, aut proditorium, si de furto, ecce tibi publicum latronem, grassatoremque viarum prætendunt, atque adèd asseueranter affirmant, ut aliquando mihi initio persuaserint (salua sit semper bonorum reuerentia) qui ut acta curiæ postea legi nullum ea de re indicium aliquādo reperi. Neque verò excusat hos 10. zelus iustitiæ, quo persequendis reīs putant obsequium se præstare Deo, quàm enim placet Deo iusta, debita, & cum ratione suscepta, ac veritati innixa reorū persequutio, tam eius maiestatem offendit persequutio iniusta, temeraria, falsa, indiscreta, ac sine ratione suscepta. Si fisci patronus, aut procurator, 11. minister iustitiæ est, defensor recti, delictorum prosequutor, ut verè est, maturè procedere tenetur, quietè audire partes, sine vlla animi perturbatione singulas perpendere cōiecturas, eniti, ut facti veritatem partim ex ipsis partibus, partim ex iis qui aut præsentès viderunt, aut audierunt, atque ex ipsa indiciorū probabilitate, plenè assequatur. Tum demum insutgere debet contra reum, tunc omnem mouere lapidem, ut eius delicti grauitas probetur, tum parti laesæ opem omni ratione

- ratione afferre, attendere ne iudex pecunia corrumpatur, ne moueatur gratia, ne iudicium peruertatur. Et quod ad immunitatem, de qua agimus, tunc contra confugientes ad Ecclesiam, & non antea agere incipiat, cum quieto, atque ab omni perturbatione libero animo re diligenter perpenſa, aut certò illi conſtat, aut valde probabile eſt caſum eſſe cuiusmodi, cui immunitas Eccleſiæ non debeat ſuffragari. In dubio enim facti tenentur & ipſe, & pluſquam cæteri tenentur Eccleſiam reuereri, ac Deum, cuius utrique honori ac reuerentiæ ſacrarum Eccleſiarum immunitas dicata eſt, quanquam in dubio iuris poteſt agere liberè contra reum.
13. Accedit quòd nunquam apud eos clerici Eccleſiarum in magna confugarum multitudine de impetranda ab eis vita, ac membris egerunt, ut paradoxo ſimile videretur, ſi quid huiusmodi ab eis peteretur.
14. Illud ſilentio prætere nequeo, hæc reorum commoda, commodiſſima fore reipublicæ, ſi reis illis frui liceret, quorum deſuetudine duo grauiffima damna patitur reſpublica, vnum eſt quòd delicta omnium confugientium ad Eccleſias, quibus immunitas non eſt neganda, manent omnino impunita. Dum enim reo non indulgetur vita, & membra ille, ſi prudens eſt, non exit de Eccleſia, nec inuitus extrahi poteſt, & captata bona occasione fuga ſibi conſulens omnino impunitus euadit. cui ſi vita, & membra concederentur, aliæ pœnæ facile irrogari poſſent, eiſque facile ſe quilibet ſubmitteret, fieretque nonnulla tum parti læſæ, tum ipſi reipublicæ ſatisfactio. Alterum eſt quòd cum nulla detur parti læſæ

*P. Gombac. de immunit. Eccl.*

ſatisfactio, nulla compenſatio, perpetuantur inimicitie atque odia, & ita perpetuantur, ut nunquam veteraſcant, ſed in viridi vigore conſeruentur cum magno ſalutis ſpiritualis periculo, ſimul & detrimẽto.

*De praxi ſeruanda per Eccleſiarum clericos ac Prælatos, cum quis ad eorum Eccleſiam confugit.*

## CAPVT XXIV.

QVONIAM quotquot ad Eccleſiam confugiebant (ut dixi) nihil aliud intendebant, quàm per eam occaſionem, commoditatem habere ſeſe abſcondendi, ac fugiendi; ideo illud viſum eſt clericis Eccleſiarum optimum conſilium ad reorum ſalutem, atque ad liberandum ſeſe à mille incommodis, & moleſtiis, reos omnes omni conatu de manibus curiæ (quicquid deliquiſſent) eripere, ereptis que atque in Eccleſiam, monaſteriumve communi porta introductos, alia ſecretiore porta, ſtatim dimittere, antequam ſecularis curiæ miniſtri, ac ſatellites congregati, portas omnes, totumque Eccleſiæ ac monaſterij circuitum obſidentes, difficiliorem fugam periculoſioremque facerent. Ita ille & ſecretiore porta dimiſſus tutus abibat, & ipſi ſe clerici multis moleſtiis, ac rumoribus liberabant. Aduenientibus enim curiæ miniſtris aperiebant portas, ab iſſe confugam narrabant, ſi minus crederent, eoſdem per cellulas, domosque conitabantur, & certiores factos de fuga confugæ in pace dimittebant. Qui ſi diutius confugam detinuiffent, portas munire, ne ſibi per vim confuga eriperetur,

*Nn.*

peretur, cogeantur, & cum ministris curiæ secularis nunc verbis, nunc factis, & non rarò cum magno scandalo, & populi offensione decertare. sic omnes, qui ad Ecclesiam confugissent, nullo delectu, fugiendo liberi euadebant.

2. Huic incommodo non leue remedium præfenti Gregorij decimi quarti constitutione adhibitum est; statuit enim cum quis ad Ecclesiam confugit, requirente curia seculari, de licentia Episcopi ducendum esse ad carceres curiæ ecclesiasticæ, vt tollatur fugæ commoditas, & si immunitas ei non suffragetur, cognita causa, ad debitam etiam mortis, & mutilationis membrorum pœnam damnetur; si verò immunitas cõpetat, liberè illa frui
3. petmittatur. Sed quoniam, nisi curia secularis requirat, capi permitendus non est, neque verò Pontifex hoc statuendo clericos, & religiosos, ministros fecit curiæ secularis, & reorum custodes, quandiu secularis curia non comparet, nec requirit, puto eodè quo priùs modo licere clericis confugas ex vna porta ingressos, ex alia statim dimittere, si ipsi consentiant, ne aduenientibus ministris curiæ de licentia Episcopi capiantur, & ad carceres ducantur, vnde fugere postea etiam si velint nò possint. Hor-
4. tor autem eos, qui ad Ecclesias cõfugiunt, eo præsertim casu quo immunitas non debetur, vt non modò sibi oblatam ea porta fugiendi occasionem admittant, sed cum primùm ad Ecclesiam, aut monasterium perueniunt, id ipsimet petant, si de manibus curiæ volunt esse securi: nam posteaquam clericos, vel religiosos, ad quos confugerunt, secularis curia requi-

fierit, pro certo habeant, se omnimodis carceri mancipandos, ac diutius laboraturos, antequam inde exeant; neque enim possunt eos postea tuta conscientia ampliùs occultare.

Quando verò vel curiæ satellites Ecclesiam, vel monasterium post reum pænè simul ingreditur, aut audito delicti, confugique rumore, antequam confuga per aliam portam dimittatur, aduenit, requiritque illum, monens vt eum tantisper custodiant, dum ad Episcopum petendæ licentiæ causa accedat, tum si is quidem satellites, aut minister comites secum habeat, respondere possunt religiosi, & clerici, vt ipse vnum ex comitibus eius custodiæ deputet, ad se non pertinere teos custodire, protestare, si id non faciat, ipsum de rei fuga rationem redditurum, atque hac facta coram testibus protestatione nullam illius curam habeant, non tamen possunt eum per fraudem, & dolum clam vocare, abscondere, aut dimittere, propter factam à seculari curia requisitionem. Quòd si secularis curiæ minister solus sit, & hoc ipsum requirat, nihilominus possunt iidem clerici monere eundem, vt ipse adstet custodiendo reo, aliquem ex præsentibus mittat, qui aliquem alium curiæ eiusdem ministrum aduocet, vel iniungat alicui Regis nomine, vt opem ferat, reum tantisper custodiat, donec ipse redeat, socios vocaturus, protestentur iidem clerici se custodes reorum esse non posse, ipsum ministrum curiæ rationem redditurum si is fugiat. Quod si quidem minister præstiterit, etiam ipsi, vt superius dixi, nullam de reo curam gerant, sed neque

neque illum per dolum, aut vim occultent, aut dimittant, nec portas de industria ad fugiendum illi aperiant. Si verò curiæ minister id facere, aut nesciat, aut nequeat, & periculum sit, ne reus fugiat; runc  
7. quandoquidem Pontifex iubet requirente curia seculari reum reddi, & etiam minoribus Ecclesiarum Prælati id ipsum præcipit, videntur mihi clerici illi Ecclesiæ, qui fuerunt requisiti, eorumque socij teneri ad aliquam habendam curam, ne illi fugiat eo ipso, quod ipsi eum tradere, & consignare, ubi Episcopi licentia accellerit, debent. Nam quamvis non teneantur illum tanquam asecelæ custodire, manu tenere, vincite, vim facienti vi obistete, quæ rationem clericatus minimè decet, tenentur tamen portas custodire, eumque non modò non dimittete, sed bonis verbis eum monere, si opus sit, comminari, & mortalem quandam atque honestam diligentiam adhibete illi detinendo, donec curiæ ministri redeant, qua simul ratione, animos ministrorum curiæ sibi benevolos conseruabunt, & inueteratam illam opinionem, quod clerici omnes liberate per fas, nefàsque velint, delebunt. hac adhibita honesta diligentia non effugient certè rei, & clerici Ecclesiarum suo muneri satisficient. Quando verò nullus est, qui requiritur, memores sint, ut reum, si consentiat, statim alia segetiore porta dimittant.

8. Illud diligenter, ac setid obsecrant clerici, in illis præsertim locis, ubi hæc Gregorij XIV. constitutio recepta est ne vnquam ingresso reo in eorum Ecclesiam, vel monasterium, ministros curiæ secu-

laris illum insequentes depellant, aut fores illi præcludant, neque vlla vi ad eum defendendum vtantur, quod si nimia multitudo sit, quæ clamoribus ac strepitu veniens accenda sit, introducant tres, quatuor aut sex satellites seteno vultu, sedatòque animo, eosque moneant, ut cæteros expectate foris iubeant, ne monasterij pax, aut Ecclesiæ perturbetur. Reum ab illis capi, ligari, custodiri sinant, moneant, ut aliquem ad Episcopum pro extrahendi obtinenda licentia mittant, ubi licentia habita fuerit, extrahi beneuolè patiantur, blandè semper loquantur, & moderatè se getant. Quod si curiæ secularis ministri importunè, atque indiscretè se gerant, non statim irascantur, sed adhuc quietè cum illis agant, & se nihil eos impeditos ipondeant, quo minus suo munere fungantur. Si reum absque Episco- 9. pi licentia velint extrahere, leniter obistat, moneantque id non licere; si abstrahere peigant, fores obserent tantisper, ne exite possint, semper interea eos commonendo officij sui, ut quietè se getant, se nullam honestam conditionem negaturos, solùm ut Episcopi licentia accedat. Quod si illi per insolentiam illum omnino velint extrahere, vni que clericis inferre, non vltra progrediendum est clericis, non sumenda arma, non ipsis curiæ ministris vis inferenda, protestentur se per vim coactos esse reum destituere, id contra iura fieri, & illum extrahi quietè patiantur. Comitentur illi duo tresve ex ipsis vsque ad tribunal, si illic eant, petant constanter à iudice sibi, atque Ecclesiæ, vnde ablati est, restitui, protestentur contra vim

inferentes, illum iniuria ablatum esse, quod si ille ducatur ad carceres, illuc etiam sequantur, protestentur illum non debere, nec posse carcerari, cum per vim abstractus de Ecclesia, absque Episcopi licentia fuerit. Postea pergant agere cum Prælato, ut illum restitui iubeat, etiam per excommunicationem, aliasque ecclesiasticas censuras. Si enim cum ministris, ac satellitibus curiæ secularis contendat, aut veniant ad manus, periculum est, ne illi, ut sunt infimæ sortis homines, & plerumque temerarii, malè tractent clericos, & gravia inde scandala oriantur. Intelligant autem clerici siue seculares, siue regulares, se non modò nunquam teneri tueri confugas per vim, neque pro eis cum ministris curiæ manus conferere, aut contra eos tumultuari, sed contrà teneri ab his omnibus abstinere, & clericali religiosisque decoro bonis verbis, persuasionibus, demum protestationibus, armisque spiritualibus excommunicationum aliarumque censurarum eos protegere, quæ si non profuerint, negotium vindici Deo commendat.

10. Quod si secularis curia non requirat, neque reus velit exire, sed postulet per Ecclesiâ defendi, quod tunc facillè accidere potest, cum crimen non adeò graue est, ut ad aliquod eorum quæ ab immunitate excludunt, directè, aut indirectè possit reduci, & notorium est esse huiusmodi; exempli gratia: commisit quis furtum priuatum, fuste aliquem percussit, aut ense non euaginato, aut euaginato quidem, sed ita conuerso, ut ferire non posset, confugit ad Ecclesiam, inde exire non vult, quoniam grauem

pœnam non timet, frui vult confugij commodis: non possunt hunc clerici Ecclesiarum expellere. Quod si homo sit illis suspectus, præsertim furti reus, moneo ne cum liberum ire permittant, si nullo insequente ad Ecclesiâ venit, dicens, se propter commissum furtum timere, atque idèo illuc confugere, non facillè credant. Demum illum dièque noctuque in aliquo cubiculo bene clausum, & si opus est, etiam ligatum custodiant, ne futandi causa illuc venerit, inquirant statim quid, cui, ubi furatus sit, à quo, & apud quem accusatus, & si in his titubantè repererint, tanquàm suspectum, ac mendacè, statim dimittant: si verò constanter respondeat, & verisimilia narret, quarant ubi facta deposuerit, ut ea domino restituant, partem adeant, & cum ea componere procurent, apud iudicè de impetranda pœna corporali, vel in aliam commutanda tractent, & iuxta canonum præcepta illù iuuare cōnētur, quod si nulla spes sit, vel valde negotium protrahatur, illù clam dimittant; neque enim tenentur eum perpetuò in Ecclesia, vel monasterio retinere.

- Si Prælati Ecclesiarum Episcopis inferiores adint, quando reus ad Ecclesiam confugit, non ipsi se ingerant in tumultus ministrorum curiæ secularis, ut debitus illis honor habeatur: sed si tumultuentur curiæ ministri, iubeant illorum aliquè, maxime verò illum, qui caput est inter eos, quique aliis præesse videtur, seorsim ad se accersiri, illum blandè, atque honorificè excipiat; quantùm eius conditio postulat, honoris gratia sedere iubeat, tum quid velit percontetur, num licentiam habeat Episcopi, & si habeat, iubeat

iubeat clericos suos omnes secedere, reo illi cōsignato; si non habeat, moneat ut iubeat omnes quiescere, spondeat se non permissurū ut cuiuspiam molestia inferatur, reum custodiri donec pro licentia Episcopus adeatur, si ille modestē se gerat, non erit ultra laborandum, si paulo insolentius respondeat, moueat eundem, ut quandoquidem ipse adeo benignē, ac blandē illum alloquitur, ipse etiam blandē respondeat, cum ipse non modō non sit illi per se & suos clericos fururus impedimento, sed potius sit ei opem laturus, modō secundū leges procedat, & Episcopi licentiam obtineat, curētque illum benignitate lenire.

13. Quod si non possit, protestetur contra eum coram testibus, & apud Principem de eius insolentia conqueratur, & si per vim reum extrahat, agat per se, vel per suos clericos ad eius restitutionem, curētque, ut dixi, de clericis ne ad manus, nec ad verba iniuriosa, & prouocatiua veniatur, sed omnia quantum fieri potest quietē fiant. Nihil enim adeo offendit populos, & curiam, quā cum clericis & religiosi rumores excitant: ideoque eos omni ratione impedire cūrent.

---

*De praxi seruanda per Episcopos  
& Praelatos superiores in causa confugij ad Ecclesias.*

#### C A P V T XXV.

1. **D**VO committuntur Episcopo per hanc nouissimam constitutionem, vnum est ut ipse det licentiam extrahendi confugas de

Ecclesia, & ducendi ad carceres curiae ecclesiasticae quoties prætenditur reus aliquod illorum delictorum, quibus immunitas ablata est, commisisse. Alterum est ut Episcopus cognoscat an reus verē crimina illa, eorumve aliquid commiserit, & si cognouerit verē commisisse, tunc demum tradi & consignari faciat curiae seculari, appellacione postposita.

Quoad primum aduertant Episcopi se non debere dare licentiam ducendi ad carceres curiae ecclesiasticae omnes, qui quauis de causa ad Ecclesias, locaque sacra cōfugiunt; non enim seruos, non obaratos, nō omnes etiam criminis cuiusque reos, quos curia secularis requirit, potest enim omnes requirere, sed eos solū, quos requirit sub eo prætextu, quod crimen ab eis commissum careat immunitatis priuilegio. Quandoquē ergo curia secularis requirit, neque prætendit aliquod horum criminum commisisse, nullam debet dare licentiam extrahendi, nisi fortē ad sedandos vulgi rumores. Et probatur, quia hęc carceratio cōtendit ut reus in loco tuto ponatur, dum cognoscitur an sit ab immunitate excludendus, an verō ad eam admittendus: ergo vbi palām est nullām esse de hoc suspicionem, neque ipsa secularis curia hoc prætendit, non debet carcerali. Quare accedentem ad se pro licentia secularis curiae ministrum, debet Episcopus interrogare num reus aliquod horum criminum commiserit; aut commisisse prætendatur. Si negatiuē respondeat, illi nō dedignetur ostendere causam, cur eam licentiam dare non possit, blandēque dimittat; si verō respondeat affirmatiuē, quamuis ex ipsa eius

narratione cognosceret Episcopus inanem esse prætensionem, ad tollendam tamen omnem offensionis occasionem licentiam libenter concedat. Magni enim interest pax inter istas duas curias, ecclesiasticam & secularem, ad ipsius reipublicæ bonum.

1. *Quæsitum à me aliquando fuit, deberétne Episcopus, ad evitandos omnes rumores, qui inter clericos; & curiam secularem ratione confugij istius ad Ecclesias solent intercedere, iubere clericis, ac Prælati inferioribus Ecclesiarum tam secularibus, quàm regularibus, ut cum primùm aliquis ad eorum Ecclesias aut monasteria confugerit, eum in loco tuto ponerent, atque ibi sub custodia detinerent, donec moneant Episcopum, ipseque suos satellites mittat, qui illum inde extractum ducant ad carceres curiæ ecclesiasticæ. Ita enim nullus, qui ali- quod horum criminum commisisset, quibus immunitas ablata est, confugiendo ad Ecclesiam, impunitus evaderet.*

Respondео sicut respondi, neque teneri ad hoc Episcopum, neque verò debere id facere, cum sacris canonibus aduersetur. Primùm enim non debet seipsum, suosque clericos, & religiosos facere secularis curiæ ministros contra reos. Cumque veritum sit utroque iure quenquam eorum qui ad Ecclesias confugiunt capi, extrahi, carcerari, consequens est neminem omnino capi posse, nisi eum, de quo data sit per Pontificem Episcopo potestas, ut licentiam det cum capiendi, & carcerandi, quæ cum solum data sit in ordine ad cognoscendum, num aliquid huc expreso-

rum criminum commiserit, consequens est, ubi nulla est de hoc suspicio, nullus rumor, non posse dari hanc licentiam, neque posse præcipi per Episcopum, omnes in custodia detineri, aut carcerari. Bene tamen possit iubere, vel ne inconsulto illos in Ecclesiis pernoctare sinerent, vel ut omnes qui prætenduntur aliquod horum criminum commisisse, si à seculari curia fuerint requisiti, custodirent. Sed hæc suis tantummodo subditis, non autem exemptis iubere posset.

Porro quando Episcopus dat licentiam capiendi reum, eumque ducendi ad carceres curiæ ecclesiasticæ (quod ad secundum attrinet) ne curiam secularem offendar, hæc in praxi observari debet. Primùm non omnium qui aliquod horum delictorum commisisse prætenduntur, causam eodem modo agitari permittat. Nam aliquando res est valde dubia, cægetque longa, diligentique discussione propter dubia iuris, & facti.

Aliquando verò publicè, & notoriè constat delictum esse ex horum numero, & tunc debet Episcopus reum accersere, eumque statim examinare, & si ex ipsa eius narratione cognoscit id quod dicitur verum esse, cum confestim & sine ulla tergiversatione tradi & consignari faciat curiæ seculari, aut si qua levis dubitatio inaneat, illum breui expediri curet, moramque nullam, quantum rei dignitas postulat, dari permittat; summarie enim cognoscere satis erit.

Deinde moneo atque oro, ne unquam de meritis causæ se interponat, quorum discussio ad seculare iudicium

cem pertinet. exempli gratia, vbi constiterit esse homicidium proditorium, non intromittat se, an occisus prouocauerit antè occisorem, an illi iniurias irrogarit, an eius honorem læserit; non enim faciunt ad causam immunitatis, cùm omnino ab ea excludendus sit reus, sed solum ad minuendam pœnam, posteaquam in iudicio probata plenè fuerit, aut ad alleuiandam aliquid quantum delicti grauitatem.

7. Tertiò monco ne diutius quàm par est in huius causæ discussione immoretur, quamuis res dubia sit, sed quantum prudenti viro, prudenter agentis satis sit, neque articulos vltos proponi sinat, sed illum merum articulum an aliquod exceptorum criminum reus verè commiserit. Habitaque sufficienti cognitione quantum ad formandam suam conscientiam satis sit, decidat debere, vel non debere ad immunitatem admitti. Longis enim dilationibus & curia secularis vehementer offenditur, & iustitiæ vigor hebetatur.

8. Quartò neque ipse Episcopus diuerticula ad liberandum reum querat, neque calumniis aures præbeat, neque alios quærere, aut aures præbere sinat, sed veritatis, ac iustitiæ studiosum se omnimodè ostendat.

9. Quintò vigilet, & si fieri potest, centum apertis oculis inuigilet, ne quis ex suis propinquis aulicis, domesticis, amicis, munus vltum accipiat ab amicis, propinquis, procuratoribus illius confugæ, de cuius immunitate cognoscitur; sic enim præsumetur corruptum iudicium. Id autem manifesto indicio colliget ex eo quòd horum aliquis de cau-

sa confugæ non requisitus sermonem interponit, illum commendat, exultat, laudat, studet ad misericordiam flectere, merita causæ recenset, seriò pro eo deprecatur, atque intercedit. Hæc signa sunt accepti ab eo muneris satis probabilia. Ideòque ei, qui eiusmodi est, debet Episcopus silentium indicere. Et si quid meo consilio tribuendum est, suadeo, ne quem horum loqui de hæc causa sinat.

Sextò ministros curiæ secularis pro hæc causa ad se accedentes promptè excipiat, patienter, attentèque audiat, nec loquentes interrumpat, si quid contra reum proponant non reiiciat, ne se partem esse ostendat, auditum benignè dimittat, promittens se breui negotium expediturum, & sincerè suo muneri satisfacturum.

Demum honestis illorū petitionibus annuat, si carcer minus tutus prætendatur, aut illum muniat, aut custodes adhiberi permittat.

Seruent præterea Episcopi simul cum magistratibus curiæ secularis ea quæ dicuntur *cap. sequenti n. 17.* Clericos, ac Prælatos omnium Ecclesiarum conuocet, eisque iniungat, vt cum ministris curiæ secularis quietè se gerant, illis fores non occludant, eos assistere confugis, ne fugiant permittant, nulla ratione confugas ad fugam iuuent, posteaquam secularis curiæ satellites apparuerit, qui requirant.



*De praxi seruanda per satellites  
ac ministros curiæ secularis er-  
ga confugas, & clericos Ecclesi-  
arum.*

## CAPVT XXVI.

1. **P**ARVM confugis ad fruendum immunitatis commodis profuerimus, si clerici, ac Prælati, siue minores, siue maiores, rectè in hac materia se gerât, & debita cum moderatione suo munere fungantur, nisi secularis curiæ ministri, ac magistratus quicquid etiam procedant, sedata omni animi perturbatione. Id erit, iudicio meo, illis impossibile, nisi duo apud se firmiter prius statuunt, quæ tanquam Christiani homines statuere omnino debent.
2. Alterum est immunitatem Ecclesiæ sanctam esse, Deoque gratam atque acceptam, cuius & Ecclesiæ honori, ac reuerentiæ immunitas dicata est, & multis ab eo est nobilitata miraculis, vt *lib. 3. c. 8.* ostensum est. Neque verò per eam foueri delicta, neque per eius impunitatem. Quod si verè etiam fruerentur, non pertinere ad ipsos huic malo prouidere, quod. & Imperatorum gratia oblatum, & Romanorum Pontificum, qui Christi vices in terris gerunt, autoritate firmatum est: illis esse hanc relinquendam curam, ad illos quando necessitas postulat, pro debito remedio recurrendum, quibus adeò cordi sunt Christiani populi mores, vt nobis etiam non cogitantibus, remedia conuenientiâ adhibeant. Quare, ad eos tantum pertinet, vt quod eorum curæ relictum est, custodiât,

quod ab eorum cura semotum, & pro Christi & Ecclesiæ reuerentia segregatum, id potius tanquam quidpiam altioris generis suspiciât, ac venerentur, quàm persequantur, insciantur & sibi usurpent. Alterum est, vt quam partem confugientium ad Ecclesias, Romani Pontifices eorum potestati restituerunt, eorum nempe, qui quædam hac cõstitutione expressâ delicta commiserint, eo modo suscipiant, quo illis per eosdem Pontifices restituta est, cum non aliunde eam quàm ex Ecclesiæ cõcessione habere queant, neque ultra quicquam attentent. Restituit autem reos aliquos Ecclesia ipsorum potestati sub hac lege, & pacto, vt quoties aliquis aliquo horum delictorum commissio ad Ecclesiam confugerit, de Episcopi licentia inde extrañus, ad carceres curiæ ecclesiasticæ ducatur, vt ponatur in loco tuto, ne possit fugere, si nihilominus de fuga timeatur, adhibeatur custodia per curiam secularem, ibi cognoscat Episcopus an verè delictum huiusmodi commiserit, quod si cognouerit verè commississe, illum per iudicem ecclesiasticum foro tandem seculari tradi, & consignari faciat, appellatione remota. Tunc etgo incipit ad forum seculare pertinere, cum facta per Episcopum declaratione, illi traditur & consignatur. Antea verò ministri fori secularis partis vices gerunt, non iudicis, petere possunt, instare possunt, probare possunt delicti qualitatem, reum verò capere, extrahere de Ecclesia, ad suos carceres trahere, examinare, nequaquam possunt, attentatum est quicquid per eos geritur nullam vim habet nullius est momenti, usurpatæ iurisdictionis actus est contra Imperatorum

torum

rorum voluntatem, contra expressæ eorum leges actum est. Violatæ immunitatis rei sunt, quicunque hæc faciunt, iubent, audent, attemptant, & pœnas violatæ immunitatis, de quibus inferiùs dicitur, incurrun-  
 4. Si Episcopi non rectè iudicant, si suo muneri defunt, non ad ipsos pertinet eos corrigere, sed solùm ad superiorem recurrere per viam appellationis, grauaminis, vel alia honesta ratione: si id nolint, patientiam habeant, non sunt ipsi Episcoporum iudices constituti. Hæc duo si secularis curiæ officiales, ministri, ac satellites sitimenter statuunt in cordibus suis, difficile eis non erit ad sequentem praxim deuenire, vt quæ ad immunitatem sanctarum Ecclesiarum pertinent non modò quietè, pacificèque, sed sanctè etiam tractent, vt non audiantur amplius tumultus, rumores, scandala, quæ in re ad diuinum cultû pertinente hætenus audiui-  
 mus, vidimus, & cum magno animi dolore contractauimus. Praxis autem hæc est.

5. Primum vigilet secularis curia, & per idoneos ministros, per vrbes sparsos curet omni diligentia, & conatu impedire crimina ne committantur, exploret delictorum occasiones, easque remoueat, loca omnia lustret, & si quid inali pareatur, olfaciat, ac ne ad exitum perducatur, viam præcludat. eludat solerti cura & diligentia iniquorû machinationes, conatus reprimat, consilia dissipet. Vbi enim improbi homines non solùm acta, sed etiam cogitata sua ad aures curiæ statim peruenire, ac eis prouideri cognouerint, mirum est quantum à committendis criminibus arceantur. De-  
 6. inde dispositis per urbem satelliti-

*P. Gambac. de immunit. Eccl.*

bus, exploratoribus, custodibus, magnâ quadam arte, ac dexteritate oblidere vias, quæ ad Ecclesias ducunt, curet, ac prope eas Ecclesias ad quas frequentius solet esse confugium, custodes constituat, qui, vbi quempiam, vel currentem ad Ecclesiam, vel passus festinantem viderint, capiant, neque ad Ecclesiam peruenire sinant. Quæ si diligentia aliquandiu adhibeatur, promitto fore, vt rei criminum accessum ad Ecclesiam timeant, & ab ea potiùs longè diffugiant, ad quam aded præclusa itinera animaduertunt. Hæ sunt vestri muneris partes secularis curiæ ministri, hic elucere debet in vobis zelus, hæc prædicanda diligentia, hæc per vos cõseruata reipublicæ salus atque incolumitas, quos reos posteaquam commissis delictis Ecclesiam iam assequutos, extrahere vobis, ac punire permissum non est, eos, & ne delicta possint committere, & si commiserint, ne peruenire fugiendo ad Ecclesiam possint, ea qua dictum est ratione præuenire.

Secundò si quando etiam post  
 7. adhibitam, vel non adhibitam hanc diligentiam accadat, vt quis aliquod hîc expressorum criminum committat, & ad Ecclesiam vsque perueniat, siue is verè huiusmodi delictum commiserit, siue vox populi sit cum id commississe, is qui illum insequitur, curiæ satelles si-  
 ne clamoribus, ac tumultibus debet modestè requirere clericos Ecclesiæ coram testibus, ne se impedi-  
 8. ant, neque confugæ fugiendo commoditatem præstent. Delictum enim commississe huiusmodi, quod immunitate careat, orare illos, vt se apud reum esse sinant, vel ac-

O o liquem.

liquem alium, custodiæ gratia, dum Episcopus pro extrahendi licentia adeatur. Si nullus ei adsit, socius potest aliquem ex vicinis accersere, ac regis nomine illi iniungere, ut se adiuvet, ut ad iudicem accedat, vel ad socios petendi auxilij gratia, utque pro extrahendi licentia ad Episcopum mittant. si clerici Ecclesiæ illum non impediant, seseque subtrahant, vel solum ne forte reum extrahat, adsint, rectè & cum debita quiete, ac pace habebit utraq; curia quod intendit, id quod etiam nos hac tradenda praxi intendimus.

9. Quod si clerici illum perturbent, si reum ad fugam iuvant, non ideo commoueri in clericos debet, sed illos modestè monere, ne aut se impediant, aut reo faueant. quod si non profit, protestetur contra eos coram testibus, neque verò vlla ratione cum eis altetetur, iure agat contra eos, non manibus testes moneat, ut obsetuent, quid clerici faciant, & potius elabi reum sinat, quàm clericis manus violentas iniiciat, aut occasionem eis præbeat ut manus iniiciant in eum. Maius enim malum hoc scandalum putandum est; quàm ipsius rei fuga. Tum querelam contra clericos illos coram Episcopo proponat, qui debent grauiter illos punire, ut alij deinceps clerici timeant similia audere, in hoc namque grauiter Episcopi conscientia oneratur; ex hoc enim maximè quies ista quæ intendimus pender.

10. Quod si clerici siue seculares, siue regulares, ingresso confuga Ecclesiam, vel monasterium, fores obserent curiæ secularis satellitibus, ne eos ingredi permittant, id quod facere nulla ratione debent,

non ideo vis foribus inferenda est, neque fores infringendæ, sed rogandi clerici sunt, ut aperiant, vel reum custodiant, & contra eos si illum abire permiserit, protestandum, tum ianuis singulis custodes adhibendi, & ad Episcopum recurrendum.

Tria sunt quæ ministris curiæ 11. secularis in ipsamet Ecclesia vel monasterio facere permissum est, non tam contra reum, quàm pro bono publico, quæ clerici non debent vlllo modo impedire. Primum si fut ad Ecclesiam cum ipsa re furtiua confugiat, possunt ac debent illi rem furtiuam auferre, nec eam aut distrahat, aut occultet, ut ea suo domino per iudicem restituatur; quod si tradere recuset, possunt etiam per vim illam auferre, docet id Couarr. lib. 2. var. resol. cap. 10. n. 15. in fin. alioqui videretur Ecclesia confugam ad retinendam rem furtiuam tueri. Alterum, si confuga habeat cuiusvis generis arma prohibita, possunt ea auferre, ex eodem Couarr. cit. n. 18. vers. 36. rationem affert, quia delinquit intra Ecclesiam arma prohibita illuc inferendo: sed hoc delictum non esset, vel certè non graue, fugientem in Ecclesiam timore plenum, consilij inopem, illuc cum armis ingredi. Melior fortassis ratio est, quia Ecclesia neque tribuit confugis ius habendi penes se arma prohibita, neque aufert satelliti ius ea sibi acquitendi. Idemque iudicium statuo si illi erat interdictus armorum vsus, & nihilominus cum armis inuentus est, quia respectu ipsius sunt arma prohibita. Addo si minister 13. curiæ extra Ecclesiam manus in ipsum iniecit, eumque apprehendit,

- dit, sed non valens eum sistere, nec volens dimittere, simul cum illo sic capto Ecclesiam, aut monasterium ingrediatur, posse illum spoliare omnibus armis, etiam non prohibitis, quia ex quo illum extra cepit, acquisiuit ius ad id, & vritur iure suo quæsito, illum armis spoliando. Tertio mihi valde probabile est ministrum curiæ secularis si confuga cum prætendatur alicuius horum criminum reus quando est intra Ecclesiam, tenter fugere, posse eum etiam intra Ecclesiam capere, nec tenetur sinere illum inde fugientem egredi, & brachio apprehensum tenere, propterea quod in hac constitutione carcerari iubetur, donec de veritate commissi criminis cognoscat, quod facile eluderetur, si reus intra Ecclesiam, vel monasterium fugam tentans per satellites capi, & cohiberi non posset; & confirmatur, quia quando Episcopus non vult dare licentiam, potest curia secularis reum capere: ergo multo magis potest hoc casu quando est periculum fugæ. Idem mihi probabile est quando casus huiusmodi prætenditur, & satellites curiæ, ut paulo antè dixi, illam apprehensum manu tenens, ab eo per vim tractus simul cum eo Ecclesiam ingreditur, nempe ut illum sic apprehensum reneat donec Episcopi licentia accedat, quia ex quo ita in Ecclesiam venit, & inde statim extrahendus est, non est cur illum dimittendo, exponat se periculo, ut ille fugiat, atque euadat.
16. Duo præterea sunt casus in quibus ipsimet secularis curiæ ministri per hanc ipsam constitutionem possunt propria auctoritate reum capere in Ecclesia, atque inde extrahere. Prior est quando Episcopus & personæ ecclesiasticæ requisitæ reum in delictis prædictis culpabilem tradere renuerunt: posterior quando Episcopus & personæ ecclesiasticæ requisitæ in aliquo dictorum casuum eius capturæ & carcerationi interesset, & assistere recusarent. Sed dum in his casibus extrahunt, duo illis seruare præceptum est. Alterum est ut memores reuerentiæ quam Ecclesiæ, sacrisque locis debent, minori quo fieri poterit cum scandalo, & tumultu, eum extrahere curent sine clamoribus, nempe sine strepitu, sine insultu, quietè, & pacificè, quantum fieri potest. Alterum est ut extractos ad ecclesiasticæ curiæ carceres ducant. Quid autem faciendum illis in locis sit, ubi curia ecclesiastica proprios distinctos carceres non habet, dictum est lib. 2. §. 9. gl. 9. in v. *Quodque prædicti*. His addo valde probabiliter tertium casum, quando personæ ecclesiasticæ quærunt dimittere confugam, horum criminum reum. Hoc enim animaduerso, puto posse secularis curiæ ministros etiam non expectata licentia, captata aliqua commoda occasione sine scandalo, & tumultu reum capere, extrahereque, dummodo eum vel ad ipsum Episcopum, vel ad carceres curiæ ecclesiasticæ ducant. Probo optima, ut mihi videtur, ratione, si enim Pontifex licentiam dat extrahendi, propterea solum quod personæ ecclesiasticæ eum tradere, eiusque capturæ & carcerationi interesset recusent, quanto magis, si præterea illum de manibus curiæ liberare ac dimittere curent? solum

lùm moneo vt in hoc cautè procedant, ne eorum occasione tumultus & scandala oriantur.

19. Accepta ab Episcopo licentia, vel etiam in casibus prædictis sine licentia extrahentes de Ecclesia reum ministri curiæ secularis, memores sint teneri se ad carceres curiæ ecclesiasticæ, vel ad eos quos Episcopus designauerit illum ducere, ac peccare grauiter, esseque læsæ immunitatis reos, atque incurere omnes pœnas, siue alias in iure tam ciuili, quàm canonico, siue in hac constitutione decretas, quæ multæ & grauissimæ sunt, si ad alios carceres illum ducant etiam si iudex, aut ipsemet Princeps aliud præcipiat, non enim debent præcepto hominis manifestè iniusto, & indebito parere, sicut non debent homine præcipiente peccare. Caueant esse iudices aut Principes, ne id præcipiant, alioqui ipsi violatæ immunitatis rei eadem pœnas incurrant.

20. Dum teo in tuto catere posito, ab Episcopo cognoscitur, an aliquod prædictorum criminum verè commiserit, abstinere debent secularis curiæ ministri in eo prosequendo ab omni calumnia confectisque mendaciis, ne per ea immunitatè adimant illi, cui iure deberetur, nèue vllis ad id vtantur strategematis, artibus, fraudibus, dolis. Non enim minus peccatum est fraude, dolo, ac mendaciis, immunitatem debitam alicui, quàm vi atque armis adimere, neque minus efficitur pœnarum violatæ immunitatis reus.

21. Caueant præterea iidem magistratus seculares, eiusque ministri, ne posteaquam reus de aliquo prædictorum criminum conuictus, il-

lis fuerit consignatus, propterea quodd ad Ecclesiam confugerit, quasi odio illius confugij, asperius illum tractent, ne quod omnino ei noceat ad Ecclesiam confugisse, ne eo timore cæteri ab hoc confugio omni iure sibi concessio deterreantur. Illud etiam vehementer commendo, vt magistratus ipse secularis cum Episcopo conueniat, ac spondeat vterque in suos subditos, Episcopus in clericos, magistratus in laicos satellites grauiter animaduersurum, si muneri suo desint, si tumultus excitent, si scandala, si nõ pacatè, quietèque omnia tractent, atque expediant, &, quod magni refert, vterque postea in suos, vbi in hoc deliquisse constiterit, seuere, grauiterque animaduertat, vt ex pœnæ timore cæteri à similibus audendis deterreantur. Hortor ex animo secularis curiæ magistratus, vt ipsi Episcopi personam in hac parte induant, & tuendæ immunitatis curam suscipiant, & contrà, Episcopos vt personam induant secularis magistratus, eius iurisdictionem, quantum per Imperatorum leges, sacrosque canones fas est, tueantur, nullam illam sinant calumniam pati, eius ministros à clericis bene tractari faciant, vt hac ratione se mutuo, vt par est, iuant, vniuersæ Christianæ reipublicæ prosint. Cogitent omnes oro, humanos casus, fortunæ instabilitatem, ac volubilem eius rotam, varios rerum euentus, nullum denique esse ad Ecclesiam & eius opem implorandi iusto Dei iudicio euenire posse, vt propter hanc ipsam causam quod immunitati Ecclesiæ minus detulerint, cum indiguerint ipsi eiusdem Ecclesiæ præsidio, illi non def-

ratur.

24. ratur. Ponant oro ante oculos Eutropium illum virum aliquando consulare Imperatoribus Honorio, atque Arcadio gratissimum, qui tantum gratiæ apud illos inuenerat, ut cum illi toti imperarent orbi, Eutropius illis imperaret, magisque Eutropius imperium, quam ipsimet Imperatores regerit. Is aded immunitati Ecclesiæ infensus fuit, ut legem de ea tollenda ab ipsis Imperatoribus extorqueret. Quis cogitasset in illa tanti culminis celsitudine posse unquam Eutropium Ecclesiæ confugio indigere? Vertente rota, Imperatorum gratia in iram versa, cum is ad necem conquireretur, eiusque declinandæ gratia ad Ecclesiam confugisset, suæ propriæ legis præscripto inde abductus, extremoque supplicio multatus interiit, sicut refert Nicephorus *hystor. Ecclesia lib. 13. c. 4.* Socrates *lib. 6. c. 5.* Sozomenus *lib. 8. c. 7.* Hæc ponant singuli ob oculos ut immunitatis ecclesiasticæ iuri aduersari desinant.

25. Demum cum alicui debetur immunitas, si clerici Ecclesiæ vitam, membra, ac pœnam postulent condonari, prout sacri canones decernunt, reo se offerente ad aliam dignam pœnam vel pecuniariam, vel non afflictiuam corporis, re præsertim cum parte composita, precor iudices, ut ea condonent, & aliter puniant, ut hac ratione fratur confuga omnibus immunitatis commodis, atque inimicitiae, & odia non æterno tempore durent.

## PARS QUINTA.

*De processu curiæ secularis contra*

*eos qui ad Ecclesiam confugiant.*

**Q**UONIAM acturi sumus in hac quinta parte de processu curiæ secularis contra illos confugas, qui cum rei sint grauissimorum illorum criminum, quæ ab immunitate excluduntur, traduntur ipsi curiæ seculari. Contra hos enim ea curia ita procedit, ac si ad Ecclesiam minime confugissent, erga quos nihil aliud monenda est curia prædicta, nisi ut contra eos legitime procedat, prout debet, neque ob factum ad Ecclesiam confugium eos asperius tractet. De illis loquendum est, qui cum ad immunitatem admittantur, aut curiæ secularis iudicio relictæ sunt quoad eorum bona, saluis personis, cuiusmodi sunt, qui ob res alienum, seu propter debita ad Ecclesias confugiunt, aut ipsi obtenta vita pœnæque corporali, cum parte componunt, & seculari iudici, quoad alias pœnas non corporales sese sponte subiciunt, erga hos quo modo gerere se debeat secularis curia ostendendum est. Idque quàm paucissimis expediendum.

*De processu curiæ secularis contra obertos, & ciuiles debitores.*

## CAPVT XXVII.

**O**BERTOS dico, seu debitores; non enim de decoctis agendum hoc loco est, quorum propter publicum totius reipublicæ damnum capitalissimū crimen est. Debitores ergo ciuiles ad Ecclesiam confugientes licet immunes sint, quoad personam, ut neque capi possint, neque in ipsa Ecclesia con-

O o 3 strin

stringi, neque inde extrahi, & carcerari, non sunt tamen immunes, quoad bona temporalia.

2. De iis illud primum in memoriam reuoco, non posse eos tradi creditoribus ad seruendum, si soluendo non sint, etiam in illis locis, in quibus municipal lege statutum est eos tradi, ad eum modum, quo constitutum est à nobis supra in hoc eodem lib. 1. parte, cap. 15. n. 8. & 9. ad quem locum me remitto.

3. Vniuersè autem de obzatis dico posse secularem curiam ad instantiam partis ciuiler contra eos & contra eorum bona procedere, etiam posteaquam ad Ecclesiam confugerunt. De his Panormitanus in c. inter alia, de immunit. Eccles. distinguit. Aut enim sunt debitores tributorum ipsi Principi, aut debitores sunt priuato cuius. Si debitores sint Principi, ait post Cynum citari posse in ipsamet Ecclesia, & siquidem se defendant reddantque rationem sui, probentque se non esse debitores, liberandos esse, sin secus, procedi per iudicem contra eos ad missionem in possessionem bonorum eorum. Si verò sint debitores alicui priuato, ait post Iacobum de Rauenna, dandam illis esse securitatem exeundi, & standi extra Ecclesiam diebus trigintaquinque, intra quos dies respondebunt, in iudicio, etsi intra eos dies iudex ferat sententiam contra ipsos, non ideo constringi posse in persona, sed dandam esse illis optionem, vt vel renunciata sponte Ecclesie securitate, soluant iudicatum, vel pro suæ libito voluntatis redeant ad Ecclesiam.

4. Mihi verò pro pleniori declarata-

tione hæc dicenda videntur.

1. Primum debitores qui ad Ecclesiam confugerunt, non esse odio confugij, neque à iudice, neque verò à creditoribus vlla ratione grauandos, ne illis noceat vfos esse iure, sibi tam ciuili, quam canonica lege concessò. Neque enim reprehensibile est tentare in necessitate remedia lege permittente concessa, vt propterea puniri debeant: Ideoque procedi debere contra eos, seruato in omnibus iuris ordine.

Secundò modus contra hos procedendi præscriptus est ciuili iure, l. præsent, Cod. de his qui ad Eccles. confug. vbi cum nulla fiat distinctio inter eos, qui Principi tributum, & eos, qui priuato cuius quidpiam debent, nulla videtur apparere ratio, cur nos distinguere debeamus.

Tertiò in ea lege §. sed quidem, 6. & sequentibus, hunc modum præscribi. Primum si creditor velit debitorem morantem in Ecclesia conuenire, posse facere eum verbaliter citari, si is faciat sui copiam. Quod si latitet, & se abscondat ne citetur, debere per æconomum Ecclesie, ad quam confugit, in ipsa Ecclesia præsentari, vt ibi verbaliter, siue, ore tenus citari queat.

Quartò posteaquam citatus fuerit, posse se in iudicio defendere vel per seipsum, vel per procuratorem solemniter instructum. Si per seipsum respondere velit, dandos esse ei triginta quinque illos dies, de quibus loquutus est Iacobus de Rauenn. & Panormitanus. Si verò, per procuratorem, debere procuratorem esse solemniter instru-

structum, aliàs non admitti solem-  
nitas huius instructionis, ex gl. in  
eadem lege in v. *Instructum*. in duo-  
bus posita est. Primum ut caueat  
de defendendo, secundò ut ca-  
ueat de iudicato soluendo: ad eum  
modum quo dicitur *Institutionib. de  
sacrisationib. §. final. & de procurator. l. i.  
fin.* Quòd si confuga in Ecclesia re-  
sistens hæc facere detrahet, aut dif-  
ferat, iudiciorum legumque cõsue-  
rum contra debitores ordinem cõ-  
tra eum seruati oportere, vt  
post edictorum solemnium tripli-  
cem citationem, quæ diebus à pri-  
ore ad sequentem decem interpo-  
sitis facienda est, iuxta legem *ad  
peremptorium*, cum duabus sequen-  
tibus, ff. *de iudic.* iudex sententiam  
ferat, qua iuxta modum, & quan-  
tatem æris alieni, fiat creditori  
traditio de bonis debitoris, mit-  
tendo in possessionem, aut solu-  
tio venditis tot debitoris bonis,  
quot satis sint æri alieno dissol-  
uendo.

9. Quintò statutum est non modò  
stabilia, sed etiam mobilia credi-  
toris bona, si ad complendam de-  
biti summam necessaria sint di-  
strahi, & ubicunque ea bona ex-  
tra Ecclesiam sint occultata ex iu-  
dicis sententia, exequutoris soli-  
citudine perquisita erui iubentur.  
Quòd si intra fines Ecclesiæ abdi-  
ta sint, vel in ipsa Ecclesia, vel in  
cellulis, & aliis locis quæ hoc co-  
dem *lib. 4. c. 1.* numerata sunt, vel apud  
clericos, iam non per laicos, sed  
per ecclesiasticas personas requi-  
renda esse.

10. Sextò pleraque alia adduntur in  
ea lege de rebus debitoris per-  
quirendis, quando alicui commo-  
data, vel deposita apud eum

sunt, quæ omnia ita vt iacent ob-  
seruanda iudici fideliter sunt. Ni-  
si quòd ad perquisitionem in Ec-  
clesia, vel apud clericos faciendam  
per ecclesiasticam personam, non  
satis est secularis iudicis autoritas,  
sed Episcopi etiam, aut Prælati ec-  
clesiastici, ad quem pertinet iuris-  
dictio quam facillè Prælatus con-  
cedere debet, quando illi constat per  
sententiam iudicis, bona debi-  
toris, quæ extra Ecclesiam ha-  
bet, compensando integro debito  
satis non esse.

Eadem omnino ratione, qua de 11.  
ipso principali debitore dictum est,  
procedendum est contra fideiussor-  
es, socios, complices, & partici-  
pes, ac quoquo modo creditori  
pro alio obnoxio, si etiam ipsi ad  
Ecclesiam confugiant, vt in ea-  
dem lege constitutum est. Ho-  
rum omnium ratio certa est atque  
euidens, quoniam Ecclesia perso-  
nis ipsis liberandis ab omni pœna  
etiam carceris constituta fuit ad  
confugium, non autem bonis eo-  
rum restitutioni obnoxiiis. Sicut  
neque in criminalibus liberat à de-  
bito satisfaciendi læto, sed semper  
vult, vt cum parte componat. Non  
enim voluit præiudicare iuri ter-  
tij, cui bona debitorum obligata  
sunt. Id quod si Ecclesia faceret,  
solueretur omne humanum com-  
mèrcium. Cùm enim ex innume-  
ris capitibus possit aliquis alterius  
debitor constitui, si omnes per con-  
fugium ad Ecclesias à debitorum  
onere soluerentur, nullus algeri eo  
timore ductus quapiam in re fide-  
ret, omneque humanum commer-  
cium cessaret.



*Quomodo procedendum sit per curiam secularem contra reos criminum habentium adnexam pœnam confiscationis bonorum, vel aliam pecuniariam pœnam confugientes ad Ecclesiam: quibus immunitas debetur.*

## CAPVT XXVIII.

1. **C**ONTINGIT interea inter reos criminum confugientes ad Ecclesiam, sacraque loca, nonnullos esse, quorum crimen annexam habeat pœnam confiscationis omnium bonorum, aut confiscationis alicuius certæ rei, vel amissionis eiusdem, aut certam aliquam pœnam pecuniariam ducentorum, mille, vel alterius summæ scutorum. De his non quæro modò quoad pœnam criminalem, siue lege taxatam, siue arbitriam, sed de ipsa pœna temporalium bonorum, siue omnium, siue aliquorum, quomodo sit contra istos ad hanc pœnam quando ad Ecclesiam confugerunt procedendum.

2. Pœna confiscationis omnium bonorum est ea, qua propter aliquod delictum omnia bona delinquentis, eo ipso adiudicantur fisco, & in ius ipsius fisci transeunt. Vnde & ab ipso fisco cui adiudicantur confiscationis nomen acceperit, siue ita sint fisco adjudicata, ut omnia omnino in ius fisci transeant, siue ea lege, ut pars aliquota reuelanti, aut alteri personæ soluenda sit. Aliquādo verò non est confiscationis omnium bonorum, sed certæ rei duntaxat, exempli gratia, frau-

danti datum, seu gabellam, inferendo, vel extrahendo merces, non soluta gabella, pœna imposita est confiscationis totius illius mercis, quæ sic extracta est, vel in vrbem illata.

Præter pœnam confiscationis sūt 3. & aliæ pleræque pecuniariæ pœnæ, non solum pro delictis seuere prohibitis, ea ipsa lege, qua pœnæ taxatæ sunt, sed etiam absque delicto per legem quandam conuentionalem, seu per conuentionalia edicta, quibus solum cauetur ut qui hoc fecerit soluat decem, qui aliud egerit, soluat centum, & in his, quisquis illud agit, quasi nullus delicti reus, ad nihil aliud tenetur, nisi ad soluendum illa decem, vel centum.

Si solum agatur contra transgressorem legis conuentionalis, qui 4. ad Ecclesiam confugit, cum nullum in hac transgressione sit delictum, neque nulla omnino pœna inferenda, sed solum probata transgressione, agatur de condemnatione ad soluendam illam pecuniæ quantitatem, quæ lege taxata est, cōsequens esse videtur, eadem omnino ratione, qua præcedenti capite de obærato diximus procedendum esse. Is enim verè debitor est eius pecuniæ sicut obærat, solum diuersa causa est debitorum, hæc enim nascitur ex transgressione legis, ibi verò ex mutuo implicito, vel explicito, tacito, vel expresse: ut sicut in obærato declarata per iudicem debitorum veritate proceditur ad eorum solutionem per decretum primum, & secundum, &c. ita in hoc transgressore declarata veritate transgressionis.

In cæteris verò transgressionibus, s. quæ ex vi contrariæ legis prohibentur.

bentis serid, atque obligantis, præter pecuniariam taxatam pœnam, vera inest ratio delicti, si reus ad Ecclesiam confugiat, distinguendum est: aut enim solam pecuniariam pœnam constitutam habent, quod eos legislator non duxerit aliter quàm in pecunia puniendos; aut alterius alicuius pœnæ taxationem, seu etiam comminationem pœnarum arbitrio legislatoris, seu iudicis statuendarum. Si primum, eadem ratione qua de lege conuentionali dixi procedendum est; si verò secundum, tunc probata delicti veritate si ad pecuniariam solum pœnam agatur, eodem modo procedendum est, sed ea perfoluta, adhuc non potest reus liber de Ecclesia, nisi suo periculo exire. Si enim exeat ante impetratam ei per clericos Ecclesiarum impunitatem, capi potest extra Ecclesiam, nulla habita ratione immunitatis, quam ei extra Ecclesiam non competeret clarum est. Manet enim tam parti læsæ, quàm fisco intègra actio contra ipsam ad pœnam illam lege aut constitutam, aut comminatam, & in arbitrio iudicis positam. Pro qua eadem omnino ratione procedendum erit, ac si nulla pecuniaria pœna taxata fuisset, sicut in sequenti capite diceretur.

*Quomodo secularis curia procedat contra alios reos criminum confugientes ad Ecclesiam, quibus immunitas competit.*

## CAPVT XXIX.

**D**E iis reis hoc capite agendum est, quorum crimina nullam

*P. Gambac. de immunit. Eccl.*

habent. taxatam pecuniariam pœnam. Panormit. in cap. inter alia, de immunit. Eccles. n. 9. putat obtenta per rectores Ecclesiæ debita securitate de omni pœnarum genere, siue iuramento tradito per curiam secularem, ad sancta Dei Evangelia, aut etiam maiore aliqua securitate, si opus fuerit, ad modum expressum in c. literas. §. fin. de restitut. spoliatorum, posse reum exire de Ecclesia, comparere in iudicio, fieri à iudice processum, sententiam proferri, & executioni mandari in bonis ipsius rei, vel posse reum aliter componere cum læso. Hæc doctrina in eo fundata est, quod ratione priuilegij immunitatis, quo ab omni pœna reus securus esse debet, multi putant solum civiliter agi posse contra eum, ita ut posteaquam cū parte composuerit, non possit amplius pro eo delicto criminaliter accusari. Quam sententiam Panormit. in d. cap. inter alia n. 8. refert communem esse Doctorum, unde licet ipse contrarium sentiat, posse nempe, & civiliter, & criminaliter agi, subdit tamen statim pugnantia iis quæ dixerat. Fateor enim, inquit, posse reum cum læso componere, prout eis placuerit: nam satisfactum intelligitur qualitercumque voluntati creditoris satisfiat. l. si rem. §. omnis. ff. de pignor. act. cui sententiæ multum fauet textus in causam 17. q. 4. ubi legitime iubetur componere quod iniquè fecit, & nullam aliam pœnam assignat, componere autem pecuniariam pœnam sonat. Vnde idem 2. Panormit. ibidem n. 9. ait, si reus etiam obtenta quauis securitate, neque velit de Ecclesia exire, neque in iudicio comparere, neque pet se, neque per procuratorem, distin-

*Pp. guen*

guendum esse, num antequam ad Ecclesiam confugeret, lis fuerit contestata, necne. Si enim erat contestata, procedetur contra eum ad sententiam pecuniariam, & mandabitur executioni in bonis ipsius; si verò nondum erat contestata, procedetur ad primum & secundum decretum, iuxta qualitatem causæ, quæ etiam locum habent, quando civiliter solum proceditur; tunc enim sola pecuniaria poena locum habere videtur. Vnde & gl. in d. can. reum, in v. vel ad mortem, ait, pecuniariter satisfaciat, vel si hoc non potest, seruiat ei perpetuò, quem læsit, ubi seruitutem in locum pecuniariæ compositionis substituit, quando impossibilitas est soluendi. Itemque gl. in c. inter alia, in v. puniendus, notat pecuniariter dumtaxat, vel alia satisfactione præter poenam corporalem. quam satisfactionem aliqui intelligunt, ut iuret læso fidelitatem, vel præster ei aliquod seruitium.

Panormitanus verò contra communem hanc sententiam disertissimis verbis tenet, posse contra huiusmodi reos ad Ecclesiam confugientes, & civiliter, & criminaliter agi, etiam dum existunt in Ecclesia, dummodo non consequantur poenam corporis afflictivam, & probat per textum c. inter alia, ubi expresse dicitur, super hoc tamen quod inique fecit est alias legitime puniendus. ubi observat verbum puniendus, quod veram, & propriè dictam poenam significat, cuiusmodi non est poena pecuniaria. Quare consequenter ait antiqua iura quæ compositionis, vel satisfactionis faciebant mentionem, quæ pecuniariam poenam sonabant, hoc nouo iure c. inter alia suppleri, ut ad omnem poenam hi possint damna-

ri, præter corporalem, mortis metrorum, & ut aliqui addunt, etiam verberum.

Pro solutione obseruandum est tres esse in iure canones, qui expressè de poena confugientium ad Ecclesias reorum, disponunt. Nam in can. reum, videtur sola poena pecuniaria infligi. Cum enim vitam & membra excepisset, his non quilibet aliam poenam, sed solum pecuniariam opponit, dicens, tamen legitime componat quod inique fecit. Quo loco neque ad compositionem cum parte faciendam se restrinxit, sed simpliciter, & indeterminate dixit componat. Ideoque videtur non solum ad partem læsam, sed etiam ad fiscum referri posse, ut cum utroque componat, cum præsertim tam fiscus, & res publica læsa sit, quam priuata persona. In canone verò id constitutumus, non se restringit textus ad solam poenam pecuniariam, & tamen se restringere ad solam partem læsam videtur, nam de poena non dicit, componat, sed ait, de satisfactione conueniat, ita ut licitum sit aliam præter pecuniariam requirere satisfactionem. De parte verò læsa dicit, ut reus illi cui fuerit criminofus, id est, quem læserit, de satisfactione conueniat, ut videatur voluntati partis læsæ liberum esse relictum, quam velit petere satisfactionem; cui posteaquam reus concordauerit, & satisfactionem dederit, pro eius voluntate ad nihil aliud videtur posse per iudicem condemnari. Hunc textum glossa non de reo criminis intelligit, sed de debitore civili, seu obzato, quod si admitteremus, mirum non esset quoddam soli parti velit satisfieri, & cum illa de satisfactione conueniri, quia in civili debito illa sola est

est læsa, sola ius habet petendi sibi satisfieri, soli satisfaciendum est. Sed quoniam difficile est textum ciuili accommodare debitori, cum ibi iubeat impetrandum esse de morte, debilitate, & omni pœnarum genere securitatem, quæ in ciuili negotio locum non habent. Ideo necesse est de reo criminum intelligere; sed etiam tunc possumus non incongruè nomine illius, cui reus fuerit criminofus, non solum partem læsam, sed etiam fiscum intelligere, gerentem reipublicæ personam, vt cum vtraque parte debeat de satisfactione conuenire. Quod si non videatur verbis textus vsqueadeo accommodari, admittamus eius virtute factis fuisse cum sola parte concordare, suppletum verò esse postea per capitulum *inter alia, de immun. Ecclæs.* vbi nulla facta ad partem restrictione statuitur, super hoc, quod iniquè fecit, esse aliàs legitimè puniendum. & hic est tertius textus qui de eorundem reorum pœna disponit, omnium amplissimus, atque ideo diligentissimè notandus, ac menti retinendus. In primis enim cum primus ille textus iam relatus solam compositionem pecuniariam statuatur, secundus satisfactionem cum parte faciendam, hic tertius textus pœnam legitimam decernit, vt legitimè puniatur, pœna autem aliquid supra compositionem, & satisfactionem grauius sonat. Deinde cum duo priores textus illis pœnis partem respicere videantur, non ita commodè ad fiscum trahuntur, cum præsertim versentur in materia pœnali, hic textus pœnam simpliciter & absolute statuens & pœnam legitimam, eo ipso videtur etiam de fisco intelligendus cui fi-

mul, ac parti læsæ legitima pœna satisfacit. His positis,

Dicendum est primò iam non esse in solius partis potestate positum acceptata ad sui satisfactionem, quacunque pœna, reum omnino liberare, quicquid fuerit de iure antiquo. Probatur primò per textum *inter alia*, quod iuber legitimè puniri: ergo pro qualitate delicti; ergo non quacunque leuissima satisfactione per partem acceptata. Quauis enim damnari non possit ad aliquam grauem pœnam corporalem, damnati tamen potest ad aliam aliquam pœnam grauiorem, seu leuiorem pro delicti grauitate. Secundò probatur ratione, quia agimus hoc loco vniuersè de reis criminum, quantumcunque grauius delicta commiserint, his grauissimè læditur resp. ergo nõ satisfit leui aliqua pœna, solutione, v.g. decem sententia facta parti; tertio quia si nulla esset pars læsa, nulla omnino pœna imponenda veniret.

Secundò probabilissima, & apud me certa est Panormitani sententia posse contra huiusmodi reos, & ciuilitè, & criminaliter procedi: ciuilitè ad pœnam pecuniariam, vel aliam similem; criminaliter verò ad aliquam aliam pœnam, dummodo nõ sit grauis pœna corporalis. Probatur, quia text. *inter alia*, vult puniri legitimè, quod verà pœnam sonat.

Tertio dico, etiam si iste reus componat cum parte ciuilitè tantum agente, posse nihilominus fiscum agere contra illum criminaliter ad aliquam pœnam ad satisfaciendum reipublicæ. Probatur, quia iura permittunt componere cum parte; ergo licitum est cum ea componere. Item iura non liberant ab omni pœna, in id volunt puniri eos: ergo fisco in quem translata est potestas prosequendi

reos propter commune reip. bonum potest contra illos agere criminaliter ad aliquam pœnam, intellige vbi fiscus potest principaliter agere.

11. Quartò dico, si parte pecuniariter componente, etiam fiscus à reo requisitus, velit cum eodem pecuniariter componere, potest id facere, maximè si qua causa rationalis adsit, quoniam ista est etiam pœna, & aliquando satis grauis, & possunt tam pars, quàm fiscus maiore, vel minore summa pecuniæ componere cum reo pro maiore, vel minore delicti gravitate, & habita ratione qualitatis personæ rei. Probatur, quia pœna debet aliquo modo æquari, & correspondere delicto.

13. Quintò dico, vbi fiscus non potest principaliter agere propter priuilegia alicui ciuitati à Regibus cōcessa, sicut nō potest contra ciues huius felicitis vrbis Panormi, parte cōponente pecuniariter, nō videtur fisco remanere ius procedendi criminaliter; quia sic ageret principaliter. Probabile est etiam mihi nec posse ciuilitè, quia post concordiam factam cum parte nihil amplius potest fiscus.

14. Sextò dico, si tã pars læsa, quàm fiscus ciuilitè procedant ad pœnā pecuniariam, reum esse ciuilitè citandum, & procedendum esse contra eum, sicut dictum est de simplici debitore, si ambæ partes criminaliter, si verò altera pars procedat ciuilitè, altera criminaliter, citandum esse vtroque modo, & vtroque modo procedendum, vt posteaquam cum parte composuerit pecuniariter, possit ad instantiam fisci damniari ad aliquam pœnam.

Septimò dico, vbi fiscus potest principaliter agere, neque compositio facta cum parte tollit ius fisco, neque compositio facta cum fisco tollit ius parti læsæ ad agendum contra reum, siue ad pœnam pecuniariam, siue ad aliquam aliam pœnam lege permissam. Patet; quia nullo iure videmus derogarum neque iuri partis, neque iuri fisci. Non tamen idcirco debet reus, qui ad Ecclesiam confugit, prætermittere cum alterutro concordare, etiam si non possit cum vtroque, quoniam facilitatur eius totalis liberatio, vna partium quiescente; restat enim cum vna solâ cōcordandum. Poterit autem fortasse postea intra aliquod breue tempus cum altera concordare, & facilius, nam posteaquam concordauit cum parte læsa, fiscus videns se non posse procedere ad grauē pœnam, facile concordauit pecuniariter, & fortè pro modica pecunia, similiter & pars læsa, posteaquam videt reum concordasse cum fisco.

*An clerici Ecclesiarum teneantur  
reis criminū impetrare pacē, vi-  
tam ac membra, & indices secu-  
lares teneantur ea concedere, &  
reus teneatur exire.*

#### CAPVT XXX.

TRIA sunt hoc capite propo-  
sita dubia scitu digna. Sed ini-  
tio supponendum est debere Recto-  
res, & prælatos Ecclesiarum dili-  
genter impetrare reis ad suas Eccle-  
lias confugientibus pacem, vitam,  
membra, & omne pœuarum genus.  
De pace est textus expressus in *can.  
rem. 17. q. 4.* De vita in *d. can. rem;* &  
*can. id. consuetudinis, ead. causa & q. &.*

*in c. inter alia*, de *immun. Eccles.* De  
mēbris verò *in d. can. reum*, & *dicto c.*  
*inter alia*, expressa mentio habetur;  
*in can.* verò *id constituimus*, inpres-  
so membrorum nomine, exprimit  
textus debilitatem, quæ vel ad to-  
tum corpus referenda est, ut impe-  
tent remissionem illius pœnæ, qua  
totum corpus debilitatur, vel, quod  
probabilius est, ad ipsa membra, ut  
sit quasi declaratio quædam alio-  
rum canonum, in quibus iubentur  
clerici impetrare membra, ut non  
modò impetrent, ne quod abscein-  
datur membrum, sed etiam ne de-  
bilitetur. Demum de pœna tam *in*  
*can. reum*, quàm *in c. inter alia*, ex-  
pressè statuitur, ne quis reum de  
Ecclesia extrahere, vel donare  
audéat ad pœnam, & *in can. id con-*  
*stituimus*, eodem modo donare pro-  
hibentur, nisi de omni pœnarum  
genere sint securi. Quare certum  
esse debet Ecclesiarum rectoribus  
non licere sibi vlllo modo reum do-  
nare curiæ, nisi hæc impetrent: &  
mortaliter peccare, & immunita-  
tem violare, si secus faciant. Du-  
bium autem primum oritur ex tex-  
tu *c. inter alia*, vbi expressè dicitur  
Rectores Ecclesiarum debere reo  
obtinete hæc omnia, nam verbum  
illud *debent*, videtur eos obligare, &  
debitores constituere harum im-  
petrandarum pœnarum, & Panor.  
*in d. loco inter alia*, num. 9. notat Præ-  
latos Ecclesiarum de facto violare  
immunitatem. Debent enim, inquit,  
à iudicibus secularibus impetrare  
promissionem de vita, & membris  
seruandis, quasi apertè dicat in hoc  
violare immunitatem, quòd cum  
hæc debeant impetrare confugis, ea  
non impetrent.

Sed pro contraria parte facit  
quod nihil omnino horum quæ

expressa sunt, est in ipsorum cle-  
ricorum, vel Rectorum Ecclesiæ  
potestate. Pax enim in potestate est  
partis læsæ, mors, mutilatio, debili-  
tatioque membrorum, atque omnia  
pœna in potestate sunt iudicū. Ne-  
mo autem obligari iure potest ad  
id quod est in alterius potestate; si  
enim pars læsa nolit pacem ini-  
re cum reo, si iudex mortem, muti-  
lationem, pœnam nolit condonare,  
quid facient Ecclesiarum Rectores?

Hinc secunda oritur dubitatio, si  
a iudices, & magistratus ab Eccle-  
siarum Rectoribus requisiti, ac to-  
gati teneantur concedere reo vitæ,  
membra, & omnis pœnæ corpora-  
lis remissionem. Si enim iudices ad  
id tenerentur, non difficile esset di-  
cere Ecclesiarum Rectores ad im-  
petrandum obligari; possent enim  
vel ipsi eos cogere ad seruandum  
id quod lege tenentur, vel inter-  
ponere apud Episcopum partes su-  
as, ut illos cogeret per ecclesiasti-  
cas censuras & pœnas. Si verò his  
liberum est petitionibus clericorum  
abnuere, nulla ratione dici possunt  
clerici ad id impetrandum teneri.

Quòd autem ij teneantur, hæc  
videntur persuadere. Primò quòd  
in omnibus præallegatis iuribus  
prohibentur iudices & magistra-  
tus, quenquam reorum extrahere  
ad mortem, membri amputationem,  
seu debilitationem, ac pœ-  
nam, & tamen *in c. inter alia*, iu-  
bentur illum legitime punire. Pu-  
nire autem vlllo modo nequeunt,  
nisi facta clericis promissione de vi-  
ta, & membris & omni pœna; ergo  
tenentur hæc promittere. Secundò  
clerici, seu Rectores Ecclesiarum  
tenentur hæc impetrare: ergo illi à  
quibus impetranda sunt, tenentur  
ea concedere. Contrà verò facit

quod nullum his inuenitur datum præceptum de his reo concedendis, in re verò adeò graui & ardua erit illis expressis verbis præcipiendum.

7. Quoniã verò si quæ ratio est quæ istos obliget, nulla alia vel simpliciter, vel certè maior esse potest, quàm ea quæ tradita est, vt ita tandem rei puniantur, ne frustra, aut rectores Ecclesiarum, aut simul cum illis etiam iudices, ac magistratus seculares obligemus, videndum necessariò est quod in tertia dubitatione propositum est, an posteaquam clerici vitam, membra, omnemque pœnæ remissionem impetrarunt, ac magistratus etiam datis ad Euangelia sacramentis concesserunt, teneatur reus exire de Ecclesia, ac iudicio se submittere; videtur enim adhuc reus posse timere iudicis aut fugam, aut infidelitatem, atque inconstantiam, si aliàs datam alicui fidem fregisset. Secundò quod immunitatis iure non videtur vnquã posse abstrahi inuitus. Vnde & Pannormitanus in d. c. *inter alia*, n. 9. ait, si reus nullo modo velit de Ecclesia exire, fortè timens tyrannidem iudicis, nullo modo debet de Ecclesia extrahi. Nam duplex (inquit) est immunitas, prior, vt nullo modo extrahatur inuitus, posterior, vt non damnetur ad grauem pœnam corporalem.

8. Denum frustra hos omnes obligauerimus, nisi pars læsa cõsentiat, cuius iuri vsque adeò derogatum non est vllo iure immunitatis, vt semper illæsum expressè conseruetur, nam in *can. reum*, statuitur, ita concedi vitam, & membra, vt quod insquẽ fecit componat, quod intellige cum parte læsa. Clariùs in *can. ad conflictum*, vt ei cui reus fuerit

criminosus, de satisfactione conueniatur, id est, vt consentiat in aliam satisfactionem, concessa vita, & membris. Si ergo liberum est parti pecuniariter componere, vel aliam leuiorem satisfactionem admittere, vel si lubet etiam instare, vt ad pœnam ordinariam mortis, vel occisionis damnetur, & nunquam tenetur ex iustitia in leuiorem pœnam consentire, contra, vel præter iuris dispositionem, quomodo potest, aut reus cogi ad exeundum de carcere cum periculo manifesto patiendi graue damnum à parte, aut iudex obligari ad concedendam reo vitam & membra, eripienda illi per partem non ferentem eius à pœnis liberationem? videndum est ergo an Rectores Ecclesiarum possint partem obligare ad remittendam reo actionem criminalem.

Pro pleniori intelligentia harum 9. dubitationum, earumque clariore resolutione cum videatur prima facie esse inter eas hæc connexio, vt prima à secunda pendeat, & hæc à tertia, ac deum à quarta omnes, à quibus tamen non multum neque necessariò pendent; ordine retrogrado procedendum est, vt ab vltima inchoando vsque ad primam progrediamur.

Dico igitur primò partem læsam 10. nullam omnino habere nouam obligationem ex hoc iure immunitatis, neque ad componendum cum lædente reo pecuniariter, neque ad acceptandam aliquam satisfactionem, præter obligationem quam habet ex iure naturali diligendi proximum, vel ex præcepto charitatis erga proximum, aut etiam inimicum. Probatur, quia, quoties iura immunitatis de compositione & satisfactione loquuntur, ad reum ipsum

psum qui læsit sermonem conuertunt, atque huic ipsi non tam iubent, quàm declarant eum ab hac naturali obligatione non liberari, & fauent parti læsæ, vt illi omnino satisfiat, *can. reum, & can. id constiuitur* 17. q. 4.

11. Secundò dico, iure naturali non teneri læsum remittere actionem in iudicio, sed deposito omni rancore, & odio posse sine vilo peccato prosequi actionem suam vsque ad realem rei condemnationem ad extremum supplicium, atque ad eius executionem. Dixi, *deposito omni rancore*, ex præcepto caritatis, & dilectionis proximi, quod licet quoad actum positium diligendi non obliget ad semper, vt sacri Theologi loquuntur, possitque aliquando nõ actu amare, quoad actum tamen negatiuum non odiendi obligat ad semper, itaut nunquam omnino, ne momento quidem temporis liceat odire inimicum, atque ideo teneatur perpetuò deponere odium & rancorem ex caritate. Dices hoc difficile esse: fateor; non est tamen impossibile, quare sciat quisquis ille est, qui experitur, se in hac prosecutione non posse abstinere, teneri se ex eadem caritate offensũ, & actionem criminalem, vel expressè remittere, vel non prosequi. Dico autem *ex caritate*, ad excludendam eam obligationem, quæ est ex iustitia. Quamuis enim cum odio & rancore id faceret, iniustitiam non committeret, nequẽ ad vllam restitutionem teneretur, sed solum charitatem læderet, & grauissimo odij peccato animã suam obstringeret. Dixi autem nõ esse impossibile, quia vidi ego aliquando aliquos, qui aded sedatè hæc tractabãt, aded nulum omnino odij signum præse-

rebant, vt illis ipsis quos ad necem prosequiebantur, elemosynas impertirent, ac seriò pro eis orarent, & vel ex zelo iustitiæ reos illos, à quibus læsi essent, prosequiebantur, quia pestis erant, & perniciosi reipublicæ, vt tanto malo resp. per eam occasionem liberaretur, vel zelo priuati boni suæ familiæ, quodd si illi mortem euaderent, perniciem toti suæ familiæ allaturi essent; ideo fateor me aliquando coactum esse fateri non solum sine peccato, sed etiam cum merito apud Deum & homines posse læsum prosequi cum à quo læsus sit, nulla facta ei remissione in iudicio: quod mihi sæpe antea vsque aded difficile videbatur, vt penè impossibile iudicarem.

Hinc sequitur tertio non teneri 14. rectores Ecclesiarum pacem cum offenso impetrare reo, si de pace exteriori loquamur, qua inita, offensa cõdonatur, & de qua propriè loquitur textus in *can. reum*, vbi hũc in finem pacem obtineri desiderat vt reus à morte, & membrorum mutilatione, seu etiam debilitatione liberetur. Probatur, quia textus non iubet, vt hanc pacem impetrent, sed solum vt studeant eam obtinere. Quare tenentur quidem rectores illarum Ecclesiarum ad quas rei confugiunt, hoc speciali præcepto studere obtinere illis rebus pacem: studere autem significat diligentiam quandam, & conatum ad obtinendum, vt non modò grauitè peccent, si nihil omnino de ea tractent, sed etiam si leuiter tractent, non adhibentes ad id debitum studium & diligentiam aptaque media, si spes sit obtinendi, ait enim expressè textus in *d. can. reum*, *rectores Ecclesiarum pacem & vitam ac membra eius obtinere studeant*, quibus



quibus verbis insinuare videtur par studium impetrandæ paci, atque impetrandæ vitæ adhibendam esse, & meritò: nam plerumque ex hac pace vita ipsa ac membra dependent.

15. Quartò dico, quando neque reus qui ad Ecclesiam confugit, est perniciosus reipublicæ, neque parti læsæ, neque verò familiæ ipsius partis læsæ vllum timetur ex hac externa pace, & remissione actionis in foro exteriori damnum, rationabiliter deberet offensus admittere pacem, condonare offensam, & remittere actionem criminalem in iudicio, accepta aliqua honesta satisfactione, iudicio, ac consilio petitorum timorata conscientia. Dico *rationabiliter deberet*, & nò dico tenetur in conscientia, quoniam multa posset prætere, ad sui excusationem, quæ si coram Deo atque in conscientia vera essent (sicut frequenter falsa sunt) excusarent à peccato mortali. Deberet autem rationabiliter propter has, atque alias complures rationes valde honestas. Primum enim ubi cessant illa duo, quòd neque reus est reip. perniciosus, neque familiæ offensi potest obesse, nulla apparet honesta causa, qua ista actio exterior prosequendi hominem ad necem cohonestetur, & facillimè potest interuenire latens quoddam, ac delicatum odium, & rancor, qui etiam præsumitur, cum nihil appareat in contrarium, & hoc exemplum multum potest ad alios permouendos, vt ne ipsi in simili causa ignoscant. Secundò suadet ratio, vt id & corde velimus, & opere exequamur, quod vitare non possumus, & rerum necessitate ad virtutis actum vtamur, vt cum propter

Ecclesiæ immunitatem consequi omnino non possumus, vt reus ad mortem damnetur, hac necessitate vtamur ad condonandam accepta alia honesta satisfactione offensam, atque ad pacem cum eo componendam. Tertiò, nisi nos in id consenserimus, nihil aliud reus patietur quàm à patria absentiam. Vt cum nos obstinati fuerimus, & iudices vitam, ac membra concedere detrectauerint, ille vel eligat residere perpetuò in Ecclesia, vel in alienas abire terras, nobis insciis. At hanc ipsam pœnam ab eo in satisfactionem fortassis etiam longè maiorem exigere possumus componenda pace & actione condonanda; ergo rationabiliter id facere debemus.

Dixi autem *consilio petitorum timorata conscientia*, quia non est petenda quæuis irrationabilis, aut impossibilis satisfactio, in cuius petitione non rarò decipimur, & facile est lèso propter passionem, omnem grauem, difficilem, impossibilem satisfactionem facillimam iudicare: & hoc prætextu remissionem actionis subterfugere, ac declinare. Ad hoc vitandum incommodum sanum consilium est non obstinatè petere quamlibet satisfactionem, sed ubi multa cernitur difficultas, petitorum, ac timorata conscientia virorum consilio acquiescere.

Octauò etiàs pars remittat actionem criminalem, & iudex concedat vitam, membra, & omnem pœnam corporalem, etiam cum iuramento, adhuc reus non tenetur exire de Ecclesia. Est expressa sententia Panormitani *in c. inter alia, n. 9.* neque iudex, neque alius quisquam potest illum per vim extrahere. Probat, quia potest timere fraudem

fraudem, vel tyrannidem iudicis, & quia vñum ex immunitatis commodis est id vt inuitus extrahi non possit, in contrarium facit textus in *can. id. constitutum*, qui textus, meo iudicio, multum vrget. Ait enim, reos extrahere omnino non liceat (quod ad iudices & ministros curiæ pertinet), sed nec alteri consignare (quod pertinet ad rectores Ecclesiarum.) Idque non simpliciter prohibetur, sed sub quadam conditione quæ subditur: Nisi ad Euangelia datis sacramentis de morte, debilitate, & omni pœnarum genere sint securi; ergo posita hac conditione, quod sint securi, de his omnibus & Ecclesiarum rectores possunt illos donare, & ministri curiæ extrahere sine vllò scrupulo. Addo textum in *can. reum*, sæpe citato vbi non simpliciter prohibitum est reos extrahere, vel donare curiæ seculari, sed solum ad certum quid, nempe ad pœnam, vel mortem. Verba textus sic habent: Reum ad Ecclesiam confugientem nemo abstrahere audeat, neque inde donare ad pœnam, vel ad mortem: ergo non est prohibitum abstrahere, & donare ad pœnam pecuniariam, vel aliam leuem pœnam corporalem, & non multum afflictiuam corporis. Hi duo textus videntur mihi adedò clari vt si his solis standum esset, indubitanter asserere auderem extrahi posse. Sed sententiæ Panormitani fauet textus *e. inter alia*, qui modo ab his satis diuerso loquitur; vt mihi videatur seridè intendisse contrarium disponere, & fauere reo, vt inuitus extrahi nullo modo possit: ait enim, non est violentè ab Ecclesia extrahendus, nec inde damnari debet ad mortem, vel

ad pœnam, sed rectores Ecclesiarum debent sibi obtinere membra, & vitam. Est autem textus Innocentij III. qui valde prudens, & circumspèctus fuit in disponendo. Neque vetat extrahi ad mortem, vel pœnam; vt in *can. reum*, neque vetat extrahi, nisi ea conditione datis sacramentis, vt in *can. id. constitutum*, sed prius simpliciter vetat extrahi, deinde vetat inde damnari ad mortem, vel pœnam. Tandem iubet Rectores Ecclesiarum obtinere membra & vitam, quæ singula seorsum ita vt iacent obsecuanda sunt.

Sexto iudex etiam remittente parte, vel pecuniariter componente, non tenetur condonare reo vitam, membra, & omnem pœnam corporalem grauem: videtur esse contra Panormit. in *c. inter alia* n. 8. vbi cum ponderando illum textum dixisset hoc iure suppleri antiquum ius, posseque reum puniri qualibet pœna præter corporalem, subiunxit: Fateor tamen quoddam poterit eum læso componere prout eis placuerit, quasi parte componente cum reo, vltcrius non possit iudex ad vllam pœnam procedere. Dico ergo, quamuis pars quoquomodo componat, & concordet, non teneri iudicem pœnam condonare.

Quamuis enim iudex nulla ratione possit iuri partis derogare, non tenetur tamen illi se conformare. Propterea quoddam reorū criminibus non solum pars læditur, sed etiam respublica, & plerumque nullo læso homine, læditur respublica, cui iudex tanquam personam publicam gerens tenetur consolare. Iudè etiam aliquando bono ipsius partis potest iudex id facere, potest

enim reus esse adeo astutus, & callidus, pars adeo simplex, & rudis, ut dolo ac fraudibus rei circumuentra pars consentiat indulgere illi vitam in sui perniciem: potest pars adeo seruire auaritiæ, ut obtinendæ pecuniæ spe obæcata, consentiat in liberationem partis sibi, ac toti suæ familiæ perniciosam, vel etiam ignominiosam. His prouidere malis ad iudicem pertinet, tuentem ius ipsius reipublicæ. Potest demum reus adeo esse pestilens, & reipublicæ perniciosus, ut urbem totam perturbet, atque ideo expediat, aut necesse sit à republica separari, atque in totum ab ea abscindi, indeque discedere, non amplius reuerfurus. Id ita iudex consequetur, si instante fisco vitam, & membra illi non promittat, quantumcumque cum patre concordet. Cum enim non possit continuò in Ecclesia demorari, nec sine suo periculo tantisper exire, abibit sponte in alias terras. Dices, posset iudex donare vitam & membra, vel cum pacto abeundi, vel etiam per sententiam eum condemnando ut exulet à patria in perpetuum. Respondeo posse id quidem, sed his non obstantibus si ille aliquando redeat, nullum graue malum timere potest ratione debitæ immunitatis, quæ facile inducere enim possent ad redeundum: si autem iudice non concedente vitam, & membra, redeat, certò scit fieri posse ut si capiatur, vitæque illi adimenda sit, qui metus illum facilius in illo suo voluntario exilio continebit.

23. Septimò Rectores Ecclesiarum non tenentur impetrare reo vitam & membra, sed solum tenentur interponere apud iudices & magi-

stratus partes suas pro reo, ad ea illi impetranda, vnde expressus textus in *can. reum*, dicit, *obtinere studeam*. Imò in *can. id constitutum*, neque hoc præcipit rectoribus, sed solum vetat ne reum curiæ consignent, nisi datis ad Euangelia sacramentis, de morte, debilitate, & omni pernarum genere sint securi, itaut non obligentur ad adeunda iudicum tribunalia, & procurandam reorum vitam, sed solum quando curia secularis reos petit, ei respondeant se non posse illos consignare, nisi accepto ab illis securitatis istius sacramento. Ad hunc eundem modum possumus commodè aptèque interpretari verbum illud, *debent*, quod positum est in *c. inter alia*, de *immun. Eccles.* ut vel accipiamus verbum *debent*, pro eo quod est decet, conuenit, seu studeant & nitantur. Vel si strictè accipiamus pro vera ratione debiti, intelligatur conditionaliter, ne extrahi permittant villo modo, nisi impetrata vita, & membris. Demum *debent obtinere* idem omnino est, ac si diceretur, debent conari, seu studere obtinere. eo ipso enim quòd obtinere in alterius est potestate, non in propria, nulla alia ratione potest obligari quis ad obrinendum, nisi faciendo quod in se est, hortando, persuadendo, deprecando. Imò mihi valde probabile est, si curia secularis non petat reum, neque vltos excitet contra eum rumores, neque teneri Ecclesiarum Rectores illam adire, & pro rei vita intercedere, sed potiùs consulere reo ut secedat in alienas terras, ne forè illa precibus clericorum excitata commoueri incipiat contra eundem.

Octauò

15. Octauo demum addo posse reum adeo perniciosum esse toti reipublicæ, atque adeo pestilentem, ut dummodo clerici, & Rectores Ecclesiarum, nec extrahi contra fas eum sinant, neque curiæ consignent, nullo modo debeant illi procurare vitam & membra; procurarent enim extremam reipublicæ perniciem, quod est contra charitatem, tunc multo consultius facerent, si reo ante oculos ponerent periculum, illum inducerent ut in exteris regiones se conferret, siue proficisceretur ad bellum; neque obstat textus *c. inter alia*, dicens, *quantumcumque graua maleficia perpetraverit*, quia non propter adeo corruptos ac deprauatos eius mores, ut communis vox sit, pestem esse, perniciemque reipublicæ. Pari ratione prætermittere possent hanc operam reis impendere, quando certo scirent, præsertim si experientia didicissent, se nihil impetraturos.
16. Nonò mihi valde probabile est Rectores Ecclesiarum omittendo pro vita teorum intercedere, etiam si ex negligentia id faciant, licet aliquando peccent peccato omissionis contra charitatem proximi, nunquam tamen in hoc violare immunitatem Ecclesiarum, neque est contra Panormitanum in *c. inter alia*, n. 10. & ratio est. Prima, quia, ut dictum est n. 23. & 24. non est præceptum de his impetrandis. Secunda, esto esset præceptum, cum sit præceptum de intercedendo pro alio, quod ut de re in alterius potestate posita, non videtur posse esse adeo rigorosum. Tertium, quia quandiu reus, nec extrahitur inuitus, nec signa-

tur curiæ, nisi impetrata vita, & membris, salua illi est sua immunitas, quæ in his duobus posita est, ut idem Panormitanus concedit. Quarta, quia cum persæpe multa sit turba confugientium ad Ecclesias, iriderentur rectores Ecclesiarum, si pro his singulis vellet intercedere, & ipsi magnam facerent temporis iacturam, satis esse videtur, si quando curia petit reos sibi consignari, respondeant se non aliter id posse, nisi acceptis ab ea sacramentis ad sacra Evangelia de vita & membris.

---

*An Prælati, seu Index ecclesiasticus in delictis pertinentibus ad forum ecclesiasticum possit extrahere de Ecclesia inuitos, & punire.*

## CAPVT XXXI.

COMMUNI Doctrinam consensu tria sunt genera delictorum, quædam enim sunt fori spiritualis tantum, ut simonia, violentia excommunicationis, aut interdicti, sanctissimorum sacramentorum abusus, & alia multa, quæ etiam in laicis per forum ecclesiasticum cognoscuntur, & puniuntur. Alia sunt delicta solius fori secularis, ut homicidium, furtum, rapina, & infinita alia, quæ in laicis per solum forum laicum cognoscuntur, & puniuntur: quædam sunt fori mixti, quæ tam per laicum, quam per ecclesiasticum forum in laicis cognoscuntur, cuiusmodi sunt vsura, periurium, & alia similia. Nos in præsentiarum

- non loquimur de clericis, neque secularibus, neque regularibus, quos esse ad immunitatem admit-  
 2. tendos abunde probauimus supra hoc eodem libro p. 2. cap. 11. Sed de laicis quibus cum citra omnem dubitationem debeat immunitas apud forum laicum, dubitari potest, an etiam debeat apud forum ecclesiasticum in causis ad eundem forum pertinentibus, siue merè ecclesiasticis, siue mixtis, id est, an confugientes ad Ecclesias pro huiusmodi commissis delictis, possint inde per iudices ecclesiasticos per vim extrahi, ac damnari ad pœnas, quas iudex ecclesiasticus infligere solet: seu an saltem per eundem possit eis iniungi canonica pœnitentia annorum aliquot, vel publica pœnitentia, vel inclusio perpetua in monasterium, aliarque similes, de quibus quamplurima habenter apud Burchardum, & in pœnitentiali Romano.
3. Et quòd possit innitus extrahi ac puniri, hæc parè rationes probare videntur. Prima quòd finis quem respicit immunitas Ecclesiarum in reis criminum est, liberare eos à morte, mutilatione, vel etiam debilitatione membrorum, & omni graui pœna corporali, cuiusmodi est illa omnis quæ est grauiter afflictiua corporis propter graues inflictos dolores. At Ecclesia & ecclesiastici iudices non solent irrogare huiusmodi pœnas. Ergo non videtur immunitas habere locum in ordine ad Ecclesiam. Secundò quia non videtur Ecclesia contra se ipsam priuilegiasse, in causis præsertim spiritualibus, nec præsumitur id fecisse, nisi manifestè exprimat. *e. cum infantia, de censibus*, ubi gl. in v. *non credimus*, ait Ec-

clesiam Romanam non consueuisse contra se priuilegiare.

Quòd autem saltem possit confugientibus ad Ecclesias canonicas imponere pœnitentias, tenet aperte Innoc. in c. *inter alia*, & ibi Io. Andr. & post eos Panormitanus n. 12. quia per huiusmodi pœnitentias, consulitur animæ ipsius delinquentis, neque credibile est immunitatem concessam esse in ipsius animæ spirituale præiudicium. idem sentit gl. in *can. de raptoribus*, in v. *vel panarum*, dicens; raptorem posse publica pœnitentia multari, quæ illi taxata est in *can. raptor. 27. q. 2*. Secundò, quia ad has pœnitentias non opus est extrahere reos de Ecclesia, cum publica pœnitentia in Ecclesia imponatur, *can. in capite d. 50*. Quòd si obiicias, in eodem illo canone prope finem præcipi, vt post fufas pro iis, quibus imposita est publica in Ecclesia pœnitentia, de Ecclesia foribus eiciantur. Respondetur potest eici posse ad hortos, ad atria, ad porticus Ecclesiæ, quæ etiam ipsa sunt immunitatis loca.

Mihi videtur certum atque indubitatum primò non posse huiusmodi confugas, neque per iudicè ecclesiasticum; per vim, seu inuitos extrahi de Ecclesia, quoniam hoc est vnũ ex priuilegiis immunitatis ne extrahantur inuiti. Priuilegium autem immunitatis obligat omnes etiam Ecclesiæ prælatos, tum propter particulam vniuersalem prohibentem, *nullus audeat extrahere*, tum propter canonè *nullus clericorum 17. q. 4*. ergo apparet etiam clericos teneri id obseruare. Denum, quoniam si Prælati extrahere nequeunt clericos omnino si-

bi subiectos ratione status clericali, vt superius probatum est in hoc lib. 2. parte, cap. 1. multo minus poterunt extrahere laicos sibi non subiectos, nisi ratione delicti ecclesiastici.

6. Secundò nec possunt Prælati, & iudices ecclesiastici punire huiusmodi reos pœna aliqua corporali, nisi leui, aut alia temporali, qua possunt punire iudices seculares, quoniam quoad pœnas æquæ vtrique iudices immunitati tenentur deferre. Quare debent in his eodem modo procedere, sicut dictum est, ac dicetur de curia seculari.

7. Terriò si indicta reo pœnitentia publica, permittatur liber exire de Ecclesia, nec vlla alia illi pœna propter illud delictum, cuius gratia ad Ecclesiam confugit, imponatur, sed omnino liberetur, sine dubio putò iniungi posse, quoniam illa pœnitentia non est grauis pœna corporalis lege prohibita: si autem ultra illam pœnitentiam adhuc contra illum agatur, & propter illud ipsū delictum non possit tutò exire de Ecclesia, probabilis mihi est non posse imponi, quoniam ad hoc imponitur pœna, vt liberetur. Nec valet si dicas immunitatem non debere intelligi in præiudicium animæ, quoniam illa pœnitentia publica non est ad salutem necessaria, multo magis quoniam huiusmodi pœnitentiæ modò non sunt amplius in vsu.

8. Quartò, si vim immunitatis ipsius inspiciamus, nihil obstat quo minus rei ad Ecclesiam confugientes, possint per Ecclesiarum Prælatos puniri pœnis spiritualibus excommunicationis, suspensionis, & interdicti. Paret, quia nullo iure prohibitum est, putò tamē commu-

niter non expedire, quoniam excommunicati & interdicti non possunt diuinis interesse, & cogerentur aliquando exire, vt in paruis Ecclesiis, quæ non habent extra areas, porticus, hortos, cellulas, aliaque similia confugiorum loca; ad quæ diuinorum officiorum tempore se recipiant.

Postremò si statuto synodali, vel 9. edicto publico statuta est aliqua iniunctio sub pœna pecuniaria, potest eodem modo procedi ad pœnam istā per iudices ecclesiasticos, sicut dictum est suprā in hac eadem parte c. 18. de iudice laico.

Ad primam rationem respon- 10. deo Ecclesiam priuilegiare in duobus, primum vt non possit extrahi, secundum vt non possit puniri graui pœna corporali, & aliàs: hoc secundum sit quasi finis præcedentis, vtrumque tamē ad substantiam priuilegij pertinet; quo fit vt vtrūque necessariò ab omnibus obseruandum sit. Addo quòd Ecclesia solet damnare ad publicam fustigationem, aut etiam ad tremitas, ita exigente delicti grauitate, quas pœnas numerare fortasse possumus inter graues pœnas corporales.

Ad secundum patet ex primo dicto, Ecclesia enim sibi voluit præiudicare hoc priuilegio, vt patet ex 11. can. nullus clericorum 17. q. 4. quare id esse manifestè expressum.

Ad primum de imponenda pœnitentia publica patet ex dictis non 12. esse eam necessariam ad salutem animæ.

Ad secundum neque in Ecclesia licitum esse punire.

*An possit infligi pœna seruiendi parti læsa.*

## CAPVT XXXII.

**S**UPPONO ex textu *c. inter alia*, reos confugientes ad Ecclesias impetrata vita, membris, & remissione grauis pœnæ corporalis esse legitimè puniendos, solum inquirendæ restant pœnæ quæ saluo iure immunitatis possint infligi.

1. Prima ergo quæ occurrit est pœna seruiendi læso, quæ est pœna cuiusdam imperfectæ seruitutis: hanc non aduersari priuilegio immunitatis, docet expressus textus *can. de raptoribus* 36. q. 1. ubi statuitur hæc pœna contra raptores virginum, confugientes ad Ecclesiam. qui textus in hac materia aureus censendus est, cum expressè de iis, qui ad Ecclesias confugerunt, id statuat, iniungitur autem in pretium ablata pudicitia, vnde & pretio redimi hanc seruitutem conceditur. Hinc gl. in *can. reum* 17. q. 4. in v. *vel ad mortem*, cum dixisset reum ad Ecclesiam confugientem debere pecuniariter satisfacere parti læsæ, subdit, *vel ei seruiat perpetuò*. Ut intelligamus confugientibus ad Ecclesiam pro quouis delicto, si non possint pecuniariter satisfacere, posse iniungi hanc pœnam ut seruiant læso.

2. Hinc ego colligo hanc pœnam simpliciter infligi posse reo per iudicis sententiam, si consideratis omnibus circumstantiis, delictis personæ læsæ, ac lædētis, iudicauerit hanc pœnam expedire. Cum enim constet ex iure infligi posse, neque repugnare priuilegio immunitatis, etiam si ius illam eo casu decreuerit in pretium pudicitia, iudex potest

decernere in pœnam delicti, ut si persona vilis nobilem læsisset, & hac ratione satisfactorius illi putetur, si eius seruitio addicatur.

De hac pœna illud vniuersè dici potest, eam non esse verè, ac propriè seruitutem, neque ad illam damnatos, posse propriè seruos appellari, siue mancipia, neque seruorum instar etiam tractandos. Probatur, quia de iure Christiani liberi non possunt effici serui, ne quidem iusto bello capti: & textus dicti *can. de raptoribus*, non dicit expressè effici seruos, sed solum iubere ut seruiant: ergo. Refert tamen quandam imperfectam imaginem, rationemque seruitutis, quoniam verè seruire tenetur ei, cui quis per iudicem ad seruendum traditus est; neque verò recedere ab eo potest, cum liber, vnde parum differt à seruo, ut notat gl. in d. *can. de raptoribus* in v. *ad seruendum*. Probaturque primò per textum in l. 2. ff. *de liber. hom. exhiben.* Secundò, quia seruorum more non alia ratione quam persoluto pretio potest se ab ea obligatione liberare. Tertiò, quia in d. *can. de raptorib.* non simpliciter dicitur, seruiat, sed *sit illi subiectus ad seruendum*, qua voce quandam saltem imperfectam insinuat seruitutem.

In specie verò de obligatione seruiendi raptæ virginis, primò dabitur quanto tempore ad id teneatur. gl. in d. *can. de raptoribus*, refert duas sententias: vnam limitantium quinquevni tempus ad eum modum, quo is, qui de hostium manibus est ab aliquo redemptus, tenetur quinquennio seruire suo redemptori. *Idinerfarum, Cod. de captiuis, & postliminio reuersis*. Alteram referentium id in arbitriū boni viri, ex quo nullum

nullum certum tempus repetimus iure definitum, argumento l. 1. ff. de iure deliberan. §. ait prator. quarum cum ea glossa neutra refellit, utraque probare videtur.

5. At gl. in can. reu. 17. q. 4. cum dixisset, pecuniariter componat cum læso, vel si non potest, seruiat ei, assignat hoc tempus perpetuum, dicens, seruiat ei perpetuo. quo loco, cum seruitutem loco pretij compositionis substituât, perpetuam illam esse vult; quare idem videtur dicendū de seruitute raptoris, quæ imponitur in pretium pudicitie, cū præsertim pudicitia sit in æstimabilis, quæ nullo omnino pretio æquari potest, & nō minori, quàm perpetua seruitute pensanda, nec minori redimenda pretio, quàm si à seruitute perpetua redimendus esset.

6. Mihi videtur primò certum esse, cum textus optionē tribuat siue seruiendi raptæ, siue sese pretio redimendi, quodcumque se redimere voluerit, licet illi à seruitute liberare. Neque enim ex eo quod seruire cœpit, deteriotis conditionis factus est, ut ideo non possit se pretio redimere. Imò cōtrā quāto diutius seruiuit, tātò minori pretio se potest redimere. Debent enim præstita seruitia, in partem pretij computari; præsertim verò si ingrauescētē iā ætate minus habilis factus esset ad seruiendum. Nam & veri serui ingrauescente ætate vilius æstimantur.

7. Secundò certum est, cum in iure nullum sit constitutum certū tempus posse per sententiā iudicis terminari, ac præscribi vel ad certū tempus longius, seu breuius, vel etiam in perpetuū, prout ipsius raptus probata qualitas videbitur postulare, nē pe prout plus, vel minus intercesse-

rit, doli, fraudis, ac violētiæ, aut etiā pro qualitate. Quāuis enim pudicitia in se cōsiderata inestimabilis sit, tamē æstimabilis est honor, & fama eius quæ vim passa est, & inæqualiter æstimabilis pro qualitate personæ. Pluris enim æstimatur honor virginis nobilis, honestæque familie, quàm pauperculæ, vel eius cuius familia notata est alicuius turpitudinis, & consequenter maiori pretio redimēda: illius honestas est, quàm istius, ad longiorisque temporis seruitiū raptor cōdēmandus.

Tertiò quoniā ablata virgini pudicitia solet competentis pro qualitate personæ dotis assignatione compensari, ideo sicut videtur raptor si se velit redimere, tanto pretio debere id facere, quantum boni viri, aut iudicis arbitrio habita tatione qualitatis personæ, satis esset eius honestas, ac decenti doli, ita videtur damndus ad seruiendū tanto tempore, quantum illi honestas doti responderet. Potest atque conditio mulieris vim passæ eiusmodi esse, ut totius vitæ seruitia superet, eo casu damndus est ad seruiendum illi perpetuū; potest item esse adeo vilis atque abiecta, ut paucorum annorum seruitiis adæquetur, & tunc ad paucorum annorum seruitutem damnari debet, ut si sit filia pauperculæ meretricis, quæ maternos mores imitatura putaretur.

Secundò dubitatur nunquid hæc poena seruiendi raptæ locum habere debeat, etiam in clerico, præsertim in sacris ordinibus constituto confugiente ad Ecclesiam?

Io. de Vuischis in tract. de immum. Eccles. n. 13. expresse tenet partem negatiuam. Probat, quia nō decet personam clerici in sacris consti



constitutam seruire personæ laicæ, præsertim verò mulieri, cui addo, quia magis publicaretur eius delictum, maiorem pareret populis offensionem, tenderetque in dedecus totius ordinis clericalis. Id enim fert nostrorum temporum conditio, ut vel propter nimis corruptos populorum mores, vel propter praua nonnullorum clericorum exempla vix aliquid de vno clerico audiat mali, quin omnibus clericis tribuatur.

10. Non tamen ideirco impunitus abire permittendus est. Cum autem non possit Clericus ad sacros ordines promoueri, nisi aut beneficium pacificè possideat, aut patrimonium habeat, idque ad honestam sustentationem, sufficiens decentem poenam esse arbitror si damnetur ad alteram prædictæ poenæ partem, ut pretio se redimat, & per subtractionem fructuum beneficii, vel patrimonij tantum soluat raptæ quanti se redimeret, si ad seruendum illi, damnatus fuisset. Cum enim textus illius can. *de raptoribus*, alternatiuè has duas poenas constituat, ut vel seruiat raptæ, vel sese redimat, is qui propter personæ gravitatem ad seruendum damnari non potest, ad se redimendum potest, is sine dubio ad seruandam legem damnandus est ad illam poenam, quam potest.

11. Quod si clericus in sacris constitutus personam aliquam læserit, cui non dedecet eum seruire, exempli gratia, graviter læsit Prælatum, aut sacerdotem valde grauem, & honestum, infamando illum falsò in iudicio, vel aliquo alio modo, poterit iudex ecclesiasticus si iudicauerit expedire, damnare eum ad seruendum illi.

Sicut & aliis de causis potest infligi eadem poena, cum iudici seculari videbitur. Cum enim certò cõstet ex iure, & infligatur in pretium pudicitie, poterit etiam imponi in pretium alterius damni pretio æstimabilis, quando aliter satisfacere non potest. Exempli gratia, occidit quis mulieri maritum, vel filium adultum vtilem, cuius labore sustentabatur, nec potest in pecunia resarcire damnum, damnari potest ad seruendum illi, ut eius labore, ac seruitiis illa sustentetur. Occidit alicui seruum vtilem, nec potest eius persolvere pretium, damnetur ad seruendum illi, loco serui, idemque in similibus fiat casibus, & ubicunque pecuniariter esset componendum cum parte, si non sit soluendo, damnetur ad seruendum, iuxta glossam allegatam in can. *seruum*.

*Quanam alia poena, reis ad Ecclesias confugientibus possint per iudices laicos infligi.*

#### CAPVT XXXIII.

NON oportet, perdo, quam in hac poenarum inuestigatione pono, fortè enim, nulla utilior est iudicibus, nulla ecclesiasticæ immunitati fauorabilior, nulla, quietandis ministrorum curæ animis, frangendis detractorum linguis, sedandis multorum conscientis aptior tractatio, quam quæ inuestigandis poenis, quæ reo ad Ecclesiam confugienti infligi possunt, est occupata. Quæ cognita, & iudices, quibus eos poenis afficere possunt, intelligent, & parti læsæ de competenti satisfactione providebitur, & comprimetur reorum peccandi libertas, &

& reipublicæ, puniendis honesta ratione delictis satisfiet, & Ecclesiæ debitus honor, ac reuerentia deferretur, & seruata reorū vita, membrorū integritate corporisque incolunitate, nihil de immunitatis iure detraheretur.

1. Primo loco occurrit dubium de pœna exilij, quam vehementer appetere solet pars læsa, ne ad aspectum illius, à quo læsa est, commoueatur, aut ipsamet, aut filij, aut propinqui, & ad vlciscendam offensam repente prouocetur.

3. Ac si nomen exilij ea significatione sumamus, quæ frequens esse solet apud Iurconsultos, pro eo quod est interdicare aqua & igni, aut qua exul idem est, quod bannitus, quem vnicuique licet impunè occidere, certum est non licere confugientem ad Ecclesiam damnare exilio, tum quoniam morti æquiparatur, tum quoniam viuut in perpetuo periculo ne occidatur, & facile euenire potest vt de facto necetur.

4. Sed & aliter nomen exilij accipitur, prout apud Latinæ linguæ peritos vsurpari solet, pro simplici eiectione extra locum delicti, seu ablationem in longinqua, qualè eiectionem Caiet. in summa v. *Excommunicatio cap. 10.* putat per laicos magistratus posse clericis indici præcipiendo, vt in longinqua recedant, vel confinia habitationis assignando, intra quæ se contineant, quam Bald. in l. 1. *de heredibus instituen.* vocat etiam bannitionem, siue bannum, dicens n. 4. *vers. vnde dicendum*, bannitionē dici quasi itionem, seu eiectionem à bono publico, facitque eam excommunicationi similem, quòd sicut excommunicatio hominem separat à com-

*P. Gambac. de immunit. Eccl.*

munione Ecclesiæ, quoad spiritalia, ita bannitio separet à bono publico, quoad temporalia, vt non possit participare aut habitationē communi reipublicæ, aut eius auxilio, & defensione, aut publicis officiis, neque iurisdictione iudicis adiuuari. Idem autem inferiùs in eadem lege 1. n. 12. concludit tam bannitionem impositam ex delicto, cui communi iure nulla certa pœna constituta est, quàm impositam propter contumaciam, propter quam neque iure communi, neque loci consuetudine vltus certus effectus inductus est, sèper de ea bannitione intelligendam esse, quæ rationem habet cuiusdam sæcularis excommunicationis, qua reus, seu contumax delictus est ab omni cōmunicatione ciuitatis, seu reipublicæ, ab habitatione, officiis, honoribus, dignitatibus, iurisdictione iudicum, & ab omnibus fortensibus actibus illius territorij.

Hoc bannum aliquando perpetuum est, aliquando verò temporarium, siue certo tempore præfinitū, siue ad beneplacitum bannientis. Et licet Boss. in tit. *de carcer. fideiuss. committen. n. 7.* hanc bannitionem putet pœnam esse non modò corporalem, sed etiam capitalem, propterea quòd, ratione paupertatis ac miseriarum, quæ eam comitantur, aded graniter affligat atque excruciet, vt inde facillè mortem incurrant, quod se non semel expertū esse testatur. Mihi tamen neque aded naturā suā gravis, neque corporis afflictionā videtur. Illæ enim miseriæ quas Boss. recenset, non ex ipsa oriuntur, sed ex defectu industria, & prauis personæ conditionibus. Nam pecudibus pœnè similis, vel moribus, vel ingenij hebe-

R 1 tudine

tudine est, qui viuere extra patriam homo inter homines nescit; paupertas enim ingeniu vel addit, vel acuit ad exquirēdos varios viuēdi modos. Clamant Philosophi omne solum homini forti patriam esse, & qui in patria in perpetua paupertate, ac miseria uiuerent, extra patriam egredi solent, ut ditescant, & onusti diuitiis ad eā redeant. Videmus atque experimur in hoc nostro Siciliæ regno, & cum magno nostro dedecore, ac rubore experimus, exteros non solum viuere, sed pænē omnes extremē ditescere. Nulla ciuitas est, nullum pænē oppidulum, in quo non aliqui exteri uiuant, & intra paucos dies non commodē uiuant. Illud quidem est non leue huius bannitionis incommodum quoddā mentē potius, quā corpus vexat carere patriæ, carere ciuiū, carere propinquorū, charorū aspectu, consuetudineque carere. At certe si carere his nolebar, abstinere debuisset à vitiis, à peccatis, à delictis, si nulla in bannitione essent incommoda, nullam omnino haberet rationem pænæ; illa ipsa incommoda quæ dicta sunt facile mitigantur contrahendis nouis amicitiiis, & obsequio ac gratia exterorum apud quos degit, animis sibi deuinciendis.

10. Hinc mihi videtur non posse solum ad hanc bannitionem daminari reum confugientem ad Ecclesiā, sed aliquando etiam debere, atque ita debere, ut nulla alia pœna aptior esse possit, aut ipsi reo commodior, aut parti læsæ gratior, totique reipublicæ, in duobus præsertim casibus, nempe læsi honoris alicuius honesti ciuis, honestæque familiæ, aut homicidij. Posse quidem probo, quia ipsi rei posteaquant ad Ec-

clesiam confugerunt, si pars concordate pecuniariter recuset, hanc bannitionem sponte subire coguntur. Non enim possunt intra Ecclesiam residere, si exeant aliquando, vident quanto cum vitæ periculo id faciant, & ne sint in Ecclesia, velut in petpetuo carcere, eligunt in longinqua abire. Quod ergo ipsi sponte eligunt, non censendum est adeo graue, ut non possit etiam per iudicē imponi in pœnā. Secundò experimur in exteris qui apud nos degunt, non esse pœnam grauem corpori. Multos videmus nullo commisso delicto ratione quærendi cōmodi id facere omnis conditionis homines: ergo potest per iudicē imponi in pœnā delicti.

Secundò probo in aliquibus casibus debere omnino imponi, præsertim in illis duobus casibus, quos tetigi, quia nulla honesta ratio patitur cum qui læsi honesti ciuis honorem intra paucos dies liberū ambulare per urbem in illius oculis conspectūque, neque verò ille ipse, cuius honor læsus est, sed tota respublica hoc indignè ferret. Idēque de eo dico, qui patrem alicuius occidit, fratrem, filium, cognatum, filiam, aut sororis maritum. Quare deberet ipsum reum pudere ibidem in totius ciuitatis oculis conspectūque versari. Iustissimè ergo iudex contra eum ad huiusmodi bannitionem procedere debet.

Quod autem ipsa pœna commodior quauis alia sit ipsi reo, sic probo; quia honoris, & vitæ læsio solet valde imprimi in charorum cordibus, nec facile inde diuelli, ne post longissima interdū tempora. Quare quamuis pars læsa tanquam Christiana, exēplo Christi inducat ad condonandum, manent tamen in-

fixæ

fixæ corde dolorum altissimæ radici-  
ces, quæ aliquando pullulant in i-  
ram, aspectu præsertim eius à quo  
laxa est, eius hilaritate, prosperita-  
te, perfrecta fronte: aut si tanta  
sit huius virtus, vt hos nou sentiat  
in animo suo motus, pullulant in  
animis filiorum, & cum eorum æ-  
tate crescente crescant, facilitæque  
euenire solet, vt in ultionē exeant,  
vim inferant ei à quo offensi sunt,  
cum necent, aut falsò acculent, aut  
alia illi moliantur mala: quibus  
omnibus liberatur si in exteras re-  
giones secedat.

13. Quodd verò toti reipublicæ ali-  
quando sit grata hæc reorum pœ-  
na, primùm probatur, quia gratum  
est reipublicæ præcidi odiorum ac  
diffidiorū inter ciues causam, quæ  
aliquando vnius occisione, propter  
familiarum amplitudinem, tota in  
armis ponitur, in partes diuiditur,  
seu factiones, & permultæ occisio-  
nes hinc inde fiunt. Secundò, quia  
bannitione reorum respublica li-  
beratur membris putridis, ægris,  
& de quibus, nisi separentur, ti-  
mendum sit, ne alios inficiant.

14. Demum hæc pœna vix habet ra-  
tionem pœnæ, potius pertinet ad  
remedium incolumitatis, & pacis  
ipsis reipublicæ. Sicut enim qui-  
libet paterfamilias in sua domo, si  
quæ aduertit nocere bono domus,  
vel alicui ex domesticis nocuisse,  
pro conseruanda pace, & quiete  
domus, ac familiæ, rationabiliter  
illum de domo suâ eiicit; ita præ-  
fectus vrbis, seu iudex in sua ciui-  
tate videns aliquem nocere bono  
ciuitatis, vel alicui ciuium nocuis-  
se, illum eiicit è ciuitate, ne qua  
perturbatio oriatur.

*An possint iidem reos confugiētes  
ad Ecclesiam damnare ad pœ-  
nam fustigationis, vel ad tri-  
remes.*

## CAPVT XXXIV.

**I**N fustigatione, & tritremibus duo  
sunt, ignominia, & pœna corpora-  
lis percussione, nempe fustis, aut  
nerui, & remigationis, ac verberum  
persepe crudelium, quibus inter  
nauigandum afficiuntur.

Ignominia in fustigatione maio-  
ris sit, quàm ipsa fustigatio, vt si  
separentur, & fustigatio priuatim  
fiat, præeligenda sit ignominia, et-  
iamsi sine vlla fustigatione exequu-  
tioni mandetur. Ignominia est ho-  
minem omnino nudum præter se-  
moralia insidentem asino, aut mulo  
duci per urbem, mœstique tubæ  
cuiusdam sono euocari homines ad  
illud spectaculum, astantes hinc ir-  
de pueros, eidem clamoribus sub-  
fannantes, ille ad augendam igno-  
miniam aliquando vilis ex charta  
mitra capiti imponitur, aliquando  
ad pectus, aut res furtiuæ pender de  
collo, aut commissi delicti descri-  
pta qualitas. Hanc ignominiam tan-  
ti facere non pauci solent; & sta-  
tim atque de asello descendunt se  
omnino abscondant, & rebus suis  
aliqua ratione compositis in exte-  
tas nationes discedant, quasi ferre  
hominum conspectum, coram qui-  
bus eam ignominiam passi sunt, om-  
nino non possint, ij duplo aut et-  
iam triplo maiorem opinor verbe-  
rationem ferrent, sine ignominia  
priuatim potius quàm solam igno-  
miniam sine verberatione.

3. Fustigatio non duro fuste fieri solet, ne forte ossibus noceat, & mortis causa sit, sed bouis neruo, qui ut est fuste flexibilior, ita acerbius ferit carnes. Ad singulos tubæ sonos, singulis ictibus percutit reū curiæ satellites, ut autem sæpe vidimus, grauis est pœna corporalis, imprimuntur enim in corpore netuorum vibices, carnes lacerant, & tumere faciunt, necnon & sanguinem excutunt.

4. De tritemibus dicere auderem, non esse grauem pœnam, nisi viderem eam non nisi propter grauissima delicta infligi. Auderem, inquam, dicere non esse grauem pœnam, quandoquidem video tam multos esse, qui ad eas operam suam mercede locant, alios qui parua pecunia ad eas ludendo se obligant, ut si ludendo vincant, parum quid lucrentur, si verò perdant, remigare in tritemibus teneantur. Denum videmus eos, qui remigant in tritemibus, pœnè omnes robustos, pingues, corpore bene valentes, plerisque etiam antè debiles, & valetudinarios, vires & salutem perfectam remigando recuperasse.

5. Sed quisquis in tritemibus nauigat aliquando, testis est laboris, quem miseri illi homines in remigando ferunt, neruis omnibus contendendo, testis infiniti sudores, quem laboris acerbitas decorum corporibus exprimit, testis crudelium verberum, quæ sæpe oriam absque vlla culpa patiuntur scutitia iniustorum, vel volūtate iter accelerandi, testis algoris hyemis, æstiuque ardoris, quibus nuda corpora remigando exponuntur, vigiliarum, & aliorum incommodorum testis.

Sed hæc duo consideranti mihi, 6. atque his ipsis oculis insipienti dubium occurrit, vera ne essent ea, quæ cernerem, an verò me videre somniarem. Cum enim plerisque ad eò frequenter, ad eò asperè verberarent, ut ex turgentium humerorum plagis sanguis scaturiret, & lacrymas mihi præ miseratione excuterent, vidi non rarò repentè cessante verberare illos ad eò iucunda, atque hilari facie, ridere cum aliis, iocarique, ac si nihil omnino pertulissent. Nunquid caro ænea caro istorum? At si ænea esset, non turgeret, non laceraretur verberibus. Quid dicam nescio. Duo hæc oculis cerno, tantam aliquando miseriam ut neminem non ad miserationem commoueant; tantà repentè hilaritatem, atque omnis miseriæ obliuionem, ut eos qui miserti sunt, misertos esse pœniteat.

Ad rem venio, & quoniam 7. deo sacros canones in his qui ad Ecclesiam confugiunt, iuxta sanctæ matris Ecclesiæ pietatem pœnarum corporalium remissionem cupere, ita ut illa ipsa dispositio *inter alia*, quæ præcipit legitime puniri, remissionem tamen pœnarum velit impetrari; ideo duo dico.

Primum, posse quidem damnari 8. ad ignominiam fustigationis, absque tamen fustigatione, illa enim non est pœna corporis afflictiva, sed mentis.

Secundò posse damnari ad trimes etiam in perpetuum, non tamen ad remigandum, ita ut sic damnatus gesserit rasam barbam, & caput, catenam ad pedem aliorum more, vestes aliorum persimiles, deferuiat in tritemibus alicui operi moderati laboris, siue scribendo, siue

siue gerendo curæ cubiculi capitanei, siue rationi remigibus distribuenda, & similibus.

10. Obiicies: Robusto homini, & laboribus assueto, cuiusmodi rustici esse solent, non esse grauem penam corporis remigare. Quâuis enim remigandi labor maior forte sit, quàm fodiendi terram, arandi, ferendi, & similibus operum, tamen is perpetuus est ut nullo anni die nisi festo, aut ægro corpore quiescant, remigandi verò labor multa quiete interrumpitur, ut si dies numerentur, vix tertia, quarta, aut quinta anni parte laborent, ut experientia constat. Solis ardor, & imbrium, ac niuium frigus, æquè, ac magis rusticos vexat, qui perpetuò in illis & ardoribus, & algoribus laborant, ciborum par rusticis ac remigibus asperitas, & penuria, quin rusticis etiam maior est. Si de verberibus agatur, ea non ex remigis officio pendent, sed ex negligentia, & remissione in remigando. Ut ea vitare interdum possit quisquis prout temporis necessitas tulerit in remigando laborauerit. Quod si dicas etiam qui strenuè remigant interdum verberari, respondeat id ex ministri malitia, non ex remigandi munere oriri.

Inficiari non possum valde probabile id esse, quod obiicitur, & forte in rustico bene robusto non esse contra sacros canones id experiri, cum præsertim vix possit is aliud obire munus in triremibus, quod si debilis, aut valetudinarius videatur, nullo modo dānandū ad id esse.

*An reus qui ad Ecclesiam confugit possit damnari ad carceres, vel in perpetuū, vel ad tempus.*

CARCEER non ad pœnam, sed ad custodiam reorum prima sui institutione excogitatus, ac deputatus est, ut rei, dum formaretur processus, & probaretur delictum, in tuto loco custodirentur, ne si liberi relinquerentur, probata postea intentione, illis fuga sibi consulētibz, & delicta impunita remanerent, & iudicis labor eluderetur. Hinc quàm necessaria est conditio carceris, ut sit securus, fortis, benè vndique clausus, tam est eius naturæ contrarium, ut sit insalubris, siue propter nimiam asperitatem, siue propter humiditatem, siue propter fœtorem, aut aliam quamcunque causam. Insalubritas enim medio tolleret eos, quos conseruare carcer debet. Hic iustissimi sūt carceratorum clamores de carceris insalubritate, & tenentur ministri curia aures illis præbere, & de incolumitate providere, & si saluber fieri carcer non potest, inde aufertur, & in commodiorem locum, ubi saluber esse possit, transferatur, & memores sint Principes ac magistratus se ad id teneri in conscientia, & rationem esse Deo reddituros de illorum vita, qui in carcere propter ipsam carceris insalubritatem moriuntur. Agitur enim de vita hominum tuenda, quibus si causa efficaç mortis sit, parum interest, venenone, an gladio, an carceris insalubritate eos interimas.

Ad rem venio de qua agimus. Si carcer sit, qualis esse debet, id est, nō vsque adeo asper, & insalubris, quales communes carceres esse patē vbiq; solent, probabile mihi est posse huiusmodi reos damnari ad carceres, siue in perpetuum, siue

ad tempus. Probatur, quia carcer natura sua non est pœna, sed custodia: ergo etiamsi detur in pœnam, non debet censerî pœna grauis, & confirmatur, quia non est propriè afflictîua corporis, habet enim

atrium quo relaxandi animi gratia exeat, vbi carceratus cum aliis colloquatur, ludat, recreetur, solùm priuat libertate exeundi, ac per urbem ambulandi, quæ non est natura sua pœna corporis afflictîua.

## LIBER





## LIBER QVINTVS.

*De casibus ab immunitatis iure exceptis tam iure antiquo,  
quàm præsentis constitutionis §. 6.*



AB ET hic liber partes septem, quæ maioris ordinis gratia distinguendæ fuerunt.

Prima pars explicabit casus solo antiquo iure, vel consuetudine exceptos.

Secunda tres primos casus §. 6.

Tertia de quarto agit casu, hoc est, homicidio, vel mutilatione in Ecclesia commisso.

Quarta de homicidio proditorio.

Quinta de homicidio per assassinos.

Sexta de læsa maiestate diuina, hoc est, hæresi.

Septima de læsa maiestate humana.

### PROOEMIUM.

**Q**VONIAM non obstante hac clarissima, dilucidâque declaratione Gregorij XIV. in horum casuum exceptione magnæ quotidie controuersię oriuntur, & plures fortè, quàm vnquam antea excitantur tragœdię inter curiam secularem, & ecclesiasticam, quæ est præsentis seculi miseria. Ideo in his discutiendis magna diligentia nobis elaboran-

dum est, si hac fortassis ratione rumores isti quiescant.

### PARS PRIMA.

*De casibus solo antiquo iure, vel consuetudine à privilegio immunitatis exceptis.*

**R**OSEQVARE hac prima parte casus exceptos tam ciuili, quàm canonico iure antiquo, vel consuetudine, de quibus in hac nouissima constitutione nulla facta est mentio.

*An deceat, vel necesse sit à privilegio immunitatis Ecclesiarum excipere aliquos casus.*

### CAPVT I.

**S**ICVT apud gentes asyilia quoslibet quorumlibet criminum reos nullo delicto tuebatur, omnibusque impunitatem impertiebatur, ita necesse fuit ad persuadendam populis Christianorum Ecclesiarum maiestatem priscis illis nascentis euangelicæ legis temporibus earundem Ecclesiarum immunitatem amplissimam esse non modò vsu, consuetudineque receptam, sed imperialibus legibus sub grauissimis



mis pœnis seuerè præceptam, & eadem omnino amplitudine paulo pôst, per supremos Romanos Pontifices probaram, vt nullus omnino casus, quantumcunque grauis, & enormis, ab ea exciperetur. Erant eo tempore aded honesti Christianorum mores, aded probata virtus, aded seruens studium pietatis, vt delictorum grauium, quæ ab immunitatis lege exciperentur, vix nomen audirerur inter eos, vt propterea sanctissimè, prudentissimèque id actum fuerit, vt ea amplitudine priuilegium istud concederetur, ne in horrendorum quorundam criminum suspicionem gens Christiana veniret, sicut & nonnulli legislatores de patricidio, ac similibus quibusdam delictis nihil in suis legibus præcipere voluerunt, ne illis legibus subiecti populi ex ea legis præceptione cognoscerent posse inter eos crimen illud euenire.

Deinde verò cum corrupti cepissent Christianorum mores, & tam secularis, quàm ecclesiastica potestas instituendæ Christianæ reipublicæ ad omnem non modò virtutem & religionem, sed etiam quietem publicam, ac pacem ita esset intentata, vt nulla omnino vnquam fuerit toto orbe respublica ita benè in iis, quæ ad ipsum reipublicæ statum pertinent, instituta, visum est Romanis Pontificibus, ad quos solos Dei & Ecclesiarum cultus, ac religio pertinet, prout pullulare ceperunt inter Christianos delicta quædam grauiora, atque atrociora, & publico reipublicæ statui perniciosiora, sic ea paulatim ab immunitatis priuilegio excipere, id quod ipsi interdum populi usu, & consuetudine induxerunt (quod Gentiles in suo iure asyliæ usque ad Tiberium

Cæsarem non fecerunt) vt hac ratione non modò integer & illæsus, sed quietus etiam, & tranquillus Christianæ reipublicæ status conseruaretur.

Quamuis enim Ecclesiarum immunitas Dei honorem, ac reuerentiam spectet, ac sanctæ Ecclesiæ pietati congruat, vt Christi sponsi sui mansuetudinem imitata, nullum è suis visceribus ad necem rapi patiatur; quia tamen neque is Deo honos est naturæ iure debitus, sed humana institutione & nimia, & parum ordinata mansuetudo in tuendis quibusdam valde perniciosis delictis in publicam crudelitatem facillè verteretur, quæ si impunita esse sineremus, parerentur breui hominum carnificinæ, ideo prudenter, vt solet semper, Romana Ecclesia statuit è diuino honore nõ fore, vt quæcunque delicta ad immunitatem arque impunitatem admitterentur, imò potiùs è Dei honore fore vt quorundam delictorum rei ex ipsis sanctuariis, ac sacrosanctis altaribus extraherentur, & mansuetius agere visa est communem multorum vitam, quàm paucorum reorum tuendo, ac propterea casus aliquot ab vniuersali immunitatis priuilegio excipiendo. Fuit id edocta non modò interna, qua in omnibus ducitur sancti Spiritus illustratione, sed manifestis illis externis sacræ Scripturæ testimoniis, quibus & *Exodi* 21. is, qui per industriam, & insidias proximum occidisset, ab ipso altari euelli iussus est, & Salomon, qui Ioab filium Saruiæ, qui ad tabernaculum confugiens cornu altaris tenebat manu, iussit ibidem occidi, & Banaius filius Ioiadæ, qui iubente Salomone illum in tabernaculo ipso.

ipſo intetfecit. 3. *Reg. 2.* reprehēſi non ſunt, quoniam iuxta legis præſcripta fecerunt. Occidit enim Ioab duos viros non ſolū per inſidias, ſed per turpiſſimam proditiōem.

3. Cū ergo Romani Pontifices hinc viderent gratam eſſe Deo immunitatis legem, id quod frequentibus miraculis teſtatus eſt, quemadmodū *lib. 3. docuimus cap. 8.* Inde verò cernerent diuino præcepto reos quorundam criminum extrahi iuſſos eſſe ad mortem, authoritate ſibi à Deo tradita quæcunque ad ipſius Dei cultum, Eccleſiarum reuerentiam, & Chriſtianæ rei publicæ pacem diſponendi mediam ſequuti. Creſcēte Chriſtianorum malitia, & peſtiferis pullulantibus malis, neque immunitatem abtogaſſent, neque his malis non prouiderunt, ſed exceptione delictorum quorundam opportunum remedium adhibuerunt, & ſubſequentibus temporibus ſucceſſiuè etiam adhibent, excipiendo nouos ab ea caſus, prout temporum malitia poſtulat. Quod remedium latuit prudentiam Romanorum, apud quos tantus fluxit aſylorum abuſus, vt eo præſidio ad omnia flagitia perpetranda, & audenda abuterentur, quod deplorat Tacit. *lib. 3. annaliū*, quod primo libro non ſemel tetigimus, vt ad medendum extremis rei publicæ malis re præne deſperata, neceſſe fuerit Tiberio Cæſari omnem aſylorum vim tollere, vt ex Suetonio, vel tantam adhibere moderationē, vt præne ſublata videretur, ſicut concordantes Suetonium cum Tacito ſuprà oſtendimus. *lib. 1.* Si enim caſuum exceptione, prout temporum occaſio, & populorum mores fere-

*P. Gambac. de immunit. Eccl.*

bant, prouidiſſent, vt Romani Pontifices faciunt, non vſque adeo peccandi libertas progreſſa eſſet. Sicut hoc excipiendorum caſuum remedio reſcripta eſt in noſtra lege, ne graſſaretur. Cū enim vſque ad annum Domini 858. in ſua amplitudine relicta per annos amplius quadringentos, nempe à quadringenteſimo quadrageſimo, quo primus canon in Concil. Arauſicano editus eſt, videns Nicolaus huius nomine primus publicis latronibus infeſtari rempublicam, eum caſum excepit. Poſtea Innocentius III. *in c. inter alia, de immunit. Eccl.* annis 357. à priore exceptione elapſis anno Domini 1215. excepit alium caſum nocturni agorum depopulatoris. Gregorius IX. poſt alios annos 25. circa annum 1240. excepit de homicidio, & membrorum mutilatione in Eccleſia, vel cœmeterio commiſſa, & prætermiſſis aliis caſibus, de quibus dubitari ſolet, num ſint ab immunitatis priuilegio in iure excepti, tandem hæc conſtitutio, tum illos ipſos tunc, quos recensuiſmus, tum aliquot alios ad frenandā delinquentium audaciam excepit.

Animaduertentes autem Imperatores iam ceſpiſſe Romanos Pontifices caſus aliquot excipere, egreſſi ſunt ipſi quoque idem, & caſus aliquot iure authenticorum exceperunt. *Authen. de mandatis Principum. §. neque autem.* quanquam fruſtrà & incaſſum id attentarunt, neque enim poterant id legitime facere, ſicut *lib. 3. cap. 12.* abundè probatum eſt.

*Quæ ſint attendenda Rom. Pontifici ad excimendos caſus ab immunitatis priuilegio.*

S. s. CAP. VI

1. **D**O C E T prudentia ex præteritis & præsentibus ea quæ sunt futura conicere, & ex his quæ certè acta sunt, discere quæ agenda sunt. Si primos illos duos casus attendamus, qui excepti fuerunt, publici latronis, & nocturni agrorum depopulatoris, & causam quæramus cur illi primo loco, aut præ omnibus aliis excepti fuerint. Ioan. Andr. in c. inter alia, de immunit. Eccles. putat hanc esse causam quod de istis præsumitur insidiosè factū, nisi contrarium probetur. arg. ff. de usu. l. qui semisses, & de præsumptionib. c. 1. & 3. quod de aliis non præsumitur, nisi probetur. l. quærit. §. qui dolo. ff. de probationib. & l. ut vim. ff. de instit. facit pro hac sent. quod text. d. c. inter alia expressam facit insidiarum mentionem, qui dum itinera frequentata, vel publicas stratas obident aggressionis insidiis. Panormitanus attendens ad id, quod contra hanc sententiam obiecit Petr. de Anchoran. quod in omni delicto præsumitur dolo. l. 1. Cod. de sicar. & in c. 1. de præsumptionib. & non attendens æquiocationem esse ab insidiis ad dolum: & quod potest esse dolo absque insidiis, interpretatus est doctrinam Ioannis Andreæ, ut insidiarum nomen non pro dolo, sed pro animo, & proposito antea deliberato usurpauerit, ut id peculiare sit in his duobus delictis, quod in eorū actu præsumatur propositum prius deliberatum, ut propterea allegauerit l. qui semisses. ff. de usu. De his enim qui stant in stratis publicis, præsumitur ex proposito prius deliberato hoc fecisse. Vidēs autem Panormitanus hac ratione consequēs fo-

re ut omnia delicta quæ ex prius deliberato proposito fierent, careāt immunitate, quod aduersatur dispositioni c. fin. de immunit. Eccles. ubi solum homicidiū, ac mutilatio ex proposito commissa in Ecclesia excipiuntur à iure immunitatis, reiecta hac ratione Ioannis Andreæ aliā assignat, de qua paulo post. Ego verò cum Ioannes Andr. satis apertè insidias exprimat, quarum in textu fuit expressa mētio, non video, cur ad illa subterfugia recurratur, aut doli, aut deliberati propositi præcedentis, quæ & leuiora insidiis sūt, & sine insidiis esse omnino possunt. Ut ratio, qua moti fuerint Pontifices ad hæc ab immunitatis iure excludenda, ea sit, quod insidiæ in his præsumantur, nisi contrariū probetur. Cum enim in publicis stratis, & agris committantur, difficile aperto bello fieri possūt. Facile enim sibi quisque ab iis cauere si publicè armati starent in stratis. Ne autē gentes sibi ab eis possint cauere, necessariò insidias adhibent, ut ex insidiis incautos aggrediātur, ac spoliēt. Neque verò hinc sequitur omne insidiosum delictū carere immunitate, quia Pontifex ad hoc attendit, quod in his natura sua insidiæ præsumuntur, & valde grauiæ sunt, alia, vel non ita grauiæ sunt, vel insidias natura sua non requirunt.

Alteram rationem affert ipse Panormitanus post refutatam Io. Andreæ rationem n. 21. quoniam publici latrones, & agrorum depopulatores sunt longe deteriores aliis aliorum delictorum reis, pluribus enim personis, plura exitia inferre nituntur; & longè grauius ij rem publicā perturbant, & multo plus interest illos punire, quā alios.

Hanc

Hanc rationem desumpsit Panor-  
mitanus ex gl. fin. in c. fin. de im-  
munit. Eccles. dicente plurimum ex-  
pedire hos puniri, quia pluribus  
exitia cogitant, quàm alij. & probat-  
ur per text. in can. est iniusta 23. q.  
4. ubi dicitur non esse misericor-  
diam vni parcere, & multos in dis-  
crimen adducere. Vt sicut ciuilia  
iura contra huiusmodi publicos ac  
famosos latrones, quos meritò pe-  
stes, ac perniciem reipublicæ voca-  
re possumus, grauiores statuunt  
pœnas pro delicti immunitate, ac  
publico, & immuni multorum  
damno, ita Ecclesia sancta eosdem  
priuet immunitate.

3. Ex dictis duæ apparent probabi-  
les causæ, propter quas potest ali-  
quis casus excipi à priuilegio im-  
munitatis. Prima, quia natura sua cū  
infidiis sit coniunctus, vt facile læ-  
dere incautos possit.

Secunda damnorum graue vni-  
uersale omnium, siue quampluriū,  
de cuius vniuersalitate suo loco di-  
cetur.

Tertia causa expressa est in c. fin.  
de immunit. Eccles. vt puniatur quis  
in eo in quo deliquit, & frustra  
legis auxilium inuocat qui cōmit-  
tit in legem.

Quarta causa, quia delictū val-  
de nocet salutī spirituali ipsius rei,  
cuiusmodi est crimen hæresis in  
hac nouissima constitutione ex-  
pressum: tollit enim radicem ac  
fundamentum omnis boni spiritua-  
lis, quod est vera, sincera atque  
catholica fides.

4. Ad secundam causam pertinet  
crimen læsæ maiestatis in personā  
Principis in hac eadem constitutio-  
ne expressum; perturbat enim vni-  
uersam reipublicam in personam  
Principis, quæ totius reipublicæ

caput est, conspirando.

Quinta causa addi potest atrocitas  
criminis atque immunitas, quæ  
fortasse ob causam exceptum est ab  
immunitate crimen assassini, quo  
pecunia mediante homo ab ho-  
mine ignoto, cū quo nullas omni-  
uo gerit, neque vnquam gessit ini-  
micitias, vt eorum occasione ab eo  
sibi caueat, imprudens, & incautus  
occiditur, plerumque etiam ab a-  
mico, qui cum familiariter viuere  
consuevit, ad locum ducitur tutus,  
vt occidatur.

Quinta causa esse posset, si quod  
graue delictum esset valde frequēs  
inter Christianos vniuersē, vnde si  
frequens esset solum in aliquo re-  
gno, posset excipi pro illo regno,  
vel consuetudine induci, sicut olim  
tanta fuit copia furum in Gallia, vt  
paulo post in hac eadem prima par-  
te referemus, vt præscriptum fuerit  
consuetudine simplices fures ex-  
trahi de Ecclesia.

Sexta causa, si quod crimen esset  
valde exosum populo vniuerso, ita  
vt scandalum, & offensio totius po-  
puli esset, si ad immunitatem ad-  
mitteretur, magna enim ratio ha-  
benda est istius communis offen-  
sionis populi.

Hinc sequitur Imperatores qui  
ab hac immunitate in authentico de  
mandatis Principum. §. Quid si delin-  
quens, versic. Neque autem, excepe-  
runt adulteros, homicidas, & ra-  
ptores virginum, quæ neque sunt  
ita graua, & horrenda delicta, ne-  
que nociua vniuersitati plebis, non  
reclatatione id egisse, quia nulla  
apparet causa, cur hæc potius, quàm  
alia excipi debuerunt: quod si quis  
dicat cum Ancharan. post glos-  
sam in l. 2. Cod. de his qui ad Ec-  
cles. confug. per dictam Authenticā

generaliter omnes grauiū criminū reos esse ex Ecclesiis extrahendos, propterea quod textus ille post enumeratos illos tres, facit generaliter mentionem de delinquentibus, tanto grauius dicemus errasse ciuilem legem, quod ius immunitatis non habens ad id potestatem arrogasset, quod vsque adeo canonico iure firmatum est.

*Quid sit censendum, aut usu, ac praxi recipiendum de casibus ciuili authenticorum iure expressè exceptis ab immunitatis privilegio.*

## CAPVT III.

1. **T**RES numerantur eo iure casus, adulterij, homicidij, raptus virginum. Dicam prius de singulis, deinde vniuersè de omnibus. Primus casus communiter ab omnibus reicitur, neque vsipiam fertur, aut de consuetudine receptus, aut in dubium in specie reuocatus. Quare certum sit adulteros ad Ecclesiam confugientes esse ad immunitatem citra vllam contouersiam admittendos.

2. Secundus casus simplicis homicidij placet glossæ in l. 2. Cod. de his qui ad Eccles. confug. in v. *abducere*. Sed contrarium teneri communiter testatur Couart. lib. 2. *variar. resol. cap. 20. n. 7.* & Farinac. 1. p. *criminal. q. 28. n. 12.*

3. De tertio tantum casu magna est in particulari disputatio inter Doctores, neque verò mirū id videri debet, cum ipsa quoque iura inter se manifestissimè, expressissimèque pugnantia, vnde & pugnantes ortæ sunt grauissimorum Doctōrū sententiæ.

Expressus textus in *Auth. de mandatis Principum. §. neque autem. col. lit. 3.* priuat hunc casum Immunitate, contrā verò expressus textus in iure canonico *can. de raptoribus 36. q. 1.* immunitatem illi impertitur, iubens si raptor ad Ecclesiam confugiat, mortis ac pœnarū impunitate concessā, seruire raptæ, vel se pretio redimere.

Iuris ciuilis opinionem, nempe carere hunc immunitate, recipit expressè Marfil in l. *vni. n. 109. Cod. de raptorib. virg.* Papien. in *pract. in forma Inquisit. v. hæc est quedā Inquisitio. n. 40. gl. in l. 2. Cod. de his qui ad Eccles. confug.* & ibi Cyn. & Barr. Salicet tum ibi, tum in l. *præfensi. cod. tit. Io. Ma. Monticell. post Millæū reg. 12. n. 44. & 45. Iodoc. in pract. criminal. tit. de citat. reali. cap. 15. n. 20. & cap. 106. in rubr. de violat. templor. n. 12.* Boer. *decis. 109. n. 1.* Angel. in *tract. de maleficiis, in v. Quod fama publica n. 59.* Nicol. Moron. in *tract. de fide, treuga & pace q. 103. n. 16.* vbi plerosque alios recenset Butrius in c. *inter alia, de immun. Eccles.* Conrad. in *sua pract. tit. de captiua n. 21. vers. limita tamen.* Dernum Couar. lib. 2. *variar. resol. cap. 20. n. 8.* Et probat ratione, quoniam crimē istud grauissimū in se est, & reipublicæ perniciosissimū, & iis quæ in c. *inter. alia, excepta sunt quam simillimum.*

Contrariam sententiam canonico iuri consonā communē esse canonistarum testatur Henricus in c. *Ecclesia, de immunit. Eccles.* Remig. in *tract. de immun. fallent. 28.* Farinac. 1. p. *crimin. q. 28. n. 19.* quod etiam Couart. qui contrarium tenuit, confessus ingenuè est. Io. præterea de Vuischis in *tract. de immun. Eccles. n. 33.* refert Hostiensē dicentē hanc

hanc esse opinionem magistrorum. Id enim sensit Paulus Castren. *consil.* 68. Chassan. in *consuet. Burg. fol.* 59. col. 1. Io. Fab. tum l. 1. *Cod. de his qui ad Eccles. confug.* in initio, tum in *Institutionib. de his qui sunt sui vel alie. sur. §. sed hoc tempore, n. 2.* Alex. *consil.* 36. in 4. volum. Panormitanus in c. *inter alia, de immunit. Eccles.* n. 15. Ant. Gomez in *lib. var. resolut. tit. quando reus gaudet immunitate n. 2.* Clar. in *pract. §. fin. q. 30.* Io. Barb. in *suo repertorio iuris rubr. 33. de violator. immunit. n. 2.* Anchar. in *cap. inter alia, de immunit. Eccles.* Ang. in v. *Immunitas n. 17.* Sylu. v. *Immunitas 3. n. 2.*

7. De ipsa demum consuetudine, ad quam persæpe in dubiis recurrere solemus, discrepant etiam Doctores. Nam Papiens. & Salicet. *locis citatis* aperte testantur esse in Italia consuetudinem civili iuri congruam, qua nempe raptores virginum ab immunitate exclusi, extrahuntur de Ecclesia; apud Gallos verò esse consuetudinem contrariam canonico iuri conformem. Clarus verò loco etiam *cir. testis ocularis* refert vidisse se die 17. Maij anno 1567. restitutum Ecclesiæ quendam qui pro violentia mulieri illata iam fuerat condemnatus. Sed parum ad rem nostram facit, propterea quòd non declarat fuisse virginem, neque raptam. Iodocus vniuersalius affirmat ubi suprà, quicquid ecclesiastica iura in contrarium de raptoribus disponant, de facto non seruati per indices seculares, qui eos extrahunt de Ecclesia; contra verò Boss. in *tit. de captiura, post n. 21.* ait iudices Deum timenres seruare raptoribus virginum immunitatem.

8. Et nõ vim aliquam in iure face-

re possimus, respondent vtriusque partis Doctores ad ius pro contraria parte allatum, qui sequuntur ius ciuile, respondent ad textum canonicum, & contrà qui canonico iuri ad hærent, respondent ad ciuilem textum.

Et primò ad textum canonici iuris *can. de raptorib. 36. q. 1.* respondet Covarr. n. illo 8. *cur. textum* illum conformem esse antiquo iuri decretorum, amplissimo illo quidem, & quo nullus pænè casus exceptus erat, quod tamen ius valde moderatum, ac restrictum postea fuit, recentiori iure decretalium, quo plures ab ea generalitate immunitatis excepti sunt casus, quibus iste, de quo agimus, quamissimulus est. Cui addo verè negari non posse antiquissimum esse eum canonem: editus est enim in Concil. Aurelianen. l. c. 2. quod Concilium celebratum fuit sub Hormisda Papa circa annum Domini 524. aut paulo post, vt suprà docuimus *lib. 3. cap. 10.*

Secundò respondet Ancharan. in *cap. inter alia, de immunit. Eccles.* ius canonicum civili authenticorum iure suppletum esse. Ex quo enim Pontifex in c. *inter alia*, mentionem facit ciuilis iuris, eique non modò non derogat, sed innititur, auctoritatem illi impertiri videtur, dum iuxta canonum, & ciuilium legum statuta distinguit inter liberum, & seruum confugientem ad Ecclesiam; ex hoc enim ipso sequitur per id quod ampliùs in ciuili iure expressum est, canonicum ius suppleri. Quando enim lex loquens in materia iuris communis excipit aliquos casus, non firmat regulam in casibus ibi nõ exceptis, qui alio iure excepti sunt, sed sup-

pletur illo iure, in quo alij casus excepti sunt. Vt eadem ratione dispositio *a. inter alia*, excipiens aliquos casus, suppleatur civili iure authenticorum excipiente alios casus. Queniamodum in *c. ad audientiam, de clericis non residens*. statutum Melitenis Ecclesie statuentium iuramento, nec non sedis Apostolicæ autoritate firmatum, quo generaliter cautum erat, ne canonici non residentes suarum fructus perciperent præbendarum, exceptis duobus casibus: prior erat ægritudinis, si quis esset infirmus; posterior, si in Apostolicæ sedis seruitio detineretur. declaratur per sedem Apostolicam suppleri iure communi *c. de cetero, eod. tit.* excipientis tertium casum, si quis detineretur in seruitio Episcopi. Facit pro eadem doctrina id, quod notat gl. & Barr. in *l. serui. ff. de usucapion.* quando vnum ius ponit regulam, & ab ea excipit aliquos casus, etiam eos excipiat, cum dictione taxatiua, intelligi etiam exceptos alios casus ibi non expressos, qui in alia parte iuris expressi sunt. quod multo magis in præseti materia locum habet, cum casus excepti in *c. inter alia*, non sint excepti cum dictione taxatiua. Denum non parum fauet huic sententiæ text. iuncta glossa in *c. quoniam frequenter, ut lite non contestata*, in primo responso: ubi cum dixisset Pontifex lite non contestata non esse ad receptionem testium procedendum, excipit aliquos casus, & tamen non firmat regulam in non exceptis, sed suppletur alio iure non modò canonico, sed etiam civili. Assert enim ibi quosdam civili iure expressos casus: ut patet in *v. regulariter*. Primus est in absentia actoris præsentis reo. *Cod. quomodo & quando iud. Au-*

*th. Qui semel*. Secundus cum minor iudicis officio abstinet ab hereditate, ut in *auth. Ut spons. larg. §. ad hac, collat. 9.* Tertius in petitione legati, vel fideicommissi. argumento *l. 2. Cod. de usu. & fruct.* Quartus cum agitur finium regundorum iudicio. *Cod. finium regundor. l. 3.* Plura vide ibi apud glossam.

Contra verò qui pro iure canonico stat contra civilis iuris dispositionem, respondent ad textum illum authenticorum. Primò restringendo illius dispositionem, ad eos virginum raptores, qui vel in Ecclesia eas rapiunt, vel prope Ecclesiam. Ita Hostien. in *sum. De immuni. Eccles. §. in quantum. Vers. si verò maleficium*. Secundò respondet, idem eodem loco *vers. Intelligat*, habere locum, quando raptor non vult matrimonium contrahere cum rapta, secus si velit contrahere. Tertio alij intelligunt cum quis rapit virginem Deo sacram, tunc enim non gaudet ratione sacrilegij. Solemnior expositio, & communis est ius istud civile corrigi iure canonico per *c. inter alia, de immuni. Eccles.* Illa expressè est responsio communis magistrorum, ut testatur Hostien. quam sequuntur Panormitanus in *c. inter alia, n. 15.* post gl. summa Ang. *v. Immunitas, n. 17.* Sylu. *v. Immunitas 3. n. 2.* Henric. in *c. Ecclesia, de immuni. Eccles.* & Petrus Belluga in *speculo Principum. §. sed quoniam*. Vbi præterea testatur vniuersè receptum esse ut vbiunque ius civile aliquid statuit contrarium canonico, eo ipso dicatur canonico iure correctum, ut tam in foro ecclesiastico, quam in civili standum sit canonici iuris dispositioni.

Contra hanc responsoem duo obijciunt

obicit Panormitanus quæ non par-  
uam vim habere illi visa sunt. Al-  
terum est, quòd, cùm iuris corre-  
ctio sit etiam ipsi iuri odiosa, quoti-  
es possumus aliqua distinctione v-  
trique saluare, alterū ab altero cor-  
rigi dicendum non est. Ita in c. *cum*  
*expediat, de elect. lib. 6. & l. sed & po-*  
*steriores, ff. de legib. de qua re nos in-*  
*frà disputabimus parte 1.*

Hæc autem iura simul stare pos-  
sunt, si dicamus canonicū conforme  
esse antiquo iuri decretorum, ciuile  
autem recentiori iuri decretalium:  
sed facile respondeo non posse hac  
ratione concordari. Hæc enim ci-  
uilis iuris dispositio magis repu-  
gnat recentiori iuri decretalium,  
quàm antiquo illi decretorum, pro-  
pterea quòd in d. c. *inter alia*, expres-  
sum est reos gaudere immunitate,  
quantumcunque graua delicta cō-  
miserint, id quod non erat ita clarè  
expressum antiquo iure decretorū;  
& licet excipiantur in d. c. *inter alia*,  
casus aliqui, iste tamen de quo agi-  
mus exceptus non est, & contra-  
rium expressum est iure canonico.  
Quare dum Panormitanus declina-  
re vult correctionē iuris ciuilis fa-  
ctam iure canonico quæ legitimè  
fieri potest, & sæpe etiam solet, ad-  
mittere debet necessariò correctio-  
nem iuris canonici decretorum in  
can. illo de raptoribus, factam iure  
ciuili, quæ illegitima, frustratoria,  
& prorsus nulla est, & nullius robo-  
ris, vel momenti.

Secundò obicit Panormitanus  
quòd Pontifex in c. *inter alia*, fundat  
suam illā dispositionem non in ca-  
nonico solū, sed in ciuili etiā iure:  
ergo hoc ipso probat confirmatque  
ciuilia iura, quare nec potest eodē  
illo c. ciuilia iura reuocare. Perpe-  
ram enim fundaret nouum ius in

illo ipso iure quod reuocat; sed fa-  
cile respondeo primò Pontificem  
non fundare suum illud ius in ciui-  
li iure authenticorum, sed in ciuili  
iure Codicis. Secundò neque opus  
esse fateri, ius ciuile authenticorum  
reuocari in illo c. *inter alia*, erat e-  
nim longè antea reuocatum per cō-  
trariam dispositionem quæ habe-  
tur expressè in can. de raptoribus 36. q.  
1. Imò ueque propriè esse reuoca-  
tionem iuris ciuilis, sed nullitatem.  
Cùm enim longè antea ius illud ca-  
nonicum concessisset raptori virgi-  
nis immunitatem, ius ciuile quod  
postea illam abstulit, est omnino  
nullum & inualidum. Adde quòd  
cùm Imperatores concessissent Ec-  
clesiis amplissimum immunitatis  
priuilegium, nulla prorsus facta a-  
licuius casus exceptione, & priuile-  
gium concessum esset non subdito,  
ipsæmet nulliter exceperunt postea  
casus aliquos, etiamsi nullum ius  
canonicum contrariū disposuisset.

Ad quæstionem ergo respondeo 18.  
raptores virginum admittendos es-  
se ad immunitatem, ac per Eccle-  
siam defendendos. Primò probatur  
per illum expressum textum iuris  
canonici sæpe citatum, qui non po-  
test dici conformis soli antiquo iu-  
ri decretorum, sed æquè, ac magis  
etiam conformis recentiori iuri c.  
*inter alia*: vbi cùm immunitas con-  
cedatur reis quantumcūque graua  
delicta commiserint, & hic casus, seu  
hoc delictum non sit exceptum,  
consequens est habere virtute eius-  
dem c. immunitatem. Neque ve-  
rò alicuius momenti est, quod di-  
citur, quòd textus ille excipiens  
aliquos casus non firmet regu-  
lam in nō exceptis, qui habentur in  
alia parte iuris. Non enim niti-  
mur in hoc, quòd firmet regulam,  
sed



sed siue illā firmit, siue non, adhuc raptor habere debet immunitatem. Cū enim expresso iure illi prius concessa sit, & ciuili iure, vt dictum est, non potuerit reuocari, neque canonico iure reuocata sit, manet illi sua immunitas. Hinc valde mitior Doctores contrariæ sententiæ in eo quod dicunt dispositionem iuris authenticorum conformem esse dispositioni c. *inter alia*, cū sit illi contrariæ; cū enim alio iure debita fuerit raptori immunitas, quam ius ciuile negat, reuocari debuisset in d. c. *inter alia* disertis verbis, vt ius immunitate priuaretur. Non potest autem ciuile ius reuocare canonicum, vt patet.

19. Sed potissima ratio, qua non modo raptores virginum, sed omnes casus qui excepti sunt iure Authenticorum non tollantur, illa est, quoniam Imperatores, etiamsi non haberemus textum illum de *raptoribus* 36. q. 1. adhuc non poterant excipere, neque hunc, neque vllum alium casum, ex quo priuilegium concessum non subito reuocari per concedentem non potest. Consequenter neque limitari, moderari, ac restringi. quod locum habet in omnibus illis casibus, qui iure Authenticorum fuerunt postea excepti. id quod abunde probauimus lib. 3. c. 12. Cū Imperatores *Cod. de his qui ad Eccles. confug.* concessissent hoc amplissimum priuilegium Ecclesiæ, & Ecclesia id in sua amplitudine acceptasset, suo canonico iure firmasset, & vsu multorum annorum recepisset.

10. Ex his patet ad ea quæ dicit Co-uarr. non enim est conforme ius Authenticorum iuri decretalium. Sed præterea neque est casus iste raptoris virginū quamuis illius,

neque verò vllō modo similis casibus illis exceptis in c. *inter alia*. Cū ibi exprimat publicus latro, & nocturnus depopulator agrorū, quiambo vno solo actū quampluribus nocent, & pænè singulos de vniuersitate perturbant: nemo enim audet exire ad sua negotia illorum metu; raptor verò virginum quàm paucissimis vno actū noceat.

Ad ea quæ retuli ex Ancharan. 21. n. 10. Respondeo sicut dixi ad secundam obiectionem Panormitani n. 18. ad illud quod non firmat regulam, patet ex dictis n. 19. siue firmet regulam, siue non firmet, parum facere ad rem nostram. Neque est simile quod affert ex c. *ad audi-entiam*, quia sumus in casu vbi ius ciuile excipiens alios casus, & repugnat expresso iuri canonico, de illo ipso casu contrarium expressè statuente, & restringit priuilegium concessum non subito, ad quod restringendum nō habet potestatem. & idem dico ad exemplum c. *quoniam frequenter*, ibi adductum.

Verum tamen est, sicubi reperia- 22. tur consuetudo contraria, illi standum esse.

Addo sententiam etiam contra- 23. riam, quamuis iuri repugnantem, & iuri quidem tam canonico, quàm ciuili Codicis, quod solum in hac matetia vim habet suam: propter tot tamque insignium Doctorum auctoritatem, aliquid fortiri probabilitatis, cui licet tutū mihi nō videatur adherere, si quis tamen Episcopus in iudicando adhererit, non putarem, eum, aut immunitatis violatorem esse, aut pœnas præsentis constitutionis incurrere.

Et aduertendum post præsentem constitutionem Gregorij XIV. esse longè minus probabilem, ac minus tutam

turam, cum Pontifex longè plures casus hñc expressè excipiat, neque istum inter eos numeret; cum ergo alio iure ecclesiastico ad immunitatem admittatur; & hoc iure excipiente multos casus non excludatur, manet illi salua sua immunitas.

24. Quartus casus habetur in iure civili *Cod. de his qui ad Eccles. confug. l. si seruus*. Vbi seruus ad Ecclesiam cõfugiens cum armis, si à clericis auctoritate Episcopi grauiter admonitus ea deponere detrahet, priuatur immunitate, ètque intromissis armatis militibus extrahendus, quod aliqui vniuersè intelligunt tam de seruo, quàm de libero homine armato nolente arma deponere, fundantque hoc in eo quòd delinquit grauiter in Ecclesia arma tenendo. Arma enim civili iure gestare etiam extra Ecclesiam prohibitum est. *l. 1. Cod. ut armorum*. sed melius gl. civilis iuris ibidem in v. *conflanda*, sermonem esse ait de solo seruo nolente arma deponere, vt illis sese contra dominum, si opus sit, tueatur. Quoniam verò neque canonico iure, neque verò consuetudine id receptum est, non est is casus à nobis admittendus, sicut abundè probatum est suprà *lib. 4. p. 3. cap. 17.*

25. Postremus & vltimus casus civili iure exceptus est, cum seruus qui domini metu ad Ecclesiam confugit, domino præstante sacramenta impunitatis, redire ad eum recusat. *l. præsentis Cod. de his qui ad Eccles. confug. §. sanè si seruus*. quem casum, cum pleraque canonica iura expressè recipiant, etiam nos recipere, ac seruare debemus.

*P. Gambac. de immuni. Eccl.*

*An homicida ex proposito & per insidias antiquo iure caruerit immunitate.*

CAPVT IV.

DE huiusmodi homicida sic lo- 1.  
quitur expressus textus in c. 1. *de homicidio*. *Si quis per industriam, & per insidias occiderit proximum, ab altari meo auelles eum, vt moriatur*. qui textus ita vt iacet, iisdem prorsus verbis desumptus ex sacra Scriptura *Exodi 21.* inter canones, seu Decretales de homicidio relatus est, neque verò apparet à quo Pontifice, quo tempore, quem in finem id actum sit. Hinc grauissima oritur ac pænè inextricabilis difficultas, debeat ne is textus de priuatione immunitatis intelligi, nec aliquo alio sensu exponi. Nam si de 2.  
priuatione immunitatis intelligatur, necessariò videntur ab ea excludendi omnes homicidæ, qui crimen homicidij commiscrunt, vt solus admittatur ad inimitatem casualis homicida, qui in foro exteriori casu occidisse probatur, is enim solus in illa Hebræorum lege exceptus erat. Quare frustra addita esset decretalis finalis *de immuni. Ecclesiarum*, qua, qui homicidia, & mutilationes membrorũ in ipsis Ecclesiis, vel cœmeteriis cõmittere non verentur, sperantes ab Ecclesia defendi, ab immunitate excluduntur; satis enim etiam sine ea spe occidentes exclusi erant, vbi-  
cunque occidissent, per dispositionem d. c. 1. *de homicidio*, si hoc sensu intelligatur. Neque valet, si dicas, dispositionem c. fin. esse antiquiorem, postea verò ampliata ad omnem industriosum occisorẽ.

T. t. Nam

Nam decretalis illa finalis edita est à Gregorio I X. vt patet, cuius auctoritate cõpilatę sunt decretales, inter quas positus est textus ille c.

1. *de homicidio*. Qui certè non potest post Gregorium I X. relatus esse in eũ locum, sed vel sub Gregorio dũ decretales compilarentur, vel antea, vt vel eodem tempore textus vterque manauerit, vel textus ille c. 1. *de homicidio*, antiquior cen-

3. sendus sit. Si verò textũ prædictũ *dicti c. 1. de homicidio* aliquo alio sēsu intelligamus, recedemus proculdubio à germano eas intellectu, quę verba ipsa indicant, & quę in eo sacra Scripturę loco Spiritus sanctus intendit, quo cũ semel lapsi fuerimus, nihil firmum, ac stabile inuenimus, vbi figamus in exponendo pedem. Multiplicem dicti cap. primi intellectu refert Panormitanus, partim in c. *de homicidio*. partim in c. *inter alia, de immun. Eccl.* Butr. in d. c. 1. & alij ibidem, & Guido Papę in *decis.* 121. quę incipit, *In camera*. Quatuor primę expositiones quas referam restringunt textũ ad solos sacerdotes, seu clericos.

4. Prima est, vt sacerdos per industriã, & insidias occidens proximũ ab altari auellatur, id est, altaris ministerio arceatur, declaratus irregularis, vt sic moriatur, nempe peccato, per pœnitentiam, vt ea altaris priuatione confusus seriã agat pœnitentiã de homicidio perpetrato.

5. Secunda est de pœna depositionis ab ordine, vt sit sensus, si clericus per industriã, & insidias hominẽ occiderit, depones eum ab ordine depositione verbali, vt moriatur, id est, vt perpetuò ipsi interdicat altari; quoniã enim depositio natura sua perpetua est, mors vocatur.

6. Tertia expositio, de clerico incorrigibili intelligi, de auulsione

ab altari per depositionẽ realẽ, quę degradatio est, & de vera morte violenta illi inferenda, vt clericus indultuosus, seu insidiosus occisor hominũ incorrigibilis realiter degradatus, seculari curiæ, extremo supplicio puniendus, tradatur.

Quarta expositio de quouis clerico occidente per industriã, & per insidias, vt hoc ipso, quòd clericus per industriã, & insidias occidit, etiãsi incorrigibilis non sit, sed semel tantũ hoc modo occiderit, degradetur, & seculari curiæ tradatur, extremo supplicio plectendus.

8. Sed his omnibus expositionibus aduersantur verba textus, quę vniuersè, seu indeterminatè loquendo omnes complectuntur, non modò clericos ac laicos, sed viros etiam, ac mulieres, neque locus ille Exodi de sacerdotibus loquitur, neque vlla prorsus ratio suadet ad clericos restringere. Neque verò verba illa, vt moriatur, ac clericos vlla ratione adaptari possunt, secundũ vllam illarum expositionum. Non secundũ duas priores, quoniam particula illa *vt*, denotat causam finalẽ, propter quam ab altaris ministerio remouetur, si enim secundũ primam expositionem ab altari repellitur, tãquã irregularis, nõ rectè subditur vt moriatur peccato per pœnitentiã: quia irregularitas non est ordinata tanquam in finem in pœnitentiam, sed in reuerentiam diuinorum, vt qui humano sanguine se polluit contra Christi principalis sacerdotis mansuetudinẽ, non permittatur exercere sacerdotis officiũ. Si verò iuxta secundã expositionem intelligamus, perpetrata illa non est finalis causa depositionis. Neque secundũ duas posteriores expositiones: nã secundũ tertiã expositionem additur incorrigibilitas, cuius

cuius non modò mentio, sed neque signū vllum, aut levis suspicio-  
nis apparet. Secundum verò quartā  
non est receptum, omnē clericum  
committentem crimen homicidij  
degradatū tradi curiæ seculari ex-  
tremo supplicio plectendum. Mul-  
tis aliis rationibus easdem exposi-  
tiones expugnare conarer, nisi aded  
per se ab ipsis verbis textus alienæ  
palam appareret, vt frustrā in hoc  
laborem perderem.

9. Quinta expositio est de quolibet  
industrioso atque insidioso quidem  
occisore siue clerico, siue laico, sed  
vt euellatur ab altari, id est, pri-  
uerur altaris participatione, seu cō-  
munionē ad mortem, id est, per ex-  
communicationem quæ morti æ-  
quiparata, tanquam mors quædam  
ecclesiastica interdum solet mors  
vocari; sed hæc quāuis rationabili-  
or, quoniā neque ad solos clericos  
sefe restringit, & mortis nomen  
excommunicationi adaptat, quod  
non est à iure canonico alienum:  
tamen quoniā non saluat auersionē  
ab altari, & mortē, tanquā duo di-  
stincta, quorū posterius sit finalis  
causa prioris, ideo admittenda non  
est: cū præsertim sensus iste mysticus  
sit à sēsu ipsius scripturæ alienus.

10. Sexta expositio Goffredi, intel-  
ligendum esse, vt iacet eodem prorsus  
sensu, quem verba ipsa indicant  
in illo *Exodi* 21. quemcunque in-  
dustriosum, seu insidiosum homi-  
cidam, si ad altare confugerit, in-  
de esse ad mortem auellendum. Sed  
tanquam legem antiquam non esse  
positam eo loco, vt illam setuemus,  
siue ad praxim reducamus in lege  
Christiana, sed solū vt cognosca-  
mus, quo rigore Dens in ea lege v-  
sus sit contra huiusmodi industria-  
los, atque insidiosos occisores, vt  
ita crimen hoc tanquā apud Dei o-

culos grauissimū detestemur. Hanc  
impugnat Panormit. in d. c. de ho-  
micidio, quoniam ea quibus autho-  
ritatē impertimur, nostra facimus.  
c. Apostolica, de prabendis lib. 6. c. 1.  
1. Cod. de vetere iure enucleando. Sed  
Rom. Ecclesia insetendo hanc ve-  
terē legē suis decretalibus, autho-  
ritatem illi impertitur; ergo suam  
facit, ex quo illud consequitur, vt  
tanquam Ecclesiæ lex ab omnibus  
obseruanda sit; qui tamen Panor.  
in c. inter alia, n. 18. eandem Gof-  
fredi opinionē supressio eius nomi-  
ne recipit, dicens procedere in ter-  
minis secundum antiqua tempora,  
quia altare veteris Testamenti non  
gaudebat illa immunitate, qua ho-  
die gaudent nostra.

Septima expositio ipsius Panor-  
mitani intelligendum esse iuxta  
terminos c. fin. de immuni. Eccles. vt  
locū habeat in homicidio commis-  
so ex proposito in ipsa Ecclesia, vel  
cœmeterio, dicens hoc videri tene-  
re ibi Doctores. Sed frustrā ob eo-  
dē Pontifice codē tempore bis di-  
uerso modo ponerentur, & fieret  
hîc quoque de Ecclesia mentio, sic-  
ut in d. c. final.

Octaua expositio homicidas qui  
ex proposito, ac per insidias homi-  
nē occidunt, carere immunitatis  
priuilegio, ac si ad Ecclesiam con-  
fugiant, auellendos esse ab ipsomet  
sacro altari ad mortē, est expositio  
glossæ in d. c. 1. de homicid. in v. per  
insidias, quam recipit Felin. ibi. A-  
retin. in c. cum non ab homine, de iu-  
dic. col. 10. Specul. in tracl. de concil. 2.  
p. tit. 45. Alex. consil. 145. lib. 7. n. 5.  
Guido Papæ decis. 121. incipiente,  
In Camera. Boet. decis. 109. vbi asse-  
rit sic vsu receptū esse apud Gallos,  
seruarique in Parisienti Parlamente;  
& non semel ita fuisse apud se in-  
dicatum in curia Burdegalensi,

Couart. *lib. 2. var. resol. cap. 20. n. 7.* docet idem haberi in l. regia apud Hispanos *parte 2. tit. 1. l. vi.* In hoc postro Sicilia regno recepta est eadem expressè in quodam generali Parlamento, & in lege ab ipso Parlamento posita per tria regni totius brachia, demaniale, militare, atque ecclesiasticum, ad quod omnes rotius regni Prælati convenire solent, & ab Alphonso tunc Sicilia Rege confirmata, quæ habetur in capitulis regni (sic enim vocant regni leges speciales) *cap. 71.* sub Alphonso, de cuius legis auctoritate, ac vi abundè dictum est à nobis *suprà lib. 3. cap. 13.* eius verba sic habent: Quantum ad Ecclesias attingit ius commune setuetur, quo homicidæ ex proposito quocunque loco homicidii perpetratur, &c. impunè per officiales capi possint, & iuxta eorum demerita puniri. sed & Couar. *loco suprà cit. & Clar. in præct. crim. §. fin. q. 30. vers. scias iamen, & vers. hoc autem,* addunt homicidium per insidias, & secundum opinionem communem, & Christiani orbis consuetudinè admodum receptam carere immunitate. quod idem testatur Igneus *in l. 1. §. si dominus, n. 7.* ubi non solum communi, sed communi omnium opinione, nec quoquo usu, sed usu, ac sententia iudicium receptam docet. Idem testatur Remigius *de immunit. Eccles. fallens. 1. 3. & Millæus in præct. crimin. fol. 31. n. 19.* Papien. *in forma inquisitionis, in v. hac est quadam inquisitio n. 31. in fin.* testatur ita servari in Italia. eandem sententiam tenet Ancharan. *in c. 1. de homicid. Alciat. de presumpt. reg. 3. presump. 31. & lib. 7. parergon cap. 6.* Challan. *in consuet. Burgun. rubr. 1. §. 5. vers. Archidiaconus n. 113.* Io. Ma. Mon-

ticell. *in sua præct. crimin. reg. 12. n. 25. vers. limita 1. Io. Barb. in viator. iuris lib. 3. de violat. immunit. vers. septimus, quando quis, &c. Iodoc. in sua præct. crimin. c. 106.* Gigas *lib. 1. de crimine lesa maiestatis, rubr. Qualiter & à quibus, q. 10. n. 17.* Anton. Gomez *variar. resol. c. 10. tit. quando reus gaudet immunit. n. 2. vers. quanto limita.* ubi non esse ab hac sententia recedendum duplici ratione probat: prior, quoniā est sententia communis, posterior, quoniā magnam habet æquitatem. Quod idem & sentit, & iisdem omnino rationibus suadet Farinac. *lib. 1. suorum criminal. q. 28.* Qui in secunda editione addit hodie hanc sententiam absque vlla difficultate procedere vigore huius ipsius constitutionis Gregorij XI V. quæ expressè hunc calum excipit, ut patet ibi. Aut qui proditoriè proximum occiderit. Quibus verbis aperte proficitur Farinac. nomine proditori homicidij in hac cōstitutione intelligi id quod per industriam ac per insidias fit.

Pro solutione advertendū crimen homicidij multis modis committi posse, præsertim verò tribus, ut dictū est *lib. 1. cap. 7. n. 8.* Dico autem *crimen homicidij,* ut excludā primò homicidium merè casuale, quod in foro etiā externo merè casuale iudicatur, quando post adhibitā debitam diligentiam dando operā rei licitæ sequitur alicuius mors ex mea operatione: secundò ut excludā homicidium, quod committitur ad necessariam sui defensionē, adhibito moderamine inculpate tutelæ.

Primū crimen homicidij est cum homicidiū est quidē volitum, vel in causā, ut est homicidium casuale, quod sequitur ex opera, ex qua probabiliter potuit sequi mors, & potuit

edit ac debuit praevideri, & non fuit praevisum, vel ex negligentia, inaduerterentiaque culpabili in adhibenda diligentia ad impedendam mortem, vel etiam homicidium volitum in se, etiam cum dolo, ut inquit Clar. q. illa 30. cit. vers. scias tamen. dummodo nulla antea praecesserit animi deliberatio, ut si exorta repente rixa, aliquis ex iracundiae motu quem occidat non modo aduerterenter, sed etiam dolo aliquo tunc occurrente utatur ad illum occidendum, & hoc aliquando pro inculpabili habetur in foro exteriori.

15. Secundum est crimen homicidij quod ex praecedenti animi deliberatione committitur, ut vocat Clar. post alios multos, loco supra cit. quod nos industriosum vocauimus post Abulensem in c. illo 7. lib. 1. ita ut aliquanto post deliberationem interuallo occidat, mediaque industriose comparet, quibus ad illum occidendum utatur, in quibus magna plerumque industria adhibetur, tamen absque prodicione, atque insidiis, & vocari solet apostatum homicidium, seu apostate commissum. Qui enim ex praeuia animi deliberatione occidit, loca & opportunitatem quaerit ad id perficiendum quod deliberauit.

16. Tertium est per insidias homicidium, ac proditorium, quo quis occidit incautum: ut cum ambulat cum eo tanquam amicus, & arrepta solitudinis occasione à tergo illum inuadat, cum parat illi certo loco insidias, & aliis multis modis, de quibus suo loco dicetur.

17. Hoc posito, dico primum primum crimen homicidij habere immunitatem: hanc sententiam Clarus in d. vers. scias tamen, testatur esse communem post Couarr. lib. 2. variar. resoluc. 10. n. 8. in fin. & ab omnibus in

praxi indifferenter obseruari, quam fuisse etiam seruari senatus Mediolanensis. in quodam August. Palmerio 13. Febr. 1550. quam etiam nos passim seruari videmus in hoc Siciliae regno, tum apud reliquos magistratus inferiores, tum apud regiam magnam curiam criminalem, ut quamuis aliquis expresse contenderet hunc casum virtute illius primi capituli de homicidio, aut virtute specialis legis nostri regni eatere immunitate, propterea quod sit verum crimen homicidij, etiam industriosum suo modo, quoniam tamen & communis doctorum consensus, & consuetudo vbique recepta interpretatur huic immunitatem deberi, illi necessario seruanda sit.

Dico secundum, neque certum est virtute dicti c. 1. de homicidio homicidium insidiosum ac proditorium carere immunitate. hanc sententiam probant quaecunque pro vltima dicti cap. expositione allatae sunt supra n. 12. de hoc enim casu praecipue est adeo communis omnium sententia, ac praxis in Hispaniis, Galliis atque in tota Italia, totoque Christiano orbe, absque vlla contradictione recepta.

Dico tertium de secundo homicidij crimine quod ex praemeditata animi deliberatione post aliquod temporis interuallum committitur apostate, atque ex industria, absque vllis tamen insidiis & prodicione, dubia res est. Alexander enim in consil. 145. n. 4. 6. & 11. lib. 7. ut refert Conrad. in pract. tit. de captiua fol. 168. n. 6. in fin. & post eum Clar. q. illa 130. vers. punctus est. testatur communem doctorum sententiam esse affirmatiuam, nempe huic immunitatem deberi. Cui communi iunctus idem Alex. ita con-

fuluit in eo confilio. quam sententiam sequitur Conrad. Blanc. in sua præf. criminal. fol. 4. n. 16. Gigas lib. 1. de crimine lese maiestatis, rubr. qualiter, & a quibus crimen lese maiestatis commutatur, q. 16. n. 19. vers. nec assensio, & vers. idem dicus. Couarr. lib. 2. variar. resolut. c. 20. n. 7. vers. in his profecto casibus. Marianus in c. 1. de homicid. num. 3. & in tract. de citatione, art. 17. q. 6. col. 1. & post eum Boiss. in tit. de captura n. 21. qui duo prostermi addunt eos qui contra sentiant communiter reprobati. quam sententiam secundum communem opinionem in praxi seruari testantur Alex. & Blanc. locis citatis. Probat Couarr. suam sententiam ratione, quoniam homicidium per solâ industriam ex præuia animi deliberatione patratam verè à proditorio distinguitur: ergo non caret immunitate. Secundò probatur, quia in c. 1. de homicidio, hæc duo per particulam copulatiuum requiruntur, per industriam, & per insidias: ergo simul esse debent, & non satis est sola industria sine insidiis. Tertiò, quia Doctores, exponentes illud Exod. 21. per industriam, & per insidias exponunt, id est, proditoriè. Ita Abulen. in 21. illud c. Felin. Ancar. & alij in c. 1. de homicidio. Contrariam sententiam communem esse obseruat Plot. consil. criminal. diuerso 133. num. 19. volum 1. & Clar. in sua præf. q. 30. sæpe citata, vers. punctus est, quam Couarr. qui contra sentit, concedit etiam ingenuè esse magis communem, & fatetur propter doctorum auctoritatem, & eorum communem opinionem, sæpissime huiusmodi homicidas extrahi. de Ecclesiis. & nota vocè illam sapissimè, quæ satis est ad ostendendam consuetudinem, vnde & subdit Clarus

ibidem secundum hanc opinionem magis communem, & à consuetudine approbatam, se vidisse pluries iudicari. vbi etiam nota verbum illud pluries, in homine attestante de visu. Refert autem tres casus quibus ipse interfuit. Primus fuit anno 1554. die 26. April. contra Petrū Antoniū Descôte, qui cum caprus fuisset in cella cuiusdam Monachi monasterij sancti Sigismundi Cremonæ, nihilominus propterea quòd homicidiū ab eo commissum erat ex præuia animi deliberatione, iussu senatus Mediolanensis fuit illi caput amputatū. Secundus casus fuit anno 1561. die 7. Iulij contra Nicolaū Iisuettum. Tertius casus contra Franciscū Casusiniū anno 1562. qui ambo auctoritate senatus prædicti propter huiusmodi homicidia supplicio extremo affecti sunt. Ita etiā alibi factum testatur Guido Papæ decis. 121. Ita se vidisse pluries iudicari testatur Mayn. in l. nemo de domo n. 20. ff. de regul. iur. Ita demum obseruari in tota Italia refert Practica Papien. in forma inquisitionis, in v. hæc est quadā inquisitio, quem refert Remigijs in tract. de immunit. Eccles. fol. 6. & Alciat. de presumptionib. regul. 3. presumptione 33. quam sententiam sequitur Io. Gall. q. 172. § per Arrestū. Papo lib. 1. tit. 11. arresto 18. Boët. decis. 109 post n. 7. Farinac. 1. parte suorum crimin. 3. 28. n. 23. vbi refert Ancarānum Speculū, Alciatum & alios locis suprà citatis pro octaua expositione. Concludit Clar. non esse in praxi ab hac opinione recedendum, cum magis communis nempe sit, & vniuersali vti minimū totius Italiæ cōsuetudine recepta. Puto etiā in Hispaniā eandem consuetudinē seruari; de iis enim puto dictum à Couarr. quòd sæpissimè ex Ecclesiis

is extrahuntur. Vnde

20. Dico quartò, si de iure communi loquamur, huiusmodi homicidæ ex industria & apostatè, carent immunitate. Probatur primò ex verbis *c. primi de homicidio*. Secundò ex communi, & magis communi doctorum opinione & consensu. Tertiò ex certa per tam multos Doctores relata praxi. Quartò, quia in lege veteri homicidæ qui ex præcedenti odio, atquè ausu deliberatione occidissent, excluderentur, sicut à civitatibus refugiorum, ita ex altari, ac templo; frequenter enim scriptura ad iudicandum homicidiū casuale examinari vult: num præcesserit rixa ab heri, & nudius tertius, ut etiam si casu commissum videatur homicidium ex præcedente rixa, præsumatur etiam ex præcedenti odio, atque animi deliberatione factum, ut excluderetur ab immunitate: verba autem dicti *c. primi de homicidio* ex lege veteri desumpta sūt.

21. Dico quinq; in hoc Siciliæ regno excludendos esse homicidas huiusmodi ab immunitate, tum propter praxim, & consuetudinem magnæ regie curiæ criminalis, tum propter specialem regni legem, quæ tantæ est autoritatis, ut suprà diximus; cum enim sit lex regni quæ in magna eiusdem regni curia in viridi est obseruantia, nulla ratione licet ab ea recedere, neque verò obstat sicubi in eodem regno consuetudo contraria reperitur, tum quia standum est consuetudini ac praxi maioris tribunalis ipsius regni in quo hæc consuetudo viget, cum ad magnam regiam curiam appelletur in toto regno, tū quia plerisque eiusdem regni legibus, seu capitulis caurum est debere semper intelligi esse in viridi obseruantia, neque vlla

contraria consuetudine illis quicquā detrahi, ut apparet *c. 45. sub Alfonso*, ubi etiam statutum est nō eis præiudicari per actus scienter factos in contrariū tã in iudicio, quàm extrà, qualitercunque, & quomodo-cunque, etiãsi pluries, vel millies contrariū iudicatū esset. Item *c. 434. & 487. sub eodē Alfonso* multo magis standū est huic sententiæ, cum sit totius Italiæ consuetudine recepta.

Vltimò dico extra Siciliam, non modò ubi est contraria consuetudo, sed etiam ubi non apparet esse hanc consuetudinem, posse praticari tuta conscientia sententiam contrariā propter autoritatē tot, tantorumque doctorum, quæ satis est ad faciendam sententiā probabilē, & in conscientia tutā, ubi nō apparet de contraria lege speciali, vel consuetudine.

Ad rationem initio adductā *n. 2. 23.* respondeo ex primo dicto manere, aliqua crimina homicidij non excludi ab immunitate.

Ad rationem adductā per Courariam respondeo primò concedendo antecedeus, at non solum proditorium caret immunitate, ideo non valet consequentia. Secundò concedo ubi non est specialis lex, neque consuetudo contraria, posse etiam illud praticari.

Ad tertium respondeo vel doctores sumere proditorium amplè, ut includat etiam apostatum, de qua re suo loco dicetur, vel exponere proditoriè, propter insidias; vel non bene exponere, vel secutos esse contrariā sententiā, ut coniunctim concurrere debeat industria cum insidiis ad priuandum immunitate.

*De aliis casibus antiquo iure canon. exceptis ab immunitatis privilegio.*

CAPVT V.

Sunt



1. **S**UICO & alij antiquo iure canonico ante hanc videlicet cōstitutionem excepti casus ab immunitatis privilegio, quos hoc capite investigare intendimus. Primus habetur in *can. nullus clericorum* 17. q. 4. in posteriore parte §. *si quis clericus*, cuius hæc sunt verba: *Si quis clericus in mutuum eadē prorsuperint, pro vā dignitas officiorum in tali excessu contumeliā pertulerit, à Pōtifice vindicetur.* quem textum secundum vnum intellectum exponunt doctores, vt si quis clericum occidat, cateat immunitate Ecclesiæ, propter sacrilegium; cui alij addunt alium textum in *can. frater. eadē causa* & q. quatenus dicit non debere ad supplicandum admitti eum qui admittere sacrilegium non dubitauit. ita Io. de Vuilchis in *tract. de immunit. Eccles.* n. 38. casu 7. Ancharan. in c. *ea que*, de *regul. iur.* lib. 6. col. 29. in *fin.* col. 99. *quæro*, & col. 30. *vers. quidā miser sacerdos.* Gigas lib. 1. de *crimine læsa maiest.* rubr. *qualiter* & à quibus q. 10. n. 16. qui volunt etiam si clericus clericum, aut sacerdos clericum occidat, carere immunitate, ac præterea si proditoriè occidat, damnandum esset ad mortem, posteaquam per Episcopum traditus fuerit curiæ seculari, per textum in c. 1. de *homicidio.* Eundem casum excipit ab immunitate Anan. in c. *ea que*, de *regul. iur.* lib. 6. Barb. in *viatorio iur.* rubr. 33. de *violator. immunit.* *vers. secundum interficiente clericum.* Boet. *decis.* 109. vbi testatur ita apud se fuisse seruatum, etiam in vulnerante sacerdote. Io. doc. in *pract. crim.* cap. 106. rubr. de *violator. templor.* n. 14. Vbi vniuersè tenet nullum committentem sacrilegium debere ad immunitatem admitti, concordat Clar. §.

*fin.* q. 30. *vers. quæro namquid generaliter*, prope finem, dicens: De sacrilegis autem reperio senatum Mediolanensem indistinctè iussisse illos extrahi de Ecclesia die 14. Nouembris. 1560. nec reprobatur hoc factum ipsius senatus, quare eo ipso probare videtur.

Ad hunc ego casum puto textum 2. illum priorem in *can. nullus clericorum*, non pertinere; nullam enim facit mentionem aut de confugio ad Ecclesiam eius qui clericum interfecit, aut de immunitatis priuatione. Posteriorem verò textum in *can. frater*, habere aliquid momenti, propterea quòd licet de alio casu sacrilegij tractet, fundat tamen se in ipsa sacrilegij ratione, quæ cum omni sacrilegio competat, probabiliter videtur omne sacrilegium excludere ab immunitate; sed quoniam in pœnalibus, cuiusmodi est immunitatis priuatio, potest dici non esse à paritate, seu identitate rationis faciendam extensionem à casu expresso ad casum non expressum, ideo non est iste casus de iure vsque adeò certus ac firmus, vt de eo dubitari non possit; neque verò tantus in eū consentit doctorum numerus, vt nos assentiri cogat, est tamen probabilis propter illorum doctorum auctoritatem, & propter illud fundamentum quod habet in *d. can. frater*. & sicubi vel est consuetudo recepta, vel saltem extat memoria quòd sic aliquando iudicatum sit, non auferem ibi contrarium prædicare. Vbi vetò neque apparet de hac consuetudine, neque extat memoria quòd aliquando ita iudicatum sit, uò videtur mihi in rigore necessariò meganda immunitas, sed aliquam habet probabilitatem posse ad eam admitti.

Secun.

3. Secundus casus est eius qui Ecclesie immunitatem violauit extrahendo de Ecclesia eum cui immunitas debeat. Habetur expressissimis verbis in d. can. frater q. 4. & est casus proprius illius textus. Vbi probat Pontifex sententiam Epiphaniij Episcopi qui eum, qui confugam de Ecclesia extraxerit, ad Ecclesiam admitti vetuisset. eius sententiam probat Pontifex ea potissimum ratione, quod non debeat ad supplicandum admitti, qui factilegium commisit. Pro quo eodem casu multum faciunt rationes cap. quia frustra, de usur. vt notat gl. in d. can. frater. in v. nec enim faciunt. & rationes c. final. de immunit. Eccles. gl. in d. cap. in v. ab omnibus, recurrit ad crimen in Ecclesia commissum, propterea is ab omnibus Ecclesiis destituatur immunitatis priuilegio, quia in Ecclesia deliquit, de quo in dicto capitulo final. de immunit. Eccles. qui locus licet de solis homicidijs & membrorum mutilationibus expressè loquatur, de omnibus delictis in Ecclesia commissis communiter intelligi solet. Hunc casum glossa respuere videtur in d. v. ab omnibus, in fin. dicens: Sed textus in c. inter alia duas tantum personas excipit, si enim casus iste in d. can. frater, desideretur, debuisset id d. c. inter alia numerari inter casus ab immunitate exceptos, sicut fuit numeratus casus publici latronis. Que ratio glossæ æquè probat de casu præcedente. Sed tamen priorem casum recipio propter doctorum auctoritatem, vt dixi, hunc verò propter dispositionem saltem dicti cap. final. de immunit. Eccles. & eius rationes. Neque verò necesse erat excipi, quia fortè non erat ita clarus, noluit enim illi auctoritatem ad-

P. Gambac. de immunit. Eccl.

dere.

Tertius casus habetur in can. ad 4. Episcopos, eadē causa 17. q. 4. vbi violatores Ecclesiarum generaliter ab immunitate videntur excludi. Iubetur enim Episcopis vt eos accessu Ecclesiarum indignos iudicet, quod de accessu confugij multi intelligunt. Sed quicquid sit de hoc textu, iidem per idem c. finale de immunit. Ecclesiarum tanquam delinquentes in Ecclesia excluduntur. Quartus casus addi solet à plerisque incastellantium Ecclesiam, aut inde pugnantium; cum Ecclesie incastellatio sit iure prohibita, in can. sanctorum 20. q. 1. neque inde fieri possunt propugnacula, ex quibus prælia committantur, seu in quibus milites qui præliantur, recipiatur, vt not. gl. in d. can. sanctorum. in v. incastellari. Hunc casum recipit Hostien. in sum. in tit. de immunit. Eccles. §. in quantum, in initio. Io. Andreas. Innoc. & Henr. in c. cum Ecclesia, de immunit. Eccles. & ibi Cardinal. Anton. & Ancaran. reducant alij ad cap. fin. de immunit. Eccles. quia isti delinquant in Ecclesia. Excipiunt tamen aliquos casus, primus si id fiat auctoritate Episcopi tempore iustæ necessitatis, puta propter metum Paganorum, pyratarum, latronum. Secundus si fiat ad defendendum iura Ecclesie. Tertius si non ad alicuius offensionem id fiat, sed solum vt saluentur in ea Christiani. Quartus si incastellatur à clericis ad defendendum Ecclesiam contra laicos qui eam prædandi gratia, vel ob aliquam aliam causam voluit inuadere. Qui ergo extra casus permisos Ecclesiam incastellarint, non defendantur ab ea; concordat Angelica, in v. Immunitas q. 18. & Syluest. in v. Immunitas 3. q. 3. vers. 4c.

Vv quia

quia addunt eos qui belli tempore ad Ecclesiam confugiunt, si neque incastellent eam, neque inde pugnent, non posse ab hostibus capta urbe inde per vim extrahi, aut damnari ad poenam (intellige ab hostibus Christianis) debet enim privilegio immunitatis liberè gaudere; idèque iudicium statuendum est si in casu concessio incastellent.

6. Quintum casum refert Io. Igneus in l. 3. §. subuenitur, n. 102. ff. ad Syllaniam. effractoris carceris, maxime verò si per vim, arma, aut praemeditatam conspirationem id agat, ac potissimum si nocturno tempore: què casu contineri putat in c. inter alia, de immunit. Eccles. sub nomine depopulatoris agrorum, propterea quod instar depopulatoris se gerit, non enim priuatè alicuius domus, sed publicè effractor est. & iustitia secularis, seu magistratus, ad què pertinebat carceratos punire, spoliatus est suis reis: ergo debet restitui ad pristinum, & ita fuisse aliquando obseruatù testatur Chassan. in consuetudine Burgun. in nouis, tit. Des Justices, vers. quod si carceris. Sed contrariù expresse tenet Igneus, & Chassan. locis citatis, quos sequitur Remig. in tract. de immunit. fallent. 29. & Boët. decif. 110. vbi docet ita aliquando conclusum in quodam facto fuisse, & ratio, quoniam nec habet in iure firmum aliquod fundamentum, neque apparet vlla similitudo cum depopulatore agrorum, nec graues authores id recipiunt, nec consuetudine est probatum. Postremum casum addit Io. de Vuischis in tract. de immunit. n. 38. Remig. in tract. eodè tit. fallent. 16. Gigas lib. 3. de crimine lesa maiest. in rubr. de pluribus, ac variis questionibus, §. 3. n. 1. & 2. de mandato Romani Pontificis, vel eius de latere legati, vel nuncij Apostolici ha-

bentis potestate legati de latere. De cuiuslibet enim horum voluntate quilibet reus in quocumque casu extrahi potest, quauis illi aliàs de iure deberetur immunitas, quanquam non nisi ex causa vrgenti, & valde rationabili id cedere debeant. Potest & in casu valde enormi, & periculoso id concedere Episcopus, quando non facile potest fieri recursus ad aliquem praedictorum, vel periculum est in mora, quemadmodum dictum est supra lib. 3. c. 15 n. 8. & 9.

An fuerint aliqui casus in quibus ante hanc constitutionem reus de consuetudine carebat immunit. Eccles.

#### CAPVT VI.

QVONIAM non solum exposuimus lib. 3. c. 14. quanta sit consuetudinis vis circa immunitatem ut posset eam, & cum nodum statuta iure esset, introducere, & introductam moderari, ac restringere, sed per sepe etiam cum communi Doctorum schola diximus in dubiis standum esse consuetudini, etiam contra ius; ideo videndum hoc loco est, sintne aliqui casus de consuetudine excepti ab immunitatis privilegio, praeter eos qui de iure excepti sunt; neque verò solum generali consuetudini, si quæ ubique recepta est, sed particularis etiam particulari regnorum, prouinciarum, locorum standum est, quæ etiam casus in iure expressos plerumque restringunt, ampliatur, modificatur, & quando, seu quibus cum circumstantiis locum habeant declarant.

Primus casus est de simplici fure quæ constat de iure immunitatem semper habuisse, hodieque habere, cum publici solum latrones agrorumque depopulatores exclusi ab ea fuerint, hodieque excludantur etiam viarum gralla

grassatores; & tamē de cōsuetudine secus esse testatur apertissimē Co-  
uarr. lib. 2. *variis. res. l. c. 20. n. 3. vers. 19. oportet.* Vbi addit hāc cōsuetudi-  
nem de cōmuni clericorū & laicorū cōsēsu introductā fuisse, vbi pręser-  
tim magna est copia furū ac latro-  
nū, itā fuisse. propter multos fures in  
Gallia cōsuetū testatur Io. Igneus l.  
1. §. *sibi manus, n. 127. ff. ad Syllanum.*  
quam cōsuetudinē apud nos inquit  
Clanus in statu Mediolanēsi nō ser-  
uari, bonū tamē esset illā seruare in  
paucis, in quibus est copia furum  
(quod idē in nostro Sicilię regno  
affirmare possumus non seruari, nū-  
quā enim audiui, simplicē furem ex  
Ecclesia extrahi) ita Clarus q. 30. §. *fi-  
nal. vers. quaro an fures.* Ang. in tract. de  
malefic. v. *quod fama publica, n. 59. l. i. te-  
ra B.* Veronē fuisse huiusmodi con-  
suetudinē ostendit, dū refert, quēdā  
Petrū Peronū captū in Ecclesia san-  
ctę Marię pro commissis furtis, su-  
spēsūque fuisse die 17. Nouēbris  
1581. Vnde dici potest vigete ho-  
die huiusmodi cōsuetudinē in ali-  
quibus Italię ciuitatibus, cū aded  
recēs hic casus sit. In tota sanē Sici-  
lia testari possum nullā esse furū copiā,  
nisi in hac felici vrbe: siue quod de-  
relictis patriis sedibus fures omnes  
Panormū cōfluāt, siue quod ex alijs  
vrbis terrę partibus huc aduolent, si-  
ue quod incolarū frequētia, diuitia-  
rū cōmoditas, diuersarū permixtio  
uationū illā generet. Tot certē fu-  
res sūt, vt nō parū de ipsius vrbis fe-  
licitate detrahāt, vt optabile sit hāc  
in ea cōsuetudinē introduci, vel ab  
Apostolica sede impetrari, vt in hac  
vrbe furcs ab Eccl. nō defēderētur.

3. Addit Anton. Gomez tom. 3. v. ar.  
resol. c. 10. post numerū 2. quē sequitur  
Farin. 1. p. suorum criminal. q. 28. n. 51.  
fures posteaquā plura furta cōmise-

rūt, iā nō solūm de cōsuetudine, sed  
etiā de iure carere immunitate,  
furtorū enim multiplicatione famo-  
sos fieri fures, seu latrones, arg. est  
*lex capitaliū. §. famosi. iuxta glossa ff. de  
pēnis, & auth. sed nouo iure, in l. 1. gi.  
Cod. de seruīs fugit* quo loco hanc o-  
pinionem esse cōmunē doctōrū te-  
statut Farin. loco cit. ar. Quod ego nō  
facile admittere in iis, qui licet plu-  
ra furta cōmiserint, nō sūt tamen de  
illis accusati, sed de iis vt sūmū, qui  
ita multa cōmiserūt, vt de illis sape  
accusati dānatique in iudicio fue-  
rint, qui in corpore etiā signari cō-  
sueuerunt; alicubi enim auriculas il-  
lis secūda vice recidūt, alibi eādē i-  
ferro ad humetū sinistrū, vel ad pe-  
ctus notā imprimūt: vt si quando  
postea in furto deprehēdātur, ex eo  
signo cōuinci possint sepe furari cō-  
sueuisse, vt famosorū more latronū  
puniantur extremo supplicio. Sed  
de his infra cū de famolis ageamus.

An prędicti horū octo casuū expres-  
sione intelligēdi sint renocati alijs  
omnes casus in iure expressi, de  
quibus hactenus disputatum est.

## CAPVT VII.

RETVLIMVS hactenus com-  
pures casus tā ciuili, quā cano-  
nico iure, ac etiam consuetudine  
ab immunitatis priuilegio exceptos,  
pręter eos, qui in pręsentis cōstituti-  
onis §. 6. exprimuntur; de iis, qui  
ciuili iure authenticorū excepti sūt,  
nihil amplius superest dicēdū, nā ne-  
que ante cōstitutionē locū habebāt,  
neque eo ipso tēpore quo excepti  
fuerūt, obseruari debuerūt; propter-  
ea quod illa exceptio facta est à non  
habente potestatem, quam postea-  
quam Imperatores à se abiecerunt  
concedendo priuilegium immuni-

tatis nō subdito, reassumere propria auctoritate nō potuerunt: sicut sepe hactenus dictū est *lib. 3. c. 11.* & paulo superius in hoc ipso *lib. 5. c. 3. n. 19.* De iis, qui ex consuetudine excepti sunt, dicitur cap. sequenti; de iis solum hoc cap. agendum est, quos antiquo iure exceptos hactenus retulimus, an hac octo casuum exceptione ceteri reuocentur.

1. Et pro parte affirmatiua hæc faciunt: primò quòd expressus textus in *c. 1. de constitutionib. lib. 6.* vbi Bonif. octauus hanc assignat differentiam inter ius commune & statuta consuetudinēque locorum, quoad eorum reuocationem, quòd ius commune nouo iure intelligitur reuocatum, etiamsi in nouo iure nulla fiat expressa mentio eius reuocationis; statuta verò, & consuetudines locorum non intelliguntur nouo iure reuocari, nisi expressè reuocentur. Et rationem optimam adducit huius differentie, quoniam ipsa quidem iura censetur Romanus Pontifex omnia cognita habere in scrinio pectoris sui, neque vllum omnino ius præsumitur ignorare, consuetudines verò & statuta particularia locorū facile ignorare præsumitur; quia eo ipso, quòd particularia sunt, facti quidpiam sapiunt, & in facto consistunt, atque ex facto dependent, atque ideo facile potuerunt ad eius aures rainimè peruenisse. Cū ergo hoc nouo iure Pontifex certos casus exprimat, videtur hoc ipso casus reliquos antiquo iure cōtētos, quorū cū haberet notitiā nullā fecit mentionē, reuocasse.

Secundò facit quòd in hac cōstitutione Pontifex §. 4. prope initium proficitur velle se omnia, quæ ad immunitatis materiam pertinent, ad vniuersalem regulā reducere, ex quo

videtur per eam regulam formam præscribere, & multo clariùs §. sequenti, omnia, inquit, ad vnam tantam formam reducimur, ac moderamur: ergo præscribit formā quam sequamur, & casus omnes iuxta eam formam moderatur. Quoties autem iura formam præscribunt, non est ab ea forma recedendum.

Tertidò infra in §. 11. Pontifex ad contrariorū reuocationē progressus sic ait: *quia omnia & singula ac illorum tenores pro expressis habentes, quatenus premissi in aliquo aduersentur, aut plures quam superius expressos casus contineant, omnino ac perpetuo tollimus & abrogamus, & ad terminos præsentis constitutionis quoad superius descripta dumtaxat reducimur, & nolumus quidquid de cetero suffragari.* Ecce quæ expressè reuocat contraria quoad casus hic nō expressos: ergo in illis omnibus habere debet immunitatē.

Aduertendū solemnē esse præsentē disputationē, maximèque necessariā ad decidendū, num in huiusmodi casibus hic non expressis, alibi tamen in iure expressis, admittendi rei sint ad immunitatē si ad Ecclesiā cōfugerint: & quid hæc quæ in contrarium allata sunt habeant roboris, vel momenti, diligenter inuestigandū, quam disputationē non semel *lib. 2.* in nostra literæ expositione, ac glossis insinuauimus. quæ quamuis nobis ita plana semper ac facilis visa est, vt nullam difficultatem pati possit, quam sola diligens ac seria literæ ipsius, ac textus totius cōstitutionis lectio complanatura non esset; tractada tamē ferid, ac diligenter est, vt quominus ipsi dubitamus, eo plenius iis qui dubitat, & qui obstatatē contrā sentiunt, satisfaciamus, quos facili vbi hæc legimus assensuros nobis esse cōfidimus.

ad cū

adeò hæc apertè conuincere videntur id quod intendimus, sicut & nos facîle eis assentiri parati sumus, si contrarium conuicerint quod intendunt.

§. Primò igitur dico præsentì constitutione nullum omnino casum qui antiqui iuris erat reuocatum esse, sicut & in *c. inter alia*, licèt regula tradatur, qua omnibus, qui quantumcunque grauia delicta commiserant immunitate donantur, & aliqui casus excipiantur, non fuerunt reuocati alij casus qui antiquo iure decretorum excepti erant. Probo primò ex gl. & Bart. in *l. serui. ff. de vsucapionib.* quos refert ac sequitur Panormit. in *d. c. inter alia, de immun. Eccles. n. 15.* quādo constitutio siue lex loquitur in materia iuris communis, & aliquos casus excipit, etiam si eos excipiat per particulam taxatiuam solum, tantum, vel aliam similem, non firmare regulam in casibus ibi non exceptis, qui excepti sunt alio iure antiquo: sed nihilominus manet atque intelligi exceptos omnes alios casus, qui alio iure excepti antea erant, ac suppleri ius illud nouum iure antiquo: Probant hoc ipsum Panormitanus loco citato per textum iuncta glossa in *c. quoniam frequenter, ex lite non constet. in 1. responsò*, & per textum in *c. ad audiendam*, cum ibi notatis, *de clericis non residentibus*, in quorum priorie cum non esse recipiendos testes ante litis contestationem regula constituta esset, casusque aliquot excepti, addit gl. in *v. regulariter*, plerosque alios casus ex aliis iuribus; in posteriore verò constitutionem Meldensis Ecclesiæ vt canonici non residentes priuarentur fructibus suarum præbendarum, in qua duo

tantum casus excepti erant, ipsemet Pontifex supplet ex alio iure quoad alium casum, vt etiam canonici qui absunt, in seruitio Episcopi suos fructus percipiant, quod constitutū erat ab Alexandro III. in *c. de cetero, de clericis non residentibus*. Secundò probatur, quia in *c. inter alia* posita erat regula, & duo tantum excepti casus publici latronis, & nocturni populatoris agrorum, nec tamen numerabatur casus homicidij per insidias, quæ tamen cōmuniter Doctores, nō obstante dicto *c. inter alia*, exceperunt virtute *c. 1. de homicidio*, sicut *c. 4. quin & alij casus excepti fuisse, quos retuli c. 5.* Tertiò probo, quia cum iurium correctionem iura ipsa maximopere detestentur, nunquam intelligendum est ius vllum nouo inre corrigi, nisi quando nouum ius adeò est contrarium iuri antiquo, vt nulla distinctione possint concordari: sed ius nouum excipiens aliquos casus iuri antiquo excipienti alios casus diuersos, nō est vllō modo contrarium, sed solum diuersum, re cōtēque possunt vtræque subsistere, vt est in casu præsentì: ergo ius nouum non corrigit, neque abrogat vetus.

Sed probo præterea hoc idem ex ipso contextu verbisque præsentis constitutionis apertissimè, ita vt nemo possit refragari: colligōque singula ex tota constitutione, quæ ad rem faciant.

Primum probo ex primis ipsius 8. narratiuæ atque adeò totius constitutionis verbis, ex quibus apertissimè apparet quæ sit Pontificis intentio. Præmittit initio §. primi Romanos Pontifices prædecessores suos, præsertim verò Sixtum, ac Pium V. concessisse diuersas facul-

tates, priuilegia & indulta diuetsis principibus eorūque curiis extrahēdi de Ecclesiis reos criminū, etiā in quibusdā casibus in iure non expressis, nepe in pluribus casibus, in quibus aliās de iure debebatur reis immunitas, & hoc singulariter nota, quāuis enim nō sciamus in particulari quinā fuerint hi casus, id in genere certū est per ea indulta plures casus exceptos fuisse à priuilegio immunitatis, qui nō erāt in iure excepti: ex his orti sūt plerique abusus, quos Pōtīfex numerat, & quibus mederi intēdit, nulla autē mala orta sunt ex obseruatione casuū in iure exprellorū: ergo de iis nihil innouare intendit. Deinde §. 4. proponēs Pōtīfex ea omnia, quæ hac noua lege constitute iucendit, & quibus absurdis obuiare velit, non vniuersē absurdis omnibus, & vnde quaque prouenientibus se obuiaturū spondet ac suscipit, sed limitatē iis absurdis, ac scādalis, quæ ex prædictis indultis, vel eorū occasione orta sunt; quare inquit, prædictis absurdis ac scādalis obuiare, & differētias huiusmodi ad vniuniformē regulā reducere, &c. nō enim iura, sed indulta ad hāc vniuniformē regulā vult reducere, vbi nota relatiuū illud prædictis, & differētias huiusmodi, quæ absurda & quas differētias antē narrauerat occasione indultorū ortas, quo fit vt quāuis circa casus in iure expressos abusus aliqui orti essēt (de quibus tamē nullā facit mētionē) adhuc illis minimē per præsentē cōstitutionē prouideret, sed, quod apertius hāc nostrā sententiā cōfirmat, statim subdit eodē §. 4. & ne ecclesiastica iura planē cōculcentur & negligantur, opportuniē prouidere decreuimus. quæ verba sunt antiqui iuris præseruatua. Quomodo enim dici potest ea iura corrigere, aut casus in eis exceptos abro-

gare, quibus ne negligantur, aut cōculcentur prouideret. ipse enim ea corrigēdo & abrogādo cōculcaret: prouidere autē ne cōculcentur, aut negligātur, est eorū similitatē robūrque tueri, & vt obseruentur prouidere, non autem corrigere, aut abrogare. his quid respōderi possit nō video.

Tertiō in eodē §. 4. disertissimis <sup>10.</sup> verbis proponit se aliquos de nouo casus ab immunitatis priuilegio excepturū vltra illos, quos verus sacerdotū canonū norma præscriperat: idque quoniam nimia præsentium temporum calamitas & peruersorū hominū, quæ inualuit, malitia, ad tenorē delinquentiū, & ad cōcrendā illorū facinora ita postulat: si ergo casus de nouo addere vult ad cōcrenda flagitia, quomodo casus iure exceptos abrogat? si vltra eos qui in iure excepti sunt, addit: ergo cōfirmat validatque illos, nō abrogat.

Quartō in §. 5. ad dispositiuā partē legis deueniēdo, Pontifex, in qua tota vis legis posita est, & moderationē promissam aggrediens ad supradicta indulta se restringit, dicēs: hac igitur nostra perpetua valitura cōstitutione omnia, & quicunque priuilegia (vides vt nullā facit iuris mētionē) superadducendis, vel extrahēdis aliis quā in casibus in iure expressis, & hic casus in iure exceptos firmos esse vult, solūm moderatur, & ne vltra casus in iure expressos possint extrahi virtute indultorū. Manent ergo iura, casusque in iure excepti in suprapristino robore, ac firmitate. Demū quānā ad hāc vnā formam reducat ita declarat: indulta, & gratias quomodocunque concessa, etiā iteratis vicibus approbata, literasque Apostolicas sub plūbo, aut in forma breuis quomodocunque de super confectas, sublata omni penitus differētia (quæ nepe inter ea indulta erat) iura ad vnā cōmformā reducemus.

ac moderatur. Quântūcunque ergo cōtendas his verbis formā præscribi à qua recedere nō licet, nihil obtines, præscribitur enim forma nō iuri cōmuni, sed indultis, nō quoad casus in iure exceptos, sed quoad casus in indultis cōtra iuris dispositionē cōcessos, vt prater istos octo casus, qui in sequēti §. 6. exprimūtur, nullus alius casus ad extrahendos reos de Ecclesiis admittatur ex iis, qui in indultis expressi erāt, maneat in suo robore, qui excepti erant in iure.

11. Quinto & vltimo probo ex solēni reuocatione cōtrariorū, quæ cōtinētur in §. 11. in qua nullā facit iuris mētionē, vt patet inruēti, sed restringit se ad priuilegia, indulta & facultates, de quibus exprimit, *quatenus pramissis in aliquo aduersantur, aut plures quam superius expressos casus continent, perpetuū tollimus, & abrogamus, & ad terminos præsens cōstitutionis quoad superius descripta reducimus, & volumus quicquid de cetero suffragari.* quibus verbis apertissimē reuocat omnes casus in indultis concessos vltra istos octo, qui in hac cōstitutione exprimūtur, nō autem casus exceptos in iure, neque iura ipsa antiqua, sed indulta solū ad terminos præsētis cōstitutionis reducit. Hæc sanē, qui textū legerit, nisi omnino cecutiat, fatebitur, ad cō clara sunt.

13. Secūdo dico antiqua iura quoad omnes casus in eis expressos, etiā eos qui in hac cōstitutione reticentur, nō modō nō corrigi, aut rolli, sed cōfirmari, maiusque robur accipere. Probatur ex §. primo, vbi illud refertur tāquā malorū omniū origo quōd per indulta cōcessum est extrahi reos à iure nō cōcessis. Secūdo quia §. 4. proponit velle se prouidere ne ecclesiasticę immunitatis iura cōculcētur, aut negligātur, sed maneat in suo robore, & si quid a-

miserint reassumāt. in eodēque §. dicēs se aliquos casus de nouo excepturū vltra eos qui iure excepti sunt, hoc ipso probat, firmātque omnes casus in iure exceptos. & §. 5. moderatur, ne abstrahere licet vltra casus in iure expressos.

Tertiō dico ius antiquū quoad casus à priuilegio immunitatis exceptos hac cōstitutione auctū esse, aliis de nouo exceptis casibus; id enim Pōtifex expressē promisit §. 4. & §. 6. executus est, excipiēs aliquos de nouo casus, tollens omnē quæ erat apud aliquos de aliquibus eorū dubitationē, expressē enim excepit grassatores viarū, qui fortasse sub nomine publici latronis cōtinebātur, expressit, & homicidiū proditoriū per insidias, de quo dubitabāt aliqui, aliis sensibus dispositionē c. 1. de homicid. interpretātes. Expressit casum assassini, qui nō erat vique ad cō clarus in c. 1. de homicid. lib. 6. expressit crimē læsæ maiest. in personā Principis, quod antiquo iure immunitate habebat, expressit crimē hæresis.

Ad primam rationem partis affirmatiuæ respōdeo ex nostra tertia ratione in contrariū adducta n. 7.

Ad secūdā quæ nā reducat ad vniuersalem regulā, pater ex dictis n. 9. & 11. Ad tertiā patet ex dictis n. 12. reuocat enim solū indulta quatenus plures quā hīc expressos casus continent, nō autē iura hinc colligo si quis contendere omnino velit in nullo alio casu reos carere immunitate, praterquā in his octo hac cōstitutione expressis, facilius id obtinēturū, negabo esse in iure nullū aliū exceptū casū, quā cōcedēdo aliquos alios exceptos, qui in hac cōstitutione reuocētur, repugnat enim verbis, mentique totius huius cōstitutionis dicere aliquos in iure expressos casus in ea reuocari.



*An casus consuetudine obseruati extrahendi reos de Ecclesiis hac constitutione non expressi intelligendi sint per eam reuocati.*

## CAPVT VIII.

**C**ONSTAT in aliquibus casibus solere reos extrahi de Ecclesiis qui vel non ita certi sunt in iure, vel nullatenus in eo excipiuntur, vt tota eorum vis in consuetudine ponenda sit, vt idcirco necesse sit plerumque inspicere, an eo loco vbi eiusmodi casus acciderint, vigeat ea consuetudo.

Ac primum quidem suppono non vsque adeo exstetisse huiusmodi consuetudines, sicut aut toto Christiano orbi, aut alicui orbis parti imposuere Doctores aliqui, dicentes immunitatis ecclesiasticæ priuilegium in desuetudinem abiisse, parum habere virium; parum seruati, sicut falsò imposuit Nicolaus Maron. in *tract. de fide, renga, & pace* q. 103. n. 10. post Paulum Castrensem, & Berbet. Id in hac ipsa constitutione non semel conuincitur. Nam quòd multi seculares principes petierint priuilegia, & indulta ad extrahendos de Ecclesiis reos in certis casibus in iure exceptos, & ad extrahendos per se, ac propria autoritate, signum euidentis est ac necessarium vigentis, atque in suo robore permanentis immunitatis, quæ si in desuetudinem abiisset, non erat cur eiusmodi indulta peterent. Deinde quale illud est quod idem Pontifex testatur §. 1. plerisque in locis ipsosmet laicos prædictis indultis, vt noluisse,

propterea quòd populis inueteratz erga Ecclesias reuerentiæ assuetis scandali occasionem præbuisset: vigeat ergo inueterata erga Ecclesias immunitatem deuotio, & nostra ætate vigeat Pij ac Sixti V. temporibus, quando eiusmodi indulta concesserunt, & ita vigeat vt timendum fuerit, ne ex indultis ab ipsa Apostolica sede concessis scandali occasione acciperent, quod est insignis cuiusdam reuerentiæ, & singulariter obseruatæ immunitatis euidentis argumētum. Tertio si tantus fuisset immunitatis abusus, non erat cur se restringeret in hac constitutione Pontifex ad eos, qui ex indultis orti essent, sed vniuersè omnibus prouidere, & restituendæ Ecclesiarum immunitati operâ dare debuisset. Demum plerisque de iure non certò constat debere ad immunitatem admitti, quos tamen consuetudine recipi certum est. Cum enim Ecclesiis non consecratis ideo dicatur competere immunitas *c. Ecclesia, de immunit. Eccles.* quia in eis diuina officia celebrantur, inferebant nonnulli à contrario sensu, illis, quibus diuina non celebrantur, immunitatem nullam deberi, faciebat eis ratio prædicti textus; quibus tamen competere de consuetudine immunitatem testatur Clar. in *sua pract. vers. quæro si constructa*, ex Remigio fol. 15. & Bonif. & contra simplices fures, qui de iure immunitatem habent, alicubi propter magnam furum copiam de consuetudine ab immunitate excluduntur. Hoc ergo iactò fundamento non venisse immunitatem in desuetudinem, sed extrare de ea iura intacta, rationabilisque consuetudines, videndum est sintne eiusmodi consuetudi-

fuetudines, præsertim quoad exce-  
ptos per eam casus, vel hac ipsa con-  
stitutione, vel aliquo alio iure reuo-  
catæ.

1. Prospet Fatinac. 1. parte criminal.  
q. 18. n. 74. cõtra huiusmodi consue-  
tudes, quæ casus aliquos excipi-  
unt, duo dicit. Alterum est in Conc.  
Trid. sess. 1. §. de reformat. c. 10. innoua-  
ri sacros canones, omnia generalia  
Concilia, necnon & Apostolicas  
sanctiones in fauorem personarũ  
ecclesiasticarum, ac libertatis ec-  
clesiasticæ, contra eiusdem libera-  
tis violatores editas, ac præcipi ab  
omnibus exactè obseruari. Quæ in-  
nouatione contrariæ consuetudi-  
nes videtur omnino reuocari. Alte-  
rum est in hac ipsa nouissima con-  
stitutione sine dubio eidem consue-  
tudinibus esse derogatum: propterea  
quod in ea immunitatis eccl. priui-  
legiũ confirmatur cum decreto ir-  
ritante, aliisque amplissimis insoli-  
tis clausulis.

2. Ego verò quod ad Conc. Trid. at-  
tinet valde probabile esse puto,  
quando legè aliquam statuit reuo-  
cando contraria, aut iura obsoleta  
renouat, reuocare ac tollere omnino  
omne contrariã consuetudinẽ tã ge-  
neralem, quàm particularem cuius-  
libet loci. Propterea quod cum in-  
terfint Conciliis generalibus ex o-  
mnibus prouinciis Episcopi, ac Præ-  
lati, præsumuntur notæ Concilio  
consuetudines singulorum locorũ.  
Vnde & indicare debemus eas om-  
nes, cum contrarium decernitur,  
& cognitæ & posthabitas fuisse,  
quarum ignorationem causam esse  
diximus, cur lege Romani Pontifi-  
cis reuocatæ non censeantur. Dixi  
autem id esse probabile, quoniam  
non est omnino certum eo ipso re-  
uocari, etiã si non fiat expressa ca-

P. Garbæ. de immut. Eccl.

rum reuocatio. Nam fieri potest vt  
non referant singuli ad vniuersum  
Concilium suorum locorũ consue-  
tudes, arque ideo magna Conci-  
lij pars eas ignoret. Secundo dico nõ  
intendisse eo loco Concil. Trident.  
reuocare rationabiles locorum con-  
suetudines, neque vniuersales, neque  
particulares, tum quia si intendisset,  
expressisset, vt aliis in rebus fecit, tũ  
quoniam hortatur Principes, vt ipsi  
reuocent, ac deducant suos subditos  
ad debitam erga clerum, & superio-  
res ordines reuerentiam, atque vt  
non permittant aut Ecclesiæ, aut ec-  
clesiasticarum personarũ immunita-  
tem violari: seruare autem consue-  
tudinẽ rationabilem, etiam con-  
trariam iuri immunitatis, nõ est im-  
munitatem violare.

Tertio dico, quamuis eo loco 4.  
Conc. Trident. intendisset omnes  
immunitati contrarias rationabi-  
les etiam consuetudines abrogate, si  
de facto eadem cõsuetudines vsque  
hodie seruarentur, ståndũ illis esse;  
si enim post Conciliũ fuerũt vsque  
modò cõtinuatæ, cessat illius decre-  
ti vis per non receptionem, & non  
vsum, & toletantiam tot anno-  
rum.

Si verò de præsentì constitutio-  
ne queramus an per eam reuocati  
sint casus, qui de consuetudine ca-  
rent immunitate, miror, vt verum  
fateat, Fatinacij sententiam. nam &  
in illo c. i. de cõstitutionibus in 6. expres-  
sè constitutum est particulares lo-  
corum consuetudines nono iure nõ  
reuocari, nisi expressã fiat earũ re-  
uocatio; in hac autem constitutio-  
ne illud irritans decretum §. 11.  
cum amplissimis illis clausulis, quas  
dicit Farinac. nuspiam repetitur vl-  
lam facere cõsuetudinis mentionẽ,  
sed priuilegiorum tantũ atque in-  
dulto

Xx

dulto

dultorum, quod & per totam constitutionem passim fit, præsertim verò §. 5. & 11. ut non opus sit in re tam clara vlla probatione, sed solum nuda, attentæque textus ipsius lectione.

6. Illud addo, id quod de casibus in iure expressis, quorum nulla in hac constitutione fit mentio, dictum est, locum habere etiam in casibus de consuetudine exceptis, eos non modò non esse abrogatos, sed potiùs confirmatos, ac stabilitos. Cum §. 4. promittit Pontifex se vltra eos casus quos sacrorum canonum norma, & maiorum nostrorum disciplina seruauit, aliquos alios casus de nouo additurum; sicut confirmat canones, sic etiam disciplinam maiorum, id est, consuetudinem maiorum, siue lege seruari solitam, quæ admodum lib. 2. in expositione illius §. in gl. 1. exposuimus, cui dispositioni fauet verbum *prescripserat* in fine positum, quod ad vtrumque præcedentium referendum est, non enim modò canonum norma, sed etiam maiorum disciplina, atque consuetudo præscripserat casus aliquos, in quibus rei ab immunitate excluderentur.

*An ampliaciones iuris facta per communem consensum doctorum ad casus non ita clarè in iure expressos hac constitutione reuocentur.*

#### C A P V T IX.

1. **D**V o ampliacionum genera fi-  
eti per doctores in hac immunitatis materia consueuerunt. Vnù quidem fauore immunitatis, eam ampliando & extendendo, ut in c. *Ecclesia* dictum est, Ecclesias non consecratis, in quibus diuina celebratur,

habere immunitatem ratione diuinorum quæ ibi celebrantur, extensum est per doctores etiam ad Ecclesias, in quibus diuina nondum celebrantur. Itè extensum est ad sacerdotem portantem sacratissimam Eucharistiam. Alterum verò genus ampliacionum fauore boni publici contra immunitatem eam restringendo, & non exceptos in iure casus excipiendo; quomodo nomen publici latronis, de quo in c. *inter alia* extenditur ad simplices fures, qui sæpe furantur, & mutilantes, vel occidentes in Ecclesia, extenduntur ad omnes ex proposito atque industria graue aliquod delictum in Ecclesia committentes, ut superius aliquando tetigimus, & infra fusiùs disputaturi sumus in hoc ipso lib. De his extensionum generibus dubitari potest non modò de iam factis hætenus per doctores, sed etiam de faciendis, nempe an liceat facere de nouo aliquas huiusmodi ampliaciones, & vtriusque generis extensiones; de factis verò an sint præsentì constitutione reuocata.

De ampliacionibus faciendis Co-  
uart. lib. 2. *variar. resol. c. 20. n. 4.* fauore quidem immunitatis ad eam ampliandam ad casus in iure non expressos extendi vetat: contra immunitatem verò ad eam restringendam potiùs excipiendos ab ea per huiusmodi ampliaciones casus non exceptos, vel loca, &c. suadet & probat. Quòd vir de sancta Ecclesia benemeritus, ecclesiasticus & in dignitate ecclesiastica constitutus, & S. Dominici Archiepiscopus designatus, nò odio immunitatis Ecclesiarum sensit, aut dixisse cõsedus est, sed odio delictorum, & fauore boni cõmunis, ut ipsemet declarat. Vidit enim ex-  
creuisse

creuisse in immensū sanctorum Ecclesiarū numerū, & per earū cōmoditatē frequētiora delicta, & tanquā supremi Consilij Hispaniarum Præses vidit quanta in rem publicā dāna his calamitosīs tēporibus per eā occasionem irrepererint, atque ideo sūmopere fauere se sanctæ Ecclesiæ existimant, eius immunitati minus hac in parte fauendo. His piissimis verbis expressit: *Præcauendū est, ne hisce temporibus canones ipsos extendamus, cum oporteat audaciam reprimere reorū, qui passim crimina hac freti immunitate cōmittūt.* De ampliationibus verō iuris iam factis per doctores Prosper Farin. in quibusdam allegationibus in scriptis exhibitis in causā quorundam Pannonitarum, de quibus infrā, in responsione ad quartā dubitationē eū dixisset, præsentem cōstitutionē nō esse ad casus in ea nō expressos extendendā, cōsequenter nō esse admittēdos alios casus etiā per doctores extensos, hanc assignat rationē, quoniā, sicut ex ipsius cōstitutionis procēmio colligitur, sūmus Pōtīfex, qui eā cōdidit, bene nouerat doctorū cōtrouersias, & altercationes, plurēsque & diuersas extensiones & interpretationes sacrorū canonū per eos factas, ac inde plures etiam inductas consuetudines, seu potius abusus, indulta & priuilegia in præiudiciū immunitatis ecclesiasticæ. Demū eō excreuisse secularis iurisdictionis audaciā ut immunitatē hanc in desuetudinē abiisse complures testati sint. Hinc cōcludit præsentē cōstitutionē editā esse ad tollēdos istos varios intellectus, extēdiones, abusus, & quæuis alia priuilegia eidē iurisdictioni præiudicantia. quæ cōstitutio cū specificet, inquit, determinatos casus, in quibus delinquētes extrahi

de Ecclesia possint, non est ad vllos alios casus extendenda.

Ego verō vehemēter miror, quōd<sup>2</sup> vir iste alioqui perspicax & peritus nō animaduertit, quōd nō doctorum, sed indoctorum controuersias, & altercationes, non iurium, sed indultorum diuersas extēdiones, & interpretationes sūmus Pōtīfex sibi notas etiā in procēmio proponit, atque illi indultorū, nō iuriū extensionibus prouidere statuit, ut patet intuēti. Has indultorū extēdiones factas per homines iuris imperitos pro suę libito volūtatis Pōtīfex abrogare intēdit, nō autē extēdiones iurium factas per communem doctorum consensum.

Neque verō probare possum id, quod ibidē Farin. subdit, extensionibus & interpretationibus per eosdē doctores factis inductos esse abusus in præiudiciū immunitatis; nō enim abusus, sed rationabiles cōsuetudines dicēdę sunt quæ in cōmuni doctorū interpretatione fundatę sūt: ut enim doctorū cōcōrs sētētia suis interpretationibus immunitatis iura ampliavit, cū opus fuit, ita & restrinxit etiā prudēter cū opus esse iudicauit. Neque verō quicquid aliquātulū immunitatis iura restrinxit, id statim præiudiciāle cēsendū est, nisi irrationabiliter, & absque vlla causā multū restringat. Immunitatis enim iura nō sūt similia ceteris, sed in quodam equilibrio cōseruanda sunt, propterea quōd si amplientur favore Ecclesiarum, facile fauetur delictis, si restringantur odio delictorum, facile Ecclesiis detrahitur. Atque ideo sapiēter doctores dū ampliatio nō faueret delictis, ea ampliārūt, vbi aduertēt eorū amplitudinē fauere delictis, ea restrinxerūt, in eo prudēter piēque laborādo, ut modō in hanc,

modò in illam partem suis expositionibus, & interpretationibus inclinando; ea in prædicto æquilibrio, prout temporum ratio postulat, conseruarent. & hoc diligenter notandum, & memoria retinendum est. Hinc factum est vt admittantur communiter datæ per doctores modò ampliationes, modò restrictiones, faciunt enim iura pro loco & tempore vtilia, plausibilia, facilia, quæ his sublati essent aliquando nimis grauias, & impotabilia, aut etiam perniciosas. Aded vt ex his ipsis doctorum ac sapientum interpretationibus moueantur Romani Pontifices ad iura ipsa pro temporum ratione mutanda. Neque enim potest legislator casus omnes tanquam homo, omniaque euentus præuidere, etsi Spiritu sancto ducitur, neque Spiritus sanctus omnia simul communicat, dictaturque illi, sed successu temporum multa reuelat, inspirat, docet, vt humano modo in humanarum rerum administratione, ac mutabiliter in mutabilibus procedat. Neque verò rationabile erat potestatem moderandi, restringendi ampliandique quoquo modo iuris in solo legislatore constituere, qui neque perpetuò viuere, neque locis singulis semper interessere potest, & ad quem persæpe recusatus propter locorum distantiam, pericula itinerum, expensarum multitudinem haberi non potest. Quare nullum commodius remedium adhiberi potuit, quam vt peritorum, prædentium, præbitorumque interpretum iudicio res tota committeretur, vt illi interpretari, ampliare, restringere, tanquam priuatis hominibus interpretando liceret, & id in quod multi eorum consentirent, ratum firmumque apud ceteros esset,

seruata tamen semper integra legislatori potestate, aut probandi auctoritativè, quæ ij senserint, dixerint, statuerint, aut omnino improbandi. Accedit primò quod doctores non temere consueverunt suis interpretationibus iura ampliare, aut restringere, sed firmis rationibus confirmare, siue ex alio iure petitis, siue ex naturali æquitate, siue ex cõmunis boni necessitate, siue ex facti circumstantiis, vnde & grauiter non raro solent inter se concertare, & alter alterius rationum momenta ponderare, nec remissius rationibus pro veritate, quam solcant milites pro vita concertare. Accedit secundò qualitas personarum quæ ecclesiastica iura suis interpretationibus ampliare, aut restringere consuevit. fuerunt enim pænè omnes ecclesiastici, non modò ordinis, sed & indiguitate ecclesiastica constituti, qui propterea parati essent pro Ecclesia sanguinè, si opus fuisset, profunderè. Felinus Sandæus fuit sacri Apostolici palatii auditor. Guido de Bayfio, & Io. ab Anania ambo Archidiaconi Bononiensis Ecclesiæ. Io. Antonius à Sancto Georgio primùm Mediolanensis Ecclesiæ Præpositus, deinde S. R. Ecclesiæ Cardinalis Alexandrinus. Io. Monachus, Henricus Hostiensis, Zabarella, Nicolaus à Tudeschis, Abbas Siculus nuncupatus, omnes Cardinales, atque vltimus etiam Archiepiscopus fuit Panormitanus, cuius ossa in Panormitana cathedrali Ecclesia thesauri cuiusdam loco matremore sepulchro cõdita asseruatur. Didacus à Legua Couatruvias Archiepiscopus S. Dominici. Martinus ab Azpilcueta Nauarrus sacrosdotissimus pariter ac piissimus, omni virtutum genere venerandus,

Simone Sini

Sinibaldus Fliscus Cardinalis S. Laurentij in Lucina, qui postea ad summum pontificatum assumptus Innocentius I V. dictus est, & in ipso summo pontificatu scripsit apparatus in quinque libros decretalium, quem tanquam magistrum propter insignem eius eruditionem in magno semper honore ceteri doctores habuerunt. innumeros pænè alios sciens prudensque prætereo, ne longior sum. Hos ergo ecclesiasticos viros, sanctæque Ecclesiæ ministros, ac propugnatores, qui ecclesiastica iura defendendo, seipsos suasque iurisdictiones proprias defendebat, præsumendum non est aut Ecclesiæ immunitati temere detrahere suis interpretationibus voluisse, aut potuisse, usque adeo tangebatur eos Ecclesiæ zelus, sed ipsius immunitatis & Ecclesiæ bono eam limitasse, aut restrixisse, sicut eandem, quando ratio temporum tulit, ampliarent. Hinc ipsemet Farinac. in 1. parte. suorum criminal. q. 184. ex propriis loquens, & non in alicuius clientis gratiam frequentissimè recipit, nobisque recipiendas tradit communes doctorum opiniones circa hanc immunitatis materiam, restrictiones ampliationesque, unde hæc mihi videntur de tota hac materia dicenda.

3. Primùm quoad extensiones, ampliationesque iuris immunitatis in posterum faciendas dico, quandiu præsentium temporum status ita perseverabit, ut nunc est, qualè Pontifex §. 4. præsentis constitutionis describit: præsentium temporum calamitas, & nimia, quæ iam inualuit, peruerforum hominum malicia id exposcit, abstinemus, ut egregiè Couarruuias sentit, ab omnibus ampliationibus, & extensi-

onibus iuris immunitatis, Romanumque Pontificem in ea moderatè ac rationabiliter restringenda imitemur. Quo consilio sanctæ Dei Ecclesiæ me fauere certò mihi persuasum, propterea quòd dubitate non possum magis illi cordi esse Reipublicæ pacem, populorum quietem, vitiorum extirpationem repressa tanisper immunitate Ecclesiæ, quam ea ampliata magnâ reipublicæ totius perturbationem, quousque hæc effrenata hominum in peccando licentia comprimatur. Cum præsertim ius compescendi peccata, conseruandique pacem & quietem, reipublicæ naturale sit, cui omnia humana iura non modò ciuilia, sed etià canonica cedunt. Quòd si aliquando tempora morèsvē hominum in melius (ut vehemèter opto) commutentur, si præca illa morum disciplina, sanctæ Dei Ecclesiæ restituatur, tunc erit de ampliandis immunitatis iure cogitandum. Aut fortè ne tunc quidem cogitandum; ne per eius ampliatiōnem denuo in hanc ipsam, quam deploramus, peccandi licentiam relabamur.

Secundò de ampliatiōibus iam factis per doctores certum atque indubitatum esse debet, nullam earum esse præsentis constitutione reuocaram, sed idem omnino robur habere quod antea semper habuerunt. Probat, quoniam in tota hac constitutione nullum omnino est verbum quod huiusmodi doctorum ampliatiōibus, aut restrictionibus detrahar. Quod enim dicitur in §. 5. & ex causis urgentissimis, ac necessariis & equipollentibus casibus in iure expressis, atque ex paritate, identitate, aut maiori rationis extensio, perpetuo, vel ad certum tempus, &c.

X x 33. aperit

apertè apparet de extensione facta per indulta Apostolica, quæ reuocatur, vt ipsa verborum series ostendit. Cùm enim dixisset initio, *Hac itaque perpetuè valitura constitutione omnia & singula indulta & gratias tã per Sixtum, ac Pium, &c. tandem interpositis omnibus aliis, & iis ipsis verbis, quæ retulimus, ex paritate, identitate rationis, &c. & ad vitam Principis, aut beneplacitum, seu aliàs quomodolibet concessa. Vbi istud, concessa, coniungitur cum illo verbo longè anteposito, indulta, quo fit, vt quæcunque in horum medio posita sunt, ad indulta pertineant, nullaque omnino fiat extensionum iuris reuocatio, factarum præsertim ex causis vrgentissimis, atque ex paritate, identitate, aut maioriore rationis.*

*Cur Pontifex additurus hac constitutione novos casus, præter eos qui in iure habebantur, non numerauit omnes casus in iure expressos, sed aliquos tantum.*

## CAPVT X.

1. **V**IDEATUR debuisse Pontifex omnes casus in iure expressos numerare, non aliquos tantum, vt certò nobis per hanc constitutionem constaret de omnibus, nec teneremur dubitare, num alij in iure expressi, qui in ea non numerantur, vim habent suam, nec inquirere, qui illi sũt, cùm præsertim dilucidam declarationem promittat, omnemque dubitandi occasionem tollere profiteatur. Si enim hoc fecisset, non tam multa dubia passim orirentur, non tot quotidie rumores excitarentur.
2. Respondeo laudabilem quidem futurum fuisse Pontificem, si id fecisset,

non minus tamen esse laudabilem, quia id non fecit. Neque enim omnem dubitandi, ac rumores excitandi occasionem substitulisset, sed fortasse auxilisset. Nam de casibus in iure expressis, pleræque sunt grauissimæ dubitationes quomodo intelligendi sint, quo sensu, num ampliandi, aut restringendi, quæ expositio probabilis sit, aut improbabilis, quæ interpretatio sit communi, quæve magis communi doctorum calculo recepta, quæ verò vsu, ac consuetudine probata, aut improbata. Demum quas dubitationes, ac difficultates circa casus in iure exceptos & in hac constitutione expressos experimur quotidie, easdè, ac fortè maiores circa alios in iure exceptos experiremur, si eos in eadè constitutione expressisset, vt dubitandum sit, consultiusne fuerit eos prætermisisse, quàm expressisse.

Dices, si ita est, cur aliquos quidem expressit, & non potius omnes prætermisit, aut cur hos potius expressit, quàm alios. Peractura sanè interrogatio, & responsione digna. Pro cuius declaratione aduertendū est, casus aliquos in iure expressos esse clarissimis, atque apertissimis verbis, cuiusmodi sunt, publicus latro, nocturnus depopulator agrorum, qui homicidia, mutilationesque membrorum in Ecclesiis, ac cœmeteriis committere non verentur, homicidium per industriam simul & insidias, seu proditoriè commissum. Aliquos verò casus esse exceptos subobscurè, vt est casus clerici occidentis clericum, vel sacerdotem, casus occidentis homines ex præmeditata animi deliberatione, seu apostatè sine insidiis, casus extrahētis aliquem de Ecclesia per vim in casibus nō concessis, casus violentis Ecclē

Ecclesiam, incastellantium Ecclesiā. De his posterioribus casibus plerique dubitant, an excepti sint à privilegio immunitatis, an vsu recepti aliquando fuerint, & modò sint. His positis,

4. Respondeo Romanum Pontificem numerasse hoc loco eos casus, qui clarè in iure excepti sunt, & de quibus nemo dubitat, eos esse in iure exceptos, reliquos verò non ita clarè exceptos prætermisisse, vt qui clarè excepti erant, æquè clarè excepti maneant, & iis alios qui excepti in iure non erant adderet, reliqui qui clarè excepti non erant, manerent in eodè in quo erant gradu, aut obscuritatis, aut dubietatis, neque vllam ex hac constitutione maiore, aut certitudinē, aut auctoritatem consequerentur, ne nimium certos expressos casus multiplicaret. quos etiam ne, sicubi fortè vsu recepti essent, minuerent, nihil de eorū auctoritate detraxit. Octo igitur sunt vniuersè casus clarè excepti, quos vbique ab omnibus recipi necesse est, quorū si quis alicubi defuetudine iam euauisset, virtute præsentis constitutionis renouauit. cæteri locum habent, vel non ita certum, vel vbi non sunt per contrariam consuetudinē, seu per non vsum obsoleti.

5. Hanc eandē ob causam cum circa casus aliquos in iure expressos, quos hic recenfer, aliquid esset cōmuni doctorum consensu receptum, & vsu, atque consuetudine inductum, vt potuerit eodem modo hac lege exprimi, nihilominus id non fecit Pontifex, sed ita vt in iure iacet, iisdem prorsus verbis id expressit, ne quid de nouo ad illos ipsos in iure clarè exceptos casus adderet, sed ius ipsum, ita vt antè

erat, innouans, cæteris nullam nouam auctoritatē impertiretur. Exēpli gratia, casus clarè exceptus est *in c. fin. de immun. Eccles.* ergo excipiuntur ab immunitatis privilegio, qui homicidia, & membrorū mutilationes in ipsis Ecclesiis, seu cœmeteriis committere non verentur. Concors doctorum sententia id ampliat ad omne graue delictum in Ecclesia commissum, quod vsu etiā receptū est. Poterat Pontifex id hac cōstitutione de omnibus delictis in Ecclesia commissis exprimere, non tamen fecit, sed iisdem verbis expressit, tum ne iuris infallibilem auctoritatem in aliis delictis impertiret, tum, vt sicubi fortè hæc doctorum doctrina, aut consuetudo recepta non est, ex vi iuris recipienda non sit, voluit enim aliquos casus de nouo ad ius addere, sed noluit tā multos: imitatus in hoc Innoc. III. *in c. inter alia*, qui ex casibus antiquiore iure exceptis vnum numerauit publici latronis, qui exceptus erat *in can. sicut antiquitus 17. q. 4.* & adiecit de nouo casum nocturni depopulatoris agrorum, prætermisiss casibus non ita clarè exceptis *in can. nullus clericorum, in can. frater, & in can. ad Episcopos, eadem causa & q.* Adde quòd cum in narrativa *d. c. finalis de immun. Eccles.* expressum esset quòd in Ecclesiis homicidia cōmitterent, sperantes per Ecclesiā defendi, de qua spe veniæ nulla in dispositiua eiusdè capituli mētio fiebat. Vnde multa orta erat disceptatio de hac spe veniæ, Pontifex hoc loco nulla habita ratione narratione, sed solā dispositiuā attendēs, nulla facta de huiusmodi spe veniæ mētionē, omnē abstulit de ea disceptationē, vt siue ea spe, siue absque ea homicidia



cidia, & membrorum mutilationes in Ecclesiis, aut cœmeteriis committere non verentur, ab immunitate excludantur.

## PARS SECUNDA.

*De tribus primis casibus à priuilegio immunitatis exceptis. publici latronis, grassatoris viarum, ac depopulatoris agrorum.*

**R**ESOLVTIS casibus, qui siue solo iure antiquo, siue ex consuetudine immunitatis priuilegio carent, postulat ordo doctrinæ, vt ad casus hac constitutione exceptos accedamus. Ac primis §. istius verbis proficitur Pontifex se de solis laicis ad Ecclesias confugientibus loqui: de clericis enim vniuersisque ecclesiasticis personis paulo pòst dicturus est: non quòd soli laici in his casibus ab immunitatis priuilegio excludantur, sed quia ij soli, si hæc verè commisisse conuineantur, seculari curiæ tradendi, & consignandi sunt; de clericis verò ac personis ecclesiasticis, imò & de laicis, in ecclesiastica causa iudex ecclesiasticus debet cognoscere, vt posteriùs dicetur. Verba constitutionis sic habent: *Vt laicis ad Ecclesias locaque sacra & religiosa prædicta confugientibus, si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur, aut depopulatores agrorum.*

*De primo casu ab immunitatis priuilegio excepto, hoc est, de publicis latronibus.*

## CAPVT XI.

**P**UBLICI latrones primo loco numerantur ab immunitatis priuilegio excepti, vt qui omnium antiquissimi, ac primi immunitate caruerint, nam ij primi excepti fuere antiquissimo iure decretorũ, quorum exceptio cum ipso immunitatis iure nata videtur. Nicolaus enim primus *can. sicut antiquitus* 17. 94. excludens hos ab immunitate testatur, sic statuere, sicut antiquitus à sanctis Patribus statutum est, vt non sit ipse primus author, sed antiquitus id à sanctis Patribus acceperit. iidem excepti primo loco fuere *in c. inter alia, de immunitate Eccles.* recentiore iure decretalium, ac demum primo quoque loco in hac nouissima constitutione excipiuntur; quòd aded atrox, & immane, aded vniuersè reipublicæ perniciosum sit hoc delictum, vt omnia iura antiquissima, media, nouissima cõtra id clament, ac septingentis, (& multo amplius) annis clamare non desinant. Nam Nicolaus, qui antiquitatem recenset, Pontificatum gessit circa annum octingentesimum sexagesimũ: circa annum millesimum ducentesimum clamare cepit Innocentius III. paucis ab hinc annis clamat hac constitutione Gregorius XIV. & nos clamemus pelli de Ecclesiis publicos latrones. His nouissimè in hac constitutione additi sunt secundo loco grassatores viarũ nunquam antea sub hac voce expressi. Tertio loco numeratur depopulator agrorum, qui etiam iure decretalium *in c. inter alia* exceptus est. Sunt autem tria latronum genera, furtis, seu potius, latrociniiis deducta.

Vide

2. Videtur autem mihi illud primo loco obseruandum, publici latronis nomen, & generis, & speciei vicem subire, & aliquando quidem generis, aliquando verò speciei loco poni. Genus esse puto ad has tres species, seu latrocinandi modos, ad publicum latronem, ad viarum grassatorem, ad depopulatorem agrorum, ut siue publicè latrocinetur, siue grassetur vias publicas, siue depopuletur agros, publicus latro sit. Quo modo genericè ad has omnes species putandum est usurpatum fuisse à Nicolao primo in canone illo, sicut antiquius; ubi sub hoc nomine hos omnes ab immunitatis iure excludi non dubito. Pressius usurpatum est idem nomen in *c. inter alia*, quatenus & publicum latronem & grassatorem viarum complectitur. Pressissimè, ac strictissimè pro vna sola specie in hac nouissima constitutione, in qua hæc tria tribus diuersis nominibus exprimuntur, publicus latro, grassator viarum, & depopulator agrorum, ut cum hæc tria delictorum genera ab initio immunitate caruerint, non ita tamen clarè, atque expressè singula clariùs postea expressa sint, sicut in §. 6. tetigimus lib. 2. in glossa 2. prope finè.

3. At cum publici latronis nomen genericè sumimus, non accipimus publicum latronem, qui publicè, & coram omnibus furatur, sed qui in publico furatur loco. Nam & depopulator agrorum, qui exprimitur in *c. inter alia*, nocturnus, & consequenter clandestinus latro est, & viarum grassatores, qui viatores ex insidiis aggrediuntur, plerumque de nocte & obscuro tempore id faciunt, iuxta illud Poetæ,

*Us ingulens homines surgunt de nocte latrones.*

*P. Gambac. de immunit. Eccl.*

Horat. lib. 1. epist. quanquam nonnunquam tanto numero vniuntur, & aded armis sūt instructi, & equis, ut liberè etiam de die debacchantur in viis publicis, & hostiliter opida innadant, ac deprædantur.

Accipiendo autem publicum latronem specificè prout à grassatore viarum atque ab agrorum depopulatore distinguitur, difficile est assignare quis propriè publicus latro dicendus sit: nam in *c. inter alia*, cum publicus latro, à grassatore viarum non distinguebatur, Clar. in pract. crimin. §. fin. q. 30. vers. quæro nunquid, generaliter publicum latronem declarat, vocando eum latronem viarum. Covarr. lib. 2. var. resol. c. 20. n. 13. vers. decimonono, oportet, ait, publicum latronem esse eum, quem famosum ciuilia iura appellant, cuius meminit Iureconsultus in l. capitalium. §. famulos. ff. de pœnis, qui in eadem l. §. grassatores, grassator vocatur. gl. in *c. inter alia*, in v. nisi publicus latro, eos intelligit, quos cuique impune licet occidere. l. 1. Cod. quando liceat cuique sine iudice se vindicare, & famulos, de quibus in d. l. capitalium. §. famulos. Panormitanus in d. *c. inter alia* n. 20. explicat, dicens, isti qui stant in stratis publicis ad consuetudinem lotrocinandi.

Mihi videtur, ut distinguamus publicos latrones à viarum grassatoribus, dicendum publicos latrones esse, qui in stratis publicis cum armis prædas agunt, ac per vim spoliant bonis suis, quos reperiunt, nõ tamen ex insidiis, neque cum stratarum obsessione; præsertim verò si aliàs de hoc crimine in iudicio semel dånati, id denuo cõmittunt: sunt enim latrones quia per vim, & cum armis spoliant homines rebus suis; sunt publici latrones, quia in publi-

Y y cis

cis stratis latrocinantur. Ad latrocinium enim requiri vim, patet per textum *Auth. sed nouo iure. Cod. de seruis fugit.* ex eo autē quod in strata publica id facit, publicū esse necesse est; præsertim verò si postquā semel fuerit de hoc crimine per sententiam damnatus, id denuo cōmittat, quia tunc publicum facit ipsa notorietas iuris, quæ oritur ex priori sententia, qua de eiusmodi latrocinio condemnatus fuit. Neque enim minus publicum facit notorietas iuris per sententiam, quā faceret notorietas facti si publicē coram multis hominibus latrocinatus esset. De his videtur esse in iure ciuili expressus textus in *l. capitalium. d. §. grassatores.* Vbi duo distingui videntur genera grassatorum, alterum eorum, qui in itineribus publicis cum armis assistunt, stratasque obsident, atque homines illuc accedentes aggrediuntur, ac spoliant; alterum eorum, qui frequenter, seu non semel homines cū armis aggrediuntur, ac spoliant, non tamen stratas obsident, neque in eis assistunt. Hæc duo genera obseruat Couart. *lib. 2. var. resol. c. 9. n. 7.* Prior latro propriē dici potest grassator viarum, posterior verò publicus latro: saltem cū post sententiā condemnatoriam ad latrocinandum reuertitur.

5. Antonius Gómez *tomo 3. variar. resol. c. 10. n. 2.* nulla facta mentione armorum, ait fures, si plura furta commiserint, famosos latrones fieri, atque ideo extrahi debere de Ecclesia si ad eam cōfugiant: quam sententiā Farin. *1. parte criminal. q. 28.* testatur esse communē Doctōrum in *Auth. sed nouo iure. Cod. de seruis fugit.* quo loco idem sentit gl. quin & Clai. *lib. 5. sententiarum, in §. Furtum,*

*vers. scias tamē,* idem omnino sentit, furē, qui furari consueuit, esse famosū latronē, & in hoc proposito plurafurta dicūtur tria, & sic qui tertio in furto deprehenditur, dicitur famosus latro, & punitur extremo supplicio. Ego verò quicquid sit in ordine ad supplicium, certē in ordine ad priuationē immunitatis nō assentior, etiam si decies furatus sit clam, & sine armis: sine quibus nō videtur esse latro, sed solū fur.

Addit Bald. in *d. Auth. sed nouo iure.* post *num. 3.* idem esse de eo qui cōmisit semel tantū furtū, sed rei magnæ, seu magni pretij dici, nēpe famosum latronem, quod Angel. in *tract. de malefic. in v. & vestem caelestem n. 13.* ait se semel ita practicasse Petrus, cū esset assessor: quam sententiā ex consuetudine iam inuauisse in Hispaniis testatur, Diaz in *pract. criminali can. c. 84. n. 2.* propterea quod vnū furtum magnū multis paruis equialet. Contrariā tamē opinionem communem esse testatur Augustinus de Vbald. inter consilia criminalia diuerforū *consil. 17. n. 21. lib. 2.* & Gregor. López relatus per Don Antonium de Padilla in *l. transigere n. 12. Cod. de transact. & Clar. in lib. 5. sententiarum, §. furtum. vers. sed an pro vno.* Quod mihi valde probatur: vnde si nec in pœna furtū magnū equialet multis, nec pro multis, sed pro primo rātū furto punitur, multo minus carere priuilegio immunitatis si ad Ecclesiam cōfugiat. De his multa dicentur etiam capitulo sequenti.

De secundo casu, hoc est, de grassatoribus viarū, seu strataris.

## CAPVT XII.

• Casus

1. **C**asus grassatoris viarum ab aliis distinctus, hoc primo loco expressus est, qui in *c. inter alia, de imm.* Ecclesie cum reliquis duobus, præcedente scilicet, ac sequente, circumscriptione quadam insinuabatur. Cum enim dixisset ibi Pontifex, *nisi publicus latro fuerit, vel nocturnus depopulator agrorum, subiicit, qui dum itinera frequentata, vel publicas stratas obsidet aggressione insidius, &c.*

2. Ductum est autem grassatoris nomen à grassando. Grassari verò secundum gl. in d. l. *capitalium. §. grassatores ff. de pœnis, in v. grassatores, ex Accursio*, est ad malum niti. Si verò Latine lingue obseruatoribus adhærere voluerimus, grassari est frequenter gradi, sicut 2. lib. §. 6. glossa 3. tetigi. Quoniã autem qui vias armati obsident, & hostiliter aggrediuntur viatores frequenter illas vias, huc, illuc discurrendo gradiuntur, grassari est frequenter gradiendo sæuire. Vnde Callistratus de his sic ait: Grassatores, qui cedes in stratis agunt, si prædæ causa id faciunt, proximos latronibus haberi, vt quamuis ex præcisa ratione nominis, & in bonam, & in malam partem vsurpari possit, vsus iam obtinuerit malam in partem vsurpari: vocat autem eos textus præsentis constitutionis non simpliciter grassatores, sed viarum grassatores, vt ita insinuet malum, eoque ita describit, qui itinera frequentata, vel publicas stratas obsident, ac viatores ex insidiis aggrediuntur, quo loco aduertendum duabus de causis posse istos obsidere publicas stratas, ac viatores aggredi, nempe causa prædæ; & licet rarissime ac pœnæ nuncquã odij causa id ita faciat, vt à prædis omnino abstineat, adhuc tamẽ si ita faceret Ecclesie immunitate careret. Cum neque in capitulo *inter alia*, neque in præseti

constitutione vlla fiat prædæ mentio satisque sit, quod stratas obsideant, viatoresque aggrediuntur.

De his duæ extant præcipue ciuiles leges, vna in *l. capitalium. §. grassatores, ff. de pœnis*, quæ ex Callistrato desumpta est: altera *l. i. Cod. quãdo liceat cuique sine ind.* edita per Imperatores Valentem, Theodosium & Arcadium. Priore lege tria grassatorum genera distinguuntur. Vnum qui itinera frequentata prædæ causa obsident. Alterum eorum qui cum ferro, seu telo aggredi, & spoliare in itineribus instituerunt. Tertium eorum, qui sæpius id admiserunt, atque hoc tertium genus capite plecti, duo priora vel ad insulas relegari, vel ad metalla damnari statutum est. Posteriori verò lege codicis nulla facta distinctione grassatorem cuique impunè occidere permissum est, hoc ipso, quod itinera frequentata insidiis aggressionis obsiderit, vt satis sit obsedis se itinera, quamuis nullum sit per insidias aggressus, nullum spoliauerit, nulli damnum aliquod siue in rebus, siue in persona intulerit, libeta enim cuique facultas datur, vt cùptimùm aliquem repererit itinera frequentata insidiis obsidentem, digno illi co supplicio, nulla expectata iudicis autoritate subiugere, id est, morti tradere; vt is mortem, quam minabatur, excipiat, & ratio adducitur huius tantæ accelerationis. Quoniam melius est occurrere in tempore, quàm post exitum vindicare, & quod seruum est punire iudicio, subiugamus edicto, vt nullus pateat militi cui obuiare telo oporteat, vt latroni; ex qua præcæ acceleratione antequam is malum, quod moliebatur, committat, satis ostendant Imperatores quàm

grauē malum sit, id quod moliūtur, etiam si semel id committant. Hinc oritur dubitatio, an hoc ipsum quod hac posteriore lege Codicis satis est vt grassator possit impunē occidi, nempe solum obsidisse stratum publicam, satis sit etiam ad excludendum ipsum ab immunitate, vt si dū quis illum ad necem insequitur, ad Ecclesiam confugiat, extrahendus sit? Et ratio dubitandi non leuis ex hoc ipso textu desumitur, vbi non simpliciter exprimit solum grassatores viarum, sed subdit, *qui publicas stratas & itinera frequēta obsidēt, ac viatores ex insidiis aggrediuntur*. Respondeo mihi probabilissimum esse, id satis esse, vt immunitas grassatoribus viarum hoc ipso, quod grassatores sunt, id est, publicas stratas obsidēt insidiis aggressionis, denegetur. quod autem viatores ex insidiis aggrediuntur, subditur ad declarandum munus ipsorum, seu finem, ad quē obsident stratas. Quod iude patet quod narratiue hæc omnia exposita sunt per illud relatiuum *qui*, viarum grassatores, qui publicas stratas, &c. non sunt autem posita per modum conditionis; si viatores, &c. Obsidere enim stratas ad substantiam delicti grassatoris pertinet, absque qua obsessione grassator non est: viatores autem aggredi ad eiusdē criminis exercitiū actūque secundum spectat, quod non est expectandum. Secundò probò per text. *c. inter alia*, vbi dicitur qui publicas stratas insidiis aggressionis obsident. Multo magis priuādi erunt immunitate, si solum aggrediuntur viatores in stratis publicis, antequā stratas obsideant. v.g. si dum ad obsidendum stratas eunt, antequam ad locum quem voluit obsidere, vel statim, atque illuc per-

ueniunt, antequam insidias disponunt viatorē offendūt, inuadūt, spoliānt. quia iā opere exequuti sunt quod parabāt. Neque verò de hoc licet dubitare, si enim non carēt immunitate tanquam grassatores, certē catere debent tanquam publici latrones.

Quæres, an sint necessariæ insidiae ad crimen grassatoris, sed communiter adesse videmus, & necessariò pænē adesse, si enim publicē starent armati in stratis, nemo auderet illac transire, abscondunt autem se in memoribus, in speluncis, in aliis obscuris, abditisque locis, vt inde egressi inuadant incautos. Cōtingit autē aliquādo huiusmodi stratarios adedò magno numero esse simul vnitos, adeoque bene instructos omni armotū genere, vt electo sibi duce, ac cæteris ministris subordinatis aperto cāpo discurrant, hostiliter omnia vastantes, multa mala faciētes in stratis publicis, innadētes etiā de die oppida atque vrbes non clausas muris, & inibi sæuientes, & hostiliter se getentes. De his respondeo multo magis contineri sub nomine grassatorū: vidētur enim pessimum quoddam grassatoris genus, vt quod alij per insidias faciunt, ij potētia, apertoque bello exequantur. supplēt enim arma, & potentia insidiarum locum, vt quāuis velint non possint homines ab his sibi cauere, & eorū damna declinare.

Et quoniam regnum hoc nostrū insula est, magnaue pars itinerum mari fieri solet: neque verò socordes fuere latrones in excogitandis artibus, quibus etiam vias maritimas obsiderent, ac viatores, nauigantes nauiter facientes suum, ex insidiis aggredierentur. Dubitari merito potest, sint ne etiā isti grassatores dicēdi,

di, & ab Ecclesiarum immunitate excludendū. Si vel terra vias maritimas obsident, disponēdo speculatores, exploratoresque in editis quibusdā locis, ut cū primū veniētes nauiculas (felucas nostri vocāt) cernūt, eos moueant, ipsi parue scaphæ sese committunt benè armati, piscatores se simulant, altum petunt quasi piscando, appropinquantem viatorum nauiculam derepente nihil tale cogitantem, adoriuntur, inuadunt, spoliant. Respondeo, probabilissimum mihi esse istos grassatores dici: propterea quod iter istud quamuis maritimum, iter tamen, ac strata dici potest, quia secus litus semper nauigatur, & vix aliquādo parum à littore receditur, & in terram obsidetur hæc strata, licet in mari latrocinium committatur. Quod si contendas, grassatores dici non posse; at publicos esse latrones negare non potes, ac tanquam latrones publicos immunitate carere.

5. Postremò quæro, quid de illis stratis sentiendum sit, quæ non ita publicè videntur, ac de itineribus non frequentatis habet quis vineā, cuius via etsi non tota, quoad aliquam tamen partē priuata est, quod inde nullum alium ad locum pateat accessus, nisi ad vineam, ut nullus per eam gradiatur, nisi qui vineam illam adeat. Videtur hæc strata non publica, sed priuata. An si quis hanc stratam insidiis aggressio- nis obsideat, dicendus sit grassator, careatque immunitate? Ita aliquando plures sunt viæ, quæ ad eundem ducunt locum, aliquæ commodæ satis, & consequenter valde frequentatæ, aliqua propter nimiam incommoditatem infrequens, & per quam paucissimi iter facere so-

lent. An qui huiusmodi stratas obsident sint grassatores, careantque immunitate Ecclesiæ? Denum aliqua sunt itinera frequentata, quæ non sunt publicæ strata: cū propter strata incommoditatem, hyemali præsertim tempore, viatores à strata publica declinant, iterque aperiunt, fracta sæpe, plenove fossato per alicuius prædium, hoc iter frequentatur ab omnibus, sed non est publica strata, si quis ibi disponat aggressio- nis insidias, eritne grassator dicendus, & ab immunitate excludendus.

Respondeo ad hæc omnia vno 6. verbo omnes istos sine dubio care- re immunitate, siue tanquam grassatores, siue tanquam publicos latrones; ac præterea probabilissimū est omnes esse verè grassatores, ad quod satis est, ut vel publicas stratas, vel itinera frequentata obsideant aggressio- nis insidiis, apertè patet ex hoc textu, ubi per particulam disiunctiuam hæc recenset, qui itinera frequentata, vel publicas stratas obsident. Neque verò caret mysterio quod non dixit stratas publicas, seu frequentatas, per quæ ad solas stratas se restringeret, sed expressit stratas publicas, & itinera frequentata, ut quamuis non sint strata, sed itinera, satis sit, dummodo frequententur. Satis etiam frequentata dici possunt ea itinera per quæ aliquis ordinariè trāsit, vel eius familia, licet alij transire non soleant, ut dictum est de via priuata, quæ ad vnam solū vineam ducit.

Nonnulla alia de grassatoribus 7. viarum dici possent, quæ quoniam cum agrorum depopulatoribus coniuncta sunt, reicio in caput sequens.

*De tertio casu, hoc est, de agorum depopulatoribus, siue nocturnis, siue diurnis.*

## CAPVT XIII.

1. **N**ON minus aut enormem, aut reipublicæ perniciosum præsentem casum depopulatoris agorum, quam præcedentem grassatoris viarum, tum iidem, qui ibi dicti sunt Imperatores Valens, Theodosius atque Arcadius, tum Romani Pontifices Innoc. III. & Gregorius XIV. censuerunt; Imperatores enim lege illa 1. *Cod. quando licet cuique sine indice*, eadem huic, qua grassatori, supplicij celeritate obuiandum esse iusserunt, ut quicumque ad agros nocturnus populator intrauerit, permilla cuique licentia, sit digno illum supplicio ilico subigendi; ut mortem, quam minabatur, accipiat, ut ex paritate accelerationis, edicti, & penè paria esse delicta intelligamus; Pontifex verò Innoc. tertius in cap. *inter alia*, & Greg. ut in hac constitutione æquè vtrumque priuant immunitatis ecclesiasticæ priuilegio.

2. Porro prædicta lex civilis, cum *c. inter alia*, in hoc conuenit, quòd vtraque se restringunt ad depopulatorem nocturnum, vtraque verò ab hac constitutione differunt, quòd hæc de depopulatore simpliciter loquitur absque vlla restrictione, ut siue nocturnus sit, siue diurnus, careat Ecclesiæ immunitate. Mihi verò præterea probabile est, tam civili illa lege, quam *c. inter alia*, vtrumque etiam comprehendit, ut vox illa *nocturnus* nō specificatiuè, aut restrictiuè accipienda sit, sed solum narratiuè, ut parret id quod communiter acci-

dit, ordinariè enim depopulatores agrotum, nocturni esse solent, ac nocturno tempore depopulari, ne aut deprehendi faciliè, aut agnosci possint. Quod enim de die depopulentur, cum non minuat, sed augeat culpam, debet etiam exaggerate, non minuire poenam.

Rursum illo civili iure ex solo 3. ingressu ad agros depopulator punitur, expressè enim dicitur, quicumque ad agros nocturnus populator intrauerit, ita ut hoc ipso, quòd agros intat, etiam si nondum depopulari incipiat, impune possit occidi, & ratio affectur, quoniā melius est, occurrere in tempore, occidendo antequā populetur, quam post exitum, id est, postquam depopulatus fuerit, vindicare: ut mortē ferat, antequā inferat; in canonico verò iure, neque in *c. inter alia*, neque, in hac constitutione hoc expressum est; utrobique enim dicitur depopulator agrotum. Mihi tamen idem dicendū videtur, quia nihil aliud requiritur, quam ut crimen depopulatoris committat. Id autem committit eo ipso, quòd agros armatus ingreditur, cum enim sic ingreditur, si præueniatur, & agatur in fugam antequam depopulari quidpiam incipiat, per ipsum nō stetit, quin depopularetur. Saltem tanquā publicus latro caret immunitate, quia neque in latrone requiritur, ut latrocinetur, sed satis est venire ad latrocinandū. Dubitarè tamen de eo, qui ingressus agros etiam cum armis transiret per eos neminem lædendo, neque mali quidpiam alicui inferendo, neque rem quampiam deprædando: propterea quòd nō constat eū depopulatore esse, cum enim potuerit, & noluerit depopulari, & per ipsum steterit quòd depopula-

tus nō sit, neque pœnam depopulatoris meretur, neque videtur presumi, quodd ad depopuladū venerit, qui cum posset, noluit, neque puniitur conatus ejus, qui sponte retrocessit, ut egregiè docet Felin. *in tract. Quando conatus puniatur, fallentia* 1. & probar per legē, qui ea mente, & ibi gl. ff. de furt. & l. qui falsam. ff. de fals. & notat Dominicus *in r. gratia* 1. q. 1. in col. ult. & certè cum nullo extrinsecus impediente, sponte propria populari prætermittit, signū est non populandi gratia venisse, aut si eo animo venit ex aliqua repentina perturbatione, ea statim sedata, mutasse sententiam, atque in externū actū non exisse: unde si deinde ejus criminis accusatus ad Ecclesiā confugeret, non audem eum excludere.

4. Est autem depopulatoris crimen agros quasi populatim vastare, & de agro in agrum transiundo cædes latrociniaque excercere, diripere, ac vastando omnia damnum inferre. Et quamvis depopulatores ordinariè ex agrorum ruinis propria commoda quætant, interdum ramen ex odio boni publici, vel quia malè accepti sunt ab aliquo, vel ex peruersa voluntate inferendi damna sine vlla commodi spe damnis aliorum inhiant ferro, ac flamma vastant omnia: segetes incendio tradunt, fructus de arboribus in terrā excutiant; animalia vel occidunt, vel mutilant. Huc etiā pertinet qui unū tantum agrū depopulatur. Panorm. *in c. inter alia, de immun. Eccles. n. 5.* post Innocentiū ait, illum etiam dici nocturnū agrorū depopulatorem, qui de nocte segetes destruit, dū ibi se abscondit, iacet, latitat, quod runc demū verū esse arbitror, cum notabile damnum inferit, si cū multis

sociis, equis, & similibus illic latitet, qui eū multi sint, nō possunt nō magnū afferre agro nocementū, ubi latitat. Demū qui propter homicidia, & latrocinia, quæ facit in stratis, destruit segetes, vastatque agros eorū, qui sibi nō deseruiūt, siue occultandis ejus latrocinis, siue ope ferenda quando opus est, siue ei ministrando victū, aliaque necessaria dū latet, siue alia quapiā re, atque eorū qui illū eiūsvē furta, & latrocinia manifestauerunt.

Illud præterea notandū est, non quælibet damna leuia depopulatoris crimen constituere, sed necesse esse, ut sint damna plurima, & gravis, depopulari enim connōtat totale quodammodo ruinā, ac destructionē rei, quā depopulamur. Quod etiam in metaphoris observatū est, nam & Seneca dixit curas depopulari humanos artus, id est, omnia mēbra, totūque destruere, ac perdere corpus. & Ovid. dixit aratē populari formā, seu pulchritudinem, quoniā totam immutat faciem; & Claudian. dicit luxū esse opū populatorem, propterea quod absumat amplissimas facultates. Multo magis id locū habere debet in propria significatione, quod servat in metaphorica. Cū ergo depopulatio, totale agrorum vastationem sonet, necesse est magnū esse illatū damnum, ut qui id intulit, depopulator diceatur. Nō quod necesse sit illatū esse damnum, sed quod eo apparatu ingrediatur agros ut magnū inferre possit, quāvis quovis occurrēt, extrinseco impedimētō nullū intulerit, vel antequā inferret depulsus sit.

*An insidia ad quælibet harū triū casuū pertineant, & ad privadū immunitatē necessariò requiratur.*

CAPVT



## CAPVT XIV.

1. **INSIDIARVM** fit expressa mē-  
tio non modò in iure ciuili l. 1.  
*Cod. quando liceat cuique sine iudice,*  
sed & in vtroque iure canonico,  
tam c. *inter alia*, de immunit. te  
Eccles. quàm presentis cōstitutionis,  
quamuis non eodem loco. Nam tam  
in illa lege, quàm in hac constitu-  
tione cum grassatore viarum con-  
iunctæ leguntur medio loco, in c.  
verò *inter alia* cum agrorum depopu-  
latores, vltimo loco positæ sunt.  
Lex enim illa sic legitur: *Quicun-*  
*que ad agros nocturnus populator in-*  
*traverit, aut itinera frequentata insidiis*  
*aggressionis obsederit.* In hac constitu-  
tione §. 6. *Si fuerint publici latrones,*  
*viarumque grassatores, qui itinera fre-*  
*quentata, vel publicas stratas obsident,*  
*ac viatores ex insidiis aggrediuntur.*  
Demum in c. *inter alia*: *Nisi publi-*  
*cus latro fuerit, vel nocturnus depopu-*  
*lator agrorum, qui dum itinera fre-*  
*quentata, vel publicas stratas obsidet*  
*aggressionis insidiis.* Ac lex quidem  
ciuilis cum c. *inter alia* in hoc con-  
ueniunt, quòd ambo insidias satis  
esse volùt in actu primo, nepe quòd  
obsidentur itinera aggressionis in-  
sidiis, quo differunt à iure præsen-  
tis constitutionis, quo requiruntur  
insidiæ in actu secundo, vt nempe  
ex insidiis viatores inuadantur.  
Rursum lex ciuilis concordat cum  
iure presentis constitutionis, quòd  
ambo insidias tribuunt obsessori  
viarum, quo differunt à c. *inter a-*  
*lia*, quòd eas depopulatori agro-  
rum tribuere videtur. Hinc oritur  
dubitatio, an cuius horum trium  
casuum insidiæ cōpetant. & quam-  
uis non facile sit ex singulis iuribus  
colligere eas ad omnes tres casus  
pertinere, ex omnibus tamen iuri-  
bus simul coniunctis difficile non

est; ex lege enim ciuili, atque ex  
hac constitutione, clarè habemus  
insidias grassatori viarum competere;  
ex c. verò *inter alia* palam est tribui  
depopulatori agrorum, cum quo  
coniunguntur; sed & competere  
etiam publico latroni tum ex ipso  
textu facile colligi potest, cum e-  
nim recensetur in fine, comodissi-  
mè possunt ad vtrumque præce-  
dentium referri, non modò ad de-  
populatorem agrorum, sed etiam  
ad publicum latronem, quomodo  
refert eas Io. Andr. ibi, quem alij  
pene omnes cōmuniter recipiunt.  
Hoc enim supposito quaerit Io.  
Andr. cur illi duo solum casus pu-  
blici latronis & nocturni agrorum  
depopulatoris, ab immunitatis pri-  
uilegio excludantur, neque aliam  
rationem assignat, nisi hanc insi-  
diarum, quoniam insidiæ in his  
duobus casibus semper præsumun-  
tur, nisi contrarium probetur. Ne-  
que verò vlla ratio esset, cur præ-  
sumerentur, nisi ordinariè & ut-  
plurimum essent cum insidiis con-  
iuncti. Quare concludo insidias his  
omnibus casibus conuenire, & ra-  
tio id suadet, quoniam cum ij om-  
nes in latrocinando versentur,  
necesse est occultè & clam parari,  
vt possint incautos offendere. Alio-  
qui facile sibi omnes ab eis ordina-  
riè cauebunt, cum præsertim tanta  
sit horum casuum connexio, vt sub  
vno cæteri comprehendantur, sicut  
in hac ipsa secunda parte libri 5.  
cap. 11. n. 2. retigimus.

Superest modò dubitatio, an  
in his omnibus casibus necessariæ  
sint insidiæ, siue in actu primo, si-  
ue in actu secundo ad priuandum  
immunitate. Vt quamuis præsu-  
mantur, nisi contrarium probetur,  
si tamen clarè probetur contrariū,  
verbi

erbi gratia, nullas fuisse paratas insidias, debeant ad immunitatem admitti.

3. Io. Andr. in d. c. *inter alia expressè* tenet ita necessarias esse insidias, vt quamvis in strata publica quispiam alium aggrediatur, sine insidiis tamen, ex quodam impetu animi, vel casu fortuito, gaudeat immunitate. quod idem sentit Io. de Vuischis in *trakt. de immunit. Eccles.* n. 19. Sed, eorum pace dixerim, eorū exempla non ed spectant quod ipsi intendunt. Neque enim casus fortuitus, neque verò qui ex animi impetu procedit, insidiis opponitur, sed casui deliberato, atque industrioso. Imò addo quòd aggredi aliquē in strata publica etiam ex industria atque ex deliberatione animi apostata, quia, v. g. inimicus est, non constituit hominem, neque stratarium, seu grassatorem, neque publicum latronem, vt propterea debeat carere immunitate Ecclesiæ, ex hoc enim capite, nec sine insidiis, neque cum insidiis priuatur immunitate. Id autem quod querimus est, an si publicus latro, grassator viarum, agrorum populator, qui ad latrocinandum, ad grassandum, ad populandum accinctus exit, & bene armatus, atque instructus ad flagitia, si autem quam disponat insidias latrocinetur in via publica, aut viatores armata manu ad latrocinandū aggrediatur, aut etiam defuisse probantur, admittendus sit ad immunitatem?

4. De his dico primò in nullo horum casuum requiri verè, ac realiter insidias, sed satis esse insidiarum præsumptionem, quæ est præsumptio iuris, & de iure, quam præsumptionem faciunt, tau civilia, quam canonica iura, quæ quoties de hu-

*Præsumptio de immunit. Eccles.*

iui modi delictis loquuntur, semper insidias narrant, tanquam ab eis ordinatiè inseparabiles, neque tamen eas ponunt per modum conditionis, tanquam necessariò requisitæ, sed per modum narrationis, tanquam rei vt plurimum coniunctæ. Probatur autem non esse necessarias, quia si sola præsumptio satis fuit legislatori ad negandum lege immunitatem, debet & sola præsumptio satis esse iudici ad sic iudicandum. Secundò, quia si delictum per insidias clam commissum satis est ad priuandum immunitate, multo magis debet esse publica, & aperta violentia, quæ tanta est, vt insidiis non egeat. Tertiò satis est ita exite instructum, vt per insidias hæc agere velit, licet occurrente opportunitate agendi sine insidiis illam arripiat, & delicta audacter cõmittat. Demum insidiæ allèuiant potius, quàm aggrauant delictum: ergo non plus aliquid operantur, sed minus.

Secundò dico hanc insidiarum in huiusmodi delictis præsumptionē cum sit præsumptio iuris, & de iure, tantam habere vim, vt ordinatiè neque ipsas probari oporteat, neque in contrariū, aut exceptio, aut probatio admittenda sit, quemadmodum *lib. 4. p. 2. c. 7.* de quadam alia iuris præsumptione contra ludæos, qui confugientes ad Ecclesiam petunt Baptismum. Dixi autem *ordinariè*, quia tam multæ, tamque clare possunt esse præsumptiones, & coniecturæ contra huiusmodi præsumptiones, vt admittenda sit necessariò contra eas probatio, licet nunquam teneatur actor probare insidias adfuisse, sed semper pro eis satis sit illa iuris præsumptio.

Tertiò dico hæc tria flagitiorum 6.

Zz. genera.

genera adeo esse in se graua, & toti reipublicæ pernitiōsa, vt etiam si nō modō absque vllis insidiis fiant, æquē graua, aut grauiora censenda sint, & Ecclesiarum immunitate careant, verū etiam si nullus sit ad moliendas insidias apparatus, etiam si grassator viarum profiteatur aperto campo stratas, inuadete absque vllis omnino insidiis. Putandum est enim insidias in his delictis non præsumi, nisi commodo latronis, vt illi facilius succedant omnia ex sententia quōd plures & facilius offendant ex insidiis incautos, defectus autem insidiarū obest latroni in latrocinando. Cū enim palam adstet armatus in strata publica ad latrocinandum, vel sæuicendum, facile cognoscitur ab omnibus, & quilibet sibi cauet domi se, vel in ciuitate continens, nec facile occurrit grassatori aliquis, quem spoliare mactetve. Quare agēdo sine insidiis cedit quodammodo iuri suo & difficiliorem sibi facit delinquēdi occasionem maiore audacia, & peccandi libertate cum maiore suo periculo vtens, vel propter effrenatam gloriæ cupiditatem, atque animi elationem, qua vult ita liberē, & imprudenter peccare, vel vt maiorem incutiat omnibus timorem, vel vt grassaretur crudelius, quæ non debent pœnam minuere, sed augere.

*Quid sit agendum si horum aliquis, nempe publicus latro, viarum grassator, aut populator agrorum ad Ecclesiam confugiens excipiat se non esse talem.*

## CAPVT XV.

**H**Æc difficultas inde oritur. Quod huiusmodi delicta cū valde publica sint, notoria esse videntur. Ioannes enim de Vuischis *in tract. de immun. Eccles. n. 22.* expressē sentit, ex quo quis est notoriē publicus latro, aut depopulator agrorum notorietate facti, non esse opus vlla sententia declaratoria, ex qua iuris notorietas oriatur, arque hinc sequitur non esse audiendum, non enim aliud in finem audiri deberet, nisi vt antequam iudex ad executionem pœnæ priuationis immunitatis procederet, declararet, an verē talia delicta commiserit. At id notorium est, notorietate facti; ergo non est in tali exceptione audiendus. Satis autem esse notorietatem facti probat, quia facti notorietas interdum plus operatur quā iuris: at notorietas iuris sufficere, si declaratoria sententia pronuncietur; ergo & facti notorietas sufficere debet. Plus autem operari aliquando notorietatem facti, probat per glossam *in clem. 1. de sepulcr.* ad priuandum publicum excommunicatum ecclesiastica sepultura, non satis est illa præcisē notorietas iuris quæ oritur ex sententia declaratoria prolata per iudicem ecclesiasticum in loco consueto, præsentibus eius ministris, atque ambabus partibus, vel altera partium contumaciter absente, sed attendendus est numerus eorū qui interfuerūt, vt si hæ personæ multæ fuerint, quæ satis sint ad faciendum delictum publicum, tunc demum veniatur ad executionem pœnæ excommunicati, vt sepultura priuetur: alias autem si pauca personæ fuerint præsentēs, habeatur pro excommunicato occulto, & tradatur sepul

sepultura. Simile dicit Panormitanus in c. peruenit, de appellacion. dicens, quando percussio clerici notoria non est, quamvis sit publicum, debere iudicem antequam veniat ad executionem præcipiendi populo, ut eum euitet, per sententiam declarare illum incidisse in excommunicationem; quando verò notorium est, nempe notorietate facti, nulla opus esse sententia declaratoria, ex qua iuris notorietas oriatur: sed debere tantum prohibere eius consuetudinem, consonat Innocentius in c. ex parte 1. de verbor. signif. dicens in notoriis sententiam non requiri, sed fieri iuris executionem. Facit pro hac sententia text. in c. quoniam, de filiis presbyter. Vbi Alex. III. statuit si filius sacerdotis habeat beneficium in Ecclesia, in qua manifestum est eius patrem habuisse personatum, vetat causam in iudicium deduci, aut testes recipi ad priuandum prædictum filium beneficio, quoniam solus, inquit, facti notorietas ad eum priuandum satis est.

2. Sed contra facit expressus textus presentis constitutionis, vbi cum Pontifex §. 6. excepisset ab immunitate hos octo casus & deinde de omnibus indistinctè tã §. 7. quàm 8. vetat quæpiam ad Ecclesiam confugientem tradi curiæ seculari, id est, immunitate priuari, nisi cognito prius per Episcopum, seu ab eo deputatum, an ipse verè crimina superius expressa, eorumve aliquod commiserit: ex quo apparet in omni prædictorum trium casuum requiri cognitionem, nullumque eorum esse huiusmodi, ut notorietatem natura sua secum trahat.

3. Respondeo tria esse certa in ge-

nere loquendi. Primum in delictis notoriis, in quibus & factum est notorium, & qualitas facti nullam requiri necessariò cognitionem, neque admittendam esse exceptionem, ut rationes probant initio adductæ. exempli gratia, notorium est in ciuitate aliquem esse spurium, & esse filium talis sacerdotis, non opus est vlla declaratoria ad priuandum eum beneficio in ea Ecclesia, in qua pater eius habuit personatum. Si solum notorium esset esse spurium, non esset tamen notorium cuius esset filius, sacerdotisue, an alietius, qui in eadem domo manebat; necessaria esset declaratoria. Secundò certum est, vbi nulla est notorietas, necessariò requiri declaratoriam, etiam si publicum esset factum, & facti qualitas, v. g. ex fama, vel alia ratione; quia fama facile potest esse falsa, etiam si publica, plerumque enim ex leuissimis oritur indicis, aut coniecturis. Tertio descendendo ad nostram materiam certum est, ista tria delicta non esse natura sua notoria, ita ut hoc ipso quod quis horum aliquid prætentitur commisisse, sit absque vlla declaratoria priuandus immunitate, & seculari curiæ tradendus, sed contra potius cum natura sua, vel saltem ordinariè hanc cum insidiis, & clam & nocturno tempore. Persape etiã istiusmodi facinorosi homines laruas gestant deprædationis tempore, ne agnosci possint, mutant nomen, & aliis similibus industriis vtuntur, & non satò contingit, ut qui de nocte spoliant viatores, de die incedant per urbem sericati, & aureas catenas è collo gestantes.

- Potest autem in his duplex de-

esse notorietas, vna facti, altera qualitatis facti, vt si quis in futuro, vel cum re furtiua deprehensus coram multis qui satis sint ad notorietatem facti faciendam ad Ecclesiam fortè dilapsus petatur à curia seculari, tanquam publicus latro, respondeat esse quidem se furem, vel etiam latronem, neget autem publicum se esse, atque ideo petat ab Ecclesia defendi. Si verò coram paucis deprehensus est, neque factum ipsum notorium dicendum est. Adde quòd fur deprehensus etiam notoriè cum re furtiua potest negare se esse furem, rem illam suam esse probans, ac sibi furto ablatam, quam cum alia ratione recuperare non posset, eam furto reuendicare sibi voluisse, id quod ratione qualitatis personæ probabile fieri posset. Possunt ergo ij omnes excipere, tã se uò esse latrones, depopulatores viarum, quàm non comississe quidè factum, quod prætitur, quoties non est notorietas de utroque, & audiendi sunt, & sententia interloquutoria ferenda est, vt seculari curiæ tradi possint.

5. Excipio personas quasdam insignes inter eos. Cum enim isti non soli ad latrocinandum eant, nec nisi cateruatim, aut publicas obsideant statas, aut agros populentur, vbi verò multitudo, ibi aliquo duce opus est, à quo multitudo regatur, alioqui statim pereat; qui capitaneus est inter eos, qui locum tenens, quique aliqua dignitate præditus, horum fama vbiq; diuulgatur, illique ipsi gloriantur hoc nomine. Vt fuit olim in Sicilia tempore Illustrissimi atque Excellentissimi Don Ioannis Lacerdæ Ducis Medinæ Cæli Proregis optimi, ac de Sicilia meritisissimi, Vincentius Agnellus ma-

gna stipatus exulum caterua. Paulo post Ninus Lacernia. Deinde tempore Illustrissimi & Excellentissimi Comitissæ Oliuæ Proregis, initio felicissimi eius in Siciliam aduentus, Io. Georgius Lanza, qui cum à noui Proregis prudentia sibi non leuiter timeret, anteuertere eius prudentiam conatus callidè ex Sicilia aufugit, sed subterfugere illius prudentiam, celeritatèque non potuit. Neapolim enim appulsus ex intersignis pet Comitem illuc missis deprehensus captusque, & per homines fideles ab eodem Comite illuc missos in Siciliam reuersus, extremo quidem supplicio affectus est, sed multis exhibitis veræ Christianæque pœnitentiæ signis, vt spera de sua animæ salute non leuem iis, qui præsentibus interfucere reliquerit. Huiusmodi, inquam, duces, qui ductant manum non paruam latronum, ac stratariorum, notorij esse solent. Similiter & quædam aliæ insignes personæ ex nomine omnibus cognitæ, tanquam notoriè tales tradi possunt curiæ seculari, statim, atque ad Ecclesias se contulerint, nulla audita exceptione, nullis receptis testibus, nulla pronuntiata sententia.

Nisi fortè exciperent de persona, dicentes, se non esse eos, qui præ-  
6. tendantur, sed illis similes, errorèque esse in persona. exempli gratia, si Georgius Lanza, de quo diximus, ad Ecclesiam confugisset, dicens, se non esse Georgiū Lanza, sed ei vultu quidem similem, in multis verò dissimilem, eo enim casu licet notorium esset Io. Georgium Lanza esse ducem exulum, grassatorum, seu stratariorum, non est notorium hunc esse Io. Georgium Lanza: id quod

quod neque statim admittendum est, nisi multa dicat probabilia quæ rem dubiam faciant.

Ad contraria initio propoposita non opus est respondere; si enim notorietas adsit, ea admittimus.

### PARS TERTIA.

*De quarto casu ab immunitate excepto, hoc est, de delictis in Ecclesiis, earumve cæmeteriis commissis.*

**T**ERTIUS hic casus omnium recentissimus à iure immunitatis exceptus, satis tamen antiquus, utpote à Gregorio nono additus, cuius auctoritate compilatæ sunt Epistolæ decretales circa annum Domini millesimum ducentesimū quadragesimum, quo fere tempore idem Pontifex Beatissimū Franciscum in sanctorū numerū retulit ante annos trecentos sexaginta tres. Cuius Gregorij extat decretalis Epistola in c. fin. de immun. Eccles. cui textus præsentis constitutionis omnino concordat, quoad dispositionem. Utroque enim iure tam qui homicidia, quam qui mutilationes membrorum in Ecclesiis earumve cæmeteriis committere non verentur, ab ecclesiasticæ immunitatis privilegio excluduntur. Dixi autem quoad dispositionem, quia rextus ille capituli finalis res affert rationes, unam motiuam, & duas finales, in quibus suam dispositionem Pontifex fundat, quas omnes hoc loco Gregorius XIV. prætermisit.

*Quantum habeant momenti tres rationes adductæ in capitulo finali de immunitate Ecclesiarum.*

### CAPVT XVI.

**T**RES rationes adducit Pontifex in d. c. fin. de immunitate Eccles. quibus probat eos qui homicidia, & membrorum mutilationes in Ecclesiis, ac cæmeteriis committere non verentur, excludendos esse ab immunitatis privilegio.

Prima est, quoniam multi iam sperantes impunitatem suorum excessuum per defensionem Ecclesiæ obtinere, homicidia in ipsis Ecclesiis, earumve cæmeteris committere non verentur.

Secunda est, ut ij puniantur in eo, in quo delinquant.

Tertia, quoniam frustra legis implorat auxilium qui peccat in legem.

Prima ratio motiua est, non finalis, ut expressè sentit Io. Andr. & Hostien. in d. c. fin. quam in eodem capitulo Panormitanus testatur esse communem sententiam, & post eum Remig. in tract. de immunitate Eccles. fallent. 3. n. 3. idque ipsa verborum textus series ostendit. Ponitur enim huiusmodi causa in ipso initio, non per modum causæ, sed per modum narrationis: ait enim, Nonnulli impunitatem suorum excessuum per defensionem Ecclesiæ obtinere sperantes, qui nisi per Ecclesiam ad quam confugiunt, crederent se defendi, nullatenus fuerant commissuri. hæc simplex narratio est, neque ullam rationem causæ præ se fert.

Z z j Mouet

querat puniretur, ordinato: à collatione amborum illorū ordinum, ordinatum verò ab executione posterioris manere suspensum. eadem nititur textus in *c. Pastoralis, de iure patron.* ubi Episcopum, qui personam idoneam à patrono præsentatam malitiosè admittere ad beneficium recusauit, vt puniretur in eo, in quo deliquit, iubet eidem recusatæ personæ de beneficio ecclesiastico providere, eadem ne longior sim singula percursendo nititur text. in *c. quanto, de translat. Episcoporum.* ubi Innoc III. Herbipolensis Ecclesiæ canonicos, qui illicitè elegerant Episcopum, vt in eo puniantur in quo deliquerunt, suspendit pro ea vice ab omni eligendi potestate. & in *c. cum olim, de officio & potestate iudicis delegati,* quandam qui acceptas à iudicibus literas ad sedem Apostolicam, destinatas aperuerat, & contra ipsos iudices questus erat, vt in ea, in quo deliquerat, puniretur, noluit in eo, quod petierat, exaudire. Ex his apparet quanti momenti in hac dispositione faciendâ sit, hæc ratio, quæ sola tot fundandis iuribus tam sæpe sufficiens, atque idonea visa fuit: consequenter huic fundando iuri per se sola, sufficiens censenda esset. Huius vis hæc est, vt cum is, qui occidit, vel mutilat in Ecclesia, iniuriâ inferat Ecclesiæ, ei que debitum honorem non habeat, vt in eo, in quo deliquit, puniatur, ab ipsa postmodum Ecclesia non defendatur, nec perat hunc honorem Ecclesiæ deferri, vt ipse defendatur.

7. Tertia ratio etiam finalis, vt frustrâ legis impleret auxilium, qui peccat, in legem, est & ipsa fundandis iuribus frequenter usurpa-

ta. Nam in *c. quia frustrâ, de reser.* contra usurarium statutum est, literas per eum à sede Apostolica imperatas super restituendis sibi usuris, quas ipse aliis soluit, nullatenus ei prodesse, ne vt audiat quidem in ea causâ, nisi ipse prius usuras ab aliis extortas restituat, vt dū ipse contra restitutionis legem committit, frustrâ legis eiusdem imploret auxilium. In *cap. ad audiendam, de sententia excomm.* statutum est clericū, qui contra clericalis iuris decentiâ militaria arma etiâ tertio monitus gestare præsumperit, clericalis etiam canonis priuilegio priuari, vt cum in legem clericalem volens commiserit, illius auxilio destituatur inuivis. In *c. 2. ne clerici, vel monachi,* eadem ratione fundatur illa dispositio, qua sacerdotes, & clerici prohibentur laicorum, vel ministri esse, vel procuratores, vt si publicè moniti, in eo perseuerent, & propter pecuniariam causam deprehendantur in fraude, indigni iudicentur, quibus ab Ecclesia subueniatur, per quos constat Ecclesiæ scandalum generari, vt cum legem sacerdotalem offenderint, ab ea non iuuantur. Similia non pauca habemus ciuili iure in eadem ratione fundata. I. isti quidem ff. quod metus causa. l. scimus. ff. de minoribus. & aliis non paucis locis, quibus breuitatis causa supersedeo. Vis autem huius rationis in d. c. fin. hæc est, quòd qui in Ecclesia delinquit occidendo, vel mutilando, peccat in legem Ecclesiæ, & ideo frustrâ implorat legis Ecclesiæ auxilium, vt à morte liberetur.

Circa hanc, tertiam, rationem 8. tres occurrunt, non leues, dubitationes, an vt quis frustrâ implora-

re dicatur legis auxilium, necesse sit in eandem omnino legem commisisse. Secunda an sit necesse circa illud idem deliquisse in eandem legem, circa quod auxiliū illius legis implorat. Tertia posito quod circa eandem legem, & circa idem, an semper sit necessariū destituentus illius legis auxilio, an verò aliquando eo vti permittatur.

9. Quod ad primam attinet difficultatem videtur aliquando in vnam legem peccare, & alterius beneficio priuari: vt in *l. filio patroni*.

§. 1. ff. de ritu nuptiarum. Patronus enim qui ignominiosam libertam duxit uxorem, priuatur beneficio alterius legis, qua cauetur ne possit liberta inuito patrono ab eo diuertere, & in *l. auxilium*. ff. eod. tit. in fin. minor delinquens in aliquo delicto, priuatur beneficio restitutionis, quod alia lege concessum est.

10. Contrariā tamē partē tenet apertē gl. in *c. quia frustra*, de vsur. in v. in legem, necesse esse in eandem omnino legem committere, cuius beneficio priuatur, vt si in vnam peccet, alterius beneficio priuari iure non possit. Probar ratione; aliās enim sequeretur, puniri in eo, in quo non deliquit, supponimus enim iuxta hanc sententiam non in hanc, sed in aliā deliquisse legem. Vincenrius, & Io. Andr. in eadē gl. referūt hāc fuisse dubij, nec ausi alterutā in partem declinare.

11. Mihi verò hęc dicenda videntur. Primum indubitātū esse in quamcunque legem quis peccat, mereri priuationem omnis beneficij, ac commodi eiusdem legis: id enim pleraque iura iam relata euidenter expresserunt, vt quod iure expressum non est, possit per iudicis sententiam decerni.

P. Gambac. de immu. Eccl.

Secundò ordinariē, & vt plurimum qui peccat in legem, debet eiusdem, non alterius legis beneficio priuari, & hoc est ordinariē statutum in legibus, tam ciuilibus, quā canonicis, quā in hac ratione fundantur, ideoque nec debet iudex negare reo qui peccauit in vnam legem, beneficium alterius legis. Patet ex omnibus iuribus pro eadē ratione à nobis adductis. Nisi fortē in eo casu, in quo id in aliquo iure inueniret expresse statutum. exempli gratia, si quod reperitur ius in quo peccans in vnam legem priuatur beneficio alterius legis, hoc casu potest iudex eum qui in illam legem peccauit, priuare beneficio illius alterius legis, quo iure priuatur. Idem dicendum videtur in casu alterius legis valde similis, vbi propter nimiam similitudinem par ratio videretur.

Tertiò potest iure, ac meritò legislator propter aliquas particulares rationes, ac circumstantias committentem in vnam legem, alterius beneficio priuare, vt est propriē casus in suprā cit. lege, *filio patroni*. ff. de ritu nuptiar. §. 1. vbi odio patroni ducentis in uxorem libertam ignominiosam contra vnā legem, priuatur beneficio alterius legis. Ita respondet Panorm. in *c. quia frustra*, de vsuris. Ita in *l. auxilium*. ff. eod. tit. minor ex commisso delicto priuatur beneficio alterius legis restitutionis, non quidem in poenam, aut odium delicti, sed quoniam in minore delinquente cessat omnis ratio propter quam concessum illi erat priuilegium restitutionis, nempe delinquendo ostendit se callidum & maliciosum, beneficium autem restitutionis concessum erat ei, quoniam præsumi-

A.A. a. rur.



## CAPVT XIV.

1. **I**NSIDIARVM fit expressa mentio non modò in iure ciuili l. 1. Cod. quando liceat cuique sine iudice, sed & in utroque iure canonico, tam c. inter alia, de immunitate Ecclesiarum præsentis constitutionis, quamuis non eodem loco. Nam tam in illa lege, quam in hac constitutione cum grassatore viarum coniunctæ leguntur medio loco, in c. verò inter alia cum agrorum depopulatore, ultimo loco positæ sunt. Lex enim illa sic legitur: *Quicumque ad agros nocturnus populator intrauerit, aut itinera frequentata insidiis aggressionis obsederit.* In hac constitutione §. 6. *Si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur.* Demum in c. inter alia: *Nisi publicus latro fuerit, vel nocturnus depopulator agrorum, qui duos itinera frequentata, vel publicas stratas obsident aggressionis insidiis.* Ac lex quidem ciuilis cum c. inter alia in hoc conueniunt, quòd ambo insidias satis esse volùt in actu primo, nepe quòd obsideantur itinera aggressionis insidiis, quo differrent à iure præsentis constitutionis, quo requiruntur insidiæ in actu secundo, ut nempe ex insidiis viatores inuadantur. Rursum lex ciuilis concordat cum iure præsentis constitutionis, quòd ambo insidias tribuunt obsessori viarum, quo differunt à c. inter alia, quòd eas depopulatori agrorum tribuere videtur. Hinc oritur dubitatio, an cuius horum trium casuum insidiæ còpetant. & quamuis non facile sit ex singulis iuribus colligere eas ad omnes tres casus pertinere, ex omnibus tamen iuribus simul coniunctis difficile non

est; ex lege enim ciuili, atque ex hac constitutione, clarè habemus insidias grassatori viarum competere; ex c. verò inter alia palam est tribui depopulatori agrorum, cum quo coniunguntur; sed & competere etiam publico latroni tum ex ipso textu facile colligi potest, cum enim recensetur in fine, comodissime possunt ad vtrumque præcedentium referri, non modò ad depopulatorem agrorum, sed etiam ad publicum latronem, quomodo refert eas Io. Andr. ibi, quem alij panè omnes còmuniter recipiunt. Hoc enim supposito quaerit Io. Andr. cur illi duo solum casus publici latronis & nocturni agrorum depopulatoris, ab immunitatis priuilegio excludantur, neque aliam rationem assignat, nisi hanc insidiarum, quoniam insidiæ in his duobus casibus semper præsumuntur, nisi contrarium probetur. Neque verò vlla ratio esset, cur præsumerentur, nisi ordinariè & vltimum essent cum insidiis coniuncti. Quare concludo insidias his omnibus casibus conuenire, & ratio id suadet, quoniam cum ij omnes in latrocinando versentur, necesse est occultè & clam parari, ut possint incautos offendere. Alioqui facile sibi omnes ab eis ordinariè cauebunt, cum præsertim tanta sit horum casuum connexio, ut sub vno ceteri comprehendantur, sicut in hac ipsa secunda parte libri 5. cap. 11. n. 2. tetigimus.

Supereft modò dubitatio, an 1. in his omnibus casibus necessariæ sint insidiæ, siue in actu primo, siue in actu secundo ad priuandum immunitate. Ut quamuis præsumantur, nisi contrarium probetur, si tamen clarè probetur contrariū, verbi

erbi gratia, nullas fuisse paratas insidias, debeant ad immunitatem admitti.

3. Io. Andr. in d. c. *inter alia* expresse tenet ita necessarias esse insidias, ut quamvis in strata publica quispiam alium aggrediatur, sine insidiis tamen, ex quodam impetu animi, vel casu fortuito, gaudeat immunitate. quod idem. sentit Io. de Vuischis in *tract. de immunit. Eccles.* n. 19. Sed, eorum pace dixerim, eorū exempla non eo spectant quod ipsi intendunt. Neque enim casus fortuitus, neque verò qui ex animi impetu procedit, insidiis opponitur, sed casui deliberato, atque industrioso. Imò addo quòd aggredi aliquē in strata publica etiam ex industria atque ex deliberatione animi apostata, quia, v. g. inimicus est, non constituit hominem, neque stratarium, seu grassatorem, neque publicum latronem, ut propterea debeat carere immunitate Ecclesiæ, ex hoc enim capite, nec sine insidiis, neque cum insidiis priuatur immunitate. Id autem quod quærimus est, an si publicus latro, grassator viarum, agrorum populator, qui ad latrocinandum, ad grassandum, ad populandum accinctus exit, & bene armatus, atque instructus ad flagitia, si antequam disponat insidias latrocinetur in via publica, aut viatores armata manu ad latrocinandū aggrediatur, aut etiam defuisse probantur, admittendus sit ad immunitatem?

4. De his dico primò in nullo horum casuum requiri verè, ac realiter insidias, sed satis esse insidiarum præsumptionem, quæ est præsumptio iuris, & de iure, quam præsumptionem faciunt, tam ciuilia, quam canonica iura, quæ quoties de hu-

*P. Gambac. de immunit. Eccles.*

iuiusmodi delictis loquuntur, semper insidias narrant, tanquam ab eis ordinariè inseparabiles, neque tamen eas ponunt per modum conditionis, tanquam necessariò requisitæ, sed per modum narrationis, tanquam rei vtplurimum coniunctæ. Probatum autem non esse necessarias, quia si sola præsumptio satis fuit legislatori ad negandum lege immunitatem, debet & sola præsumptio satis esse iudici ad sic iudicandum. Secundò, quia si delictum per insidias clam commissum satis est ad priuandum immunitate, multo magis debet esse publico, & aperta violentia, quæ tanta est, ut insidiis non egeat. Tertiò satis est ita exire instructum, ut per insidias hæc agere velir, licet occurrente opportunitate agendi sine insidiis illam arripiat, & delicta audacter cõmittat. Demum insidiæ alleuiant potius, quàm aggrauent delictum, ergo non plus aliquid operantur, sed minus.

Secundò dico hanc insidiarum in huiusmodi delictis præsumptionē cum sit præsumptio iuris, & de iure, tantam habere vim, ut ordinariè neque ipsas probari oporteat, neque in contrariū, aut exceptio, aut probatio admittenda sit, quemadmodum *lib. 4 p. 2. c. 7.* de quadam alia iuris præsumptione contra Iudeos, qui fugientes ad Ecclesiam petunt Baptismum. Dixi autem ordinariè, quia tam multæ, tamque clare possunt esse præsumptiones, & coniecturæ contra huiusmodi præsumptiones, ut admittenda sit necessariò contra eas probatio, licet nunquam teneatur actor probare insidias adfuisse, sed semper pro eis satis sit illa iuris præsumptio.

Tertiò dico hæc tria flagitiorum 6.

Zz. genera

genera adeò esse in se graua, & toti reipublicæ perniciosæ, ut etiam si nõ modò absque vllis insidiis fiant, æquè graua, aut grauiora censenda sint, & Ecclesiarum immunitate careant, verùm etiam si nullus sit ad moliendas insidias apparatus, etiam si grassator viarum profiteatur aperto campo stratas, inuadere absque vllis omnino insidiis. Putandum est enim insidias in his delictis non præsumi, nisi commodo latronis, ut illi facilius succedant omnia ex sententia quòd plures & facilius offendat ex insidiis incautos, defectus autem insidiarum obest latroni in latrocinando. Cùm enim palàm adstet armatus in strata publica ad latrocinandum, vel sæuendum, faciliè cognoscitur ab omnibus, & quilibet sibi cauet domi se, vel in ciuitate continens, nec facile occurrit grassatori aliquis, quem spoliaret mactetve. Quare agèdo sine insidiis cedit quodammodo iuri suo & difficiliorem sibi facit delinquendi occasionem maiore audacia, & peccandi libertate cum maiore suo periculo vtens, vel propter effrenatam gloriæ cupiditatem, atque animi elationem, qua vult ita liberè, & imprudenter peccare, vel ut maiorem incutiat omnibus timorem, vel ut grassetur crudeliùs, quæ non debent pœnam minuere, sed augere.

*Quid sit agendum si horum aliquis, nempe publicus latro, viarum grassator, aut populator agrorum ad Ecclesiam confugiens excipiat se non esse talem.*

## CAPVT XV.

**H**Æc difficultas inde oritur 1. Quòd huiusmodi delicta cùm valde publica sint, notoria esse videntur. Ioannes enim de Vuischis *in tract. de immunit. Eccles. n. 22.* expressè sentit, ex quo quis est notoriè publicus latro, aut depopulator agrorum notorietate facti, non esse opus vlla sententia declaratoria, ex qua iuris notorietas oriatur, atque hinc sequitur non esse audiendum, non enim aliud in finem audiendi deberet, nisi ut antequam iudex ad executionem pœnæ priuationis immunitatis procederet, declararet, an verè talia delicta commiserit. At id notorium est, notorietate facti, ergo non est in tali exceptione audiendus. Satis autem esse notorietatem facti probat, quia facti notorietas interdum plus operatur quàm iuris notorietas iuris sufficeret, si declaratoria sententia pronunciaretur, ergo & facti notorietas sufficere debet. Plus autem operari aliquando notorietatem facti, probat per glossam *in clem. 1. de sepultur.* ad priuandum publicum excommunicatum ecclesiastica sepultura, non satis est illa præcisè notorietas iuris quæ oritur ex sententia declaratoria prolata per iudicem ecclesiasticum in loco consueto, præsentibus eius ministris, atque ambabus partibus, vel altera partium contumaciter absente, sed attendendus est numerus eorū qui interfuerūt, ut si hæ personæ multæ fuerint, quæ satis sint ad faciendum delictum publicum, tunc demum veniatur ad executionem pœnæ excommunicati, ut sepultura priuetur: alias autem si pauca personæ fuerint præsentibus, habeatur pro excommunicato occulto, & tradatur sepul

sepultura. Simile dicit Panormitanus in c. peruenit, de appellation. dicens, quando percussio clerici notoria non est, quamvis sit publicum, debere iudicem antequam veniat ad executionem præcipiendi populo, ut cum euitet, per sententiam declarare illum incidisse in excommunicationem; quando verò notorium est, nempe notorietate facti, nulla opus esse sententia declaratoria, ex qua iuris notorietas oriatur: sed debere tantum prohibere eius consuetudinem, consonat Innocentius in c. ex parte 1. de verbor. signif. dicens in notoriis sententiam non requiri, sed fieri iuris executionem. Facit pro hac sententia text. in c. quoniam, de filiis presbyter. Vbi Alex. III. statuit: si filius sacerdotis habeat beneficium in Ecclesia, in qua manifestum est eius patrem habuisse personatum, vetat causam in iudicio deduci, aut testes recipi ad priuandum prædictum filium beneficio, quoniam sola, inquit, facti notorietas ad eum pertinet iuris facti est.

2. Sed contra facit expressus textus presentis constitutionis, ubi cum Pontifex §. 6. exceperit ab immunitate hos octo casus, deinde de omnibus indistinctè tã §. 7. quàm §. 8. vetat quempium ad Ecclesiam confugientem tradi curiæ seculari, id est, immunitate priuari, nisi cognito prius per Episcopum, seu ab eo deputatum, an ipse verè crimina superius expressa, eorumve aliquod commiserit: ex quo apparet in omni prædictorum trium casuum requiri cognitionem, nullumque eorum esse huiusmodi, ut notorietatem naturæ sua secum trahat.

3. Respondeo tria esse certa in ge-

nere loquendi. Primum in delictis notoriis, in quibus & factum est notorium, & qualitas facti nullam requirit necessitatio cognitionem, neque admittendam esse exceptionem, ut rationes probant initio adductæ. exempli gratia, notorium est in ciuitate aliquem esse spurium, & esse filium talis sacerdotis, non opus est vlla declaratoria ad priuandum eum beneficio in ea Ecclesia, in qua pater eius habuit personatum. Si solum notorium esset esse spurium, non esset tamen notorium cuius esset filius, sacerdotisne, an alterius, qui in eadem domo manebat; necessaria esset declaratoria. Secundò certum est, ubi nulla est notorietas, necessario requiri declaratoriam, etiam si publicum esset factum, & facti qualitas, v. g. ex fama, vel alia ratione; quia fama facile potest esse falsa, etiam si publica, plerumque enim ex leuissimis oritur indicis, aut coniecturis. Tertiò descendendo ad nostram materiam certum est, ista tria delicta non esse naturæ sua notoria, ita ut hoc ipso quod quis horum aliquid prætentitue conmississe, sit absque vlla declaratoria priuandus immunitate, & seculari curiæ tradendus, sed contra potius cum naturæ suæ, vel saltem ordinariè fiant cum insidiis, & etiam & nocturno tempore. Persape etiam istiusmodi facinorosi homines latenas gestant depradationis tempore, ne agnosci possint, mutant nomen, & aliis similibus industriis vtuntur, & non raro contingit, ut qui de nocte spoliant viatores, de die incedant per urbem sericati, & aureas catenas è collo gestantes.

Potest autem in his duplex de-

223 esse

esse notorietas, vna facti, altera qualitatis facti, vt si quis in furto, vel cum re furtiva deprehensus coram multis qui satis sint ad notorietatem facti faciendam ad Ecclesiam fortè dilapsus petatur à curia seculari, tanquam publicus latro, respondeat esse quidem se furem, vel etiam latronem, neget autem publicum se esse, atque ideo petat ab Ecclesia defendi. Si verò coram paucis deprehensus est, neque factum ipsum notorium dicendum est. Adde quòd fur deprehensus etiam notoriè cum re furtiva potest negare se esse furem, rem illam suam esse probans, ac sibi furto ablatam, quam cum alia ratione recuperare non posset, eam furto reuendicare sibi voluisse, id quod ratione qualitatis personæ probabile fieri posset. Possunt ergo ij omnes excipere, tã se nò esse latrones, depopulatores viarum, quàm non commisisse quidè factum, quod prætenditur, quoties non est notorietas de vtroque, & audiendi sunt, & sententia interloquutoria ferenda est, vt seculari curiæ tradi possint.

5. Excipio personas quasdam insignes inter eos. Cum enim isti non soli ad latrocinandum eant, nec nisi cateruatim, aut publicas obsideant stratas, aut agros populentur, vbi verò multitudo, ibi aliquo duce opus est, à quo multitudo regatur, alioqui statim pereat; qui capitaneus est inter eos, qui locum tenens, quique aliqua dignitate præditus, horum fama vbique diuulgatur, illique ipsi gloriantur hoc nomine. Vt fuit olim in Sicilia tempore Illustrissimi atque Excellentissimi Don Ioannis Lacerdæ Ducis Medinæ Cæli Proregis optimi, ac de Sicilia meritisissimi, Vincentius Agnellus ma-

gna stipatus exulum caterua. Paulo post Ninus Laceria. Deinde tempore Illustrissimi & Excellentissimi Comitis Oliuares Proregis, initio felicissimi eius in Siciliam aduentus, Io. Georgius Lanza, qui cum à noui Proregis prudentia sibi non leuiter timeret, anteuertere eius prudentiam conatus callidè ex Sicilia aufugit, sed subterfugere illius prudentiam, celeritatèque non potuit, Neapolim enim appulsus ex intersigniis per Comitem illuc missis deprehensus captusque, & per homines fideles ab eodem Comite illuc missos in Siciliam reuersus, extremo quidem supplicio affectus est, sed multis exhibitis veræ Christianæque penitentis signis, vt spem de sua animæ salute non leuè iis, qui præsentibus interfuerè reliquerit. Huiusmodi, inquam, duces, qui ducunt manum non paruam latronum, ac stratariorum, notorij esse solent. Similiter & quædam aliæ insignes personæ ex nomine omnibus cognitæ, tanquam notoriè tales tradi possunt curiæ seculari, statim, atque ad Ecclesias se contulerint, nulla audita exceptione, nullis receptis testibus, nulla pronuntiata sententia.

Nisi fortè exciperent de persona, 6. dicentes, se non esse eos, qui prætendantur, sed illis similes, errorèque esse in persona. exempli gratia, si Georgius Lanza, de quo diximus, ad Ecclesiam confugisset, dicens, se non esse Georgiū Lanza, sed ei vultu quidem similem, in multis verò dissimilem, eo enim casu licet notorium esset Io. Georgium Lanza esse ducem exulum, grassatorum, seu stratariorum, non est notorium hunc esse Io. Georgium Lanza: id quod

quod neque statim admittendum est, nisi multa dicat probabilia quæ rem dubiam faciant.

Ad contraria initio propoposita non opus est respondere; si enim notorietas adsit, ea admittimus.

### PARS TERTIA.

*De quarto casu ab immunitate excepto, hoc est, de delictis in Ecclesiis, earumve cæmeteriis commissis.*

**R**AT hic casus omnium recentissimus à iure immunitatis exceptus, satis tamen antiquus, utpote à Gregorio nono additus, cuius auctoritate compilatæ sunt Epistolæ decretales circa annum Domini millesimum ducentesimū quadragesimum, quo ferè tempore, idein Pontifex Beatissimū Franciscum in sanctorū numerū retulit ante annos trecentos sexaginta tres. Cuius Gregorij extat decretalis Epistola in c. fin. de immun. Eccles. cui textus præsentis constitutionis omnino concordat, quoad dispositionem. Utroque enim iure tam qui homicidia, quàm qui mutilationes membrorum in Ecclesiis earumve cæmeteriis committere non verentur, ab ecclesiasticæ immunitatis privilegio excluduntur. Dixi autem quoad dispositionem; quia textus ille capituli finalis tres affert rationes, vnam motiuam, & duas fiales, in quibus suam dispositionem Pontifex fundat, quas omnes hoc loco Gregorius XIV. prætermisit.

*Quantum habeant momenti tres rationes adductæ in capitulo finali de immunitate Ecclesiarum.*

### CAPVT XVI.

**T**RES rationes adducit Pontifex in d. c. fin. de immunitate Eccles. quibus probat eos qui homicidia, & membrorum mutilationes in Ecclesiis, ac cæmeteriis committere non verentur, excludendos esse ab immunitatis privilegio.

Prima est, quoniam multi iam sperantes impunitatem suorum excessuum per defensionem Ecclesiæ obtinere, homicidia in ipsi Ecclesiis, earumve cæmeteriis committere non verentur.

Secunda est, ut ij puniantur in eo, in quo delinquant.

Tertia, quoniam frustra legis implorat auxilium qui peccat in legem.

Prima ratio motiua est, non finalis, ut expressè sentit Io. Andr. & Hostien. in d. c. fin. quam in eodem capitulo Panormitanus testatur esse communem sententiam, & post eum Remig. in tract. de immunitate Eccles. fallent. 3. n. 3. idque ipsa verborum textus series ostendit. Ponitur enim huiusmodi causa in ipso initio, non per modum causæ, sed per modum narrationis: ait enim, Nonnulli impunitatem suorum excessuum per defensionem Ecclesiæ obtinere sperantes, qui nisi per Ecclesiam ad quam confugiunt, crederent se defendi, nullatenus fuerant commissuri. hæc simplex narratio est, neque ullam rationem causæ præ se fert.

Z z 3 Mouet

Mouet tamen Pontificem, vt propter causas, quas per modum causæ posterius subiūgit, hos priuè ecclesiastica immunitatis priuilegio.

3. Huic rationi, quamuis motiue tantum, & non finali iidem Doctores Io. Andr. & Hostien. tantam vim tribuunt, vt ea cessante putent cessare legis dispositionem, vt cum delinquentes in Ecclesia præsumantur spe immunitatis id egisse, si tamen verè probent, se nullam eiusmodi spem habuisse, debeant ab Ecclesia defendi. quam etiam sententiam Panormitanus & Remig. *locis citatis* communem esse docent, eamque Menoch. *lib. de presumptionib. presumpt. tit. n. 10.* & communem admittit, & Nauarr. *in Manual. cap. 25. n. 20.* communem theoricā esse fatetur, quasi theoricè, non practicè recepta sit.

4. Contrariam tamen sententiam tenet Panorm. *in d. c. fin.* quam Nauarr. *loc. cit.* testatur esse receptam vsu, ac praxi secundum Stephanum *in Capell. Theolof. decis. 422.* eamque sequitur Couarr. *lib. 1. var. resol. cap. 20. n. 15. vers. vicesimo secundo deducitur.* Clar. *in Pract. §. fin. q. 5. vers. item quero*, dicens contrariam opinionem apud nos, id est, in Mediolanens. Ducatu, non posse in practica obtineri; semper enim, inquit, vidi indistinctè seruari, vt qui in Ecclesia deliquit, reputeur indignus, qui eius immunitate defendatur. Quibus verbis satis aperte attestatur Clarus, ita esse de cōsuetudine. Quibus concordat Farinac. *1. p. suorum criminal. q. 28. n. 55.* Imò illi ipsi Hostien. & Io. Andr. contrariæ sententiæ primi aucthores, ac Principes hanc ipsam antea sententiam tutari erant, ea

potissimum ratione, quòd contra eos, qui in Ecclesia delinquant, est præsumptio iuris, & de iure, quòd spe immunitatis delinquant, contra quam non admittitur probatio. Qui postea non alia ratione ab hac sententia defecerunt, nisi quia viderunt aliquando contra huiusmodi præsumptionem apparere euidētissimam veritatem, cum propter exortam repentino casu rixam, aut repentinam iram, & verba prouocatiua in Ecclesia, quis nulla præcedente inimicitia occidit, aut mutilat in eadem. Vnde hanc suam contrariam sententiam in defectu præsumptionis spei fundant, quòrum sententiam plenè reiecerimus cum hoc fundamentum destruxerimus.

Primum falsum esse hoc fundamentum præsumptionis spe immunitatis apertissime conuincitur ex ipsis verbis d. c. fin. vbi non solum nulla sit mentio huiusmodi præsumptionis, sed contrarium aperte conuincitur. Non enim inquit Pontifex vniuersaliter omnes qui in Ecclesiis committunt homicidia sub ea spe facere, neque verò dicit indefinitè, qui committunt homicidia, vt possit de omnibus præsumi quòd ea spe faciant, sed vtitur particula restrictiua, dicens, nonnulli; vt ex hoc quod aliqui ea spe committerent, motus sit Pontifex ad eā legē statuendam. Ex hoc autè præsumptio iuris, & de iure nosci non potest contra omnes. Secundo estò oriretur præsumptio illa iuris; & de iure, adhuc illa nunquā euacuatur euidēti veritate cōtraria. Imò vix vnquam potest euidenter, & clarè euacuari, quo fit vt præsumptio sēper maneat. Non possè autem vnquā euidenter euacuari, probatur, quia

spe

spes in animo est occulta, neque pendet ex præmeditata animi deliberatione, sed ex repentina oblata occasione facillimè concipi potest, vt exorta repente rixa in Ecclesia cum eo, qui cum inimicitias nunquam habui, videns me tutum esse in Ecclesia, occido eum, qui sine ea occasione Ecclesiæ præsentis non occidissem. Illa ergo ratio quòd exorta repente rixa, quod provocatoriis verbis repentino furore accessus, & similia quæ illi afferunt, nullam faciunt veritatem contra præsumptionem: ergo semper inanet præsumptio. Tertio, quia cùm ratio ista spei immunitatis non sit ratio finalis, sed solum motiva, non est tanti facienda, vt ea cessante, debeat etiam legis dispositio cessare; vix enim id admittitur in causa finali. Demum, quoniam etiam si esset ratio finalis, adhuc ea cessante, non deberet cessare dispositio. Vt enim egregiè notat Cephal. lib. 1. consil. 81. n. 7. & sequentibus, quando plures adducuntur rationes finales in aliqua lege, etiam si vna cesset, non cessat lex quandiu alia subsistit; cùm præsertim in aliis iuribus alterutra solum earum adducatur, & satis sit, multo magis quando deficere vna ratione finali, plures adhuc subsistunt, aut deficiente leuiore subsistit vna, vel plures grauiore: quemadmodum in prædicto casu perspicuum est. Nam tres adducuntur rationes, vt patet, quas omnes initio capituli retulimus. Prima est, de spe immunitatis, quam leuiorem esse constat cæteris, tum quia motiva, non finalis credita est; tum quia per modum narrationis, non per modum rationis probantis expressa est; ac demum, quia

nullo alio iure, per se sola tanquam sufficiens affertur. Aliæ duæ potiores sunt, tum quia omnium consensione tanquam finales recipiuntur, tum quia per modum rationis probantis exprimentur, tum quia in aliis iuribus seorsim tanquam sufficientes adducuntur: ergo deficiente solum prima ac cæteris in suo robore manentibus, nullo modo cessare debet legis dispositio. Concludo etiam si probetur non sub spe veniæ commissum esse homicidium in Ecclesia, adhuc reum immunitate carere. Id post præsentem constitutionem multo magis debet habere locum, cùm Gregorius X I V. absolute his deneger immunitatē, nulla expressa causa.

Secunda ratio, quæ finalis est, vt in eo puniatur, in quo deliquit, frequens est in sacris canonibus, vt quia in Ecclesia deliquit, ab Ecclesia non defendatur, eandem enim affert Celestinus in cap. ansis, de appellationibus, in eaque fundat eam dispositionem, vt qui appellationi non detulit, priuatur etiam ipse beneficio appellationis. quod duobus modis intelligi potest, vno modo, vt qui propriæ non detulit appellationi, cui ipsi non detulit, vti contra partē, consequenter neque pars illi deferre teneatur. Altero modo, vt qui non detulit alterius appellationi, neque si ipse postea in eodem articulo appellet, eius appellationi deferatur, neque à parte, neque à iudice à quo. Eadem ratione nititur dispositio Innocentij III. in c. literas, de temporibus ordination. Cùm quidā Episcopus duobus cōtinuis diebus cōtinuato ieiunio duos sacros ordines cuidā cōtulisset, statuit Innoc. vt vterque in quo deliquerat



querat puniretur, ordinato: ē à collatione amborum illorū ordinum, ordinatum verò ab executione posterioris manere suspensum. eadem nititur textus in *c. Pastoralis, de iure patron.* vbi Episcopum, qui personam idoneam à patrono præsentatam malitiosè admittere ad beneficium recusauit, vt puniretur in eo, in quo deliquit, iubet eidem recusatæ personæ de beneficio ecclesiastico prouidere, eadem ne longior sim singula percursendo nititur text. in *c. quanto, de translat. Episcoporum.* vbi Innoc III. Herbipolensis Ecclesiæ canonicos, qui illicitè elegerant Episcopum, vt in eo puniantur in quo deliquerunt, suspendit pro ea vice ab omni eligendi potestate. & in *c. cum olim, de officio & potestate iudicis delegati,* quendam qui acceptas à iudicibus literas ad sedem Apostolicam, destinatas aperuerat, & contra ipsos iudices questus erat, vt in eo, in quo deliquerat, puniretur, noluit in eo, quod petierat, exaudire. Ex his apparet quanti momenti in hac dispositione faciendâ sit hæc ratio, quæ sola tot fundandis iuribus tam sæpe sufficiens, atque idonea visa fuit: consequenter huic fundando iuri per se sola, sufficiens censenda esset. Huius vis hæc est, vt cum is, qui occidit, vel mutilat in Ecclesia, iniuriam inferat Ecclesiæ, ei que debitum honorem non habeat, vt in eo, in quo deliquit, puniatur, ab ipsa postmodum Ecclesia non defendatur, nec petat hunc honorem Ecclesiæ deferri, vt ipse defendatur.

7. Tertia ratio etiam finalis, vt frustrâ legis imploret auxilium, qui peccat in legem, est & ipsa fundandis iuribus frequenter usurpa-

ta. Nam in *c. quia frustrâ, de usur.* contra usurarium statutum est, literas per eum à sede Apostolica imperatas super restitendis sibi usuris, quas ipse aliis soluit, nullatenus ei prodesse, ne vt audiatur quidem in ea causa, nisi ipse prius usuras ab aliis extortas restituat, vt dū ipse contra restitutionis. legem committit, frustrâ legis eiusdem imploret auxilium. In *cap. ad audiendam, de sententia excomm.* statutum est clericū, qui contra clericali iuris decentiâ militaria arma etiâ tertio monitus gestare præsumperit, clericali etiam canonis priuilegio priuati, vt cum in legem clericalem volens commiserit, illius auxilio destituatur inuuits. In *c. 2. ne clerici, vel monachi,* eadem ratione fundatur illa dispositio, qua sacerdotes, & clerici prohibentur laicorum, vel ministri esse, vel procuratores, vt si publicè moniti in eo perseverent, & propter pecuniariam causam deprehendantur in fraude, indigni iudicentur, quibus ab Ecclesia subueniatur, per quos constat Ecclesiæ scandalum generari, vt cum legem sacerdotalem offenderint, ab ea non iuuantur. Similia non pauca habemus civili iure in eadem ratione fundata. *l. isti quidem ff. quod mortuo causa. & l. scimus. ff. de minoribus.* & aliis non paucis locis, quibus breuitatis causa supersedeo. Vis autem huius rationis in d. c. fin. hæc est, quòd qui in Ecclesia delinquit occidendo, vel mutilando, peccat in legem Ecclesiæ, & ideo frustrâ implorat legis Ecclesiæ auxilium, vt à morte libetetur.

Circa hanc tertiam rationem 8. tres occurrunt, non leues dubitationes, an vt quis frustrâ implora-

re dicatur legis auxilium, necesse sit in eandem omnino legem commisisse. Secunda an sit necesse circa illud idem deliquisse in eandem legem, circa quod auxiliū illius legis implorat. Tertia posito quod circa eandem legem, & circa idem, an semper sit necessariò destituendus illius legis auxilio, an verò aliquando eo vti permittatur.

9. Quod ad primam attinet difficultatem videtur aliquando in vnam legem peccare, & alterius beneficio priuari: vt in *l. filio patroni. §. 1. ff. de ritu nuptiarum*. Patronus enim qui ignominiosam libertam duxit vxorem, priuatur beneficio alterius legis, qua cauetur ne possit liberta inuito patrono ab eo diuertere, & in *l. auxilium. ff. eod. tit. in fin.* minor delinquens in aliquo delicto, priuatur beneficio restitutionis, quod alia lege concessum est.

10. Contrariā tamē partē tenet aperte gl. in *c. quia frustrā, de usur.* in v. in legem, necesse esse in eandem omnino legem committere, cuius beneficio priuatur, vt si in vnam peccet, alterius beneficio priuari iure non possit. Probar ratione; aliās enim sequeretur, puniri in eo, in quo non deliquit, supponimus enim iuxta hanc sententiam non in hanc, sed in aliam deliquisse legem. Vincentius, & Io. Andr. in eadē gl. referūt hāc fuisse dubij, nec ausi alterutā in partem declinare.

11. Mihi verò hęc dicenda videntur. Primum indubitātū esse in quamcunque legem quis peccat, mereri priuationem omnis beneficii, ac commodi eiusdem legis: id enim plerāque iura iam relata euidenter expresserunt; vt quod iure expressum non est, possit per iudicis sententiam decerni.

P. Gambac. de immuni. Eccl.

Secundò ordinariè, & vt plurimum qui peccat in legem, debet eiusdem, non alterius legis beneficio priuari, & hoc est ordinariè statutum in legibus, tam ciuilibus, quàm canonicis, quā in hac ratione fundantur, ideoque nec debet iudex negare reo qui peccauit in vnam legem, beneficium alterius legis. Parer ex omnibus iuribus pro eadē ratione à nobis adductis. Nisi fortè in eo casu, in quo id in aliquo iure inueniret expressè statutum. exempli gratia, si quod reperitur ius in quo peccans in vnam legem priuatur beneficio alterius legis, hoc casu potest iudex eum qui in illam legem peccauit, priuare beneficio illius alterius legis, quo iure priuatur. Idem dicendum videtur in casu alterius legis valde similis, vbi propter nimiam similitudinem par ratio videretur.

Tertiò potest iure, ac meritò legislator propter aliquas particulares rationes, ac circumstantias committentem in vnam legem, alterius beneficio priuare, vt est propriè casus in suprā cit. lege, *filio patroni. ff. de ritu nuptiar. §. 1.* vbi odio patroni ducentis in vxorem libertam ignominiosam contra vnā legem, priuatur beneficio alterius legis. Ita responder Panorm. in *c. quia frustrā, de usuris*. Ita in *l. auxilium. ff. eod. tit.* minor ex commisso delicto priuatur beneficio alterius legis restitutionis, non quidem in poenam, aut odium delicti, sed quoniam in minore delinquente cessat omnis ratio propter quam concessum illi erat priuilegium restitutionis, nempe delinquendo ostendit se callidum & maliciosum, beneficium autem restitutionis concessum erat ei, quoniam præsumi-

AAa rur

tur esse facilis ac simplex : cessante ergo simplicitate, & facilitate, cessat ratio beneficij restitutionis. Ideoque illo priuatur, non quia peccauit in legem.

14. Venio ad secundam dubitationē. In qua quoniam ex *c. quia frustra, de usur.* constat vsurarium posse contra alium vsurarium, qui Apostolicas literas super vsurarum restitutione impetrauit, excipere nō modò de vsuris à se, sed etiam ab alijs extortis, videtur consequenter non modò circa idē, in quo deliquit, sed etiam circa aliud eiusdē legis restitutionis beneficio priuari; tūc enim solum careret circa idē, quando alij solum liceret excipere de vsuris à se extortis. At excipere etiam de extortis ab alijs, videtur esse excipere circa aliud.

15. Sed respondeo post glossam in *d. c. quia frustra*, in *v. in legem*, generaliter quidem, & ordinariē non perdere eiusdē legis beneficiū circa idem in quo deliquit. Id autem speciale esse in vsurario, vt etiā circa aliud beneficium legis amittat odio vsurarum. Hanc glossam sequitur ibi Panorm. & Innoc. in *c. intelleximus, de adulter. & stupr.* Vbi addit: Vsurarium si alicui vsuras, vel restituit exactas, vel non exactas relaxauit, quamuis ab alijs exigisset, & non restituisset, nisi speciali iure d. c. Quia plerique prohiberetur, aliās de iure potuisse exigere vsuras suas ab eo, cui iam suas restituerat, vel relaxauerat. Sed pretereā respondeo ad eandem rationē, & melius, non priuari beneficio legis circa aliud, sed circa aliū, seu circa aliam personam, sed circa idem omnino delictum, vt quia ipse in legem restitutionis committit non restituēdo omnibus quibus de-

bet, priuatur beneficio restitutionis, vt nullus ei restituere teneatur, ne ille quidem, cui ipse suas vsuras restituit. Tertio respondeo ex particularibus aliquibus causis, & circumstantiis posse lege decerni vt etiam beneficio legis careat circa aliud.

Quoad tertiam dubitationē, an aliquo saltem casu committens in legem permittendus sit eiusdē legis auxilium vt iliter implorare; pro parte affirmatiua videtur facere text. in *c. dilectis filiis, de appellationib.* Vbi Decanus, qui partis appellationi non detulerat, appellans postea in eodem negotio auditur, gesta que post eius appellationem declarantur inualida. Contrarium tamen expresse tenet gl. in *c. quia frustra, de usur.* generaliter & ordinariē non permitti vt beneficio eiusdē legis. Ad id quod adducitur ex *c. dilectis filiis*, respondeo primò cū Panorm. in *c. quia frustra, de usur.* ideo ibi deferri appellationi Decani, quia officialis Archiepiscopi ei detulerat, quo facto ligauerat Episcopo manus, vt non posset aliquid attentare, vt si officialis Archiepiscopi ei non detulisset, neque Episcopus deferre ei debuisset, sed potuisset ad Decanū excommunicandū procedere. Secundò respondeo & melius cum eodem Panorm. in *c. an sit, de appellationib.* Decani appellationem non circa idē, sed circa aliud, atque in alia causa fuisse interpositā. Appellatio enim Episcopi ad Archiepiscopū, cui Decanus nō detulerat, à molestia ipsius Decani fuerat, ne quid ab illo propter clericū quem ipse Episcopus tenebat in vinculis, pateretur. Appellatio verò Decani ad sedē Apostolicā fuit interposita contra officialem

cialē ipsius Archiepiscopi, ad quē Episcopus appellauerat, cui idē ipse officialis detulerat. In hac solutione valde gloriatur Panorm. eo loco dicens: Hoc semper nota, quia facio in hoc dicto maximum festum. Hinc obseruat textū d. c. *an sit*, vt is qui appellationi nō detulit, appellationis beneficio priuetur, in duobus casibus habere locū. Prior est, quādo ipsemet suæ appellationi non detulit, posterior quādo, cū non detulerit appellationi partis, ipse postea in eodē articulo appellat, vt cū post partis appellationē, illi nō deferendo, aliquid innouauerit, sua postea appellatione cogat partē seruari, id quod post illius appellationē ipse innouauit. Id quod optima ratione cōstitutū est nō valere, ne quis ex iniūria quā intulit parti eius appellationi nō deferendo reportet beneficium vt suæ iniuste innouationi stetur. Id autē non habet locū cū is qui appellationi partis nō detulit in vno articulo, appellat postea in alio articulo, vt factū est in prædicta appellatione Decani, ideo huic secundæ appellationi deferendū est.

17. Demū quæro an istæ duæ rationes finales positæ in d. c. *fin. de immunit. Ecclesiæ* sint inter se distinctæ, ac diuersæ, vt non possint in vnam coalescere. & ratio dubitandi est, quoniam aliquando in iure nō modò simul ponūtur, sed etiā cōfundūtur, vt altera pro altera poni videatur.

18. Pro solutione aduertendum id in quo quis punitur, aliquando habere adnexum, ac secū trahere aliquod beneficium, seu ipsum esse beneficium quoddā, vt in eo puniendo, consequenter eo beneficio priuetur: aliquando verò nullum includere, aut secū trahere beneficium.

Exemplum primi habemus in c. *an sit, de appellationib.* vbi & is qui appellationi non detulit, in eo quod deliquit punitur, vt eius appellationi non deferatur. & quia in quo punitur, est beneficium appellationis, dū in eo punitur in quo deliquit, frustrā legis implorat auxilium quo priuatur. Exemplum secundi est, in c. *Pastoralis*, de *iure patronatus*, vbi Episcopus qui personā idoneā præsentatā à patrono malitiosè ad beneficium admittere recusauit, punitur quidem in eo in quo deliquit, vt illi prouideat de beneficio; sed quia id in quo punitur non trahit secum legis cōmodum, ideo non concurrit in hoc altera ratio, vt frustrā legis impleret auxiliū. Hac supposita distinctione,

19. Respondeo ad quæstionem, priore casu semper has duas rationes in vnam simul concurrere, esseque necessariò coniunctas. Vt qui punitur in eo in quo deliquit, simul beneficio legis priuetur, atque ideo frustrā legis impleret auxilium. Posteriori verò casu ratio prior semper sit à posteriore distincta. Ex his ad præsentem materiā deueniendo dico eū qui peccat in legem occidendo in Ecclesia; & puniri in eo in quo deliquit, ne ab Ecclesia defendatur, quin possit ad necē accusari, & simul quia id in quo punitur, est beneficium, priuatur eo beneficio, vt frustrā legis immunitatis impleret auxilium.

*De homicidiis & membrorum mutilationibus in Ecclesiis, aut cæmeteriis commissis.*

## CAPVT XVII.

**D**VÆ actiones malæ in Ecclesiis, siue cæmeteriis commissæ carent Ecclesiarū immunitate, homi-

cidium, & membri mutilatio, his enim expressis iuris verbis immunitatis privilegium ablatum est. Homicidium non omnem & quācunque occisionem significat, sed eam, quæ crimen sonat, potest enim occisio fieri sine ullo peccato à ministris iustitiæ, quibus à Domino præceptum est, ne patiantur maleficos viuere super terram; & si quis per industriam occiderit proximum, aut per insidias, ab altari meo auelles eum vt moriatur. Ita casuale quoque homicidium inculpabile plerumque est quando metè casu fit, & nulla occidentis negligentia interuenit in præcauendo, ac prospiciendo.

2. Neque verò satis est culpabile esse homicidium in Ecclesia commissum vt priuet immunitate, sed necesse est habere coniunctam aliquam temeritatem, seu præsumptionem: quo indicant illa verba textus, *homicidia & mutilationes in Ecclesiis committere non verentur*. quo videntur excusari qui repentino iræ motu, vel casu quidem, seu culpabili occidunt, de qua re dicam infra plenius, quoniam motus iræ & indeliberatio excuset, ne priuetur occisor Ecclesiæ immunitate.

3. Est autem homicidium voluntaria hominis iā plenè formati, ac viuentis occisio. Vt si quis in Ecclesia præbeat mulieri venena sterilitatis, ne possit concipere, homicidij crimen non incurrit, neque ipsa mulier quæ eadem venena ad impediendam prolem accipit. Item si quis mulieri procuret abortum saltibus, pignis, vel alia ratione antequam foetus sit animatus, homicida non est, vt catere debeat immunitatis privilegio: si autem foetus est animatus, eumque abor-

tiatur, vel semiuiuum, vel reiiciens mortuum, verè homicida censeri debet, & ab Ecclesia non defendi. Idemque iudicium si diu post procuratum abortum, abortiatur foetus iam diu mortuum. Putandus est enim ex eo tempore mortuus esse, quo abortum procurauit. Nisi medicorum peritorum, ac Deum timentium iudicio collatis temporibus procurationis abortus, cum temporibus defuncti foetus aliud certum affirmetur; si verò tecens procuratus est abortus, & nunquā antea, & foetus pariatur diu antè mortuum, ab omni homicidij suspitione liber erit. Demum etiam si foetus orjatur viuus, qui tamen ideo intra aliquot dies moriatur, quia abortiuus est, videtur pro homicidio habendum; si verò non appareat ex qua causa sit mortuus, recurrendū est ad qualitatem remediorum, quibus abortus procuratus fuerit: & secundum eam iudicandum adhiberi peritorum, ac Deum timentium medicorum consilio, & in dubio pro immunitate iudicandum est. De eo, qui in defuncti cadauere sæuit in ipsa Ecclesia, quantumcunque desæuiat, etiā membratim illud concidendo, cettum est non esse verè homicidam; nec mutilatorem, neque hoc titulo de Ecclesia eiici posse. An autem ratione grauis delicti sæuendi in cadauet defuncti, sit ex Ecclesia excludendus, ex alia quæstione pendet, an etiam alia grauius delicta in Ecclesia commissa cateant immunitate, quæ paulo inferius pertractabo. Aliera actio quæ commissa in Ecclesia priuat eius immunitate, est mutilatio membri, pro cuius declaratione non modò quid membrum, sed etiam quid mutilatio sit, diligenter obseruandum est.

Mutila

4. **Mutilationem Panormitanus in c.**  
*cum illorum, de sententia excom. n. 8.*  
 esse putat quando membrorum ali-  
 quod ita læditur, aut debilitatur,  
 ut eius impediatur in humano cor-  
 pore officium, seu exercitium. exē-  
 pli gratia, si ita lædatur pes, aut ti-  
 bia, ut post absolutam curationem  
 non possit liberè, ac bene se mouere  
 ut solebat, sed cogatur claudicare.  
 probat per legem *idem Offilius. ff. de*  
*edilit. edicto.* & per gl. in c. *accusasti,*  
*de accusationib.* quæ ita exponit, de-  
 bilitatus, id est, mutilatus. Vnde  
 distinguit Panormitanus mutila-  
 tionem membri à truncatione, quod  
 mutilare sit debilitare membrum,  
 truncare verò sit totaliter abscinde-  
 re, atque à reliquo corpore separare.  
 Idem verò Panormitanus in c. *accu-*  
*sasti, de accusationib.* longè aliter lo-  
 quitur, mutata sententia, atque si-  
 bi ipsi contrarius, ut notat Felin. in  
 c. *cum illorum, de sententia excom.* Ex-  
 pressè enim dicit mutilare secun-  
 dum propriam significationem non  
 esse debilitare, sed truncare, unde &  
 reprehendit præcitatam glossam ex-  
 ponentem debilitare, id est, mutila-  
 re; non est enim, inquit, verum, ne-  
 que secundum propriam significa-  
 tionem, neque secundum commu-  
 nem sententiam Doctorum. Vnde &  
 in c. *clericis, ne clerici, vel monachi, n. 3.*  
 respondens cuidam obiectioni dic-  
 tæ in clem. si furiosus, de homicid.  
 hæc duo ibi posita mutilare, &  
 truncare, esse posita tanquam diuer-  
 sa expressè proficitur pro eodem  
 accipi (ubi obiter nota hos in anti-  
 quis textibus habuisse hæc duo in  
 dicta clem. in nostris verò tex-  
 tibus vnum tantum, quod est muta-  
 re, positum est.) Hæc est ergo ve-  
 ra vocis mutilationis significatio, ut  
 pro truncatione accipiat. Ita ac-

ciunt communiter Doctores Car-  
 dinal. Præpos. & Calderin. in c. 1.  
*qui clerici, vel vouentes.* Couarr. ini-  
 tio tertiz partis relectionis clem. si  
*furiosus, de homicid.* Bartol. in l. 2. ff. de  
*public. iudic.* Nauarr. in manual. c. 19.  
 n. 107.

His addo, neque propriè mutila- 5.  
 re esse secare quoquo modo mem-  
 brum, chirurgus enim qui mem-  
 brum putridum secat, non dicitur  
 propriè mutilare, sed est secare mē-  
 brum viuum, & commodum, id est,  
 non valde incommodum corpori, &  
 onerosum. Ut si quis habeat mem-  
 brum aliquod mortuum, quod non  
 nutritur, non vegetatur, non sentit,  
 quamuis neque putrescat, & id im-  
 pedimento atque oneri sit ipsi cor-  
 pori, mutilationis crimen non in-  
 currit saltem quoad immunitatis  
 materiam, si illud secet, vel secari si-  
 bi faciat in Ecclesia.

Contrà verò quamuis aliquis nō 6.  
 fecerit totaliter membrum, neque il-  
 lud à reliquo corpore separaret, si ta-  
 men ita grauiter lædit, ut non pos-  
 sit amplius in corpore conseruari,  
 sed medicorum consilio abscinda-  
 tur, tantundem est, ac si ipse absci-  
 disset, is enim abscidit qui ita ma-  
 le affecit, ut abscindi necesse fuerit  
 ex illa mala tractatione. Quod ideo  
 dico, quia si aliunde ex malo ipsius  
 regimine, vel aliunde oriatur postea  
 secandi membri necessitas, non illi-  
 us percussione, & mala tractatione,  
 non est in ipsum percutientē culpa  
 deriuanda mutilationis, sed solum  
 percussione; quare si id in Ecclesia  
 gesserit, adhuc ab Ecclesia defen-  
 dendus est.

Venio ad quidditatem membri. 7.  
 Membrum Bartol. in l. 2. ff. de publ.  
 iud. illud propriè dici vult, quod  
 cum sit pars quædam humani cor-  
 potis

poris, habet in eo proprium officium. Id similitudine quadam ex domo accepta facile declaratur, sicut enim illa vocantur membra domus, quæ propriis ac distinctis officiis deputata sunt, aula ad comedendum, cubiculum ad dormiendum, coquina ad parandos cibos, horreum ad seruanda frumenta, cella vinaria ad seruanda vina, cæteraque similia ad sua quæque munera, ita omnino se habeant, quæ in corpore vocantur membra, cuiusmodi sunt, inquit Panormitanus in c. cum illorum, de sententia excom. manus ad palpiandum, pedes ad ambulandum, oculi ad videndum. Bartolin d. l. 2. addit nasum ad odorandum, Io. Brunellus in repetit. c. 1. de homicid. addit etiam linguam ad loquendum. Testes quoque qui ad generandum necessarij sunt, sicut pondera textricum, ut ait Philosophus, inter membra numerari videntur, can. si quis absciderit, & can. si quis per agriundinem, d. 55. quoniam eorum abscissio irregularem facit. Quoniam autem non est horum proprium officium generare, sed solum ad id coadiuuare, & tamen inter membra numerantur, ideo Caiet. l. 2. q. 65. art. 1. putat etiam alias partes coadiuantes cætera membra ad sua officia inter membra debere numerari, cuiusmodi sunt digiti, qui adiuuant manum. Sed certe fundamentum eius vanum est, deficitque in duobus vt minimum. Primum quod neque testes illi canonibus membra vocantur, neque ex eo quod eorum abscissio irregularitatem inducit, sequitur esse membra. Irregularem enim facit eorum sectio propter nimiam crudelitatem, cum non fiat sine multa sanguinis effusione, nec sine gra-

ui vitæ periculo. Secundò, quia licet sint solum partes coadiuantes, eorum tamen sectio est valde contraria naturæ intendenti conseruationem speciei, & indiuidui, quibus vtrisque repugnat, conseruationi quidem speciei, quia facit impotentem ad generandum, conseruationi verò indiuidui propter probabile mortis periculum, cui exponit, quæ duo in sectione aliarum partium coadiuantium desunt. Hinc longè melius Baldus in l. idem Offilius. ff. de adulter. edicto, non modò digitum à membri ratione remouet, sed peracutè id ex illius legis textu colligit, quo digitum membro contradistinguens, ait, si cui digitus abscissus est, membrivæ aliquid laceratum, quin illud iidem ex verbis colligo potius digitum aliquid membri esse, quam membrum, cum hæc duo quasi paria ponantur, digitus, & aliquid membri. Idem de digito post Baldum sensere Bartol. Angelus, Imola, & Dionysius in d. l. 2. ff. de public. indic. Marian. Salicet. & Odof. in l. non sunt liberi, ff. de statu hom. & omnes communiter Doctores in d. l. idem Offilius, & Panormitanus in c. cum illorum, de sent. excom. & in c. 1. qui cler. vel vouen.

Felin. in d. c. cum illorum, de sententia excom. adiecit sex limitationes, & totidem casus, in quibus digitus membrum esse censendus sit. In quibus ille est præcipuus, cuius etiam meminit in c. ego enim, de iureiurando. vbi refert etiam Marianum in repetit. capituli qualiter, de accusationibus, si cui pretioso artifice, seu veriùs artifice pretiosarum rerum

vten

vtenti ad suam illam artem aliquo particulari digito, sine quo illam nequeat exercere, is digitus abscindatur, tantundem esse, quantum si tota illi manus abscissa fuisset, iuxta quam sententiam Anan. in c. cum ex iniuncto, de haret. fol. 4. refert consuluisse Bairolū, & ita iudicatū fuisse Bononiæ. id autem quo probabilius est, si de membri æstimatione, illatōque damno compensando loquamur, eo minus probabile est, si ipsam membri rationem attēdamus. Quoad priuationem verò immunitatis, si id in Ecclesia fiat, certum est, sub membri mutilatione non comprehendi. An autem eadē immunitate priuet rationē grauis delicti, respondeo aded graues circumstantias posse concurrere vt priuet; quas circumstantias Episcopo, si quando casus aciderit, iudicandas relinquimus.

9. Hinc illud infertur, si digitus cōmuni sententia membrum non est, multo minus probandum esse id quod Panotmitanus in c. cum illorum, mitatur sensisse Hostiensē vnguē membrū esse, multōque magis miratur cæteros Doctores, qui hanc Hostiensis sententiam referentes, eā non reprehenderunt, cūm potius vngula excrementum quoddam sit, vtile quidem digito, & ad suos vsus & ad ornamentum, cuius defectus neque vllō modo facit ex se irregularem, nisi fortē Eucharistiæ sacratissimæ contrectationem impediret, c. Thomas, de corpore viriat.

10. Dentem de membrorum numero excludit expressus textus in l. cui dens, de adul. edict. statuens eum cui dentes deficient, morbosum nō esse, quod probat, quoniam alioqui & pueri omnes, & senes morboſi ef-

sent. Ita etiam tenet cōmunis Doctorum consensus, Bald. in l. non sunt liberi, de statu hominum. Batt. in l. 2. de public. indic. Angel. in auth. vt induces sine quoquo suffragio. §. penult. Felin. in c. cum illorum, de sententia excom.

Linguam inter membra numerat Io. Brunell. in repetit. c. 1. de homicid. concl. 15. cui sententiæ multū fauet textus in l. si cui lingua, ff. de adul. edict. dicens eum cui lingua deest videri non esse sanum; fauet & proprium, ac distinctum eius officium in humano corpore ad loquendum, ad comedendum, ad gluticendum, ad expuendum.

Labia oris, ac palpebras oculorum nullus ausus est inter membra numerare, aded sunt officia coadiuantia oris & oculorum.

Auriculam, hoc est, prominentem circa aurem cartilaginē ad externum aërem captandum sonorum ad sensum auditus. Couarr. in initio 3. partis relectionis clementina si furiosus, de homicid. apertē negat esse membrum, cui fauet text. in saepe citata lege, idem Offitius. Mammillas pectori adhzrentes in viro quidē cōmunis opinio ē mēbrorū numero reiciit. Ita Bald. in l. data opera. Cod. qui accusare poss. col. 12. Felin. in c. cum illorū, de sententia excomm. Alex. Barb. in additionib. ad Bart. in l. 2. de public. indic. in v. verum digitus. Idque tum quia nullum habent officium in virili corpore, tū quia sunt valde exigæ. In muliere idem sentit Couarr. in 3. parte relect. clem. si furiosus n. 8. vbi præterea fatetur scire se id multis dubium visum iri, contrarium tamen sensere Bald. Felin. & Alex. locis iam citatis.

Virilia aded verā habere putantur rationem membri, vt quasi appropri



propriato vocabulo membra vocari soleant. Patet id ex officio generationis cui deferuiunt.

15. Monstro simile videtur id quod aliquando dixit Baldus *in l. reos, Cod. de accusationib.* barbam membrum esse, cui peculiare munus tribuit decorandi corpus, seu faciem, quæ valde infirma ratio muneris est, cum nulla sit adeo parua, vilisque pars in humano corpore naturaliter debita, quæ illud non ornet, ac decoret, decorant enim etiam extremita, ungues manum, ac pili caput. Vnde ipsemet in *l. data opera. col. 22. Cod. qui accusare non possunt*, contrarium tenet, quod etiam communiter receptum est.

16. Imola in *l. 2. de public. ind.* distinguens duplicem barbæ acceptionem, unam pro ipso mento, cui barba adhæret, alteram pro ipsis pilis, qui mento adhærent, dum Baldi errorem declinare vult, in grauiorem labi videtur, negans mentum ipsum, membrum esse.

*An alia graua delicta in Ecclesia commissa, eius immunitate carere censenda sint.*

#### CAPVT XVIII.

1. **S**I nudam sequamur iuris literam, & quid in eo expressum sit, attendamus, palam est tamen in *c. fin. de immunit. Eccles.* quam in §. 6. præsentis constitutionis solum homicidia & membrorum mutilationes, clarè atque apertè excludi ab immunitatis priuilegio. Si verò communia Doctorum placita perpendamus, & quid in ipso iure lateat eruamus, fortasse videbimus ad alia quoque delicta siue omnia, siue aliqua exten-

di, quo immunitas pluribus ex ea exclusis delictis nonnihil restringatur. Hæc sunt hoc capite diligenter examinanda, & quantum ponderis, ac momenti habeant perspicendum est.

Io. Andr. in *d. c. fin.* putat etiam adulteria raptusque virginum si in Ecclesia fiant, carere immunitate, videtur enim textum authenticorum in quo hæc ab immunitate excluduntur, reducere ad terminos dicti *c. fin.* Hostiens. in *sum. de immunit. Eccles.* §. in quantum. *vers. quid si commisit*, idem affirmat de furto in Ecclesia commisso, quod rationem sacrilegij accipit ex sacro loco. Probâtque ex Augustino in *can. frater* 17. q. 4. dicente, neminem ibi ad supplicandum debere admitti, ubi sacrilegium committere non dubitauit. Quæ ratio nõ de solo furto probat, sed de omni peccato, quod inde accipit sacrilegij rationem; quodd autem non sacrum de sacro loco furari sacrilegium sit, expressè docet Io. Papa VII. in *can. quisquis inuenit, eadem caus.* & q. quod de furto esse sententiam communem refert Ang. de Castro inter consilia Pauli de Castropatris sui *consil.* 458. n. 1. in *fin. lib. 2.* & ita obseruatum fuisse in quodam sacrilegio refert Millæus in *pract. fol. 31. n. 2.* & Clar. in *pract. §. final. q. 20. vers. Item quare.* Nauar. in *Manuali cap. 25. n. 21.* Primum vniuersè asserit, quoduis graue crimen in Ecclesia commissum carere immunitate, deinde multa in specie delicta grauia recenset. Expressus textus civilis iuris in *Auth. ut liceat matri, vel auic. §. quia verò, collat. 8.* piissimis verbis ab Ecclesiæ immunitate excludit eos qui adulterantur in Ecclesia, vel de adulterijs, fornicationibus cæterisque carna

carnalibus spurcitiis, ac peccatis in ea tractant, ubi timentes Deum consueverunt de peccatis veniam postulare; ibi delinquant, ubi salutem per immunitatem petunt.

3. Communis Doctorum sententia tenet quoduis graue delictum in Ecclesia commissum priuare immunitatis priuilegio. Ita Panorm. in d. c. final. de immun. Eccles. Io. de Vuischis in tract. de libert. eccl. n. 3. Sylu. in v. Immunitas. 3. n. 2. Cyn. in l. present. Cod. de his qui ad Eccles. confug. Oldrad. conf. 154. quod incipit, *Quidam deliquit*. Boërius dec. 109. n. 3. Io. Ma. Monticell. in sua pract. crim. regula 12. n. 21. Iodoc. in sua pract. cap. 15. rubr. de citat. real. n. 22. Clar. in sua pract. §. final. q. 30. vers. Item quero. Gomez variat. resol. torn. 3. c. 10. rubr. *Quando rem gaudet immunit.* n. 2. vers. 3. casus. Io. Barber. in viatorio iuris rubr. 33. de violat. immun. n. 2. vers. *Sextus in committente*. Nicol. Moron. in tract. de fide, treuga & pace q. 103. n. 10. Bonacossi. 1. parte commun. opin. in v. Ecclesia habet immunitatem. Remig. in tract. de immun. fallent. 3. n. 5. Farinac. 1. p. criminal. q. 28. Couarr. lib. 2. variat. resol. cap. 20. n. 15. vers. 15. quam sententiam communem esse testantur Couarr. Clarus & Bonacossi. locis cit. eandem Sylu. addit loco cit. quamuis id ex verbis c. fin. non habeatur, rectè tamen dici propter rationis identitatem. Couarr. item loco cit. addit id ex ipsorum canonum constitutionibus esse tenendum, quasi ex vi ipsius iuris canonici, non ex sola Doctorum autoritate tenendum sit; non ostendit tamen cuius iuris autoritate id teneat, quod in tanto viro, & tam insigni canonista valde miror. Id ego probare

P. Gambac. de immun. Eccl.

conabor ex ipsa vi c. fin. de immun. Eccles. Et primò accipio extrinseca textui, quæ tamen magnæ solent esse auctoritatis. Summa d. c. praefixa sic habet vniuersè: *Qui in Ecclesiis vel cæmeteriis sub spe immunitatis delinquant, immunitate non gaudent*. Secundò glossa initio illius capituli ita format casum: *Quidam in Ecclesiis, vel cæmeteriis committunt homicidia, & alia maleficia*. Vtrobique in genere delinquentium, & committentium maleficia sermo est. Ingrediamur modò ipsum textum, quem oro attentius consideremus. Nonnulli, inquit, impunitatem suorum excessuum per defensionem Ecclesie obtinere sperantes. Ecce hic quoque generaliter de excessibus sermo est, nihil speciale apparet. Tum subditur narratio, *homicidia & mutilationes membrorum in ipsis Ecclesiis, vel earum cæmeteriis committere non veniuntur*. quibus verbis ad specialia descendens hæc duo narrat, delicta quæ de facto committebantur in Ecclesiis. Tum rationes assignans, propter quas priuè Ecclesie immunitatē, quæ cūm non de solis homicidiis, & mutilatoribus probent, sed vniuersè de quouis delinquente in Ecclesia, neque ab ipso textu ad homicidas, & mutilatores restringantur, commodè possunt ac fortè debent de omni delinquente intelligi, vt in quo quis peccat, in eo puniatur; & frustra legis impleret auxilium, qui committit in legem. Demum post rationes decidurus quibus neget immunitatis priuilegium, non se restringit ad homicidas, & mutilatores, sed vniuersè precipit, *Mandamus, inquiens, quatenus publicè nunciatis tales non debere gaudere immunitatis priuilegio, quo facimus*

*se indignos. Tales* relatiua vox est, non apparet num referat homicidas, & mutilatores, quos vltimo loco narrauerat, an verò sperantes obtinere impunitatem suorum excessuum, an omnes coniunctim, vt initio narrati sunt, omnes qui excessus committunt generaliter, & specialiter eos, qui homicidia, & mutilationes membrorum. Neque vlla apparet ratio cur ad hos speciales restringendum sit illud relatiuum, cum æquè ambo initio narrati sint, & nihil veret de vtrisque intelligi. Imò longè probabilius esse de vtrisque ostendunt aperte verba sequentia, cum subdit, *quo faciunt se indignos.* Non enim minus faciunt se priuilegio immunitatis indignos, qui alia quæuis delicta in locis sacris committere non verentur, quam qui homicidia & membrorum mutilationes. Quòd si de solis homicidis, & mutilatoribus, intendisset, potuisset causam addere illi delicto propriam non debere vitam, ac membra earum per Ecclesiam defendi, qui vitam & membra aliis in Ecclesia eripuissent. Vnde verba illa, *homicidia, & membrorum mutilationes committere non verentur,* si hunc sequamur probabilem sensum, non specificatiuè ad restringendam legis dispositionem posita censenda sunt, sed narratiuè tantum. Narrent vt factum quod eo tempore frequens erat, vt non alia delicta, sed homicidia, & membrorum mutilationes committi in Ecclesia solerent. Imò hoc magis argumento est legislatorem intendisse de omnibus delictis sic disporre, quòd cum homicidia, & membrorum mutilationes fieri tunc in

Ecclesia solerent, Pontifex non de ipsis solum expressit, sed vniuersali assumpto principio impunitatem suorum excessuum obtinere sperantes, postea specialia, quæ frequentia erant, narret, tum & in rationibus, & in ipsa dispositiua, atque in ratione post dispositiuam adducta à specialibus sermonem abstrahat, & ita vniuersè, seu indeterminate loquatur, vt perquam commodè omnibus adaptari possit.

Contrariam sententiam, nempe solos homicidas, & membrorum mutilatores immunitate priuari, tenet Cardin. relatus apud Clarum versiculo illo, *Item quero.* & Roman. consil. 234. vbi satis concisè obscurèque id dicit, & nouissime Farinac. in 2. editione *suorum criminalium* q. illa 28. vbi post multa, quæ in priore editione dixerat, ad verbum inserta tandem quasi retractando dicit: vide tamen bullam Gregorij XIV. qua videtur requiri, vt sequatur mors, vel mutilatio in Ecclesia, vt illius immunitas iis, qui ad ipsam confugiant, non prosit: quibus verbis aperte insinuat post hanc constitutionem solos homicidas, & mutilatores, qui in Ecclesia hæc committunt, carere immunitate. Cardinalem refellit Clar. loco cit. quia contra eum est communis opinio. Romanum confutat Mendos. in suis additionibus ad illud consilium 234. In refellendo Farinacio non opus est laborare. Cum enim satis probatum sit supra cap. 7. in hoc 5. lib. parte 2. ius commune per hanc constitutionem non reuocari. & cap. 9. probatum sit neque ampliaciones, & restrictiones iuris factas per Doctores tolli

li, sed in suo pristino rigore manere, nihil obesse potest huic sententiae quod Gregorius XIV. & proemio nullo usus, & nulla ratione allata ad suam fundandam dispositionem sub certa lege nihil aliud exprefferit, nisi id quod virtute dicti c. finalis indubitatum erat, cetera delicta, vel dubia secundum illam c. fin. dispositionem, vel sola authorum autoritate recepta, clarè excipere noluerit, sed in eo in quo etant statu reliquerit. Qui siquid iuris reuocare intendisset, exprefferet. Mihi hæc dicenda videntur.

s. Primò dico duo esse apud omnes certa, citràque omnem dubitationem probata in hac materia. Alterum est homicidia, membrorumque mutilationes quæ in Ecclesiis, aut cæmeteriis committuntur, carere priuilegio immunitatis, vt patet de se. Alterum est leuiiores excessus, leuiaque peccata in Ecclesia commissa, siue leuia sint ex materiæ prauitate, siue ex obiecto, siue ex indeliberatione animi, omnique carent temeritate, ac præsumptione, habere immunitatem, ita apertè docet Panorm. Sylu. Couar. locis cit. Nauarr. cap. illo 25. n. 21. Hostien. in d. c. fin. de immun. Eccles. Aufret. in capella Tholos. decis. 422. col. 1. vbi etiam testatur hanc esse communem. Probatur primò, quia omnes alij casus, propter quos Ecclesia priuatur immunitate, grauissimè sunt. Secundò quia rationes d. c. fin. non nisi in graui delicto locum habent. Tertiò facit text. d. c. qui in ipsismet homicidiis & mutilationibus videtur exigere, vt cum quadà temeritate fiant, dicens committere non verentur; ergo

necessariò debet esse graue delictum.

Secundò dico: Præter homicidia, & membrorum mutilationes saltem illi casus ab immunitate excludendi sunt, qui peculiarem quãdam rationem iniuriæ continent erga Ecclesiam, cuiusmodi sunt delicta quæ violant Ecclesiam, vel ex ea accipiunt sacrilegij rationem: Ecclesiam violat iniuriosa effusio humani sanguinis, vel seminis per quemcunque carnalem actum. Rationem sacrilegij accipiunt, furtum, & violenta extractio eius qui ad Ecclesiam confugit, quæ etiam iniuriam Ecclesiæ irrogat. De delictis, quæ Ecclesiam violant, habemus expressum textum in can. ad Episcopos 17. q. 4. quo loco statuitur eos, qui Ecclesiam violant, eius accessu prohiberi, quod commodè de accessu ad immunitatem intelligi potest, vt diximus suprâ in hoc eodem lib. 3. parte prima, cap. 5. casu 3. De sacrilegio est expressus text. in can. frater. eadem causa & quæst. vbi expressè dicitur iure ad supplicandum non debere admitti eum qui admittere sacrilegium non dubitauit, & loquitur de sacrilegio commissio per Benenatum, & Maurum, qui hominem, qui ad Ecclesiam confugerat, per vim inde extraxerunt, & quoniam non ad hoc sacrilegium se restringit, sed vniuersè sacrilegos de Ecclesia eiicit, hinc est quod etiam furtum, quod ex Ecclesia sacra rationem sacrilegij accipit, eadem immunitate caret: accipit autem furtum ab Ecclesia rationem sacrilegij tripliciter can. quisquid inuentus 17. q. 4. primò auferendo sacrum de sacro, quod est sacrilegium omnium grauissimè, non sacrum de sacro, vel sacrum de non sacro.

De furto ergo & furibus qui in Ecclesia furantur, Farinac. 1. *parte criminali*. q. 28. n. 57. tenet non solum ex consuetudine perdere immunitatis priuilegium, sed etiam circumscripta omni consuetudine id, quod communiter teneri testatur Angel. Castren. in consiliis patris consil. 458. n. 1. lib. 2. Ita fuisse aliquando iudicatum, testatur Millæus in *pract. crimin.* fol. 3. n. 21. quos sequitur Clar. in *sua pract.* §. *fin.* q. 30. *vers. Item quæro*. Idem tenet Hostien. in *sua sum. tit. de immuni. Eccles.* §. *in quantum*, *vers. Quid si commisit*. Angel. Castren. consil. 159. in consiliis patris sui. Idem putant de fure, qui cum re furtiua ad Ecclesiam confugiens rem illam in Ecclesia contrectat, aut ea utitur: sed contrarium expresse docet Couarr. lib. 2. *var. resol. cap. 10.* & Farinac. *loco cit.*, quia neque hic sacrilegus est, neque hoc graue delictum est, re illa uti in Ecclesia. Quamuis enim probabile sit furem, qui cum re furtiua aliò se transferens ibi eam contrectat, non esse ad locum delicti remittendum, ut ibi puniatur, sed posse ratione huius contrectationis inibi puniri. Tamen & hoc ipsum multi negant, inter quos Bald. consil. 471. & Fulgos. consil. 149. & quamuis verum esset, non inde sequeretur ex eo quod in Ecclesia contractauit perdere immunitatem, cum nullam specialem iniuriam ex hoc inferat Ecclesiæ.

7. Tertio probabilissimum est omnia grauius delicta commissa in Ecclesia carere immunitate, quod & propter communem Doctorum consensum, & propter rationes finales d. c. *inter alia*, & propterea, quod illa dispositio commodè hunc sensum recipit, certum apud o-

mnes esse debet, atque indubitatum, intellige de grauib; ea grauitate, de qua dicitur *cap. 11.* quæ similia, vel paria sint homicidio, & mutilationi, & ad text. præsentis constitutionis contra Farinac. optinè responsum est paulo superius. Addo in hoc nostro Siciliae regno, id nullam habere posse difficultatem, propter verba nostræ specialis legis, quæ habetur in capitulis regni sub Alphonso Rege c. 71. fol. 137. ubi expresse dicitur delinquentes in quauis specie delicti in Ecclesia, in ea receptari non debere, de cuius legis auctoritate non semel hæcenus dictum est, præsertim verò lib. 3. *cap. 13.*

---

*An delinquens propè Ecclesiam, atque in aliis immunitatis locis, careat immunitate, sicut qui delinquit in ipsa Ecclesia.*

#### CAPVT XIX.

NON desunt vtrunque dubitandi rationes de delinquente propè Ecclesiam. Nam pro parte negatiua faciunt expresse text. tam in c. *fin. de immuni. Eccles.* quàm in hac ipsa constitutione §. 6. qui ambo ad delinquentes in ipsis Ecclesiis, vel cœmeteriis se restringunt. Pro parte verò affirmatiua multum vrget hæc ratio, quòd tota ista canonum dispositio facillimè cluderetur, si propè Ecclesiam delinquentes immunes essent: nam inimicus propè Ecclesiā, inimicū apostatarer, ut ibi cum occidendo statim Ecclesiā ingressus ab ea defenderetur. Idemque de aliis delictis dici potest, idē enim est ac si intra Ecclesiā esset

esset, tam propè esse. Hostien. in  
*sum. tit. de immuni. Eccles. 9. in quan-*  
*tum, vers. si verò maleficium,* expres-  
 se tuetur eum, si qui extra quidem,  
 sed propè Ecclesiam maleficium e-  
 misit, intendens per Ecclesiam libe-  
 rari, seu sub spe immunitatis carere  
 immunitate. Affert exemplum ma-  
 leficij ea spe prope Ecclesiam com-  
 missi, si quis, inquit, cùm interfece-  
 rit hominem prope Ecclesiam, in-  
 continentem Ecclesiam ingrediatur.  
 quo loco inde spe immunitatis fa-  
 ctum præsūmit, statim ac nulla in-  
 terposita mora rectè Ecclesiam in-  
 greditur. Qui nisi id præmeditatus  
 intridisset, non ita celeriter ad Ec-  
 clesiam rectè contendisset, nihil an-  
 tè dubitando, aut tergiversando, nec  
 quò se recipere posset, vel leuiter  
 cogitando. Idem sentit Nauarr. in  
*manual. cap. 25. n. 22. post Remigium*  
*& alios, & Couarr. lib. illo 2. vari-*  
*ar. resol. c. 20. n. 15. vers. 26. attenta ra-*  
*tione.* Et ante hos Anchar. in *c. fin. de*  
*immun. Eccles. & Henr. in c. Eccles.*  
*eod. tit. Alciatus in lib. de præsump-*  
*on. reg. 3. præsumpt. 33. n. 22. Farinac.*  
 licet in quibusdam allegationib. fa-  
 veat pro quibusdam Siculis fauore  
 clientum contrarium allegauerit,  
 tamen in *parte criminal. q. 28.* vbi  
 ex propriis loquitur in vtraque edi-  
 tione, non solum idem sentit, sed  
 multos allegat Doctores. Idem tenet  
 Io. de Vuischis in *tract. de libert. eccl. n. 27. Iodoc. in Pract. crimin. cap.*  
*107. de violat. templo. n. 8. Io. Maria*  
*Monticel. regula 12. n. 25. vers. limi-*  
*ta 9. Gigas lib. 1. de crimine laesa maie-*  
*statis, rubr. Qualiter & à quibus, q. 10.*  
*n. 7. Vulpell. respons. criminal. 130. n.*  
*7. lib. 1. Guid. Pap. decis. 20. Pract. Papien.*  
 in *libello inquisit. col. 8.* quam  
 sententiam, præter communem opi-  
 nionem Doctorum, multorum lo-

corum, ac totius Italiæ consuetudi-  
 ne receptam esse testantur Alciat.  
 Guid. Pap. Pract. Papien. & Farinac.  
 locis citatis. De qua re dubitare in  
 Sicilia non licet, lege enim speciali  
 regni statutum est delinquentes in  
 Ecclesia, prope Ecclesiam, aut con-  
 tra Ecclesiam, carere immunitate, sic-  
 ut patet *lib. 3. c. 13.* vbi de eiusdem  
 legis auctoritate etiam ecclesiasti-  
 ca, nec non & de firmitate, vt non  
 possit per mille actus contrarios illi  
 præiudicari, abundè dictum est in *d.*  
*c. 13.*

Ego verò pro clariore, ac plenio-  
 re veritatis declaratione extra hoc  
 regnum loquendo vniuersè de aliis  
 locis distinguendum esse arbitror  
 de loco extra, sed propè Ecclesiam.  
 Quædam enim sunt loca aded propin-  
 qua Ecclesiæ, vt æqualem cum  
 ea immunitatem habeant, cuiusmo-  
 di sunt ea omnia quæ Ecclesiis ad-  
 iacent loca, quæ *lib. 3. c. 23.* iuxta dis-  
 positionem tam civilis, quàm ca-  
 nonici iuris numerata sunt hortuli,  
 cellulæ, atrium, porticus, balnea, &  
 quicquid interiaceret, vsque ad extre-  
 mas fores: quadraginta præterea  
 passus ecclesiastici circa matricem  
 Ecclesiam, circa alias Ecclesias tri-  
 ginta, sicubi huiusmodi passus de  
 consuetudine adhuc seruantur. Alia  
 verò sunt loca ab ipsis Ecclesiis re-  
 motiora, nempe quæ extra omnem  
 immunitatis ambitum sunt, quo no-  
 mine comprehendimus etiam di-  
 ctos 30. vel quadraginta passus, vbi  
 de consuetudine non seruantur,  
 qui propter huiusmodi contra-  
 riam consuetudinem iam extra om-  
 nem immunitatis ambitum con-  
 tinentur.

Si de prioribus loquamur locis,  
 absque vlla dubitatione dicendum  
 est ibi delinquentes equè atque eos

qui in ipsis delinquant Ecclesiis, immunitatis privilegio carere; cum hæc loca eodem Ecclesie nomine comprehensa, eodem prorsus immunitatis iure censentur, æquæ sunt confugis ara salutis, quemadmodum superius *lib. 4. part. 1. c. 1.* ostensum est.

4. Si verò de posterioribus locis sit sermo, potuit quidem de his aliquando dubitari, antequam tam frequenti Doctorum calculo, tam constanti cum aliorum multorum locorum, tum totius Italiae consuetudine reciperetur. Postquam verò ita recepta est, ut non videtur licere amplius in iudicando dubitare, hæc quoque delicta carere immunitate. Præsertim verò, si valde prope Ecclesiam sint commissæ, ut si intra illos ecclesiasticos passus etiam ubi de consuetudine non servantur, multoque certius si appareat ex aliquibus signis, vel probabiliter præsumatur spe immunitatis Ecclesie esse commissæ, quæ spes ex ipsa multa Ecclesie propinquitate facile præsumitur. Probatur ex communi Doctorum consensu ac praxi. Quod autem dixi de spe immunitatis, magnificandum est; quamvis enim superius *c. 16. n. 4. & 5.* probaverimus ad priuandum immunitate non esse necessarium ut delicta in Ecclesiis hac spe commissæ sint, negari tamen non potest ubi de hac spe constat, vel eius apparent indicia certius esse de Ecclesiis excludendos qui in eis deliquerunt. Idem dico modò in delictis extra, sed prope Ecclesiam commissis, si vel constet hac spe esse prope commissæ, vel probabili aliqua coniectura præsumatur, multo certius esse ab immunitate excluden-

dos. Addo licet communior sententia Doctorum etiam in delictis extra, & prope Ecclesiam commissis non requirat hanc spem, unde etiam turò excludi potest ab immunitate qui absque ea deliquit, tamen probabilius requiri spem in delictis commissis prope, quàm in commissis intra Ecclesiam. Quæ enim intra eam committuntur, inhonorant quodammodo, læduntque Ecclesiam, contra quos reos dixit Christus, *Domus mea, domus orationis est, vos autem fecistis illam speluncam latronum.* Quæ inhonoratio Ecclesie deest, delictis extra eam commissis, ideo in his probabilius requiritur ea spes. Non esse tamen necessaria, patet, quia pauci Doctores eam requirunt, & quoniam nonnulla inhonoratio Ecclesie est prope eam delinquere. Est autem ipsamet Ecclesie propinquitatis sufficiens coniectura ad præsumendum hanc spem, præsertim verò, si aut à longè sequutus est eum contra quem deliquit, quousque prope Ecclesiam pervenire, aut commissio delicto, statim nulla præcedente deliberatione rectè ad Ecclesiam contendit. Oportet autem seuerè contra delinquentes procedere, secus cluderetur dispositio contra delinquentes in Ecclesia; omnes enim prope Ecclesiam apostatarerent eos, quos lædere volunt, vel ex Ecclesia egressos sequerentur, eosque statim prope Ecclesiam inuaderent.

De altera quæstione hoc capite proposita, an omnes qui in aliis locis immunitatis delinquant, nempe in monasteriis, domibus regularibus, palatio Episcopi, religiosi locis carcant immunitate, sic-

ut,

ut carent delinquentes in Ecclesiis, & cœmeteriis, superest inquirendum. Ac magnam facit difficultatem textus c. fin. & præsentis constitutionis, qui ad solas Ecclesias, & cœmeteria se restringere videntur. Præsertim verò quòd in hac constitutione Pontifex pleraque numeravit loca immunitatis, etiam nullo antiquo iure expressa, & tamè ad hunc casum deveniens solum Ecclesias, & cœmeteria recenset. Sed tamen respondeo cum Panormitano *in d. c. fin. n. 4.* vbi dicit generaliter hanc dispositionem habere locum in omnibus locis quibus suprà c. proximo dixerat competere immunitatem, quibus verbis aperte significat idem esse de omnibus locis quæ immunitatem habent, & hanc conclusionem probant ambæ rationes finales *in d. c. fin.* adductæ, quarum neutra se ad Ecclesias & cœmeteria restringit, & quia nulla ratio suadet Ecclesiis, potius quàm aliis locis immunitatis id tribui. Tertio probatur, quia hæc omnia loca propter aliquam quam habent cum Ecclesia connexionem immunitatem acceperunt, & diu sub nomine Ecclesiæ, quæ sola exprimebatur, hæc loca immunitatem habuere. Neque verò mirum quòd solum Ecclesiarum, & cœmeteriorum fiat expressa mentio, quoniam titulus ille, seu rubrica sic habet, de immunitate Ecclesiarum, & cœmeteriorum. Quòd si sola mentione facta Ecclesiarum, hæc omnia loca intellecta semper fuerunt in aliis iuribus, cur hinc non eodem modo intelligantur sub nomine Ecclesiarum, & cœmeteriorum? In c. *inter alia*, præceptum est omnes reos, quantumcunque gravia delicta commississent, non ef-

se violenter ab Ecclesia extrahendos, & tamè intelligitur, neque de quovis alio immunitatis loco excipitur publicus latro, & nocturnus depopulator agrorum, qui extrahi de Ecclesia uterque permittitur, & solo expresso Ecclesiæ nomine de quovis immunitatis loco extrahi potest: ergo & quòd hinc dicitur de delinquirente in Ecclesia, vel cœmeterio, vt careat eius immunitate, debet intelligi de quovis delinquirente in quovis loco immunitatis vt careat immunitate.

Ac certè textus c. finalis commo- 6.  
dè ad hanc sententiam trahi potest, vt Ecclesias, & cœmeteria non restrictivè expresserit, sed quoniam sic eo tempore conungebat, vnde & in præmio solum eas exprimit. In dispositione verò sese ab omni speciali loco, ac delicto elevat, ac generaliter disponit, & rationes finales ampliores adducit. Hæ autem rationes finales positæ in aliqua iuris dispositione debent ampliare, aut restringere ipsam dispositionem ad limites ipsarum rationum, sæpe enim in narratione ponuntur plura, aut pauciora, quia sic acciderunt in facto, ratio autem legis, est anima legis, seu est ipsamet lex, vt ideo tantum pateat dispositio, quantum patet eius ratio, sicut egregiè notat Panormitanus *in c. Ecclesia, de immunit. Eccles. n. 5.* & probat per legem *cum pater. §. dulcissimis. ff. de leg. in d.* ratio legis extendit & ampliat dispositionem etiam cōtra verba ipsius legis, vt patet *in l. non dubium. Cod. de legib. & in regula final. de regul. iur. lib. 6.*



*Vnde sumatur in genere gravitas, vel leuitas delictorum, vt admittantur, vel excludantur ab immunitatis privilegio.*

## CAPVT XV.

1. **D**ELICTORVM quoque pōdera, ac momenta nobis hoc loco pensanda sunt, & ad rationis iurisq; stateram ponderanda. Cū enim non sint omnia peccata paria, vt olim Stoici somniant, sed quædam leuia, quædam graua, alia grauiora aliis, aut leuiora; grauissima quoque ac leuissima, neque verò simplex aliqua, & facilis, atque expedita ratio sit, qua graua à leuibus discernantur, nisi id seriò ac diligēter hoc loco tractetur, & ad certa capita breuiter reducat, fiet vt cū casus acciderit delicti in Ecclesia commissi, de cuius grauitate dubitetur, non sine ingentium reuolutione voluminum, statuamus leue ne, an graue indicare id debeamus. Neque enim aut solius Theologiæ, aut solius moralis Philosophiæ, aut solius iuris ciuilibis, aut canonici regulæ id nobis quantum necesse est suppeditant, sed ex omnibus simul eas petere necesse est.

2. Primò ergo sciendum secundum Theologiam, & moralem philosophiam grauitatem & leuitatem peccatorum desumi intrinsecè ex obiecto ac fine. Cū enim peccatum sit actus quidam deordinatus, siue à diuinæ legis regula, à qua omnis lex pendet, deficiens, duo necessariò in eo distinguenda & attendenda sūt, nempe. actus ipse secundum substantiam, ac præterea adiuncta illi deordinatio, ac defectus. Actus per

se comparatur ad operantem, qui peccat, seu ad peccantis intentionē, quam per se peccans intendit. Deordinatio verò per accidens comparatur ad peccantem, eiusque intentionem, actum enim, eū sit entitatiuè bonus, per se potest intendere deordinationem, eū sit malum, ac defectus per se intendere nō potest, solum per accidens potest, cū voluntatis obiectum sit bonum sub ratione boni, neque quisquam intēdens ad malum operetur, neque malum possit voluntatem mouere ad prosequendum, sed solum ad fugiendum. Hoc posito sic ostendo, quo modo tam ex parte actus, quàm ex parte deordinationis peccati gravitas, & leuitas desumatur ex obiecto & fine. Ex parte actus hoc modo: certa est Doctōrum sententia actus, & operationes per obiecta specie distingui in quæ tendimus, in agibilibus verò finis principaliter habet rationem boni, & appetibilis, atque ideo in obiectum recidit, vt idem sit obiectum, ac finis. Hinc sicut in bonis actibus, quo principaliter est obiectum, & finis, quem prosequimur, eo actus est nobilior, & dignior: ita in malis quo nobilior, ac principaliter est obiectum, & finis, in quem peccamus, & à quo per peccatū deordinamur, eo grauius est peccatū. Ex parte verò deordinationis sic ostendo grauitatem peccati sumi ex obiecto & fine, analogia quadam, & similitudine ducta ex ægritudine corporali, cū peccata sint quædam animi ægritudines. Sicut sanitas corporalis animalis posita est in quadam temperie & commensuratione humorum corporaliū illi conueniente secundum naturam, ita bonum virtutis quod sanitas quædam animi est, positum est in quadam

quadam commensuratione humani actus ad regulam rationis conueniente illi secundum virtutem: contrà verò sicut ægrotudo in animali posita est in defectu debitæ commensurationis humorum ad naturam animalis, ita ægrotudo animi, quæ est peccatum, posita est in defectu debitæ commensurationis humani actus ad regulam rationis. In ægrotudinibus porò corporalibus illa est grauior, qua tollitur commensuratio illa humorum per comparationem principij aliquis prioris, id est, quæ oritur ex laeso principio quod sit prius in ordine naturæ, quomodo grauissima omnium ægrotudo est, quæ oritur ex corde, quod est principium omnis vitæ secundum Philosophos. Ita ergo inordinatio actus humani quæ est peccatum, & ægrotudo animi, eo est grauius, quo prouenit ex aliquo principio priori in ordine rationis. Principium autem ex quo ratio in agibilibus ordinat omnia, est finis: ergo tanto peccatū est grauius, quanto ex altiori fine, seu contra altioiorem finem procedit, finis incidit in obiectum; ergo peccati grauitas, etiam ex parte defectus sumitur ex obiecto, & fine. Ponamus exemplum, res eternæ omnes ordinantur ad hominem, tanquam in finem, homo verò ordinatur in Deum tanquam finem: peccatum quod circa res externas committitur leuius est, quàm quod circa substantiam hominis tam ex parte actus, quia maius bonum est substantia hominis, quàm bona externa, quàm ex parte deformitatis, quia deordinat à principio priori, id est, à substantia hominis, quæ finis est rerum eternarum; sic grauius peccatum est

homicidium quàm furtum. Rursum peccatū quod immediatè tendit contra Deum, cuiusmodi sunt infidelitas, blasphemia, odium Dei, grauius est peccato, quod tendit contra substantiam hominis, tã ex parte actus, quia Deus est nobilius obiectum, & finis ipsius hominis, quàm ex parte deordinationis, quia peccatum contra Deum deordinatur à regula rationis per altius principium, quod est finis ipsius hominis Deus; quo modo infidelitas, blasphemia, odium Dei peccata sunt grauiora homicidio: illud ergo vniuersè dici potest de hac grauitate, & leuitate peccatorum, ex obiecto & fine illud esse grauius quod est circa principalius obiectū, quòdque deordinat ex altiori fine. Et quoniam hæc duo se mutuo consequuntur, tantundem est dicere, deordinat ex altiori fine, ac dicere est contra principalius obiectum, ideo cū de peccatis circa diuersa obiecta est sermo, satis est alterutrum dicere.

At circa, vel contra idem obiectum, vnum peccatum esse grauius altero, v. g. odium Dei grauius est, quàm blasphemia in Deum. hæc grauitas desumitur ex eo quòd magis contrariatur obiecto, magisque deordinat. Nam blasphemia, vel aliquid tribuit Deo, quod ei non competit, vel aliquid ei negat, quod illi inest, & competit. non tollit tamen omnino totum Deum. Odium verò Dei quantum ex natura sua est, tollit, ac destruit totū Deum, vult enim Deum non esse. Atque hic pænè totus discursus desumptus est ex S. Th. 1. 2. q. 73. art. 3. Huic proxima est altera grauitatis, & leuitatis peccati ra-

tio, quæ defumitur ex maiori, vel minori dignitate, ac nobilitate virtutum, quibus peccata directè opponuntur, vt illa sint grauiora quæ opponuntur nobilioribus, ac dignioribus virtutibus, vt enim docet Philosophus *lib. 8. Ethic. cap. 10.* pessimum optimo contrarium est. Dixi autem *virtutum, quibus peccata directè opponuntur*, quia in his solis locum habet hæc grauitatis ratio, propter obiecti identitatem. Contraria enim circa idē obiectum sunt. Vt cū virtutes, & vitia penes obiecta distinguantur, quo maiorem virtus nobilitatem ac præstantiam ex obiecto accipit, eo maiorem ex eodem obiecto peccatum directè illi oppositum grauitatem, ac pondus sortiatut. Quoniam cui obiecto virtus adhæret, ab eo peccatum illi directè oppositum, maxime elongat. Exempli gratia, charitas, quæ est Dei amor, Deo per affectum cordis adhæret, à nobilitate Dei dilecti sortitur, vt maxima, ac præstantissima sit omnium virtutum; odium verò Dei quod charitati directè opponitur, grauissimum est, ac maximum omnium peccatorum, quod à Deo maxime elongat, vt ipsum Deum quantum in se est esse nolit. ita S. Thom. 1. 2. q. 37. art. 4. ad 3.

4. Tertia peccatorum grauitas defumitur penes causam per se ac propriam peccati: quæ est ipse peccandi affectus voluntatis, vt peccatum, in quod maiori voluntatis affectu fertur homo, grauius sit eo, in quod minori affectu propendit. Voluntas enim, vt docet idem S. Thom. loco suprà cit. art. 6. sic se habet ad peccatum sicut arbor ad fructum, idque non solum vt ex mala voluntate malus procedat a-

ctus secundum substantiam, iuxta illud Christi, *Non potest arbor bona malos fructus facere, neque arbor mala fructus bonos facere*; sed etiam quoad grauitatem, vt quanto maiori voluntate, affectuque peccatum committitur, tanto grauius reputetur. Hinc illa communis Doctorum doctrina manauit, passionēs animi, motusque vehementes, quoad rationem voluntarij magis diminuunt, eo etiam amplius ipsam peccati rationem minuere. Hinc tā ea quæ ex ignorantia, quàm quæ ex fragilitate peccata procedūt, tanquā minus voluntaria leuiora sunt iis, quæ ex malitia, in quibus maior voluntarij ratio, ac vis inest. Sicut, vt è contrario longa præmeditatio cum arte, atque industria perducēdi peccatum ad actum, doli, fraudes, insidiæ, artes ad peragendum peccatum excogitatæ eo augent amplius, aggrauantque peccati rationem, quo ex obstinatioe, magisque affecta voluntate procedunt.

Contrā verò diminuunt peccati ratio minuta ratione voluntarij, interdum verò tota peccati, ac delicti ratio tollitur, si tollatur omnino ratio voluntarij. Id autem duobus modis tollitur, vel minuitur, siue duabus diuersis causis. Vno modo ex parte rationis, ex iis nempe causis, quæ iudiciū rationis impediunt, aut tollunt, cuiusmodi est ignorantia; altero modo ex parte voluntatis ex iis causis quæ impediunt libertatē motus ipsius voluntatis, cuiusmodi sunt fragilitas, vis, ac metus. Ignorantia si sit omnino inuincibilis, tollit omnem rationē voluntarij, & consequenter peccati, si vincibilis, seu culpabilis minuit plus, minūve, prout ipsa maior fuerit, aut minor, maior enim ignorantia

rantia plus minuit, minor verò minus, adeò potest esse crassa atque affectata, vt omnino non minuat. Passio, seu perturbatio animi, vis, ac metus potest adeò ex improviso, atque adeò vehemens esse, vt homo omnino non aduertat quid agat, omnemque tollat voluntarij, seu libertatis rationem, quò fit, vt simul tollat rationem peccati, ex S. Thom. 1. 2. q. 73. art. 6. ordinariè verò, & vti plurimùm tãta nõ est, & pro ut maior minorve fuerit, ita plus minùsve tollit libertatis, voluntatis, ac peccati rationem. Vis autè, & grauis metus cadens in virũ constantem, vt est metus mortis, mutilationis, & similibus, in præceptis purè humanis, etiam si non perturbet iudicium rationis, nec tollat rationem voluntarij, tollit tamen rationem peccati, dummodo non redundet in contemptum legis, neque in præiudicium iuris diuini naturalis, aut positiui. Panormit. in c. 1. de his qui filios occiderunt, not. 2. dicit expressè de passione iræ non excusare à peccato, quando non tollit sensus hominis, secus si inducat furorem, quoniam delictum furoris tempore commissum neque ad poenam imputatur, neque ad culpam. Sed de hoc fusiùs dicetur cap. sequenti.

5. Quartò attenditur delicti grauitas penes damnum, seu nocumētũ quod infert proximo, vt quo maius nocumentum infert, eo grauius sit peccatum. exempli gratia, maius infert nocumentum, qui vitam alteri etipit, quàm qui vel membro mutilat, vel corpus afficit verberibus, qui arbores præcidit, quàm qui solum fructus furatur. Ita maius nocumentum est quod comminari, vel publico nocet bono, quàm

quod priuato. Hoc loco obseruandum est, primò nocumentum aliquando per se coniunctum esse cū actũ peccati, aliquando verò per accidens. Itémque aliquando esse ab operante præuisum, atque intentum, aliquando verò præuisum quidem, sed non intentum. Nocumentum per se coniunctum cum actũ peccati si sit præuisum & intentum, directè auget delicti grauitatem: vt si quis sciens, ac volens aliquem occidit, intendens occidere, non autem verberare solum, vulnerare, aut mutilare; si quis ambulet per alienas segetes animo inferendi illud damnum. Præuisum verò, non autem intentum aggrauat peccatum solum indirectè, vt si quis, dum it ad peccandum, fornicandum, furandum, &c. intendens breuiare viam, transeat per alienas segetes, præuidens quidem atque aduertens damnum quod infert segetibus, non autem id intendens, sed solum viam breuiare. Non intentum verò, neque præuisum nocumentum cum eodem actu peccati per se coniunctum aliquando quidã aggrauat peccatum. Vt si quis publicè fornicetur, neque intendens, neque præuidens scandalum, nocet suo prauo exemplo iis, quos scandalizat, ex eo quòd scandalum, seu nocumentum scandalii per se coniunctum est cū peccato publico, grauius peccat eo, qui fornicatur secretò. Quæ enim per se sunt cum peccato connexa, vel peccatum per se consequuntur, tanquam ad ipsam peccati rationem pertinentia, augent peccatum. Aliquando verò ipsa peccati grauitas auget nocumentum, vt homicidium, sicut grauius est furto, ita maius homicidii nocumentum

pœnæ infernalis inducit, quàm furtum. Quod si hoc ipsum maius nocumentum præuisum sit, quamuis non intentum, aggrauat etiam ea ratione peccatum, quod ut suæ satisfaceret voluntati, maiores præuisas pœnas contempsit. Si verò nocumentum, neque præuisum, neque intentum per accidens coniunctum cum actû peccati, neque aggrauat peccatum, neque illius grauitatem consequitur, nisi fortè ex negligentia in præcauendo: ut si quis ad fornicandum in foueam fortè cadat, aliquid detrimenti in persona sua patiatur, vel puero obuianti illius illi noceat. Obseruandum secundo nocumenti non modò quantitatem in eadem specie obseruandam esse, sed qualitatem etiam, & naturam ad peccati grauitatem pertinere, ut sicut in nocumento personali, grauius est id quod totam personam lædit, quàm id quod solum partem, & id quod lædit partem aliquam primariam, ut caput, cor, quàm quod lædit partem aliquam minoris conditionis, brachium, pedemve: ita in speciebus nocumenti diuersis, grauius sit id quod personam lædit, quàm quod bonis externis nocet, grauius quod famæ, quàm quod corpori nocet.

6. Quintò ad delicti grauitatem, aut leuitatem pertinent circumstantiæ aggrauantes, vel diminuentes; si enim sint circumstantiæ aggrauantes in infinitum, quæ speciem mutant, & ex vna specie in aliam transferunt, tunc in obiectum, atque in finem redundando faciunt peccatum grauius ex obiecto, & hinc: ut si quis fornicetur cum virgine, transfertur fornicatio in naturam stupri, cum vxorata in

naturam adulterij, cum propinqua in naturam incestus, cum moniali in naturam sacrilegij, quæ ad primam grauitatis speciem pertinent. Si verò circumstantiæ non sunt eiusmodi, ut speciem mutant, aggrauant aliquando peccatum, aliquando minuunt, aggrauant si sint de genere aggrauantium, si verò de genere minuentium, minuunt. Ut si quis nobilis vilem personam afficiat iniuria, circumstantia personæ vtriusque diminuens est, cõtã si humilis persona iniuriã inferat Principi, aggrauans est.

Sextò & vltimò secundum iuris prudentes attendenda est delictorum grauitas, ex grauitate pœnarum iure, vel statuto determinatarum contra aliqua delicta, vel cõmuni iudicij praxi irrogari consuetarum, ut illa grauiora putentur, quibus grauiore pœnæ constitutæ sunt, ut ex pœna veluti magistra quadam delictorum grauitatem cognoscamus. Non raro enim contingit, ut passione obæccati, delictorum nostrorum grauitatem tãdiu ignoremus, donec causa in iudicio probata, eam pœna docente cognoscamus. Ita Innocentius III. in c. nisi specialis, de officio legati, protestatur contra quendam in Sicilia legatum de latere Cardinalem. Nisi, inquit, specialis erga te amor impediret, pœna docente cognosceres, quantum excefferis, hoc est, ex pœnæ grauitate, delicti grauitatem cognosceres. Ita Greg. in can. si homo esses 27. q. 1. grauius cominens cuidã defensori executionem Apostolicorum mandatorum ait: Si in hac re negligens, aut lentus extiteris, ita te districtissimè noueris vindicandum, ut quod ex te nescis, pœna

pœna possis referante cognoscere. Sed præterea adduco singularem textum singulariter menti retinendum ex eodẽ Gregorio in cau. præcedente, eadem causa, & quæstione: vbi ad Episcopum quendam, qui sãctimonialem, quæ dimisso regulari habitu egressa ad seculum, seculari habitu assumpserat, non statim, vt par erat, castigauit, scribens, res hoc ipsum de pœna docente repetit. Primò, quia, inquit, tantum es negligens, vt nisi canonicam in te fueris coercionem (id est, pœnam) expertus, in aliis disciplinam nescias custodire. Secundò contra sãctimonialem illam ad Episcopũ sic loquitur: Ita omnem circa eam sollicitudinem studeas exhibere, vt quàm sit nefarium quod commisit, ex tua possit distractione cognoscere. Tertiò idem repetit contra eum, qui impedire in ea Episcopum fortasse tentaret, dicens: Vt quantum sit execrabile quod præsumpsit, posteaquam consideratione propria nõ aduertit, emendationis, id est, emendantis pœnæ qualitate cognoscat.

8. Hanc porro magisterij omnisque vis docendi grauitatem delictorum tribuimus pœnæ, quatenus naturalis ratio dicat delicta neque impunita esse debere, & pœnas debere esse aliqua ratione proportionatas delictis, pro illorum grauitate. Id primum naturale ius postulat, cum enim peccatum in actus deordinatione positum sit, pœna est quæ deordinationem illam reordinat, & pro culpa satisfacit. Deinde sacræ scripturæ idem docent, quæ & pœnam talionis olim constituere, dentem pro dente, &c. & alibi scripturæ Apoc. docent quantum quis se glorificauit, & in deliciis fuit, tantum dandum esse tormentum. Vt

sicut remuneratio ex iustitiæ debito pro bonis operibus datur operi, vel æqualis, vel proportionata, ita & pœna pro peccatis. De iure verò humano nihil attinet dicere, cum non modò nostro ciuili atque canonico iure, sed omnium gentium etiam barbararũ legibus, id perpetuò seruatum sit, vt pœnæ delictis proportionarentur. Quamuis enim legamus quædam alicubi delicta impunita omnino fuisse, etiam delicta grauissima, quædam etiam leuiora grauibz pœnis supposita. Id non inde ortum est, quòd non putarent pœnas delictis proportionari debuissẽ, sed quòd propter animi passionibus inueteratas, vel propter prauam à puero educationem, vel propter alias causas obsecrati errauerint in peccatorum, vel natura cognoscenda, vel pensanda grauitate. Interdum etiam grauissima quædam delicta leges leuius puniunt, propterea quòd reipublicæ pacem, & quietem, cui leges intentissimæ esse solent, vel non perturbant omnino, vel valde leuiter perturbant. Vnde & pœnarum grauitas non tam delictorum grauitati secundum se proportionari solet à legislatoribus, quàm in ordine ad nocumentum reipublicæ. Demum cum peccatorum grauitas, aut leuitas ex multis capitibus petatur, sicut hæcenus dictum est, delicta pleraque, quæ ex vno capite capitalissima sunt, ex alio capite leuiora putantur. Atque hæc in genere de grauitate, & leuitate peccatorum dicta sufficiant.

*Quanam delicta in specie apud Doctores inrisque peritos graui, vel leuia censeantur.*

## CAPVT XXI.

1. **M**VLTVM confert hoc quodque ad institutam tractationem, ideoque prætereundum non est, ne cui parti muneris nostri defuisse videatur. Bart. in *l. non solum*. §. si mandato. ff. de iniur. & Panormitanus in c. tua discretionis, de penis, distinguunt delicta quædam esse leuia, alia grauiora, nonnulla grauiora, quædam postremò grauiissima. Utque ab vltimis incipiamus grauiissima communi consensu vocantur delicta quædam publica, pro quibus mortis extremæque supplicij pœna ciuili iure, siue à temporali iudice statuitur, grauiora à præcedentibus pœnâ ipsam distinguunt, quòd hæc licet publica sint, sicut præcedentia, pœna tamen mortis eis non imponitur. Grauiæ sunt quæ dolum continent in graue præiudiciu, siue priuatæ alicuius personæ, siue reipublicæ, & grauis pœna eis imponitur; leuia sunt ea omnia quæ dolo carent, vel si quæ habent dolum, is est circa rem modicam, vt furtum modicæ rei inter domesticos. Grauiæ vocat eo loco Panormitanus furtum, periurium, & similia. Bartol. addit ad furtum vnam necessariam conditionem, vt graue dici possit, vt sit nempe furtum rei magnæ: sed eo ipso quod dicitur simpliciter furtum, intelligit rei magnæ, vt nisi exprimat rei patet, semper de re magna intelligendum sit. Probatur ex *l. respiciendum*, §. furta ff. de penis. & *l. auxilium*, §. in delictis ff. de mino. & *l. ad ea*, cum ibi notatis, ff. de regul. iur. & c. cum non ab homine, de iudic. & c. tua discretionis, de penis. Addit Bart. quamlibet personalem iniuriam grauibz annunera-

ri delictis. patet in *l. non solum*, §. si mandato. ff. de iniur. vbi contendit teneri filium de qualibet iniuria personali etiam illata alicui de mandato patris, quasi de graui, cum aliàs filius quando in peccando obedit patri, non teneatur de leui peccato. De quo solum tenetur patet, qui id imperauit. Addit secundò Bart. quauis iniuriam personalem qualibet iniuria reali grauiorem censi, per expremssum text. *l. in seruorum*. ff. de penis. vbi non modò habemus furtum verberationem esse quacunque pecuniaria pœna grauiorem, sed etiam eos qui grauiorem luunt pœnam, quam debeant de iure declinare, ac vitare infamiam, quæ nascitur ex delicto. Ut consequens sit, si quis pro quauis pecuniaria pœna, cum non esset soluendo, luit in corpore pœnam fustigationis, infamem nequaquam fieri, etiam si famosa furti actione, aut quauis alia simili contra eum actû sit. Sed & *l. 3. Cod. de episcopali audientia*, pleraque alia delicta inter grauiæ numerantur. Nempe sacrilegium, adulterium, incestus, raptus virginû, veneficiu, monetæ violatio, homicidiu, patricidiu, crimen læsæ maiestatis, quæ cum panè omnia pœnam mortis mereantur, inter grauiissima rectius, quàm inter grauiæ referenda sunt.

Nobis hoc loco laborandum non est, quia ratione grauiæ à grauioribus ac grauiissimis distinguantur, satis est enim leuia à grauibz, grauioribus, grauiissimisque dignoscere. Cû enim de grauitate, ac leuitate delictorum, eo fine tractemus, vt cognoscamus quænam delicta in ipsis Ecclesiis ac cœmeteriis commissa, vel immunitate careant, vel ad

et admittantur, atque ex textu *c. immunitatem, de immunit.* Eccles. non solum homicidia in Ecclesia commissa immunitate priuentur, quæ propter constitutam pœnam mortis inter grauissima numerantur, sed etiam membrorum mutilationes, quæ quoniam extremi supplicij pœna carent, inter grauissima referri nequeunt, sed solum inter graua, satis est graua à leuibus dignoscere.

3. Quoniam iuris periti ex pœnis delicta graua à grauioribus distinguunt, leuia, quemadmodum ex Panormitano & Bart. iam initio relatis apparet, duplicis generis sunt. Alterum genus est eorum, in quibus deest dolus; aliorum, in quibus quamuis insit dolus, versatur tamen circa rem modicam, quæ graue cuiquam præiudicium asserre non possit. Prioris exemplum affert Panormitanus, si quis per imperitiam, vel culpam carentem dolo peccet; Bartol. verò, si quis damnum per iniuriam inferat. allegat textum in *l. liber homo. ff. ad l. Aquiliam. & l. non solum, in initio, ff. de iniur.* ubi distinguitur ille qui percussit, & qui dolo percussit. Posterioris leuis delicti exemplum afferunt furtum rei parua. *l. ad ea. ff. de regul. iur.* cui fauet text. in *l. si libertus. ff. de furt. & l. serui. & filij. ff. eod. tit. & Institutionib. eod. tit. §. licet, & leg. respiciendum. §. furti modica, ff. de pœnis. l. leuia. ff. de accusationib. & c. cum dilectis, de accusationib.* Hæc eadem delictorum leuium bina genera, licet aliis vocabulis, tradunt communī cōsensione Theologi omnes. Primum vocant leue ex imperfectione actus, quod genus coinci-

dit cum eo quod iuris periti vocant sine dolo, cum dolus in solo actu perfectio, deliberatioque teperiat. Secundum pœnè coincidit etiam in voce cum secundo genere iuris peritorum, nempe ex paruitate materiæ. Imperfectionem actus non eam voco, qua omnis omnino rationis vsus præuenitur velocitate repentinæ alicuius inopinatæ grauisque passionis, siue ira, siue odij, siue alterius cuiusvis, qualem experimur in motibus primò primis, vt vocant Theologi. li enim omni carent ratione delicti, ac peccati, consequenter nullam merentur pœnam, sed illam requiro imperfectionem, cum aliquid sit aduertentiæ, ac deliberationis, quantum satis fuit ad participationem quandam voluntarij, parum tamen & insufficiens ad plenam deliberationem, rationemque voluntarij, vt sicut est imperfecta aduertentia, imperfecta deliberatio, imperfecta voluntas, ita sit imperfecta quædam, ac leuis culpa. Leuitatem verò, seu paruitatem materiæ intelligere debemus, siue materia sit ex suo genere leuis, vt sunt verba otiosa, mendacia, siue iocosa, siue officiosa, & similia, siue in re matuta quidem sua graui, in parua tamen quantitate delinquas, vt furtum rei parua, percussio leuis, aliaque similia; in omni enim materia potest esse res parua. gl. in *l. lenia. ff. de accusationib.* in *v. lenia*, pleraque refert leuia peccata, seu delicta. Primum onerandi annonam, secundò priuata crimina, tertio crimen de nauibus submersis, id est, de prædandi submersarum nauium bona. Quarto crimen abigatus, id



id est, furandi armenta, aut greges. Quia crimen custodum, quibus cura commissa est aliquem custodiendi, ne fugiat. De quibus tamen singulis Bartol. ibidem communiter receptus statuit ea neque simpliciter graua esse, neque simpliciter leuia. Quodlibet enim eorum in aliquo casu grauem, in aliquo leuem habet taxatam in iure poenam; oneranti enim annonam, ut à primo exordiamur in *l. annonam. ff. de extraordinar. criminibus*. aliquando leuis poena imponitur, ut nempe negotiatori eam oneranti negotiatione interdicitur, aliquando verò grauis, ut relegetur, vel si vilis persona sit, in opus publicum damnetur. Secundò pro priuatis delictis aliquando homo suspenditur, ut patet in fure, aliquando eidem furi amputatur manus. *Auth. sed nono in re, Cod. de feniis fugit*. Aliquando suffragationis poena imponitur, vel auricular amputantur, vel candenti ferro signum ad terga imprimitur. Tertiò crimini de submersis nauibus aliquando grauis poena imponitur, aliquando leuis, cum quis modicam rem abstulit, ut in *l. Pedius. §. 1. ff. de incendio, naufrag. & ruina*. Quartò in crimine abigeatus aliquando grauis poena imponitur, ut *l. 1. ff. de abigeis. §. 1. & 2.* damnantur ad gladium, ad metallum, vel ad opus publicum, aut relegantur, si honestiore loco nati sint, & siquidem gladio abigant pecora, damnantur ad bestias. Interdum verò solum ciuilitè agitur contra eosdem *l. 1. iuncta gl. ff. de abigeis*. aut leuis poena imponitur, ut ab ordine amoucantur. Postremò crimini custodum, si aut miseratione, aut negligentia dimittant eum qui suæ curæ creditus erat, leuis poena imponitur;

si verò fraude, & dolo, grauior poena infligitur. *l. non erit facile. ff. de custodia & exhibit.* Mihi videntur omnia prædicta delicta natura sua graua esse, propter grauitatem materię, in qua versantur, ex leuitate verò, seu paruitate materię, in qua qui aliquando delinquit, leuia fieri.

Addit Iacobus de Butrio in *l. 1. 4. Cod. de his, qui sibi*. nullum delictum quod punitur absque dolo numerari inter graua, seu atrocita, sed inter leuia. quod placet Angelo in *l. leuia. ff. de accusation.* Vbi etiam addit dictum notabile si in regione sit communis opinio, existimans aliquod delictum leue, id in ea regione semper pro leui habendum esse, ut Florentię pro leui habetur pugno percutere. Cui ego addo etiã oppositum, nempe si qua in regione sit communis opinio, quę putet aliquod delictum graue, illud in ea regione sēper pro graui habendum esse; nulla enim apparet probabilis ratio cur cōmunis opinio regionis possit facere delictum leue, & nō possit facere graue. Bartol. in *l. nō solum*, ubi suprā, inter leuia numerat si filius patri, libertus patrono nō obediat. Sed tã grauis posset esse res in qua nō obedit, ut graue fieret delictum. Inter leuia etiã numerat si quis repertus sit cum cultello, si iuit de nocte, si repertus est ludere.

De hac grauitate, & leuitate delictorū, vide Doctores in *l. 1. Cod. de requirendis reus, & in l. ad ea. ff. de reg. iuris in c. tua discretionis, de penis*, & in particulari Cepollā *consil. 11. q. 6. Alex. consil. 202. volum. 5. Barber. in l. 2. §. si mater. ff. ad senatusconsult. Terryllianum.* & Bart. *consil. 7.* quod incipit, *Ad declarationem huius questionis.*

*Quibus ex pœnis graua delicta à leuibus dignosci possint in ordine ad excludendum ab immunitate eos qui illa in Ecclesiis committunt.*

## CAPVT XXII.

1. **Q**UONIAM iuris periti, vt ex Bartolo, & Panormit. in capite præcedenti dictum est, delicta graua non modò à leuibus, sed à grauioribus etiam & grauissimis separant; inuestiganda nobis est hoc loco etiam ex hoc capite quænam censenda sit grauitas sufficiens ad excludendum ab Ecclesiæ immunitate eos qui eiusmodi delicta committere in Ecclesiis nõ vetentur.
2. Sed antequam ad rem venio, distinguendum est primò inter ea delicta, quæ in aliqua actione mala consistunt, vt est furari, adulterari, occidere, mutilare, atque ea quæ non sunt in actione mala posita, vt sunt gestare arma, siue offensiuæ, vt sunt pugiones, sclopetones, gladij, siue defensiuæ solùm, vt gestare lorica, hamatam (*Giaccum* vulgo vocant) galeã, & similia.
3. Secundò distinguendum mihi videtur inter pœnas statutas iure ciuili, & pœnas statutas iure canonico, etiam contra laicos. Cùm enim ius canonicum ab ecclesiastica Pontificum & Conciliorum auctoritate profectum, Christi sponsi Ecclesiæ mansuetudini, ac mitigati innixum ab effusione humani sanguinis, membrorumque laceratione, ac corporalibus pænè omnibus pœnis abstineat, ægrè atque vix possumus ex eius pœnis quicquam ad hanc rem colligere, solius iuris ciuili pœnis insistendũ erit, quod *P. Gambac. de immunit. Eccl.*

parcere corporibus, vbi eam pœnã metentur, non consuevit, etiã si mortis ipsius arque vltimi supplicij pœna inferenda sit, eamque interdũ etiã crudelem valde, vbi delicti grauitas id postulat, insert.

Tertiò distinguendum est inter pœnas constitutas iure communi Imperatorum, siue supremorum Principũ, quæ omnibus populis eidẽ Principi subiectis obseruandæ sunt, atque inter pœnas constitutas alicuius particulatis magistratus edicto, siue etiam priuato iure municipali. Ius enim commune per supremos Principes positum tanquam vniuersale maiore maturitate, discussionẽ, prudentia constituitur, eiũque taxandis pœnis maior habetur ratio & cõmunis boni, & proportionis pœnarum ad culpas, & abstinendi ab omni grauamine, & prouidendi incommodis quæ inde prouenire possunt. Edicta verò particularium magistratũ nonnunquã tumultuariè eduntur, & repẽtino aliquo animi motu ad medendum alicui præsentim malo grassanti in republica, cui tantum interest quamprimum mederi, vt patum curentur incommoda, & priuatorum grauamina, si pœnæ nimis arduæ ac seuerè statuuntur. Cùm præsertim edicta nõ sint natura sua perpetua, sed annua, neque vltra annum durent, nisi denuo edicantur leges municipales, ex abũsibus particularium locorũ ortum etiã non ratò habeant, quibus si statim medendum sit, sit vt eadem facilitate statuuntur, qua de edictis dictum est, eadẽque incõsideratione, & imprudentia. Neque enim omnia facile occurrere possunt incommoda festinè statuendi, ac peculiari incommodo mederi volentibus.

ti. Adde quòd agatur de extirpando penitus aliquo inueterato abusu, còque grauer nocuo, necesse est plus aggerare pœnas, quàm ratio ipsa per se postulat, si abusus non virget. His positis

5. Dico primò certum esse apud omnes communi consensione, vbi-  
cunque iure còmuni, vel vniuersali  
iudicium consuetudine, vel taxata  
est, vel inferri solet pœna mortis, vl-  
timique supplicij delictũ, illud non  
modò graue, sed grauissimũ censẽ-  
dũ esse, & si in Ecclesia committa-  
tur, carete immunitate, esse quidem  
grauissimũ, patet ex Bart. & Pa-  
norm. relatis initio capitis præce-  
dentis. Neque videtur in hoc distin-  
ctione illa prima opus esse, cum nõ  
sit in iurẽ taxata pœna vltimi sup-  
plicij pro delicto quod sine actione  
in ala committitur sola gestatione  
armorũ, vt patet. Quòd autem si  
hæc in Ecclesia committantur, ca-  
reant immunitate, probatur, quia  
non modò homicidiũ, cui taxata  
est pœna mortis, sed etiam membri  
mutilatio, cui alia minor pœna de-  
betur, in Ecclesia commissã priuã-  
tur immunitate. Idẽmque iudicium  
videtur de delicto, cui debetur pœ-  
na mutilationis membri, quæ mor-  
ti in multis æquiparatur, estque  
mors quædã particularis illius mẽ-  
bri, quòd abscinditur, quod eo ipso  
quòd abscinditur, viuere desinit.

6. Secundò dico, delicta quæ in a-  
ctione mala, seu nocina posita sũt,  
& taxatã habent iure còmuni grauẽ  
pœnã corporalẽ, vel valde afflictiuã  
corporis, puta mutilationẽ mẽbri,  
damnationis ad trirèmes ad remigã-  
dum in perpetuũ perpetui carceris,  
deportationis, atque aliterius cuius-  
quã mortis ciuilis, grauiã censenda  
sunt, & si in Ecclesia cõmittantur,

carent immunitate, quia ex graui-  
tate pœnæ censenda sunt paria deli-  
cto mutilationis mẽbri, quæ in Ec-  
clesia cõmissa caret immunitate. c.  
*immunitatem, de immuni. Eccles.*

Tertio dico delicta quæ taxatani  
habent grauẽ pœnam corporalẽ,  
edicto, vel iure municipalĩ, non sta-  
tun hoc ipso aded grauiã censẽ-  
da sunt, vt careant immunitate, si  
in Ecclesia committantur. Sed re-  
currẽdum plerumque est ad inda-  
gandas pœnas iure cõmuni eidẽ  
delicto decretas, vel de consuetu-  
dine iudicium irrogari consuetas,  
de quibus si nihil constet, recur-  
rẽdum est ad ponderandã natu-  
ram delicti, eiũque grauitatem  
per ea capita quæ paulo supetiũs  
cap. 20. præsertim ad damnum quod  
intulit proximo, vel reipublicæ læ-  
sionem. Interdum satis erit ad id  
si delictum illud cõmuni populi  
totius sensu graue existimetur, vt  
dixi ptope finem cap. præcedentis.

Quarò dico delicta, quæ siue g.  
iure, siue consuetudine, siue lege  
municipali, siue edicto taxatã ha-  
bent aliquam pœnam corporalem,  
quæcunque illa sit in defectum pec-  
niæ pecuniariæ, si v. g. non sit sol-  
uendo, vel taxatam habent pœnam  
pecuniariã, vel corporalẽ per alter-  
natiuã, demũ quæ in personis nobi-  
libus habet pœnã pecuniariã in ple-  
beis, & viliotis cõditionis hominĩ-  
bus corporalẽ, sc̃per leuiã censenda  
sunt, saltẽ quoad hunc effectũ, vt  
si in Ecclesia committantur, non  
careant immunitate, quia ad pri-  
uandũ immunitate, debent esse  
paria, vel similia, parẽmque vel si-  
milẽ pœnam habere, atque homi-  
cidia & membrorum mutilationes.

Quintò dico, delicta quæ non  
sunt posita in praua actione nocina,  
sed

sed solum in quadam gestatione armorum prohibitorum, siue offensiuorum, siue defensiuorum, etiam si in se aliis grauius fortasse sint, non habent tamen tantam grauitatem, ut si in Ecclesia committantur, catere debeant immunitate, etiam si iis usus esset ad offendendum, offendere autem non potuisset. Non enim equiparari posse videntur homicidio, vel membrorum mutilationi. Neque verò mirere si hanc rationem frequenter inculco, quoniam fundamentum est valde firmum ad hæc omnia probanda.

10. Sexto dico, delicta quæ ciuili iure taxata habent poenam pecuniariam, vel in foro seculari conuincere per iudices pecuniariter puniri, leuia censenda sunt, quoad hunc effectum, ut si in Ecclesia commissa sint, gaudere debeant immunitate. Quæ verò poenam pecuniariam constitutam habent iure canonico, non statim ex hoc leuia censenda sunt, præsertim si poena illa pecuniaria magna sit: sed ad iudicandum grauius ne, an leuia censenda sint ex ipsa poenarum qualitate, recurrendum est ad ius ciuile, & iudices seculares, & videndum quæ poena iure ciuili, vel iudicum consuetudine infligenda veniat homini seculari ac laico, qui ea commiserit, eaque cognita iuxta ea quæ hætenus dicta sunt, iudicandum est. Probatum ex fundamento superioris constituto in secunda distinctione.

11. Septimo dico, si casus contingat natuta quidem atque ex genere suo grauis, vel grauissimus, cui secundum leges debeat poena mortis, v. g. homicidium. Sed propter circumstantias alleuiantes sit respectu dignus, & non existente parte Princeps soleat in similibus

pecuniariter componere, non idcirco si in Ecclesia occidat, immunitatem habet. exempli gratia, occidit quis hominem, quoniam quærebat totum suum violare, aut filiam stuprum inferre, & forte monitus non desistebat. Hic quoniam neque violauit totum, nec filiam stuprauit, nec in flagranti delicto deprehensus est, impune occidit non potuit, & in rigore poenam mortis meretur occisor: Princeps quoniam tuendi honoris gratia id fecit, componere pecuniariter solet: si id in Ecclesia faciat, immunitate, ut dixi, caret. Quia attenditur facti natura, non Principis gratia, cum præsertim non soleant Principes ordinariè corporalem poenam in huiusmodi casibus in pecuniariam commutare, & interdum commutent in poenam corporalem remigandi perpetuò in tremibus, interdum nullo modo commutent pro qualitate circumstantiarum personæ, rei, probationum, loci, temporis, &c. Vnde non possumus diuinare quid Princeps postea facturum sit, hæc enim commutatio non statim commisso delicto fit, sed post causam diligentissimè ventilatam.

12. Octauo dico, non omnem poenam corporalem etiam iure taxatam, vel consuetudine solitam pro aliquo delicto arguere delictum illud esse graue, ita ut si in Ecclesia committatur, censendum sit carere immunitate. Quamuis enim ex doctrina Batt. in l. non solum. ff. de iniur. atque ex ipso iure quauis minima poena corporalis, etià fustigatio, sit quauis graui pecuniaria datione grauior, propterea quod corpus ipsum carniemque attingit, pecuniaria verò res externas cernit,

tamen non ideo adeo grauis censenda est, vt præiudicare debeat immunitati delinquentis si delictum in Ecclesia committitur, & in specie existimo pœnam fustigationis, vel aliquot tortorij funis tractuum nullo modo talem censendam esse, solet enim facile, & causa non multum discussa hæc pœna per iudices infligi pro leuibus delictis. Idemque probabiliter dici potest de pœna abscissionis inferioris partis auriculæ, vel imprimendi notâ humero candenti ferro, quæ furibus paruorum rerum infligi solent.

13. Vltimò dico, licet delictorum grauitas modo iam exposito cognosci possit velut à posteriori atque ab effectu, vt Philosophi loquuntur, non est tamen illi vsque adeo inhærendum, vt eam solam attendamus, sed est aliquando ad alia grauitatis capita recurrendum, quæ paulo superius cap. 20. exposita sunt. Pleraque enim grauissima peccata, quæ diuinam maiestatem vehementer, grauitèrque offendunt, propterea quòd paci, quietique reip. non aduersantur, & nullam habent in iure taxatam pœnâ, & leuiter puniuntur per iudices seculares. Quare in grauioribus delictis etiam si sit pœna leuis, ponderanda grauitas est ex illis omnibus capitibus, & vbi graue esse cõstiterit, si in Ecclesia commissum sit, ab immunitatis priuilegio excluditur. Sed statuenda regula certa videtur, vbi pœna grauis est, indubitanter delictum ipsum graue censendum est; vbi verò pœna leuis, etiam pecuniaria, non statim delictum censendum est leue, sed ex aliis capitibus examinandum. De delictis clericorum, & perso-

narum ecclesiasticarum commissorum in Ecclesia, illud vniuersè dici potest, quoriescunque ea eiusmodi sunt, vt digna sint depositio, vel sunt eiusmodi, vt in laicis iure ciuili merentur pœnam mortis, mutilationis, aliâsque graues, vt superius exposuimus hætenus fuit, pro grauibz quoque in clericis haberi debere, atque ab immunitate excludere, etiam si in clerico tales pœnæ locum non habeant. Nam clericus etiam homicida, non damnatur prima vice ad mortem, & tamen si in Ecclesia occidat, carer immunitate, textus enim in c. *immunitatem*, clericum nō excipit, & quòd aliqui putarunt clericos non habere immunitatem, maxime in delictis in Ecclesia commissis, locum habere debere, eoque facilius quàm laicos, & ex delictis aliquanto leuioribus facillè extrahi permirrerem.

---

*An motus iræ in totum excuset, vel alleniet delictum ex eo procedens in Ecclesia commissum, vt seruanda sit illi immunitas.*

#### CAPVT XXIII.

ASVSVMO potius motum iræ, quàm alterius passionis, tum quia vehementior, & communior esse solet, tum quia propter propriæ defensionis depellendæque vis, aut iniuriæ prætextum ad excusationem diminutionemque criminis admitti facilius consuevit. Ex his autè quæ de eo dicuntur facillè poterimus, & de aliarum passionum moribus iudicare: quoniam autem iræ motus non per se surgit in mente, nisi aliquo alio prouocante, vel

vel per iniuriam, vel per aliam occasionem, in particulari assumo casum maioris iracundiæ, cum quis iniuria, siue verbali, siue reali, ac personali ab aliquo laceffitus, iracundia inflammatus iniuriam verbalem, seu personalem rependit. Occurrit autem triplex dubitatio. Prima an motus iræ in prouocato rependente verbalem, vel personalem iniuriam, excuset omnino à peccato, pœnæque peccati. Secunda an saltem alleuiet peccatum. Tertia, an ita alleuiet vt si in Ecclesia grauem iniuriam etiam personalem rependat, seruanda sit illi ecclesiastica immunitas.

Quod ad primam attinet dubitationem, aduerrendum est duplici via procedi posse ad excusandum eum qui ex ira rependit iniuriam. Altera est via recompensationis, altera verò via propriæ defensionis, seu depulsionis vis atque iniuriæ, licet enim cum vi repellere.

2. Via compensationis excusant aliqui relati apud Specul. in tit. de accusationib. §. 1. vers. Quid si vocauit, & apud Panormitanum in c. 1. de iniur. n. 2. dicentes neque eum qui prior iniuria alium prouocauit, neque eum qui prouocatus iniuriam rependit, posse agere contra alterum actione iniuriarum. Non prouocatum, quia iam repêdendo iniuriam suam, iniuriam ultus est; non prouocantem, quia iniuria prouocauit.

3. Sed hanc viam reiciunt communiter Doctores, Speculum loco citato, Herman. Baren. in tract. de formandis libellis, libello 95. Felin. in c. dilecti filij, de exceptionib. n. 10. Abb. ibidè, & in c. 1. de iniur. n. 2. Dominic. in can. neganda, prope finem, 3. q. 2. Oldrad. consil. 13. n. 3. Angel. in l. 2.

vim. ff. de inst. & iur. col. 2. vers. extrà queritur, & Bald. in l. 1. Cod. unde vi non fieri iniuriarum neque verbalium, neque corporalium compensationem, sed vtrumque rixatum posse agere contra alium pro sibi illata iniuria actione iniuriarum. Probatur primò per text. in c. veniens, de iureiurando, vbi apparet iniuriam fuisse reciprocam, & tamè non fit compensatio, & text. in c. 1. de iniur. vt obseruat ibi Panormitanus n. 2. quia ibi non ponderatur vter fuerit author rixæ, & supponit vtrumque rixatum esse, & tamen condemnatur is cuius percussione alter decumbit in lecto ad restituendum decumbenti operas atque expensas in medicos.

Via defensionis suiipsius, seu depulsionis iniuriæ melior est, & magis probata omni iure; licet enim omni iure, & secundum omnes leges vim vi repellere, vt expressè docet Alex. III. in c. si verò, et 1. de sententia excusam. Hæc via locum habet tam in verbali iniuria, quam in personali.

In verbali iniuria nò habet locum defensio suiipsius, nec depulsio iniuriæ illatæ, quæcunque iniuriam rependas iniurianti, nisi dicèdo, mētiris, vt egregiè notat Felin. in d. c. dilecti filij, communiter receptus. Nulla enim alia iniuria præter hæc est defensiva ipsius iniuria affecti, & depulsiva illatæ iniuriæ, præter hanc qua mendacij iniuriam repēdimus iniurianti, faciendo enim illum mendacem in iniuria illata, ostendo falsò mihi illatam esse, eamque hac à me ratione depellè. Modestius quidem & sine illius iniuria depelleretur verbo negatiuo, dicendo se non esse talem, sed in rigore dicere, eum mentiri, depulsi

pulsio est iniurię illatę, sed iniuriola depulsio. Quamcunque verò aliam iniuriam rependas, illi quidem conuictaris, sed illatam tibi ab eo iniuriam non depellis, atque inde vindictę potius rationem habet, quàm defensionis.

6. Hanc Felin. regulam, siue limitationem ad regulam dicentium non fieri compensationem, non pauci Doctores, partim etiam Felinus ipse tripliciter restringendam putant. Primò vt qui depellendo à se iniuriam dicit, mentiris, verum dicat. Secundò vt hoc nō respondeat retorquendo in eum mendacium, à quo ipse mendacis iniuriam accepit, hoc est, ne dicenti, mentiris, respondeat: quin tu potius mentiris. Tertiò vt cum dicit, mentiris, protestetur se non iniuriandi animo, sed iniuriam depellendi, id dicere. Primam restitutionem ponit Bart. in l. *eum qui nocentem. ff. de iniur.* Anchar. *consil.* 322. Salicet. in l. *si non conuicti, in fin. Cod. de iniur.* Ludouic. in l. *si quis extraneus, in princ. ff. de acquir. heredit.* probant, quoniam si iniuria illata vera fuit, falsa est depulsio, qua is, qui intulit, mentiri dicitur, & consequenter iniuria est, non depulsio, facere illum mendacem, qui verax est. Ego verò licet tutius esse putem hanc iniuriam veram depelli negando se esse talem, quod licet in idem recidar à parte rei, ac si diceret illum mentiri, tamen tanquam modestius dictum, pro iniuria accipi non solet, tamen quoniam non est obligandus tacere, ne qui tacet consentire videatur, neque verò in iracundię motu tanta solet adesse prudentia, & moderatio, non magnificandum

puto si dicat eum mentiri. Vel enim iniuria illa vera quę ei illata est occulta est, & sic ius habet ad eam depellendam pro conseruatione famę, & illi imputetur, qui prouocauit prodendo peccatum occultum, vel publica est, atque notoria, & sic non infamat illum mendacij; sed potius seipsum. Solùm requirerem vt non animum illum iniuriandi, sed iniuriā à se depellendi haberet.

Secundam restrictionem recipit ipsemet Felin. *loco cit. n. 11.* & Paul. Castren. l. *final. ff. quod quisque iuris.* Sed certè nullum inuenio fundamentum. Si enim primus iniuriam intulit veram, & is, qui eam depulit, falsò obiecit illum mentiri, falsamque iniuriam intulit, dicendo eum mentiri, non video cur ille primus ad defensionē suę verę iniurię, quā intulit, & depulsionem mendacij sibi obiecti non possit dicere, quin tu mentiris; præsertim verò si ratione, vel testibus probaret illum mentiri, ex quo appareret se veritatem dixisse. Tertiam restrictionem probat Gisl. de Cu. & Bald. in d. l. *fin. ff. quod quisque iur.* sed eam communi præne consensu refellunt omnes, Felin. vbi *suprà.* Dionysius in l. *si quis extraneus. ff. de acquir. heredit.* Bart. *ibid.* & Albcric. in 2. parte *statutor.* Panormitanus in c. *eam te, de iniecur. notabili* 2. & Alex. in l. *turpia. ff. de legat.* & probatur ratione. Qui enim dicit, mentiris, aut dicit verum, & per se non infert iniuriam, sed depellit, etiam si id non protestetur: aut mentitur, & eo casu cum verbum eius iniuriosum sit, falsò alteri imponendo

nendo mendacium, ea protestatione non modò non tollitur iniuria, sed augerur, dum verisimilior efficitur.

8. De reali, seu corporali iniuria licet Angel. in l. vi vim, col. 2. ubi supra, & l. 1. Cod. unde vi, & ibi Bald. putent non posse alia reali iniuria compensari, atque inde probent, nò compensari verba, quoniam non compensatur personalis: communis tamen sententia tenet posse depelli etiam occidendo, etiam antequam alius te percutiat, satisque esse quiddam te inuadat, ut notat Pannotitanus in c. olim el. 1. de restit. spo. liato. n. 15. vers. sed pro informando, neque expectandum esse primum ictum, ut notat Ancharan. consil. 330. & Alex. consil. 376. Hanc sententiam tenent expressè præter hos Bart. in l. si ex plagis. §. tabernarius. ff. ad l. Aquil. Felin. in d. cap. dilecti filij, de exceptionib. n. 14. Alberic. in l. sententia. ff. ad l. Aquil. Iacob. sen. reletus apud gl. l. 1. Cod. unde vi, in v. moderatione. & probatur, quia hoc est vim vi repellere, quod omnia iura legesque omnes concedunt, ut habetur expressè in c. si verò il. 1. de sententia excom. & probatur per illud text. ubi Pontifex statuit eum qui clericum vim sibi inferentem depellit, & lædit, non esse excommunicatum, & probat quia iura omnia permittunt vim vi repellere, etiam lædendo, ut ibi dixerat. Secundò probatur ex c. significasti el. 2. de homicid. ubi Pontifex non ideo declarat reum sacerdotem, quia à maleficio percussus illum percussit, sed quia non seruato moderamine inculpatæ tutelæ reperiit, ex quo illud etiam seridò colligimus ad defensionem depulsionemque iniuriæ pertinere percutientem reperiit, dummodo

do mox id fiat, ut dicit text. in d. c. significasti, & in continenti, ut dicitur in d. c. si verò. & seruatur moderamen inculpatæ tutelæ.

Ut mox & incontinenti fiat, necessariò postulat ratio defensionis. Si enim fiat post sedatam omnino rixam, ubi nihil aliud est timendum, palàm est non esse defensionem, neque depulsionem vis illatæ, sed vindictam, quæ naturæ iure prohibita est. Quando autem dicatur mox fieri, in foro quidem conscientie censendum est quandiu ex illa rixa sibi timeret, quia non videtur ei omnino sedata, etiam si videatur semisedata, vel quasi sedata, non tamen plenè sedata, ita ut is, qui percutit, verè adhuc timeat sibi ab aduersario, ne tunc aliquid ab eo patiatur, si illum non percutiat. In foro autem exteriori in arbitrio iudicis necessariò ponendum est pensatis conditionibus eius qui timebat, & eius à quo timebat, & loci, & aliis, temporis enim intervallum omnino idem respectu harum circumstantiarum potest dici incontinenti, quod respectu aliarum esset mora culpabilis. Moderamen verò inculpatæ tutelæ, de quo loquitur text. in c. significasti el. 2. de homicidio, est moderatio in sui ipsius tutela, ac defensione adhibita, quæ defensionem ipsam inculpata, seu inculpabilem facit. Non enim licitum est quoquo modo prætextu defensionis proximum lædere, sed debet id fieri debita moderatione adhibita, quantum satis sit ad te defendendum, & iniuriam à te depellendam. Ut si quis te pugno inuadat, ceteris paribus non debes te gladio defendere, illumque occidere, quia



quia non erat hoc opus ad impediendum pugnum. Vnde quidā pleraque statuunt necessaria, vt dicatur moderamen inculpatum in genere armorum, & similibus. Verū quoniam cetera valde imparia esse possunt, nihil certi videtur mihi statuendum. Quicquid enim statuas ex circumstantiis personarum, locorum, &c. facile potest deficere, optimē videtur mihi sentire gl. *in d. c. significasti* el. 2. de homicid. in v. *moderamine*, dicens seruari moderamen, si id solū fiat, quo prætermisso violentia repelli non potest; cui ego addo, vel ægrē repelli potest: quam sequutus Panormitanus dicit nihil certi in hoc statuendum, sed arbitrio iudicis relinquendum, qui pensatis omnibus circumstantiis statuet an sit seruatū moderamen, nec ne. In foro conscientie satis esse puro hominem tunc iudicasse necessarium fuisse id quod fecit; fieri enim potest vt inuasor, qui me inuadit, paruo baculo, vel solo pugno aded sit robustus, ferus, ac temerarius, vt plus possit ipse solo pugno, quā ego cum armis periculosis, & licita ac moderata censenda sit defensio cum huiusmodi armis, etiamsi illū occiderim.

19. Quod ad secundam attinet dubitationem, concors est Doctorum sententia, calorem iracundie, & quamuis aliam passionem animi diminueret delictum, & quoad culpam, & quoad poenam. ita expresse Herman. Baren. *in tract. de forman. libell. libello* 95. Panormitanus *in c. dilecti filij, de exceptionib. c. 1. de iniur. & c. cum te, de re iudic.* Felin. *in d. c. dilecti filij* n. 12. Iacob. de Aret. *consil.* 34. & 8. quem sequitur dn. Anton. *in c. olim 1. de restit. spoliat.* & ibi Panor. n. 15. & est communis sententia The-

ologorum, & probatur ratione, quoniam passio omnis diminuit rationem voluntarij, quatenus perturbat aliquantulum iudicium rationis plus minus, & impedit plenam deliberationem. Iuristæ dicunt, quia ira tollit rationem doli, quare quāuis puniendus sit, vt culpabilis, non tamen vt dolosus. Hinc Panormitanus *in d. c. olim n. 15.* & Cepolla *consil.* 19. putant etiamsi percussus insequatur suum percussorem, & eum vulneret ex ira; etiamsi non faciat ad pellendam viro, sed ex vindicta, leuius esse puniendum, quia calor iracundie caret dolo, & calumnia, vt *in l. 1. ff. ad Turpilianum, & can. si quem. §. notandum.* 2. q. 3. adducit Panormitanus textum *in l. si adulterium. §. Imperatorem. ff. de adulter.* vbi mitius punitur qui iusto dolore motus peccat. Addit Felin. *vbi supra*, etiamsi percussus percutientem, fugientem insequens eum occidat, nō teneri vt homicidam. & Paris à Puteo *in tract. de syndicato. §. quidam index n. 2.* tenet iudicem quendam, qui ab eo, quem iuste torquebat, multis laceffit in iniuriis, ex abrupto, & nō constituto de eius delicto, ipsum suspendi fecit, puniendum esse pœna deportationis, non mortis, quamquam aliās occidens innocentem puniendus est pœna mortis, per leg. tertiam, *Cod. de episcopali auctoritate.* Hoc dictum mirabile vocat Felin. *loco supra cit.* monens ne vnquam eius obliuiscamur, quia vix potest esse notabilius, & de eo (inquit) multum exclamat dominus meus de Aretio. & addit per hoc dictum posse iudices multa homicidia excusare, ne reos damnent ad mortem. Facit text. notabilis *in c. significauit, de penitent. & remission.* vbi committentibus homicidium ad sui defensionem

sionem, etiamsi in defensione ex-  
cesserint; nec moderationem debi-  
tam seruarint, mitius agi præcipi-  
tur, per quem text. 10. Andr. in  
additionib. ad Specul. in rubr. de homici-  
cid. tenet excedentē modū in se de-  
fendēdo nō teneri de homicidio si  
occiderit inuasorem, sed solum te-  
neri de culpa. Notat idem Bald. c. 1.  
§. si verò, de pace tenen. Ludouic. sin-  
gulari 4. Anan. in c. significasti 2. de  
homic. col. 25. Paul. Castren. consil.  
190. Incipiente, causam incarcerationis.  
Anchar. in clem. vii. de homic. Alex.  
consil. 76. incipiente, visa inquisitio-  
ne. Addunt alij, etiamsi calor ira-  
cundiæ aliunde ortus sit, quàm ex  
culpa occisi, adhuc fieri leuius de-  
lictum, itaut occisor non teneatur  
ad mortem: ita expressè Maleret.  
in tract. de elect. pag. 8. Felin. in c.  
significasti 2. de homicid. col. fin. & in  
d. c. dilecti filij, de exception. col. pe-  
nult. Paul. Castren. consil. 190. supra  
cit. & in l. si quis seruo, col. 1. Cod. de  
furt. 10. Neuizan. in synla nuptialis.  
n. 94. Paris à Puteo in d. tract. de  
syndic. §. quidam iudex, n. 2. Lud. in  
l. cum mulier. ff. solut. matr. Vnde  
Panorm. in c. olim, de rescript. col. 2.  
statuit regulam generalem, quo-  
ties quis iusto dolore accēsus deli-  
quit, pœnam esse illi mitigandā,  
per l. si adulterium, §. Imperatores.  
cui regulæ multum fauet text. in l.  
si quis aliquid ex metallo. §. fin. ff. de po-  
nis. & l. omno. §. qui st. de re militari.  
Qua posteriore lege cū militi qui  
sibi manus intulit, nec factū pete-  
git, capitalis pœna constituta sit, si  
tamen impatiētia doloris, aut mor-  
bi luctūve. alicuius, aut tædio vi-  
tæ, vel alia simili causa fecerit, so-  
lūm statuitur pœna, vt cum igno-  
minia de exercitu dimittatur. Vn-  
de isti pœnæ omnes Doctores vlti-  
P. Garbac de immen. Esch.

mo loco citati, Maleret. Felin. Paul.  
& cæteri tenent, si maritus vxorē  
ab aliquo sollicitatam cogat eētā  
illi horam dare, qua venire ad eam  
debeat, intereāque vocet affines  
cum baculis ad venientem adulte-  
rum verberandum, etiamsi illi ve-  
nientem adulterum verberibus oc-  
cidant, mitius esse puniendum,  
propter iustum, quo ad hæc impel-  
lebat, dolorem.

Quod attinet ad tertiam dubita-  
tionem, quæ est huius loci propria,  
& cuius gratia dux præcedentes à  
nobis susceptæ sunt, an motus ira-  
cundiæ, aut quilibet iustus dolor,  
qui delictum, vt dictum est, alle-  
uiat, ita id alleuiet, vt si in Ecce-  
lesia commissum sit, quamuis alio-  
qui natura sua graue, non adimat  
illi Ecclesiæ immunitatem, & ra-  
tio dubitandi est, quoniā licet mo-  
tus iracundiæ ex natura sua alleuiet  
delictum, ratio tamen sacri loci, ex  
reuerentia sanctis Ecclesiis debita,  
valde illud auget, quæ multis de-  
lictis rationē addit diuersæ speciei,  
faciens ea esse sacrilegia, addere  
autem nouam rationem alterius  
speciei secundum Theologos est  
augere delictum in infinitum, in  
quibusdam enim casibus magis te-  
netur homo iram frænare, vt corā  
iudice, coram Principe, sic & in  
sacro loco, vnde multo minus alle-  
uiatur delictum coram his cōmis-  
sum etiam ex iræ motu, quàm alibi.

Non loquor autem de illo motu  
iracundiæ, qui omnem abripit ra-  
tionem, cuiusmodi est furor, qui  
æquiparatur amentię, qui conse-  
quenter omnem tollit rationē vo-  
luntarij, ac peccati, & consequen-  
ter nullam meretur pœnam quic-  
quid delinquat, vt expressè docet  
Panorm. in c. de his qui filios occide-

E. E. c. runt.

runt. not. 2. de quo expressus text. in clem. si furiosus, de homicid. ubi etiam excusat ab irregularitate. De hoc, inquam, non loquor, quia neque eget Ecclesiæ patrocinio ad euadendam poenam, neque scit id querere, qui hoc ipso quod id quæteret, ostenderet satis apertè se verè furiosum non esse. Sed de iis omnibus loquor, qui ira aliqua citra furorem permoti delinquant in Ecclesiis.

13. In iis difficillimum est delicti alleviationem, quanta sit metiri, cum per sæpe experiamur in nobismet ipsis simulare nos, & exterius ostendere maiore iram, quam animo conceperimus, vel ad terrendum eum cui irascimur, ne audeat amplius similia, atque ad eius frenandam audaciam. Neque verò satis est gravem esse iræ causam, plerique enim ex-gravissimis etiam causis non graviter irascuntur, alij ex levisimis causis irascuntur gravissimè.

14. Homicidium, & mutilatio membri in Ecclesia commissa ex motu iracundiæ non ita alleviuntur, ut debeat occisor, vel mutilator ad immunitatem admitti. Probatur, quia hos expressè excludit text. in c. immunitatem, in cuius explicatione versamur, nec non & text. præsentis constitutionis, & probatur etiam ex omnibus superius dictis in 2. dubitatione. Quamvis enim ira excuset homicidam prouocatū à pœna mortis, non excusat tamen ab alia gravissima pœna deportationis. Idè autè iudiciū statuendū est de quocunque alio delicto cui debeat pœna mortis, vel mutilationis, vel alia his similis, vel æqualis, vel quævis alia gravis pœna mortis civilis, deportationis, perpetui carceris, aut damnationis ad triremes,

ac de omni delicto æquali, vel simili morti, ac mutilationi de delicto valde scandaloso, vel nociuo bono publico.

15. Graue etiam iudicarem delictum in Ecclesia commissum cum magna & notabili irreuerentia sanctissimi sacramenti, vel sanctarum reliquiarum, si dum vel eleuatur sanctissima Eucharistia, vel dum publicè est exposita populo ad adorandū, cum multis luminaribus, quis coram eadè aliquod delictum committat. Præsertim verò si is monitus ab universis adstantibus, ut reuerentiam illi haberet, & nihilominus pergeret ulterius in delicto. Deberet enim & tanti sacramenti reuerentia commoueri, & vocibus mouentis populi acquiescere, atque iram moderari. Unde hoc ipso ab immunitate excluderem, quamvis delictū, aut non ita graue esset natura sua, aut consummari, perfici altero fugiente non potuerit. Satis enim graue delictū censeo tantam irreuerentiam cum tanta præsentium offensione ac scandalo commississe.

16. Denum facilius excusare delictū in ipsamet Ecclesia ex repentino iræ motu rixæque commissum, quàm delictū extra Ecclesiam inchoatum, & parte ad Ecclesiā fugiente eā intra Ecclesiā insequendo consummatū, tū quia ultra rationem propriā illius delicti, accedit ratio violatæ immunitatis. Posteaquā enim pars ad Ecclesiā confugit, debebat in ea tuta esse eā à publica, quàm à priuata, vi, propter loci reuerentiā: violanti autē immunitatem Ecclesiæ, immunitas non debetur, ut dictum est in prima parte huius quinti libri cap. 5. casu 2. Par enim violatio immunitatis est, confugientem ad Ecclesiam per vim extrahere, atque

que illum in Ecclesia percutere.

*Quomodo debeant delicta committi in Ecclesia ut priuent immunitate, an ex parte agentis simul, & patientis, an vero satis sit ex parte alterius tantum.*

CAPVT XXIV.

1. **P**RO declaratione præmittendum est delicta tribus modis posse dici committi in Ecclesia, primo plenè, ac completè ex parte agentis simul & patientis. exempli gratia, duo in Ecclesia rixantur, alter alterum in Ecclesia lethaliter vulnerat, occidit, mutilat, & is qui vulnerat, in Ecclesia vulnerat, & is, qui vulneratur, in Ecclesia vulneratur. Secundò in Ecclesia solùm ex parte agentis, quòd quis in Ecclesia existens vidensque inimicum suum extra Ecclesiam, ex ipsa Ecclesia iacit in eum pugionem, sagittam, sclopettā, eumque grauitè vulnerat, vel occidit, dicitur occisio facta in Ecclesia solùm ex parte agentis. Tertiò existens extra Ecclesiam, vidensque inimicum suum intra Ecclesiam, iacit ex loco vbi est extra Ecclesiam pugionem, sagittam, sclopettam in inimicum intra Ecclesiam existentem, eumque occidit, dicitur occisio facta in Ecclesia solùm ex parte patientis, qui solus intra Ecclesiam erat. Dubitatur ergo an satis sit alterutrum in Ecclesia fuisse, an vtrumque. Rursum potest quis in Ecclesia vulnus lethale accipere, sed extrà mori, aut extrà Ecclesiā vulnerari, confugereque ad Ecclesiā, & ibi animam exhalare, aut in ipsamet, vbi vulneratus est, mori, quæri potest quòdnam horum necesse sit.

2. Prima sit disputatio de eo, qui

in ipsa existens Ecclesia ex ea vulnerat, occidit, mutilat extra Ecclesiam, vt si ex ipso Ecclesiæ limine, vel ex foribus, aut ex fenestra vibret pilam tormentariam, sagittam in aliquem. Panorm. in c. immunitatem, de immunit Ecclesiæ. Ang. in v. immunitas. §. 23. Nanar. in manual. c. 25. n. 21. Sylu. v. immunitas 3. n. 8. expressè tenent carere immunitate, quoniā delictum fuit in Ecclesia inchoatum, licet alibi consummatum. cui ego addo, quia quicquid per se pertinet ad ratione delicti, in Ecclesia consummatum est. In Ecclesia enim existens voluit interficere, in Ecclesia conatus est, in Ecclesia omnem actionem exercuit, ex qua ille interiit, & merè per accidens se habet, quòd ille extra Ecclesiam sit percussus.

Contrarium videbitur fortasse sentire Bart. in simili l. quod ait. ff. de adulter. dicens portantem aliquem de platea in alium locum extra plateam, & ibi percutientem illum, non puniri pœna pereuntis in platea, ex quo videtur aperte colligi secundum ipsum attendendum non esse locum inchoati, sed locum consummati delicti. Sed hæc Bartoli doctrina, vt bene obseruat Sylu. loco cit. non aduersatur sententiæ præfatæ Panormit. & aliorum, loquitur enim in satis diuerso casu, in quo plures sunt actiones distinctæ, nempe aggressio in platea, seu captio, & tractio, seu insequutio vsque extra plateam, & percussio etiā in alio loco extra plateam. Prima actio præcessit in platea, secunda inchoata fuit in platea, & consummata extrà. Tertia verò quæ est percussio, tota est extra plateam facta, ibi inchoata, vbi consummata.

Panormitanus verò cū cæteris loquitur

quitur de vna eadēque actione, quæ eadē inchoata est in Ecclesia, extrā verò consummata, vel, vt nos diximus, tota in Ecclesia completa est, quatenus actio, & quoad omnem malitiam, quam habet ex parte agentis, & quatenus habet totam per se malitiæ rationem, solum quatenus passio extrā recepta est, quatenus per accidens est extrā Ecclesiam. Probat hanc sententiam, quod qui mittit lanceam, vel sagittam contra aliquem, etiā si non sequatur effectus, reus, seu noxius est, & puniri debet. *l. is qui cum telo. ff. de sicar. & l. si quis non dicam rapere. Cod. de Episcopis & cleric. & c. sicia noxius, de presumptionib. & can. si quis post acceptum. d. 51. & can. si quis cum telo, de penitentia d. 1. & sacra Scriptura hoc docet expressè Prouerb. 26. & valde facit quod notat Io. Andr. in c. inspicimus, de reg. iur. lib. 6. dicens, si quis ex vno territorio existentem in alio territorio vibrando lanceam, sagittam, &c. posse in vtroque territorio conueniri, tãquā qui in vtroque deliquerit. Addit Sylu. vnā limitationē ad dictū Panormit. nisi his qui ex Ecclesia vibrauit sagittā, probeat se non fecisse spe immunitatis; verū hęc limitatio non habet locum, tum quoniam etiam stando in iure antiquo non erat necessaria ad priuandum immunitate eiusmodi spes, vt abundè probatum est suprā cap. 16. tū quonia hoc nouo iure Gregorij XIV. nulla fit mentio eiusdē spei.*

4. Secunda dubitatio directè opposita præcedenti, an si quis existēs extra Ecclesiam, pilam tormentariam, vel aliud instrumenti genus vibret contra hominem existentem intra Ecclesiam, eūque occidat, vel mutilet, gaudeat immunitate.

Et licet ex dictis posset aliquis falsò opinari, nos concessuros huic immunitatem, tamen etiam hunc esse ab eodē priuilegio excludendū, plures Doctores tradunt apertissimè, Panormit. & Nauarr. *locis cit. Couar. lib. 2. variar. resol. cap. 20. n. 15. vers. vigesimo septimo. ex his. Bal. in l. si quis non dicam rapere, col. 3. Cod. de Episc. & cleric. & l. multum interest. col. penult. vers. sed hinc quero. Cod. si quis alteri. Paulus Castren. in l. si va ponitur. ff. de fideiusor. Hippol. in l. vnica. Cod. de raptor. v. arg. n. 50. quos referunt partim Couar. loco cit. partim Farinac. 1. p. criminal. q. 18. n. 61. qui prætermisit obseruare hanc opinionem esse communem Doctorum in e. immunitatem, id quod obseruauit Nauarr. cap. 25. n. 21. & probatur, quia mea actio verè istum intra Ecclesiam contingit; sagitta enim extra Ecclesiam, vt à me exiens volat non modò per totum spatium quod est extra Ecclesiam, sed etiam per illud quod intra Ecclesiam est, & in ipsa Ecclesia attingit hominē quem vulnerat, non secus ac si adedè longa hasta illum configerem quæ pertingeret à loco extra Ecclesiam vbi ego sum vsque ad locū intra Ecclesiam, vbi ille reperitur, itaque non solum, vt passio, sed vt actio ibi hominem attingit. Secundo, quia is verè habet animum occidendi in Ecclesia, & effectus occisionis in Ecclesia consummatur. Tertiò, quia is verè iniuriatur Ecclesiæ, eamque polluit humano sanguine: ergo frustra eius implorat auxilium.*

Tertia dubitatio sequitur de eo si qui hominem in Ecclesia lethaliter quidem vulnerauit, qui tamen extra Ecclesiam ab alijs plerisque acceptis

acceptis vulneribus, extra Ecclesiam mortuus est, non quidem ex eo vulnerere quod in Ecclesia acceperat, sed ex aliis vulneribus extra Ecclesiam inflicto; an is, qui in Ecclesia lethaliter vulneravit, careat immunitate, licet ex eius vulnere mortuus non sit, & suppono ex qualitate instrumenti, quo is vulneravit, & quo nullus alius vulneravit, cognosci posse à perito medico ex eius vulnere non esse mortuum, sed ex alio. Huic nos faciliè respondemus, carere immunitate, quia commisit in Ecclesia delictum graue inferendo fratri lethale vulnus par homicidio, maius mutilatione. Idemque dico de graui vulnere, quamuis lethale non esset, sed dubium. Difficultatem verò habent qui putant solum homicidia, & mutilationes membrorum carere immunitate. Baldus in l. ita vulneratus. ff. ad l. Aquiliam, putat eum verè homicidam, & capitali plectendum supplicio, eo ipso quòd lethaliter vulneravit, quem sequitur Albert. Trotius lib. 2. de perfecto clerico, cap. 26. quibus consequens est tanquam verum homicidam carere privilegio immunitatis, per accidens enim se habet ad vulnus ab eo inflicto, quòd alius superueniet, qui alio vulnere illi priùs vitam eripuerit, qui ex priori vulnere erat omnino inreriturus. Addit Trotius idem esse dicendum, etiamsi dubitetur, an illius primi vulnus mortale fuerit, nec ne, probatque per expressum textum in cap. significasti. 2. de homicid. Vbi Pontifex quando discerni nequit, iubet eum qui prior percussit, tanquam homicidam, & irregularem debere à sacris abstinere, quamuis fortasse homicida non sit. Cuius

ego sententiam, quoad irregularitatem, sine vlla dubitatione suscipio propter illum expressum text. Quoad excludendum verò hominem ab immunitate, probabilem quidem puto, quia in dubio quando non constat de occifore omnes tenentur tanquam homicidæ, etiam in homicidio casuali. In apostata verò tenentur omnes qui ad homicidium interuenerunt, etiamsi vnus tantum vulnerauit, vel occiderit, dummodo constet vulnus fuisse in Ecclesia inflicto, & si plura accepit vulnera, aliqua in Ecclesia, aliqua verò extrà, nec constet ex quibus interierit, tunc sicut omnes de homicidio tenentur, ita omnes videntur carere immunitate. Neque mirum, si in dubio contra reum iudicemus in hoc casu, quando in dubio contra reum proceditur ad pœnam, quia constat hos occidisse, licet non constet quis eorum occiderit, & quia simul concurrente ad occidendum huic sese periculo sponte obtulerunt.

Quarta dubitatio est de eo qui in Ecclesia quidem lethaliter vulneravit hominem, qui extra Ecclesiam, vel paulo post, vel post aliquot dies mortuus est. Ad quam respondeo siquidem ex illo vulnere mors fuerit sequuta, vel membrum adeò fuit laesum, vt necesse fuerit omnino præcidi, sine vllò dubio causam spectandam esse, quæ in Ecclesia nõ consummationem quæ postea extrà sequuta est, cum fuerit causa efficax & per se mortis, & mutilationis vulnus in Ecclesia illarum. Quare statim esse ex Ecclesia eiciendum vbi constiterit esse adeò graue vulnus; quòd si qua sit spes vitæ, & membri nequaquam secandi, tunc etiam secundum nostram sententiã,

qui graua delicta excludimus, ei-  
ciendus erit; secundum eos verò qui  
solum homicidia, & membrorum  
mutilationes excludi (licet falsò) pu-  
tant, expectandus erit rei euentus  
ipso reo in carceribus curiæ eccle-  
siasticæ interim custodito, vt si ille  
moriatur, vel mutiletur, reus exclu-  
datur de Ecclesia, sin minus, im-  
munitas illi seruetur.

7. Quintò de eo qui extra Eccle-  
siam grauitè vulneratus ad Eccle-  
siam fugiens in ea expirauit, certum  
est homicidium nullo modo dici in  
Ecclesia commissum. Neque enim  
ex hoc violatur Ecclesia, etiamsi  
sanguis in Ecclesia fluere, vt ex-  
pressè docet Sylu. in v. *Immunitas*  
3. n. 5. vers. *Nec si compleatur*. Arnal.  
in v. *consecratio Ecclesia*, n. 4. vers. *si quis*  
*percutitur*, post gl. in c. *vn. de conse.*  
*Eccles. lib. 6.*

8. Sextò demum adde, si quis in Ec-  
clesia ab alio inuasus, occidar inua-  
forem, seruato moderamine incul-  
patæ tutelæ, non esse ab immunita-  
tis priuilegio excludendum. Cùm  
enim homicidij nomē crimē sonet,  
iste verò sine crimine id faciat o-  
mni iure permittente, non est ho-  
micidei eius occisio, sed sui ipsius  
defensio. Vnde & ex huiusmodi oc-  
cissione, vel mutilatione Ecclesia  
non polluitur, vt expressè tenet  
Sylu. & Armilla *locis citatis*, & pleri-  
que alij post Innocentium. Secus si  
non seruaretur moderamen prædi-  
ctum, quia eo deficiente haberet ra-  
tionem vindictæ, & esset homici-  
dium, licet ex circumstantiis posset  
ita alleuari, vt occisor non merea-  
tur poenam mortis.

*Quibus casibus mandans homici-  
dium, vel mutilationem in Ec-  
clesia priuetur immunitate.*

#### CAPVT XXV.

**A**B occisore, & mutilatore ve-  
nio ad mandantem, & manda-  
tarium, de quibus quadruplex oc-  
currit disputatio.

Prima est de mandante intra Ec-  
clesiam existente, atque in ea dante  
mandatum mandatario, vt aliquem  
extra Ecclesiam occidat, vel mu-  
tilet.

Secunda de mandante existente  
extra Ecclesiam, atque extra eam  
mandante homicidium, vel mu-  
tilationem intra Ecclesiam facien-  
dam.

Et vtraque duplicatur, nempe  
quid sit de huiusmodi mandanti-  
bus sentiendum, tam exequuto iam  
mandato iuxta formam traditam,  
quàm non exequuto: vnde surgit  
numerus quatuor dubitationum.  
Quarum aliqui plures, alij paucio-  
res tractant Doctores, apud nemi-  
nem inueni omnes disputatas. Ideo  
nullam intactam relinquere statui.  
Nauarr. cap. 25. manual. n. 21. duas  
paucis expedit, videlicet primam &  
tertiam mandantem in Ecclesia a-  
liquem extra occidi, quoad peccatum  
quidem mandati nequaquam  
gaudere immunitate; assert autem  
rationem optimam, quia totum  
mandati peccatum in Ecclesia com-  
missum est; quoad peccatum verò  
exequuti per mandatariam man-  
dati gaudere immunitate. quod i-  
dem ait sensisse Remigium, pro-  
bâtque, quoniam tota mandati e-  
xequutio extra Ecclesiam facta est.

Alias

Alias duas dubitationes Nauatr. non attingit, sed ex iis ipsis quæ de duobus dixit, satis possemus colligere quid secundum eum de reliquis esset dicendum. Nempe eum qui extra Ecclesiam mandat alicquem in Ecclesia occidi, quoad peccatum mandati, quod totum extra Ecclesiam commissum est, gaudere immunitate, quoad peccatum verò executionis mandati, quæ tota in Ecclesia facta est, non gaudere. Panormitanus in c. *immunitatem*, de *immun. Eccles.* mouet quidem has omnes dubitationes, nullam autem soluit. sicut facit Io. de Vuischis in tract. de *immun. Eccles.* & Angelica v. *Immunitas* q. 25. quæ vix alia duo verba addit, citant autem duo Bart. loca cuius sententiæ subscribunt. qui scit id ibi de hac materia tractat, traditque sufficientem doctrinam ad has omnes dubitationes dissoluendas. Prior locus est in l. *sicut proponitur*. ff. de *fideiuss.* Posterior in l. *non solum*, sæpe iam à nobis citata, §. *si mandato*. ff. de *iur.*

4. In l. *sicut proponitur*, tractans Bart. similem questionem, an is qui in vno territorio mandat delictum fieri in alio territorio. v. g. homo existens Panormi, mandat hominem occidi Messanæ, possit accusari Panormi, vbi mandauit, an verò Messanæ, vbi mandatum est executioni traditum, distinguit, an mandans teneatur ex mandato, an verò ex delicto, an contra eum agatur ex mandato, an ex delicto. Ad cuius distinctionis declarationem obseruat optimè in mandante duplicem attendi posse obligationem, vnam qua tenetur mandatario, quasi ex contractu, alteram qua

tenetur illi tertio, quem concernit mandatum: prior dicitur obligatio ex mandato, ex qua oritur mandatario contra mandantem actio mandati, licet in mandante delictum oriri propter actus turpitudinem non possit, nisi forte quædo mandatur delictum atrox, vt idem Bartolus sentit in l. *non solum*, iam citata, vt paulo post dicetur.

Posterior verò obligatio, qua s. mandans tenetur alicui tertio, semper oritur, siue manderetur negotium, siue delictum. Mandans enim negotium tenetur illi tertio, cum quo negotium per mandatarium gestum est, & vocatur actio ex negotio. Mandans verò delictum tenetur illi tertio, contra quem delictum per mandatarium fuit executum, & hæc actio hoc modo cõsurgens vocatur actio ex delicto, quatenus contrà distinguitur priori actioni, quæ est ex negotio. Ita etiam obseruat gl. in l. *persuadere*. ff. de *seruo corrupto*, in v. *furtum facturus*, dicens in aliis delictis præterquam in seruo corrupto mandantem non puniri propter mandatum, sed propter delictum. *Instituit. de obligationib. quæ ex delicto nascuntur*. §. *ope*, in v. *non tenetur furti*, & l. *is qui opem*. ff. de *furt.* vbi is qui opem dedit furto, tenetur furti propter opem, idcoque tunc incipit teneti, cum furtum commissum est. l. *ff. quis uxori*. §. *neque verò*. ff. de *furtis*, & l. *qui serio*. §. 1. ff. *cod. tit.* & in ratihabitione, quæ mandato æquiparatur, si quis ratum habeat negociũ suo nomine cum aliquo gestum per aliquem inter ipsum ratum habentem, & eum cum quo negociũ gestũ est, nõ oritur actio ex ratihabitione, sed



sed ex negotio gesto, per l. si pupilli. §. item queritur. ff. de negot. gest. Pari ergo ratione in ratihabitione delicti meo nomine gesti inter illum contra quem delictum commissum est, & me, non oritur actio ex ratihabitione, sed ex delicto. Ex his colligit Bartolus egregie cum is, qui delictum mandauit, posteaquam delictum fuit exequutum, teneatur ei contra quem exequutum est, non ex mandato, sed ex delicto, puniendum esse in loco ubi delictum fuit exequutum, non in eo ubi mandatum fuit. Cōsequēter ad statuendam, augendam, vel minuendam pœnam, attendendam esse rationem loci, ubi delictū fuit exequutum, non loci, ubi mandatum, vt idem Bart. apertissimē docet in d. l. non solum. §. si mandato. ff. de iniur.

6. Ex hac Bart. doctrina duz solui facile possunt dubitationes, quæ sūt de delicto per mandatarium iam exequuto.

Priorem hoc modo: Qui extra Ecclesiam mandauit delictum in Ecclesia committi, posteaquam mandatarius illud exequutus est iuxta formam mandati, nempe in ipsa Ecclesia, caret immunitate, quoniam agitur contra eum ex delicto in Ecclesia commissio, in quo ratio loci ubi delictum commissum est attendenda est. Posteriorē hoc modo: Qui intra Ecclesiam mandauit delictum extra eam committi, posteaquam mandatarius iuxta mandati formam id extra Ecclesiam commisit, non est priuandus immunitate. Quoniam agitur contra eum ex delicto quod totum extra Ecclesiam commissum est.

- 7r. Superfunt alie duæ dubitatio-

nes de mandante quando delictum exequutioni traditum non est. Quocasu cum delictum commissum non sit, vt supponitur, palam est non posse agi ex delicto. Sed si qua actio danda sit contra eum, ex mandato esse debet. In mandante vero delictum, vt paulo superius ex Bartolo tetigi, propter actus turpitudinem non oritur actio mandati inter mandatarium, & mandantem ordinariē. Ideo nulla videtur actio oriri, prout verē non oritur ordinariē. Excipiuntur tamen ex hac generalitate atrocita delicta, secundum eundem Bartolum in d. l. non solum. §. si mandato, ubi aperte tenet, ex solo mandato, nullo sequuto effectu, agi posse contra mandantem ab eo, contra quem delictum mandatum erat, atque aded oriri ipsi contra quem actionem ad aliquam pœnam, non quidem ordinariam, sed extraordinariam, quæ actio cum non possit, diqi esse ex delicto quod supponimus non esse, dicetur esse ex mandato, vt sit etiam in delictis atrocibus actio ex mandato, non sicut in negotio inter mandatarium, & mandantem, sed inter mandantem, & eum contra quem delictum mandatum erat. Hinc fit, vt sicut agitur actione mandati, & non actione delicti, ita ad statuendam pœnam extraordinariam, eamque vel augendam, vel minuendam, attendenda sit ratio loci, ubi datum fuit mandatum: ex quo duæ reliquæ dubitationes solvuntur, quando delictum, quod mandatum fuit, non est exequutum. Prior enim soluitur hoc modo: Qui in Ecclesia mandauit atrox aliquod delictum extra Ecclesiam committendum, si contra eum delicto non exequuto

agatur.

agatur ex mandato, caret immunitate Ecclesie, quia attenditur ratio loci, ubi datum fuit mandatum. Posterior soluitur hoc modo. Qui extra Ecclesiam mandauit delictum atrox in Ecclesia committendum, delicto non exequuto gaudet immunitate, quia mandatum ex quo agitur datum fuit extra. Ex his apparet optimam quidem fuisse breuissimam illam Nauarri responsionem initio huius capitis à nobis adductam ad duas illas dubitationes, cuius hæc quæ ex doctrina Barr. collegimus, sunt firmissima fundamenta, sed quoad primam responsionem egere limitatione, ut locum habeat solum in atrocibus delictis, in quibus solis, ut ex Barr. docuimus, competit actio mandati: in cæteris enim delictis, quæ atrociora non sunt, cum nulla surgat actio ex mandato contra mandantem, cessat omnis ratio confugij, cum enim is, contra quem mandatum datum fuit, nullam habeat actionem, qua contra mandantem agat ad villam pœnam, nihil sibi timere ab eo debet is, qui mandauit, cuius vitandi gratia ad Ecclesiam confugerat, atque ita me arbitror singulis illis quatuor dubitationibus abundè satis fecisse.

8. Illè superest in eadem materia dissoluendus nodus, quidnam dicendum sit, si posteaquam mandatum executioni traditum est, is contra quem executum fuit atrox delictum agat contra mandantem. Nauarr. initio relatus, ait eum qui mandauit in Ecclesia delictum extra committi, quoad peccatum mandati quod totum in Ecclesia commissum est, carere immunitate: quoad peccatum executum, id est, crimen in aliquem iam com-

*P. Gambac. de immunit. Eccl.*

missum, habere immunitatem, quia totum extra Ecclesiam executum est. Id non ita intelligendum est, ut exequuto delicto idem mandans teneatur vtrique simul actione, agaturque contra eum, & ex delicto ad pœnam ordinariam, & ex mandato ad extraordinariam, eundemque simul & habere immunitatem, & ea carere, hæc enim ridicula essent, sed ita debet intelligi, ut exequuto iam mandato agatur solum actione ex delicto etiam contra mandantem ad pœnam ordinariam, quæ delicti actio tunc secum inuoluit quicquid mali, turpitudinis, aut delicti erat in ipso mandato. In delicto enim velut in ultimo complemento mandatum terminatum est, distincta verò mandati actio, solum in atrocibus concessa sit delictis, quando non sunt executioni mandata, ad puniendum ipsum mandatum, ad arcendum homines ne huiusmodi delicta committere quidem attentent, cum sciant solum in eis mandatum, nullo sequuto effectu, pœna extraordinaria puniendum esse, quoties is, contra quem mandata sunt, egerit contra eos ex mandato, neque additam esse hanc actionem ex mandato cumlatiue ad actionem ex delicto, sed solitariè, & abdicatiue, ut cum ex delicto agi non possit, propterea quod executum non est, non maneat in atrocibus omnino impunitum mandatum, quod inchoatio quædam delicti est. Sicut in delictis quæ homo per se ipsum committit interiori animi voluntate, & exteriori operis executione, nullus duplici pœna per iudicem punitur, altera propter delinquendi voluntatem, altera propter exteriorè executionem.

FFf

nem

nem, sed tota interioris voluntatis turpitudine in exterioris actus transfusa turpitudinem in eo punitur. Ita enim coit in vna completâ rationem agentis mandatum, & mandati exequutio, sicut voluntas interior cum exteriori exequutione; fit enim mandatarius tanquam manus quædam ipsius mandantis exequens mandatum, vnde & eadē simul pœna mandati, & delicti punitur mandans, posteaquam delictum exequutum est.

9. Nunc quoniam dictum est, non competere eidem simul duas actiones contra eum qui mandauit delictum atrox delicto iam exequuto, vnam ex mandato, alteram ex delicto, dubitari potest, an saltem detur optio ei contra quem delictum mandatum atque exequutum est, vt agat, vel ex mandato, vel ex delicto, prout illi magis libuerit. Videtur enim illi danda optio, cum enim ipse sit offensus, ad ipsum pertinet, seu leuioris, seu grauioris offensæ quætere per iudicem vindictam, & iustitiæ aequalitatem, præsertim verò quando delictum fuit in Ecclesia mandatum, & extra Ecclesiam exequutum. Cum enim quod ad exequutionem, tam mandans, quàm mandatarius gaudeat immunitate Ecclesiæ, quoad mandatum verò non gaudeat, si non detur optio, cogetur pars agere actione ex delicto, in qua cum reo debeatur immunitas, euadet omnem grauem pœnam corporalem, & tamē pars libentiùs ageret ex mandato, in quo mandans, cum cateat immunitate, saltem puniretur aliqua graui pœna corporali extraordinaria, licet euaderet grauiorem pœnam ordinariam debitam delicto iam exequuto. Et con-

firmatur, quia si negetur hæc optio, reus qui mandauit ex mandati exequutione facta per mandatarium fieret melioris conditionis; necessariò enim ad immunitatem esset admittendus, qua in leuiore solius mandati actione careret. Mihi videtur post exequutionem delicti non posse nisi ex delicto agi, propterea quòd sicut actu interiori coniuncto cum exteriori, nulla est bonitas, vel malitia distincta ab exteriori, & sicut in actu medio disponente ad actum vltiorem vltimatum, velur in finem, & complementum, quando est coniunctus cum illo actu finali, nulla est bonitas, vel malitia ab eo distincta, sic in actu mandati, quando coniunctus est cum exequutione mandatarij, nulla est bonitas, aut malitia distincta à bonitate, vel malitia exequutionis, sed vnam in rationem completæ bonitatis, & malitiæ cœunt, consequenter sunt vna actio completa, vnum peccatum, contraque illud vna actio ex delicto, vna pœna, quod vsqueadeo verum est, vt extra atrocita delicta solum mandatum in ciuili foro non habeatur pro delicto, neque vlla ex eo actio nascatur, neque vlla pœna debeatur, vt consequenter, quia delictum totum positum est in exequutione mandati in foro illo ciuili, vt dictum est, semper gaudet immunitate is, qui mandauit, nulla habita ratione loci, in quo mandatum est. In delictis autem atrocibus propter eorum atrocitatem ad frenandos homines, ne vel mandare ea præsumant, attenditur in mandato non exequuto specialis quædam ratio delicti, & inchoationis, atque odio grauitatis delicti,

licti, & favore partis contra quā mandatum fuit, concessa est in ciuili foro actio ex mandato, neque vlla aut limitatio, aut ampliatio illi addita est, sed relicta est naturæ suæ, neque verò ex eo quoddam actio ex mandato concessa est, immutatum est aliquod circa actionem, quæ competebar ex delicto, sed naturæ suæ relicta est. Vnde imputatur mandanti quoddam aded aut imprudens, aut temerarius sit, vt intra sacra loca diuinis ministeriis dedicata mandare præsumat, ex quo immunitatis priuilegio destituatur, si contra eum ex mandato agatur, neque verò ex hoc melioris efficitur conditionis si mandatum sit executioni traditum, sed naturæ actionis ex delicto hoc postulat, vt gaudeat immunitate, propterea quoddam executio extra Ecclesiam facta est. Quoddam si contendas omnino esse aliquo modo melioris conditionis, id non tribuendum est executioni delicti per se, ac præcisè consideratæ, sed in ordine ad mandantis intentionem minus malam; licet enim in Ecclesia ausus sit mandare, voluit tamen, ac mandauit extra Ecclesiam fieri executionem, quod leuius est quàm si mandasset in ipsa Ecclesia occidi, & ex hac alleuiante conditione, quia extra Ecclesiam sequitur illa melior conditio vt ad immunitatem admittatur. Quo fit vt si in Ecclesia mandasset delictum atrox in Ecclesia ipsa committi, tunc in vtrâque actione & ex mandato antequam illud sit executum, & ex delicto postquam executum est, immunitate careret.

*An delicta in Ecclesia commissapriuent solum immunitate illius Ecclesie, & quoad illa solum delicta, an verò omnium Ecclesiarum, & quoad omnia alia delicta.*

## CAPVT XXVI.

**D**VÆ propositæ sunt hoc capite disputationes. Prior est an delinquens in Ecclesia priuetur solum immunitate illius Ecclesie, an verò omnium non modò Ecclesiarum, sed etiam locorum immunitarem habentium, cæmeteriorum, hospitalium, monasteriorum cæterorumque omnium. Posterior, an priuetur immunitate quoad illud solum delictum, an etiam quoad omnia alia quorū inuenitur reus.

Quoad priorem disputationem Veruecinus relatus apud Sylu. in *v. immunitas* 3. q. 2. *vers. et iñ. est eorū*. testatur apud aliquos de consuetudine seruari, vt delinquens in vna Ecclesia solum priuetur immunitate illius Ecclesie. Cui consuetudini fauere possunt hæ rationes. Prima quæ ibidem tangitur posita est in quadam similitudine priuilegij minoris ad priuilegium Ecclesie, vt sicut minor vti potest suo minoritatis priuilegio aduersus alium minorem, ita possit quauis Ecclesia vti suo immunitatis priuilegio aduersus aliam Ecclesiam, vt quauis alia Ecclesia offensa sit ab aliquo, ibi delictum atrox committente, alia Ecclesia ad quā confugit illum tueatur ac defendat, si ad eā confugiat. Secunda ratio, quia alia Ecclesia, ad quam iste reus confugit, nullam ab eo passus est, aut irreuerentiam, aut iniuriam:

nulla subest causa, cui illum non defendat. Tertiò, quia in hac alia Ecclesia, ad quam reus confugit, cessare videntur omnes rationes cap. finalis de immunit. Eccles. Palàm est enim non spè immunitatis huius Ecclesiæ fecisse, quæ erat ratio motiua, palàm est non implorare auxilium illius Ecclesiæ in qua deliquit, neque in illius legē immunitatis deliquisse, neque puniri in eo in quo deliquit.

3. Sed quoniam hæ rationes non solum de locis ubi esset ea consuetudo, sed vniuersè de omnibus probant, ideo vniuersè respondeo delinquentem in quavis Ecclesia, seu in quouis loco, immunitatem ecclesiasticam habentē priuari immunitate ecclesiastica omnium & singulorum locorum immunitatem ecclesiasticam habentium. Hanc tenent communiter Doctores post gl. in can. frater 17. q. 4. in v. ab omnibus. Veruecin. in c. immunitatem, de immunit. Eccles. Sylu. v. immunitas 3. vbi suprà. Io. de Vuischis in tract. de immunit. Eccles. n. 64. Henric. Boic. in d. c. immunitatem, col. 3. vbi id tenet post antiquos Doctores, vt refert Couarr. lib. 2. variar. resol. cap. 20. n. 15. vers. vigesimo tertio cedere. qui eandem sequitur, ex quo etiam habemus ita antiquos sensisse Doctores, Remig. in tract. de immunit. Eccles. fallens. 2. n. 2. Clar. in pract. q. 30. vers. sed quid si aliquis. Bouacof. 1. parte commun. opin. criminal. fol. 56. col. 2. in vers. Ecclesia habet immunitatem, Farinac. 1. parte criminal. q. 28. n. 59. quam sententiam Remig. testatur esse communem. Clar. verò esse Mediolani consuetudine receptam, & de omnibus quidem Ecclesiis probatur, quia omnes Ecclesiæ constituunt

vnam Ecclesiam, in omnibus idem Deus colitur, illi in omnibus, ac singulis irreuerentia exhibetur, cum in qualibet earum delinquitur, & licet Ecclesiæ materialiter multiplicentur quoad materiale structuram, iurisdictionem, dotem, confinia, cæteraque similia, ac temporaria, qua ratione vna aduersus aliam suo privilegio uti potest, sicut minor aduersus minorem: in ratione tamen formali Ecclesiæ, quatenus domus Dei sancta est, & ad preces, & sacrificia in ea offerenda, qua etiam ratione illi immunitatis confugij privilegium concessum est, omnes Ecclesiæ sunt vna Ecclesia, quæ læditur omnis, quouis delicto in quavis particulari Ecclesia commisso. Secundò probatur per textum in can. frater 17. q. 4. & can. sequenti, vbi qui ex Ecclesia aliquem extrahit, quod est in Ecclesia genus delicti, iubetur omnium Ecclesiarum accessu prohiberi. qui text. licet non ita apertè loquatur de accessu causa confugij, possitque etiam de accessu ad orandum intelligi; patet tamen, & sufficienter probat hoc ipso sensu, quòd peccans in vna Ecclesia, ne ad orandum quidem in vlla Ecclesia admittatur; multo enim minus admittendus videtur, vel æquè excludenda ab immunitate, quod est aliquid maius, & nihil obstat de accessu causa defensionis intelligi. Tertiò probatur clariùs, atque ideo efficacius per text. in d. c. immunitatem, in quo duo sunt quæ maximè ad hanc rem faciunt. Primum quòd cum loquatur de his qui in Ecclesiis homicidia, &c. committere non verentur, subdit, nisi sperarent per Ecclesiã, ad quam confugiunt, defendi. vbi

vbi obserua illud verbum *confugiunt*, non enim dicit per Ecclesiā in qua delinquent, ne ad illius solū priuationem se restringere videretur, sed ad *quam confugiunt*, dicit, vt à quacunque alia Ecclesia eos excludat. Deinde extremis textus illius verbis adeò clarè hoc exprimit, vt nullum omnino relinquat dubitādī locum, concludit enim statuendo tales immunitate ecclesiastica non gaudere. Qui autem priuat immunitate ecclesiastica, non modò priuat immunitate vnus Ecclesiæ, sed omnium, vt in nulla prorsus Ecclesia recipiatur. Quæ etiam ratione apertè conuincitur, non solū priuare immunitate omnium Ecclesiarum, sed etiam locorum omnium, quibus immunitas ecclesiastica competit, nēpe cæmeteriorum, hospitalium, monasteriorum, ac quorumcunque aliorum locorum, quibus immunitas ecclesiastica cōpetit. Quartò & vltimò probatur rationibus *c. fin. de immun. Eccles.* quæ omnes & singulæ de omnibus Ecclesiis probant, si formaliter, vt dictum est, Ecclesiæ nomen accipiatur, vt verè sumendū est, quatenus omnes Ecclesiæ sunt vnæ, non materialiter, quatenus sunt diuersæ; & per hanc quartam rationem soluitur tertia ratio adducta pro contraria consuetudine relata ex Veruecino.

4. Hinc egregiè obseruat Farinac. *hæc citato* consuetudinem illam ex Veruecino relata solū esse seruandam, vbi reperitur vigere, ita vt ibi de tali consuetudine constet. Vbi verò non constat, non esse vllatenus ab hac doctrina recedendum, quæ de iure certa est, & indubitata.

5. Ad duas priores rationes initio pro contraria consuetudine addu-

ctas patet primò ex dictis in prima nostra ratione, in ratione enim formali Ecclesiæ, omnes Ecclesiæ sunt vnæ Ecclesia, & vnæ offensa æquè omnes censentur offensa. Respondeo secundò, vbi habemus expressos textus, parum habere momenti probabiles rationes in contrarium facientes. Quæ enim vtriūque probabilia esse possunt post determinationem alicuius textus, ita in eam partem certa sunt, vt probabiles rationes contrariæ nihil habeant roboris.

Sed, & præterea obseruandum est non frustrà à nobis dictum esse delinquentem in quouis loco ecclesiasticam immunitatem habente priuari immunitate ecclesiastica omnium locorum, quoniam textus *c. fin. de immun. Eccles.* solū de immun. ecclesiastica loquitur tam ex parte loci, in quo delinquitur, quàm ex parte loci, ad quem confugitur: vt quantum ad vim text. atinet, neque qui in loco habente laicam immunitatem delinquit, priuetur immunitate, neque Ecclesiarum, neque verò aliorum locorum, laicam immunitatem habentium; neque verò vt delinquens in Ecclesia, vel alio loco immunitatem ecclesiasticam habente, priuetur immunitate laica locorum illam habentium. Exempli gratia, de palatiis oratorum Principum supremorum, vbi immunitatem habent, probabile est eorum immunitatem laicam esse, sicut est immunitas palatiorum vniuersitatum, vbi de consuetudine ea immunitatem habent, si quis delinquens in palatio communis confugiat ad Ecclesiam, habet immunitatem, sicut & qui delinquit in Ecclesia confugiens ad palatium communis. Textus

FFF 3 enim

enim solum delinquentes in Ecclesia, quo nomine veniunt, omnia loca immunitatis ecclesiasticae, priuat immunitate ecclesiastica. Quamquam si decentiae ratio habenda sit, is, qui delinquit in loco habente civilem immunitatem, confugiendo ad Ecclesiam defendendus sit, non quia d.c. finali non excluditur, sed quia confugit ad locum protectionis, & sanctioris immunitatis. Is vero qui delinquit in loco sacro, seu ecclesiastica immunitatem habente, cum excludatur à sanctiori, & digniori immunitate, non videatur in loco civilis immunitatis, quae est longè inferior, defendendus, sed à digniori immunitate exclusus censendus sit, ab inferiori quoque immunitate excludendus.

7. Quoad posteriorem dubitationem tres inuenio sententias, duas extremas directè oppositas, & unam mediam, qua illæ duæ conciliari aliquo modo possint.

8. Prima extrema sententia est delinquentem in loco immunitatis carcere immunitate quoad omnia illa delicta, siue antea, siue post commissi, quam tenet Aufserius in capella Tholos. decis. 422. Chassan. in Consuet. Burg. rubrica 1. §. 5. vers. e Archidiaconus n. 112. Clar. in pract. §. final. q. 30. vers. sed quid si aliquis, & in eam inclinat Farinacius 1. parte criminal. q. 28. n. 60. Dicentes delinquentem graviter in Ecclesia pro quouis alio delicto, siue antè, siue post commissi, libere capiuntque extrahi posse. Probari potest hæc sententia expressis verbis c. fin. de immun. Eccles. vbi simpliciter & absolute dicit tales ecclesiastica immunitate non gaudere, & non se restringit ad illud solum delictum quod in Ecclesia commissum est.

Contrariam extremam sententiam tenet Couarr. lib. 2. variar. resol. c. 20, n. 15. vers. vigesimo quarto fortius, vbi post relata præcedente sententiam subdit contrariam veriorè apparere, ex regula iuris Pontificij quæ in hac specie non reperitur sublata.

Tertiam sententiam mediam tenet Boerius decis. 100. col. ultima. cui tandem adhæret Farinacius 1. parte criminali, vbi suprà distinguens, num reus ad Ecclesiam confugiens, fuerit iam punitus, pro delicto in Ecclesia commissi, an non; si enim de illo delicto iam fuit punitus, debet quoad alia delicta extra Ecclesiam commissi ad immunitatem admitti; cum nihil habeat quod eum excludat. Si verò de eo delicto nondum fuit punitus, cum iam ratione illius excludatur ab immunitate, ex hoc impeditur, ne etiam pro aliis extra Ecclesiam commissi admitti ad immunitatem possit; aliis simul eodè tempore, & gauderet immunitate, & ab eadem excluderetur. Hinc concordari possunt duæ priores sententiae, vt prior locum habeat quando delictum nondum fuit punitum, posterior quando iam fuit punitum.

In hac tanta sententiarum diuersitate video difficile esse certi quidpiam statuere, dicam tamen quod sentio, re maturius discussa. Videtur mihi duplici distinctione opus esse. Prior est num quæreretur reus, & agatur contra ipsum pro delicto illo graui in Ecclesia commissi, nec ne. Posterior num agatur, an sit in Ecclesia retinendus, pro delicto extra Ecclesiam commissi, an verò solum, an sit efficiendum & concordandum cum iudice ne pro illis contrarium procedat. Hæc enim vtraque

que videntur ad Ecclesiæ immunitatem pertinere. His positis respondet ad dubitationem.

11. Primò dico, quandiu reus propter graue illud delictum in Ecclesia commissum quæritur ad pœnâ, ex eoque delicto agitur contra ipsum, nõ debet in Ecclesia retineri, etiamsi propter alia delicta ad eam confugerit, sed consignandus est omnino iudici seculari, aliàs facile quislibet fingeret se propter alia delicta confugere ad Ecclesiam, vt iudicium iustum eluderet, & per iudicem puniri posset pœna debita illi delicto quod in Ecclesia commisit. & si propter nullam aliud delictum quærarur, nullusve sit de aliquo alio delicto rumor, licet ipse dicat, se propter alia delicta ad Ecclesiam confugisse, tradendus est iudici seculari simpliciter, & sine vlla conditione, præsumendum est enim alios prætextus de aliis delictis fictitios esse, de quibus nullus est rumor.

12. Secundò, quòd si verè de pluribus delictis sit reus infamatus, & non de illo solo quod in Ecclesia commisit, & pro illis omnibus quærat ad pœnam, probabile est non esse quidem intuitu aliorum in Ecclesia detinendum, ne pro delicto in Ecclesia commissio puniri nequeat, sed esse consignandum iudici seculari, vel accepto ab eo iuramento, quòd solum pro delicto in Ecclesia commissio contra eum procedet, si fieri potest, vel saltem protestando, & sub excommunicationis pœna ei iniungendo, ne contra illum ex aliis delictis procedat, quorũ ratione cõpetit illi immunitas: ita enim & seruatur illi immunitas Ecclesiæ, ne propter alia puniatur, & non seruatur quoad delictum in Ecclesia

commissum.

Tertiò si quærat solùm propter alia delicta extra Ecclesiã commissã, quia, exẽpli gratia, nullus est accusator, & fiscus nõ potest agere priucipaliter, vel quia cõcordauit cũ parte, vel aliàs quomodocunque, probabile est, defendendum esse in Ecclesia propter alia quæuis delicta extra eam commissã.

Quartò & vltimò dico, nõ esse omnino improbabile etiã in duobus casibus iã dictis in secundo & tertio dicto, omnino carere immunitate, quoad omnia alia delicta, vt in pœnam delicti in Ecclesia commissi, careat simpliciter immunitate, idque propter textũ in d.c. fin. dicentẽ tales nõ gaudere priuilegio immunitatis, vbi, vt patet, reos qui in Ecclesia deliquerũt, simpliciter & absolute priuare videtur hoc priuilegio.

Vltimò probabilius tamen est carere priuilegio quoad illud solum delictum, iuxta modum expositum in tribus primis dictis, vt in pœnis strictè interpretemur potius quàm ampliemus, dicamũque restringi illam priuationem per verbum *tales*, vt solum locum habeat in illo delicto per quod tales sunt, nempe quod in Ecclesia committunt.

## PARS QUARTA.

*De vero casu ab immunitate excepto, nempe de homicidio proditorio.*

**N**ULLVS est vbique gẽtiũ, homo inter homines detestabilior proditore, qui in ipsis amicitia, ac beneuolentia apertissimis signis inimicos, atque hostiles animos gerat, vt cũ ei tanquam amico fideris,

&c



& cum minimè ab eo caueris, tunc incautum & improuisum ladar. Quod si cætera proditoria crimina grauius sunt eo solo titulo quod per prodicionem committuntur, granissimum illud planè erit quod ipsi vitæ per prodicionem insidiando tandem arrepta occasione proditoriè eripit vitam occidendo. Id eo est reipublicæ perniciosius, quo vitæ ciuium insidiando nullo remedio impediri potest. Ideoque optima ratione illi priuilegium immunitatis abrogatur.

*Quis sit propriè proditor, quod delictum proditorium, & quot modis, dicatur proditor.*

## CAPVT XXVII.

1. **S**UPPONENDVM est initio post Marcum Antonium Blanchum in tractatu de iudiciis homicidij n. 194. ad l. fin. de quaestionib. proditoris nomen simpliciter prolatum pro grauissimum prodicionis genus committente, vsurpari, qui nempe in Principem, vel in rempublicam peccat. l. omne delictum. §. exploratores. ff. de re milit. & l. proditores. ff. eod. tit. & l. si quis aliquid. §. 1. ff. de poenit. Ut proditor simpliciter dictus proditorem patriæ, vel Principis supremi significare intelligatur. Qui autem in priuatam personam committit aliquid prodicionis, non ram proditor dicitur, quam proditoriè aliquid facere, l. athleteas. §. 1. ff. de his qui notantur infamia, & l. 1. ff. de prauaricato. Ut exempli gratia, proditoriè inuadere aliquem, proditoriè percutere, proditoriè vulnerare, proditoriè occidere, proditoriè in discrimè adducere,

minus autem propriè etiam ij proditores aliquando dicuntur. Vnde & proditor ita impropiè dictus multis modis aliquis vocatur, quibus aliquos seligam grauiore, & qui magis prodicionem sapiunt.

Gl. in can. clericis, in v. Proditoribus, sex ponit, è quibus tres sunt precipui.

Primò, proditor dicitur qui malitiosè, & per fraudem aliquem circumuenit, vt eum in salutis discrimen adducat. *pan. si cupis.* 16. q. 1.

Secundò proditor qui rem sibi commissam hostibus exponit, vt nepe damna in ea re inferant. l. omne delictum. §. desertores.

Tertiò qui secretum sibi commissum, quod interest committenti propalat, cum eius scilicet damno.

Paris à Pureo in tract. de re milita. tit. quando prouocatur ad pugnam ratione prodicionis, n. 5. alias non paucas numerat eiusdem vocis acceptiones è quibus aliquas magis præcipuas subiiciam.

1. Proditor dicitur qui detegit dominum suum, cum nempe aliquid sibi metuens latet, vt hac ratione illi noceat. l. final. ff. de delatoribus.

2. Qui aliquem fraudulenter ducit ad insidias illi paratas. l. quicunque. ff. ad l. l. maiestatis.

3. Qui aliquem non præmissa diffidatione occidit.

Ioannes Igneus in 2. parte de senatusconsult. Syllaniam. §. si vnus n. 15. proditorem vocat eum omnem, qui actu exteriori aliquid ostendens, aliud in mente gerit, intellige ad nocendum. l. 1. ff. de prauaricatorib. & l. 4. ff. ad l. l. maiestatis. & l. athleteas. §. penult. ff. de his qui notantur infamia. Ponit exempla, si tecum venio amica.

amicabiliter tanquam socius itineris animos hostiles gerens, nulla-que inter nos exorta rixa, te percutio, aut sedens tecum ad mensam, quod magnæ est amicitiae signum, re offendam; si cum signa amicitiae præbeam, à tergo te percutiam. ita l. fin. ff. ad l. lul. maiestatis.

*Quot modis homicidium dicatur proditorium, & an omne proditorium careat immunitate.*

## CAPVT XXVIII.

1. **A** PRODITORE, & prodicione in genere ad speciem descendendo homicidij proditorij, ut cum is, qui in priuatam personam aliquid prodicionis committit, non tam proditor dicatur, quam proditoriè aliquid facere, de eo dicamus, qui proditoriè proximum occidit, seu proditorium homicidium committit.

Proditorium ergo homicidium primò Doctores quamplurimi illud vocant quod committitur veneno, quando nempe cibo, qui siue ad naturæ sustentationem, siue ad oblectationem, & delicias sumitur, venenum admiscetur. Tunc enim sub specie dulcis vitalisque cibi, mors latenter propinatur. Ita Anchar. Felin. & Anau. in c. 1. de homicid. Bald. in l. nemo. Cod. de summa Trinit. & rursus Bald. & Salic. in l. cum fratrem. Cod. de his quibus ut indig. Ludouic Carrer. in pract. crimin. pag. 115. n. 34. Gigas in rubr. de proditor. q. 1. n. 6. lib. de crimine lese maiestatis. Couarru. lib. 2. var. resol. cap. 20. n. 7. vers. Tandem his prænotatur.

P. Gambac de immunit. Etcl. . .

Secundò proditorium homicidiū 2. vocant id, quod fit quidem armis, non tamen ex facie, sed à tergo, & latenter occiditur incautus. ita Menoch. in q. de arbit. casu, ibi Bald. in l. final. Cod. de summa Trin. Afflict. in constitutione Præmilia. Angelus in tract. de malefic. vers. fecit insultum. Placha in epit. delictor. cap. 21. n. 1. Couarr. cap. 20. vbi supra. Farinac. 1. parte criminal. q. 18. n. 75. Gigas in tract. de crimine lese maiest. rubr. de proditorib. q. 1. n. 16. Dubitatur autem an vocetur proditorium homicidium etiam quando à tergo occiditur inimicus. Et Couarr. loco cit. apertè docet etiam tunc proditorium esse, quem sequutus est Farinac.

Alij verò contrarium sentiunt, 3. propterea quòd cum inimicus ex eo quòd inimicitias gerit, debuisset sibi cauere, & ita circumspectè incedere, ut ne à tergo quidem incautus posset occidi, sicut debuisset cogitare inimicum struere illi insidias, & quatere illum ad mortem quacunque via posset, illi imputatur quòd aded parum sibi prospexerit, ut incautus à tergo sit occisus. Ita Barr. in l. respiciendum. §. delinquent. ff. de pœnis. Gerard. in suis singularib. singul. 14. Bald. c. 2. col. 14. Quibus modis feudum amittitur, de vsibus feudorum. Ang. Aretin. §. interdum n. 6. Institutionib. de hereditariis. que ex intestato deferunt. & in tract. de malefic. vers. fecit insultum. Gomez c. 3. de homicid. 10. Igneus l. & si certus §. si unus ex dominis n. 14. ff. ad Syllaniam. quam sententiam Emanuel Suarez in additionib. ad Gomez litera B. restatur esse communem. Ego autem vereor ne si prædicti Doctores inimicitias gessissent, & que ipsos ar-

G G g mis

mis defendere, magis, quàm calamo id definire debuissent, longè aliter dicturi fuissent. Illos ego libenter percontarer, & quàm ratione sibi à tergo cauerent, si inimicos haberent, si responderent se id facturos, includendo se intra domesticos parietes, ne assentiret quidem. Neque enim domi tuti essent, ne à corruptis pecunia famulis inimici domum intrducerentur, qui eos à tergo occiderent, nè ab ipsismet corruptis famulis à tergo occiderentur. Sed præterea domesticorum necessitas domo exire cogit, & magnam post se trahere famulorum cateruam rei familiaris angustia non permittunt, & in media famulorum turba facile à tergo occidi quis potest ictu pilæ tormetariae, aut ab ipsismet corruptis famulis occidi. Illud solum remedium iuuare posset, ne à tergo occideretur, si oculos à tergo totidè, quot antè habet, haberet. Demum ratio contrariae sententiae nihil probat, vel plus probat. Nihil probat, quia non potest quis teneri ad impossibile. Plus probat, quia siquid probat, certè probat nullà vnquā omnino inimici occisionē proditoriam esse, per quasunque fraudes, dolos, atque insidias fiat, neque si veneno, aut alia quapiam ratione, quia ex quo inimicitias gerebat, hæc omnia ab initio sibi timere, & præcauere debebat, sibi què imputer quòd nō præcauerit; ideo mihi sēctētia prior multo magis probatur.

4. Tertio vocant etiā proditoriam illud homicidium quod licet fiat ex facie, sit tamen non præmissa diffidatione, seu aperta prouocatione, vt manus ad arma ponat, & gladiū euaginet, expectando etiā tantisper dū euaginet, & si arma non habet, expectando donec ea sumat.

Quæ diffidatio propria militū est, & eorum qui honorē in armis æquē, atque ipsam vitā curant. Indignū enim & vile existimant, non modò improuisum, & incautū; sed etiā aduertentem, & præ dubitatione, vel timore, vel alia causa nō capientē arma, ac se defendentē occidere, maluntque ab eius sanguine etiā in summa ira, atque odio omnino abstinere, quàm lædere nō se defendentē, & victoriæ loco ducunt prouocasse inimicū, & eique nolenti se defendere pepercisse. In hoc laudabilis superbia, quòd humano sanguini parcat, & inimici vitæ, licet aliàs in se valde detestabilis. Hoc homicidiū quod sit sine diffida, vt vocant, proditoriū esse tenent Afflic. decis. 165. n. 64. Gigas vbi supra q. 1. n. 5. vers. sextò proditor. Io. Andr. c. primo, de homicid. lib. 6. & ibi Gemin. §. sacri, & Franchus ibid. in v. diffidauerit, & Ancharan. n. 5. vers. tertio decimò nota. Farinac. 1. parte criminal. q. 18. n. 76. Imò Paris à Puteo in tract. de re militari. quādo prouocatur ad pugnā ratione prodicionis, n. 5. nō solum vocant hoc homicidiū proditoriū, sed addit: & qui id cōmiserit nō licete sine vericūdia morari in aula Principis. & quamuis durū hoc prima facie videatur, vt qui hominē ex facie aggreditur, proditoriē agere dicatur, si tamen rectè perpédatur, apparebit satis conforme rationi, tantundē enim est ex facie tepentē hominē inuadere inaduertētē, & imparatū ad se defendendū, itaut antequā aduertat quid agere debeat, sentiat se percussū, quantū inuadere à tergo. Tunc autē solū carere videtur labe proditorij, cū is, quē ex facie adoriris, aduertit à lōgē, & parauit se, illa enim præcedēs aduertētia & preparatio locū præcipit diffidæ, ac prouocationi.

Quartò

5. Quare homicidium omne quod fit per insidias proditorii esse affirmat Abulen. *super 21. cap. Exodi*, exponens illa verba, *siquis per industriam, & insidias*. Felin. c. 1. *de homicid.* & ibi Anan. n. 3. qui exponit, *per insidias*, hoc est, veneno, vel alias proditorie. Ancharan. relatus apud Felin. & Ananiam. Aret. in c. *cum non ab homine, de iudic. col. 10.* Menoch. in q. *de arbitris, casu 361.* Couarr. lib. 2. *var. resol. vbi supra n. 15. vers. Tandem his prenotatis*, Farinac. 1. *parte criminal. q. 18. n. 74. 75. & 76. & q. 28. n. 24.* qui duo postremi plerosque alios Doctores referunt pro eadem sententia quod esse commune Doctorem in c. 1. *de homicid.* testatur Petrus à Placha in *epitome delictorum c. 21.* & Farinac. loco citato.

6. Quinto proditorium homicidium dicunt esse id, quo quis fingens se alicui amicum, & aliud exterius simulans, aliud gerens in pectore sub ipso amicitie signo mortem infert non cogitanti, non precauenti, nulla prius exorta cum eo rixa. Ita Felin. & Ancharan. c. 1. *de homicid.* Lucas à Penna l. *final Cod. de delictorib.* Couarr. *vbi supra*, Bald. c. 1. *quibus modis feudum amittatur, in v. sibus feudor. in principio col. 4.* Bartol. in l. *respicendum. §. delinquunt. ff. de penis.* Farinac. q. 18. n. 74. Ioan. Igneus 2. *parte senatusconsult. Syllanian. §. si vnus n. 15.* exemplum afferunt Anchar. Felin. & Io. Igne. siquis socium in via nulla precedente cum eo rixa occidat. Aliud exemplum affert idem Felin. ibi, & Bart. in d. l. *respicendum*, & Bald. in c. 1. *cir. siquis sedente secum ad mensam nulla exorta rixa repente inuadens occidat*, eiusdem generis fuere duo illa homicidia, quæ commisit Ioab primus, quando adducens Abner in medium portæ ut loqueretur ei in dolo, occidit,

percutiendo in inguine, sicut habetur 2. Reg. 3. Secundum quando saluans Amasam fratremque appellans cum dixisset ei: Salue mihi frater, tenuit manu dextera mentum eius quasi osculans eum, & percussit eum in latere, occiditque eum. Eiusdem generis fuit homicidium commissum à Iahel vxore Haber, quæ cum audisset Sisaram ducem exercitus Iabin, qui infestauerat Israel vitum fugere egressa in occursum eius inuitauit eum verbis pacificis, spoliens se eum seruaturam, cumque illum abscondendi simulatione diligenter operuisset fixo in cerebrum dormientis clauo occidit eum, *Iudic. cap. 4.* ita filius ille Abobi, qui Simonem Machabeum, ac filios in munitiuncula Doch cum dolo susceptos, magnoque conuiuio inebriatos per Ptolemaum occidit. Sed quid in his immoror? Primum homicidium initio nascens orbis per Cain patratum eiusdem generis proditorij homicidij fuit, dixit enim Cain ad Abel fratrem quasi fratrem relaxandi animi gratia, egrediamur in agrum, nullaque exorta rixa insurgens occidit eum.

Ex his per Doctores communiter receptis proditorij homicidij speciebus, siue modis facile possumus colligere in quo posita sit in genere proditorij, ut de quocunque proposito homicidio possumus iudicare, siue proditorium, an non. Id ita venabimur, si queramus sitne aliquid quod his singulis modis insit, et quo proditorij rationem accipiat Inuenio autem in his singulis comune, quod occidatur improuissus, & incautus, aliqua autem sunt quæ magis, alia quæ minus incantum faciunt, minus incantum facit si occidatur ex facie, quam si occidatur à tergo, ideo minus proditorium est ex facie, quam à tergo inuadere,

magis incautum occidimus veneno cibus mixto, quàm inuadendo à tergo, ideo magis proditoriè occidimus. Magis incautum facit simulatio cum signis amicitie, & quò maiora sunt amicitie signa per osculum, eo deterior proditio, vt fuit illa Iudæ, quando osculo tradidit Christum, & quoniam in omni homicidio, quod fit per insidias, est huiusmodi occultatio paratæ cædis ad occidendum improuisum, & incautum, ideo omne homicidium per insidias proditorium necessariò dicendum est, veràmque habet proditorij rationem, quoniam hæc est insidiarum natura, & intrinseca ratio clam paratæ alicui opportunitatem ad malum, illique clam ipso, id est, eo non aduertente, malum inferre, quodd si hoc malum sit mors, est clam illi moliri mortem, per occultas nempe dispositas insidias. Illud solum est aduertendum, tunc homicidium per insidias dici proditorium, cum insidie per se ac directè sunt ordinatæ ad necem, itaut is cui parantur insidie improuisus atque incautus occidatur. Quodd si insidie non pararentur ad necem, sed ad aliquid aliud, exempli gratia, vt ille ducatur ad locum ubi quis ex facie illum & præuia diffida, seu prouocatione adoriatur, detque illi opportunitatem ad capiendum arma, atque ad se defendendum, si in illo conflictu prouocatus occidatur, non erit homicidium propriè proditorium, quia aduertens, & se defendens, vel potens se defendere occisus est.

*Sine idem occidere proditoriè atque occidere per insidias.*

#### CAPVT XXIX.

**C**ONCORDS Doctorum expositio tam super 21. cap. Exodi, super illa verba, *Siquis per industriam occideris proximum, & per insidias*, quàm super eadem verba in cap. primo de homicidio, *Omnes enim qui exponunt vocem illam per insidias, de proditorio exponunt.* Ita à Theologis, Abulen. in locum illum Exodi. Felinus, Ancharanus, & alij non pauci in d. c. 1. de homicidio qui omnes ita exponunt: Per industriam, id est proditoriè. quata expositione videtur Scriptura probabilis. Cùm Salomon iuxta hunc Scripturæ locum iussit occidi Iobab in ipso templo, qui ipsum etiam cornu altaris manu apprehensum tenebat, propterea quodd occidisset Abner, & Anasam, quos tamen ille proditoriè occiderat, nec tamen aut Salomon, qui eum mandauit in templo occidi, nec Ioiadas mandatarius, qui eum in templo occidit, reprehenditur in Scriptura.

Quanquam autè, si illas proditorij homicidij species, siue modos iuxta Doctorum sententiam præcedenti cap. 18. expositos attendamus, cum inter illos vnus sit homicidij per insidias, videbitur id quod per insidias fit, proditorij species quædam, ac peculiaris modus esse, sicut & è conuerso, si proditorium strictè sumamus pro eo quod sub amicitie simulatione committitur, ac sub externis amoris signis, videbitur proditorium species quædam, seu peculiaris modus homicidij per insidias. Tamen & hoc ipsum

ipsum arguit hæc duo in idem recidere, cum sibi inuicem genus & species esse possint, & si utrumque secundum omnem suam amplitudinem sumamus, videbimus parem esse atque æquè amplum utrumque atque alterum in alterum vicissim recidere, ut omne homicidium quod per ipsas insidias committitur, proditorium sit, & nullum sit proditoris genus, nisi per insidias constituatur. Id quod præter communem Doctorum interpretationem iam relatam, confirmat ratio utriusque nominis. Proditorium enim à prodendo dictum est. Prodere autem est aliquid occultum, ac latens in palam asserere. Neque enim est quælibet occulta publica facere, sed solum occulta, quæ secreta esse debebant, ut secreta alicuius consilia parti manifestare, latentem hostem hosti ostendere, unde, ut ad rem veniam, proditoriè occidere est latentes contra illum machinationes, quas perpetuò latere oportebat, opere in exteriorem actum lucemque producere atque exequi hominem per illas insidias, machinationesque necandi. Ut proditoriè occidere sit per latentes, occultasque insidias in externum homicidij actum exire. Insidias autem ab insidendo dictæ, non quacunque quidem significatione, sed qua insidere est locum occupare ad dolosè interceptiendum transeuntes. Unde insidiatum nomen dolosam loci occupationem propriè significat ad aliquid aggrediendum. Non est autem dolosa expectatio, nisi clam, & latenter fiat, ut incautum, & improuisum aggrediatur, aggrediendo de latibulis ad nocendum, vel educens in palam arma latentia, vel socios, quod est proditoriè agere,

ut insidias ad principium, & præparationem pertineant, proditio ad executionem, qua latentes antè insidias postea in palam efferuntur, ut ex utrisque compleatur tota proditoris homicidij ratio perfecta, ut cum hoc homicidium utroque semper constet, & occultis initio dispositis insidiis, & eandem propalatione in fine, cum venitur ad executionem, insidiosum semper est, & proditorium, nunc autem insidiosum vocatur à preparatione, & principio, nunc proditorium à fine atque executione; cum neque possit esse proditorium sine insidiis aliquo modo præcedentibus, neque insidiosi homicidij complementum accipere sine prodicione insidiarum in palam per actum externum occisionis.

---

*An in homicidio insidioso ac proditorio satis sit attentatum ad priuandum immunitate, id est, voluntas cum conatu non sequuta morte.*

## CAPVT XXX.

**S**VNT & in hac quoque difficultate variæ Doctorum sententiæ. Nam Couarr. lib. 2. var. resol. c. 20. n. 7. satis apertè sentit eum qui per insidias solum aggressus est ad occidendum, carere immunitate, cum enim dixisset proditorium homicidium priuare immunitate, statim subdit, imò idem esse in eo qui alterum proditoriè, id est, per insidias animo occidendi percusserit, tametsi ex percussione mors sequuta non sit, ut explicat (inquit) eleganter Io. Igneus, qui eandè renet sententiã, apertissimè in l. si dominus n. 7. ff. ad Syl-

*Junian. n. 10. Farinac. 1. parte crim. q. 28. n. 25.* & per eum relatus Boerius *decis. 109. n. 7.* qui testatur hanc sententiam fuisse apud se seruata in senatu Burdegalen. contra quendam qui cum vulnerasset in Ecclesia sacerdotem: ac seruientem quendam regium, quamuis neuter mortuus fuerit, decreto senatus capus, extructusque de Ecclesia manu mutilatus fuit. Eandem sententiam videtur tenere Placha *in epis. delictor. lib. 1. c. 21.* vt Farinac. *loco cit.* ibi etiam adducit Rebuffum *tomo 2. regiarum constitutionum tit. de immun. Eccles. art. 1.* Probat id Farin. ex sacra Scriptura, nempe ex verbis præcedentibus *Exodi 21:* vbi ante ea verba quæ *in c. 1. de homicid.* referuntur, sic ait Deus: *Qui percußerit hominem volens occidere, morte moriatur.* Deinde ponit distinctionem inter occidentem hominem casu, & occidentem per industriam: ergo hæc distinctio nõ solum est intelligenda in eo qui cum effectu occidit, sed etiam de eo qui occidendi animo percutit, atque hinc infert simili modo intelligendum esse textum *d. c. 1. de homicid.*

1. Contrariam sententiam Couarr. *loco cit.* tribuit Boerio *decis. illa 109.* & Rebuffo *tomo 2. regiar. constit. de immun. Eccles. art. 1. q. 5.* quem Farin. pro contraria sententia retulerat, requiri necessarium effectum realis occisionis ac mortis sequentem, aliàs nõquam carere immunitate. Cui sententia, vt egregie cõsiderat Placha *in epis. delictor. lib. 1. c. 21.* multum fauet text. *c. 1. de homicid.* quatenus dicit *occiderit*, quod verbum significat delictum consummatum, & actum perfectum occisionis, l. 1. §. *hæc verba. ff. quod quisque iuris. c. 1. ff. de extraordinar. crim.* & notat Bald. *in l. dani infecti. §. Sabinus. ff. de damno infecto,*

cum aliis ibi per eum allegatis.

Pro solutione aduertendum ex Claro *in pract. crimin. §. fin. q. 92.* attentatum ad committendum delictum, id est, voluntatem seu affectum cum conatu, etiam non sequuto effectu, si de iure communi loquamur puniendum esse, vt habet communis opinio, attestante Io. de Lignan. *consil. 20. n. 15.* inter consilia criminalia diuersorum *lib. 2. Quod autem non puniatur, nisi sequuto effectu,* ex generali consuetudine introductum est, quam consuetudinem refert Specul. *in tit. de accusatore. §. 1. n. 7. in fin.* & alij. Eandem esse generalem consuetudinem Italiae testatur Gand. *de malef. in tit. de rebus non portan. circa finem.* Bald. *conf. 361. in fin. lib. 1.* Eandem consuetudinem receptam esse in Gallia testatur Pract. Millei *fol. 50. n. 35. c. fol. 111. n. 25.* Eandem consuetudinem Angel. *in l. 1. §. final. ff. quod quisque iuris. n. 3.* testatur esse approbatam per vniuersum mundum, & Cataldus *in tract. de syndacatu q. 198.* subdit hanc consuetudinem cum sit generalis non egere probatione, quam eandem consuetudinem Afflictus *super 1. parte constitutionum Regni rubr. 21. n. 6. c. rubr. 11. n. 2.* refert seruari etiam atrocissimis. Michellus *purrocinio 10. n. 1.* seruari in assassinio, Mantua *consil. 31. n. 2. lib. 2.* In eo qui nocte quadam apposuerat scalas ad domum mulieris vt eam violasset, quã tamẽ nõ violauit. Clar. *loco cit.* testatur se vidisse pluries in senatu Mediolanen. sic iudicari, & in specie de pudicitia attentata. Petrus enim Vicarietus, qui puellæ nubilis lectum ascenderat, & pectus retigerat, neque vltra progressus fuerat habita remissione, fuit absolutus per senatum 3. Iunij 1547.

Aduertq; secundò hanc generale consue

consuetudinem limitari per Doctores, ut locum non habeat in atrocissimis. In quibus volunt puniri attentatum etiam non sequuto effectu. Ita gl. in d. l. 1. §. hac autem verba, in v. putamus. ff. quod quisque inris. quam opinionem Felin. c. 1. de officio delega. post n. 9. vers. limita 2. & Co. uarr. in Clem. si furiosus, de homicid. exemplificant in crimine maiestatis & oppugnatæ patriæ, & Simonix, & in tentante aliquem veneno perimere. Igneus in l. 1. §. occisorum, n. 41. ff. ad Syllamian. testatur se pluries vidisse id obseruari in latronibus, grassatoribus, & in veneficio. & in l. si sequens. §. cum ex parte n. 10. eod. tit. refert fuisse capitali supplicio affectum quendam nobilem, qui sæpius conspirauerat in mortem agnati sui proximi carentis liberis, sæpe attentauerat illum occidi facere veneno, & sagitta, licet effectus sequutus non esset, & quendam forenssem, qui cum de mandato alterius insultum fecisset in quendam Papiensem animo cum occidendi, effectu non sequuto confessus delictum laqueo fuit suspensus 25. Aprilis 1547. nullo facto processu, neque datis defensionibus.

5. Aduertendum tertio etiam in atrocissimis, in quibus punitur attentatum, licet deuenit ad actum proximum, minus puniri, quam si actum perfecisset, atque ita de generali consuetudine seruari testatur Afflict. super 3. parte constituti. rubr. 24. in principio post n. 15. Bertrand. consil. 228. n. 6. lib. 7. & hanc sententiam Marfil. consil. 105. n. 1. dicit esse communem, & loquitur in assassinio, licet non desint, qui poena ordinaria puniendum putent in atrocissimis, de quibus loquimur, ut patet in exemplis adductis in præcedenti notando, & in hanc sententiam ut mitius puniatur

inclinat Clar. q. illa 91. magis tamen, vel minus inspecta facti, & personarum qualitate, & is, qui deuenit ad actum proximum, grauius punitur, quam qui solum ad actum remorum, & is, qui cum deuenisset ad actum proximum, noluit ulterius progredi ad complementum, & consummationem delicti, mitius punitur, quam qui fecit quantum in ipso fuit, sed non compleuit delictum, quia non potuit.

Ex his colligo homicidium proditorium, ac per insidias è numero esse atrocissimorum. Si enim homicidium veneno commissum eiusmodi est; ergo & homicidium proditorium. Quare videtur mihi attentatum si deuentum est ad actum proximum, & per ipsum non stetit, quin illud compleret (fecit enim totum quod in ipso fuit) sed illo se defendere, vel aliis opè ferentibus, occidi non potuit, sicut poenā extraordinariā meretur ita Ecclesiæ immunitate carere.

7. Si tamen Episcopus, vel officialis ab eo ad id designatus adherere voluerit posteriori sententiæ initio relata, præsertim in casu digno respectu, non audeat eum damnare, quādoquidē ea secretia probabilitate non caret.

*An si homicidium proditorium ab insidioso distingueretur, dici posset hac constitutione, qua solum proditorium exprimit, reuocari dispositione capituli primi de homicidio, qua de insidioso loquitur.*

CAPVT XXXI.

Q V A N Q V A M c. 29. satis efficaciter apertèque probatum sit homicidium per insidias cum proditorio idē esse, neque aut insidiosum completum esse sine proditione neque



neque proditorum sine insidiis inchoari; quoniam tamen neque idem est omnium sensus, & quæ rationes aliquem Doctorum conuincunt, eadem persæpe alteri, ne probabiles quidem videntur. Imò idem aliquando ratione aliqua persuasus, vel alia occurrente meliore ratione, vel aliqua animi perturbatione commotus nutat, mutaturque sententiam; ideo disputationem præsentem suscepi. Est autem mihi cum Farinacio viro grauissimo integerrimoque negotiorum. Is, cum in secunda editione suorum criminalium vidisset præsentem Gregorij XIV. constitutionem ad suam veterem opinionem, qua homicidium insidiosum mordicus tenuerat, carere immunitate, adiecit id hodie per hanc Gregorij constitutionem sine difficultate currete, quasi ad eò certò appertèque id sit hac constitutione cautum, vt cesset omnis quæ antiquitus erat difficultas.

Postea verò in cuiusdam clientis causa in scriptis patrocinando, (si tamen ipsius sunt quæ ad me delatæ sunt scriptæ allegationes, & non alterius, e mentito eius nomine) mutata sententia acerrimè defendit insidiosum homicidium non carere immunitate. Cum enim solum proditorium hoc loco per particulam restrictiuam excipiat, contendit non esse ad insidiosum extendendum. Occurrit autem Farinacio in prædictis allegationibus quadruplex ratio ad probandum his verbis præsentis constitutionis quæ proditorium solum exprimit, reuocatum esse dispositionem capituli primi de homicidio.

2. Prima est; quòd certi tantum casus in hac constitutione excepti sūt, idque per particulam taxatiuam tā-

tum. In his autem non numeratur homicidium per insidias. Natura verò, ac vis dictionis taxatiuæ est restringere ad solos casus expressos, omnemque impedire extensionem ad alios non expressos. *l. properandū. §. 1. Cod. de indic. & l. si cum. §. quòd si homo. ff. quod metus causa.* ergo solum proditorium caret immunitate, nec fieri potest extensio ad insidiosum. Secunda, quoniam in eadem constitutione exprimitur illi casus per modum formæ correctionis, vt patet ex illis verbis §. 5. *Ad vnam tantum formam reducimus, & Ad uniformem regulam.* Quòd autem in iure præscribitur tanquam forma, alterari, vel mutari nullo modo potest. Tertia ratio desumpta est ex solemni illa contrariorum reuocatione, qua etiam capitulum primum de homicidio reuocari cèsendum est. Quarta & vltima, quoniam præsens constitutio est correctoria iuris, etiam quoad plures quàm in ea expressos casus, etiam si sint in iure alias expressi, vt patet ex illis §. 3. verbis, quatenus plures, quàm hic expressos casus contineant. Non suscipio hoc loco disputationem illam generalem, an ius commune quoad aliquid in hac constitutione reuocetur, sed solum in particulari supposito quòd homicidium proditorium ab insidioso distinguatur, an ideo censenda sit reuocata per præsentem constitutionem dispositio capituli primi de homicidio, ira vt insidioso homicidio restituta sit Ecclesiarum immunitas.

Vnde respondeo nulla ratione dici posse hac constitutione reuocari dispositionem capituli primi de homicidio. Probo primò ex quadam egregia doctrina glossæ in cap. de confirmationibus lib. 6. in v. Priorem,

& in v. *Renocare*. dicentis tunc solum posteriori lege priorem reuocari, quando est illi ita directè, & omnino contraria, vt nullo modo ambæ simul stare possint. Tunc enim cum sit necesse nouam legem vim suam obtinere, consequens est prioris vim cessare. Hinc rectè norat ibidem Geminian. n. 17. post Io. Monachum, si ambæ istæ leges possint aliqua distinctione concordari, vt vtræque stare possit, cessare omnino reuocationem, & ambas simul suum robur vimque obtinere. Hac ratione videmus aliquando duas leges, quæ videbantur inter se contrariæ, alia tertia lege ita per distinctionem concordatas, vt omnes seruari iubeantur. Produco exemplum ex iure canonico. Erant olim extantque vsque hodie duæ decretales, quæ videbantur inter se contrariæ. Vna Lucij III. in cap. ex cōquestione, de restitutione spoliato. In qua mulieri quæ impedimenti consanguinitatis prætextu dimissa fuerat à marito, iubet Lucius Papa virum restituui antequam procedatur in causa consanguinitatis. Contraria omnino videbatur statuere Clemens III. in c. 1. de ord. cognitionū. In simili enim causa iubet prius de consanguinitate cognosci, virumque à mulieris impetitione, quousque causa consanguinitatis per diffinitiuam sententiam terminaceretur, absolui. Valde clara atque aperta repugnantia hæc videbatur inter duas leges. Accessit Innoc. III. in c. literas, de restit. spoliato. adhibiræque inter eas possessorij, ac petitorij distinctione, ita eas sublata omni contrarietate cōciliat, vt ambæ seruandæ sint; priorem enim legem Lucij de possessorio intelligendam dicit, posteriorem Clementis de pe-

P. Gambac. de immuni. Eccl.

torio. Sed præter distinctionem sunt & alij quoque modi conciliandi iura quæ videntur aliquando contraria, nempe per extensionem à casu in iure expressio ad casum non expressum, in tribus præcipuè casibus. Primus casus est quando huiusmodi extensio est fauorabilis antiquo illi iuri contrario: vt cum casus iure nouo expressus extenditur ad casum expressum iure antiquo, non expressum autem nouo iure. Cum enim iuris correctio & reuocatio odiosa sit, admittenda est hæc extensio ad tuendum ius antiquum, vt non corrigatur. Secundò quando ex lata significatione vocabuli casus iure nouo non expressus, in antiquo iure positus, potest sub expresso contineri. Docet hoc Alex. in l. 2. col. prima. ff. de legat. & consil. 97. quod incipit, viso themate, & consil. 116. quod incipit, Nec arguendi sumus, col. penult. in 2. volum. qui hanc firmat regulam; quam & frequenter inculcat. Eandem recipit Franc. Balbus in tract. de præscriptionib. q. 3. principali n. 3. Alciat. lib. 2. de verbor. signific. n. 43. Tertio fieri potest extensio à propria significatione ad impropriad. Ita Franc. Balbus loco cit. Bald. l. 1. col. penult. de ser. fugit. vers. Non tamē puto. Affert Balbus exemplum in casu de quo est sermo in l. si vxor. §. 1. ff. ad l. Iul. de adulter. vt vxoris nomen, quod propriè significat veram & legitimam de iure vxorem, extendatur ad impropriad significationem, nempe ad eam, quæ est vxor de facto tantum, & non de iure. Baldus affert exemplum, si pro te mobili ponatur exceptio præscriptionis. quamuis enim præscriptio propriè de stabilibus dicatur, improprie HHh. dicitur

dicitur etiam de mobilibus. Hanc regulam extendendi ius nouū correctorium ad casum in eo non expressum ex stricta ad latam, atque ex propria ad impropriad significationem, acceperunt supracitati Doctores ex gl. in *Clem. 1. de electione*, in v. *eligatur*, ubi prohibitionem eligendi in Abbatem religiosum alterius religionis, quæ correctoria est, extendit ab electione ad alios modos præficiendi sibi Abbatem ad prouisionem, & alios, qui improprie dicuntur electiones. Facit autem hanc extensionem propter identitatem rationis, quia nō bene conuenit inter subditos vnius professionis, & superiorem alterius. Item ex alia gl. in *auth. minoris debitor*, *Cod. qui dat. tuto. poss.* in v. *à curatione*: ubi casum expressum, quod debitor, seu creditor minoris non possit eius esse curator, extendit ad tutorem non expressum, vt neque possit esse tutor. & ex gl. in *authent. ut hi, qui oblig. se*, &c. §. *sed si quis, collat. 6.* Videbor fortasse longius quàm par erat ad generalia digressus, redeo ad particularia.

4. Et primò certum est dispositionem huius constitutionis exprimentis homicidium proditorium, & dispositionem capituli primi de homicidio exprimentis insidiosum, non esse vlla ratione inter se contrarias, sed solùm vt summum diuersas. Probatur, quoniam proditorium insidioso contrarium non est, aut certe non ita directè contrarium, sed potius idem, vt probatum est superius *cap. 18.* quare exprimèdo proditorium non potest intelligi reuocare insidiosum.

5. Secundò æquè certum apud me est, præsentem constitutionem nō esse correctoriam, neque reuocato-

riam iuris, sed solùm indultorum, & abusuum eorum occasione indultorum. Imò potius esse restitutoriam, & confirmatoriam eiusdem iuris antiqui, quatenus reuocat indulta, quæ iuri immunitatis multum detrahebant, vt ideo non tantum odiosa iuri restringenda, sed vt illa fauorabilis amplianda sit. Id pluribus à nobis probatum est supra in hoc ipso lib. 5. *partie prima cap. 7.* ideo nunc superledeo.

Tertiò siquid sit, quapropter homicidium insidiosum reuocatum censendum sit, id est propterea quod excipiens Pontifex ab immunitate octo casus per particulam taxatiuam tantum firmat regulam in casibus non expressis. Quod tamen falsum esse probo ex doctrina Panormitani in *c. inter alia, de immunit. Eccles. n. 15.* ubi non modò expressè docet, sed etiam efficaciter probat, vbicunque noua lex disponit in materia antiqui iuris communis, & aliquos casus excipit, nō firmare regulam contra ius commune in casibus non expressis. Probat per textum in *c. ad audientiam, de clericis non residentibus*. Vbi constitutionem Meldenis Ecclesie ab Apostolica sede confirmatam, vt canonici non residentes priuentur fructibus præbendarum, exceptis duobus casibus ægritudinis, ac seruitij sedis Apostolicæ, declarat Pontifex non reuocare ius quod excipit canonicos morantes extra in seruitio Episcopi, *c. de cetero, de clericis non residentibus*. Imò suppleri illā nouam constitutionem hoc iure antiquo. Imò idem Panormit. *ibide* post glossam, & Bart. in l. *serui. ff. de usucapionib.* addit etiam si excipiat aliquem casum cum dictione taxatiua tantum, adhuc manete exceptos alios casus in iure expressos,

fos, & allegat textum in c. quoniam frequenter, in primo responso, ut lite non contestata. iuncta glos. in v. regulariter, ubi cum textus paucos quosdam enumeret casus, gl. multo plures supplet ex aliis iuribus usque ad viginti, quanquam in eo capitulo non inuenio dictionem taxatiuam. Adde quod dictio taxatiua in hac constitutione non restringit casus in iure, sed solum in indultis expressos; ius enim semper in suo robore esse vult, ut in d. c. 7. probatum est.

7. Quarto etiam si concesserimus hanc constitutionem esse iuris correctoriam, & aliquo modo contrariam dispositioni capituli primi de homicidio, adhuc non esse necesse reuocari homicidium per insidias. Non enim sunt usqueadeo contraria, ut non possint conciliari, ita ut utraque lex vim suam obtineat. Possunt autem concordari omnibus illis modis iam expressis. Et primo concordantur distinctione, ut insidiosum dicatur homicidium ratione principij; & preparationis, quæ tota clam fit, proditorium ratione executionis ac finis, quia in palam exit; extensione verò concordantur quatenus nomen proditorij ad insidiosum extenditur, favore iuris antiqui, ne quid de eo detrahatur, fauorabile etiam iuri nouo, in quo Pontifex expressè proficitur velle se addere aliquos casus præter eos qui antiquo iure expressi erant. Secundo proba non reuocari per aliam egregiam Panormit. doctrinam in repetitione c. Ecclesia S. Maria, de constitutionib. n. 32. dicentis quod si noua lex in veteris correctione venit, non corrigere eam, sed simul cum ea concurrere, ut utraque vim suam habeat. l. 1. §. dixerit aliquis. ff. de publican. & c. Fe-

licit. §. per hoc quoque, de penis lib. 6. Vbi quamuis non pauca essent in eos constituta, qui propriū Episcopū occidissent. Declarat tamen Pontifex per eam legem corroboratiuam, ne quicquam derogari secularibus potestatibus de facultate utendi Principum legibus contra eosdem homicidas. Iam verò si finē præsentis constitutionis consideremus, aperitissimè apparebit, eam esse iuris antiqui corroboratiuā, & quodāmodo restitutiua. Cum enim plerisque in locis orta esset ratio quorundā indultorum non mediocri immunitatis Ecclesiæ confusio, ac perturbatio, ut dicitur in huius constitutionis §. primo, grane iurisdictionis ecclesiasticæ præiudiciū §. tertio, volens Pontifex opportune prouidere ne ecclesiastica immunitatis iura planè cōculcarentur, & negligerentur, ut dicitur §. quarto, aliquid etiā ad terrorem delinquentiū permisit, casusque plures excipit: ergo parè collap̄sa immunitatis iura restituit.

Demū addo, quicquid pertinax quispiā in aliis mūdi partibus contenderit, ut reuocata arbitretur dispositione capituli primi de homicidio, adhuc in hoc nostro Sicilia regno homicidiū insidiosū, sicut & omne homicidiū ex proposito careret immunitate propter nostrā speciale legē, de qua supra dictū est lib. 3. Ut enim nouo iure non derogatur specialibus locorum consuetudinibus, ita neque specialibus iuribus ac legibus, nisi exprimatur.

Ad primam Farinacij rationem respondeo per expressionem horum casuum, perque particulam taxatiuam, non præiudicari ceteris in iure expressis, imò potius eos confirmari; maximè verò homicidium insidiosum per proditorium

torium excludi, cum per distinctionem & ampliationem commode simul stare queant, ut patet ex quarto dicto.

10. Ad secundam primò admitrendo præscribi formam, dico illam non iuri moderando, sed indultis reformandis præscribi; secundò hanc formam non præiudicare casibus in iure expressis; tertio homicidium insidiosum non excludi per proditorium.

11. Ad tertiam respondeo, si totam illam reuocationem notò modò diligenter attentèque, sed per omnem possibilem calumniam confideremus, non possumus eam ad minimam aliquam iuris reuocationem întorquere, adeò clarè, apertè, dilucidè solùm indulta reuocat, ex quibus abusus omnes orti sunt.

12. Ad quartam respondeo eodem modo de indultis intelligi.

## PARS QUINTA.

*De sexto casu ab immunitatis privilegio excepto, nempe de Assassinis.*

**P**AM horrèda est delicti huius immanitas, tamque detestàda sœuitia, ut ait Innoc. in *Concil. generali*, & habetur in *c. 1. de homicid. lib. 6.* ut qui id committunt, non solùm corporum, sed mortem procurent etiam animarum, quæ verba satis esse deberent, ut cuiusvis efferratæ mentis crudelitatem ad mansuetudinem flecterent. Vix enim ea legere, aut cogitare quis potest, quin rigeant capilli, & toto corpore perhorrescat. Horrenda immanitas, detestanda sœuitia, sitire proximi non modò corporis tē-

poralem, sed animi etiam æternā mortem. Cogiter, oro, quisquis de assassinio committendo cogitat, cogiter, inquam, an illo vniuersalis iudicii die crudelitatis, & vindictæ apud iratum iudicem possit reperiri clementiæ ipsius detestanda crudelitas, quid humanitatis, horrenda inhumanitas; quid mansuetudinis, efferrata sœuitia; quid expectaturus sit vitæ, qui mortem aliorum sitierit, atque intulerit nò modò corporum, sed etiam animarum. Quas voces illæ tunc contra eum edituræ sint animæ è mediis flammarum incendiis, quas ipse suo assassinio æternis incendiis addixit, apud iustum seuerumque iudicem interpellantes, nisi ut iisdem ille flâmis, aut atrocioribus subiiciatur.

*Quid & quodplex sit assassinium.*

## CAPVT XXXII.

**A**SSASSINOS à scindendo i. dictos putant canonistæ: Io. Andr. Geminian. Ancharan. Archidiacon. & alij in *c. 1. de homicid. lib. 6.* perexigua sanè ac parè nulla vocis similitudine: commodiùs fortassis, ac probabiliùs ab assir, siue assis antiqua Latina voce duxerimus, quæ sanguinem significabat, ut ait Festus *lib. 1. de veterum verborum significatione*, vnde & assaratum etiam vocabant porionem ex sanguine, vinòque mixtam, ut hac ratione assassini dicantur, quasi viri sanguinum, seu sanguinolenti, siue quia sint proprij sanguinis prodigi, siue alieni: fuerunt enim assassini quidam Saracenorum populi, Saraceno Baroni subiecti, in ea opinione educati, ut sibi

sibi cerèd persuaderent, si in ipsius domini obsequium occideretur, ita se demum beatos futuros. Hinc fiebat ut eorum Baro, ipsorum operas ad occidendos homines cuiusq̃ offerenti pecunias locaret, ipsique tanquam proprii sanguinis contemptores, ac prodigi, ut domino suo rem gratam facerent, in aliorum effundendo sanguine nihil metueret. Ita gl. in c. 1. de homicid. lib. 6. & Volaterranus lib. 11. de sc̃lis Syric. Paul. Emil. in lib. de rebus Francor. qui etiam meminit cuiusdam Arsacidæ dictorum assassinatorum Principis, qui accepta à quibusdam pecunia ad S. Ludouicum Francorum Regem occidendum nonnullos ex suis subditis destinarat, adeò Princeps ferus, & barbarus nullo discrimine ad Christianorum edendâ cēdem suorum obedientia abutebatur, & Christianorum innocentiam, etiam sanctorum sanguinis infidelium manibus cum magno fidei & Christianæ religionis opprobrio fundebatur. Id adeò inoleuerat, ut plerique nobiles Christiani, si quā alicuius potentis inimicitiam incurtissent, præuenire pretio barbarum illum Principem festinaret, ut vitam ipsi suam ab eo prius pretio redimerent, quàm mortem inimicus emisset: quo fieret, ut vtrinque barbarus Christianis pecuniis diti-  
sceret.

2. Ab his sanguinolentis populis, qui mediante pecunia cædes patrabant, assassini nomen ad omnē qui mediante pecunia hominem Christianum occidit detiuatum est. Vocaturque assassinium omne homicidium quod pecunia mediante committitur, tamque assassinus est qui dat, quàm qui accipit pecuniā ad occidendum. Vnde licet dispo-

fitio c. 1. de homicidio lib. 6. quantum ex vrbis illius textus apparet, de illis solū loquatur, qui Christianos per infideles mediante pecunia occidi faciebant, siue quod non facile tunc inuenirentur Christiani, qui suas operas in Christianorum necem venderent, seu locarent, siue, quod facilius, aut certius, per illos Saracenos Christiani necabantur, à quibus minus poterant cauere, tamē hodie veri assassini sunt, verūque assassiniij crimen committunt quicumque mediante pecunia occidi faciunt Christianum, siue per alios Christianos id faciant, quales innumeri hodie in hac vrbe (quod grauiter dolendum est) reperiuntur. Utinam non etiam ordinis clericalis, qui minimo pretio quatuor, sex vel decem scutorum operas suas locant ad quemlibet interficiendum. Ita expressè Placha lib. 1. delictor. c. 19. n. 2. Viuius in lib. communium opinionum, in v. Assassinus omnes. Capic. decis. 112. & 155. Conrad. in pract. fol. 237. n. 1. Clar. in lib. 3. sentent. §. Assassinium. Imola, Geminian. Franchus, Archidiaconus in d. c. 1. de homic. lib. 6. & Bartol. in l. non solum. §. si mandato. ff. de iniur. Salicet. in l. ea quidem. Cod. de accusationib. Angelica in v. Assassinus, in initio. Idem sentit Paul. Castren. in l. 1. §. final. ff. de eo per quem fuit. Bald. & Salicet. in l. nō ideo minus. Cod. de accusationib. col. penult. Angel. in l. qui sepulchra. Cod. de sepul. viol. Hippolyt. in l. vnica, Cod. de raptorib. virg. n. 103. Alex. consil. 166. Carret. in pract. crimin. tit. de homic. §. circa tertium, in initio, quam sententiam Aretin. in consil. ampenult. col. 16. non solum testatur esse communem, sed fortassis etiam consuetudine teceptam, & Conrad. ubi suprà testatur omnes Doctores in

hoc conuenire. Vnde Clarus *lib. 5. sententiarum. §. assassinus*, ita absolute assassinum definit: Est ille qui aliquem Christianum occidi pretio mandat alteri, siue fideli, siue infideli.

3. Illa tamen conditio necessariò requiritur ad assassiniù inter Christianos, vt is qui mediaute pecunia occiditur sit Christianus, vt notat Io. Andr. *in c. r. de homicid.* quem sequuntur communiter Doctores, vt testatur Alex. d. *consil. 166. in fin. lib. 7.* & est sententia omnium consensu stabilita, vt inquit Placha d. c. 19. n. 8. Cuius qualitaris defectu idem Io. Andr. *loco cit.* ait se liberalis quendã imputatũ de assassinio, quòd in processu non erat probatum occisum fuisse Christianum. & Io. Armo. *cautele 25.* quæ incipit, *vos scitis*, ait se in facto ita iudicasse. & licet Clar. *in d. §. assassinus*, putet hanc defensionem apud senatum Mediolanensem parum valituram, dummodo probaretur hominem mediante pecunia occisum fuisse in territorio Christianorum, propterea quòd, cùm infideles non sint soliti inter Christianos conuersari, qui in territorio Christianorum reperitur, habendus est pro Christiano, & tunc solùm id admittendum putet, cùm reus probaret occisum fuisse infidelem. Id tamen solùm habet locum in statu Mediolanensi, & similibus, in quibus non solent degere infideles, secus in statu Veneto; præsertim verò in vrbe Venetiarum, vbi infidelibus commercia cù Christianis habere licet. In statu S Romanæ Ecclesiæ, vbi Iudæi morari liberè permittuntur in nostro Sicilia regno, præsertim verò Panormi, vbi non solùm serui innumeri pænè sunt, è quibus non pauci in infidelitate sua

viuunt, sed aliqui etiam liberi viuere etiam magno numero diu permitti sunt.

Quanquam modò pænè nulli, aut quàm paucissimi liberi sint, cùm edicto Illustrissimi atque Excellentissimi Comitis Albæ Siciliæ Proregis, liberi omnes, qui in infidelitate vivebãt, hinc eiekti ad suas terras redire permitti sunt. Vbiunque ergo infideles siue Iudæi, siue Arabes, siue Saraceni, siue Turcæ inter Christianos, siue serui, siue liberi viuunt, ibi probanda videtur auctori qualitas, quòd occisus sit Christianus.

Ex his apparet in rigore loquendo duplex esse assassinij genus, vnũ eorum, qui occidi mandant Christianos per infideles mercede conductos, imò neque per quoscuque infideles, sed per quosdam subiectos domino Saraceno, à quo subditorum infidelium operam ad occidendos Christianos conducebant Christiani\*, vt apertè colligitur ex verbis *dicti c. 1. de homicid. in lib. 6.* quod assassinorum genus iam conqueuit, neque quicquam tale hodie auditur; contra hoc directè constituta fuere quæcunque disposita sunt in dicto capitulo primo. Valde enim frequens tunc erat illos Saracenos ad Christianos occidendos conducere.

Alterum assassinij genus est quod priori successit, & illud paulatim omnino abrogauit. Siue enim pœnarum metu quæ in dicto capitulo positæ sunt, siue quòd Christiani eo exemplo infidelium paulatim allekti sunt ad locandas suas operas in Christianorum necem, siue quòd Christiani cùm in eadem vrbe degerent minori pretio operam suam locare cœperint, vendendi Christiani

ni sanguinis temeritas ad Christianos è Saracenis translata est. Omneque assassinium per Christianos homines committitur: mediãte pecunia Christiani per Christianos mandantur occidi. Nullique alij sunt hodie assassini, nullum assassinij crimen, nisi quod Christianus per Christianos mediante pecunia fieri mandat. Hi hodie & vulgo dicuntur assassini, & soli sunt, quorum eo grauius est peccatum, quo Christiani sunt, qui Christianum sanguinem vendunt, & Christianis non modò corporibus, sed etiam animabus mortem afferunt, quòque apud infideles nihil de hoc crimine auditur, vt quis pecunia mediante alium infidelem aut occidat, aut mandet occidi.

*An vtrique assassinij generi debeantur cum cetera pœna capituli primi de homicidio libro 6. sum priuatio immunitatis.*

CAPVT XXXIII.

**D**ISPOSITIONEM omnem dicti capituli primi cum suis pœnis etiam ad eos assassinos pertinere, qui Christianum hominem mediante pecunia occidi mandant per Christianos, tenent expressè Io. Andr. Imol. Geminian. & Franchus in d.c. 1. lib. 6. & ibi Anchar. Bart. in l. non solum. §. si mandato. ff. de iniur. & l. Cicero. ff. de pœnis. Bald. & Salic. in l. non ideo minus, de accusationib. Alex. consil. 166. lib. 7. Angel. in l. qui sepulchra. de sepul. viol. Hippol. in pract. crimin. §. examinanda n. 21. & §. diligenter n. 156. & l. unica. Cod. de rapt. Virg. n. 103. Carret. in pract. tit. de homic. §. circa 3. Ange-

lica in v. assassinium. Clar. in lib. 5. sentent. §. assassinium, quorum opinionem Aretin. testatur esse communem, quod idem testatur Boss. in tit. de mandato ad homic. n. 16. & Couarr. lib. 2. var. resol. c. 20. n. 10. & licet text. dicti capituli primi expressè loquatur de priori genere assassinij, vt patet intuenti, quod si verbis textus inhærendum sit, ad hos solos restricta videantur, & in pœnis facienda sit stricta interpretatio, vt de se notum est: tamen prædicti Dôctores attendentes ad causam finalem in textu expressam occurrendi animarum periculis, & tam nefarias præsumptiones ecclesiastico mucrone ferendi, ampliandam putant dispositionem pœnalem iuxta amplitudinem causæ finalis, nempe fauoris animarum. Vnde Iacobus Vngatellus in additionibus ad summam Angelicam, in v. Assassinus, in. l. 1. De addit. constitutionem pœnalem concernentem fauorem animarum esse latè interpretandam. probat per glos. in c. generali. de elect. lib. 6.

Contrariam sententiam tenet Archidiaconus in d.c. 1. Aretin. consil. 165. Sylu. in v. Assassinus q. 1. Nauarr. in manual. n. 135. excommunicatione 29. lib. 6. decretal. vbi pauca de his loquitur, quia hodie non videmus, iniquitales interfectiones. Idem tenet Caietanus in v. excommunicatio, casu 16. & in v. Assassinus. & Alberic. in suo dictionario, in v. Assassinus, & Couarr. lib. 2. var. resol. c. 20. n. 10. vers. 7. licet fateatur contrariã sententiã esse communem, ab ea tamen recedit, & affert pro se etiã Io. Andreã.

Mihi verò etiam si prior sententia valde probabilis videatur, & sic ubi consuetudine recepta sit, seruanda sit, tamen vbi de illa consuetudine



hoc conuenire. Vnde Clarus *lib. 5. sententiarum. §. assassinus*, ita absolute assassinum definit: Est ille qui aliquem Christianum occidi pretio mandat alteri, siue fideli, siue infideli.

3. Illa tamen conditio necessario requiritur ad assassiniū inter Christianos, ut is qui mediante pecunia occiditur sit Christianus, ut notat Io. Andr. *in c. 1. de homicid.* quem sequuntur communiter Doctores, ut testatur Alex. *d. consil. 166. in fin. lib. 7.* & est sententia omnium consensu stabilita, ut inquit Placha *d. c. 19. n. 8.* Cuius qualitaris defectu idem Io. Andr. *loco cit.* ait se liberalissem quendam imputarū de assassinio, quod in processu non erat probatum occisum fuisse Christianum. & Io. Arno. *caus. 125. quæ incipit, vos sentis*, ait se in facto ita iudicasse. & licet Clar. *in d. §. assassinus*, putet hanc defensionem apud senatum Mediolanensem parum valituram, dummodo probaretur hominem mediante pecunia occisum fuisse in territorio Christianorum, propterea quod, cum infideles non sint soliti inter Christianos conuersari, qui in territorio Christianorum reperitur, habendus est pro Christiano, & tunc solum id admittendum putet, cum reus probaret occisum fuisse infidelem. Id tamen solum habet locum in statu Mediolanensi, & similibus, in quibus non solent degere infideles, secus in statu Veneto; præsertim verò in vrbe Venetiarum, vbi infidelibus commercia cū Christianis habere licet. In statu S Romanæ Ecclesiæ siq, vbi Iudæi morari liberè permittuntur in nostro Sicilia regno, præsertim verò Panormi, vbi non solum serui innumeri pænè sunt, è quibus non pauci in infidelitate sua

viuunt, sed aliqui etiam liberi viuere etiam magno numero diu permisi sunt.

4. Quanquam modò pænè nulli, aut quàm paucissimi liberi sint, cum edicto Illustrissimi atque Excellentissimi Comitis Albelistæ Sicilia Proregis, liberi omnes, qui in infidelitate viuébāt, hinc eiecti ad suas terras redire permisi sunt. Vbiunque ergo infideles siue Iudæi, siue Arabes, siue Saraceni, siue Turcæ inter Christianos, siue serui, siue liberi viuunt, ibi probanda videtur actori qualitas, quod occisus sit Christianus.

5. Ex his apparet in rigore loquendo duplex esse assassini genū, vñū eorum, qui occidi mandant Christianos per infideles mercede conductos, imò neque per quoscunque infideles, sed per quosdam subiectos domino Saraceno, à quo subditorū infidelium operam ad occidendos Christianos conducebant Christiani, ut apertè colligitur ex verbis *dicti c. 1. de homic. in lib. 6.* quod assassinatorum genus iam conuenit, neque quicquam tale hodie auditur; contra hoc directè constituta fuere quæcunque disposita sunt in dicto capitulo primo. Valde enim frequens nunc erat illos Saracenos ad Christianos occidendos conducere.

6. Alterum assassini genū est quod priori successit, & illud paulatim omnino abrogauit. Siue enim penarum metu quæ in dicto capitulo positæ sunt, siue quod Christiani eo exemplo infidelium paulatim allekti sunt ad locandas suas operas in Christianorum necem, siue quod Christiani cū in eadem vrbe degerent minori pretio operam suam locare cœpernt, vendendi Christiani

ni sanguinis temeritas ad Christianos è Saracenis translata est. Omneque assassinium per Christianos homines committitur: mediâte pecunia Christiani per Christianos mandantur occidi. Nullique alij sunt hodie assassini, nullum assassinij crimen, nisi quod Christianus per Christianos mediante pecunia fieri mandat. Hi hodie & vulgo dicuntur assassini, & soli sunt, quorum eo grauius est peccatum, quo Christiani sunt, qui Christianum sanguinem vendunt, & Christianis non modò corporibus, sed etiam animabus mortem afferunt, quòque apud infideles nihil de hoc crimine auditur, vt quis pecunia mediante alium infidelem aut occidat, aut mandet occidi.

*An vtrique assassinij generi debeantur cum cetera pena capituli primi de homicidio libro 6. sum præuatio immunitatis.*

CAPVT XXXIII.

1. **D**ISPOSITIONEM omnem dicti capituli primi cum suis pœnis etiam ad eos. assassinos pertinere, qui Christianum hominem mediante pecunia occidi mandant per Christianos, tenent expressè Io. Andr. Imol. Geminian. & Franchus in d.c. 1. lib. 6. & ibi Anchar. Barr. in l. non solum. §. si mandato. ff. de iniur. & l. Cicero. ff. de pœnis. Bald. & Salic. in l. non ideo minus, de accusationib. Alex. consil. 166. lib. 7. Angel. in l. qui sepulchra. de sepul. viol. Hippol. in præf. crimin. §. examinanda n. 21. & §. diligenter n. 156. & l. unica. Cod. de rapt. Virg. n. 103. Carrer. in præf. sic. de homic. §. circa 3. Ange-

lica in v. assassinium. Clar. in lib. 5. sentent. §. assassinium, quorum opinionem Aretin. testatur esse communem, quod idem testatur Boss. in tit. de mandato ad homic. n. 16. & Couarr. lib. 2. var. resol. c. 10. n. 10. & licet text. dicti capituli primi expressè loquatur de priori genere assassinij, vt patet intuitu, quòd si verbis textus inhærendum sit, ad hos solos restricta videantur, & in pœnis facienda sit stricta interpretatio, vt de senotum est: tamen prædicti Doctores attendentes ad causam finalem in textu expressam occurrendi animarum periculis, & tam nefarias præsumptiones ecclesiastico mucrone feriendi, ampliandam putant dispositionem pœnalem iuxta amplitudinem causæ finalis, nempe fauoris animarum. Vnde Iacobus Vngatellus in additionibus ad summam Anglicam, in v. Assassinus, in. l. i. De addit. constitutionem pœnalem concernentem fauorem animarum esse latè interpretandam. probat per glos. in c. generali. de elect. lib. 6.

Contrariam sententiam tenet Archidiac. in d.c. 1. Aretin. consil. 165. Sylu. in v. Assassinus q. 1. Nauarr. in manual. n. 135. excommunicatione 19. lib. 6. decretal. vbi pauca de his loquitur, quia hodie non videmus, inquit, tales interfectiones. Idem tenet Caietanus in v. excommunicatio, casu 16. & in v. Assassinus. & Alberic. in suo dictionario, in v. assassinus, & Couarr. lib. 2. var. resol. c. 10. n. 10. vers. 7. licet fateatur contrariâ sententiâ esse communem, ab ea tamen recedit, & assert pro se etiâ Io. Andræa.

3. Mihi verò etiam si prior sententia valde probabilis videatur, & sic ubi consuetudine recepta sit, seruanda sit, tamen vbi de illa consuetudine

rudine non constat, posterior tamen quam mitior tenenda videtur, & de hoc nostro regno, ac de hac ipsa ciuitate, vbi frequentia huiusmodi assassina per Christianos mercede conductos cum ingenti animi dolore, & audimus, & videmus, vbi etiam nonnulla quæ antequam complerentur ad nostras aures peruenerunt, partim impediimus Dei gratia, partim impedire tentauimus, illud affirmare possumus, neque pœnam excommunicationis, neque pœnam diffidationis, neque pœnas latas contra eos qui receptant, defendunt, vel occultant esse vsu receptas, ideoque eas apud nos locum non habere.

4. Assassinos non simpliciter morte affici, sed secundum aliquos ad eorum caudas alligatos raptari, vt in pluribus locis de consuetudine receptum esse testatur Soëln. quem refert Placha lib. 1. delictor. c. 19. n. 5. vel etiam membratim, & in frustra concidi, vt testatur Carrer. in pract. fol. 294. n. 35. & Clar. d. 5. Assassinus, vers. sed quero.

Addit Clar. puniri in hoc delicto etiam attentatum, quamuis non sequatur mors, propter criminis maximam atrocitatem. quod frequentissimo omnium consensu receptum esse testatur Couarr. in repetit. clement. si furiosus, de homicid. fol. 180. & Remig. de immunit. Eccles. fallit. 15. n. 18. & quoniam diuersimodè per iudices diuersos, imò in diuersis causis per eundem iudicem videmus & legimus cõdemnari, aliquando pœna mortis ordinaria, aliquando extraordinaria ad perpetuas trirèmes, aliquando etiam ad pœnam pecuniariam, ideo Clar. in d. 5. assassinium, vers. scias etiam, in fin. putat id esse arbitrio iudicis relinquendum,

attenta qualitate facti & personarum. Sed venio ad pœnam priuationis immunitatis ecclesiasticæ, ac si loquamur de primo assassinorum genere, nullum inuenio qui eiusmodi assassinis prodesse putet immunitatis priuilegium, etiam si mors tentata, sequuta non sit, sed omnino ab Ecclesia excludendos. per c. 1. de homicid. lib. 6. ex quo id palam deduci tenet Couarr. lib. 2. var. resol. c. 10. n. 10. vers. septimo, & ad institut. De secundo verò genere Couarr. putat ad immunitatem admittendum esse, quantum ad præcisam assassinij rationem pertinet, propterea quòd ipse putat, vt diximus, dispositionem dici capituli primi ad hos nequaquam pertinere. Quòd si cum assassinio coniuncta sit qualitas proditorij, quod, vt ipse fatetur, frequentius contingit, caret immunitate, ratione huiusmodi qualitatis adiunctæ. Speculum in 2. parte tract. de consil. cap. 45. sensit quidem etiam hos de iure antiquo carere immunitate: quoniam autem videbar id non ita clarè constare, optauit lata certa lege constitui, sic enim censuit Christianæ reipublicæ conuenire. Clarus tam in d. 5. assassinium, vers. Item licet assassinus, putat omnino carere immunitate. Idem sentit Farinac. 1. parte criminal. q. 28. n. 26. & licet videatur coincidere cū Couarruiis, cū enim dixisset homicidium per insidias carere immunitate, subdit multo magis carere homicidium per assassinium, quia assassinus proditor est; tamè verè sentit assassinium quatenus præcisè assassinium, & non solum ratione proditorij, carere illa. Nam dicit multo magis carere assassinium, si multo magis, ergo aliquam nouam qualitatem addit, propter quam multo magis

magis careat, quæ est ipsa ratio assassini. Præterea addit aliâ rationē quæ de ipso assassinio in se probat, nempe quia quando versatur in atrocissimis propter quæ clericus venit degradandus, & tradendus curiæ seculari, non habet locum immunitas templorum: venit autē degradandus, & tradendus propter assassinium. per dictum capitulū primum de homicidio: ergo ratione assassini caret immunitate, quisquē id committit. Idem sentit Rémig. in tract. de immunit. Eccles. fallent. 15. n.8. Marcus Mantua lib. 5. observ. 41. & ut docet Couarr. loco cit. idem sentire debent omnes qui putant dispositionem dicti capituli primi de homicidio, ad hoc secundum assassinatorum genus pertinere. hanc eandem sententiā crebriorem, & apud scribentes magis receptam esse testatur Petrus à Placha in epis. delictor. cap. 19. n. 24.

6. Demū præsentī cōstitutione Gregorij XIV. satis factum est desiderio, ac votis, speciali, & aperto iure ablata est immunitas, etiam huic posteriori assassinatorū generi. Disponit enim simpliciter de assassinis, nihil exprimens, neque verò innuens de illis infidelibus, aut Saraceno domino subiectis, & disponit hoc tempore cū cessant iam illi infideles mercede conducī, vixque extaret vlla de eis memoria, nisi in dicto capitulo primo cōservaretur. Nullum autem hoc tempore assassinium auditur fieri, nisi per Christianos mandatarios mercede conductos. Ideoque nullus ampliùs reliquus est ambigendi locus

P: Garbas. de immunit. Eccles.

*An dispositio præsentis constitutionis quatenus de assassinis simpliciter loquitur, regulanda sit iuxta dispositionem capituli primi de homicidio lib. 6.*

## CAPVT XXXIV.

Q V O N I A M in præsentī constitutione Pontifex nihil aliud de assassinis disponit, nisi quod ad Ecclesiarum immunitatē pertinet, statuens non esse ad eam admittendos. In e. verò primo de homicid. lib. 6. ad atcendam tanti gravitatem flagitij pletæque pænæ constitutæ sunt, personæque accessoriæ non paucæ iisdem quibus principales pœnis subiiciuntur, ideo in præsentī cap. nihil quidē de aliis pœnis, ne ab instituto digrediamur, dicere intendimus, sed solum an hæc pœna priuationis ecclesiasticæ immunitatis regulanda sit iuxta ea, quæ de aliis pœnis eo loco constituta sunt, inuestigare: ut cū tria præcipuē in d. c. constituta sint. Primum contra facientes Christianum occidi per assassinos mediante pecunia. Secundum contra mandantes Christianum occidi per assassinos mediante pecunia, etiam si mors sequuta non sit. Tertium contra complures personas accessorias receptantes, defendentes, occultantes huiusmodi assassinos: nobis inquirendum sit, an eadem ratione loqui debeamus de hac pœna priuationis immunitatis contra omnes prædictas personas.

Et primò quero, an mandans Christianum occidi per assassinū ex solo mandato priuetur immunitate, sicut & alias incurrit pœnas

III. nas

nas. De his enim pœnis gl. in d.c. 1. de homicid. lib. 6. in v. *mandauerit*, dicit in hoc delicto etiam si is, qui mandauit, dum res adhuc est integra reuocet mandatum, non euadere pœnas, & rationem affert, quia hoc casu ipsum mandatum est delictum in se consummatum, cum ipsum in se sit expresse prohibitum in lege, & ipsi sit taxata pœna, etiam si occisio sequuta non sit: ergo vndeunque eueniat vt mors non sequatur, adhuc semper pœnam meretur, siue eueniat ex eo quod mandans reuocauit, siue ex eo quod in mandatarium pœnituit, siue quod conatus est, sed non potuit occidere, siue ex quacunque alia causa. Hanc glossæ sententiam recipiunt communiter eo loco Doctores, Io. Andr. Franchus, Gemin. & Ancharan. ac præterea Sylu. in v. *Assassinus*, n. 2. v. 2. *mandans*. & Iacob. Vngarell. in addit. Franchus id locū habere non solum si agatur ad puniendum hoc delictum aliqua pœna extraordinaria quatenus in atrocioribus puniri solet attentatū, sicut dictum est à nobis supra hoc eodem lib. parte 4. cap. 3. cum de homicidio proditorio loqueremur: sed etiam si agatur ad puniendum pœna ordinaria, quæ contra mandantem constituta est. & hoc est speciale in hoc delicto, vt easdem omnino pœnas incurrat ex mandato non sequuta morte, & non se restringit ad certam vllam causam non sequutæ mortis, sed simpliciter incutiri vult morte non sequuta.

3. Hinc rationabiliter quæro de hac pœna priuationis immunitatis, an eadem ratione incurratur ex solo mandato, illo etiam reuocato, vel ex quacunque alia causa,

non sequuto effectu occisionis. Secundò dubitari potest de mandatario, an exequendo mandatum mediante pecunia factum careat immunitate Ecclesiæ, hic enim virtute dicti capituli primi de homicidio nullas pœnas taxatas habet quas ipso facto incurrat; ergo neque priuationem immunitatis.

4. Tertiò an Christianus mediante pecunia mandans occidi infidelem careat immunitate Ecclesiæ, siue mandet eū occidi per Christianos, siue per infideles. Quo casu non incurrer pœnas dicti capituli primi de homicidio, vt dictum est paulo superius cap. 32. qui casus diligenter aduertendus est; non enim cōsuevit, facile animaduerti. Memini sub Illustrissimo & Excellenissimo Comite Albælistæ Siciliæ Prorege optimo, atque integerrimo; Archiepiscopo verò Panormitano Illustrissimo & Reuerendissimo Don Cæsare Marullo, cuius memoria ob reformatam totam hanc urbem viuit in omniū animis, & in perpetuum viuere creditur apud Deum: cum vtriusque authoritate conuocatis ex plerisque religionis familiis non paucis Theologis Illustrissimo Magnæ Regiæ Curiæ Præside Zifuentes, ac spectabili tunc fisci Patrono, nunc autem Illustrissimo eiusdem Magnæ Regiæ Curiæ Præside Io. Francisco Rao insigni nostri ordinis amico ac benefactore agitata esset causa cuiusdam, qui metu ministrorum Curiae in quoddam sanctimonialiū monasterium sese per muros demiserat, qui assassinus prætendebatur, eo quod rumor esset Reginali Tuncti quæ Panormi conuocabatur mediante pecunia occisam esse, in cuius homicidij suspicio-

nem

nem is propter eam fugam venerat, multaue hinc inde per diuersos adducta essent, nemo id tetigit, quo quàm facillimè causa expedita esset, occisam infidelem fuisse, quas canonica iura non protegent.

5. Quarta dubitatio, an personæ illæ accessorix, quæ in d. c. primo eisdem pœnis, quibus principales subiiciuntur, iuxta eandem dispositionem intelligendæ sint eodem modo carere immunitate.

6. Quinta quomodo, & cui constare debeat de hoc crimine assassini, ut excludatur reus ab immunitate, & an requiratur ad id aliqua sententia saltem declaratoria.

7. Pro tot dubitationum solutione aduertendum est, maiorem in his esse difficultatem, quàm prima facie præferant. Esto enim in homicidio per illos Saracenos pecunia conductos mandato, seu etiam commissio locum habeant illa pœnæ, atque id omne circa priuationem immunitatis iuxta dicti cap. dispositionem regulandum sit: ar in homicidio mandato, seu commissio mediante pecunia per Christianos ut illa locum non habent pœnæ, vel certè dubiū est habereantque locum, non apparet quomodo hæc immunitatis priuatio iuxta illam dispositionem dubiam nisi fortasse dubiè regulari possit. At sic nihil habemus certi, & in re dubia difficile est reperire ubi ratio figamus pedem.

8. Sed pro fundamento tot dubitationum valde probabile mihi est, cum hac constitutione certò constitutum sit hoc crimen quo per Christianos Christianus mediante pecunia occidi mandatur, verè crimen assassini esse, carereque im-

munitate, posse hanc ipsam pœnam priuationis immuniratis, quæ hoc nouo iure contra id expressè statuitur, regulari, iuxta ea quæ in illo capitulo primo constituta sunt contra illos assassinos infideles. & hoc diligenter nota, videtur enim mihi satis firmum fundamentum, ut ampliato assassini crimine ad hos pœna his constituta iuxta eam dispositionem quæ de assassinio loquitur, reguletur. quo posito venio ad singulas dubitationes.

9. Quod ad primam attinet difficultatem, cum de assassinio constitutum expressè sit æquè puniri mandatem non sequuta morte, ac si mors ipsa sequuta esset, idem omnino dicendum videtur de hoc posteriore genere assassini eo ipso quod expresso iure assassinium vocatur, & est verè assassinium. Non contendo hoc assassinium subiaccere illis iisdem pœnis, quod tamen plerique non sine probabili ratione contendunt, sed contendo in hoc delicto id quod est attentatum puniri eodem modo quod si esset completum, propterea quod sic iura disponunt attentatum pro completo haberi, eandemque ordinariam incurrere.

10. Hinc ad pœnam priuationis immunitatis, quæ præsentis est instituti, descendendo dico quando ipsum mandatum est in se completum, itaut nulla alia re indigeat in ratione. mandari, etiam ante executionem renouatum sit, carere immunitate Ecclesiæ mandantem, quod ipsum mandatum adhuc pendeat, seu maneat impendenti, itaut aliquo adhuc indigeat ad rationem completam mandati, non carere immunitate.

11. Voco autem mandatum in quo pecunia interuenit completum in ratione mandati, ita ut nulla alia re indigeat ad rationem mandati, quando mandatarius nihil omnino expectat à mandante quod ipsum motetur, ne illud exequatur: quoties autè mandatarius aliquid expectat à mandante, ut delictum exequatur, mandatum dicitur adhuc incompletum, ac pendens. Exempli gratia, habitus est tractatus inter mandantem, & mandatarium, de aliquo occidendo mediante pecunia, non tamen pacti sunt, neque de pretio, neque de loco modoque occidendi, neque quicquid certi conclusum est, non dicitur completum mandatum in ratione mandati. Aut conclusum quidem est pactum; sed inter eius conditiones una posita est, ut antequam mandatarius id exequatur, mandans teneatur ei totam promissam pecuniam, vel eius partem, donec ea tota pecunia iuxta pacti formam persoluatur, mandatum dicitur incompletum, quia mandatarius pecuniam expectat, ut mandatum exequatur, nec tenetur exequi donec ea pecunia persoluatur. Quod si pacti sint, ut nihil mandatario persoluatur, nisi post factam occisionem, vel mandans iam soluerit pecuniam, quam ex pacto antea solvere tenebatur, iam dicitur completum mandatum. Quia mandatarius iam nihil expectat à mandante, sed solum opportunitatem capiat perficiendi. Antequam mandatum sit omnino completum in ratione mandati, mandans potest illud reuocare, & si reuocet, euadit poenam ordinariam aequalè delicto completo, & ut summum solum potest puniri poena extraor-

dinaria, qua in atrocioribus puni-  
tur, attentatum in ratione atten-  
tati, actione ex mandato, sicut in  
aliis atrocibus, de qua re dictum  
est supra in homicidio per insidias,  
seu proditorio, cap. 30. Sed longe  
probabilius est, & apud me certum,  
euadere omnem poenam, tum quia  
ad poenam incurrendam in atrocissi-  
mus non satis est solum mandatum,  
sed requiritur ut ventum sit ad ali-  
quem actum proximum, tum quia  
cum mandatum nondum sit com-  
pletum in ratione mandati, non  
potest dici verè mandatum, nec  
meretur poenam meri mandati, ad  
quam necessario requiritur, ut mā-  
datum sit perfectum, & comple-  
tum ex parte mandantis. Idemque  
statuo iudicium, si mandans inter  
cetera pacta posuisset ut mandata-  
rius non exequeretur delictum, ni-  
si post certum dierum numerum,  
vel nisi post discessum mandantis  
ab ea ciuitate, vel alia similia; quo-  
usque enim impleatur conditio,  
semper mandatum est pendens, &  
non completum. Hinc ad dubita-  
tionem respondeo, quamuis habi-  
tus sit tractatus, & non conclusus,  
vel conclusus quidem, sed non sint  
impletae conditiones, nec comple-  
tum omnino mandatum, siue mān-  
dans reuocauerit mandatum, siue nō,  
ut non incurrit ceteras poenas cō-  
tra mandantem statutas, ita nec ca-  
ret priuilegio immunitatis. Patet  
ex rationibus praemissis, quod si  
mandatum sit omnino completum, & cō-  
ditiones impletae, ut incurrit cete-  
ras poenas, ita & priuationem im-  
munitatis, etiam si mandatarius nō  
dum quicquid attentauerit. Non e-  
nim in illo capitulo primo de ho-  
micidio ita grauiter puniatur mān-  
datum, ut prope initium huius capi-  
tis

tis ex Franchio retuli, nisi quatenus delictum completum in scipso.

12. Ad secundam dubitationem respondendo cum in hac constitutione non sit distinctio mandantis, & mandatarij, sed absolute priuenter immunitate assassini, nomine autem assassini tam mandantes, quam mandatarij includantur, consequens esse utrosque carere immunitate. Quoniam autem in dicto capitulo primo de homicidio nulla statuta est poena contra mandatarios, ne exequentes quidem mandatum, cuius ratione possumus illos ex eo quod pactum cum mandante completum est carere immunitate, probabile mihi videtur hos ea non carere, nisi posteaquam venerit ad actum propinquum executionis, ut assassinium dici possit attentatum.

13. Tertia dubitatio in antiquo iure locum non habet, ut patet ex dictis, conditio enim necessaria ad assassinium, de quo est sermo in dicto capitulo primo, est ut is qui per pecuniam mandatur occidi, sit fidelis, seu Christianus. Tota oritur ex virtute presentis constitutionis, ut absolute, ac simpliciter priuantur immunitate assassini, quo nomine intelligantur quicumque per pecuniam occidunt. Respondeo mihi valde probabile esse Ecclesiam non defendere infideles, nec priuare Christianos immunitate, eo quod infidelibus nocuerint; cum praesertim casus iste rarissime contingere possit, & in paucissimis Christianorum locis, ubi infideles inter fideles habitare permittuntur. Imò probabile est hoc assassinium, de quo est sermo in hac constitutione, & in iure canonico, esse id quo Christianus mediante pecunia occiditur, ac mandatur occidi.

Ad quartam dubitationem de personis accessoriis, palam est in hac constitutione nullam fieri mentionem, ideoque recurrendum esse ad ius antiquum, in quo licet quoad ceteras poenas aequè puniatur, ac principales, quia tamen nec de ipso principali mandante expressum est carere immunitate, ut patet in d. c. 1. de homicid. lib. 6. & Doctores qui id inde colligunt de mandante, nihil dicunt de his personis accessoriis. Ideo nec ego primus volo sine autoritate ab Ecclesiae immunitate excludere, cum praesertim hodie in assassinis, quæ per Christianos mandatarios committuntur, non soleat contra huiusmodi personas accessorias procedi.

15. Quinta dubitatio tres habet partes. respondeo ad singulas. Ad primam quomodo constare debeat de hoc delicto, textus expressus in d. c. 1. de homicid. lib. 6. etiam quoad grauissimas poenas eo loco expressas, satis esse vult si confiterit probabilibus argumentis propter tantam criminis acerbiteriam. Vnde Io. Andr. ibi n. 7. post Hostiensensem ait etiam forte propter periculum valere testes receptos lite non contestata, & parte absente, & non citata. Franchius verò id affirmat sine illa particula dubitativa *fortassis*, addunt ideo Pontificem non dixisse testibus, sed argumentis probabilibus. Vnde Gemin. ibi §. *sacri*. firmat regulam, quam bene notandam esse monet. Vbiunque lex, vel statutum non exigit plenam probationem, sed vult satis esse argumenta, posse testes recipi parte non citata, quod valde limitat dispositionem c. in nomine Domini, de testibus. Sed quicquid sit de aliis poenis, ac de iure antiquo, certe per hanc constitutionem nihil



aliud requiritur, quàm vt Episcopus cognoscat reum verè cõmissũ hoc delictum, vt suo loco dicetur, cùm de extrahendis de Ecclesia confugis dicendum erit, de qua re ibi plenius.

16. Ad secundam partem patet virtute præsentis constitutionis constare debere Episcopo, vel personæ id ab eo deputatæ, vt eodem loco dicitur, quantum ad immunitatis priuationem pertinet, quoad alias pœnas debere constare iudici.

17. Ad tertiam partem licet text. in dicto capitulo sui. expressè dicat, absque vlla alia sententia excommunicationis, depositionis, ac diffidationis ipsos allasinos incurrere eas pœnas, tamen cõmuni ter ibi Doctores ad eas pœnas requiri putant declaratoriam, non qua declaratur incurrille pœnas, sed solum commississe hoc delictum. Ita Hostien. Io. Andr. Gemin. Franch. Archidiaconus, Ancharan. & alij ibi, quin firman regulam vbicunque lex dicit eo ipso, vel ipso iure, seu ipso facto incurrri pœnam quacunque, & requiri, & satis esse si iudex pronunciet reum commississe illud delictum; quo pronuntiato statim locum habere illas pœnas. In præsentī verò materia priuationis immunitatis solum habemus de Episcopi mandato eos quos in his deliquisse cognouerit, tradi curiæ seculari, quod declaratorię vim habebit; cùm satis sit Episcopo summarie, & extraiudicialiter tantam habere cognitionem, quod reus v. g. horum aliquid commiserit, quantum satis sit pro formanda sua conscientia, vt infra dicetur.

## PARS SEXTA.

*De septimo casu ab immunitatis privilegio excepto, hoc est, de reo hæresis.*

**S**I quis est casus, si quod crimen Christianis auribus detestandum ac mente ipsa, vel prima quæpiam cogitationis titillatione horrendum, atque omnino fugiendum, hoc est, hæresis, & apostasiæ crimen, quod vix posse primo quodam repentino, atque improviso motu menti se ingerere, siue venialis peccati reatu, Doctores non pauci affirmant. Cætera enim peccata mortalia gratiâ de anima expellunt, hæresis verò fidem quæ est totius gratiæ atque omnis spiritualis vitæ fundamentum, illa à Deo tantum separant, hæc verò etiam ab Ecclesia nos eiicit. Cuius hæresis tantum est pondus ac momentum, quauis vt minima sit, & vnius tantum articuli, vel minimæ cuiusvis articuli partis firmum assensum tollat, aut in dubium reuocet, vniuersam simul fidem tollat, dubiamque faciat, propterea quod tollit, quæ, si tollatur formalis ratio credendi, quæ cùm in indiuisibili posita sit, tota tollitur, quoties tota non est, aut aliquid illi deest, vt optimo iure priuatur Ecclesiæ immunitate, ac defensione ij omnes, qui sese ipsius Ecclesiæ participatione priuantur, & qui sua voluntate ab Ecclesia egressi sunt, eos corporalis in Ecclesias ingressus non defendat. Instissimum enim iudicio Ecclesia Christi desertores suos propter desertionis crimen eius patrocinium querentes, deserit, ne eorum desertioni faue-

re videatur, quos etiam in aliis delictis si ad eam confugerint, respuit atque excludit, quod hos pares infidelibus, aut etiam deteriores expeditur, quemadmodum superius probatum est lib. 4. 2. parte c. 8. Cum enim hæresis pestis quædam sit, c. *accusatus, de hæret. lib. 6.* hæretici vero pestilentes, c. 2. §. *ad hoc, eodem tit. ac lib.* inhumana pietas esset hos intra Ecclesiam esse sinere, eosque defendere ac tueri granissimo sanè periculo ne quem eadem contagione inficiant, instarque vitam omnem spirituales iis quos infecerint repente auferant, unde & in *clém. 1. eod. tit.* contagiosa prauitas vocatur.

*Quenam ad crimen hæresis  
requirantur.*

## CAPVT XXXV.

1. **Q**UANTUM hæresis ex eo quod in errore posita est pèr se, ac propriè sit in intellectu, non est tamen absque praua affectione voluntatis, & necessariò in foro Ecclesiæ supponit eum qui hæreticus est, recepisse aliquando fidem, ac religionem per Baptismum, numeroque fidelium aggregatum. Hinc tria sunt ad crimen hæresis omnino necessaria. Vnum quod est veluti conditio necessaria ex parte subiecti, nempe, vt sit Christianus, qui receperit aliquando fidem. Secundum est error materialis, seu formalis contra aliquem articulum fidei iam damnatus, vel contra sacrâ Scripturâ ex parte intellectus. Tertium ex parte voluntatis est pertinacia in illo errore. Primam conditionem necessariam ex parte subiecti probant Doctores, & ex ratione no-

minis, & ex definitione. Ex ratione nominis, quoniam hæresis ab electione dicta est ex Hieronymo in c. 5. *epistola ad Galat.* & habetur 24. q. 3. *can. hæresis*, quod aliquam sibi præ ceteris, nempe Christianis eligat opinionem, seu quod electione opinionis se à communi Ecclesiæ doctrina separet. Villadiego in *tract. de hæreticis* q. 2. ex Isidoro hæresim Græcam vocem importare ait diuisionem, unde hanc etymologiam cum præcedente coniungens ait, hæreticum esse eum, qui singularem ab aliis Christianis opinionem eligit separatam, ac diuisam à communi Ecclesiæ dogmate; atque hinc infert infideles non posse esse hæreticos, quicunque illi sint, sed solum Christianos, quod non dicitur separari, ac præcidi ab aliqua vnitatem, quin nunquā illi fuit coniunctus, neque separari ab vnitatem doctrinæ, & fidei vniuersalis Ecclesiæ, qui nunquā illius doctrinam, fidemque suscepit. Ideo de his dicitur prima Io. 2. *Prodierunt ex nobis, sed ex nobis non erant.* Prodierunt ex nobis, id est, cum esset aliquando nobiscum per fidem, & religionem Christianam, prodierunt ex nobis, id est, separauerunt se à nobis: sed licet fuerint nobiscum per fidem, non erant tamen ex nobis, id est, non erant è nostro numero per electionem; nō enim suctunt de numero electorum, qui vsque ad finem in fide perseueraturi essent.

Ex definitione verò probatur hoc idem, quoniam hæresim sacri Theologi, in primis S. Th. 2. 2. q. 114. 1. definierunt susceptæ fidei Christianæ negationem, seu desertionem. Hoc distinguentes eam ab infidelitate, quod infidelitas propriè sit fidei negatio, vel dissensus; & nemo negationem propriè dictam,

prout

prour per Philosophos opponitur priuationi, & itque mera negatio, hæresis verò est priuatio in subiecto apto, hoc est, negatio fidei iam susceptæ. Atque hinc habet hæresis ratione læsæ maiestatis diuinæ, quod à castris Christi, quibus in Ecclesia nomen dederat, cuius reuelatam fidem susceperat, transfugit ad contraria castra, negando fidem susceptam.

3. Eadem conditio ex parte subiecti necessaria est ad crimen Apostasie, quæ est non modò articuloꝝ aliquoꝝ, aut etiam omnium, sed etiam ipsius Christi negatio, ac desertio, quem per Baptismum susceperant; hæresis verò rectò Christo aliquem, vel aliquos articulos negat. De errore verò & pertinacia ad hæresis rationem requisitis Augustinus lib. 18. de ciuit. Dei, cap. 51. relatus can. qui in Ecclesia 24. q. 3. sic loquitur: Qui in Ecclesia Christi morbidum aliquid, prauumque sapiunt (ecce errorem intellectus) si correcti vt sanum, rectumque sapiant, resistunt contumaciter, suaque pestifera, & mortifera dogmata emendare nolunt (ecce pertinaciam voluntatis) hæretici fiunt. & Leo Papa in epistola 10. ad Flavian. quæ refertur can. quid autem, ead. can. & quest. Quid autem, ait, iniquius est, quàm impia sapere, (ecce errorem illius) & sapientioribus doctioribusque non credere? (ecce pertinaciam voluntatis.) Hinc est quodd solius pertinaciæ absentia, tollit rationem hæresis, can. dixit Apostolus, ibid. vbi dicitur: Qui sententiam suam, quamuis falsam atque peruersam nulla pertinaci animositate defendunt, præsertim quam non audacia suæ præsuppositionis pepererunt, sed à seductis parentibus acceperunt,

querunt autem cautâ sollicitudine veritatem, corrigi parati cum eam inuenerint, nequaquam sunt inter hæreticos computandi. Hæc ibi. & ratio optima adduci potest, quoniam sicut ad fidem duo concurrere necessariò debent, nempe assensus intellectus, quo articuloꝝ veritati assentimur, & pia quædam affectio ex parte voluntatis, qua intellectio sit promptus ad submittendum se Ecclesie, ita firmiter assentimur, vt parati simus pro ea veritate tuenda mori. Ita duo necessariò concurrere debent, quibus illa duo destruantur, nempe error ex parte illius qui est dissensus articuloꝝ fidei, seu assensus in contrarium, & pertinacia quædam ex parte voluntatis opposita illi firmitati, ponens obicem firmitatis contrariæ, ac difficultatis ad assentiendum Ecclesie, & diuinæ authoritati, quæ pertinacia aliquando nascitur ex malitia, & multitudine peccatoꝝ, vt quamuis verum agnoscat, recipere detrectet aliquando ex rationibus humanis, quibus fortius adhæret, quàm Deo reuelanti, & per Ecclesiam infallibiliter proponenti.

Hæc pertinacia maiorem vim habet ad hæresim quàm error, vt ipsa sola hæreticum constituere possit, solas error non possit, & hoc est quàm diligentissimè notandum, ac memoria retinendum, facit enim pertinacia sola hæreticum formaliter, non autem materialiter. Est enim pertinacia posita in illa animi firmitate atque obduratione, qua homo propter aliquam humanam causam ita assentitur alicui propositioni immobiliter, vt renuat Ecclesie iudicio, quæ magistra fidei est, submittere. Vnde est firmitas quædam.

dam cum dissensu ab Ecclesia propter aliquas humanas causas, atque inde est quod potest sola pertinacia sine errore. Assentiri enim articulo cuius fidei, qui verissimus est, cum pertinacia, id est, propter humanas causas, & non quatenus Deus reuelauit per Ecclesiam, hæreticum facit, tollens rationem formalem fidei; contra verò assentiri falso, seu cuiuspiam errori contra fidem, etiam damnato, putans esse verum, & conforme doctrinæ Ecclesiæ cum promptitudine submittendi se iudicio Ecclesiæ, & corrigendi, licet materialiter hæresis sit, hæreticum ramen hominem non constituit. Hinc ille hæreticorum Malleus dixisse fertur errare se quidem posse, hæreticum autem esse non posse. Hanc pertinaciā in dubio non præsumi, nisi de ea appareat in foro iudiciali, apertè docent Doctores, Io. Andr. in cap. cum contumacia. de hæres. in 6. & ibi Geminian. & Ananias. Io. etiam Nicolaus in tract. de hæreticis notabili 20. Calderin. consil. 3. tit. de hæreticis. cui sententiæ multum fauet textus in clement. 1. de summa Trinit. §. porro. & in clement. 1. de usur. §. sunt. quatenus utrobique ad aliquem iudicandum hæreticum non simpliciter requiritur pertinacia, sed necesse est esse exterioribus signis manifestatā, nepe si is qui hæreticus prætenditur, nempe si asserere, si affirmare, si defendere, si tenere pertinaciter præsumat. Ita Aug. can. qui in Ecclesia, eos hæreticos esse dicit, qui resistunt contumaciter, quando ab Ecclesia corripuntur; hi enim actus signa quædam externa sunt manifestantia interiorē mentis perniciā. In foro autē conscientie

P. Gambac. de immun. Eccl.

tia licet fiat hæreticus sola interna animi pertinacia in errore purè mentali, pœnas tamen non incurrit, nisi aliquo externo signo manifestauerit. Ad incurrendam autē immunitatis priuationem, necesse est hæreticū esse in foro exteriori per signa hæresis ac pertinaciæ manifestatiua, de quibus dicitur cap. sequenti.

*De triplici hæresi, vna purè mentali, alia purè exteriori, tertia media, qua utraque constat.*

## CAPVT XXXVI.

**H**ÆRESIS tribus modis in-  
1.  
curritur, primò sola interna animi cogitatione, ac voluntate, quæ nullo prorsus externo signo, ne indifferenti quidem exterius propalatur, ut cum quis aliquid cogitans contra aliquem fidei articulum, aut contra sacram Scripturam mente illi assentitur cum pertinacia illa, de qua præcedenti capite dictum est, hæc hominem facit verè hæreticum propter errorem in fide, cui cum pertinacia adhæret; sed is hæreticus est coram Deo, qui scrutatur renes, & corda, & cuius oculis nuda, aperta que sunt omnia, cui omne cor patet, & quem nullum latet secretum. Apud Ecclesiā verò, atque apud homines, ubi solum quæ externa sunt, cognoscuntur, hæreticus non est, supponimus enim nullo externo signo id declarasse. Vnde neque excommunicationem contra hæreticos latam incutrit; neque verò ullis per Ecclesiam pœnis quandiu ulterius non progréditur subiici potest. Ut enim soli Deo cognitum est eius peccatū, ita solius Dei iudicio subiacet,

KKk

iacet,

iacet, & ab eo solo potest puniri. Cùmque punitio cognitione causa prærequirat ab Ecclesia, quæ nihil de eo cognoscit, puniri nullo modo potest. Neque ergo eget confugio ad Ecclesiã, neque eius protectione, cùm nihil timeat. patet ex l. *cogitationis. ff. de penis, & can. cogitationis, de penitentia d. 1.* in utroque enim & ciuilibus, & canonici iuris textu hæc formalia verba habentur: *Cogitationis penam nemo patitur*, hoc est, neque ciuilibus, neque canonici iuris poena infligi potest iis qui sola cogitatione peccant, quoadiultra fines cogitationis eorum peccata non prodeunt, vt egregie notat gl. ciuilibus, & sic intelligunt dictam legem, Cin. in l. *siquis non dicam rapere, Cod. de Episcopis & clericis, n. 2. vers. 2. casu*, & ibi Petrus de Bellapertica, vbi ita vniuersaliter id asserit, vt neque putet excipiendum esse crimen læsæ maiestatis. & Bart. l. *prima. ff. de extraord. iudic.* & certè adeo clara & aperta sunt verba vtriusque legis, vt mirer quomodo ausus sit quispiã contrã sentire. Cùm præsertim legislator non tam id decernat ipse, aut statuatur, quàm declaret quid ipsa rei natura postulet: non enim ait cogitationis poenam nemo patiatur, quasi ipse iubendo, sed nemo patitur, ait, quasi narrando quid natura ipsa cogitationis postulet, nempe vt non puniatur in iudicio humano.

2. Respondent aliqui hoc esse speciale in crimine hæresis quando aliquis internam suam hæresim reuelat Inquisitoribus, vt Inquisitores possint contra ipsum procedere. Vnde sequitur vt eo casu is, sibi ab Inquisitoribus timens ad Ecclesiam confugere possit, du-

biũque oriatur quid agendum sit. Non est prætereunda hæc difficultas: sed respondeo aut iste hæreticus purè mentalis reuelat Inquisitoribus se de præterito, fuisse hæreticum purè mentalem, v. g. assensum esse alicui articulo contra fidem cum pertinacia, aut de præsentis se manere in hac hæresi: si primò, palàm est, hæc sua confessione istum non fieri hæreticum exteriorem, quando enim narrat, iam non est hæreticus, sed narrat se fuisse purè mentalem, neque narrando efficitur hæreticus exterior, quia iam non assentitur errori, nec narrat se assentiri: ergo narrat se non fuisse nisi purè mentalem hæreticum: ergo non excedit terminos hæretici purè mentalis, nec poenam vllam meretur. Vnde neque cogerem hunc ad abiurandam hæresim, cùm abiuratio actus exterior sit præiudicialis parti, & sit poena grauissima. Si enim hæresis purè mentalis sit, vt quid abiuratio vocalis facienda est? ideo oro moneoque Reuerendissimos Inquisitores vt siquis ad eos ob timoratam conscientiam, vel propter confessarij imprudens consilium veniat, qui se hæreticum purè mentalem fuisse exponat, non sit tamen amplius hæreticus, & si publicè in tribunali confiteri id velit, non permittant, sic se infamare, sed moneant vt id secretè secum tractet, cognitaque veritate illum ad confessarium remittant, certiore eũ faciendo solum confessarium illi necessarium esse, vt hoc charitatis officio & illius samæ consulant, qui per imprudentiam absque necessitate se infamat, & omnes intelligat quã sanctè, ac syncerè in sanctæ Inquisitionis officio procedatur.

3. Si verò reus coram Inquisitoribus fateatur se adhuc in hæresi persistere, rursus distinguendum est. Aut enim hoc fateatur petendæ opis gratia, petens edoceri conuinctique, quia vellet fidei veritati adherere, sed falsa persuasione non potest sibi ipsi per se satisfacere, & accedit materialiter solum hæreticus absque pertinacia paratus Ecclesiæ sese submittere. Quod si tandem persuasus fidem recipiat, detrahebatque sufficientia veræ fidei signa, videtur mihi eadem prorsus ratione tractandus, ut dixi de præcedente, neque ad abiurandum cogendus, quia hæresis eius adhuc non excessit limites purè mentalis, alioqui si narrando consilij atque opis querendæ gratia efficeretur hæreticus exterior, qui per Inquisitores ad abiurandum cogi, & puniri posset, præcluderetur illi via ad querendam salutem. Idem dico si is aut sacerdoti cuiquam, aut alteri reuelat homini gnaro, aut docto ad petendum consilium, & auxilium, non teneri hunc ad eum reuelandum Inquisitoribus.

4. Aut fatetur vanè, otiosè, seu etiam glorianter, nullam ostendens aut præferens voluntatem addiscendi veritatem, & submittendi se iudicio, & doctrinæ S. Ecclesiæ, seu etiam ostendit se esse obstinatum in sua hæresi, & de hoc dubitandum non est, cum nulla honesta causa appareat cur se hæreticum esse declaret, & præsumi possit, & debeat quoddam praua intentione, vel temere saltem id faciat, putandus est iam prodidisse suam hæresim actu externo, voce nempe, quæ est signum maximè omnium manifestarium, ideoque in rigore pro hæretico

haberi posse, & tanquam exterius hæreticum puniri sicut alij puniuntur, licet ex eo quoddam ipse se ipsum sponte prodidit, & hæresim purè mentalem, quæ nulla alia ratione cognosci poterat, sponte confessus est, si tandem resipiscat, mitius cum eo agendum esset. Si verò resipiscere detrectet, puniendus erit sicut obstinatus, extremoque supplicio plectendus. Ex his tribus duo priores si fortè propterea querantur, & ad Ecclesiam confugiant, ad immunitatem admittendi sunt, propterea quod licet coram Deo fuerint, sintque hæretici, coram Ecclesia non sunt tales. Tertius verò omnino est ab immunitate excludendus, quia verè hæreticus exterior est.

Hæresis incurritur purè exterior, estque hæresis quædam apparens quæ videtur inesse alicui, cum verè non insit, ut cum quis verbo, aut signo aliquo externo declarat se esse in aliquo errore contra fidem, in quo tamen non est, sed gerit in animo rectam fidem; idemque de Apostasia dicendum, si quis gerat habitum infidelis, seu idololatriæ proprium, quo ille à Christianis distinguitur, siue is id faciat timore ne si catholicus, v.g. inter hæreticos cognoscatur, aliquid detrimenti patiatur, vel circumcidat se, vel adeat hæreticorum Ecclesias, quasi vnus ex ipsis, vel alia faciat hæreticorum propria. Quicumque igitur est hæreticus, aut apostata à fide merè exterius, is licet graniter peccet pro hæretico se exterius gerens, non est tamen hæreticus coram Deo, neque excommunicatus. Sed coram Ecclesia pro hæretico, seu apostata habetur, & pro hæretico punitur, nisi probeat

se rectam fidem seruasse, timoreque adductum id fecisse. Quod ex multis signis & coniecturis probare poterit per testes, de quibus nō est opus eum docere; ipse enim bene sciet suas probationes. Hunc quandiu non constat de eius integritate fidei tanquam hæreticum in foro exteriori ab immunitate excludimus.

6. Tertiò incurritur hæresis completa, atque perfecta, & interiùs in mente pertinaciter adhærendo alicui errori contra fidem, & signis interiùs ostendendo esse in eo errore. Quisquis hoc modo hæreticus est, is & apud Deum, & apud homines hæreticus est, pœnâque in iure contra hæreticos latas eo ipso incurrit, & ab hominibus, ad quos pertinet, tanquam hæreticus puniendus est, & si ad Ecclesiam fortè confugiat, ad eius immunitatem non admittitur, quod licet olim etiam obseruatum fuerit, nunc ramen expresso iure excluditur in hac constitutione.

*Quæ externa signa hæresis in mente concepta requirantur, ut quis incurrat pœnas, & pro hæretico habeatur in foro exteriori.*

#### CAPVT XXXVII.

1. **I**NTERNAM in animo cum perfidia conceptam hæresim tria signorum genera possunt interiùs manifestare, nempe verba, opera, & omissiones, & hæc singula aut completa, aut incompleta: verbo completè suam hæresim prodit qui illam narrat, etiam completa oratione quæ hæresim illam plenè exprimat, etiamsi nullo præsentè, au-

audiente id faciat, quæ eandem hæresim alios docet. Vnde hoc ipso quo id facit, excommunicationem contra hæreticos latam incurrit. Dubium est quid si eam narret ioco? Franciscus Victoria insignis Theologus, ut refert Simanca lib. 9. de institutionib. cathol. tit. 24. respondit non incidere in censuras, propterea quòd dum iocando loquitur non asserit suam hæresim, sed solum narrat, & iocus natura sua fidè detrahit. Hoc enim ipso quòd iocando aliquid dicimus, credimur non ita sentire. Contrarium tenet ibidè Simanca, tum quia communis sententia dicentium actum exteriorem sufficere ad inducendas censuras, non distinguit inter iocosum, ac serium, tum quia in re tam seria, cuiusmodi est fides, iocus illi contrarius est execrabilis, tum qui receptissimum est vulgare prouerbium ridendum dicere verum, tandem propter tanti viri contrà sentientis reuerentiam, addit eius sententiâ benignitatis gratia fortasse posse defendi. Mihi verò aliquando visum est, distinguendum esse, an is qui per iocum hæresim exponit, alienam personam repræsentet, aut suam. Ut si repræsentans personam alicuius hæretici hæreses multas proferat, & contra fidei veritatem pertinaciter disputare se in illius persona simulet, non incurrat pœnas, neque eius hæresis ex hoc subiaceat iudicio Ecclesiæ, quia in aliena persona loquutus est; si verò in sua persona loquatur, iocandoque hæreses suas prodat, tunc si quidem sit persona suspecta, quæ eo ioco aliquam sui suspensionem in audientium animis generet, incidat in censuras. Si verò sit persona integra famæ, cuius iocus nul-

lam generet apud alios de eo suspicionem, hæresis excommunicatione nõ incurrat. Nunc verò rē seriùs cõsiderãri visũ est, si is animo hæretico id dicat, videtur mihi esse hæreticus exterior perfectissimus, etiamsi aliam personam repræsentet iocando, hæresim enim suam verè manifestat. Locus autem nõ impedit, quo minus sit vera hæresis manifestatio, sed solum impedit credulitatem apud alios, ne illi purent eum hæreticum, quod non impedit ne sit hæreticus exterior, cum etiamsi nullo prorsus aut vidente, aut audiente intra cubiculum ea verba proferret, hæreticus exterior esset, & excommunicationem incurreret, quæ sententia addeò mihi certa videtur, vt dubitare de ea non possim.

2. Verbo imperfecto manifestatur hæresis in mente concepta, cum de ea cogitando prorumpimus in aliquas voces, quæ in se præcisè consideratæ nullum faciunt hæreticum sensum, coniunctæ verò cum interiori cogitatione, & verbo mentis, hæresim continent perfectam: vt si quis cogitans de illo articulo fidei quem pertinaciter negat in mente, dicit non, nequaquam, vel alia verba negatiua, quibus intendit negare illum articulum, aut cogitans de errore contrario alicui articulo exprimat verbum aliquod significans assensum, dicens, ita est, non dubiũ, & similia. De his ego verbis siue plura, siue pauciora sint, quandiu non continent sensum manifestatum hæresis, valde probabile esse arbitror, nunquam facere hæreticum exteriorem, neque inducere censuras, & pœnas, non enim manifestant hæresim ex natura sua, cum illam non contineant, licet contrarium non careat probabilitate, vt

si postea probaretur eo animo fecisse, posset per hæreticæ prauitatis Inquisitores puniri, vel si postea detegendo se hæreticum adhibitis tormentis confiteretur se tunc eo animo verba illa dixisse.

Opere perfecto manifestatur in foro exteriore hæresis interior, cum quis facit aliquod opus externum plenè manifestatum illius. Exemplũ est in thurificatione illa Marcellini. Ita si hæreticus Anabaptista in mente bis tẽve faciat se baptizari, si hæreticus Iconoclastes sãctorum, vel Christi imagines conculcer pedibus, non ex aliqua apparente animi passione, aut veter domi suæ vllas esse imagines Sanctorum, prohibeatque eas adorari.

Opere imperfecto manifestatur hæresis, cum quis iuxta hæresim quam habet in mente aliquid exteriùs operatur, quod cum possit ex multis causis procedere, non est perfectè manifestatum hæresis, licet faciat aliquando aliquam hæresis suspicionem, præsertim si frequenter. Vt si ex hæresi quam habet in mente contra Ecclesiam, putans eã non posse, aut non debere obligare ad ieiunium, diebus prohibitis comedat carnes, vt si quis addictus sectæ Mahometanæ de Mahomete cogitans caput illi inclinet, digitum atrollat, aut Christum mēte abnegans, pedem mouens, instar terentis aliquid pede intēdat Christum terere, vel cogitans de aliquo fidei articulo, quem negat, capite abnuat. Nam comestio carniũ diebus prohibitis prouenire potest ex gula, ex ægritudine, ex defectu alterius cibi, ex eo quod quis naturaliter ex quadã ancipathia abhorreat pisces, atque ex aliis similibus causis. Verum est tamẽ, quod si sole-



ret ordinariè comedere carnes diebus prohibitis, & diebus non prohibitis comederet pisces, faceret plusquam vehementem suspicionem de hæresi.

Omissione demum perfecta manifestatur hæresis mentis quando illa omisso plenè significat hæresim: vt si quis nõ credēs Baptismi sacramentū, seu illud negans, omittit baptizare omnes filios, quos multos haberet. Si iā satis adultæ ætatis & in ciuitate enutritus probaretur, nunquā confessus esse peccata, aut Eucharistiā sumpsisse, præsertim verò si neque mimicitias gereret, neque peccatis carnis addictus esset, significaret se de sacramētis malè sētire.

Omissione imperfecta, si de sacramentis Ecclesiæ malè sentiēs in corde suo aliquādo prætermitteret confessionē semel in anno, & communionem in Paschate.

His positis de opere atque omissione plenè manifestatiuis hæresis internæ, duo item quoad cēsuras, & pœnas, quod dixi de verbo perfectè manifestatiuo.

De opere verò & omissione imperfecta, idem quod de verbo imperfecto.

Superest dubitatio de quodam opere & quadam omissione, quam ego vidi obseruari in Gallia valde frequēter, itaut catholicorū negligētia, ac vitio trāsierit, quasi in certam hæreticorum notam, opus quidē est, vt ipsi vocant, charitatis; verius autem siq̃ cuiusdam humanæ beneuolentiæ, pietatis, ac liberalitatis. Nam & sanctum Spiritū, & charitatem semper habēt in ore, & benignissimi esse solent erga aduenas præsertim ac viatores. Quod Gebennæ insigne esse solet, visitant enim in hospitiiis, interdum viatores

siquid eis desit interrogant: exeipiunt ad cenā, pecunias offerūt, nihil intentatum relinquūt, nullū humanitatis beneficium prætermittunt, idque callidè, vt hac magna pietatis, & charitatis, vt ipsi vocant, significatione, & bonā de Caluini secta, quā sequuntur, opinionem illis ingerant, & si possint ad eam amplectendā inducant, ac certè simplices non paucos hac arte decipiunt.

Omissio verò non minus natura sua laudabilis: abstinent enim à iuramentis, à blasphemiiis adeo cōstanter, vt incredibile videatur. Ita vt Catholici nonnulli, id quod æmulari debebant obliti, non modò eos vincere hac iuramentorum, & blasphemiarum abstinentia vt par erat conati, per summum scelus & impudentiam, quo se catholicos esse ostenderent ad singula prænè verba iurarent, atque horrendè blasphemant. Dolendum vehementer quòd uos ab hæreticis his rebus superari patiamur, nec ullatenus permittendum, vt hæc nota manifestatiua hæresis, aut distinctiua eorum à catholicis sit. Interim dico neutram harum esse manifestatiuam alienius hæresis, nec perfectè, nec imperfectè, neque inducere censuras, ac pœnas, neque debere inde aliquem hæreticum iudicari, neque è contrario catholicū, cum multi etiam inter hæreticos reperiantur Catholici, & vera charitate in pauperes insignes, & qui nunquam iurate, aut blasphemare auditi sunt, idque sanctius quā ipsi hæretici seruent, quāuis aliqui etiā catholici vitæ solentioris iuramentis ac blasphemiiis, à puero assueti hac arte velare suos abusus velint, vt ita se ab hæreticis distingui prætendāt. Quanquā enim hæretici insignes in hoc essent, plerique catho-

lici

lici longè insigniores reperiuntur.

10. Hæc pænè omnia quæ dixi, esse manifestatiua hæresis, & quando ex interiori mentis errore, ac pertinacia procedunt, facere hominem hæreticum exteriorem, locum habent in foro conscientiæ, & apud ipsummet hæreticum, qui ea exprimit, vt ex eo quodd hæresim quâ in mēte gerit, his modis exteriùs propalat, etiamsi nullus id aduertat, hæreticus exterior fiat, incurratque censuras, & pœnas. In foro aurem Ecclesiæ ordinariè pænè omnia solum faciunt suspectum de hæresi, & dico pænè omnia, propter verbum perfectum quod ostendit apertè hæreticum. & ea quæ dixi plenè exprimere, perfectèque hæresim, faciunt suspicionem vehementem, quæ verò imperfectè ordinaria faciunt suspicionem leuem natura sua, quamquam aliqua si valde frequenter fiant, vel certo modo fiant, simul coniuncta possint facere suspicionem vehementem. Exempli gratia, comedere aliquando carnes diebus prohibitis facit leuem suspicionem, at sæpè illis diebus carnes comedere, aliis verò diebus, quibus vesci licet carnibus, pisces edere, faceret suspicionem vehementem.

*Quid si quis non propter hæresim tanquam hæreticus, sed propter suspicionem hæresis quaratur? Admittendûsne erit ad immunitatem Ecclesia, an non? Itemque de credentibus hæreticorum.*

CAPVT XXXVIII.

1. SUPPONENDVM est initio nullam esse aded grauem, ac vehementem hæresis suspicionem, quæ

hominem in foro Ecclesiæ, vbi locum habent suspensiones, hæreticū constituat, vt propterea de hæresi damnetur, sed semper seruare naturam suspicionis, & cogere ad abiurandum non de hæresi, sed de suspicionem, neque hoc solum, sed ad abiurandum de ea conditione, quæ in facto est, vt siquidem sit leuis suspicio, abiuret de leui, si vehemens, de vehemēti, & ita in praxi seruatur in sancto Inquisitionis officio: ita expressè probat Io. Nicolaus in *trakt. de hæret. not.* 21. per textum in *c. literas, de presumptionibus*, & tenet Innocentius & Anan. in *c. sicut il 1. de simon.* & Innocentius in *c. ex parte, de off. ordin.* & *c. penult. de purgat. canon.* Antonius in *c. per tuas, de cohabit. cleric.* Archidiacon. in *can. omnibus*, 3. q. 5. & est textus expressus in *c. inter sollicitudines, de purgat. can.* ibi, *vehementem suspicionem.* Item Anan. post Cardinalem in *c. excommunicamus. §. adiicimus, de hæret.* & licet leuia indicia faciant tantam hæresis suspicionem, vt cogatur abiurare de leui, id tamen nõ operantur, nisi ipsa indicia plenè probentur, vt egregiè notat Innocentius in *c. sicut, il 1. de simonia.* Io. Andr. in *c. vñ. §. 1. de hæret. lib. 6.* & Olrad. *consil.* 210. quod incipit, *Regularis habet traditio.* In duobus tamen casibus ex suspicionem aliquis pro hæretico habetur, & de hæresi puniuit. Prior est cum quis post suspicionem citatus, ac monitus vt purget suam suspicionem, contumaciter neglexerit; tunc enim tanquam contumax excommunicatur, & si in excommunicatione inordinerit per annũ, hæreticus habetur, & de hæresi damnatur. per text. expressũ in *c. excommunicamus il 1. §. qui autem, de hæreticis.* contru

contumax enim citatus, & non cōparens, pro confesso habetur, & suspicio coniuncta cum contumacia, & cum excommunicatione per annum, facit præsumptionem illam iuris esse indubitam, & eundem probationem, ut notat Paulus Grilland. in tract. de heret. g. 8. post Bartol. & Doctores in l. si adulterium cum incestu, in principio. & l. quod ait lex ff. de adulter. & Bald. in l. neque natales. Cod. de probation. Albertus Grand. in suo tract. de malefic. in tit. de presumptionib. & indicis indubis. Quod Gósaluus à Villadiego in tract. de heretic. g. 9. probat per textum in c. cum contumacia, de heret. lib. 6. Addit idem egregie g. 12. si quando postea iudici constet de contumaciis innocentia, non posse amplius ad punitionem procedere, ut si cum quis contumaciter absit infamatus de homicidio, is qui occisus prætendebatur, viuis cum iudice conuersaretur. Et quamvis hoc non possit ita constare iudici in contumaci propter hæresim, propterea quod hæresis in mente lateat, concedit tamen Villadiego si constare posset ex eo tempore non licere amplius iudici ad contumacia damnationem procedere, iam in causa hæresis. Quod non est omnino impossibile; posset enim constare iudici illud indicium, & suspensionem, cuius purgandæ gratia reus citatus & non comparens contumax factus est, esse omnino falsam. Ut si esset iudicium in certo loco præsumum, postea constet iudici contumacem nunquam in tota vita eo in loco fuisse. Ita si testes qui de illo iudicio testati sunt, in alia causa questionibus adhibitis falsi essent se falsum contra illum de eo indicio deposuisse.

Secundus casus quo quis ex suspicione pro hæretico habetur, est, si quis posteaquam de vehementi suspectus se purgavit, abiurauitque de vehementi, postea deprehendatur in aliqua hæresi manifesta, siue eadem, siue alia. c. accusatus, de heret. Per hanc enim deprehensionem in hæresi manifesta, præsumitur exte cum illa vehemens suspicio præcessit fuisse hæreticum, semperque in hæresi continuasse, & quadam iuris fictione, ut inquit textus, nunc habetur tanquam relapsus; si enim tunc fuit hæreticus, & abiuravit, consequens est ut eum modò deprehendatur in hæresi manifesta relapsus iudicetur; quæ est fictio, ac præsumptio iuris, & de iure, contra quam nulla admittitur probatio. l. final. Cod. arbit. tut. & l. antiqua. Cod. ad Velleian. & notant Doctores in c. asserere, de presumptionib. & l. non est verisimile. ff. quod metus causa. l. filium. ff. de his qui sunt sui, vel alien. sur. l. quod ait lex, & l. si adulterium cum incestu. ff. de adulter. & ibi Bart. Itemque Bald. in l. neque natales, Cod. de probationib. Et iste casus est valde singularis, & notat Grilland. ubi supra g. ult. in quo quis propter fictas probationes contra regulam traditam in l. sciam cuncti, Cod. de probationibus. & can. quisquis, & can. sciam. 2. g. 8. ultimo supplicio puniatur. Et quamvis idem Grilland. addat dici posse hunc puniri extremo supplicio, propter veras evidentesque probationes, quibus nunc de manifesta hæresi confictus est, illam verò iuris fictionem solum operari, ut ei defensiones negentur, tamen hoc locum non habet. Non enim propter hoc extremo supplicio damnaretur, nisi ratione illius præsumptionis, & fictionis

nis iuris pro relapso haberetur; hæreticus enim prima vice non damnatur ad mortem.

3- Et aduertendum me non temere, ac frustra dixisse, si quis suspectus suspitione vehementi de ea abiurauit pro relapso haberi. Nam si solum fuisset suspectus suspitione leui, ac de leui abiurasset, quauis postea in manifesta hæresi deprehenderetur, siue eadē, siue diuersa, habendus non esset pro relapso, sed solum pro hæretico ea hæresi in qua tunc deprehenditur. Nō enim rationabile erat leui suspitioni tantum pondus tribuere, ut vsque adeo grauem effectum operaretur, ut is pro relapso haberetur. Neque verò ex illa leui præsumptione fingere iura potuerit, hūc extrinsece fuisse in errore contra fidem, in eoque vsque ad deprehensionem in manifesta hæresi perseuerasse, ita expressè obseruat Paulus Grilland. q. illa 10. & Ioan. Nicol. in tract. de heret. notab. 42. & patet expressè in c. accusatus. de hereticis. §. 1.

4- Hos ergo tam de vehementi, quam de leui præsumptione suspectos de hæresi ad immunitatem Ecclesiæ admittendos esse extra duos casus iam exceptos, in quibus pro hæreticis habentur, satis apertè videntur indicare verba illa §. 6. vbi excluduntur solum hæresis rei, suspecti autem solum non sunt rei hæresis, nisi sint manifesti hæretici; ergo gaudere debent immunitate, si fortè propter suspitionem hæresis quærantur, ad Ecclesiam confugiant. Fauet text. §. 8. vbi tunc solum reos huiusmodi delictorum tanquam immunitate carentes trahi iubet ex Ecclesia ductos cum Episcopus cognouerit hæc crimina expressa verè commi-

P. Gambac. de immunit. Eccl.

sisse, ac non verè commisit crimen hæresis, nec est verè reus hæresis is qui solum suspectus est de hæresi; ergo extrahendus non est. In illis autem duobus casibus, in quibus suspicio vehemens hæreticum facit, arbitror sine dubio excludi ab Ecclesiæ immunitate debere.

Sed quando huc deuenimus eos omnes qui propter solum hæresis suspitionem confugiunt ad Ecclesias, ne id faciant hortamur: longè enim grauius sibi nocent confugiendo, quam comparando, ac se præsentando; si enim se præsentent, solum abiurare coguntur, aut aliquā aliam pœnam referunt, non tamen damnantur de hæresi. Si verò ad Ecclesiam confugiant, & citati nō se præsentent, excommunicantur tanquam contumaces, & si per annum in excommunicatione infordescant, habentur pro hæreticis, quod est illis longè grauius. Vel certè si confugiant ad declinandas primas furias, quando aliquis ex Inquisitoribus, aut suspectus illis esset, aut præceps in iudicando putaretur, saltem interea procurent Inquisitores placare, & antequam excommunicentur, si fieri potest, se præsentent, vel certè antequam in excommunicatione annus compleatur.

De credentibus hæreticorum 6. cum canones diuersa statuunt, quæ non videntur simul posse conuenire, ut statim dicitur, diffiniguendum est ex Panormitano in c. excommunicamus. 1. de hereticis. Villadiego in tract. de heret. q. 16. Paulo Grilland. in suo item tract. de hereticis q. 9. duo esse genera credentium, vnum eorum qui credunt hæreticos esse viros bonos propter aliqua bona opera mora-

L L l lia,

lia, quæ ab eis vident exerceri, illos frequenter visitant, consolationem ab eis recipiunt, eorū literas deferunt, eos in itinere comitantur, & de his est sermo in *c. excommunicamus* 1. §. *credentes*, quo loco vocantur credentes hæreticorum, neque vlla sit mentio quod credant eorum erroribus. Si eo loco iubentur excommunicari, etsi in excommunicatione per annum inforderint, nec satisfacere Ecclesiæ curauerint, tunc demum effici infames.

7. Alterum credentium genus eorum est, qui credunt implicitè erroribus hæreticorū. Cum enim sint simplices, & idiotæ, rudēsque propterea quod non sunt capaces hæresum in particulari, vniuersaliter, & implicitè credunt erroribus hæreticorū illius sectæ, cui sunt addicti. Hos textus in *c. excommunicamus* 2. *de hæres.* hæreticos iudicat eodē prorsus modo quo sunt illi hæretici, quorum sectæ addicti sunt. Hi posteriores absque villo dubio excluduntur hac constitutione ab immunitate tanquam hæretici veri; illi verò priores nō videntur excludi, propterea quod hæretici nō sunt.

*Quo iure crimē hæresis careat, & caruerit olim immunitate Ecclesiarum.*

#### CAPVT XXXIX.

1. DE iure præsentis constitutionis dubium non est, cum ex §. 6. constet inter cætera crimina quæ immunitate priuantur, hoc quoque hæresis numerari, illis verbis, *aut hæresis, aut læsæ maiestatis rei*, quo loco rectè simul hæc duo sub eodem ænore ab immunitate excluduntur, propterea quod, vtra-

que ad læsam maiestatem pertinent, hoc enim crimen hæresis est læsæ maiestatis diuinæ, vt dictum est suprā; illud verò, & est, & vocatur læsæ maiestatis humanæ.

Ante hanc verò constitutionem 2. nullo expresso iure ab immunitatis priuilegio excludebantur, neque propter ipsum crimen hæresis, neque propter alia delicta quæ fortè commisissent; sed vt communis opinio eos excludebat, pro quocunque alio delicto ad Ecclesiam confugissent, quemadmodū ex Claro retuli superius *lib. 4. parte 2. cap. 8.* tum à simili, quod sicut ludæi cæterique infideles excludebātur qui fidem nunquā receperant, ita hæretici, qui fidem semel susceptam à se abiecerunt, imò à fortiori, vt ibidem retuli ex Gonsaluo, Hippolyto, ac Boërio, si enim ille non admittitur, qui fidei Ecclesiæ noluit se committere, quanto minus ille admittendus est, qui cum sese illi aliquando commisisset, postea per summum scelus, & proditorem ab ea defecit, & ad inimica sese castra transulit. Crimen porro hæresis etiam olim caruisse immunitate, etiamsi nullo iure fuerit expressū, inde manifestè cōvincitur quod hæretici pro quacūque causa ad Ecclesiam cōfugissent, ab ea excluderentur, sicut abundè probatum est *lib. 4. parte 2. cap. 8.* propterea quod eum Ecclesiæ fidei se aliquando commisissent, ab ea sese postea subdlexerunt, nolueruntque sub ea esse: ergo multo magis excludendi sunt, si ad eam confugerint pro eo ipso delicto, hæresis nempe, quo se ab Ecclesia sancta separant. Non enim debet Ecclesia tantæ fauere temeritati filiorum suorum, vt pro illo ipso delicto eos recipiat

recipiat, ac teneatur, quo illi sese ab ea diuellunt, ac separant, cum præsertim eos excludat pro aliis delictis, quæ committunt posteaquam sunt ab ea separati. Adde quodd, ut dicitur infra parte sequenti, de crimine læsæ maiestatis, neque crimen hæresis valde probabile est, neque crimen læsæ maiestatis contineri sub illa generalitate capituli *inter alia*, atque ideo non oportuisse excipi. Tā multa enim habent specialia hæc duo delicta in iure expressa, propter quæ recedatur à generalibus iuris regulis, ut sub generalibus regulis non comprehendantur, nisi fuerint specialiter expressa.

### PARS SEPTIMA.

*De ultimo casu ab immunitatis privilegio excepto, hoc est, de reo læsæ maiestatis in personam Principis.*

**M**AIESTATIS nomen suprema potestate præditi, siue liberi populi, siue supremi Principes ac Reges, in quos ab ipsis populis, quos regebant, suprema potestas translata erat, qui tamen multi ante Romanorum tempora fuisse memorantur, neque ipsi sibi usurpare ausi sunt, neque ab aliis ablatum accipere, ne ipsi quidem Romanorum Reges. Posteaquā verò exactis Regibus potestas suprema ad Populum Romanum peruenit: ut Senatui autoritas, ita ipsi populo maiestas tributa est. Seruauit hoc diligenter Tullius in 3. *Philippica*, omnes, inquit, ad autoritatem huius ordinis (senatorij) maiestatemque populi Romani defendendum con-

spirasse videntur. qui *lib. 2. de inuent.* sic definit eandem: Maiestas est potestas populi Romani, & primū maiestatis crimen Vlpian. Iureconsult. l. 1. *ad l. Iul. maiestatis.* definit id quod aduersus populū Romanum, vel eius securitatem committitur. Erat enim in Romana republica suprema penes ipsum populum potestas, mox ad Consules, deinde ad Prætores potestate deputata, consuli ac pratori etiam tribui maiestas cœpta est. Maiestatis enim consulis meminit idem Tull. in *or. a. in Pisōnem.* maiestatis autem pratoris Iureconsultus in *l. si familia. ff. de iurisdic. omnium iudic. & l. penult. ff. de iust. & iur.* Deinde occupata per Imperatorem C. Iulium Cæsarem republica, à quo subsequentes Imperatores usque hodie Cæsares dicti sunt, usurpatæque paulatim per eosdem suprema potestate, maiestas quoque tandem eisdem tributa est. Vnde & Imperialium institutionum initio Iustinianus, Imperatoriam, inquit, maiestatem, &c. Inde Regibus ac omnibus supremis Principibus, qui superiorem in temporalibus non recognoscunt, ac liberis populis, in quibus suprema potestas est, maiestas competit. Romano etiā Pontifici nō modò spiritualis maiestas competit propter supremā qua Imperatoribus præest, sed etiā quatenus in statu temporali Ecclesiæ supremus Princeps est, superiorem non recognoscens.

*Quibuscumque hodie competat maiestas.*

### CAPVT XL.

**O**PERÆRETIVMERIT hæc 1. discutere diligenter dubitationem,

LLI 2 nem,

nem, quæ necessaria est ad iudicandum de crimine maiestatis. Vbi enim maiestas non est, ibi maiestatis crimen locum non habet. Ac de Imperatore dubitandum non est, cui omnes gentes etiam in familiari sermone, omnes libri, tam legum Doctotum, nemine contradicente, maiestatem pleno ore tribuunt. Cui, si cui alteri iure tribuenda est, qui supremus est in toto orbe Christiano Princeps.

1. De regibus qui Imperatoris potestati proximè accedunt, quique tantam hodie habent potestatem in suos subditos, tamque absolutam, atque ab alio independentem, quantam, & quam independentem habet Imperator, quibus maiestatem tribuunt non modò subiecti populi, sed expressa etiam iura. l. 1. *Cod. ut nemo priua. & in constitutione Federic. in vñsibus feudorum, tit. de pace tenenda.* id quod vñ receptissimum est. Vnde & Regi Hispaniarum maiestatem catholicam, & Regi Galliarum Christianissimam maiestatem omnes tribuunt, vt neque de his sit hodie dubitandum.

2. Et quoniam hodie non pauci sunt absoluti Principes infra Reges quidem dignitate, pares autem Regibus potestate, qui plenam, absolutam, supremam, & à nullo dependentem potestatem exercent, leges statuunt, & in lege dispensant, non recognoscentes vllum in temporalibus superiorem, ad quem ex suis sententiis appelletur, habentes merum, & anixtum imperium absolutum, siue duces ij vocentur, siue Archiduces, siue quouis alio titulo. His licet maiestatis titulus non tribuatur, nec sermone, nec literis, sed solum celsitu-

dinis, verè tamen maiestatem habet, quo ad id de quo agimus, vt si quis ex subditis eos læserit, maiestatis reus sit, etenim iam consuetudine receptum est, vt tanquam reus maiestatis puniatur, atque ita docet *Clar. lib. 5. sententiarum. g. laesa maiestatis. vers. committitur autem.* qui præterea testatur ita concludere omnes Doctores, nemine excepto, & *Gigas in tract. de crim. laesa maiestatis. q. 28. & Boss. in tit. de crim. laesa maiestatis. & pro hoc facit apertus text. in l. 3. Cod. de Episcopali audient. vbi in maiestatis vocatur reus, qui dominum cui subiectus est lædit.*

De omni libero populo penes quem regendi suprema potestas est, idem omnino dicendū est vt quisquis, vel ipsum offendit, vel eos qui accepta ab eo potestate gubernant, maiestatis reus sit, si de illo populo sit, vt egregiè docet *Lucas de Penna l. 1. col. 2. Cod. de exaltorib. pradio. fiscal. & Bart. l. 3. ff. ad l. Inl. maiest.* dicentes huiusmodi ciuitatibus licere comparate exercitū contra subiectos populos, propterea quòd superiorem non recognoscunt. De his Clarus apertissimè hoc affirmat loco suprà citato esse communem conclusionē Doctorū, citatque Gigantem & Bossum. Inter huiusmodi liberas ciuitates, quas Respublicas etiam vocamus, in Italia hodie est respublica Veneta, quam *Gigas lib. 1. de crimine laesa maiestatis c. quoruplex* huius maiestatis, n. 16. loco Romanæ reip. successisse probat autoritate Raphaelis Fulgosi. qui in *consil. 62.* nouiorem Romā eā appellat. Est & Ianuensis resp. antiquissima, illa quidē nec nō & diues, & nobilis, quæ diu cū Veneta olim certauit, multis autē iam

15 annis in pace ambæ viuunt Dei beneficio, Lucensium demum tertia resp. in Italia; neque verò aliis extra Italiam percensendis, si quæ fortè sunt, tempus teram. Si enim supremis Principibus maiestas cõpetit ob translatam in eos à populis supremam potestatem, multo magis ipsis libetis populis competere dicenda est, à quibus prima initia suscipit. Prima enim omnium toto orbe maiestas fuit populi Romani, vt dictum est.

5. Inter supremos Principes, quibus maiestas competit, numerandus est Romanus Pontifex, qui non modò temporalem in terras sibi temporaliter subiectas, sed spirituales in toto orbe Christiano cum suprema super omnes supremos Principes potestate maiestatem habet. Huic autem competere maiestatem tradit Præposit. in can. in primis. §. de persona. col. 5. vers. nota eleganter. 2. q. 1. Nicol. Boer. in tract. de sedis. sexto præsupposito col. 5. vers. Idem si conspirat. Clar. lib. 5. sent. §. laesa maiestatis. vers. committitur autem. Quod Geminianus, Archidiaconus, Ancharan. & Franchus in c. felicit. de pæn. colligunt ex illo text. sed copiosius Gigas in tract. de crimin. laesa maiestatis. lib. 1. rubr. quocumque est maiestatis n. 4. & rubr. qualiter & à quibus crimen laesa maiestatis committat. q. 1. vbi etiam tenet maiestatem Papæ esse primam dignitatē inter omnes, & meritò, quoniam ipsemet Imperator ei subiacet, iuraturque fidelitatem, omnesque Christianos tam clericos, quàm laicos subiectos habet, vnde & q. 2. subdit ipsummet Imperatorem, siue in Papam conspiret, siue in statum S. Rom. Ecclesiæ, in maiestatem committere, quod etiam docuit Specul. in tract. de modo con-

gregandi generale Concilium, rubr. 4. n. 2. & q. 3. n. 3. Addit Gigas subditum Imperatoris conspirantem in Papam lædere maiestatem, per doctrinam Bartoli, Præpositi, & aliorum, vbi suprà; quia omnes Christiani subiecti sunt Papæ. Idemque iudicium est de subditis Regum, & quorumvis aliorum supremorum Principum, ac liberarum ciuitatum, seu populorum. De Cardinalibus S. Romanæ Ecclesiæ idem pænè dicendum est, habent enim maiestatem à summi Pontificis maiestate derivatam, tanquam supremi, & collaterales eius consiliarij, eamque respectu omnium toto orbe Christianorum, vt docet expressus textus in c. felicit. de pæn. lib. 6. vbi Pontifex expressè determinat esse crimen læsæ maiestatis conspirare in Cardinalem, propterea quòd læditur maiestas ipsius Romani Pontificis læso Cardinali eius laterali cõsiliario, & quoniam ibi Pontifex absolute hoc determinat, de conspirante in Cardinalem, neque vllum omnino excipit, neque vlllo modo se restringit, addit Gigas loco cit. q. 5. n. 10. etiam ipsum Imperatorem offendendo Cardinalem aliquo ex illis modis expressis in d. c. felicit. lædere maiestatem, quod etiam tenet gl. in c. Apostolica. de sent. & re iud. in v. Cardinales.

Dubitari potest an maiestatem aliquo modo habeant Principes & domini temporales non supremi, qui habent quidem vasallos, sed superiorem, cuius sunt feudatarij, recognoscunt, quorū aliqui licet habeant merum & mixtum imperiū, non tamen habent illud absolutū, sed dependens, cuiusmodi sunt multi in vtiusque Siciliæ regnis Domini, Barones, Vicecomites, Comi-



tes, Marchiones, Duces, ac Principes, quales etiam non pauci in regnis Hispanarum, similiter, & ciuitates, quæ superiorem recognoscunt, dico aliquo modo, nempe quoad hoc vt dicatur committi crimē maiestatis, si subditi in eos insurgant, & Clar. lib. 5. sent. §. *læsæ maiestatis, vers. Dubium est*, dicit de iure loquendo rem esse valde dubiam, & Archidiaconus, Io. Andr. Geirin. in c. *felicitis*, de pen. lib. 6. §. 1. n. 7. Franchus ibid. n. 2. & Ancharan. putant habere maiestatem, & qui in eos conspirant lædere maiestatem. Probant autem ex can. in primis 2. q. 1. §. *si verò*, de crimine maiestatis. Qui textus sanè valde videtur eis fauere. Agitur enim ibi de quodam Stephano Episcopo electo ad instantiam gloriosi cuiusdam Comicioli, qui huiusmodi dominus erat, & coram quodam Episcoporum Concilio, prædictum Stephanū maiestatis accusauerat. Ibi respondet Pontifex hoc non fuisse credendum, si vita, vel opinio eius talis antè non fuit, & nō dixit non habere maiestatem. Sed quicquid sit de iure, Paul. de Castro l. 3. Cod. de episcopali aud. n. 6. in fine, dicit videri sibi de facto seruari. Nā etiam in istis ciuitatibus attentantes contra earum statum puniuntur de crimine læsæ maiestatis. cuius Pauli dictum post alios refert Clar. loco cit. quod idem de consuetudine seruari in Italia refert Cepolla consil. criminal. 17. n. 18, & Guido Pap. decis. 334. refert ita de facto seruatum fuisse contra quendam qui conspirauerat in mortem cuiusdam Ducis. Vnde Clar. loco cit. concludit stante tali consuetudine ita seruandum esse contra ipsos conspiratores contra huiusmodi dominos

& ciuitates alteri subiectas, licet non quoad filios.

Quot. modis committatur  
crimen Maiestatis.

## CAPVT XLI.

**M**AIESTATIS crimen Latini vocant, quo Maiestas minuitur, vt loquitur Tullius, seu, vt alij vulgo loquuntur, læditur, vnde, & læsæ maiestatis crimen appellant, vt obseruat Budæus in posterioribus adnotationibus in Pandectas, in tractatu legis *Julia maiestatis*. Id proximum sacrilegiū vocat Vlpianus l. 1. ff. ad l. *lul. maiestatis*, & gl. in can. in primis 2. q. 1. in v. & ministris, idque optima ratione, tum quia Principes Deorum loco habendos esse Gentiles censuerunt, vel certè primo loco post Deum, vt ita hoc crimine Principes lædantur, sicut sacrilegiū Deus, tum quia sacrilegij & maiestatis rei eodem modo accusantur, & conuicti siue confessi pari poena puniuntur, vt notat Gratianus §. *quod autem* 17. q. 4. & patet ex l. *si quis in hoc genus sacrilegij*, Cod. de Episcopis, & clericis, quæ canonizata est in Decreto per Gregorium Papam in d. can. in primis 2. q. 3.

Multi autem modi lædendi maiestatem recensentur non modò in iure communi in plerisque legibus ff. ad l. *lul. maiestatis*. & Cod. eodem tit. atque in aliis legibus, sed & per viros doctos, & graues ex Romanis antiquitatibus erutæ adducuntur, quos hoc loco recensere non grauabor.

Lege

*Lege 1. ff. ad l. Iuliam maiestatis decem recensentur.*

1. Cuius dolo malo obfides iniussu Principis interciderunt.

2. Cuius dolo malo armati homines cum telis lapidibusve in urbe sint, conueniantve aduersum Remp.

3. Cuius dolo malo loca occupentur, vel templa.

4. Cuius dolo malo cœtus conuentusve fiant.

5. Cuius dolo malo homines ad seditionem conuocentur.

6. Cuius dolo malo magistratus populi Romani, quive imperium, potestatemve habeat, occidatur.

7. Cuius dolo malo quis contra Remp. arma ferat.

8. Qui hostibus populi Romani nuntium literasve miserit.

9. Qui signum dederit, feceritve dolo malo quo hostes populi Romani consilio iuuentur aduersus Remp.

10. Qui milites sollicitauerit concitaueritve quo seditio tumultuosè contra Remp. fiat.

*Lege 2. sequentes quatuor recensentur.*

11. Qui prouinciam cum ei successum esset, non deseruit.

12. Qui exercitum deseruit.

13. Qui priuatus ad hostes profugit.

14. Qui sciens falsum conscripserit, vel recitauerit in tabulis publicis.

*Lege 3. alij undecim modi additi sunt.*

15. Qui hostes concitarit.

16. Qui opem hosti tradiderit. Hoc loco obseruandum Paulū Manutiū libro antiquitatum Romanarum de legibus fol. 50. impressionis Aldi locum istum aliter legere ex Polyb. lib. 5. nempe qui ciuem hosti tradidit.

17. Qui imbecillis cesserit. Glos. exponit, id est, recesserit: sed mēdokus codex videtur. Alij legunt *imbellis*. Budæus verò in annotationibus in Pādectas super hanc legē tertiā legēdū putat vno verbo, *imbellis* recesserit. Noxā enim imbellis & stationis desertę capitale fuisse docet Suidas & Tranquillus de Augusto refert cohortes si quę cesserissent loco ab eo decimatas pastasque hordeo fuisse, alioqui Iurecōsultus si distinguēdę essent duę stationes; non in bellis, sed in præliis dixisset. Hæc ille.

18. Qui arcem non tenuerit, seu, vt ibidem legit Budæus, hostem arcere renuerit.

19. Qui castra quę pro Imperatore tenebat hosti concesserit.

20. Qui iniussu Principis bellum gessit. His Paulus Manutius addit etiā iniussu populi, vel senatus.

21. Qui dele-  
ctum habuit, & iniussu Principis,  
22. Qui exer-  
citum compa-  
rauit senatus, vel po-  
puli.

23. Qui cum ei in prouincia successum esset, exercitum successori non tradiderit.

24. Qui imperium, exercitumve populi Romani deseruerit.

25. Qui priuatus pto potestate, magistratūve Pop. Romani aliquid sciens dolo malo gesserit.

*Lege 4. alij nouem modi numerantur.*

26. Cuius dolo malo iureiurando quid adactum est, quod aduersus Remp. faciat.

27. Cuius dolo malo exercitus populi Rom. in insidias deductus, hostibusve proditus est.

28. Cuius dolo malo factū dicitur, vt hostes in potestatem populi Romani non veniant,

29. Cuius

29. Cuius dolo malo hostes Pop. Romani comineatu, armis, telis, equis, pecunia aliave re adiuti erunt.

30. Cuius dolo malo ex amissis, hostes Pop. Romani sunt.

31. Cuius dolo malo, & opera factum est, vt Rex exterarum nationis Pop. Romano minus obtemperet.

32. Cuius dolo malo factum est quo magis obsides, pecunia, iumenta hostibus Pop. Romani dentur aduersus rempublicam.

33. Qui confessum in iudicio reū, & propter hoc in vincula coniectum emiserit.

*Sexta lex duos alios modos adiecit.*

34. Qui statuas, aut imagines Imperatoris iam consecratas conflauerit.

35. Qui aliquid simile admiserit. Exemplum ponit ibi glos. si lapidibus easdem Imperatorum statuas impetierit. Budęus in Pandectas refert alia similia ex Tranquillo in Tyberio. Statuę Augusti quidam caput dempserat, vt alterius statuę illud imponeret: acta res est in senatu, & quia ambigebatur, per tormenta quęrita est, vt hæc quoque capitalia essent, circa Augusti simulacrum seruum occidisse, vestem mutasse, & alia multa.

*Lex tandem 10. alium modum expressit.*

36. Cuius ope, consilio, dolo malo provincia, vel ciuitas hostibus prodita est:

*Lex præterea Codicis quinta eodem tit. quæ tota canonizata est in decreto canonis 6. q. 1. alios quatuor casus recenset.*

37. Quisquis cum militibus, vel

priuatis, vel barbaris scelestam inierit factionem.

38. Aut factionis ipsius susceperit sacramenta.

39. Aut eiusdem factionis sacramenta dederit.

40. Aut cogitarit de nece Principis, aut virorum illustrium, qui consiliis, & consistorio Principis intersunt, aut senatorum, qui pars corporis Principis sunt, aut cuiuslibet qui Principi militat, hoc est, circa Principis latus adstat, vt ait ibi glos.

*Variis præterea ex legibus hi colliguntur casus maiestatis.*

41. Si quis falsificet Principis monetam. *l. si quis. Cod. de falsa moneta.*

42. Siquis aliquem confugientem ad Ecclesiam inde per viam abstraxerit, *l. 2. Cod. de his qui ad Ecclesias confug. vbi aduertendum hoc non esse crimen maiestatis, sed eo loco iuberi eadem affici pena.*

43. Qui negat tributa solui Principi. Hoc inter crimina maiestatis numerat Lodouicus Montaltus in tract. de reprobata sententia Pilati a. 3. n. 22. & 52. quia non solum tendit contra rem ipsius Principis, sed etiam contra honorem, & securitatē. Multo magis committit in maiestatem, qui subtrahit tributa Principi per contemptum, cum tributum soluatur in signum subiectionis, vt Imperator potens sit hostibus resistere, ac subditos tueri, quæ non percepto tributo, præstare non potest: sequitur hunc Gigas in tract. de crim. l. 1. a maiestatis, rubr. Qualiter & à quibus crimen l. 1. a maiest. committitur. q. 36.

Paulus præterea Manutius lib. antiquitatum Romanarum de legib. solio

50. impressionis Aldi plerosque alios recenset modos lædendi maiestatem, quos hoc loco recensere non grauabor.

44. Siquis calamitatē populo Romano inpreceatur, quod Claudiam Virginem Vestalem Appij Claudij Cæci filiam commississe refert Suetonius in Tyberio, cū enim Carpentum mortui fratris in conferta multitudine ægrè præcedere posset, palam opauit ut frater remissēret, atque iterum classem amitteret, quo minor turba Romæ foret, cui propter hoc crimen non capitalis pœna fuit imposita, sed multa per ædiles plebis dicta æris grauis viginti quinque millium: atque ideo fortassis hic modus maiestatis non expressus est in iure, quia nec tunc capitalis fuit. Hinc Gigas ubi suprâ 9. 40. post multa concludit maledicentem Imperatori non committere in maiestatem, propterea quod crimen maiestatis & maledicentiæ sub diuersis in iure titulis reposita diuersimodè puniuntur. Ego verò, ne laboremus in nomine, dico maiestatis quidem dici posse, sed capitale non esse.

45. Siquis reimp. sua culpa male gessit.

46. Si stationem deseruit. Iste autem modus cum 17. coincidit, ut patet ex dictis eo loco.

47. Qui publicum hostem domi priuatus habuit.

48. Qui ius ciuitatis, aut magistratus imminuit.

49. Qui contra bonum publicum loquutus est. Hic casus videretur coincidere cum 44. ut idem Paulus Manutius obseruat, addens

*P. Gambac. de immunit. Eccl.*

non esse capitalem.

50. Qui vim omnino vllam intulit magistratui, aut Principi.

51. Qui Tribuno plebis intercedenti non paruit.

52. Qui à Tribuno plebis concionem auocauit.

53. Qui Tribunum plebis priuati loco habuit, utpote si occurrenti in via non cessit. Budæus in *Pundest. tit. ad l. Iul. maiestatis*, refert ex Plutarcho in Gracchis C. Buturium à Romanis vltimo supplicio affectum, quod Tribuno plebis in foro ambulanti non decessisset de via.

54. Qui consilium plebis disturbauit. Nota hos casus ex Manutio relatos si cum his quæ ex iure relati sunt, non coincident, non esse tanquam crimina maiestatis puniendos, cū pœnæ aded graues non sint extendendæ ad casus non expressos.

Aduertendum hoc loco ex Paulo Manutio *lib. sæpe cit. folio 50.* impressionis Aldi, omnes prædictos modos peccandi in maiestatem ita confuse propositos posse certa methodo ad quatuor capita reuocari: primum si in personam Principis, secundum si in magistratum, tertium si in reimp. quartum si in populum committatur.

Ex his autem omnibus casibus, qui numerati sunt, decem sunt qui Principis ipsius maiestatem directè lædere, aut imminuere videntur.

Primum omnium est casus 19. qui castra quæ pro Imperatore, seu Principe tenebat, hosti concesserit.

MMm Secundus

Secundus est  
casus 20. qui  
iniussu Principis  
bellum gessit.

Tertius est  
21. qui iniussu  
Principis delectum  
habuit.

Quartus est  
22. qui iniussu  
Principis exercitum  
compauit.

Hic enim pro  
Principe se gessit.

Quintus est 34. qui statuas aut  
imagines Principis consecratas  
construxit.

Sextus est 35. qui simile aliquid  
admiserit: ut si easdem imagines,  
seu statuas lapidibus impetierit.

Septimus est 40. quisquis cogitauerit  
de nece Principis, aut virorum  
illustrum, qui consiliis, & consistorio  
Principis interfunt, aut Senatorum  
qui pars corporis Principis sunt,  
aut cuiuslibet qui Principi militat,  
hoc est, circa Principis latas adit  
ornatus ad eum defendendum.

Octauus est 50. qui vim omnino  
vllam intulit Principi.

Nonus est 41. qui falsificat Principis  
monetam.

Decimus qui negat tributa solui  
Principi, ex hoc enim facit eum  
impotentem ad se ac temp. defendendam;  
præfertim verò si id faciat per contemptum,  
tunc enim negat Principi debitam subiectionem.

2. Aduertendum hoc loco primò  
non omnem insurgentem in Principem,  
vel temp. dici committere in maiestatem,  
sed necessariò re-

quiri, ut sit illi subditus. Ita probat  
text. in *clement. pastoralis. de re iudic.*  
vbi expressissimè ex hoc etiam capite  
probat sententiam Imperatoris Henrici  
latam contra Robertum Siciliæ Regem  
de crimine maiestatis inter cætera capita  
esse omnino nullam, atque inualidam,  
quia prædictus Rex licet haberet ab  
Imperatore aliquas tertas in feudum,  
non tamen in illis, sed alibi Imperatorem  
offendit, & in d. Siciliæ Regno certum,  
continuum, & notorium, non in terris  
Imperij habuit domicilium, & originem  
inde traxit, cuius regni ratione Romanæ  
Ecclesiæ notoriè subditus existit, atque  
ideo non subfuit Imperatori, consequenter  
nulla est sententia, qua non subditus  
de maiestate damnatus est. quo loco gl.  
in v. *non subfuit*, notat ibi innuere  
Pontificem non subditum non committere  
crimen maiestatis. Mihi videtur, non  
quidem innuere, sed aperit docete,  
atque in hoc ipso capite inter alia  
multa capita fundare illius imperialis  
sententiæ nullitatem. Hanc esse  
communem doctorum sententiam,  
ut post Roland. *consil. 4. n. 1.* testatur  
Clarus in *§. læsa maiestatis, vers.*  
*Vidi quandoque dubitari.* Qui addit  
etiam post Gigantem in *tractat. de crimine læsa maiestatis q. 68. n. 2.*  
esse communem sententiam doctorum,  
etiamsi aliquis aliquo peculiari iure  
alicuius Principis forum sortiatur  
ratione feudi, vel delicti, nisi tamen  
sit ei subditus ratione originis, vel  
domicilij, non committere contra eum  
crimen læsa maiestatis. ex text. d. *clementinæ habemus:*  
Siquis habeat terras aliquas in feudum

dum ab Imperatore, alios aliunde habeat, & neque trahat originem ex terris quas habet ab Imperatore, neque in illis habeat domicilium; neque in illis offendat Imperatorem, licet eum offendat in aliis terris ex quibus trahit originem, vel in quibus habet domicilium, non dicitur ledere maiestatem Imperatoris. Excipiuntur clerici, qui licet nati in terris subditis Principi laico, aut etiam habentes ibidem domicilium propter quæ si essent laici essent veri ac legitimi ipsius vassalli ac subditi, tamen quia ratione clericatus eximuntur de eius iurisdictione, atque ideo non possunt amplius dici vere subditi ipsius, consequenter non possunt dici ledere ipsius maiestatem, & hanc opinionem esse communem testatur Cardin. *can. in primis 2. q. 1. §. de persona. col. 5. vers. non obest.* quam conclusionem esse de iure veram docet Clat. *in d. §. laesa maiestatis, vers. Hinc inferitur.* qui testatur in facti contingètia vidisse se seruari in senatu Mediolani; qui censuit quendam Lautentium Vicomercatum impunitum, quod seruisset Gallis: qui propterea quod esset perpetuus commendatarius cuiusdam Abbatis, consequenter privilegio clericali censetur, fuit à senatu liberatus die 19. Septembris anno Domini 1554. Addit tamen idè Clarus dignam ad clericos monitionem, ut caueant ne tanto se crimine contaminent, utque diligenter ab eo caueant. quod ego non solum moneo, atque hortor, sed etiam vehementer oro atque obtestor, quoniam licet, inquit, hoc sit in iure clarum, tamen Principes solent

prædicare contrarium, & nulla habitatione non modò clericatus, sed cuiusvis etiam dignitatis ecclesiasticæ, punire hos penis maiestatis, affertque exemplum de quodam Archiepiscopo Florentino, qui propter huiusmodi crimen suspensus; & nostra ætate vidimus necatos ob eandem prætextam causam sanctæ Romanæ Ecclesiæ Cardinales.

Aduertendum vlgimò inter omnia de maiestate crimina, perduellionem esse grauissimum semper habitum, atque atrocissimum, quod tunc est cum in ipsâ republicam, vel in personam magistratus, aut Principis infertur iniuria, v. docet Paulus Manutius *in additionibus ad Cæcilium, in verbo Perduellio.* & Ioachim Mynsinger *in lib. 3. scholiorum in Inst. iuriscivilis tit. de hereditatibus, quæ ab intestato. §. interdum, in v. Perduellionis*, ubi obseruat, licet, inquit, plerique velint maiestatis crimen propriè esse quod in Principis personam, perduellionis verò quod in rempublicam; *in lib. 4. Inst. tit. de publicis indic. §. publica autem*, Imperator hæc confundit, dicens, lex Iulia maiestatis, quæ in eos, qui contra Imperatorem, vel reipubl. aliquid moliti sunt. Vnde *ibid.* Ioachim. Mynsing. *in v. Quæ in eos*, obseruat hoc discrimen harum vocum non ita seuerè obseruatum esse, quin vna pro alia ponatur. Hoc ergo crimen perduellionis tanquam grauissimum ab initio exactorum Regum populi iudicio seruatum est, ut refert Plutarchus *in Publicola*, & à populo comitiis omnium maximis, nempe centuriatis cognoscebatur,

& in hoc vno casu licebat damnatos ciues Romanos necare, quod nullo alio casu licere lege Sempronia C. Gracchi sancitum erat, vt refert Manutius fol. 51. libri *Antiquitatum Romanarum de legibus, si post mortem pater damnetur, filium, sin. ff. ad l. Iul. maiestatis, & Institution. de hered. qua ab intest. §. interdū.*

Cum enim Vitellij, & Aquilij ordinis patricij de restituendo Tarquinio Superbo iā vrbe pulso cogitassent, damnati à populo pœna mortis sunt, tanquam contra reip. pacem, ac bonum machinantes. Quin, & ipsi adhuc regnantibus in vrbe Regibus sub Tullo Hostilio Rege 3. hoc iudicium ad populum delatū esse testis est Lilius lib.

1. *ab vrbe condita in vita ipsius Tulli.* Duumviri, inquit, perduellionem iudicent, si à Duumviris ptouocarit, pronocatione certato, quæ ptouocatio ad populum fiebat. Pœna quoque ab ipso Tulli tempore capitalis fuit, lex enim, vt inquit Lilius *ead. loco*, lex, inquā, horrendi carminis erat: licetor perduellioni caput obnubito, infelici arbore teste suspendito.

*Quæ leges, qui iudices, quæ pœna fuerint apud Romanos de crimine maiestatis.*

## CAPVT XLII.

1. **L**EGES de maiestate variæ recēsentur fuisse apud Romanos. Primā tulit Numa Pōpilius aduersus perduellionem, qui interdum solet cum maiestatis crimine confundi. Hic Rex apud Romanos propter insignem virtutem, ac pietatem sanctissimus habitus est; o-

mne autem patricidium, perduellionem esse voluit, eadēque afflicti pœna, eadēque lege quā horrendi carminis legem præcedenti capite in fine cum Lilio vocauimus, perduellioni extremi supplicij pœnam constituit, qua lege tēpore Tulli Hostilij accusati sunt perduellionis Horatius quidā, qui tororem necauerat, & Sp. Cassius Viscellinus, qui de regno cogitauerat, Hostilius vndecim viros elegit qui de causā iudicarent, & Horatius quidem absolutus tanquam non verus perduellio, sed parricida; Cassius verò damnatus, & bonis publicatis damnatus fuit.

Secunda fuit lex duodecim tabularū ex Atheniensibus desumpta, qua statutum erat cum qui hostem concitasset, vel Romanum ciuem hosti tradidisset, capite pœnas daret. De hoc Polyb. lib. 5, & Martianus Iureconsultus in l. lex. ff. ad l. Iul. maiestatis. quam pœnam capitis non de extremo iudicio, sed de media capitis diminutione visitatam fuisse nonnulli putant, licet apud Athenienses, ex quibus lex ea duodecim tabularum de ultimo supplicio fuerit practicata, propterea quod capitalia delicta post Marcij Catonis Censotij aetatem, per multa tempora aut publicatione bonorum, aut amissione ciuitatis, quæ media capitis diminutio erat, aut carcere, & vinclis, non capite, aut vlla parte corporis puniebantur lege ab eodem Catone lata.

Tertia apud Romanos maiestatis lex Apuleia fuit, cuius meminit Cicero lib. 2. de orat. dicens ea lege capitis pœnam ei imponi, qui maiestatem minuisset, quam falsò Gigas initio tractatus de crimine læsæ maiestatis putat eandem esse cum

cum Cornelia, cum sit ab ea diuersa. Hanc enim tulit Lucius Apuleius Saturninus tribunus plebis, quæ postea cum C. Seruilio Glaucia prætor C. Marius sextum consul ex senatusconsulto interfecit. Qua lege damnatum legimus C. Iuuium Norbanum, qui seditione populi concitata, quod maiestatis crimen est, Quintum Seruilium Cephonem innocentem damnavit, ut docet Paulus Manutius *lib. alio de legibus fol. 50. & in addicamentis in Calepino in v. Maiestas*, ex quo etiam sequentia accepimus.

4. Quarta fuit lex Varia, cuius auctor fertur Q. Varius Suetonensis Tribunus plebis, qui Philippo ac Cæsare consulibus in locum Matci Liviij Drusi interfecti tribunus plebis creatus est. Hæc lege statutum est quæri de iis quorum ope ac consilio bellum Italicum (quod maiestatis crimen erat) concitatum esset, quo crimine cum multi iam condemnati essent, plures præterea, ad quos eadem culpa pertinere videbatur, damnandi superessent, sapienter providit senatus, ne dum tumultus ille Italicus esset, vllum ea lege iudicium fieret.

5. Quinta fuit lex Cornelia, quam diximus esse ab Apuleia distinctam, quæ à Lucio Cornelio Sylla dictatore lata est. Hæc enim lege, ut Cicero *in orat. in Pisonem* ait, alia crimina veteabantur. Ait enim: Exire de provincia, educere exercitum, bellum sua sponte gerere, in regnum iniussu populi, aut senatus accedere, cum plurimæ leges veteres, tum lex Cornelia maiestatis plenissime vetat. quibus in verbis illud aperte ostendit hanc legem ab Apuleia diversam esse, quod ait ante hanc plurimas fuisse leges veteres maiesta-

tis, quod si Apuleia eadem cum hæc esset, plurimas ante hanc non haberemus, ut ex dictis apparet, solum enim duæ essent, una duodecim tabularum, altera Varia; Apuleia tertia est, quæ numerum multitudinis complet, deinde ex eisdem verbis, quæ crimina maiestatis hæc lege prohibita sunt, aperte docemur.

Sexto loco successit Lex Iulia maiestatis præ cæteris celeberrima, à qua inscriptionem accepere tam ex leges, quæ in Digestis, quam quæ in Codice Iustiniani sunt, leges, ut patet *Digestorum lib. 48. tit. 4. Codicis autem lib. 9. tit. 8.* Sed vnde Iulia dicta sit, non satis constat. Gigas enim in tract. *de crimine lese maiestatis rubr. 1. in. 1. g.* qua de origine huius legis disputat. n. 3. testatur ex Odofredo in rubr. *Cod. ad l. Iul. maiestatis*, à Iulio Cæsare, eo quod ab eo edita sit, Iuliam dictam esse. Addit autem Gigas id ex ipsa denominatione, qua Iulia dicitur, non rectè, nec sufficienter inferri, cum constet legem Iuliam de adulteriis, quæ post hanc sequenti tit. tam in Digestis, quam in Codice reposita est, non à Iulio; sed ab Augusto, vel C. Cæsare editam esse, ut idem Odofredus affirmat. Vnde ipse Gigas duas alias adducit denominationes, vel ab ipso Iulio, quod ipse eam introduxerit, ut cum ipse hoc crimen in patriam commisisset, hæc sibi lege præcaueret, aditumque omnibus præcluderet, ne quis contra se tam nefandū, atque atrox crimē auderet; vel à Iulio, quod licet ab Augusto, vel Caio Cæsare post Iulij necem sit edita in ipsius Iulij honorem, quasi netis eius vlciscendæ gratia edita sit contra eos, qui eius maiestatem gravissimo perduellionis crimine in eum coniurando læserant. Paulus Manutius pro-



barissimus auctor, qui ea quæ scripsit non nisi ex probatissimis auctoribus accepit, *tum in lib. Romanarum Antiquitatum de legibus fol. 50.* sæpe citato, quàm in *adduamentis in Calepino*, quæ sunt Romanæ antiquitatis plenissima, licet à quo id auctore accepit, non referat, ait à Julio Cæsare latam, aut primo consulari, aut post deuictum in Pharsalia Pompeium. Hac lege de maiestate damnatis aqua, & igni interdicebatur.

7. Postrema apud Romanos de maiestate lex Antonina fuit à Marco Antonio consule auctore sic dicta, qui triumphum postea fuit, qua lege de maiestate damnatis prouocatio ad populum concessa est, quæ antea soli perduellionis crimini de maiestate grauissima permissa erat, quæ admodum ex Tullio in prima Philippica apparet, & apud Macedonas lex de maiestate alia, ut auctor est Quintus Curtius. horrenda illa quidem ac barbara, & crudelitatis plena, qua cum iis qui de maiestate damnati essent, simul parentes, filij, propinqui occidebantur, vel quod ij omnes eiusdem criminis saltem conscij presumerebantur. Hinc probabile est desumpsisse Honorium atque Arcadium Imperatores id quod statuerunt in *Liquisius, Cod. ad l. Inliam maiestatis. §. fin.* filijs reorum maiestatis imperatoria specialiter lenitate vitam concedere: nam paternum deberent perire supplicio, in quibus paterni, hoc est, hæreditarij criminis exempla metuuntur, quasi alludendo ad illam Macedonum legem vniuersè vetuerunt ne propinqui, pori, familiares reorū eadem cum ipis reis pœna plecterentur.

8. Iudices porro qui de maiestatis

crimine cognoscerent, nō iidem seper fuere apud Romanos; nam tempore Tulli Hostilij Duumviris hoc iudicium creditum est, à quibus ad populū prouocabatur, ut retuli præcedenti c. ex Lioio l. 1. ab vrbe condita in vita Tulli Hostilij Regis.

Paulus Manutius locis citatis ex Suetonio in Tyberio refert ædiles plebis de crimine Claudie Vestalis filij Appij Claudij Cæsi, quæ cladem populo Romano imprecata erat, cognouisse, eosque ait fuisse C. Fundanium, & T. Sempronium. Præter etiam de eadem causa aliquando cognouit. De quo sic Manutius fol. 49. versus finem loquitur: De maiestate nisi tribunus ædilis, vel plebis accensaret, quæstionem prætoris, cui obuenisset ea quæstio, exercebat. Dicit autem cui obuenisset, propterea quod aucto in vrbe prætorum numero propter negotiorū multitudinē, forte illi inter le quæstiones partiebantur, de quibus quisque iudicaret. Refert præterea Plutarchus in Publicola Vitellios perduellionis, seu maiestatis reos quod Tarquinium Superbum vrbe iam eiectum restituere cogitarēt, ab ipso populo morte damnatos, idque crimen populi iudicio seruatum fuisse.

Quod verò ad pœnas atinet, quibus hoc crimen puniri consuevit, certum est primo non omne maiestatis crimen fuisse capitale. Nam Claudia Vestalis virgo pecuniatiter solum damnata fuit, quæ publicè populo Romano calamitatem imprecata est, quod maiestatis crimen erat. Secundo certum est etiā crimē maiestatis, quod capitale fuit, nō seper vltimo supplicio, sed aliquando media capitis diminutione punitū fuisse. Diu enim apud Romanos pœ-

na capitis, non vitæ amissio erat, sed media capitis diminutio. Erat enim triplex capitis diminutio, magna vna, seu maxima, qua libertate, media qua quis ciuitate priuabatur, minima qua solum familia amittebatur. Ciuitate autem Romanæ leges nō exilio priuabant, sed interdicens tecto, aqua, & igni, quibus rebus cūm damnati carere omnino non possent, sponere in exilium nullo cogente secedebant, vt apud exterar gentes tecto, aqua, & igni vti, ac frui liceret. Vnde Iulius de maiestate damnatis aqua igni, & tecto interdicebatur, & pœna capitis dicebatur. Qui verò hac ratione priuabantur ciuitate, simul priuabantur iis omnibus commodis, quæ eis ciuili iure tanquam ciuibus habere licebat. Neque enim testamentum condere poterant, neque capere hæreditatem, solum ea integra illis erant quæ iure gentium competeabant, vt docet Paul. Mamutius lib. illo de legibus, fol. 44. Tertio neque verò in crimine perduellionis, quod apud Romanos vltimo supplicio damnabatur, vt superius tetigi, quilibet rei eo damnabatur. Nam si magistratum gerebat perduellio, exilio, seu verius media capitis diminutione dānabatur. Hac ratione tuetur Paulus Manutius rectè dictum esse à Tib. Graccho sub iurisiurandi religione; si C. Claudius censor suus, & celsorio munere collega, & in perduellione socius damnatus esset, se non expectato de se iudicio comitè exilij eius futurum, quia Magistratus perduelles hac pœna damnabatur: ij autem censorium magistratum gerebant. Quarto certum est perduellionis pœnam apud Roma-

nos, quam horrendi catminis à Liuiο appellatis in fine præcedentis capitis diximus, extremi supplicij fuisse, vt suspenderetur laqueo; id quod & ex Cicerone in *erat. pro Rabyrio* perduellionis reo apparet, vbi ad Labienum actorem conuersus sic eum affatur: Vter nostrū Labiene popularis est? Tūne, qui ciuibus Romanis in concione ipsa carnificem, qui vincula adhiberi putas oportere, qui in campo Marrio comitiis centuriatis, auspicato in loco crucem ad ciuium Romanorum supplicium desigi, & constitui iubes? Sed præter vltimum reorum supplicium filij perduellionū hæreditate priuantur, & si, reus autē damnationem præmoriatur, debent hæredes putgare delictum, aliàs autem damnatur post mortem, & filij priuantur successione; imò ipsi rei maiestatis statim patratō delicto amittunt dominium, & administrationem suorum bonorum; confiscatur enim à lege ipso iurē, licet confiscatio non sortiatur effectum, nisi sequuta sententia, qua declaretur commisisse in maiestatem, vt notat Clarus lib. 5. *sententiarum*. §. *lese maiestatis*, versculo, præterea licet hodie. Addit idem Clarus *versic. que sit pœna*, hodie de consuetudine solere huiusmodi reos viuos scindi in frusta, & appendi certis locis ciuitatum in Sicilia, nec non in regno Neapolitano vidi suspendi conuerso corpore, pedibus in altum, capite ad terram verso. Alibi confractis ossibus ad rotam ligneam viui alligantur, vbi dolorum acerbitate, fame, siti, calore diurno, nocturnoque algore miserè intereunt.

Addit

11. Addit Bald. in *Extravag. Qui sint rebelles*, in v. *rebellando* n. 22. rebellem posse impunè occidi, non expectata neque declaratione, neque accusatione de rebellionē, & postea probari, & declarari fuisse rebellē: quam sententiā Boslinus in *tit. de hæreticis* n. 29. & *tit. de crimine læsæ maiestatis* n. 119. testatur esse cōmunē, quamvis hæc opinio semper periculosa visa sit Claro, vt ipse testatur in *dicto §. læsæ maiestatis, versiculo hinc inferitur*. neque, inquit, consulerem amico meo, vt hoc auderet; nisi fortè de consensu, & voluntate illius Principis vbi rebellis ille degit.
12. Si tamen quis hoc faceret, cū primū postea probaret eum quem occidit fuisse rebellem, esset liberandus: sicut de facto liberatus fuit Franciscus Maria Feltrius de Roucre Urbini Dux, & Generalis S. Rom. Ecclesiæ Capitaneus, qui in bello contra Gallos Franciscum Aldosium S. Romanæ Ecclesiæ Cardinalem, Papiensem Bononiæ legatum de latere cōfoderat. Cū enim probasset enim consueuisse detegere Gallis secreta ecclesiastici exercitus, formato Romæ processu per sententiā dictus Urbini Dux absolutus fuit sub Iulio secundo. refert Gigas in *tract. de crim. læsæ maiestatis in rubr. qualiter, & à quibus* q. 5. & Clar. in d. *vers. Hinc inferitur*. De quo casu extat præclarum consilium Ruini. *lib. 5. consil. 4.* & Ferr. *consil. 31.*
- Vnde in casu læsæ maiestatis etiam consiliarius Principis impunè occiditur, & consiliarius Papæ.
13. Circa pœnas statutas contra filios in l. *quisquis*, Cod. ad l. *Iul. maiestatis*, non habere locum nisi quando crimen læsæ maiestatis commissum est contra Imperatorem, vel Remp. Romanam, vt est communis opinio

relata per Gigantem vbi suprà, quæ Alciat. *consil. 467. m. 6.* ait esse indistinctè ab omnibus approbatam, sed quoniam supremi Principes, quorū maiestas læditur, solent in facto infligere has pœnas; ideo ad eas præcauendas consuetū est in Sicilia in testamentis quando filij instituuntur hæredes apponi clausula, quod teneatur esse fidelis catholicæ maiestati, & sanctæ Romanæ Ecclesiæ fidem seruare. Quod si, quod absit, in his deliquerit, sit, & intelligatur exclusus à dicta hæreditate per certum aliquod tempus, antequam hæc delicta committat, & eius loco hæres alius substituitur.

---

*An reus maiestatis olim ad-  
mitti consueuerit ad Ec-  
clesiæ immuni-  
tatem.*

#### CAPVT XLIII.

**S**I prisca illa asyloꝝ tempora 1.  
in memoria reperamus, diuersimodè apud diuersas gentes factitatum reperiemus. Nam legimus apud Lacedæmonios Pausaniam maiestatis accusatum, intum ad asylum per-  
fugium expertum esse, enasisseque omnino impunitū; apud Romanos verò Crassus Brutus cū detecta proditione ad Palladis auxiliariis tēplum confugisset, à Cassio Bruto parente oclusis templi foribus fame necatus est, de quibus dictum est suprà *lib. 1. c. 14.* Probabile est etiam apud alias atque alias gentes aliter atque aliter obseruatum fuisse, quanquam mihi probabilius sit frequentius vbique fuisse ob tanti immunitatem flagitij, & communem  
cladem

eladem, quæ inde in vniuersam  
 temp. grassatur, vel nõ ausos esse  
 reos asyloꝝ refugia quærere, vel  
 si ad ea confugerent, asyliã illis ser-  
 uatam non fuisse, præsertim in re  
 clara, & apertis indiciis declarata,  
 in qua non esset tergiuersandi lo-  
 cus. Calor enim iracundiæ Prin-  
 cipis, ac totius populi detecta ma-  
 nifesta coniuratione solet accele-  
 rare pœnam, vt reprimat coniur-  
 atorū motus, & animos reprimat  
 sociorum, nec patitur moram,  
 in casu fortasse non ita manifesto  
 poruit asyulis templisque deferri,  
 præsertim vbi non adessent euide-  
 tes coniecturæ, probationesque  
 sufficientes. In lege autem Chri-  
 stiana licet inueniamus priuilegiū  
 generale amplissimis verbis con-  
 cessum Ecclesiis, vt quicumque  
 ad eas confugerit, quantacūque  
 grāua delicta commiserit, extra-  
 hi non possit, &c. à quo generali  
 priuilegio licet aliqua delicta pu-  
 blici latronis, &c. excepta olim  
 fuerint, tamen neque crimen læ-  
 sæ maiestatis diuinæ, neque huma-  
 næ inueniuntur vnquam antea ex-  
 cepta. Non inde sequitur hæc de-  
 licta habuisse immunitatē. Tantū  
 est enim horum delictorū pondus,  
 tāta enormitas, rātū inde cōsequēs  
 damnum, & vtplurimum irrepa-  
 rabile, vt sicut multa habent par-  
 ticularia, in accusatore, in testibus,  
 in probationibus, in pœnis, vt in  
 his omnibus à generalibus iuris  
 regulis contrariis huiusmodi rebus  
 recedatur, ita nec comprehendi  
 censenda sint sub generalitate pri-  
 uilegij immunitatis, vt ab eo exci-  
 pienda fuerint. Neque maiestatis  
 reus sit sub illis generalibus verbis  
*c. inter alia.* & aliis civilibus ac ca-  
 nonicis iuribus concessa immu-

*P. Gambac. de immunit. Eccl.*

nitas, sed necesse fuisset eam in spe-  
 cie exprimere, si legiflatores cō-  
 prehendi sub generali illo priuile-  
 gio voluissent. Quo mihi valde  
 probabile efficitur, hæc duo deli-  
 cta nunquam de iure immunitarē  
 habuisse, vt cū præsens cōstitutio  
 Gregorij XIV. hos ab immunita-  
 tis priuilegio apertè excludat, non  
 constituat hoc iure nouum ius,  
 sed antiquum, quod alicui dubiū  
 atque obscurum videbatur, apertè  
 declararet, omnēque tollat dubi-  
 tandi imposterum occasionem.

Probo autem tam crimen hæ-  
 resis, quod est læsæ maiestatis diui-  
 næ, quàm læsæ maiestatis huma-  
 næ, non comprehendi sub genera-  
 litate priuilegij immunitatis, sed  
 debuissē specialiter exprimi, vt  
 sub illa comprehenderetur; quoniā  
 tam in mandatis, quàm in gratiis  
 generalibus, & regulis generali-  
 bus, quæ specialem habent difficul-  
 tatem, non continentur, nisi in  
 specie exprimantur, quamuis ver-  
 ba mandati gratiæ ac regulæ ge-  
 neralis amplissima videantur. In mā-  
 datis exemplum affert Panormita-  
 nus in *c. accedens, de præbendis, &*  
*dignitatibus n. 5.* si quis habeat ab  
 aliquo generale mandatum acci-  
 piendi pro eo omnia cuiuscunque  
 generis, &c. sub hoc mandato ge-  
 nerali non continetur, vt possit  
 pro eo recipere beneficium, nec  
 alia spiritualia, hoc enim propter  
 specialem difficultatem requirit  
 speciale mandatum. Concordat  
 Felin. in *c. nonnulli. §. sunt & alij,*  
*n. 46. de rescriptis. & Rota decis. vl-*  
*tima, de procurator. in antiquis.*

In gratiis ponit exemplum Na-  
 uarr. in *Manual. cap. 27. n. 275.*  
 dicens gratiam generalem Inbi-  
 litorum, & bullæ cenciatiæ, vt  
 NNn quis

quis possit ab omnibus, & singulis peccatis, & excessibus, quantumcūque enormibus, etiam sedi Apostolicæ, etiam in bulla cœnæ Domini reseruatis, non contineri. absolutionem ab hæresi, nisi de ea fiat expressa mentio specialis, quia hæc habet specialem difficultatem. Sed venio ad expressa iura. In *c. cum in generali, de officio vicar. lib. 6.* expressè constitutum est Vicarium genetalem Episcopi per generalem commissionem sibi factam de vicariatu sub quibuscumque amplissimis verbis, non posse conferre beneficia, nisi de hoc sit ei facta expressa commissio specialis, & ratio affertur generaliter probans, quia in generali cōcessione nequaquam illa veniunt, quæ non esset quis verisimiliter in specie concessurus; sicut in generali concessione, qua concedo alicui administrationem bonorum meorum, etiam liberam, non continetur concessio donandi, nisi specialiter fuerit expressa. Ita in *c. licet de officio vicar. eod. lib. 6.* statutum per generalem commissionem officij Vicarij generalis transferri quidem in eum cognitionē causarū, non transferri tamē potestatē inquirendi, corrigēdi, aut puniendi aliquorum excessus, neque à beneficiis, seu administrationibus amouendi; nisi hæc specialiter committantur, & in *c. cum nullus, de temporib. ordination. lib. 6.* Vic. Episcopi per generalem commissionem non potest dare licentiam ad ordines recipiendos; intellige secundum gl. in v. *non extendat*, nisi habeat ad id speciale mandatum. Commissio autem officij vicariatus fauor quidam ac gratia est, quæ illi fit.

In regulis dcmum genetalibus

hoc idem habemus expressum. In regula *in generali, de regul. iur. lib. 6.* vbi vniuersè statutum est in generali commissione non venire ea, quæ quis non esset verisimiliter in specie concessurus. & in *c. si Episcopus, de penitent. & remissionib. lib. 6.* expressum est sub generali licentia alicui per Episcopum dara eligendi sibi confessorē, qui eū valeat absoluerē ab omnibus peccatis, non contineri licentiam absoluedi à reseruatis Episcopo, nisi sit specialiter expressum. Pleaque his similia refert gl. in d. *regula, in generali, de regul. iur. lib. 6. & ibid. 10.* Monachus colligit modò quinquaginta, quibus generalitas verborum arctatur, ne specialiter quædam non expressa comprehendat. De crimine læsæ maiestatis propter multas specialitates, quas in se continet esse in eo à communibus regulis iuris recedendum, egregiè docet Matth. de Afflictis *c. 1. §. & bona commutentium, tit. que sint regalia in vsibus feudor.* Vt sicut si alicui concederetur abolitio omnium delictorum, non contineretur sub hac generalitate abolitio criminis maiestatis. per ea, quæ voluit Angel. in sua disputatione, quæ incipit, *Exorta guerra, & Roman. in l. si quis in graui. §. hi quoque. ff. ad Syllanian.* & licet in generali illa consuetudine, quæ olim Romæ fuit, de qua nescio an sit amplius, vt S. Romanæ Ecclesiæ Cardinales obuim quēlibet cuiusvis criminis reum, qui ducitur ad mortem, imposito super eius caput cardinalitio galero, à morte liberarent. non fuit vnquā seruatum vt liberarent reum læsæ maiestatis, vt notat Barlat. in tract. de prestantia Cardinalium, 1.

parte

parte. q. 4. vers. sed pone. & Hippolytus de Marfil. in l. unica. Cod. de raptor. virg. n. 10. & in l. 1. ff. de quaestio. n. 23. & l. de minore n. 4. ff. de minorib. & in singulari 164. incipiente, nemo debet se submittere. & Alex. in l. de pupillo. §. pluribus. ff. de noui operis nunciat.

5. Hoc ergo posito ctimen læsæ maiestatis non contineri sub generali concessione immunitatis Ecclesiarum, consequens est exceptiones aliquorum casuum non firmare regulam quoad hunc casum, qui ideo exceptus non est, quia sub illa generali concessione non continebatur. Cum enim exceptio natura sua de iis sit, quæ natura sua sub regula generali continentur, ita ut nisi exciperentur, sub illa generalitate regulæ comprehenderentur, non potest ad non contenta sub regula extendi, sic enim exceptio ampliaret regulam ad casus non contentos, non illam restringeret, quemadmodum egregiè notat Felix in c. quoniam frequenter, va lite non contest. n. 2. limit. 1. ubi hanc ipsam regulam dicentem exceptionem firmare regulam in casibus non exceptis; multipliciter limitans primo loco hanc limitationem statuit ut locum non habeat in his quæ aliàs sub regula non continentur; & probat ratione iam à nobis adducta, quia aliàs ampliaret regulam generalem ad non contenta. allegat Bartol. in l. generali. §. uxori. ff. de usufructu legato. & in l. que situm. §. denique. ff. de instrum. vel instr. & l. 1. in fin. ff. de regul. iur. & Bald. in l. in his ff. de legibus. Exempla sunt: Siquis legaret alicui vsum omnium quæ habet domi, excepto argento, hæc exceptio non facit sub illa generalitate omnium

quæ habet domi, contineri ea, quæ domi habet venalia, & non ad vsum domesticum, verbi gratia, frumentum, vinum, oleum, quæ habet domi venalia, aliàs exceptio ampliaret generalitatem illam vstructus qui ad ea quæ domi venalia sunt, non comprehendit. Ita licet, inc. in nostra, de sepultur. è privilegio generaliter concessio eligendi sepulturam solum excipiantur interdicti & excommunicati, non per hoc firmatur regula circa non exceptos, qui de iure non possunt eligere sepulturam, ut sunt impuberes: eadem ergo ratione si exceptio aliquorum casuum leuiorum firmaret regulam immunitatis in non exceptis, cuiusmodi præsertim sunt crimina læsæ maiestatis diuinæ atque humanæ, exceptio ampliaret regulam generalitatem ad casus adeo enormes, ut deuenit à generalibus iuris regulis, qui comprehendendi non deberent, nisi specialiter in regula inclusi essent. Arque hæc de iure videntur satis probabilia.

Si verò de consuetudine quætratur, quidnam ante hanc ipsam constitutionem seruati consueverit contra reos maiestatis, aliud non reperio nisi quod supra retuli de Cardinalibus, qui cum reos qui ducebantur ad mortem imposito super eorum capite galero rubeo liberare consueverant, non consuevisse id facere in reis læsæ maiestatis, & quod præterea refert Hieronymus Gigas lib. 3. de crimine læsæ maiestatis, rubric. de pluribus & variis questionibus q. 3. n. 16. restatur vidisse se reos maiestatis extrahi de Ecclesiis, ac puniri, neque ab Ecclesia defendi.

NNn 1 Qui

Qui quoniam non distinguit inter crimen maiestatis commissum in personam Principis, & commissum in temp. videtur utrumque complecti, licet & rationes ex iure à nobis hæcenus adductæ de utroque probant. Vnde mihi valde probabile est neutrum crimen verum maiestatis capitale habuisse antiquo iure immunitatem. dico autem verum crimen maiestatis & capitale, quia imprecari reip. malum, licet inter maiestatis crimina referatur, capitale non fuit, quemadmodum observaui paulo superius *cap. 41.* post Paulum Manutium, nec propriè maiestatis crimen fuit, cum nullo iure inter maiestatis crimina numeretur.

*Quenam maiestatis crimina hoc nouo iure expressum sit carere privilegio immunitatis.*

## CAPVT XLIV.

1. **V**ERBA præsertim cõstitutionis §.6. de hoc crimine sic habent, *lesâ maiestatis rei in personam Principis.* Si absolutè dixisset, *lesâ maiestatis rei*, palàm comprehendisset omnia illa læsæ maiestatis crimina, quæ superius *cap. 41.* recensuimus. Sed addendo, *in personam Principis*, restringit exceptionem ad illa solum maiestatis crimina, quæ in personam Principis committuntur. Recolendum ex *cap. illo 41.* quinquaginta quatuor illa læsæ maiestatis crimina ad quatuor capita reuocari à Paulo Manutio. Primum est eorum quæ in personam Principis, secundum eorum, quæ in magistratum, tertium eorum quæ in rem publicam, quartam verò eo-

rum quæ in Populum Romanum committuntur. Ex hac restrictione apparet hoc nouo iure non tolli immunitatem Ecclesiæ tribus posterioribus criminibus maiestatis læsæ, sed primo tantum; ceteris, si prius de iure, vel consuetudine immunitas competeat, non est ablata, si prius negabatur, non est restituta. Vt enim non semel in hoc commentario dictum est, neque rationabilibus consuetudinibus, neque antiquo iuri, sed solum indultis & abusibus occasione indultorum introductis hac constitutione detrahatur.

Ac primò certum atque indubitatum esse debet, si quis directè atque immediatè in personam ipsius Principis aliquid eorum agat, quæ expressa sunt in l. *si quis cum militibus*, Cod. ad l. *Iul. maiestatis. & can. si quis cum militibus 6. q. 1.* in quo ca ciuilis lex tota canonizata est, carere immunitatis priuilegio, si quis cum aliquo scelestam inierit factionem contra Principis personam, vel factionis ipsius susceperit sacramentum, vel dederit, vel etiam cogitauerit de eius nece, nempe actu aliquo externo id declarans, vel tentans, etiam si ad opus non veniat. quo loco obserua aded immane atque atrox esse hoc crimen, ut neque in ciuili lege, neque in canonica expressum sit apertis verbis, sed solum insinuatum nomine scelestæ factionis, nulla facta personæ Principis mentione, ut ne nomen quidem tanti scelestis scriptum appareat. Idemque iudicium est si quis nulla inita cum aliquo factione, in personam Principis conspiret.

Secundò certum est, si quis valde mediatè, indirectè, ac secundariò

offendat eandem Principis personam, id est, si quid agat, quod tandem in ipsum Principem redundat, non carere immunitate, etiam de iure antiquo, ut vocat Gigas *in tract. de crim. lese maiestatis, in rubric. qualiter Et à quibus crim. lese maiestatis committatur* q. 17. ut si quis iudicet contra Principis constitutionem, per text. in l. 1. Cod. ad l. lul. maiestatis; & q. 59. idem affirmat de eo, qui corrumpit, seu destruit imaginem proditoris Principis, in qua proditor erat depictus, altero pede suspensus ad patibulum, etiam si ex hoc nonnihil minuatur de Principis autoritate, aliàs inditectè & secundariò & mediàtè omnia maiestatis crimina contra personam Principis reduci possunt.

3. Prima dubitatio est an solùm in persona supremi Principis non recognoscentis superiorem habeat locum hæc immunitatis priuatio, an etiam in persona aliorum Principum, qui etiam sub aliquo supremo Principe Principes sunt, siue Principis titulo præfulgeant, siue duces vocentur, siue Marchiones, Comites, Vicecomites, Barones vasallorum; quibus omnibus maiestatem competere superius cap. 40. docuimus. Principis titulo in Hispaniarum regnis nulli donari consueuerunt, soli Regis filio primo genitoregni successori reservato hoc titulo. In regno Neapolitano multi sūt, parè omnes recentiores; antiquitus enim quàm paucissimi erant. In hoc nostro Siciliæ regno ante annos quinquaginta circiter nullus omnino erat. Princeps, imò ne dux quidam, Marchiones erant pauci, & in his primus Illustrissimas Marchio Ieracis, Comites multi, longè plures Barones. Postea verò creati Prin-

cipes sunt à Serenissimis Hispaniarum Regibus verè aliquot, Buterae ac Petrapercia, qui principatus propter defectum successorum Buterae simul in vnum coniuncti sunt. Caltanissetta etià, & Castriuetrani. Additus est, post primum Cicala à nostra sancta fide Apostata cū classè Turcica Messanum aduentum, Don Io. de Viginimiliis, qui cū Straticotis in ea nobilissima ciuitate minore tunc fungeretur Prorege Illustrissimo & Excellentiss. Comite Celiuares propter re bene gestā contra Turcicā classē absque vlllo prorsus Messanensis ciuitatis nocumto, vltro atque gratis Principis titulo à Serenissimo Philippo I. præmij loco tot laborum ac vigiliarum in ea tuenda vrbe susceptarum liberalissimè donatus est. Estque hodie nō modò Marchio Ieracis, sed & Castriboni Princeps. Post hunc Comes Trabia, & Marchio Iulianæ eundem Principis titulum hic Castellanis, ille Trabia consequuti sunt; ut hodie sex in Sicilia Principes numeremus. De his omnibus qui vasallos habent, quocunque nomine ac titulo nuncupentur, respondeo cū maiestas illis comperat, & qui vasallus in eorum personam conspirat, maiestatem lædat, videri mihi carere immunitate, non enim restringit se Pontifex ad personam Principis supremi, & non recognoscentis superiorem, sed simpliciter de persona Principis loquitur. Hi autem omnes Principes saltem quoad hoc sunt omnes, quod aliquo modo maiestatem habent, & qui horum personam lædunt, maiestatis crimen committunt.

Quod si obijcias, eam versetur in materia odiosa & poenali priuationis immunitatis, nomen Principis



præsertim, atque in Sicilia. Aliquādo etiam vocantur locatenentes, vel præsidentes, & generales Capitanei respectu bellorum. His in remotioribus regnis, vnde difficilis est ad regem accessus, potestas maior dari solet, fortè maximam inter omnes habent Proreges in Sicilia. In quibusdam enim prouinciis magna penes senatum, vel maiorem magistratum potestas esse solet, vt ideo minor Proregibus concedatur, vt in Italia minorem habet Mediolanensis gubernator, vnde & dignitas horum gubernatorum non ex quantitate potestatis mensuranda est, sed vel ex maiore regnorum amplitudine, ac potentia, vel ex opportunitate locorum, vbi maioris fiduciæ homines requiruntur, vel ex aliis causis, ex quibus iam diu cognitum est cuius prouinciæ regniue administratio maioris minorisve dignitatis existat. Repræsentans inanimè duplex est, vnum est imago statuaque Principis certo loco publico posita, seu, vt olim Romani loquebantur, consecrata: aliud est moneta, in qua præter imaginem Principis eius auctoritate impressam, quæ à nullo alio impriri potest, est etiam qualitas metalli, ac monetæ valor.

7. Sub nomine oratorum Principum debemus etiam intelligere Nuncios sedis Apostolicæ: sicut enim Principes seculares habere solent apud omnes supremos Principes amicos suos oratores, vel legatos ordinarios pro suis negociis temporalibus; ita Romanus Pontifex apud Reges Christianos habere solet suos ordinarios Nuncios pro negociis spiritualibus: vt de his pari ratione du-

bitetur an eòs offendens careat immunitatis priuilegio.

De his omnibus illud vniuersè dici potest, si odio Principis, & in eius contemptum, vel oratoribus Principum, vel muniis Romani Pontificis, vel Gubernatoribus prouinciarum vis inferatur, sine dubio læsam esse maiestatem in personam Principis, si statua publica ad terram deiiciatur, decapitetur, per vias, & plateas trahatur, si moneta conspuatur, aut in terram proiecta pedibus conculcetur, læsam esse maiestatem in personam Principis, si falsificetur moneta mutata Principis imagine, ac loco ipsius imprimatur imago proditoris rebellis, aut eius qui in Principem conspirauit læsam esse maiestatem in personam Principis, & carere immunitate; quoniam hæc omnia directe ac per se licet mediāt in offensam personæ Principis sunt ordinata, neque nisi vt Principis persona in eis repræsentatur hæc fiunt.

Si verò abstrahamus à persona Principis, eaque singula in se consideremus, non eadem est omnium ratio, non semper læsa maiestas, vel non in personam Principis læsa. Quare dicendum est de singulis, de oratoribus repræsentantibus personam sui Principis, ac nuntiis Apostolicis, puto eos, qui eos ex priuato odio atque inimicitia offendunt, vel etiam occidunt, non committere in maiestatem, quoniam ipsi maiestatem non habent, neque verò lædere personam Principis, quam illi repræsentant, tum quia non odio Principis id faciunt, tum quia isti non repræsentant maiestatem, & potentiam Principis, cum non ad exercendam illius vice potestatem

8.

9.

tem, sed ad tractanda negotia sint destinati. De Proregibus & gubernatoribus regnorum ac prouinciarum cum summa potestate Principis primò certum est eos, qui in regnis subiectis in eo conspirant, lædere maiestatem, magistratus enim supremi maiestatem habent, & nos c. 41. inter modos quibus læditur maiestas, hunc ipsum numerauimus 6. loco & quinquagesimo. Secundò videtur lædere maiestatem in personam Principis, tum quia iste repræsentat potestatem personæ Principis, vnde & grauissima quædam iubet de mandato Principis, & se Principem vocat, & dispensat in iure communi, & ius nouum condit, & gabellas imponit, & supplet defectum probationum, contra quædam crimina iubens de mandato Principis capite plecti, & extremo puniri supplicio eum, què propter aliquem defectum probationum iudex damnare non poterat ad necem. Consequenter puto tertio istum carere immunitate Ecclesiarum, propterea quòd cum iste gerat vices Principis in prouincia cum potestate, sitque alter nos, vt in eiusmodi eorum litteris apparet, à Principe concessum, par perturbatio reipublicæ, par periculum ex huius atque ex Principis ipsius nece oritur.

10. De statua siue imagine Principis publico loco posita, si quis in eam aliquid faciat eorum, quæ superius iam dicta sunt, sine vllò dubio præsumitur in odium, atque contemptum personæ Principis fecisse, lædiseque maiestatem in personam Principis, atque ideo carere immunitate Ecclesiæ, ac tanquam reum maiestatis puniri; secus si appareret ex manifestis signis non id

intendisse, quia, v. g. constat quòd vocabatur cum statua, cùmque eam amplexaretur, vel scalas ad eam cuiusvis operis causa admoueret, illa corroso iam ferro quo sustentabatur corruisset, & in partes confRACTA esset.

De moneta demum dico, si quis non ex contemptu Principis, sed ex desperatione aliqua auiui, vel quia multam in ludo pecuniam perdidit, vel ob aliam quamcunque causam monetam proiectam à se in terram conculcet pedibus, nulla ratione lædit maiestatem. Qui monetam falsificat cudendo in moneta imaginem ipsius Principis, licet inter maiestatis crimina referatur, non videtur tum lædere personam Principis, atque ideo neque carere immunitate; simili ratione, qui ex falsa materia monetam cudit, qui de ipsius monetæ quantitate detrahit partem materiæ, argenti nempe atque auri, quales multos hodie esse vbique ferè gentium ipse aspectus monetarum, ne dicam pondus, ostendit, aded eas tonfas cernimus, quamuis grauissimum crimen sit, & reipublicæ perniciosissimum, immunitate tamen Ecclesiæ non videtur carere, non est enim læsa maiestas in personam Principis. Siquis verò monetā cū imagine ac nomine coniurati alicuius proditoris, aut rebellis cudit, videtur læsa maiestas in personam Principis, & carere omni immunitatis Ecclesiarum priuilegio; alium enim nominat facitque Principem.

Quarta dubitatio est de senatoribus, seu supremi consilij consiliariis, quos Imperatores Honorius & Arcadius in l. 5. Cod. ad l. Iuliam maiestatis, & text. in can. si quis 6. q. 1. partem corporis Imperatoris vo-

cauere,

cauere, & iuris Illustribus, qui consiliis & consistorio imperiali interfunt; an qui contra hos conspirat dicendus sit læsisse maiestatem in personam Principis, & carere Ecclesiæ immunitate. Videntur enim ij ad personam Principis pertinere, cuius pars corporis dicuntur, cum qua pondus regiminis ferunt. de quibus consiliarius dicit etiā Bald. *in l. cum multa. Cod. de bon. qua lib.* eos inhærere Principi sicut stellas firmamento cæli, ac velut splendor firmamenti fulgere, qui & à Grariano *in can. multi de penitentia d. 2. §. non autem bene*, Solis radij nuncupantur. Arg. *in c. super specula, de magistris.* vbi docti in Theologia dicuntur fulgere sicut stellæ firmamenti, & copia doctorum vocantur stellæ in perperuas æternitates mansuri, qui ad iustitiam valeant plurimos erudire, quod proportionem quadam dici potest de senatoribus Principum, qui in ciuili canocōque iure sunt celebres, qui cætenus pars corporis Principis vocantur, quatenus faciunt cum eo vnū corpus mysticum in principando, simulque cum ipso suis consiliis illum iuuando principantur. Idque non quatenus ipsa respublica est vnum corpus mysticum, cuius princeps sit caput, cæteri membra, sed quatenus ipse Princeps est persona mystica, & in respublica caput; sunt enim isti consiliarij pars ipsius Principis, quatenus caput est, & quatenus cum eo tanquam caput influunt in cætera membra reipublicæ. De his ergo non leuis vtrinque occurrit ratio dubitandi, an qui eos lædit dicatur lædere maiestatem in personam Principis, careantque immunitate. Nam pro parte affirmatiua facit, quod ipsi

*P. Gambac. de immuni. Eccl.*

met Imperatores non priuato sermone, sed scripta lege hos dignati sunt partem sui corporis appellare, vt dictum est. Vnde & propria, tacita persona *ind. l. §.* horum solū faciunt mentionem, & par crimen esse, parique pœna puniti statuerunt, qui in ipsum Principē, & qui in horum aliquem conspirauerunt. Addit Cyn. *in d. l. §. n. 1.* æquē perduellionem esse horū quolibet, sicut ipsam Principis personam lædere, quem doctores non pauci sequuti sunt. Pro parte verò negatiua facit quod textus præsentis constitutionis *in §. 6.* videtur se restringens ad personam Principis, videtur de vera & reali persona Principis, non de mystica intelligendus.

Aliqui distinguunt an id fiat in odium Principis, vt illo insigni consiliario Princeps priuatur, an verò odio priuato ipsius consiliarij, vt priore casu sit crimen maiestatis in personam Principis, posteriore verò nequaquā; Clarus tamen *in lib. 5. sententiarum. §. laesa maiestatis. vers. Quare nunquid offendens.* indistinctē asserit læsam esse maiestatem, quia huiusmodi consiliarij residentes apud Principem, eiusque supremo consistorio assidentes, sunt pars corporis ipsius Principis, & ideo qui eos offendit censendus est Principem ipsum offendere, vt personam Principis intelligamus, quo pacto ipsi Principes personam suam, in hac ipsa materia criminis maiestatis intelligi sanxerunt. Id quod cum de facto contigisset in persona excellentis doctoris Andree de Isern. tempore Regine Iohannæ Neapolitani regni vndecimæ, cuius ille erat consiliarius, qui nequiret fuit occisus; statutum est

ooo

per

per dictā Reginam hoc fuisse crimē maiestatis, vt dicit Paris à Puteo in *trakt. de syndicato fol. 124. n. 14.* & refert Afflict *super 1. parte constitutionum regni, rubr. 29. n. 6.* & ita cōsultuit etiā Rubeus *consl. 154.* Cū autem consiliarij non habeant in se maiestatem, consequens est non esse crimen maiestatis, nisi ratione personæ Principis, cuius ij sunt pars corporis, vnde est & dicitur his lēgis lēsa maiestas in personā Principis, carereque immunitatis priuilegio.

15. Quinta dubitatio est de libera ciuitate, quæ nulli Principi seruit, sed seipsam regit, rempublicam vocant, qualis est hodie ciuitas Venetiarum, Ianuensis, Lucensis in Italia. An supremus in ea magistratus, quem ducem vocant, eodē fruatur priuilegio, quo Princeps, vt qui in ipsum machinatur tanquam lēsa maiestatis in personam Principis, reus careat immunitate, vel qui machinatur in ipsam rempublicam, siue vt ciuitatem liberam hosti prodāt, siue cum armato exercitu ad hostem transeat, vel contra ipsam bellū gerat, eamque per vim occupare conetur. Respondeo probabile mihi videri hoc, quod de crimine maiestatis in personam Principis, hac cōstitutione statutum est, proportionē quadam locum habere in huiusmodi liberis ciuitatibus, si quis vel cōtra ipsam remp. vel contra magistratum supremum, vel eos qui accepta ab ipsa republica potestate, principem locum sustinent, aut contra supremos senatores, quibus grauiorum negotiorum cura incumbit, tanquam reum maiestatis in personam Principis carere immunitate. Hos enim tanquam reos

maiestatis extremo afficere supplicio liberæ ciuitates consueuerunt, etiam si supremi Duces essent; quæ admodum Veneti anno Domini 1354. Martinum Faletum Ducem ab eis creatum, ingratiſſimum hominem tentantem facta cum nonnullis plebeis coniuratione patriā per tyrannidem occupare, tanquā maiestatis vnā cum sociis reum, cæteris laqueo necatis ad scālas atrij Palatij Ducalis securi necarūt, eiusque domos ita penitus diruerunt, vt edicto publico etiam cauerint vllorū vnquam futuro tempore reedificari: eius effigiem ex aula magnorum comitorum, in qua Ducum omnium effigies ordine depictæ seruantur, deleuerint, vt ex Petro Marcello in *lib. de vitiis Principum Venetorum*, in vita ipsius Martini refert Gigas *lib. 1. de crim. lēsa maiestatis, rubr. Qualiter & à quibus crim. lēsa maiestatis committ. q. 24. n. 5.* & in *rubr. de rebellibus q. 23. n. 2.* Ita anno Domini 1290. cū sub Serenissimo Ducē Petro Gradenico Martinus quidam Boco-nius homo plebeius, audacissimus tamen, & ad mala quælibet audenda prōptissimus, Venetiis in ipsius Ducis atque optimatum eadem conspirasset, simul cum multis aliis suis similibus, detecta coniuratione ipse cum sociis ad geminas columnas suspendio necati sunt, vt ex eodem authore refert Gigas *d. rubr. qualiter & à quibus q. 30. n. 2.* Hos ego, si modò id ausi essent, putarem carere immunitate.

15. Postrema dubitatio est de aliis casibus lēsa maiestatis, quibus ipsius Principis maiestas læditur, quos in fine capitis 41. simul collectos decem numerauimus, & quibus quinque tantum hactenus tracta-

uimus , nempe quintum , sextum , septimum , octauum , & nonum. An qui castra quæ pro Imperatore tenebat , hosti concedit , qui iniussu Principis bellum gerit , qui delectum habet , qui exercitum comparat , qui negat tributa solui Principi , careat immunitate Ecclesiarum. Respondeo quandoquidem quatuor priora apertè Principis personam lædunt , nam & rebellionem sapiunt , & perduellionem ; sine dubio putanda esse carere immunitate.

16. Postremus verò casus tunc etiâ eodem spectat , cùm quis publicè

& apertè negat tributa solui Principi ; qui enim id facit , non solum facit eum impotentem ad se suamque rempublicam defendendam , sed seditionem commouet publicè iactando non esse tributa soluenda , & tanquam seditiosus in Principem , maiestatem lædit contra eius personam. Quòd si priuatim negaret , vel quia non esset soluendo , vel quia ipse sic sentiret , de aliquo tributo , seu vectigali particulari , quòd illud iniustum esse arbitraretur , non videretur iudicandus maiestatis reus.

OOO 2

LIBER





## LIBER SEXTVS.

*De extrahendis de Ecclesia, carcerandis, & seculari curiæ tradendis, seu ad eandem Ecclesiam remittendis confugis criminum reis.*



**Q**UONIAM ab ipso pænè nascentis Ecclesiæ immunitatis exordio casus aliqui propter sui atrocitatem, & commune damnum, quod inferebant, ab eo privilegio excepti fuere, qui crescente hominum malitia, ac libertate peccandi paulatim etiam per Romanos Pontifices aucti sunt, neque satis consultum erat communi bono reipublicæ ad hos ab aliis distinguendos, ac debite, ut par erat, puniendos: dum rei omnes promiscuè ad Ecclesiam confugientes, nihil aliud eo confugio quærebant, quàm ut tantisper de ministrorum secularis curiæ manibus liberati, fugæ commoditatem quærerent, omnésque impune euaderent, quantumcunque grauiâ delicta, & quibus nulla immunitas debebatur, commississent. Quo fiebat interdum ut secularis curiæ ministri reos etiam illos aliquando quibus immunitas debebatur, contra fas de Ecclesia abstractos carceri manciparent, aut vinculis etiam constringerent, donec de eorum immunitate cognosceretur, de qua

etiam ipsi plerisque in locis cognoscebant. Huic modo iam diu desideratum remediũ Gregorius XIV. hac nouissima constitutione idoneum, atque efficax adhibuit, multa de iis statuens, de quibus hoc sexto libro agendum est. Agit autè de hac re Pontifex §. 7. atque §. 8. quoad laicos, & laicas causas, nouo verò quoad personas, causasque ecclesiasticas. Inde fit, ut hic sextus liber materias septimi, atque octauo paragraphi complectatur. Ac primum ne per Ecclesiæ defensionem illi etiam impune euadant, quos Ecclesia defendere prohibita est, disponit de confugis de Ecclesia extrahendis, & carcerandis, ut reus ponatur in tuto loco, dum de confugij, & immunitatis causa cognoscitur. Deinde de ipsius causæ cognitione disponit. Tertio ne huiusmodi cognitio longius protrahatur, cursûsque principalis causæ, nempe de ipso delicto retardetur, remouet appellationem; demum eos qui reperti fuerint, non habere immunitatem, ministris curiæ secularis tradi, & cõsignati præcipit. Vnde quatuor erunt libri huius partes.

Prima

Prima pars de reis criminum ex Ecclesia extrahendis, & carcerandis.


Secunda de cognitione causæ fugij, siue immunitatis.

Tertia de remotione appellationis.

Quarta & vltima de iis quibus non debetur sæculari curiæ consignandis.

## PARS PRIMA.

*De fugijs criminum reis ex Ecclesia extrahendis & carcerandis.*

 VAMVIS tria hominum genera confugere solent ad Ecclesias, obærat, hoc est, ciuiles debitores, serui, & rei criminum, sicut abundè dictum est à nobis. Primi ne in persona constriuantur, secundi vt pœnas, quas à dominis metuunt, euadant, tertij vt impunitatem, seu grauiorum pœnarum corporalium remissionem consequantur. De duobus prioribus nihil noui constitutum est. Nam primi non obstante ad Ecclesiam confugio citari possunt, & contra eorum bonâ procedi. Secundi accepto à dominis impunitatis sacramento faciliè eis restituuntur. In solis tertijs periculum erat, ne etiam ij, quibus immunitas non suffragatur per occasionē Ecclesiæ impune euadentes liberiùs grassentur. Ideo de his statutum est, quoties prætendant aliquod hæc exceptorum casuum comisisse, ex Ecclesia extrahi, tutò carceri mancipari, debitam si opus sit custodiam adhiberi, donec de causa immunitatis cognoscatur.

*An autē hanc constitutionem, cum dubium erat an reis, qui ad Ecclesiam confugerant, immunitas deberetur, carcerari consueuerint.*

## CAPVT I.

NVLLO expresse iure remediū in hoc dubio erat constitutū. Vnde & multa sæpe, & non leuis perturbatio oriebarur, & inter clericos Ecclesiarum, ac laicos; & ecclesiasticæ, laicæque curiæ ministros dissensio: cum præsertim laici & sæcularis curiæ ministri omnia delicta ad aliquod eorum, quæ de iure, vel consuetudine immunitate carebant, trahere conati, reos quoscunque ad Ecclesias confugientes extrahere conarentur; clerici contrà nullum omnino, qui Ecclesiæ limē attigisset, extrahi paterentur. Sed per vim de manibus ministrorum curiæ abstractum, aut occultarent, aut quæsitā fugiendi occasione bene tutum dimitterent. Perquam rarissimè plerisque in locis contingebat, vt reo vel in Ecclesia, vel in custodia seruato, in re dubia de immunitatis causa cognosceretur, nisi si quando secularis curiæ satellites clericis superiores in eo tumultu extitissent, abreptumque per vim reum de clericorum manibus, extractumque de Ecclesia, ad suos carceres duxissent. tunc si reo in eisdem carceribus constituto, siue Ecclesiæ, vnde abstractus fuerat, restituto, ibique sub custodia detento, de causa immunitatis cognoscebatur. Alibi verò; ubi non tanta erat inter clericos, ac laicæ curiæ mini-

stros contentio, nec tantus in clericis zelus, teos quoslibet liberandi, neque contra in seculari curia tantus tamque indiscretus ardor animi ad quoslibet ad Ecclesiam confugientes puniendos, sed debita in vtrisque vel ex cæli frigida, vel naturali phlegmate, vel etiam ex virtute orta moderatio omnes qui ad Ecclesiam propter aliquod commissum crimen confugiebant, aut in ipsa Ecclesia, seu ecclesiasticis verius spatiis constringebantur, aut, quod frequentius erat, ad carceres ducebantur, vinculis alicubi ferreis etiam vincebantur, quousque de immunitatis causa cognosceretur. In qua cognitione, si reus probasset immunitatem sibi deberi, ad eandem, ex qua extractus fuerat, Ecclesiam tutus remittebatur. Sin contra actor obtinuisset illum immunitate carere, aduersum eum per laicos iudices in causa criminis procedebatur.

1. Alicubi æquiores iudices ad se adductos ex Ecclesiis reos, vel etiam petitos, vbi notitiæ constabat eis immunitatem deberi, nec petebant eos ab Ecclesiarum Clericis, ac Prælati etiam ad eos adducti essent, parte vel sisco nullam apparentem causam in contrarium adducente, eosdem statim ad Ecclesiam remittebant; eos solos, aut instantes petentes, aut extrahentes, & carcerantes, seu intra ecclesiastica spacia, sub custodia retinentes, contra quos aliqua possibilis ratio incontinenti adducebatur, propter quam vel constaret nullam eis immunitatem deberi, vel dubium esset, an verè deberetur, vt dum de hac immunitatis causa cognosceretur, rei sub tuta custodia seruantur. Harum

ego consuetudinum oculatus testis sum; non modò enim variis in locis ita variè seruari vidi, sed in eadem inrerndum ciuitate, dum iudices siue timoratoris conscientie, siue naturæ moderatioris moderatiùs sese in hac parte gererent, qui non raro etiam ad me consilij petendi causa venerunt; alij verò aut liberioris conscientie, aut seruentioris naturæ libetius procederent.

Prætereo hoc loco illam consuetudinem quam ex Io. Igneo superius retuli *lib. 3, cap. 14, n. 7.* fuisse in Normannia totius non modò cleri, Abbatum, Episcoporum, ipsius Rothomagensis Archiepiscopi, verùm etiam populi consensu receptam, expressoque iuramento firmatam, quem ego semper abusum potius, quàm consuetudinem post Rothomagensem senatum vocandum censui, vt quisquis ad Ecclesiam confugeret, per victus subtractionem, cum banni interminatione egredi ex ea cogetetur, vbi egressus esset; ita contra eum agebatur, vt saltem exilio damnaretur; egredientem verò ad exilium, ita illum iurare cogebant, vt si quando propria authoritate rediret, nullo immunitatis privilegio usus esset, extremoque supplicio plecteretur. Atque hæc, vt dixi, de facto seruata reperio.

Quòd si quid iuris de his censendum sit, quæras, licuerit ne ista facere. Respondeo de singulis, & primò, vt ab vltimo exordiar, iam dixi abusum esse, quo satis colligitur illicitum fuisse. Vnde & Rothomagensis senatus, quoties ad eum per appellationem causa aliqua eiusmodi deuoluta est, contra



contra eam consuetudinem iudicauit, id quod semper oblitit, ne illa consuetudo præscriberetur, propter malam fidem sequutam ex contradictione sententiarum ipsius senatus in iudicio contradictorio. Vnum est quod dictæ consuetudini fauere videtur, quod populus vniuersus laicorum, consentiendo consuetudini simul cum vniuerso clero, videbatur simul cum clero renunciaſſe iuri immunitatis, cum præſertim iuramentum intercederet. Immunitas autem omnis illorum fauorem concernebat, tota enim in eo poſita eſt, vt reos non niſi in certis caſibus corporali pœna affici ſinar. Cui fauori videtur quilibet renunciare poſſe, multo magis omnes ſimul, ſeu vniuerſi; ſi enim ipſi in hoc ſentiunt, quod quando pro ſuis delictis ad Eccleſias cõfugiant, poſſint à iudice per victus ſubtractionem cogi ad inde exeundum, & vt egreſſi poſſint hoc modo puniri, neque ipſi renunciando iuri ſuo, ulli faciunt iniuriam, neque iudex ex eorum expreſſo conſenſu contra eos etiam in Eccleſia procedendo per cibi ſubtractionem. Pro huius difficultatis ſolutione, memoria repetendum eſt id, quod à nobis ſuperius conſtitutum eſt *lib. 3. cap. 18. de obiecto*, & ſine immunitatis Eccleſiarum, qui non eſt liberare reos criminum à pœna, nam Dei honor eſt ſinis, Dei cultus eſt obiectum, & in tantum non patitur reos criminum confugientes ad Eccleſiam, rapi ad pœnam, in quantum & dedecet de loco dedicato ad ſacrificia Chriſti agni manuſcriptiſſimi quenquam abſtrahi ad crudelem necem, aut ſanguiniſ effuſionem, & quidam Deo cultus exhibetur dum reus in eius oculis, conſpectuque tutus eſſe permittitur. His autem, quæ in honorem Dei ſunt introducta, non in fauorem partium, etiam ſi quis inde fauor ad partes deriuatur, non poſſunt partes renuntiare, vt expreſſe docet Panormitanus in *c. conqueſtis. de ſer.* poſt gloſſam *n. 9.* & probò per textum in *c. ſi diligenti, de foro competent.* vbi Innoc. III. primum probat leges dicentes pacto priuatorum non poſſe iuri publico derogari, deinde probat clericum non poſſe renunciare priuilegio fori, quia hoc non eſt conſeſſum fauore perſonæ patticularis, ſed fauore totius collegij clericalis, cui priuatorum pactio derogare non poteſt; ergo etiam totus ordo clericalis, & laicalis non poteſt renunciare beneficio conſeſſo in honorem Dei, cui non eſt illi integrum præiudicare. Demum contradixit ſenatus: ergo illi præiudicare non potuit, neque per ſe renuntiare.

Secundò de illis, qui reos omnes indifferenter de Eccleſiis abſtrahentes, eos carcerabant, nulla prorsus facta contra eos indagine, niſi poſt carcerationem; reſpondeo ſiquidem id conſueuerunt facere ex cauſa aliqua rationabili, quia, exempli gratia, periculum eſſet in mora, & niſi ſtatim capri, & carceribus mancipati fuiſſent, per clericos Eccleſiarum occultabantur, dimittebantur, euadebant omnino, neque vlla poterat ampliùs ſerutinatio, vel cauſe cognitio, tuta conſcientia id faciebant, & abſque peccato

peccato. Non enim immunitati detrahere, non reos malè accipere intendebant, sed reum in tuto ponere, ut quandoquidem non poterat incontinenti constare num debetur immunitas, nec ne, reum in tuto ponerent, ut suis iuri locus esset. Sed ad hoc ut sine peccato id facerent duo mihi fuisse necessaria videntur. Alterum est ut non constaret tunc iudici reo deberi immunitatem. Si enim ex ipsa narratione partis, vel ministrorum, ac satellitum curiæ, qui delictum propriis viderant oculis, apparebat non esse de numero casuum exceptorū, peccasset iudex reum extrahi, ac carcerari iubendo, propterea quòd nullam habebat rationabilem causam id faciendi. Alterum est, ut non vexaret reum longiore carcere, quàm res postulabat, sed statim rationabili tempore de causa cognosceret, nullo adhibito dolo, aut fraude, & cum primùm cognouisset illi immunitatem deberi Ecclesiæ, ex qua extractus erat, illum liberum restitueret. Hinc sequitur si iudex sine vlla rationabili causa omnes promiscuè reos de Ecclesiis extractos, carceri mancipasset, reum violatæ immunitatis fuisse, neque vlla ratione excusari posse; supponimus enim nullam rationabilem causam extitisse. Neque verò puto excusasse consuetudinē, quæ corruptela potius dicenda erat, cum nulla rationabili causa nitetur. Nisi fortè ex rationabili quidē causa, consuetudo introducta fuisset, qua tamen causa postea cessante, consuetudo ulterius perseverabat. & hoc singulariter nota. Ut si consuetudo introducta fuisset cum viget clericorū abusus omnes, & singulos fugientes ad eorum Ecclesias abscondendi, ac liberandi, nisi statim

de eorum potestate extraherentur; postea verò cum clerici ex hac consuetudine viderent sibi cum ministris curiæ secularis quotidie cōcertandum esse, destitissent ita fauere reis, consuetudo tamen quoslibet extrahendi perseverasset, non enim necesse est cessante causa, statim cessare consuetudinem, ne consuetudine cessante, eadem postea, quæ cessauerat causa, propter quam rationabilis consuetudo introducta fuerat, abususque reuiuisceret quoslibet defendendi.

Postremò de illis qui neminem 6. extrahi de Ecclesia, & carceribus includi iubebāt, nisi eos, de quibus vel constabat ex ipsa eorum narratione, vel saltem prætendebatur ex aliqua apparenti, quamvis fortè nō vera ratione, immunitatem eis non competere, postea verò intra breue aliquod tempus cognito num deberetur, nec ne immunitas, siquidem debebatur, statim suis, unde extracti fuerant, Ecclesiis restituebant, nihil mihi occurrit, quod reprehensione dignum iudicem, rationabiliter enim id faciebant.

De fisci verò patrono, vel procuratore, aut ministro curiæ secularis, 7. qui cum nullam omnino probabilem causam habeat, propter quam prætere possit, reo ad Ecclesiam cōfugienti immunitatem non deberi, solum ex quodam prætenso iustitiæ zelo, prauoque habitu omnes reos quacunque ratione persequendi, fautor menihil omnino habere, quo eos excusent à peccato violatæ immunitatis, etiamsi nihil obtinuerint apud iudicem, neque reus extractus sit, quoad culpam loquēdo, quamvis non sequuta extractione, nullas incurreret violatæ immunitatis penas.

*Quintana.*

*Quinam confugientes ad Ecclesias, quando & an pro clericis, extrahendi sint & carcerandi iure nouo presentis constitutionis.*

## CAPVT II.

1. **H**Oc nouo iure parti læx primū expresse consultum est contra lædentem, qui ad Ecclesiam post commissum delictum confugit, de extrahendis reis de Ecclesia, & carceri mancipandis, aperte, expresseque percipiens id quod neque in ciuili debitore, neque verò in seruo dominum metuentem, atque ideo ad Ecclesiam confugiente locum habet. Contra quos huiusmodi nouo remedio opus non erat, satis enim antiquo iure erat prouisum, vt seruus domino sacramenta impunitatis præstanti citra ullam moram restitueretur, etsi quid contra eum prætenderet, quod postea non probaret, etiam sine vllō impunitatis iuramento eidem restitueretur, vel illi facultas tribueretur seruū extrahendi, vt salua item ciuilis creditoris persona, quæ ad Ecclesiam confugerat, contra eius bona liberè procederetur. Quare virtute huius constitutionis neuter horum, aut de Ecclesia extrahi, aut carcerari potest, quæ de solis criminum reis disponit. Quare caueant sibi iudices, ne quid noui prætextu præsentis constitutionis contra seruos aut ciuiles debitores attentent, nisi violatæ immunitatis rei esse, & pœnas hac constitutione contra violatores eius decretas incurre-

*P. Gambac. de immunit. Eccl.*

re velint. Caueant Episcopi ne hos extrahendi licentiam præbeant, vel carcerandi.

Quando autem rei extrahendi de Ecclesia sint, & carcerandi, expresse traditum est in hac constitutione §. 8. in illis verbis, *quando à curia seculari fuerint requisiti*, quo fit, vt seculari curia non requirente, nunquam teneantur Episcopi aut Ecclesiarum prælati extrahere reum de Ecclesia, carcerare, vel sub tuta detinere custodia, imò potiùs tenentur eum permittere liberum esse in Ecclesia, vt exire inde, & alium in commodiorem locum se conferre, aut etiam fugere possit pro sua voluntate. Cum enim Pontifex in hac constitutione præcipiens Prælati, vt reos ad Ecclesias confugientes ministris euriæ secularis consignari faciant ad effectum eos extrahendi, & carcerandi, se restringat ad casum quo à curia seculari fuerint requisiti, consequens est post requisitionem incipere obligationē illos tradēdi, ante requisitionem verò manere in suo robore dispositionē antiqui iuris, qua liberi in Ecclesia esse iubentur, ex quo inferto ante huiusmodi requisitionem posse clericos Ecclesiarum mouere reos vt fugiant inde, hortarique & iuuare eosdem ad fugam.

Monco præterea clericos Ecclesiarum, siue seculares, siue regulares, atque æconomos, vt eos, quos cupiunt de manibus secularis euriæ liberare, posteaquam ad suas Ecclesias, monasteria, domosque confugerint, non occultent eos ibidem, sed omnino dimittant, alias accedente Episcopi licentia ad requisitionem euriæ secularis tenentur eos tradere & car-

P P p cerare

cerate. Quod idem moneo ipsos confugas, ut non audeant se committere manibus clericorum ibi occultandos, ne illi ipsi, qui occultarunt, tacti conscientia, eos requirente seculari curia cum Episcopi licentia tradant. Posteaquam ergo visi iam fuere ingredi Ecclesiam, ac monasterium, vel notum est eos illuc confugisse, quamprimum inde discedant, si aliquod horum delictorum commiserunt. Cum præsertim etiam si Episcopus recuset licentiam dare, possint secularis curiæ ministri eos per se capere autoritate Apostolica; cui non licet clericis contrahere.

4. Deinde ministros, ac satellites curiæ secularis moneo, ut si horum criminum reis aditum ad fugam præcludere velint, cum primum reum, quem insequuntur ad Ecclesiam, monasterium, aut quemvis alium immunitatis locum peruenisse viderint, requirant statim clericos, ac prælatum Ecclesiæ illius nomine curiæ secularis, qua facta requisitione non discedant à latere ipsius rei, nec illum ab se diuelli patiantur, & siquid contra clericos tentent, protestentur, & tam requisitionem, quam protestationem facere curent, coram testibus, intereaque mittant aliquem, qui moneat iudicem, capitaneum, vel potestatem, ut mittat ad Episcopum pro obtinenda extrahendi, & carcerandi licentia, ut socios etiam mittat, qui sibi in custodiendo reo opem ferant.

5. Demum iudices, capitaneos, potestates curiæ secularis moneo ut meminerint singulis ministris, ac satellitibus suæ curiæ hoc dare

in mandatis, ut cum primum aduerterint, viderint, audiuerint, reum aliquem horum criminum, vel contra quem de aliquo horum criminum sit rumor, requirant non modò clericos, sed etiam prælatum illius Ecclesiæ, aut loci, vel se reum, ac protestentur coram testibus, ne tunc abscondant, aut clam per fraudem, aut palam per vim dimittant, utque ab ipsius rei pede non discedant, mittantque statim, qui eorum aliquem moneant, ut & illi socios mittere, & licentiam carcerandi petere statim possint.

Hæc autem extractio non iubetur fieri per clericos, neque per ministros curiæ ecclesiasticæ, ut expressum est in hac constitutione §. 7. & 8. Cum enim cognitio de his delictis ad secularem curiam, non ad ecclesiasticam pertineat, neque Episcopus, aut personæ ecclesiasticæ in eis se intromittant, nisi quatenus immunitatem Ecclesiarum concernunt, nihil clericis aut ministris curiæ ecclesiasticæ, eiusdemve curiæ prælatis imponitur, nisi quod ad immunitatem attinet, ut non sine Episcopi licentia capiantur, extrahantur, carcerentur, ut quousque Episcopus cognouerit an verè aliquod horum delictorum commiserint, in carceribus hac constitutione designatis carcerentur, ut hæc cognitio ad Episcopum pertineat, ut cum interuentu personæ ecclesiasticæ extrahantur, cui curiæ sit ne quid iudicis in Ecclesia fiat, ut tandem si immunitas non debeat, per iudicem ecclesiasticum seculari curiæ

riæ rei tradantur, & consignentur, quæ omnia cum ad conseruationem priuilegij immunitatis, & reorum fauorem constituta sint, non decebat neque capturum reorum, neque ex Ecclesia extractionem, neque carcerationem ipsam per ministros curiæ ecclesiasticæ fieri, cum hæc detrahant potius aliquid de immunitate.

7. Quoniam autem prohibitum non est istos capi, extrahi, carcerari per ministros curiæ ecclesiasticæ, ideo si Episcopus vel experimento didicerit ministros curiæ secularis posteaquam reum de Ecclesia extraxerint, non ducere eum ad carcerem hac constitutione designatum, quod est contra ipsius constitutionis dispositionem, vel probabiliter timeat ne illuc conducant, unde postea difficile possit liberari, si declaratum fuerit non commisisse aliquod horum criminum, atque ad immunitatem esse admittendum, potest in rigore Episcopus fauore immunitatis per suæ curiæ ministros facere illum capi, & ad designatos duci carceres. An autem id expediat, difficile est determinare propter aliqua inconuenientia, quæ inde consequi possent. Nam & curia secularis potest prætereundum id ad se autoritate apostolica præsentis constitutionis pertinere, & licentiam sibi negari non posse, quod si negetur licere sibi propria autoritate extrahere, & tumultari, possunt utriusque curiæ ministri, & inter se armis concertare, & homicidia ex

huiusmodi rixa, vulnera, membrorumve mutilationes oriri. Deum si forte ministris curiæ ecclesiasticæ reum extrahentibus, & ad carceres trahentibus contingat reum vel per vim illatam ab eius amicis & propinquis, vel quauis arte ac strategemate ex eorum manibus dilabi ac fugere, tot aduersus Episcopum querimoniarum, & implacabiles lamentationes concitantur, assensuum cum ea arte voluisse reum liberare, ut satius illi foret id nunquam tentasse, adeo est procliuus rude vulgus, & politiorum etiam viroorum multitudo ad credendum quicquid circumfertur contra Ecclesiarum prælatos.

Tandem omnibus consideratis consultius Episcopis fore arbitror, ut per satellites curiæ secularis reos de Ecclesiis extrahi sinant, data illis ad id licentia, & persona ecclesiastica, quæ eorum capturæ & carcerationi interueniat, etiamsi probabiliter timeat ne ad carceres curiæ secularis eos ducant, imò etiamsi id certo sibi persuadeat; habet enim eo casu Episcopus opportunum ex iure remedium, siue ut iubeat reos ad carceres curiæ ecclesiasticæ duci antequam de causa immunitatis cognoscat, id quod iure potest, etiamsi in hac constitutione non sit expressum. Eo enim ipso quod cognitio causæ immunitatis in Episcopum hac constitutione transfertur, simul potest etiam quæ ex natura iudicij sequuntur. Huiusmodi autem est ut reus sub illius potestate sit, ad quæ pertinet de eius causa cognoscere, ne posteaquam

pronūciauerit, reo sub alterius potestate positō nō possit eius sententia exquiritōni mādari, siatque frustratoriu eius iudiciū: ergo dum Episcopus cognoscit an reus verē comiserit aliquod horū delictorum, sub Episcopi iurisdictione collocari in eius carceribus debet, vt si iudicauerit eum nihil horum cōmisisse, possit eundem liberē Ecclesiæ, ex qua extractus fuerat, restituere. Potest ergo Episcopus per censuras & pœnas ecclesiasticas compellere ministros curiæ secularis, vt reum ad carceres curiæ ecclesiasticæ ducant, antequam ipse de causa cognoscat.

9. Quod si ex aliqua causa rationabili veliſ de hoc rigore remittere, ne nouæ quotidie tragœdiæ excitentur (non enim hoc illi præcipitur) potest & de immunitatis causa cognoscere dum reus detinetur in carcere curiæ secularis, & pronūciare iuxta eā quā acquisiuit cognitionem, & siquidem iudicat eum, cū nihil horum deliquerit, esse ad immunitatem admittendū, cogat omnino ministros curiæ secularis, vt reum Ecclesiæ vnde extractus fuerit restituant, sin autem de aliquo eorum criminum, quibus imunitas non suffragatur, conuictum pronunciauerit, mittat iudicem ecclesiasticum qui eundem ex eodem carcere cōsignet ministris curiæ secularis, vult enim Pontifex in fine §. octauī de mandato Episcopi curiæ seculari cōsignari, ac tradi per iudicem ecclesiasticum. Id autem seruari potest etiam si, reus sit in carcere curiæ secularis: ergo faciendum est. Hac enim ratione conseruabit Episcopus suam possessionem non modō cognoscendi de hac causa,

sed etiam tradendi reos potestati seculari. Id autem vt magis iuridicē fiat, debet Episcopus quando reus sine suo consensu ductus fuit ad carceres curiæ secularis iubere carcerario, vt scribat notam carcerationis illius, nomine ipsius Episcopi, vt hac ratione conseruet suam iurisdictionem supra reū in illo carcere existentem; potest enim vti illo carcere ad carcerandum in eo subiectos sibi, quā nota facit illum carcerem quodammodo suum, & ecclesiasticæ curiæ, vt possit postea iuridicē iubere illum reum tradi ac cōsignari curiæ seculari per iudicem ecclesiasticum.

Aduertendum est autem hoc loco, si in Ecclesia aliōve immunitatis loco ad quam reus confugit, nullus appareat clericus, & econominus, aut prælatus illius Ecclesiæ, quem satellites reum fugientem insequutus & assequutus possit requirere, & satellites putet reum commississe aliquod horum delictorum, videri mihi rita conscientia posse huiusmodi satellitem eundem reum, in ipsa Ecclesia capere, armis spoliare, ne sibi vim inferat, ibique tenere captum ne fugiat, donec vel aliquis illius Ecclesiæ clericus, seu Prælatus adueniat, quem requirat, vel curiam secularem moneat vt ad Episcopum pro extrahendi licentia accurrat, vel si alter eum custodire nequeat, ipse captum ad Episcopum ducat, eūque requirat vt iubeat custodire donec ipso de causa cognoscat, vel alios laicos iubeat sibi subuenire, & custodiendo reo opem ferre. Neque puto vllō modo teneri satellitem eum liberum dimittere, & commoditatem,

ditatem fugiendi præbere illi, de quo dubitat num immunitas illi debeatur. Cum enim constet Pontificis eam esse mentem ut iste seruetur in custodia donec Episcopus de causa cognoscat, satisfieri videtur eius menti, si quando non possunt seruari omnes circumstantiæ, iuxta necessitatem loci ac temporis procedatur; quod si Episcopo requiritur & recusante dare licentiâ possunt satellites curiæ secularis propria authoritate huiusmodi reum extrahere de Ecclesia, non est cur negemus idem posse, quando satellites vnus solus est, nec potest reum deserere, nec habet quem requirat, nullo enim modo permittendus est reus contra iura immunitatis fugere, quando illi immunitas non debetur, vel dubium est an debeatur.

*De duplici extractione reorum de Ecclesia, & carceratione, vna ad ponendum eum in tuto donec de causa immunitatis cognoscatur; altera ad procedendum contra eum ad penam, an vtraque modo locum habeat.*

## CAPVT IIL

**D**VPLEX reorum de Ecclesia extractio ac carceratio ab antiquissimis temporibus fuit in vsu. Vna cum dubium erat an ei immunitas deberetur, qua de Ecclesia extracti breui aliquo tempore in carcere detinebantur, quousque de causa immunitatis cognosceretur, de qua necessariò cognoscendum e-

rat quotiescunque dubium erat nū delictum à reo commissum careret immunitate, vel reus aliquid ad sui excusationem delicti rationabile allegabat, quod causam dubiam facere poterat eius immunitatis, quò stante dubio in causa criminis procedi non debebat, donec constaret essetne ad immunitatem admittendus, ne posteaquam iudex & fiscus in cognitione criminis diu laborasset, cognito quòd illi immunitas deberetur, cogeretur reum Ecclesiæ vnde extractus fuerat restituere, olcúmque & operam in cognitione criminis adhibitum perderet; cui-cúmque enim debebatur immunitas, seruanda erat.

Altera extractio de Ecclesia & carceratio erat ad cognoscendum de crimine; ut est in aliquo horum criminum notorio, siue notorietate facti, siue notorietate intris, si reus ad Ecclesiam confugiat, in his chim propter notorietatem delicti, qua notorium est reum, qui ad Ecclesiam confugit, commississe aliquod delictum, cui immunitas denegatur, sine vlla cognitione de causa immunitatis procedendum est contra reum, in causa principali delicti, quèmadmodum de notorietate facti tenet Io. de Vuischis *in tract. de immun. Eccles. n. 22.* in publico latro-  
ne: ut ex quo quis est publicus latro notorietate facti, non opus sit vlla notorietate iuris, quæ oriatur ex sententia declaratoria, qua publicus latro esse declaratur, ut ab immunitatis priuilegio excludatur. De notorietate iuris idem videtur dicendum, ut perstemus in exemplo, si quis in iudicio vel conuictus est esse publicus latro, vel etiam confessus, aut etiâ condemnatus, & postea ante exequutionem sententiæ,

vel ante condemnationem fugiat è carcere, & ad Ecclesiam confugiat, non opus est vlla cognitione super causa immunitatis, sed statim atque Episcopo ostensa fuerit rei ipsius confessio, aut quòd sit in iudicio conuictus, vel per sententiam condemnatus de publico latrocinio, restituendus est curiæ seculari. Intellige de notorietate facti, quæ veta notorietas sit, in quam nulla cadere possit inficiatio, aut tergiuersatio, & in qua neque accusator, neque testis requiratur, de qua in sequentibus dicemus.

3. In præsentis constitutione prioris tantum extractionis & carcerationis sit expressa mentio; de posteriore verò nullum prorsus verbum factum est: iubet enim reos in huiusmodi casibus, posteaquam ab Ecclesiis locisve sacris extracti, & capti fuerint, ad carceres curiæ ecclesiasticæ reponi, & inibi sub tuto ac firmo carcere detineri, nec inde extrahi, curiæque seculari consignari, nisi cognito prius per Episcopum, seu ab eo deputatum an ipse verè crimina superius expressa commiserit. Oritur difficultas an ex vi præsentis constitutionis semper necesse sit ita extrahi facere ad carcerandum in prædictis carceribus, & cognoscendum de causa immunitatis, ita vt abrogata censenda sit posterior extractio, ad cognoscendum de ipso delicto, nulla præcedente cognitione de causa immunitatis.

4. Respondeo ramen nihil omnino circa hoc innouatum esse in hac constitutione, si vim eius

attendamus. Nam nihil per priorem illam extractionem, de qua præcipit, intendit, nisi, vt reus qui aliquod horum criminum commisisse prætenditur, nullo modo seculari curiæ tradatur, nisi prius Episcopus cognoucrit ipsum verè aliquod horum criminum commisisse, quod eò spectat ne confuga à seculari curia damnetur ad pœnam eo casu, quo illi immunitas debeat. Neque verò idcirco necesse est Episcopo distinctam de hac re instituere cognitionem, nisi quando dubia res est. Quando ergo Episcopus ex ipsa notorietate facti cognoscit reum verè commisisse huiusmodi delicta, aut etiam ex notorietate iuris, vt diximus, ea notorietate, in quam nulla cadere potest tergiuersatio, quæ sola vera notorietas facti est, non est cur vllam instituat de causa immunitatis cognitionem, sed ex cognitione illa maxima, quam habet, iubet extrahi de Ecclesia reum, tradique & consignari curiæ seculari: consequenter non debet reus duci ad carceres curiæ ecclesiasticæ, quia cognitionem quam alius solet requirere dum reus in carcere curiæ ecclesiasticæ custoditur, sufficienter abundèque acquisiuit antè ex ipsa notorietate. Seruatur etiam integrè dispositio præsentis constitutionis, quandoquidem non traditur reus curiæ seculari, nisi cognito prius per Episcopum ipsum verè crimina superius expressa commisisse. neque solùm cognoscit hoc Episcopus, sed longè plenius cognoscit ex notorietate delicti, quàm



quàm ex testibus cognoscere potuisset.

*An quilibet rei criminū cōfugientes ad Ecclesiam requirente curia seculari extrahendi sint, & ad carcerem hac constitutione designatum ducendi.*

## CAPVT IV.

1. **M**A G N I refert præsens disputatio, propterea quòd si quilibet cuiuscunque criminis reus ad Ecclesiam confugiens requirente curia seculari extrahendus est, consequens est Episcopo recusante licentiam dare, ac persona ecclesiastica nolente eius capturæ & carcerationi interuenire, licitum semper esse ministris, ac satellitibus curiæ secularis per se extrahere, & carceri curiæ ecclesiasticæ mancipare. Quos enim extrahi præfenti constitutione statutum est ad eos extrahēdos licentiā Episcopus dare tenetur, eorundemque extractioni, & carcerationi persona ecclesiastica deputata, ad id interuenire; quòd si cūm teneantur, id facere recusent, potestas hæc eadem constitutione §. 8. data est curiæ seculari per se illos extrahendi & carcerandi, & per occasionem hanc omnes rei criminum carcerabuntur.

2. Respondeo non modò non esse omnes indifferenter & absque dilectu extrahendos, etiamsi secularis curia eos instanter requirat, sed nulum omnino extrahi licere, nisi aliquid horum criminum, quibus immunitas non competit, com-

miserit, & quoniam num verè id commiserit, nec ne, cognosci non ante, sed post carcerationem debet, antequam seculari curiæ autoritate Episcopi tradatur, per iudicem ecclesiasticum, ideo addo ad dādā licentiæ carcerandi requiri necessariò vt saltem ex narratione facti, vel partis læsæ, casus ita depingatur, vt saltem apparentiam quamdam habeat alicuius horum delictorum, publici latrocinij, grafsatoris viarum, homicidij proditorij, assassini, &c. Probo id euidenter ex verbis ipsius constitutionis §. 7. & 8. non semel repetitis. Nam §. 7. præcipit Episcopis & aliis Ecclesiarum prælatis, vt confugientes ad eorum Ecclesias non quoslibet reos, sed in specie, qui prædicta delicta eorumve aliquod iudicio suo commississe videbuntur, quando à curia seculari fuerint requisiti, tradi & consignari faciant ministris curiæ secularis. & §. 8. prope initium de curiæ secularis ministris sic ait, *decernimus, & declaramus vt curia secularis eiusque iudices & officiales ex Ecclesiis, &c. laicum aliquem, vt præfertur, delinquentem in nullo ex casibus supradictis sine expressa licentia Episcopi capere, extrahere, aut carcerare non possint; vbi nota verba illa, in nullo ex casibus supradictis. Quibus enim in casibus Episcopis ac prælatis præcipit vt eos tradant, in iisdem casibus, & non vltra, præcipit curiæ seculari vt non sine Episcopi licentia extrahant eosdem.*

Quoniā contingere posset vt Episcopus detrectaret dare licentiā, concedens Pontifex secularis curiæ ministris, vt eo casu per se possint reos extrahere, iterum se restringit ad

ad eos reos qui prædicta delicta commiserint, dicens, *per se capere & carcerare non possint*, nisi eo casu quo Episcopus & dictæ personæ ecclesiasticæ requisitæ illos (nempe reos) in delictis superius expressis culpabiles tradere, aut captivæ & carcerationi interesse & assistere recusarent: aut quomodo ad priorem capturam & extractionem de Ecclesiis ad carcerandum semper requirit, ut in aliquo hic expressorum delictorum sit culpabilis, intellige saltem apparenter, ac probabiliter. Et hoc dili-

3. genter nota. Ut neque Episcopis & aliis quibuscunque prælatis liceat dare licentiam, non modò extrahendi, & carcerandi, sed ne capiendi quidem alium quemcunque reum, contra quem de nullo horum delictorum sit sparsus rumor, quantumcunque secularis curia eos requirar, neque ministris curiæ secularis liceat Episcopo recusante dare licentiã eosdem capere, extrahere, vel carcerare, quod si faciant, rei sunt omnes læsæ ecclesiasticæ immunitatis. Quibus enim casibus non est iure concessa captura, extractio, carceratio, manent antiqua iura immunitatis integra.

4. Hinc sequitur in duobus casibus non esse reum extrahendum ut carceretur, vnus est cùm aliquod horum delictorum notoriè commisit notorietate iuris, vel facti, in quod nulla possit tergiversatio cadere, tunc enim, ut præcedenti capite tactum est, & infra fusiùs probabitur, extrahendus est ut tradatur statim curiæ seculari. Alter est cùm delictum, quod à reo commissum prætenditur, vel ad nullum horum expressorum pertinet, vel si prætendatur pertinere, nullam omnino habet eorum apparentiam, sed ex ipsa partis, vel

fisci narratione apparet esse meram calumniam.

Qua in re Episcopus præsertim s. moneo, ad quos solos pertinet dare licentiam carcerandi, ut cauti sint in danda licentia, quando à seculari curia requiruntur. Hodie enim omnia penè delicta alicuius horum facie colorantur, à fisco præsertim in hac ciuitate. Omnia enim homicidia, assassinia esse prætenduntur, vel ut minimum apostata furta publici latrocinij nomine velantur. Interroget ergo diligenter Episcopus de qualitate delicti antequam capiendi, & carcerandi licentiã tribuat, & nisi ex partis, fisci narratione appareat, aliquo modo delictum ex numero hic expressorum esse, capiendi licentiã non concedat, & ne cùm attingant, inhibeat.

Quæras quid de aliis casibus dicendum sit, quibus cùm de iure, vel 6. consuetudine ablata sit immunitas, nihilominus in hac constitutione non sunt expressi? Poterint Episcopus dare licentiã extrahendi de Ecclesia eos, qui in illis culpabiles reperi fuerint? cuiusmodi casus complures superius numerauimus tota prima parte libri quinti per plura capita. Cùm enim etiã illi immunitate careant, videntur eodem iure censendi.

Respondeo per aliqua dicta; & primò dico disparem esse horum rationem, si in rigore velimus rem ponderare. Nam casus hac constitutione expressi, siue qui antè erant antiquo iure clarè expressi, siue qui erant aliquo modo dubij, modò autem cùm clarè expressi sint, sine vllò dubio carent omnino immunitate, & ita certò & apertè ea carent, ut nulla sit iam ratio dubitan-

di;

di; casus verò qui hac constitutione expressi non sunt, non ita certò & euidenter, neque ita vbique carent immunitate, vt non sit hodie de eis aliqua dubitatio, & sententiarum variæ inter doctores. Quos cum hoc loco Pontifex non expresserit, in antiqua eos dispositione reliquit, nihil omnino illis aut addens, aut detrahens autoritatis. Hinc sequitur licere nobis de his aliter sentire, quàm de expressis in hac constitutione.

Secundò dico probabile mihi videri eadem esse horum atque aliorum in hac constitutione expressorum quantum attinet ad capturam reorum, extractionem de Ecclesia locòque sacro, & carcerationem, vt vbi cumque in his casibus negatur reo immunitas Ecclesiæ, ibi possit de licentia Episcopi capi, extrahi, carcerari, donec cognoscatur de causa eius immunitatis. Id non habetur quidem expressum in hac constitutione, quæ semper se restringit ad casus in eadem expressos. Sed consequitur ex natura rei, & paritate rationis; si enim carent immunitate, & rei traduntur seculari curiæ puniendi; ergo carcerandi sunt, donec de eorum qualitate & quòd immunitate careant cognoscatur. Non expressit autem de eis Pontifex, sed solum de illis octo casibus §. 6. enumeratis, propter eandem causam, propter quâ ipsos casus eodem §. 6. subtrixit, ne illis nouam vllam autoritatem impartiret.

Tertio dico mihi probabilius videri in his casibus non licere, vel saltem non teneri eum dare licentiâ reos capiendi, extrahendi de Ecclesia, carcerandi, sed debere de causa immunitatis eorum cognosci, ipsis in

*P. Gambac. de immunit. Eccl.*

Ecclesia relictis. fauet multum huic sententiæ textus præsentis constitutionis in tribus illis locis n. 2. re-latis, vbi sepe se restringit ad casus hac constitutione expressos, & quia cum hi casus non adeò clarè careant immunitate, mitius in illis procedi potest, saltem quoad ea, quæ contra eorum reos expressa non sunt.

Quartò & vltimò dico, quandoquidem contrarium probabile est, vt ex secundo dicto apparet, neque Episcopum esse reum violatæ immunitatis, si det licentiâ istos extrahendi, neque secularis curiæ ministris, si de eiusdem licentia extrahant. Imò etiam si Episcopo recusante licentiâ dare eosdem per se extrahant, possunt enim adhærere probabili sententiæ, etiam si Episcopus contrariam sententiam teneret. Demum addo, si Episcopus ex rationabili causa hanc licentiâ daret istos extrahendi, laudabiliter faceret. Exempli gratia, ad conseruandam pacem cum seculari curia, declinandas rixas, tumultus, tragœdias, quæ frequenter pro huiusmodi causis excitari solent; licitum est enim sequi sententiam minus probabilè condescendendo parti ad declinandam suspicionem fraudis quam de Episcopo præsumerent si licentiâ negaret, & ad conseruandum bonum pacis, & vitanda grauia damna & incommoda, vt diximus.

*Ad quæ pertineat extrahere de Ecclesia reos, cum vel constat notoriè non deberi immunitatē, vel est dubium an eis cōpetat tam antiquo, quàm nouo iure præsentis constitutionis.*

QQq

CAPVT

## CAPVT V.

1. **P**ANORMITANVS *in c. inter alia, de immun. Eccles. n. 19.* extrahere reos de Ecclesiis in casibus, in quibus certum est non gaudere immunitate, pertinere ad iudicem secularem probat; quia ad quem iudicem pertinet punire, ad eundem pertinet capere & carcerare. Sed ad iudicem secularem pertinet in his casibus punire; ergo & capere, & carcerare. Hæc est in forma vis eius argumenti, quamuis ipse non ita integrè illud former. Er ne cui liceat dubitare hanc eius esse mentem, aduertendum est ibidem à Panormitano reprobari sententiam dicentem, si delictum in Ecclesia commissum sit, extrahendum ac puniendum per Episcopum; si extrà, per iudicem secularem. Contendit enim Panormitanus ubicunque commissum sit à laico, semper ipsum delictum directè puniendum esse per iudicem laicum; per iudicem verò ecclesiasticum indirectè ratione circumstantiæ sacrilegij. Ecclesia enim, inquit, non habet territorium, nisi respectu pertinentium ad forū ecclesiasticū. ex quo apparet secundum Panormitanum, etiam de ipsis homicidiis ac mutilationibus membrorum in Ecclesia commissis pertinere ad iudicem laicum punire, consequenter capere, extrahere de Ecclesia & carcerare. idē repetit Panormitanus *in c. fin. eod. tit.* eodem nixus fundamento quod extrahere & punire ad eandem potestatem pertinent. Eandem sententiā tenet Barz. *in l. si cui. ff. de accusationibus.* eandem punitionem ad laicum pertinere, & Ferax *in pract. in forma in-*

*quisitionis.* idem sentit, & Ioan. I. gneus *in l. 1. ff. ad Syllaniam.* Guliel. de Benedict. *in repetitione c. Rainutus, de testamen. in v. & vxor. n. 444.* ubi testatur de consuetudine dicens vidisse se pluries per ministros curiæ secularis extrahi huiusmodi de Ecclesiis sine vlla declaratione iudicis ecclesiastici. & gl. *in pragmatica sanctione tit. de interd. differ. non ponen. c. fin.* in initio. Aufrer. *in repetitione clement. 1. de officio ordin. regula 14. fallent. 18.* & Signorolus de Homodaxis *in repetitione l. nemo. Cod. de sacrosanctis Eccles. n. 13. vers. quinto nunquid.* Quā sententiā Remig. *in tract. de immun. Eccles. q. 1. in fin.* testatur esse communem.

Contrariam omnino sententiā 2. extrahendum esse per ecclesiasticā personam, tenent non pauci grauesque authores. Sed hi sunt diuissi. Archidiacon. cuius *in can. definitiuit 17. q. 4. in v. non abstraxit,* putat, tam cum, cui impunitatis sacramentum præstitum est per curiam secularem, quam publicum latronem, cui de iure immunitas non debetur, extrahendum esse de Ecclesia per sacerdotem. Neque verò ideo dicitur sacerdos latronem prædictum morti tradere, sed lex can. *cum homo iuste 23. q. 5.* & licet Achid. videatur ibi loqui ex aliorum sententia, cum tamen eam nō refellat, suam facit: Ioannes verò de Vuischis *in tract. de immun. Eccles. n. 17.* putat extrahendum esse per Episcopum, quam sententiam tribuunt etiam Cardinali tum *in clem. 1. de officio ordin. tum in clem. 1. de pœnitent. & remission.* sed Remig. *in tractatu de immun. Eccles. q. 1.* id neutro loco apud Cardinalem reperiri asserit. Hæc sententia quoad priorem partem de sacerdote & extrahitione

tractione reorum, quibus immunitas non competit, caret omni probabilitate. Non enim habet simplex sacerdos ullam exterioris fori iurisdictionē ac potestatem, cuius ratione id illi competere possit, licet quoad eum cui impetravit à iudice vitam, & membra, si est œconomus illius Ecclesiæ, valde probabilis censeatur.

3. Tertia est sententia Angel. Aret. in tract. de malefic. in v. fama publica q. 4. vers. in scalis S. Petronij. & vers. quarto querō, post Salicetū in auth. si quis. Cod. de adulter. extrahendū esse quidem per iudicem secularē, sed requisito prius Episcopo ut eū sibi tradi faciat, atque etiā annuete.

4. Quarta sententia Io. Fabri Institution. de his, qui sunt sui vel alieni iur. §. final. vers. sed quero, & in d. auth. si quis, Cod. de adulter. & ibi Salicet. vel de affinis, vel similis præcedenti, pertinere ad utrumque simul iudicem ecclesiasticum, & secularem; addunt id fortē non procedere de iure canonico, quia fortē rector Ecclesiæ fieret irregularis. Vnde addunt idcirco dici posse extrahendum esse per iudicem secularem. Sed hic irregularitatis timor per præsentis constitutionis §. septimum omnino sublatus est.

5. Quinta sententia Cyn. in l. præsentis. Cod. de his qui ad Eccles. confug. col. 2. vers. secundū quero. & in auth. si quis. Cod. de adulter. & ibi Alberici & Angeli de Perusio, & Iacobi de Bellouisi in sua præl. tit. de fuga reorum, & immunit. Ecol. fol. 44. col. 1. & 3. Mariani Sodu. in tract. de violat. templor. art. 17. q. 5. vers. & an iudex secularis, & in c. postulanti. de foro compet. col. 8. q. 16. Signor. de Homodæis in repetit. l. nemo. Cod. de sacrosanct. Eccles. vers. quinto

inquit. Hæc sententia distinguit inter eos qui delinquant in Ecclesia, & eos, qui cū extrā delinquerint, postea ad Ecclesiam confugiunt, ut priores illi extrahi nequeant per iudicē secularem, sed solum per ecclesiasticum, posteriores verò per laicum. Fundamentū prioris partis est, quod, qui deliquit in ipsa Ecclesia, deliquit in territorio iudicis ecclesiastici. Posterioris verò partis, quod qui deliquit extra Ecclesiā laicus, deliquit in territorio iudicis laici. Vnusquisque autem & puniri, & consequenter capi, extrahi & carcerari debet per iudicem territorij, neque ex eo quod teus ad Ecclesiā confugit euadit sui laici iudicis iurisdictionē, quemadmodum Signorolus ibi obseruat. Delinquendo enim extra Ecclesiam, afficitur persona laici delinquentis quadam delicti macula in territorio iudicis secularis; quare sic affecta ad Ecclesiā confugiens manet semper sic affecta, & consequenter seculari subiecta iudici, ut per eū puniatur, consequenter ut capiatur, extrahatur, carceretur per eundem.

Ultima sententia est Io. Andræ 6. in c. inter alia, de immunit. Eccles. in v. potest. vbi text. de publico latrone, & nocturno agrorū depopulatore ad Ecclesiā confugiente dicit, ab Ecclesia extrahi potest: ibi Io. Andr. ait, potest à quolibet. Idē sentit Guido Papæ in questionibus Delphinat. q. 122. & Guliel. Mamer. in regula, v. est singulis. ff. de regul. iur. & Per. Vic. in suo alphabeto, v. Immunitas. §. 5. vers. quod etiam siue declarat; qui omnes addunt per quemlibet etiam priuatū extrahi posse, & extractorem non violare immunitatem.

7. Pro solutione aduertendum est primò, certum atque indubitatum esse ad eandem potestatem, ad quā pertinet aliquem punire, pertinere etiam illa omnia, quæ sunt necessaria ad puniendum, & sine quibus punire non potest, cuiusmodi sunt capere ipsum reum qui puniendus est, illum extrahere de loco ad quē confugerit, carcerare; aliàs frustra esset in eo puniendi potestas, nisi posset. Alius enim ad quem pertineret capere, extrahere, aut carcerare, potest nolle eum capere, non extrahere, nec carcerare, & non caprum impossibile esset debitis punire suppliciis, ac poenis. De iure ergo & potestate capiendi loquēdo necesse est esse penes eundem omnino, penes quem potestas est puniendi.

8. Aduertendum secundò certum esse etiam Ecclesiam ratione confugij, quod rei ad ipsam faciunt, non acquirere ius vllum ad illos puniendos. Neque enim immunitatis priuilegium ad puniendum, sed ad liberandum confugas institutum est, propter reuerentiam diuinorum. Quos autem vsu, praxi atque experientia didicit, non decere ratione huius confugij liberare, propter nimiam delictorū acerbiteriam, & reipublicæ, ac cōmunis boni perturbationem circa eos, si laici essent, nihil immutauit, sed solum immunitatis priuilegio carere voluit. Quo fit vt eadem potestati maneant subiecti, & per eandem capi & puniri possint, cui absque hoc confugio subiecti, & per quam puniendi erant. Vt sicut si nullum fuisset vnquam cōcessum confugij priuilegium, potuissent semper capi extrahique rei de Ecclesiis per suum iudicem,

ita post institutū huius immunitatis priuilegium, quicumque propter delicti grauitatem ex eodem priuilegio excluduntur, possunt per suum iudicem capi extrahique de Ecclesia, tantundem est enim in ordine ad hos, quantum si immunitatis priuilegiū nullū esset, sicut verè in ordine ad eos nullum est. Hinc est quòd torrens doctorum, vt ex relatis sententiis apparet, in hoc pænè omnis concordat, paucissimis exceptis, ad secularem iudicem pertinere capere extrahereque de Ecclesia reos, qui immunitatem non habent, in quo omnium sententiarū doctores, excepta secunda sententia, conueniunt.

Aduertendum tertio, quoniam 9. Ecclesia sancta domus est orationis, non negociationis, & in ea prohibitū est exerceri iudicia, propter sacri loci reuerentiam, cū vel omnino non possit, vel difficile admodum possit iudex laicus, & secularis curiæ satellites aggredi reos in Ecclesiis sine magno strepitu, tumultu, scandalo, rixis, clamoribus, quæ valde minuunt reuerentiā sacris locis debitam, eosque qui in Ecclesiis tunc ferè orant, celebrant, Missam audiunt, perturbant, piè sancteque introducta est pænè vbique consuetudo laudabilis, vt seculares iudices & magistratus ab Episcopis licentiā peterent extrahendi reos huiusmodi de Ecclesiis, quibus immunitas non suffragatur, vt cū Episcopus pro ea licentiā aditur, prouideat pro sua prudentia, suamque auctoritatem interponat, vt quantum fieri potest ruiores, clamores, tumultus, & scandala in huiusmodi reorum captura euitentur. Pertinet enim ad eum prouidere

dere de hora, vt non tempore Miſſarum, vel diuinorum capiantur, prohibere clericis Eccleſiarum ne reū defendant, aut ne illi id faciant, eos ad ſe vocare, mittere iudicem, vel perſonam eccleſiaſticam maturam & grauem, quæ omnes in officio contineat, & alia ſimilia adhibere remedia, ad indecentes rumores & tumultus impediendos in Eccleſia. Demum quoniam Episcopuſ ipſo immunitatis priuilegio patronuſ quodammodo ac protector inſtitutus eſt eorum, qui ad Eccleſias confugiunt, ad eūque pertinet ne quiſ ex Eccleſiis indebitè extrahatur, cui immunitas debeatur, prouidere, dam pro extrahendi licentia aditur, de cauſa aliquo modo cognoscit, & licentiam aut negare, aut concedere poteſt pro delicti qualitate.

10. Primò ergo dico, ſi de extrahendi iure ac poteſtate loquamur, certum eſſe debet id ſemper penes iudicem ſecularem fuiſſe quoad laicas perſonas, cauſasque laicas poteſtatem extrahendi de Eccleſia reos, quibus conſtabat immunitatem nõ deberi, idque etiam de iure canonico, neque vnquam ad prælatos Eccleſiæ hoc ius pertinuiſſe. Probo primò ratione, delictum eſt merè laicum, & cauſa laica, perſona laica, & confugium ad Eccleſiam nihil illi confert, tantundem enim illi eſt, ac ſi immunitas non eſſet: ergo ad laicum iudicem omnino pertinet, & Eccleſia nullo canone hanc cognitionem ad ſe auocauit.
11. Secundo probo euidenter ex ſacris canonibus, & primò ex *c. inter alia, de immun. Eccleſ.* vbi cum prohibuiſſet Pontifex ne quiſ reum confugientem ad Eccleſiam quantumcunque grauia maleficia perpetraverit,

extrahat, damnetur ad mortem, excipit poſtea publicum latronem, & agrorum depopulatorem, qui, inquit, ab Eccleſia extrahi poteſt. Quæro cuiusnam facta ſit illa prohibitio extrahendi? & damnandi ad mortem? certè proprio iudici, ad quem aliàs de iure pertinebat punire & damnare eundem reū qui quo ad reos laicos ſine dubio erat iudex laicus, præſertim verò quoad poenam mortis, quæ nunquā per eccleſiaſticum iudicem inferitur: ergo illa exceptio niſi publicus latro fuerit qui de Eccleſia extrahi poteſt, ad eundem iudicem pertinet vt laicus laicum pro cauſa laica ad Eccleſiam confugientem in illo caſu poſſit extrahere, qui in aliis caſibus extrahere prohibitus fuerat: neque alia ratione ſaluari textus iſtiuſ diſpoſitio poteſt. Secundo adduco textum *in c. ſin. de immun. Eccleſ.* qui cum propriè diſponat de homicidiis ac membrorum mutilationibus in Eccleſia commiſſis, & prælatos alloquatur eccleſiaſticos, nihil aliud eis præcipit, niſi vt publicè nuntient tales non gaudere priuilegio immunitatis: nihil ergo circa huiuſmodi reos innouat (contra Cynum) ſed eos relinquit eidem poteſtati ſubiectos, cui antea ſubiecti erant. Neque valet ſi dicas ratione ſacrilegij poſſe puniri per iudicem eccleſiaſticum. Quamuis enim ſacrilegiū delictum ſit eccleſiaſticum quod Episcopuſ punit: tamen quando ſacrilegium eſt coniunctum cum delicto enormi, quod meretur poenam capitis, vel mutilationis membri, videtur cauſa grauior, & grauior poena ſecum trahere leniorem, neque conſuevit Eccleſia eos alia afficere poena, quia ad mortem damnandi ſunt, vel ad membri mutilationem

tionem. Demum quamuis in aliis delictis habentibus adnexam rationem sacrilegij, quibus poena leuior in seculari debetur foro, possit ratione sacrilegij aliquam imponere poenam, & de facto id aliquando faciat, non liberat tamen ideo reum à poena, neque à potestate iudicis secularis, quominus ille possit de causa cognoscere, ac reum punire. Tertio adduco textum *in can. sicut antiquitus* 17. q. 4. ubi hæc verba habentur: *Qui aut confinia Ecclesiarum infringere tentauerit, aut personam hominis inde abstraxerit, nisi publicus latro fuerit.* Quibus apertissimis verbis eadem omnino permittit extrahere publicum latronem, cui prohibet aliam personam extrahere, nempe seculari potestati quoad laicos.

12. Tertio principaliter probō, quia quoniam canones voluerunt reos extrahi per Episcopos & Ecclesiarum prælatos, & clericos, id expresserunt: ut patet *in can. reum, can. id constituimus, & can. definitur* 17. q. 4. ubi de his criminum reis, quibus ecclesiastica immunitas competit, statutum est, acceptis à iudice seculari impunitatis sacramentis, per eosdem clericos Ecclesiarum, quibus ea sacramenta præstita sunt, tradi & donari iudici seculari, qui id iuravit; & *in can. definitur*, punitur sacerdos, qui accepto impunitatis sacramento non abstraxerit reum, ac consignarit iudici, qui ei impunitatem iuravit, si fortè reus post ea sacramenta aufugerit de Ecclesia. Et ratio diuersitatis est, quoniam illi omnes rei, quos Ecclesia tuetur, & quibus immunitas competit, suscepti sunt subtutela ac patrocinio Ecclesiæ, & clericorum illius Ecclesiæ, ut sicut

illis iniunctum est, ut pro impetranda illius pace vita membrisque laborent, ita posteaquam hæc ipsi impetraverint, ipsi eos consignent iudici, à quo hæc sub sacramento impetrarunt. Imò, si subtilius & verius loqui velimus, neque hos quidem hoc casu auctoritatiue, ac iuridicè extrahere ad clericos pertinet, sed ad iudices laicos. Sed quoniam clerici Ecclesiarum istos abscondunt, tuentur, fouent antequam vitam & membra eius impetrent, ideo illis præcipitur, ut post impetrata impunitatis sacramenta eos donent, nec eos amplius occultent ac tueantur. Neque enim tenentur ipsi eos capere, & suis manibus donare iudici seculari, sed donare dicuntur, si eos non modò non occultent, sed liberè permittant curiæ seculari ut eos capiat extrahatque.

Quarto demum probō ex hac ipsa constitutione §. 8. ubi Pontifex licet prohibeat ministris curiæ secularis ne quem extrahant nisi de licentia Episcopi, & cum interuentu personæ ecclesiasticæ, etiam in casibus hac eadem constitutione expressè exceptis à privilegio immunitatis, non tamen ab Episcopo extrahi iubet, nec per ministros curiæ ecclesiasticæ, sed secularis. Hanc autem Episcopi licentiam & personæ ecclesiasticæ interuentum non ideo requirere quod ab Episcopi ius pertineat eos capere, atque extrahere, sed ideo ut scandala ac tumultus euitentur, inde appareret quod subditur, *quod si Episcopus eos capiendi licentiam dare, & persona ecclesiastica eorum capitura & incarcerationi interesse recusarint, ita possint eos capere atque extrahere, ut memo-*



## CAPVT VI.

*res reuerentia sacris locis debita minori quo id fieri poterit casu, scandalo, & tumultu eos extrahere curis. extractione ergo carenus per laicos fieri vult, quatenus ad ipsos pertinet de illis iudicare, earenus verò de Episcopi licetia, vt scandala & tumultus euitentur, eatenus demum ad carceres ecclesiasticos duci, nec inde extrahi, nisi cognito prius per Episcopum an ipsi verè crimina superius expressa commiserint, quatenus per confugium ad Ecclesiam sub ipsius Ecclesie protectione, constituti sunt, vt Ecclesia ipsa videar ne per iniuriam à seculari magistratu in illis casibus immunitate priuentur, in quibus eis per Ecclesiam immunitas ablata non est. Vnde & quoties Episcopus iudicari eos aliquè horum casuum commisisse, mandare debet, vt eos curiæ seculari tradat, consignetque per eam liberè pro delicti qualitate puniendos. Concludo tam antiquo quàm nouo iure præsentis constitutionis capere reos, quibus immunitas non debetur pertinuisse, ac pertinere directè ad ius & potestatem secularem, sicut & punire. Id autem quod antea ex consuetudine plerisque saltem in locis vt Episcopi licentia pereretur, nunc expresso iure caurum esse propter reuerentiam Ecclesie & reorum caurelam, arque ita expressè præceptum, vt si ille recusar, possint ipsi extrahere eodem, vt dictum est.*

*Quo carcere carcerandi sunt rei, qui de Ecclesia extrahuntur dñi de causa eorum immunitatis cognoscitur.*

**E**XPRESSVS TEXTVS §. 8. præsentis constitutionis sic habet: *Delinquentes laici prædicti, postquam, vt præfertur, ab Ecclesia, locisve sacris extracti, & capci fuerint, ad carceres curiæ ecclesiasticæ reponi, & inibi sub tuto ac firmo carcere, ac opportuna custodia data illis, si opus fuerit, per curiam secularem detineri debeant, nec inde extrahi, nisi cognito prius per Episcopum, seu ab eo deputatum, an ipse verè crimina superius expressa commiserit.*

Rationabilissima dispositio est, vt qui ex Ecclesia extrahitur in dubio an illi immunitas comperat, donec de ea cognoscarur, non ad secularis, sed ad ecclesiasticæ curiæ carcerem ducatur. quandiu enim non constar carere immunitate, in Ecclesia esse deberet, neque verò loco Ecclesie decebat secularem succedere carcerem, sed ecclesiasticum, vt sub Ecclesie rutela reus tandiu sit, donec constiterit immunitatem ei non deberi, quo constiro non seculari iudici, sed Episcopo, tamquam ab Ecclesie defensione exclusus seculari curiæ tradi consignarique iuberetur. Sed circa hæc non pauca occurrunt dubitationes, graues illæ quidem, & scitu dignæ, quæ hoc loco explicandæ sunt.

Prima dubitatio: Quid sit faciendum vbi ecclesiastica curia distinctum carcerem non habet, palam est enim in plerisque vrbibus, etiam in ciuitatibus plerisque cathedralibus, vbi paruas vrbes & oppida sileā, carere curiam ecclesiasticam proprio, atque à seculari distincto carcere. In leuioribus enim solent prælati domos

domos pro carcere, aut Ecclesiam assignare, in grauioribus verò delictis, ad carceres curiæ secularis reos mittere custodiendos; vnde carcer vnus communis vtrique curiæ esse solet.

Respondeo duo posse hoc casu præstari ab Episcopo. Primò posse designare pro carcere alicuius humilimodixi priuatam aliquam domum, si quam habere possit firmam aptamque, tam grauium criminum reis custodiendis idoneam, in qua saltem sit aliquod tutum cubiculum bene clausum ferreis cancellis, forri muro, fenestris portisque firmis, in qua sufficiens hominum numerus degat, ita vt non possit neque reus inde fugere, neque per vim extrinsecus illatam rapi, ita vt iudicio prudentis viri firmus carcer esse putetur. Deinde potest Episcopus vti eodem carcere curiæ secularis, sicut vititur in aliis causis. cum enim non sit proprius & distinctus vtrique curiæ carcer, ille vnus carcer cõmunis est vtrique curiæ, tenerique carcerarius vtrique curiæ rationem reddere de carceratis eius curæ per vtramuis curiam cõmissis, sicut & ex vtriusque carceraris rationes exigit pro carceratione, ex carceratione, pro ipsa domo carceris, ceterisque similibus, vt quemadmodum vtrinque commodum reportat, ita & vtriusque incommodum sentiat, si sua culpa fugiant carcerati, vel ipse eos dimittat. Cum enim Pontifex hoc constituit, non est putandus intendisse obligare Episcopos, vt distinctum carcerem ad horum reorum custodiam fabricarent. Adde neque teneri Episcopum suis expensis firmam aliquam domum his carcerandis destinare, sed posse iuxta conscientia reos ad com-

munem carcerem mittere custodiendos.

Ille verò communis, vt dixi, carcer, licet verè sit secularis curiæ proprius, quæ custodes ministròsque carceris constituit, eatenus tamen sit quodammodo communis, quare nus nota carceris scribitur. nomine prælati ecclesiastici, ratione cuius notæ quodammodo appropriatur ipsi ecclesiastico foro; semper enim in omni carcere nota carceris scribi solet eius nomine, cuius auctoritate reus carceratur. & eo ipso quod est publicus carcer in ciuitate deputatus ad reorum custodiam, omnis superior potest personam sibi subditas in eo carcere carcerare, notaque carceris scribitur eius nomine, cuius auctoritate carceratur, vt inde cõstare postea possit, cuius auctoritate excarcerandus sit. Nõ enim excarcerare potest nisi ille ipse, qui carcerauit, id est, cuius auctoritate reus carceratus est, vel eius legitimi superioris: carcerare enim & excarcerare eiusdem sunt potestatis. quoniam autem carcer illius, cuius est dubia immunitas, loco Ecclesiæ, sicut initio capituli tetigi, succedit, atque ideo necesse est reum donec ab Ecclesiæ immunitate excludendus in dubio declaratur, debet sub Episcopi esse iure ac potestate, vt is possit libere vel restituere reum Ecclesiæ, si deberi illi immunitatem cognouerit, vel seculari curiæ tradere, si immunitas illi non suffragetur. Ideo ex natura ipsius negotij consequitur, vt eo ipso quod ad carcerem curiæ ecclesiasticæ reponi iubetur, si ad carcerem hunc communem, vt expositum est, reponatur Episcopi nomine nota carceris scribenda sit, vt eo modo quo potest dicatur carcer curiæ ecclesiasticæ carceratus.

Nèque.

Neque obstat quod Romanus Pontifex prudens ac sciens quam paucissimos esse distinctos carceres curiæ ecclesiasticæ, & consequenter multis in locis ducendos esse reos ad carceres curiæ secularis, nihil de hac nota dixerit. Non enim necesse fuit exprimere id quod ex ipsa negotij natura consequitur, quodque in similibus rebus ordinariè practicaretur. Quisquis enim carceri curiæ ecclesiasticæ carceratur, ecclesiastica auctoritate carceratur, & ecclesiastici prælati nomine nota carceris scribitur.

3. Secunda dubitatio. Quid si habeat quidem curia ecclesiastica suū distinctum carcerem, vbi ordinariè reos carcerare solet, his tamen sufficienter firmus tutusque non sit, prout communiter esse solet; cum enim ecclesiastica curia non soleat ad mortem, membri mutilationem, aliamque grauem corporalem poenam damnare, non eger ordinariè carcere ita tuto ac firmo, sicut curia secularis. Carcerati enim per ecclesiasticam curiam, cum non timeant grauiam damna, non facile solent fugere, atque ideo illis retinendis carcer non firmus satis idoneus est. Quando verò occurrit graue aliquod atque enorme delictum, propter quod reus tradendus esset curiæ seculari, tum eum ad carcerem curiæ secularis reponi iuber, de cuius fuga rationabiliter metuit.

Videri posset alicui teneri hoc casu. Episcopum suo ecclesiastico carcere custodire huiusmodi reos, quandoquidem illum distinctum habet, defectū verò firmitatis suppleri posse, custodia per secularem curiam adhibita; nullus enim est adeo infirmus carcer ac debilis,

*P. Gambas de immunit. Eccl.*

qui fidelibus adhibitis custodibus tutus, firmusque non sit. Id mihi tolerabile quidem videtur, si vel ipsa curia secularis, vel pars læsa non reclamet, præsertim verò si reus non sit perniciosus reipublicæ, secus verò sic rigore dicendum est requiri tutum carcerem, ultra custodiam, quam Pontifex permittit per secularem curiam adhiberi, nulla enim custodia tuta censenda est, vbi carcer ipse firmus non est: nam & dormire possunt custodes, & pecunia corrumpi. Quid enim non mortalia pectora cogit *Auri sacra fames?* & in grauibz delictis, cuiusmodi sunt ea omnia quibus immunitas ablata est, firmitas carceris in primis quaeritur, & præterea custodia adhibetur. Sancto Petro Herodes in carcere concluso adhibuerat quatuor quaterniones militum, qui eum custodirent. At his satis tutus visus illenon est, carcerem elegit firmissimum, quem ferrea porta firmiorē clausa faciebat, neque verò hoc satis visum est, adhibuit & binas catenas manibus eius, qui eas & atte vincirent, & suo graui pondere immobilem tenerent. Obdormierunt custodes, nec catenarum strepitum quæ de Petri manibus ceciderunt, neque egredientis motu, nec ferreæ portæ refectione, quæ non sine strepitu fuisse putanda est, excitati sunt. Addo quod in hac ciuitate semel contigit quod quidā hanc ipsam ob causā immunitatis in carcere curiæ ecclesiasticæ carcerati, adhibitis etiam custodibus, vnā cum ipsis custodibus pecunia corruptis auferunt. Vnde dicendum esse in primis cauendum esse vt tutus firmusque sit carcer, & hoc est quod Romanus Pontifex in primis præ-

*R.R. r. cipit*

capit reos huiusmodi sub tuto firmoque carcere detineri. De opportuna vero custodia ultra firmitatē ac securitatem carceris adhibenda non tam præcipit, quàm monet, ut si opus fuerit, id est, si curia ecclesiastica pro securitate curiæ secularis illam requisierit, ut custodiam adhibeat, vel si illa secularis curia opus esse iudicauerit, illam adhibeat, quare tutius esse puto si Episcopus non habens firmum carcerē curiæ suæ, reponat huiusmodi reos in firmo carcere curiæ secularis, & dispositioni præsentis constitutionis conformius. Ut quoniā à firmissimis carceribus interdum diuersis artibus, dolisque aufugere solent carcerati, grauiū præsertim criminū, cum hæc crimina, quibus immunitas abrogatur, grauiissima sint, præter firmitatē carceris custodes etiā adhibeātur. cur autem per secularē, non per ecclesiasticā curiā custodia adhibenda sit, dictū est in lib. 6. §. 8. in v. custodia, gl. 9.

Tertia dubitatio an ministri curiæ secularis teneantur reos de Ecclesiis, locisque sacris captos extractosque ducere ad carceres curiæ ecclesiasticæ solum quādo Episcopus dat illis licentiam, & persona ecclesiastica interuenit eorum capturæ & carcerationi, an etiā quādo Episcopo recusante dare licentiā, & persona ecclesiastica recusante interuenire, eos extrahūt & carcerant. Et ratio dubitandi est, quoniā in §. 8. cum concessisset Pontifex ministris curiæ secularis, ut his ita recusantibus reos extraherent, nō pergit de eisdē dicere, ut eos sic extractos ducant ad dictū carcerem ecclesiasticū. Si enim Pontifex intendisset ipsos secularis curiæ ministros ad id obligare, nō mutata oratione continuasset, dicens, *extra-*

*here eurent, & ad carceres curiæ ecclesiasticæ reponat.* Sed respondco indubitarum apud me esse eos ipsos virtute horū verborū ad id obligari. id mihi tertio persuadet vox illa inibi expressa, *ut præferatur*, mutamque esse orationē de industria ut utrumque casum complectatur, & eū, qui longē antē initio dicti §. præcclerat, cum de licentiā Episcopi extrahunt, & eum quē nunc exposuerat, cū recusante Episcopo licentiā dare, ipsi extrahunt. quē utrumque casum refert vox illa, *ut præferatur*. ait enim, *quidque delinquentes laici prædicti, postquā, ut præferatur, extracti & capti fuerint, ut præferatur*, id est, ut de utroque extrahendi modo dictum est.

*Quid sit agēdū si secularis curiæ ministri ad suū, non ad curiæ ecclesiasticæ carcerē, etiā ubi distinctus habetur, huiusmodi reū ducāt.*

## CAPVT VII.

CONTINGERE potest, sicut & de facto aliquando contigisse vidimus, ut secularis curiæ ministri, ac satellites extrahentes reū aliquem de Ecclesiā, siue de licentiā Episcopi, & cū interueniunt personæ ecclesiasticæ, siue per se, Episcopo dare licentiā recusante, & persona ecclesiastica nō interueniente, siue ex expresso mandato Principis, seu iudicis secularis, siue arbitantes se re gratā illi facturos, illū non ad ecclesiasticæ curiæ carcerē, etiam ubi à seculari distinctus & aptus firmusque reperitur, sed ad secularis curiæ carcerem reū reponant, notamque scribi faciant nomine Principis ipsius, vel iudicis secularis, & carceratis ex mandato Episcopi illū dimittere ē carcere

non

non possit. Hoc casu duo occurrūt dubia. Alterum est quid faciendum sit ecclesiasticæ illi personæ, quæ accepta ab Episcopo auctoritate interuenire debet eius capturæ & carcerationi, si videat reū ad secularis curiæ carceres duci, debeatne aut possit interessē huiusmodi indebitæ carcerationi, an abstinere. Alterum de Episcopo, quidnam illi hoc casu faciendum sit.

2. Ad primum dubiū suppono præsentia huiusmodi personæ ecclesiasticæ, siue interuentū ad auctorizandam capturam & carcerationē, pertinere ad tollēda impedimenta, si fortē clerici Ecclesiarū reos contra curiam secularē tueri vellēt, ad ostendēdā Ecclesiæ cōstantiā in suis confugis tuendis, illis assistendo etiā dum capiuntur, extrahuntur, carcerantur, donec constet illos esse ab immunitate excludendos. Vnde & propter has causas requiritur in §. 8. vt persona huiusmodi ecclesiastica habeat ad id ab Episcopo auctoritatē, qua auctorizare actum possit, & quæ auctoritatis sunt. Hoc supposito duo videntur dicenda.

3. Primò dico, si persona huiusmodi ecclesiastica certò sciat, vel probabiliter suspicetur, ministros curiæ secularis velle reū ducere ad carcerem curiæ secularis, non debere interuenire eius capturæ, ne eā auctorizet; si tamen intersit animò recto fungendi suo munere, præsertim verò vt tollat seculari curiæ occasionem prætendendi se ideo ad suos carceres duxisse reum, quia persona ecclesiastica, quæ eos dirigeret, interuenire recusauit, non modò non peccaret, sed etiam laudabiliter faceret. Tunc verò rationabilius abesset, &, iudicio meo,

abesse deberet, quando curia secularis iam declarasset suam voluntatem quòd omnino velit reum in casu dubio ad suos ducere carceres. Dico autem, in casu dubio, quia quando notorium esset casum esse huiusmodi, alia ratio esset, vt superius tetigi, & infra fusiùs dicitur 2. part.

Secundò dico, si persona ecclesiastica putans ministros curiæ secularis rectè functuros esse suo munere, ducturòsque reū ad carceres curiæ ecclesiasticæ, cū hac bona fide interuenit capturæ, & extractio-  
ni rei de Ecclesia, postea verò videns eos alia ire via versùs carceres curiæ secularis, primò omnium monere illos debet officij sui, & vt ad carceres curiæ ecclesiasticæ reum ducant, hortari bonis verbis, deinde minari censuras & pœnas. Illis verò ad hæc obsurdescentibus potest vtrumlibet horū facere, vel sequi illos, protestatque coram testibus tam contra ministros, quàm cōtra carcerariū, atque eius carcerationi in illis carceribus discessire: vrgere ne illa scribatur nota, vel si vlla scribenda sit, Episcopi nomine scribatur, vt hac ratione & reo quantum potest faueat, & iurisdictionem ecclesiasticam tueatur, vel si id minus placeat, velisque rumores fugere, deserat curiæ ministros, carcerationi ne intersit, ne eam vlla ratione sua præsentia auctorizet, ad Episcopum accurrat eum de tota re, & ministrorum curiæ secularis dolo, ac fraude cecriorem faciat, quod cū simulassent illum capere animo ad ecclesiasticæ curiæ carceres reponendi, captum ad alios carceres ducere omnino voluerint, ei que omnē curam relinquant.

5. Ad alteram dubitationem de Episcopo, æquidnam illi hoc casu faciendum sit; teneaturne Episcopus per ecclesiasticas censuras & pœnas urgere etiam secularem, ut omnino extractum de illo suo carcere reum, ad debitum ecclesiasticæ curiæ carcerem deducat? Respondendo hic dictis.

6. Primum uero debet in hoc casu Episcopum præcipitanter quicquid agere, sed maturè ac quietè audire primum curiæ secularæ cur id egerit, ratione sciscitari, si quam adducat rationabilem causam, quæ eam saltem apparenter excuset, illam admittere, quæ si omnino falsa sit, eam modestè refellat, & quantum fieri potest exasperandi prædictam secularem curiam occasionem nullam præbeat. Ut autem eius auctoritati magis consultum sit, hæc non tam per seipsum, quam per aliquam aliam maturam, grauemque personam cum ministris curiæ secularis tractet, nullum enim negocium succedere infelicius solet eo, quod præcipitanter geritur, atque ubi inter curias venit ad altercationes, & apertas rixas, nihil omnino boni sperari posse, longo usu, atque experiètia compertum est. Patientia & cunctatione inextricabiles per sæpe difficultates superantur, & desperatis rebus opportunum, atque efficax remediū adhibetur.

7. Secundò si prædicta non prosint, potest Episcopus per eandem interpositam personam cominati processurum se non ad excommunicandum, sed ad declarandum ministros curiæ secularis propter non paritionem literarum Apostolicarum, & contrauentionem contra noui iuris dispositionem incurrisse omnes censuras, & pœnas hac

constitutione promulgatas, quæ in iure latæ sunt contra violatores libertatis ecclesiasticæ, nisi reum ad carcerem curiæ ecclesiasticæ transferant, prout illas de iure incurrerunt.

Tertiò si neque id profuit, per eandem intermediam personam commineatur iudicibus ipsis, quorum nomine facta est nota carceris, vel qui sunt iudices in causa: & quoniam verba per sæpe parum profunt,

Quarto loco potest declarare ministros illos curiæ secularis, qui reum de Ecclesia extractum duxerunt ad carceres curiæ secularis, incurrisse censuras & pœnas hac constitutione latas, de quibus lib. 8. dicemus cap. 5. inter quas est etiam excommunicatio latæ sententiæ, ut iudices incipiant sibi similia metuere, & huiusmodi ministri metuant iterum similia facere atque audere.

Quintò si interea seculares iudices & magistratus reuerenter, ut par est, se gerent cum Episcopo, ac prætenderent id actum esse, quoniam Episcopi carcer minus formis, minusque tutus esset, vel aliquam apparentem causam adducetent, propter quam prætenderent carcerem curiæ ecclesiasticæ esse suspectum, vel quòd inde facile soleant multi fugere eriminosi, vel quòd carcerarius esset cognatus illi reo, vel quòd reus esset vir valde potens opibus, & propinquorum multitudine, ut timendum sit ne carcerem ecclesiasticum inuadi faciat ad eum per vim liberandum. Ita si non in potestate iudicum esset negotium, sed Princeps, vel Prorex urgeret eos, in his ego casibus puto rationabiliter Episcopum posse dissimulare reum manere

manere in illo carcere curiæ secularis, dummodo nota carceris fieret nomine ipsius Episcopi, vel iudices certò promitterent Episcopo se ab eius sententia nō discessuros, vel non processuros contra reum, nisi posteaquam Episcopus declarauerit immunitatem illi non deberi, quòd si declarauerit deberi, se eundem restitutos Ecclesiæ. Idemque censeo dissimulandum si curia secularis de ipsa persona Episcopi inuisitaret, quòd esset reo affinis, vel cognata, vel magna amicitia coniuncta. Cùm enim hoc, quod dictum est, de reis ad carcerem curiæ ecclesiasticæ reponendis non videatur ad substantiam immunitatis pertinere, sed ad quandam reorum cautelam, eorūque carceratio statuta sit ad parti contrariæ & seculari curiæ satisfaciendum, nihilque reo noceat, si in his potius quàm in illis carceribus detineatur, dummodo sua illi immunitas, si ei competere iudicetur, integra seruetur, non videtur id cum tanto rigore seruandum, ut excommunicatis propterea iudicibus Princeps grauius exasperetur, & reipublicæ gubernatio illis excommunicatis perturbetur. Sed sicut possunt rei ex aliis rationabilibus causis ad carcerem curiæ secularis sponte ab Episcopo deponi, sic potest hoc idem ex hac rationabili causa dissimulari.

11. Sextò quòd si iudex deposito Dei timore, & reuerentiæ, quam debet Ecclesiis, sacrisque locis, immemor, contra huiusmodi reum vel ante, vel posteaquam ab Episcopo declaratum fuerit competere illi immunitatem, procedere audeat, & ab Episcopo ter monitus non desistat, vel reum posteiussmodi declarationē ter legitime monitus Ecclesiæ, ex

qua extractus fuerat, non restituat, elapso trinæ monitionis termino, adhibitisque paternis per tertiā personam adhortationibus, nullus omnino timor morari debet Episcopum, quin zelo Dei armatus & Ecclesiæ clauibus, beatorum Petri & Pauli auctoritati innixus publiciter excommunicatum iudicem, aut iudices, si plures sint, quin & alias censuras & pœnas, de quibus inferius dicitur, incurrisse, Dei enim & S. Romanæ Ecclesiæ causam agenti intrepidè in his procedendum est in suo pastoralis munere, & nulla secularis potestatis vis formidanda est. Quòd si nec sic quidem obtineat, aggrauat, & reaggrauet censuras, ciuitatem interdicat, aliisque ecclesiasticis armis adhibitis, obedire doceat S. Romanæ Ecclesiæ huiusmodi rebelles & contumaces iudices, neque vllò modo permittat debere immunitatis iura violari. Auertat Deus ut in Christiano populo tales iudices reperiantur. Ego quidem arbitror ac confido neminem futurū; quid tamen faciendum sit si quis diabolo instigante reperiatū ostendo. Moneo tamen Episcopos, ut in his causis maturè procedant, iustam ferant sententiam in causa immunitatis, neque enim debent vlla ratione velle per occasionē immunitatis eum tueri, cui immunitas non debeat, & si pars laica, vel fiscus ab ipsius sententia appellet, admittat appellationem, eique deferat, cuius finem patienter expectet, & ab omni animi perturbatione liberum in huiusmodi causis se conseruare, & exterius ostendere quàm diligentissimè studeat, curiæque semper nō ut iudex, sed ut pater procedere, neque vindictam, sed emendationem querere curiæ secularis paternò a-

more ac zelo. Nam vt veri patris est non parcere virgæ, cum filius errat, & cum emendar erratum, pater-na filium caritate complecti.

re, deberetur ne reo, an nō, secularis, an ecclesiasticus.

## CAPVT VIII.

## PARS SECVNDA.

*De cognitione causæ immunitatis cum quaritur an reo, qui ad Ecclesiam confugit, debeat immunitas.*

**C**VM tota ratio extrahendi reos criminum de Ecclesiis sacrisque locis ea sit, vt dum de eorū immunitate cognoscitur, ponantur in loco tuto, ne interea dum de causā cognoscitur, si in Ecclesia liberi esse permittantur, fuga sibi salutem querant, per eam immunitatis occasionem ij, qui cum sibi propter criminis acerbiterat immunitas non suffragetur, extremo supplicio afficiendi erant. Quare absoluta extractionis carcerationisque materia, necessarium est vt ad tractationem de cognitione causæ immunitatis dispartemus, in qua meritō est apertis (vt aiunt) oculis procedendum, quoniam multū est in ea cognitione momenti, siue ad priuilegium immunitatis in sua integritate conseruandum, siue ad reorū tuendam vitā, siue ad commune reipublicæ bonū conseruandum, atque augendum, pessimis quibusque hominibus ablati, qui propter criminum enormitatem ē priuilegio immunitatis exclusi sunt.

*Quis fuerit olim iudex legitimus in causā immunitatis, ad quē pertinuerit in dubio de ea cognosce-*

**D**E consuetudine refert Ausfrus in tractatu arrestorum parlamenti 2. parte tit. de forma arrestorum, arresto 116. in curia parlamenti consueuissē ipsos seculares iudices visis informationibus captis contra reū, qui ad Ecclesiam confugisset, si constaret delictum esse de numero exceptorū, iubere eum extrahi de Ecclesia, ducique ad carceres, & ibi contra eū procedere: ex quo fiebat vt si secus constaret delictum, non esse de numero exceptorum, eum sinerent in Ecclesia sua immunitate frui. Addit idem seruari consueuissē Tholosæ Gulielmus de Benedictis in repetitione c. Raynntius de testam. in v. vxorē nomine Andelefīā, decis. 2. n. 152. testatur vidissē se pluries seruari, vt cum iudex secularis comperisset reo non competere immunitatem, faceret eum per suos satellites capi, extrahi de Ecclesia, carcerari. Secūdum hanc ergo consuetudinem secularis iudex erat competens iudex in causā immunitatis. huic sententiæ fauet textus in Auth. si quis. vers. si tamen in sacro oratorio. Cod. de adult. Vbi statutum est, si maritus in Ecclesia repererit vxorem cum aliquo colloquentem, vt tradat eos defensori Ecclesiæ, aut aliis clericis, vt ad eorum periculum seruentur diuisi, donec secularis iudex hoc cognito mittat ad Episcopum, petēs eos sibi tradi, quo loco de crimine in Ecclesia commissio est sermo, & tamen eius cognitio iudici seculari traditur. Idem per textum in Auth. vt liceat matri, vel auia. §. quia verō. collat. 7. ex quo prædicta Auth. Codicis



dicis desumpta est. Fauet & text. l. *si quis in hoc genus. Cod. de Episcopis & clericis*, canonizata in canone in primis 2. q. 1. & Angel. de Perus. in d. 5. quia verò, refert Cynum in ciuitate Senarum disputando dictam legem *si quis in hoc genus*, tenuisse, irruentes in Ecclesiam, corúmque ministros per rectores prouinciæ, seculares, nempe iudices, capi puniri que posse. quod idem Gratianus confirmat in *can. si quis suadente diabolo. §. qui autē. de Ecclesia*. Contrariam autem sententiam probare videtur text. in *c. fin. de immunit. Eccles.* vbi Pontifex Archiepiscopus Toletano, & Cōpostellano ecclesiasticis personis mandat, vt publicè nuntiant committentes in Ecclesiis homicidia mutilationesque membrorum non gaudere immunitate. ergo ad illos, non ad seculares pertinet hoc declarare. Secundò text. in *can. ad Episcopos 17. q. 4.* vbi Pontifex præcipit Ecclesiarum violatores per Episcopos indicari eorū accessu, id est, confugio ad illas, & earum defensione indignos. Hunc enim textum de indignitate ad immunitatē superiùs explicuimus lib. 4. part. 1. c. 5. casu 3.

2. Media sententia est dicentium vtrumque iudicem, secularem nempe atque ecclesiasticū esse in hac causa competentem, posseque de ea cognoscere, & hæc est bipartita, quidā enim putāt posse alterutū diuisim, alij verò vtrumque simul, & coniunctim.

Qui putant posse per alterutrum diuisim cognosci, volunt per quemlibet ad suos effectus. Per secularem quidem ad effectum extrahendi reū de Ecclesia, ac puniendi, cū ad eū de iure pertineat eū punire: ad ecclesiasticum verò ad effectum defendendi reum, cūque per immu-

nitatis priuilegium liberandi. ita Petrus Belluga consiliarius Alphōsi. Aragonum Regis in *speculo Principum. rubr. 11. §. sed quia loquitur. versiculo, sed pone quod homicidium. Qui etiam addit si sit quæstio facti num deliquerit in Ecclesia, an extra, etiam ad vtrumque pertinere cognoscere ad puniendum. Ad ecclesiasticum quidem ad puniendum de sacrilegij qualitate, si constiterit in Ecclesia deliquisse; ad secularem verò ad puniendum eundem de ipso crimine principali. Tertiò demum addit si vtriusque cognoscentibus de facto, seculari iudici per suas informationes constet factum esse huiusmodi, cui immunitas non debeat, atque huic scientiæ ianixus extrahat de Ecclesia reum, processurus contra eum ad pœnam; ecclesiastico verò per suas informationes constet oppositum, esse nempe reum per Ecclesiam defendendum, hoc casu debere iudicem ecclesiasticum procedere contra secularem, cogendo eum per censuras ecclesiasticas ad reum Ecclesiæ, ex qua eum extraxerat, restituendum. Priuo dicto huius doctoris multum fauet recepta iam, vulgataque doctrina quædam communis doctorum dicentium in causis non omnino ac merè spiritualibus, seu ecclesiasticis, si solū vertatur quæstio facti, vtrumque iudicem competentem esse, posseque de ea cognoscere, ecclesiasticum & secularem. Ita expressè Bartol. in l. Titia, ff. solutio matrimonio. & l. 2. ff. de iuridict. omnium iudicum. Panormitanus in c. tuam, de ord. cognition. & in c. cum sit generale n. 17. eod. tit. vbi fusè id tractat, & Felin. n. 1. in 3. opinione, quam refert in materia vsurarum, & in eodem c. D. Anton. & Cardin. Paul. de Eleazar.*

in clem. 1. de usur. Bu. in l. cum allegas Cod. de usur. Archidiaconus in can. quid dicam. 14. q. 4. post Hugonem & Laurent. in d. can. & post Goffredum, Vincentium & Bernard. in c. cum sit, de foro compet. Imol. in clem. 2. de iudic. & in clem. 1. de usur. Domin. in c. 1. de usur. lib. 6. & Fedetic. consil. 96. incipiente, Apparet quadam lex. ubi etiam testatur hanc eandem sententiam originaliter fuisse Io. Andree in d. c. tuam. de ord. cognition. quam eandem sententiam Panormitanus in d. c. cum sit generale, testatur non semel esse communem, & Felin. ibidem asserit tutum non esse ab ea recedere. Quod autem iudex ecclesiasticus possit etiam de hac causa cognoscere ad effectum defendendi immunitatem reo debitam, patet ex notatis per Anchar. in can. sequens d. 50. & Anton. in d. c. tua. de ordine cognition.

3. Demum si à Belluga querās quid sit interea agendum de reo, dum de eius immunitatis causa cognoscitur. Respondet per utrumque iudicem, vel intra fines Ecclesie constringendum esse compedibus, vel alias in tuto carcere reponendum, ut si immunitas ei cōperere declaretur, ea frui possit, sin. contrā, fugere nequeat impunitus. arg. in c. si iudex laicus. de sent. excom. lib. 6. Qui verò putāt de hac causa debere cognoscere utrumque iudicem simul, seu coniunctim, est Remig. in tract. de immun. Eccles. q. 2. qui fundat sententiam suam in quodam solemnī dicto doctorum, quod qui iudex inchoat pręparationem causę, seu causam pręparentem, quę est carceratio, debet etiam cognoscere de causa pręparata. Porro. carceratio faciendā est per utrumque iudicem, quemadmodum ex Petro Belluga iā

retulimus. ecclesiastici enim & secularis iudicis mandato reus est in Ecclesia compedibus constringendus, vel alibi carcerandus. ergo ex quo uterque manum apposuit ad causam pręparentem, uterque debet etiam de pręparata causa cognoscere, nempe an debeat ad immunitatem admitti. Hoc autem solemne dictum quod idem debeat esse iudex causę pręparantis, & causę pręparatę, insinuat gl. in c. parochianos, de sent. excomm. in v. satisfaciunt, dicens pro iniuria illata clerico tunc agi in iudicio ecclesiastico, ibique cognosci cū pręcessit excommunicatio, & de ea agitur. cū enim iudex ecclesiasticus manus apposuerit excommunicando, debet postea & de ea cognoscere. ibi Felin. super hanc glossam notat eam singulariter facere ad dictum Baldi, dicentis iudicem causę pręparantis debere & de pręparata cognoscere. Id ergo expresse tenet Bald. in l. ordinarij col. 1. Cod. de rei vindicatione. Felin. in d. c. parochianos in gloss. fin. & in c. cum sit generale. de foro compet. n. 4. vers. Amplia conclusionem. Franchus in c. fin. de fo. compet. lib. 6. facit text. in l. cum vendente. Cod. ubi causę sūt. & quod ibi notat Bald. & in l. minor viginti quinque. ff. de euell. i. n. Ita Paulus Castrensi. in l. 2. Cod. ubi & apud quem, & in d. l. ordinarij. Cod. de rei vindicat. Auster. in repetit. clem. 1. de off. ordinarij in 2. casu rubr. de potest. Ecclesia super laicos. Iason l. 1. Cod. de iudic. Cū ergo ij simul iudicent, si in sententia sint cōcordes, quod ambo proferant admittendū esse ad immunitatem, vel ambo excludendū esse ab eadem, parā est absque ulla difficultate mandandam esse executioni sententiam.

Tota.

4. Tota difficultas est si discordent, altero pronunciantes debent immunitatem reo, altero verò contrariū profertur. Sed respondet Remigius duplici distinctione. Primò enim distinguit de iudicibus an ambo sint iudices ordinarij, an verò alteruter sit delegatus. Secundò distinguit de discordia, an sint discordes in sententia ferenda, nempe antequam eam pronuncient; an verò in sententia iam lata, quia pronuciauerant iam sententias contrarias. His suppositis distinctionibus respondet per hæc dicta. Primò, si ambo sint iudices ordinarij tam secularis, quàm ecclesiasticus, & discordent in sententia ferenda quòd simul de causâ confetendo sint discordes, ad ipsos spectat eligere tertium iudicem, & cui is in pronunciando adhæserit, illius stetur sententiæ, per textum in l. in offerendis. Cod. de appellationib. & ibi Bart. ac Salicetum. idem docet Felin. in c. fin. de sent. & re iudic. n. r. vers. i. declaratio. Barth. de Bell. in additionib. ad Panormit. in d. cap. final. Iason in l. si duo iudices, & l. inter partes. ff. de re iudicata. Quòd si nolint eligere tertium, cogendi sunt per superiorem ad eum eligendum, vel ipse superior illum dabit, iuxta notata per gl. in c. suspensiones. de officio delegati. & c. cum speciali. de appellationibus §. 1. & per textum in l. item si unus. §. principaliter. ff. de arbitris. Potest autem superior eisdem cogere ad consentiendum in hunc tertium iudicem, vt tradit Specul. in tit. de arbitris. §. sequitur. vers. quid si duo electi. & Bart. in l. domini, in fin. ff. de furt. quod idem potest superior prestare quòd dicti iudices in tertij iudicis electione discordarent, ipse enim sùp. Gambac. de immun. Eccl.

perior eliger tertium instat arbitrorum. iuxta dictum c. cum speciali, de appellationib.

Verum quoniam isti duo iudices ordinarij non habent vnum cōmunem superiorem, cū vnus sit ordinis clericalis, laicalis alter, grauior surgit difficultas ad cuius superiorem pertinet dare tertium iudicem, vel cogere ad eum eligendum, ad superiorem iudicis secularis, an verò ad superiorem iudicis ecclesiastici? At huic quoque dubitationi respondet Remig. si dictorum iudicum ordinariorum alter sit altero dignior, pertinere ad superiorem dignioris. exempli gratia, si secularis sit index regius ordinarius, qui concutiat cum iudice ecclesiastico ordinario, cū index regius sit maior potestate, maiorem enim habet potestatem quouis iudice ordinario ecclesiastico, eligere tertium pertinebit ad Regem, seu eius Viceregem, seu ad regium consilium, vt docet Bart. & alij qui eum sequuntur in l. si duo. ff. de re iudicata. Qui licet loquantur de delegato Principis concutiente cū ordinario, tamen, inquit Remig. idem esse in ordinario quoque potentiore, si causas attendamus per eos allegatas, quas statim subiiciemus. Si verò ordinarij sint potestate ac dignitate pares, nihil de his dicit Remigius, fortè dici posset recutendum fuisse ad vtriusque superiorem, vt vel vterque eorum ponat suum, vel ambo simul eligant vnum tertium. Quòd si duorum istorum iudicum vnus sit ordinarius, & alter delegatus à Principe, superior ipsius iudicis delegati eliger tertium, nempe Princeps, est doctrina Bart. in d. l. si duo. ff. de re iudicata. delegatus

S S s enim

enim Principis maior est quolibet ordinario, atque potērior per text. in c. sanē. de officio iudicis delegati, & in c. pastoralis, de officio ordinarij. quod autem est dignius, trahit ad se minus dignum, c. quod in dubiis, de consē. Eccles. vel aliam. & ibi Panormit. & c. 1. eod. tit. lib. 6. & gl. in can. de reuincio d. 767. & c. si quis cum, de praben. lib. 6. & ibi Geminian. & alij. Idem docet Felin. in c. duobus, de sententia, & re iudicata n. 4. declarat. 4. 10. Andr. Bald. & alij in d. c. duobus. & Bart. Imol. & Paul. in l. duo iudices. ff. de re iudicata. Atchidiac. in can. si quis Episcopus accusatus 11. q. 6. Quoniam enim delegatus utitur iurisdictione delegantis, ideo maior est quolibet ordinario. l. minor autem magistratus. ff. de minoribus.

6. Secundò probatur, quoniam quando duo simul permiscentur, quorum vnum est altēto potētius, semper id quod est potētius, trahit ad se naturam minus potētis. secundum Geminian. in dicto c. duo, de officio delegati lib. 6.
7. Tertio probatur, quoniam quorū duæ qualitates simul concurrunt, quarum altera alteri potestate præstat, semper potētiore præponenda est minus potēti, secundum Panormit. in c. cum non sit, notabili 3. de decim. & in c. fin. de sent. & re iudicata.
8. Si verò duo iudices ordinarij iā pronunciauerint suas sententias, in eisque iam latis discordent, quod vnus pronunciauit admittendum esse ad Ecclesiarum immunitatem, altē verò excludendum, communiter doctores distinguunt, num constet quis sit actor in iudicio, & quis sit reus, an verò minime. Si enim nou constet, putant neutrius

sententia standum esse, sed vtriusque sententiam à suo superiore pēdēte. Ita Bart. Angel. & alij in l. duo iudices. ff. de re iudicata. Bald. in c. fin. de sententia & re iudicata, col. vltima, ubi extollit in hoc gl. in dicto t. lau. & Felin. in dicto c. fin. n. 7. Sed hæc locū. nō habent in casu nostro, in quo cum agatur de reo, qui ad Ecclesiā confugit, vt ab ea in crimine defendatur, ne hiat pēnas, paratū est certū esse reum. Actor item æquē certus videatur, quo agente huiusmodi de causā immunitatis iudicia instituuntur. Supposito ergo pro certo in his iudiciis constare quis sit actor, & quis reus, vtrius iudicis sententiæ standū est? Respondeo expressū esse textū in dicto c. fin. de sententia & re iudicata, statuere in dubiis standū esse ei sententiæ quæ est pro reo, nempe ei, quæ vult reum ad immunitatē admitti. Dispositio enim illa generalis dicti c. finalis, vt valeat sententia pro reo, maximè videtur habere locū in hac matētia, in qua sententia, quæ fauet reo, fauet etiā immunitati Ecclesiarū, quæ & ipsa valde fauorabilis est. Obiicies sententiā, quæ est contra reum, & quæ is ab immunitate excluditur, fauoribile esse reipublicæ, bonoque publico, ne crimina maneant impunita, neve corū impunitate peccādi crescat licentia, neve ea immunitatis spe ceteri audeant peiora cōmittere. c. vltima, de sententia excom. Fauor autē reipublicæ, & bonū publicū præuilet cuius privato fauori, cuiuscūque. Vnde & quatuor illæ fallentiæ in dicto c. finali positæ quatuor fauoribiliū casuū, in quibus tenet sententia pro auctore, nēpe in causā matrimonij, libertatis, dotis, ac testamenti, cōmuniter per doctores ibi

ibi ad casus similes extenduntur, quemdamodū Felin. in itio dicti c. notat, & fusius in 6. declaratione, ubi etiā addit esse sententiā commūnē. Affert Specul. exēpla in tū. de rescriptis. §. postquam, vers. quid si tor. si similiū casuū favorabilis cōtra reū, si feratur sentētia pro pupillo, pro vidua, pro orphano, pro Ecclesia, pro fisco, & allegat l. primā. Cod. quando Imper. ex quibus exēplis vltimū, quod est pro fisco, reprobari cōmuniter solet, ut patet ex. relatis per Felin. in dicta declaratione 6. Tandē sententiā de prædictarū fallentiarū extēsiōne cōtra reū ad casus alios favorabiles, tenet etiā. Iason in l. inter partes. ff. de re iudicata, & ibi Zasius col. prima, & in l. duo iudices. ff. eod. tit. ergo maxime extēdetur ad casum favorabilē reipublicæ, & boni publici, ut puniantur delictis, ab iisque committendis ceteri arceantur. Adde, quod ius punitionis delictorū favorabile dicitur, ut notat Remig. in tract. de immunit. Eccles. in d. q. 2. ex doctrina Bart. in l. quemadmodū. Cod. de agric. & cens. lib. 11. & Iasonis in l. si is qui. Cod. de usufructu, col. 49. & l. qui sapes. Cod. unde liberi, col. 24. & Chassan. consil. 26. n. 3.

9. Sed respondeo hæc non posse habere locū. vniuersē in omni reo ad Ecclesiā confugiente, neque in omni crimine etiā dubio, an carcat immunitate Ecclesiarū, sed solū quando casus adeo esset arduus, & scandalosus, ut appareret cōmunis quædā populi offēso, & adeo perniciosus reipublicæ putaretur reus, ut expediret eū puniri, malēque acciperetur ab omnibus, si his per Ecclesiā liberaretur, tūc enim sine dubio cōsēdū est favore boni publici in dubio recipiendā esse sententiā iu-

dicis iudicātis contra teū, eūque ab Ecclesiæ immunitate excludentis. In ceteris verō casibus nō adeo arduis & scandalosis recipiendam esse sententiā, quæ fauet reo, eūque ad immunitatē recipit. iuxta dispositionē c. fin. de sent. & re iudicata. nisi adeo frequens cerneretur reorū ad Ecclesiā concursus, ut iudicaretur necessarium inualescētem peccandi libertatem reprimere.

Denum si duorū iudicū, qui cō-  
trarias sententias iā tulerunt, alter sit ordinarius, alter delegatus ad Principe, standū est sententiæ delegati, cuius est maior potestas, cūm potestate ipsius Principis procedat, vel recurrendum est ad Principem delegantē. Quod si ambo sint delegati, vnus à seculari Principe, alter ab ecclesiastico, præsertim à Romano Pontifice, quamvis dici possit recurrendū esse ad vtrūque delegantē, eū per c. finale de re iudicata. si ambo delegati essent ab eodē, stādum sit arbitrio delegantis. ergo si à diuersis, standū videtur arbitrio amborum delegantiū. Mihi tamen magis placeret si diceremus standū esse arbitrio Romani Pontificis, cuius est potestas maior, in causā præsertim immunitatis, in qua ille solus supremam habet potestatem.

Ex his omnibus apparet ante  
hanc constitutionem certum fuisse communi pænē omnium cōsensione cognitionē causæ immunitatis semper ad laicum iudicem, siue solū, siue cūm eo. etiam ad ecclesiasticum, siue coniunctim, siue diuisim pertinuisse, idque fuisse etiam consuetudine receptū. Neque vnquam fuisse laicum iudicem ab huius causæ cognitione exclusum. Nam prior ille textus, qui

pro secunda sententia affertur ex *c. fin. de immun. Eccles.* parum probat hoc iudicium ad solum ecclesiasticum iudicem pertinuisse, cum ibi non sit sermo de aliquo particulari, qui in Ecclesia deliquisset, ut deberent illi Archidiaconi nunciare hunc non gaudere immunitate, sed eis solum delegatur, ut legem illam nouam publicarent neminem committentem in Ecclesiis homicidia, & membrorum mutilationes habere immunitatem; posterior verò textus similem causam continet nouæ legis. Atque hæc de iure antiquo ante hanc constitutionem seruata fuerunt.

*Iure nouo præsentis constitutionis hanc cognitionem de causa immunitatis ad Episcopos pertinere, eiusque sententia standum esse à reo.*

## CAPVT IX.

1. **V**ERBA §. 8. prope finem sic habent: *Nec inde* ( id est, à carceribus curiæ secularis, ad quos dum de causa cognoscitur rei positi sunt ) *extrahi, aut curiæ seculari consignari ac iradi possunt, nisi cognitio prius per Episcopum, seu ab eo deputatum, an ipsi verè crimina superius expressa commiserint.* Quibus verbis adèdè clare disertèque totam hanc cognitionem in Episcopum & ecclesiasticum iudicem ab eo deputatum transferre, ut nullus supersit de hoc dubitandi locus. Id initio ægrè acceperunt magistratus & curiæ seculares, & apud suos Principes questu sunt, eis persuadere conati parùm id expedire publico rei-

publicæ bono. Hos ego vereor ne illa potissimum ratione permoti sint, quòd se viderent tam longo tempore vsitata auctoritate priuari de hæc immunitatis causâ cognoscendâ, tantum potest apud omnes potestatis propriæ ac iurisdictionis conseruandæ zelus, qui vsque adèdè mortalia corda possidet, ut etiam iis, qui seiplos totos interdum contempsisse videntur, & fortè etiam verè contempserunt, id solum non dico contemnere, sed ne minimum posthabere possint, neque verò ferre, ut tantillum de eo detrahat. Hoc ergo, ut probabile est, permoti zelo, licet adèdè fortassis latente, & occulto, ut ne ab ipsis quidem cognitus sit, alias causas & rationes prætenderunt, & Principibus proposuerunt, apparentes illas quidem, & in aliquo casu, certisque personis veras. Prima quòd plerique Episcopi in liberandis reis nimis faciles essent. Secunda quòd cum ij, qui immunitate carere declararentur, certo, euidèntique vitæ periculo sint obnoxij, quòd iudicentur aliquod horum grauissimorum delictorum verè commisisse, quibus sine dubio capitalis pœna constituta sit, etiâ illi Episcopi, qui sanctissimi sunt, paternâ pietate moti vix induci poterunt ad declarandum reis immunitatem non deberi. Cum præsertim Episcopi, & eorum iudices ecclesiastici non sint in causis adèdè criminalibus versati, quæ si quando ad eorùm tribunalia deferantur, non solent sæuire in reos, sed ecclesiastica benignitate leniter procedere. Causas demum has, quibus immunitas ablata est, adèdè graues esse, adèdè ciuili ac politico reipublicæ bono contrarias ac repugnari

pugnantes, ut non expediat in manus personarum ecclesiasticarum, quæ ratione sui status mites esse debent, committantur, in quibus cum summo rigore procedendum esset. Periculum denique esse ne Episcoporum pietate in iudiciis, atque indulgentia totius reipublicæ status euertatur. Tertiam addebant ij, qui constitutionem hanc ne vidcrunt quidem Episcopos irregularitatis timore vix quinquam excluduros ab immunitate. Qui verò constitutionem legerant, quæ & ab irregularitatis nota, & à cuiuslibet censuræ incurfu eos Pontifex liberat, addebant non defuturos Episcopis scrupulos de irregularitate ac censuris, qui eos à reis condénandis remorétur. Quartò demum perdifficile fore Episcopis huiusmodi veram cognitionem consequi, in qua & cogendi interdu testis sunt, & torquendi laici homines, & criminalis processus formandus, non quàm potest alia ratione ab immunitate reum excludere, sicut ipsa verba §. 8. apertissimè insinuant, nisi pronunciando reum aliquod horum delictorum, quod contra cum prætenditur, verè commisisse, hanc autem illi veritatem cõsequi adedò difficile est, ut sit quodammodo impossibile.

2. His ego rationibus antequam respondeream constituendum esse arbitror decuisse, optimoque consilio à Romano Pontifice constitutum esse hanc omnem cognitionem in Episcopos personasque ecclesiasticas transferri. Primum enim dubium non est ad sedem apostolicam pertinere huic causæ iudicem statuere. eum enim ad ipsam solam pertineat auctoritativè privilegium huiusmodi immunitatis confugij concedere, quod ad Dei ipsius hono-

rem sacrorumque locorum reverentiam pertinet, cuius cura ipsi Ecclesiæ ab ipso sponso Christo demandata est, quemadmodum superius lib. 3. cap. 15. & 16. abundè probatum est, nulli dubium esse potest ad eandem Ecclesiam & Romanum Pontificem Christi in terris vicarium pertinere eidem privilegio de eius conservatione providere, quæ tota ex iudice dependet, qui iudicaturus sit in casibus particularibus, an eius, qui ad Ecclesiam confugerit, delictum sit eiusmodi, ut debeatur ei immunitas, ac defensio per Ecclesiam, an non. Si enim iudex pronunciet esse huiusmodi, ut debeatur illi immunitas, defendetur ab Ecclesia, si secus, deferetur: in iudiciis ergo potestare est excludere, aut admittere. ergo necesse est consistere in Ecclesiæ potestate esse iudicem causæ istius constituere.

Secundò probatur, quia iudicis istius sententia ligat clericos Ecclesiarum, qui cum multis iuribus obligentur ad impetrandum reo cui debetur immunitas, vitam, membra & omnis gravis pœnæ corporalis relaxationem, si iudex causæ istius pronunciet non deberi reo immunitatem, non possunt clerici procedere ad ea impetranda, sed solum si iudex decernat deberi; quin & prælati ipsi quodammodo eadem sententia ligantur, nam si iudex contra illum procedat, cui debetur immunitas, debet per prælatum moneri ut desistat, illumque Ecclesiæ restituat, quod si non faciat, debet illum prælatus cogere per censuras & pœnas, id autem non poterit prælatus, si iudex decernat immunitatem reo non deberi: ergo ad

Romanum Pontificem pertinet iudicem huic causæ constituere, qui & clericos & prælatos obligare possit in iis, quæ ad eorum munus pertinent, in privilegio præsertim concernente honorem Dei, & sacrorum locorum reuerentiam.

4. Quod autem conueniens fuerit huiusmodi iudices constituere Episcopos, & personas ecclesiasticas, probatur primò, quoniam videmus naturalissimum esse iudicibus, ad quos pertinet reos punire, trahere omnes ad sua tribunalia: ergo si hoc iudicium committeretur iudici seculari, ad quem pertinet reos punire, quibus immunitas non suffragatur, periculū esset, ne multos quibus immunitas deberetur, declararet non deberi, ut eos sibi subiectos punire possent, & vniuersè periculosum est relinquere cuiquā potestatem pronuntiandi de sua iurisdictione; ergo conuenientissimè in personas ecclesiasticas translatum est hoc iudiciū de causā immunitatis, ad quas non pertinet, neque pertinere potest reos punire, ut sint ab omni suspicione alieni.

5. Secundò privilegium hoc est concessum per Ecclesiam, perque eandem auctum, ac mutatum, & ob causam spiritualem, ut dictum est, & per clericos Ecclesiarum defendendum est apud iudicem, ad quem spectat reos punire, ut neque donec reos iudicibus, neque permittant illos extrahi in casibus non concessis, nisi illis impetrent vitam & membrā, ac omnis grauis corporalis pœnæ relaxationem. Hoc autem facere non possunt clerici, si idem sit iudex puniens, & cognoscens de immunitate, quemcunque enim, li-

buerit illi punire, declarabit carere immunitate, & liberet se à clericorum clamoribus. ergo conuenienter in personam ecclesiasticam hoc iudicium translatum est.

Maximè verò conueniens fuit in 6. personam Episcoporum transferri, quibus propter pastorale munus defensio ecclesiasticorum privilegiorum competit, & propter matritatem motum, vixque integritatem olim supremi Principes causas omnes seculares commiserunt, ut à quouis iudice possent causæ merè seculares ad Episcopos transferri, eorumque sententiæ standum esset, quanto magis eisdem Episcopis huiusmodi causas concedi oportuit, quæ magna ex parte spirituales sunt.

Addo aliam causam, quæ me maxime mouet, practicam illam quidē, & quam quotidie oculis cernimus, quod hodie videmus secularem curiam prætere de causas omnes & singulas carere immunitate, ut nullum patnè delictum occurrat adeò leue in quo reus ad Ecclesiam confugiat, quod non statim pretendatur carere immunitate, & ut secularis curia desiderat non tantū in personis ecclesiasticis expetiri facilitatē in reis omnibus ad Ecclesias confugientibus defendendis, ita ego cupio optòque vehementer non tantā in secularibus expetiri magistratibus facilitatē in reis omnibus ad Ecclesiam confugientibus ab immunitatis privilegio, quantum in ipsis est, excludendis.

8. Quod si Principes & magistratus obiciant Episcopos non eiusmodi esse his seculis, quales olim fuerunt, ut eis usque adeo fident-

dum



dum sit. Primum respondeo hoc ipsum eis magna ex parte imputari. Cum enim Principes magnam Episcoporum partem nominent siue ex fundatione, siue ex dotatione, cathedralium Ecclesiarum, siue ex aliis meritis id obtinuerint, eorum culpa Episcopi tales non sunt, quales olim fuere, & quales ipsi desiderant. Sedes enim Apostolica longè posita illorum vitam ac mores minus perspectos habere potest, inque informationibus ad eam transmissis quiescens eos, quos illi nominant, ferè probare ac confirmare solet, nisi aliquando aliunde aliud illi constet, id quod rarò contingit. Deinde fateor (quæ Dei bonitas est) nullum vidi hætenus Episcopum adeò malè moratum, aut talis vitæ, cui non meritò hæc causa credi potuerit. Scandalosum vidi neminem, vidi autem Episcopos non paucos zelo diuini honoris præditos, & vigilantes super greges suos sanctissimæ vitæ ac famæ, eidem seculari curiæ magis exosos, quàm alios benignos ac remissos. Neque aliam ob causam fuisse seculari curiæ exosos, quàm quod Ecclesiæ libertatem, immunitatēque acriter, fortitèrque tuerentur, nec eam per seculares curias lædi paterentur; vt illi hodie boni pastores, atque Episcopi sint, qui seculari curiæ conuiuent, eiùsve errata contra ecclesiasticam libertatem immunitatēque dissimulant. Demum si Episcopi ipsi, qui patres ac pastores populi Christiani sunt, qui tanta discussione vitæ, morum, doctrinæque eliguntur, non tales sunt vita & moribus, vt hæc illis causa committenda foret, certè multo de-

terioris esse timendum est iudices seculares, qui non tanto persæpe delectu, fauore, ac gratia amicorum obtinent munera, non rarò etiam ingenti pretio ea cunct, vt his eandem causam committere multo periculosius sit.

Ad primam rationem initio 9. propositam in contrarium respondeo, primum vitium aliquorum Episcoporum in facilitate liberandi reos non debere obesse toti ordini episcopali, longè enim plures sunt, qui aut feruentiori sunt zelo præditi, aut vsque adeò moderati, vt viam mediam in omnibus rebus teneant, quòdque longè maior sit numerus iudicum, qui aut eodem, quo prædicti Episcopi, morbo laborent indebitæ pietatis, aut, quod peius est, indiscreto zelo, ardoreque graniter quoslibet puniendi, qui tanta facilitate reos quoslibet tormentis exponunt, damnantque ad mortem, quanta fabulæ narrant; rigidi, crudeles, & humani sanguinis temerarij effusores, salua bonorum reuerentia. His addo si hac in re, atque in omni causa criminali peccandum est, & tutius & tolerabilius esse indulgentia peccare, quàm sæuitia, reum morti eripere potius, quàm innocentem dammare ad mortem. Id quod in hac quoque causa immunitatis magis locum habere debet, vbi cum fauore rei coniunctus est fauor Ecclesiæ, fauor diuini cultus, vt in re dubia (quod omnes leges clamant) iudicetur pro reo, pro Ecclesiâ, pro

pro diuino cultu, potius quàm còtrà: vix autem non dico è centum, sed ne ex mille quidem Episcopis, aut ex omnibus omnino vnum reperiri arbitror, qui eum, quem clarè constaret ecclesiastica immunitate carere, declaraturus sit ad immunitatem admitti, sed solùm id faceret cùm causam dubiam videret.

10. Ad secundam patet ex dictis; neminem enim Episcoporum paterna pietas adedò indiscreta tenebit, vt contra fas, & contra conscientiam falsam sententiam sciens aduertensque proferat. Neque enim Episcopi in reos, quibus immunitas ablata est, sèuite debent, sed solùm declarare immunitatem eis non debeti, id quod pium esse, propterea quòd reipublicæ bonum concernit, ipsi non ignorant. Neque hæc sola criminalis causà apud Episcopos versatur, apud quos de omni criminali causà clericorum agitur, & per quos clerici valde criminosi & incorrigibiles seculari interdum curiæ post realem degradationem puniendi traduntur. multo minus id debet obesse eis, cùm ex hac eadem constitutione ipsi non per seipfos teneantur hoc immunitatis iudicium exercere, sed id possint per alios facere ab eis ad id deputatos.

11. Ad tertiam patet adedò liberari expressè ab omni irregularitatis, & censuræ cuiuslibet incurso, vt nihil eis timendum sit.

12. Ad quartam respondeo, vt ex infra dicendis clariùs patebit hoc eodem lib. nò adedò exactam debere esse huiusmodi cognitionem, neque vnquam fieri solitam ad declarandum de immunitate, qualis requiritur ad reum ab immunitate exclusum damnandum de delicto, qualis autem & quanta adhiberi antea cò-

sueuerit, & per Episcopum adhibenda sit, loco citato plenius dicitur.

*An soli Episcopi, & superiores prelati, an etiam inferiores prelati Ecclesiarum & monasteriorum possint virtute huius constitutionis de immunitatis causa cognoscere.*

## C A P V T X.

**G**R A V I O R est hæc disputatio, quàm prima fronte videatur, vbi difficultatem auget repugnantia quædam, & apparet in verbis Pontificis, atque in ipsa dispositione contrarietas. nam §. 7. Pontifex cùm enumerasset omnes prelatos tam superiores Episcopos, quàm inferiores siue seculares, siue regulares, non modò eorum iudicio committit an rei delicta hoc loco expressa commiserint, sed præterea præcipit, ac mandat eisdem, vt eos qui prædicta delicta, eorumve aliquod commisisse iudicio suo videbuntur quando à seculari curia fuerint requisiti, & quilibet eorum fuerit requisitus, ministris curiæ secularis tradi & consignari curent & faciant, absque irregularitatis nota. Quibus verbis apertissimè euilibet id enumeratorum prelatorum plenam atque integram causæ immunitatis cognitionem, nò modò committit, sed præcipit. Vult enim vt qui iudicio suo horum aliquod commisisse videbuntur (ecce cognitionem) eos curiæ seculari requirenti consignari curent & faciant (ecce executionem.) cognitio autem cum executione sententiæ plena perfecta-  
que

que cognitio causæ dicenda est.

Contra verò §. 8. & neminem prorsus de Ecclesia extrahi vult, nisi de expressa Episcopi licentia, & curiæ seculari tradi quenquam omnino prohibet, nisi cognito prius per Episcopum eum aliquod horum delictorum verè commisisse. Ex quo apparet inferiores prælatos non modò non posse sua auctoritate suòque iudicio reos tradere seculari curiæ puniendos, sed nec posse dare licentiã eos capiendi etiam ad effectum ducendi reos ad carceres curiæ ecclesiasticæ, quod aded strictè reseruat Episcopis, ut in loco exempto, & nullius diocesis nò ad eius prælatum pertinere velit, sed ad viciniorem Episcopum. Neque solum ad consignandum reum curiæ seculari requirit Episcopi cognitionem, sed eiusdem etiam mandatum, quo iubeat tradi, neque id solum, sed ut ad Episcopi præceptum consignatio fiat per iudicem ecclesiasticum. Quibus verbis aded excluduntur prælati inferiores, ut nulla omnino actio in hac immunitatis causâ illis permittatur & omnia prorsus in Episcopos, prælatosque superiores conferantur.

24. Fateor hoc loco ingenuè hebetudinem ingenij mei, valde obscura mihi videtur hæc pars dilucidæ huius declarationis, atque ita obscura, ut cum nihil studio ac diligentia excogitari poruerim, quod hanc difficultatem euacuet, & in quo acquiescam, totius esset ipsam eius obscuritatem celare silentio, quàm disputando palam efferre. Vereor ne quid per scriptoris, aut impressoris incuriã, aut redundet ut moris est, aut desideretur, unde illa obscuretur, sed tandè mouere

*P. Garbæ de immunit. Eccl.*

dubitationem statui potius, quàm silere, ut si illius solutionem minus attigero, viam ceteris aperiã ad veritatem eruendã, confidòque fore, ut qui præstantiori ingenio præditus hæc legerit, veritatem plenius assequatur.

Triplex autem occurrit mihi expositio ad hæc duo loca inter se concilianda. Prima expositio est ut §. quidè 7. prælati omnibus tam superioribus, quàm inferioribus hæc cognitio committatur, imò & precipiatur, sed maioribus quidè prælati per se atque ex officio, minoribus verò in eorum defectum. Ut quoties reus alicuius criminis ad Ecclesiam confugit, qui aliquod horum delictorum, quæ immunitate carent, commisisse prænditur, ad nullum omnino inferiorum prælatorum, sed ad Episcopum loci, & in loco exempto, ac nullius diocesis ad Episcopum viciniore, non ad inferiorem loci prælatum, etiamsi aliàs ordinarius sit, pro licentiã extrahendi recurratur, nec nisi cognito per Episcopum eum aliquod horum delictorum verè commisisse, eoque iubente per iudicem ecclesiasticum curiæ seculari tradatur. Si verò vel Episcopus adiri nequeat, vel periculum sit in mora, in locis præsertim ab episcopali sede remotis, tunc in Episcopi defectum succedat proprius illius Ecclesiæ prælatus, ad quam reus confugit, ut si ipse iudicauerit reum verè commisisse aliquod horum delictorum, licentiã de illum extrahendi, & curiæ seculari faciat consignari. Potest autem subesse legitimum impedimentum ad eundem Episcopum longè distantem, vel ex fractione itineris hyemali tempore, vel ex multitudine latronum

T. T. r.

stratas

stratas obfidentiu, vel ex aliis causis. Potest & grane subesse periculum si reus labatur, fugiatque, perniciem afferat reipublicæ, adeo nequam est. Probo hanc expositionem. palam est ex §. 7. iuberi huiusmodi prælatis & eorum cuilibet ut hæc faciat, non possunt quando Episcopus aditur: ergo debent id posse, imò ad id teneptur in aliquo casu. Is autem maxime erit, cum Episcopus adiri non potest, & periculum est in mora. Et certe quod pertinet ad capturam reorum, & carcerationem, ut ponantur in tuto, puto semper extra urbem cathedralem debere statim fieri per prælatos Ecclesiarum, vel certe per archipresbyteros & vicarios foraneos, qui sunt ipsius Episcopi officiales, aliàs rei quorumcumque gravissimorum criminum semper sub immunitatis prætextu evadent impuniti. In huiusmodi enim locis nullum habent impedimentum fugiendi quodcumque eis libuerit, si tamen secularis curia sub aliquo apparente horum casuum prætextu illos requirat, & ad hunc finem probabile est datum illis esse illud in §. 7. præceptum.

4. Huic expositioni videtur aliquo modo repugnare textus §. sequentis, qui semper soli Episcopo omnia committit, sed id parum refert, quia aliqua ratione glossandus est, ut suis utriusque §. dispositioni sit locus.

5. Duos alios intellectus retuli lib. 1. in glossa 8. §. 7. Vnus erat ut 7. §. de substantia extractionis & consignationis faciendæ curiæ seculari tractetur, quæ ad omnes & singulos prælatos pertinet, ut ad eam eo modo, quo possunt cooperentur. 8. autem §. assignetur modus

ut prælati inferiores tradere & consignare teneantur, quando Episcopus licentiam dedit capienti, aut iussit seculari curiæ consignari, ut inferiores prælati teneantur sequi voluntatem & iudicium Episcopi.

Huic expositioni illud obstare 6. videtur quod in §. 7. non alterius iudicio subiiciuntur, sed eorum iudicio res tota committitur, ut eos tradi & consignari curent, & faciant qui eorum iudicio aliquod horum commisisse videbuntur. Respondedo ut plurimum idem fore eorum, atque Episcoporum iudicium; deinde id, quod in §. 7. dictum erat iudicio suo, sequenti §. ad Episcopi iudicium restrictum esse.

Tertia explicatio: Prælatos inferiores eatenus dici tradere & consignare reos curiæ seculari, quatenus non impediunt quin tradi & consignari possint, quocirca sic eis id esse præceptum, ut qui iudicio suo videbuntur aliquod horum commisisse, eos posteaquam à seculari curia fuerint requisiti, & quilibet eorum fuerit requisitus teneatur non occultare, non defendere, non eripere de manibus curiæ secularis, non iuvare ad fugiendum, non fugiendi occasionem commoditatemque præbere, nec permittere ut per suos clericos hæc fiant, hoc est enim modo suo illos tradere ac consignare.

Quarta explicatio, & forte 8. minus optima, ut 8. §. limiter, moderetur, ac corrigat id, quod in 7. dictum est, ut cum ex vi 7. §. præceptum illud ad omnes prælatos pertineat, sit postea §. sequenti ad solos Episcopos restrictum, quasi noluerit prælatos Ecclesiarum

rum frustra ad id obligare, quod in praxi difficile illis, aut impossibile foret, tum propter defectum iurisdictionis, tum etiam propter defectum auctoritatis apud populos, cum neque curiam habeant, neque ministros, neque satellites, & per vim à viris potentibus illis rei cripi possent.

*An legati sedis Apostolicae siue nati, siue missi, siue de latere possint hoc nouo iure in sua legationis prouinciis cognoscere de causa immunitatis.*

## CAPVT- XI.

**P**RÆTER ordinarios praelatos maiotes hac constitutione expressos Episcopos, Archiepiscopos, Primates, ac Patriarchas sunt alij quidam extraordinarij praelati, legatos vocamus sedis Apostolicæ, qui consuevere pro spiritualibus causis, & negociis cum maiori vel minori prærogatiua & potestate in prouincias destinari, sicut olim apud Romanos pro negociis temporalibus destinabantur Proconsules, præsidēsque prouinciarum, sicut docet expressus textus in c. legatos, de officio legati. qui legati maiorem Episcopis, Archiepiscopis, Primatibus, ac Patriarchis in suis prouinciis auctoritatem, ac potestatem habet. De his ergo dubitatur hoc loco an possint cognoscere de causa immunitatis, siue simpliciter omnium, siue saltem exemptorum.

1. Pro parte affirmatiua hæc faciunt. Primum quod cum Pontifex §. 8. ad solos Episcopos se re-

stringit, apertissimis verbis declarat quosnam per eam restrictionem excludat, dicens, non ad alios Episcopis inferiores, legatos autem Apostolicos non modò non esse inferiores, sed præesse omnibus prouinciæ Episcopis, patet expressè per textum in c. 1. de officio legati. c. 1. de appellationibus. & c. 1. de fil. presbyter. & notat Specul. in lib. 1. tit. de legato, rubr. quos sint genera legatorum, vers. Nati verò. Id verò habere locum in omni legatorum genere, inde apparet, quod simpliciter & absolute legato tribuitur, nomine autem legati absolute positi omnes legati intelliguntur, etiam legati Nati, vt notat Villadiego in tract. de legato q. 3. per glossam in c. statutum, de rescript. lib. 6. & c. privilegium. de verbor. signific. eodem lib. & Boer. in tract. de potestate legati in 3. præsupp.

Secundò legatus sedis Apostolicæ est proprius iudex exemptorù, etiam legatus natus. vnde & dispositionem illam c. 1. de officio legati, dicentis legatum natum posse audire causas suorum prouincialium per simplicem querelam, plerique petarunt de solis exemptis intelligendam esse, quemadmodum notat Villadiego in dicto tract. de legato q. 8. De legato verò à latere, qui principem locum tenet inter Apostolicæ sedis legatos, in confesso est apud opines eum esse proprium, ac verum exemptorum iudicem. Casus ergo exemptorum, siue locorum, si personarum ad legatum pertinebunt.

Tertiò iudex Monarchiæ cum 3. de facto Vicelegati personam gerat in hoc regno Siciliæ, atque vsque hodie in possessione, vel quasi, sit dictæ legationis,

TT c 2. dicit

dicit etiā se esse in possessione, vel quasi istius iuris cognoscendi de causā immunitatis loci exempti.

4. Aduertendum est primò tria esse genera legatorum sedis Apostolicæ. Alij vocātur legati de latere, alij legati Missi, alij verò legati Nati. Ita tradunt communiter doctores. Villadiego in d. tract. q. 3. Boer. in tract. de potestate legati a latere, §. quot sunt genera. Alberic. de Rosa. in suo dictionario, in litera legatus. Andr. Barbat. in tract. de Cardinalibus legatis in præcludio n. 2. Goffr. & Hostien. in suis sum. tit. de legato, vel de officio legati. Panorm. & Bald. in c. excommunicatis, de officio legati. Geminian. & Franchus in c. officij. eodem tit. hb. 6. post gl. in d. cap. officij. in v. Legati. quæ tria legatorum genera in utroque dictorum textuum clarissimè exprimentur. in text. enim d. c. excommunicatis, etiam potestate absoluedi ab excommunicatione pro iniectiōe manuum violenta in clericos. Statuitur enim legatos de latere posse ab eo absoluerē, & in prouincia & extra omnes vndeque accedentes. Missos verò neque extra prouinciam posse quemquam absoluerē, neque verò in ipsa prouincia eos qui aliunde accedunt, sed solum suos prouinciales in prouincia. Eos demum legatos qui Ecclesiarum suarum prætextu legationis sibi vendicant dignitatem, ne subditos quidem in prouincia existentes possunt absoluerē ex vi suæ legationis, nisi ex speciali gratia duobus posterioribus generibus ampliùs, ab Apostolica sede concedatur. Vbi aduertendum quos textus dicit, Ecclesiarum suarum prætextu sibi vendicare legationis dignitatem, hos

vocari vulgo legatos Natos; quoniam ratione dignitatis, quam acquirunt, quodammodo nascuntur legationi, nec egent sibi legationis officium per Apostolica scripta committi. Et in text. d. c. officij eorundem trium generum meminit; eaque distinguit potestate beneficia conferendi. Vt siue legati Missi, siue qui Ecclesiarum suarum prætextu legationis obtinent dignitatem ex vi legationis non possint conferre beneficia, legati verò siue, id est, de latere, possint. Vt primi dignitate sint legati Cardinales à latere, de quibus dicitur tunc in d. c. officij. sicut honoris prærogatiua latantur, sic eos auctoritate fungi volumus ampliore, & in c. si Abbatem. de elect. lib. 6. §. huiusmodi, dicitur, de eodem legatō à latere maius omnibus in decreta sibi prouincia imperium obtinere. Secundum locum obtinent Missi, qui, vt dixi, possunt suos prouinciales in prouincia absoluerē ab excommunicatione canonis. Tertium locum sortiuntur Nati, qui licet postremi sint inter legatos, sunt tamen magnæ auctoritatis, vt not. Specul. loco suprā citato vers. Nati verò. Villadiego & Boer. locis suprā citatis. Fuerunt autem legati Nati qui ratione dignitatis ecclesiasticæ legationis officium habuerē, quatuor in toto orbe, vt refert Boer. in d. tract. de potestate legati, ubi suprā y. duo, in Anglia, ambo Archiepiscopi Cantuariensis atque Eboracensis, de priore est textus in c. 1. de officio legati, de posteriore in c. 1. de appellacionibus, & de utroque gl. in c. dilectus, de officio legati. in v. in concessione. Tertius in Francia Remensis, de quo in c. dilectus. de filiis presbyt.

Quartus

Quartus in Italia Patauinus Archiepiscopus. Præter hos Rex Sicilia Catholicus præterit se legatū Natiōis ratione temporalis dignitatis regiæ per quandam Bullam Urbani II. datam Salerni ad Rogerium Sicilia Regem, ratione cuius legationis Monarcha vocatur; quasi temporalem vt Rex, simul & spiritua-lem vt legatus Apostolicus habeat potestatem, quam quidem ecclesiasticam exercet per personam ecclesiasticam, quam iudicem Monarchiæ appellant.

5. Primi vocantur legati à latere, legati fratres, & legati Cardinales, & his nominibus in præallegatis textibus à ceteris distinguuntur. De latere legati vocantur *in c. excommunicatis, de officio legati*, à quibus contra distinguuntur qui de latere non mittuntur, nempe Missi, & qui ratione suarum Ecclesiarum obtinent legationem. Legatus frater vocatur *in c. officij. eodē tit. in lib. 6.* eosque hoc tit. ab aliis distinguit. Legati autem Cardinales vocantur in tit. quoties ad eorum aliquem Pontifex scribit, semper enim sic inscribitur titulus, Innocentius III. vel N. Pontifex Petro, vel N. Presbytero Cardinali S. R. Ecclesiæ legato, quoties enim Cardinalem legatum vocat, semper est legatus de latere. omnes autem legati ordinarij sunt, & ordinariam iurisdictionem habent quoad illa omnia, quæ ex vi legationis ad eos pertinent. *c. legatos. de officio legati lib. 6.* & legati Cardinales pro consulibus, alij verò legati præsidibus prouinciarum ibidem assimilantur. Quoad alias gratias & facultates eis concessas ultra officij rationē pro delegatis habendi sūt. Vnde & hæc omnia per mortem concedentis Romani Pontificis ex-

pirant, vt not. glos. *in d. c. legatos.*

Notandum secundò, licet glos. *in c. excommunicatis. de officio legati. in v. commissam*, putet illos omnes posse dici de latere, quos quando Papa mittit, inuenit existentes in curia, etiam si non sint Cardinales, quasi ex eo quod existentes in curia quodammodo eius lateri assistunt, & de curia quasi de eius latere mittuntur; præsertim verò qui vidē vo- eis oraculo mandatum legationis accipiunt, quod quasi ad latus assistentes alloquatur, eosque mittat. Tamen & eadem glos. ipsam statim corrigens solos Cardinales propriè dici legatos de latere affirmat, & eadem glos. quoad illud primū dictum reprehendit Panormitanus *c. 1. de officio legati*, qui de latere vocantur, etiam si cū legati destinantur in curia, non assistant ipsi Papæ, neque ab eo recedant, non sic dicti quod de latere recedant, sed quod eis ex ipso Cardinalatus officio inest latere eius assistere, & quod quasi pars quædam corporis eius sunt, atque hunc esse vsum curiæ, vt non nisi Cardinales legati de latere creentur aptissimè testatur Specul. vbi suprà n. 1. Boer. vbi suprà in dicto §. *Quot sunt genera.* Andreas Barbat. in *prelud. sui tract. de Cardinalibus legatis de latere.* Villadiego in *tract. de legato 1. parte. q. 3.* post glos. *in c. dilectus. de filiis presbyt.* quæ vocat eisdem partem corporis domini Papæ, & hoc apertissimè probat textus *in c. ad emendatam. de sententia excommunicationis.* vbi de legatis Cardinalibus loquens Pontifex ait eos de latere mitti, dicens eos, qui à legatis Cardinalibus, qui à latere Romani Pontificis destinantur. Vbi observa verbum, *des-*

finiuntur, quali non sit necesse mitti & exire de latere & de curia, sed ubicunque sint de latere vocentur eo ipso quod destinantur legati, & quamvis admitteremus legatos missos posse creari de latere, quod tamē factum aliquando non legimus, certē de legatis natis qui ratione suarum Ecclesiarum legationis munus obtinent, suntque perpetui, nullus vnquam cogitare, non dicam dicere ausus est eos posse esse de latere. cum enim legati de latere supremum prae omnibus habeant potestatem, possintque omnia, quae potest Papa, praeter pauca quaedam, quae tibi in signum suae praeminentiae reservauit, si legatus natus esset etiam legatus à latere, esset quidē alius quodammodo perpetuus & ordinatus Papa in mundo.

7. Legatus enim à latere primum videtur iisdem insignibus, quibus utitur Rom. Pontifex. *c. antiqua. §. Dominica. de priuil. facit* ubique ante se deferri erectam crucem, vestitur vestibus rubeis, vitur palafredo albo, freno & calcaribus deauratis, & quaecunque urbem in toto itinere ingreditur processionaliter, recipitur sub pallio ab vniuerso clero ac populo.

8. Secundū eo praesente & ingresso prouinciam, in qua sit alius legatus non è latere suspenditur quilibet legatus, etiam si patriarchali dignitate praeditus. *c. volentes, de officio legati.* Imò Patriarche non possunt in loco ubi est huiusmodi legatus gestare crucem. *d. c. antiqua. §. Dominica, de priuil. & facit textus in can. denique d. 21.*

9. Tertiū potest conferre beneficia *c. 1. de offic. legati lib. 6.* Quartū absoluat excommunicatos ex violenta

manuum iniectione in clericos in toto itinere, & vnde cumque ad se accedentes ab ea hora qua urbem egreditur, quousque eam ingredia-  
tur. *c. quod translationem, de off. legati. & c. ad eminemiam, de sententia excommunicationis.*

Quintū cognoscit de causis exemptorum, unde etiam exemptorum index vocatur, vt expressē tenet *gl. in c. 1. de off. legati*, idque probat, quoniam exemptorum priuilegia eos solum eximunt à iurisdictione Episcoporum, non autem à iurisdictione Papae, vel legatorum. Sed haec ratio plus probat, quam intendat, probat enim omnem legatum esse iudicem exemptorum, & natū. Secundū probat ex praxi legatorum, quoniam ita videmus per eos seruari. Sed non minus efficaciter probatur per textum dicti *c. quod translationem*. ubi reprehendit Pontifex quendam in Sicilia legatum, quod ad ea, quae in signum praeminentiae singularis Romano Pontifici reservata sunt, sine speciali eius mandato manus extenderit. Quare si ad alia quaecumque manus extendat, non est reprehendendus. Extenderunt autem legati à latere manus ad causas exemptorum, & reprehensi non sunt, vt dixi: ergo hoc eis competit ex officio.

Vltimū quod legato à latere Cardinali simplici verbo asserenti se esse legatum credendum est. Neque verò tenetur literas suae legationis ostendere, vt docet Geminian. *in c. officij, de officio legati lib. 6. n. 14.* allegat text: *in can. nobilissimus d. 97.* Nō esset autē illi credendū si diceret se habere potestatem circa ea, quae Rom. Pontifici, vt diximus, reservata sunt, nisi id ostendat litera

ria



ris probet. Rationem diuersitatis affert Hostien. Villadiego *in tract. de legato parte 1. q. 6. n. 18.* Innoc. *in c. cion in iure, de off. legat.* Bart. *in l. prohibendum, Cod. de iure fisci*: quia ratio exit de vrbe Cardinalis sine aliqua legatione, quam rarissimè verò conceditur quæ sunt reseruatæ Papæ in signū prærogatiuæ specialis.

12. Notandum tertio de alijs legatis tam missis, quam natis, eos ex vi suæ legationis non esse exemptorum iudices, neque illos teneri eis respondere, neque ab eis puniri, nisi ipsimet exempti in id consentiant. tenet expressè gl. *in c. 1. de officio legati, in v. Uniuersus, & ibi Panormitanus n. 8.* & Villadiego *in tract. de legato q. 8. n. 20.* Addit Panormitanus *loco citato*, hanc opinionem hodie probari *in c. si Abbatem, de electione lib. 6. & in c. 1. de verbor. signif. eodem lib.* qui textus verè valde hoc probant. Nam *in dicto c. si abbatem* primò statuit Pontifex Abbatem exemptum, & Romanæ Ecclesiæ immediatè subiectum electum in Episcopum non posse deferere suum monasterium, nisi de licentia Papæ, vel eius de latere legati: ergo solus Papa, & eius de latere legatus est superior exemptorum. Deinde §. sequenti statuit legatum de latere solum posse in prouincia confirmare electiones exemptorū, non alios legatos, & rationem adducit, quoniam legatus à latere maius omnibus post Rom. Pontificem in prouincia sibi decreta imperium censetur habere. Ex his sic licet rectè inferre, superioris est confirmare electiones subditorum, & dare illis licentiam deferendi proprias Ecclesias, vt ad a-

lias transcant, solus legatus à latere, & non alij legati, possunt confirmare electiones exemptorū, & dare eis licentiam deferendi suas Ecclesias infra episcopatum, id est, inferiores episcopatu: ergo soli legati à latere, & non alij legati, sunt superiores exemptorum, & possunt de eorum causis audire. Ex *c. 1. de verbor. signif.* sic licet argumentari. Recepti in filios speciales domini Papæ non sunt exempti à iurisdictione ordinariorum, nisi quoad hoc vt non possint à quoquam interdicti, aut excommunicari, nisi à Rom. Pontifice, vel eius de latere legato. ergo non sunt quoad hoc subiecti nec legato missi, nec nato, sed soli legato à latere: ergo exempti, qui sunt quoad omnia exempti, non sunt vlli alij legato subiecti quoad omnia, nisi legato à latere, vnde hi textus hanc sententiam ita clarè conuincunt, vt notat Panor. hodie solos legatos à latere habere iurisdictionem in exemptos.

Notandum quartò antiquitus receptum fuisse legatos sedis Apostolicæ habere in suis prouinciis iurisdictionem ordinariorum, & cum eis concurrere, datamque inter legatos atque ordinarios præuentionem, potuisseque ab ordinariis subditis adiri in prima instantia, vt notat gl. *in c. 1. de off. legati lib. 6. vers. nota 2.* & ibi Franchus Boët. *in tract. de potestate legati in 4. supposito n. 20.* Villadiego *in tract. de legato, parte 1. q. 8. n. 22. Specul. 1. parte tu. de legato. §. nunc ostendendum. vers. legatus.* cuius tamen iurisdictionis virtute non poterat subditis ordinariis suæ prouinciæ, ne ad ipsos ordinarios;

In his quæ ad illos pertinebant accedere, inhibere, vt notat Gemin. c. 3. de officio legati lib. 6. neque causam coram ordinario. pendentem ad se aduocare, aut de ea cognoscere, vel eam alteri delegare, vt notat Specul. in dicto §. nunc ostendendum. vers. legatus. Domin. in c. Romana, de foro competenti lib. 6. Dominus Nicol. in c. 1. de off. legati, & post eos Frauchus c. 1. de off. legati lib. 6. non enim poterat legatus ordinariorum iurisdictioni detrahere. Hodie verò per Conc. Trid. sess. 24. de refor. cap. 20. ablata est legatis omnibus, etiã à latere, omnis huiusmodi iurisdictionis, & cū ordinariis cōkursus in prima instantia, ita vt & Episcopos in causis ecclesiasticis impedire, & iurisdictionem illis in aliquo præscribere sint prohibiti.

14. Notandum vltimò præsentem disputationem, an legatus Apostolicus hodie possit cognoscere de causâ immunitatis, posse dupliciter institui. Primò vniuersè de omnibus, in prima nempe instàtia, vel per appellationem, secundò in particulari de personis, locisque exemptis, & vtrumque. Primò an possit ex vi præsentis constitutionis, quod est an præsentis constitutione legati ab hac cognitione excludantur. Secundò ex vi officij legationis tam legati à latere, quàm missi, ac nati. Tertiò an ex speciali mandato & forma priuilegij legationis. Quartò de iure ex vi priuilegiorum Apostolicorum, quæ personæ, locaque eximuntur.

15. Quoad primū sensum vniuersè de omnibus in prima instantia non est locus dubitandi, cū per Conc. Trid. nullus omnino legatus Apostolicus concurrat amplius cum ordinario, per appellationem: verò

certum est, vt in qualibet alia causa, ita & in ista posse ad legatos appellari, in quibus tamen casibus appellatio in materia huius immunitatis habet locum, de qua re infra hoc eodem lib. parte 3. dicitur.

Quoad secundū sensum de personis locisque exemptis primò ex vi præsentis constitutionis respondeo de locis quidem etiã vsque ad exemptis, vt nullius sint diocesis, si quis ad ea confugerit cognitionem de causâ immunitatis eorum, qui ad dicta loca confugiunt, in viciniorem Episcopum esse translatam: ergo non potest de ea se interponere legatus. ita expresse §. 8. cū legati cum ordinariis non concurrant. Monasteria verò domusque religiosæ eidem ordinario, vt ceteræ Ecclesiæ quoad illos, qui illuc confugiunt, ex vi eiusdem constitutionis subiacerent, manifestè ostendunt illa verba §. 7. vbi præcipit vniuersis prælatis tam secularibus, quàm cuiusvis ordinis regularibus, vt laicos ad eorum Ecclesias, monasteria, domos, & alia supradicta loca sacra, seu religiosa respectiue confugientes tradi faciant euriæ seculari. monasteria autem & loca religiosa exempta parè omnia sunt. & §. 8. *Declaramus vt curia secularis, eiusque indices & officiales ab Ecclesiis, monasteriis, locisque sacris prædictis aliquem extrahere sine expressa licentia Episcopi, &c. ecce iterū monasteria, quæ sunt exempta, quoad hoc Episcopis subiciuntur.*

De personis verò exemptis, si post commissum delictum aliquod ad Ecclesias confugiant, vt si monachus sit grassator viarum, vel mediante pecunia hominem occidit, de cuius licentia extrahendus sit, &

carcerandus, aut quis debeat de eius immunitate cognoscere, & punire, nihil omnino hac constitutione determinatum est, ideoque nihil ex eius vi dicendum est, sed manet in dispositione iuris communis.

18. Illa potest esse peculiari dubitatio in hoc Sicilia regno, vbi iudex monarchiæ solet esse aliquis Abbas, & aliquæ abbatix habent vrbes exemptas, & nullius diœcesis, si contingeret prædictum monarchiæ iudicem Abbatem esse vr- bis exemptæ, ac nullius diœcesis, & aliquis commissio aliquo horum delictorum, in ea vrbe ad Ecclesiam confugeret, an necessariò hæc cognitio deuolueretur ad Episcopum viciniorem, an verò posset ipse iudex & Abbas, non tamquam Abbas, sed tamquam iudex monarchiæ & legatus, siue vicelegatus de ea cognoscere. Respondet quantum ad vim præsentis constitutionis attinet, in qua nulla fit mentio legatorum sedis Apostolicæ, legatos neque includi in ea, neque excludi, mihi dicendum videtur posse eum cognoscere, non quidem tamquam Abbatem, qua ratione cum sit infra Episcopum, necessariò ad Episcopum viciniorum recurrendum esset, sed tamquam legatum, qua ratione est superior Episcopis; quod enim dicit Põrifex vt occurrente casu in loco nullius diœcesis ad Episcopum viciniorẽ, & non ad alios hæc cognitio deuoluatur, videtur intelligendum eodem prorsus modo, quo paullo superius, vt eisdem omnino excludat, quos paullo superius excluderat. Superius dicens ad solos Episcopos, & non alios, declarauit quos alios excludat, dicens non a-

*P. Garbaci de immuni. Eccl.*

lios Episcopis inferiores, etiam si alij ordinarij sint, & nullius diœcesis, aut conseruatores ab hac sede specialiter, vel generaliter deputati. At legatus etiã natus, qualem iudex monarchiæ in Sicilia se esse prætendit, superior Episcopo est, & in dicto loco exempto est ordinarius: ergo vt legatus potest de hac causa cognoscere.

Secundò quantum attinet ad vim 19. legationis, quoniam hodie legati non concurrunt cum ordinariis, palàm est legatos nihil in hoc posse in prima instantia, nisi fortè legatus de latere, si confuga esset exemptus, & nullum haberet alium in loco superiorem, quia solus legatus late, est iudex exemptorũ. Neque verò iudex monarchiæ id potest, quamuis modernus iudex prætendat se esse legatum è latere, esseque in possessione, vel quasi legationis è latere. nam quod ait de possessione, manifestè constat contrarium, nihil enim eorum, quæ legati è latere possunt, vnquam exercuit, & si dicatur quòd solet absolueret ab excommunicatione canonis, palàm est non exercuisse potestatem legati huiusmodi, vt: extra prouinciam, vel aliunde accedentes absolueret; prouinciales autem iure ne absoluar, non est præsentis loci disputare, fortè præscripsit id tit. legationis, conueniente, ac dissimulante sede Apostolica. Quod verò dicit esse se in possessione, vel quasi huius iuris cognoscendi de causis exemptorum. Primùm audio id diuersimodè in monarchia fuisse practicatũ, multos iudices monarchiæ id ausos nõ esse, vt neque certa, neque antiqua sit hæc possessio: deinde illos exemptos saltem tacitè consensisse

V.V.v in

in dictum legatum, ideo in eos tantum acquiescisse hoc ius, in cuius possessione se esse dicit, non in alios qui nunquam consenserunt, vel etiam contradixerunt. Denique monstro simile esse videtur dicere esse legatum Natum, seu perpetuum ratione dignitatis in aliqua provincia, & hunc esse è latere. esset enim, ut superius dixi, alter quodammodo Papa.

10. Quæres an prælati loci exempti simul cum personis exemptis consentire possint in legatū Natum, ut ipse de causâ immunitatis cognoscat? Respondeo quoad loca quidē non posse, quia loca tā sunt per se dem Apostolicam in hac constitutione subiecta Episcopo loci, & loca nullius diœcesis Episcopo viciniore. Quoad ipsas verò personas exemptas posse, quoniam has in specie Pontifex nō subiicit Episcopo: ergo manent in dispositione iuris communis, & possunt consentire in legatum etiam Natum, atque adeo in iudicem monarchiæ.

11. Tertio ex speciali mandato per sedē Apostolicam concessio vltima ordinariā legationū posse quidem hanc cognitionē concedi dubiū non est. An autem alicui aliquando concessa sit, aut in posterum concedenda, ex ipsa priuilegiorum forma cognoscetur.

12. Quid sit dicendum ex vi particularium priuilegiorū exemptionis concessæ personis, ac locis per sedē Apostolicam concedendæ, ex ipsis etiam priuilegiorū formis petendū est. quod nunc scimus, hoc est, loca cōmuniter exempta in locis nō exemptis subiicere Episcopis in cognitione huius causæ, loca verò exempta nullius diœcesis subiecta esse cognitioni Episcopi

vicinioris. De personis verò exemptis nihil noui esse constitutū, ut dixi, atque ideo manere quoad eas iuris communis dispositionem.

Ad primam rationem partis 23. affirmatiuæ initio adductam respondēdo, legatos quidē ex vi præsentis cōstitutionis neque includi, neque excludi, sed excludi à Conc. Trid. quo ablati sunt eis concursus cum Episcopis in prima instantia, causæq; autem huius cognitio etiam in locis exemptis, ac nullius diœcesis Episcopis commissā est à Pontifice, quoad personas verò exemptas cōcedo de solo legatō à latere qui ex vi legationis est iudex exēptorū, quoad alios verò legatos solum si exēpti in eos semel consenserint.

Ad secundum patet ex 3. alios legatos non esse iudices exemptorum, nisi à latere.

Ad tertium patet ex dictis n. 19. 25. de possessione cognoscēdi de causis exemptorum. quod autem semel de hac causâ cognouerit, fuit per surreptionem, Archiepiscopo fortasse nesciente, aut non aduertente, qui eidem postea in simili causâ accitrimē ei restitit, nec permisit eum procedere.

*Quomodo causa immunitatis committatur Episcopis tamquam ordinariis, an tamquam delegatis sedis Apostolica.*

#### CAPVT XII.

MAGNI refert hoc quoque 1. cognoscere propter appellationem, si enim committeretur ei tamquam delegato speciali sedis Apostolicæ, tūc Episcopus Apostolica auctoritate declararet debere reū ad immunitatem admitti, vel ab

ab ea excludi, neque appellatio ad alium, quàm ad Rom. Pontificem inrerponenda foret, neque ad legatos ne de latere quidem liceret appellare, per expressum textum *inc. si uideris, de officio legari.* & ratio ibi affertur, quoniam speciale mandatum factum delegatio derogat generali mandato quod factum est legato ex vi suæ legationis.

2. Suppono autem tamquam certum, atque indubitatum, quod ipsa experientia constat, utroque modo committi consuevisse Episcopis, ceterisque ordinariis causam per sedem Apostolicam, ac per generalia Concilia uno modo tamquam ordinariis, ut potestate sua ordinaria in eis procedat, alio modo tamquam delegatis sedis Apostolicæ, ut procedat in eis auctoritate extraordinaria, nempe auctoritate Apostolica delegatis. quomodo quæ plurima in sacro Conc. Trid. repetimus commissis Episcopis, tamquam sedis Apostolicæ delegatis.

3. Quando committitur aliquid Episcopis, vel iniungitur, quod auctoritatis eorum ordinariæ terminos non excedit, id eis tamquam ordinariis iniungitur, ut in Conc. Trid. *sess. 5. cap. 1.* iniungitur Episcopis, ut per seipso prædicent Euangelium, si legitime non sint impediti, & paullo post, ut si prædicatores aliquis hæreses seminare, contra eum secundum iuris dispositionem procedat, & *sess. 14. de reform. cap. 3.* Episcopis iniungitur, ut quoscunque suos clericos, quos ad diuina officia celebranda, vel administranda sacramenta inhabiles possit ab ordinum executione suspendere, & ne in aliquo ordine ministraret inrerdicere. Quando uero ad quod Episcopis committitur,

aut iniungitur, excedit limites ordinariæ eorum potestatis, siue quia ex natura sua pertinent ad Apostolicam sedem, siue quia ex privilegio per sedem Apostolicam concessio sunt, de Episcoporum manibus ablata, & ad sedem apostolicam translata, hæc iniunguntur eis tamquam sedis Apostolicæ delegatis. Cum enim ad ea non se extendat ordinaria eorum potestas ac iurisdictio, necesse est in eis altiori, nempe Apostolica auctoritate procedere, atque ideo Episcopus constitui Apostolicæ sedis delegatus. quo modo multa iniunguntur Episcopis in Conc. Trid. *ut sess. 5. cap. 1.* iniungit eis ut in monasteriis monachorum (quæ ab Episcopo sunt exempta) ubi commodè fieri poterit, si Abbates negligentes fuerint, Episcopi locorum eos ad lectionem sacræ Scripturæ in eis ponendam cogant. & *cap. 2.* eidem iniungit, ut si prædicatores aliquis generali, vel speciali privilegio exemptus hæreses seminare, Episcopus etiam contra eum procedat. & *sess. 23. cap. 3. de reform.* committit Episcopo ut secularem clericum quoquomodo exemptum, vel regularem extra monasteria decernat, si deliquerit, puniat. Hæc & multa his similia, quoniam ab ordinaria Episcopi iurisdictione per specialia, vel generalia exemptionis privilegia auocata erant ad Rom. Pontificem, cum Episcopo iniunguntur tamquam sedis Apostolicæ delegato iniunguntur. Unde & ad maiorem cautelam, & ne illi Episcopo obedire deretent, expressum est, & in similibus exprimi solet, ut in his tamquam sedis Apostolicæ delegati, vel ut Apostolica auctoritate procedat.

Aliquando verò contingit aliqua Episcopis committi, quæ vel partim ad ordinariam eorum potestatem pertinent, partim verò limites eius excedunt, vel de quibus dubitari possit num pertineant ad eorum potestatem, nec ne, & in his non simpliciter dici solet ut tanquam sedis Apostolicæ delegati, vel Apostolica auctoritate procedant, sed additur, ut etiam tanquam delegati vel Apostolica etiâ auctoritate ea faciant. quo loco verbum illud, *etiam*, cumulatim se habet, ut præter auctoritatem ordinariam, etiam Apostolica illis potestas tradatur, ut utraque simul utatur, ordinaria quidem, qua parte causâ illa ad ordinariam eius potestatem pertinet, Papali verò & Apostolica, qua parte limites potestatis eorum excedit, ita ut nulla prætextu immunitatis eorum aut potestatis Episcoporum impedimenta negotij cursum retardare, aut impedire possint. Huius tertij generis multa sunt in Conc. Trid. sess. 21. de refor. cap. 4. 7. & 8. & alibi sæpe, ubi his vocibus utitur, *etiam tanquam delegati*.

4. Causam porò immunitatis nō excedere ordinariam Episcopi iurisdictionem, neque ynquam fuisse per sedem Apostolicam ad se auocatam, imò opinor neque auocabilem, cū neque, aded in se ipsa grauis sit, neque expedita tantum disferri, donec sedes Apostolica consulatur, & ex se ipsa pater, & ipso vsu, atque experientia constet. Pænd enim vbique & iuxta maximam doctorum partem Episcopus cura iudicis laici cognoscere de ea consuevit, alicubi etiam ordinarius iudex laicus, quo non est in potestate inferior Epi-

scopus, ut ad hunc quoque propter fauorem Ecclesiæ & diuini honoris, cultusque pertineat.

Ex his ad præsentem quæstionē respondeo, huiusmodi causam nō modò Episcopis committi, eisque tanquam ordinariis, & nullo modo tanquam sedis Apostolicæ delegatis, sed eis solis referuari, quòd eiusmodi sit ut ab inferioribus quoque prælatis cognosci fortasse posset, nisi soli Episcopo per hanc nouissimâ constitutionem, imò à laicis iudicibus, sicut antea cognosci consuevit, referuaretur. Hinc illud etiam sequitur quibus personis, & quibus in casibus permissum est in huiusmodi causâ appellare, licitè appellari posse non modò ad legatos sedis Apostolicæ, sed etiam ad ordinarios superiores, ab Episcopo ad Archiepiscopum, ab hoc ad primatem, seu etiam Patriarcham.

---

*Quis sit Episcopus vicinior loco nullius diœcesis, ad quem ex eo loco recurrendum est in causis immunitatis.*

#### CAPVT XIII.

AD 2. interdum permixta a t. 1. que confusa sunt cathedrali Ecclesiarum confinia, ut non facile sit discernere quismam Episcopus vicinior dicendus sit, si enim a viciniorem vocemus eum cuius Ecclesia cathedralis est propinquior, fieri potest ut locus exemptus, ac nullius diœcesis sit remoti vnius episcopatus longè remoti confinia, & tamè alterius cathedrali longè vicinior, exempli gratia,

si Peracium in Sicilia esset nullius diœcesis, esset intra confinia episcopatus Messanensis, quæ vltra Peraciũ extenduntur vsque ad Castrũ bonum, & tamen longè propinquior illi est cathedralis Cephaledana Ecclesia quàm Messanensis; si verò vocemus viciniorem eum, cuius propinquiora sunt confinia, diœcesis vicinior Peracio erit Messanensis, intra cuius confinia consistit, quàm Cephaledanus Episcopus, cuius confinia sunt remotiora propter interiaccens Castrũ bonum inter confinia Cephaludensis Ecclesiæ & Peracium.

4. Huic similis difficultas oritur circa dispositionem quandam Concilij Trid. *sess. 24. c. 16.* Vbi cùm statuisset sede vocante per mortem Episcopi debere capitulum eligere œconomum, qui curam gerat fructuũ Ecclesiæ, & vicarium, qui iustitiam administret, idque ex negligentia Capituli ad metropolitanum pertinere statuisset, adiiciens quidnam sit agendum in vacatione Ecclesiæ metropolitanæ, vel exemptæ, si eadem Capituli negligentia intercederet, dicens in metropolitana ad Episcopum suffraganeum antiquiorem, in exempta verò Ecclesia ad viciniorem Episcopum pertinere. Hic par dubitatio esse potest, æquissimam Episcopus vicinior dicendus sit.

3. Ad hanc fortassis tollendam difficultatem idem Conc. Trid. *eadem sess. 24. c. 9.* cùm visitationẽ Ecclesiarum exemptarum ac nullius diœcesis viciniori Episcopo committere vellet, non viciniorem Episcopum nominavit, sed maiore distinctione vsus dixit loca nullius diœcesis ab Episcopo, cuius cathedralis Ecclesia sit proximior, visitentur, sicut & in expositione literarũ lib. 2. §. 8. *glossa 6.*

tetigimus. At neque hæc dispositio ita clara est, vt dubitationi locum, & liti, quæ inter duos Episcopos oriri possit, non relinquat. Potest enim etiam dubium esse inter duas, trẽsve cathedrales Ecclesias, quænam earum sit vicinior propter æquidistantiam ipsarum Ecclesiarum cathedralium ab eodem loco. Vnde hanc ipsam dubitationem aduertentes Patres illi prudentissimi, ac rerum expertissimi, & tetigerunt eã, & remedium adhibuerunt, quo liti- bus omnibus circa eam rem aditus omnino præcluderetur, dicentes: Cuius cathedralis est propinquior, si id constet, alioquin, nempe si id sit dubium, visitentur ab Episcopo, qui semel in Concilio provinciali à prælato loci illius exempti fuerit electus, vt in dubio de propinquitate cathedralis in potestate sit prælati loci eligere in Concilio provinciali quem maluerit, à quo visitetur, & quem semel elegerit, huic perpetuò sit in visitatione subiectus. id quod aperte probat vox illa, qui semel, non enim potest nisi semel eligere, vt illi perpetuò in visitatione subiaceat.

4. Quæres an iste loci exempti prælatus optionem habeat eligendi quemcunque ex suffraganeis maluerit, etiam remotiorem, an verò teneatur eligere alterutrum, seu vnum eorum qui propter cathedralium Ecclesiarum æqualem, vel pænè æqualem propinquitatem possunt prætereendere se esse viciniore, aut æquè vicinos. Hæc mihi dubitatio non minus difficilis, quàm ad rem nostram utilis videtur. difficilis quidem propterea quòd Concilium ex vna parte non videtur se ad hos tantum restringere, non enim dicit ab eo, qui inter propinquiores

res semel in Concilio prouinciali à prælato loci illius fuerit electus, sed implicite & absolute: ab eo qui semel, &c. quasi liberè in dubio possit ex suffraganeis eligere quemcunque maluerit, siue propinquam, siue remotam habeat Ecclesiam cathedralē. Contra verò videtur teneri eligere vnum eorum, quorum Ecclesiæ Cathedrales adeò sunt vicinæ, vt dubium sit quænam sit vicinior; nam & quæ sequuntur, intelligenda videntur secundum subiectam materiam; cum enim dixisset visitari debere ab eo cuius cathedralis Ecclesia sit vicinior, si constet, iuxta hæc videntur intelligenda sequentia, & iuxta hanc restrictionem, vt si non constet, ius deret eligendi vtrum ex iis maluerit, de quibus non constat. Hoc etiam videtur intentioni Concilij magis conforme, vt Episcopo viciniori subdatur, à quo possit facilius, commodius, & minori expensa, ac procuratione visitari. Vtilis autem ad rem nostram est præfens dubitatio, propterea quòd aperit nobis viam ad eadem, vel non valde dissimili ratione in nostra dubitatione iudicandum.

5. Primò igitur dico viciniorē Episcopum in præfenti constitutione de materia immunitatis, sicut in posteriore illo loco Concilij Trid. c. 16 intelligendum esse iuxta declarationem prioris loci, nempe c. 9. eiusdem Concilij, nempe eius, cuius cathedralis Ecclesia est propinquior. optimus est enim modus procedendi ius iure interpretandi, & quod semel in iure declaratum est, assumere ad omnia loca dubia iuris interpretanda. Cum ergo Concilium volens Ecclesiam exemptum subiicere Episcopo viciniori quoad vi-

sitationem, declarauerit viciniorē, cuius Ecclesia cathedralis est vicinior, quoties de Episcopo viciniori est sermo, semper in iure intelligatur is cuius cathedralis est vicinior, si id constet, non enim credendum est iura velle præbere occasionem litigandi, neque verò necesse est, neque conuenit quoties disponunt, eandem repetere, atque inculcare declarationem.

Secundò dico posteriorem illum locum eiusdem Concilij regulandum esse iuxta dispositionem præcedentem: c. 9. non solum quoad viciniorē Episcopum, vt is intelligatur vicinior, qui cathedralem Ecclesiam habet viciniorē, si id constet, sed etiam quoad alteram partem, vt si id non constet, subiiciatur ei, quem semel in Concilio prouinciali elegerit. Vt in casu vacationis sedis exemptæ, ac nullius diocesis si capitulum negligens fuerit in eligendo œconomo ac vicario, & non constet cuius Ecclesia cathedralis sit vicinior, potestas constituendi œconomum ac vicarium, deuoluatur ad illum Episcopum qui semel à prælato loci in Concilio prouinciali fuit electus. Probatur quia idem est dubium; ergo eadem ratione adhibendum remedium ad tollendas lites; & si is Episcopus sentit onus visitandi dictum locum exemptum, laboresque itineris ac visitationis, debet etiam sentire commodum constituendi ibi vicarium, si capitulum fuerit negligens. Nihil autem de hoc dixit Concilium, quoniam satis clarè dixerat paullo antè in eadem illa 14. sess. vnde superflue repetiisset.

Tertiò dico propinquiorē Episcopum in nostra immunitatis materia esse eadem ratione intelligendum  
cum



eum, cuius cathedralis Ecclesia est propinquior, si id constet, alioqui esse eum, quem prælatus loci semel in Concilio provinciali elegit, & non alium. Probo, quoniam ius iure optimè interpretatur.

Secundò, quia alioqui iste haberet duos Episcopos viciniore, vnū qui esset vicinior, alterum, quem elegisset. Postremò, quia alioqui disputandum esset inter Episcopos, quorum metropolitana Ecclesiæ æquè distare videntur, antequam de causâ immunitatis cognosceretur, quod est valde absurdum, quia hæc causâ eget quàm citissima expeditione propter publicum reipublicæ bonum.

8. Quattò dico, licet in rigore loquendo videatur esse in potestate prælati eligere quemcunque voluerit ex suffraganeis siue propinquiorem, siue remotiorem, quoties non constat quamnam cathedralis Ecclesia sit propinquior, vnde nec audeo dicere inanem esse electionem remotioris ab eo factam: si tamen hæc electio faciendâ sit, videtur magis conforme rationi, & intentioni ipsius sacri Concilij, vt vnum eligat ex propinquo, inter quos dubitari potest, quis sit propinquior. Probatur rationibus pro hac parte adductis n. 4.

9. Quintò dico hunc viciniorem Episcopum in hac causâ immunitatis occurrente in loco exempto non cognoscere de ea auctoritate delegatâ tamquam Apostolicæ sedis delegatum, sed auctoritatē ordinariâ, sit enim, quoad hanc causâ ordinariâ illius loci, Probo ex verbis præsentis constitutionis, vbi nulla sit mentio delegationis vlli. quando autem aliquid Episcopo committitur tamquam delegato,

semper solet exprimi. Ad rationem in contrarium adductam initio questionis, quod viciniore esset is, extra cuius diœcesis fines locus situs est, quàm is intra cuius confinia clauditur. Respondeo ita quidem fore, neque hoc esse absurdum; hæc enim propinquitas ideo eligitur, vt facile vtrinq; pateat accessus, ad quod necesse est seruare propinquitatem cathedralis Ecclesiæ, seu ciuitatis, in qua Episcopus ordinariè debet residere.

---

*An quando ita notoriè constat reum commississe aliquod horum delictorum, vt nullus sit tergiuersandi locus, necessarium sit Episcopo hanc instituire cognitionem ad tradendum illum curiæ seculari.*

## CAPVT XIV.

VERBA §. 8. de hac re disposita sic habent: *nec inde* ( id est, ex ecclesiasticæ curiæ carcere, in quo securitatis gratia repositus fuerat reus ) *extrahi, curiæque seculari prædicta consignari, nec tradi possit, nisi cognito prius per Episcopum, seu ab eo deputatum, an ipse vere crimina superius expressa commiserit.* Constituto ergo legitimo iudice huius causæ, de quo hæcenus disseruimus, consequens est, vt de hac ipsâ cognitione per eum habenda disseramus. De qua hæc prima occurrit dubitatio, an quando ita notoriè constat reum commississe aliquod superius expressorū delictorū, vt nullus sit tergiuersandi locus, teneatur Episco

Episcopus reo in ecclesiastico carcere detento hanc instituere cognitionem, an ea prætermissa possit illum ex Ecclesia extractum tradere curiæ seculari.

Necessariam autem esse huiusmodi cognitionem, & post eam, declaratoriam sententiam, qua declaratur verè aliquod horum criminum commisisse. Probatur.

Primò ex *c. cum secundum leges, de hæres. in lib. 6.* ubi statutum est cum qui incidit in aliquam pœnam iuris, & in specie cum quis est hæreticus, arque ideo incidit eo ipso in pœnam confiscationis omnium bonorum, non posse per iudicem ad executionem pœnæ, & in specie ad prædictam pœnam confiscationis bonorum, nisi priùs per Episcopum, vel alium iudicem ecclesiasticum declaratoria sententia super dicto crimine fuerit promulgata, qua declaratur verè in hæresim incidisse. ergo pari ratione, cum priuatio immunitatis sit pœna, quamvis aliquis aliquod horum delictorum commiserit, non debet priuari immunitate, aut tradi curiæ seculari, nisi priùs declaratur verè id commisisse. Vnde Geminian. Franchus & Anchar. in dicto *c. cum secundum leges. §. confiscationis*, hanc tradunt regulam generalem, quantumcumque constitutio pœnam irroget ipso iure, semper tamè antequam executioni mādetur, declaratoriam requiri.

Secundò probatur per textum in *l. eim qui delatorem. ff. de iure fisci.* ubi cum constitutum esset eum, qui delatorem corruperit, pro conuicto haberi, subdit tamen hanc pœnam non transire ad hæredem, & ratio nem assignat, quoniam non perit: causa ex eo quòd redempta est, vel: condemnatio facta videtur, sed o-

portet priùs constare, & de crimine pronunciar. pronunciar autem est per declaratoriam declarari crimen commissum esse.

Tertiò ex *gl. in clem. 1. de penis. §. sanè, in v. quamcito.* cum enim constitutum esset in dicta clemētina absolutum ab excommunicatione reseruata Romano Pontifici in articulo mortis, nisi posteaquam sanitati pristinæ fuerit restitutus, quàm citò commodè posset Apostolico se conspectui præsentaret, re incidere de nouo ipso facto in eandem excommunicationem, notar ibi *gl.* quauis ille qui absolutus fuit ex quo scientiam habet quòd non se præsentauit, debeat se gerere pro excommunicato, iudicem tamen non debere eum denunciare excommunicatum, nisi priùs eo vocato, & cognitione summaria super hoc præmissa declarauerit illum esse morosum.

Quartò ex *clementina 2. de penis, iuncta gl.* Constituit enim in ea primum Pontifex resignationes beneficiorum certo modo extortas, etiam si à prælatis resignantium receptæ sint, nullius esse firmitatis, deinde iniungit locorum ordinariis, vt posteaquam eis constiterit aliquos sibi subiectos prædictam pœnam ac sententiam incurrisse, eam publicent, mandentque executioni. Quà loco publicatio de sententia declaratoria intelligenda videtur.

Quintò probatur, quia multa dicuntur notoria quæ tamen notoria non sunt. *c. consuluit. 1. de appellatomb.* atque ideo ibi Pontifex mandat vt provideat & caueat ne id, quod dubium est, pro notorio habeat, quod non aliter provide potest, quàm habita super notorietate debita cognitione, id per declaratoriam sententiam promulget.

Spe

Sæpe enim etiam periti super notorietate titubant, ut refert Franchus in d. c. *confilui*. Vnde & gl. notabilis in *can. de manifesta* 11. q. 1. loquimur, inquit, de notorio, & quid notorium sit ignoramus.

Sexto probatur clarius per text. in c. *perro*, de *diuor.* ubi iubet Pontifex eum, qui uxorem propter ea, quod cognata esset uxoris defunctæ prioris, absque Ecclesiæ iudicio, id est, absque declaratoria super eius cognatione dimisit, ad eam denuo recipiendam esse compellendum, etiamsi parenrela publica esset, atque notoria. Non potuit enim etiam stante notorietate absque Ecclesiæ iudicio separari. Ex hoc optimè infert ibi gl. etiam in notoriis causæ cognitionem, ac sententiam declaratoriam requiriri ergo.

Septimò & ultimò probatur ex hac ipsa constitutione, eiusque verbis initio huius capituli relatis, statuit enim §. 8. Pontifex vniuersè & nulla facta exceptione reum de carcere curiæ ecclesiasticæ non extrahi, neque seculari curiæ consignari, nisi cognito prius per Episcopum, an ipse verè delicta superius expressa commiserit, & tamen inter hæc delicta numerantur publici latrones, viarumque grassatores, in quibus facillimè occurrere potest facti notorietas.

2. In contrarium videtur esse communis doctorum consensus in notoriis, quæ verè notoria sunt, nullam omnino requiri cognitionem, nullam declaratoriam sententiam. Ita in præsentī materia immunitatis expressè tenet Io. de Vuischis in specie de publico latrone, in quo facillè notorietas occurrit, & probat rationibus, quæ vniuersè

*P. Gambac. de immunit. Eccl.*

probant de omni notorio notorietate facti, vel iuris, quod idem sentit Geminian. Franchus & alij in c. *cum secundum leges, de hæreticis in 6. §. confiscationis*, dicentes in notoriis non requiri sententiam declaratoriam, sed satis esse iudicem assignare parti terminum ad excusandum factum, quod notorium esse prætenditur, eaque non excusante absque vlla declaratoria procedere ad pœnam iuris ex ipso incursum exequendam. Sed quicquid sit de hac termini assignatione, nobis satis est secundum hos non requiri declaratoriam. Idè sentit Panorm. in c. *peruenis, de appellationibus*, dicens quando delictum percussionis clerici notorium est, posse iudicem statim præcipere eum vitari, nulla super hoc declaratione præmissa. Vnde & idem in c. *si clericus laicum, de foro competenti*, & ibi D. Anton. obseruat in manifestis ac notoriis negationem rei non facere causam dubiam. Eandè prorsus sententiam expressè tenet Innoc. in c. *ex parte, 1. de verbor. signif.* dicens in notoriis non requiri propriè sententiam, sed fieri quandam iuris executionem. Et idem Innoc. in c. *venerabili, de censib.* ubi cum notorium esset notorietate facti monasterium vocarum de cultura esse in Cœnomanensi villa constitutum, consequenter debere Cœnomanensī Episcopo soluere procurationem, tenet exceptionem Abbatis dicti monasterij & conuentus, quod eam procuracionem hætenus non soluerunt propositam pen eosdem, & non probatam, non impedire quominus & Episcopi processus legitimus & excommunicatio contra Abbatem prolata sit valida.

XXx

Probatur

3. Probatur autem hæc sententia. Primò quoniã facti notorietas inter-  
terdum plus operatur quàm noto-  
rietas iuris. Vt enim notat gl. in  
*Clementina prima, de sepult.* ad hoc  
vt quis dicatur publicè excommu-  
nicatus, & ecclesiastica sepultura  
priuetur, non satis est illa iuris no-  
torietas, quæ oritur ex declarato-  
ria iudicis sententia promulgata in  
loco consueto coram ministris cu-  
riæ, & ambabus partibus, vel ea-  
rum altera contumaciter absente,  
sed præterea attendi debet nume-  
rus personarum, quæ huiusmodi de-  
clarationi interfuerunt. si enim ma-  
gius is fuit, vt facti notorietatem  
faciat, pro publico est excommu-  
nicato habendus, & ecclesiastica  
sepultura priuandus, sin minor, tã-  
quam occultus excommunicatus  
sepulturæ ecclesiasticæ tradendus  
est: ergo facti notorietas operatur id  
quod nõ poterat notorietas iuris.

4. Secundò probatur per text. in c.  
*final. de cohabit. clericor. ac mulier.*  
vbi ad euitandum clericum forni-  
carium, ne eius officium audiamus  
alterum horum trium satis est, vel  
quodd sit notorium per sententiã,  
aut per eius confessionem factam  
in iure, seu per euidentiã rei,  
quæ tergiversatione aliqua celari  
non possit, quod est notorium no-  
torietate facti: ergo notorietas facti  
per se sola sine vlla sententia de-  
claratoria satis est ad executionem  
pœnæ, vt publicum fornicarium  
euitare reneamur. Affert huius ter-  
tij notorij notorietate facti Innoc.  
in d. c. fin. si clericus tenet domi con-  
cubinam, vel habet publicè filios.

5. Tertio probatur per text. in c.  
*cum sit Romana. §. præterea, de appel-  
lationib.* vbi manifesti raptoris &

fornicarij appellatio etiam apud  
ecclesiasticum iudicem interposita  
prohibetur audiri, sicut ille, quem  
Apostolus 1. Cor. 5. absentem &  
irrequiritum excommunicauit. quo  
loco gl. in v. manifestus, declarat,  
id est, notorius, notarique in noto-  
riis non audiri appellationem, &  
absque senrenria declaratoria pro-  
cedi ad executionem pœnæ, quod  
idem notat gl. in c. peruenit 1. eo-  
dem tit. cui multum fauet ille text.  
qui percussores notorios clerico-  
rum non obstante appellatione iu-  
bet denunciari excommunicatos,  
& sicut excommunicatos ab omni-  
bus euitari, & tamen nihil dicitur  
de declaratoria super percussione,  
quia notoria fuit.

Quartò probatur per text. iun-  
cta gl. in l. 1. Cod. qui & aduers. quos,  
&c. vbi patet attendere factum no-  
torium, etiã si per partes non pro-  
betur. Facit optimè text. iuncta gl.  
in l. post rem indicatam. ff. de trans-  
actionib. & l. qui sententiam. Cod. de  
pœnis.

Pro solutione aduertendum pri-  
mò ex Panorm. in c. vestra, de coha-  
bit. clericor. & mulier. n. 12. aliud est  
se-publicum, aliud notorium. Pu-  
blicum enim, seu manifestum mi-  
nus est quàm notorium, est enim  
publicum veluti genus ad notorium &  
ad famam. omne autem genus licet  
amplitudine & potestate latius pa-  
teat quavis sibi subiecta specie,  
quidditate tamen atque essentia  
minus est, pauciores enim gradus  
quidditatiuos continet, vt enim  
logici loquuntur, additione diffe-  
rentiæ gradusve alicuius essentia-  
lis supra genus, id est, vltra omnes  
genericos gradus, constituuntur  
species. Hinc licet notorium esse  
aliquid

aliquid nequeat, quod publicum non sit, potest tamen esse publicū quod non sit notorium. Patet hoc per expressum text. in *c. tua nos. de cohabit. clericor. ac mulier.* vbi Pontifex de clericis publicē cōcubinas habentibus ita apertē distinguit, si crimen eorum ita publicum est, ut debeat notorium appellari, cum eo casu nulla possit tergiversatione celari, nec testis, nec accusator est necessarius, si verō publicum est, non ex euidētia, sed ex fama, eo casu ad eorum condemnationem testibus opus est. Ut in publicum ex fama possit tergiversatio cadere, quæ cadere omnino non potest in notorium. Exempli gratia, in casu dicti *c. tua nos*, si clericus domi secum habeat matrem, & cum illa teneat etiam concubinam, sed dat externa signa cōcubinatus, publicus quidem fornicarius est, notorius non est, potest enim tergiversari, dicens esse pedissequam, seu famulam matris; quod si vel sine matre teneat concubinam dans externa signa concubinatus, aut quamvis simul & matrem teneat & concubinam, tractando eam publicē ut concubinam, habeatque ex ea filios, quos filios suos vocet, tōtque adsint coniecturæ, ut omnem adimant tergiversandi locum, iam notorius fornicarius est.

8. Aduertendum secundō glossam in *c. vestra, de cohabit. cleric. & mulier. in v. notorium*, distinguere triplex notorium, vnum facti, quod nempe ita exhibet se conspectui hominum, ut nulla possit tergiversatione celari, de quo in *c. tua nos, & c. final. eodem tit.* Alterum est notorium iuris, de quo aliquis condemnatur, vel

est in iure confessus, de quo in dicto *c. vestra, & dicto c. final. de cohabit. cleric. & l. ultima. ff. de statu hom. & lres indicata. ff. de re indic. & in hoc notorio aliquando requiritur probatio, si negetur, ut in *c. sicut nobis, de sententia, & re indicata.* Tertium est notorium præsumptum, ut est paternitas, filiatio, consanguinitas. *l. quia semper. ff. de in ius vocando, & c. conquente. de filius presbyter. & c. porro, de duori.* vbi notorium vocatur quod quis sit filius, patet, propinquus, siue cognatus. Notorium facti in dicto *c. vestra n. 14.* Panormit. ita definit, est factum, cuius testis est populus, quod adeo euidens est, ut nullus sit tergiversationis locus, desumpsit autem ex Archidiacono in *can. de manifesta 11. q. 1.* & clariùs desumitur ex text. in *c. cum dilectis filiis, de purgat. canonica.* Vbi cum pars expoliisset crimen cuiusdam presbyteri usque adeo publicum fuisse, ac notoriū, ut nullus penitus existeret inficiationi locus, Pontifex iisdem verbis id realsumit, quo cognoscamus hoc esse propriē notorium, & clariùs in *c. tua nos. de cohabit. clericor. & mulier.* vbi cum dixisset Pontifex, si crimen ita publicum sit ut meritō debeat notorium appellari, nec testem, nec accusatorem esse necessarium, rationē adducit, quia huiusmodi crimen nulla potest tergiversatione celari. ergo hoc est quod facit crimen notorium, quod non cadat in illud vlla tergiversatio. Notorium iuris in genere ita definiri potest, est id quod oritur ex his, quæ aguntur in iudicio. gl. definiuit per duos actus, de quo*

X X x . 2

aliquis

aliquis condemnatus, vel in iure confessus est. Addit Panorm. ibi tertium actum claræ probationis, per quam quis est in iudicio conuictus. Notorium demum præsumptum est illud quod oritur ex actibus extraiudicialibus, iure vehementer ex illis præsumente. Vbi definiri potest esse notorium iuris artificio inductum, ius enim præsumit euidentiā quandam ex actibus externis, vbi nulla alia euidentiā esse potest. Exempli gratia, quod aliquis sit pater, alius filius, alius cognatus, nulla omnino ratione euidenti probari potest; ex eo tamen quod quis aliquem vocat filium, tractat ut filiū, putat eū filiū, publicè ius præsumit notoriū hunc esse patrem, illum esse filium.

9. Aduertendum tertio notorium facti triplex esse, vnum facti permanentis. Verbi gratia, quod palatium ciuitatis, seu communis sit in platea, quod dicitur notorium, quasi notum omnibus scire volentibus. pro hoc *auth. qui semel. Cod. quomodo & quando iud. & cap. euidentiā, de accusat.* Hac eadem ratione notoria dicuntur edicta, quia permanent, non autem vox præconis ea edicentis, quæ statim transit, & paucis innotescit. Alterum est notorium facti transeuntis, & non redeuntis, ut si quis clara luce in conspectu populi hominem occidit, notorium quidem tunc est, sed non manet semper notorium. Tertium est notorium facti interpolati, cuiusmodi est factum vsurarij frequenter dantis ad vsuras notoriè, non enim est in continuo dandi actū, sed modò dat vni; deinde alteri, & ita deinceps. Ad hæc notoria facti communiter tria necessariò requiruntur, secus noto-

ria non sunt. Primum, quod factū sit publicum coram multis, ex quo nascitur multorū scientia. Secundum qualitas temporis, quod actū sit diurno tempore, & clara luce, ita ut illi multi qui viderunt, clarè viderint, & cognouerint totum factum. Tertium qualitas loci publici, vbi multi homines præsentem esse & videre potuerūt. Ex his oritur talis notorietas, ut nullus reliquus sit tergiversandiloquus.

Aduertendum quartò cum quaerimus an in notorio requiratur cognitio causæ, citatio partis, iuris ordo, ac sententia declaratoria, posse quaeri ad duos fines: primò ad finem pronunciandi in causâ principali, & condernandi ad pœnam delicti: secundò ad finem decidendi de aliquo articulo incidente, seu ad finem agendi aliquid ordinè habes ad causam principalem: tertio ad finem procedendi ad pœnam ipso iure latam, seu incurram. exempli gratia, clericus notorius concubinarus eo ipso incurrit pœnam hæc, quod est ab omnibus vitandus, nec ab eo sunt audienda diuina officia, & est dignus aliis grauibz pœnis: si ergo quaeramus an in notorio concubinato clerici requiratur cognitio, &c. in ordine ad eum vitandum, aliter dicendum est ac si quaeramus an requirantur hæc eadem ad illum grauibz aliis pœnis puniendum. Ita cum quaerimus an in notorio latrone, grassatore, assassino & similibus confugientibus ad Ecclesiam requiratur cognitio, citatio, sententia declaratoria super crimine, &c. vel quaerimus ad effectum illum afficiendi debitis pœnis, vel ad effectum tradendi eum iudici seculari. His suppositis,

Primò

11. Primò tertium est de hoc notorio delicto ad priuandum reum immunitate non esse necesse Episcopo cognoscere, seruato iuris ordine. Probatur, quia si hoc esset necesse, cogeremus Episcopos ad formandos contra reos confugientes ad Ecclesiam in delicto notorio solemnes processus criminales super tota causa contra personas seculares in causa merè seculari, quod non minus spiritualibus eorum functionibus, quàm intentioni præsentis constitutionis aduersatur.

12. Secundò in notorio facti licet communiter dicatur requiri citationem, hoc tamen locum habet cum agitur ad reum condemnandum de crimine, vel quando reus aliquam potest habere excusationem, seu tergiversationem, quod non est verè notorium, non autem quando agitur de aliquo articulo incidente, vt est de causa immunitatis in facto verè notorio, in quod non potest vlla cadere tergiversatio, ex Panormitano. Cum etiam si præsens esset, nulla illi defensio competeret, cum enim, vt ait Panormitanus in c. vestra. de cohabit. cleric. ac mulier. n. 18. citatio patris idcirco requiratur vt illa se defendat, consequens, vbi constet nullam competere defensionem, frustra fieri citationem; multo minus requireretur citatio ad effectum extrahendi de Ecclesia, & tradendi eundem iudici seculari, cum ad id nihil aliud per Episcopi cognitionem intendat Pontifex, quàm vt Episcopus cognoscat reum verè commississe aliquod horum delictorum, quod cum sufficienter abundè que cognoscatur per huiusmodi facti euideniam & notorietatem, nihil aliud præterea opus est facere.

13. Tertiò quoniam potest in huius-

modi casu illa etiam notorietas intercedere, quæ oritur ex gestis in iudicio. Si reus, exempli gratia, posteaquam aliquid horum commisit captus per iudicem, confessusque in iudicio, vel conuictus, aut etiam pronunciata sententia damnatus dilapsus è carcere, vel de manibus ministrorum ad Ecclesiam confugisset, dico etiam in hoc notorio iuris siue citatione, nullòque seruato iuris ordine, si solum index secularis ostendat Episcopo ipsius rei confessionem in iudicio factam, vel acta, quibus in iudicio conuictus est, aut sententiam contra eum pronunciam, debere Episcopum absque alia cognitione iubere eum tradi curiæ seculari.

14. Probo autem simul hoc tertium & secundum præcedens dictum per expressum text. in c. cum dilectis, de purgat. canon. vbi Innocentius III. d. 1. nar processum & cõcessionem quantundam Ecclesiarum ablatarij cuidam sacerdoti propter crimen incertum, & causam assert, quia iudicum relatio continebat contraria & repugnantia; cum enim retulissent crimen dicti presbyteri vsque adeo publicum ac notorium fuisse, vt nullus daretur inficiandi locus, tamen eidem presbytero terminum peremptorium præfixerunt, quo si posset canonicè se purgaret, si enim crimen ita notorium erat, non erat vlla indicenda purgatio, sed in eum damnationis sententia promulganda. Ex hoc Pontificis discursu ita ad rem nostram argumentor: ideo implicat esse aliquid notorium, & dari terminum, quia notorium nullum relinquit locum inficiationi, multo minus probationi, terminus autem datur ad inficiandum, opponendum, excusandum, probandum:

XXx 3 ergo

ergo sicut non potest dari terminus, ita nec citatio fieri, quæ eodem spectat, quo terminus.

15. Demum probò ex *c. vestra, c. tua nos, & c. final. de cohabit. cleric. & mulier.* quando clerici fornicarij sunt notorij, tenentur omnes eos vitare, & prælatus nulla facta declaratione potest ac debet iubere eos vitari, & eis interdicere divinorum celebrationem, vt expressè docet Felin. in *c. cum non ab homine, de iudic. n. 10. vers. limita quartò.* vbi tenet ad sententiam declaratoriam tunc solum requiri citationem in materia excommunicationis in iure latæ, quādo debet discuti factum, propter quod dicitur illam incurrisse. Non autem cum quis declaratur excommunicatus, præsupposito delicto pro indubitato, vt est in notoriis. Idem docet Romanus consilio 482. ad finem, & hoc modo exponit ibidem Felin. decisionem Rotæ 21. quæ est in antiquis, dicentem, vbi petitur aliquem declarari excommunicatum, non requiri quidem litis contestationem, requiri tamen partis citationem, dicens hanc decisionem Rotæ locum habere vbi discutitur factum, non autem vbi factum est notorium. Eodem modo intelligit Nicol. Milius in suo repertorio, in v. citatio. §. 82. facit text. in *c. pervenit 1. de appellationibus, & ibi Abbas, & Philipp. de Perusio.* Demum idem Felin. quoniam hætenus de sola materia excommunicationis locutus erat, subdit: in alia verò materia ab excommunicatione, quamvis non esset opus declaratoria sententia, tamen opus esset assignare terminum. & statim limitat, nisi esset factum in quod nulla cadere posset excusatio, tunc enim nulla ter-

mini assignatione opus esset, citat Abbatem in *c. accepta, de rest. spoliat, col. 2. & eundem Abbatem, & Antonium in c. in nostra, de cohabit. cleric. ac mulier.*

Quartò dico, licet ordinatiè ad 16. procedèdum ad pœnā latā in iure ex aliquo facto incurssā requiratur sententia declaratoria, & consequenter etiā ad priuandū reū privilegio immunitatis in aliquo horum casuum, eumque seculari curiæ consignandum, tamen quando factum est verè notorium vt nullam admittat tergiversationem, nulla opus est sententia declaratoria. est aperta Felini sententia in dicto *c. cum non ab homine, de iudic. n. 9. & 10.* Cum enim v. 9. multis probasset requiri declaratoriam, postea verò 10. hanc primam adhibet limitationem: nisi factum adeò sit notorium, vt non sit vllustergiuersadi locus, allegat Abbatem in dicto *c. cum non ab homine, & in clem. 1. de censib. & Baldum in l. iubemus 2. §. 1. Cod. de sacrosan. Eccles. & Dominicum tam in *c. cum secundum, de heres. quā in c. ordinarij. §. quod si forte, de officio ordinarij, lib. 6.* Et certè non solum ratio ipsa, & doctorum auctoritas, sed ipsamet vox declaratoriæ apertè conuincit hoc ipsum. Declarare enim est aliquid obscurum, dubium, occultum aperire, atque in lucem efferte. Quādo ergo factum est ipsa luce clarus, & omnibus certè, determinatè, clarè, ac notoriè cognitum, iam ex seipso declaratum est, ergo nulla eget iudicis declaratione, sed solum executione.*

17. Quintò dico, cum Principes seculares, eorumque curiæ ministri ac iudices virtute §. 8. præsentis constitutionis simpliciter & absolute

17.



latè prohibeantur quemquam de Ecclesia etiam in casibus hic expressis extrahere, nisi de Episcopi licentia, & ad suos carceres ducere, aut contra eos procedere, nisi cognito priùs per Episcopum illum verè horum aliquid commisisse, reòque de mandato eiusdem Episcopi per iudicem ecclesiasticum illis consignato, quamvis probabile sit huiusmodi dispositionem non habere locum in notoriis, quoniam Pontifex in hac constitutione non intendit iuri communi, sed indultis tantum detrahare, ut patet ex apertis verbis §. 8. in initio, quæ sic habent, *Ne autem curia secularis ministri facultate illos per se propria auctoritate extrahendi sibi olim, ut praefertur, attributa, & per praesentes renovata, abutantur*, &c. De iure autem communi cognitio & sententia declaratoria non est necessaria ad exequendam sententiam ipso iure incurrandam in notoriis, in quibus tergiversatio locum non habet; sed solum in his, quæ notoria non sunt, & aliqua ratione tergiversari, excusari, aut defendi possunt. Quia tamen posset curia secularis prætereundum casum aliquem esse notorium qui verè notorius non sit, ideo curia secularis statim mittat ad Episcopum, qui de criminis hoc loco expressi notorietate doceat: ut si Episcopus ex totius populi vocibus, vel alijs cognouerit esse notorium, sicut secularis curia præterit, permittat eos procedere, aut iubeat illum eis consignari; sin de notorietate dubitet, iubeat eum ad carceres curiæ ecclesiasticæ duci, caueat autem Episcopus ne leui ex causa dubitet; ne tantorum scelerum notiorum

impedite punitionem cum populorum offensione, aut retardare videatur. Profero exempla, si Io. Georgius Lanza bannitorum in hoc regno princeps atque dux bannitus latro publicus, grassatorque viarum notorius ut Neapolim metu Illustrissimi atque Excellentissimi Comitum Oliuares in hoc regno Proregis aufugit, ita ad aliquam confugisset Ecclesiam, puto non sine magna populi offensione adeò notorie scelestum hominem potuisse iussu Episcopi duci ad carceres curiæ ecclesiasticæ, ibique detineri donec Episcopus de causa cognosceret, & curiæ seculari tradi iuberet, adeò non habet locum hæc dispositio in notoriis.

Sextò dico esto, certum sit hanc dispositionem de licentia petenda ab Episcopo, de cognitione causæ per eum habenda, &c. habere locum in notoriis; tamen secularis curia, quæ non faceret, non violaret immunitatē Ecclesiæ, peccaret tamen mortaliter contra hoc præceptum, si absque virgēti causa id faceret. Probatum primum, quoniam Pontifex hac constitutione non modò non restituit his immunitatem, sed eam de nouo aufert, ergo non seruare hæc, non est immunitatis transgressio. Probatum secundum, quoniam transgrediuntur graue præceptum sanctæ Matris Ecclesiæ sine virgēti causa, quæ eos possit excusare. ergo peccant mortaliter. Potest autem faciliè occurrere virgens causa, quæ excuset, quoniam dū aditur Episcopus, præsertim si valdè distet, ille potest de hoc loco moueri, & se occultare, potest etiam data temporis opportunitate fugere, possunt

possunt occultari; huiusmodi enim personæ pestilentes, & perniciosæ reipublicæ, multos habent protectores & defensores, vel quia ab ipsis aded perniciosus sibi timent, vel quia eorum opera ad multa delicta vtuntur, vel quia volunt conseruare eos sibi beneuolos, vt eis vti possint si quando necessitas occurrat. Hi omnes timentes, ne si huiusmodi reus veniat in manus curiæ, & tormenta ei adhibeantur, eos reuelet, omnes quàm diligentissimè eos liberare student, quòd si omnino non possint, nituntur eum veneno necare, vt iterat antequam torquatur, eosque reuelet, hanc ob causâ expedit reipublicæ hunc statim capi, itaque arctari, vt nemo possit eum alloqui. quare qui ob hanc vrgentem causam, quæ in multis casibus particularibus vrgetior esse potest, hæc faceret, immunis esset etiam à peccato, ratione boni publici quod procurar, censendumque eo casu Rom. Pontificem non intendere hunc eo præcepto ligare.

19. Vltimò dico salua reuerentia sedis Apostolicæ aliter intendentis, videri mihi qui in casu notorio ex vrgenti causâ extraheret reum sine licentia Episcopi, duceretque ad carceres curiæ secularis, non tenet eundem restituere Ecclesiæ, neque Episcopum debere hoc petere, aut ad id obligare. Primum probo; quia tota obligatio restituendi nascitur ex eo, quòd Ecclesia spoliata est suo confuga, supra quem ius iam habebat, & quia ipse reus spoliatus est sua debita libertate, quam ratione immunitatis in Ecclesia possidebat. At cum notorium est delictum, quod caret immunitate, neque Ecclesia, neque reus acquisiuit huiusmodi possessionem, notoriè enim constat

illi non debeti, aur si fortè acquisierunt possessionem de facto, de iure tamen nullam acquisierunt. Qui autem spoliatus non est possessione de iure habita, sed solum de facto, ramquam nullo iuris commodo spoliatus, restitutionem petere non potest. Vnde & gl. ibidem in v. *Commodo*, distinguit aliud esse possidere, & aliud retinere, nec sufficit probare spoliationem, nisi probetur quòd prius possederit, & quòd non competat restitutio, vbi nulla potest esse possessio iuris, probar multis exemplis, nam hæreticus non potest petere restitutionem rerum ecclesiasticarum. 23. q. 7. c. 1. & 2. nec laicus restitutionem decimarum, licet de facto eas possederit, quia de iure possidere non potest. Ita reus horum delictorum hac constitutione expressorum de iure non potest acquirere possessionem libertatis in Ecclesia, neque Ecclesia de iure potest acquirere possessionem vt eum defendat. ergo nequit potest petere restitutionem, & quamuis petat, non tamen est restituendus. Secundum quòd Episcopus non debet ad id obligare, probo, quia de iure non competit reo, neque Ecclesiæ, petere restitutionem, & quamuis petatur, ramen de iure restitutio non est facienda. ergo Episcopus non debet ad eam faciendam cogere.

Ad primum argumentum partis 10. affirmatiuæ respondeo ex Geminiano, Franchio, Ancharano & aliis in dicto c. 6. *confessionis*, illam regulam communiter quidem habere locum, non autem in notoriis, quæ se ipsis quòd notoria sunt declarata sunt, & omnibus constant. Vnde si quis esset notoriè hæreticus, & pro hæ-

tico

retico notorio se gereret, posset etiam absque villa Episcopi declaratione contra eum procedi ad pœnam confiscationis.

21. Ad quatuor sequentia argumēta simul vnico pœnæ verbo respondeo ex illis ipsis apparere disparitatē rationis, in omnibus enim illis casibus opus est cognitione causæ ac declaratione ad finem adipiscendæ scientiæ & cognitionis, quæ non habebatur, quod deficit in notoriis, in quibus cumulatissimè habetur cognitio non solum ab Episcopo, sed à toto etiam populo.
22. Ad sextum respondeo id esse peculiare in matrimonio, tum ne facile viri dimittant vxores, & vxores viros sub parentelæ prætextu, tum vt cum matrimonium sit sacramentum, non sine Ecclesiæ auctoritate separetur, tum quia parentela in certis gradibus separat matrimonium, & si notorium erat de parentela, fortè nō erat notorium de gradu parentelæ, tū quia facta separatione propter parentelā, non solum quoad torū, sed etiā quoad vinculum, liberum est vtrique coniugū ad alia vota conuolare; quare tū vt ceteri intelligant se tutō cum his posse contrahere, & absque peccato, tum vt amoueat scandalum, quod ex secūdis amborum coniugum nuptiis oriri potest, conuenientissimè in his etiam notoriis auctoritas Ecclesiæ debet in separatione intervenire.

23. Ad septimum colligi potest responsio ex quinto, sexto & septimo dicto, & formaliter & directè respondeo præsentem dispositionem non habere locum in notoriis, habet enim sufficientem & superabundantem cognitionem.

*P. Gambac.de immun.Eccl.*

Episcopus cognita facti notorietate, ideoque potest statim iubere reum tradi & consignari curiæ seculari. Hæc enim cognitio non alium in finem institui iubetur ab Episcopo, nisi vt Episcopus habita veritatis notitia, & informata sua conscientia non erret in tradendo reo curiæ seculari, vt declaratum est per breue particulare Sanctissimi Domini nostri Domini Clementis Papæ octauī, qui hodie felicissimè & cum magno reipublicæ Christianæ commodo vndecimum iam annum sedet in Petri cathedra. sub data Romæ 6. Februarij anno Domini 1597. Pōtificatus sui anno V. vbi ad Archiepiscopū Pauormitanū Illusterrimū & Reuerēdissimū Don Didacū de Ahedo de hac cognitione sic scribit. *Sis amen ubi summarie, simpliciter, extraiudicialiter, & quantum pro cōscientia tua informatione sufficere videbitur, horum delictorum aliquod perpetrasse compereris.* At hic habet conscientiam sufficientissimè informatam notorietate delicti, ideo non alio opus habet.

*Qua cognitio sit Episcopo necessaria ad tradendum reum curiæ seculari.*

CAPVT XV.

QVANTIS in §. 8. præsentis constitutionis exactam quādam cognitionem de hac immunitatis causā requirere videatur Pōtifex in Episcopo, vt possit tradere & consignare reum curiæ seculari, nempe vt cognoscat an reus verè crimē superius expressum commiserit, ita vt quādiu non cognoscit.

Y.Y.y. scit.

scit ipsum, ea verè commisisse, tradere eundem nequeat, veritatem autem in huiusmodi delictis assequi perquam difficile est, tamen certum est adhuc longè maiorem requiri in iudice cognitionem ad reum de crimine condemnandum, quam in Episcopo, ad eundem seculari curiæ tradendum & consignandum. Addo longè maiorem cognitionem requiri in Episcopo, aliòve ecclesiastico iudice ad tradendū curiæ seculari hæreticum relapsum, aut clericum in aliquo publico enormique crimine incorrigibilem, quam ad tradendum eidem curiæ reum, qui quodlibet horum delictorum commiserit. Ideoque videndum est hoc loco quænam scientia ad hoc requiratur.

2. Aduertendū est autē primò cognitionē istā de alicuius crimine duobus modis posse maiorem, vel minorem esse. Primò ex modo cognoscendi, quæ enim habetur in iudicio procedendo in forma figuræque iudicii, seruatoque iuris ordine, citata parte, receptis testibus, aliisque adhibitis solemnitatibus consuetis, siue vera sit, siue falsa, pro cetta atque indubitata haberi solet, ita vt iudicem obliget ad iudicandum iuxta illam si iudicare velit, etiamsi illi constet eam esse falsam, quia interfuit ipsi factò, idque propriis oculis intuitus est, atque aliter se habere ocularis testis cognoscit. Dixi, si velit iudicare, non enim hoc casu ad id tenetur, sed potest deponere officium, & successori id relinquere. Hæc enim scientia est scientia publica, quæ ita in iudicio acquiritur à iudice tamquā persona publica, à qua recedere in iudicando illi

non licet, ob contrariā, scientiā quā habet vt persona priuata propter scandalum, quod sequeretur, videretur enim iudex corruptus, aut iniustus & iniquus, si ab ea scientia publica recederet, de sua enim priuata testari nequit, ne sit iudex simul & testis, quod par etiam scandalum gigneret, solum tenetur hoc casu cautius procedere in testium examine, si fortè illi diligentius examinati titubent, aut pugnancia restentur. Altera est cognitio & scientia extraiudicialis summaria, simplex ex proborum hominum simplici narratione siue scriptis, vel certè absque publica scriptura, quæ tamquam omni prorsus solemnitate catens, ex ipso cognoscendi modo imperfectiore rationabiliter minor censetur.

Secundò potest cognitio maior esse, aut minor, ex certitudine cognitionis, quæ in materia facti, de qua loquimur, valde pædet ex certitudine & infallibilitate testiū, vt quo testis est infallibilior, & maioris auctoritatis, eo sit certior & cognitio, qua ratione potest extraiudicialis cognitio maior esse iudiciali, si quis extraiudicialiter ab vno vel altero fide digno, quæ scit non mentiturum, etiā si de propria vita periclitaretur, cognouerit factum aliquod, certius cognoscit, quam iudex, qui per sex, vel plures testes, leues homines, & non tantæ auctoritatis, ac veritatis, aut etiam per tormenta cognoscit in iudicio seruato iuris ordine.

Aduertendū secundò ipsammet cognitionē iudiciāle posse esse maiorem, aut minorem, vel quia pluribus probata est testibus, coniecturis, indiciis, aut contestibus, vel quia fide dignioribus & grauioribus,

uotibus, vel quia vna habet probationes quoad partem tantum aliquam facti, alia quoad omnes partes & totum factum, vel quia est confessio ipsius rei, in altera vero deest, in vna habetur confessio rei per tormenta, & in iisdem tormentis concursus ratificatio, in altera vero vel sola confessio sine ratificatione, in vna sunt testes constantes, in altera vero vacillant, vel titubant.

5. Notandum tertio contra reos criminum confugientes ad Ecclesiam duas semper fuisse vsu receptas cognitiones, in causis praesertim dubiis, vna circa immunitatem ipsam, debereturne reo in illo casu, quae cognitio incidebat ratione confugij ad Ecclesiam. Alteram circa delictum & causam principalem ad puniendum reum. Illa necessario praecedere debebat, haec vero subsequi, de perfecta cognitione loquendo, quae ad puniendum reum sufficiens esset; nam cognitio quaedam imperfecta super causam principalem, quantum satis esset ad reum capiendum, carcerandumve, quae statim commissio delicto, vel ad instantiam partis, vel ex officio institui solet, etiam antequam de immunitate cognosceretur etiam hodie institui solet, dum enim ad Episcopum recurritur pro obtinenda carcerandi rei licentia, fiscus vacare solet informationibus contra reum capiendis, semper autem minor cognitio requisita fuit, & usque hodie minor requiritur ad pronunciandum de immunitate, quam ad reum condemnandum. Nam primum certum est communis doctorum sententia semper fuisse satis de causa immunitatis cognoscere summarie, ac sine partis citatione, id quod expresse sentit Auzer, in *style parlementi* 2. parte, tit. de forma

*arrestorum, arresto* 116. Iacob. de Bellouiso in *sua pract. iudiciali* tit. de *inquisit.* §. 1. forma. Hippolyt. de Matul. in *sua pract. crimin.* in *principio*. Io. Ferrar. in *sua pract. tit. de forma inquis.* col. 2. quos refert & sequitur Kennig. in *tract. de immuni. Ecclesi.* q. 2. & probat hac ratione; quia id commune est in omni informatione & cognitione, quae fit ad finem sciendi quomodo procedendum sit in causa. Secundò, quia huiusmodi informationes sunt secretae, ex quo sequitur fieri etiam posse sine scriptis. De crimine vero ipso, graui praesertim, cuiusmodi esse solet, cum dubitatur an debeatur illi immunitas ad puniendum reum, opus est plena cognitione iudiciali, seruato iuris ordine, non modò citata parte, sed etiam audita, & adhibitis ad eruendam eius confessionem tormentis, si sufficiens sit probatio ad tormenta, assignatioque debito termino ad se defendendum, & ad probandum etiam contra confessa in tormentis.

Secundò ad pronunciandum de causa immunitatis semper minor cognitio fuit satis, quam ad reum de crimine condemnandum. Potuit enim iudex semper pronunciare in causa immunitatis ex probationibus non adeò certis atque euidentibus, cognitioneque ex dictis probationibus imperfecta, sicut imperfectae sunt probationes, & ex illis probationibus, poterat enim contra reum pronunciare excludendum esse ab immunitate. si ita ex illa imperfecta cognitione formasset sententiam suam. Ad condemnandum vero reum de crimine, necessariae semper fuerunt, & sunt usque hodie necessariae probationes certae, atque euidentis, ita ut in dubio semper teneatur pronunciare pro reo.

Ratio huius diuersitatis est, quoniā semper istæ duæ cognitiones fuerunt distinctæ, & impossibile fuit cognoscenti de immunitate acquirere certam, & euidentem cognitionem, quæ in dubiis, & vbiçque non est vera notorietas, haberi non potest in criminalibus, nisi in fine causæ, post longa tempora, post tormenta, & post defensiones à reo factas, etiam contra ea, quæ in tormentis confessus est, vt sæpe contingit in hoc regno, vbi cum procedatur ex abrupto, causæque ex tormentis inchoent, posteaquam enim confessus est delictum in tormentis, & illud ratificauit vim tormentorum ferre non valens, probat non rarè per testes multos ac fide dignos, impossibile fuisse sibi committere illud crimen, quod est confessus, quòd tunc longè aberat à loco delicti, & eo ipso die, quo delictum commissum est in vno loco, ipse in loco valde remoto eadem etiā hora fecisse contractus, comparuisse in iudicio, fuisse detentum in carceribus, &c. Cum enim ad certam euidentemque cognitionem acquirendā, tam multis opus sit, ad quæ iudex causæ immunitatis non potest se extendere, necessariò sequitur olim semper minorem, & non adeò certam cognitionem fuisse requisitam ad pronunciandum de causâ immunitatis, sicut ad reum de crimine condemnandum.

¶ Veniamus ad nouum ius præsentis constitutionis, in hoc sanè id requiritur, vt patet ex §. 8. Episcopum, seu personam ab eo deputatam, debere cognoscere an reus criminis superius expressa commiserit. At hæc cognitio magna esse videtur, cum veritas non nisi ple-

no processu iudiciali cognosci possit. Absque dubio tamen putandum est longè minorem scientiam requiri, & non maiorem quàm antiquitus fuerit requisita. Neque enim vero simile est intendisse Rom. Pontificem committere Episcopis spiritualibus negotiis, ac rebus occupatis, vt secularem curiam anteuerant, & solemnem processum instituunt super causis immunitatis, quæ quotidie occurrunt. Cum præsertim id illis impossibile sit, nisi simul de crimine cognoscant, cuius tamen tota cognitio contra laicos ad secularem iudicem pertineat. Quare verba illa constitutionis, an verè crimina expressa commiserit, cum grano salis intelligenda sunt, vt eam veritatem assequi studeat, quàm summarie atque extrajudicialiter potest, ita vt conscientiam suam formet illum verè commississe, vel non commississe delictum, & secundum conscientiam ita formatam, pronunciet. Probo, quia huiusmodi articulus de immunitate reorum non maior est articulo, qui vulgo vocari solet de competentia iudicis. Pronunciare enim in causâ immunitatis nihil aliud est quàm pronunciare, an iudex laicus sit iudex competens ad procedendum criminaliter contra reum, qui ad Ecclesiam confugit. At iste articulus de competetia iudicis nõ hanc requirit de iure processus solemnitatem. Confirmatur, quia sit tantā adhibere diligentiā huic formædo processui Episcopus teneretur, ex hoc ipso Episcopi processu, atque ex sententia data per Episcopum, seu personā ab eo deputatā, qua pronunciat reo non deberi immunitatem, posset

posset secularis iudex procedere ad condemnationem ipsius rei, nitetur enim legitimo solemnique processui. Denum si ad id Episcopus teneretur, in longum produceretur causa immunitatis, & in plures nō modò menses, sed annos interdum, ut in causis criminalibus accidere non tarò solet, quod nimis grauātē ferrent iudices seculares, nimis grauarentur rei si tam lōgis carceribus detinerentur, qui tandem ad immunitatem admitterentur, nec parum de ipsa immunitate Ecclesiarum cū his ipsis detraheretur, qui cū immunitas illis competeret, tā longis carceribus vexarentur. Sed & hoc ipsum ad tollendam omnem dubitationem per sedē Apostolicam nuper apertissimis verbis declaratum est. Cū enim Illustrissimus & Reuerendissimus D. Don Diodacus de Ahedo Archiepiscopus Panormitanus, magnæ vir sanctitatis, erga reos pius, & largiendis eleemosynis profusus, à Sanctissimo Domino Papa Clemēte VIII. qui ecclesiastici B. Petri patrimonij recuperandi zelo, obtemperans sine bello, atque armis Ferraria de manibus Serenissimi D. Cæsaris Estensis, Ferrarię hodie degit, quęsuisset quanta cognitione in hac causā confugij opus esset, hoc responsum accepit publicis literis in forma breuis ad eum datis die 6. Februarij anni Domini 1597. Pontificatus sui anno V. Si tibi summarie, simpliciter, extrajudicialiter, & quantum pro tuę conscientię informatione sufficere tibi videbitur, constiterit reos homicidium prædictum (agebat enim de homicidio quodam proditorio, & sub spe immunitatis prope Ecclesiam commisso) perpetrasse. Hac adeò clara atque aperta ipsius apo-

stolicę sedis declaratione constat qua veritate debeat Episcopus cognoscere, delicta hac constitutione expressa verè esse commissa, ut reum seculari curiæ tradi & consignari faciat.

*Quid faciendum sit Episcopo, cū vel ipsemet, vel persona ab eo deputata per huiusmodi summariam cognitionem non format conscientiam nisi dubiam, num commiserit reus aliquod huiusmodi delictorum.*

## CAPVT XVI.

PRO declaratione aduertendum <sup>1.</sup> est initio Episcopum in hac materia immunitatis posse triplicem formare conscientiam iuxta probationum diuersitatem. Primò conscientiam omninò certam & indubitatam, ut in casu verè notorio, vel adeò publico, ut multos habeat testes, & contestes fide dignos qui testantur de visu, & nullum habeat testem in contrarium, vel paucos parum fide dignos, præsertim verò si ad hæc accedat titubatio partis, & si ipsa facti natura ita videatur probabiliter contigisse, aut debuisse contingere. Secundò conscientiam probabilem, quæ ex testibus & cōiecturis ita te vera videatur illi, licet non sit tanta euidētia & certitudo ut in priore, & contrarium habeat, seu videatur illi habere aliquā probabilitatem. Tertiò conscientia verè dubiam, ita ut auditis testibus attestantibus in vtramque partem, consideratisque omnibus coniecturis verè nuret in vtramque partem

YY y 3 cius

eius animus, & in neutram magis propendeat, quod tam multi sunt utriusque testes, & æquè graues, tam probabiles utrinque coniecturæ, ut etsi in altera parte sit maior numerus testimonium, in alia sint testes grauiotes, vel probabiliotes coniecturæ, quæ multitudini testimonium æquiualeant, ut Episcopus & persona ab eo designata maneat ita suspensa, ut non videat utram in partem possit inclinare, de duobus prioribus casibus non est disputandum, constat enim satis esse utramuis illarum cognitionum, seu conscientiarum ad negandum reo immunitatem, iubendumque cum seculari curiæ tradi & consignari. Tota ergo disputatio de tertia conscientia instituenda est, & videndum quid sit faciendum Episcopo, cum ipse, vel eius deputatus omnibus consideratis non potest formare conscientiam nisi dubiam.

1. Videtur autem ex vna parte debere iudicare pro reo, iuxta illud commune dictum iuris apud doctores receptissimum, & naturali iuri valde conforme, in dubiis pro reo. *c. duobus, de sententia & re iudicata, c. ex literis, de probationibus, & c. cum sunt parium, de regul. iur. lib. 6. & l. fauorabiliores. ff. de regul. iur.* & doctores utriusque iuris in his ipsis iuribus idem docent communi consensu. Afferunt exemplum Philipp. & Franchus in *d. c. cum sunt parium*, quando actor & reus pariter probant, vel per testimonium numerum per omnia æqualem, vel per æqualis auctoritatis instrumenta. Hæc autem declaratoria Episcopi, num delictum sit ex his enumeratis, si feratur contra reum, condemnatoria esse videtur,

damnat enim illū ad priuationē immunitatis. Ratio autem naturalis, cui innituntur prædicta iura, est efficacissima ad probandum in dubiis fauendum esse reo, nempe quia in dubiis æquè potest reus esse innocens ac malefactor, tolerabilius; aut melius etiam est malefactorem liberari in dubio, quàm innocentem puniri. Horret enim natura punitionem innocentis, non ita horret nocentis, & noxiæ liberationem, cum multas ob causas possit malefactor liberari, inter quas hæc est non infima, quia dubium est an sit malefactor.

Ex altera verò parte videtur debere Episcopum in huiusmodi dubio pronunciare contra reum, si enim in toto iudicii progressu ab initio vsque ad finem fauamus reo, vix vllus aliquando reus condemnabitur, quod perniciosum fore reipublicæ nemo non videt, causa enim immunitatis non modò principium est iudicii istius, sed quodammodo præambula ante iudicium de crimine; ergo in ea fauendum non est reo. Hinc & iura interdum actori fauent. Statutum est enim in lege *si quis intentione. ff. de re iudicata*, ambiguam actoris orationem eius fauore interpretandam esse. Secundò multò magis fauet huic sententiæ quod in causa immunitatis cum fauore actoris est coniunctus fauor communis ac publici boni, ne delicta maneant impunita sub immunitatis prætextu, nisi cum causa est certa.

Gl. in *d. c. cum sunt parium, in v. actori*, distinguit tria causæ, vel iudicii tempora, principium, medium, & finem, statuitque principio quidem actori fauendum esse,



se, in fine verò reo, in medio autem cui fauendum sit nihil dicit in specie, sed remittit se ad aliam gl. in c. cum ad sedem, de rest. spoliatorum in v. & pertinentis, quæ expressè addit in medio præsumi pro utroque, seu utrolibet, & fauendum utrilibet. Confirmat autem duo illa dicta alterius gl. in v. ut initio litis actori faueatur, in fine verò reo, id quod recipiunt doctores in d. c. cum sunt partium, & d. c. cum ad sedem. Bart. in l. dic initio. ff. qui satisf. cog. la. son in l. non est nouum. ff. eodem, & alij.

6. Hinc ad præsentem difficultatem responderi potest, cum quæstio, sine articulus, an reus commiserit aliquod horum criminum, propter quod ab immunitate excludendus sit, non pertineat ad finem, sed ad principium causæ, atque hinc causæ sumat originem, imò, ut dixi, hoc sit præambulum quoddam ad causam, valde probabile videri si Episcopus in hoc sit dubius iudicandum esse fauore actoris contra reum, quod si secularis postea iudex per suas informationes & processum in eadem sit tandem dubietate, in qua fuit Episcopus, debet in fine causæ iudicare pro reo. Fauet huic sententiæ ratio, quoniam si Episcopus in hoc dubio faueat reo, admittendo eum ad immunitatem, tollit actori omne ius agendi criminaliter ad pœnam iure debitam reo. Cui enim per Episcopi sententiam iudicatum est deberi immunitatem, impossibile est infligi pœnam corporalem debitam. Si verò contra actori faueat aduersus reum, non tollit reo ius suum defendendi sese legitime, probandi suam innocentiam, & eximendi

se ab omni pœna, neque vllum facit illi præiudicium in ipsa causâ. Et confirmatur, quoniam ius actoris ad petendum contra reum debitas pœnas secundum leges æquale est iuri ipsius rei se defendentis, ad ostendendum se non commisisse tale delictum, cum utrumque naturale sit, ius autem competens reo ex priuilegio immunitatis, cum sit humanum positium minus est iure illo naturali actoris ad petendam pœnam debitam. ergo potius fauendum est actori ut conseruentur utraque iura naturalia integra quæ paria sunt, quàm reo, cuius fauore conseruatur illi ius positium immunitatis cum præiudicio iuris naturalis actoris ad petendam pœnam debitam actione criminali. Demum probatur, quia Pontifex in hac ipsa causâ fauet actori contra reum, ut expressè patet ex vltimis §. 8. verbis, ubi remouet reo appellationem, si contra ipsum Episcopus iudicet verè aliquod horum criminum commisisse. non negat verò appellationem actori si Episcopus pro reo iudicet non commisisse aliquod horum delictorum; ergo & nos debemus iudicare pro actore contra reum.

Sed contra hanc determinationem occurrunt mihi nonnullæ graues difficultates. Prima quod saltem in hoc nostro Siciliæ regno iudicando in dubio contra reum, ac consequenter tradendo illum curiæ seculari, multum præiudicatur reo, & in re valde graui. Cum enim in criminalibus procedatur ex abrupto, & causâ inchoetur ex tortura, palam est reum statim atque consignabitur curiæ seculari totquendum fore, quod

quod graue damnum corporale est. Quod si in tormentis non valens ea ferre confiteatur delictum, & delicti qualitatem, difficilem faciet suam defensionem, contra huiusmodi enim confessionem valde claras & euidentes probationes asferre deberet ad obtinendam liberationem, quas non esset necesse ira claras & euidentes esse, nisi ea confessio præcessisset.

8. Secunda difficultas, quod reus plerumque non potest probare suam innocentiam omnimodam. exempli gratia, se non occidisse hominem, quia de hoc conuincitur per testes: posset autem probare non esse eam qualitatem criminis, quæ prærenditur, v. g. non occidisse mediante pecunia, qui si in dubio ad immunitatem admitteretur, euaderet omnem penam, posteaquam autem traditus & consignatus fuerit curiæ seculari, per Episcopum, seu de eius mandato, probato homicidio, etiam si non probetur qualitas, vel ab eo sufficienter reprobetur, suspendetur tamquam homicida. Quæ quoniam nimis graua damna sunt, videntur etiam quantum fieri potest præcaueda. Vnde mihi multo tutiora videntur pro scientia Episcopi quæ sequuntur.

9. Primò quando Episcopus, vel ipsemet dubius est, vel persona, cui id cõmisit, verè dubia est, debet adhibere aliquam maiorem diligentiam examinando, vel examinati faciendo plures testes, vel eosdem diligentius, si fortè aliquid aliud explicent, quod aliquam veritati lucem afferat, vel partem monere de insufficienti eius probatione, qua contra reum non nisi dubiam faciat fidem, expectareque per tempus aliud quod illi assignatum, si fortè plenius

probet.

Secundò si non allatum sit aliud quid, quod dubietatem tollat, adhibeat duos, vel quatuor alios iudices, vt sint imparia vota, steturque maiori parti.

Tertiò si istis etiam dubia res videatur, declarer reum non commisisse illud crimen, etiam si de crimine constet, de qualitate solùm dubiretur, quandiu enim probationes de qualitate criminis, propter quam neganda esset immunitas, non maiorem faciant fidem, quam verè dubiâ, certè non est probata qualitas, quæ ab immunitate excludat. ergo ea non probata, non potest reus excludi, neque seculari curiæ consignari.

Vnde ad illud glossæ de inirio causæ respõdeo hinc esse duas distinctas causas, vnâ immuniratis quæ coram Episcopo, vel ab eo deputato tota tractatur; alterâ delicti, quæ tota tractatur corâ iudice seculari; non esse autem vnâ causam, quæ corâ ecclesiastico inchoata iudice, corâ seculari postea terminetur. Causa igitur immunitatis habet pro termino tradere reum curiæ seculari, vel eundem illi negare. ergo non pettinet ad principium, sed ad finem causæ de hac re pronunciare.

Quartò dico, si iudicetur pro reo in huiusmodi dubio, nullum præiudiciũ fit actori; si verò iudicetur cõtra reum pro actore, graue præiudiciũ fit reo, aut si quod vtrobique præiudiciũ sit, præiudiciũ certè quod fit actori, reparabile est per appellationem, si enim pro reo feratur sententia, potest actor appellare, non contrà. Præiudiciũ verò rei cùm careat appellatione, irreparabile est: Sunt autem duo graua rei præiudicia, quæ allata sunt n. 7. & 8.

## P A R S T E R T I A.

*De remotione appellationis in  
caussa immunitatis Ecclesiarum*

**N**E causa immunitatis in longum protracta per appellationes reorum, moretur iustitiam partis, atque ipsorum reorum punitionem contra commune ac publicum reipublicæ bonum, & Ecclesiarum prætextu diutius ligen- tur manus iudicum laicorum, at- que inde occasio sumatur oblitrā- di contra eandem sanctissimè in- stitutam immunitatem, atque in commune odium eam vocandi, sanctissimè, prudentissimèque Greg. X I V. in hac sua nouissima constitutione interdixit teis omnē appellationem, illis verbis §. 8. in fine: *Tūcque demum de mandato E- piscopi per iudicem ecclesiasticum cu- ria secul.ri quacumque appellatione postposita consignetur.*

*Ad quos pertineat hac appellatio-  
nis remotio, seu quinam pro-  
hibeantur in causa immunita-  
tis appellare.*

## CAPVT XVII.

1. **Q**UONIAM appellatio est ab inferiore iudice ad superiorem prouocatio, quæ in eum finem in- troducta est; vt liceat cuique par- tium, si se ab inferiore iudice gra- uatum senserit, coram superiore iudice ius suum querere, quo sub- lato remedio grassari possent infe- riores iudices in sanguinem, atque
- P. Gambac. de immunit. Eccl.*

in bona innocentum, ideo appel- latio remedium iuris est, funda- tum in iure naturali, atque adeo bene firmiterque in eo fundatum, vt tolli non possit iure humano, nisi vbi aut friuola præsumitur, aut ad prorogandam dumtaxat litem, retardandam poenam, partemve contrariam litis longitudine fati- gandam, in certis casibus interpo- nitur, in quibus tamen si veritas præsumptioni iuris contraria de- prehendatur, vel deferendum est appellationi, quamuis prohibita vi- deatur, vel alio remedio subue- niendum est iuri partis, quæ gra- uatur, præsertim vt quando domum, quod ex remotione appel- lationis, atque ex ipsius sententiæ executione sequeretur, esset irre- parabile. Horret enim omne ius innocentem irreparabili damno af- fici iniuste, cum iura omnia, leges- que iustitiæ tuendæ intendant. Hinc facile colligete possumus id, quod in præsentī intendimus. Cum tres personæ interuenire possint in hoc iudicio, persona rei confugientis ad Ecclesiam, persona actoris à reo offensa, & persona fisci agentis, vel simul cum actore coagentis ad poenam delicti contra reum; an re- moueatur appellatio à persona dū- taxat rei, an verò etiam à persona actoris & fisci. Ad hoc autem ve- nandum supponamus, si quælibet eatum appellet, quid aut appellan- ti vitilitatis, quid damni aduersæ parti possit accidere, & cuiusnam aut grauiora, aut irreparabiliora damna, aut ex ipsa apellatione, aut ex appellationis remotione conse- quantur. De persona rei illud pri- mò certum est eam semper quo cri- minosior fuerit, eo magis appella- turā à sententia iudicis declaran-

Z-Z z      tis

ris immunitatem illi non competere, siue quòd si suæ confidat causæ, sperat se obtenturam immunitatē, & Ecclesiæ defensionē, qua obtenta criminalis causā in ciuilem commutatur, & extremum supplicium in leuem aliquam pœnam conuertitur, siue quòd si suæ diffidat causæ, appellationis remedio desperatam iam sine appellatione vitam, iamiamque per secularem curiam auferendam proroget in multos dies, atque in longum trahat, quod est vnicum remedium, & sacra salutis anchora in causis capitalibus: frigescit enim interea & læsæ partis fœuor, & fisci, & iudicis, quo deferuescente calore mitescunt omnes, & vel partis remissione, vel iudicis æquitate, vel Principis indulto, vbi pars non est, mortis pœnam reus euadit, vt par reus commodum ex appellatione quantumuis frivola, atque ex ipsa Ecclesiæ immunitate consequatur mortis euadendæ. Partis verò contrariæ, atque aded fisci ipsius conatus eadē appellatione, qua suam vitam, membraque tuctur, eludit siue iure obtineat Ecclesiæ immunitatem à iudice ad quem, siue ipsa causæ prorogatione aduersarios fatiget, vel saltem frigescente sanguine mitiget. Si contrà iudice inferiore iudicante pro reo, aut actor appeller, aut eo deficiente fiscus, & apud iudicem superiorem obtineat reum ab immunitate excludi, non ideo obriner contra reum mortis, aut mutilationis pœnam, sed solum vt in causā procedatur, & cognoscatur de delicto. Manent autem reo suæ defensiones integre, manent appellationum in causā ipsa subterfugia, manent o-

mnia iura eius integra, solo immunitatis iure priuatur, vt si innocentia suam probauerit, liberetur, si dubiam fecerit mitius saltem puniatur. Sibi verò ipsi nihil hac appellatione aut actor lucratur, aut fiscus, sed quicquid lucratur, contra reum lucratur, vt dictum est. Ex his apparet aut omnino nullā, aut leuem, parūque rationabilem causā frustratoriē & calumniosē appellandi suppetere aut actori, aut fisco, atque ideo non faciliē contra eos præsumi quòd frustratoriē & per calumniam appellent, reum verò vrgentissimas habere rationes per omnē calumniam appellandi, faciliēque & rationabiliter contra eum præsumi quòd frustratoriē, vt dictum est, ac per calumniam appeller, ille enim de vita sua tuenda extremoque supplicio vitando laborat, cui qualiscumque appellatio multum confert. Actor verò & fiscus de vita alteri auferenda, cui alienæ vitæ appellatio legitima in hac causā immunitatis parum obest, illegitima verò & calumniosa omnino nihil, nisi vt aliquantisper reus in carceribus curiæ ecclesiasticæ derineatur.

Hinc sequitur, si cui rationabiliter, & ex probabili præsumptione in hac causā immunitatis neganda est omnis appellatiō, negandam esse reo, non autem aut actori, aut fisco. quod & hac optima ratione adductus fecit sapientissimus Pontifex in hac constitutione §. 8. vt ex illis ipsis eiusdem §. vltimis verbis apertissimē apparet, vbi dicitur: *quacumque appellatione possessa consignetur ministris curia secularis.* loquitur enim in casu, quo Episcopus cognoue-

rit

rit reum verè commisisse aliquod illorum criminum , quæ in superioribus expressa erant , vt propterea reus tamquam immunitate carens seculari curiæ tradendus , & consignandus sit , vnde & tradi & consignari præcipit ; quoniam autem huiusmodi realem traditionem & consignationem impedire poterat appellatio , ideo omnem remouet appellationem , dicens , *omni appellatione postposita consignetur*. quod diligenter obseruandum est , non enim simpliciter tollit in causâ immunitatis appellationem , sed eam solum tollit , quæ impedire potest ne reus , qui hæc commiserit seculari curiæ , realiter & cum effectu consignetur. Hoc autem impedire non potest neque partis , neque fisci appellatio. Quibus optatissimum est quamprimum fieri hanc consignationem , neque imaginabile est actorem & fiscum ab hac sententia , qua reus iubetur tradi curiæ seculari , appellaturos , stultum enim esset appellare ab ea sententia in qua obtentum est quicquid petebatur. Soli reo competere potest hæc appellatio , atque ideo solius rei appellatio remora hoc loco est , atque prohibita.

3. Quod autem rectè Pontifex non negauerit in hac causâ appellationem parti , aut fisco vices partis gerenti , apparet etiam ex dictis , quoniam contra hos non est probabilis præsumptio quod frustratoriè & per calumniam appellent , & quoniam etiam si ita appellarent , parum commodi consequerentur , parumque nocerent reo , neque eius impedire iustitiam possent ,

& longè probabilius est eos legitime & ex graui causâ appellare , vt grauius læderentur , si eis debita appellatio negaretur , amitterent enim omnem actionem criminalem , atque omnino ius ad necem , & sanguinem rei , à quo grauius sunt offensi , quod contrà accidit in reo , etiam si ex probabilibus præsumptionibus debita illi ac legitima appellatio tolleretur , quia semper manet illi integra in iudicio , quo de crimine agendum est , defensio.

---

*An hac clausula , omni appellatione postposita , neget omnè omnino appellationem non modo frustratoriam , & inanem , sed etiam rationabilem , ac iustam.*

## CAPVT XVIII.

NON est de hac solum clausula disputandum , sed de omnibus similibus , quæ partim in iure , partim in Apostolicis rescriptis , præsertim verò in causis delegandis passim reperiuntur , per quas omnis appellatio prohibetur.

Panormitanus in c. *super eo* , de 1. *appellationibus* n. 10. distinguit in hac materia inter ius antiquum decreti , & nouum ius decretalium , dicens antiquo iure decreti *can. ad Romanam* , & *can. sequenti* 2. q. 6. remotionem appellationis tam ipso iure expressam , quàm Apostolicis rescriptis remouisse solum friuolam appellationem , frustratoriam , & iusta probabilique causâ carentem , iure autem nouo decretalium

per Innocentium III. in *c. pastoralis*, de *appellationibus* §. 1. expressè constitutum esse per huiusmodi clausulas remouentes appellationem, non frivolum modò, ac frustratoriam, sed iustam etiam, ac rationabilem ex quacumque rationabili, grauique causa factam, ea solùm excepta, quæ expresso iure indulgeretur. Et rationem adducit ibi textus, quia cùm frustratoriae appellationi, etiamsi non remouearur, deferendum non sit, neque ab ipso iudice à quo, non modò à iudice ad quem, neque possit impedire negotium, vel cursum causæ quaque ratione retardare, consequens est remotione appellationis aliquam aliam appellationem, quæ negotium impediret, remoueri, ut ius, seu rescriptum illam remouens operari aliquid possit. Hanc autem dicit esse eam omnem quæ in iure non expressè indulgetur. Hinc per textum *d. c. pastoralis* duplex firmari potest regula. Prior affirmatiua, remotione appellationis remoueri omnem omnino appellationem, quæ expresso iure non indulgetur. Posterior, quacumque appellationis remotione non remoueri eam, quæ expresso iure indulgetur.

1. At de hac ipsa dispositione dicti *c. pastoralis* valde dubium est inter doctores an aliquid hodie operetur. Propterea quòd non desunt, qui eam reuocatam putent, siue ab eodem Innocentio in *c. ut debitus*, de *appellationibus*, ediro in Concil. Gen. siue ab alio Pontifice in *c. edoceri*, de *rescriptis*, aut in *c. inter ceteras*, de *sententia & re iudicata*.

3. Ac Panorm. tam in *d. c. pastoralis*, quàm in *d. c. ut debitus*, refert

multos doctores post glossam in *d. c. ut debitus*, dicentes per *d. c. ut debitus* reuocaram esse dispositionem *d. c. pastoralis*, & ad remouendas calumniosas appellationes quæ & partem frequenter grauabant, & iudicum inferiorum auctoritatem minuebant, generaliter esse prohibitum ne quis ante sententiam appellaret, nisi ex causa rationabili allegata coram iudice à quo, quæ quoties talis fuerit, ut si probaretur, appellatio legitima iudicaretur, teneatur iudex à quo illi deferre, causamque per dictam appellationem ad iudicem ad quem deuoluatur, etiam in illis casibus, in quibus appellatio remouetur. eandem sententiam refert ibidem Panormitanus fuisse antiquorum doctorum, & curia, sicut (inquit) audio, eam in praxi seruat.

Hostiensis verò in *sum. tit. de appellationibus*, §. *qualiter sit appellatio. vers. sed & index* partim alienatur huic sententiæ quoad reuocationem *d. c. pastoralis*, partim verò dissentit, quoad ius nempè, per quod dictum capitulum reuocetur. Putat enim non esse correctum per capitulum *ut debitus*, in quo nulla fit mentio clausulæ appellationem remouentis, sed per capitulum *edoceri, de rescriptis*. & per capitulum *inter ceteras, de sent. & re iudicata*, in quibus fit expressa mentio dictæ clausulæ appellationem remouentis, quæ ambæ decretales in delegato loquuntur, cui causa committitur, appellatio-  
nem remota. Nam in *d. c. edoceri* Innocentius III. contra  
quendam Abbatem, qui contra tenorem literarum Apostolicarum appellationem remouentium,  
4.  
5.

tiam, appellauerat, statuens etiam appellacionem non valere, non affert causam, quia contra formam literarum Apostolicarum appellasset, neque quia in casu expresso iure non concessio, sed quia ex causa non sufficiente appellauit, quæ si probaretur, adhuc appellationi deferendum non esset, erat autem causa quoniam in literis contra eum impetratis solius Abbatis mentio fiebat, nulla facta mentione monasterij. Hanc autem causam ad appellandum insufficientem esse Pontifex declarat, quoniam cum Abbas ex officio teneatur sui monasterij negotia gerere, satis fuit eius tantum, & non monasterij fieri mentionem. neque hæc causa ad appellandum sufficiens fuit, nisi aliqua alia rationabilis causa suffragetur. Ex quo apparet quod si qua alia rationabilis causa adesset, quamuis in iure non expressè concessa, licita ac valida ea appellatio censetur, non obstante clausula appellationem remouente. Demum addit causam quæ ad validandam dictam appellationem sufficeret, si Abbatis a monasterij negotia essent omnino distincta. Tunc enim Abbas non iam esset ex officio monasterij procurator, atque ideo necesse fuisset Abbatis ac monasterij expressam fieri mentionem, vt ideo non expresso monasterio, vt opus erat, legitima ac valida Abbatis appellatio censenda foret. Habemus ergo expressè per hunc textum causam probabilem etiam in iure non concessam appellationem validare etiam in casu, in quo expressè remota est appellatio.

6. Item in c. inter ceteras, de sent. & re iud. Alex. III. expressè statuit, cum causa aliqua delegatur alicui, appel-

latione remota, & sententia fertur iniqua à iudice delegato, oportere euacuati sententiam, neque illi standum esse, si iniquitatem contineat manifestam. Quo loco obseruanda sunt hæc duo dicta, euacuari sententiam oportere, & illi standum non esse, quæ inter se pugnantia videntur. Quod enim ait, euacuari oportere, supponere videtur validam esse sententiam, quæ euacuanda sit, atque irritanda, seu per iudicem annullanda, ac consequenter appellationem ad iudicem superiorem, vt ab eo euacuetur valida fore. Quod verò subdit illi standum non esse, supponere videtur sententiam ipso iure nullam; semper enim sententiæ standum est, præterquam quando nulla est ipso iure. Conciliat hæc duo Panormitanus ibi declarando vnum per aliud, nempe illi sententiæ standum non esse quominus possit ab ea appellari, & quamuis remota sit appellatio, iniquitas tamen sententiæ potestatem faciat, vt legitime appellando, sententiæ, cui aliàs, propter remotionem appellationis standum esset, non stetur, sed agatur ad eius retractationem coram iudice ad quem.

Secundò conciliat, saluando quidem vtrumque, sed ad diuersa referendo, quod ipsa verba textus innuunt manifestè, vt si solum sententia sit iniqua, valida sit, sed appellatione tamen euacuanda; si verò non modò sit iniqua, sed manifestè iniqua, eo quod iniquitatem contineat manifestam, illi tamquam manifestè inualidæ standum non sit etiam citra appellationem, sed solum via nullitatis impugnanda sit. Ex his apparet fauorabiliore esse reuocationi c. pastoralis, hos duos textus, in quibus eam fundat Ho-

stentis, quàm textum c. *ut debitus*, in quo fundavit eandem Panormitanus.

7. Eandem sententiam non semel, aut iterum, sed frequenter repetit, probatque Baldus. Nam in c. *sicut Romana, de rescriptis*, expressè docet clausulam *appellatione remota*, non eradicare, hoc est, non omnino tollere beneficium appellationis, & in c. *super questionum, de off. iudicis delegati*, ait remotionem appellationis nihil operari, si appellationis causæ sint veræ in factis, & iustæ quoad iuris dispositionem. Idem in c. *ut debitus, de appellationibus*, cum varias doctorum sententias de effectibus dictæ clausulæ retulisset, ultimum subdit sententiam dicentium eam nihil operari, & hanc per multis rationibus probat. Adducit autem diuersis in locis diuersas rationes ex naturali iure petitas. Prima, quoniam remedium appellationis est naturalis iuris. cap. *sicut Romana*, sæpe citato, cui non potest humano iure derogari, esset enim naturalem tollere defensionem. Secundò, quoniam quando adfunt duæ illæ conditiones, quod causa propter quam appellatur, & vera est in facto, & iusta quoad iuris dispositionem, non potest appellatio tolli, quin simul ipsa iudicij substantia, naturaque peruertatur, quæ in veritate & iustitia tota posita est. Hanc rationem adducit Bald. in d. c. *super questionum*. Tertia habetur tam in d. c. *super questionum*, quàm in c. *prudentiam, de iudic. ult. not.* quia licet in modico præiudicio, quale solet esse in interlocutoriis, locum fortassis habere possit appellationis remotio. Modicum enim damnum propter iuris, ac princi-

pis delegantis auctoritatem æquo animo ferendum est. l. *quoties, Cod. de precib. Imperatori offerendis*. Tamen ubi præiudicium est grane, ut in definitiuis sententiis esse solet, præsertim verò in criminalibus, ubi de magnodamno personali agitur, ad quod depellendum habemus ius naturalissimum impræiudiciabile, locum habere non potest.

Quarta ratio posita est ab eodem in c. *ut debitus*, ubi suprà, num. 4. quoniam Princeps non potest expressè constituere, ut iniquæ sententiæ stetur, argumentum l. *meminerit. Cod. unde vi*, & si hoc faceret, manifestam inferret iniustitiam, ergo neque potest contra iniquam sententiam remouere appellationis remedium, quia aliquando nullo alio remedio uti possumus.

Quinta ratio, quoniam neque verisimile est, neque præsumi debet Principem remouentem in aliquo casu appellationem intendere, aut velle opprimere innocentem, aut iter illi ad suam necessariam, iustamque defensionem præcludere; præsertim verò Romanum Pontificem miserorum refugium, atque innocentium vnicum protectorem, apud quem tamen panem ex stylo curiæ frequentissimo huiusmodi clausula appellationem remouens apponi rescriptis solet. Iudicio autem valde probabilicollegimus hanc non esse eius mentem, quod ferè semper huiusmodi rescripta sic concludi solent, ut auditis hinc inde partibus, quod iustum fuerit decernatur, ergo in illis ipsis causis,

in



in quibus Pontifex appellationem remouet, iustitiam, non autem grauamen partis intendit.

9. Contrariam sententiam tenet expressè Panormitanus tam in d. c. *pastoralis*, de *appellationibus*, n. 8. quàm in c. *ut debitus*, eodem titulo n. 13. Pro qua ipse refert Hostiensem, non tamen refert locum, Ioannem Andream, & alios, ac demum testatur esse sententiam communem modernorum. Felinus præterea in c. *pastoralis*, de *officio & potestate iudicis delegati*. §. *final.* n. 18. eandem sequitur, dicens tutius esse simpliciter tenere clausulam remouentem appellationem semper esse intelligendam iuxta dispositionem dicti c. *pastoralis*, de *appellat.* Hic refert pro eadem sententia Baldum in l. 2. ad finem, Cod. de *appellat. recipien.* Idem tenet D. Antonius in d. c. *pastoralis*, licet aliter postea dixerit in d. c. *ut debitus*, de *appellationibus*. Hi omnes sentiunt usque hodie manere firmam dispositionem dicti capituli *pastoralis*, & per clausulam, *appellatione remota*, omnem prorsus appellationem prohiberi, siue fiat cum causa, siue sine causa, excepta ea quæ expressè iure indulgetur.

10. Primò apud me certum est dispositionem capituli *pastoralis* neque reuocatam esse per dispositionem capituli *ut debitus*, neque quoquo modo correctam. Est contra doctores relatos per Panormitanum n. 3. Non esse quidem reuocatum probo diuersis rationibus adductis per doctores. Tres rationes adducit Panorm. in c. *pastoralis* n. 8. primam desumit ibi Panormi-

tanus ex gl. inc. *ut debitus*, in v. *ante sententiam*, quoniam capitulum *ut debitus*, loquitur limitatè de appellatione ab interlocutoria, textus verò in capitulo *pastoralis* loquitur vniuersè atque illimitatè de omni appellatione: ergo non potest hic textus vniuersaliter disponens per illum disponentem in particulari reuocari. Secundò quia textus capituli *ut debitus* non loquitur de casu in quo appellatio est remota, sed generaliter de appellatione interlocutoria; textus verò capituli *pastoralis* loquitur in specie quando appellatio est remota. ergo potius ille textus reuocat, aut limitatur per istum, quàm contrà. Generi enim derogatur per speciem, non speciei per genus. cap. *generi*, de *regul. iuris* lib. 6. Tertiò ratio, quia in c. *inquisitioni*, quod editum est multis annis post textum capituli *ut debitus*, editum est enim à Gregorio IX. distinguit Pontifex de clausula remouente appellationem, num posita sit in medio, an in fine rescripti. Vult enim plus operari in vno loco, quàm in alio: ergo post dispositionem capituli *ut debitus*, manet in suo robore dispositio capituli *pastoralis*. Aliàs enim si illa esset reuocata per dictum c. *ut debitus*, non haberet locum dispositio c. *inquisitioni*, quæ est posterior, reuocata enim dispositione capituli *pastoralis*, neque in medio, neque in fine rescripti aliquid operaretur appellationis remotio. Quartam rationem adducit Hostiensis in sum. tit. de *appellationib.* §. *quod aliter sit appellatio, vers. sed & iudex.* quia ius indistinctè loquens, ut est in c. *ut debitus*, non potest corrigere ius distinguens, ut est in c. *pastoralis*. arg. l. *non est*

*nonum. ff. de legibus. & l. vn. Cod. de inofficiosis dotibus.* Maximè verò, quia nisi ius expressè corrigatur, semper manet in suis terminis, *auth. de non alien. reb. Eccles. §. final. collat. 2. & l. sancimus. Cod. de testam. & l. precipimus. Cod. de appellationib. & l. 3. ff. de legib.* Quinta ratio cx eadem glossa in *d. c. vi. debitus*, in eod. v. *ante sententiam*, circa medium. quia lex noua generaliter disponens, ad eas leges in quibus specialiter antè prouisum est, non est referenda. *l. sanctio legum. ff. de pœn. At in c. pastoralis*, specialiter prouisum est de clausula remouente appellationem. ergo noua dispositio *c. vi. debitus*, generaliter de appellatione loquens, nullam faciens specialem de dicta clausula mentionem, referti non potest ad eas causas, in quibus appellatio remouetur. Præsertim verò ad euitandam aded in iure odiosam iurium correctionem, cuius uitandæ gratia verba iuris prohibemur interpretari secundum amplam eorum significationem, quam aliàs reciperent, iubemurque ea potius restringere. *c. cum dilectus, de consuetudine, & c. 1. & 2. de fil. presbyter. lib. 6.* & iura iuribus concordate, *c. cum expediat, de elect. lib. 6.* sexta ratio quoniam aliàs dicendum esset non corrigi solum ac reuocari dispositionem dicti *c. pastoralis*, sed pleraque alia iura, nempe dispositionem *c. secundò requiritur de appellationib. & c. 1. de rescriptis & c. inquisitioni, de appellationibus*, quæ de remotione appellationis specialiter disponunt. Nam in *c. 1. de rescriptis*, statuit Alex. III. si cui per Apostolica scripta indultum sit, vt liceat ei liberè appellare, & postea committatur alicui aliqua eius causæ appellatione re-

mota, hunc non validè in ea causâ appellare, nec eius appellationi si eâ fortè interponat deferendum esse, quoniam mandatum posterius speciale remouens appellationem derogat generali. In *c. secundò requiritur*, statuit cum pluribus articulis eiusdem causæ in vna commissione positus, in vno tantum exprimitur remotio appellationis siue in principio, siue in medio, siue in fine ea exprimatur, intelligendum esse remotam appellationem in omnibus, vt in quocumque articulo appellet, non teneat appellatio. Demum in *c. inquisitioni* statutum est, quando plura inter se diuersa negotia alicui committuntur, si clausula appellationem remouens in medio litterarum ponatur, præmissa tantum negotia complectitur, non sequentia, nisi fortè in fine iteretur. Hæc omnia omnino ruerent, & seruari minimè possent si dispositio *c. pastoralis* per capitulum *vi. debitus* reuocata esset, nihilque appellationis remotio operaretur.

Secundò dico dispositionem *c. 11. pastoralis* non esse reuocatam, neque per textum in *c. edoceri, de rescriptis*. neque per textum *c. inter ceteras, de sent. & re iud.* Est contra Hostiensem relatum suprâ n. 4. Probatur primò, quia neutra dictarum decretalium, aut expressè reuocat, aut corrigit, aut quicquam dicit, quo eiusmodi reuocationem correctionemue vel leuiter insinuet. neque verò quicquam statuit, quod cum dispositione dicti capituli *pastoralis* simul stare non possit. Nam in *d. c. edoceri* solum ponitur casus specialis, in quo non obstante clausula remouente appellationem, validè tamen appellaretur ex iusta causâ. Quod simul cum

cum dispositione c. *pastoralis* optimè saluari potest, dicendo istum esse vnum ex casibus, in quibus appellatio in iure expressè indulgetur, quos casus admittit textus in d. c. *pastoralis*. Adde quòd casus d. c. *edoceri* est de Abbate, qui propterea quòd in literis Apostolicis appellationem remouentibus solius Abbatis, & non monasterij, seu còuentus mentio facta fuerat, appellauit, sicut n. 4. ostendimus. quo casu declarat ibi Pontifex, si Abbas habeat bona distincta à còuentu, validam esse appellationem, quo loco non tam admittitur appellatio, quia contra clausulam eam remouentem, quia hæc causa iusta sit in iure, & vera in facto, quàm quia commissio, in qua appellatio remouetur, est defectuosa, non facta mentione còuentus, quæ necessariò facienda erat, cùm enim desit Abbati potestas ad respondendum pro còuentu, cessare debet etiam vis rescripti, & potestas iudicis ad procedendum, validèque appellat Abbas contra iudicem sine auctoritate procedentem.

12. Rursum in c. *inter ceteras*, de sent. & re iud. solùm statuuntur duo, vt n. 6. dictum est, alterum est quando in causa in qua remota est appellatio, fertur iniqua sententia, oportere illam euacuari, & grauamen illatum per superiorem emendari. Non statuitur autem via qua id fiat, neque est necesse fieri per appellationem, sed potest per viam querelæ, & aliis viis, de quibus suo loco dicetur. Atque ideo nihil continet contra dispositionem c. *pastoralis*. Alterum verò est si grauamen, & iniquitas sententiæ sit notoria, non esse standum illi sententiæ; id est, sententiam esse

nullam, & remouendam esse iniquitatem per viam nullitatis, quod neque repugnat ulli modo d. c. *pastoralis*; ergo neutro horum iurium dici potest reuocare dispositio c. prædicti. Secundò probò, quia cùm c. *edoceri*, editum sit ab eodem Innocentio III. à quomanauit dictum capitulum *pastoralis*, neque aut constet vtrum sit prius, aut posterius editum, neque probabile sit eundem Pontificem, si ius suum reuocare intendisset, non apertissimè expressurum fuisse, neque compilator vtrumque ius eiusdem Pontificis, quorum alterum altero reuocaretur, compilasset. Decretalis verò *inter ceteras* cùm edita sit ab Alex. III. circa annum Domini 1163. quinquaginta circiter annis ante decretalem Innocentij III. editam in Concilio Gen. circa annum 1177. non patitur historiarum ac chronologiæ ratio dicere fuisse reuocatam decretalem *pastoralis* quinquaginta annis antea quàm ederetur, sed si inter se vsquadeo pugnarent, vt nulla ratione simul stare possent, necessariò dicendum esset decretalem *inter ceteras*, quæ prior fuit, reuocatam esse per decretalem *pastoralis*, quæ longè posterior est.

Tertiò dico, quantumcumque remouetur omnis appellatio in d. c. *pastoralis*, etiam si remouetur illa, quæ expresso iure indulgetur, numquam hæc remotio est contra ius naturale, neque naturali iuri in aliquo aduersatur. Videtur esse contra Baldum relatum n. 7. vel certè contra eius rationes. Probat primò, quoniam remedium appellationis formaliter acceptum, & iuxta formam à iure præscriptam, non est iuris naturalis, sed

solūti, vt dixi initio capitis præcedentis, magnum habet fundamentum in iure naturæ. De iure enim naturæ solum ius suum rueri etiam contra iudicis iniquitatem. Ad hoc autem faciendum plura sunt adinuenta remedia. Vnum est appellatio ad iudicem superiorem, aliud est querela contra iudicem inferiorem coram eodem iudice superiore, & si iudicis iniquitas sit manifesta, adhuc aliud statutum est remedium nullitatis, quādiu ergo aliquod horum remedium manet, numquam tollitur ius naturale, etiam si aliquod particulare remedium tollatur, vt sublato remedio appellationis, manet remedium querelæ nullitatis, & si quod aliud. Secundò probatur, quoniam remotio appellationis etiam iure facta non tollit omnino appellationem, sed relinquit cuique integrum appellare, solum enim tollit effectum suspensiuum, relinquit autem effectum deuolutiuum. Solum enim operatur vt iudex à quo non teneatur deferre appellationi, sed possit in causa iure procedere, & vt gesta post appellationem teneant; iudex autem, ad quem appellatur, potest admittere appellationem, si videat iustam causam, & inhibere iudici à quo, ne ulterius procedat, & præcipere vt transmittat acta, quòd si post huiusmodi inhibitionem illi notificata procedat, nullum est & inane quicquid artentauerit: cum ergo non obstante clausula appellationem remouente possit quis legitimè appellare quantum ad iudicem ad quem, & per appellationem causa ad eum deuoluatur, vt si iniustitiam viderit illatam,

eam emendet, adhuc satis fit per ipsummet appellationis remedium iuri naturali depellendi iniustitiam iudicis inferioris, de qua re inferius sequenti cap. dicitur. Ex his facile solūuntur omnes rationes pro sententia Baldi adductæ.

Quartò & vltimò dico, iustissimè, sanctissimèque in multis casibus tam scripto iure, quàm Principum rescriptis remouetur appellatio. Probat, quoniam naturalissimum appellationis remedium ad defensionem iuris vniuscuiusque institutum, atque ad ligandas iniquis iudicibus manus, ne opprimerent iniuste partem aliquam hominum inualecente malitia ad iniustitiam, atque ad tollendum parti ius suum, protrahendis indebitè, & per calumniam libris, partesque ius suum tuentes laboribus atque expensis defatigandas, atque ad iustorum proborumque iudicum auctoritatem minucindam conuerteretur, optimum, iustissimum, sanctissimumque huic depellendo malum adhibuit fuit, vt appellatio remoueretur: qua remotione vtrique malo prouisum est. Nam dum iudex à quo non obstante appellatione in causa processurus cognoscitur, & à calumniosis appellationibus, quibus nihil proficerent, multi retrahuntur, & si qui appellent, cursus causæ nihilominus non retardatur, & iudex à quo sciens iudicem ad quem posse appellationem admittere, & eius iniquitatem corrigere, & integram suam seruat auctoritatem, procedendo nihilominus in causa, & iustam sententiam ferre studet, quam scit si iniqua fuerit fore ab alio corrigendam.

14.

*Quinam appellationis effectus remoucantur, qui verò manent, quando appellatio remouetur.*

## CAPVT XIX.

1. **Q**UAMVIS probabile non sit, sanctissimos Episcopos, in quibus ratione, sui status cum omnis Christiana perfectio, tum iustitia elucere debet, eos aliquando lapsuros, ut ex ira, amore, odio aliave praua animi affectione contra iustitiam iniquam ferant sententiam, partemque aliam litigantium grauent, quod idem & ab apostolicæ sedis delegatis abesse censendum est, quoniam in quocunque gradu positi dum lutea hæc vasa gestamus, ut morti, & ægitudinibus corporis subiecti sumus, ita & animi infirmitati, atque affectionibus prauis obnoxij labi possumus, præsertim verò si Christi gratia, in quo omnia possumus, sese tantisper subtrahat, ideo sapientissimè, prudentissimèque Romani Pontifices, & sublato appellationis remedio in aliquibus causis alia remedia partibus ad sese descendendum contra Episcoporum, & Apostolicorum delegatorum iniquas sententias intacta reliquerunt, & ipsammet appellationem nunquam omnino, & quoad omnes effectus sustulerunt, cum præsertim absque ulla prorsus malitia ex inaduertentia, ignorantia, aliisque humanis

minus culpabilibus defectibus prodire iniquæ sententiæ possint.

Supponendum est ergo initio 2. omnem appellationem duos iudices respicere, nempe vnum inferiorem à quo appellatur, & de cuius potestate causa per appellationem tollitur; alterum superiorem, ad quem per legitimam appellationem eadem causa transferitur. Inter hos ergo media appellatio aliquos habet operari effectus erga vtrumque. Id quod facit ne simul ambo de eadem causa cognoscentes pariant confusionem. In ordine ad iudicem à quo habet appellatio vim suspendendi ipsius iurisdictionem, erga iudicem verò ad quem habet deuoluere omnem in eadem causa iurisdictionem. Ille suspensius, hic verò deuolutinus appellationis effectus vocatur.

Hi duo effectus iuris institutione simul connexi ordinariè sunt, seseque inuicem consequuntur, ut & ex eo quod inferioris iudicis iurdictio suspenditur, & aliquo modo cessat, surgat in superiore iudice iurdictio, vel ex eo quod deuoluitur iurdictio ad superiorem, apud inferiorem cesset, nec alter effectus ab altero separatur. nisi enim superiore iurisdictione acquiescente in causa, inferioris iurdictio in illa eadem causa suspenderetur, & aliquo modo cessaret, contingeret vtrumque simul de causa cognoscere, simulque contrarias sententias pronunciaré. Tunc ergo iurdictio sequentis iudicis surgit in causa, cum præcedentis suspenditur.

AAAa 2 Quod

Quòd si petas quandonam ij effectus surgant? Respondeo cùm primùm appellatio legitima interponitur, cui iudex à quo deferre tenetur. Dixi autem *legitima*, quoniam per appellationem frustratoriam negotium non debet impediri, vt habet expressus textus in c. *pastoralis, de appellationibus*. quare frustratoria appellatio neutrum effectum sortitur, si verè frustratoria sit manifestè. Contingit autem interdum frustratoriam videri iudici à quo, quæ tamen frustratoria non videatur iudici ad quem, vt iudex à quo ei non deferat, nec desinat in causa procedere; iudex verò ad quem ei deferat, inhibeatque iudici à quo. Rursum quando iure, vel rescripto in aliqua causa appellari remouetur, iudex à quo non tenetur illi deferre, sed illa non obstante potest in causa procedere, sed si appelletur ex causa iusta & vera, iudex ad quem potest appellationem probare, ac iudici à quo inhibere. Hinc fit vt isti duo effectus se inuicem & præcedant & consequantur. In legitima enim & rationabili appellatione non prohibita, priùs surgit effectus suspensiuus, deinde verò deuolutiuus. Cùm primùm enim interponitur appellatio, suspenditur omnis iudicis à quo iurisdic-tio, quæ licet statim eo ipso deuoluatur ad iudicem superiorem ad quem, tamen imperfectè transit ad eum, neque completur in eo iurisdic-tio quousque illi appellatio proponatur, & quoniam aliquando in appellatione non determinatur iudex ad quem, sed absolutè dicitur, & in confuso, appello ad iudicem superiorem, vel ad iudicem, ad quem spectat:

sunt autem plures superiores, ad quos spectare potest, tunc nullus eorum iurisdictionem acquirit, neque deuolutiuus effectus consequitur, nisi posteaquam appellatio alicui eorum fuerit proposita, & eo ipso quòd cuius eorum proponitur, ad illum deuoluitur negotium, & ab eo est cognoscendum. Ita habemus effectum suspensiuum ante deuolutiuum. Contrà verò quando vel appellatio, quæ iudici à quo visa est frustratoria, probatur iudici ad quem, vel in causa remota est appellatio, & nihilominus pars grauata appellat adducta ratione aliqua vera in factò, & iusta in iure, manente integra atque in suo robore iurisdictione iudicis à quo, nullòque secuto effectū suspensiuo, sequitur effectus deuolutiuus ante suspensiuum, & eo ipso quòd iudex ad quem appellationem admittit, deuoluitur ad eum negotium, effectus verò suspensiuus sequitur postea, cùm inhibitiō à iudice ad quem emanās præsentata fuerit iudici à quo, & deuolutiuus effectus suspensiuū præcedit.

Effectus porro suspensiuus triplicem vim habet. Primò suspendendi iurisdictionem iudicis à quo, ita vt non possit vltra in causa procedere. Secundo annullare quicquid post huiusmodi appellationē, seu suspensionem gestum fuerit, vt non iam gestum, sed attentatum dicendum sit. Tertiò facere iudicem à quo reum, ac pœna dignum, propter huiusmodi attentationem, si quid præsumpserit, vel post appellationem legitimam, & non prohibitam, vel post intimatam sibi inhibitionem attentare.

Effectus verò deuolutiuus, qui respicit

aspicit iudicem ad quem, quintuplicem habet vim. Prima ut possit de ipsa appellatione admittenda, vel reicienda, probanda, vel improbanda statuere, partisque vel ad iudicem à quo remittere, vel cogere coram se litigare. Secundò ut postquam admisit, probatque appellationem, de causa cognoscat, sententiámque ab inferiore prolata iudice probare, improbare, moderari, corrigere, & quod iustitia suaserit pronunciare. Tertiò siquid per iudicem à quo post legitimam appellationem gestum sit, nullum, atque inualidum, nullius roboris ac momenti esse declarare. Quartò quòd si appellatio huiusmodi erat, ut iudex à quo non teneretur ei deferre, debet grauamen, si quod ille in causa procedendo intulit, remouere, & ne in causa procedat inhibere, & si manifesta est iustitia iudicis inferioris, sententiám ipsius nullam declarare. Quintò potest agente parte iudicem à quo, quia non detulit appellationi legitimæ, cui deferre tenebatur, etiam punire. Ex his faciliè possumus colligere quòd effectus appellationis tollat ipsius appellationis remotio, quos verò minimè.

5. Primò ergo dico clausulam remouentem appellationem, siue in iure positam, siue in rescripto Principis, impedire effectum suspensionum iurisdictionis iudicis à quo, & omnem eius vim, cõseruat enim iurisdictionem in ipso iudice à quo, non obstante quacumque quantumuis rationabili ac legitima appellatione, quæ non expresso iure indulgetur. Deinde facit ut iudex à quo legitimè procedat in causa, & omnia per eum gesta post appellationem sint valida. Tertiò liberat e-

undem iudicem à quo ab omni pœna. cùm enim bene faciat in causa procedendo, ueque peccat, neque pœnam meretur. Hæc est expressa doctrina Panormitani, tam in c. *pastoralis*, de appellationibus n. 9. quàm in c. *ut debitus*, eodem tit. n. 14. Innocentij & Franchi in d. c. *pastoralis*, ac præterea Franchi in c. *secundò requiritur*, eodem tit. & probatur ratione. Primò in genere, quia remotio appellationis, ut aliàs tenigi, propter duas præcipuè causas est introducta, nempe ad rescandam superfluas dilaciones prætextu appellationum fieri solitas, & ad cõseruandam ipsorum iudicum inferiorum auctoritatem, quæ frequentibus appellationibus non parum imminuebatur. ergo saltem hæc duo incommoda debet depellere. Depellit autem secundum cõseruandam in iudice à quo iurisdictionem, depellit primum validando eius gesta post appellationem. Secundò probatur in particulari remotionem appellationis tollere triplicem illam vim effectus suspensiuæ. De prima probatur euidenter, quia nisi hanc tollat, nihil tollit, nisi enim maneat in iudice à quo iurdictio & potestas, remotio appellationis nihil omnino operaretur. hoc enim est primum & fundamentum omnium aliorum. De secunda probatur, quia necessariò sequitur ex præcedente: manet in iudice à quo iurdictio; ergo gesta per eam sunt valida. De tertia probatur ex duabus præcedentibus. Habet iurisdictionem, & legitimè procedit in causa; ergo pœnam non meretur. Confirmatur, iudex à quo non obstante appellatione interposita in causa in qua remota est, auctoritate iuris procedit in causa. ergo non peccat, nec

AAAa 3 pœnam

potnam meretur. *can. qui peccat* 23. q. 4. & l. *Gracchus. Cod. de adulter.* Ex his colligit Panormitanus in d. c. *pastoralis*, de *appellationibus* n. 9. ubi est remota appellatio, iudicem à quo non obstante appellatione partis posse executioni mandate suâ sententiam, cum non sit suspensa per appellationem prædictâ eius iurisdicção. Et colligitur ex c. *pastoralis*, de *off. iudicis delegati*. Secundò porcst post appellationem prædictam excommunicate, qui est casus valde specialis, in quo tenet excommunicatio lata post appellationem probabilem, & testatur ibi Panormitanus ita tenere doctores. Dixi autem, cum remouetur appellatio in iure, siue rescripto Principis, non ut ad hos modos remouendi appellationem me restringerem, quasi si alio modo remouetur, tollatur omnis appellationis effectus, & grauamen emendari nequeatur, ut quidam senserunt relati apud Panorm. in d. c. *pastoralis* n. 12. Sed id dixi, quia hi sunt duo ordinarij & vsitati modi appellationem remouendi. unde idè dicendū est quocūque alio modo tollatur, semper enim intertio remouentis appellationem est ut iustitia consequatur suum effectum, & nullo modo ut impediatur.

6. Secundò dico quando appellatio remouetur à iure, vel rescripto Principis, si pars grauata à iudice à quo probabili ex causa appellet, eius appellatio retinet suum effectum deuolutiuum, neque clausula appellationem remouens, remouet huic eius effectum. Pro quo aduertendum in casu quo remota est appellatio posse remoueri grauamen absque vilo dubio per viam querelæ; necessariò enim remouendum

est, ergo saltem per viam querelæ, & in hoc nemo dissentit. Dubium est an solùm per viam querelæ, an etiam per viam appellationis; nec defunt qui putent solùm per viam querelæ, propterea quòd appellatio supponitur sublata. Sed opinio magis communis, vt refert Panorm. vbi supra n. 15. tenet posse etiam per viam appellationis. Colligitur euidenter ex text. in d. c. *pastoralis*, de *appellationibus*, ubi dicitur, sed si appellans fuerit grauatus iniuste, grauamen huiusmodi per appellationem poterit emendari. Quo loco obserua verbum illud, *si appellans*, iniuste enim grauatus dirigere se potest per viam appellationis, & si ita se dirigat superior, per eandem viam poterit grauamen emendare. Hæc ergo appellatio licet non operetur effectum suspensiuum respectu iudicis à quo, operabitur tamen deuolutiuum respectu iudicis ad què, & ita sèrit gl. notabilis in *elementina unica*, de iure patron. in v. *oneramus*, & probatur ratione, quia si remotio appellationis impediret effectum deuolutiuum, minueret authoritatè iudicis ad quem superioris, pro conseruanda authoritate inferioris iudicis à quo. Secundò, quia tolleretur omnis effectus appellationis, & cōsequenter omnino tolleretur appellationis remedium, quod frequenter præcluderet parti grauatæ omnem viam ad depellendū grauamen. Quāvis enim habeat aliud remediū per viā querelæ, tamen hoc multi non audent vti propter prælatorū reuerentiam, cum non sit ita frequens atque vsitatū, sicut est appellatio. Saltem valde difficultaretur depulsio grauaminis, quæ potius facilitari debet. Tertiò, quia cum appellationis



remotio introducta sit ad facilitandum cuique ad breuiandam viam ad ius suum tuendum, & iniustitiā depellendam, si remotio appellationis remoueret effectum deuolutiuū, difficultaret, ac impediret persæpe viam ad iniustitiam depellendam. quod palam est esse contra expressam mentē remouentis appellationem, qui in ea remotione nihil magis intendit, quàm facilitare ac breuiare viam parti iustitiam habendi ad suam iustitiam consequendam. Postremò, quoniam in dicto *c. pastoralis; de appellationibus*, dicitur remotione appellationis remoueri eam omnem, quæ in iure non expressè indulgetur. Dico non esse necesse huiusmodi appellationem indultam esse in iure, etiam in casu, quo appellatio remouetur, vt tenuit gl. in *d. c. pastoralis*, in *v. expressè*. Hac enim ratione nimis restringeretur iste textus, sed validam esse omnem appellationem simpliciter in iure indultam, quoquo modo sit expressè indulta. de qua re dicam infra.

*An reus, qui ad Ecclesiam confugerat, & cui interdicta est hoc nomen iure appellatio, si grauetur ab Episcopo possit appellare, & quid eius appellatio operetur.*

## CAPVT XX.

1. **N**ON licere huiusmodi reo appellare, neque quicquam operari eiusdem appellationem hæc probant.

Primum quodd illi appellatio hac constitutione interdicatur, & ita

interdicatur, vt quamuis appellare tentaret, non impediat appellationis executionem sententiæ, quin tradatur, consigneturque ministris curiæ secularis. Secundò ex quadam Baldi doctrina in *c. prudentiam, de indic. not. ult.* dicentis remotione appellationis saltem remoueri omnem appellationem ab interlocutoria. Sententia autem, vel mandatum Episcopi causâ cognita iubentis reum tradi curiæ seculari, vim quandam habet interlocutoriæ declarantis reo non competere Ecclesiæ immunitatem. ergo. Tertio ex alia eiusdem doctrina ab eisdem citatis locis, dicentis ab interlocutoria, qua quis pronunciat se esse iudicem in causâ, non licere appellare stante clausula remouente appellationem: ergo multo minus ab ea in qua pronunciat alium esse iudicem. At Episcopus iubens reum confugientem ad Ecclesiam tradi curiæ seculari, declarat iudicem secularem posse procedere in eius causâ. ergo. Quarto clausula, *appellatione remota*, remouet omnem appellationem, etiâ iustâ & probabilem, quæ in iure non expressè indulgetur. Hæc autem in iure non modò non indulgetur, sed expressè remouetur. ergo.

Imò ampliùs videtur, etiam si non esset remota huiusmodi appellatio, adhuc non competere reo appellationem. Probo per quandam celebrem doctrinam glossæ in *Clem. 1. de iure patrona. in v. oneramus*, receptam per Panormit. in *c. pastoralis, de appellationibus n. 13.* & per notata in *c. statutum. §. assessorem, de rescript.* quæ vult in his, quæ relinquuntur conscientiæ iudicis, non esse locum appellationi. Eo loco Põtifex cum præcepisset diaecsanis

ut facerent moderationem portionis beneficii iuris patronatus, eorum conscientias in hoc onerat, quod est eorum conscientiae id relinquere. Notat ibi glosa si vel patroni appellarent, dicentes excessisse in ea portione taxanda, vel praesentatus appellaret, dicens esse nimis paruum & insufficientem portionem, Episcopus non deberet deferre appellationi. Hinc vniuersaliter doctores hanc glosam recipiunt, dicentes in his quae iudicis conscientiae relinquuntur, non admitti appellationem. Hoc autem iudicium num reus debeat ad immunitatem recipi, an tradi curiae seculari, ita Episcopo committitur, ut eius conscientiae relinquatur, quod ex verbis constitutionis ipsius probro, addita declaratione Sanctissimi Domini Clementis Papae VIII. qui feliciter & cum magna Ecclesiae pace sedet in Petri cathedra. Na §. 8. sic habetur, *nisi cognito prius per Episcopum, &c.* In quibusdam vero litteris datis ad Don Didacum de Ahedo Archiepiscopum Panormitanum, piissimum virum, in forma brevis, quarum superius mentionem fecimus, de hac cognitione Episcopi loquens ait, *quantum tibi constiteris summarie, extrajudicialiter, & quantum pro conscientia sua informatione sufficere videbitur.* ergo eius conscientiae committitur, consequenter non licet appellare.

3. His tamen non obstantibus, respondendo per aliqua dicta valde probabilia. Primo dico, si reus ab Episcopo in hac causa grauetur, competere illi aliquod remedium, siue appellationis, siue querelae, siue nullitatis, ita ut possit depellere suum grauamen, non obstante hac appellationis remotione, praesertim

verò in hoc Siciliae regno, ubi contra criminosos proceditur ex abrupto inchoando causam à tormentis.

Tradi enim curiae seculari magnum affert praedictum, tollit enim Ecclesiae immunitatem, exponitque reum certo vitae periculo, si casus probetur, etiamsi forte qualitas non probetur. de iure autem naturae est depellere iniustum grauamen, praesertim graue, cui nullo humano iure praedictari potest, supponamus enim Episcopum vel malitia, vel errore iubere tradi reum curiae seculari, qui verè ad immunitatem admittendus esset. Hic grauetur & in re grauius, nam curia secularis statim adhibet illum ad tormenta, graue praedictum est torqueri hominem, qui si ad immunitatem, quae illi competit, admitteretur, non torqueretur. Occiderit is hominem, ac praetendatur occidisse mediante pecunia per assassinium. Probari potest homicidium tot oculatis testibus, contestibus, ut adhibeatur ad tormenta, cum clausula sine praedictio probatorum, etiamsi neget in tormentis delictum, nihilominus contra eum proceditur ad poenam capitalem. Ponamus probati homicidium, non probati assassinium, deberetur illi immunitas, ex quo tamen semel iudicatus est ad eam non admitti, afficeretur ultimo supplicio, quo non afficeretur. si ad superiorem iudicem recursus ei pateret, à quo grauamen ab Episcopo illatum emendaretur. Dixi verò, praesertim in hoc Siciliae regno, ubi proceditur ex abrupto, sed idem tamen in aliis locis grauamen sequi posset, si non valeret probare suam innocentiam, sed de homicidio conuictus post factas defensiones debiles,

lesadhiberetur ad tormenta cum clausula eadem; si enim damnaretur ad mortem, qua nullum neque maius, neque par grauamen reperitur. id autem vitare posset, si ad superiorem pateret recursus, à quo grauamen hoc contraria sententia emendari posset. ergo etiam huiusmodi reo aliqua via patere debet de iure naturæ ad depellendum hoc grauamen.

4. Secundo dico, si grauamen sit manifestum, præceptum Episcopi iubentis reum tradi curiæ seculari, est nullum & inualidum, & potest reus agere per viam nullitatis. Probat per expressum textum in *c. inter ceteras, de sent. & re iud.* vbi Alex. III. statuit, cum causa committitur appellatione remota, si sententia feratur iniqua, euacuandam esse, si verò iniquitatem contineat manifestam, non esse illi standum, hoc est, sententiam esse nullam omnino, & nullius roboris, ideòque nec oportere eam euacuari, sed solum per iudicem ad quem declarari nullam: ergo pari ratione sententia Episcopi, seu mandatum continens manifestam iniustitiam, est nullum. Secundo probatur per glosam solemnem in *c. ex conuersione, de restit. spoliato. in v. post appellationem*, quæ expressè tenet remotionem appellationis non impedire appellationem, vbi manifestè quis grauatur. quam glosam recipit in *c. inter ceteras, de sent. & re iud.* & ibi D. Antonius per eum relatus, & communiter doctores; & eam certè probat non modò per illum textum, sed etiam per text. d. *c. ex conuersione*, vbi Pontifex Lucius III. propter hoc declarat validam fuisse mulieris cuiusdam appellationem in causa,

*P. Gambac. de inuicun. Eccl.*

in qua fuerat remota, & annullat omnia post eam gesta, quia mulieri possessorio agenti, & virum sibi restitui petenti, iudices restitutione illi negata (quod fieri non debuit) in petitorij causa procedere voluerunt, negando enim restitutionem, illam manifestè grauauerunt. Iubetque vt ante omnia mulieri virum restitui faciant, & postea in petitorij causa procedat. Est ergo certa regula, vbi certa regula constitui potest, notoriè grauatum semper posse appellare validè, quantumcumque in causa remota sit appellatio, ita vt gesta post appellationem non teneant. Tertio probatur ex quadam ratione, quam adducunt doctores ad probandum cur in *c. pastoralis* statutum sit remota appellatione non remoueri eam, quæ expresso iure indulgetur, quæ etiam suprà tetigi. Quia vbi iura expressè indulgent appellationem, grauamen est notorium, & vbi notorium est grauamen, ibi validè appelletur, quamuis remota sit appellatio: ergo etiam per expressum textum d. *c. pastoralis*, admittenda est etià in omni casu, vbi grauamen est manifestum, etiamsi appellatio sit remota, consequenter neque Episcopus post appellationem potest facere exequi mandatum.

Tertio dico, etiamsi grauamen non sit manifestum, si tamen verè grauetur reus, licere illi appellare in hac causa, & iudex ad quem debet illum audire, & constituto de grauamine debet illud emendare, de qua emendatione dicitur post. Neque obstat quòd ab interlocutoria non licet appellare, quia quando grauamen est magnum, vt in præsentì casu, licet. Neque obstat quòd in his quæ relinquuntur

B.B.B.b.

con:

conscientiæ iudicis, non licet emendare, qui supponitur iudicem fore bonæ & timoræ conscientiæ, ac neminem grauaturū. si tamen contingat grauare partem, & in re graui nulla ratio putitur iniuste hunc opprimi, esset enim contra ius naturæ, cui nullo iure humano præiudicari potest. Si quæras quid faciat iudex ad quem in hac appellatione, non enim potest iubere acta transmitti, cum nulla sint acta, potest enim Episcopus summarie, ut dictum est, ac sine scriptis pro sola conscientiæ suæ informatione de hac immunitatis causa cognoscere. Respondeo posse huic incommodo duo remedia adhiberi. Alterum est, ut quando pars dubitat de Episcopo, & aduertit in eo aliquod suspitionis signum, de suspitione protestetur, per atque testes in scriptis recipi, ac protestetur si non recipiat; apparebunt enim saltem scriptæ partis protestationes cum causis suspitionis. Alterum est ut iudex ipse ad quem, iubeat Episcopo ut informet, posteaque accepta ab Episcopo informatione, in qua reddit facti sui rationem, examinet testes produccidos per partem grauam, quæ appellauit, repertoque grauamine, id emendet, & Episcopi mandatum iniustum, ac nullum esse declaret, vetet reum tradi curiæ seculari, iubeatque Episcopo, ut illum contra eandem curiam tueatur. quod si iā sit consignatus reus curiæ seculari, iubeat restitui loco, unde extractus est per ecclesiasticas censuras & pœnas, cum constet illi ecclesiasticam immunitatem deberi. Neque ullo modo permittat curiam secularē contra illum procedere ad sententiam grauis pœnæ corpora-

lis, aut ad executionem sententiæ.

Quartò Episcopus monco, atque 6.  
horror, & per Dei charitatem obtestor, ut si quando sint animo alieno ab eo, qui fortè ad Ecclesiam cōfugerit, non ipsi de causa immunitatis eius per se cognoscant, sed ea omnino se spolient, sinantque cognosci à persona ab eis deputata, neque illi vlla ratione significant quo modo ipsi erga eū affecti sint, ne is animo complacendi Episcopis moueatur, quod si is aliunde id sciat, moneant eundē ut sincerè, & absque vlla animi passione procedat, potiùsque ostendant sibi gratū fore, ut si causa id ferat, ad immunitatē reus admittatur, & si de ea persona dubitent, vel alteri non suspectæ personæ eā causam comitant, vel vnum duosve socios adiungant. Demū ea faciant, quæ ipsis in conscientia necessaria videbuntur, & ut reus suā iustitiā consequatur, & nullus suspicari possit illi grauamen illatū iri, & si vel reo dicente se grauatum, vel aliunde audiat grauamen prætendi, studeat id cognoscere per se, vel per aliū, atque emendari: ut & Christianæ charitatis debito satisfaciat, & quod iustum est, ex pastoralis officij debito tueatur, & bonum nomē, odorēque suæ famæ censeret, magisque pro reo, ut debet, quàm contrā, si qua dubitatio sit, inclinet. Quod si quis aliquando Episcopus (quod auertat Deus) reum aliquem ex ira, odio, aut alia animi passione præceperit contra iustitiam, vel contra conscientiam tradi curiæ seculari, illum oro, atque obsecro, ut quandoquidem sine scriptis omnino facit, ipsemet reuocet mandatum, vetetque consignari, ne reus sanguinis proximi efficiatur, si enim cum

eū contra conscientiam, & iustitiā illū consignari fecerit, ille fortē capite, vel membri mutilatione plectetur, fiet absque dubio Episcopus irregularis, cū textus præsentis constitutionis eo casu ab irregularitate liberet qui eos, quos huiusmodi delicta verē cōmisisse cognouerint, prædictæ curiæ consignāt, nō eos, qui consignāt alios, qui prædicta delicta non commiserunt.

*Ad quem iudicem, siue superiorem appellandum sit, siue reus, siue actor, aut fiscus in hac immunitatis causa velit appellare, & uniuersè quando remota est appellatio.*

CAPVT XXI.

- I. **P**R o declaratione aduertendum Episcopum, & omnem iudicē ecclesiasticū ordinariū, duplici auctoritate posse in aliqua causā procedere. Primò auctoritate sua ordinaria, qua procedit in causis suorū subditorū, in quos habet suam ordinariā potestatem. Secundò auctoritate aliena sibi delegata in nō subditos, siue in eos, qui ad eius diocesim nulla ratione pertinent, siue in eos, qui licet ad eius diocesim pertinerent, quia in ea, v.g. nati, in eadem cōmorantur, sed sunt ab eius iurisdictione, vel particulari personæ, vel generali regularis ordinis priuilegio per sedē Apostolicam excepti, qua duplici auctoritate possunt procedere etiā in causis in quibus appellatio est remota. Exēpli gratia, auctoritate ordinaria Episcopus procedit, appellatione remota in causā hæresis, expresso iure id statuente, auctoritate verò delegata, nempe Apostolica, in multis causis, in quibus per Conc. Trid. illis concessum est, vt proce-

dant appellatione remota tāquam sedis Apostolicæ delegati, & sess. 25. de reformat. cap. 5. vtriusque auctoritatis sit expressa mentio, etiā appellacione remota. Eius verba hæc sunt: *Sancta Synodus vniuersis Episcopis præcipit, vt in omnibus monasteriis sibi subiectis ordinaria, in aliis verò sedes Apostolica auctoritate (delegata) clausuram sanctimonialiū, & ubi inuiolata est, conservari maxime procurent, inobedientes, atque contradictores per censuras ecclesiasticas, aliisque penas, quacumque appellacione postposita compecentes.* In eodem Conc. sess. 22. cap. 10. de reform. conceditur Episcopis, vt etiā tamquam delegati sedis Apostolicæ (non modò ordinaria potestate) quoscumque notarios, etiā si Apostolica, imperiali, aut regia auctoritate creati fuerint, examinare possint, eorūque sufficientiā scrutari, illiūque non idoneis reperiitis, aut in officio delinquentibus officij eorū in negotiis, litibus, & causis ecclesiasticis ac spiritualibus exercēdi vsum perpetuū, vel ad tempus prohibere, neque eorum appellatio interdictionem ordinarij suspendat.

Secundò notandū, seu potius memoria recolendū est ex dictis suprā in hoc eodē lib. 6. parte 2. cap. 12. Episcopo non cōmitti cognitionem causæ immunitatis tāquā sedis Apostolicæ delegato, sed tāquā Episcopo, locique ordinario procedēti sua ordinaria, & nō Apostolica auctoritate. Ac præterea id, quod addidimus cap. 13. etiā Episcopū viciniorem cognoscentem de causā immunitatis occurrente in loco exempto, ac nullius diocesis, procedere etiam auctoritate ordinaria quod factus sit quoad illā causam loci illius ordinarius, & non

procedat vt delegatus sedis Apostolicæ. Notandum rectè aliam esse potestatem ordinariam, aliam verò potestatem ordinarij. Potestas ordinaria est tã in ordinario, quàm in delegato, vt potestas subdelegandi, quæ à iure tradita est delegato Papæ ordinaria est, & non delegata, vt notat Panorm. in c. *pastoralis*, de off. delegati, §. 1. & omnis potestas quæ datur à lege, ordinaria est, vt in l. *quia*. ff. de iurisd. omnium iudic. & notat Innoc. in c. *cùm Ecclesiarum*, de off. ordinarij, & Hostien. in c. *quoniam Abbas*, de off. delegati. & talis est omnis potestas, quæ ordinariè alicui cõpetit absque speciali delegatione ei facta per rescriptum, sed oritur ex ipsa vi ordinaria delegationis à iure factæ. Talis est omnis potestas quæ à iure traditè Episcopis tãquã sedis Apostolicæ delegatis, siue cuius Apostolico delegato ex ipsa vi delegationis, eo ipso quodd est delegatus, nulla facta speciali eius mentione in rescripto delegationis: est ergo potestas Apostolica ordinaria in delegato à iure tradita, potestas verò ordinaria, quæ est in ordinario, quatenus talis ordinarius est. v. g. quatenus Episcopus, Archiepiscopus, Abbas, &c. est quæ illi competit iure suo, nulla ei facta delegatione, neque à iure, neque ab homine, & hæc propriè vocatur potestas ordinarij.

4. Notandum quartò potestatem in non subditos seu exemptos posse dupliciter concedi alicui ordinario per sedem Apostolicam etiam ordinariam. Vno modo faciendo ipsum ordinarium delegatum sedis Apostolicæ in certo casu, & dando illi potestatem hanc Apostolicam ordinariam, quod sit quando

lege aliqua facit eum delegatum, cuiusmodi complures delegationes per sacrum Conc. Trid. Episcopis factas conspiciamus, quod tunc infallibiliter fit, quando lex exprimit vt procedat tamquam sedis Apostolicæ delegatus. Altero modo extendendo illius ordinariam iurisdictionem, vel ad causas quæ aliàs de iure ad eum non pertinerent, vel ad personas & loca ab eius iurisdictione exempta, quod tunc fieri censendum est, cùm sedes Apostolica aliquam huiusmodi potestatem alicui ordinario concedit, non exprimendo quòd faciat eum delegatum, neque quòd possit procedere tamquam sedis Apostolicæ delegatus, vt est casus in præsentì constitutione de immunitate Ecclesiarum §. 8. vbi statuit Pontifex aliquo confugiente ad Ecclesiam in loco exempto, ac nullius diocesis, de quo dubitetur an sit de numero casuum hæc constitutione expressorum cognitionem causæ immunitatis ad viciniorè Episcopum deuolui, nulla facta mentione vllius delegationis.

His positis ad rem venio, & per aliqua dicta respondeo.

Primò dico siue actor, siue f. 5. scus, cui appellatio remota non est hac constitutione, siue ipse reus, cui remota est appellatio, velit appellare, prætendens se ab Episcopo grauatum potest appellare ad superiorem ordinarium ab Episcopo ad Archiepiscopum, aut ad legatum Apostolicum, & nullo modo tenetur appellare ad sedem Apostolicam, etiamsi reus deliquerit in loco exempto, & nullius diocesis, prætendatque se à viciniorè Episcopo esse grauatum. Probatur ex actis fundamētis, quia Episcopus etiã vicinior

cinior in loco nullius diœcesis procedit tãquã ordinarius potestate sua, non autem potestate Apostolica tamquam delegatus. Et licet appellante reo, cui remota est appellatio, Episcopus à quo non teneatur deferre appellationi. Archiepiscopus tamen, vel alius superior, potest eam admittere, imò debet si videt grauamen illatum, illudque emendare.

6. Secundò dico plenioris doctrinæ gratia, si locus exemptus, eiùsque ordinarius prælatus quoad appellationes ab eo faciendas subfit eidem Archiepiscopo, cui subest, cuiusque est suffraganeus Episcopus vicinior, palàm est debere ad illum Archiepiscopum appellari, qui est vtrique iudex appellationis legitimus.
7. Tertiò si ordinarius loci exempti vni subfit Archiepiscopo, ad quem solent eius subditi ordinariè appellare, Episcopus verò vicinior subfit, sitque suffraganeus alterius Archiepiscopi, non ita facile est statuere ad vtrum dictorum Episcoporum sit appellandum. Dubium enim est num eo ipso quòd viciniori Episcopo hæc causâ committitur tãquam ordinario, subditi illius loci exempti trahantur quoad hanc causam in ius istius Archiepiscopi, cuius iste est suffraganeus; an verò contra Episcopus vicinior quoad hanc causam trahatur in ius illius Archiepiscopi, qui est ordinarius iudex appellationum loci illius.
8. Cùmque nihil in hac re inuenimus in iure expressum, manet res valde dubia. Vt autem aliquid dicam, probabilius mihi videtur Episcopum debere trahere appellationem loci exempti ad suum iudicem appellationis, nempe ad Archiepiscopum, cuius ipse est suffraganeus,

quàm trahi ad alienum iudicem, nempe ad Archiepiscopum, ad quẽ solet ille populus appellare. Quoniã Põtifex hac constitutione facit Episcopum istum viciniorẽ ordinariũ loci exempti quoad hanc immunitatis causam, ab hoc autẽ ordinario ad hunc Archiepiscopum appellandum est. ergo etiam in hac causâ appellabitur ad eundẽ. Secũdò probatur, si Papa ex aliqua rationabili causâ huic loco exempto tolleret omnem exemptionẽ, ùnque omnino subiiceret Episcopoviciniori, certum est appellationes faciendas esse ad eiusdem Episcopi Archiepiscopum: ergo ad eundem faciendæ erũt, cùm eum subiicit viciniori Episcopo quoad hanc causam specialem tantum. Tertiò quoniam Pontifex aufert illi populo loci exempti suũ ordinariũ immediatũ iudicem in hac causâ immunitatis, qui est eius prælatus, quocunque titulo nuncupetur, & tradit illi alium immediatũ iudicem, nempe Episcopum viciniorẽ, Episcopo autem viciniori non modò nihil aufert, sed nouã potestatem ordinarij ei confert. ergo potius censendum est auferre eidem populo iudicem etiam immediatũ appellationis, quàm auferre Episcopo suum iudicem, & subdere eius sententiam alteri Archiepiscopo. Tertiò dico, quotiescunque ordinarius virtute iuris procedit auctoritate delegata sedis Apostolicæ, etiamsi ea sit illi ordinaria, quia tamẽ non est potestas ordinarij, sed potestas Apostolica, semper necessariò appellandum est ab eius sententiis, & grauaminibus ad sedem Apostolicã, quia sola sedes Apostolica potestatem habet supra suos delegatos, siue sint delegati à iure, siue ex rescripto.

*Qui sint intelligendi casus, in quibus in iure indulgetur appellare, ut in his valide appellatur, etiamsi remota sit appellatio.*

## CAPVT XXII.

1. **G**losa in c. pastoralis, de appellationibus, in v. expresse, putat intelligendos esse eos casus, in quibus ius concedit appellare, non obstante remotione appellationis, & recenset aliquot huiusmodi casus Primus est si iudex deneget restitutionem spoliato. c. ex conuersione, de restitutione spoliato. vbi impetratis à parte literis appellatione remota, & vxore agente possessorio, decretum est recipi debere appellationem. Secundus, si iudex nolit admittere recusationem consanguinitatis causa factam. c. postremo, de appellationibus. quia quis impetrauit causam committi suo consanguineo appellatione remota. Tertius si non facit exprimi res petitas in libello. c. significationibus, de appellationibus. Quartus si citat partes ad locum non tutum. c. ex parte, eod. tit. Quintus si cogit partes litigare coram subdelegato suspecto. c. super questionum, de off. & potestate iudicis delegati. Demum addit multos similes casus posse numerati.

2. Sed contra Panorm. in d. c. pastoralis n. 14. putat hanc glossam nimis restringere, atque arctare eum textum d. c. pastoralis, de appellationibus. vnde ipse post Hostiensem, & communem putat omnem appellationem expressio iure indultam, etiamsi non sit expressum, quod sit indulta in casu vbi est remota validam esse, ut quando-

cumque ius quomodocumque appellationem expresse concedit, valida sit appellatio, etiamsi per rescriptum Apostolicum remoueat.

Notandum hoc loco, licet præsens disputatio vniuersalis de casibus, in quibus appellatio in iure indulta non impeditur, etiamsi in rescripto remoueat, videatur ab instituto nostro longè abesse, & tamquam ab eo aliena ad præsentem tractationem parum pertinere, tamen re vera non parum pertinet ad probandum licere reo appellare in causa immunitatis, & valide appellare quando grauamen est notorium, etiamsi appellatio sit ab eo in præsentis constitutione remota, ut ex infra scripto discursu apparebit.

Notandum secundò duplicem esse partem præsentis disputationis de appellationibus in iure indultis. Altera pars est de huiusmodi appellationibus in aliquo casu remotis per rescriptum Apostolicum, an nõ obstante dicta remotione rescripti appellatio teneat, suosque opereatur effectus. Altera pars est de eisdem appellationibus in aliquo fortasse casu remotis in iure, an huiusmodi remotione iuris non obstante appellatio indulta teneat. Et ratio dubitandi est, quia in d. c. pastoralis, de appellationibus. est sermo in specie de remotione appellationis, quæ fit per rescriptum. Sic enim proponit eo loco textus questionem. Quasi uisum utrum quando inhibetur appellatio in rescripto; & respondet Pontifex. ergo hæc responsio videtur intelligenda specialis, sicut propositio.

Ad priorem partem disputationis respondeo post Hostiensem, Panormitanum & communem, validam esse omnem appellationem quoquo modo



modo expresse iure indultam. Addit Baldus in *c. vt debitus, de appellat.* validam esse, siue indulta sit iure canonico, siue etiam ciuili, quæ doctrina mihi valde aridet, propterea quòd textus in *d. c. pastoralis*, non se restringit ad indultam solo iure canonico, sed simpliciter ait: *quæ in iure non indulgetur expresse.* ergo siue ciuili, siue canonico iure sit indulta, nunquam intelligitur remoueri rescripto appellationem remouente. Probatur hæc sententia contra glosam initio relatam per eundem text. in *d. c. pastoralis*, vbi statutum est, remotione appellationis per rescriptum quælibet prouocatio intelligitur remoueri, quæ in iure non indulgetur expresse, vbi ad hoc vt non intelligatur remota, satis est in iure expresse indulgeri, nec requiritur vt in iure indulgeatur non obstante eius remotione. Secundò probant doctores eandem sententiam ratione, quia quandoeunque iura expresse permittunt appellare, grauamen præsumitur notorium. quare ideo permittunt, quia præsumunt notorium grauamen; vbi cumque verò grauamen est notorium, valida est appellatio. pro quo facit egregiè textus singularis in *c. secundò requiris, de appellationib.* & glosa notabilis iuncto textu, quem semper retinebis menti in *c. ex conuersione, de restitut. spo. liato.* Affert Panorm. exempla sui dicti, nempe iuris indulgentis appellationem simpliciter, nulla facta mentione quòd sit rescripto aliquo remota. in *c. significauit, & c. Rodolphus, de rescriptis.*

6. Ad posteriorem partem disputationis nihil quod dicam inuenio apud doctores, ideo fortassis, quia putatur non posse contingere, vt

in quo casu in iure appellatio expresse indulgetur, eodem casu in iure remouetur, ac certè non posse facile contingere ecertum est. Quòd si quando contingeret, quòd, v. g. vnum ius in generali concederet appellare, alterum ius in particulari casu, qui cum illo concurreret, eam remoueret, eandem fore rationem, quæ dicta est quando remouetur per rescriptum, vt si quo casu iure remota est appellatio, iudex notoriè grauet partem ratione notorij grauaminis, iure indulta est appellatio in generali, quæ in casu speciali aliquo iure est remota. Probabilissimū est validam esse appellationem, vt est in casu nostro, nam §. 8. præsentis constitutionis remouetur reo appellatio à sententia, seu mandato Episcopi, eidem si fuerit notoriè grauatus alio iure indulgetur appellatio. Idemque contingit quoties in casu quo in iure remota est appellatio, pars notoriè grauabitur à iudice, vt ex quo in iure remouetur, & in iure indulgetur appellatio, præualeat indulgentia remotioni, cum remotio sit odiosa, indulgentia fauorabilis. Vnde apparet disputationem quæ propter sui amplitudinem videbatur à præsentī instituto aliena, ad rem nostram non parum pertinere. Neque obstat ratio illa dubitandi n. 4. proposita quòd textus in *c. pastoralis* loquatur solum de remotione appellationis, quæ sit per Apostolicū rescriptum, quia qui de vno concedit, de alio non negat. Cum ergo non neget, nos probabiliter recipimus ob adductam rationem similitudinis, & causæ fauorabilitatem.

*An iudex ad quem appellatur, in casu quo appellatio est remota, teneatur appellationem rationabilem admittere, grauamen emendare, & si id sit notorium declarare nullitatem.*

## CAPVT XXIII.

1. **P**RÆBET huic dubitationi occasionem text. in *c. pastoralis*, de *appellationib.* vbi cum remota est appellatio, si non obstante ea remotione pars grauata appellauerit de iudice ad quem, disponens, ait, grauamen per eum poterit emendari. Quo loco non defuere doctores relati apud Panormitanum in *d. c. pastoralis*, n. 17. q. 5. qui attēto illo verbo, *poterit*, putarunt non teneri superiorem, ad quem appellatur, emendare grauamen, posse tamen si velit quasi in libera eius potestate ac voluntate id positum sit, vt possit si velit. Hæc est enim communis significatio verbi, *poterit*, à qua communi significatione iura non recedunt.

2. Contrariam tamen sententiam expresse tenet Panormitanus in *d. c. pastoralis* n. 17. Ioannes Andreas *ibid.* & Imol. n. 1. in *fine*, quam testatur eo loco Panormitanus esse communem. vnde Panormitanus exponit, *poterit*, id est, debet, Ioannes Andreas addit, *poterit, & debet*. Probatur, quia superior tenetur iustitiam ministrare, aliàs non est bonus iudex. *c. forus*, de *verbor. significatione*. §. in *omni quoque*. vbi dicitur: Non est ergo iudex si non est in eo iustitia. Secundò probatur, quia superioris ignorantia in appellatione remouen-

da eò principaliter spectat vt iustitia quantocius suum consequatur effectum, neque appellationum obiectu retardetur, neque villo modo intendit grauamen, & iniustitiam inferre parti, aut eam cogere ad tolerandum grauamen indebitum, neque eam impedire, quominus si per iudicem grauaretur suis remediis ad grauamen depellendum liberè vteretur. Quòd si querat cur potius ( poterit ) dixerit, quàm tenebitur, debet, vel aliquid simile obligationem denotans, facile est respondere, eum enim remotione appellationis tollari effectus suspensius in ordine ad iudicem à quo, dubitari poterat an etiam tolleretur deuolutius in ordine ad iudicem ad quem, vt sicut iudex à quo remota appellatione non potest ei deferre, ita iudex superior ad quē non possit causam admittere, & in ea procedere, sed hoc esset illi remotione appellationis prohibitum. Ideo respondet Pontifex posse, hoc est, licere illi, neque esse vlla ratione prohibitum, vt sit sensus, si illatum sit grauamen, idem omnino posse iudicem ad quem appellatione remota, quod poterat si remota non esset. Neque verò opus erat exprimere eum ad id teneri, aut eum aliquo ad id nouo præcepto adstringere, sed satis fuit declarare id posse, si enim potest, consequens est teneri, sicut si remota non esset appellatio tenebatur. Neque verò necesse est interpretari, *poterit*, id est, debet, aut addere poterit, & debet, vt superius relati doctores fecere, sed satis est accipere verbum, *poterit* in sua simpliciter & communi significatione, vt significet tantum posse, quod est remotione appellationis eum nō impediri. Iudex enim

non impeditur tenetur ex officio administrare iustitiam omni petenti ex ipsa ratione officij sui ac muneris.

3. Ex eo ergo quod potest, tenetur facere omnia, quæ faceret si remota appellatio non fuisset. Primum tenetur partem ad eum recurrentē audire, si ex eius narratione videt esse aliquam apparentiam grauaminis, & non metam calumniam. Secundò tenetur inhibere iudici à quo, ne ad executionem procedat sententiæ, nève quicquam agat. Tertiò tenetur iubere vt transmittat acta, si quæ sunt, vel saltem informet. Quartò si reperit esse grauamen aliquod, illud emendet, retractanda moderandæve sententia. Quintò si videat grauamen notorium, declararet sententiam fuisse, esseque nullam, & nullius robotis ac momenti. Sextò si appellet reus in causâ immunitatis grauatus, & is traditus sit curiæ seculari, quapropter periculum sit ne curia illa metu appellationis acceleret sententiam & executionem capitalem, cum inhibet iudici à quo simul sub ecclesiasticis censuris & pœnis, vel ipse inhibeat curiæ seculari, ne in eius causâ procedat quousque de immunitate fuerit cognitum, vel iubeat iudici à quo vt ipse illi inhibeat, sitque in hac re celer atque acer, ne si curia secularis illum suspendat, parum ei prosit si grauamen etiam notorium illatum esse declarauerit, omni que qua potest ratione prouideat, ne reus aliquod irreparabile. damnum iniuste patiat.

*P. Gambac. de immunit. Eccl.*

*An remota reo appellatione tam in hac causâ immunitatis, quàm in aliis causis intelligenda sit remota etiam iudicis recusatio.*

## CAPVT XXIV.

**F**ACILE contingere potest, vt reus qui commissio aliquo delicto ad Ecclesiam confugit, suspectum habeat Episcopum, aut personam ab eo ad eiusmodi causas deputatam, vel quia pars læsa sit Episcopo, aut personæ ab eo deputatæ propinqua, seu cognata, vel quia ipsamet aliquando Episcopo fuit infensa, aut illum in aliquo læsit, aut quia crimen ipsum propter quod ad Ecclesiam confugit, ipsum Episcopum attingat, seu eius bona, vel ex quauis alia rationabili causa: tanta autem est inter appellationē & iudicis recusationem affinitas, tā facilis vt ad appellandum, ita ad recusandum, prolongandæ litis gratia concursus, vt sicut appellando prætextu grauaminis illati emendandi, ita recusando iudicem prætextu futuri grauaminis declinandi, causæ longius protrahantur, partēsque litibus defatigatæ à prosequenda sua iustitia retrahantur. Hinc merito dubitari potest, an remota reo appellatione in hac immunitatis causâ, quàm remota simpliciter appellatione, remota etiam recusatio intelligatur.

Sed quamuis magna sit inter appellationem & recusationem affinitas, adhuc tamen est magna disparitas, vt longè grauius sit recusationem tollere, quàm appellationem, & parti intolerabilius, recusatio enim locum habet solum in iudice.

C.C.C.c. dice:

dice suspecto, appellatio verò in omni iudice, & propriè in non suspecto. Quandiū enim quis litigat coram iudice non suspecto, etiāsi remota sit appellatio, libenter tamen litigat coram eo, sperans se ab eo non grauatum iri, nec sibi opus fore appellatione, nec faciliē uenit in suspitione grauaminis; vnde etsi parum grauetur, sæpe non multum curat, nec appellat, sed sustinet modicum grauamen patienter, neque ad appellandum mouetur, nisi aut ad dilatandas lites, aut magnum aliquod illi grauamen inferatur: remotio ergo appellationis non est illi vsqueadeo grauis, remotio verò recusationis cogeret litigare coram iudice suspecto manente suspitione, grauissimum est autem causam ab initio coram iudice suspecto ingredi, ac prosequi vsque in finem, nam & facile ex desperatione iustitiæ desineret quis litigare, certum sibi grauamen maximum ex suspitione metuens, etsi litigaret cum perpetuo quodam maiore, metuque grauaminis litigaret, & in quolibet articulo se grauatum putaret, & quodlibet quantumcumque leuissimum grauamen maximum atque intolerabile iudicaret, multa que alia grauissima incommoda pateretur, quæ vsqueadeo grauiasunt, vt gl. in c. ad hac, de rescript. in v. elegerim, in fine, apertè senserit Romanum Pontificem etiā ex certa scientia, ac de Apostolicæ plenitudine potestatis non posse concedere literas tollentes ius recusationis iudicis, seu non posse causam committere suspecto iudici sine facultate illum recusandi, quamquam meliùs Hostien. in c. cum inter, de exceptionib. & c. ex parte 2. de officio delegati, per illum

textum Innoc. in c. extransmissa, de foro competenti, & alij sentiunt posse quidem de potestatis plenitudine, sed non decere id facere, seu non posse de potestate ordinata sine graui iustaque causa. quam sententiā Panorm. in c. ad hac, de rescripto, in fine, testatur esse communem. Non decere tamen apertè sensit Hostien. locis citatis, & probat, quia si hoc faceret, faciliè polleret grauari & damnari innocēs, & inde iniuriæ multræ nasceretur vnde nasci iura debuit. Et. c. qualiter & quando, de accusationib. Quod autē nō debeat sine graui iustaque causa tolli recusatio, probatur, quia est remediū iuris naturalis, vel magnum habens fundamentum in iure naturæ. can. suspecti. 3. q. 5. & c. secundo requiris, de appellationibus, in fine. quæ autem huiusmodi sunt tolli per Principē absque graui iustaque causa non possunt. clem. pastoralis, de sententia & re iud. & Institut. de iure naturali, Gent. & civili, §. sed naturalia.

Notandum pro solutione de hac 3. remotione appellationis reperiri iura, quæ videntur inter se contraria, atque pugnantia, id quod augeat præsentis disputationis difficultatem. nam in c. super eo 2. de appellat. Alex. III. expressè statuit in causis ecclesiasticis, quando appellatio tollitur, tolli etiam recusationem: vt sicut appellationi, ita recusationi non sit aliquatenus deferendum. Lucius verò III. qui Alexander successit, in c. postremo, eodem tit. expressè statuit, si cui causa aliqua fuerit delegata, appellatione remota, hunc posse si ex aliqua causa suspectus fuerit, recusari; quare appellationis remotio nō tollit secum etiam recusationē. Adde quòd in c. pastoralis, eodem tit. de appellationibus

*tionibus* Innoc. I I I. declarat remotione appellationis, vt suprà dictum est, remoueri nō modò friuolam, sed etiā omniē aliam, quę sit ex causa quauis rationabili præter eam, quę in iure expressè indulgetur. Quodd si vbi tollitur appellatio, simul tollatur & recusatio, iuxta dictum c. *super eo* 2. consequenter declaratio ista Innocentij locum haberet in omni recusatione etiam rationabili, & ex causa præter eā, quę in iure esset expressè indulta, nūllatenus locum haberet decretalis Iulij I I I. in d. c. *postremo*, dicens recusationem ex causa rationabili admittendam esse.

4. Panorm. in d. c. *super eo* n. 9. non attendit dispositione dicti c. *postremo*, sed solum c. *super eo*, & c. *pastoralis*, ad scribem tempore non immeritò recurrens, ait dispositionē d. c. *super eo* habuisse locū ante decretalem c. *pastoralis*. Alexander enim I I I. multis annis Innocētium I I I. præcessit, quo Alexandri tempore licebat indistinctè appellare, & omnis appellatio quę non erat friuola, admittebatur à iudice æquo, cuiusque iurisdictionē suspendebat. Simili modo licebat indistinctè recusare, & facta recusatione cognoscebatur de eius causa. Vt cū remotio appellationis remouebat solum friuolam, & quę absque iusta causa fiebat appellationem, consequenter remoueret friuolā, & quę sine iusta causa fiebat recusationē, vt sicut non obstante appellationis remotione deferabatur appellationi ex iusta causa factæ, ita quamuis simul intelligeretur remota recusatio, nihilominus recusationi ex iusta causa deferabatur.

5. Postea verò cū Innoc. I I I. declarauit in c. *pastoralis*, remota appellatione remoueri etiā eam o-

mnē quę ex quauis iusta & rationabili causa fit, ea solum excepta, quę expresso iure indulgetur, subdit idem Panorm. hodie secus esse de iure Canonico, id est, vbi remota est appellatio, non intelligi remotā recusationē. Sic enim vt remouetur omnis appellatio, etiā rationabilis, ita intelligenda esset remota omnis etiā rationabilis recusatio, quod esset valde durum, propter duo. Primum, quoniam simul careret litigator vtroque appellationis & recusationis remedio, quamuis iustissimam, ac rationabilissimā haberet tā recusandi, quā appellandi causā. Secundò, quoniā in re tam odiosa, vt est hodie remotio appellationis, per c. *pastoralis*, fieri extensionem ad magis odiosam remotione recusationis. Nō sine causa verò addidit Panormit. hodie aliter esse de iure Canonico, quia secus est vsque hodie de iure civili, remotio enim appellationis per rescriptū Principis tollit etiam recusationem, vt notati in l. *apertissime*, & in l. *cum speciali*, Cod. de iudic. hæc Panormitani doctrina licet bona sit, non videtur tamen integra, nec est ita bene fundata, sicut in iure fundari potest, ideo aliquid addendo respondeo per aliquot dicta.

Primò dicò, hodie remotione appellationis licet remouatur omnis appellatio, etiam rationabilis, & ex iusta causa, non remoueri tamen recusationem quę fit ex causa. Probo per expressum text. Lucij I I I. in d. c. *postremo*, de appellationibus, qui statuit etiam si causa fuerit aliqui commissā appellatione remota, si iusta causa adit illud recusandi, possit recusari. qui textus adeò clarè apertèque loquitur, vt omnino nullam relinquat dubi-

tandi, aut aliter interpretandi occasione. Solum obstat decretalis Alex. III. *in c. super eo, de appellationib.* quæ simpliciter & absolute statuit, vbi remouetur appellatio, ibi remotam esse iudicis recusationem. Sed hæc si recte pensetur non aduersatur, non enim se restringit ad casum, in quo adest rationabilis causa recusandi; de quo in specie disponit textus Lucij III. vnde & simul stare possunt vt remota appellatione remoueatut etiã omnis recusatio quæ non habet rationabilem causam, sicut per hanc decretalem Lucij qui posterior est Alex. III. quedam exceptio illius vniuersalis regulæ posita ab Alex. vt remota appellatione remoueatut & recusatio, nisi habeat rationabilem recusandi causam. Hinc apparet connexio inter istos tres textus, qui, vt dixi in primo not. contrarij inter se videntur, quam connexionem singulariter nota, & tenente. Primum enim Alex. III. indeterminate ac simpliciter statuit remota appellatione etiam remotã esse recusationem. Postea, quoniam per se etiam quando remota erat appellatio aderat in promptu iusta causa reuocandi. exempli causa, quia is cui committebatur causa, appellatione remota, erat propinquus eius qui literas impetrauerat, vel fuerat illi in eadem causa aduocatus, vel alia iusta apparebat causa recusationis. Consultus Lucius III. an non obstante appellationis remotione liceret ex iusta causa recusare iudicem, statuit licere; quia lege limitauit regulam illam Alex. prædecessoris, vt locum non habeat vbi adest probabilis causa recusandi, vel exceptio casum, in quo huiusmodi causa

subesset. Cum ergo id de recusatione esset iam à Lucio III. constitutum, alia orta est dubitatio, an remota appellatione liceret nihilominus ex causa rationabili appellare, ita vt sola friuola appellatio ea remotione tolleretur, sicut licebat recusare. De qua re consultus Innocentius III. *in c. pastoralis*, respondet adhuc nec licere appellare, ac per appellationis remotionem non modò friuolam, sed etiam rationabilem, atque ex quauis ortam causa appellationem remoueri, excepta ea tantum, quæ in iure expressè indulgetur. Vnde & aliquam etiam in appellatione restrictionem, seu exceptionem ponit, vt in casibus iure indultis non obstante appellationis remotione liceat appellare. Quare dispositio d. c. *pastoralis* non potest vllò modo adaptati recusationi, vel ad eam extendi, de qua alio iam expresso iure contrarium fuerat constitutũ; sed dispositio Alex. III. de vtraque disposuit, dispositio Lucij III. de sola recusatione, dispositio Innoc. III. de sola appellatione, ex quo apparet enidenter nullam esse inter eas repugnantiam, aut contrarietatem.

Quod si causam scisciteris cur iura mitius egerint cum recusatione permittendo illam ex causa legitima, etiã quando remota est appellatio, cū ipsa verò appellatione seuerius, vt remota intelligatur, etiã subsit grauis quolibet causa appellandi, solum exceptis casibus in iure indultis. Respondeo id optimis rationibus factum: sine quia remotio recusationis est odiosior, grauior partibus ac intolerabilior, cum cogat coram suspecto iudice litigare, id quod vera suspitione probata esset manifestè iniustũ,

&amp;c

& omnino intolerabile : siue quia recusationis remotio non dimidiatur, sed si minuetur omnino & quoad omnia, remotio verò appellationis dimidiatur, & quamuis tollatur quoad iudicem à quo, & ad effectum suspensiuum, manet tamen semper quoad effectum deuolutiuū, & non obstante remotione appellationis si causa subsistat, validè appellatur quoad iudicem ad quem, qui & appellationem ex causa factam admittere, & iudici à quo inhibere, & vt acta transmittat precipere, & illatum grauamen poterit emendare, sicut hæcenus in præcedentibus capitibus probatum est: siue quòd cum appellatio remoueri soleat expressè, recusatio verò tacitè tantum ac virtualiter, siue coherentè sub appellationis remotione, iuxta decretalè Alex. III. in c. super eo 2. de appellationibus. ratio postulabat vt expressa aliquid amplius quam tacita operarentur, & plura remouerent. Demū quoniam non ita faciles esse solent litigantes ad recusandum iudicem, quam ad appellandum, nec recusatio tantum potest prorogare causam, quantum appellatio, nec tantum fatigare partes, & impedire iustitiam.

8. Secundò dico, reum qui ad Ecclesiam confugit commissio aliquo delicto, quod prætenditur esse de numero hac constitutione expressorum, si Episcopus sit verè suspectus, quia, v. g. occidit propinquū Episcopi, qui prætenditur per assassinium occisus, vel ex alia iusta causa, non obstante præsentī remotione appellationis, & commissione soli Episcopo facta §. 8. potest illum legitimè recusare, Patet euidentè ex præcedenti dicto, non enim obstat remotio appellationis, quia ea

remota licita est recusatio ex causa. Non obstat quòd hæc causa soli Episcopo sit commissā, quia Episcopus non tenetur de ea per se cognoscere, sed potest per alium à se deputatum. ergo probata causa recusationis potest alium non suspectum deputare. Fit autem recusatio hoc modo. Si reus habet causam recusandam, debet coram illo ipso Episcopo, quem recusat, causam proponere, neque verò tenetur illam coram eo probare, sed proponere solum. Audita recusationis causa potest Episcopus duobus modis de iustitia providere, & non suspecto iudici causam eam delegare. Vnus modus habetur in c. si quis contra, de foro competenti. vt audita causa recusationis probabili, non expectata vlla eius discussione statim eam causam à se abiciat, ac se suspectum esse recognoscens eā committat personæ non suspectæ, quam personā, vt egregiè notat ibi Panormitanus, debet eligere de partium consensu: iuxta dispositionem capituli cum speciali, de appellationibus §. 1. ne etiam illum possint dare suspectum, ac deinde alium, & causa longius protrahatur. Hunc modū Goffredus relatus apud Panormitanum in d. c. si quis contra n. 14. putat tunc habere locum, cum causa recusationis nō est dubia, tunc enim puto teneri Episcopum id facere ne alios offendar, & vt ostendat se ab omni passione alienum. Horror autem, vt etiam quando apparet aliqua probabilitas causæ, idem faciat, vt sinceritatem suam animūque quietū semper præse ferat, nec se periculo exponat, vt ab aliis suspectus iudicetur. Alter modus est vt Episcopus audita causa recusationis det recusatori potestatem, vt simul cum

aduersario eligat arbitros vnum vel duos, qui de reculationis causâ cognoscant. quod si aduersarius desit, ipse recusatus simul cum reculatione arbitros eligant, quamquam non potest in hac causâ deesse aduersarius siue pars sit, siue fiscus, eligant autem, vel ambo vnum arbitrum, vel vnum vnum, alter aliû, qui si discordent, aduocent tertium per eisdem assignatum, qui non de causâ principali, sed de sola causâ reculationis iam proposita coram Episcopo cognoscant. His autem in virtute sanctæ obedientiæ, & sub diuini obestatione iudicij præceptum est vt causam reculationis fideliter terminent, qui si eam approbent, teneatur Episcopus vel alteri non suspecto de partium consensu causam illam committere, vel ad superiorem remittere qui de ea cognoscant. Si verò causam improbent ac reiciant, tunc purgata suspitione recusatus ipse de causâ cognoscant. Habentur hæc omnia in c. cum speciali, de appellation. §. 1. quod si delegatus ille ab Episcopo de consensu partium electus iudicauerit reum carere immunitate, tradendumque curiæ seculari, id Episcopus exequi debet de iure, multo magis cum præsens constitutio §. 8. vetet omnino quemquam horum tradi curiæ seculari, nisi de mandato Episcopi, & per iudicem ecclesiasticum. Neque potest delegatus suam sententiam executioni mandare, quando est delegatus propter iudicis reculationem. per c. si quis contra, de foro competenti, neque delegatus ab ordinario potest illo præsentem suam sententiâ exequi, per legem à D. Pio in 1. respons. ff. de iurisdictione omnium iudicium, & per §. 8. huius constitutionis.

9. Tertio dico, si Episcopus deputauit aliquem qui ordinariè de huiusmo-

di causis cognoscat, vel in casu particulari aliquem deputer, qui sit alteri, vel vtrique partiû suspectus, atque ideo recusandus, causâ reculationis coram ipso Episcopo proponenda ac probanda est, & vniuersaliter omnis officialis alicuius iudicis, qui venit recusandus, recusatur coram suo iudice ordinario: ita expressè Imol. in c. super eo 2. de appellationibus n. 8. & ibi Panormitanus n. 9. Et ratio est, quia quilibet iudex potest amouere suum officialem, & eius loco aliû substituere: ergo quado pars habet illum suspectum, coram eodem probabit suspitionem, vt ille eum amoueat, & de hoc habemus etiâ textum expressum de recusando officiali Episcopi. in c. si contra vnum, de officio & potestate iudicis delegati lib. 6. in ultimo responsa.

Quarto plenioris doctrinæ gratia <sup>10.</sup> dico, si recusandus sit delegatus Pape, aut vni tantum delegata est causâ, & proposita coram eo, causâ reculationis veniendum est ad arbitros, vt dixi in secundo dicto secundo modo, idemque faciendum si sint duo siue plures, absque clausula quod quilibet eorum possit procedere sine aliis, nam etiam tunc ad arbitros veniendum est. Quod si sint duo, vel plures cum d. clausula iudices constituti, vt quilibet eorum sine aliis possit procedere, tunc causâ reculationis debet coram aliis proponi simul ac coram recusato. Probari verò debet coram alio, vel aliis in absentia ipsius recusati, & per eos expediti. quisi reculationis causam iustam iudicauerint, absque illo suspecto de principali causâ cognoscent, sin causam illam reprobant, simul cum recusato in principali causâ procedent. Hæc omnia expressè constituta sunt in d. c. si contra vnum, de off.



¶ potest iudicis de legatis in lib. 6.

## PARS QUARTA.

*De reſ criminum, quibus immunitas Eccleſiarum non competit, ſeculari curiæ tradendis, ac conſignandis.*

**H**ic eſt vltimus tragicæ diſtinctionis actus, in quo ij quos Episcopus iudicauerit ad immunitatem propter delicti qualitatem non eſſe admittendos, de eiſdem Episcopi mandato per iudicem eccleſiaſticum tradendi ſunt, vt qui neque Episcopo probare horum criminum innocentem ſe eſſe, neque appellacione, ac iudicis recuſatione remedium huic ſuo malo adferre potuerint, eidem tandem ſeculari curiæ omni Eccleſiæ patrocinio deſtituti tradantur extremo ſupplicio, niſi aliud probent, membrorumve mutilacione puniendi. Quem ideo vltimum voco, quia nihil in foro eccleſiaſtico vltius agendum eſt, tragicum vero, quia de violenta morte inferenda agitur, quæ horum, qui conſignantur curiæ ſeculari, quaſi ceruicibus imminet, atque impendit, Episcopi enim iudicium illos conſignari iubentis eſt: quaſi certum futuri ſupplicij præiudicium.

*Quæ ſint ſeruanda in tradendis conſignandiſque reſ curiæ ſeculari.*

## CAPVT XXV.

1. **S**UPPONIMVS reum qui ad Eccleſiam confugerat dum de cauſa immunitatis eius cognoſcitur, in

potestate eſſe curiæ eccleſiaſticæ, ſiue in eodem curiæ carcere ſit vbi hæc diſtinctum carcerem habet, ſiue in communi carcere authoritate ac nomine Episcopi carceratum, vbi diſtinctus eccleſiaſticæ curiæ carcer non habetur. Ex hoc enim ſequitur vt ſeculari curiæ tradendus & conſignandus ſit, ſi enim in ſecularis curiæ potestate eſſet, fieri hæc conſignatio verè ac realiter non poſſet. Quod ſi ſine vi ac potentia, ſiue per errorem in ſecularis curiæ potestate reus inueniatur, curet eccleſiaſtica curia ſibi relaxari, vt ad hunc conſignationis actum deuenire poſſit. Hoc ſuppoſito duo præcipiuntur in hoc §. 8. in hac cõſignatione faciendâ. Alterum eſt Episcopi de illo cõſignando mandatum, aliter enim quàm de ipſiusmet Episcopi mandato tradi & conſignari non debet. Alterum eſt eccleſiaſtici iudicis præſentia id exequentis. nõ enim per quemcumque eccleſiaſticæ curiæ miniſtrum, ſed per ipſum eccleſiaſticum iudicem hæc conſignatio fieri iubetur.

De Episcopi mandato dubitare quis poſſet primò an debeat hoc mandare in ſcriptis, an verò abſque vlla ſcriptura ſola voce. Reſpondeo quamuis in hac conſtitutione nihil de hoc ſtatuatur, atque ideo in rigore videatur poſſe fieri ſola voce abſque vllis ſcriptis, tamen probabilius eſt, vel certè melius fieri in ſcriptis. Cum enim cauſa grauis ſit momenti, & pars poſſet prætereſſe nullum eſſe Episcopi mandatum, poſſit etiam contingere, vt Episcopus ex odio, vel alia animi paſſione contra conſcientiam & iuſtitiam iubeat ſignari, vnde ſi in voce ſolum iuſſiſſet, detecta iniquitate, poſſet negare ſe id iuſſiſſe; totum

totumque odium contra iudicem consignantem verteretur. Ideo consulerem iudici ecclesiastico ut instaret mandatum sibi in scriptis tradi manu magistri notarii subscriptum, neque ad actum consignationis absque scripto mandato deveniret. Adde quod & auctoritas iudicij, & negocij pondus hoc postulat ut de cognitione per Episcopum facta, aliquo modo constet.

3. Secundò dubitatur ad quem debeat dirigi huiusmodi mandatum, seu cui mandandum est ut consignet, omne enim mandatum aliquid alicui mandat, qui accepto mandato obedire, illudque exequi teneatur, & quoniam Pontifex in hoc §. 8. præcipit tradi reum curiæ seculari per iudicem ecclesiasticum, dicendum est ecclesiastico iudici mandandum esse, iudicem dico ecclesiasticum, id est, personam ecclesiasticam, quæ de ecclesiasticis causis iudicat. Cui enim frequenter iudicibus ecclesiasticis laici assessores dentur, seu consultores in iure peritiores, qui totum præne iudicium exercent, iudex verò sententiam pronunciet, in hoc casu non per assessorem laicum, sed per ecclesiasticam personam, quæ iudex sit, consignatio facienda est, atque ideo illi mandandum est ut id faciat.

Tertiò dubitatur de iudice ecclesiastico quomodo debeat ipse consignare huiusmodi reos curiæ seculari. Respondeo non videri satis esse si accessitis ad se ministris curiæ secularis liberam det eis potestatem illum accipiendi, neque si mittat cum eis ministrum aliquem ac satellitem, qui dicat carcerario, ut illum eisdem consignet, neque si per suos ministros tradi & consignat faciat. Sed videtur aliquid aliud requiri,

hæc enim omnia æquè bene facere posset Episcopus, neque opus fuisset ut per iudicem ecclesiasticum eum tradat. Quare cum detur aliquid amplius requirere Pontifex ab hoc iudice, id autem est ut ipse per se eum consignet, neque verò necesse est ut propriis manibus reus apprehendatur, & curiæ seculari tradatur. Hoc enim vile esset in iudice, sed satis est ut reo in sua præsentia constituto sub custodia ministrorum curiæ ecclesiasticæ dicat suis ministris ut eum tradant, & seculari curiæ dicat se illum tradere de Episcopi mandato, siue ipse ad carcerem eat, ubi reus custoditur, siue inde ad se adduci iubeat, dummodo faciat illum in sua præsentia tradi & consignari, nec inde discedat donec videat reum in manibus curiæ secularis.

---

*Qua sint faciendus praelatis personisque ecclesiasticis, quando reos consignant curiæ seculari ad vitandam irregularitatem.*

#### C A P. V. T. XXVI.

**P**ERICULUM hætenus fuit ante præsentem constitutionem ne Episcopi, Prælati, clericique cooperando ad eorum de Ecclesiis extractionem, atque ad eorum traditionem faciendam curiæ seculari irregularitatem incurrerent defectu lenitatis, si foris curia secularis, ut probabile erat, pœnam mortis, aut mutilationis eisdem inferret. Vnde & Ioannes Faber in §. finali Institutionis, de iis qui sunt sui, vel alieni iuris, vers. sed quare. & in Auth. si quis. Cod. de

de adulter. cū dixisset reos de Ecclesiis extrahi posse tam per laicos, quā per Ecclesiarum rectores, quasi corrigens id quod de Ecclesiarum rectoribus dixerat, addit, fortē id non procedere de iure canonico, quia rector Ecclesiæ heret irregularis: & Archidiaconus in can. de finit 17. q. 4. putans extrahendos esse de Ecclesiis reos per sacerdotes, non alia ratione eos ab irregularitate excusat, quā dicendo nō sacerdotes, sed legem eos morti tradere. quæ ratio valde dubia est, cū interueniat cooperatio sacerdotis, vnde & alij doctores eodem metu perciti monent Episcopos, & ecclesiasticas personas solum vt patiantur, suēntque eos per laicos extrahi, neque ipsi in aliquo illis ad extractionem cooperentur, quæ nobis satis tuta remedia videbantur. Oportebat aliquid in tanta difficultate remedium, quo Prælati personæque ecclesiasticæ, & quid sibi agendum esset in tam graui negotio scirent, & id quod illis faciendum erat absque vilo irregularitatis periculo exequerentur, quod felix recordationis Gregorius XIV. hac constitutione abundē fecit, apertissimis verbis statuendo vt & Episcopus iuberet, & ecclesiasticus iudex exequeretur con signationem reorum faciendam, curiæ seculari, & omne irregularitatis, aut cuiusvis alterius incurrendæ censuræ dubiū scrupulūve remouit disertissimis verbis §. 7. præcipiendo omnibus prælati vt laicos ad eorum Ecclesias, locaque supradicta confugientes, & in eis se recipientes atque morantes, qui prædicta delicta eorūve aliquod iudicio suo commississe videbuntur, quando à curia se-

P. Gambac, de immu. Eccl.

culari fuerint requisiti, & quilibet eorum fuerit requisitus, ministris & officialibus curiæ secularis absque irregularitatis nota, aut alicuius censure ecclesiasticæ incurfu tradi & consignari curent & faciant, & quilibet eorum curet & faciat. quibus verbis omnem adimit metuendæ irregularitatis timorem non solis Prælati qui tradi reos faciunt curiæ seculari, sed eorum etiam officialibus, ac ministris, per quos eos tradi faciunt, hoc enim sonant illa verba, absque vlla irregularitatis nota consignari curent & faciant. quare moneo atque horro tam Prælatos, quā eorum ministros ecclesiasticos, vt beneficii huius memores quod hoc periculo à Greg. XIV. Pontif. Max. liberati sunt gratias piissimo Pontifici agant, pro eo apud Deum intercedendo.

Prima dubitatio oritur an requisitio curiæ secularis sit cōditio necessaria requisita ad euadendam irregularitatem in hac reorum con signatione, aded vt si seculari curiæ non requirenti tradatur reus, qui verē immunitate caret, incurrat irregularitas secuta eius morte, vel mutilatione, & ratio dubitandi est quod aded apertis verbis hæc dictæ curiæ requisitionem exigit, vt ea non exigente non teneantur Prælati eos tradere, imò ne carcerare quidem in suo ecclesiastico carcere, ac de eorum immunitate cognoscere. Respondeo tamen eam nullo pacto videri ad id necessariā, imò, ne ad id quidem requiri, solum enim requiritur ad obligandum Prælatos, vt reos qui ad Ecclesiam confugiunt, carcerent, ponantque in tuto, vtque si repererint illis immunitatem non deberi, teneantur tradere, & consignare curiæ secu-

DDD d

la

*An iudex ad quem appellatur, in casu quo appellatio est remota, teneatur appellationem rationabilem admittere, grauumen emendare, & si id sit notorium declarare nullitatem.*

## CAPVT XXIII.

1. **P**RÆBET huic dubitationi occasionem text. in c. *pastoralis*, de *appellationib.* vbi cum remota est appellatio, si non obstante ea remotio- ne pars grauata appellauerit de iudice ad quem, disponens, ait, grauumen per eum poterit emendari. Quo loco non defuere doctores relati apud Panormitanum in d. c. *pastoralis*, n. 17. q. 5. qui attēto illo verbo, *poterit*, putarunt non teneri superiorem, ad quem appellatur, emendare grauumen, posse tamen si velit quali in libera eius potestate ac voluntate id positum sit, vt possit si velit. Hæc est enim communis significatio verbi, *poterit*, à qua communi significatione iura non recedunt.
2. Contrariam tamen sententiam expressè tenet Panormitanus in d. c. *pastoralis* n. 17. Ioannes Andreas ibid. & Imol. n. 1. in fine, quam testatur eo loco Panormitanus esse communem. vnde Panormitanus exponit, *poterit*, id est, debebit, Ioannes Andreas addit, *poterit, & debebit*. Probatur, quia superior tenetur iustitiam ministrare, aliàs non est bonus iudex. c. *forus*, de *verbor. significatione*. §. *in omni quoque*. vbi dicitur: Non est ergo iudex si non est in eo iustitia. Secundo probatur, quia superioris intentio in appellatione remouen-

da eò principaliter spectat vt iustitia quantocius suum consequatur effectum, neque appellationum obiectu retardetur, neque villo modo intendit grauumen, & iniustitiam inferre parti, aut eam cogere ad tolerandum grauumen indebitum, neque eam impedire, quominus si per iudicem grauaretur suis remediis ad grauumen depellendum liberè vteretur. Quòd si quæras cur potius ( poterit ) dixerit, quàm tenebitur, debebit, vel aliquid simile obligationem denotans, facile est respondere, cum enim remotio appellationis tollatur effectus suspensiuus in ordine ad iudicem à quo, dubitari poterat an etiam tolleretur deuolutiuus in ordine ad iudicem ad quem, vt sicut iudex à quo remota appellatione non potest ei deferre, ita iudex superior ad quem non posset causam admittere, & in ea procedere, sed hoc esset illi remotio appellationis prohibitum. Ideo respondet Pontifex. posse, hoc est, licere illi, neque esse vlla ratione prohibitum, vt sit sensus, si illatum sit grauumen, idem omnino posse iudicem ad quem appellatione remota, quod poterat si remota non esset. Neque verò opus erat exprimere eum ad id teneri, aut eum aliquo ad id nouo præcepto adstringere, sed satis fuit declarare id posse, si enim potest, consequens est teneri, sicut si remota non esset appellatio tenebatur. Neque verò necesse est interpretari, *poterit*, id est, debebit, aut addere poterit, & debebit, vt superius relati doctores fecerunt, sed satis est accipere verbum *poterit* in sua simplici & communi significatione, vt significet tantum posse, quod est remotio appellationis eum non impediri. Iudex enim

non impeditus tenetur ex officio administrare iustitiam omni petenti ex ipsa ratione officij sui ac muneris.

3. Ex eo etgo quod potest, tenetur facere omnia, quæ faceret si remota appellatio non fuisset. Primum tenetur partem ad eum recurrentē audire, si ex eius narratione videt esse aliquam apparentiam grauaminis, & non meram calumniam. Secundò tenetur inhibere iudici à quo, ne ad executionem procedat sententiæ, nève quicquam agat. Tertiò tenetur iubere vt transmittat acta, si quæ sunt, vel saltem informet. Quartò si reperit esse grauamen aliquod, illud emendet, retractanda moderandæve sententia. Quintò si videat grauamen notorium, declaret sententiam fuisse, esseque nullam, & nullius roboris ac momenti. Sextò si appellet reus in causa immunitatis grauatus, & is traditus sit curiæ seculari, quapropter periculum sit ne curia illa metu appellationis acceleret sententiam & executionem capitalem, cum inhibet iudici à quo simul sub ecclesiasticis censuris & pœnis, vel ipse inhibeat curiæ seculari, ne in eius causa procedat quousque de immunitate fuerit cognitum, vel iubeat iudici à quo vt ipse illi inhibeat, sitque in hac re celer atque acer, ne si curia secularis illum suspendat, parum ei prosit si grauamen etiam notorium illatum esse declarauerit, omnique qua potest ratione prouideat, ne reus aliquod irreparabile. damnum iniuste patiatur.

*P. Garbac de immuni. Eccl.*

*An remota reo appellatione tam in hac causa immunitatis, quàm in aliis causis intelligenda sit remota etiam iudicis recusatio.*

## CAPVT XXIV.

**F**ACILE contingere potest, vt reus qui commisso aliquo delicto ad Ecclesiam confugit, suspectum habeat Episcopum, aut personam ab eo ad eiusmodi causas deputatam, vel quia pars læsa sit Episcopo, aut personæ ab eo deputatæ propinqua, seu cognata, vel quia ipsamet aliquando Episcopo fuit infensa, aut illum in aliquo læsit, aut quia crimen ipsum propter quod ad Ecclesiam confugit, ipsum Episcopum attingat, seu eius bona, vel ex quauis alia rationabili causa: tanta autem est inter appellationē & iudicis recusatōnem affinitas, tā facilis vt ad appellandum, ita ad recusandum, prolongandæ litis gratia concursus, vt sicut appellando prætextu grauaminis illati emendandi, ita recusando iudicem prætextu futuri grauaminis declinandi, causæ longius protrahantur, partēsque litibus defatigatæ à prosequenda sua iustitia retrahantur. Hinc meritò dubitari potest, an remota reo appellatione in hac immunitatis causa, quàm remora simpliciter appellatione, remota etiam recusatio intelligatur.

Sed quamuis magna sit inter appellationem & recusatōnem affinitas, adhuc tamen est magna disparitas, vt longè grauius sit recusationem tollere, quàm appellationem, & parti intolerabilius, recusatio enim locum habet solum in iu-

C.C.C.c. dice

dice suspecto, appellatio verò in omni iudice, & propriè in non suspecto. Quandiu enim quis litigat coram iudice non suspecto, etiamsi remota sit appellatio, libenter tamen litigat coram eo, sperans se ab eo non grauatum iri, nec sibi opus fore appellatione, nec facillè venit in suspitione grauaminis; vnde etsi parum grauatur, sæpe non multum curat, nec appellat, sed sustinet modicum grauamen patienter, neque ad appellandum mouetur, nisi aut ad dilatandas lites, aut magnum aliquod illi grauamen inferatur: remotio ergo appellationis non est illi vsqueadeo grauis, remotio verò recusationis cogeret litigare coram iudice suspecto manente suspitione, grauissimum est autem causam ab initio coram iudice suspecto ingredi, ac prosequi vsque in finem, nam & facile ex desperatione iustitiæ desineret quis litigare, certum sibi grauamen maximum ex suspitione meruens, etsi litigaret cum perpetuo quodam maiore, metuque grauaminis litigaret, & in quolibet articulo se grauatum putaret, & quodlibet quantumcunque leuissimum grauamen maximum atque intolerabile iudicaret, multaue alia grauissima incommoda pateretur, quæ vsqueadeo graua sunt, vt gl. in c. ad hac, de rescript. in v. elegerim, in fine, apertè senserit Romanum Pontificem etiã ex certa scientia, ac de Apostolicæ plenitudine potestatis non posse concedere literas tollentes ius recusationis iudicis, seu non posse causam committere suspecto iudici sine facultate illum recusandi, quamquam meliùs Hostien. in c. cum inter, de exceptionib. & c. ex parte 2. de officio delegati, per illum

textum Innoc. in c. extramissa, de foro competenti, & alij sentiunt posse quidem de potestatis plenitudine, sed non decere id facere, seu non posse de potestate ordinata sine graui iustaque causa. quam sententiã Panorm. in c. ad hac, de rescripto, in fine, testatur esse communem. Non decere tamen apertè sensit Hostien. locis citatis, & probat, quia si hoc faceret, facillè posset grauari & damnari innocēs, & inde iniuriæ multæ nasceretur vnde nasci iura debuissent. c. qualiter & quando, de accusationib. Quod autè nõ debeat sine graui iustaque causa tolli recusatio, probatur, quia est remediũ iuris naturalis, vel magnum habens fundamentum in iure naturæ. can. suspecti. 3. q. 5. & c. secundo requiris, de appellationibus, in fine. quæ autem huiusmodi sunt tolli per Principem absque graui iustaque causa non possunt. clem. pastoralis, de sententia & re iud. & Institut. de iure naturali, Gem. & c. in li. §. sed naturalia.

Notandum pro solutione de hac remotione appellationis reperiri iura, quæ videntur inter se contraria, atque pugnantia, id quod arguet præsentis disputationis difficultatem. nam in c. super eo 2. de appellat. Alex. III. expressè statuit in causis ecclesiasticis, quando appellatio tollitur, tolli etiam recusationem: vt sicut appellationi, ita recusationi non sit aliquatenus deferendum. Lucius verò III. qui Alexandro successit, in c. postremo, eodem tit. expressè statuit, si cui causã aliqua fuerit delegata, appellatione remota, hunc posse si ex aliqua causa suspectus fuerit, recusari; quare appellationis remotio nõ tollit secum etiam recusationem. Adde quòd in c. pastoralis, eodem tit. de appellationibus

*tionibus* Innoc. I I I. declarat remotione appellationis, vt supra dictum est, remoueri nō modō friuolam, sed etiā omnē aliam, quę fit ex causa quauis rationabili præter eam, quę in iure expressē indulgetur. Qudd si vbi tollitur appellatio, simul tollatur & recusatio, iuxta dictum c. *super eo* 2. consequenter declaratio ista Innocentij locum haberet in omni recusatione etiam rationabili, & ex causa præter eā, quę in iure esset expressē indulta, nullatenus locum haberet decretalis Iulij I I I. in d. c. *postremo*, dicens recusationem ex causa rationabili admittendam esse.

4. Panorm. in d. c. *super eo* n. 9. non attendit dispositione dicti c. *postremo*, sed solum c. *super eo*, & c. *pastoralis*, ad seriem temporum non immeritō recurrentis, ait dispositionē d. c. *super eo* habuisse locū ante decretalem c. *pastoralis*. Alexander enim I I I. multis annis Innocētium I I I. præcessit, quo Alexandri tempore licebat indistinctē appellare, & omnis appellatio quę non erat friuola, admittebatur a iudice a quo, eiusque iurisdictionē suspendebat. Simili modo licebat indistinctē recusare, & facta recusatione cognoscebatur de eius causa. Vt cum remotio appellationis remouebat solum friuolam, & quę absque iusta causa fiebat appellationem, consequenter remoueret friuolā, & quę sine iusta causa fiebat recusationē, vt sicut non obstante appellationis remotione deferrebat appellationi ex iusta causa factā, ita quamuis simul intelligeretur remota recusatio, nihilominus recusationi ex iusta causa deferrebat.

5. Postea verō cum Innoc. I I I. declarauerit in c. *pastoralis*, remota appellatione remoueri etiā eam o-

mnē quę ex quauis iusta & rationabili causa fit, ea solum excepta, quę expresso iure indulgetur, subdit idem Panorm. hodie secus esse de iure Canonico, id est, vbi remota est appellatio, non intelligi remotā recusationē. Sic enim vt remouetur omnis appellatio, etiā rationabilis, ita intelligenda esset remota omnis etiā rationabilis recusatio, quod esset valde durum, propter duo. Primum, quoniam simul careret litigator vtroque appellationis & recusationis remedio, quamuis iustissimam, ac rationabilissimā haberet tā recusandi, quā appellandi causam. Secundō, quoniam in re tam odiosa, vt est hodie remotio appellationis, per c. *pastoralis*, fieri extensionem ad magis odiosam remotione recusationis. Nō sine causa verō addidit Panorm. hodie aliter esse de iure Canonico, quia secus est vsque hodie de iure civili, remotio enim appellationis per rescriptū Principis tollit etiam recusationem, vt notatur in l. *apertissime*, & in l. *cum speciali*, Cod. de iudic. hæc Panormitani doctrina licet bona sit, non videtur tamen integra, nec est ita bene fundata, sicut in iure fundari potest, ideo aliquid addendo respondeo per aliquot dicta.

6. Primiō dico, hodie remotione appellationis licet remoueat omnis appellatio, etiam rationabilis, & ex iusta causa, non remoueri tamen recusationem quę fit ex causa. Probo per expressum text. Lucij I I I. in d. c. *postremo*, de appellationibus, qui statuit etiam si causa fuerit alicui commissā appellatione remota, si iusta causa adit illud recusandi, posse recusari, qui textus aded clare apertēque loquitur, vt omnino nullam relinquat dubi-

tandi, aut aliter interpretandi occasionem. Solum obstat decretalis Alex. I I I. *in c. super eo, de appellationib.* quæ simpliciter & absolute statuit, vbi remouetur appellatio, ibi remota esse iudicis recusationem. Sed hæc si rectè pensetur non aduersatur, non enim se restringit ad casum, in quo adest rationabilis causa recusandi; de quo in specie disponit textus Lucij I I I. vnde & simul stare possunt vt remota appellatione remoueatut etiã omnis recusatio quæ non habet rationabilem causam, sitque per hanc decretalem Lucij qui posterior est Alex. III. quædam exceptio illius vniuersalis regulæ positæ ab Alex. vt remota appellatione remoueatut & recusatio, nisi habeat rationabilem recusandi causam. Hinc apparet connexus inter istos tres textus, qui, vt dixi in primo not. contrarij inter-se videntur, quam connexionem singulariter nota, & tenente. Primum enim Alex. I I I. indeterminate ac simpliciter statuit remota appellatione etiam remotã esse recusationem. Postea, quoniam per se etiam quando remota erat appellatio aderat in promptu iusta causa reuocandi. exempli causa, quia is cui mittebatur causa, appellatione remota, erat propinquus eius qui literas impetrauerat, vel fuerat illi in eadem causa aduocatus, vel alia iusta apparebat causa recusationis. Consultus Lucius I I I. an non obstante appellationis remotione liceret ex iusta causa recusare iudicem, statuit licere; quia lege limitauit regulam illam Alex. prædecessoris; vt locum non habeat vbi adest probabilis causa recusandi, vel excepticalem, in quo huiusmodi causa

subesset. Cùm ergo id de recusatione esset iam à Lucio I I I. constitutum, alia orta est dubitatio, an remota appellatione liceret nihilominus ex causa rationabili appellare, ita vt sola friuola appellatio ea remotione tolleretur, sicut licebat recusare. De qua re consultus Innocentius I I I. *in c. pastoralis*, respondet adhuc nec licere appellare, ac per appellationis remotionem non modò friuolam, sed etiam rationabilem, arque ex quauis ortam causa appellationem remoueri, excepta ea tantum, quæ in iure expressè indulgetur. Vnde & aliquam etiam in appellatione restrictionem, seu exceptionem ponit, vt in casibus iure indultis non obstante appellationis remotione liceat appellare. Quare dispositio d. c. *pastoralis* non potest vllò modo adaptari recusationi, vel ad eam extendi, de qua alio iam expressò iure contrarium fuerat constitutũ; sed dispositio Alex. I I I. de vtraque disposuit, dispositio Lucij I I I. de sola recusatione, dispositio Innoc. I I I. de sola appellatione, ex quo apparet enideur nullam esse inter eas repugantiã, aut contrarietate.

Quod si causam scisciteris cur iura mitius egerint cum recusatione permittendo illam ex causa legitima, etiã quando remota est appellatio, cū ipsa verò appellatione seuerius, vt remota intelligatur, etiã si subsit grauis quælibet causa appellandi, solum exceptis casibus in iure indultis. Respondeo id optimis rationibus factum: sine quia remotio recusationis est odiosior, grauior partibus ac intolerabilior, cū cogat coram suspecto iudice litigare, id quod vera suspitione probata esset manifestè iniustũ,

&amp;c



& omnino intolerabile: siue quia recusationis remotio non dimidiatur, sed si minuetur omnino & quoad omnia, remotio verò appellationis dimidiatur, & quamuis tollatur quoad iudicem à quo, & ad effectum suspensiuum, manet ramen semper quoad effectum deuolutiuū, & non obstat remotione appellationis si causa subsit, validè appellatur quoad iudicem ad quem, qui & appellationem ex causa factam admittere, & iudici à quo inhibere, & ut acta transmittat præcipere, & illarum grauamen poterit emendare, sicut hactenus in præcedentibus capitulis probatum est: siue quòd cum appellatio remoueri soleat expressè, recusatio verò racirè tantum ac virtualiter, siue coherentè sub appellationis remotione, iuxta decretalè Alex. III. in c. super eo 2. de appellationibus. ratio postulabat ut expressa aliquid amplius quàm tacita operarentur, & plura remouerent. Demū quoniam non ita faciles esse solent litigantes ad recusandum iudicem, quàm ad appellandum, nec recusatio tantum potest prorogare causam, quantum appellatio, nec tantum fatigare partes, & impedire iustitiam.

8. Secundò dico, reum qui ad Ecclesiam confugit commissio aliquo delicto, quod prætenditur esse de numero hac constitutione expressorum, si Episcopus sit verè suspectus, quia, v. g. occidit propinquū Episcopi, qui prætenditur per assassinium occisus, vel ex alia iusta causa, non obstantè præsentī remotione appellationis, & commissione soli Episcopo facta §. 8. potest illum legitimè recusare, Pater euidentè ex præcedenti dicto, non enim obstat remotio appellationis, quia ea

remota licita est recusatio ex causa. Non obstat quòd hæc causa soli Episcopo sit commissio, quia Episcopus non tenetur de ea per se cognoscere, sed potest per alium à se deputatum. ergo probata causa recusationis potest alium non suspectum deputare. Fit autem recusatio hoc modo. Si reus habet causam recusandi, debet coram illo ipso Episcopo, quem recusat, causam proponere, neque verò tenetur illam coram eo probare, sed proponere solum. Audita recusationis causa potest Episcopus duobus modis de iustitia providere, & non suspecto iudici causam eam delegare. Vnus modus habetur in c. si quis contra, de foro competentis. ut audita causa recusationis probabili, non expectata vlla eius discussione statim eam causam à se abiciat, ac se suspectum esse recognoscens eā committat personæ non suspectæ, quam personā, ut egregiè notat ibi Panormitanus, debet eligere de partium consensu iuxta dispositionem capituli cum speciali, de appellationibus §. 1. ne etiam illum possint dare suspectum, ac deinde alium, & causa longius protrahatur. Hunc modum Goffredus relatus apud Panormitanum in d. c. si quis contra n. 14. putat tunc habere locum, cum causa recusationis nō est dubia, tunc enim puto teneri Episcopum id facere ne alios offendat, & ut ostendat se ab omni passione alienum. Hortor autem, ut etiam quando apparet aliqua probabilitas causæ, idem faciat, ut sinceritatem suam animumque quietum semper præse ferat, nec se periculo exponat, ut ab aliis suspectus indicetur. Alter modus est ut Episcopus audita causa recusationis det recusatori potestatem, ut simul cum

aduersario eligat arbitros vnum vel duos, qui de recusationis causa cognoscant, quod si aduersarius desit, ipse recusatus simul cum recusatore arbitros eligant; quamquam non potest in hac causa deesse aduersarius siue pars sit, siue hiscus, eligant autem, vel ambo vnum arbitrum, vel vnus vnum, alter aliū, qui si discordent, aduocent tertiū per eisdem assignatum, qui non de causa principalis, sed de sola causa recusationis iam proposita corā Episcopo cognoscāt. His autem in virtute sanctæ obedientiæ, & sub diuini obsecratione iudicij præceptum est vt causam recusationis fideliter terminent, qui si eam approbent, teneatur Episcopus vel alteri non suspecto de partium consensu causam illam committere, vel ad superiorem remittere qui de ea cognoscat. Si verò causam improbent ac reiiciant, tunc purgata suspitione recusatus ipse de causa cognoscat. Habentur hæc omnia in c. cum speciali, de appellation. §. 1. quod si delegatus ille ab Episcopo de consensu partium electus iudicauerit eum carere immunitate, tradendumque curiæ seculari, id Episcopus exequi debet de iure, multo magis cum præsens constitutio §. 8. veter omnino quemquam horum tradi curiæ seculari, nisi de mandato Episcopi, & per iudicem ecclesiasticum. Neque potest delegatus suam sententiam executioni mandare, quando est delegatus propter iudicis recusationē. per c. si quis contra, de foro competenti, neque delegatus ab ordinario potest illo præsentē suam sententiā exequi, per legem à D. Pio in 1. respons. ff. de iurisdictione omnium iudicū, & per §. 8. huius constitutionis.

9. Tertiò dico, si Episcopus deputauit aliquē qui ordinariē de huiusmo-

di causis cognoscat, vel in casu particulari aliquem deputet, qui sit alteri, vel vtrique partiū suspectus, atque ideo recusandus, causa recusationis coram ipso Episcopo proponenda ac probanda est, & vniuersaliter omnis officialis aliquius iudicis, qui venit recusandus, recusatur coram suo iudice ordinario: ita expressè Inol. in c. super eo 2. de appellationibus n. 8. & ibi Panormitanus n. 9. Et ratio est, quia quilibet iudex potest amouere suum officialem, & eius loco aliū substituere: ergo quādo pars habet illum suspectum, corā eodem probabit suspitionem, vt ille eum amoueat, & de hoc habemus etiā textum expressum de recusando officiali Episcopi. in c. si contra vnum, de officio & potestate iudicis delegati lib. 6. an vltimo responsa.

Quartò plenioris doctrinæ gratia 10. dico, si recusandus sit delegatus Pape, aut vni tantum delegata est causa, & proposita coram eo, causa recusationis veniendum est ad arbitros, vt dixi in secundo dicto secundo modo, idemque faciendū si sint duo siue plures, absque clausula quod quilibet eorum possit procedere sine aliis, nā etiam tunc ad arbitros veniendū est. Quod si sint duo, vel plures cum d. clausula iudices constituti, vt quilibet eorum siue aliis possit procedere, tunc causa recusationis debet coram aliis proponi simul ac coram recusato. Probari verò debet corā alio, vel aliis in absentia ipsius recusati, & per eos expediti quilibet recusationis causam iustam iudicauerint: absque illo suspecto, de principali causa cognoscent, sin causam illam reprobauerint, simul cū recusato in principali causa procedent. Hæc omnia expressè constituta sunt in d. c. si contra vnum, de off.

& potest. iudicis de legati in lib. 6.

## PARS QUARTA.

*De reis criminum, quibus immunitas Ecclesiarum non competit, seculari curiæ tradendis, ac consignandis.*

**H**ic est ultimus tragicæ diæ istius actus, in quo ij quos Episcopus iudicauerit ad immunitatem propter delicti qualitatem non esse admittendos, de eiusdem Episcopi mandato per iudicem ecclesiasticum tradendi sunt, ut qui neque Episcopo probare horum criminum innocentem se esse, neque appellatione, ac iudicis recusatione remedium huic suo malo adferre potuerint, eidem tandem seculari curiæ omni Ecclesiæ patrocínio destituti tradantur extremo supplicio, nisi aliud proberent, membrorumve mutilatione puniendi. Quem ideo ultimum voco, quia nihil in foro ecclesiastico ulterius agendum est, tragicum vero, quia de violenta morte inferenda agitur, quæ horum, qui consignantur curiæ seculari, quasi ceruicibus imminet, atque impendit, Episcopi enim iudicium illos consignari iubentis est: quasi certum futuri supplicij præiudicium.

*Quæ sint seruanda in tradendis consignandisque reis curiæ seculari.*

## CAPVT XXV.

**I.** SUPPONIMVS reum, qui ad Ecclesiam confugerat dum de causa immunitatis eius cognoscitur, in

potestate esse curiæ ecclesiasticæ, siue in eodem curiæ carcere sit ubi hæc distinctum carcerem habet, siue in communi carcere autoritate ac nomine Episcopi carceratum, ubi distinctus ecclesiasticæ curiæ carcer non habetur. Ex hoc enim sequitur ut seculari curiæ tradendus & consignandus sit, si enim in secularis curiæ potestate esset, fieri hæc consignatio verè ac realiter non posset. Quod si sine vi ac potentia, siue per errorem in secularis curiæ potestate reus inueniatur, curet ecclesiastica curia sibi relaxari, ut ad hunc consignationis actum deuenire possit. Hoc supposito duo præcipiuntur in hoc §. 8. in hac consignatione facièda. Alterum est Episcopi de illo consignando mandatum, aliter enim quàm de ipsiusmet Episcopi mandato tradi & consignari non debet. Alterum est ecclesiastici iudicis præsentia id exequentis. nõ enim per quemcumque ecclesiasticæ curiæ ministrum, sed per ipsum ecclesiasticum iudicem hæc consignatio fieri iubetur.

De Episcopi mandato dubitare quis posset primò an debeat hoc mandare in scriptis, an verò absque vlla scriptura sola voce. Respondeo quamuis in hac constitutione nihil de hoc statuatur, atque ideo in rigore videatur posse fieri sola voce absque vllis scriptis, tamen probabilius est, vel certè melius fieri in scriptis. Cùm enim causa grauis sit momenti, & pars posset prætereundum nullum esse Episcopi mandatum, possit etiam contingere, ut Episcopus ex odio, vel alia animi passione contra conscientiam & iustitiam iubeat signari, unde si in voce solum iussisset, detecta iniquitate, posset negare se id iussisse, totum

totumque odium contra iudicem consignantem verteretur. Ideo consulerem iudici ecclesiastico ut instaret mandatum tibi in scriptis tradi manu magistri notarii subscriptum, neque ad actum consignationis absque scripto mandato deueniret. Adde quod & auctoritas iudicij, & negocij pondus hoc postulat ut de cognitione per Episcopum facta, aliquo modo constet.

3. Secundo dubitatur ad quem debeat dari huiusmodi mandatum, seu cui mandandum est ut consignet, omne enim mandatum aliquid alicui mandat, qui accepto mandato obedire, illudque exequi teneatur, & quoniam Pontifex in hoc §. 8. præcipit tradi reum curiæ seculari per iudicem ecclesiasticum, dicendum est ecclesiastico iudici mandandum esse, iudicem dico ecclesiasticum, id est, personam ecclesiasticam, quæ de ecclesiasticis causis iudicat. Cui enim frequenter iudicibus ecclesiasticis laici assessores dentur, seu consultores in iure peritiores, qui totum præne iudicium exercent, iudex vero sententiam pronunciet, in hoc casu non per assessorem laicum, sed per ecclesiasticam personam, quæ iudex sit, consignatio facienda est, atque ideo illi mandandum est ut id faciat.

Tertio dubitatur de iudice ecclesiastico quomodo debeat, ipse consignare huiusmodi reos curiæ seculari. Respondeo non videri satis esse si accersitis ad se ministris curiæ secularis liberam de eis potestatem illum accipiendi, neque si mittat eum eis ministrum aliquem ac satellitem, qui dicat carcerario, ut illum eisdem consignet, neque si per suos ministros tradi & consignat. faciat. Sed videtur aliquid aliud requiri,

hæc enim omnia æquè bene facere posset Episcopus, neque opus fuisset ut per iudicem ecclesiasticum eum tradat. Quare cum detur aliquid amplius requirere Pontifex ab hoc iudice, id autem est ut ipse per se eum consignet, neque verò necesse est ut propriis manibus reus apprehendatur, & curiæ seculari tradatur. Hoc enim vile esset in iudice, sed satis est ut reo in sua præsentia constituto sub custodia ministrorum curiæ ecclesiasticæ dicat suis ministris ut eum tradant, & seculari curiæ dicat se illum tradere de Episcopi mandato, siue ipse ad carcerem eat, ubi reus custoditur, siue inde ad se adduci iubeat, dummodo faciat illum in sua præsentia tradi & consignari, nec inde discedat donec videat reum in manibus curiæ secularis.

---

*Quæ sint faciendæ prælatis personisque ecclesiasticis, quando reos consignant curiæ seculari ad vitandam irregularitatem.*

#### C A P. V. T. XXVI.

**P**ERICULUM hætenus fuit ante præsentem constitutionem ne Episcopi, Prælati, clericique cooperando ad eorum de Ecclesiis extractionem, atque ad eorundem traditionem faciendam curiæ seculari irregularitatem incurrerent defectu lenitatis, si forte curia secularis, ut probabile erat, pœnam mortis, aut mutilationis eisdem inferret. Vnde & Ioannes Faber in §. finali Institutionis, de iis qui sunt sui, vel alieni iuris, vers. sed quare. & in Auth. si quis. Cod. de

de adulter, cùm dixisset reos de Ecclesiis extrahi posse tam per laicos, quàm per Ecclesiarum rectores, quasi corrigens id quod de Ecclesiarum rectoribus dixerat, addit, fortè id non procedere de iure canonico, quia rector Ecclesiæ fieret irregularis: & Archidiaz. in can. de finibus 17. q. 4. putans extrahendos esse de Ecclesiis reos per sacerdotes, non alia ratione eos ab irregularitate excusat, quàm dicendo nõ sacerdotes, sed legem eos morti tradere. quæ ratio valde dubia est, cùm interueniat cooperatio sacerdotis, vnde & alij doctores eodem metu percii monent Episcopos, & ecclesiasticas personas solum vt patiantur, sinerique eos per laicos extrahi, neque ipsi in aliquo illis ad extractionem cooperentur, quæ nobis satis tuta remedia videbantur. Oportebatur aliquod in tanta difficultate remedium, quo Prælati personæque ecclesiasticæ, & quid sibi agendum esset in tam graui negotio scirent, & id quod illis faciendum erat absque vilo irregularitatis periculo exequerentur, quod felix recordationis Gregorius XIV. hac constitutione abundè fecit, apertissimis verbis statuendo vt & Episcopus iuberet, & ecclesiasticus iudex exequeretur designationem reorum faciendam curiæ seculari, & omne irregularitatis, aut cuiusvis alterius incurrendæ censuræ dubiū scrupulūve remouit disertissimis verbis §. 7. præcipiendo omnibus prælatis vt laicos ad eorum Ecclesias, locaque supradicta confugientes, & in eis se recipientes atque morantes, qui prædicta delicta eorumve aliquod iudicio suo commisisse videbuntur, quando à curia se-

P. Gambac. de immunit. Eccl.

culari fuerint requisiti, & quilibet eorum fuerit requisitus, ministris & officialibus curiæ secularis absque irregularitatis nota, aut alicuius censure ecclesiasticæ incursum tradi & consignari curent & faciant, & quilibet eorum curet & faciat. quibus verbis omnem adimit metuendæ irregularitatis timorem non solis Prælatiis qui tradi reos faciunt curiæ seculari, sed eorum etiam officialibus, ac ministris, per quos eos tradi faciunt, hoc enim sonant illa verba, *absque vlla irregularitatis nota consignari curent & faciant.* quare moueo atque hortor tam Prælatos, quàm eorum ministros ecclesiasticos, vt beneficij huius memores quòd hoc periculo à Greg. XIV. Pontif. Max. liberati sunt gratias piissimo Pontifici agant, pro eo apud Deum intercedendo.

Prima dubitatio oritur an requisitio curiæ secularis sit cõditio necessariò requisita ad euadendam irregularitatem in hac reorum designatione, aded vt si seculari curiæ non requirenti tradatur reus, qui verè immunitate caret, incurrat irregularitatis secuta eius morte, vel mutilatione, & ratio dubitandi est quòd aded apertis verbis hæc dictæ curiæ requisitionem exigit, vt ea non exigente non teneatur Prælati eos tradere, imò ne carere quidem in suo ecclesiastico carcere, ac de eorum immunitate cognoscere. Respondeo tamen eam nullo pacto videri ad id necessariam, imò, ne ad id quidem requiri, solum enim requirunt ad obligandum Prælatos, vt reos qui ad Ecclesiam confugiunt, carcerent, ponantque in tuto, vtque si repererint illis immunitatem non deberi, teneantur tradere, & consignare curiæ sec-

DDD d

la

lari, vt donec secularis curia id requirat non teneantur. Vt sit sensus, quoties à seculari curia fuerint requisiti, eos tradi & consignari curent & faciant. Id enim tantum respicit præceptum immediate antè expressum, cum dixit, vniuersis, &c. districte præcipiendo mandamus vt laicos in prædictis casibus delinquentes, &c. quando à curia seculari fuerint requisiti, non enim potest ad hoc præceptum vllatenus irregularitatis vitatio pertinere, quæ gratia quædam est ad facilitandam præcepti executionem adiecta. Secundò, quia huiusmodi secularis curiæ requisitio nullam habet cū euitatione irregularitatis connexionem, neque verò potest esse sufficiens ratio cur prælati facientes reos consignari curiæ seculari ab irregularitate liberentur, vt ideo irregularitatem non incurrat quis, quia requisitus tradit, sed tota ratio cur ad tradendum reos Põtifex obliget requirenti curiæ seculari, ea est, quia reus per immunitatis prætextum quærit de illius curiæ manibus liberari, cui cum immunitas non debeat, secularis curia ius habet itrogandi illi pœnam, vnde iniuste quærit eam subterfugere per Ecclesiam; quoniam autem iustum non est iniuste spoliare secularem curiam suo iure istu puniendi, ideo iubet, vt quoties illa hoc petit cognita eius iusticia petitionis, quod est quâdo reus aliquod horum criminum commisisse cognoscitur, illi tradatur, & consignetur, illa autem curia non petente non tenentur prælati neque carcerare hos, neque de eorum immunitate cognoscere, quia non tenentur ius suum dare non petenti.

Detum probatur, quia requisitio

curiæ secularis non est posita per modum conditionis ad irregularitatem vitandâ, neque per modum famæ necessitatio obseruandâ: ergo non est necessaria ad eam euitandâ.

Quo loco illud obiter obseruandum est, licet prælati non teneantur præcepto extrahendi reos de Ecclesiis, eosque vbi aliquod horum delictorum commisisse cognouerint consignandi prædictæ curiæ seculari, nisi quando à dicta curia fuerint requisiti, & ordinariè nihil horum facere debeant, nisi post dictæ curiæ requisitionem, tamen si aduerterent curiam seculari (id quod non facile succedet) negligentem esse, magnique fierent huiusmodi criminoforum ad Ecclesias concursus, qui in ipsis etiam Ecclesiis patrum reuerenter se gererent, & ex hoc fieret procliuiores ceteri ad hæc immania delicta committenda, possent eos ad carcerem ecclesiasticum tradere, de eorum immunitate cognoscere, & quos in his vere culpabiles esse cognoscerent, seculari curiæ facile consignari ranquam non ad se, sed ad illam curiâ pertincutes, certum esse arbitror eum, qui hæc faciat nõ incurrere in irregularitatem, vt ex dictis apparet.

Secunda dubitatio an sit necesse ad eandem vitandam irregularitatem vt reum quem tradi facit curiæ seculari iudicio suo iudicet verè commisisse aliquod horum criminum hic expressorum, ita vt si quem tradi faciat, quem ipse quidem iudicat non commisisse aliquod horum delictorum, sed cum videat alios contrarium iudicantes, ipse illorum iudicium sequens eum tradi faciat. Respondeo prælatum duobus modis in hoc casu posse se habere: vno modo mala fide,

&c

& contra conscientiam, quod certò putet eos decipi, & nullo modo acquiescat eorum iudicio, & tamē ad satisfaciendū parti contraclamēti, vel seculari curiæ instanter petenti, vel suo iudici, cui id commiserat sic iudicanti, manens in eadem sua opinione, firmus illum tradi facit. Altero modo bona fide, quod licet sibi contrarium videatur, videns tamen multos vel doctos, vel probos viros, ac conscientie timoratae firmiter sentire contrarium, acquiescit illorum iudicio, putans se posse decipi, vel tutius vel æquē tutum existimans tot, ac talium iudicio acquiescere, quā proprio, ac sic iubens reum tradi; si hoc posteriore modo se habeat etiam si suum iudicium non mutet, sed speculatiuē illud verum putet, absque vllō dubio putandum est immunem esse ab irregularitate, licitum est enim practice sequi aliorum iudicia; etiam contra proprium iudicium speculatiuum, & conscientiam deponere aliorum iudicium sequendo. Idque vsque adeo mihi certum est, & indubitatum, vt quamuis postea secuta reorum morte cognoscat, vel illis ipsis, quorum iudicium secutus fuerat, contentibus illos errasse, suum iudiciū fuisse omnino verum, adhuc sit ab omni irregularitate liber, prudenter enim fecit talium iudicio magis, quā proprio acquiescendo; si verò prælatus priore modo se habeat, negari non potest magnum subesse irregularitatis periculum: præsertim verò si postea comperiat se errasse, suum iudicium verum, illorum, quos secutus est, falsum fuisse, propterea quod cum mala fide, & contra conscientiam errauerit, er-

ror voluntarius videatur. Quamquam neque omnino certum esse putem eum irregularem effici, sed solum mortaliter peccasse. Vt ex quo plurimum, & peritorum iudicium secutus est, liber sit ab irregularitate, ex eo verò, quod contra conscientiam fecit, peccauit, & tunc ad verba §. 7. respondeo iudicium eius non ibi requiri ad irregularitatem vitandam, sed ad obligandum ad tradendum, non enim decebat obligari ad tradendos reos, quos iudicaret non esse tradendos contra conscientiam, etiam si alij iudicarent debere tradi. Res mihi dubia est, propterea quod quantum ex vna parte mala fides videtur sufficere ad irregularitatem inducendam, tantum ex altera parte videtur aliorum autoritas, cui illa mala fides innititur, excusare, vt si mala fide contra conscientiam temere ac nullius fide digni iudicio innixus id fecisset, absque vllō dubio secuta morte & cognito quod errauerit illum consignando irregularis efficeretur, nisi fortè dicamus, quod tradere reos confugientes ad Ecclesiam curiæ seculari, non sit vlla ratione ad eorum cooperari mortem, sed solum illum tradere suo iudici, à quo de causa cognoscat: sicut si quis commissio delicto præcedens se esse clericum propter habitum, quem gestabat, atque ideo à prælato ecclesiastico captus. non docendo de iure clericatu redderetur curiæ seculari, vel docens quidem de clericatu non plenè doceret de seruitio Ecclesiæ, ita vt dubium esset an verè competeret illi fori priuilegium, & plures doctores affirmarent non deberi, Episcopus contra sentiret,

DDDd r &

& nihilominus propter alios contra sentientes eum traderet contra conscientiam, non esset irregularis. quia nō est directā nec intentā cooperatio ad mortem, sed solum in fori competentia tradere eum, qui postea comperitur tradi non debuisse. Sed de hac re fusius in tractatu de irregularitate disputatum est cū disputauimus quānam dicenda sit cooperatio ad mortem sufficiens ad irregularitatem.

5. Tertia dubitatio an ad hanc vitandam irregularitatem sit prælati necessaria protestatio quod non intendat mortem, nec mutilationem, & requisitio vt contra eum nō procedat ad mortem, vel sanguinis effusionem. Cū enim prælati quando clericū in atrocibus delictis ter monitū & incorrigibilem tradunt curiæ seculari, & sac̃æ fidei Inquisitores eū tradunt eidē curiæ hæreticum relapsū, soleant hanc protestationem, & has preces interponere, orantes ne contra eū ad mortem, membrorum mutilationem, vel sanguinis effusionem procedāt, consequens esse videtur hoc quoque casu consignationis rei in manus curiæ secularis idem faciendum esse, cū certum sit omnibus delictis hac constitutione expressis, quæ ad forum laicum pertinent, capitis pœnam esse constitutam. Respondeo tamen id nullo modo requiri. Primò, quia si requireretur, id Pontifex expressisset, sicut expressit de eo qui seculari curiæ traditur. *c. nouimus, de verbo signific.* Secundo, quoniam multū interest inrer eam traditionem, quā curiæ seculari traditur condemnatus iam per Ecclesiæ sententiam ad eam traditionem, cuiusmodi est quando illi traditur

hæreticus relapsus, aut clericus in atrocibus delictis incorrigibilis, & hanc traditionem, de qua in hoc §. 7. fit sermo, qua is qui ad Ecclesiam commissio delicto confugerat, quoniam delictum est de numero hic exceptorum, traditur eidem curiæ. Qui enim traditur priore modo, iam iudicatus est per Ecclesiam, & ex vi illiusmet processus ac sententiæ statim per secularem curiā damnatur ad mortem absque vlla noua causæ cognitione, aded vt neque possit ea curia talem nouam cognitionem instituite, & executioni disferre. De huiusmodi enim seculari curiæ tradendis, seu cotam ea condemnandis, atque eis post sententiam eidem curiæ relinquendis, habemus expressē in *c. ad abolendam, de hæreticis, & c. excommunicamus l. 1. §. damnari, eodem tit. & c. super eo, eod. tit. lib. 6.* Quomodo autem clerici tradendi, aut laici relinquendi sint curiæ seculari, expressum est in *c. nouimus, de verbor. signif.* vbi dicitur cū ab ecclesiastico foro clericus fuerit proiectus, eius est degradatio celebranda seculari potestate præsentē, & finita degradatione pronuntiandum, vt illa in suum forum recipiat degradatum, & per hanc pronnunciationem intelligitur tradi curiæ seculari. Quod etiam secularis curia teneatur illū statim absque dilatione capere, non obstante quauis appellatione, seu proclamatione, & debita animaduersione punire, habetur expressē in *c. vt inquisitionis, de hæret. lib. 6.* vbi nota semper in omnibus prædictis decretalibus dici vt relinquatur puniendi, & curia secularis capiāt puniendos, & non dicitur quod cognoscat solum; ergo debent



bēt sētētiare ad pœnā, illāmque exequi. Quoniā ergo Ecclesia cōuictū ac condemnatum legitimo processu relinquit seculari curiē puniendū, & in iure contra huiusmodi reos est constituta certa pœna mortis, & nō arbitraria citra mortem, quasi certō sciens ac prœuideus curiam secularē damnatūrā reos huiusmodi ad mortem, ideo pro sua mansuetudine iungit Pontifex prælatis tradentibus illos curiē prœdictā, vt debeant pro eis efficaciter intercedere, vt citra moris periculum circa eos sententiam moderetur, ne ipsa aut sit, aut videatur esse, quæ occidi hominem faciat. Vt quamuis ex parte secularis curiē hęc intercessio rationem habeat tæxæ cerimoniz, quia non potest nec debet facere villam moderationē, ex parte tamen Ecclesiæ sit vera & efficax intercessio. In nostro verō casu, qui traditur curiē seculari, non est per Ecclesiam iudicatus, nec cōuictus, nec damnatus, cūm Ecclesia de ipso delicto nequaquam cognouerit, sed solum de immunitate, & quoniam reperit casum qui prætenditur carere priuilegio immunitatis, non tradit reum seculari curiē puniendum, vt ideo debeat apud eam intercedere, vt sententiam mitiget, sed solum tradit eū tanquam proprio ac legitimo iudici vt de causa cognoscat, corā quo potest reus innocentem se probare. Vt cūm reus prætenderit per Ecclesiam liberari virtute priuilegij immunitatis, Ecclesia illum consignādo declarer posse illū liberē in causa procedere, nec esse priuilegio immunitatis impeditum. Vnde quoniam nō traditur ad pœnā, hoc ipso quodd ex Ecclesiæ Romanique Pontificis præcepto traditur, & traditur cum liberatione ab irregularitate ob mor-

tem, quæ sequi fortasse potest, non autem ad mortem certā, nō est opus hac intercessione, cūm Ecclesia ab irregularitate liberando hanc intercessionem non requirat, quæ vbi ad certam mortem tradit, illam requirit.

*An reus de mandato Episcopi traditus curiæ seculari, si in processu causæ non conuincatur de qualitate delicti, ratione cuius ab immunitate exclusus est, aut ne de delicto quidem, possit aut debeat denuo postulare sibi immunitatem seruari, & illi seruanda sit.*

## CAPVT XXVII.

**C**A s v contingere faciliē & frequenter potest, quē tamen apud neminem eorum, quos legi, tractatum, sed ne tactum quidem reperio. Suppono enim, quod fusē probatum est à nobis suprā in hoc eodem libro parte 2. c. 15. non esse necesse Episcopo, seu personæ ab eo deputatæ solemnē formare processum, sed sēper fuisse satis cognitionē sūmariā, ac sine partis citatione, quæ in criminalibus certa, & euidēs haberi nō potest, nisi per solemnē processū post longa tempora, post tormenta, post defensiones à reo factas, sicut eodē c. dictum est. Potest ergo Episcopus sūmariā illa sua cognitione iudicasse aliquem homicidam esse assassinum propter aliqua indicia assassinij, qui tamen postea coram iudice laico non conuincatur de assassinio, nec de eo damnetur, nec possit dñari, ita potest Episcopus iudicasse

DDD d 3 se

se aliquem grassatorem viarum, qui tamen corâ iudice laico innocentē se probet, vel saltem non plenē contineatur, vt possit de eo dānari ad pœnā ordinariam, sed solum ad aliquā pœnam arbitrariā. De his ergo hoc loco quærimus an posteaquā in seculari iudicio probauerint deesse suis delictis qualitatem, propter quam sunt iudicati carere immunitate, possint denuo ad Ecclesiam recurrere, atque iure suo petere denuo Ecclesiæ ex qua extracti fuerant, restitui; & an Ecclesia teneatur eos recipere, repetereque à seculari iudice

vt eos à morte, membri mutilatione grauique pœna corporali liberet. Pro parte enim affirmatiua facere videtur quòd istis verè debebatur immunitas, & per errorem, qui in huiusmodi imperfecta cognitione facile interuenire potest, ab ea exclusi traditi sunt curiæ seculari. Constat autem postea iniustam à parte rei fuisse illam Episcopi sententiam, consequenter constat debitam esse illi immunitatem. ergo dum res integra est, & immunitas illi seruari potest, seruanda est.

*Reliqua huius capituli vicesimi septimi desiderantur.*

LIBER





## LIBER SEPTIMVS.

*De confugientibus ad Ecclesias propter causas ecclesiasticas, personisque ecclesiasticis ob quauis delicta confugientibus ad easdem: de quibus disponit Pontifex constitutionis istius §. nono.*



VENADMODVM EX præcedentibus apertè cõstat, locutus est hætenus Põtifex de laicis reis criminum cõfugientibus ad Ecclesias, & de secularibus causis, siue delictis. Nam §. 6. expressè dicit: *Vt laicis ad Ecclesias locaque sacra confugientibus si fuerint publici latrones, &c.* Nullus hætenus habitus est sermo de clericis personisque ecclesiasticis eorundem criminum reis confugientibus ad Ecclesias. In eodem §. cum delictis secularibus, cuiusmodi sunt publici latrocinij, depopulationis agrorum, grassationis viarum, vnum numerauit delictum merè ecclesiasticum, quod est hæresis, alterum mixtum homicidij, ac mutilationis membrorum in Ecclesia, ideo duo supersunt disponenda, alterum de ecclesiasticis personis, alterum de ecclesiasticis delictis, quæ vtraque prosequitur in hoc §. 9. quem hoc septimo libro explicandum suscipimus, quem idcirco in duas partes iuxta ea quæ in ea tractantur partiemur. In priore parte iuxta ipsius literæ ordinem de causis criminibusque ecclesiasticis;

in posteriore de ecclesiasticis personis disputabimus.

### PARS PRIOR.

*De confugientibus ad Ecclesias propter causas, delictaque ecclesiastica, & in specie propter hæresim.*

*An dispositio §. 7. & 8. de reu criminum §. 6. expressorum consignandis curia seculari locum haberet in crimine hæresis, nisi hoc §. 9. contrarium exprimeretur.*

### CAPVT I.

VIDE TVR ea dispositio etiam in crimine hæresis habitura locum, tum quia hoc crimen cum ceteris fuerat §. 6. numeratum, propter quæ in sequentibus paragraphis 7. & 8. iubentur laici confugientes ad Ecclesias tradi curiæ seculari, tum quia peculiare est in hæreticis iuxta omnes canones, & apostolicas sanctiones,

vt seculari curiæ tradantur puniendi, si vel in hæresi perscuerent, vel vbi cum semel abiurauerint, propter vehementem etiam suspicionem relabantur.

1. Sed pro solutione aduertendum, si qua causâ est ecclesiastica, hanc esse maximè, in qua de fide catholica agitur, si quod est delictum quod ad Ecclesiæ iurisdictionem ac iudicium non modò de facto pertineat, sed debeat ac necesse sit pertinere, id maximè esse hæresim. In hac enim causâ de tota Ecclesia, de Euangelio, de Christo, de fide ac religione Christiana, de ipsa Ecclesiæ sanctæ Christi sponsæ autoritate, iurisdictione, ac potestate agitur, de quibus non potest idoneus iudex esse laicus, nec secularis potestas, sed Ecclesia, quæ non solum in sacris Scripturis de his rebus abundè est edocta, sed speciali sancti Spiritus illustratione quotidie de multis occurrentibus difficultatibus instruitur, ac docetur, vt propterea verè sit in his quæ ad fidem pertinet infallibilis veritatis tamquam domus ædificata supra firmam petram, addè vt pro iis, quæ nobis per Ecclesiam vniuersalem, perque Romanum Pontificem ad credendum proposita sint, nõ secus ac pro ipso Euangelio confitendo, tuendoque sanguinem, vitamque profundere teneamur. Neque enim Euangelium aliundè quàm per Ecclesiam, habemus, cuius semper fuit libros sacræ Scripturæ authenticare, & quos nõ probat reicere. Nam causæ ceteræ eatenus ad Ecclesiam iudicis que ecclesiasticos pertinent, quatenus, vel ad aliquid fidei pertinent, cuiusmodi sunt causæ sacramentorum, supernaturaliumque Dei præceptorum, vel aliquam habent cum fide

connexionem, ac dependentiam ab eadem, vel ad Christianos mores, qui etiam ex fide petuntur. quanto ergo magis ad Ecclesiam, forumque ecclesiasticum pertinere debet ipsa fides?

Primò ergo dico causam fidei non modò de iure canonico, sed de iure etiam diuino positiuo ad Ecclesiam pertinere, dicente Christo ad Petrum, *Tu es Petrus, & super hanc petram ædificabo Ecclesiam meam, & clauēs regni cælorum illi tradente*, quæ duæ sunt scientiæ ac potestatis fidei ac morum. Quam fidei causam Ecclesiæ, ac supremo in terris Christi vicario, non autem Imperatori ac laicæ potestati à Christo traditam esse, expressè docent Pontifices Nicolaus in *Epist. 7. ad Michaelē Imperatorem*, bis relatus apud Gratianum in decreto, nempe *can. quoniam d. 10. & can. clem. ad veram d. 96.* & Gelasius Papa ad Imperatorem Anastasium *can. duo sunt, d. 96. & 10.* Papa *can. si Imperator, ead. dist. 11.* vt meritorè quidam Pontificem, in quo est suprema potestas spiritalis fidei & morum, atque ipsam ecclesiasticam potestatem capiti, Imperatorè verò, in quo est suprema potestas temporalium, ac temporalem potestatem cordi similem faciunt, vt quemadmodum in capite vigent omnes sensus, sapientia, discretio, mens, ab eoque ad totius corporis membra nerui, quorum arctissima, firmissimæque compage membra inter sese, atque cum ipso capite vniuntur, sensationem etiam, ac morū habent. Sic in Pontifice ecclesiasticæque curia resident veri sensus spiritalis, cõpago fidei, & charitatis, qua tota Ecclesia sentit, ac spiritali mouetur mota. Ab Imperatore verò potestateque temporali, sicut è corde

eorde venæ sanguinem , virâque temporalem communicantes diffunduntur , ita leges temporales manant , temporalisque administratio. Hinc Innocentius I I I. *inc. solita, de maiestate & obedientia* , attēta alterius potestatis spiritualitate, alterius temporalitate, ecclesiasticam luminare maius, temporale luminare minus , appellat , quodd spiritualis diuinis & æternis, quæ diei similia sunt , temporalis verò carnalibus & temporalibus præsit, quæ noctis similitudinem gerunt, ut quantum præstat spiritus carni, æterna temporalibus , dies nocti, sol lunæ, atque id quod proprio splendore fulget ei quod lucet lumine aliunde mutuato, tātū præstet ecclesiastica potestas temporali.

3. Sed & canonico iure pertinere ad auctoritatem Ecclesiæ iudicare de causâ hæresis , deque ipsis hæreticis expressè probatur , nam aliquem hæreticum iudicare pertinet ad Romanam Ecclesiā , ad singulos Episcopos in suis diocesisibus cū consilio clericorum, atque ad ipsos clericos sede vacante cū consilio, si oportuerit, viciniorum Episcoporum. *c. ad abolendam, de hæret. §. 1.* & deprehensi in hæresi arbitrio Episcopi iubentur publicè abiurare & satisfacere. *d. c. de abolendam. §. præfati.* etiamsi laicus fuerit , & suspecti de hæresi corā eodē Episcopo se purgare , & hæresim tenentur abiurare. *d. c. §. qui verò.* & accusatos de hæresi Episcopus ad præsentiam suam debet convocare, eoque nisi se ab obiecto reatu purgauerint , vel si post exhibitam purgationem fuerint relapsi , canonicè punire. *c. excommunicamus 1. de hæres. & Archiepiscopi, atque Episcopi per se, aut per Archidiaconum , aut alias*

*P. Gambac. de immu. Eccl.*

idoneas personas bis , aut saltem semel in anno iubentur propriam diocesim circuire, in qua fama fuerit hæreticos habitare , & ibi compellere tres, vel plures boni testimonij viros, vel totā viciniam compellere iurare, ut si ibi hæreticos esse sciat reuelet eisdem. *d. c. excommunicamus. §. adiciamus.* & ad adiuvandos in hoc negotio contra hæreticos Episcopos variis negotiis implicatos additi sunt sancti officij Inquisitores , quibus hæc sola causa ita cōmittitur, ut de diuinationibus etiam ac sortilegiis , quæ hæresim manifestè non sapiunt, sit eis cognoscere prohibitum , nec de usuris, ut contra hæreticos toti occurrentur. *c. accusatus, de hæret. lib. 6.* ac præterea eisdem indultum ut cum Episcopis de eadem causâ cōtra hæreticos diuisim , vel coniunctim possint procedere. *c. per hoc, eodem tit. & libro.* utque potestas Inquisitorum non expiret per mortem delegatis, neque quoad causas iam inchoatas , neque quoad inchoandas. *in c. etiam vergentis bona hæreticorum laicorum per temporales dominos confiscari Ecclesiæ præcipit, & si Principes in hoc negligentes fuerint, per ecclesiasticas censuras appellatione remota ab Episcopis compellantur.* Imò postea decreta sunt ipso iure confiscata. *c. cum secundum leges, de hæret. lib. 6.* quamquam confiscationis huius executio, vel bonorum sic confiscatorum occupatio fieri non debet per Principes & dominos temporales, antequam per Episcopum, vel personam ecclesiasticam habentem in causâ hæresis potestatem, sententia super eodē crimine fuerit promulgata. Demum *in c. inquisitionis*, apertissimis verbis statuitur

EEE. crimina

crimen hæresis esse merè ecclesiasticum, atque idcirco districtiùs prohibetur ibidem in §. *prohibemus*, potestatibus, ac dominiis temporalibus, ac rectoribus, atque eorum officialibus, ne ipsi de hoc crimine quoquo modo cognoscant. Solùm autem conceditur, seu etiam præcipitur potestatibus secularibus, Comitibus, Baronibus, Consulibus ciuitatum, & locorum, & aliis potestatibus quibuscumque fungantur officiis, præsentibus regnorù, prouinciarum, & aliorum locorum, etiam si sint excommunicati, & iurisdictionem habeant de facto, & non de iure, & quibuscumque aliis, qui in ciuitate præsentunt, ut ad requisitionem diocesanorum, seu Vicariorum eorundem, aut Inquisitorum corporaliter iurent quòd fideliter & efficaciter adiuuabunt eos contra hæreticos bona fide iuxta officium, & posse suum quoties ab eis fuerint requisiti. *c. ad abolendam, de hæreticis. §. statumus.* & quod de terris suæ iurisdictionis vniuersos hæreticos ab Ecclesia denotatos bona fide pro viribus exterminare studebunt. *c. excommunicamus 1. de hæret.* & quòd inuiolabiliter attendent obseruare, & facere obseruari toto tempore sui regiminis constitutiones Apostolicas contra hæreticos. Nihil horum ad cognitionem de crimine hæresis pertinet, sed solum ad iuuandos diocesanos & Inquisitores cõtra eosdem procedentes.

4. Et quoniã Ecclesia, prælatique ecclesiastici & Inquisitores conuictos de crimine hæresis impenitentes, aut relapsos etiã penitentes relinquunt damnatos de hæresi curiæ seculari puniendos, etiam si clerici sint, vel sacerdotes, eos degra-

datos realiter ac depositos eidem curiæ relinquunt animaduersione debita puniendos, *c. excommunicamus 1. de hæret. §. damnati. & c. ut inquisitionis. eod. tit. lib. 6.* Ideo potestati habet curia secularis solum exequendi sententiam Ecclesiæ puniendo istos secundum leges ciuiles debita animaduersione, quæ animaduersio ex ciuili iure pœna mortis, de consuetudine etiã vbique recepta pœna ignis, ideo in *d. c. ut inquisitionis*, præcipitur eiusdem seculari curiæ ministris, coram quibus de hæresi damnantur, ut eos sibi relictos ab Ecclesia statim recipiant indilate animaduersione debita puniendos. quo loco nota verba illa, *statim recipiant indilate puniendos*, eos teneri & statim recipere condemnatos, & indilate punire. Vnde & paullo post subditur in *eod. c.* eiusdem præcipiendo, ne executionem sibi à diocesano, vel Inquisitore iniunctam promptè facere, seu adimplere detrectent. Modus ergo procedendi contra hæreticos impenitentes, ac relapsos iste est, Ecclesia coram seculari potestate condemnat eos de hæresi impenitentes, vel relapsos, nullam faciendo mentionem de pœna, quã propterea mereantur, relinquitque eos curiæ seculari pronunciando eidem, ut in suum forum illũ recipiat. *c. nouimus, de verbor. signif.* tunc secularis curia tenetur illũ statim recipere, nec potest de eius hæresi cognoscere, sed tantum quã de hæresi damnatũ, & suo foro relictũ damnare ad mortem, atque ad pœnã ignis, & ideo debet Ecclesia pro eo efficaciter intercedere, ut citra mortis periculum circa illũ sententia moderetur, ne mortis eius particeps videatur. *d. c. nouimus.*

Secundò dico, etiã si hoc §. 9. nõ excipere

exiperetur expressè crimen hæresis à regula §. 7. & 8. adhuc intelligendū esset expressum, & regula illa intelligenda esset limitari, vt rei illorū tautūmodo delictorū expressorum seculari curiæ consignarentur, quorū delictorum cognitio ad dictā secularem curiā pertinebat, non autē illorū, quæ omnino ecclesiastica erant, & secundū omnia iura ad curiā ecclesiasticā pertinebant. Probat̃ur primò, quia si Pōtifex voluisset cognitionē huius delicti cōmittere curiæ seculari, vt deinceps ad eū pertineret, debuisset id solemniùs exprimere. Secundò, quia secularis curia non est capax huius potestatis. Tertiò, quia Pontifex non intendit hoc locò vllā addere iurisdictionem ac potestatem curiæ seculari, sed solum remouere ab ea impedimenta, ne occasione ac præt̃extu immunitatis eam declinent ij qui propter delictorū grauitatem sunt illi subiecti. Postremò, quia Pontifex vsqueadeo non intendit clarè prædictæ curiæ seculari vllam nouā iurisdictionē & potestatem, vt de alijs illi per indulta concessa potestate detrahat. Neque verò hæc constitutio de iudicium iurisdictione disponit, sed de Ecclesiast̃arum immunitate excipiendo ab ea de nouo quædam delicta, quæ antè non ita expressa erant.

*Quid intelligendū sit per crimen hæresis, cuius totā cognitio ad ecclesiasticū forū dicitur pertinere, sola ne hæresis, an etiā suspicio & crimen credentiū, & quorū aliorū.*

## CAPVT II.

1. PRIMÒ certū est ipsum crimen hæresis, cum quis in hæresim in-

cidit, manifestam ab Ecclesia damnatam, ad iudiciū Ecclesiæ forūque ecclesiasticū pertinere, hoc enim propriissimè, & maximè crimē hæresis vocatur, neque vllus est de hac re ambigendi locus, & hoc maximè probant, quæ dicta sunt in primo dicto c. præcedenti.

Secundò quicquid aliquis dixerit de quo dubitetur an sit iā ab Ecclesia damnatum, consequenter, an sit formaliter hæresis, siue an repugnet principio fidei, an itē sit medium, ex quo aliquid concludi possit contra fidē, & consequenter, an sit hæresis materialiter, & ab Ecclesia reprobanda tanquam hæresis, sēper hoc totum iudicium ad sanctā spectat Ecclesiam, quæ sola relicta est à Christo fidei magistra, & quādo dubiū est prioris generis, an sit hæresis iam damnata, iudicium pertinet ad Episcopos, & sancti officij Inquisitores; quando verò dubium est, posterioris generis iudiciū pertinet ad Ecclesiam vniuersalem, nēpe ad Romanū Pontificem Christi Vicarium, & B. Petri successorem, atque ad generalia Cōcilia. Ad Cōcilia verò Prouincialia, & ad alios Ecclesiæ prælatos pertinet solum examinare, discutere, & quid ipsi sentiant Romano Pontifici, vel generali Concilio offerre; neque habent verā hæresis rationē, donec horū sententia fuerit per Romanā Ecclesiam approbata.

Tertiò certū est si quis ad vehementē de hæresi suspicionem addat contumaciā, per quam excommunicatus per annū perseueret in cōtumacia, quæ facit coactam presumptionem, de eo iudicare ad forum ecclesiasticum pertinere; quoniam præsumitur hæreticus ex duplici capite, & ex suspitione.

EEEE 2 &

& ex contumacia in excommunicatione per annum, ideo tanquam hæreticus condemnari iubetur. *c. cum contumacia, de heret. lib. 6.*

4. Quattò, qui in infirmitate petierunt hæreticos, ut per manus eorum impositionem consolationem acciperent, inter hæreticos adco numerantur, ut si in ea infirmitate decedant, & dum vivebant erant infamati, vel suspecti de hæresi; aut constat quòd sanæ mentis erant cùm hæreticos petierunt, filij non admittantur ad probandum illos tunc non fuisse sanæ mentis, vel perdidisse iam loquelam. *c. filij, de heret. lib. 6.* multo minus admittentur ipsi si supervivunt. Hos enim ibidem gl. 1. in tertio supposito inter hæreticos numerandos expressè dicit, & ideo contra eos proceditur tanquam contra hæreticos ad bonorum confiscationem; ideo hæc etiam causa ad forum ecclesiasticum pertinet.

5. Quintò qui hæresim semel abiuravit, si postea hæreticos accipret, deducat, inuisat, associet, munera cis donet, aut mittat, seu futurè cis impendat, qui excusari non possit, non modò tanquam hæreticus, sed etiam tanquam relapsus punitur, præsumitur tanquam indubitatù id facere ex prioris erroris consequentia. *c. accusatus, de heret. lib. 6. §. ille quoque.* vnde & de eo cognoscere ad forum ecclesiasticum pertinet.

6. Sextò suspicio de hæresi siue levis, siue vehemens, ad forum ecclesiasticum pertinet, tenetur enim coram diocesano, vel Inquisitore de ea se purgare, vel illum ab eadem cogitur abjurare.

7. Septimò potestas, Capitaneus, seu Rector, vel consules, seu qui-

uis alij, qui civitati præsent, vel loco alteri si ad requisitionem diocesano- rum, vel Inquisitorum noluerint iurare, attendere iniolabiliter, & observare, ac facere à suis subditis observari toto tempore sui regiminis in terris suæ iurisdictionis constitutiones apostolicas contra hæreticos, fautores & defensores eorum tanquam infames, & hæreticorum fautores, ac de fide suspecti habentur. *c. ut officium, de heret. lib. 6.* quare iudicio ecclesiastico quoad hoc subsunt.

Octavò quotics de doctrina aliqua ab aliquo tradita dubitatur an sit catholica, nec ne, deque cuiusvis conclusionis qualificatione dubitatur, vel de favore hæreticis exhibito, de hæresi suspicionem, vel præsumptionem, de credentibus hæreticorum, deque re quacumque directè, vel indirectè concernente fidem catholicam, semper ad Ecclesiâ pertinet cognoscere. Semper enim cùm de fide agitur, causa hæresis, siue crimen hæresis esse intelligitur, à quo per sententiam liberare, vel de quo damnare ad ecclesiasticam pertinet iurisdictionem ac forum. In his enim omnibus sancta Christi fides catholica periclitatur, quæ tota sanctæ Ecclesiæ conservanda, declaranda, defendenda, à Christo Domino commissæ est, dicente Christo, *& ego pro te rogavi Patre, ut nò deficiat fides tua, & tu aliquando converteris confirma fratres tuos.* & tu es Petrus, & super hanc petram edificabo Ecclesiam meam, & porta inferi non prævalerunt adversus eam.

Nondò in quæstionibus de Scripturæ sensu catholico, deque Scripturarum correctione, fidèque eorumdem, semper est ad iudiciû Eccle



Ecclesiæ recurrendum. Idēque quoties aliquid contra sacram Scripturam cuiusque lib. omnes, ac singulos, qui ab Ecclesia probati sunt, contra eorum sensum, ac verba, ad eiusdem Ecclesiæ iudicium est recurrēdum, illique acquiescendum.

*Quid faciendum sit de hereticis propter crimen hæresis confugientibus ad Ecclesiam ante condemnationem.*

## CAPVT III.

1. **A**LIVIS aduertens se aliquid egisse quod suspicionem hæresis ingesserit, vel etiam quod hæresim sapiat manifestam, aut verbo propositionem aliquā affirmasse, vel vocatus ab Episcopo, seu Inquisitoribus, vel citatus sibi metuens ad Ecclesiam cōfugit, neque ad Inquisitores accedit ad se purgandum de illa suspicione, nec ad hæresim abiurandam. Querimus præsentī capite quomodo cum eo se geret Episcopus?

2. Respondeo primò certum esse nō esse hoc casu expectandam Episcopo requisitionem curiæ secularis, immo dedecus esset Episcopo si tādū hunc in Ecclesia liberum esse patiat, donec secularis curia ipsū requiratur, ostenderet enim se Episcopus negligentiorē contra hæreticos ipsa curia seculari, qui tamen ratione officij tenetur vigilare super gregem suam, & contra hæreticos vigilantissimè vigilare. *excommunicatus* l. 5. volumus. vbi mandat Pontifex Episcopis, districtēque præcipit in virtute sanctæ obedientiæ, vt ad

visitandam Parochiam, & inquirendos hæreticos diligenter inuigilent, si canonicam velint effugere vltionem; aded vt si quis Episcopus super expurgando de sua diœcesi hæreticæ prauitatis fermento negligēs fuerit, vel remissus, cū id certis indiciis apparuerit ab Episcopali officio deponatur, & in locum ipsius alter substituatut idoneus. qui velie & possit hæreticam confundere prauitatem. Deinde hæc secularis curiæ requisitio locum non habet, nisi in illis reis de quibus ad ipsam pertinet cognoscere, pro quibus idcirco Episcopum requirit vt cū ille cognouerit delictum esse de eorum numero, quibus immunitas nō suffragatur, eos eidem seculari curiæ tradat puniendos: at rei hæresis nullo modo ad secularem curiam pertinent, quæ de crimine hæresis cognoscere non potest: ergo non pertinet ad eam curiam Episcopos pro his requirere.

3. Secundò dico, Inquisitores hæreticæ prauitatis non teneri requirere Episcopos ad capiendum de Ecclesiis hæreticos, vel suspectos de hæresi, nec expectare vt Episcopus prius cognoscat an illi verè hæresis rei sint, tota enim illa forma præscribitur curiæ seculari, non iudicibus ecclesiasticis, vt pater, quales sunt sanctæ fidei Inquisitores. Cū præsertim Inquisitores possint de hæresi cognoscere non modò coniunctim cum ordinariis, sed etiam diuissim. *pro hoc, de hereticis lib. 6.* Sed cū crimini hæresis immunitas Ecclesiarum non suffragetur, possunt Inquisitores quæcunque hæreticum aut suspectum, vel infamatum, vel accusatum de hæresi, credentem, receptatorem, factotēque hæreticorum, qui ita eis fauet, credit, rece-

præ, ut fiat de hæresi suspectus, auctoritate propria extrahere de Ecclesiis, capere, carcerare, & de causa hæresis, pro ut illi de iure competit, cognoscere, ac condemnare conuictum.

4. Tertiò dico Episcopum non debere expectare ut Inquisitores capiant de Ecclesiis hæreticos, sed statim atque ad eius aures peruenerit aliquæ propter crimen hæresis, quia vel hæreticus sit, vel suspectus, vel infamatus de ea, vel accusatus, debere statim iubere illum extrahi, & ad tutos duci carceres ubi hæretici detineri solent, ac ponere eum in tuto ne fugere possit, cum enim hæreticorum mos sit pestiferæ suæ doctrinæ veneno indefinenter alios inficere, eosque peruertere, statim sunt in separato ab aliis carcere includendi, & cogendi, vel purgare se de crimine hæresis si possint, quod tunc contingit quando iniuste, & per meram calumniam sunt de ea infamati, vel accusati, aut abiurare hæresim, si se purgare non possunt. *c. ad abolendam. §. qui verò. & c. excommunicamus 1. de heret.*

5. Quartò dico non satisfacere suo muneri Episcopum si suspectum de hæresi qui ad Ecclesiam confugit citatum in Ecclesia, & non venientem ad iudicium excommunicet, ibique esse sinat expectans, si fortè intra annum se præsentet, ut si non se præsentauerit, elapso anno illum velut hæreticum condemnet, iuxta dispositionem *c. excommunicamus 1. §. qui autem.* sed teneri illum statim de Ecclesia extrahere, carcerare, & cogere, ut vel se purget, vel hæresim de qua est suspectus abiuret, iuxta dispositionem dicti *c. excommunicamus 1. §. adiicimus. & §. si q. nō in dicto.*

*§. adiicimus* præcipitur Episcopo ut ad præsentiam suam conuocet accusatos, qui nisi se purgauerint, canonicè puniantur. ubi quoniam de purgatione loquitur, includit etiam accusatos de suspitione hæresis. & *§. volumus,* punitur Episcopus negligens in expurgando de sua diocesi fermento hæresis. Quod autem dicitur in *d. c. excommunicamus. §. qui autem,* solum habet locum in illis suspectis de hæresi, qui non faciunt sui copiam, ij enim debent excommunicari, & si per annum in excommunicatione persistuerint velut hæretici, debent condemnari, ut ibi dicitur, utque expressè declaratum est in *c. cum contumacia, de heret. lib. 6.* pro eo quod parere subterfugit, aut contumaciter se absentat. Quando ergo cõparet in Ecclesia, cuius immunitatē non habet, nō debet excommunicari, sed capi, & ad se purgandum compelli, quod si non potest ad abiurandum, nam si post abiurationē de vehemēti in hæresim labitur, censetur quadam iuris fictione relapsus, & relapsorum pœna punitur. *c. accusatus, de heret. lib. 6.* Ideo multum interest illum cogere ad purgandum se, monstrando innocentiam suam, & si illam non potest monstrare cogere ad abiurandum ut causa fidei in tuto ponatur. Ne si intra annum in hæresim sine abiuratione labatur, non possit puniri tanquam relapsus, sed tanquam simplex hæreticus si ante lapsum annum. Ecclesiæ iudicio non se præsentet.

Quod si hæreticus pro quocumque alio crimine ad Ecclesiam confugeret, cum non gaudeat vlla Ecclesiarum immunitatē requirentia seculari (quod illis locis contingit.

tingere potest ubi hæretici impune habitare permittuntur, nec propter hæresim puniuntur) sine ullo dubio tradendus est curiæ seculari non iam virtute præsentis constitutionis, sed antiqui iuris, & consuetudinis, quibus infideles, & hæretici incapaces sunt huius privilegij, sicut superius à nobis abundè probatum est.

*Quid sit faciendum si hæreticum obstinatus, vel relapsus posteaquam curia seculari relictus est, ad Ecclesiam casu aliquo deferatur.*

## CAPVT IV.

**D**V o possunt esse casus quibus huiusmodi hæreticus iam de hæresi damnatus, ac seculari curiæ relictus ad Ecclesiam peruenire potest. Prior est si prope aliquam Ecclesiam transire contingat, factaque vi, vel de manibus ministrorum delapsus, vel ministros, à quibus vincit, tenetur, secum in Ecclesiam trahens illam ingrediatur. Posterior si in ipso itinere, dum obstinatus ducitur ad supplicium per ipsosmet curiæ ministros rogatu eorum, qui illum in via ad eius procurandam conversionem atque animæ salutem cōducunt in aliquā Ecclesiam inferatur, ubi tantisper cum eo agere quietè possint de fide, eiusque salutem procurare.

2. Quoad priorem casum: certum atque indubitatum est esse hæreticum de Ecclesia extrahendum, atque ad supplicium ducendum, est enim v-

nus ex casibus ab hac constitutione expressis. Dubium est an sit Episcopus prius per secularem curiam requirendus, an verò illi ipsi curiæ eiusdem ministri, quibus per curiam ecclesiasticam relictus est, quive eum ad supplicium trahunt, possint inrequiritur Episcopo ne iustitiæ executio retardetur, & populus, qui ad eam videndam accurrerat, moræ impatiens dilabatur. Tota autem dubitandi ratio est, quia huiusmodi reus in manibus est curiæ secularis, cui est hac constitutione prohibitum reos extrahere de Ecclesia sine Episcopi licentia, etiam in his ipsis casibus, in quibus hac ipsa constitutione immunitas abrogatur, inter quos casus hæresis numeratur: ut quamvis casus hæresis non ad secularem, sed ad ecclesiasticam cognitionem pertineat, tamè quando ecclesiastica curia eò usque devenit ut de hæresi condemnatum seculari curiæ relinquat, tunc ita ad secularem curiam pertinet eum punire, ut non possit amplius curia ecclesiastica se interponere; quare videtur æquè obligari ad petendam Episcopi licentiam ad hunc extrahendum, atque ad extrahendum quemlibet alium reum ad eandem curiam pertinentem. Sed respondeo duobus dictis.

Primo dico non esse eandem horum reorum etiam damnatorum atque aliorum rationem, de his enim neque cognoscere ad secularem curiam pertinet, etiamsi laici sint, neque poenam moderari, neque quicquam aliud agere, nisi exequi contra eos poenam lege, & consuetudine constitutam, ad quam executio non modò civili, sed etiā canonico iure faciendā obligantur, quatenus per curiam ecclesiasticam in eius

pro

præsentia de hæresi per sententiam damnati illi relictæ, ac traditi sunt, sicut abundè docuimus suprâ c. 1. n. 4. & ex vi sententiæ prædictæ per ecclesiasticum iudicem promulgatæ, tenetur eadem secularis curia ad eandem executionem statim procedere, nulla per eam facta super eadem sententia discussione; ideo hæc causa semper manet ecclesiastica, & merè ecclesiastica, etiam nunc cum secularis curia contra huiusmodi reos pœnam exequitur. neque ex hoc quodd per secularem curiam fit executio, desinit esse causa ecclesiastica, quo differt ab aliis causis, & delictis ad ipsam secularem curiam pertinentibus. quæ cum laica sint, ad ipsam secularem curiam iure suo pertinent, nisi in casu particulari confugij ab Ecclesia defendantur, quo casu nulla alia cognitio circa laicos ad Ecclesiam pertinet, nisi de ipsa ecclesiastica immunitate, ut iudicet Episcopus an verè aliquod horum delictorum commiserint, cui est immunitas hac præsertim constitutione abrogata. Hinc fit ut in aliis delictis, quorum cognitio ad secularem curiam pertinet, etiamsi ad ecclesiasticam confugiant; posteaquam de eis sunt cõdemnati, etiam dum ad supplicium rapiuntur, possit dubitari an immunitas illis competat, & siquidè cõpetat, probabile est per illud confugium liberari, ideo necessaria est Episcopi licentia ad extrahendum, & cognitio an aliquod horum delictorum verè commiserint, ut constet an de potestate curiæ secularis sint erucendi, & Ecclesiæ ad quam confugerant, restituendi. De hæreticis vero nõ ita est, sed cum ab Ecclesia sint condemnati de hæresi, palam est & indubitatum, nullam omnino eis im-

munitatem deberi.

Secundò dico valde probabile esse ad hos educendos non esse necessariò ullam Episcopi licentiam requirendam. Primò, quoniam versamur in ctiminè hæresis, in quo debemus esse valde zelotypi, fauore fidei, in quo secularis curia non solum habet à canonico iure potestatem, sed præceptum statim procedendi ad pœnam contra eos, qui sibi traditi sunt à curia ecclesiastica. Secundò quoniam hoc casu cessat tota ratio propter quam petenda est hæc licentia ab Episcopo, quæ, ut patet ex apertis verbis §. 8. cõspectat ut Episcopus post datam licentiam, ductumque reum ad carcerem curiæ ecclesiasticæ cognoscat an verè delicta superius expressa commiserit, ut si commississe reperit, tradi eum faciat curiæ seculari, sin minus, eum Ecclesiæ, ex qua extractus est, restitutum defendat, impunitatemque pœnarum impetret. ergo ubi notorium est tam iuris, quàm facti notorietate, immunitatem reo non deberi, cessat omnis ratio petendi huiusmodi licentiam. In præsentī autem casu id esse notorium notorietate iuris & facti evidens est. Notorietas enim iuris patet, quia conuictus est de hæresi in iudicio, condemnatusque per sententiam. De notorietate facti probatur etiam evidenter, quia non tantum sententia cõtra hæreticos, sed totus processus & articuli singuli, de quibus conuicti confessique sūt legi, proferturque solent publicè, cõuocato vniuerso populo ciuitatis, in loco edito voce clara, alta, & intelligibili, præsentē etiam curia seculari, ita ut innumera sit multitudo, quæ processum vnā cum sententia legi vidit & audiuit. ergo constat

stat totipopulo vtraque notorietate iuris & facti nullum esse locum tergiversationi, nullam omnino immunitatem posse prætendi quare extractum absque vlla alia licentia pettrahere possunt ad supplicium.

5. Terrid quoniam secularis curiæ ministris non simpliciter, neque vniuersaliter ablata est omnis potestas extrahendi reos de Ecclesia, sed limitatè, ablata est enim ea facultas quæ illis concessa erat per indulta, vt patet ex primis verbis d. §. 4, quæ sic habet: *Ne autē secularis curiæ ministri facultate illos per se, & propria auctoritate extrahendi sibi olim ( vt præfertur ) attributa, & per præsentis reuocata, abutantur, &c.* solum ergo reuocata est facultas propria auctoritate extrahendi concessa per indulta. Ex hoc sequitur, si quis detur casus in quo non virtute indultorum, sed ex dictamine rectæ rationis seruata debira decencia & Ecclesiæ reuerentia extrahant, vt est præsens casus, qui non patitur motam ad exequendam iustitiam fauore fidei contra hæreticos, & præuia tam præsentis constitutione, quam omni indulto hoc licitè facerent, etiam modò licitè facere.

6. Quartò, quia in hac ipsa constitutione §. illo 8. conceditur vt si Episcopus licentiam dare, & persona ecclesiastica interuenire eorum capturæ recusauerint, possit nihilominus secularis curia reos in Ecclesia capere atque extrahere, dummodo ad carcerem curiæ ecclesiasticæ eos reponat: ergo datur casus in quo licet illi sine Episcopi licentia extrahere. At præsens casus de quo loquimur, grauior est illo, qui ibi expressus est: ergo licitè etiam extrahet. Nec valet si dicas, hoc casu non reponit ad carcerem curiæ

*P. Gambac. de immunit. Eccl.*

ecclesiasticæ. Respondeo enim non opus esse hac repositione, quia non est cognoscendum de immunitate, quam notorium est non deberi. Postremò probatur, quoniam curia secularis potest rationabiliter supponere ipsius Episcopi ad quem pertinet rati habicionem, cum ea sententia non sine ipsius Episcopi vel procuratoris eius interuentu lata, & reus seculari curiæ puniendus relictus sit, & sanctæ fidei faueat, & terrorem incutiat hæreticis, quòd in simili casu nulla sacri loci ratio habeatur, & sancti officij auctoritas conseruetur.

Quoad posteriorem casum respondendo, supposito quòd hæreticus ita damnatus extrahi licitè sanctæque potest, etiam nulla Episcopi licentia requisita, sicut ex dictis apparet, laudabile esse huiusmodi hæreticos obstinatos, dum ad supplicium trahuntur in aliquam Ecclesiam in viam occurrentem introducere charitatis speciem, vt de via lasti parumper recteantur, vbi dum parum quicuerint non festinanter, & quasi vrgendo, sed quietè, sumptu occasione ex assistentia Dei in Ecclesia orantibus, quòd etiam templo Salomonis concessum fuit, vt orantes in templo Deus audiat, & exaudiat, monere hominem, vt ad Deum in extremo illo vitæ periculo recurrat, ab eoque opem petat, tum precari seum, vt salutis suæ memor, placidè audiat quæ ex Christiana charitate dicuntur, obiciat si quæ habet contrà, audiatque responsiones, & ad ea quæ còtra suos errores obijciuntur, maturè respondeat. Non esse ex animi obstinatione in extremo illo periculo rueridum, sed deposita omni animi perturbatione, atque obli-

FFF f. natione

natione pensanda sinceriter esse tū ea, quæ contra ipsum obiiciuntur, tū ea, quæ ad eius obiecta respondent, ut veritati locū præbeat in corde suo; & rationabiliter agat quæ agit: nullum esse locū pœnitentiæ post mortem, dum vita superest esse rationū expendenda momenta, ita paulatim in disputationē veniatur verbis pacificis, & quæ ostendant zelo salutis eius ea dici, nō ex contentione, aut æmulatione. Interim dū disputatur, licebit sacerdoti disputanti hominē etiam corporaliter amplexari ex charitate, vultūque hilari mouere, ut misereatur animæ suæ, ne in æternum perdat eam, satis illi esse debere infinitā torus populi multitudinem, quæ illū miserabunda comitatur, eiusque conuersionē expetit, atque hæc & his similia tenenda sunt, concurrat enim facile Deus cū loci sanctitate, concurrat cum populi vocibus ad horū mollienda primū corda, deinde etiam illuminanda, & qui in toto reliquo itinere obstinati horrendis blasphemis aërem replebant, quique obturatas habebant aures ad voces sacerdotū eos comitantium, non secus arque assis ad vocem incantantis, & venefici, Ecclesias ingressi visi sunt non rarō è lupis in agros repente mutati, tremere, commoueri, frangi, emolliri ad fidem, solui in lacrymas, ad spem salutis erigi, ut ne disputare quidē voluerint, sed abiurādo, ac detestando errores omnes, in quibus adco fuerant obdurati, affulgente Dei gratia ad lamēra pœnitentiæ recuterint, humilem fecerint peccatorum confessionem, addidit ut magnā salutis spem, & ipsi habuerint, & eiusdem non leuiter impressam opinionē spectantibus

reliquerint. Memini me cū adhuc adolescens, & in religione tyrunculus esē ante annos circiter quadraginta duos circa annū Dominī 1562, quo tempore presbyter Ioannellus, qui hæreses Mellanæ disseminare studuerat, iā relapsus igni crematus fuit, simul crematū fuisse quendam hæreticū vsque ad sententiā obstinatum, qui artem argentariā excolebat. Præiuit ad supplicium Presbyter Ioannellus, qui quāuis hæresim abiurasset, vix vlla veræ pœnitentiæ, ne in extremo quidem vitæ articulo, dum collū ad palum alligaretur, signa dedit, visus est bestiarū more finiuisse in eo supplicio vitam. Vidi hæc qui propē aderam, & redibā domum mæstus, & de illius miseri infelicitate cū socio colloquebar, cū prope Diuæ Luciæ Ecclesiam, quæ in ea via est, accessissemus, ecce repenē curiæ ministri referari eius Ecclesiæ fores iubent, inuicant nos quāuis iuuenes, religiosi habitus authoritate permoti, ut ingrediamur illuc, iā afforē hæreticum illū obstinatū, si fortē iuuari posset ad salutē. Vixque ingressi eramus, cū miserum illū videmus non modō manus funibus, sed & arundinibus linguam ligatū: accedimus ad hominē, simulque cū duobus Dominicanis fratribus rogāmus curiæ ministros, ut linguā soluat iā vlceratā, blādis deinde verbis hominē miserati de sua salure commouemus, quiescereque tantisper iussimus, deque re sua seriō cogitare. Visus est primō in Ecclesiam ingressus mitior factus, benignē nobis respondit, cūque breui spacio meditabundus consedisset, descendit super illum proculdubio diuina misericordia fusus in lacrymas, de flere cepit tantā animi sui obstinationem,

tionē, flexis genibus orabat, ut sacramentalē eius confessionē exciperemus. Excepit illā ex Dominicana familia sacerdos, quā tanta lacrymarū copia, tor singultibus ac gemitibus persēpe interrumpēbat, ut omnes qui aderamus compuncti in genua prouoluēremus, diuinā eidem misericordiā deprecantes. Accepta à sacerdote peccatorū absolutione ille ad vniuersos circūstantes conuersus deprecabatur veniā de dato scandalo, deque obstinatione, eorūque se precibus cōmendabat, tū ministrorū curiæ monitu surgens, & cū illis viam carpeus, nos quoque precatus est, ne eū in illa extrema necessitate desereremus. Libenter annuimus, & simul cū Reuerendis illis Dominicanis Patribus magna animi nostri voluptate comitati eū sumus. In rota enim reliqua via ibat gaudens, errores suos detestans, atque obiurans, frequenter ruebat in genua, nunc veniā petens à circumstantibus, nunc Deo sanctisque omnibus animā suā cōmendans, nūc pro se orari postulans, dūmque ad palū alligaretur, aded̄ pias edebat voces, aded̄ veniā peccatorum deprecabatur, aded̄ cōmendabat Deo animā suam, ut in fletu & lacrymas animā exhalans omnes cōmouerit, ut in genua profusi ter orationē Dominicam, & salutationē Angelicā pro eius anima omnes tecitāremus, magna spe de eius salute cōcepta, id quod in primis ipsius sacri loci influxui adscribendū putauimus: ut ideo laudabile esse putē similes in itinere cū istiusmodi obstinatis occasiones arripere, introducendo tantisper eos in Ecclesias, quæ fortē occurrunt in via, in quibus experimur tam facilē lupos in agnos mutari.

*De confugiētibus ad Ecclesias propter alias ecclesiasticas causas & delicta.*

## CAPVT V.

**I**NTER delicta, quibus ecclesiastica immunitas ablata est, vnum tantū numeratum est ad ecclesiasticum forum pertinens, nempe crimen hæresis, de quo dictū est cetera ecclesiastica delicta sic dicta, quoniā ad forū ecclesiasticū pertinent, immunitatis priuilegio non carent; quare si eorū rei ad Ecclesias cōfugerint, neque seculari curia requirēte, neque verò ecclesiastica, extrahi possunt ad pœnā. Quare nihil aliud videbitur fortasse alicui in hac materia dicendū. Quod si de cōfugiētibus ad easdē Ecclesias propter ecclesiasticas causas ciuiles, quis interroget, vnico pœnē verbo responderi potest, ut idem omnino seruetur, quod suprā dictum est de iis qui ad Ecclesias cōfugiunt propter alias causas ciuiles.

Sed adhuc duo mihi dubia supersunt, eaque nō leuia de duobus ecclesiasticis delictis. Alterū est de crimine schismatis, alterū verò de iis, qui appellāt à sentētiis mādatisque Romani Pōtificis pro tempore existentis, an careāt Ecclesiarū immunitate, ita ut si quærātur ad pœnā, ab Ecclesiis, ad quas fortē cōfugerant, extrahendi sint. De his hoc apī te disputandum est.

De peccato schismatis aduertēdū, 1. schisma dici quasi scissura, eo quod vnica & vniuersalem Christi Ecclesiam scindit in partes, Isidoro teste in *lib. oryolog.* & habetur in *can. schisma* 24. q. 1. aduersatur autem octauo fidei articulo, quo credere iubemus vnā sanctā

FFFF 2 catholā

catholicam & Apostolicam Ecclesiam, cuius vnitas, vnióque, atque connexio in hoc posita est in humili, & charitatiua subordinatione membrorum Ecclesiæ inter se, & omniũ subiectione ad vnum supremũ caput, ex quo tota pendet, nempe Romanum Pontificem Christi in terris legitimum vicarium, ac Petri successorẽ, vt sub hoc capite omnes vnum corpus simus, quæ vnio assimila est vnica illi Christi tunica inconfutili, quam ne Iudæi ipsi, aut Romani milites diuidere auli forrem miserunt, vt aliquis eam integram haberet: atque ipsimet Christi corpori, cui ne mortuo quidem os comminatum est, sed totũ integrum intactũque seruatum. Vt qui scissuram, seu schisma in Christi Ecclesia facit, longè deterior sit illis militibus iniquissimis. Qui cùm in vinum Christi corpus crudelissimè defæuissent, totamque pœnẽ cutem flagellis dilacerassent, defuncti tamen non modò ossibus, sed vesti etiam quæ inconfutilis erat, pepercerunt.

3. Porro hæc subordinatio inter partes Ecclesiæ, atque vnio subiectionis totius populi Christiani, atque omnium Ecclesiarum ad vnum Christi Vicarium tamquam ad supremum caput huius vniuersalis Ecclesiæ tribus modis tolli potest. Vno modo per solum actum erroris in intellectu negantis hanc Ecclesiæ vnionem, ac subordinationem, & est mera hæresis absque schismate, quia nullam facit in re diuisionem, sed solũ in intellectu, atque in voce, vt si quis neget primatũ Romanæ Ecclesiæ, eiusque super omnes Ecclesias potestatem, & tuatque singulas Ecclesias partiales indepẽdentes abinuicẽ, &

inter has vnã partialẽ putet esse Ecclesiã Romanam, vel aliquot plures Ecclesias supreamas, à quibus aliarum dependant, & quæ nõ dependant inuicem, vt olim Patriarchales Ecclesiæ prætenderunt. Altero modo tolli potest eadẽ vnio ac subordinatio per actum prauæ voluntatis detestantis obedire Romano Pontifici tãquam Christi Vicario, & Ecclesiæ capiti absque vllò errore intellectas, siue hæc voluntas sit coniuncta cũ reali subtractione ab eius subiectione & obediẽtia, quo casu est perfectum, completum, & consummatum schisma, siue maneat in solo actu voluntatis, & est schisma quoddam incompletum, vtrũque autẽ purum schisma absque hæresi propterea quod nullus adsit error intellectus, sed sola voluntatis proteruita ac reuitentia. Terriò hæc vnio tolli simul concurrente errore pertinaci ex parte intellectus negantis Romanũ Pontificem esse caput Ecclesiæ, aut Ecclesiam Romanã esse caput omnium aliarum Ecclesiarum, & proterua voluntate, opereque externo, recusante illi obedire tãquam capiti, & hoc est communiter schisma, quo laborant ordinariẽ omnes Græci, Armeni, Tartari, Moscouitæ, Angli, qui omnes & hæretici simul sunt, & schismatici. At quoniã schismã etiã dicimus esse in Ecclesia, & schisma vniuersale quãdo plures assumuntur in Romanos Pontifices, ac pro Põtificibus se gerunt, ac pro talibus haberi ab omnibus volunt. Ideo vniuersalius loquendo de schismate aduertendum est ex Tab. in v. *schisma* §. 1. schisma duobus præcipuẽ modis posse committi. Vno modo tollendo primatum Romanæ Ecclesiæ, separatandoque se ab eius vnitate, & subiectione.

ne.



ne. Altero modo cōiungēdo se Romanæ Ecclesiæ, eique adhærendo, sed modo indebito. Primatus Romanæ Ecclesiæ duobus modis tolli potest ex Caietano 1. 2. q. 39. a. 1. ad 3. *dubium*, & secundū affectū, & secundū effectū; & ab hoc posteriore inchoando secundū effectum is qui committit hoc schisma non intendit quidē scissurā facere in Ecclesia, sed suam facere voluntatem, quæ sine scissurā nō est, ut qui præsumit vniuersalia Cōcilia congregare, vel cōgregata & iā dissoluta cōtinuare, & alia similia facere, hæc enim faciens se sibi met Ecclesiam, vel caput Ecclesiæ constituens, facit ut ipse nō sit pars Ecclesiæ catholicæ, quod est scissurā facere. Secundum affectum verò primatum Romanæ Ecclesiæ tollere quis potest duobus modis ex S. Thomæ 1. 2. q. 39. art. 1. *in corpore*, primò directè cum quis subtrahit se proteruè à subiectione & subordinatione Rom. Ecclesiæ, nec vult Christi obedire Vicario, quatenus Pontifex est, quod nostra ætate fecit Henricus VIII. Angliæ Rex, qui cū dispensationem quandam in causa matrimonij iniquam impetrare à Romano Pontifice non potuisset, eò venit dementiae, ut se constitueret caput vniuersale Ecclesiæ Anglicanæ, sibi que supremam ecclesiasticam arrogaret auctoritatem, secum in ea re, atque eum suis in quacumque etiam alia re dispensandi, nullam in Anglicana Ecclesia tribuens Romano Pontifici potestatem, quod schisma secuta est eius filia Regina Elisabetha paternæ impietatis simul cum regno hæres. Secundò indirectè faciendo scissuram à membris Romanæ Ecclesiæ, ita ut redderet in caput. Vt cū quis renuit communicare alicui Ecclesiæ

particulari, quia illa subiectionem debitam seruatur erga Romanam Ecclesiam, quo modo nostra ætate Græci cum sua Ecclesia non modò Romanæ Ecclesiæ Romanòque Pontifici subesse renunt, sed neque alicui Latinorum Ecclesiæ communicare villo modo volunt, ob eam rationem, quoniam omnes Latinæ Ecclesiæ Romanam Ecclesiam superiorem agnoscunt, & reuerentur.

Postremò qui se coniungit Ecclesiæ Romanæ indebito modo, schismaticus est; si se gerat ut Papam & caput ipsius Ecclesiæ Romanæ, cū non sit canonicè electus, id est, non à duabus partibus Cardinalium, ut cū sunt electi duo, vel tres. non enim fieri potest, ut vtrique, vel omnes duas suffragiorum partes habeant. habetur *in c. licet, de elect.* quo tempore si quis eorum sit canonicè electus, etiam si obstinatè velit se esse Papam, nec velit cedere etiam vocatus à Concilio; videtur mihi verè schismaticus haudquaquam esse, quamuis propter Ecclesiæ pacem, & vniuersale bonum teneretur ex charitate cedere Concilio, & consentire, ut de nouo fiat electio, deponito ab omnibus papatu; ut nullus à Concilio vocatus, ac venire recusans, & rem Concilij indicio committere, sit à schismate immunis. Hic vltimus schismatis modus, quoniam Ecclesiæ Romanæ adhæret, neque eius primatum negat, solamque dubitationem habet, an hic sit in particulari Pontifex, vel ille, quod in causa dubia ad maiorem fidei non pertinet, ideo non est natura sua cum hæresi coniunctus, nisi aliunde rationem hæresis assumat. His positis ad dubitationem, qua queritur an schismatici confugien-

res ad Ecclesiam sint ab ea extrahendi. Respondeo primò certum esse eos, qui cum schismate habent coniunctum pertinaciter errorem intellectus, siue hæresim negantes, primum Romanæ Ecclesiæ supra omnes Ecclesias, aut subiectionem aliarum Ecclesiarum sub Romana Ecclesia sine ullo dubio, si non tanquam schismaticos, at saltem tanquam hæreticos carere immunitate Ecclesiæ, ex ea extractos esse legitimè puniendos, & si vel relapsi sint, vel obstinati in hæresi, tradendos esse curiæ seculari extremo supplicio puniendos, igneque cremandos.

5. Secundò dico, si constet esse merè schismaticos absque ullo prorsus errore intellectus contra unitatem Ecclesiæ vniuersalis, aut primum Romanæ Ecclesiæ, nullo modo posse extrahi de Ecclesia ad pœnam, cum nullo iure sit eis immunitas abrogata, neque schisma inter casus hac constitutione expressos numeretur.

6. Tertiò dico, quoniam schisma, quo subtrahitur debita subiectio & subordinatio, Romanæ Ecclesiæ communiter & ordinatiè est coniunctum cum hæresi, hoc est, cum praua opinione pertinaciæ contra Romanam Ecclesiam, ideo schismaticus, qui se suosque subtrahit à debita subiectione, extrahendus est ab Ecclesia tamquam præsumptus hæreticus, vel suspectus de hæresi, & per Ecclesiarum prælatos, vel sancti officij Inquisitores diligenter ac seridè examinandus circa istum articulum de unitate Ecclesiæ vniuersalis, ac siquidem in hæ-

resi deprehendatur, contra ipsum, ut dictum est, procedendum est, siu omni errore careat, quod difficile contingit, est Ecclesiæ, ad quam confugerat, restituendus, & in ipsa Ecclesia iuuandus, ut à schismate liberetur. Atque hæc ita quidem loquendo de expresso iure communi, quoniam, ut dixi, nullo iure schismaticis est ab hoc immunitatis priuilegio interdictum. Quamquam, si rationum momenta ponderemus probabile videatur etiam puris schismaticis nullam immunitatem deberi, non quòd ab ea aliàs illis de iure debita aliquo postea iure excludantur, sed quòd immunitatis priuilegio non includantur, utpote qui sint extra Ecclesiam catholicam, cui subesse obstinatè detrectant, & si non extra per infidelitatem, extra tamen per infobedientiam, & subordinationem subiectionis, ut cni subesse nolunt, eius priuilegiis non participant. Cum enim immunitatis huius priuilegium ab Ecclesia Catholica Romana per suas canonicas leges concessum sit, consequens est ut qui huic Ecclesiæ obediunt, ac subesse obstinatè recusat, catholicorum obedientiam in seruando illi eodem priuilegio non experiatur. Ut enim frustra legis implorat auxilium, qui committit in legem, ita multo magis frustra implorat legis auxilium, qui nullatenus recipit Ecclesiæ leges, ac mandata.

Addo præcipuè in nostro Sicilia regno huic omnino negandum esse immunitatem, ubi speciali iure regni, ut dictum est supra lib. 3., caret immunitate quæ de-

linquit non modò intra, ac prope Ecclesiam, sed etiam qui contra Ecclesiam. Nullum autem delictum contra quameûque materialem Ecclesiam commissum, aded est contra Ecclesiam, pugnatque contra eandem, sicut crimen hoc schismaticis, quo quis subtrahit se & suos à debita catholica ac Romanæ Ecclesiæ subiectione, quod est contra rationem formalem Ecclesiæ, detrahendo eius vnioni, atque vniuersalitati, & subordinationi. Pondera ad hunc effectum rationes adductas lib. 6. propter quas delinquentes in Ecclesia caret immunitate.

8. Venio nuuc ad aliud crimen eorum, qui appellant à mandatis Romani Pontificis pro tempore existentis ad futurum Concilium, qui propterea excommunicantur in Bulla Cœnæ Domini, an si qui horum cum quærantur ad pœnam, ad Ecclesiam aliquam confugiant, sint in ea ad immunitatem admittendi, an verò extrahendi ad pœnam.
9. Ac primùm statuo non leue esse hoc peccatum, sicut alieui fortassis minus cogitâti prima facie apparere solet, est sacrilegium tendens contra Priuatum Romani Pontificis, vt egregiè obseruat Caiet. in sum. v. *Excommunicatio* c. 25. & sic appellantés iam olim pro schismaticis habiti sunt, vt notat Tabiena v. *Excommunicatio* 7. n. 211. & vt refert Iulius II. in quadam constitutione super hac re edita, Pius Papa II. huiusmodi appellationes tanquã erroneas & detestabiles damnauit, sicque appellantés voluit obnoxios esse pœnis iis, quæ læsæ maiestatis, & hæreticæ prauitatis reis imponuntur, vt refert Sylu. v. *Excommuni-*

*catio* 7. n. 93. Caiet. in v. *Excommunicatio* cap. 25. Et vt plenius intelligamus quantum hoc crimen ab antiquissimis temporibus Ecclesia detestata sit, aduertendum est à pluribus diuersisque Romanis Pontificibus constitutum esse non licere à iudicio, sententiæque Papæ ad aliquem appellare, qui de eius sententia iudicet, vt habetur in multis canonibus decretis 9. q. 3. Nam *can. nemo iudicabit*, Innocentius Papa statuit neque ab Augusto, hoc est, Imperatore, neque ab omni clero, intellige collectiue simul congregato, neque à Regibus, neque à populo indicari primam sedem iudicemque supremum totius orbis: vnde notat ibi glosa in v. *neque ab omni clero*, si torus mundus sententiaret in aliquo negotio contra sententiam Papæ, standum esset sententiæ Papæ, & probat ex *can. hac est fides* 24. q. 1. & clariùs Symmachus in *can. aliorum hominum* 9. q. 3. vbi expressè statuit quicquid fidelium est Romano Pontifici summitti, causas ipsius Pontificis suo reseruasse arbitrio, & B. Petri successores cælo tantùm (hoc est, Deo) debere innocentiam, *can. facta*. Idem testatur Antherus Papa; apertissimè verò sub appellationis voce sanxit Gelasius *can. ipsi sunt, eadem causa* & q. dicens canones, qui voluere appellationes totius Ecclesiæ ad examen sedis Apostolicæ deferri, sanxisse ab ipsa sede nusquam prorsus appellari debere ipsam de rota Ecclesiæ iudicare; ad nullius verò conuenire iudicium, nunquam de eius iudicio iudicari, eius sententiam non oportere dissolui. Idem Gelasius *ibid. can. sequenti*, qui incipit, *cuncta per mundum nouit Ecclesiæ,*  
repe

reperit Romanas fas habere de omnibus iudicandi, nulli autem licere de eius iudicare iudicio. Ex his habemus nullum omnino esse in terris, ad quem à mandatis & sententiis sedis Apostolicæ liceat appellare. Præterea quòd nulla est super sedem Apostolicam potestas, appellatio autem est à sententia inferioris ad superiorem prouocatio, & ratio est in promptu, quia nisi is ad quem appellatur sit superior, non potest corrigere sententiam iudicis, neque ab eius executione liberare. Qua eadem ratione ciuili quoque iure non licet appellare à sententia Principis. *L. unica. ff. à quibus appellare non licet.* Imò multo minus licet appellare à sententiis Papæ, quàm à sententiis supremorum Principum seculariū. Propterea quòd seculares Principes in aliquibus saltem casibus subsumunt Romano Pontifici, etiam in temporalibus. *c. per venerabilem, qui filij sunt legitimi.* Romanus verò Pontifex in nullo recognoscit vllum superiorem. Sed fortè, quia vix quisquam ausus fuerat appellare à sententiis Papæ, nulla in prædictis canonibus cōstituta est in appellantes pœna.

Processu temporis aliquis abusus ortus videtur circa huiusmodi appellationes, & quoniam nulla apparebat legitima persona, ad quam eiusmodi appellatio posset dirigi, videtur directæ fuisse ad futurum Concilium, qua ratione sententiæ Romanorum Pontificum omnino eludebantur. Irreperisse autem aliquem huiusmodi abusum, colligo ex duabus grauissimis constitutionibus super hac re editis à Pio II. & Iulio II. multa præuia discussione, grauissimis adhibitis pœnis. Ac Pij quidē constitutio non extat, refertur verò

pœna tota in constitutione Iulij, quæ habetur ad verbum apud Caiet. in v. *Excommunicatio, cap. 25.* & est tenoris sequentis. *Sanè olim felicitis recordationis Pius Papa II. Prædecessor noster de fratrū suorum S. R. E. Cardinalium, cunctōrumque prælatorum ac diuini, & humani iuris interpretum curiam Romanam sequentium in dicta, seu congregatione Mamuana existentium approbatione, maturā prius, & graui præmissa discussione, & eorundem congregatorum vniuersi consilio & assensu, ac ex certa scientia pronocationes ad futurum Concilium efficacissimas, & palpabilibus rationibus tanquam erroneas, & detestabiles damnauit: ac sub excommunicationis lata sententiæ, & interdicti pœnis præcepit, ne qua persona, cuiusvis dignitatis, siue etiam vniuersitatis, aut Collegij quouis quæsitæ colore ab ordinationibus, sententiis, seu mandatis quibuscunque suis & successorum suorum appellationem huiusmodi interponere audeat, & contrā faciemes vni cum fautoribus suis, & consiliis auxiliūque præstantibus (siue tabelliones sint, siue testes, aduocati, siue alij quicunque) non solum pœnis ac censuris prædictis, sed etiam his, quæ lase maiestatis, & hæreticæ prauitatis reus imponuntur, obnoxios esse statuuit. Et infra addit de proprio: *Discretæque pœnæ, & earum quamlibet omnes illos ipso facto incurrere volumus (cuiuscunque conditionis existant, & gradu prærogatiua præfulgeant) qui in senatu, consilio, parlamento, congregationibus etiam synodalibus, & prouincialibus, vel aliis quomodolibet taciitè, vel expresse, voce, vel scripto, per se, vel per alium, cuiuscunque timoris, vel reuerentiæ velamine, vel prætextu excusatione, & superioris mandato, non obstantibus, decreuerint, consulerint, seu deliberauerint, vel aliorum dicta approbauerint, consilium,**

aut

aut vocem dederint, ut ad futurum vniuersale Concilium à nobis, vel successoribus nostris Romanis Pontificibus contra predictam constitutionem appellare liceat, possit, vel debeat dictas pœnas ad ipsos, & eorum quemlibet contrauentionem in præmissis tenore præsentium dantes, & extendentes, & locum habere declarantes, omni ambiguitate cessante. Hæc Iulius Secundus in Extrauaganti suscepti regimini.

In his constitutionibus duo obseruanda sunt quæ ad præsentem disputationem pertinent. Alterum est quod appellationes à sententiis, & mandatis Papæ ad futurum generale Concilium damnatæ sunt tanquam erroneæ, ac derestabiles. Vnde & ut minimum præsumuntur continere errorem in fide. Ut meritò Caiet. in illo cap. 25. dicat materiam dictarum constitutionum esse sacrilegium contra sedis apostolicæ primatum, quem tacitè, & factis saltem negant qui sic appellantur. Quare isti propter præsumptum errorem in fide aliquo modo ut hæretici capi videntur, & ex Ecclesia extrahi. Alterum est quod volunt reos huius criminis obnoxios esse pœnis, hoc est, incurrere pœnas, quæ imponuntur reis læsæ maiestatis, & hæresis. Inter quas pœnas vna est, ut careant ecclesiastica immunitate, & ut hæresis rei per Ecclesiam cognoscantur. Ergo appellantes ad futurum Concilium hæ pœnæ per Ecclesiam infligi debent, quas ipso facto incurrunty ergo earent immunitatis priuilegio, quod mihi valde probabile videtur. Cætera quæ circa has constitutiones dici possunt, alibi sunt à nobis tradita in commentariis in Bullam cœnæ Domini, canone secundo.

P. Gambas de immunit. Eccl.

*Quid in causis, & delictis ecclesiasticis, & mixtis agendum sit, an index secularis de eis se intrromittere ordinariè possit.*

## CAPVT VI.

QVONIAM Pontifex posteaquam §. 9. crimen hæresis, & ecclesiasticarum personarum, delicta etiam ea quæ hac ipsa constitutione expressa sunt, ad forum ecclesiasticum pertinere decreuit; subdit etiam crimina ecclesiastica ad idem forum pertinentia à quocumque committantur, etiam laico per Ecclesiarum prælatos, non autem per laicos, nisi quatenus de iure permittitur cognosci debere. Hæc autem omnia de foro ecclesiastico in hoc §. per Romanum Pontificem addita sunt, tam quoad personas ecclesiasticas, quam quoad ecclesiastica delicta, ne occasione præsentis constitutionis, in qua de laicis in certis casibus per Episcopos extrahendis de Ecclesia ac seculari curiæ consignandis, aliquis putaret etiam personas ecclesiasticas, aut etiam laicas in criminibus ecclesiasticis confuentes ad Ecclesiam per Episcopum extractas eidem seculari curiæ consignari, ut ipsa de eis cognosceret aut debere, aut licere.

Pro declaratione autem aduertendum est certum esse in Christi Ecclesia ipsius Christi diuina institutione esse ecclesiasticum forum, ecclesiasticam in ipsis Ecclesiarum prælatis potestatem, cui causæ aliquæ diuino iure sunt reseruata, de quibus non possit laica etiam

G G G Regum

Regum atque Imperatorum potestas cognoscere, vel sese quoquo modo intromittere; neque residere utramque in seculari Principe, sed laicam solum potestatem, quæ ecclesiastica potestas velut in fonte residet in summo Romano Pontifice tanquam in Christi in terris Vicario, & legitimo Petri successore: ab eo autem deriuatur in reliquos omnes prælatos iudicésque ecclesiasticos, non omnis quidem, sed magna pars quibusdam causis ipsi Romano Pontifici in signum specialis prærogatiuæ, atque præminentiæ reservatis. De hac distincta Pontificis, ac Principis secularis potestate disertè loquitur Nicolaus Papa in epistola ad Michaëlem Imperatorem, cuius aurca certè verba bis refert Gratianus in decreto, semel in *can. quoniam* d. 10. atque iterum *can. cum ad verum* d. 56. *Meditator* (inquiēs) *Dei & hominum homo Christus Iesus sic actibus propriis, & dignitatibus distractis, officia potestatis utriusque discreuit, ut & Christiani Imperatores pro æterna vita Pontificibus indigerent, & Pontifices pro cursu temporalium tantummodo rerum imperialibus legibus uterentur, quatenus spiritualis actio à carnalibus distaret incursibus, & ideo militans Deo minime se negotiis secularibus implicaret, ac vicissim non ille diuinis rebus presidere videretur qui esset secularibus negotiis implicatus.* Sed & Gelasius item Papa Anastasio Imperatori in eadem sententiam ita scribit, & refertur in *can. duo sunt* d. d. 96. *Duo sunt, Imperator Augustissime, quibus principaliter hic mundus regitur, auctoritas sacra Pontificum, & regalis potestas.* Ioannes demum Papa,

ut cæteros præteream, in *can. si Imperator, in eadem* d. 96. *Si Imperator, inquit; catholicus est, salua ipsius pace dixerimus, filius est, non presul Ecclesia. Quod ad religionem attinet, discere ei competit, non docere. Habet privilegia sua potestatis quæ administrandis legibus publicis diuinitus concessus est, ut eius beneficij non ingratius contra dispositionem celestis ordinis nihil usurpet. Ad sacerdotes enim Deus voluit, quæ Ecclesia disponenda sunt, pertinere. Quo loco primùm obserua, hos omnes Pontifices concordì sententia testari diuino iure discretam esse potestatem Pontificis à potestate regia, & supremi Principis temporalis quocumque is nomine vocetur. Ut certum sit aliquas causas, ad quas sola Ecclesia habet potestatem, pertinere ad eandem iure diuino, atque omnem Ecclesiæ potestatem diuinitus illi traditam. Quod secus est non modò de ipsa potestate supremi Principis temporalis, quæ tota humana est, inque ipsum Principem ab hominibus illi subiectis translata est. Cum enim iure naturæ residet in ipsa republica atque hominum multitudine, eo ipso quòd homines aliquem sibi præposuerunt, à quo regantur, omnem in illum potestatem transtulerunt. Non ergo dedit Christus laico Principi potestatem quam ille longè antea, & habebat, & exercebat in sibi subiectos, sed discreuit ab eius potestate ecclesiasticam potestatem, causasque ecclesiasticas introduxit, quas voluit ad solius Ecclesiæ potestatem pertinere*

tinere. Hinc Theodosius junior cum Candidianū Comitem ad Ephesinam Synodum cum literis destinasset, ita ad Synodum eandem scripsisse fertur, & habetur in *can. satis evidenter d. 96. Deputatus est magnificentiſſimus Comes Candidianus strenuorum domesticorū transire usque ad sanctiſſimam vestram Synodum, & in nullo quidem iis, quæ faciendæ sunt de piis dogmatibus quæſtiones, seu potius expositiones communicare. Illicitum namque est eum, qui nō sit ex ordine sanctiſſimorum Episcoporum, ecclesiasticis intermisceri tractatibus. Quibus verbis ingenuè fateretur Imperator id ad se non pertinere, diuino autem iure tenentur subditi obedire Principi seculari quatenus eo ipso quoddam publica potestatem tranſtulit in Principem tenentur singuli diuino ac naturali Decalogi præcepto obedire eius legibus ac mandatis iustis & honestis, & ipsum reipublicæ bonum concernentibus. Ut idcirco dicat Apostolus eum, qui potestati resistit, Dei ordinationi resistere. His singulis disputandis, probandis, declarandis non immoror, quoniā id nō est præſētis disputationis.*

3. Aduerrendum secundò certum esse in Christi Ecclesia, Romanòque Pontifice esse potestatem trahendi ad se, atque ad tribunal Ecclesiæ aliquas causas, præter eas quæ Christi institutione diuinòque iure ad ipsam pertinent, quas cum expedire iudicauerit pro bono ipsius Ecclesiæ, & animarum spirituali bono, in quibus iudicat, tutius esse per Ecclesiam iudicari, ac cognosci. Sicut enim potest laicas Principum supremorum leges corrigere, abrogare, limitare, atque ipsum Principem deponere, id quod & aliquando fecit; ita po-

test eius autoritatē ac iurisdictionem limitare, ut de certis causis quæ iure diuino ei ablata non sunt non cognoscat. Non potest autem trahere ad se omnes causas in præiudicium laicæ potestatis, neque verò quas cumque pro sua voluntate, sed solum quas rationabiliter iudicauerit, expedire, pro communi bono spirituali, & pro ipsius Ecclesiæ dignitate, quæ sibi ab ipso Christo commissæ est.

Notandum tertio ex Couar. lib. 4. practicar. quæst. cap. 31. concl. 1. has omnes causas esse natura sua merè spirituales, & ad Ecclesiæ, ac prælatorum eius potestatem diuino iure Evangelij pertinere; nulla autem ratione ad potestatem Principis secularis: nempe quæcumque de ordinibus, gradibusque ecclesiasticis, de sacramentis, de observationibus, aliisque rebus ecclesiasticis, quicquid denique inter quoscumque Christianos contingens ortum habet ex aliquo, quod specialiter ad Ecclesiam, ad fidem catholicam, ad legē Evangelicā, ad religionē Christianā pertinet. Idem docet Alberr. Pighius lib. 4. de eccles. hierarch. cap. 11. col. 5. & Farinac. q. 8. de Inquisit. n. 20. Item spirituales causas, ac debita per Ecclesiam cognoscenda sunt hæresis, sacrilegij, simoniæ, peruriij, vsurarum. causæ item electionum ad beneficia ecclesiastica, postulationum, provisionum, dignitatum, officiorum ecclesiasticorum, canonicatuum, causæ decimarū ecclesiasticarum, matrimoniorum, natalium, iuris patronatus, & aliæ non paucae, quæ refert Vant. in tit. de nullis. ex defectu iurisdiction. n. 14. & in clem. diffidiosam. & Sigismūd. Scac-

cia in tract. de iudic. causis civil. & crimin. lib. 1. cap. 11. n. 50. & 51. Atque causam quidem matrimoniorum ad Ecclesiam pertinere expressè docet gl. in summa 11. q. 1. itemque gl. in c. ex tenore, de foro compet. in v. ecclesiasticum. & probatur euidenter ex c. causam matrimonij, de off. iudic. delegati, & c. ex literis, de consanguin. & affin. Causam nataliū pertinere ad eandem ponit d. gl. in c. ex tenore, & probat ex c. lator, & c. causam, qui filij sint legitimi. eidem Ecclesie causam adulterij tribuit gl. in c. cum sit generale, de foro competenti, in v. malefactores, & alia gl. in c. 1. de off. iud. ordinarij, in v. secundum quod canones. probatque ex c. one, ab isto die, 1. & 2. 35. q. 6. & can. multorum, ibidem. Item causam de consanguin. inter virum & uxorem eidem Ecclesie tribuit, eadem gl. in d. c. 1. de off. iud. ordinarij. causam decimarum ecclesiasticarū inter pertinentes ad Ecclesiam refert gl. in summa 11. q. 1. & in c. ex tenore, de foro compet. in v. Ecclesiasticum, probatque ex tit. de decimis, per totum.

5. Causam iurispatronatus per Ecclesiam cognosci, quamvis iurispatronatus merè spirituale non sit, cum in laicis etiam reperiatur, tenet expressè gl. in d. ex tenore, sæpe cit. & in c. cum sit generale, de foro compet. in v. malefactores, & probat ex c. quanto, de iudic. & ex toto tit. de iure patronat. & probat hæc posterior gl. quoniam licet non sit ius spirituale, tamen ita est spiritualibus adnexum, ut nullus nisi ecclesiasticus iudex possit de eo cognoscere.

6. Causam hæresis ad Ecclesiam solam pertinere docent multæ gloriæ. nempe gl. in sum. 11. q. 1. Item

gl. in c. cum sit generale, in v. malefactores, & gl. in c. 1. de off. iud. ordinarij, in v. secundum quod canones. probat ex c. excommunicamus, de heret. & aduicimus, & ex toto tit. de heret. sæpius repetito in decretalibus, sexto, clementinis, &c. causam usurarium ad ecclesiasticum spectare iudicem, docet expressè gl. sæpe cit. in summo 11. q. 1. & gl. in d. c. ex tenore, quæ id probat per textum in c. quoniam, de usur. & in toto tit. de usur. & gl. in d. c. 1. de off. iud. ordinarij. Causam item simoniæ Ecclesie tribuit gl. in d. c. cum sit generale, in v. malefactores, & gl. in d. c. 1. de off. ordinarij, in v. secundum quod canones. Causam item periurij d. gl. in c. cum sit generale. & causam sacrilegij gl. in d. c. 1. de off. ordinarij.

Postremò gl. in c. licet ex suscepto, 7. de foro competenti, in v. vacante imperio, quinque præcipuos recenset casus, in quibus Ecclesia iudicat etiam laicos. Primus est cum nullus est superior temporalis, ad quæ possit laicus appellare & est casus d. c. licet ex suscepto. Ut cum vacat imperium, vel regnum, appellatur ad Ecclesiam. Secundus cum iudex secularis negligit facere iustitiam, ut in d. c. licet ex suscepto. & c. ex tenore, de foro competenti. Tertius cum aliquid fuerit ambiguum & difficile, & inter iudices seculares variatur. c. per venerabilem, qui filij sint legitimi. Quartus in omni crimine ecclesiastico, usuræ, sacrilegio, & similibus. Quintus cum per denunciationem criminis deferretur ad Ecclesiam. c. nouit, de iudic. Addit deum sextum ratione connexitatis, ut in dote, quæ connexitatem habet ad matrimonium. c. de prudentia, de donationibus inter virum & uxorem,



rem, quamvis dos mihi videatur non tam connexionem habere ad matrimonium propriè loquendo, quàm dependentiam, quo fit vt si agatur de dote antequam terminetur causa de matrimonio, ad laicum iudicem pertineat, si verò postquam de causa matrimonij fuerit definitum, sit tamquam depēdens à matrimonio, potest per iudicem ecclesiasticum terminari, dependentem autem vocat gl. in c. fin. de iudic. lib. 6. Hos præcipuos simul cum multis aliis addit ibidem gl. pleròsque alios his Hostiensis verbis comprehensos:

*Hæreticus, simon, seruus, periuurus, adulter,  
Pax, priuilegium, violentus, sacrilegusque,  
Si vacat imperium, si negligit, ambigit an sit  
Suspectus iudex, si subdita terra, vel vsus,  
Rusticus, & seruus, peregrinus, seuda, viator,  
Si quis poeniteat, miser aut sit, causaque mixta,  
Si denunciat Ecclesia, quis indicat ipsa.*

8. Notandum quartò non omnes causas quas hætenus recensuimus ad Ecclesiam pertinere, sed solùm causas merè spirituales, quædam verò sunt causæ mixtæ, seu mixti fori, quæ ab vtroque iudice, ecclesiastico nempe ac civili cognosci possunt, quando inter laicos versantur. Nam & de vsuris iudicat etiam laicus iudex, & causæ de raptoribus, seu inuasoribus rerum ecclesiasticarum, licet sacrilegium sit. Quandoque tamen per secularem iudicem punitur leg. si quis in hoc genus, Cod. de Episcopis & clericis. causa itera petiurij, cum præsertim quis in iudicio

seculari falsus testis petiurusque fuit, & aliæ nonnullæ, quæ ideo mixtæ dicuntur, quia aliquid habent de civili seu temporali, vt est res temporalis, accepta ratione mutui. vltra sortem, & aliquid de spirituali, quatenus est diuina lege prohibita cum obligatione restituendi. Sic in petiurio aliquid est spirituale, nempe violatio sacramenti, & aliquid temporale, nempe damnum illarum proximo.

Notandum quintò ex gl. sepe cit. 9. in summa 1. 1. q. 1. causas vniuersè sic diuidi posse, vt alia secularis sit, alia ecclesiastica. Ecclesiastica verò alia spiritualis, alia criminalis, alia civilis. Spiritualis, vt cum agitur de decimis, matrimoniis, sacramentis, &c. criminalis, cum agitur de crimine ecclesiastico, hæresi, simonia, adulterio, &c. civilis, siue pecuniaria, vbi agitur de rebus temporalibus, de fructibus beneficiorum, & similibus. Omnes autem causæ, quæ ad ecclesiasticum iudicem pertinent, ad aliquod horum capitum reduci possunt.

*De quibusdam regulis ad discernendum ad ecclesiasticum ne, an secularem iudicem spectet causa siue principalis, siue incidens qua spiritualis videtur, siue connexa spirituali.*

## CAPVT VII.

**D**VAS regulas. affert gl. in c. 1. quanto, de iudic. Prior est de causis mixtis: causæ mixtæ inter spirituales & temporales magis sequuntur naturam spiritualis, quæ

G G G g 3 tempo

temporalis ex qua infertur magis esse spirituales, & per ecclesiasticum iudicem cognoscendas. Posterior regula, In his quæ sunt connexæ, siue adnexæ spiritualibus, idem iuris esse quoad iurisdictionem, atque in metè spiritualibus, & consequenter per solum ecclesiasticum iudicem debere cognosci. Vtramque regulam recipit expressè Panorm. in d. c. quanto n. 1. & 3. ubi prioris regulæ primò insinuat rationem, dicens mixtum sequi naturam simplicis dignioris. cum enim supponamus mixtum ex spirituali & temporalis, constetque spirituale esse dignius temporali, consequens est, mixtum huiusmodi magis sequi naturam spiritualis partis, deinde adducit exemplum iuris patronatus, de quo in eo capitulo est sermo; quod mixtum est ex spirituali ac temporalis, partim enim est spirituale, partim temporale, ut notat gl. in c. pia mentis 16. q. 7. & hoc sequitur naturam spiritualis, ut in d. c. quanto, de iudic. & c. de iure, extra de iure patronat. & c. praterea, de transactionibus. quo loco obiret dico post Panormitanum in d. c. quanto, n. 5. ius patronatus dici mixtum ex spirituali, quatenus præparat, & disponit clericum per præsentationem ad contrahendum matrimonium spirituale cum Ecclesia per institutionem faciendam ab ecclesiastico prælato. Neque enim contrahitur aliquod vinculum, nec inchoatur matrimonium spirituale inter præsentatum & Ecclesiam, ad quam præsentatur, sicut inchoatur per electionem, neque ullum omnino ius acquiritur præsentato, ut habet expressus text. in c. pastoralis, de iure patronat., & ideo patronus, postquam præsen-

tanit vnum, potest alium & alium præsentare. sed præsentatio est solum præparatio personæ, cum qua postea contrahatur matrimonium, & ut loquitur textus in c. quod autem, de iure patron. est quoddam inchoamentum ad spiritualitatem obtinendam. Est autem temporale quatenus competit laico propter foundationem, dotationemque Ecclesiæ, seu etiam constructionem factam de suis bonis temporalibus.

Hinc idem dico de matrimonio inter fideles. Matrimonium enim partim est spirituale, quatenus est vnum ex septem Ecclesiæ sacramentis, partim est quid temporale; quatenus est contractus civilis, qui stipulatur inter virum & uxorem manu notarij publici viri secularis etiam laica auctoritate ad illud munus approbati, quo sibi inuicem tradunt propria corpora ad mutuam societatem, vsūque coniugalem; & quoniam ille ipse civilis contractus inter fideles transit in sacramentum, ideo Ecclesia ratione potestatis quam habet inhabilitandi personas ad simul contrahendum ponendo impedimenta dirimentia potest facere, ut quod aliàs esset sacramentum; propter impedimentum præfens, non sit sacramentum, ideo totum iudicium de matrimonio, quando circa illud occurrit quæstio iuris, an validum sit, nec ne; totum, inquam, pertinet ad Ecclesiam, non solum ratione partis principioris, sed etiam ratione contractus, cuius leges præscribere ad Ecclesiam pertinet, & consequenter ad eandem pertinet cognoscere de legitimitate, seu natalibus, quoties quæstio est de iure,

iure , fuerint matrimonium validum , nec ne. & dico , quorū est quæstio iuris , quia aliter dicendum est in quæstione facti, vt infra dicam. Ita beneficium ecclesiasticum constat ex titulo, quia est quid spirituale faciens matrimonium spirituale inter beneficiatum & Ecclesiam, & ex fructibus , qui videntur esse quid temporale, ratione vtriusque iudicium pertinet ad Ecclesiam.

3. Posteriorem glossæ regulam recipit idem Panormitanus in d. c. quanto , de iudic. num. 4. & eius rationem insinuat , dicens : *Assumunt enim connexa naturam eius rei , cui connectuntur ex ipsarum connexionē , & cohesione ad illam. l. qua religiosus. ff. de rei vendic. & c. super eo, de Parochiis* , quo fit vt connexa rebus merè spiritualibus assumant naturam spiritualitatis.

4. Ex hac ergo posteriore regula deduco aliā singularem regulam , quā hactenus apud neminem reperi. Connexa rei mixtæ ex spirituali ac temporali , siquidem sint connexa ratione partis spiritualis , ad ecclesiasticum ; si verò ratione partis temporalis , ad secularem iudicem pertinere. Declaro : matrimonium , vt dixi , constat ex spirituali , nempe sacramento nouæ legis inter fideles , & ex temporali contractu , nempe ciuili : quæcumque sunt connexa matrimonio, vel ab eo dependent , quatenus est sacramentum , ratum nempe ac validum , vt est quæstio de natalibus , de successione, in bonis præsertim feudalibus , & fideicommissis legatis ad legitimè descendentes , ad iudicem ecclesiasticum, vt dixi, perti-

nent. Eidem matrimonio quatenus contractus ciuilis est inducens marito onus alendæ vxoris, adnexa est dos dotata vxori pro alimentis, quoniam hæc adnexa est matrimonio, quatenus ciuilis contractus est , & nihil habet spiritualitatis , quæstio de dote vel restituenda , vel detinenda , vel de eius soluendis fructibus , quousque ipsa persoluantur ad secularem iudicem per se pertinet; ad eundem etiam pertinet quæstio de successione in hæreditate, etiam si exceptum sit quod non possit succedere , propterea quod sit illegitimus. Tunc enim quæstione de illegitimitate ecclesiastico iudici relicta , apud laicum agitur de hæreditate. c. lator , qui filij sint legitimi. vbi ei , qui illegitimitatē abiicit , dantur duo menses ad probandū obiecta corā iudice ecclesiastico. quod si intra dictos menses non probabit , moneatur iudex laicus , vt pro quæstione natiuitatis nō dimittat causā super hæreditate audire , ac decidere , & longè clariùs ad hoc facit text. in c. causam qua, eodem tit. vbi cū in simili causā Pontifex suis literis inseruisset, vt ei , cui illegitimitas mairis obiecta fuerat, iudex ecclesiasticus possessionem omnium bonorum , quorum possessor extiterat , quando auus suus Hierosolymam profectus erat , ante principalis causæ ingressum restitui faceret , si eadem possessione fuisset per violentiam spoliatus , corrigat Pontifex hoc , quod mandauerat, dicēs : *Attendentes quod ad regē pertinet , non ad Ecclesiam , de talibus possessionibus indicare , ne videamur , inquit , iuri regis Anglorum detrabere , qui ipsarum iudicium ad se afferit pertinere, fraternitatis vestra mandamus Re-*

*gi possessionum iudicium relinquentes, de causa principali, an mater praelati sit de legitimo matrimonio nata.*

5. Et quoniam in alio foro questio natalium, seu natiuitatis, in alio questio hereditatis tractanda est, aduertendum aliud esse cum questio est de petitione hereditatis adeundæ, aliud cum questio est de petitione hereditatis, qua quis spoliatus est, restituendæ. cum enim questio est de petitione hereditatis adeundæ, parte opponente illegitimitatem coram iudice laico, debet laicus iudex sistere in causa, & mittere ad iudicem ecclesiasticum, vt de natalibus iudicet, neque enim sunt ambæ questiones simul tractandæ. *c. tuam, de ordine cognition. & c. lator, qui filij sunt legitimi.* & ratio affertur *in d. c. tuam*, quia ambas simul tractare questiones, & nam coram laico, alteram coram ecclesiastico; nihil aliud esset, quam diuersis processibus intricare negotium, & confusione quadam iudicij ordinem perturbare. Idque tanti facit Pontifex vt in causa non priuata personæ, sed Reginæ Cypti hereditatem petentis defuncti comitis Capaniæ, præceperit Regi Gallici, vt si pendente causa natalium dicat Reginæ apud sedem Apostolicam, ipsa Regina coram Rege de hereditatis causa agere tentet, eam non audiat, donec sedes Apostolica causam natalium terminauerit. Si verò questio sit de petitione restitutionis hereditatis; qua quis spoliatus est, prius debet iudex laicus de spolio cognoscere, inbereque spoliato restitui hereditatem, quam causa natalium apud iudicem ecclesiasticum tractetur, vt *in d. c. causam, qui filij sunt legitimi.*

6. Tertiã regulam colligo ex Ar-

naldo Albert. *in lib. de agnoscendis assertionib. cathol. q. 25. concl. 5.* quando in questione mota coram iudice occurrit questio incidens, vel emergens, cuius ipse est incapax, vt de ea principaliter iudicare non possit, iudex non potest cognoscere de illa questione incidenti, seu emergenti, sed debet remittere ad iudicem, qui potest de ea cognoscere principaliter. Declaro cum eodem Albertino ex doctrina doctorum supposita duplici distinctione. Prior distinctio est questionem incidentem, seu emergentem aut esse questionem iuris, aut facti. Posterior distinctio siue sit iuris, siue facti, aut questio incidens est de re merè spirituali quoad naturam suam, & quoad subiecta, in quæ cadit, ita vt in solos clericos cadat, vt est eligere ad beneficia, ordines conferre, Ecclesias possidere, ac de ipsis ordinare, punire clericos, ita si esset questio facti an quis sit hereticus, excommunicatus, simoniacus. Aut de re spirituali, quæ etiam cadit in laicos, siue de re mixta. Priorem distinctionem tradit Bart. *in l. Titia. ff. soluto matrimonio, & in l. omni nouatione. Cod. de sacrosanct. Eccles. & in l. quoties. Cod. de iudic. Bald. in d. l. Titia. Anton. de Butt. in c. cum sit generale col. 2. de foro compet. Federicus de Senis consil. 96. quod incipit, Apparet quadam lex. Paul. de Eleazar in clem. 1. de usur. & Io. Andreas in c. tuam, de ordine cognition. col. fin. & ibi Imola. & alij non pauci relati apud Albertin. d. concl. 1. n. 52. Posteriorem distinctionem ponit Petrus de Ancharan. *in c. ea que, de regul. iur. lib. 6. q. 4.* relatus apud eundem Albertin. n. 55. His suppositis dicit Bart. & qui illum sequuntur, si incidat spiritualis, vel circa spiritualia quæ-*

quæstio iuris apud iudicem laicum, remittendam necessariò esse ad iudicem ecclesiasticum, an sit validum matrimonium, semper enim quæstio iuris in his spiritualis est; si verò incidat vel emergat coram eodem iudice in materia spirituali quæstio facti, potest illam ipse laicus terminare, quoniam factum ipsum nihil habet spiritualitatis. Propono exemplum. In petitione hæreditatis excipit pars aduersa nõ deberi hæreditatem petenti, quoniam sit illegitimus, quæstio est spiritualis natalium. declarat illegitimitatem, quoniam inter patrem eius & matrem non fuit contractum vnquam matrimonium, vel quoniã vxor illius fuit perpetuò sterilis, & se grauidam fingens, ac parturientem alienam prolem supposuit, tanquam suam. Quæstio illegimitatis, quæ incidit in hac causa coram iudice laico potest esse duplex, vna iuris, vt si concessio contractum matrimonij diceret illud non fuisse legitimum, & hæc omnino ad iudicem ecclesiasticum tamquam spiritualis de validitate matrimonij remittenda esset, sed hæc non proponitur. Alia verò facti an fuerit contractum matrimonij, an vxor illius pepererit, hæc nihil habet spiritualitatis, & hæc proponitur solum, debet per ipsum laicum iudicem expediri. Ita in quæstione & lite mota super petitione debiti, pars aduersa excipit de vxoris, causa spiritualis est. Potest hoc facere primò mouendo quæstionem iuris, si constentur partes contractum quem aduersarius usurarium prætendit, & remitti debet ad iudicem ecclesiasticum. Secundo mouendo quæstionem facti, dicendo non hunc esse contractum, sed vi-

*P. Gambac. de immun. Eccl.*

tiatum esse, non sibi solum esse totam pecuniam, sed medietatẽ, vel duas tertias, aliam tertiã positã esse pro lucto ultra sortem. Hanc quæstionem, quia nihil habet spiritualitatis, terminare potest iudex laicus, apud quem tractatur causa principalis, nec tenetur remittere ad iudicem ecclesiasticum. Cum enim subiecta sint laica, & quæstio nihil habeat spiritualitatis, posset de illis iudex secularis etiam principaliter cognoscere.

In delictis & quæstionibus merè spiritualibus, vt est hæresis, &c. nec quæstio facti apud iudicem secularem tractari potest, sed tota causa ecclesiastico iudici relinquitur.

*An aliquando, seu aliquo casu possit curia secularis de iure procedere in criminibus, causisque ecclesiasticis, & contra ecclesiasticas personas.*

#### CAPVT VIII.

**O**Ccasione præbent huic dubitationi verba illa præsentis §. 9. quibus cum vetuisset Pontifex ne secularis curia contra ecclesiasticas personas se immittat, ne de criminibus ad forum ecclesiasticum pertinentibus cognoscere præsumat, limitationem addit, dicens: *ne aliter quàm de iure, & per regularium ordinem privilegia permittitur.* Videndum ergo est quidnam permittatur.

Et quantum ad crimen hæresis, i. quod totum merè ecclesiasticum est, certum est seculari curiæ, et-

HHH iam

iani postquam hæreticus est, illi per sanctæ fidei Inquisitores traditus, nullam illi competere causæ hæresis cognitionem, sed siue iuste, siue iniuste damnatus & illi traditus sit, competere illi solam executionem pœnæ ignis per eam statim faciendam, prout superius diximus, id quod contra Barr. & Gulielmum de Cuneo in *l. magistratibus. ff. de iurisdic. omnium iud.* quos sequuntur complures, Alberic. de Ro. la. Baldus, Rapha. Fulgos. & Paulus de Castro in *d. l. magistratibus*, expressè tenent canonistæ, Anton. de Butr. in *c. 1. de off. ordinarij col. penultima. vers. nūquid autē. Angel. in l. Diuus. ff. de custo. re. & in l. 1. Cod. de exhib. reis. Salicet. in l. ea quidem, Cod. de accusat. col. 7. Decius in *d. l. magistratibus*. Ancharan. in *c. 1. de off. ordin. & in c. at si clerici, de iudic.* Panorm. in *d. c. 1.* & alij, & est certa sententia per expressum æxtum per *c. ut inquisitionis, in initio, & in §. prohibemus, de heret. lib. 6.**

2. Volunt tamen quidam posse curiam secularem, posteaquam hæreticus sibi traditus est, per Inquisitores illum interrogare, vt confiteatur an sit ipse, de quo sententia condemnatoria loquitur, sicut facere solet de bannito capto. Refert Albertin. *loc. cit. concl. 4. n. 49.* sed iudex qui hoc faceret, inquit ibi Albertin. exponeret se periculo, in quo facile periret. Quid enim si ille hæreticus traditus foro seculari sic interrogatus neget se illum esse, de quo loquitur sententia Inquisitoris? nunquid per eius negationem res efficeretur dubia? certe sic. *l. final. Cod. quibus ad libert. reclama. non licet.* ergo adhibendi e-

tunt testes, qui illum cognoscant, vt de corpore constet, & quid si cum antea vocaretur Petrus, postea mutato nomine vocetur Ioannes? vt multi faciunt, maior surget probandi difficultas, & causæ cognitio erit instituenda, & pars citanda, & alia multa facienda, quibus executio in reum retardaretur diutius, contra dispositionem *d. §. prohibemus*, quæ iubet fieri iudiciale. Ideo sanum consilium est, vt iudex nihil omnino interroget, sed sibi traditum iubeat statim duci ad supplicium.

Quoad alia grauissima delicta, 3. quæ non sunt merè ecclesiastica, si clericus tradatur curiæ seculari, Albertin. *d. q. 25. concl. 4. n. 43.* expressè tenet iudicem secularem non teneri stare processui, ac sententiæ iudicis ecclesiastici, vt hunc sibi traditum ultimo supplicio affici curet, sed posse de nouo causam examinare, & attentè considerare an sit dignus morte, an verò aliqua alia pœna, vt est, inquit, casus in *§. si verò crimen, auth. de sanctissimis Episcopis collat. 9.* id quod de plano procedit, quando crimen est tale, vt vterque iudex tam ecclesiasticus, quàm secularis posset de illo cognoscere, vt quando clericus degradaretur propter homicidium qualificatum, vel propter seditionem, vel aliud simile delictum mixti fori, iuxta *c. cum sit generale, de foro compet.* Probat ratione, quia cum delictum sit mixti fori, hoc ipso quòd clericus degradatus degradatione reali traditur seculari iudici, ille clericus efficitur de foro suo, & habet illum iudicare non vt merus executor (quod facit in delicto merè ecclesiastico)

fiastico) sed ut superior, & legitimus iudex ipsius, & ita propriè loquitur textus in d. §. si verò crimen, ut egregiè notat Anton. de Buttr. & post eum Panorm. in c. 1. de off. ordinary, Bart. in l. Diuus, & in l. non dubium. ff. de custod. ita ut Episcopus per suam degradationem & traditionem curiæ seculari, solum præstet occasionem iudici seculari ad pœnam, condemnatio verò ad eam per ipsum iudicem laicum fiat. eodem modo intelligit eundem §. Alex. & recentiores Doctores in l. magistratibus, in fin. ff. de iurisdic. omnium iudicum, ut procedat in quocumque alio crimine, propter quod clericus degradatus traditur, excepto solo crimine hæresis.

Cetera quæ sunt non iam de delictis, sed de clericis, quibus casibus possint cognosci per iudicem secularem dicentur infra in posteriore libri huius parte in multis capitulis.

*De maioribus causis ecclesiasticis soli Romano Pontifici reservatis.*

## CAPVT IX.

**R**ECENSIVIMVS cap. 6. causas & delicta ecclesiastica, ac circa ea duobus sequentibus capitulis 7. & 8. nonnulla declarauimus, operæ pretium erit causas eas hoc capite recensere plenioris doctrinæ gratia, quæ soli sedi Apostolicæ referuantur, de quibus habetur expressus textus in c. maiores, de baptismo, & eius effectû, in his primo loco numeratur causa fidei, ut habetur expressè in d. c. maiores, & in can. quo-

tus 24. q. 1. quod non ita intelligendum est quasi ad ipsum solum pertineat punire hæreticum, hoc enim ad omnes Episcopos, & fidei Inquisitores spectat; sed quod ad Papam pertinet de quauis propositione non damnata ferre iudicium, eamque hæresim esse declarare, authoremque hæreticum, iubereque aliquid de fide teneri. Gloss. in can. perceptis d. 12. & in c. post translationem, de off. legati. post causam fidei, quam primo loco ponit, has alias ait esse maiores causas.

Secundò translationem Episcoporum, sediumque cathedralium mutationes. de primo habetur expressus text. in can. 1. 17. q. 1. de secundo verò in can. mutationes, eadem causa & q.

Tertiò condemnationem Episcoporum ad eandem pertinere sedem, eorundemque accusationes, & definitiones apud eam faciendas expressè habetur can. quamuis, & can. dudum 3. q. 6. & can. duodecim. 5. q. 4. ubi non modò statuitur, sed etiam ostenditur id ab Apostolis, eorumque successoribus fuisse præceptum. Hinc apparet quàm rationabiliter Innocentius Papa in can. duo sunt d. 96. excommunicauerit Arcadium Imperatorem, propterea quòd consenserit B. Ioannem Chrysostomum de sua sede expelli in exilium, ut refert Gelasius Papa in d. can. duo sunt.

Quartò ad eandem pertinere depositionem Episcoporum (quæ grauissima pœna est) & condemnatio ex eisdem apparet canonibus. Vnde & Nicolaus Papa in epistola ad Michaëlem Imperatorem grauiter eum reprehendit vsurpatæ Pontificiæ potestatis, cum præ-

HHHh 2 cepisset

cepisset Ignatium Patriarchā Constantinopolitanum deponi ab Episcopis, quod ad solum Romanum Pontificem pertinebat.

Quintò Episcoporum cessionem solus Papa admittit, electos solus transfert. *c. inter corporalia, de translat. Episcoporum*. Vnde grauissimè Innocentius III. *in c. nisi specialis, de off. legati*, non solum leuèrissimè reprehendit legatum de latere Cardinalem in Sicilia, quod Troianum Episcopum motu proprio præsumperit de Troiana ad Panormitanā Ecclesiam transferre, sed etiam testatur hoc esse canonicis sanctionibus, & generali consuetudini contrarium.

Sextò subicere vnā cathedralem Ecclesiam alteri, huic concedendo priuilegium primatiæ solius esse Papæ, testatur idem Innocentius *in c. quod translationem, de off. legati*. vbi æquè acerbè reprehendit supradictum in Sicilia legatum de latere, quod Panormitanam Ecclesiam subiecisset Messanenſi, cōcesso sibi priuilegio primatiæ.

Septimò duos episcopatus vnire, & vnū diuidere in duos, eiusdem Papæ esse, habetur *in d. c. quod translationem*.

Octauò ad solum Papam pertinere restitutionem Episcoporum. *can. ideo 2. q. 6.*

Nonò ad eundem & Episcoporum exemptio ab Archiepiscopo primatè, &c. *can. frater noster 16. q. 1.*

Decimò ad solum Papam imediatè appellare licet, prætermisſis medijs, à quorūcūque ecclesiasticorum iudicium sententijs, & grauaminibus. *can. 3. & 4. 2. q. 6.*

Vndecimò congregare generalè Concilium inter maiores causas numeratur ad solum Rom. Pontifi-

cem pertinentes. *d. 17. q. can. 1. can. regula, can. nec licuit, & can. multis.*

Duodecimò solus Papa dispensat cum clericis in maioribus criminibus depositione dignis. *can. illegitimus*, cum filiis presbyterorū ad ordines sacros, beneficia curata, & dignitates. *cap. at si clerici, de indic. & c. fin. de filius presbyter.*

Decimotertiò in omnibus irregularitatibus, quæ verè irregularitates sunt, solus Papa dispensat in foro exteriori, etiamsi deductæ sine ac probatæ in iudicio, vt de singulis doctores communiter affirmant, & per diuersa iura probant præsertim in bigamiæ, hæresis, & homicidij voluntarij, quas tres non solet, neque ex speciali priuilegio alijs concedere.

Decimoquartò solus Papa dispensat in votis castitatis, religionis & Hierosolymitano, seu Ultramarino, *c. ex multa, de voto*, quī etiam in votis solemnibus religionis dispensare potest secundum communionem receptioremque recentiorum sententiam.

Decimoquintò solus Papa restituit clericum depositum, vel actualiter degradatum.

Decimosextò solus absoluit ab excommunicationibus sibi reseruatis.

Aduertendum tamen absolutiōnem à *can. si quis suadente 17. q. 4.* ex natura officij committi legatis missis non de latere in suis prouincijs, absoluedi omnes vnde cumque accedentes legatis de latere, plerisque religionibus in foro conscientie tantum ex speciali priuilegio ab omnibus, exceptis cōtētis in bulla cænæ. Aliqua alia ex prædictis concedit aliquando legatis de latere & licet fortè non ex vi legationis.



## PARS POSTERIOR.

*De personis ecclesiasticis confagientibus ad Ecclesias.*

**H**ACTENVS de laicis in toto hoc pænè commentario egimus. ratio postulat & præsentis §. verba nos movent, vt sermonem ad clericos personasque ecclesiasticas conuertamus. Has paucis in hac posteriore septimi libri parte expedimus.

*Quæ sint personæ ecclesiasticæ, de quibus laica curia non potest se introumittere.*

## CAPVT X.

1. **I**PSA nominis ratio apertè insinuat, ac præ se fert eas omnes personas, quæ Ecclesiæ seruitio, atque obsequiis quoad ecclesiasticas functiones sunt dedicatæ, ecclesiasticas appellari, atque personarum ecclesiasticarum nomine comprehendî, quo in genere primùm antiquitate ac functione locum obtinent clerici omnes, atque vniuersus ordo clericalis, qui per clericalem tonsuram in sortè Domini adscriptus, & pars Domini factus eligens Deû in partè suam eiusdem Domini obsequiis in Christi Ecclesia deputatur. Vnde & per eandem tonsuram & ecclesiasticæ iurisdictionis capax efficitur, & inter clericos numeratur, & priuilegiarum clericalium canonicis, ac fori particeps constituitur, & ad suscipiendos omnes aliorum or-

dinum gradus habilitatur, atque disponitur. Clerici ergo tonsurati, ostiarij, lectores, exorcistæ accolyti, subdiaconi, Diaconi, Sacerdotes, Episcopi ecclesiasticæ personæ sunt, ecclesiasticæ iurisdictioni, ac potestati, foroque ecclesiastico sunt subiecti, siue habent ecclesiastica beneficia, siue officia, siue dignitates, siue his careant. quanquam iis qui in minoribus tantùm sunt constituti, aliquid aliud debeat accedere, vt gaudere possint priuilegiis clericalibus, quod propter clericorum multitudinem, eorum præsertim, qui ad euadendas laici fori pœnas, cum liberè peccarēt, clericalem tonsuram accipiebant, nuper adiectum est, cum antea eo ipso quod clerici essent ad participationem dictorum priuilegiarum admitterentur.

Secundò quoniam præter deputationem, quæ fit per clericalem tonsuram & ordinis, est alia quædam deputatio ad diuinum cultum, & ecclesiasticas functiones, quæ fit voto religionis, & clericorum priuilegia ad religiosos omnes, siue clericos, siue nō clericos translata sūt, etiam religiosi inter ecclesiasticas personas numerantur. Vt vniuersus religiosorum ordo, siue regulariū, siue militiarum, inter ecclesiasticas personas numeretur, forique ecclesiastici priuilegio ab antiquissimis temporibus gaudcat, neque possit nisi per ecclesiasticum iudicem cognosci, qui ordo religiosorum, licet initio Episcoporum iurisdictioni fuerit subiectus, cepit tamen postea per sedis Apostolicæ priuilegia ab ipsorum Episcoporum iurisdictione eximi, & suis tantùm regularibus superioribus, ac sedi Apostolicæ immediatè subiecti, atque eiusdem sanctæ sedis de lateræ legatis. Vt nō

HHHh 3 modò

modò à laico, sed à quouis ecclesiastico foro essent exempti, vt diximus, id quod paulatim ad omnes religiosos inendicantes breui dilatum, inde etiam ad non mendicantes, & etiam ad religiosos militiarum. Sed aduertendum ad priuilegium hoc requiri, vt sint religiosi religionis approbatę per text. in c. cum illorum, de sent. excom. & c. Monachi, & c. non dubium, eodem tit. Ac de militariibus religiosiis, Hospitalariis hospitalis S. Ioannis Hierosolymitani, expressus habetur text. in c. canonica, de sent. excom. de quibus in hoc ipso presentis constitutionis §. facit Pontifex expressam mentionem. De aliis verò ordinibus militariibus patet per eorundem ordinum priuilegia, iuxta quę ipse hoc eodem §. statuit Pontifex contra eos etiam in casibus in eadem constitutione expressis procedi. quibus verbis aperte insinuat habere militares omnes ordines regulares suā immunitatum priuilegia. Vniuersę ergo personę ecclesiasticę ad hos duos ordines pertinent clericorum, & religiosorum.

3. Tertio de immunitate fori in generali sub nomine personarum ecclesiasticarum extat aurea constitutio Federici Imperatoris, quę habetur in iure ciuili immediatę post libros Feudorum in tit. de statutis & consuetudinibus. §. item statuimus, & refertur in Authentico statuimus, Cod. de Episcopis & clericis, cuius hęc sunt verba: Statuimus vt nullus ecclesiasticę personę in criminali causā vel ciuili trahere ad iudicium seculare presumat contra cōstitutiones imperiales & canonicas sōctiones. & penā statuit subdens: si fecerit hoc, actor de suo iure cadat, iudicatum non teneat, & iudex sic extunc iudicandi potestate priuatus, quę

pęnę in laicis actorē indicemque cadunt. In canonico verò iure tam decreti, quàm decretalium, permulti habentur eadem de re canones. Nā in c. nullus iudicium 11. q. 1. iudex secularis prohibitus est tam distringere, quàm condemnare clericum. & ne vel laicus, vel clericus clericum coram seculari iudice accuset districte prohibitum est c. conuigua, c. nullus clericus, c. clericum nullus, c. inolita, & c. placuit, eadem causa. & q. & d. c. inolita, & c. si diligenti, de foro comp. statuitur vt clericus actor, qui coram seculari iudice clericum accusat, & causam perdat, & à communione efficiatur extraneus. Ac pręterea in d. c. nullus clericus, statuitur alia quoque pęna, vt clericus, qui sic accusauit si sit ex minoribus quadraginta ictibus, vno minus puniatur. Si verò fuerit honoratior, triginta dierū conclusionē mulctetur. Quod si quis aded temerarius fuerit clericus, vt proprium Episcopum ad iudicium seculare trahat, quantumcumque ciuili causa sit, debet etiā perdere beneficiū, vt notat Panorm. in d. c. si diligenti, de foro comp. n. 6. & probat per text. in c. grauem, de excessibus prelatorum.

Sed & pars rea, siue conuenientia nō 4. minus prohibetur coram seculari iudice respondere ac purgare sese; demū causam dicere coram eo. c. clericū nullus 11. q. 3. vbi expressę dicitur, si pulsatus fuerit, non respondeat, vel proponat, id est, excipiat, vt exponit ibi gl. imò quando trahitur ad iudicium seculare, vt appareat eū innitum trahi, protestari statim debet se esse clericum, nec debere coram eo respondere. quod si iudex pręcipiat vt respondeat, bonum cōsiliū tradunt doctores, Specul. in tit,

*rit. de compet. iudic. ad eum. §. 1. vers. sed & quoque. Ioan. Andr. & Panorm. in c. si diligenti, de foro comp. vt si ob periculū maioris mali velit respondere se iuribus p̄fecturæ coactū hoc facere, quod consilium prodest clerico non parum ad vitandas p̄nas. Si enim clericus nō coactus relicto ecclesiastico iudice coram seculari iudice se purgare voluerit in causa quidem criminali, quamuis pro eo sit lata sententia, locum amittat suū, in ciuili verō causa, aut locum suū, aut id quod euicerit perdat, quemadmodum constitutum est in consilio Carthaginensi, & refertur in can. placuit 11. q. 1. & in c. si diligenti, de foro comp. Hinc ante hos omnes canones legēque ciuiles Constantinus Imperator piissimus cū supremū ius Imperij toto terrarum orbe exerce-  
ret, neque adhuc Ecclesiarum p̄lati-  
latis vlla appareret concessa iurisdic-  
tio, cū apud Niceam Synodum p̄sideret audiretque quorundam  
siue clericorum, siue Episcoporum  
querelas ad se deferendas esse, non  
modò noluit de illis cognoscere, sed  
dixit eis, vos à nemine iudicari po-  
testis, quia ad solius Dci iudicium  
referuamini, vt refert Gratianus in  
can. cōtinu. 11. q. 1. Hinc ex cōmunicā-  
tur in bulla cœnæ Domini iudices  
seculares, qui personas ecclesiasticas  
ad sua tribunalia trahunt in causis  
ciuilibus, & rursū quoquo  
modo se interponūt in eorundem  
personarū causis capitalibus, illas  
bāniēdo, capiēdo, processādo, seu  
sentētiās cōtra illas proferēdo, vel  
etiā exequēdo, etiā si hoc faciāt p̄-  
textu quorūcūque priuilegiōrū Apo-  
stolicorū, quibuscūque regibus, Prin-  
cipibus, rebus publicis, Monarchis,  
ciuitatibus, &c. quæ omnia per ean-  
dē bullā cœnæ Domini reuocātur.*

Qua non obstante seuocatione, Nauar. in sum. c. 17. in explicatione clausulæ 19. bullæ cœnæ, putat dubitari posse an iudices Galliarum ritē iudicēt clericos pro delatione armorū, & pro aliis quibusdā leuioribus causis & casibus, quos priuilegiatos vocant; tresque affert rationes dubitandi. Prima quod p̄supponat, in Gallia ea priuilegia esse remunera-  
tiua obsequiorum magni sanguinis  
& fortunarū ab eis Apostolicæ sedi  
p̄stitorum. Secūda quod sint priui-  
legia immemorabilia, id est, à rem-  
pore, cuius nō extet memoria. Tertia  
quod sint solum de leuibus quibus-  
dam criminibus, atque his expressis  
rationibus tandem rē dubiam iudi-  
cio sedis Apostolicæ relinquit, vt i-  
psa iudicet an mentis suæ sit hæc re-  
uocare. Ego verò si verba dictæ clau-  
sulæ subobscura fortasse forēt, vt ad  
mentem ipsius Pontificis tanquam  
in re dubia recurrendum esset, ei-  
dem doctōri libenter subscriberem,  
& declarationem à S. Sede peten-  
dam putarem. Sed verba reuocato-  
ria, quæ in dicta clausula habētur,  
adēdō clara & aperta sunt, vt nullum  
dubitandi locū relinquāt, sed neces-  
sariō confitendū sit quārū verba so-  
nant esse omnia reuocata, reuocat  
enim apertē omnia priuilegia ex  
quacūque causa cōcessa. Prima au-  
tem ratio dubitandi videtur pugna-  
re cū secūda. Si enim non extat ho-  
rum priuilegiōrum memoria, non  
videtur posse certō constare ea esse  
remuneratoria, & propter tam gra-  
uia obsequia sanguinis ac fortuna-  
rū concessa, aut si id constat, iam ex-  
tat de illis memoria. Tertia verò  
ratio parum firma est cū ne in ci-  
uilibus causis possint de clericis la-  
ici cognoscere. Fateor tamen tutius  
fore sedem Apostolicam cōsultare  
dum

dummodo qui eam non consulit interea ab huiusmodi causarum cognitione absteineat.

6. Sed & illud addo neque licere clerico renunciare huic privilegio, neque ex eorum renunciatione acquiri seculari iudici ius vllum cognoscendi de eorum causis, neque civilibus, neque criminalibus, vt expresse constitutum est in saepe cit. c. *si diligenti, de foro comp.* vbi & reprehenditur Archiepiscopus Pisanus, qui sentit licere clerico in temporalibus causis renunciare privilegio fori, & de consensu partis eligere sibi laicum iudicem. Secundò reprehenditur quòd senserit tenere iuramentum de hac fori renunciatione præstitum. Tertiò probatur per text. civilis iuris statuētis iuri publico nō derogari pacto priuatorum. l. *ius publicum, ff. de pactis.* & l. *inter debitorem, ff. eodem tit.* & l. *neque pignus, §. priuatorum, ff. de regul. iur.* l. *iurgentiū, §. si paciscar, & l. pacisci, ff. de pact.* & c. *cum tēpore, de arbit. & c. contingit 1. de sent. excom.* hoc autem ius, vt clericus coram iudice laico causam non dicat statutum esse ait in Conciliis Mileuit. & Carthagin. vbi obiter aduertendum verba quæ refert ex Concilio Mileuit. haberi in Concilio Toletano III. c. 13. quæ autem ex Carthaginensi, haberi in Carthaginensi III. c. 9. vt obseruat gl. marginalis decretalium nuper correctorum auctoritate Gregorij XIII. Quartò ratio offertur cur non possit hoc fori privilegium renunciari ex pacto, ac de consensu partis, quoniam non est privilegium hoc personale, sed potius toti collegio ecclesiastico publice indulto. Hinc quintò inferit Pontifex iuramentum super hac fori renunciatione præstitum. licitè seruari non posse, quia est: contra

canonicas sanctiones. Et quoniam nonnulla sunt iura quæ dicunt pacto priuatorum renunciari posse iuri proprio, respondet gl. in d. c. *si diligenti, in v. pacto priuatorum*, ideo nō posse clericum renunciare privilegio fori, quia concessum est nō modò fauore ordinis ecclesiastici, sed etiam odio laicorum. Sed mihi longè probabilius & ad probandum efficaciot videtur ratio adducta per Pōtificē in textu, quam Panormitanus in d. capitulo *si diligētis n. 6.* ait posse colligi ex principio glossæ, quia privilegio introducto in fauorem publicum priuata persona renunciare non potest. hoc autem privilegium est introductum in fauorem totius ordinis clericalis, nempe vt clerici attentiores sint ad diuina, liberius pro peccatis populorum intercedant, & vt clericorum vitales latet, quo debitā illis reuerentiam deferant, eosque tanquam patres spirituales venerentur, quibus rebus multum obesset, si eorum causæ tam civiles quàm criminales coram laicis iudiciis tractarentur.

---

*De clericis in minoribus constitutis uxoratis, aliisque personis quæ ratione clericatus gaudent: foro ecclesiastico, an sint dicenda persona ecclesiastica.*

#### C A P V T X I.

**L** I C E T de iure antiquo, atque à primæua institutione clerici omnes etiam in minoribus ordinibus constituti, inò & tonsurati solum eo ipso quòd per clericalem tonsuram diuinis deputabantur obsequi-

is à seculari exempti curia, ecclesiasticæque adscripti foro ecclesiastico gaudere permitti fuerint, quoniam tamen & in infinitum excreuit clericorum numerus, & magna pars eorum non diuinis deseruit muneribus, sed per fori libertatē impune delinquendi occasionem commoditatēque nancisci procurant. ideo huic quasi malo per sacrum Concil. Triden. opportunum quantum in ipso fuit remedium adhibitum est, certis assignatis conditionibus, quibus clerici ad clericalia priuilegia admitterentur, quibus qui carerent intelligerentur ab illis exclusi, quamuis prælatorum negligentia hoc ipsum remedium inefficax interdum efficiatur. Concilium ergo Triden. *sess. 13. de reformatione. c. 6.* statuit nullum prima tonsura initiatum, aut in minoribus ordinibus constitutum gaudere priuilegio fori, nisi beneficium ecclesiasticum haberet, aut clericalem habitum, & tonsuram deferens alicui Ecclesiæ ex mandato Episcopi inseruiat, vel in seminario clericorum, aut in aliqua schola, vel vniuersitate de licentia Episcopi, quasi in via ad maiores ordines suscipiendos versetur. De beneficio verò ecclesiastico per eos obrinendo decernit idem Concil. per eos ante decimum quartum annum non posse obrineri. quo loco aduertendum est ex his tribus conditionibus, vnam saltem modo sequenti inesse debere vt clericus in minoribus constitutus gaudeat priuilegio fori. Prima vt habeat beneficium ecclesiasticum, secunda vt habitum, & tonsuram clericalem deferens seruiat alicui Ecclesiæ de mandato Episcopi, tertia vt habitum & tonsuram clericalem deferens versetur in semina-

rio clericorum, vel in aliqua schola, vel vniuersitate, quasi in via ad maiores ordines suscipiendos, hoc est, litteris det operam, quibus ad ordines maiores, ad quos scientia necessaria est, habilitetur. si habeat beneficium ecclesiasticum, etiam si habitum, & tonsuram clericalem non deferat, gaudet priuilegio fori, quamquam puniri possit ac debeat ab Episcopo, & ad deferendum habitum ac tonsuram compelli; in eo verò qui seruiat Ecclesiæ de mandato Episcopi, vel vacat studiis, de Episcopi licentia necessariò requiritur vt habitum & tonsuram clericalem deferat, aliter fori priuilegio caret. Sed neque istæ duæ posteriores conditiones simul ambæ necessariae sunt vt seruiat Ecclesiæ, & vt studiis vacet. Cum seruitium Ecclesiæ impediatur debitum in studiis vigilantiam, & studiorum seruior ab Ecclesiæ seruitio recideret. Sed altera istarum sola sufficit vt vel seruiat Ecclesiæ de mandato Episcopi, vel de eius licentia det operam litteris. His addo hanc mihi videri Concilij mentem, vt alteram harum conditionum posuerit pro clericis, qui in minoribus ordinibus perseveraturi sunt, neque ad maiores ascensuri, alteram verò pro iis, qui ad superiores ascensuri sunt. Eget enim Ecclesia clericis aliquibus, qui in minoribus ordinibus diutius, aut perpetuò versentur, quique ei in officio sacristæ, & subsacristæ deseruiant, curamque gerant purgandi Ecclesiæ, ornandi altaria, pulsandi campanas, & similibus; & de his constitutum intelligo id, quod ait Conciliū, vt Ecclesiæ alicui de mandato Episcopi seruiant. Versari autem in seminario clericorum, vel in aliqua scho-

la, seu vniuersitate de licentia Episcopi in iis requiritur clericis, qui ad maiores ordines ascensuri sunt, vt in schola, seu studijs versentur quasi in via, vt idem Concilium dicit, ad ordines maiores recipiendos. Atque hinc intelligere deberent Episcopi, quid sibi cum clericis illis agendum esset, qui cum sint ætate prouecti, atque indocti, neque studijs vacant, neque seruire alicui Ecclesiæ possunt, aut eius seruitio deputari. Deberent enim eos vel ad studendū literis serid cogere, vel, si id nolint, permittere eos foro seculari, sicut de rigore sacri Concilij debent, neque eos ad suum ecclesiasticum forum admittere: non enim satis est eos in aliqua Ecclesia, cui ab Episcopo sunt deputati, aliquando interuenire diuinis officiis, aut inseruire aliquando sacro: non enim hoc est seruire Ecclesiæ, quod à sacro Concilio opponitur ei, quod est studere. Debent enim applicari seruitio illius Ecclesiæ, vt in ea ordinariè quotidie seruiant; illo enim modo seruire solent illi ipsi clerici, qui literis dant operam.

1. De clericis coniugatis antiquo iure statutum erat non deberi eis forum, nisi contraxissent matrimonium cum vnica & virgine, gestarentque habitum & tonsuram clericalem, & tunc non gauderent priuilegio fori in causis ciuilibus, sed solum in delictis & excessibus. *c. vnic. de clerico coniug. lib. 6.* & ibi Gemin. Io. And. Io. Calderin. si quis enim contraxisset cum corrupta, tãquam bigamus & irregularis careret foro. ex Sylu. in v. *Apostasia n. 11.* quod autem præterea requireretur vt gestaret habitum & tonsuram, colligitur apertè ex *d. c. vnic. lib. 6.* iuncta glossa. Con-

cilium verò Trident. *sess. illa 23. cap. 6.* requirit non modò vt habitum & tonsuram deferat, sed vt præterea alicuius Ecclesiæ ministerio de mandato Episcopi seruiat: optima autem ratione in ciuilibus seculari foro sunt relictis, non in criminalibus, quod cum habrant vxores & filios, sint ciuilibus negotiis occupari, neque debeat propter illa grauare Episcopos; in criminalibus verò, cum Ecclesiæ seruiant, defendantur in vita ac membris, in quibus Ecclesia punire non solet.

Hoc loco aduertendum est, licet Io. Andr. in *c. vnico, de clerico coniug. lib. 6.* teneat contrarium, tamen probabile esse vxores clericorum sortiri forum ecclesiasticum maritorum. per glossam in *can. eos. d. 32. & can. 2. 11. q. 1.* quam sequitur Panorm. in *c. 2. de foro competenti.* & ibi Felin. & probatur per ciuilia iura vniuersè statuentia vxores sequi forum maritorum. *l. fin. Cod. de incol. lib. 10.* vbi expressè ait Imperator: *Mulieres honore maritorum erigimus, & genere nobilitamus, & forum ex eorū persona statuimus.* facit *l. quædam puella. ff. de iurisdic. omnium ind. & l. facmina. ff. de seru. l. 2. Cod. de Episc. & cleric.* facit & quod notat Felin. loco cit. in dispositione stricta ea quæ sunt concessa marito ceteri cōcessa vxori. iuxta gl. in *can. admonere 33. q. 2. & in can. omnino d. 31.* facit & text. in *c. sciam, de elect. lib. 6.* ideo vxores clericorum Latinorum existentium in minoribus solum gaudent foro, quando clerici gaudent eodem, & solum quoad criminales causas, sicut mariti, non quoad ciuiles. Vxores verò Græcorum existentium in sacris gaudere eodem modo, quo gaudent mariti simpliciter, vt notat Felin. *vbi supra.* De vxoribus

clericorum Latinorum existentium in sacris ; cūm maritus ab vxore legitimè separatus promouetur ad sacros ordines, contrarias repetio sententias. Panormitanus enim *loco citato* simpliciter tenet eam gaudere mariti foro , propterea quòd illa adhuc manet vera vxor , & vinculum matrimoniij manet indissolubile , còque manente communicantur vxori eadem iura , actiones , ac priuilegia possessionesque. *c. Martinus, de cognat. spiritali.* Alij contrà sentiunt , vt videre est apud Aretin. & Felin. *in d. c. 2. de foro comp.* probatque ex eo, quòd iura , quæ eadem priuilegia maritorum concedunt vxoribus , loquuntur de vxoribus cohabitantibus enim marito. Vxores autem sacerdotum Latinorum , vt patet , non cohabitant. Sed has contrarias sententias ita conciliare possumus inter se, vt si maritus propter vxoris delictum ab ea separetur , & ad ordines promoueat , valeat posterior sententia ne vxor ex adulterio reportet lucrum fori ecclesiastici ; si verò ex communi deuotione vxor iam sexagenaria manens in sæculo det marito licentiã , vt promoueat ad sacerdotiũ , emittens etiam ipsa in manibus Episcopi votum perpetuæ castitatis, locum habeat per sententia Panormitani, propterea quòd cūm ex causã pia & laudabili vxor nõ cohabitaret marito , non debet ex hoc reportare incommodum , vt mariti forum non fortiaur. Sed in his attendenda est consuetudo. Nam Io. Andr. *in c. unico, de clerico coniug. lib. 6* testatur id nunquam fuisse receptum vt vxor clerici in criminalibus conueniretur coram iudice ecclesiastico.

Non defuere qui etiam concubinis clericorum idem fori priuilegiũ concedendum putarent , vt refert Felin. *in c. cūm sit, de foro compet.* Sed si laicorum concubinæ forum non sortiuntur, vt habetur *in l. de iure. ff. de mulic. & per Specul. in tit. de compet. ind. ad. vers. 44.* multo minus est id concedendum concubinis clericorũ , in quibus maior est turpitudine, vt rectè tenet Anton. Franciscus *de doct. in additionib. ad Panorm. c. 2. de foro compet.*

De his siue clericorum , siue sacerdotum vxotibus addo , quod ad præsentem huius constitutionis §. pertinet, quamuis de iure gaudeant foro maritorũ , si & quatenus gaudent mariti, quia tamen id non habent quatenus ecclesiastici fori sũt, neque vllò speciali clericorum priuilegio, sed illo generali iure, quatenus vxores sunt ; quo iure maritorum forum sequuntur , quodcũque illud forum sit, neque inde ipsæ vllò modo dicuntur personæ ecclesiasticæ, sed manent personæ merè laicæ, ideo non protegit hoc §. sub nomine personarum ecclesiasticarum. Non enim excipit Pontifex personas omnes quæ form ecclesiasticum habent, sed excipit personas ecclesiasticas, vt si vxor siue clerici in minoribus existentis, siue vxor sacerdotis Græci, siue Latini commiserit aliquod horum delictorũ, posteaquam Episcopus indicauerit verè id commississe, tradi possit curiæ seculari quantum ad vim præsentis constitutionis pertinet. Ita vt siue Episcopus eas tradi & consignari faciat curiæ seculari, siue curia secularis contra eas procedat, nunquam incurrant huius constitutionis pœnas, neque rei sint violatæ constitutionis.

6. Sed dubitari potest, an hoc loco Pontifex exprimens personas ecclesiasticas, intendat ad has tantum restringere presentem dispositionem, ita ut omnes alios gaudentes foro ecclesiastico priuaret hoc ipso in huiusmodi casibus eiusdem fori priuilegio, nec desunt pro utraque parte quaestiones, apparentes, aut etiam probabiles rationes, quamquam mihi probabilius est ipsum nihil hoc loco innouate, sed relinquere iura in suo antiquo robore. Nihil enim in tota hac constitutione narratur quo ad aliquid circa id innouandum induceretur. Quod si de consuetudine id non esset receptum, sine dubio teneretur Episcopus has tradi facere curiae seculari.

7. Sed & text. in c. 2. de foro competenti, excipit à iurisdictione iudicis secularis minores Ecclesiarum, eo quod in Ecclesiarum forum consequenter transfert. Non tamen constat inter doctores quinam sint isti minores Ecclesiarum, neque ex eorum dictis certi aliquid colligitur, imò nec probabiliter quidem dicitur. Certum est enim non intelligere clericos in minoribus ordinibus constitutos, quoniam de iis immediate ante praemiserat. gl. *ibidem in v. minores*, ait minores appellari siue scholares, siue seruientes Ecclesiarum deputatos ad eius obsequium. Panorm. *ibi n. 5.* ait in quantum dixit scholares habuisse respectum ad quasdam Ecclesias, maxime in Alemannia, ubi sunt scholares seruientes Ecclesiarum, & addiscentes, de quibus est sermo in c. 1. de celebrat. missarum, ubi iubetur sacerdoti, ut aut à se, aut à scholaribus hora copotenti hora canonice publice coleantur. De his mihi parum pro-

bat ut foro gaudeant ecclesiastico, quo vix clericis nisi cum certis conditionibus gaudere permissum est; si studiis dent operam, vel Ecclesiarum seruiant. De deputatis ad Ecclesiarum obsequium aequè mihi improbabile est nisi sint clerici, & habitum & tonsuram deferant clericali. Vincentius intelligit de iapitoribus Ecclesiarum, & de deputatis obsequio Ecclesiarum, ut adueniente aetate promoueantur ad ordines. Federic. de Senis relatus apud Panorm. in d. c. 2. de off. ordinarij n. 5. intelligit de deputatis & adstutis. Panormitanus ibi addit, si sint perpetuò oblatis seruicio Ecclesiarum, & efficaciter. & hoc mihi probabile est, si qui sunt enim non clerici, qui gaudeant foro, ij maxime censendi sunt; dedicauerunt enim se seruicio Ecclesiarum in perpetuum per illam oblationem efficacem. Sed aduertendum est neque istos minores, quicumque illi sint, dummodo clerici non sint, vocari personas ecclesiasticas, neque in hoc §. sub nomine personarum ecclesiasticarum protegi, sicut de vxoribus clericorum dictum est.

De clericorum familia gl. in can. clericum 11. q. 1. indistinctè tenet gaudere fori priuilegio, pro qua citat. text. in l. 1. Cod. de Episcop. & cleric. ubi prohibentur collectari in rebus suis, si enim exemptae sunt res eorum, multo magis intelligi debent exemptae personae. Contrarium sentit Archidiaconus in d. can. clericum, tum in can. Ecclesiarum seruos. dicens seruitores conductitios clericorum non esse de foro Ecclesiarum, cum nullo iure id cautum sit. concordat Panorm. in c. 2. de foro copotenti. & alij multi. pro qua sententia multum facit id, quod obseruat Innoc.



Innoc. in c. *significantiis*, de off. delega. & in c. 2. de maiorib. & obed. ubi aperte docet clericos ideo esse à iurisdictione Imperatoris exēptos, quia ex toto corpus & animam deputauerunt in seruitium, & in sortem Christi. *can. cui portio* 12. q. 1. eādem in sententiā inclinat Felin. in d. c. *nullus*, de foro compet. n. 1. ubi ad leges illas civiles respondet ibi non esse sermonem de istis famulis conductitiis, sed de mancipiis clericorum, quę sunt perpetuū eorum seruitio obligata.

9. Peculiare verò est in familia Episcopi, ut habeat fori privilegium; iuxta c. *final.* de offic. Archidiaconi, ut communiter tenent ibi doctores. qui textus non nihil fauet huic sententię, quatenus Archidiaconus ille Senonensis narrat ad officialem Episcopi pertinere causas familie Episcopi, non tamen multum vrget; esse autem hanc sententiam communem doctorum testatur Panormitanus in d. c. 2. de foro competent. n. 6. ubi eandem sequitur. Sed vereor ne plerisque in locis contrarium de consuetudine seruetur, siue autem seruetur, siue secus, de his nihil disponitur in pręsenti constitutione, quoniam non sunt personę ecclesiasticę. De rusticis demum Ecclesię gl. in *can. iudicatum* d. 89. quam sequitur Pauormitanus & Felin. in c. 2. de foro compet. vniuersę negat illis cōpetere forum ecclesiasticum, exceptis quibusdam casibus. Primus si qua Ecclesia est in hoc privilegiata ab Imperatore. Secundus si rusticus habeat generalem administrationem rerum Ecclesię. Tunc enim si conueniatur ratione administrationis, debet coram ecclesiastico iudice cōueniri. Tertius quando conuenitur super re, quam tenet ab Ecclesia.

Quartum casum addit Felin. in quo nou potest grauari per iudicem secularē, quando eius grauiamen redundat in clericos, vel in Ecclesiam. Vnde & Bart. in l. *hi penes*. Cod. de agri. & cens. lib. 11. ait nō valere statutum grauens istos pro factis clericorum, sed hæc ad pręsentem §. non pertinent.

De iis, quibus ratione religionis competet forum ecclesiasticum, quinam horum sint personę ecclesiasticę, & hoc paragrapho protegantur.

## CAPVT XII.

CVMM immunitas fori ex eo orta & concessa sit, quoddam homo se totum diuinis deputat obsequiis; hæc autem deputatio, & per receptionem ordinum fieri solet, ut in clericis, & per votorū emissionē in religione approbata, posteaquam de vtraque in genere locuti sumus, & c. proximē pręcedente multa circa clericos in specie discussimus, sequitur ut circa religiosos aliqua, quę difficultatem habent, discutiamus, ut ita tandem intelligamus, quinam religionis titulo in hoc §. intelligantur à laicorum iudicio & potestate etiam in casibus hic expressis exēti. Verba autem §. pręsentis sic habent. Prohibemus ne contra ecclesiasticas personas seculares, aut cuiusvis ordinis, vel militię etiam S. Io. Hierosolymitani regulares quoquo modo etiam vigore prędictorum privilegiorum, aut cōcessionū, quę omnia ad terminos iuris per pręsentes reducimus, procedant.

\*Primo ergo certum est regulares professos in quacūque religione approbata, cuiuscumque ordinis, vel

III 3 militię

militiæ etiam in casibus hac constitutione expressis, gaudere foro ecclesiastico: omnes enim sunt personæ ecclesiasticæ. Sub quo regulatiu nomine etiam femina, ad quas fori priuilegium pertinet, intelliguntur, quamcumque regulam approbatam in quouis monialium monasterio sunt professæ. *c. cum illorum, c. monachi, & c. non dubium, de sent. excom. & de monialibus, eodem tit.*

3. Simili priuilegio gaudent etiam nouitij cuiusuis religionis approbatæ. *d. c. non dubium, c. ex tenore, & c. religionis, eodem tit. lib. 6.* etiam nouitij militiarum regularium approbatarum.

4. Pari iure censentur etiam conuersi religionum approbatarum, ex quo iam cæperunt se diuinis obsequiis eo modo, quo possunt dedicare. *d. c. non dubium, & c. ex tenore, & c. religiosus, de sent. excom. lib. 6.* quod S. Antonin. 3. parte tit. 24. c. 1. limitat ad eos conuersos solum qui tradiderunt se, ac sua ipsi ordini, & incedunt consecrati, audiunt horas, & honeste viuunt. Sed hæc limitatio non habet locum in illis conuersis, qui cum certo habitu regulari viuunt in monasterio cum aliis religiosis. Sequuntur tertiarj seu tertiani ac fratres tertij ordinis SS. Dominici ac Francisci, quos aliqui Beguinos vocant. De his testatur Nauar. in sum. c. 27. n. 79. nullo iure expressum esse illis competere forum ecclesiasticum. Caiet. in v. Excommunicatio c. 10. ait eos hoc solo quod tertiani sunt non gaudere hoc priuilegio. Vt sic enim neque sunt religiosi, neque nouitij. Neque verò conuersi alicuius religionis, neque clerici. De his videtur loqui S. Antonin. loco superius relato, cum ait non gaudere hoc

priuilegio, nisi se suaque tradant ordini regulari incedendo consecrati, audiendo horas, & honeste viuendo. Nauarr. vbi supra putat eos solos tertianos gaudere hoc priuilegio qui gestant habitum religionis, & viuunt gregatim, id est, simul multi, cuiusmodi audiui à quibusdam esse illos fratres ordines sancti Francisci, qui Romæ degunt apud SS. Cosmam & Damianum, id quod docet etiam Felin. in c. 2. de foro competent. & probatur per quandam decisionem Rotæ decis. 331 in antiquis. addit hos saltem ex priuilegijs ordinum & stylo curiæ gaudere iisdem priuilegijs, quibus religiosi. Cardinal. in clem. si diligenti. de foro competent. tenet hos omnes gaudere fori priuilegio, propter quandam glossam in clem. cum ex eo, de sent. excom. Sed ex ea gl. & text. potius colligitur contrarium, cum ibi tertiarj prohibeantur tempore interdicti recipi ad diuina in Ecclesiis illius ordinis, cuius sunt tertiarj, quasi essent extranei. Duo tantum dicit ibi gl. quæ possent fauere illi sententiæ, vnum quod sunt sub obedientia, alterum quod est ibi aliqua professio, ait enim professos habere posse proprium in singulari, quia tamen subdit potius esse modum viuendi, quàm regulam, ideo excludit eos à statu religiosorum, cum præsertim non voueant tria vota, & viuere possint in matrimonio. Syluest. in v. Religio 1. §. 1. vers. 2. expressè reuertit istos tertij ordinis fratres esse personas ecclesiasticas, & religiosos largè dici, & in fauorabilibus comprehendì sub religiosorum nomine, imò etiam in odiosis quando dicitur, quicumque religiosi, probatque quia isti promittunt obedientiam, & non possunt contrahere matrimonium. ex qua ratio-

ne apparet eū loqui de istis tertiariis de quibus Nauarr. Addit idem Syluest. in v. *Excommunicatio* 6. §. 3. licet ita sit de iure communi, loquendo tamen de iure priuilegiato, id est, secundum eorum priuilegia, omnes fratres tertij ordinis BB. Francisci & Dominici gaudere utroque priuilegio, canonis nempe, ac fori, per bullam auream Xisti I V. & per aliud priuilegium incipiens *sacro sancta*, citatque Zabarellam in c. *si diligenti*, de foro compet. & Felinum in tract. quando littera Apostolica prauid. patron. Ecclesia, limit. 4. Sed veteor ne quoad istos tertiarios qui viuunt in matrimonio, vel etiam sine matrimonio viuunt in suis priuatis domibus in habitu merè seculari, qui solum habet colorem habitus regularis, priuilegium neutrum sit in vsa, neque canonis, neque fori, neque verò videntur isti esse ex illo tertio ordine B. Francisci. Vnde neque ad hos pertinere clausulam praesentis constitutionis, quae de regularibus disponit. De illis autem tertiariis, de quibus loquitur Nauarr. ac Syluest. in v. *Religio* 1. §. 1. v. 1. valde probabile mihi est eos tamquam personas ecclesiasticas & aliquo modo regulares eadem clausula protegi, etiam in casibus hic expressis.

5. De fratribus Iesuatis licet Panormitanus in d. c. 2. de foro compet. non modò affirmet illis non competere hoc fori ecclesiastici priuilegium, propterea quòd neque sunt clerici, neque religiosi religionis approbatæ, nec profitentur tria vota essentialia, imò nullum essentialiale votum, neque vllus actus interuenit, quo eximantur à iurisdictione laica, sed nescio, in-

quit, si dicam, ipsos, peccare mortaliter cum faciant contra capitulum finale, de religiosiis domibus, & contra capitulum vnicum, eodem tit. lib. 6. tandem addit vidisse se nuperimè quòd Papa Martinus V. concessit eis vt ad beneplacitum sedis Apostolicæ possint in suo statu permanere, de quo se multum lætatum esse fatetur, cum sint homines bonæ vitæ; tamen contrarium sentit Felin. in d. c. 2. de foro compet. Antonius de Butr. in d. c. 2. de foro compet. relatus apud Panormitanum loco cit. & Syluest. in v. *Excommunicatio* 6. §. 3. vers. de Iesuatis, & in v. Ecclesia 1. §. 6. vers. septimò Iesuatis. quam sententiam ipsemet Panormitanus ibi facit se aliquando in transcurso lecturæ fuisse secutum, istos gaudere foro. Probant, quia Papa scit, & tolerat eos in isto statu, & quia gestant quendam certum habitum ecclesiasticum, & viuunt regulariter in communi more religiosorum, habentes dormitorium & refectorium, & constructi sunt certa regula & multis disciplinis, & seruant continentiam. Demum per Martinum V. fuerunt approbati ad beneplacitum sedis Apostolicæ. Hi volunt hoc priuilegium his competere, si non tamquam religiosiis, certè tamquam personis ecclesiasticis. Addit Sylu. in d. v. *Excommunicatio* 6. sententiam Panorm. fortè habere apparentiā de sequendo ius commune quantum ad primos institutores illius religionis, modò autem dicendum esse gaudere. Quibus ego assentior, atque insuper addo modò inter ordines regulares numerari probabile etiam esse ipsos habere priuilegia sedis Apostolicæ, atque

atque ideo protegi clausula præsentis constitutionis saltem tamquam personas ecclesiasticas.

6. Eremitas Laurentius & Io. de Lignano & Ludouicus de Roma relatus apud Syluest. v. *Ecclesia* 1. §. 6. *vers. Sexto etiam eremit. & sum. Augelica & Rosella*, quos refert Syluest. in v. *Eremita* §. 1. in clemēt. per literas, de præbendis, à fori priuilegio excludunt, quam sententiam Panormitanus in cap. 2. de foro compet. n. 10. veriorē putat, propterea quod ij neque per ordinem clericalem, neque per susceptionem religionis excepti sunt à iurisdictione Imperatoris. Addit Panormitanus ibi post aliquos relatos per glossam in can. *qui verè* 16. q. 1. hos esse tamquā locustas non habentes gregem, propterea quod putant hos non subesse Episcopo loci, quod ij colligunt ex d. can. *qui verè*, vbi cū Pontifex præmisisset sermonem de solitariis, hoc est, Eremitis, subdit de monachis per particulam aduersariam dicens: *Eos verò, qui in monasteriis sunt, placet nobis Episcopo esse subiectos.* ex hac particula aduersariua opposita in dispositione de monachis colligunt solitarios non esse Episcopis subiectos.

7. Contrariam sententiam tenet gl. in d. can. *qui verè*, in v. *verè*. & gl. in can. nulla ratione, in v. *Acephali*, notat ex eo textu sumi argumentum quod eremitæ subsunt Episcopo, in cuius territorio sunt. Felin. simpliciter affirmat eremitas gaudere priuilegio fori. probat, quia ordo eremiticus intet ordines sanctos ab Ecclesia connumeratur in litanis. Nauar. in sum. c. illo 17. n. 79. restringit hoc ad eos solum eremitas, qui subsunt alicui superiori regulari, & ante eū eandem restrictionem fecit. Archid. in can. *qui verè* 16. q. 1. Sed egrer-

giè de eremitis distinguit Sylu. in v. *Eremita*, in initio, vt habitantes eremitæ in eremo ac solitudine ex desiderio vitæ solitariæ ad contemplandum & vacandum Deo, qui propriè eremitæ dicuntur, alij sint adstricti obedientiæ alicuius approbatæ religionis, seu probati religiosi, qui non sunt præcisè eremitæ, sed eremitæ simul ac religiosi, ducentes vitam eremiticam, quales olim multi fuere sanctissimi viri. Cōsuetudinē enim erat vt è monasteriis, posteaquā diu in illis probati perfectique essent, in solitudinem de superioris licentia egressi sub eiusdem obedientia eremiticam vitam ducerent, & his indubitatum est, debet forum ecclesiasticum saltem tamquam religiosi. Neque licet de his dubitare, de quibus expressa mentio habetur in c. *priuilegium*, de verborum signif. lib. 6. vbi priuilegium declaratur concessum fratribus habitantibus non in monasteriis, prioratibus, Ecclesiis, &c. sed habitantibus in cellis solitariis, sectetis, & ab hominum consuetudine remotis, ad contemplandum & vacandum Deo. & in c. *unico*, de excessib. prælati. lib. 6. vbi cū præcepisset ne fratres prædicatores, & minores domos, vel loca, aut de nouo suscipere, aut suscepta relinquere, absque speciali sedis Apostolicæ licentia, excipit, ne id locum habeat in eis, qui vitam eremiticam, seu solitariam de maiorum suorum licentia eligunt, quin cellas, mansiones, & habitacula in locis, vbi non est hominum habitatio, de propinquo mutare possint. Alij verò sint eremitæ qui eandem prorsus eremiticam vitam ducent in spiritu libertatis, habentes solē vortum continentiam, non tamen obedientiam, vt ait S. Th. in 4. sentent. d.

17. in *expositione liter.* dicens eos habere adnexum votum continentie quod ex mora secundum determinatum tempus eorum solemnizatur, per illam enim moram vouent implicite quando inrendunt se obligare, vt exponit Tabien. v. *Excomm.* §. *casu* 1. §. 21. & hæc vita eremitica est periculosissima, nisi per diuinam gratiam suppleatur id, quod priores eremitæ acquisierunt per longa exercitia religionis, sicut suppleuit diuina gratia in Paulo primo eremita, in Antonio, in Benedicto, qui prius fuit eremita, & postea ex eremita factus est monachus, ac Patriarcha sanctissimi illius ordinis, cuius vsque hodie videmus vigere regularem disciplinam, vt egregie notat S. Thom. 2. 2. q. 188. art. 8. Hos ergo secundi generis eremitas Concil. Chalcedonense conuenienti honore dignos esse declarauit cap. 4. & refertur in *can. qui verè* 16. q. 1. qui Episcopo saltem subsunt, & hos sine dubio putandum est esse personas ecclesiasticas, gaudereque priuilegio fori. Quis enim negaret Paulos, Anonios, ac ceteros eorum similes solitarios viros personas ecclesiasticas esse? Illos verò eremitas, qui solum nomen, aut etiam solitudinem habent, nec vacant contemplationi ac pietati, vagos & errabundos, nec verè eremitas appellandos censeo, neque ecclesiastico foro dignos. Huiusmodi autem, quos dixi secundi generis, eremitæ præsentis constitutionis clausula, tamquam ecclesiasticæ personæ protegentur, etiam in casibus hac constitutione expressis, vt per ecclesiasticum iudicem cognoscantur. neque secularis curia se de eis quoquo modo intromittat.

*P. Gambac. de immu. Eccl.*

De Hospitalariis, seu rectoribus 8. hospitalium Laurent. & Io. de Lignan. in *clem. per literas, de praben.* simpliciter tenent non esse personas ecclesiasticas, nec gaudere priuilegio fori, nec aliis priuilegiis, nec in persona, nec in bonis, quia non sunt clerici, nec religiosi, nec conuersi, idque etiam si gestent in pectore aliquod signum, siue crucem, siue aliquod aliud. Hostien. in *sum. tit. de regularib.* §. 1. *vers. quid de rusticis*, & post eum Panorm. in c. 2. *de foro compet.* & Tab. in v. *Excommunicatio* §. *casu* 1. §. 21. distinguunt de hospitali, aut enim erectum est absque auctoritate Episcopi, & certum est eius rectores non esse personas ecclesiasticas, nec gaudere priuilegio fori, quia huiusmodi hospitale non est locus religiosus, & potest propria auctoritate conuerti in alios vsus: aut est erectum Episcopi auctoritate, & tunc aut rectores huiusmodi hospitalium promiserunt in manibus Episcopi castè viuere, mortuæque vxore aliam non ducere, & renunciauerunt propriis, & sic gaudent priuilegio fori: quia sic videntur conuersi ad locum religiosum; aut hæc non fecerunt, & non gaudent hoc priuilegio. Moderniores demum canonistæ, vt refert Felin. in d. c. 2. *de foro compet.* videntur sentire omnes rectores hospitalium gaudere hoc priuilegio. Allegant Bart. & Angelum in l. *quo constitutum ff. de milita. testam.* dicente, si rector hospitalis est laicus, esse sub foro Ecclesiæ. Adducunt etiam Perrum de Anchar. in *rubric. de regularib.* vbi ait hospitalarios esse religiosos non proprie, sed largè. Sed fortè Ancharanus hospitalarios vocat fra-

KKKk tres

tres hospitalis S. Io. Hierosolymitani, qui verè religiosi sunt, vt supra ostendimus. Mihi magis probatur sententia Hostiensis media, nã de istis hospitalium rectoribus laicis experientia videmus nullo gaudere priuilegio ecclesiastico, nam illos qui promiserint in manibus Episcopi & ordinarij nullos videmus, ideo non possumus dicere de consuetudine, de iure autem probabile est quod Hostiensis docet.

*Quibus casibus clerici in minoribus constituti perdant priuilegium fori ecclesiastici.*

#### CAPVT XIII.

1. **I**NTER priuilegia clericorum, quæ multa sunt, personalia quæ concessa sunt fauore personæ ipsorum, præstant realibus, quæ respiciunt fauorem rerum ac bonorum tam Ecclesiæ, quàm clericorum. Personalium duo sunt, vnum canonis, alterum fori. Canonis priuilegium tuetur personas clericorum propriè à vi priuata, vt quisquis manus violentas in clericum iniecerit, excommunicationis sententiam incurrat Romano Pontifici reservatâ. *can. si quis suadente 17. q. 4.* fori verò, vt clericus neque in ciuili, neque in criminali actione possit per laicum iudicem conueniri, neque ipse coram eo, sed solum coram iudice ecclesiastico possit respondere, & causam dicere, aut se purgare. Ex his duobus priuilegiis personalibus multo difficilius perditur priuilegium fori, facilius verò priuilegium canonis, vt egregiè notat Panorm. *in c. 1. de Apostat. n. 6.* multi enim sunt casus, in quibus clericus perdit priuilegium canonis, ita vt qui illum percutit gra-

uiter, non incidat in excommunicationem, quos enumerat Tabien. *in v. Excommunicatio. §. casu primo, à §. 23. per multos §. sequentes.* Syluester *v. Excommunicatio 6. §. 6.* Angelica *in v. Excommunicatio. §. à fine §. 1. per multos §. sequentes, & cõmuniter Summistæ vbi de hac canonis excommunicatione loquuntur, in quorum casuum maiori parte nõ perdit priuilegium fori.*

Perdit autem clericus priuilegiũ fori, teneturque respondere coram iudice laico aliquando in caussis ciuilibus, aliquando verò in criminalibus, atque ex delicto. Ciuiles, quia non pertinent ad præsentem disputationem, solum enumerabo. Tres enumerat gl. *in sum. 11. q. 1.* quos etiã refert S. Antonin. 3. *parte tit. 9. cap. 2.* Primus est in causâ feudi, de quo habetur expressè *in c. ceterum, de iudic.* vbi statutũ est vasallum coram domino feudi conueniendũ esse, siue vasallus sit laicus, siue clericus, siue dominus feudi sit laicus, siue clericus, quod gl. *in d. c. ceterum, in v. quandiu,* limitat, vt habeat locũ in iudicio petitorio, nõ in possessorio, in quo potest vasallus agere corã suo iudice, vt patet *in c. ex parte, de foro compet. 2.* limitat vt non habeat locũ quando quæstio feudi est inter vasallũ ex vna parte, & clericũ non vasallũ ex alia parte. Tunc enim clericus non vasallus non tenetur, nec potest respondere coram domino feudi, sed coram suo iudice ecclesiastico.

Secundus casus quãdo clericus est incorrigibilis, iuxta dispositionẽ canonis *non licuit, d. 17.* qui vel quoniã criminalis est, vel ex criminali dependet, infrã examinabitur cùm de criminibus agetur. Tertius est casus in causâ reconuentionis ciuilis,

uilis, iuxta dispositionem *can. 1. 3. q. 8. §. cuius in agendo. & c. prudentia, de mutuis petitionib. & legis si idē in 1. respons. ff. de iurisdic. omnium iudic.* Clericus enim conueniens laicū coram suo iudice potest corā eodem à laico reconueniri. Aduertendū est autem ex *gl. in can. accusatores 3. q. 8.* hanc reconuentionē in tribus casibus non habere locum. Primus est quando clericus passus est à laico violentiā, tunc enim non potest corā laico reconueniri, vt habetur in *c. relatum, de iure patron. & l. 2. §. sed si agant. ff. de iudic. vt si laici spoliante per vim Ecclesias à clericis ciuilibus accusantur, nō possent corā laico reconueniri. Secundus in possessione repetenda. c. ex conquestione, de restitut. spoliator. & c. 1. de ordine cognitionum, & l. final. Cod. de compensat. Vnde notat *gl. in c. relatum, de iure patronat. in v. corā seculari.* questione de spoliatione esse adeo priuilegiatam, vt qui illā intentat, reconueniri non possit, nisi vno casu quando agitur de alia spoliatione, & probat per *c. super spoliationem, de ordine cognitionum, & per c. significauerunt, de indi.* Tertius est casus in causā criminali, in criminalibus enim non habet locum reconuentione. Quartum casum addit *gl. in sum. 11. q. 1.* quando Papa delegaret laico iudici clerici alicuius causam, vt in *can. illud. 10. q. 3.* vbi Pelagius Papa delegauit Cresconio laico viro illuſtri defensori ne Siciſiæ Episcopis permitat petere à Parochiis vltra duos solidos nomine cathedratici.*

4. Quintū casum addit subdubitando *gl. in can. clericum nullus, 11. q. 1.* eum clericus succedit laico in bonis laici. qui casus colligi videtur ex *l. hares absens. ff. de iudic. quæ tandē*

subdit id falsum esse.

Sextum alij casum addunt in *d. 5. can. clericum nullus*, cū clericus tenetur laico de euictione, sequi enim videtur forū emptoris. *l. venditor. ff. de iudic.* quem tamen casum *gl. in d. can. clericum nullus*, non admittit, & hos duos vltimos casus licet fortē de iure ciuili locū haberent, de iure tamen canonico admittere non debemus, quia in eo nihil habemus de illis expressū, tota autem clericorum immunitas ex iure canonico petenda est.

His ita enumeratis venio ad *a. 6.* missionē fori, tā in clericis ordinum minorum, quā ordinum sacrorū. Quantum ad clericos ordinū minorum certū est quibus ex causis immunitatē initio nō assequuntur, si quid in eis ad assequendā immunitatem desit, aut insit iisdē ex causis eā perdere si superueniant. Exempli gratia, diximus suprā in clericis minorū ordinū, nisi aut beneficium ecclesiasticum habeant, aut clericale habitū & tonsuram deferentes, alicui Ecclesiæ de mandato Episcopi inseruiant, aut in seminario, aliaue schola, vel studio literis dent operā, ex Cōcil. Trident. nō gaudere priuilegio fori, ita vt quāuis qui primā tonsuram, ordinēve minores acceperit, donec aut beneficium ecclesiasticū obtineat, aut alieni Ecclesiæ seruiat de mandato Episcopi, aut studiis in aliqua schola de eiusdem licentia vacet, non sortiatur priuilegium fori: idem ergo priuilegiū perdit si posteaquam propter prædictas condiciones ad fori priuilegium admissus definant esse in eo eadē condiciones si beneficiū remūciet, vel eo priuetur, neque clericale habitū & tonsurā deferēs inseruiat alicui Ecclesiæ, sicut antē ser-

uiebat, neque det literis operam in aliqua schola de Episcopolicentia. Sed aduertendum, sicut vna tantum ex prædictis conditionibus quæcumque illa sit, satis est vt clericus ad fori priuilegium admittatur, ita vna quælibet earum satis est vt in eodem priuilegio conseruetur, etiamsi non sit eadem, quæ prius fuerat, sed mutetur. Exempli gratia, clericus habebat prius beneficium ecclesiasticum, mota ei lite ablatum est illi beneficium, carens beneficio inseruit Ecclesiæ cui de Episcopi mandato, adhuc gaudet priuilegio. dabat operam literis in aliqua schola de Episcopolicentia, ob paupertatem non potest proseguere studia, de Episcopimandato seruit Ecclesiæ in clericali habitu & tonsura, gaudet etiam priuilegio.

7. Illa superest difficultas, quoniam Concil. Trid. in illis minorum ordinum clericis, qui aut inseruiunt Ecclesiæ, aut in seminario, vel aliqua schola seu vniuersitate literis dant operam, requirit ad priuilegium fori, vt clericalem habitum & tonsuram deferentes hæc faciāt, an sicut si clericalem habitum & tonsuram non suscipiant, sed statim post susceptam ordinationem ea dimittant, incedantque vt laici non consequantur priuilegium fori, ita si posteaquam ea gestauerint, deponant, perdant etiam idem priuilegium.

8. Aduertendum est autem hanc quæstionem esse dubiam non modo de iure nouo Concilij Tridentini, sed etiam de iure antiquo. nam in c. si iudex laicus, de sententia excommunicationis lib. 6. statutum est clericum malefactorem qui ante maleficium pro laico publicè se gere-

bat, ac pro tali communiter habebatur in laicali habitu incedendo, ac tonsuram non gestando, si deprehensionis tempore repertus fuerit in habitu clericali, quoniam præsumptio est contra ipsum ex delatione habitus laicalis, non esse restituendum, donec fidem de clericatu fecerit; contra eum tamen quouis processu iudicis conuiscat. ex quo habemus apertè quòd quamuis per multum tempus ita dimiserit habitum & tonsuram clericalem, vt omnino pro laico cõmuniter haberetur, adhuc non ex hoc perdere fori priuilegium, sed supersederi in causa, donec fidem faciat de clericatu. & in Clem. 1. de vita & honestate clericorum, clerici officium carnificum, seu macellarium publicè & personaliter exercentes, qui tertio moniti non desistunt, vel vbi aliquandiu destiterint idem officium reassumunt, tunc demum priuilegium clericale personale eo ipso amittunt, cum præterea omnino incedunt vt laici quo tandiu priuati sunt, quandiu præmissis institerint. Vbi apparet dimissionem habitus ac tonsuræ, & incedere merè laicaliter, illos priuare foro, qui officium macellariorum, vel tabernariorum exercent, & hoc solum quandiu institerint, vt eo dimisso officio incipiant iterum gaudere foro. vnde Panormitanus in c. 1. de Apostatis n. 6. expressè tenet ex dimissione habitus, & tonsuræ clericum etiamsi immisceat se enormitatibus non perdere priuilegium fori, licet perdat priuilegium canonis. per text. in c. cum non ab homine, & c. perpendimus, de sententia excommunicationis Ac tunc demum perderet priuilegiū fori, cū dimisso habitu & tonsura inueterasset

ret



ret in enormitatibus, & aggressuris hominum, vt ibidem docet Panor- mitanus *in fine n. 6.* quod probant alii, quia ioculatores, goliardi & buffones exercētes illam artem per annum, perdunt omne priuilegium clericale. *c. unico, de vita & honestate cleric. lib. 6.* A fortiori debent illud perdere quando diu immisceant se enormitatibus & scāis. Sed hæc ratio non placet Panormitano *in d. c. perpendimus n. 7.* quia pœna non debet excedere calum proprium.

9. In contrarium facit quod clericus in minoribus existens potest omnino retrocedere ad clericatu, & ad vitam merè laicalem redire, prout de facto multi redeunt quotidie. ergo si omnino dimittat habitum, & tonsuram, & laicaliter viuat, ita vt pro laico habeatur, pro laico habendus est, & fori priuilegio tanquam laicus caret: quæ autem hæcenus pro contraria parte sunt adducta, nō de clerico in minoribus in particulari, sed simpliciter de omni clerico loquuntur in maioribus ordinibus constituto.

10. Quod autem attinet ad Concil. Trident. non desunt pro vtraque parte rationes dubitandi, nam quod perdat priuilegium fori, apertè videtur colligi ex eo quod in huiusmodi clerico non habente beneficium sub conditione ponit, vt fori priuilegio non gaudeat, nisi habitum & tonsuram deferens, aut seruiat alicui Ecclesiæ de mandato Episcopi, aut in aliqua schola, &c. de eiusdem licentia versetur. Ergo nisi hæc faciat, deferens habitum & tonsuram, non gaudet. Pro contraria verò parte facere videtur quod non ponuntur sub conditione ista simul, nisi habitum & tonsuram deferat, & nisi seruiat Ecclesiæ, vel ver-

setur in schola, sed solum nisi aut seruiat Ecclesiæ, aut versetur in schola: illud autem vt habitum & tonsuram deferat, non ponitur per modum conditionis, vt nisi deferat perdat priuilegium, sed per modum narrationis, & suppositionis, cuius defectu peccet, sed non amittat priuilegium clericale, ita vt conditio illa nisi, cuius defectu fori priuilegio careat clericus, cadat solum supra alternatiuam illam, vt vel seruiat Ecclesiæ, vel versetur in schola.

Respondeo primò vniuersè de clericis in minoribus constitutis etiam præciso Concil. Trid. ex Sylu. *in v. Apostasia. §. 1. i. vers. si verò sit in minoribus*, si clericus iste deponat habitum, & tonsuram animo redeundi ad statum laicalem, perdere priuilegium fori. Quoniam autem difficile est cognoscere quo animo habitum & tonsuram deposuerit, dat idem Sylu. tria signa ex quibus id cognoscamus. Primum signum est si contrahit, si conuenit, & conuenitur coram laico, si talliatur, soluit gabellas, alia onera laicorum sustinet, ac demum tanquam laicus vadit ad exercitum. Secundum si ter monitus à prælato non reassumat habitum & tonsuram. Tercium quod est omnium maximum, si conuentus aliquando coram ecclesiastico iudice excipit de foro seculari, vel aliàs in iudicio confitetur, se nolle esse clericum. His ego quartum addo signum, si sæpe coram aliis publicè dicit se deposuisse habitum & tonsuram in perpetuum, vel animo redeundi ad statum laicalem. Quintum addi potest, si contrahat matrimonium cum vidua, vel corrupta, quo facto fit bigamus, & perdit priuilegium

clericale, vt dicam paullo pòst de bigamis. Sextū si diutius incedit sine habitu, & tonsura per tres quatuorve menses, aut etiam tempore longiore, ita vt omnino acceperit habitum laicalem, & clerico omnino indecentem; si enim gestaret honestum habitum aliquo modo similem clericali, secus esset, vt si gestaret honestum pallium nigrum, longum, sagum ex panno nigro, & si non longum more clericali vsque ad talos, longiorem tamen, & honestiorem laicali, non pileū laicalem, sed galerum more clericorum. Septimū ex eodem Sylu. si dimisso habitu, tonsurāque clericali, assumat officium contrarium ordini clericali, illudque actu exerceat, ac profiteatur. vel si in habitu laicali sumat officium aduocati, & patrocinari soleat actu, & quasi ex officio in causis sanguinis, & aliis criminalibus pro & contra indifferenter, aut sumat officium ioculatoris, siue histrionis, & cum aliis histrionibus incedat, si sumat officium carnificis, ac ministri iustitiæ ad morte plectendos reos per sententiam iudicis damnatos. Hæc enim sunt manifesta signa quòd recesserit omnino à clericatu.

12. Secundò loquendo de Concilio Trid. quod videtur intendisse adhibere remedium, ne clerici clericatū non ad honestum aliquem finem, sed ad eludendum iudicium seculare atque ad impunitatem delictorum per occasionem fori abuterentur, valde probabile est ad gaudendum foro ecclesiastico illa duo, vel tria per conditionem omnia requiri, ita vt quouis eorum deficiente perdant fori priuilegium, vt gestent habitum & tonsuram, vt seruiant alicui Ecclesiæ, vtque de

mandato Episcopi seruiant, vel vt gestent habitum & tonsuram, vt versentur in seminario, vel alia schola, seu vniuersitate, vtque de licentia Episcopi id faciant. Ex his enim tribus facile apparet eos clericatum elegisse, vt clericaliter viucrent, vt si quid postea peccent etiā grauius, id ex humana aliqua passione, non ex malitia abutendi ad id clericatu ortum intelligatur. Probo, quia sacrum Concilium negatiue disponit neminem clericorum in minoribus ordinibus constitutorum gaudere fori priuilegio, & ponit sub conditione negatiua quæ sequuntur simul, Nisi, &c. totum enim quod post istam conditionem sequitur, sub eadem conditione continetur, vt tantum dē sit, nisi habitum & tonsuram gestans seruiat alicui Ecclesiæ, quantum si diceretur, nisi habitum & tonsuram gestet, ac nisi seruiat, & nisi de mandato Episcopi seruiat. & hoc mihi valde probabile videtur, quanquam non sit omnino improbabile contrarium.

His addo clericum, qui dimisit <sup>13.</sup> habitum & tonsuram animo recedendi à clericatu, quocunque ex illis signis iam relatis declarato, etiam si tempore delicti commissi, vel quando capitur reperiatur in habitu & tonsura, si probentur in iudicio illa signa, non esse admittendum ad fori priuilegium, nisi ante aliquod tempus ad arbitrium boni viri probetur resumpsisse habitum & tonsuram clericalem, & aut seruire Ecclesiæ de mandato Episcopi, aut de eius licentia versari in aliqua schola, seu vniuersitate, ex quo enim redierat ad statum laicalem, non debet illi prodesse, quod ad delinquendum, vel ad eludendum

dum iudiciumulare habitum reallumat. Infinitus enim pœnè reorum numerus sic posset eludere iudicium, & impunè delinquere.

14. Clericus verò in minoribus constitutus habens beneficium ecclesiasticum eo ipso gaudet priuilegio fori, etiam si habitum & tonsuram non deferat, etiam post Concilium Trid. quod *sess.* illa 23. c. 2. aliud non requirit, nisi vt beneficium habeat, vnde consequens est, etiam si dimittat habitum & tonsuram, adhuc non perdere priuilegium fori, quandiu beneficium retinet, quoniã hoc ipso, quod illud retinet, præsuntur velle esse clericus, compelli tamen potest & debet ab ordinario per censuras ecclesiasticas, & aliquas pœnas, vt habitum deferat & tonsuram, nec potest dicere se nolle clericaliter viuere, nisi beneficium resignet, & si id dicat debet prius priuari beneficio, & postea fori priuilegio, quandiu enim beneficium retinet per iudicem ecclesiasticum tamquam clericus cognosci debet.

15. Demum clerici vxorati fori priuilegio, quo incriminalibus tantum gaudent, priuantur. primò si vel bigamiam incurrant transendo ad secunda vota post mortem vxoris, vel cum non virgine contrahant. Rursum secundò si non seruiant alicui Ecclesie, vel monasterio, cui ab Episcopo sint deputati. Tertiò si dimittant habitum & tonsuram clericali, intellige per aliquod tempus, non enim statim ac dimittunt priuantur, sed cum notoriè dimittunt, ita vt appareat eos dimisisse, habetur partim in c. *clerici*, de *cler. coning.* lib. 6. partim in Conc. Trid. suprã citato.

*Quibus in casibus Clerici constituti in sacris perdant priuilegium fori.*

## CAPVT XIV.

CVM sacri canones de clericis simpliciter & absolute loquuntur, neque de maioribus ac minoribus distinguunt, de omnibus tam minorum, quàm maiorum ordinum clericis intelligendi sunt. Capite præcedenti de clericis minorum ordinum in specie locuti sumus, ij verò propter potestatem liberam, quã habent retrocedendi à clericatu ad laicalem statum in aliquibus statibus, atque ex aliquibus causis fori priuilegio priuantur, quæ causæ non sunt satis ad priuandum foro clericos in sacris ordinibus constitutos, qui ratione perpetuitatis assumpti status, non possunt retrocedere, nec permittuntur redire ad vitam statumque laicalem. Vnde quæ causæ sufficiunt ad hos priuandos foro ecclesiastico, eadem & multo magis sufficiunt ad priuandos eodem foro clericos ordinum minorum. Neque opus est hoc capite vllam de minoribus facere mentionem, quia eo ipso intelliguntur à fortiori.

De clericis ergo in sacris ordinibus constitutis vnum est certum communi doctorum consensu eos ordinari propter nullum graue aut atrox delictum amittere fori priuilegium, nisi fuerint incorrigibiles & realiter degradati, vel nisi posteaquã fuerint verbaliter depositi sint certo quodã modo incorrigibiles,

vt posterius dicitur. Incorrigibilitas ordinariè necessaria est ad degradationem, realis verò degradatio ad priuandum priuilegio fori.

3. Incorrigibilitatem ordinariè requiri ad degradationem clerici in sacris constituti in omnibus criminibus & delictis grauioribus, patet per text. in c. *ut si clerici, de iudic.* vbi pro delictis, pro quibus clerici suspendi debent, vel deponi, posteaquam suspensi, vel depositi fuerint, prohibentur tradi iudici seculari quasi priuilegio fori exuti. & ratio affertur, quia non debet eos iudex duplici contritione contere. His addamus text. in c. *cum non ab homine, eodem tit.* vbi constitutum est, clericum si in furto, homicidio, periurio, seu alio crimine fuerit deprehensus, atque ab ecclesiastico iudice conuictus, deponendum esse, nempe depositione verbali, tum si non se corrigat, procedendum esse ad excommunicationem & anathema, ac demum si in profundum malorum veniens contempserit, tunc demum tradendum esse iudici seculari, vt per eum comprimatur. Seculari verò iudici tradi ordinariè non debet, nisi prius degradetur degradatione reali, per quam exuatur omni priuilegio, atque ordine clericali. Merito ergo dictum est incorrigibilitatem debere præcedere ad degradationem realem, degradationem verò ad traditionem faciendam iudici seculari, seu ad habilitandum eundem, vt liberè ac licitè, contra clericum aliàs in sacris ordinibus constitutum procedat. Id vique adeo verum est vt requiratur incorrigibilitas in delictis ad degradationem, & ad tradendum curiæ seculari, vt cum Romæ quidam clericus, in sacris constitutus, occidisset

set sacristam Ecclesiæ B. Petri, vt deprædaretur sacra, quæ duo crimina atrocissima singula per se erant, consilio peritorum iudicatus sit non esse de iure tradendus curiæ seculari, donec Pontifex de plenitudine potestatis illum tradi fecerit, vt refert ex Arch. Sylu. in v. *degradatio §. 4.* Ratio autem cur istum incorrigibilem atque obstinatum in delictis Ecclesia degradatum tradat curiæ seculari, affertur in text. in d. c. *cum non ab homine*, quia Ecclesia non habet ultra quid faciat, id est, non potest illum ulterius punire, & ille, nisi puniatur, esset perditio plurimorum, ideo degradatum tradit illum iudici seculari, qui potest illum ulterius punire, & habet vteriores pœnas quibus impediatur, ne aliis nocere possit.

4. Dixi autem ordinariè ita se habere, quia sunt quædam crimina, in quibus propter nimiam suam acerbitatem, vel publicam perniciem, statim degradandus est prima vice, nec expectanda est vlla incorrigibilitas: quædam in quibus fortè absque vlla degradatione per sententiam ipsam iuris intelligitur exutus omni priuilegio clericali, & per laicam potestate in puniendus, de quibus dicam paulo inferius, vel post verbalem depositionem secuta incorrigibilitate per iudicem secularem absque actuali degradatione castigandus.

5. Dixi demum, realiter degradatus, non enim satis est degradatio verbalis. Pro declaratione aduertendum est depositionem ac degradationem aliquando pro eodem usurpari, & tunc distinguitur duplex depositio, seu duplex degradatio, vna verbalis quæ fit solò verbo ac sententia iudicis; alia realis, seu actualis

lis

lis, quæ fit per quosdam alios actus externos cū certa solemnitate. Propriè tamen depositio verbalem, degradatio realem seu actualem privationem significat. Depositio est pœna leuior, degradatio multo grauior. Depositio propriè est privatio legitime executionis ordinum, & officiorum, ac beneficiorum ecclesiasticorum simpliciter, & ex toto absque spe restitutionis, retento tamen utroque clericali priuilegio canonis & fori facta per sententiam, ac simplici voce. Degradatio actualis seu realis est privatio omnium prædictorum simpliciter & ex toto, nec non & vtriusque priuilegij clericalis, tam canonis, quàm fori, & fit cum quadam solemnitate, non modò verborum, sed etiam factorum, exiit enim singulis vestimentis sui ordinis clericalis, & in vltimo vestimento exueudo, simul exiit omni clericali priuilegio. Neque verò soli clerici maiorum ordinum, sed etiam existentes in minoribus degradari possunt, vt notat Anton. Butr. in c. *ut si clerici. de iudic. Pa-* normit. in c. *cum nō ab homine, eodem tit. n. 3.* & ibi Barbat. col. 1. Arnal. Albertin. in repetit. c. *quoniam, de heret. lib. 6. vers. nota: 5.* Bernard. Diaz in *pract. criminal. can. cap. 132.* Henricus Henriquez lib. 13. cap. 55. §. 2 & 3. Maiolus lib. 3. de *irregularit. cap. 12. n. 4.* & Specul. tit. de *dispensat. 5. iuxta, vers. quid si diaconus, & vers. sequenti.* & licet pro hac sententia multi citentur canones, vnus tamen solus illi apertissimè fauet; qui solus de reali degradatione loquitur. *can. Episcopus presbyter. 11. q. 3.* ibi cū quæsitum esset à Moguntinensi Concilio, an deiectus à gradu suo iniustè, si in secunda Sy-

*P Gambas de immus. Eccl.*

nodo innocens reperiat, possit exercere actus suos, sicut autè. Respondet non posse nisi gradus amissos, id est, insignia, quibus spoliatus fuerat coram altari de manibus Episcoporum, si Episcopus est orarium, baculum, & anulum, si presbyter orarium & planetam, si diaconus orarium & albam, si subdiaconus patenam & calicem, si reliqui gradus inferiores, in reparatione sua recipiant ea, quæ cū ordinarentur perceperant, quæ nempe in deiectione amiserant. Quo loco ex eo quod vult eos recipere de nouo de manibus Episcoporum gradus amissos, id est, insignia graduum amissa, planè ostendit Concilium, loqui se de degradatione actuali, in qua exuuntur qui degradantur insignibus, ac vestibus suorum graduum, exprimit autem id faciendum etiam cū promotis ad ordines minores infra subdiaconatum: ergo isti possunt etiam degradari. Quod autem hæc recipiant de manibus Episcoporum, & quod post degradationem actualem possint restitui, procedit vtrumque de iure antiquo; nunc autem depositum etiam verbaliter solus Papa restituit, *can. ideo 1. & 2. 2. q. 3.* & actualiter degradantur coram iudice seculari, eiusque foro ex ipsa degradationis forma traduntur. in fine enim degradationis pronunciat ab Episcopo, vt iudex secularis in suum forum recipiat degradatum. *c. nominus, de verbor. signif.* communiter ergo, vt in initio diximus, degradationem actua-lem debet præcedere delictum graue, seu capitale, & incorrigibilitas.

At de incorrigibilitate quæri potest, quænam dicenda sit incorrigi-

LLL I.

bili

bilitas, seu quando dicatur clericus incorrigibilis. Mihi videtur distinguendum, vt alia incorrigibilitas requiratur ad clericum degradandum, & posteaquā fuerit degradatus, tradendum curiæ seculari; alia verò ad hoc vt clericus etiam non actualiter degradatus, nec traditus curiæ seculari, sed solum verbaliter depositus, & post depositionem incorrigibilis possit puniri per iudicem secularem absque alia degradatione, vel depositione, iuxta dispositionem *c. cum non ab homine, de iudic.* Ad procedendum contra clericum in quocumque ordine constitutum, ad realem & actualem degradationem satis esse puto quod delicta capitalia siue eiusdem speciei, siue diuersarum specierum frequenter iterauerit, & ter monitus vel punitus non emendauerit, sed nihilominus perseueret, vt si ter commisit homicidium, furtum, &c. vt cum ad similia, vel peiora ter vt minimum lapsi post debitas monitiones ac sententias sint, id satis sit, vt degradati tradantur iudici seculari, siue prius ob illa priora delicta fuerint verbaliter depositi, siue suspensi, siue detrusi in monasterium, siue qualibet alia pœna per ecclesiasticum iudicem puniri. Addit Panorm. in *c. cum non ab homine, de iudic.* contra Anton. de Butrio n. 30. *vers. item, in quantum*, dicit incorrigibilem etiam esse eum, qui non exequitur impositam sibi pœnam, nec vocatus vult redire ad eam exequendam, vel abscondit se, nec facit sui copiam. Primò quia tunc est præsumptio maxima contra eum, quod alia deteriora committeret. *c. vs fama, de sens. excom.* quia quauis non reperiatur in nouo delicto, non vult ta-

men se corrigere à priori, & quia non parendo sententiæ committit nouum delictum rebellionis & contumaciæ.

Ad hoc autem vt iudex secularis etiam nulla præuia actuali degradatione, nulla illi facta per Ecclesiam clerici traditione, possit nihilominus contra illum procedere, eumque punire, iuxta dispositionem *c. cum non ab homine, de iudic.* requiritur illa sollemnis incorrigibilitas eiusdem clerici secundum modum ibi traditum, vt notat ibidem Panorm. n. 18. non enim omnis incorrigibilitas, sed incorrigibilitas secundum modum ibi traditum exiit clericum omni privilegio clericali ipso iure. Modus ibi præscriptus continet tres gradus pœnæ contra clericos perseuerantes in delictis, quibus adhibitis, & nihilominus clerico perseuerante dicitur incorrigibilis. Primus gradus pœnæ est vt clericus in delicto capitali, cuiusmodi est furtum, homicidium, &c. deponatur. Secundus gradus vt si depositus perseueret moneatur, ac monitione non proficiente excommunicetur, hoc est, vt ait gl. suspendatur, & quauis textus nihil de monitione dicat, ea tamen requiritur ex natura excommunicationis. *c. sacro, de sententia excom.* Tertius gradus si post excommunicationem non resipiscat, anathematizetur, & si se emendet, adhuc manet sub potestate Ecclesiæ, si adhuc perseueret malè agere, & paria vel maiora committere, quasi omnes ecclesiasticas pœnas contemnens, tunc cum Ecclesia non habeat ultra quid faciat, & quo eum puniat, quasi exutus omni privilegio ecclesiastico per secularem iudicem puniri potest absque alia degradatione

tione, nec Ecclesiæ requisitione, cum textus *in d. c. cum non ab homine*, hæc non requirat. & licet Cardin. *in d. c. cum non ab homine*, putet saltem requiri, ut per iudicem ecclesiasticum declaretur clericum illum esse incorrigibilem: Panorm. tamen ibi n. 29. putat si subtiliter consideretur non esse necessariam declarationem, quia cum præcesserint in iudicio tres illæ pœnæ, depositio, excommunicatio post trinam monitionem, atque anathematizatio, si iste non se corrigit, sed deprehenditur in aliquo delicto; præsertim in flagranti, iam luce clariùs constat de eius incorrigibilitate, nec inficationi locus relictus est. Demum quia text. *in d. c. cum non ab homine*, nullam facit mentionem huius declarationis. Quod si in aliquo casu dubitaretur de hac incorrigibilitate, quem idem Panorm. putat faciliè evenire non posse, debet præcedere declaratio, quæ si timeatur de fuga ipsius rei, fieri potest receptis testibus lite non contestata, & parte non citata: si autem nullum sit fugæ periculum, quia reus est in tuto positus, licet contestata & citata parte, & tunc iudex secularis per se potest contra huiusmodi clericum, etiam si in sacris sit constitutus, imò etiam si sit sacerdos, liberè procedere, cumque damnare etiam ad mortem.

Atque hæc sunt duæ viæ ordinariæ, per quas clericus quicumque omni privilegio exutus pertinet ad forum seculare, siue laicum, si sit degradatus, aut si cetero modo, ut dictum est, incorrigibilis post tertiam anathematis pœnam.

3. Dubitâr doctores an in clerico degradato sit necessaria traditio, qua iudici potestatiq; laicæ per Ecclesiâ tradatur, an verò eo ipso quod

est degradatus, quasi per quâdã consequentiã omni privilegio clericali exutus ad pristinum reuertatur, & ab Ecclesiæ potestate excludatur in laicam recadat potestatem absque vlla, non modò reali, sed ne verbali quidem traditione. Tractat hæc dubitationem Innoc. I I I. *in c. novimus, de verborum signific.* refertque nonnullos Romanos Pontifices prædecessores suos de hac re diuersa respondisse. Quorundam enim Pontificum opinionein à pluribus approbatã clericũ degradatum tãquã privilegiis clericalibus in degradatione exutum seculari foro per quãdã consequentiã eo ipso applicatũ esse, cum ab ecclesiastico foro fuerit proiectus. Ipse autẽ Innoc. statuit fieri traditionem verbalem, ut degradatio fiat corã seculari potestate, finitq; degradatione pronuncietur potestati seculari, ut in suũ forũ recipiat degradatum, qua facta traditione verbali, Ecclesiã efficaciter inrecedat apud eundem pro degradato, ut citra mortis periculum procedat contra eum. Hinc quidã, ut refert & probat Io. de Lignan. tenent non statim per degradationẽ perdi clericale privilegium fori, nisi tradatur iudici seculari. N6 enim putat bonã esse consequentiã, ut quia est exutus foro ecclesiastico, ideo sit de foro seculari. Nam etiam post degradationem clerici dominium penes Ecclesiam manet, quod non amittit nisi traditione: sicut apparet in omnibus aliarum rerum dominiis, quæ sine traditione non amittuntur. Contrariam sententiam tenent Io. de Fan. relatus apud Gemin. *in c. degradatio. §. poteris. n. 4. de pœnis lib. 6.* cui ipse Gemin. subscribit, & ibi Francus n. 2. Angelica *in v. degradatio g. 2.*

LLL 1 2

Sylu.

Sylu. v. *degradatio*, §. 5. absque vlla neque reali neque verbali traditione transire degradatum in ius, & potestatem laicorum iudicii. Probant ex c. *degradatio*, vbi omnis degradationis forma tam actionum, quam verborum præferibitur diligenter, & tamen huius traditionis nulla fit mentio, & ratio id aperte docet, quoniam in omnibus aliis dominis eo ipso quod rei dominus rem quacumque abiicit à se, animo abiiciendi, verè se abdicat dominio illius rei, & transsit in ius primi occupantis. Non sunt autem nisi duæ potestates, ecclesiastica, & laica: ergo eo ipso quod ecclesiastica potestas abiicit à se clericum per degradationem animo abiiciendi, potest illi sibi occupare potestas laica, & de illo cognoscere. Fauet huc sententiæ text. in can. 2. d. 54. & can. ex antiquis, ead. d. vbi statutum est seruos non canonicè promotos ad sacros ordines, posteaquam de gradu deciderint, id est, religioso priuilegio fuerint exuti, ad dominorum suorum possessiones, atque ad seruilem conditionem, in qua antè fuerant, reuerti. ergo clerici degradari, de gradibus clericalibus deiecti, redeunt in ius laicæ potestatis, ad quam ante illos gradus pertinebant. Ad textum autem illius c. *nonimus*, de verbor. signific. qui multum videtur fauere contrariæ sententiæ, respondeo eum non obstat quo minus curia secularis etiam sine traditione verbali ius acquirat, sed id iubere ad obligandum eandem, vt clericum recipiat in suum ius. quoniam enim curia secularis posset ex aliqua passione prætere de degradatum ad se non pertinere, & permittere illum fugere, aut impune abire. Ideo ad tollen-

dam omnem excusationem, & ad obligandum eandem curiam vt illum in suum recipiat, & secularibus afficiat poenis, præceptum est vt degradatio fiat coram laica potestate, & vt statim post degradationem illi per Ecclesiam verbaliter tradatur.

Et licet textus c. *degradatio*, editus sit à Bonifacio VIII. annis circiter octoginta post Innoc. III. ei que tamquam posteriori videatur stari posse, non obstante antiquiore illa dispositione c. *nonimus*. ac consequenter videatur posse fieri degradationem non vocata potestate seculari, nullaque ei facta traditione, tamen longè probabilius est seruandam esse dispositionem d. c. *nonimus*. tum quia possunt simul stare, atque ideo non est necesse ius antiquius recentiore iure reuocari, tum quia sic tollitur seculari potestati omnis excusatio, & obligatur ad recipiendum in suum forum degradatum, tum quia ita seruat praxis etiam in degradatione, quæ fit propter crimen hæresis. Quoniam autem superius dictum est ad degradandum clericum requiri incorrigibilitatem ordinariè, meritò dubitari potest, an aliqua sint crimina, in quibus absque incorrigibilitate possit aut debeat degradari. Respondeo ex gl. in c. *cum non ab homine*, in v. *postmodum*, in duobus casibus, nempe in crimine hæresis, & in falsificatione literarum Apostolicarum. De hæreticis habentur hæc verba in c. *ad abolendum*, de hæret. §. *presenti*. Sancimus vt quicumque manifestè fuerint in hæresi deprehensi, si clerici fuerint, vel cuiuslibet religionis obumbratione fuscatis, totius ecclesiastici ordinis prerogativa nudentur, & sic omni officio, & beneficio spoli-



liati ecclesiastico, secularis relinquantur arbutio potestatis, animaduersione debita puniendi. Nisi cōtinuō post deprehensionem erroris ad fidei catholica unitatem sponte recurrere, & errorem suum ad arbutum Episcopi regionis publice consenserint abiurare, & satisfactionem congruam exhibere. Eidem poenæ subiacent qui solum sunt suspecti de heresi, nisi suspicionem arbitrio Episcopi purgauerint, & qui scilicet relapsi sciendo statim abiurarunt hæresim, si in hæresim postea relabuntur.

De falsariis Apostolicarum litterarum in c. ad falsarios, de crimine falsi. ita constitutum est, statuentes, ut clerici qui falsarij fuerint deprehensi, omnibus officiis & beneficiis ecclesiasticis perpetuo priuati, ita quod qui per se falsitatis vitium exercuerint, posteaquā per ecclesiasticum iudicem fuerint degradati seculari potestati tradantur secundum constitutiones legitimas puniendi.

10. Tertius videri posset casus in can. si quis sacerdotum l. 1. q. 1. vbi Pius Papa in epistola 1. statuit, si quis sacerdotum, vel reliquorum clericorum suo Episcopo inobediens fuerit, aut insidias ei parauerit, aut contumeliam, aut conuicia intulerit, & cōuinci potuerit, mox depositus curiæ tradatur, & recipiat quod iniquè gessit. qui textus videtur satis apertè incorrigibilitatem excludere, cum ait, si conuinci potuerit, mox, id est, statim. non expectata incorrigibilitate, depositus, hoc est, degradatus. tradatur curiæ, nempe seculari quem sensum recipit ibi gl. in v. mox depositus, tanquam probabilem. Sed verius, vel intelligendus est, si sit incorrigibilis, ut tenet gl. in eodem can. in v. si quis, & gl. in v. clem. non ab homine, de iudic. in v. postmodum.

quod communiter tanquam iurius approbati in c. final. de testib. cogen. testatur Panorm. in c. nisi clerici, de iudic. n. 37. & Sylu in v. degradatio. §. 4. vers. 3. cum quis. vel dicendum est id non esse vsu receptum, delicta enim ibi numerata non videntur adeo graua, ut statim prima vice de eorum aliquo conuictus degradari & seculari curiæ tradi debeat.

11. Quartum casum addit Greg Saurus in Theodoro casum consentane lib. 5. cap. vlt. n. 21. criminis sodomie per constitutionem quandam Pij V. quæ incipit, cum primum. vbi committentes huiusmodi crimen, si clerici fuerint, omnibus ordinibus degradatos seculari curiæ puniendos tradi iubet, & per aliam eiusdem bullam, quæ incipit, Horrendum, vbi idem præcipit.

12. Quinto Panormitanus in c. nonimus, de verbor. signifi. n. 2. & 3. obseruat in quibusdam alijs grauissimis delictis non esse expectandā incorrigibilitatem, ut in homicidio qualificato, quia clericus interficit patrem, matrem, vel prodit patriam, vnde secuta est magna strages. & in delicto valde graui & damnos. tunc enim tadi debet incontinenti curiæ seculari, non expectata incorrigibilitate, quæ expectanda est in criminibus solum non grauissimis, ut in simplici homicidio, perituro, &c. Idem dicit Panormitanus in c. si clerici. vbi addit etiam si clericus occidat sacerdotem proditoriè cum spoliatione bonorum, & n. 40. idem videtur asserere de illis delictis, in quibus grauissime poenæ de iure ciuili sunt constitutæ, vt damnationis ad bestias, combustionis, scissionis in frusta, & similia.

Parat autem tunc aliquod delictum ad

grauia & atrocia, vt absque actuali, reali, degradatione, & absque illa incorigibilitate dicti capituli cum non ab homine, possit clericus cognosci ac puniri per iudicem secularem post verbalem depositionem, non immerito dubitatur. Probabile autem valde est huiusmodi esse crimen assassiniij, ac læsæ maiestatis. De crimine assassiniij tener hoc Lop. c. 1. de homicidio lib. 6. & Domin. ibi in fin. Barbat. in c. at si clericus, de iudic. col. 32. n. 129. Io. Lupus in tract. de liber. eccl. q. 9. Diaz in pract. crimin. cap. 91. Gregorius Sayrus lib. 5. *Thesauri casuum conscientia* c. 29. n. 15. Et rationem affert Domin. in d. c. 1. de homicidio lib. 6. & Francus ibidem n. 5. vers. 10. nota. summa Angelica in v. *Assassinus* q. 3. Iacobus Vngarell. ibi in additionib. ad summam Angelicam, v. & sine alia. Sylu. in v. *Assassinus*, §. 3. vers. 4. *virum percutiens, & in v. degradatio*, quia clerici assassini in d. c. 1. de homicidio lib. 6. sunt diffidati à toto populo Christiano, ita vt à quouis priuato possint impunè occidi, & consequenter sunt degradati à iure. Diffidatio enim ponit clericos extra omnem protectionem Ecclesiæ, atque extra omnem potestatem iudicis ecclesiastici: vnde si iudex ecclesiasticus vellet clericum notoriè assassinum, vel de assassinio conuictum punire, iure suo posset curia secularis illum sibi petere tamquam ad suam iurisdictionem pertinentem, virtute d. c. 1. de homicidio lib. 6.

14. De crimine læsæ maiestatis, est text. in c. *perpendimus. de sent. excom.*, secundum vnum intellectum receptum per aliquos doctores, qui tamen sensus non est vsque adeo certus. Vnde in iure valde dubito an ex

ipso crimine maiestatis perdat priuilegium fori. Sed quicquid sit de iure, de facto scimus si huiusmodi clerici, aut etiam Episcopi, & in quauis dignitate positi in hoc crimine deprehendantur, solere Priuicipes, in quos conspirauerunt, nulla expectata depositione, degradatione, neque iudicis ecclesiastici cognitione super causa eadem illos damnare ad mortem, & si notorium sit crimen, vel publicè, statim nullo facto legitimo processu eos vita priuare, quod qui faciunt, quamuis iuncti dispositioni *de perpendimus*, sibi videantur, videant quid faciant. Clerici præterea qui se ioculatores, seu goliardos faciunt, aut buffones in duobus calibus perdunt ipso iure omnia priuilegia clericalia, etiam priuilegium fori. prior est si per annum artem illam ignominiosam exerceuerint, posterior etiam si tempore breuiori eam exerceuerint, & teritiò moniti non respuerint. c. *unico, de vit. & hon. cleric. lib. 6.* Aduertendum, licet hoc delictum non sit atrox, tamen meritiò priuare omni priuilegio clericali, quia est ars ignominiosa, & infamis, & valde præiudicat clericali dignitati. Ioculatores enim faciunt spectaculum proprii corporis, sicut histriones, aut etià vilis. *Goliardi* vox est Gallica, *buffones* vox Italica, estque ars indignissima clericis, requiritur autem quoddam hæc ex arte, hoc est, ex ordinario quodam exercitio, & vitæ instituto faciant. Vnde si vel priuam, vel aliquando relaxandi animi causa hæc facerent, non inciderent in has pœnas. & licet Io. Monach. putet hanc dispositionem solum habere locum in clericis ordinum minorum, tamen Archidiaconus affirmat etiam in clericis ordinum sacro

sacrorum, quod certe probabilissimum est, ex eo, quòd clericos simpliciter, & absolute nominat, qua voce omnes comprehenduntur; tum quia videtur multo magis debere locum habere in maioribus, quoniã valde indecentius, & indignius, ac clericali statui magis præiudicat hæc fieri per clericos in sacris ordinibus constitutos, & quo altior est ordo; eo indignius, atque indecentius factum.

*Quibus casibus religiosi perdant privilegium fori ecclesiastici.*

## CAPVT XV.

**I**N religione approbata atque ordine regulariũ plura genera personarum reperiuntur, quæ omnia gaudent privilegio clericali. Primum sunt professi, qui soli de iure antiquo veri religiosi habebantur, novitij, qui sunt in via ad religionem, & imperfecti atque inchoatiue religiosi, atque oblati, qui per contractum se offerunt religioni, atque ad ei serviendum se obligant, qui mutato habitu cum religiosis viunt, & Deo ac religioni seruiunt. Iure nouo per Gregorium XIII. declaratum est in nostra religione Societatis Iesu etiam per vota simplicia religionis, & non solemnia, siue sint vota scholasticorum approbatorum, siue temporalium coadiutorum non formatorum paupertatis, castitatis & obedientie, quæ finito probationis duorum annorum tempore singuli emitimus, siue sint

simplicia vota coadiutorum formatorum, siue spiritualium, qui omnes sacerdotes sunt, siue temporalium, qui sunt laici, veros religiosos fieri. Vnde sunt in religione veri religiosi professi, sunt scholastici approbati, sunt simplices coadiutores temporales non formati, sunt coadiutores formati non modò spirituales, sed etiam temporales, sunt præterea novitij. Ex his omnes illi qui non sunt professi, si non sint clerici possunt redire ad statum laicalem, vel cum apostasia redeundo sine licentia superioris, vt est in verè religiosis per vota simplicia nostræ religionis, vel sine apostasia, si sint novitij, seu oblati in qualibet religione, & in nostra religione quicumque per vota simplicia facti veri religiosi, vel ab ipsa Societate ex causis illi visis dimittuntur, vel ipsi de eiusdem licentia recedunt. Hoc supposito,

Dicendum est primò religiosos professos in quacumque religione approbata nunquam perdere privilegium fori, etiam si apostatarèt à religione, habitumque dimitterent, nisi in casibus, quibus illo privilegio priuatur clerici propter delicta, vel per actualem degradationem, vel per sententiam iuris, quos modos abundè explicauimus cap. præcedenti. Novitij verò eo ipso quòd religionem deserunt, ab eaque dimisso habitu recedunt, desinunt omnino ad religionem pertinere, & consequenter eo ipso priuantur foro ecclesiastico. Dubium est de novitio, qui extra claustrum dimisso habitu deprehensus est in aliquo delicto. Ex eo enim quòd sine habitu repertus est,

& quod committit delictum, præsumitur propositum religionis deseruisse, maximè verò si delictum esset de numero illorū octo, quæ in hac constitutione ab immunitatis privilegio sunt excepta. Ac certè si post dimissum habitum probari posset eum animo deserendi religionem id fecisse, vt si dixit aliquibus se nolle esse religiosum, se deseruisse omnino religionem, aut si à religiosis ad nouitum negasset se velle redire, ecclesiastico foro sine vilo dubio careret, & ab Episcopo si ad Ecclesiam confugisset, sicut laicus, & non tamquam religiosus tractandus esset: si verò nihil horum posset probari, & ipse posset prætere de se esse nouitum, & religio illum tamquam suum petere, agereque vltimo foro remitteretur, præsertim ad liberandum illum à pœna capitis vltimique supplicij. Ego verò superioribus regulares monerem libenter, vt quandoquidem sine habitu deprehensus est in delicto, eum pro nouitio amplius non haberent, non illum repeterent, sibi imputer quod habitum dimiserit. Non enim sunt hæc religiosi tyrocinij exercitamenta, non mutata vitæ indicia, non religiosi animi signa, non religiosæ perfectionis semina, non specimen virtutis atque honestatis, non bene de eo sperandi initia tam impudenter, tam immaniter nouitatus tempore dimisso habien deliquisse. Si in ipsis spiritus primitiis, in ipsis religiosi tyrocinij feruoribus, in ipsa religiosa custodia, quæ vigilantissimæ solent superiores ac magistri nouitiorum vigilare super nouellum gregem, in ipsa diuinarum gratiarum affluentia, quæ nouitiatus tempore abundare, & superabundare solet, hæc ausus est, quid non

mali aggesturus putandus est, vbi reflexerit spiritus, vbi secuta ex professione libertas, vbi cessauerit vigilantia superiorum, vbi manum delictis quibusdam gratiarum largiendis subtraxerit Deus. Quod si cum habitu fuerit in delicto deprehensus, præsertim si recens egrediens est de monasterio, vel si sibat cum socio tamquam nouitius, iam ratione reuerenti habitus præsumitur non habuisse animum deserendi religionem, potest cum superior petere tamquam nouitium, potest hac ratione ab vltimo supplicio liberare, expedit etiam vt ita faciat, quandoquidem non videtur deseruisse religionem, sed moneo atque hortor, vt posteaquam illum liberauerit à morte, & ecclesiastica pœna castigaue rit pro delicti qualitate, è religione tamquam nouitium nequam dimittat, neque vlla ratione in religione retineat.

De professis, quorum professio fuit nulla, vel quia facta fuit ante ætatem, vel quia ante completum annum probationis, vel quia erat iam vxoratus, & consummaverat matrimonium, vel quia erat seruus, & sine voluntate domini professus est, vel quia per vim, & metum cadentem in constantem virum sine intentione profitendi, vel propter aliam quamcumque causam, dubitari potest an & quamdiu gaudeat foro. Nam ex vna parte videntur non gaudere, quia isti verè non sunt professi; cum professio sit omnino nulla, & non sunt nouitij, vt patet non sunt oblati, & ergo non sunt vilo modo religiosi, maximè verò si publicè confecti, vel notorii sit professionem esse nullam.

Pro declaratione videtur mihi di-

fin

stinguendum inter eos, quorum professio est nulla solum ex parte ipsorum, ita ut in potestate ipsorum sit illam validare, seu de nouo profiteri, ut si est nulla ob defectum ætatis, vel ob metum, &c. an verò sit nulla ex alio impedimento, quòd sit in potestate alterius, neque est in potestate ipsius professi validare illam ratificando, seu de nouo profitendo, ut est si professus sit seruus sine voluntate domini, aut maritus sine voluntate vxoris. Secundò videtur etiam distinguendum, an is cuius professio est nulla, statuerit exire à religione, ac propterea probauerit nullitatem, an verò velit omnino perseuerare in eadem, peratque de nouo profiteri. His positis,

5. Dico primò si professio est nulla ex impedimento, quòd sit in potestate alterius, & ille requisitus negauit assensum, supposito quòd publicè constet de nullitate, si iste interim delinquat, non videtur in rigore gaudere priuilegio fori. Probatur, quia constat ipsius professionem esse omnino nullam, & inuolidam, æquè constat hunc esse inhabilem ad profitendum propter permanens impedimentum, ergo non est professus, neque verò nouitius, ut si constet eum esse seruum, seu vxoratum, & dominus seu vxor iam illum repetunt. Addo quòd etiam si post delictum dominus, vel vxor, ut liberarent eum ab extremi supplicij periculo, consentirent, & ille vellet profiteri, adhuc superiores non deberent eum ad professionem admittere tãquam valde graui crimine criminofum. & probabile valde est eiusmodi professionem tamquam factam metu ultimi supplicij, & in fraudem non

*P. Gambac. de immuni. Eccl.*

illi valere, præsertim in delicto deliberato, & ex præcedenti deliberatione commissò. Nam tunc videretur nõ habere animum ad religionem, nam si detecto impedimento iste laboraret pro obtinenda licentia denuo profitendi, ostenderetque voluntatem seriam perseuerandi in religione, & spes esset obtinendæ licentiæ, intereaque casu fortuito ex aliqua repentina suborta occasione delinqueret, posset prætere forum, quia saltem illi deberetur tamquam nouitio, & religio posset illum petere. Nam ut minimum res esset dubia, & in dubio posset prætendi forum fauore religionis.

Secundò dico, si professio sit nulla ex impedimento existente in potestate ipsius nullitèr professi, quia fecit ex metu, animo non profitendi, vel non habebat ætatem, quam modò habet, &c. & iste petiit declarari nullitatem volens exire, ac redire ad seculum, mansitque in ea voluntate publicè, aut notoriè in conuentu vsque ad tempus delicti, cùmque esset in præcipitu exeundi deliquit, siquidem deprehensus est absque habitu, videtur omnino carere fori priuilegio, præsumitur enim iam executus esse suam voluntatem deferendi vitam religiosam. Si verò deprehensus est cum habitu religioso, habet ipse simul & religio aliquem prætextum petendi forum, quamquam si nullum vsque ad eam horam dedit signum poenitentiae, ac voluntatis permanendi in religione, adhuc debeat præsumi egressus animo deferendi religionem, habitum autem gestasse, vel in fraudem, ut posset sub eo velamine prætere forum, vel quia nondum habere

MMM m po

potuit habitum laicalem.

7. Tertiò, si dum publicè probabat nullitatem professionis, ostendebat animum perseverandi in religione, ac denuo profitendi, vel cum priùs haberet animum exeundi, dedit signa penitentiae, & mutata voluntate petebat denuo ad professionem admitti, & interea antequam de nouo validè profiteretur, committit graue delictum, puto sine dubio gaudere fori priuilegio, quia saltem gaudere debet, vt nouitius. Intellige si cum habitu sit deprehensus; si enim habitum deseruisset, non nihil dubitarem, magis tamen, aut minus, prout dedisset signa voluntatis permanendi in religione, aut ab ea recedendi, quamuis enim voce diceret se vel se perseverare, ac denuo profiteri, poterat tamen factis ostendere voluntatem omnino contrariam.

8. De religiosis nostrae Societatis, qui per vota simplicia siue scholasticorum probatorum, siue coadiutorum temporalium non formatorum, quae vota emittunt omnes absoluto biennio probationis, nec non qui per vota simplicia coadiutorum, tam spiritualium, quam temporalium coadiutorum formatorum efficiuntur veri religiosi, nec minus quam professi gaudent fori priuilegio, quoniam ij omnes sunt in quodà statu retrocedendi ac redeundi ad seculum, siue quia ipsa religio ex causis sibi beneuicis iuxta Apostolica priuilegia eos dimittit, siue quia ex aliis causis per eos propositis dat illis licentiam exeundi, palàm est eos omnes, nisi clerici sint, hoc ipso, quod à Societate de eius licetia exeunt, aut dimittuntur, merè laicos esse, ab omni que

votorum suorum obligatione liberos, atque ideo omni statim carere priuilegio fori, cum primùm extra Societatem pedem efferunt.

Si verò absque Societatis ipsius 9. licentia exeant, siue cum habitu clericali more Societatis, siue absque eo, sicut secundum priuilegia Societatis incurrunt crimen apostasiae, & per Societatem cogi possunt ad redeundum, & ad manendum in ea tandiu, quandiu Societas eos retinendos iudicauerit, ita verè gaudent priuilegio fori tamquam veri Societatis religiosi, & quicquid interea vbiuis gentium delinquat, si nondum à Societate licentiam & votorum absolutionem obtinuerunt, potest Societas illos repetere vt suos.

Posteaquam autem vel Societas 10. illos dimisit, vel ipsi sine licentia egressi, tandem licentiam & votorum absolutionem ab ea obtinuerunt, neque illi si delinquant possunt prætendere se esse religiosos, aut Societatis auxilium iuridicè inuocare, neque Societas vllum habet ius petendi eos, vt eos liberet ab extremo supplicio, non minus ac si in Societate nunquam fuissent, sunt enim omnino extra statum religionis & meri laici.

*An praesentis constitutionis dispositio quoad formam in ea traditam casusque de nouo additos pertineat ad clericos & religiosos.*

#### CAPVT XVI.

**P**RIMA circa hanc materiam 1. occurrit dubitatio an in hac constitutione

stitutione cognitionem de causa immunitatis harum personarum Pontifex committat Episcopo, earum præsertim, quæ habent suos immediatos superiores, esto enim de causis propriorum clericorum Episcopus iudicare debeat, num sint confugiendo ad Ecclesiam ad immunitatem admittendi, non eadem videtur ratio de aliis.

2. Respondeo nihil omnino committi Episcopo de clericis alicui alij prælato subiectis, neque verò de religiosis, qui habent suos prælatos regulares habentes in eos episcopalem iurisdictionem. Nā Pontifex quando hanc cognitionem Episcopo committit, loquitur expressè de solis laicis, ut patet evidenter ex verbis ipsius constitutionis. Nam §. 7. ait: *Sed univ ersis & singulis venerabilibus, &c. districtè præcipiendo mandamus, ac præcipimus, ut laicos in casibus prædictis, &c. & §. 8. ne autem curia secularis prædicti ministri, &c. ab Ecclesiis, monasteriis, locisque sacris prædictis laicum aliquem delinquentem in nullo ex casibus prædictis sine expressa licentia Episcopi, &c. & paulo post, ad quos (nempe Episcopos) solos, & non alios Episcopis inferiores, quod de laicis etiam intelligitur; unde & subditur, quodque delinquentes laici prædicti, postquam, ut præfertur, ab Ecclesiis, locisque sacris extracti fuerint, ad carceres curia ecclesiastica reponi & detineri debeant. Nec inde extrahi (nempe laici) curiaque seculari consignari, ac tradi possint, nisi cognito prius per Episcopum, an ipsi vere crimina superius expressa commiserint, tuncque demum de mandato Episcopi per iudicem ecclesiasticum seculari curia consignetur. Ecce quomodo tota illa cognitio, quæ Episcopis commit-*

titur, de laicis tantummodo sit. Deinde §. 9. cum ad personas ecclesiasticas venit tam seculares, quam cuiusvis ordinis regulares confugientes ad Ecclesias, etiam in casibus hac constitutione expressis, nihil omnino committit Episcopo, neque ullam facit de eo mentionem. Sed solum prohibet curiæ seculari ne de eis quoquo modo se intromittat, neque vigore indultorum supradictorum contra eas procedat, casque ab Ecclesiis, monasteriis, etiam in casibus hac constitutione expressis extrahere, capere, carcerare præsumat, aliis quam de iure, & per ordinem privilegia permittitur. Omnis ergo hæc cognitio cum clericis, siue seculares, siue regulares ad Ecclesias confugiunt, ad proprios eorum prælatos pertinet de eorum immunitatis causa cognoscere.

Secunda dubitatio generalior præcedente an hæc constitutio quoad ea, quæ de nouo decernit, pertineat ad clericos, & religiosos criminum reos. Præcipue autem tria de nouo constituta sunt, de quibus dubitari potest. Vnum est additio expressa aliquorum casuum, quibus aufertur immunitas, præter eos, qui in iure antiquo clarè expressi erant. Secundum reos horum criminum requirente curia seculari extrahendos esse de Ecclesiis, & aliis immunitatis locis, & ad carceres curiæ ecclesiasticæ ducendos, quousque de immunitatis causa cognoscatur. Tertiū ut ubi Episcopus cognoverit reos verè commisisse aliquod horum delictorum, omni appellatione remota, eos ministris curiæ secularis tradi, & consignari curet. De primo dubitari potest, an casus de nouo

expressi pertineant ad personas ecclesiasticas siue seculares, siue cuiusvis ordinis, & militiæ regulares. Res videtur valde dubia. nam ex vna parte Pontifex in illis casibus excipiendis expressè, aperitiſque verbis restringit se ad laicos, ait enim §. 6. vt laicis ad Ecclesias confugientibus, si fuerint publici latrones, viarumque graſtatores, &c. immunitas ecclesiastica non suffragetur. Solis ergo laicis virtute præſentis constitutionis aufertur. contra verò facere videtur quod in hoc §. 9. quem in hoc lib. explicamus, prohibet laicis, ne personas huiusmodi ecclesiasticas, siue seculares, siue cuiusvis ordinis aut militiæ regulares, etiam in casibus hac constitutione expressis de Ecclesiis extrahere, abducere, capere, carcerare, neque contra eas procedere, aut se intromittere aliàs quàm de iure, & per priuilegia eidem ordinibus, aut militiis concessa permittitur. Ergo quando de iure permittitur, possunt contra eos procedere in his ipsis casibus, etiam si confugiant ad Ecclesias. Exempli gratia, de iure permittitur in quolibet horum casuum, si sit incorrigibilis, in homicidio qualificato etiam sine incorrigibilitate, & in assassinio, ergo his casibus perdunt etiam clerici immunitatis ecclesiasticæ priuilegium, possuntque per secularem iudicem cognosci. Res, vt dixi, valde dubia videtur. Mihi tamen probabilior est pars negatiua casus de nouo additos ad personas ecclesiasticas minime pertinere. Nam neque Pontifex his verbis huius §. statuit posse procedi contra huiusmodi personas iuxta præſentem constitutionem. Neque verò concedit, vt in his omnibus casibus

contra eos procedi possit, sed cum vetuisset in his ipsis casibus capi, carcerari, aut procedi per curiam secularem, reſeruat non aliter procedi, quàm secundum iuris & priuilegiorum regularium dispositionem, quo solum sequitur, vt in illis solum casibus id faciat, qui de iure carent immunitate, non in his qui de nouo hic adducuntur. Imò ne sui quidem superiores possunt in casibus hic de nouo additis eos confugientes ad Ecclesias extrahere, ac punire, nisi tantum in casibus, qui sunt de iure antiquo, propterea quod his casibus solis laicis ablata est immunitas.

Tertia dubitatio, an clerici & personæ ecclesiasticæ, siue seculares, siue cuiusvis ordinis, ac militiæ regulares extrahi possint, ac debeant de Ecclesia per suos superiores ad quos spectat de causâ immunitatis eorum cognoscere, eosque reponere in suo ecclesiastico carcere donec de causâ cognoscant, &c. Respondeo negatiue, cum enim de iure antiquo vetitum expressè sit extrahere, capere, carcerare, nouo autem iure præſentis constitutionis solum de laicis id statuatur, vt patet ex §. 8. qui semper de laicis loquitur, necesse est consistere nihil esse circa personas ecclesiasticas innouatum.

Quarta dubitatio, an remotio appellationis locum habeat etiam in supradictis personis ecclesiasticis, vbi Episcopus, vel eorum superior iudicauerit eas verè commisisse aliquod crimen, cui de iure, antiquo immunitas non debetur, siue id cuiusmodi sit, vt degradatæ, vel aliàs incorrigibiles, vel ex aliquâ causâ tradendæ sint curiæ ſeculari, siue aliàs sint iuxta sacros canones

per



per ipsum puniendæ. Respondeo etiã negatiuè; quia etiam remotio appellationis strictè pro solis laicis facta est, quare licebit cuius personæ ecclesiasticæ à sententia sui superioris appellare ad maiorem superiorem, ad quem in aliis causis appellare solet, secularis quidem clericus ab Episcopo ad Archiepiscopum, regularis verò à priore, guardiano, custode ad prouincialem, ab hoc ad generalem, & tenentur iudices à quibus appellatur deferre appellationi, nisi esset manifestè friuola, sicut tenentur in aliis casibus quibuscumque.

6. Quinta dubitatio an secularis curia possit partes suas interponere contra personas ecclesiasticas confugientes ad Ecclesias apud Episcopum, seu apud earum regulares prelatos, siue instando ut eas dignis pœnis afficiat iuxta sacrorum canonum dispositionem, siue etiam petendo eas sibi tradi, ac consignari in casibus quibus hoc de iure prætereendere potest. & ratio dubitandi est, quoniam §. 9. prohibet Pontifex illis expressè ne contra huiusmodi personas procedant, aut se intromittant quoquo modo, hoc autem esset aliquo modo se intromittere. Respondeo affirmatiuè, posse hoc modo se interponere, tum quia non quacumque ratione prohibet se intromittere, sed solùm vigore indultorum, de quibus suprà fecerat mentionem. Secundo quia ea ipsa indulta reducit ad terminos iuris, ergo ubicumque de iure conceditur, adhuc potest se intromittere. Tertiò quia verbum illud *intromittant* limitatur per verbum præcedens, *ne procedant*, ut sit sensus, ne se intromittant quoquo modo procedendo contra eas, aut de earum causis cognoscendo. Instare

autem apud prelatos, ut eos puniant, vel ut eos sibi tradant quando de iure hoc possunt prætereendere, nõ est procedere contra eas. Demum etiã contra easdem procedere non omnino prohibet, sed solùm ne aliter quàm de iure etiam secundum ordinum regularium priuilegia permittitur.

*Quid sit agendum in casibus quibus clerici & persona ecclesiastica, & immunitate carent, & fori priuilegio.*

CAPVT XVII.

NON semper quibus casibus personæ ecclesiasticæ carent immunitate, iidem carent fori priuilegio, neque è contra, sed plerumque contingit, cum immunitate careant, deberi priuilegium fori, aut cum sint priuati foro, si ad Ecclesias confugiant, deberi eis immunitatẽ. sunt enim duo distincta priuilegia, & inter se independentia, quibus nõ ex eadem, sed ex diuersis priuantur causis. Cùmque immunitatis priuilegium sit clericis cum laicis commune, nullus est specialis casus, quo clerici soli priuatur, licet in hac constitutione, sicut præcedenti c. tetigi, nonnulli sint casus de nouo additi, quibus solis laicis, non autem clericis immunitas ablata est. Exempli gratia, clericus in furto incorrigibilis secundum formam traditam in c. cum non ab homine, de indic. perdit priuilegium fori, non tamen ecclesiasticæ immunitatis, clericus autem publicus latro, vel nocturnus populator agrorũ, qui vel semel rantiũ id commisit, vel non est incorrigibilis perdit immunitatis priuilegiũ, non autem fori.

MMM ; Quo

2. Quoties ergo persona ecclesiastica committit aliquod delictum, quo perdit utrumque privilegium, si ad Ecclesiam confugiat, tunc secularis curia potest, & debet Episcopum requirere ut eum de Ecclesia extractum in tuto carcere asseruari iubeat, ipsaque potest, si ei videbitur, adhibere militum, seu armorum custodiam non secus ac si clericus non esset. Idque non modò in casu, quo notoriè constaret illam personam utroque carere privilegio, sed etiam in casu dubio de utroque, stante enim dubio de privilegio fori, acquirit curia secularis ius agendi de illa sibi contingenda, & ad ponendum in tuto ius contra illam procedendi, si declaratum fuerit carere foro, iure petit cum illa circa immunitatem ita procedi, sicut cum aliis proceditur ad eius forum pertinentibus, ne posteaquam declaratum fuerit, personam illam, & foro & immunitate carere, illa iam fugisse reperiatur, hincque utraque declaratio frustratoria.

3. Non est tamen hac ipsa in re persona ecclesiastica omnino par laicis censenda. Cum enim, sicut diximus c. præcedenti, casus hac constitutione de nouo priuati privilegio immunitatis ad solos laicos, non autem ad ecclesiasticas pertineant personas, si clericus deprehendatur incorrigibilis, iuxta dispositionem c. cum non ab homine, aut etiam degradatus propter aliquod delictum, cui de iure antiquo non erat ablata immunitas, etiam si hoc nouo iure ablata sit, & ad Ecclesiam confugiat, sit ad immunitatem admittendus, neque possit per secularem curiam puniri. Ut si clericus non modò antequam capiatur confugeret ad Ecclesiam in huiusmodi delicto, sed posteaquam per secularem curiam captus damnatusque

ad mortem, vel per Episcopum iam degradatus seculari curiæ in huiusmodi casu traditus sit, dum per illam curiam ducitur ad extremum supplicium Ecclesiam ingrediatur, plecti amplius nequeat. Debet enim illi semper salua esse sua immunitas in omnibus casibus, quibus non est ei per Ecclesiam abrogata.

Quando ergo notorium est casum à persona ecclesiastica, quæ ad Ecclesiam confugit, commissum carere fori privilegio, siquidem notorium est clericum in minoribus constitutum recessisse omnino à clericatu, & laicaliter viuere, aut nouitium alicuius religionis rediisse ad seculum animo deferendi religionem, vel notorium est clericum in sacris existentem aut religiosum professum esse in aliquo graui crimine incorrigibilem, tunc ad Episcopum deuoluitur cognitio de causa immunitatis, ad secularem curiam punitio, & cum hoc seruanda est forma presentis constitutionis. Probatur, quia supposita priuatione fori iste non secus pertinet ad forum seculare, quam laicus, & quidem si recessit à clericatu, ac nouitiatu totaliter, palam est nihil differre à laico, efficique merum laicum. Si verò notorium sit in sacris constitutum, vel in religione professum esse in aliquo graui crimine incorrigibilem, iuxta dispositionem c. cum non ab homine, probabile quidem est etiam ad Episcopum deuolui, propterea quòd quoad poenam corporalem nihil differt à laico, quia puniri potest extremo supplicio etiam poena ignis in aliquibus delictis per curiam secularem; ipsi verò curiæ seculari prohibitum est extrahere de Ecclesia nisi de licentia Episcopi, prohibitum carcerare hunc, nisi in carcere ecclesiastico, nec inde extrahi, ipsique curiæ

riæ seculari consignari, nisi cognito prius per Episcopum, &c. Tuncque demum de mandato Episcopi per iudicem ecclesiasticum seculari curiæ consignari. Tamen non minus probabile est pertinere ad suum superiorem, siue secularē siue regulare, & huc referri potest id quod in iurisdictionis constitutionis constitutum est, cum Pontifex non modò prælatis, superioribus, Patriarchis, Primatibus, Archiepiscopis, & Episcopis, sed etiam inferioribus Ecclesiarum ac monasteriorum prælatis distinctè præcipiendo mandat, ut delinquentes qui prædicta delicta, vel eorum aliquod iudicio suo commisisse videbuntur, quando à curia seculari fuerint requisiti ministris curiæ secularis tradi, & consignari curent. Licet enim eo loco Pontifex de laicis expressè loquatur ad dictorum prælatorum Ecclesias confugientibus, nobis tamen hoc satis est, quod etiam istis prælatis permittitur aliquos tradere curiæ seculari, quod maximè habere potest locum in tradendis suis propriis subditis, de quibus cognoscere non modò de antiquo iure, sed etiam secundum præsentem, quem hoc loco explicamus, huius consti-

itutionis §. pertinet, vult enim laicos non aliter de his se immiscere, quàm de iure, & secundum regularium ordinem præiudicia permittitur. Potissima autem ratio, quæ mihi hanc sententiam valde probabilem facit, est ut vitetur confusio ac perturbatio iurisdictionum, quæ ex priore sententia sequeretur; dicendum enim esset cognitionem de causa immunitatis clericorum habentium proprios prælatos præter Episcopum, & religiosorum in delictis, quibus gaudent foro, pertinere ad proprios prælatos; in delictis quibus non gaudent foro, pertinere ad Episcopos. Cum enim plerumque hoc ipsum dubium sit, an gaudeant foro, necne, num sint incorrigibiles, necne, confusio nasceretur ac perturbatio iurisdictionum inter Episcopum & proprium prælatum utroque prætendente ad se pertinere. Nescirerque secularis curia apud quæ suas prætensiones proponeret, à quo sibi reudari peteret, quæ omnia cuitatur, dicendo semper ad proprium pertinere prælatum, neque verò prætensio §. 9. dispositio aliquid in contrarium statuit, quo aliter, aut dicere, aut sentire cogamur.



## LIBER OCTAVVS.

*De ecclesiasticis censuris, & pœnis latis, & ferendis contra præsentis constitutionis transgressores, de quibus sermo habetur §. 10.*

### P R O O E M I V M.

**P** A R V M sibi fecisse videbatur sapientissimus Põtifex quodd indulta, ac priuilegia præcessorũ, quæ immunitati Ecclesiæ præiudicabant, partim reuocasset, partim moderatus esset; quodd certam præscripsisset formam, quam sequi in posterum deberemus; quodd dilucidè omnia declarasset; quodd auxisset casuum numerum, qui immunitate carerent; quodd modum extrahendi reos de Ecclesiis præscripsisset; quodd in Episcopos omnem de causa immunitatis cognitionem contulisset; quodd personarum, & causarum ecclesiasticarum cognitionem foro ecclesiastico referuasset; nisi etiam pœnas præscriberet, fulminaretque in transgressores, quibus mali arcerentur, & ne quidpiam contra attentarent, detererentur. De his disponit §. 10. præsentis constitutionis. De eisdem nos hoc toto libro disputaturi sumus.

*Qua sint in iure pœna constituta: in violatores huius immunitatis confugij, siue laicos, siue clericos extrahentes confugas de Ecclesiis in casibus non permisis.*

### C A P V T I.

**H**Æ primo loco pœna recensenda sunt, quæ in specie contra violatores immunitatis confugij aliquo iure sunt constituta, siue illam violent extrahendo reos criminum, quibus immunitas competit, siue obæratos, siue seruos; de quibus omnibus per Ecclesiam defendendis antiqua iura non modò canonica, sed ciuilia etiam disponunt. Has vt ordine explicemus ab ea quæ ciuili iure constituta est, quæ prima omnium posita fuit, initium sumemus.

Prima ergo & omnium antiquissima expressa in l. fidel. Cod. de his, qui ad Eccles. confug. ea est, vt qui quicquam de Ecclesia extrahunt,

sei

rei sint læsæ maiestatis, vtque capitali pœna, vltimôque supplicio puniatur, vt explicatum est in l. *pre-fenti, Cod. eodem tit.* quæ pœna videtur etiam per sacros canones approbata contra laicos, in *can. definitur* 17. q. 4. vbi constitutum est, vt seueritatis regiæ sententia feriantur.

3. Secunda pœna temporalis pecuniaria est, nongentorum nempe solidorum, id est, aureorum nummorum pro immunitate violata. habetur expressè in *can. si quis contumax* 17. q. 4. Dubitari autè potest, cuius istî nongenti solidi sint soluendi, Episcopo ne, an Ecclesiæ. nã in d. *can. si quis contumax*, expressè dicitur *Episcopo cõponat*. vnde ipsi Episcopo loci soluendi videntur. In *can. verò si quis in atrio, eadem causa & quest.* statutum est in genere, vt quidquid pro violata immunitate soluendum est, altario soluatur illius Ecclesiæ vnde confuga extractus est.

4. Glossa in d. *can. si quis contumax*, conciliat hos canones in v. *componat*. dicens, satis dici dari Ecclesiæ id, quod datur prælato Ecclesiæ: vt si Ecclesia sit cathedralis, detur Episcopo, sin verò sit Ecclesia inferior, detur prælato illius Ecclesiæ.

5. concordat Archidiaconus in d. *can. si quis in atrio*. Vlgò verò relatus apud eundem Archidiaconum in *can. si quis contumax*, aliter conciliat, dicens in *can. si quis in atrio* definitum esse cui pœna soluenda sit. *can. verò si quis contumax*, statutum esse quanta & per quem taxanda sit, nempe vt per Episcopum in nongentis solidis taxetur. Hæc pœna hodie non modò non est in vsu, præsertim in nostra Italia, sed nec vlla extat eius memoria, quæ vtinam aut vsu reciperetur, aut per Romanos

PGambac de immunit. Eccl.

Pontifices renouaretur, tanta est temporum corruptela, vt hæc ipsa temporalis pœna magis quàm spiritalis quælibet, quamque ipsa excommunicatio lætæ sententiæ, ad cuius vocem horrere, ac contremiscere deberemus, timeretur. Addit ibidem gl. has pœnas pecuniarias arbitrarias esse vel secundum locorum consuetudines, opinor quia ne eo quidem tempore seruabantur, consentitque ibidem Archidiacon.

Tertia pœna est priuatio immunitatis, vt qui hominem de Ecclesia extrahendo immunitatē violauerit, ad quamcunque Ecclesiam ipse confugiat, inde eiiciatur, id est, non defendatur, sed ab immunitate excludatur. habetur expressè in *can. frater* 17. q. 4. iuncta glossa. iubet enim ibi Gelasius Papa eum qui hæc fecerit ab omnibus Ecclesiis prohiberi, id est, non recipi in Ecclesiis ad immunitatem, vt exponit ibidem gl. in v. *ab omnibus*, dicens cum hic deliquerit contra Ecclesiā, eius immunitatē violando, in nulla Ecclesia tutum esse debere. Fauet text. in *can. sequenti*, ex eodem Gelasio, vbi ait idem Pontifex, *Ad Episcopos dedimus iussionem, vt eos, qui Ecclesias violasse perhibentur, earum accessu inducens esse indignos.* Qui duo text. non incongruè de suspensione seu interdicto ab ingressu Ecclesiæ exponi etiam possunt. Prior tamen expositio etiam ciuili iuri consonat in l. *patent.* *Cod. de his qui ad Eccles. confug.* vbi hæc verba habentur: *Nec in extrahendos eos, qui ad Ecclesias confugiunt, conetur quisquam sacrilegas manus immittere, ne qui hoc ausus sit, non discrimen suum videat, ad expetendū opem ipse quoque confugiat.*

NNN

Quarta

9. Quarta pœna est publica pœnitentia. *can. miror*, & *can. si quis contumax, eadem causa* 17. q. 4. Episcopi arbitrio taxanda. fuit enim frequentissimus pœnitentis temporibus publicæ pœnitentiæ usus, quæ etiam grauissima esse solebat, & in multis casibus iure taxata: ut patet ex antiquo Pœnitentiali Romano, ex Burcardo & aliis, cuius etiam publica pœnitentiæ hodie vix extat memoria.

10. Quinta est pœna ut oblatio domus eius, qui hominem de Ecclesia extraxerit, à clericis non recipiatur. *d. can. miror*, ubi suprà, quæ pœna ignominiosa est, & excommunicationis aliquid participare videtur, quasi is sit cuius oblationem Ecclesia excretur, & quem indignum iudicat ut eius oblatio à clericis recipiatur.

11. Sexta est pœna excommunicationis, non quidem latæ sententiæ, sed ferendæ, non in quemcumque extrahentem hominem de Ecclesia, sed in eum qui posteaquam extraxerit, fuerit contumax, nempe si monitus, ut abstractum restituat, id exequi differret, vel recusaret, per excommunicationis sententiam ad eundem restituendum eidem Ecclesiæ, locovæ unde extraxerat, cogeretur. *d. can. miror. & can. frater*. 17. q. 4.

12. Septima & vltima pœna constituta in *can. definiuit, eadem causa*, & *questione*, ex Concil. Tolet. XII. de qua magna dubitatio est, an sit excommunicatio latæ sententiæ, an verò ferendæ. Si episcopus est sententiæ ferendæ non differt à præcedente. Verba textus sic habent, *nul- lus audeat confugientes ad Ecclesiam, vel residentes in ea, inde abstrahere, aut quodcumque nobilitatis, & el dam- ni, seu spotij residentes in loco sancto*

*inferre, sed illis licitum esse in triginta passibus progredi: si quis autem hoc decretum tentauerit violare, ecclesiastica excommunicationi subiaceat.* Quæ verba satis aperte videntur significare excommunicationem sententiæ latæ; non enim dicunt excommunicationi subiiciatur, sed *subiaceat*, hoc est, iaceat sub excommunicatione. ergo est illi subiectus. Sed præterea fauet huic expositioni evidentius in capitulo, cum pro causa, de sententia excommunicationis. ubi cum Archiepiscopus Archidiaconum, qui in succentorem manus iniecerat violentas, & cum verberando extraxerat per claustrum, fecisset excommunicatum publicè nuntiari, & ob violentam manuum iniectionem, & ob immunitatis Ecclesiæ violationem, neque in literis, quas ab Apostolica sede super absolutione sua impetraverat, priorem tantum causam expressisset, committit Pontifex iudicibus delegatis ut si eis constiterit dictum Archidiaconum ob duplicem causam excommunicatum fuisse, & in impetratione litterarum super sua absolutione, vnam tantum expressisse, ipsum tanquam adhuc excommunicatum cogant pro altera excommunicatione satisfacere Ecclesiæ suæ, quam læsit. Archiepiscopus autem non narratur excommunicasse propter hanc duplicem causam, sed fecisse denuntiari publicè excommunicatum ob illam duplicem causam: ergo erat excommunicatus à iure etiam propter violationem immunitatis, quoniam denunciatio nullum addit vinculum quod antè non erat. *cap. pastoralis, de appellationibus*. nullum autem est aliud ius in quo lata sit huiusmodi excommunicatione contra violentes immunitatem Ecclesiæ, aut possit præten-  
di

di lata, nisi textus d. can. *definiuit*: ergo in eo lata intelligenda est.

15. Contraria tamen sententia non esse in d. can. lata sententia excommunicationis (de maiori saltem intelligendo, quæ absolute & simpliciter excommunicatio dicitur) tenent communiter doctores pænæ omnes. In primis enim gl. in d. cap. *cum pro causa*, in v. *ob duplicem causam*, intelligit de excommunicatione minori; dicens sacrilegos, qui immunitatem Ecclesiæ violant, incidere in excommunicationem minorem, quatenus privati sunt communionis Ecclesiæ, quam Ecclesiæ; in aliis autem sacrilegiis solum incurere excommunicationem minorem. In horum autem posteriorum sacrilegiorum numero esse violationem immunitatis palam est. sacrilegium enim vocatur expressè in can. *frater*. Idemque post S. Thomam in specie extrahentem hominem de Ecclesia solum incurere excommunicationem minorem tenet expressè Turcremata in can. *sacrilegium*, post numerum 9. vers. *secundo sic*. Deum violentem immunitatem Ecclesiæ non esse de iure excommunicatū, sed excommunicandum; tenet expressè Panorm. in d. cap. *cum pro causa* n. 5. vbi cum de hac re disputasset tandem subdit; dicens, *conclude ergo quod ex sola violatione immunitatis Ecclesia non incurritur excommunicatio ipso facto, sed est excommunicandus*. Idem sentit Io. And. & Innoc. in d. cap. *cum pro causa*. Sylve-
16. art. 4. in 2. argumento, dicens sacrilegum in tribus casibus incurere excommunicationem maiorem. primus si violentia inferatur in personam sacræ; secundus si quis incendat; tertius si frangat Ecclesiæ; in aliis autem sacrilegiis solum incurere excommunicationem minorem.
17. recremata in can. *sacrilegium*, post numerum 9. vers. *secundo sic*. Deum violentem immunitatem Ecclesiæ non esse de iure excommunicatū, sed excommunicandum; tenet expressè Panorm. in d. cap. *cum pro causa* n. 5. vbi cum de hac re disputasset tandem subdit; dicens, *conclude ergo quod ex sola violatione immunitatis Ecclesia non incurritur excommunicatio ipso facto, sed est excommunicandus*. Idem sentit Io. And. & Innoc. in d. cap. *cum pro causa*. Sylve-

ster in v. *Immunitas*. 3. n. 12. & Angelica in v. *Immunitas* n. 21. qui ambo dicunt debere excommunicari. Ita etiam additio ad Capellam Tolosanæ decif. 423. Remig. in tractatu de immun. Eccles. ampliat. 3. n. 4. qui adducit etiam Cardinalem in cap. inter alia de immun. Eccles. q. 4. Idemque Remig. in vltima parte fusiùs idē docet q. 9. vbi refert etiam Maynetiū, Ioannem de Vuischis, & Ioannē Fabriū. Quod si argumentum ab autoritate negatiua aliquid valet, ut in præfenti casu plurimum valere debet, hic est communis consensus omnium summistarum, omniumque doctorum, qui de hac immunitate scripserunt, qui pænæ omnes cum diligentissimè conquisitas excommunicationes in iure latas explicent; hanc prætermittant, neque ullus est inter eos, qui huius excommunicationis latæ sententiæ faciat mentionem. Denique illi ipsi canonici intris interpretes in d. e. cum pro causa, vel de minori excommunicatione post glossam exponunt, vel latam fuisse eo loco particularem excommunicationem ab Archiepiscopo illo contra Decanum, non autem in iure latam interpretantur; quod videtur innuere Innoc. ibi, & post eum Panormit. Solum pænæ Hostiensis latam putat, quem nescio an aliquis alius secutus sit. Vnde prior communi sententiæ standū esse arbitror in iure antiquo nullam esse in iure latā excommunicationem, sed solum ferendam, pro cuius confirmatione duo illi textus, qui pro contraria sententia facere videtur, exponendi sunt, ut contrariis respondeamus.

Ac primò quidem ad textum illum decreti in can. *definiuit*; vbi dicitur, *excommunicationi subiaceat*.

NNN u 2 Respon

Respondeo ex communi doctorum interpretatione esse intelligendum vel de minori excommunicatione, vel de excommunicatione ferenda, non autem lata.

21. Ad textum verò in cap. *cum pro causis, de sententia excom.* respondeo si verba Pontificis attendamus, quibus respondet quæstioni, sine dubio ea magis favere nostræ sententiæ, quàm contrariæ. Quamvis enim ibi prius narretur procuratorem partis contrariæ allegasse, quòd Archidiaconum Archiepiscopus & ob violentâ manuum iniectiõnem, & ob violationem immunitatis Ecclesiæ fecisset excommunicatû publicè nuntiari, atque ob id duplici excommunicatione præterderet, eum esse innotatum, tamen Pontifex in dispositiva non admittit hanc duplicem excommunicationem, sed præcipit iudicibus delegatis, vt si eis constiterit Archidiaconum supradictum ob duplicem causam fuisse excommunicatum, & in literis quas super sua absolutione impetrauit alteram tantum expressisse, ipsum tanquam excommunicatum compellât satisfacere pro altera excommunicatione. quòd si certum esset pro violatione immunitatis latam esse in iure sententiam excommunicationis, non dixisset Pontifex, si constiterit ob duplicem causam fuisse excommunicatum, quia supposita facti veritate id per se constiterit, sed debuisset dicere: si vobis constiterit id fecisse. Quare relinquitur prædicto Archidiacono exceptio quæ probatet se non fuisse duplici excommunicatione ligatû, etiam concessio toto facto, dicendo pro violatione immunitatis nullâ esse latam in iure excommunicationis sententiam, sed solum pro ini-

ctione manuum violenta, atque ideo vnam solum excommunicationem incurrisse. Pontifex ergo eo loco neque admittit duplicem illam excommunicationem, neque reicit, sed iudicibus examinandam committit. Quòd si quæratur hoc nõ ipse decideret. Respondeo, quia non erat super hoc requisitus, an violator immunitatis esset in iure excommunicatus, tum quia quæstio poterat esse non de iure, sed de facto, an Archiepiscopus duplicem ob causam illum excommunicasset. verba enim illa, fecisti excommunicatum publicè nunciari, etiam hunc sensum recipere, publicè excommunicare fecisti.

*De aliis pœnis de nouo additis in  
§. 10. præsentis constitutionis,  
& quo modo dispositio dicti §.  
10. intelligenda sit.*

#### CAPVT II.

**V**ERBA §. decimi præsentis constitutionis hæc sunt: Si quis præter, aut contra huius nostræ constitutionis tenorem attentare præsumperit, declaramus eum ipso facto censuras & pœnas eiusdem incurtere, quæ contra libertatis, iuris, & immunitatis ecclesiastica violatores per sacros canones & consiliorum generalium, nostrorumque prædecessorum constitutiones sunt promulgata.

Observandum est primò hanc declarationem siue extensionem pœnarum non pertinere ad omnes immunitates Ecclesiarum, sed ad eos omnes, ac solos qui illam violant transgressionem præsentis constitutionis, restringit enim se. Pontifex ad eos, qui præter aut contra præsentis constitutionis

teno



tenorem attentare præsumperint, quo fit ut cum in hac constitutione nihil omnino statuatur de seruis vel obzatis confugientibus ad Ecclesiam, si quis immunitatem violenter etiam extrahendis iis de Ecclesia, quamvis grauius peccet, & per ecclesiasticas censuras, de quibus dictum est capite præcedenti, cogendus sit eos Ecclesiis unde extraxerat restituere, non incurrat tamen præsentis §. innouatas ac declaratas pœnas.

2. Obseruandum secundò declarationem iuris factam per sedem Apostolicam, atque per Romanum Pontificem ex cathedra, non esse simplicem declarationem, qualis esse solet ea, quæ fit per doctores, aut per ipsummet Romanum Pontificem, quando loquitur tanquam priuatus doctor, sed esse nouam legem declarationem præcedentis, quæ vim legis veram habeat, & obligationem inducat, etiam si declaratio esset contraria textui, quem declarat, aut eius ampliatiua, vel restrictiua. Tunc enim declaratio illa pro ut sonat vim habet, peritque vis ea, quæ huic contrariam habebat ex se lex illa prior sic declarata, illa enim relicta, posteriori declarationi standum est.

3. Quod secus est quando Romanus Pontifex non declarat ex cathedra antiquam legem, sed supponens tãquam certum aliquem legis intellectum extendit illam veterem legem iuxta cum intellectum ad aliquem nouum casum; tunc enim ille intellectus legis, sic à Pontifice suppositus non habet vim legis quoad illam veterem dispositionem, sed manet solùm tãquam opinio vnius doctoris, nempe illius summi Pontificis; quoad illum verò nouum casum, ad quæ extensio facta est, non habet le-

gis in illo eodẽ sensu, qui supponebatur, quique in illo veteri iure vim habebat opinionis probabilis, ut licet ille sensus in illa veteri lege falsus & improbabilis iudicaretur, & cõmuniter reiceretur, in noua tamẽ lege ampliante ad nouum casum ille ipse sensus vim habeat legis, obligetque in conscientia. Declaro exẽplo, Sacrum Concilium Tridentinũ *sessione 21. de Reformat. c. 2.* quod incipit, *cum doceat*, loquens contra clericos seculares, qui promouentur ad sacros ordines absque beneficio ecclesiastico, vel patrimonio ad sustentationem sufficiente, antiquorũ canonum pœnas innouet. Erat autem duplex pœnarum genus in eos antiquitus constitutum, vnum antiquissimo iure decreti suspensionis ab ordinibus susceptis, alterũ recentiori iure decretalium, ut Episcopus ordinator, vel qui licentiam dedit teneatur illum alere donec illi de competenti beneficio prouideat. Dubium erat renouaret ne Concilium in illo capitulo secundo antiquissimam pœnam canonum decreti suspensionis, an verò recentiorem decretalium, an utramque? Pius V. sanctissimus Pontifex Maximus in quodam motu proprio qui solet imprimi simul cum ipso Concilio nõ declarando ex cathedra, sed supponendo Conciliũ eo loco innouare pœnam suspensionis ab ordinibus, hoc eodem sensu extendit decretũ prædicti Concilij ad clericos regulares non professos, qui ad sacros ordines promouentur. hæc extensio hoc ipso sensu lex noua est, suntque suspensi ab ordinibus clerici regulares non professi qui sine patrimonio vel beneficio promouentur. Quoad clericos verò seculares non accipit illa Concilij lex vim legis eo sensu, quæ

NNNn ; sanctiss

sanctissimus Pontifex supponit, & quemadmodum declaratum fuit per sacram illustrissimorum Cardinalium congregationem ipso Romano Pontifice annuente, clerici seculares non incurrunt suspensionem ab ordinibus sic susceptis, neque hæc pœna à Concilio eo loco innovatur, sed alia quam diximus. sensus enim quem supponit est ab eo tanquam doctore, quem verò declarat, is ab eo tanquam summo supremoque Pontifice manare censendus est.

4. Oblervandum tertio tertium delictorum pœnas declarari hoc loco per Romanum Pontificem ad huius constitutionis transgressores pertinere. Primum eas quæ contra libertatis, secundò quæ contra iuris, tertio, quæ contra immunitatis ecclesiasticæ violatores promulgatæ sunt iure canonico, nepe sacris canonibus Conciliorumque generalium & præcedentium Romanorum Pontificum constitutionibus: quæquæ autem immunitas ac libertas ecclesiastica interdum confundantur, ac pro eodem accipiantur secundum amplam quædam earum significationem; aliquando tamen parcius sumuntur, ita ut altera ab altera distinguatur, ut egregie distinguit Caietanus in summa *v. Immunitatis ecclesiastica violatio*. ait enim duplicem esse immunitatis significationem, unam genericam atque amplam, secundum quam immunitatem ecclesiasticam violare non est, inquit, una peccati species, sed est tanquam generale peccatum ad omnes sacrilegij species se extendens, tam inferendo iniurias personis, quam locis, rebusve sacris ut violare immunitatem sonet quendam generalem actum vitij seu peccati, quod sacrilegium vocamus. Sed cum ad discernendum censure sacris canonibus constitu-

tas, easque referuaros devenimus, servanda proprietates nominum, atque inter immunitatem ac libertatem ecclesiasticam distinguendum. Est ergo alia significatio immunitatis propria, quæ est ipsa sacri loci exemptio, quæ à libertate distinguitur, qua significatur exemptio personarum Deo dicatarum, tam in ipsis personis, quam in rebus omnibus, quas possidet, & quibus per liberum arbitrium utuntur. Ut si quis sacro loco iniuriam inferat, non sit reus violatæ libertatis ecclesiasticæ, sed immunitatis, neque incurrat pœnas latis contra violatores libertatis, sed immunitatis dumtaxat. Sicut contra, si quis libertatem violet, reus non est violatæ immunitatis, nec eius pœnas incurrit, sed solum violatæ libertatis, hæc ex Caietano. His nos addere possumus maiorem quamdam distinctionem, ut cum Pontifex hoc loco distinguat violatores immunitatis, libertatis ac iuris dicamus immunitatem propriam esse locorum sacrorum ac religiosorum, libertatem verò personarum in ipsis personis, iuris verò nomine comprehendatur quidquid bonorum ad prædictas ecclesiasticas personas & loca pertinet, siue sint bona stabilia, siue mobilia, & se movetia, siue fructus, siue redditus, siue iura & actiones, & quæcunque alia his similia, quo fit ut omnis illa pœnarum varietas, ac multitudo quæ sacris canonibus Conciliorum generalium decretis & Romanorum præcedentium Pontificum constitutionibus contra omnia & singula prædicta tria delicta sparsim constituta est contra violatores libertatis, contra violatores iuris, contra violatores cuiuscunque generis immunitatis ecclesiasticæ, hæc præsertim constitutionem contra transgressores coaceruatos simul in unum, quisquis præter &

contra

cōtra eiusdem cōstitutionis tenorē attentare præsumpserit, eas omnes simul incurrat.

5. Quoniā autē Pōrifex in hac pœnarū declaratione se restringit ad pœnas promulgatas per sacros canones, Cōciliorū decreta, & prędecessorū cōstitutiones, cōseques est nō omnes pœnas quoquo modo latas contra eodē violatores libertatis, iuris atque immunitatis ecclesiasticę pertinere ad trāsgressores pręsentis cōstitutionis, nou enim pertinent ad eos pœnæ, si quæ sunt promulgatæ contra illos per regulas cancellariæ, quæ ad nullum prædictorum generum pertinet, neque pœnæ promulgatæ in annuali processu curiæ, qui ex eo quod in die cœnę Domini promulgare consuevit, bullaque plūbea signari bulla cœnæ Domini vulgo appellatur. quāuis enim doctor Nar. vir alioqui insignis in Manuali lat. capite 27. putet eas sentētiās iuris esse, propterea quod moriēte auctore non expirent, sed vsque ad novos durēt processus, quoniā tamē neque perpetuā habēt durationē, & per solā noui processus publicationē absque vlla reuocatione expirat, iuris naturā nō habēt nō possūt Apostolicę cōstitutiones, neque verō Apostolici canones nuncupari, & quasi in medio quodā genere positę inter ius & hominis sētētiā à veri iuris ratione deficiūt: vnde neque ad perpetuā, sed ad futurā rei memoriā inscribūtur, hinc quāuis sentētiā excommunicationis lata sit in bulla cœnæ Domini cōtra faciētes statuta, contra libertatē ecclesiasticā, & contra laicos trahētes pœsonas ecclesiasticas ad sua tribunalia, nec non & cōtra occupantes bona Ecclesiarum, ac pleræque alię excommunicationes ad supradicta tria delictorū genera pertinetes, nulla tamen earum ex vi præsentis §.

pertinet ad trāsgressores præsēntis cōstitutionis. Neque verō pœnæ latæ per Concilia prouincialia, vel synodalia, ad hos pertinet, etiam si verā legis naturam habeāt, nisi expresse fuerint vel per generalia Concilia, vel per sacros canones approbata, aut nisi de violatoribus huius immunitatis expresse statuant, tūc enim eos ligant qui illos canones trāsgrediūtur, cuiusmodi sunt textus in *c. nullus clericorum*, ex Concilio prouinciali Ilerdensi in *can. definitiuit*, ex Concilio Toletano prouinciali XII. & in *can. constitutus*, ex Concilio prouinciali Aureliano p̄mo relato inter sacros canones decreti 17. q. 4. quas pœnas prouincialium Conciliorum inter sacros canones nō relatorū in illis ipsis prouinciis, vbi vim habēt suam, nō incurrūt trāsgressores præsēntis cōstitutionis, nisi eā trāsgrediātur in eo quod est in dictis Cōciliis expresse, quod cōmuniter est in eos qui per vim extrahunt confugas de Ecclesiis, in eōsque contra iura immunitatis animaduertunt.

Quæres de pœnis tēporalibus, seu 6. corporalibus, hoc est, de pœna læsæ maiestatis vltimi supplicij, atque vt regię seueritatis sētētia puniātur. Et ratio dubitādī oritur ex eo quod licet pœna læsæ maiestatis & vltimi supplicij nō per sacros canones, sed per ciuiles leges sint cōstitutę, tamē & ipsę ciuiles leges immunitatis sūt ab Ecclesia canonibus approbatę, & in specie text. in *can. definitiuit* 17. q. 4., cū iubet violatorē immunitatis seueritatis regię sētēntia puniri, videtur illas ipsas ciuili iure latas pœnas probare mortis, quas inferre ipsa Ecclesia nō consuevit. Respondeo nihil obstarē si dicamus etiam has ipsas pœnas, innouati incurrēdas, nō tamen per Ecclesiam, sed per secularē curiam exequendas.

Postre

7. Postremò aduertendum est si quæ pœnæ impostorum per sequentes Romanos Pontifices, aut per generalium Conciliorum decreta constituantur contra violatores libertatis, iurisque ecclesiastici, aut etiam contra violatores aliarum ecclesiasticarum immunitatum, eas virtute præsentis constitutionis non intelligi declaratas, aut extensas contra violatores huius immunitatis confugij, nisi de eis expressè disponant, quoniam Pontifex se hoc loco restringit ad pœnas contra hos promulgatas iam, non autem ad eas quæ in posterum sunt promulgandæ.

*An pœna contra violatores libertatis, iuris, atque immunitatis ecclesiastica hac constitutione declarata contra transgressores præsentis constitutionis intelligenda sint de latis contra violatores libertatis iuris, & immunitatis vniuersalis tantum, an etiam particularis.*

## CAPVT III.

1. **C**ONSTAT pœnè apud omnes aliasse vniuersales libertates, iura, immunitates, quæ vniuersè personis ecclesiasticis, rebûsque ac bonis Ecclesiarum, ipsîsque vniuersè Ecclesiis per Romanos Pontifices concessæ sunt, alias particulares, quæ certis personis, earumve bonis aut particularibus Ecclesiis sunt tributæ, puta ordini Frânciscanorû, Monachis S. Benedicti, aut alteri cuius siue ordini, siue Ecclesiæ, siue con-

uentui. Atque adeò alias interdum pœnas constitutas esse in vniuersalium, alias in particularium priuilegiotorum transgressores.

Caietanus in *summa in v. Immunitatis violatio*, multas recenset vniuersales Ecclesiarum immunitates, quibus nonnullæ aliæ addi possunt. Prima ne secularia placita, processusve iudiciales in eis fiant, nè sententiæ in causa præsertim sanguinis proferantur. Secunda ne conclamationes, ac strepitus populares, tertia ne seditiones, quarta ne impetus, quinta ne publica parlamenta, sexta ne conuocationes vniuersitarum, septima ne nundinarû negotiationes, octaua ne in eis supellestilia reponantur, nona ne recipiantur in ea hospites, decima ne conuiuia, comestationesque in eis celebrentur, vndecima ne vis illis vlla inferatur, cum effractione portarû præsertim, duodecima ne quid inde aut furtiuè, aut violenter abstrahatur, decimatertia ne quis confugientium ad eas aliàs quàm in calibus concessis, & cum debitâ requisitis inuitus per vim, fraudem, dolum extrahatur.

Libertates verò personarum ecclesiasticarum, quæ præcisè ad personas pertinet, sunt prima, ne eis violentæ manus per quempiam inferantur. Secunda ne ad laica tribûnalia aut inuiti pertrahantur, aut ipsi sponte accedant, & in eis consentiant se cognosci, aut causam suam dicant. Tertia à publicis muneribus reipublicæ laicæ. Quarta à grauaminibus tutoris, aut curatoris iuxta modum aliàs à nobis expositum. Quinta à muneribus onerosis, ac sordidis calcis, cloacæ, ab angariis, perangariis, & similibus.

Personarum, siue etiam Ecclesi-  
arum

arum simul ac rerum siue bonorum immunitates communes sunt. Prima vt bona omnia tam Ecclesiarum, quam personarum ecclesiasticarum libera sint ab omni vestigali, onereque reali, gabella, tallia, quota, decima, pedagio, guidagio, ceterisque similibus persoluendis, nisi aut antequam prædia ad Ecclesias, personarumque ecclesiasticas peruenirent, erant obligata, & in mobilibus, nisi negociationis causa ferantur. Secunda vt neque pro necessitatibus communibus possint clerici contribuere, nisi præuio Episcopi cum clero præcedente consilio, & Apostolicæ sedis antecedente consensu. Tertia vt neque recipi possint à sponte soluentibus. Quarta vt bona Ecclesiarum non possint pro alienis debitis obligari.

5. Iura demum ecclesiastica immunita sunt ab omni præiudicio illis per seculares Principum leges & vniuersitatum statuta inferendo, nã & leges etiam imperiales, quæ sacro canonico iuri aduersantur, nullam vim habent, & per sacros canones, aut correcti sunt, aut vis omnis obligandi illis sublata est, & statuta contra libertatem ecclesiasticam facta non modò nulla, & inualida sunt, sed tenentur statutarij de libris communitalis ea delere, & statuta quæuis alia contra sacros canones iniqua, & nulla sunt, & nullius toboris ac momenti. Iura demum Ecclesiarum, & ecclesiasticarum personarum integra, illæsa, intacta conseruanda sunt, & quidquid contra ea sit, iura Ecclesiarum lædere censendum est.

6. Particulates verò libertates personarum sunt, quæ sanctæ Romanæ Ecclesiæ Cardinalibus concessa sũt

in cap. felicit, de pœnis lib. 6. vel certè particulates pœnæ in offendentes sanctæ Romanæ Ecclesiæ Cardinales, non autem generales in quemuis offendentem quamcunque personam ecclesiasticam. Religiosis mendicantibus concessa est libertas non modò à foro laico, vt cæteris clericis vniuersis, sed & ab omni foro ecclesiastico Episcoporum & aliorum quorumcunque, præterquam suorum regularium prælatorum. Cisterciensibus specialis immunitas concessa est capitulum ordinem, de rescript. & nostræ Societati concessa est immunitas à decimis etiam papalibus.

Est ergo communis doctorum 7, sententia, quoties libertatis, atque immunitatis ecclesiasticæ mentio fit, simpliciter, & absolute de libertate, atque immunitate generali tantum intelligendum esse, non de particularibus aut libertatibus, aut immunitatibus. Ita tenet expressè Innocentius in c. noueris, de sententia excom. & ibi Pauormitanus, Bartol. in auth. cassi. Cod. de sacrosanctis Ecclesiis. & ibi Baldus. Lapsus allegat. 29. quæ incipit, an constitutio. Nauar. cap. 27. n. 118. Caietanus ubi suprâ in v. Immunitatis violatio. qui pœnè omnes licet loquantur de statutis contra libertatem ecclesiasticam, vt illa dicantur huiusmodi, quæ libertati vniuersali aduersantur, propter identitatem tamen rationis idem est omnino dicendum de quauis alia violatione ecclesiasticæ libertatis, eiusque pœnis, vt in materia odiosa ac pœnali intelligamus solùm de violatione libertatis vniuersalis. Quo fit licet is, qui insequitur læditque sanctæ Romanæ Ecclesiæ Cardinalem, violet libertatem ecclesiasticam

cam illi ordini specialiter concessam, incurratque pœnas constitutas in cap. *felicius*, *de pœnis*. quia tamen illæ pœnæ non sunt contra violatores immunitatis ecclesiasticæ vniuersalis, ideo si quis violet præsentem constitutionem, nõ incurreret prædictas pœnas, neque yllas alias pœnas constitutas contra violatores libertatis, iuris atque immunitatis ecclesiasticæ cuiuspiam ordini mendicantium, vel non mendicantium religiosorum concessæ, etiamsi omnibus mendicantibus ordinibus, vel toti ordini regularium sub illis pœnis concessa esset, quia hoc ipso quod ad regulares se restringit iam non est vniuersalis, sed particularis immunitas.

*An omnes pœnæ tã comminatoria, quàm lata sententia constituta contra violatores libertatis, iuris atque immunitatis ecclesiasticæ virtute præsetis clausula intelligenda sint lata sententia cõtra violatores huius constitutionis.*

## CAPVT IV.

**O**C CASIONE huic disputationi præbent illa verba §. 10. præsentis constitutionis, quæ initio capitis secundi in hoc ipso octauo libro retulimus, quibus declarat Pontifex eos qui præter aut cõtra præsentis constitutionis tenorem attentare præsumpserit, ipso facto incurrere easdẽ cẽsuras & pœnas, quæ cõtra libertatis, iuris, atque immunitatis ecclesiasticæ violatores per sacros canones, &c. sunt promulgatæ. quibus verbis clarè apparet pœnas omnes in iure promulgatas contra illa tria genera delictorum incurri ipso facto, eo

ipso quod transgredi præsentem constitutionem præsumpserit. At in iure cõtra violatores libertatis, iuris, atque immunitatis ecclesiasticæ sunt promulgatæ pœnæ non modò latæ sententiæ, sed ferendæ: ergo omnes tam latæ, quàm ferendæ sententiæ incurruntur ipso facto ab eo qui præsentem transgrediuntur constitutionem, incurrere autem ipso facto est latæ solùm sententiæ, non ferendæ: omnes ergo pœnæ in iure tam latæ, quàm ferendæ sententiæ sunt latæ sententiæ contra huiusmodi constitutionis transgressores.

Contra verò videtur solùm de 2. pœnis latæ sententiæ loqui. Ait enim incurrere omnes cẽsuras & pœnas, quæ contra violatores libertatis, iuris & immunitatis ecclesiasticæ sũt promulgatæ; promulgati verò videtur de latis sententiis dici, non de ferendis; de ferendis enim comminari potius dicimus, quàm promulgari.

Si priorem sententiam sequimur, periculum est ne ampliemus pœnas, si posteriorem, ne restringamus, & quamvis tutius sit restringere in materia odiosa quàm ampliare, præsertim ne cẽsuras & pœnas, quæ in iure contra prædicta tria delicta sunt comminatoriæ, contra hos de quibus loquimur latæ sententiæ, omnes esse dicamus, vt si alteram prædictarum sententiarum sequi necesse sit, nullo modo priorem illam, sed hanc posteriorem sequendam putem.

Occurrit autem hæc diligentius ponderanti media quædam via, fortassis etiam verior, vt dicamus vtrasque pœnas & latas & in iure ferendas contra hos decerni. latas quidem, vt latas & ipso facto incur

incurrendas tanquam latas, ferendas verò tanquã comminatorias, & ipso facto incurrendas tanquã comminatorias. vt sit sensus, ipso facto incurrant omnes iuris pœnas tales quales in iure habentur; vt latis quidem eo ipso subiaceant, ferendę verò eo ipso cõtra eos ferri possint. ac certè pœnas in iure comminatorias non fieri latas virtute dictę clausulę, probatur primò, cùm sit materia odiosa, debuisset adedò claris verbis explicari, vt nulla appareret probabilis causa dubirandi, quod tamen secus factum est, vix enim per vim possunt verba ad hũc sensum trahi. Secundò, quia si hoc modo intelligeremus periculum esse ne ampliarem pœnas, quas secundũ iuris regulas restringere tenemur. Ampliarem autem si sic diceremus, quia sint in iure, exempli gratia, duę excommunicationes latę, & duę cõminatorę, diceremus transgressorem huius constitutionis incurrere quatuor excommunicationes latas. Ad argumentum huius sententię respondeo concedendo priorem consequentiam incurrĩ omnes sententias ram latas, quàm ferendas; cùm autem postea subsũmitur incurrere ipso facto, est solũ sententię latę; nego. Cũ enim sermo est de multis censuris, ac pœnis, non modò latis, sed etiam ferendis, tunc incurrere ipso facto vtrasque complectitur tales quales sunt.

5. Cũ autem de vna sola pœna dicitur incurrĩ ipso facto, tunc omnes intelligendę sunt latę: vt si contra violatores libertatis, iuris atque immunitatis ecclesiasticę censurę ac pœnę in iure promulgatę omnes essent latę sententię,

tunc necessariò fatendum esset omnes virtute horũ verborũ incurrĩ tanquam latas à quouis transgressore pręsentis constitutionis. Quoniam autem alię sunt latę sententię, alię ferendę, ideo omnes quidem incurruntur tales, vt dixi, quales sunt.

Posteriorem sententiam tanquam probabilem non opus est refellere, cũ pręsertim parũ, aut nihil in re distet à sententiã illa media quam nos posuimus, sitque in iudicis potestate siue per eas quę in iure sunt comminatorię, siue per alias quas magis expedire iudicauerit compellere transgressorem huius constitutionis ad eam seruandam.

*De censuris ac pœnis in iure latis contra violatores libertatis, iuris & immunitatis ecclesiasticę, quas incurrunt transgressores huius constitutionis.*

#### CAPVT V.

NON est mentis nostrę omnes nominino censuras & pœnas etiam latę sententię adedò seriò diligentẽrque perquirere, vt proficamur nullã nos subterfugisse. Sed cũ in id incubuerimus, id allequimur, vt magis pręcipuas, & quę vsu receptę sunt, adducamus.

Prima excommunicatio latę sententię in eos qui editis statutis libertatem ecclesiasticam violant, cap. nouerint, de sententia excommunicationis. ea excommunicatione ligantur non modò statutarij ipsi, scriptorẽsque statu-

OOOo x totum

torum huiusmodi, sed etiam quicumque fecerint ea obseruari, rursumque qui obseruari fecerint consuetudines eidem ecclesiasticæ libertati contrarias, nec non & potestates, Consules, Rectores, Consiliariosque locorum ubi ea statuta edita fuerint, vel seruata, ac deum omnes qui secundum ea iudicauerint, seu ab aliis iudicata in publicam formam redegerint, scripserintque.

2. Cum hac dispositione iungenda est alia dispositio, quæ habetur in cap. *grauem, de sententia excommunicationis*, vt egregie monet Panormitanus in d. cap. *nouerit* n. 2. dicens has duas theorias simul esse iungendas, ubi contra quosdam statuarios Pisanos est sermo. electi enim ab illa Republica ad facienda statuta statui eiusdem reipublicæ vtilia duo inter alia statuta ediderunt ecclesiasticæ libertati contraria. Alterum fuit, vt si quis siue clericus, siue laicus illius Pisani districtus ad iudicem quemcunque ecclesiasticum litteras ab Apostolica sede impetraret, is in mille solidis nisi eisdem literis renunciaret, condemnaretur, ac redditus suarum possessionum non redderentur eidem, neque eius agi excolerentur, ac subiaceat basmo potestatis. Alterum statutum fuit vt clerici suis sumptibus castrum ripæ fractæ facerent custodiri, quod si renuerent, potestas ciuitatis contra eos procedere teneatur. Quæ duo statuta planè schismatica esse videntur, cum priore negetur recursus ad sedem Apostolicam, posteriore iurisdictio in clericos potestati ciuitatis laico homini tribuatur, Pontifex non in solos statuarios animaduertit, sed in omnes consiliarios & officiales ciuitatis præ-

dictæ, mandâtque Episcopo Senensi vt in Consiliarios quidem & officiales, nisi statuta illa de suis capitularibus deleri fecerint, & idoneè cauerint, quod similia de cætero non attentabunt, excommunicationis sententiam promulget, statuarios verò nunciet fore priuatos feudis omnibus, quæ ab Ecclesia tenent, atque hæc ibi expressè statuuntur. Dubitant Doctores circa illa verba, *excommunicationis sententiam promulget*, iubetne Pontifex excommunicare illos, an solum promulgare, seu publicè nuntiare excommunicatos. Cum enim constet ex cap. *nouerint*, hos esse ipso facto excommunicatos, videtur potius pertinere ad declarationem, seu denunciationem illius excommunicationis. Alij post glossam putant excommunicatos à iure iuberi excommunicari etiam ab homine ad maiorem terrorem, atque vt multiplicato vinculo excommunicationum maior afferatur difficultas obtinendæ absolutionis. At forè verius est quod nos retigimus, supponi statuarios excommunicatos in cap. *nouerint*, ideoque mādari excommunicari consiliarios & officiales non simpliciter, sed nisi statuta delcuerint, in statutatos verò ferri sententiā priuationis omnium bonorū, quæ ab Ecclesia tenent in feudum, quæ, vt notat ibi Panormitanus, eo ipso incurritur vt statuarij, faciētes statuta contra ecclesiasticā libertatem, eo ipso sint priuati feudis Ecclesiæ.

Secunda pœna, & hæc est altera 3. pœna temporalis quæ virtute præsentis constitutionis virtutem habet in iis qui attentare quidpiam præsumunt contra præsentem constitutionem, quod si habent feuda Ecclesiæ, eo ipso priuati sunt illis.

Tertiā



4. Tertia pœna est excommunicationis etiam latæ sententiæ in c. *quoniam, de immunitate Ecclesiarum*, contra temporales dominos, Balliuos, ac iudices seculares, qui eos qui in suis terris litteras ab Apostolica sede impetrant, vel ad ecclesiasticos iudices recurrunt, & in foro ecclesiastico litigare volunt super causis & negotiis de iure, vel antiqua consuetudine ratione personatum, vel rerum ad forum ecclesiasticum pertinentibus, compellunt, vel compelli faciunt, vel procurant ad desistendum, vel etiam ad litigandum in foro seculari, siue id faciant per capturam ipsorum iudicum ecclesiasticorum, siue personarum litteras impetrantium, siue personarum litigare volentium, seu propinquorum eorundem, seu reorum ipsorum, seu Ecclesiarum ad eos pertinentium, siue aliis quibuscunque modis compellant.

5. Dein eadem excommunicatio latæ sententiæ fertur in eos qui impediunt ne ij qui querelantur corâ iudicibus ecclesiasticis, siue ordinariis, siue delegatis super causis supradictis, possint suam iustitiam obtinere, & contra dantes ad prædicta omnia & singula facienda auxilium, consilium seu fauorem. A qua sententiâ absolui non possint nisi tam iudicibus, quorum cognitio fuerit impedita, vel iurisdicção usurpata, quâ parti quæ in sui intris prosecutione turbata fuit, de iniuria, damnis, expensis, & interesse prius satisfecerint. Hanc sententiam ita incurruntransgressores præsentis constitutionis, vt si Episcopi cognitionem impediuerint, vel personam ab eo depuratum capi fecerint, vel reum, nihilominus absolui non possint, nisi hoc quo expressum est mo-

do in his omnibus satisfecerint.

Quarta pœna excommunicationis latæ sententiæ lata per Gregorium X. in cap. *unico, de his quæ vi metusve causa*, lib. 6. quo loco in eos qui illos à quibus excommunicati, suspensi & interdicti fuere, cogunt ad absoluendum, ita seuerè animaduertit Pontifex vt non modò statuat prædictam vi, metusve extortam absolutionem, nullius esse roboris vel momenti, sed illos ipsos qui absolutionem seu relaxationem huiusmodi vi aut metu extorserint, excommunicat, vultque excommunicationis sententiæ subiaccere.

7. Quinta pœna excommunicationis latæ sententiæ cap. *quicumque, de sententia excommunicationis* lib. 6. vbi excommunicantur quicumque dederint licentiam alium occidendi, capiendi, seu aliàs in personis aut bonis suis aut suorum grauandi eos qui protulerunt sententiam excommunicationis, suspensionis, seu interdicti in Reges, Principes, Barones, Nobiles, Balliuos, vel quoslibet eorum ministros, aut in quoscunque alios. Item quicumque eandem licentiam dederint prædicta faciendi in eos, quorum occasione prædictæ sententiæ sunt prolatae, vel eos qui easdem sententias observant, & in eos qui taliter excommunicatis communicare recusant, nisi re adhuc integra prædictam licentiam renouauerint. Quod si res non est amplius integra, sed exequutioni madata fuit, distinguendum est, aut enim is cui licentia data est processit iam contra personas, & sic eo ipso sunt excommunicati, qui licentiam dederunt, aut processit solum ad captionem bonorum, incurrunt excommunicationem qui licentiam dedere, nisi

○○○○ ; infra

infra octo dies à die captionis numerandos bona ipsa fuerint restituta, aut satisfactio pro ipsis impensa eidem excommunicationi latæ sententiæ subiacent, qui ausi fuerint vel prædicta licentia sibi data uti, vel aliquid prædictorum, ad quæ licentia prohibita fuit, motu proprio committere. Addit demum Pontifex si in eadem excommunicatione permanserint per duos menses, ex tunc non possunt nisi per sedem Apostolicam absolui. hoc loco illud est obseruandum, cum virtute præsentis constitutionis & §. 10. dicitur is, qui hanc transgredi præsumit præsentem constitutionem incurrere hanc penam, dicendum esse incurrere illam in sua reservatione, si per duos menses in excommunicatione perseverat, quos numerabimus à die quo constitutionem ipsam transgressus excommunicationem incurrat.

8. Sexta pœna excommunicationis est etiam latæ sententiæ in exigentes à clericis, aut Ecclesiis onera, pedagagia, guidagia pro rebus ipsis, aut pro personis, siue exigant suo nomine, siue alieno, siue per se, siue per alium, aut ad ea persoluenda compellant. Si enim sint personæ singulares, excommunicationis, si verò collegium, siue vniuersitas ciuitatis, castri, aut loci, ipsa ciuitas, castrum, locus interdicti sententiam incurrat ipso facto, nec aut ab excommunicatione absolui, nec interdictum huiusmodi relaxari posse, donec & exacta plenariè restituerint, & de transgressione satisfecerint competenter habetur in cap. *quamquam*, de censuris lib. 6.

9. Similis excommunicatio habetur in cap. *non minus*, de immunitate Ecclesiarum in Consules, Scabinos, Rectoresque ciuitatis, qui an-

garias & onera imponunt clericis & Ecclesiis, sed hæc posterior excommunicatio non ipso facto incurritur, sed nisi admoniti desistere voluerint, includiturque tam ipsos Consules, Rectoresque ciuitatum, quam eorum fautores, & absolutio danda eis non est, donec satisfecerint competenter.

Aucta præterea pœna est aduersus eosdem Consules & Rectores in capitulo aduersus, de immunitate Ecclesiarum, ut sententiæ per eos latæ, vel constitutiones ab eis editæ, vel ab aliis de eorum mandato, ita sint inanes atque irritæ, ut nullo possint tempore conualescere.

Rursum, quoniam fraus, & dolus nemini patrocinari debet, adicit Pontifex in dicto cap. *aduersus*, si quis dictorum consulum, & rectorum ciuitatis, castri, aut loci per totum regiminis tempus sustineat excommunicationem, eo elapso tam ipsam teneri ad satisfactionem prædictam, quam eius successorem, qui successor, si intra mensem à die suscepti regiminis numerandum, non satisfecerit, eandem omnino excommunicationem incurrat, in eaque maneat, tam ipse, quam eius præcessor, donec ipse satisfecerit competenter.

Hoc loco obseruandum eodem interdicto ligari communitatem, quæ contra præsentem constitutionem attentare præsumpserit, absolutionem præterea dari non posse, nisi post datam competentem satisfactionem, & si officialis non restituat captum in Ecclesia tempore sui officij, transire hanc obligationem restituendi in eundem successorem, qui nisi id faciat intra mensem, eandem excommunicationem incurrat, maneatque am-

bo excommunicati, donec is restitu-  
ar captum.

13. Septima, excommunicatio late  
sententiæ in dominos temporales,  
qui ut clericos ad solutionem gabella-  
rum cogant, prohibent suis subditis, ne  
clericis, ecclesiasticisque personis,  
aut communia præstent obsequia, ex-  
empli gratia, ut eis bladum, seu  
frumentum molant, coquant panes,  
& similia, neve aut vendant res ad  
usum vite pertinentes, puta cibum,  
aut vestitum, aut emant ab eisdem.  
habetur in capitulo eos, de immuni. Ec-  
clesiæ.

14. Octava, excommunicatio late  
sententiæ in quoscunque, siue cle-  
ricos, siue laicos, quacunque digni-  
tate præfulgeant, etiam imperiali,  
aut regali, qui alicuius Ecclesiæ, seu  
cuiusvis secularis, seu regularis be-  
neficii, montium pietatis, aliorum-  
que piorum locorum, iurisdictiones,  
bona, census, iura etiam feudalìa,  
& emphyteotica, fructus, emolumenta,  
seu quascunque obventiones,  
quæ in ministrorum, ac pauperum  
necessitates conuerti debent, per se,  
vel per alios, vi, aut timore incusso,  
seu etiam per suppositas personas  
clericorum, aut laicorum, seu qua-  
cumque arte, aut quæsito colore in  
propriis usus conuertere, illorumque  
usurpare præsumpserint, seu impe-  
dire, ne ab iis ad quos pertinent, per-  
cipiantur. In qua excommunicatio-  
ne permaneant, quousque iurisdic-  
tiones, bona, res, iura, fructus, &  
redditus, quos occupauerit, vel qui  
ad eum quomodocumque, etiam ex  
donatione suppositæ personæ per-  
uenerint, Ecclesiæ eiusque admini-  
stratori siue beneficiato, integrè  
restituunt, ac deinde à Roma-  
no Pontifice absolutionem obti-

nuerint.

Quod si eiusdem Ecclesiæ patro-  
nus fuerit, etiam iure patronatus  
priuatus existat; clericus verò, qui ne-  
fandæ huius fraudis, ac usurpatio-  
nis fabricator, seu cõsentiens fuerit,  
& eisdem subiaceat pœnis, & quibus-  
cumque beneficiis sit priuatus, & ad  
quoscunque alia beneficia inhabilis,  
& à suorum exequutione ordinum,  
etiam post integram satisfactionem,  
& absolutionem, sui ordinarij arbitrio  
suspendatur. habetur in Cõcil. Trid.  
sess. 22. c. 11.

Hoc loco aduertendum est hanc  
excommunicationem, & priuatio-  
nem, ceterasque pœnas esse late  
sententiæ, præter vltimam, quæ ar-  
bitrio Episcopi ferenda est. Quoad  
suspensionem ordinum, itemque ex-  
communicationis absolutionem ef-  
se Apostolicæ sedi reservatam, quo  
pacto reservatam etiam esse puro, si  
per transgressionem præsentis con-  
stitutionis incurrat.

Sed & in can. attendendum 17. q. 4. 17.  
triplex pœna constituitur in eos, qui  
prædia secretorum cælestium vbi-  
bus dedicata in ea irruentes vexant.  
Primò cõstituuntur pœnæ aliæ sta-  
tutæ contra sacrilegos, de qui-  
bus multi extant canones 12. q.  
2. can. 10. Præsertim can. nul-  
li licet. can. quicumque, & can.  
prædia, & sequentibus, inter quas  
in dicto can. quicumque, ponitur  
excommunicatio late sententiæ.  
Secundò, pœna perpetuæ infamiz.  
Tertiò perpetui carceris, aut  
exilij perpetuæ deportationis.

Vltima excommunicatio late 18.  
sententiæ fertur in incendiarios  
Ecclesiarum, eosque qui Eccle-  
sias violenter frangunt, easque  
spoliant, quæ sedi Apostolicæ refer-

nata est. *c. tua nos, de sententia excommunicationis. & c. conquesti, eodem tit. & c. literas, de raptorib.* Sed reservatio videtur solum habere locum, si fuerint per Ecclesiam publicati, per idem capitulum *tua nos.*

19. Sunt præterea nonnullæ excommunicationes comminatoriæ, seu ferendæ in violatores libertatis, iuris, & munitionis ecclesiasticæ, quibus sciens, & volens supersedeo, quoniam tam multæ coaceruatæ sunt latæ sententiæ in transgressores præsentis constitutionis, & si qua ad maiorem terrorem ferenda sit, satis erit vna, neque multas decet simul ferri.

10. Sunt præterea, & temporales pænæ, siue pecuniariæ, quas, quoniam in usu iam non sunt, silentio prætereo.

21. Illos moneo, qui præsentis constitutionis transgressione pœnas incurrunt, ut quâdo absolvi postulant, ad summum Pontificem recurrant, propter excommunicationes illi reſeruatæ, utque memores sint absolutionem petere non ab vna solum excommunicatione, sed ab omnibus illis, quas virtute diſtinctæ constitutionis ac ſeius decimi incurrerunt latas contra violatores libertatis iuris, atque immunitatis ecclesiasticæ.

22. Secundò moneo cum transgressio præsentis constitutionis communiter publicè committatur, & cōsequenter reus, qui in hoc deliquerit, habendus sit pro excommunicato in foro exteriori, non esse illi satis absolutionem, quæ aut per bullam cruciatæ, aut quæ per mendicantium privilegia datur in foro interiori conscientiæ, quæ natura sua occulta est, sed necessariam esse in foro exteriori absolutionem, ut possit libere cum aliis communicare.

De quadam alia pœna iuris antiqui constituta Sacerdoti, siue æconomus Ecclesiæ, ad quam quis confugit, nisi acceptis sacramentis impunitus eum consignaret.

## CAPVT VI

POENA est antiquis decreti canonibus *can. deficiunt*, ex Cõcil. Tolet. XII. in sacerdotem illius Ecclesiæ constituta, ad quam aliquis confugerit, ut si iuxta præcorum canonum instituta, ij qui eos repetunt sacramenta reddiderint, hoc est, impunitatem iuramento promiserint, & sacerdos illius Ecclesiæ ab Ecclesiæ foribus non eos abstraxerit, reddens nempe illos, tunc si contingat eos postea fugere, teneatur sacerdos, aut illos conſequitos reddere petentibus, aut damni estimationem secundum electionem Principis.

Circa hanc pœnam dubium occurrat, in quo genere confugientium ad Ecclesiam locum habeat. solent enim tria genera personarum illuc confugere. Primum scilicet antiquissimum genus, & à quo immunitas sumplit exordium apud Ægyptios, ut supra constitutum est *lib. 1.* quod genus apud Romanos frequentissimum fuit, & ad asyla, & ad statuas. Secundum genus obærat, hoc est, debitorum ciuiles. Tertium rei criminum, quorum est frequentior nostra ætatē ad Ecclesiam concursus. Dubium est ergo, an hæc pœna locum habeat in quolibet horum genere personarum, si acceptis impunitatis sacramentis sacerdos Ecclesiæ

clesiæ confugā nō restitucrit; neque verò desunt rationes dubitandi. Habere enim locum in omni genere illud primum suadet, quòd textus simpliciter, & absolutè de cōfugientibus ad Ecclesiā loquitur, neque ad certum vllum eorum genus sese restringit: ergo nec nos restringere debemus. Secundò quia in omni illo genere præstanda sunt impunitatis sacramenta, aliter restitui nequit; ergo vbi hæc præstita fuerint, cum sit confuga de sua impunitate securus, id quod per Ecclesiæ impunitatem intendit, non est cur detraxerit exire, aut cur vltius ab Ecclesiā defendatur.

3. Contraria verò pars probari potest primò, quia omnis pœna imponit culpam, & transgressionem aliquam legis. At nullo iure præceptum est sacerdoti Ecclesiæ, vt post accepta sacramenta extrahat, consignetque quoscūque cuiuscūque generis cōfugas, & si quod est de hac re præceptū, solū est de restituendis seruis, ne domini fraudentur debitis eorum obsequiis. Secundò quia immunitas Ecclesiæ est non solum, ne quis puniatur, sed etiam ne extrahatur inuitus, quod etiam habet locum in reis criminum, quorum potest esse grauior, & rationabilior timor, cum agatur de eorum vita, ac membris, cumque propter varias legistarum doctrinas non obstantibus præstitis sacramentis alij dicant ab eodem qui impunitatem iurauit puniri posse, alij saltem ab alio iudice, qui illi non iurauit, & ob alias similes doctrinas; præsertim verò, si quando quis non obstantibus sacramentis punitus fuisset. Tertiò videtur ipsamet pœna limitare textum, vt de illo particulari confugarum genere

*P. Gambac. de immunit. Eccl.*

intelligatur, cuius fuga damnum paritur is, qui præstitit sacramenta. Quod damnum non videtur habere locū in debitore ciuili, cuius fuga non affert creditori vllum nouū damnum. Nam illum carceri mancipare non poterat, contra illius verò bona æquè procedere illo fugiente, atque præsentē. Fuga etiam rei criminum non videtur damnum vllum inferre.

4. Respondeo ad quæstionem, primò hanc pœnam maximè habere locum in seruo, si domino impunitatē iuranti restitutus non sit. De hoc enim restituendo multi sunt canones, qui etiam concedunt, vt si exire nolit, dominus eum post immunitatis sacramenta præstita per vim sibi accipere possit. Quod idem intelligendum est de quouis subiecto artisque qualiscumque discipulo restituendo suo magistro.

5. Secundò valde probabile esse non habere locum in reo criminum, qui semper potest sibi grauius timere, & damnum, quod ipse timet, est grauissimum vitæ ac membrorum, aut grauis pœnæ corporalis, neque in hoc videtur habere locum ratio damni, & si damnum aliquod resultat auctori, non ex ipsa vi fugæ resultat, sed aliunde. Nam etiamsi redditus fuisset, & composuisset cum parte adhuc pro soluenda compositione, non poterat carcerari, imò poterat velle manere in Ecclesiā pro debito, & interea fugere.

6. Tertiò æquè probabile est non habere locum in obzaro, ciuili- que debitore, qui nulli nocet morando in Ecclesiā; si enim pars concedat illi tempus ad soluendum, iurans non illum carcerare, nil no-

P P P p cet

et parti, si velit in Ecclesia manere, sed solum sibi : ergo sacerdos non teneret illum reddere, et si ex Ecclesia fugiat, tantumdem potuisset fugere egressus liber de Ecclesia. Solus ergo seruus est qui de iure tenetur, accepsis à domino sacramentis exire, qui eo ipso, quod non exit, damnum affert domino, fraudando eum debito seruitio; quique si redditus fuisset, poruisset à domino custodiri ne fugeret, quique semel redditus, placato domino probabiliter non fugisset.

7. Ad primum argumentum respondendo, textum licet videatur in iuris vniuersè de omnibus confugientibus ad Ecclesiam loqui, restringi tamen per verba sequentia, ubi mentionem facit damni, quod in solis seruis locum habet, saltem ex vi fugæ de Ecclesia, atque ex eo, quod sacerdos illum non restituit.

8. Ad secundum non omnem, qui seruus sit, teneri exire de Ecclesia, sed eum tantum, qui si non exeat & parti restituatur, damnum illi affert, quod in solo seruo, ut dictum est, reperitur.

9. Secundò dubitatur, quis sit intelligendus Principis nomine, cum dicitur, ut vel fugitium restituat, vel damnum compenset ad electionem Principis. Palam est enim non posse intelligi Principem secularem, qui ita simpliciter, & absolute Princeps vocari solet, quia non est legitimus iudex sacerdotum, *can. denique d. 96*. His quibus humanis rebus, & non diuinis præesse permissum est quomodo de his per quos diuina ministrantur, iudicare præsumant, penitus ignoramus, inquit Nicolaus Papa in egregia Epistola, quam

scribit ad Michaellem Imperatorem.

Respondet gloss. in dicto canone *definiunt*, in v. *Principis*, hoc nomine vel iudicis ecclesiasticum intelligendum esse, vel principalis personæ, id est, auctoris cuius interesse tangitur, ut ipse eligat utrum velit, seruumne, an damnum.

Tertiò dubitatur, quomodo possit habere locum hæc electio impossibilium; si enim seruus fugit de Ecclesia, ut supponitur, iam non est in potestate sacerdotis illum restituere, etiam si Princeps hoc eligat: solum ergo petere potest damnum sibi compensari, quod possibile est.

Respondeo, quoniam facile posset subesse fraus, & sacerdos posset occultato seruo, dicere illum fugisse, facile etiam potest scire, quod fugerit, saltem si diligenter illum quærat, ideo poni in electione, ut quandoquidem seruus potest esse valde utilis domino, & valde aptus eius seruitio, ideo cogere possit sacerdotem ad illum diligenter quærendum, & omnem refutare damni, vel pretij oblationem. Quod si vel iam constet de fuga in remotas terras, præsertim infidelium, vel post diligentem inquisitionem reperiri non potuerit, tunc satis erit damnum resarcire.

Quartò dubitatur, ad quodnam damnum sit condemnandus sacerdos ex hac serui fuga? Respondendo primò absque dubio ad pretium serui persolnendum, quod æstimandum est maius, vel minus pro ætate serui, valetudine, & viribus corporis, & habilitate ad seruiendum. Deinde si dominus interea faciat aliquas maiores expensas ad conducen-

ducendum famulum ita habilem ad feruendum, ut erat seruus, & ad quævis alia damna, quæ propter serui fugam patitur.

14. Quintò & vltimò dubitatur, an possit esse legitima causa, quæ sacerdotem excuset ab hac pœna? Respondeo mihi valdè probabile esse excusari, si constet aliàs dominum sacramenta violasse. Tunc enim & seruus iustam causam habebat non fidendi eius sacramentis, & redire ad illum recusandi, & sacerdos æquè, aut magis iustam causam habebat non statim illum reddendi, aut quærendi ab eo maiorem aliquam pro serui impunitate cautionem; atque ideo puto si ita sincerè res se habebant, excusati ab omni restitutione, fugamque imputandam potiùs sœuitiz, atque infidelitati ipsius domini, qui verberando, seruo præstita sacramenta violasset.

15. Hęc de hac materia scripsisse satis sit, quæ in nostra Sicilia, ac fortè in tota Italia parum necessaria erant, vbi pœnè nullus est seruorū ad Ecclesias concursus, & si quis est non cum tanto rigore seruatur, solent enim dominis impunitatem etià absque sacramento promittentibus facillè restitui. Potiùs enim confugere serui solent ad dominorum amicos, & propinquos, præsertim verò religiosos, & clericos ad impetrandam veniam per amicitiam, quàm per Ecclesiam, sicubi tamen adhuc seruorum hæc immunitas iuxta sacros canones seruatur, illic quæ dicta sūt, vsui esse possunt. Quæ ne quid in tantum prætermittetur scribenda fuerunt.

Redeamus ad pœnas transgressionum præsentis constitutionis.

*An pœna præsentis §. locum habeant solum in laicos officiales ac ministros curia, an etiam contra partes priuata authoritate violantes immunitatem, & transgredi præsumentes hanc constitutionem.*

## CAPVT VII.

NON modò officiales, & ministros curiæ authoritatiuè, sed priuatas etià personas ex priuata irâ, furoreque animi, aut propter priuatum interesse, posse transgredi præsentem constitutionem, & grauiter transgredi, siue percutiendo inimicum intra Ecclesiam, ad quâ confugerit, aut etiam occidendo, siue eum de Ecclesia per vim extrahendo, & aliquando oculis cernimus, & sacri canones narrant. Nam D. August. in can. miror 17. q. 4. reprehendit grauiter Bonifacium, qui quemdam fortè seruum suum, ut ibi notat glos. in initio, qui ad Ecclesiam confugerat, de Ecclesia per vim rapuit, quapropter illi præcipit, ut eundem Ecclesiæ restituat illæsum, & pœnam imponit ne domus eius oblationes à clericis recipiant, & ipsi sit communione interdictum. Et Galasius Papa in can. frater, eadem causa, quæ probat Epiphaniij sententiam, qui Benenatum, & Maurum Beneuentanæ ciuitatis municipes indignos sacra communione iudicauit, eisdemque ipse iubet

eo accessu Ecclesiarum prohiberi, quod quemdā eorū cutiale, qui ad Ecclesiam confugerat, captata sacerdotis absentia reluctantem, clamantēque violenter abstraxerant. Ex his etiam apparet teneri prinatas personas, partēque interellatas, atque offensas seruare confugis immunitatem, si enim non ad id tenerentur, nec reprehendendi, nec puniendi erant. Adde quod Augnst. priuatam hanc partis violentiam *can. cit.* vocat offensam Dei in religionē, ruptionem muri fidei. Gelasius verò Papa *dicto can. frater*, vocat plestibilem contumaciam, irruptionem temerarię mentis, magnum facinus, sacrilegium. Reuoca in memoriam cōfugij immunitatem ortam esse ex timore irę priuatę seruorum Assyrophanis illius Principis Ægyptij, vt eius iram deuitarent, sicuti primo lib. ostensum est, ciuitates præterea refugium, ad hanc præcipuē vitandam propinquorum occisi iram à Deo institutas esse. eadēque ratione Abulensis à nobis eodem primo lib. relatus tueretur in omni republica benē instituta necessaria esse aliqua refugiorum loca ad saluandam mulcorum ciuium vitam, ne ab his, quos laferint, eorūve propinquis occidantur, quā rationem nos etiam eo loco probauimus. Sunt præterea expressi canones, qui etiam priuatis personis prohibent extrahere quemquā de Ecclesia, nam *can. nullus clericorum 17. q. 4.* prohibetur specialiter clericis, ne seruum suum, aut discipulum confugientem ad Ecclesiam extrahant, & *can. si quis contumax, dicta causa, & quæst.* vninet-sē prohibetur, ne quis seruum suum, vel quem ipse persequutus

fuerit etiam non seruum, & quicumque ex causa sit persequutus, nō dico de Ecclesia, sed ne de arrio quidem, & porticibus Ecclesię quomodolibet adhærentibus extrahat; quin & graues pœnæ in contra facientes constituuntur. In clericos quidem, vt donec dignē pœniteant, à loco, cui honorem non dederunt, id est, ab Ecclesia, vnde abstraxerunt, segregentur, siue quoddā interdicendi sint ab ingressu illius Ecclesię, siue quoddā ab eius beneficio suspendantur. In quolibet verò vniuersē constituta pœna est, vt etiam Episcopo nongentos solidos componant, & pœnitentia publica iusto Episcopi arbitrio multentur. Quod si extrahere quempiam priuata authoritate prohibitum est, multo magis intelligendū est prohibitū in ipsa Ecclesia verberare, vulnerare, mutilare, necare, quod longē maioris temeritatis est atque irreuerentię. Vnde etiam *in cap. cum pro causa, de sententia excommunicationis*, Archidiaconus Chabilonensis Ecclesię, qui succentorem traxisset verberando per claustrum, dicitur immunitatem ecclesiasticā violasse, ac pretenditur siue duplicem incurrisse iuris excommunicationem, siue fuisse ab Archiepiscopo ex duplici causa, violentię nempe manuum iniectiōis, & violatę immunitatis, excommunicatus, nec de violata immunitate, sed solum de duplici excommunicatione fuit dubitatum. Vnde Pontifex respondet iudicibus delegatis supponendo violatam immunitatem, si constiterit ob duplicem causam excommunicatum fuisse, ipsum tamquam excommunicatum cogant satisfacere Ecclesię, de qua re nos suprā disputauimus in



in hoc ipso lib. 1. n. 14. & 21. & 22. Deinum non pauci sunt in iure canonico textus, qui non restringendo se ad curiæ ministros, eosve, qui potestatem habent, sed simpliciter, & absolute, imò etiam vniuersaliter, cuius prohibent extrahere quemquam de Ecclesia, aut residentibus in ea quicquam nocibilitatis, damni, spolijs eis inferre, aut eorum bonis, quæ secum ad Ecclesiam detulere. *can. id constitutum*, absolute prohibetur. *can. verò reum*, & *can. deficiunt*, expresse additum est, *nullus*, quod est nota vniuersalis negatiua, omnem omnino excludens, vt nemini omnino liceat.

2. Hinc sine dubio tenendum est ad hos non minus, quam ad ministros curiæ secularis pertinere illas omnes censuras, & pœnas, quæ antiquo iure constitutæ sunt contra violatores immunitatis confugij, de quibus dictum est à nobis *cap. 1. lib. huius octauæ*, debereque nisi abstracto Ecclesiæ, ex qua extraxerunt, restituant, per excommunicationem expelli.

3. Dubitari verò potest an pertineant ad eosdè pœnæ in iure latæ contra violatores libertatis, iuris & immunitatis ecclesiasticæ, quæ per præsentem §. decimum huius constitutionis declarantur, seu extenduntur omnes ad transgressores præsentis constitutionis, cum enim negari non possit, eos violare immunitatem de qua hæc constitutio tota disponit, videntur hæc pœnas incurere.

4. Pro contraria sententia facit, quòd hæc pœnæ non sunt contra violatores immunitatis, sed contra transgressores præsentis constitutionis extensæ; ergo non quilibet violator immunitatis eas incurrit, sed qui eam violat quoad hæc, quæ præsentis

constitutione decreta sunt, imò si quis fortè etiam absque violatione immunitatis præsentis constitutionis tenorem transgredi præsumat. Porro in tota constitutione nullum est reperire verbum de iis, qui priuata autoritate violant immunitatem, sed tota dirigitur contra ministros curiæ, indultaque eis concessa reuocat, abusum omnem eiusdem curiæ ex prædictis indultis occasionatum, siue ortum abolet, eorundem ministrorum audaciam coercet, vt patet intuenti, & clarius apparebit infra suo loco, vbi ostendemus quarum rerum transgressione incurrantur hæc pœnæ, & hæc sententia nò modò probabilis, sed certa est apud me, quam puto aequè certam futuram esse apud omnes, qui totius huius constitutionis tenorem legerint. Neque enim debemus extensionem facere in pœnis, licet ergo peccent, qui priuata autoritate confugiam, siue criminofum, à quo offensi sunt, siue ciuilem debitorem, siue proprium seruum, siue quemcumque aliud de Ecclesia extrahunt, aut in Ecclesia verberant, spoliant, occidunt, mutilant, vel quidquam nocibilitatis, damni ac spolijs inferunt, & grauissimè peccent, & sacrilegi sint, & immunitatem hanc violent, & grauissimè puniendi sint, & pœnis antiqui iuris subiaceant, præsentis tamen constitutionis pœnæ ad eos extensæ non sunt, neque eas in iure latas incurunt.

Hoc idem iudicium statuo de iis, qui priuata autoritate expellunt, siue eiiciunt confugas de Ecclesia, siue per vim impellendo, arque expellendo, siue percutiendo, vt exeant, siue comminando, nisi exeant, siue seuerè, & grauitè præcipiendo,

siue cibum illis in Ecclesia negando, & ne ab aliis eis deferatur, prohibendo, siue alia quacumque ratione cauſſando eius egressum, etiam si nō sint partes interessatæ; neque ad eos vlla ratione pertineat, peccant enim, vt dictum est, & graues pœnas merentur, pœnas tamen præſentis §. nō incurrunt.

*An clerici, & persona ecclesiastica pœnas præſentis constitutionis incurrant, si priuata auctoritate violent immunitatem.*

## CAPVT VIII.

1. **P**ATEFACTA nobis via est ad hanc soluendam dubitationem capitulo præcedenti magna ex parte. Nam, & clericos personæque ecclesiasticas posse in hoc delinquere, & ne id faciant esse expresso iure prohibitos, patet ex *can. nullus clericorum* 17. q. 4. subiacent etiam itæ, cæterisque perturbationibus, & de facto aliquando in hoc deliquisse quēdam clericum, à nobis relatum est lib. 3. c. 8. qui & à Deo grauiter punitus est, & Archidiaconus ille Cabilonenſis Ecclesiæ, de quo sermo est in *c. cum pro cauſſa, de sentent. excomm.* cuius in capitulo præcedenti fecimus mentionem, hoc modò immunitatem violauit, cum traxit per claustrum succentorem. Et quod attinet ad violationem immunitatis ſamendam; vindicta de confugis in ipsa Ecclesia facilè potest contingere in personis ecclesiasticis armatis, cuiusmodi sunt religiosi militiarum, qui ex ipſo militiarum instituto,

arma cōtrectāt, & immoderato quodā militaris honoris zelo exactiores, diligētiores, audaciores sūt in iniuria vēdicanda cæteris non religiosis militibus, in quibus tamē propter religionis professionem elucere debet Christianæ mansuetudinis, & cōdonandæ iniuriæ exemplum.

De iis quoad hanc priuatam Ecclesiæ violationem eadem esse possunt, quæ præcedenti c. allatæ sunt rationes dubitandi, eadem responsiones ad quæſtionem. Palā enim apparet legenti hanc totam constitutionem, nullum omnino verbum de eis fieri, nihil illis præcipi, nihil prohiberi, vt quidquid contra immunitatem delinquant, & quacumque ratione eam violent, dici non possint præſentis constitutionis transgressores, consequenter quamuis grauius peccent, & grauius quā laici violando immunitatē, quam etiam cum sanguinis periculo tueri debuissent, & grauissimis pœnis afficiendi sint, non ineurrūt tamen pœnas præſentis constitutione extensas ad eius transgressores.

*An Ecclesiarum Prælati, & Episcopi transgrediendo præſentis constitutionis dispositionem incurrant censuras, & pœnas hoc §. extensas.*

## CAPVT IX.

**N**EGARI nō potest multa in hac cōstitutione præcepta dari Ecclesiarū prælatiſ tā ſecularibus, quā regularibus, personisque ecclesiasticis, ab eis auctoritatem habentibus, eorūque ministris etiam clericis, perſo,

personisque ecclesiasticis, ipsi demum Episcopis, quo nomine veniunt etiam omnes alij prelati maiores Episcopi potestate, iurisdictione, preeminetia, licet non ordiue. cuiusmodi sunt Archiepiscopi, Primates, Patriarchæ. Vnde de his merito dubitari potest, si abutantur potestate ad audendum aliquid contra presentis constitutionis tenorem, an incurrant extensam §. huius penas, latas nempe in iure contra violatores libertatis, iuris, atque immunitatis ecclesiasticæ.

1. Pro parte negativa hæc adduci possunt, primum quod horum transgressio ferè ad ampliacionem potius quam ad violacionem immunitatis pertinere videtur. Solent enim ferè semper tueri omnes, & saltè ad fugam iuuare abscondereque, ne capiantur, etiam eos, quibus palam est, immunitatem non deberi: cuiusmodi esset, si hodie Episcopi, & Ecclesiæ prelati eos, quos cognosceret verè aliquod hinc expressorum criminum commisisse, ad immunitatē admittendos esse iudicarent, eosque Ecclesiis, vnde extracti sunt, restituerent, non seculari curiæ consignarent. Secundum, quod quantum ex vniuersa presenti constitutione colligi potest, Pontifex solum intendit laicorum magistratuum, eorumque ministrorum temeritatem frenare, extrahendi propria autoritate reos de Ecclesiis, facultatem per apostolica indulta concessam reuocare, ipsa indulta penitus reuocare, abusumque eorū occasione ortos omnino abolere, ut merito tota contra seculares magistratus, eorumque ministros tēdere dicenda sit: ergo in hos totas penas dirigit, hos arcere pœnarū timore intendit. Prælati Ecclesiarū

aliqua præcipit ad faciliorem praxim introducendam eorum, quæ contra prædictam secularem curiam statuta sunt, nullius culpæ abusuque hos reprehendit, nihil contra eos statuit: ergo non apparet ratio, cur velit ad hos quoque vsque adeo multas grauesque pœnas pertinere. Tertia quod pœnæ omnes in iure promulgatæ contra violatores libertatis, iuris, atque immunitatis ecclesiasticæ, quæ contra transgressores presentis constitutionis extenduntur, latæ sunt in iure contra laicos illorum criminum reos: ergo & extensio contra eosdem intelligi debet.

Pro contraria verò sententia hæc adduci possunt. Primum, quod Pontifex cum in tota præcedenti constitutione quædam laicis curiæ secularis ministris, quædam minoribus Ecclesiarū Prelatis, quædam Episcopis, personisque, ac iudicibus ecclesiasticis, ac ministris curiæ ecclesiasticæ præcepisset, aut vetuisset, tamen cum ad pœnas venit, non ad vllum prædictorum genus se restringit, sed simpliciter, & absolute in omnes prædictis constitutionis temerarios transgressores, eas decernit, dicens: *Quod si quis quacumque dignitate & autoritate præditus, quicumque præter, aut contra huius nostra constitutionis tenorē attentare presumpserit, &c.* Quis ergo, quicumque præter, aut contra attentat, siue clericus, siue laicus, quacumque dignitate, & authoritate, siue seculari, siue ecclesiastica præditus, subiectus est his pœnis, si quicumque attentare præsumat contra eorum, quæ præcepta sunt, dispositionem.

Secundum quod licet expressam mentionem faciat prætextus indultorū, per sedē apostolicā obcessorū, non

- non ad hunc solum prætextum se restringit, sed ad omnem, & quemcumque alium prætextum sermonē extendit, dicens: *Qui præmissorum, aut quouis alio prætextu, &c.* Tertiū, quod non modò eos, qui contra, sed eos etiam qui præter huius constitutionis tenorem delinquant, castigat intendit, adeò rigidè severèque procedit: ergo omnes includit, qui quoquo modo eam transgredi præsumunt. Quartum, quoniam certum est Episcopum, vel ab eo deputatum, si posteaquam apertè cognoverit, reum nullum horum delictorum commississe, propterea que illi immunitatem omnino deberi, nihilominus, vel eius odio, vel læsæ partis amore illum tradi, consignarique faciat curiæ seculari, esse violatorem huius immunitatis, verūque transgressorem temerarium præsentis constitutionis: ergo debet eius pœnas incurrere. Neque fortasse minus immunitatem violat, si eum liberet, declarètque ad immunitatem admittendum, quem cognovit aliquod hîc expressorum criminum commississe, cum eum admittat, quæ leges immunitatis excludunt.
7. Pro solutione advertendum Ecclesiarum Prælatos duobus modis posse transgredi præsentem constitutionem. Vno modo quatenus sunt prælati ecclesiastici, & procedunt autoritate ecclesiastica sua ordinaria, vel delegata. Altero modo, quatenus aliquando habent potestatem laicam, & procedunt autoritate laica, ut illis potest contingere, qui in suis diocesium, vel earum parte sunt domini, & Principes temporales, & qui aliquando præficiuntur gubernandis regnis, ac provinciis.
8. Si ergo Ecclesiarum prælati, cu-

iuscūque gradus, & dignitatis sint, autoritate laica præsentem constitutionem transgredi audeant, dubiū non est eos incurrere censuras omnes, ac pœnas hac constitutione declaratas in eius transgressores, cadē prorsus ratione, qua laici incurrun, quia procedunt autoritate laica, tamquam si essent laici, nullo habito respectu ad ecclesiasticam dignitatem.

Si verò de eis loquamur quatenus procedunt autoritate ecclesiastica, & abutentes munere sibi per hanc constitutionem attributo transgredi præsentem constitutionem, licet aliquæ appareant non omnino improbables rationes dubitandi, quæ initio præsentis capitis sunt adductæ, quæ tamen non multum urgent, longè tamen probabilius est atque apud me certum, ipsos easdē omnino censuras, & pœnas in iure promulgatas contra violatores libertatis, iuris, atque immunitatis ecclesiasticæ incurrere. Id efficacissimè probant tres rationes, quarum prima adducta est primo, secunda quarto argumeto superius adducto pro contraria sententia n. 3. & 4. Ratio verò tertia est, quoniam, nisi Episcopi, & prælati seruent ea, quæ hac constitutione illis præcepta sūt, neque servabunt ministri, ac officiales curiæ secularis, idque duplici ratione, primū enim suo malo exemplo eos inducent ad transgrediendum, ut cum videant laici personas ecclesiasticas, præsertim verò prælatos maiores ea non servare, vel putent neque se obligari, æquè atque illos posse impune transgredi: deinde verò, quia Prælati non servantibus ea, quæ illis hac constitutione præcepta sunt, sit laico magistratui difficilis, imò difficillima, ac pœnè impossibi-

impossibilis observatio eorum, quæ præcepta sunt ei, surgitque statim honestus quidam eorum fauore titulus ad transgrediendum, quia non possint aliter punire illos ipsos, quibus immunitas non suffragatur. Si, exempli gratia, secularis magistratus aduertat, posteaquam prius euidenter probauerit homicidium commissum esse per assassinium, Episcopus nihilominus declarat non esse assassinium, aut gaudere immunitate, neque velit vlla ratione tradere convictum curiæ seculari, si secundo aut tertio id Episcopus, siue in eodem genere delictorum hac constitutione exceptorum, siue in diuerso, persuadebit sibi certè magistratus, Episcopum liberatum omnes quotquot eius potestati trandantur, ac iudicio committantur: quare facillè accideret postea extrahere de Ecclesia confugas, ad suos carceres ducere, contra eos procedere, omnisque immunitas effugij perturbabitur, aut eluderetur. Nullaque apparet ratio efficacior, atque aptior ad eam conseruandam, quàm ut ecclesiastici prælati, præsertim verò Episcopi, inuiolabiliter obseruent circa ea quæ illis præcepta sunt, ut & exemplo inducantur laici ad seruandū etiā ea, quæ ad ipsos in hac re pertinet, & experiantur iustitiæ in puniendis reis suū locum esse, quāru facti canones & præsentis constitutionis iura permittunt, ac viam præcludi graßandi in delictis, & impune peccandi.

10. Ad primam rationem initio adductam respondeo dupliciter. Primo quidem patum refert, quid prælatorum transgressio ardeat. Hæc amplius immunitatem cōfugij, eorū non minus indiscreta ampliatio,

quàm restrictione immunitas hæc violetur, cum præsertim prælatorū ampliatio cauillare soleat maiorem in seculari curia eiusdem restrictionem, qua sicuti dictum est immunitas valdè perturbatur, atque eluditur. Secundo respondeo etiam transgressione prælatorum violari immunitatem, si ad eam non admittant eum, quem de iure, atque ex vi præsentis constitutionis admittere debuissent. Tertio respondeo ad incurrendas pœnas præsentis constitutione declaratas, parum refert, quod transgressor violet, seu non violet immunitatem. cum enim sint contra eos promulgatæ, qui præter, aut contra præsentem constitutionem attentare præsumpserint, satis est hoc præsumpisse ad incurrendas pœnas, est enim reus eo ipso violatæ legis præsentis constitutionis.

Ad secundū respondeo, in præsentis constitutione duo facere sapientissimum Pontificem. Vnum est tollere abusus curiæ secularis, occasione quorundam apostolicorum indultorum exortos, reuocare indulta, ac reprimere, seu coercere eiusdem curiæ audaciam, & hoc est, quod in hac tota constitutione intendit. Alterum est, adhibere apta media ad prædicta, cum effectu exequenda, & suauem reddere medicinam curiæ seculari, quod facit, & excipiendo de nono alicuius casus, qui saltem non ita clarè in iure excepti erant, & præcipiendo quædam Episcopis, ac prælati ecclesiasticis, quæ si illi exequuti fuerint, non evadent impunes, nisi soli, qui de iure esse impunes debent, seu potius immunes ab omni generis pœna corporali, ceteri puniantur. Cum ergo ad cōseruandam

dam immunitatem confugij vtraque pertineant, & Pontifex post data vtrique parti laicæ atque ecclesiasticæ præcepta, pœnas in omnes transgressores constituat, vtraque pars eas incurrit. Nec refert quodd id non intendat, quoniam licet non intendat tamquam finem, quod est propriè intendere, præcipit tamen tamquam medium ad id necessarium, & conueniens.

12. Ex his patet ad tertium; nihil enim refert contra quos in iure promulgatæ fuerint illæ pœnæ, satis est contra transgressores præsentis constitutionis hoc loco extendi. Secundò dici potest etiam Episcopos violatione præsentis constitutionis esse suo modo violatores immunitatis, vt dictum est num. 9. in 3. ratione.

*Propter quam transgressionem huius constitutionis ministri curiæ secularis incurrant has censure, ac pœnas.*

#### CAPVT X.

**M**VLTA sunt in hac constitutione præcepta tradita officialibus, ac ministris curiæ secularis. Ideoque videndum est hoc loco, cuiusnam præcepti transgressionem censuras, ac pœnas incurrant. Quare opus erit, vt per singula discutamus.

1. Primum præceptum iis est, ne laicum delinquentem etiam in quovis hic expressorum casuum de Ecclesiis, monasteriis, aliisve enumeratis locis piis, ac religiosis extrahere possint absque expressa Episcopi licentia, vel eius officialis,

& cum interuentu personæ ecclesiasticæ habentis ab Episcopo auctoritatem. Quæ Episcopi, autem officialis licentia aded ad extrahendum necessaria est, vt nullius alterius prælati infra Episcopum, etiam si aliàs ordinarius sit, etiam sit iudex conseruator generaliter, vel specialiter à sede Apostolica deputatus; aded vt in loco exempto, ac nullius diocesis, neque sit satis licentia prælati illius loci, sed ad Episcopum viciniorem hæc facultas dandi licentiam, totaque cognitio pertineat, atque ad illum omnino recurrendum sit.

Secundò, si Episcopus, & personæ ecclesiasticæ prædictæ à seculari curia requisiti reos in delictis hac constitutione exceptis reptos culpabiles tradere, & capturæ, & carcerationi eorum interesse, & assistere recusant, tunc ministri curiæ secularis eos extrahere curent, quo minori fieri poterit cum scandalo, & tumultu.

Tertiò siue de licentia Episcopi, siue eo recusante sine ea extrahant laicos de Ecclesiis etiam in casibus hinc exceptis, iubentur extractos ducere ad carceres curiæ ecclesiasticæ, ibique detinendi sunt sub firmo, ac tuto carcere, data si opus fuerit opportuna custodia per curiam secularem.

Quartò, præcipitur eisdem seculari curiæ ministris, ne ex hoc carcere quemquam prædictorum reorum extrahant, nisi cognito prius per Episcopum, siue ab eo deputatum, an ipsi verè prædicta crimina commiserint, neque verò tum ipsi accipiant reum à carcere, sed eis de mandato Episcopi per ecclesiasticum iudicem tradantur, & consignentur.

Quintum

5. Quintum præceptum est eiusdem §. 9. ne de crimine hæresis, aut de criminibus ecclesiasticis, seu ad forum ecclesiasticum pertinentibus, néve contra ecclesiasticas personas sæculares, aut cuiusvis ordinis vel militiæ regulares etiam Sancti Ioannis Hierosolymitani quoquo modo, etiam vigore prædictorum privilegiorum, indultorum, aut concessionum, quæ omnia ad terminos iuris reducit, procedant, aut se intromittant, illasve ab Ecclesiis, monasteriis, cæterisque immunitatis locis etiam in casibus hac constitutione expressis extrahere, abducere, capere, aut carcerare præsumat aliàs quàm per privilegia, prædictis ordinibus cõcessa permittitur.

6. Primo quidem præcepto multa continentur. Primum, ne quem extrahant de Ecclesia absque Episcopi expressa licentia. Huius transgressione certum esse arbitror, incurrì censuras, ac pœnas, si quis irrequisito Episcopo extrahere quemquam audeat, etiam in casibus hac constitutione expressis. Dico autem, si præsumat, quia ipsamet constitutio requirit, ut præsumat, hoc est, ut temere id faciat, & non requisito Episcopo cum possit requirere. Quo mihi probabile fit, si periculum sit in mora, quòd is, exempli gratia, qui ad Ecclesiam confugit, vir est valdè potens, ac rationabiliter timetur, ne si captura differatur, vel per clericos Ecclesiæ abscondatur, vel per concurrentem hominum multitudinem ad fugam iuuetur, vel ne rumores, ac tumultus in Ecclesia excitentur, vel ad pugnam, arma & confictum contra ministros curiæ veniatur, aut vulnera, & oc-

cisiones inde sequantur, & ministri curiæ sæcularis hoc rationabili timore adducti ad hæc antevertenda mala illum statim capiant, extrahantque de Ecclesia, & ad Episcopum ipsum, vel ad carceres curiæ ecclesiasticæ eum ducant, non incurrere has censuras, ac pœnas, deest temeritas, & ratio suadet tot mala præveniri, ac removeri, & Ecclesiæ immunitati satisfis reo ad carceres ecclesiasticos consignato. Atque in foro quidem interiori satis est, verè his rationibus eos esse permotos, in exteriori verò præterea opus est, ut aliquibus signis, indiciis, & coniecturis probabilem faciant causam suam, quod tunc maximè fit cum is, qui extrahitur publicè apud omnes, vel multos habetur potens, violentus, tumultarius, &c.

Multo magis satis est ad evadendas pœnas tacita quædam Episcopi licentia ad extrahendum de Ecclesia, dummodo reus ad ecclesiasticos carceres ducatur: ut si Episcopus super hoc requisitus non contradicat, qui enim tacet consentire videtur. Et confirmatur hæc ratio, quia Episcopus requisitus tacendo, aut præsumitur concedere, aut negare. Si quidem concedere, iam ergo adest eius licentia: si autem negare, hoc ipso quòd Episcopus negat iam potest curia sæcularis reum extrahere de licentia Papæ, dummodo tumultu, & scandalo minore quo fieri potest, ut patet ex verbis §. 8. In locis autem, ac terris diocesis ubi non residet Episcopus, satis est ad evadendas non modò pœnas, sed etiam culpam si capiantur rei

QQQ 2 de

de licentia Vicarij foranei, vel Archipresbyteri exercētis iurisdictionem, quia ij officiales Episcoporum sunt.

8. Secundò, in eodem præcepto ad extrahendum requiritur interuentus personæ ecclesiasticæ habentis ab Episcopo auctoritatem. id quoque seruari tenētur ministri curiæ secularis. De hoc interuentu duo mihi probabilia videntur. Primum, si Episcopus ei inbeat, vel curia secularis sciens aliquem esse ad id deputatum, cum Episcopi licentia illum requirat, illeque non se exhibeat promptum, sed vel differat, vel excusationes prætendat, locum habere dispositionem illam eiusdem §. qua datur eidem seculari curiæ licentiæ reum per se extrahendi, tantumdem enim est in eiusmodi criminibus delictis lentum esse, ac tardum, atque excusationes prætere, quantum nolle interuenire. Secundum, si accepta Episcopi licentia curia secularis sciens, & aduertens absque hoc interuentu personæ ecclesiasticæ, eaque non requisita extrahat quempiam de Ecclesia, valde probabile esse incurrrere has censuras, ac poenas, propterea quòd cum illi expressi prohibitum sit, quemquam extrahere absque ecclesiasticæ personæ interuentu, debebant aut ipsū requirere, vt eam mitteret, aut illam ipsam personam, quæ esset ad id ab Episcopo deputata.

9. Excipio ab vtraque præcepti istius parte, de qua egimus, casum notorium notorietate vera, de quo casu dictum est suprà lib. 6. cap. 14.
10. Tertia pars eiusdem primi præcepti iubet, vt occurrere casu in loco exempto, ac nullius diocesis, nõ extrahatur reus nisi de licentia E-

piscopi viciniore. quæ præcepti pars magnam habet in praxi difficultatem, propterea quòd cum Episcopus viciniore officialem ordinarium in illo loco exempto non habeat, si ad illum ipsū recurrendum sit, interea dum is pro licentia aditur reus quantumcumque hæc delicta commiserit, fugere potest facile, & per Ecclesiæ occasionem impunitus euadere. Sed respondco duobus dictis. Primum dico, cum constet, Pontificis mentem non esse his ad impunitatem parare viam, quos ab immunitate apertè excludendos esse decernit, requirendū esse à loco huiusmodi exempto Episcopum istum viciniorem, vt aliquam ecclesiasticam personam in suum officialium ordinarium deputet, à quo huiusmodi licentia petenda sit. Id quod secularis curia pro sui indemnitate, & punitione delictorum petere deberet, vel ipse Episcopus ad capiendam iuris istius sibi ab Apostolica sede concessi possessionem id per se faciat etiam nemine requirente. cui Prælati ordinarius loci illius non potest, nec debet in hoc vlla ratione repugnare. Deinde dico, si casus huiusmodi contingat dum nullus officialis est à viciniore Episcopo designatus, vnde cumque proneniat, quòd designatus non fuerit, quoniam periculum est in mora posse ac debere confugam, qui aliquod horum delictorum commisisse prætendatur, capi, ac poni in tuto carcere curiæ ecclesiasticæ, atque inter ea ad Episcopum haberi recursus, vt de causa cognoscat, absque cuius mandato seculari curiæ ad poenam tradi nullo modo debet, neque per secularem curiam in causa procedi. Sine ergo secularis curia proptia auctoritate

ritate



ritate illū extrahat, hoc casu, siue de ordinarij licētia, si statim ad viciniore Episcopū recurrat, eiusque iudicium sequatur, non videtur mihi incidere in censuras, & pœnas, non enim præsumpsisse dici potest id quod prudenter, ac rationabiliter in casu necessitatis ad impediendam iniustā rei fugam fecit.

11. Secundū præceptum est, ut quādo propria auctoritate, ac per se extrahunt, id quod in quibusdam casibus ministris secularis curiæ permittit, id faciant quo minore fieri potest cum scandalo, & tumultu, in viuo casu eius transgressio videretur mihi inducere has censuras, & pœnas, quando ex prædictorū ministrorū temeritate, aut culpa graue aliquod scandalum nasceretur. si, exempli gratia, irruerent in Ecclesiam armati, inuaderēntque reum cum armis ad illi nocendum, illūque cum capere possent viuum, necarent, vel cogerent ad se defendēdum armis, & ex vtraque, vel alterutra parte vuluera, & occisiones sequerentur, aut eorundem culpa graue aliud scandalum sequeretur. Quod secus esset, si cum ipsi cautē procederent, reo se armis, ac vi defēdente veniretur ad arma, & absque graui eorum culpa aliqua huiusmodi contingerent. Ex mero aurem strepitu, ac tumultuario clamore ministrorum curiæ, quamuis graui, non putarem, incutiri vsque adeo graues, ac multiplicēs pœnas; cum præsertim non videatur tam rigorosē præcipiendo, quā monendo, & exhortando, id Pontifex dicere. Ait enī, tunc reuerentiæ Ecclesiæ & locis sacris debita memores, quo minore fieri poterit cum scandalo, & tumultu extrahere eurent, obsecra duas illas voces, memores, &

curent. Adde quōd id non tam pertinet ad rationem immunitatis, quā ad rationem decentiæ, ac moderationis, quæ in Ecclesiis obcarum reuerentiam obseruanda est.

Tertium præceptum de reo ad 12. carcerem curiæ ecclesiasticæ ducendo, quoniam ad ipsam immunitatis substantiam propinquē pertinet, ut quando non constat eius delictum esse de numero hic exceptorū, manuteneatur in potestate Ecclesiæ, ac prælatorum eius; ut ubi constiterit delictum de horum numero non esse, possit siue difficultate restitui Ecclesiæ, ex qua fuit extractus, videtur mihi aded rigorosum, ut eius transgressio inducat censuras ac pœnas s. præsentis, vbicumque curia ecclesiastica, vel distinctum habet carcerem, vel distinctum in communi carcere locum. Quōd si desit, & communi cum laica curia carcere promiscuē vtatur, non modō impune, sed etiam siue peccato ad eum carcerem repōni potest. Idēque statuo, si per errorem ad carcerem secularis curiæ deferretur, aut si id fieret in notorio vera notorietate, in qua nullus est tergiuersationi locus, saltem quoad euadendam pœnam, iuxta ea, quæ à nobis de delictis notorii dicta sunt lib. 6. cap. 14.

Quod autem subditur in eodem 13. præcepto de custodia addenda reo in carcere curiæ ecclesiasticæ per curiam secularē, non est vllō modo præceptum illi curiæ traditum, sed permissio concessa in eius f. uorem ad maiorem reorum custodiam ne possint euadere. Sed ecclesiasticæ curiæ potiūs præceptum est, ut sinat adhiberi custodiam per curiam secularem.

Quarti præcepti transgressio, si 14. ministri curiæ secularis reum de

QQQ 3 carce

carcere ecclesiastico rapiant antequam Episcopus de immunitatis causa cognoscat, seu antequam eū tradidit, & consignari faciat per iudicē ecclesiasticum, absque vlla dubitatione inducit censuras omnes, pœnasque §. præsentis, est enim maxima immunitatis huius violatio, magna-que temeritas contra præsentis cōstitutionis tenorem. Secus si post Episcopi mandatum de reo illi consignando, illum vniuē, consignatum acciperent, vel consignatum quidem nō per iudicem ecclesiasticū, sed per alium curiæ ministrum. Cū enim hæc ad modum capiendi & ad quietius, ac magis iuridicē procedendum pertineant, nō ad immunitatis substantiam, non videtur adeo rigorosē præcepta, vt obligēt ad p.m. & inducant censuras, ac pœnas tam multiplices, grauēque; neque verō videtur in his præsumptio ac temeritas, sed præcipitatio quædam potiùs, atque inconsideratio locum habere.

15. Demum transgressione quinti præcepti non modò ex vi præsentis constitutionis incurruntur omnes huiusmodi censuræ, ac pœnæ, sed etiam ex vi iurium, in quibus illæ pœnæ constitutæ sunt, est enim hæc transgressio violatio iuris, vel immunitatis, libertatisve ecclesiasticæ, vel omnium simul. exceptis casibus misti fori, de quibus laicus de iurē potest cognoscere, ac casibus in quibus personæ ecclesiasticæ priuatæ sunt priuilegio fori.

---

*Propter quam præsentis constitutionis transgressionem Episcopi, & Prælati ecclesiastici incurrant huiusmodi censuras ac pœnas.*

**S**IC V T præcedenti capite necesse fuit discurrere per singula, quæ præcepta erant officialibus, ac ministris curiæ secularis, ita necesse est hoc capite per singula discurrere, quæ præcepta sunt Episcopis, atque ecclesiasticis prælati, vt cognoscere possimus quibus in casibus censuras ac pœnas præsentis §. incurrere possint, ad eas diligenter, vt par est, euitandas.

Primum ergo sub clarissima, expressissimâque ac solemnī præcepti forma præceptum est vniuersis, & singulis Patriarchis, Primatibus, Archiepiscopis, Episcopis, cæterisque Ecclesiarum, ac monasteriorum prælati tam secularibus, quàm cuiusvis ordinis, ac militiæ regularibus, quo districtè illis præcipiendo, triandari, vt laicos confugientes ad eorum Ecclesiam criminum reos, qui iudicio suo in casibus hac constitutione exceptis deliquisse videbuntur, quādo à seculari curia fuerint requisiti, vel quilibet eorum fuerit requisitus, prædictæ secularis curiæ ministris, & officialibus cōsignari, ac tradiderent, & faciant, & quilibet eorū curer, & faciat. De huius præcepti vi, & quomodo, ac quando prælati inferiores teneantur reos ad eorū Ecclesias confugientes tradere curiæ seculari, abundè disputatum est suprà lib. 6. c. 10.

Hinc primū dicendum est, si Episcopi, aut quilibet alij, siue inferiores, siue superiores prælati, hoc præceptum ita transgrediantur, vt reos criminū cōfugientes ad Ecclesias eorū respectiue, qui iudicio suo horū delictorū aliquod cōmisisse videbuntur, post requisitiōē curiæ

secu

secularis inuenerint ad fugiendū, abscōderint, occultauerint, defenderint, ita ut per secularem curiā capi non possint, & carcerari, absque dubio incurrere has omnes censuras, & pēnas. Præceptum enim affirmatiuum de his dandis, carcerandis, &c. continet sub se hoc negatiuum; cum præsertim adeo seuerē, ac solemniter, ut diximus, præcipiatur. Excipio si vel curia secularis nullum prætedat horum delictorū à reo cōmissū, vel notorietate facti cōstet, nō posse prætendi, vel aliunde certō constat, huiusmodi prælatis crimen ad nullū horū capitum pertinere. Tunc enim ad liberandum reum à rumoribus, curis, atque à calumnia, qua per falsos testes vexari posset, puto tuta cōscientia, non modō impunē posse abscondere.

3. Secundò dicendum, si loquamur de ea sola transgressione præcepti istius, quæ est negare, seu non dare licentiam reum in his ipsis exceptis casibus extrahendi; distinguendum est inter superiores, & inferiores prælatos. Inferiores enim neque peccāt, neque vllas incurrunt pēnas, imō nec possunt dare huiusmodi licentiā. & licet nos *dicto c. 10. lib. 6.* dixerimus aliquando posse, propter dispositionem tamē §. 8. pugnantem cum dispositione septimi, ipsi possunt semper suo favore interpretari se non posse, sed ad Episcopum recurrendū omnino esse pro hac obtinenda licentia. De Episcopis verò, cæterisque maioribus prælatis, quibus omnis hæc facultas dandi licentiam §. 8. reservatur, nonnulla potest esse dubitatio. Nā §. illo 8. non præcipitur Episcopis, ut hanc licentiā tribuant, sed solum ministris curiæ secularis, ut sine eorū licentia extrahant. Imō, quod maius est, in casu, quo Episco-

pi hæc dare licentiā recusarent, non reprehēdit eos propterea Pontifex, sed dat seculari curiæ licentiā illos per se extrahendi sine licentia. Ergo nō videntur teneri hanc date licentiā, nec pēnas vllas incurrere, si eam dare recusent. His tamen non obstantibus existimo, & peccare grauiter contra iustitiā, & contra præsentem constitutionē huiusmodi prælatos, & incurrere has omnes censuras, ac pēnas si licentiam dare recusent extrahendi de Ecclesia reū, quem ipsi iudicant, aliquod hinc exceptorū delictorū cōmississe, vel quem curia secularis requirit aliquā probabilitatē faciēs, quod eius delictū ad aliquod horum capitum pertineat, ita ut ex ipsa partium, & curiæ narratione saltem deberent dubitare, & de causa immunitatis cognoscere.

Probatur primò, quia ex sola vi illius præcepti, quod datur curiæ seculari, ut ne in illis quidē casibus extrahāt sine Episcopi autoritate, & facit Episcopū iudicē in hac causa, Episcopus teneretur, etiā nullū daretur ei aliud præceptū. Secūdo, quia satis est §. præcedēti dedisse de hac re præceptū, quod §. sequēti declarādo nō opus erat præcipere. ex eo autē quòd dat seculari curiæ potestātē per se, ac propria autoritate extrahēdi illos, si quādo Episcopus recusauerit date licentiā, potiùs arguere debemus quāti referat illum tradere, & quā grauiter peccet Episcopus cōtrā faciēdo, quod vult extrahi à laico sine licentiā, neque opus erat reprehendere in hoc Episcopos in quos tāquā contrafaciētes tā grauibz pēnis erat paulo post animaduersurus, quod fortasse facit prudētissimus Pōtifex, ne occasione seculari curiæ præberet insultādi Episcopis eā facultatē dare recusantibus; cum præfer-

cum præsertim extra casus hic exceptos eam recusare debeant.

Tertio dicendum: si prælati inferiores Ecclesiarum post Episcopi licentiam, accedente ad interueniendum capturæ, & carcerationi alicuius rei persona ecclesiastica habente ad id ab Episcopo auctoritatem ream tradere, & consignare adhuc nolint, illumque abicondant, defendant, ac de manibus curiæ liberent, in foro quidem exteriori sæper præsumuntur transgressi hoc præceptum, censuræque ac pœnas incurrisse; propterea quòd Pontifex omnem potestatem dandi hanc licentiam §.8. soli Episcopo, prælatisque superioribus referuat cum tota causæ immunitatis cognitione: in foro tamen conscientiæ si illis certò constaret, reum nullum horum delictorum commisisse, neque peccarent, neque pœnas incurrerent, quoniam Pontifex hos solùm iubet dari licentiam extrahendi, qui aliquod hic expressorum criminum commisissent. Dixi, si illis certò constaret, quia in dubio tenebantur obedire Episcopo. Addo, valde probabile esse, si hi postea in foro exteriori de hoc accusati probarent reum verè nullum horum delictorum commisisse; declarandos esse ab his pœnis immunes. Cùm enim tanta sit horum temporum malitia, ut per falsos testes, in hac præsertim nostra Sicilia, quod dolens, & magno animi sensu dico, proberetur quicquid pars voluerit: præsertim verò quando reus in carcere inclusus detineretur. Laudabile est aliquando cum constet, reum verè nullum horum criminum commisisse, illum liberare, atque ne carceri mancipetur impedire.

6. Secundum præceptum est de in-

teruentu personæ ecclesiasticæ ad id ab Episcopo auctoritatem habentis, quæ interuenire debeat reorum capturæ, atque extractioni de Ecclesia: quo præcepto & Episcopus tenetur personam ecclesiasticam cum potestate ad id deputare, siue semel depuset, quæ semper cum potestate assistat, siue quoties dat extrahendi licentiam, etiã particularem personam constituat, quæ illi capturæ cum eadem potestate assistat, & persona ecclesiastica sic deputata tenetur assistere, atque interuenire; si id Episcopus transgredi quoad suam partem præsumat, quòd nolit personam ecclesiasticam ad id deputare, neque ullam ei dare auctoritatem, certè nò video, quomodo à peccato transgressionis præsentis cõstitutionis, & ab eius censuris, ac pœnis illum excusẽ. Cùm enim Pontifex veteret, quemquam extrahi de Ecclesia absque interuentu personæ ecclesiasticæ ab Episcopo auctoritatem habentis, necessariò consequitur, reueri Episcopum deputare personam ecclesiasticam cum auctoritate, tenetur enim facere exequibile ipsius Romani Pontificis præceptum; præsertim ordinatum ad impediendum auctoritate, & præsentia dictæ personæ ecclesiasticæ ne tumultus, scandalaque reorum captura in Ecclesia oriatur cum ipsis Dei, sacrisque loci graui irreuerentia. Et quamvis nò careat aliqua probabilitate si Episcopum saltem à pœna huius cõstitutionis excusemus, dicentes, eum non facere contra cõstitutionem, cum id uò sit illi in ea expresse præceptum, non audio tamen id affirmare, quod neque satis tutum videtur, cùm Pontifex non modò eos, qui

qui

qui contra, sed eos etiam qui præter eiusdem constitutionis tenorem attentare præsumunt, his subiiciat pœnis. iste autem saltem videatur casus eorum, qui præter; palam enim est eum, qui vctat extrahi sine interuentu personæ ecclesiasticæ, intendere, & requirere personam ecclesiasticam ad id cum potestate deputari, vt possit interuenire. Neque obstat si dicas concedere deinde Pontificem, vt in casu possit curia secularis capere absque eiusdem personæ interuentu, quia hæc est permissio concessa in certo casu quo ex aliqua causa illa nollit, vel non posset interuenire. Si autem Episcopus non teneretur deputare, sequeretur ordinariè contra Pontificis prohibitionem capi posse à curia seculari propria authoritate, frustraque reuocarentur indulta si id admitteremus.

7. Si verò persona ecclesiastica ab Episcopo deputata cum potestate præsumat deesse suo muneri, nolitque interuenire, pari ratione videtur Apostolicum violare præceptum, censuræque ac pœnas incurrere. Dixi, si præsumat, ad excusandum eandem personam si ex aliqua rationabili causa aliquando recuset interesse, quia vel aliquibus grauib; negotiis quibus deesse non potest occupata sit, si non omnino benè valeat, si videt valde insolentes secularis curiæ ministros, quos non speret sua præsentia posse in Ecclesia cohibere, atque ex alia simili causa rationabili. Sed hoc casu monere deberet Episcopum, vt aliam personam ad id destinarer, si præsertim periculum sit in mora, & interea vel ducere eos ad Episcopum, vel bonis verbis illos detinere, donec alia persona

*P. Gambac. de immunit. Eccl...*

ab Episcopo constituitur, quæ illos comiteretur.

Tertium præceptum, ne vllus 8. prælatus inferior Episcopo, quamuis ordinarius, imò ne conferuator ab Apostolica sede generaliter, aut specialiter constitutus de reorum ad Ecclesias confugientium causa cognoscat, an nempe eorum delicta sint de numero hic exceptorum, quibus immunitas non suffragetur, nisi soli Episcopi, & superiores prælati. Hoc præcepto duæ continentur partes: altera negatiua, altera affirmatiua. Negatiua prohibet prælatis inferioribus, ne de immunitatis causa cognoscant; affirmatiua præcipit Episcopis, cæterisque maioribus prælatis, vt de ea cognoscant. Cuius vtriusque transgressio grauis valdè censenda est. Nā & qui transgreditur negatiuam, usurpat iurisdictionem, & qui transgreditur affirmatiuam, denegat iustitiam tam parti, quàm reipublicæ. Affirmatiua porro pars non ad solos Episcopos pertinet, quasi ipsi teneantur per se de huiusmodi causis cognoscere, sed potest etiam Episcopi officialis, vel persona ab eo deputata id facere. Vtriusque autem partis transgressor præter peccati reatum, incurrit etiam omnes censuras, ac pœnas. Quod in secunda parte præcepti hoc modo intelligendum est, vt si Episcopus ipse sibi huiusmodi cognitionem reseruet, peccet, & pœnas incurrat, si neque ipse cognoscat, neque alteri vt id faciat committat. Eius autem officialis ordinarius si Episcopus ei committat peccet, & censuras, pœnasque incurrat, si cognoscere definat, saltem non monito Episcopo, si quando ex causa non possit, vel non debeat, vt alteri

R R R r dele.

deleget, vel si omnino non vult in his causis se interponere, neque Episcopus alterum constituere velit nisi officialem, officium deponat. is autem quem Episcopus in particulari casu deputaret, si non vult cognoscere, non acceptet, si acceptauerit, procedere sub eisdem pœnis teneatur, nisi Episcopus vel ipse eo recusante cognitionem suscipiat, vel alteri committat. Ut quando Episcopi providentia aliquis ab eo deputatus de causa cognoscit, nullus incurrat pœnas; si verò nullus est, qui de causa cognoscat, is cuius peccato cognitio prætermittitur, & peccet graviter, & censuras, pœnâque incurrat, & quoties ad aures Episcopi deferretur neminem velle de causa cognoscere, debet vel illos ipsos quos constituerat, compellere, vel alteri committere, vel per seipsum cognoscere, ac providere omnino, ne desit qui iustitiam in hac causa ministrat.

9. Quartum præceptum, ut in loco exemplo, ac nullius diœcesis vicinior Episcopus de hac causa cognoscat. Ac si constet, quis sit vicinior Episcopus dicendus, eadem omnino in eo eiusque officiali, seu ab eo deputato, quoad peccatum, & pœnas dicenda sunt quæ de Episcopis in præcedenti tertio præcepto constituta sunt. Si verò non ita clarè constet, quis sit Episcopus vicinior, recurrendum est ad ea, quæ dicta sunt suprâ de Episcopo viciniore dignoscendo. Hic autem Episcopus vicinior licet possit etiam antequam casus aliquis contingat, deputare in loco exemplo personam ecclesiasticam, quæ de huiusmodi causis cognoscat,

ut hac ratione possessionem capiat iuris istius de his causis eo loco cognoscendis, & ut præstò sit in loco, atque in tempore seculari curiæ persona, quam requirat, & à qua licentiam obtinere possit extrahendi horum criminum reos, tamen neque ipse ad hoc tenetur, neque verò prælatus loci illius exempti tenetur illum requirere; sed hæc requisitio spectat ad curiam seculari, ad cuius requisitionem valde mihi probabile est, ipsum teneri personam eo loco ad id deputare, ne si ipse in particularibus casibus adeundus sit, diffugiat interea reus, seseque abscondat, & capi post obtentam frustrâ licentiam omnino non possit.

Addo, quando dubium est inter 10. aliquos Episcopos quis sit vicinior, excusari illos omnes inter quos dubitatur & à peccato, & à pœnis, si bona fide quilibet prætendens se non esse viciniorem, renuat de causa occurrente in loco exemplo cognoscere, donec per eum, ad quem pertinet, declaretur. Tollit enim illa prætensa dubietas omnem temeritatis rationem. Addo neque teneri prædictos Episcopos de hac re inter se litigare, sed debere vel prælatum loci exempti, vel secularem curiam suas partes apud superiorem, ad quem spectat, pro huiusmodi obtinenda declaratione interponere ad commune reipublicæ bonum, & ne huiusmodi loca exempta fiant paulatim receptacula hominum pessimorum.

Quintum præceptum est de 11. reis criminum ecclesiastico carceri tuto illi, firmoque mancipan

cipandis. Id directè quidem ad curiæ secularis satellites pertinere videtur, qui reos ad carceres ducunt, vel etiam ad carceris præfectos, ut eosdem sub tuto, firmoque carcere detineant, sed supponitur tutus carcer, aut tutus aliquis in carcere locus. Vnde quoniam potest neque carcer, neque aliquis in carcere locus esse tutus, videtur ad Episcopos saltem indirectè pertinere, ut de tuto firmoque carcere provideant, in quo huiusmodi rei, qui gravissima committunt delicta, tuto detineri, & absque fugæ periculo possint. Hortandi certè sunt Episcopi, ut hoc faciant. Non tamen videntur ad id teneri, neque verò censuras, & pœnas huius §. incurrere, si id præmittant. Præterquam in vno casu, si necessariò debeant rei huiusmodi seculari in carcere reponi propter ecclesiastici carceris defectum, ex cæque repositione ecclesiasticæ immunitati soleat præiudicari, quòd non permittantur extrahi, & ad Ecclesiam duci, si inveniuntur immunitate digni, & periculum sit, ne curia secularis in eos animaduertat, ut necesse sit contentiones frequenter non sine populorum scandalo, & offensione inter ipsas curias, earumque ministros oriri. Tunc enim debet Episcopus vel de suo, vel de spreto pœnis, fractisque iniunctionibus ad providendum de tuto carcere expendere, si habet. vel si nihil horum suppetat, cogere populos ad id, vel curiam secula-

rem. Non tamen incurreret has pœnas, licèt peccaret si id facere præmitteret, quoniam nullum habet de hac constitutione præceptum, sed hæc obligatio nascitur ex ratione officij, ut carcerem habeat qualem gravitas delictorum ad eius forum pertinentium requirit.

Sextum est præceptum, ne rei de prædicto ecclesiasticæ curiæ carcere educantur ad pœnam, aut secularis curiæ ministris consignentur, nisi cognito priùs per Episcopum, cos verè aliquod delictorum hac ipsa constitutione exceptorum commisisse. quo præcepto ut tenentur ministri utriusque curiæ ne extrahant, incurruntque censuras, ac pœnas iam sæpe dictas, siue ministri curiæ ecclesiasticæ extrahant ad eos dimittendos, ut fugiant, quando illis immunitas non prodest. Ita eodem præcepto teneri videntur Episcopi, & maiores prælati, si ante eandem cognitionem eos utriusque prædictorum modorum extrahi iubeant, vel permittant, easdemque pœnas incurrere quoties, &c. Contra institutam enim hoc præceptum Episcopus transgreditur, si antequam veritatem cognoscat ab alterutra curia extrahi, aut iubeat, aut concedat, ac multo gravius peccat, si postquam veritatem cognoverit contra cognitam veritatem extrahi faciat, aut permittat, siue ut liberetur is, quem cognovit immunitate carere, siue ut puniatur is, cui cognovit immunitatem deberi.

RRRr 2 Septimum

13. Septimum præceptum ad Episcopum, & ad deputatū ab eo dicitur, ut de hac immunitatis causa posteaquam reus requirente seculari curia extractus, & in ecclesiastico carcere repositus est, cognoscat. quo loco illud in primis observandum est, Episcopum, ac personam ab eo deputatam non teneri de hac causa cognoscere, nisi reus, vel ad carcerem curiæ ecclesiasticæ sit repositus, vel in carcere curiæ secularis ob ecclesiastici carceris defectum ita sit carceratus, ut sit in libera Episcopi potestate, ut possit de eo disponere per se prout iustitia suadebit, absque requisitione, & consensu curiæ secularis. Quare si curia secularis vllum ius habeat supra reum, nec velit illi cedere, Episcopus nec peccat, neque verò vllas censuras, ac pœnas incurrit, si nolit de causa cognoscere, & seculari curiæ requirenti, ut cognoscat, liberè respondeat, se non cognitum, donec reus sibi liberè tradatur. Inter cæque per censuras, & pœnas iniungat curiæ, eiusque ministris ne quid contra illum attentent; & carcerario ne illum extrahi patiatur sine sua expressa licentia. Neque enim cognoscere debet de causa rei in alterius potestate existentis, quousque sibi realiter consignetur. Deinde addo, si reus vel in carcere ecclesiastico sit repositus, vel in seculari quidem, propter ecclesiastici defectum, ita ut verè sit in ipsius Episcopi libera potestate disponere de eo, prout de iure convenit, tunc certum est, tenere Episcopum, & personam ab eo deputatam, nisi ab Episcopo impediatur, de causa cognoscere, summarie tamen, & quantum pro

eius conscientie informatione satis sit, ac declarare reum verè commisisse aliquod horum delictorum, vel non commisisse. Probatum non potest dari curiæ seculari reus, nec per eam puniri, neque verò ab ea liberari, nisi prævia hac Episcopi cognitione: ergo tenetur cognoscere ex vi præsentis constitutionis; quod si recuset, peccat contra hoc præceptum in re graui, in qua consistit cardo, & substantia totius immunitatis; quare etiam incurrit censuras, & pœnas. Imò grauius etiam peccare putandi sunt tam Episcopus, quàm deputatus ab eo; si diutius procrastinando differant huiusmodi cognitionem non legitime impediti, tum quia quàm breuissimè expediri potest, cum sit cognitio summaria, & pro sola conscientie informatione, tum quoniam huiusmodi indebitis dilationibus rationabiliter offenditur curia secularis, & populi scandalizantur.

Octauum præceptum ad solum 14. Episcopum, & nullo modo ad personam ab eo deputatam pertinet, ut siue ipsemet Episcopus, siue persona ab eo deputata cognouerit reum verè commisisse aliquod horum delictorum, quibus immunitas non suffragatur, ipse Episcopus iubeat reum per ecclesiasticum iudicem tradi, ac consignari ministris curiæ secularis, solusque Episcopus hoc iubere potest. Huius autem præcepti transgressio siue nolit Episcopus id iubere, siue contrarium iubeat contra conscientiam, & iustitiam, non modò grauissimè peccatū est, sed omnes sæpè dictas censure, ac pœnas inducit.

Nonū præceptū est de appellatione omnino postponenda in hac causa, 15.



sa, quo præcepto neque reus tenetur, neque verò pars læsa, aut fiscus. Nullus enim horum peccat contra hoc præceptum appellando, sed solum Episcopus tenetur non deferre appellationi ipsius rei, cuius solius appellatio hoc loco respicitur. Nam parti læsæ, & fisco appellare prohibitum non est etiam validè, sicut probatum superius est. Unde si Episcopus deferat appellationi rei, iteque illum tradi iubeat curiæ seculari, & peccat, & censuras, ac pœnas incurrit. Excipio casum in quo forè Episcopus contra iustitiam, & conscientiam ex odio, vel ira, vel alia prava animi affectione declarasset, delictum esse de numero exceptorum, cum verè non esset, timetque ne si reum tradi iubeat curiæ seculari, illa statim contra eum procedat ad pœnam. Ad corrigendum autem hunc errorem, & ad consulendum indemnari ac vitæ rei, potest appellationem admittere, cique deferre, si forè per superiorem eius sententia retractetur. Neque incurreret in foro conscientie has censuras, ac pœnas, sed deberet eo casu aliqua honesta ratione, seu aliquo prætextu mederi scandalo curiæ secularis, aut etiam populi, propter hoc præceptum, quo removens Pontifex appellationem, vetat ipsius rei appellationi deferre. Superior verò, ad quem reus appellat, licet de iure communi teneatur appellationem admittere, & gravamen, si quod est, emendare; nulla tamen præcepti huius constitutionis vi ad id tenetur. Ideoque quamvis peccet non admittendo appellationem rationabilem, omnino tamen immunis est ab his omnibus censuris, ac pœnis.

16. Decimum, atque ultimum præ-

ceptum expressum §. 10. post extensionis, ac declaratas pœnas in constitutionis istius transgressores, iubet, sic per omnes ecclesiasticos iudices tam ordinarios, quàm delegatos, etià per causarum Palatii Apostolicæ sedis auditores, ac per S. R. Ecclesiæ Cardinales iudicari debere, sublata eorum cuilibet quavis aliter iudicandi, atque interpretandi facultate, irritum, atque inane decernendo quicquid secus fuerit attentatum. Hoc præceptum ligat quidem suprà numeratos omnes iudices ecclesiasticos, ut graviter peccent id transgrediendo; nullas tamen inducit censuras, ac pœnas superius declaratas, cum post omnem de illis pœnis sermonem tradatur, neque ad eius transgressores prædictæ pœnæ ullatenus extendantur.

*An ministri curiæ secularis extrahentes, & prælati maiores dantes licentiam extrahendi reos in aliis casibus hic non expressis incurrant censuras, ac pœnas huius constitutionis.*

## CAPUT XII.

RECOLENDA sunt, quæ superius lib. 5. §. 2. constituta sunt; octo quidem casus in hac constitutione exceptos esse à lege immunitatis, ex his aliquot de nouo additos esse ultra eos, quos de antiquo iure, vniuersaliq; consuetudine habebamus. Sed præterea diximus, multos casus esse hac constitutione præteritos à Pontifice, qui partim in iure habentur, licet non ita fortasse clarè, partim ex locorum consuetudinibus; quibus tamen hac constitutione ni-

hil omnino derogatum esse, abundè probatum est eodem lib. 5. c. 7.

1. Hinc ad præsentem venio disputationem distinguendo de reis aliorum criminum. Aut enim secularis curia extrahit, & Episcopus dat licentiam extrahendi, tradique iubet curiæ seculari reum alicuius criminis, cui nullo iure, nullaque consuetudine ablata fuit immunitas; aut verò reum alicuius criminis, cui alias de iure, vel loci alicuius rationabili consuetudine immunitas est ablata, licet in hac constitutione non numeretur; cuiusmodi non paucos casus superiores retuli eodem lib. 5. Hac posita distinctione respondeo,

3. Primò occurrit probabilis ratio dubitandi. Pontifex in §. 8. ad hos solos casus videtur se restringere, cum prohibet reos extrahere. Ait enim, *Decernimus, ac declaramus, ut curia secularis, eiusque iudices, & officiales ab Ecclesiis, locisque prædictis laicum aliquem, ut præfertur, delinquentem in nullo ex casibus prædictis sine expressa licentia Episcopi, &c. ergo ad prædictos casus se restringit; ergo & pœnæ, quas postea statuit, ad extrahentes in eisdem casibus pertinere debent.*

4. Hoc tamen non obstante respondeo primò, si prælati extrahât, vel Episcopus licentiam det extrahendi, ac seculari curiæ consignari faciat reos, quos neque vlla iura, neque vlla loci consuetudo ab immunitatis privilegio excludunt, incurrere has omnes censure, ac pœnas. Nam, quòd ij extrahi non possunt per curiâ, supponitur in præfenti constitutione tâquã certû, & indulta, quæ de his fortè cõcedebant, reuocatur, &, quod maius est, additur, vt neque in casibus hac cõstitutione expressis id pos-

sint, vt si ne in his quidè permittitur, multo grauius in aliis prohibetū esse intelligatur; si qui enim permittendi casus erant, isti certè esse debebant, qui hac constitutione exprimentur. De Episcopis verò hos iubentibus tradi curiæ seculari, eisdè censuris, ac pœnis eos esse obnoxios patet, quia præceptam hac cõstitutione immunitatè violant, quam tenebantur tueri, etiã per censure, ac pœnas contra curiam secularem.

Secundò, si de reis illorum criminum loquamur, quibus aliquo alio iure, vel cõsuetudine immunitas ablata est, ministri, & officiales curiæ secularis peccant mortaliter eos extrahendo sine Episcopi licentia, & incurrunt censuras, ac pœnas, &c. Probatur, peccant, & incurrunt censure extrahendo in casibus hac cõstitutione expressis. ergo multo magis extrahendo in aliis casibus nõ expressis, de quibus esse potest dubitatio.

Tertiò Episcopi possunt sine vllò scrupulo, & absque alicuius censuræ aut pœnæ incurfu iubere tradi curiæ seculari reos illorum omnium, ac singulorum casuum, qui vel fortè alibi in iure expressi, vel de cõsuetudine, vel ex communi consensu, aut interpretatione Doctorum, vel ex ampliationibus iuris per eos factis ab immunitatis iure excluduntur. Cum nullus horum casuum, neque iura neque consuetudines hac constitutione reuocentur: ergo neque hodie potest illis immunitas denegari, & qui ab ea illos excludit, non peccat, nec pœnam meretur.

Quartò, si Episcopus contrariam conscientiam formet, aut etiam dubitet, an eo ipso, quòd prædicti casus hac constitutione expressi non sunt, habeant immunitatem, non tenentur

netur reos dictorum casuum iubere consignari curiæ seculari, neque vllas incurrit censuras, aut pœnas si eos consignari iubere nolit. Quoniã hæc dubietas tollit omnem rationẽ temeritatis.

8. Quintò, Episcopus habens hanc eandem conscientiam dubiam potest, si vult, iubere istos tradituræ seculari prædictæ, fauore publici boni, ne ctescat peccandi licentia.

9. Ad rationem dubitandi adductam n. 3. respondeo, verba illa non modò non esse restrictiua, sed esse etiam ampliatiua, vt sit sensus, ministros curiæ secularis non modò in aliis casibus, sed ne in his ipsis, qui hac constitutione expressi sunt, prohiberi reum quempiam propria auctoritate de Ecclesiis, aliisque immunitatis locis extrahere.

10. Vltimò addo in his reis extrahendis tam curiam secularem, eiùsque officiales, & ministros, quàm Episcopos teneri seruare formam hac constitutione præscriptam, præceptaque omnia, & singula, quæ hætenus in præcedentibus capitibus explicata sunt, ex eorùmq; transgressione temeraria non minus in his casibus peccare, ac censuras, pœnâsque incurrit, quàm si transgrediantur in casibus hac constitutione expressis. Quoniam hæc est vniuersalis forma semper, & vbique seruanda, in qua alios casus non expressit; ne circa eos vllam induceret mutationem. Voluit etiam eos relinquere antiquæ dispositioni, secundùm quã non sunt ita vniuersaliter accepti propter varias expositiones & locorum consuetudines; ne nimirum excresceret vniuersè apud omnes exceptorum casuum numerus.

*An ad incurrendas huius constitutionis censuras, & pœnas requiratur actus completus, an verò sufficiat attentatum.*

CAPVT XIII.

**O**CCASIONEM huic disputationi præbet diuersus modus loquendi, quo vtitur Pontifex in præceptiua ab eo quo vtitur postea in patre coactiua, seu punitiua. Nam §. 7. & 8. cum præcipit, aut vetat, actus ipsos præcipit, ac vetat. ait enim, *Tracipimus, ac mandamus vniuersis, ac singulis Ecclesiarum prelatiis vt laicos in casibus prædictis delinquentes tradi, & consignari curiæ seculari faciant.* & §. sequenti, *Tuncque demum de mandato Episcopi per iudicẽ ecclesiasticum curia seculari quacumque appellatione postposita consignetur.* Item, *Ne autẽ curia secularis ministris facultate sibi olim cõcessa, ac per præsentis renouata abutantur, volumus, ac decernimus, vt laicum in nullo ex supradictis casibus delinquentem absque licentia Episcopi capere, extrahere, aut carcerare possint.* quæ verba omnia actum perfectum significant. Postea verò §. eod. cum ad pœnas accedit, videtur punire etiam attentatum. Ait enim, *si quis quacumque dignitate præditus quicquam præter, aut contra huius nostre constitutionis tenorem attentare presumpserit,* &c. quo videtur ad incurrendas has pœnas satis esse præter, aut contra quidpiam attentasse.

Primò suppono rãquã certũ, & indubitatũ ipsũ attentatũ habere verã rationẽ delicti, ac pœnã aliquã mereri, quod est quando adest voluntas interior delinquẽdi cum aliquo exteriori conatu ad opus; est expressa sententia Felin. in responsione adamicum, à quo interrogatus fuctat, quan

quando conatus punitur, quæ habetur post finem tertiæ partis operum eius in primis verbis. sic enim incipit, *Regulariter conatus sine effectu pœnam meretur.* probat per text. in l. *is qui cum telo.* Cod. de sicar. & l. *si quis non dicam rapere.* Cod. de Episcopis, & clericis. præterea probatur per c. 1. de *presumptionibus.* iuncta gl. in v. in mortem. & can. *si quis non dicam rapere*, de *pœnitentia*, dist. 1. & can. *quisquis cum militibus. §. si quis cum telo.* Olim erant distincti canones, hodie verò textus complectitur solum capitulum, *quisquis cum militibus*; alter verò textus, *si quis cum telo*, eidem capiti minoribus characteribus quasi quiddam addititium instar cuiusdā §. aut observationis habetur impressum. Hac eadem 2. dist. de pœnitentia plerique alij textus de puniendo conatu loquuntur. can. *nemo*, can. *quisquis cum militibus.* can. *si quis necando.* can. *si forte mulier.* can. *si quis tam feminam.* can. *si quis pulsus*, & can. *aut facta.* & quoddam contra sentientes refert gl. in c. *super hoc*, de eo qui duxit in matrimonium quam poluit per adulterium. & ratio affertur, quia qui conatus est, fecit quantum in ipso fuit ad scelus perpetrandū, quod ideo non complevit, quia non potuit. Ex hoc sequitur, ut idem Felin. loco citato, fallentia prima, observat, si quis dum conaretur ad se rediens sponte propria desisteret in actu ulterius procedere, nec cōpleret cum posset ductus pœnitundine, non mereri pœnam, probat per textum in l. *qui ea mente*, iuncta gl. ff. de furtis, & l. *qui falsam.* ff. de fals. pœnitentia enim spontanea in ipso actus decursu satis apertè indicat, imperfectam fuisse præcedentem deliberationem, voluntatem, atque conatum.

3. Quòd si quæ iura contrarium di-

cere videntur, non sunt intelligenda de peccato, nec de pœna, sed de effectu. Non enim idem aut par effectus sequitur ex conatu, & attentato, atque ex actu perfecto, & cōpleto. exempli gratia in c. *final.* & c. *attestationes*, de *desponsat. impub.* iuuenis qui nondum attigerat duodecimum annum, matrimonium contraxerat, licet attentasset, ac nifus esset ad copulam, quia tamen eam non complevit, non dicitur cum ea contraxisse matrimonium. & c. *finali*, de *sponsalib.* & *matrimon.* Adolescens qui desponsatam sibi per verba de futuro, carnaliter non cognoscens cum alia postmodum per verba de præsentī contraxit, non primam, sed secundam iubetur habere vxorem, quia cum prima nec fuit matrimonium verum ex forma contractus, nec præsumptum, cum conatus non habuisset effectum.

Secundò suppono, non modò posse statui in iure pœnas etiam ipso iure incurrendas pro solo attentato, id est, voluntate cum conatu, sed esse aliquas pœnas iam constitutas, sicut superiùs ostendimus lib. 5. cap. 12. Nam l. 1. Cod. *quando liceat cuique sine iudice*, Imperatores Valentinian. & Theodosius nulla facta distinctione hoc ipso quòd quis grassari stratas nititur obsidendo itinera frequentata, etiam si nullum adhuc ex insidiis aggressus sit, liceat cuique nulla expectata iudicis sententia illum occidere, antequam malum, quod moliebatur, committat, ut nullus parcat militi, cui obuiare telo oporteat, ut latroni: ergo sola molitio punitur tam graui pœna, ut possit à quouis impune occidi. & l. *quisquis cum militibus.* Cod. ad l. *Juliam maiestatis*, conspiratio in personam

sonam Principis, etiam non sequuto effectu, eandem poenam mortis incurrit, quam si sequutus esset effectus. quod idem habetur in *can. quisquis, de poenitentia d. 1. & can. si quis necandi*, capitalis supplicij poena statuitur ei, qui, vel quæ infantem occidere tentauerit. *can. si quis foeminam, eadem d. 1. de penis*. qui foeminam, vel masculum impudicos facere attentauerit, iniuriarum tenetur.

5. Dico primò, licet attentatum poenam mereatur, ordinariè tamen non mereri poenam taxatam etiam ipso iure incurrendam pro opere completo, sed aliquam poenam extraordinariam, vt notat Felin. in illa responsione; quando conatus puniatur. Et ratio est, quia poena imposita est operi, conatus autem sine opere, minus aliquid est. Ita habemus expressè determinatum in *cap. perpetua, de elect. lib. 6.* cum enim contra eligentes indignum statuta sit poena, vt ipso iure priuati sint potestate eligendi pro illa vice, vt patet in *cap. cum in cunctis, de electione*, & dubitatum fuerit, an incurtant prædictam poenam, si ex istorum votis non sequatur de facto electio, vel si ipsemet mutatis votis eliganr dignum. Respondet Gregorius X. in *d. c. perpetua*, non habere locum, nisi isti aded perstiterint vsque in finem vt ex eorum votis electio subsequatur. qua responsione declarat ius illud antiquum, dicens, eius poenam pertinere solùm ad eligentes cum effectu, subsequata electione. Per quem textum Io. And. ibi numero 2. & per alia quædam iura, & in *reg. in penis, de regul. iur.* determinauit, poenam ipso iure impositam pro aliquo delicto non adstringere.

P. Gambac. de immuni. Eccl.

cum, qui attentauit, id est, qui cogitauit, & aliquid egit, nec tamen perfecit, etiam si per ipsum nõ steterit. Hanc regulam, vt valde notabilem, sequitur Baldus in l. si quis non dicam rapere. *Cod. de Episcopis, & clericis. Geminian. in d. c. perpetua, de elect. lib. 6. n. 4.* Franchus ibi n. 1. & Archidiaconus n. 1. Felin. in responsione, quando conatus puniatur, fallentia 4. Anan. in c. 1. de adulter. notab. 3. eandem non parum extollit Abbas in c. cum in cunctis. §. clerici sanè, de electione, n. 3. & in c. 1. de eo qui mitt. in possess. n. 13. Neque huic dissimile est id quod docet Bart. in l. 1. ff. de fidei. dicens statutum puniens delictum certa poena non habere locum in eo, qui inchoauit, sed non perfecit. idemque in l. is quis cum telo. *Cod. ad l. Cornel. de fidei. & Panormit. in d. c. 1. de eo qui mitt. in possess. n. 19.* & Felin. ubi supra, fallentia 8. Demum addo doctrinam singularem Bart. in l. final. ff. de rerum diuisione, si statutum dicat, si quis voluerit corrumpere monialem, tali poena puniatur, intelligendum esse si voluntariè illam cotruperit, itaut de facto sit sequura corruptio. quam doctrinam probat Felin. loco cit. fallentia vltima, per text. iuncta gl. in c. consulere, de simon. quo loco solius voluntatis mentionem facit text. dicens: Quicumque ecclesiasticarum rerum administrationem per pecuniam obtinere voluerint; & paulo inferius, dare pecuniam, & accipere voluerunt, & tamen sola voluntas non sufficit ad simoniam. cum in c. ultimo, eodem tit. expressè statutum sit, cum qui nullo præcedente pacto, sed affectu solùm animi vtrinque præcedente aliquam ecclesiasticam administrationem acquisiuit, pro si-

SSS monia

monia non teneri. Vnde gl. in d. c. *consulere*, in v. *voluerunt*, notat in d. c. non fuisse solam voluntatem, sed processum fuisse ad actum dandi, & accipiendi pecuniam; idque probat, quia Pontifex ibi subiungit tamen euentes, quam vendentes. quæ verba denotant actum completum. Ita Bald. in l. *arboribus*, §. *Iulianus*, ff. de *usufructu*. docet, statutum puniens magnatam intrantem salarium, intelligendum esse de eo, qui iam intrauit, atque ideo ad eius punitionem non sufficere, si testes deponant se vidisse eum intrare, nisi dicant vidisse illum intrasse, ut denotent actum consummatum. addit de statuto puniente extrahentem frumentum de territorio, dicendo, *qui extrahit*, &c. non habere locum de frumento reperto in via, antequam exiret de territorio, quia punit actum completum.

6. Dico secundò, ex dictis firmari posse regulam, ut tamen lex, quam statutum, quod statuit certam poenam contra voluntatem, conatum, seu attentatum, nisi adsint alia verba, ex quibus aperte colligatur verè intendere legislatorem, ac statuarios punire voluntatem exteriori signo declararam, conatum, siue attentatum etià sine effectu, semper debere intelligi punire actum perfectum, & hanc regulam singulariter nota. Probo ex iuribus, & doctorum doctrinis iam relatis. Nam in *lege*, & *can. si quis non dicam rapere*, de *pœnitentia* d. 1. & 36. q. 2. expresse dicitur, *si quis non rapere, sed attentare tantummodo iungendi causa matrimonii sacras virgines ausus fuerit*, ubi non modò raptum completum, sed attentatum exprimit, capitali poena feriendum Item in l. & *can. quisquis cum militibus*, expresse dicitur, eadem severi-

tate voluntatem (intellige exteriorem) scelestis, qua effectum puniri voluerut. Puniri ergo voluntate sine effectu sequuto. Et in l. & *can. si quis cum telo*, statutum est, eum, qui cum telo ambulauerit, hominis necandi causa, sicut is, qui hominem occiderit, legis Corneliæ de sicariis poena teneri. Ita in *can. si quis necandi*, punitur attentatum necandi infantis, & *can. si forte mulier*, punitur mulier, quæ marito parasse insidias vel quolibet alio genere voluntate occidendi habuisse inuenitur. In *can. si quis feminam*, punitur attentatum contra pudicitiam, ut notat ibi gl. in v. *attentauerit*. Hi omnes canones habentur de *pœnitentia* d. 1.

Contra verò

Tertiò dico, quando hoc loco 7.

Pontifex ait, *Si quis autem prater, aut contra huius nostra constitutionis tenore attentare presumpserit, declaramus eum ipso facto*, &c. intelligendum esse de attentato cum effectu subsequuto, ut in opere sit transgressio huius constitutionis; solum autè attentatum non sufficere ad inducendas huiusmodi censuras, ac poenas. Probatur, quia in omnibus præcedentibus de ipso opere còpleto loquutus est, nuspiam de attentato, hoc autè loco nulla verba, quæ insinuet intendere Pontificem, punire solù attentatum sine opere; ergo licet attentatum sit aliqua poena dignum, non inducit tamen ipso facto has censure, ac poenas. Secundò, quia multa sunt in hac còstitutione, quorù attentatio non est graue malum, ut possit has mereri poenas vsque adeo multas, ac graues. Mihi probabile est, ne attentatum quidem extrahendi reum de carcere ecclesiastico, quod est omniù fortasse grauissimū, satis esse ad has poenas, non sequuta reali extractione cum effectu.

F I N I S.

I N D E X



# INDEX RERVM PRÆCIPVARVM HOC VOLUME CONTENTARVM.

*Primus numerus paginam, secundus columnam, tertius  
numerum in margine signat.*

## A

### *Absolutio.*



**B**SOLVERE solus Pa-  
pa potest in excommni-  
cationibus sibi reserva-  
tis. 612

### *Adulterium.*

Adulterij crimen an eximi possit  
ab immunitate. 173, 1, 8

Adulteria facta in Ecclesia an im-  
munitate careant. 376, 2, 2

Adulterij causæ ad quem pertineant.  
604, 2

### *Ædes.*

Ædis B. Virginis Lauretanæ præ-  
stantia. 133, 1, 8 B. Petri Monto-  
rij in vrbe. ibid 2, 11. S. Mariz  
ad Niues. ibid. 14. Drepanitanæ.  
ibid.

### *Ager.*

Agri immunes. 2, 2

Agrorum depopulatio. 137, 2, 7.  
163, 2

### *Altare.*

Altaris Iudæorum immunitas. 6, 1,  
3, 10, 1, 1

Altarium immunitatis origo apud  
Gætes & Hebræos. 20, 1, 1, & seqq.

Altare sâctuarij ac Tabernaculi du-

dzorum an præceptū diuinū ha-  
buerit de immunitate. 35, 1, 1, &  
seqq.

Quæ altaria ad immunitatem per-  
tineant. 205, 1, 8

### *Ampliatio.*

Ampliationes iuris immunitatis  
factæ per communē consensum  
doctōrum ad casus non ita clarē  
expressos. 346, 1, 1 & seqq.

### *Appellatio.*

Appellare quānam prohibeantur in  
causa immunitatis. 545, 1, 1, &  
seqq.

Clausula, *omni appellatione postposi-  
ta*, an omnem omnino excludat  
appellationem. 547

Appellatione remota, an omnes si-  
mul remoueantur appellationis  
effectus. 555, 1, 1 & seqq. an ali-  
qua remedia siue appellationis,  
siue querelæ, siue nullitatis, reus  
si grauetur ab Episcopo. 560, 1, 3

Ad quem fiat appellatio in causa  
immunitatis. 564, 2, 5

Appellatione remotā an remota in-  
telligatur recusatio iudicis. 569, 2

Appellantes à sententiis mandatis-  
que Rom. Pontificis an careant

SSS 2 immu

# INDEX R E R V M.

immunitate. 599, 1, 8  
 Appellari immediate potest ad Papam, prætermisiss mediis. 612  
 Remotio appellationis an locum habeat in personis ecclesiasticis, ubi Episcopus, vel earum superior iudicanerit eas verè commisisse aliquod crimen cui non debetur immunitas. 644, 1, 5  
*Apostata, Apostasia.*  
 Apostata quis. 225, 1, 1 an admit-tendus ad immunitatem. ibid. 3 & seqq.  
 Ad apostasiæ crimen quæ requirantur. 440, 1, 3  
*Ara.*  
 Aræ simplices olim asyla. 11, 2, 10  
 Ara Misericordiæ, seu Clementiæ Athenis. ibid  
*Archiepiscopus.*  
 Archiepiscoporum immunitas. 119, 2, 3  
*Arma.*  
 Arma deponere an necessarium confugienti ad Ecclesiam. 253, 2, 1.  
 329, 1, 24  
*Assassini, Assassinium.*  
 Assassini an immunitate careant. 164, 1, 24. 181, 2, 9  
 Assassini qui, & unde dicti. 418, 2, 1  
 Assassinium quid. 429, 1, 2 eius requisita. 430, 1, 3 duplex. ibid. 2, 5  
 Assassini qua pœna afficiendi. 431, 1, 1 & seqq.  
 Quomodo, & cui constare debet de crimine assassinij, ut reus excludatur ab immunitate. 435, 1, 6. 437, 2, 15  
*Affrophanes.*  
 Affrophanes imaginem fieri fecit filij emortui. 15, 1, 2  
*Asyla, Asyla.*  
 Asyliæ immunitas apud Gentes. 4, 1, 4 apud Græcos. 6, 1, 3

*ἄσυλον* quid. ibid. 2, 6  
 Asyli homines qui. 7, 1, 7  
 Asyliæ ius. ibid. 9  
 Asyla in republ. vtilia & necessaria. 8, 2, 6 & seqq.  
 Asylum Romanorum primum. 11, 1, 7 Apollinis apud Delos. ibid. 2, 8  
 Asyla Dianæ duo. ibid. 9 apud Gentes tria, vel quatuor præ cæteris antiquissima. 20, 2, 2  
 Asylum Romæ à Romulo. 26, 2, 21  
 Asyla quantum excreuerint Romæ, & in tota Græcia. 29, 1 ab initio.  
 Asyla apud Gentes, eorūque immunitas an diuini iuris positiui. 39, 1, 1  
 Asylorum finis. 50, 1, 1 & seqq.  
 Asyliæ ius quomodo receptū apud Gentes. 52, 2, 1 & seqq.  
 Asyla celebriora quæ. 55, 2, 1 & seqq.  
 Ad asyla qui confugerint, quæque inde reportarint commoda. 58, 1, 1 & seqq.  
 Asylorum vñus, abusus apud Gentes. 61, 1, 1 & seqq.  
 Asylorum abusuū adhibita remedia. 64, 2, 1 & seqq.  
*Atrium Ecclesiæ.*  
 Atrio Ecclesiæ an immunitas competat. 205, 2, 11.  
*Attentatum.*  
 Attentatū quid. 421, 2 an immunitate priuet. ibid. & seqq. & 432, 1, 5  
*Auricula.*  
 Auricula, an membrum. 375, 2, 13  
 B  
*Balnea.*  
**B** Alneæ Ecclesiarum ad immunitatem pertinent. 206, 1, 13  
*Bannitio.*  
 Bannitio quid. 313, 1, 4  
*Barba.*  
 Barba, an membrum. 376, 1, 15  
*Bellum.*  
 Bellum gerens iniussu Principis an immunitate carcat. 475, 1

*Belus*



# INDEX RERVM.

## *Belus.*

Beli statua. 16, 1, 8. 26, 1, 18 eundem esse volunt quem alij Bal, alij Baal, alij Baalim, alij Beelzebub nuncupant. 16, 1, 10.

## *Beneficium.*

Beneficium pro priuilegio. 170, 1, 26

Beneficium ecclesiasticum qua ætate obtineri possit. 617, 1

## *Blasphemi.*

Blasphemi an immunitate careant. 227, 1, 1

## C

### *Cadmus.*

**C**Admi asylum. 20, 2, 2

### *Canopium.*

Canopici, Nili fluminis ostij ius & immunitas. 4, 1, 4 asylum. 20, 2, 2. 26, 1, 19

### *Capella.*

Capellæ priuaræ, siue oratoria, an immunitate gaudeant, 204, 1, 3 & 4 publicæ quid. ibid.

### *Capitanus.*

In capitaneis generalibus an & quomodo committi crimen maiestatis possit 470, 2, 6 & seqq.

### *Carcer, Carcerati.*

An inuiti extrahantur qui fracto carcere ad Ecclesiam confugiūt. 258, 2, 9

Carceratus emissus è carcere sub iuramento redeundi, an confugiens ad Ecclesiam sit ad immunitatem admitendus. 259, 1, 1 & seqq.

Carceris effractores immunitate carent. 338, 1, 6

De carceratione reorum extractorū de Ecclesia, vide *Rem*, & *Extra-lio*.

### *Carcerarius.*

Carcerarius an teneatur carcerato frangenti sibi iuramentum, seruare immunitatem. 264, 2, 1 & seqq.

## *Cardinalis.*

S. R. E. Cardinalium immunitas. 119, 2, 3 maiestas. 453, 2

Cardinales in iure Regibus æquiparantur. 470, 1

## *Castrum.*

Castra Imperatoris hosti tradens an immunitate careat. 475, 1

## *Casus.*

Casus excepti ab immunitate Ecclesiæ lege quadam regni Sicilia. 178, 1, 14 alij ab immunitate excepti. 320, 2, 2 & seqq. 324, 1, 1. 336, 1, 1 & seqq. causæ cur. 323, 1 3 & seqq. in quibus ante constitutionem Greg. XIV. reus de consuetudine carebat immunitate. 338, 2, 1 & seqq. excepti subobscure in constit. Greg. XI V. 350, 2, 3 quibus de iure indulgetur appellatio, vt in iis validè appellatur, etiam si appellatio sit remota. 566, 1, 1 in quibus hæreticus iam de hæresi damnatus, ac seculari curiæ relictus peruenire potest ad Ecclesiā. 591, 1, 1 in quibus Ecclesia etiā laicos iudicat. 602, 2, 7

Quid si clerici & personæ ecclesiasticæ immunitate careant, & fori priuilegio. 645, 2, 1 & seqq.

## *Causa.*

Causæ propter quas personæ ad Ecclesias confugiendo defendi debeant. 236, 2, 1 & seqq.

Causa fidei ad quem pertineat. 584, 2, 2 ad quem hæresis. 585, 1, 3

Causæ ecclesiasticæ. 595, 2, 1 an iudex secularis de iis se intromittere ordinariè possit. 601, 2, 1 spirituales, ac debita per Ecclesiam cognoscenda. 603, 2, 4 canonica-tuum. ibid. soli Pontifici reseruatæ. 611 & seqq.

## *Cellula.*

Cellulæ interiacentes vsque ad ex-  
SSSS 3 tremas

# INDEX RERVM.

tremas fores, templi vice ruentur  
confugas. 206, 1, 13

*Censura.*

De censuris ac pœnis violatorum  
immunitatis, vide v. *Pœna.*

*Cessio.*

Cessio Episcoporum, vide *Episcoporum cessio.*

*Ciuitas.*

Ciuitates immunes. 2, 2 ciuitatum  
refugiorum ius apud Iudæos. 4, 1,  
4, 6, 1, 2

Ciuitates refugiorum in Hebræorū  
republ. necessariæ. 7, 2, 2. 10, 1, 1.  
26, 1, 18

Ciuitas quomodo cōcedere immu-  
nitatem possit. 168, 1, 15

Ciuitatum liberarum potestas. 452,  
2, 4

*Clementia.*

Clementiæ asylum Athenis. 20, 2, 3.  
26, 1, 19

*Clericus.*

Clerici an immunitate gaudeant.  
115, 1, 17. 119, 1, 2 & seqq. 231, 2,  
1 & seqq. quid si delinquant in  
propriis Ecclesiis, vel monasteri-  
is. 235, 1, 12 ad quid teneantur er-  
ga reos criminum. 300, 2, 1

Clerici raptoris virginis pœna. 312,  
1, 10 aliquem lædendis pœna. i-  
bid. 11.

Clericum occidens, vel vulnerans,  
immunitate caret. 336, 1, 1

De clerico fornicatio. 534, 1, 15

Clericum depositum, vel actualiter  
degradatum restituere solus Papa  
potest. 612

Clerici in minoribus constituti v-  
xorati, aliæque personæ foro gau-  
dentes ecclesiastico, an personæ  
ecclesiasticæ dicendæ. 616, 2, 1  
& seqq. quando fori priuilegio  
gaudeant. 617, 1

Clericis coniugatis quando debe-  
atur forum. 618, 1, 2 & seqq.

Clerici in minoribus cōstituti quā-  
do fori ecclesiastici priuilegium  
perdant. 226, 1, 1 & seqq. quando  
ordinum sacrorum clerici. 627, 2,  
6 & seqq. clerici vxorati quando.  
631, 1, 15 quando clerici in sacris  
constituti. ibid. 2, 1 & seqq.

Clerici & personæ ecclesiasticæ an  
extrahi possint de Ecclesia per su-  
os superiores ad quos spectat de  
causa immunitatis eorū cognos-  
cere, eosque reponere in suo ec-  
clesiastico carcere, donec de cau-  
sa cognoscant. 644, 2, 4

*Cæmeterium.*

Cæmeterij immunitas. 211, 1, 1

*Cognitio.*

Cognitio causæ immunitatis ad quē  
pertineat. 502, 2, 1 & seqq. 508, 1,  
1 & seqq. 512, 2, 1 & seqq. 515, 1,  
1 & seqq. utrū necessaria ad  
tradendum reum curiæ secu-  
lari. 527, 2, 1 & seqq. qualis sit. 537  
2, 1 & seqq. vsu semper recepta.  
539, 1, 5 quæ partes Episcopi cir-  
ca huiusmodi summariam co-  
gnitionem. 541, 2, 1 & seqq.

*Concilium.*

Concilium Amphictyonum tota  
Græcia celebrissimum. 562, 1, 3

Congregare generale Concilium  
inter maiores causas numeratur  
ad solum pertinentes Pontificem.  
612

*Concubina.*

Concubinæ clericorum quo fori  
priuilegio gaudeant. 619, 2, 4

*Condemnatio.*

Condemnatio Episcoporum, vide  
*Episcoporum condemnatio.*

*Conditio.*

Conditiones ad immunitatem ex  
parte Ecclesiæ requisitæ. 207, 2, 1  
& seqq. ex parte confugientium.  
253, 2

*Confugientes, confuga.*

Confu

# INDEX RERVM.

Confugientium ad Ecclesiam conditiones. 253, 2

Confuga liber ne perueniat ad Ecclesiam vt consequatur immunitatem. 256, 2, 1 an immunis si locum sacrum attigerit. 266, 2, 1 & seqq.

Cōfugiētes ad Ecclesias an per vim extrahi, & puniri possint. 308, 1, 2 & seqq. an damnari exilio. 313, 1, 2 & seqq. an ad pœnam fustigationis, vel triremes. 315, 2, 1 & seqq. an ad carceres in perpetuū, vel ad tempus. 317 per totum.

## *Consanguinitas.*

Consanguinitatis inter virum & uxorem causa ad quem pertineat. 604, 1

## *Consecratio.*

Consecratio Ecclesiarum an ad immunitatem necessaria. 208, 1, 4

## *Consiliarius.*

Consiliarius in casu læsæ maiestatis impune occiditur. 464, 1, 12 quid si læsus ex inimicitia priuatus. 470, 2

## *Conspiratio.*

Conspirans in personam alicuius S. R. E. Cardinalis, an immunitate careat. 470, 1

## *Constitutio.*

Constitutio Gregorij XI V. quoad formam in ea traditam, casusque de nouo additos, ad quem pertineat. 642, 2, 1

## *Consuetudo.*

Consuetudo quid circa Ecclesiarum immunitatem. 180, 1

Consuetudo Nonnarinæ circa confugium ad Ecclesiam. 182, 2, 15

## *Conuersi.*

Conuersi an foro gaudeant ecclesiastico. 622, 1, 4

## *Credentes hæreticorum.*

Credentes hæreticorum qui, & quo-

tuplices. 449, 2, 6

## *Crimen.*

Criminis rei secundo loco ad statuas confugerunt. 58, 2, 2

Criminipis læsæ maiestatis reis an ius asyliæ profuerit. 60, 1, 14

Crimen hæresis quod. 587, 1, 1 & seqq. vide *Hæresis*.

Crimen maiestatis, vide *Maiestatis crimen*.

## *D.*

## *Debitor.*

**D**ebitores tributorum an asyli iure utebantur apud Gêtes. 59, 2, 11

Debitorum qui secundum loci municipalē legē coguntur seruire creditoribus, an immunitate gaudeant. 249, 2, 8

## *Vide Oberati.*

## *Decima.*

Decimarum ecclesiasticarum causæ ad quem pertineant. 603, 2, 4 & seqq.

## *Decocti.*

Decocti, siue decoctores, vide *Oberati*.

## *Delectus.*

Delectum habens an immunitate careat. 475, 1

## *Delicta.*

Delictorum occasio idola ac statuar. 18, 2, 22

Delictorū genera tria. 307, 2, 1

Delicta quædā ab immunitate excepta. 320, 2, 2 & seqq. quæ eius causæ. 323, 1, 3 & seqq.

Delictū prope Ecclesiam an prius in immunitate. 380, 2, 1 an ea quæ sunt in monasteriis, domibus regularibus, palatio Episcopi, religiosiis locis. 382, 2, 5

Delictorum grauitas, aut leuitas unde defumenda. 384, 1, 1 & seqq.

Delicta grauissima quæ. 390, 1, 1 quæ grauiora, quæ grauiora, quæ leuia. ib.

## *Delicta*

# INDEX RERVM.

Delicta graua quæ dignoscantur à  
leuibus ex pœnis. 394, 1, 5 &  
seqq.

Delicta quomodo committi debeant  
in Ecclesia vt immunitate priuent.  
403, 1 quor modis dici possint  
committi in Ecclesia. ibid. an ibi  
commissa priuent immunitate il-  
lius tantum Ecclesiæ, an verò o-  
mnium non modò Ecclesiarum,  
sed etiam quorumcumque loco-  
rum immunitatem habentium.  
411, 2, 2 & an quoad illa solùm de-  
licta, vel omnia quæuis alia. 414,  
1, 7 & seqq.

Delicta ecclesiastica quæ. 595, 2, 1 an  
iudex secularis possit de eis se  
intromittere ordinariè. 601, 2, 1

## Dens.

Dens, an de membrorum numero.  
375, 1, 10

## Depopulator agrorum.

Depopulatori agrorū an prosit im-  
munitas. 137, 2, 7. 163, 2, 358,  
1, 1

Depopulatoris agrorū crimē quod.  
359, 1, 4.

## Deposito.

Deposito Episcoporū, vide *Episco-  
porum depositio.*

## Diana.

Dianæ asyla. 11, 2, 9

## Digitus.

Digitus, an membrum censendus.  
374, 2

## Dignitas.

Dignitarum causæ ad quem pertine-  
ant. 603, 2, 4

## Discipulus.

Discipuli ad Ecclesiam confugiēdo  
defendendi. 237, 1, 4

Discipuli nomen quousque exten-  
dendum. ibid.

## Dispensatio.

Dispensatio. Papæ cum clericois in  
maioribus criminibus depositio-

ne dignis, cum filiis presbyterorū  
ad ordines sacros, beneficia cura-  
ta, & dignitates. 612 in irregulari-  
tatibus, quæ verò irregularitates  
sunt. ibid. in votis castitatis, reli-  
gionis & Hierosolymitano, seu  
Vltamarino. ibid.

## Dominus.

Dominis inferioribus quatenus pri-  
uilegio quempiam eximere per-  
missum. 168, 1, 14

Domini inferiores an maiestatem  
aliquo modo habeant. 453,  
2, 6

## Domus.

Domus interiacentes Ecclesiarum  
vsque ad extremas fores ad im-  
munitatem pertinent. 206, 1,  
13

Domus secularis quamdiu immuni-  
tate gaudeat. 214, 1, 4

Domus regulares ad immunitatem  
pertinent. ibid. 2, 5 quæ domum  
regularium nomine veniant. ibid.  
6.

Domus imperfectæ. ibid.

Domus orphanorum religiosa. 216  
1, 14

Domus Virginū reparatarū religio-  
sa. ibid.

Domus malè maritatarū religiosa.  
ibid.

## Dux.

In Ducem alicuius Reipubl. si quis  
machinetur, an vt reus læsæ ma-  
iestatis immunitate careat. 474,  
1, 15

## E

## Ecclesia.

**E**cclesiarum immunitas apud  
Christianos. 6, 1, 3 circa eandē  
obseruanda. 34, 2, 17 solis prodest  
Catholicis. 60, 2, 17.

Ecclesia D. Pauli ad tres fontes Ro-  
mæ. 133, 1, 10 B. Andreæ apud  
Malphim. ibid. 2, 12 S. Petri in  
Vatica.

# INDEX RERVM.

Vaticano, S. Marci Euang. Venetiis, Metropolitana Montis Regalis, & Lateranensis. *ibid.* 13  
 Ecclesiarum multitudo vtrum reipubl. obnoxia ad impunitatem delictorum. 135, 2, 1 & seqq.  
 Ecclesie etiam non consecratę immunitate gaudent. 181, 1, 3  
 Vniuersę per orbem Ecclesie immunitatum priuilegiis decoratę ab Imp. 188, 2, 4  
 Ecclesia Principis potestati deferre consuevit. 196, 1, 20  
 Ecclesia immunitatis locus. 203, 1  
 Ecclesie nomine quid intelligendum. *ibid.* 2, 2  
 Ecclesia vtrum necesse sit esse integra ad immunitatem. 209, 1, 7, & seqq. Iudicium priuare potest seruo Christiano. 242, 2, 7  
 Ecclesiarum rectores ad quid teneantur reis criminum. 300, 2, 1  
 Qui Ecclesiam violat ab immunitate excluditur. 337, 2, 4  
 Ecclesiam incastellantes, aut indignantibus ceteris paribus immunitate carent. *ibid.* 5  
 Ecclesie Romanique Pontificis potestas quousque extendatur in causis delictisque diiudicandis. 603, 1, 3  
 Vnam Ecclesiam cathedralem alteri subiicere ad solum Papam pertinet. 612.  
*Effectus.*  
 Effectus appellationis duo. 555, 2, 2  
 Effectus suspensiuı vis triplex. 556, 2, 3 deuolutiuı quintuplex. *ibid.*  
*Effractio.*  
 Effractio carceris ab immunitate impedit. 538, 1, 6  
*Electio.*  
 Electionum ad beneficia ecclesiastica causę ad quem pertineant. 603, 2, 4

*Episcopus.*

*P. Gambac. de immunit. Eccl.*

Episcoporum immunitas. 119, 2, 3, 218, 1, 2

Episcopus vicinior quis, ad quem recurri in causa immunitatis debeat. 526, 1, 5

Episcopi, & omnis iudicis ecclesiastici ordinarij in causa procedendi autoritas. 563, 1, 1

Episcoporum	{	translatio,	} ad solum Papę pertinet. 611. & 612
		condemnatio,	
		depositio,	
		cessio,	
		restitutio,	
		exemptio ab Archiepiscopo,	

*Episcopatus.*

Episcopatus duos vnire, & vnum diuidere in duos, soli Rom. Pontifici licitum. 612

*Eremita.*

Eremitę an foro ecclesiastico gaudeant. 624, 1, 6

*Excommunicatio.*

Excommunicatio vis. 160, 1, 12

Excommunicati an immunitate cateant. 229, 2, 1 & seqq.

*Exemptio.*

Exemptio Episcoporum ab Archiepiscopo, vide *Episcoporum exemptio.*

*Exercitus.*

Qui exercitum comparat, an immunitate careat. 475, 1

*Extensio.*

Extensiones iuris immunitatis, vide *Ampliationes.*

*Extractio.*

Extractio reorum de Ecclesia, & carcere duplex. 485, 1, 1, & seqq.

*F*

*Familia.*

Familie Episcopi immunitas. 4, 2, 10

Familia clericorum an fori priuilegio gaudeat. 620, 2, 8 & seqq.

*TTT*

*Faler.*

# INDEX RERVM.

## *Fides.*

Fidei causa soli referuata Pontifici.  
611

## *Flamen.*

Flamē Dialis immunitate præditus.  
14,1,32

## *Forum.*

Fori clericorum immunitas. 4, 2, 9  
officialium ac familiarium officij Inquisitionis. 5, 1

## *Fur, Furtum.*

Fures de consuetudine carebant immunitate. 181, 2, 10. 338, 2, 2  
Furtum in Ecclesia commissum an immunitate careat. 376, 2, 2

## *G*

### *Gelasius PP.*

**G**elasius Pont. primus de immunitate Ecclesiarum statuit. 154, 1, 10

### *Gentiles.*

Gentiles an admittendi ad immunitatem. 224, 1, 11

### *Grassatores.*

Grassatores viarum ab immunitate exclusi. 355, 1, 1 & seqq.

Grassari quid. ibid. 2

Grassatorum genera tria. 355, 2, 3

Grassator occidi impunè potest. ibid.

Ad crimen grassatoris quid requiratur. 356, 2, 4

### *Gubernatores.*

In Gubernatoribus regnorū an & quomodo committi crimen maiestatis possit. 470, 2, 6, & seqq.

## *H*

### *Hæresis, Hæreticus.*

**H**æreticus quis. 225, 1, 2. 439, 1, 1. 588, 1, 4 & 5

Hæretici an ad immunitatem admittendi. ibid. 3 & seqq.

Ad hæresis crimen quæ requirantur. 439, 1, 1

Hæresis quid. ibid. & seq. 587, 1, 1, & seqq.

Hæreticus an possit esse infidelis. ibid.  
Quot modis incurrat hæresis.  
441, 2, 1

Quæ signa externa manifestent hæresim in mente conceptam. 444, 1, 1 & seqq.

In suspicionibus hæresis quomodo procedendū cōtra hæreticū. 447, 1, 2

Quando quis pro hæretico habeatur ex suspitione. ibid.

Lenis suspicio hæresis an priuet immunitate. 449, 1, 4

Quo iure hæresis careat. 450, 1, 1 & seqq.

Ad quæ pertineat de hæresi, deque ipsis hæreticis iudicare. 585, 1, 3. 587, 2, 2

Hæretici qua pœna puniendi. 586, 1, 4 modus contra eos procedendi. ibid. quid si propter crimen hæresis ad Ecclesiam confugiant ante condemnationē. 589, 1, 1, & seqq. quid pro alio quocūque crimine. 590, 2, 6 quid si postquā curiæ seculari relictus, casu aliquo deferatur ad Ecclesiam. 591, 1, 1 & seqq.

Causa hæresis ad quem pertineat. 603, 2, 4. 604, 1, 6. 610, 1, 2

### *Hierosolyma.*

Hierosolymæ loca sacra. 133, 1, 8

### *Homicida, Homicidium.*

Homicidia voluntaria quæ. 29, 2, 8 quæ casualia. 30, 2, 10

Homicida casualis quādo in ciuitatibus refugiorū tutus. 31, 1, 3. 2, 2

Homicidiū casuale an & quādo immunitate gaudeat. 31, 2, 11. 333, 1, 17

Homicidiū ac inutilitatio ex proposito commissā in Ecclesia, eiusque cœmeterio, immunitate ceter. 322, 2. 371, 2, 1. an caruerit immunitate iure antiquo. 329, 2, 1 & seqq.

Homicidiū variè committitur. 332, 2,

# INDEX RERVM.

- 13 ex industria, an immunitate  
gaudeat. 333, 2, 19  
Homicidium per insidias, ac pro-  
ditorium quid. 333, 2, 18. 417, 1, 1  
& seqq.  
Homicidiū in genere quid. 372, 1, 3  
*Hortulus.*  
Hortuli Ecclesiarum ad immunita-  
tem pertinent. 206, 1, 13  
*Hospitalia.*  
Hospitalia an immunitatē habeant.  
180, 2  
Hospitalia pauperum religiosa. 216,  
1, 13 iisdem gaudent priuilegiis,  
quibus Ecclesia. ibid. 2, 16  
*Hospitalarij.*  
Hospitalarij an fori priuilegio gau-  
deant. 625, 2, 8

## I

### *Idololatria.*

- I**dololatriz principium. 10, 2, 5.  
15, 2, 4. 16, 1, 9

### *Idolum.*

- Idolorum vsus Rom. Imperatorum  
duo. 18, 1 multitudo pernicioſa.  
ibid. 2, 20

### *Iesuati.*

- Fratres Iesuati an foro gaudeāt ec-  
clesiastico. 623, 1, 5

### *Imago.*

- Imaginum immunitas. 10, 1, 3  
Imaginū immunitatis origo & an-  
tiquitas. 14, 2, 1  
Imaginū multitudo reipubl. damno  
fuit. 18, 2, 20  
Imaginis Imperatorū monetis im-  
pressæ abusus ad impunitatem.  
19, 1, 23  
In imagine Principis an & quomo-  
do lædi maiestas possit. 470, 2, 6  
& seqq.

### *Immunit, Immunitas.*

- Immunitas quis. 2, 1, 1 vnde dictus.  
ibid. 2, 2  
Immunitatem dare quid. 2, 2, 3, 1, 5  
Immunitas data quæ. 3, 1, 5

- Immunitas quid. ibid. 2, 7 multiplex  
est. ibid. 1, 1 & seqq. 4, 1, 3, 5 1, 1, 4  
Immunitatē dare quis possit. 3, 2, 2  
Immunitas ciuilib, & ecclesiastica,  
earūque causæ. 112, 2, 41  
Immunitas ecclesiastica triplex. 119,  
1, 1  
Immunitas cōfugij Ecclesiis Chri-  
sti debita. 124, 2, 1 & seqq. 132,  
2, 6 non omnibus prodest. 137, 2,  
7 & seqq. in quantum restricta  
apud clericos. ibid. 8 sime iuris  
diuini naturalis. ibid. 9 an illi  
repugnet. 142, 1, 10 an sit iuris  
diuini positui, vel merè humani.  
145, 1, 1  
Immunitatem Deo placere, miracu-  
lis ipse testatus est. 147, 2, 2  
Immunitas iure ne, an consuetu-  
dine introducta. 151, 2, 1 & seqq.  
Immunitatis violatio sacrilegium  
dicta à Gelasio PP. 154, 2 ius ci-  
uile quando constitui cœperit.  
ibid.  
Immunitatem Ecclesiæ violare,  
læsæ maiestatis crimen. 156, 2, 3  
Immunitas Ecclesiarum reipubl. v-  
tilis. ibid. 4 vtroque iure muni-  
ta. 157, 1, 6 & seqq.  
Circæ immunitatē quid possit laica  
potestas Principum. 165, 1, 2  
Immunitatem concedere quatenus  
permisſum officialibus ciuitatis.  
168, 1, 15 quatenus ciuitati seu v-  
niuersitati in sui præiudiciū.  
ibid. 16  
Immunitas Eccl. ab Imperatoribus  
restricta. 172, 1, 1 restricta con-  
suetudinibus. 181, 1, 5 paulatim  
abrogari consuetudine potest.  
182, 1, 12  
Immunitatis vis in Canonico Pon-  
tificum & Cœciliorum iure posi-  
ta. 185, 1 & seqq.  
In difficultatibus immunitatū mos  
olim apud Principes. ibid. 2, 7

TTT t 2 Immu

# INDEX R E R V M.

Immunitatem Ecclesiarum institui ab Imp. cur Rom. Pontifices maluerint. 187, 1, 1 & seqq.

Immunitatem dare vtrum possit Pontifex, vel eius de latere legatus, ei cui ratione delicti immunitas non debetur iure can. extra terras sui domini. 190, 2, 1 & seqq.

Immunitas omni delicto debita iure ciuili. 191, 1, 2

Immunitas Ecclesiarum quomodo præster immunitatibus Gentiliū ac Iudæorum. 197, 2, 1 & seqq.

Immunitatis locus. 203, 1 cōmoda. 269, 2, 1 & seqq.

Immunitatem violans, extrahendo de Ecclesia eum cui immunitas deberur, immunitate caret. 337, 1, 3

Immunitatis causa vtrum committatur Episcopis tanquam ordinariis, an tanquam delegatis sedis Apost. 522, 2, 1 & seqq.

Immunitas duplex. 654, 1, 4 à libertate differt. ibid.

Immunitatis cognitio ad quē pertineat, vide *Iudex*.

## *Imperator.*

Imperator, Rex omnesque habentes supremam potestatem temporalem, nec recognoscens superiorem in temporalibus, & Pontifex differunt. 168, 2, 18

Imperatoris maiestas. 452, 1

## *Incastellatio.*

Incastellatio Ecclesiæ ab immunitate impedit. 337, 2, 5

## *Infidelis.*

Infideles an admitti ad immunitatem debeant. 224, 1, 11 an possint esse hæretici. 439, 2

## *Iniuria.*

De iniuria siue verbali, siue personali in Ecclesia facta, vide plenè c. 23. lib. 5.

## *Innocentius III.*

Innocentius III. primam decretalē edidit sub Henrico VI. Imp. 163, 1, 22

## *Inquisitores.*

Inquisitores de quibus causis possint cognoscere, & de quibus non. 585, 2

## *Insidia.*

Insidiæ an requirantur ad priuandum immunitate. 360, 2, 2

Insidiæ quid, & vnde dictæ. 420, 2, 1

## *Interdicti, & Interdictum.*

Interdictum Ecclesiæ an immunitate priuet. 210, 2, 12

Interdicti an immunitate careant. 229, 2, 1 & seqq.

## *Ira.*

Ira an excuset, vel alleuiet delictū commissum in Ecclesia. 396, 2, 1, & seqq.

## *Iudæus.*

Iudæi an & quatenus ad immunitatem admittendi. 221, 1, 1

Iudæus an emere mercimonij causa possit Christianos iam baptizatos. 242, 1, 6 venalem Christianū intra tres menses exponat. ibid. 2, 8 ex quo die numerandi isti tres menses. 243, 2, 10 quid si intra tres menses venales nullus apparuerit emtor Christianus qui duodecim illos solidos soluat, aut plures emtores simul concurrant. 245, 1, 15 quid si Iudæus quum intra tres menses venalem non exposuerit, cum nihilominus tempore illo clapo de facto venderet alicui Christiano. ibid.

## *Iudex.*

Iudices seculares ad quid teneantur reis. 307, 2, 5, & seqq.

Iudices in crimine maiestatis apud Romanos. 462, 1, 8

Iudex



# INDEX R E R V M.

**Iudex legitimus in causa immunitatis.** 502, 2, 1 & seqq. 508, 1, 1 & seqq. 512, 2, 1 & seqq. 515, 1, 1 & seqq. quid interim de reo agendū. 504, 1, 3 quid si iudices discordēt in ferenda sentētia. 505, 1, 4 quid si in sententiis iam latis. *ibid.*

**Iudex Monarchiæ an cognoscere de causa immunitatis possit.** 515, 2, 3

**Iudex ad quem, quid agere debeat in casu quo appellatio est remota.** 568, 1

**Iudicis recusatio an remota intelligatur cum appellatione remota.** 569, 2

**Iudex secularis an & quando procedere de iure possit in causis ecclesiasticis contra personas ecclesiasticas.** 609, 2, 1 & seqq. an interponere partes suas possit contra personas ecclesiasticas confugiētes ad Ecclesias apud Episcopū, seu earum Prælatos regulares. 645, 1, 6

*Julianus Imp.*

**Julianus Imp. apostata.** 215, 1, 1

*Iur.*

**Ius naturale quid apud Iuristas, apud Theologos quid.** 42, 1, 5

**Iuris naturalis partes.** 43, 1, 10.

**Iuris naturalis præceptorum naturalium ordo & gradus.** *ibid.* 2, 14

**Ius diuinum duplex.** 140, 2, 1

**Iuris diuini naturalis præcepta.** 141, 1, 4

**Iuris diuini positiui partes.** *ibid.* 7

*Iuspatronatus.*

**Iuris patronatus causæ ad quæ pertineant.** 603, 1, 4. 604, 1, 6

**L**

*Labium.*

**Labia oris an inter membra computanda.** 375, 2, 12.

*Latro.*

**Latroni publico an pro sit immunitas.** 137, 2, 7. 162, 1, 16. 352, 2, 1 & seqq.

**Latro publicus quis, & quotupliciter sumi possit.** 353, 1, 2 & seqq.

*Laureum.*

**Ædis B. Virginis Lauretanæ præstantia.** 133, 1, 8

*Legatus.*

**Legatorum sedis Apost. immunitas.** 119, 2, 3

**In legatis Principum an & quomodo committi crimen maiestatis possit.** 470, 2, 6 & seqq.

**Legati Apostolici an cognoscere possint de causa immunitatis.** 515, 1, 1 & seqq.

**Legatorum genera tria.** 516, 1, 4

**Legati à latere qui, eorum auctoritas.** *ibid.* qui misti, qui nati. *ibid.* & in seqq. per tot.

*Lex.*

**Legis nomen duobus modis accipitur.** 167, 1, 9

**Legum finis.** 175, 1, 2

**Leges particulares quid circa immunitatem possint.** *ibid.*

**Leges maiestatis, vide** *Maiestatis leges.*

*Libertas.*

**Libertas ab immunitate differt.** 654, 1, 4

**Libertates personarum ecclesiasticarum quæ.** 656, 1, 1 & seqq.

*Vide Immunitas.*

*Lingua.*

**Lingua an inter mēbra numeranda.** 375, 2, 11

*Locus.*

**Locus immunitatis.** 203, 1

**Locorum sacrorum secularium nomine quid intelligatur.** 215, 1, 10 quid locorum religiosorum. 216, 1, 13

T T T t ; Loco

# INDEX RERVM.

Locorum factotum immunitatis origo apud Gentes & Hebræos. 10, 1, 1

## *Locumtenens.*

In locatenentibus an & quomodo lædi maiestas possit. 470, 2, 6 & seqq.

## *Lucus.*

Luci unde dicti. 10, 2, 5

Lucus primum asylum apud Romanos. 11, 1, 7

Lucus ac templum insigne asylum Apollinis apud Delos. ibid. 1, 8

## M

### *Maiestas.*

**M**aiestas quid. 451, 1 quibus competat. ibid. 2, 1 & seqq.

Primum maiestatis crimen quod. ibid.

Maiestatis crimē quid. 454, 2, 1 quot modis committatur. à fol. 455. vsque ad 457 quid necessariò requiritur ad maiestatis crimē. 458, 1, 2

Maiestatis leges quæ. 460, 1, 1 de crimine maiestatis qui iudicauerint apud Romanos. 462, 1, 8

Maiestatis pœnæ quæ. ibid. 2, 10

Maiestatis reus utrū admitti olim cōsueuerit ad Ecclesiæ immunitatem. 464, 2, 1

Quæ maiestatis crimina Gregotij XI V. constitutione expressum sit catere immunitate. 468, 1, 1

### *Malogranatum.*

Malogranata immunitate gaudēt in Sicilia. 4, 2, 7

### *Mamilla.*

Mamillæ an sint de numero membrorum. 375, 2, 13

### *Mancipium.*

Mancipium redimi duodecim potest solidis. 142, 1, 6 solidus quid. 244, 1, 11 & 12

Vide *Servi*, & *Iudæi*.

### *Mandans, Mandatarius.*

Mandans homicidium vel mutilationem in Ecclesia, an & quando priueretur immunitate. 406, 2, 1 & seqq.

Mandans Christianum occidi per assassinium, an ex solo mandato immunitate cateat. 433, 1, 2, 435, 2, 9 & 10

Mandatarius an exequendo mandatum mediāte pecunia factū careat immunitate. 434, 1, 3, 437, 1, 12

Christianus mandans occidi infidelē, mediante pecunia immunitate caret. 434, 2, 4, 437, 1, 13

### *Matrimonium.*

Matrimoniorum causæ ad quem pertineant. 603, 2, 4 & seqq.

Matrimonium partim spirituale, partim temporale. 606, 2, 2

### *Maurus.*

Mauri an ad immunitatem admittendi. 224, 1, 11

### *Membrum.*

Membrum quid. 373, 2, 7

Membri mutilatio, vide *Mutilatio*.

### *Minor.*

Minores Ecclesiæ qui. 620, 1, 7 an sub nomine personarum ecclesiasticarum protegiendi. ibid. 2

### *Minos legifl.*

Minos legifl. nouem integris annis cū Apolline familiarissimē versatum esse ex eoque leges suas accepisse, professus. 39, 2, 4

### *Miraculum.*

Miracula, quibus immunitatem sibi placere, testatus est Deus. 147, 2, 2 & seqq.

### *Missæ.*

Missæ ubi celebrari debeant. 204, 1, 3

### *Monasterium.*

Mona

# INDEX RERVM.

Monasteria immunitate gaudent.  
213,2,1.

## Moneta.

In moneta an & quomodo committitur crimen maiestatis possit. 470, 2,6 & seqq.

## Monialis.

Moniales, & foeminae professae foro gaudent ecclesiastico. 622,1

Muratio sedium cathedralium, vide *Sedium cathedralium mutatio.*

## Mutilatio.

Mutilario membrorum facta in Ecclesiis, earumque cœmeteriis, immunitate caret. 322,2. 373,1,4.

Mutilatio quid. ibid.

## N

## Natalia.

Natalium causae ad quem pertineant. 603,2,4 & seqq.

## Nemora.

Nemora confugiorum loca. 10, 2,5

## Neptunus.

Neptuni statua ædificata sacra. 11, 1,6

## Nosocomium.

Nosocomia infirmorum religiosa. 216,1,13

## Notorium, notorietas.

In notorietate delicti quid Episcopo agendum. 527,2,1 & seqq.

Notorium & publicum differunt. 530,2,7

Notorium triplex. 531,1,8

Notorium facti triplex. 532,1,9

## Nouitiij.

Nouitiij foro gaudent ecclesiastico. 622,1,3

## Nunciu.

In Nunciis Rom. Pontificis an & quomodo lædi maiestas possit. 470,2,6 & seqq.

Nuncij sedis Apost. qua immunitate præditi. 119,2,3

## O

## Oberatus.

Oberati tertio ad asyla confugerunt. 58,2,3 immunitate gaudent Ecclesiar. 236,2,2 Vide totum c.15.lib.4

## Occidendi tit.

Qui proximum occidit per industriam an immunitate gaudeat. 181,2,8

Occidere per industriam quid. 420, 2,1 quid per insidias. ibid. 2 & quid proditoriè. ibid.

## Officialis.

Officiales ciuitatis non habentes iura Principis quatenus concedere immunitatem possint à vœtigalibus, & oneribus personalibus. 168,1,15

## Officium.

Officiorum celebratio an necessaria ad immunitatem. 208,1,5

Officiorum ecclesiasticorum causae ad quem pertineant. 603,2,4

## Omnis.

Onera personalia quæ. 113,1,5

## Orator.

In oratore Principum an & quomodo lædi maiestas possit. 470,2, 6 & seqq.

## Oratorium.

Oratoria priuata an immunitate gaudeant. 204,1,3 & 4

## Ordo.

Ordines regulares ad immunitatem pertinent. 214,1,3

## Orphanus.

Orphanorum domus religiosa. 216, 1,14

## P

## Palatium.

Palatium

# INDEX R E R V M.

**P**alatiorum supremorum Principum, S. R. E. Cardinalium, Oratorum Regum ac Principum, & quorundā Principum Romanorū immunitas. 6, 2, 13, 1, 13 & seq. 216, 2

Palatia cuiusvis liberæ reipubl. 13, 2  
24 supremi Administratoris Veneti ac Ienuæ. ibid. ciuitatum, seu vniuersitatum. ibid. 25.

Palatij Episcopi immunitas. 211, 1, 1

Palatia Venetorum apud Imperatorem immunitate prædita. 217, 1

## *Palpebra.*

Palpebræ, an inter membra cōputā-  
dæ. 375, 2, 12

## *Panormum.*

Panormi ciuitatis ius. 4, 1, 5

## *Parricidium.*

Parricidium pro perduellione. 460, 2

## *Passus.*

Passus extra Ecclesias (ecclesiastici dicti) ad immunitatem concessi. 206, 1, 14 & seq.

Passus quid. 207, 1, 18

## *Patriarcha.*

Patriarcharum immunitas. 219, 2, 3

## *Perduellio.*

Perduellionis crimen inter omnia, maiestatis crimina grauissimū sēper habitum. 459, 2, 3

Perduellio nonnunquam cum maiestatis crimine confunditur. 460, 1, 1

## *Periurium.*

Periurij causa ad quem portineat. 603, 2, 4. 604, 2

## *Persona.*

Personæ locorum vice immunitatē habuere confugij. 14, 1, 31

Personarum ecclesiasticarū immunitas. 119, 1, 2. & seqq.

Personæ quibus locorum vice immunitas competit. 218, 1

Personæ quæ ad Ecclesias confugiendo immunitate gaudeant. 236, 2, 1 & seqq.

Personæ accessorix in committendo assassinio an iisdē pœnis subiiciantur, quibus principales. 435, 1, 5. 437, 2, 14

Personæ ecclesiasticæ soli Ecclesiæ iurisdictioni ac potestati, forōque ecclesiastico-subiectæ quæ. 613, 2

Personæ ecclesiasticæ, quibus ratione religionis competit forum ecclesiasticum. 621, 2, 1 & seqq.

## *Pes.*

Pes quid contineat. 207, 1, 18

## *Pertinacia.*

Pertinacia in hæresi quæ vim habet. 21, 440, 2, 4

## *Pœna.*

Pœna confiscationis quæ. 296, 1, 2

Pœna seruicendi partæ lēx an infligi reo possit. 310, 1, 1 & seqq.

Pœna raptorum virginum quæ. 310, 1, 1

Pœnæ criminis maiestatis. 462, 2, 10

Pœnæ statutz contra filios in l. quifquis, C. ad leg. Iul. maiest. quando locum habeant in crimine maiestatis. 464, 1, 13

Pœna hæresis. 586, 1, 4

Pœnæ violatorū immunitatis cōfugij. 648, 2, 1 & seqq. 652, 2 & seqq. vsque ad fin. lib.

## *Pontifex.*

Rom. Pontificis immunitatum potestas. 5, 1, 15. 183, 1, 1 & seqq.

Pontificem inter & Imperatorem, Regem omnesque habentes supremam potestatem temporalem, non recognoscences in temporalibus superiorē, differentia. 168, 2, 18

Rom.

# INDEX RERVM.

Rom. Pontificis potestas ordinaria quæ , & quæ absoluta. 191, 2, 3

Pontifex quæ attendat circa casus eximendi ab immunitate. 322, 1, 1 & seqq.

Rom. Pontificis cum suprema potestate maiestas. 453, 1, 3

Rom. Pontificis potestas à potestate regia , & suprema Principis temporalis discreta. 602, 2

Vide *Ecclesia*.

*Populus.*

Populi Rom. prima supremaque potestas. 451, 1

*Porta.*

Portæ Ecclesiarum ad immunitatē pertinent. 205, 1, 9

*Porticus.*

Porticibus Ecclesiæ immunitas competit. 205, 2, 12

*Postulatio.*

Postulationum causæ ad quem pertineant. 603, 2, 4

*Potestas.*

Potestas Rom. Pontificis ordinaria, siue ordinata quæ , quæ absoluta. 191, 2, 3

Potestas alia ordinaria , ordinarij alia. 564, 1

Potestas in non subditos, seu exemptos concedi dupliciter potest alicui ordinario per sedem Apostolicam , etiam ordinariam. *ibid.* 4

*Præceptum.*

Præcepta diuina circa ciuitates refugiorum. 27, 1, t & seqq.

*Prælatus.*

Prælatorum Eccl. immunitatum potestas. 51, 15, 13, 1, 9 & seqq.

Prælatorum immunitas. 119, 2, 3

Prælati inferiores an possint cognoscere de causa immunitatis virtute constitutionis Greg. XIV. 512, 2, 1. & seqq.

*Præsident.*

*P. Gambacide immunit. Eccl.*

In Præsidentibus an & quomodo lædi maiestas possit. 470, 2, 6 & seqq.

*Praxis.*

Praxis seruanda Clericis, Episcopis & Prælatis, cum quis ad eorum Ecclesiam confugit. 281, 2, 1 & seqq. 285, 1 & seqq.

Praxis seruanda satellitibus ac ministris curiæ secularis erga confugas , & clericos Ecclesiarum. 288, 1, 1 & seqq.

*Primatus.*

Primatus Rom. Ecclesiæ quibus modis tolli possit. 597, 1

*Princeps.*

Principi priuilegiare licitum. 167, 2, 10 etiam in præiudicium tertij. *ibid.* 12

Principum superiorum maiestas. 452, 1, 3

Principes non suprema an maiestatem aliquo modo habeant. 453, 2, 6

Principis titulo qui donati consueuerint in Hispaniarum regnis. 469, 1, 3 in regno Neapolitano qui. *ibid.* quid consuetudinis in regno Siciliæ. *ibid.*

*Prinatus.*

Prinatus priuilegium cōcedere cuius potest super re sua. 168, 2, 17

*Priuilegium.*

Priuilegium non subdito concessum quomodo accipiendum , eiusque efficacia. 165, 2, 5

Priuilegium quid. 166, 1, 6. 170, 1, 26 dupliciter sumitur. *ibid.* 2, 8

Priuilegiare quibus Princeps potest. 167, 2, 10 etiam in præiudicium tertij. *ibid.* 12

Priuilegiare quatenus permissum dominis inferioribus. 168, 1, 14

Priuilegium dare quilibet prinatus potest. *ibid.* 2, 17

V. VV

Priui

# INDEX R E R V M.

Priuilegium datum non subdito.  
172,2,2 & seqq. 174,1,11 con-  
cessum Ecclesiæ ab Imperatore  
vtrum reuocari possit. 172,2,3.  
174,2,12 lege concess-  
um, an vim legis retineat.  
173,1,5 concessum per statutum.  
174,1,10

Priuilegia confugientium ad Ec-  
clesias. 269,2,1 & seqq.

## *Processus.*

Processus curiæ secularis contra  
obzatos, & debitores ciuiles.  
293,2,1 & seqq. contra reos cri-  
minum habentium annexâ pœ-  
nam confiscationis bonorum,  
vel aliam pecuniariam pœnam  
confugientes ad Ecclesiam, qui-  
bus debetur immunitas. 296,1,1  
& seqq. contra reos criminum  
nullam habentium pœnam pec-  
uniariam. 297,1,1 & seqq.

## *Proditor, Proditorium.*

Proditor quis, & quot modis di-  
catur proditor. 416,1,1 & seqq.  
Proditorium quid, & vnde dictum.  
420,2,2

## *Prorex.*

In Proregibus an & quomodo cõ-  
mitti crimen maiestatis possit.  
470,2,6 & seqq.

## *Pronisio.*

Pronisio causæ ad quem per-  
tineant. 603,2,4

## *Publicum.*

Publicum & notorium differunt.  
530,2,7

## *Puteus.*

Putei publico loco positi, sacri olim  
apud Gentes, sacroque asyli iu-  
re præditi. 12,2,15

## R

## *Raptor, Raptus.*

Raptus virginis an immunitate  
gaudeant. 181,1,3  
Raptorum virginum pœna. 310,

1,1 an excepti ab immunitate.  
324,1,3 & seqq.

Raptus virginum si fiat in Eccle-  
sia an immunitate careat. 376,  
2,2

## *Rebellis.*

Rebelles qui puniri debeant. 464,  
1,11

## *Rektor Ecclesia.*

Rectores Ecclesiæ quid reis de-  
beant antequam exeant de Ec-  
clesia. 300,2,1 & seqq.

## *Vide Ecclesia.*

## *Regula.*

Regulæ quædam ad dignoscendû  
ad quem iudicem causæ perti-  
neant. 605,2,1

## *Regularis.*

Regulares professi foro gaudent  
ecclesiastico. 622,2,2

## *Religiosus.*

Religiosi an immunitate gaudeant.  
231,2,1,1 & seqq. quando pri-  
uilegium fori ecclesiastici per-  
dant. 639,1,1 & seqq.

## *Reliquia.*

Reliquiæ S. Nicolai, Barij Apuliæ.  
133,2,12

## *Respubl.*

Respublica Veneta. 452,2,4  
Ienuensis. ibid.  
Lucensis. 453,1

In Rempubl. si quis machinetur,  
an vt reus maiestatis immuni-  
tate careat Ecclesiæ. 474,1,15

## *Restitutio.*

Restitutio Episcoporum, vide *Epi-  
scoporum restitutio.*

## *Reus.*

Rei criminum secundo loco ad sta-  
tuas confugere. 58,2,2  
Rei maiestatis an profuerit ius  
asylia. 60,1,14

Reo confugienti ad Ecclesiam du-  
plex ius acquiritur. 192,1,  
5

Rei

# INDEX R E R V M.

Rei criminum defendendi confu-  
gientes ad Ecclesias. 256, 2, 2  
De criminū teis vide totum cap.  
16. lib. 4

Reus impetratis & concessis quæ  
sibi debentur an exire teneatur  
de Ecclesia, & iudicio se sub-  
mittere. 302, 1, 7

Reus maiestatis quis. 452, 1, 3 &  
seqq. vide *Maiestas*.

Rei criminum an carcerari con-  
sueverint ante constitutionem  
Greg. XI V. cū dubium erat  
an illis deberetur immunitas.  
477, 2, 1 & seqq. quomodo ex-  
trahi possint de Ecclesia, &  
carcerari. 481, 2, 2

Reorum de Ecclesia extractio &  
carceratio duplex. 485, 1, 1 &  
seq.

An quilibet rei criminum requi-  
rente curia seculari de Ecclesia  
extrahi & carcerari possint. 487,  
1, 1 & seq. & quando non. 488,  
2, 4 & seqq. penes quem sit ex-  
trahere reos de Ecclesia. 490, 1, 1  
& seqq. quo carcere fini carce-  
rādi, donec cognoscatur de im-  
munitate. 495, 2, 1 & seqq. quid  
si per secularis curiæ ministros  
ad suum ducantur carcerem.  
498, 2, 1 & seqq.

Reo iam de crimine conuicto  
quid agendum Episcopo. 527,  
2, 1 & seqq.

Reus, cui appellatio interdicta, an  
possit vti aliquo remedio, siue  
appellationis, siue querelæ, siue  
nulliatis, si grauerur ab Episco-  
po. 559, 1, 1 & seqq.

In tradendis consignandisque reis  
curiæ seculari quæ seruare o-  
porteat. 575, 1, 1 & seqq. quæ  
prælati personisque ecclesiasti-  
cis facienda, vt euadant irre-  
gularitatem. 576, 2, 1 & seqq.

Verūm reus curiæ seculari tradi-  
tus, cū de delicto minimè  
conuincatur denuo possit aut  
debeat postulare seruari sibi im-  
munitatem, illique seruanda sit.  
581, 2, 1 & seqq.

Reus hæresis, vide *Hæresis*.  
*Rex*.

Regum maiestas. 452, 1, 2  
*Romulus*.

Romuli asyllum vrbe Romā aper-  
tum. 26, 2, 21

*Rusticus*.  
Rustici Ecclesiæ an foro ecclesia-  
stico gaudeant. 621, 1, 9

## S

*Sacellum*.

**S**acellum quid. 203, 2, 2

*Sacerdos*.

Sacerdoti publicè deferenti Eu-  
charistiam immunitas compe-  
tit. 218, 2, 4

*Sacrilegium*.

Sacrilegium ab immunitate re-  
pellit. 336, 1, 1

Sacrilegij causa ad quem pertineat.  
603, 2, 4

*Saracenus*.

Saraceni an ad immunitatem ad-  
mittendi. 224, 1, 11

*Scala*.

Scalæ, seu gradus, quibus ad Ec-  
clesiam ascenditur, ad immuni-  
tatem pertinent. 205, 2, 10

*Schisma, Schismaticus*.

Schisma quid, & vnde dictum. 595,  
2, 2 quibus modis committi pos-  
sit. 596, 2

Schismaticus quis. 597, 2, 4

Schismatici confugientes ad Ec-  
clesiam an ab ea extrahendi sint.  
ibid.

V V V 2 *Scriptura*.

# INDEX RER VM.

## *Scriptura S.*

In quæstionibus de catholico Scripturæ sensu, deque Scripturarum correctione & fide, ad quem recurrendum. 588, 2, 9

## *Sedes.*

Sedium cathedralium mutationes soli reſervatæ Pontifici. 611

## *Semiramis.*

Semiramis templum Belo ſocero erectum. 10, 2, 3, 26, 2, 10

## *Servator.*

In ſervatoribus an & quomodo lædi maiestas poſſit. 471, 2, 12

## *Septa Ecclesiæ.*

Septa Ecclesiæ ad immunitatē pertinent. 305, 1, 7

## *Sepulcrum.*

\* Sepulcris Iudæorum an immunitas competat. 12, 2, 16

## *Servus.*

Servorum, quàm aliorum, frequentior cōcurſus ad ſtatuas. 19, 2, 25  
primi accurrerunt ad ſtatuas. 58, 1, 1

Servi confugiendo ad Eccleſiam defendendi. 236, 2, 2 De ſervis videtur totum cap. 13. lib. 4. 238 & ſeqq.

Servus ad Eccleſiam confugiens an libertatem obtineat. 241, 1, 1 & ſeqq. 329, 1, 25

Servi Iudæorū Chriſtiani, vel Chriſtiani fieri volentes, libertatem obtinent ſi ad Eccleſiam confugiunt. 246, 1, 18 quid ſi intra tres meſes, quibus exponi debent venales, confugiunt ad Eccleſiā. ibid. 2, 10 quid ſi elapſis tribus meſibus non fuerunt venales expoſiti, & poſtea ad Eccleſiam confugiunt. ibid. 21

Servorum paganorum eadem ac ſervorum Iudæorum conditio. 247, 1, 21

## *Signum.*

Signa quæ hæreſim manifeſtent, vide *Hæreſis.*

## *Simonia.*

Simoniæ cauſa ad quem pertineat. 603, 2, 4. 604, 2

## *Spatium.*

Spatia ad immunitatem quæ. 205, 1 7 & ſeqq.

## *Statua.*

Statuarum Principum immunitas apud Genes. 6, 1, 2. 10, 1, 3

Statua templi nonnunquam aſylum fuit. 11, 1, 6

Statuæ prima orbis aſyla abſque tēplo fuere. ibid.

Statuarum immunitatis origo & antiquitas. 14, 2, 1

Statuarum uſus ad Rom. Imp. vſque ſopitus. 17, 2, 16 inde in immenſum excrevit. ibid. 18

Statuæ immunitate donatæ, & vſque ad Chriſtianos Imp. conſervatæ. ibid. 19 Reipubl. pernicipi fuerunt. 18, 2, 20

Statuarum uſus deſiit. 19, 2, 27

In ſtatua an & quomodo committi crimen maiestatis poſſit. 470, 2, 6 & ſeqq.

## *Stratarius.*

Vide *Grassatores viarum.*

## *Suspensus.*

Suſpenſi utrūq; immunitate careant. 229, 2, 1 & ſeqq.

## *Suspicio.*

In ſuſpicionē hæreſis quomodo procedendum. 447, 1, 1

Suſpicio hæreſis, ad quē pertineat. 588, 1, 6

Qui ſuſpecti de hæreſi. ibid. vide *Hæreſis.*

## T

### *Tabernaculum.*

**T**abernaculi immunitas apud Hebræos. 6, 1, 3. 10, 1, 1. 20, 2, 4  
Tabernaculum Iudæorum qualiſc; fabricatum. 10, 1, 2

### *Tem*



# INDEX R E R V M.

*Templum.*  
 Templi immunitas apud Hebræos.  
 6,1,3  
 Templorum asyla, sanctitas. 7,1,8  
 Tempora confugiorum loca. 10,2,5  
 Templorum immunitatis origo tam  
 apud Gentes, quàm Hebræos. 10,  
 1,1  
 Téplū à Semirame Nini Regis Assy-  
 riorū cōiuge Belo focero cōstru-  
 ctum. ibid. 2,3. 26,2, 20  
 Templorum immunitas an iuris di-  
 uini naturalis, siue Gentium. 41,1,1  
*Tertiarij.*  
 Tertiarij, seu Tertiani, ac fratres ter-  
 tij ordinis SS. Dominici & Fran-  
 cisci, an foro gaudeant ecclesiasti-  
 co. 622,1,4  
*Testes.*  
 Testes, an intra membra corporis  
 computanda. 374,1  
*Translatio.*  
 Translatio Episcoporum, vide *Epi-  
 scoporum translatio.*  
*Tribunus.*  
 Tribuni plebis sancti, id est, intacti,  
 atque asyli, 7,1,8  
*Tributum.*  
 Tributorum debitores an asyli iure  
 utebantur apud Gentes. 59,2,11  
 Tributa negans Principi an immu-  
 nitate careat. 475,1,16  
*Truncatio.*  
 Truncatio quid. 373,1,4  
 V  
*Veneti.*

Venetorum apud Imperatorem  
 palatia immunitate prædita.  
 217,1  
*Via.*  
 Viarum grassatores, vide *Grassatores  
 viarum.*  
*Violator Eccl.*  
 Violatores Ecclesiarum generaliter  
 ab immunitate exclusi. 337,2,4  
*Virgo.*  
 Virgo vestalis immunitatis quædam  
 ius habet. 14,2,33  
 Virginum reparatarum domus reli-  
 giofa. 216,1,14  
*Virilia.*  
 Virilia, corporis membra. 375,1,14  
*Vnio.*  
 Vnio Ecclesiæ catholicæ & Apostoli-  
 cæ quid. 696, 1 ad quæ pertineat. i-  
 bid. 3 quibus modis tolli possit. ibid.  
*Vniuersitas.*  
 Vniuersitas quomodo cōcedere pos-  
 sit immunitatem. 168,1,16  
*Vsura.*  
 Usurarum causa ad quem pertineat.  
 603,2,4  
*Vultus.*  
 Vultus hominum in imagine expref-  
 si confugij loco apud Gentiles.  
 10,1,3  
*Uxor.*  
 Uxores clericorum an forum sortiā-  
 tur clericorum. 628,2,3  
 X  
*Xenodochium.*  
 Xenodochia, vide *Hospitalia.*  
 VVVV 3

I N D I C I S F I N I S.

## Erratorum quorundam Indiculus.

Pag. col. lin.		Pag. col. lin.			
12.	2.	12. <i>perditos</i> , leg. <i>præditos</i> .	237.	1.	40. <i>probabilem</i> , probabile.
15.	1.	vlt. <i>adolebunt</i> , <i>adolebant</i> .	259.	1.	20. <i>ſt</i> , ſi.
43.	2.	23. <i>conſervationem</i> , <i>conſervationem</i> .	397.	1.	25. <i>cim</i> , vim.
48.	1.	26. <i>imputandam</i> , <i>impe- trandam</i> .	411.	1.	37. <i>ſit</i> , ſit.
61.	1.	31. <i>ſacrifica</i> , ſacrificia.	419.	1.	2. <i>occideretur</i> , <i>occiderem- tur</i> .
120.	1.	14. <i>ſingulis</i> , ſinguli.	444.	2.	23. <i>qui</i> , quia.
147.	1.	43. <i>tum</i> , tamen.	448.	1.	39. <i>iudicium</i> , indicium.
152.	1.	8. <i>ſum</i> , ſcitu.	476.	2.	9. <i>nono</i> , nono.
156.	2.	1. <i>poſtea</i> , poteſtatis.	326.	1.	45. <i>exemptum</i> , <i>exemptam</i> .
158.	1.	34. <i>adde</i> , contra.	545.	2.	18. <i>domum</i> , <i>damnum</i> .
220.	2.	12. <i>poſt</i> , poteſt.	588.	1.	39. <i>hæſiſ</i> , hæreſi.
			622.	2.	9. <i>ordines</i> , ordinis.

*Sæpius unius literæ, vel etiam ſyllabæ vitium deprehendes, quod  
longum eſſet hic annotare. id, vel ſi quid maius,  
candori tuo relinquimus.*





